


Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.3.121




Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.3.121



Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CINAOL 2.3.121



2.3.121












XXIV  
WEST







DE TRIPLICI  
HOMINIS OFFICIO,  
ex notione ipsius  
Naturali, Morali, ac  
Theologica;  
Institutiones orthodoxæ,  
contra  
Atheos, Politicos, Sectarios.

AVTHORE  
ODOVARDO WESTONO ANGLO,  
S.T.D. et in collegio Ang  
lorum Duaci Professore.



ANTVERPIÆ  
*Apud Joannem Kerbergium*  
Anno  
M.DC.II.








# ORNATISSIMIS

AC HONORATISSIMIS VIRIS

ACADEMICIS OXONIENSIBVS

ET CANTABRIGIENSIBVS,

*Odonardus VVestonius virtutem, erudi-  
tionis incrementum, ac veram fe-  
licitatem precatur.*



A M E T S I (viri ex cultissimi) terra mariq; à vo-  
bis disiunctus, & quod maius est, fidei professio-  
ne atq; ipso sacerdotali ordine à vestris partibus  
penitus secretus, vos litteris cōpellare instituā:  
nihil tamē insolentis, importuni, præposteri me  
conari, aut vt dicitur, *terros xēper ēpēxēbai* quispiam  
secum coniectabit: si vel qui sim, aut qualia studia mea esse de-  
beāt, prius pro exploratis habuerit. Sum etenim natione Anglus,  
& ex Anglis parentibus Londini oriundus: cuius puerilis ætatis  
extrema, Oxoniensia excepere gymnasia, & iuuentutem insecu-  
tam aliquot annorum curriculum politiori literatura ac Philoso-  
phiæ elementis informarunt. Durus essem profecto & impius  
prorsus, si tantam erga me patriæ dulcissimæ charitatem, memo-  
riæ excidere paterer. si eius utilitati, vel etiam gloriæ (si qua po-  
tero) incumbere negligerem: desidia siue ingratitude aliqua  
impeditus, vel etiam alijs vitæ occupationibus auocatus, conatu  
meo Rempublicam illam destituerem. Cum enim (vt loquitur  
Cicero) patriæ tanta sit vis, ac tanta natura, vt Ithacam illam in  
asperrimis saxulis tanquam nidulum ædificatam, sapientissimus  
vix immortalitati anteposuerit: mirum non erit, si me teneat pa-

*Cicer. l. l.  
orat. & l.  
2. de legi.*



# EPISTOLA

trix florentissimæ ingens desiderium, in qua Londinū, infantia  
meæ altrix, sese effert pulcherrimum ferme totius orbis empo-  
rium, alteram ostentat Chartaginem, cum externarum appulsu  
navium frequētem, tum classe propria, quasi natio præsidio in-  
signiter communitam: ædificiorum structura, platearū amplitu-  
dine, circuitus magnitudine, Regiæ & Senatoriæ curiæ Majesta-  
te, situs amœnitate adeo illustrem ac cōspicuam ciuitatem se præ-  
beat: uti in tanto splēdore ac loci felicitate natura, ars, & for tuna  
decertasse videantur inter se cum inuidia: quid ornatiꝯ, pictiꝯ,  
aut etiam præstantius illarum aliqua in eo opere excitando An-  
glis conferret. Cuius animum amore non pulsarent pingua illa  
arua & frugifera, aurea plane gleba, gratissimi cæli serenitas, re-  
rum non tam ad necessitatem satietas, quam ad voluptatem ex-  
uberantia, incolarum elegantes, facillimi, ac comptissimi mores,  
ingeniorum vis incredibilis? Hæc sane dum mecum tacitus re-  
puto, exilientem & currētem me reddunt ad omne genus officij  
patriæ amantissimæ ac nobilissimæ exhibendum.

Ouid. lib.  
1. de Pōt.  
eleg. 4.

*Nescio qua natale solum dulcedine cunctos  
Ducit, & immemores non sinit esse sui.*

Quod si Athenas vestras Oxoniū & Cātabrigiā cogitatione in  
animo aliquādo depingā: admirabilis quidā pietatis ardor pectus  
meum ac sensus omnes statim solet exinde incessere, & merito.  
Pulcherrima quādoquidē illa Musarū palatia, Regio sane sumptu  
magnifice cōstructa & exornata: (cuiusmodi nec Europa reliqua  
bonis litteris vnquā consecrauit domicilia) prudentissime cōsti-  
tutæ leges ad Academicorū mores recte instituendos, ac eorun-  
dem in re litteraria conatus promouendos aptissime excogitatæ  
methodi, idonea deniq; ad victū requisitorum suppeditatio: sicut  
maiorū nostrorū summā sapientiā, & augustā plane munificen-  
tiā testātur & loquūtur: ita quoq; eorū animos mirifice afficiunt,  
qui collegiorū hæc decora & ornamenta vestra norunt, imo qui  
vel fama tenuis de illis aliquid perceperunt. Multo autem acrius  
eos commouent studio cultus istius ex officio quidem debiti, ad  
quos



# DEDICATORIA.

quos tanta beneficia iure quodā hereditario spectare cēseantur:  
ē quorū numero me vnum esse profiteor. Sat scio, quod si fun-  
datorū (quorū animas cælum beatas suscepit) sententiā exquire-  
rentur, aut sanctiones Academicæ in archiuis vestris seruata ex-  
cuterentur, nihil illorū me spatijs illis exacturū, quod Romanus.  
vel quod Romæ sacris essem initiatus: aliquādo etenim ædes illæ  
vestræ, non nisi huiusmodi inquilinos exceperunt & hospites.  
Catholico nomine imbutus pater meus Guilielmus Westonus in  
Collegio Lincolnienſi Oxonij iuuenis litteris operam nauauit  
primum, mox Londini inter regni nobiles in æde Lincolnienſi  
Angliæ legibus addiscēdis incubuit. Eiusdem quoq; Oxoniensis  
Collegij Hugo Westonus Rector ac moderator extitit aliquādo  
prudētissimus, S. Theol. Doct. percelebris, Decanus Westmona-  
steriensis, & sectarijs Philippi ac Mariæ Regum temporibus in-  
festus admodū, & hostis eorum iuratus: Patruus meus magnus,  
nostræq; Prosapiæ lumē haud mediocre. Catholicus sum, nō ab-  
nuo: hāc etenim fidem simul cum matris lacte infuxi: eandē auus  
meus Ioannes Storæus, in procerum comitijs proloquutor, ac in  
hæreticam prauitatem vnus ex primarijs inquisitoribus, legumq;  
Doctor, martyrio, & pater perdecē ferme annos incarceratione  
strictissima, demū bonorū dispēdio feliciter consignarunt: quam  
ego nunc calamo (vbi potero) illustrare, adstruere, ac nobilitare  
aggrediar. Sacerdos sum etiam, idq; Romæ in sacerdotū collegiū  
coaptatus. Quod quidem nomen non ad ruborem, sed ad gloriā  
potius mihi cōtigisse animaduerto: quippe in quo vitæ castimo-  
nia, rerum diuinarum notitia, mysteriorum dispensatio, & quod  
in humanis summum est & palmare elucent ac resplendent. Non  
tamē quod Romanus aut sacerdos sim, vester esse iam desij Aca-  
demicum. Nam qui vos primitus ab ignoratione Dei, ac idoloma-  
nia tetra ad Christi fidem, à vita efferata, ad cultissimam morum  
disciplinam, ab extrema rerum inscitia, ad exquisitam scientiam  
traduxerunt: ij sacerdotes atq; Romani fuere. Quo quidem tem-  
pore Lutheranismi aut Calvinismi zizania nedum satanas spar-

*Sander.  
lib. 7. vif.  
monarch.  
Genes li.  
4. crono.  
Sur. lib.  
comp.*



# EPISTOLA

ferat, neq; hucusq; Lutheri aut Caluini immanes sectæ in aliquâ exteram nationem Christi nomen simili gloria inuexerunt, & quidem magistri ac Apostoli vestri tales olim extitere, adeo vt nihil tam vestrum sit quam sacerdos & Romanus: quemadmodum Romæ innatum & infixum pœnitius videtis, in nostram Angliâ semper se beneficâ præbere, liberalem, ac omnino salutarem.

Cum itaq; ad munus meum spectare intellexerim vestris commodis sedulo inuigilare, (viri Academici) & ad splendores illorum, qui antiquitus scholas vestras ac rostra triuerunt, constantes radios aut saltem pereuntes scintillas conferre: quoquo uersus animo circumspexi meo, ac libratiss concilijs sæpius mecû inquisiui, quonam scholastico demum labore, aut argumenti genere, aptius & melius potuerim nominibus vestris gratificari, ac de vobis (quod vehemēter cuperem) bene mereri. Vtinam autem vllis meis sudoribus, vel etiam sāguine ipso, salus, honor, ac emolumenta vobis tandem aliqua cōstarent. Scio equidem beneuolentiæ progressiones nō nudis verbis definiendas, sed rebus ipsis

*Isocrates  
Nicod.*

debere esse expressas atq; illustres. Nam Isocratē amico dixisse reperi: τὴν εὐνοίαν τὴν πρὸς ὑμᾶς, ἐν τοῖς ἔργοις ἐνδείχυσθε, μᾶλλον ἢ τοῖς λόγοις nihil secius quod mihi exuli, ac cæteris fermē denudato, cum animo ad omne obsequium parato (ξενίων autem θύμος ἄριστος) mentis notiones ac styli descriptiones solæ suppeterint: (quas etiam ad rem vestram magis facere intellexi, quàm aliud quoduis, licet

*Plin. lib. 9  
hist. nat.  
cap. 35.*

amplum & profusum beneficij donatium: si vel Cleopatraz vniones à me in sumptus impenderentur) nihil prius aut antiquius in votis habui, quàm opus aliquod litterarium vestrarum Achademiarum authoritati inscribere: vnde cum studiorū meorum ac peregrinationis vobis rationes apparerent: tum utilitas aliqua vestra ac delectatio simul emanarent.

Quinquennium itaq; Ioannis Calii (viri inter vos nominatissimi) disciplina traditus, Oxonijs in artiū studio cum posuissem: flagrāte odio sectariorum eo loci rerum summam obtinentium in auitam & orthodoxam fidem: vti hanc pretiosissimam felicitatis



## DEDICATORIA.

citatis meæ tesserā, quam ab infantia (mihi Numine propicio existente) castissime seruaram, deinceps saluam & illibatam in reliqua vita custodirem: nouemdecim annorū iuuenis solum vertere coactus, ad Rhemenſe Anglorum exulum Collegium, atq; eiektorū lictus gratiſſimum in Gallia conceſſi: ibi paucis menſibus ſubiſtēs, Italiam mox petij, & vaſtiſſimis itineribus emenſis, Romam virtutis magiſtram, religionis aſylum, eruditionis Parnaſſum, orbis caput, felicibus tādē auſpicijs appuli. Quam quidem urbem (Anglicani ſeminarij Pontificia in noſtrates charitate in ea erecti alumni) ſpatio ferme ſeptem annorum parentem habens, tanto quoq; tempore in florentiſſimis illis ſcholis collegij Romani (quas ex omnibus orbis partibus Romam confluentibus aperiunt religioſi patres Societatis nominis I E S V, illaſq; ſuorum cultiſſimis ac lectiſſimis ingenijs excolunt & exornant) Philoſophicis ac Theologicis cōtento, & acri quodam ſtudio operam nauaui. Abſolutis demum ac decuiſis illorū ſtudioꝝ ſpatijs, in Italica ciuitate Montis Regalis, vt verbis vtar Honorarij mei diplomatis *more illuſtrium*, Theologiæ laurea donatus, Rhemos reuertor: paulo poſt Duacum proſeclor. Quibus in ſedibus noſtri tranſitus, expleui iam in profeſſione Theologica annos nouem, & eo amplius quod excurrit. Habetis iſtis (viri ornatīſſimi) cum exilij mei limitibus, conatuū quoq; meoꝝ circuitum, diſtinctiones, moras, periodum, omnia deniq; mea fidelīſſimē conteſtata.

Locorum autem hi diſiunctiſſimi tractus, temporū interca pedines, ac moræ diuturniores, imo neq; ſtudioꝝ meoꝝ rationes, quæ molitionibus veſtris diſſimiles ac planè aduerſæ exſtitēte, efficere potuerunt vti natiuum erga vos amorem alicuius iniuriæ cogitatione reprimerem, aut memoriā veſtri ſemper vigētem ac virentem obliuione vlla inſuſcarem. Quinimo in medijs ac difficillimis negotijs, in ipſo æſtu iratæ fortunæ, cum animo ſæpius reputaui meo, de modo aliquo conferendi muneris à me incundo, qui cum deſiderio meo, tum etiam veſtro cōmodo  
plenius



# E P I T O L A

plenius satisfaceret. Digressus tamen cōsilio, quatuor istis postremis annis, subcisiuas horas furtim arripiens (quotidianæ namq; in Theologia, præsertim scholastica prælectiones, quibus seuerè ac rigide districtus fui, otium huic operi liberalius non concesserunt) paucis elucubrationibus de triplici hominis officio institutiones orthodoxas descripsi, illasq; nunc ad exitū deductas, vobis Academicis dico, ac vestris longè accuratissimis iudicijs lubentissimè exhibeo: eo beneuolentiorē à vobis censuram expectans, quod non appetitus famæ, vel lucri alicuius auida expectatio, sed vestri sincerum studium, atq; amor integerrimus easdem expresse-rint, ac in lucem extulerint.

Vnum tamen est quod dissidium facit ac diuortium, accessu & additu ad fauorem vestrum me prohibet, illudq; grauissimū esse haud diffitebor: fides nimirū, quæ nos latissime discriminat. Hæc sanè si vera fuerit, *πρῶτη & ἀπόλυτα* est humanæ vitæ, Cynosura, ac eius fidissima ductrix ad beatitudinem: sin falsa & fucata, vehemens quidam flatus ad Syrtes, ad scopulos, ad naufragiū, ad Stygen, ad infernum. Ignoscite mihi (ornatissimi viri) si hac in re culpam vobis adscribam: ad hoc etenim me cogit amor, cui etiam in errorem impingenti venia concedenda. Quod namq; elegantia, ac veluti coloris in vobis cura me tangat, tersum hoc speculum, ac crySTALLINUM planè vestris obijciendum oculis nunc curau, in quo fædas illas maculas gloriæ vestræ à Luthero ac Caluino illatas despiceretis: quas si aliquando inspectas habueritis, (ab ingenio vos ita cultus, atq; nitoris studiosos intelligo) quantocius eluetis, florentem illam speciem, formā natiuam, atq; verè Anglicanam pristino suo decori restituetis. Ne autem sententia mea atq; iudicio, de hac nominibus vestris externorum quorundam maleuolentia adiecta labe falsus esse videar; recolite mecum obsecro eorum memoriam, qui munificentia suā hæc Academia- rum præsidia vobis primū decreuerunt, qui vos in hac luce scientiarum, ac quiete literaria suis ipsorum curis ac impensis collocarunt. An non gratissima & planè aurea tantorū beneficiorum  
reco-



## D E D I C A T O R I A.

recordatio sensus vestros placidè subibit? Imo scio ingenitâ vobis animorû nobilitatem, repetitionem hanc effecturam iucundissimam, ac lōgè suauissimâ. Arcessam itaq; ab initijs succinctè Oxoniensis imprimis Academiæ progressus.

Pompa hæc vniuersa Collegiorum spectabilis, ac fama celebris, omnium consensu in Alfredum seu Aluredum Regem primum authorem recurrit. Hic etenim Grammaticis, Philosophis, ac Theologis seorsim propria ac peculiaris gymnasia constituit, in quibus ad Sacerdotium promouendi (vti sacrû munus melius obirent) literis prius rite instituerentur. Egregius princeps (haud leuiter etiam ipsemet literis tinctus) pati non potuit, vti temerario ausu rerum diuinarum ignoratio, quæ & mores quoq; effundere solet laxiores, irrumperet in sacrarium: proinde assumendos in ordinem sacerdotalem literatura eaq; solida atq; expressa imbui prius rex providè sategit. At quam Alfredus iste fidem excoluit, à Deo excitatus in ornamentum patriæ nostræ, atq; Sacerdotum gloriam? absq; dubio Romanam. Hic etenim vsq; adeò addictus fuit D. Gregorio magno, (è cuius summa Pontificia auctoritate, ac eius inmensa planè in Anglos charitate, nō diu ante nostræ insulæ ad Christû adiunctio profluxerat) vti tamen imperij grauissimis præpeditis occupationibus, illius Pastorale & Dialogos in sermonem vernaculû, quo suis vsu esset familiariora, verterit, & authographon ipsum hodie extare apud vos intellexi. En principem vestrum sacerdotû emolumentis strenue incumbentem, Romani Pontificis dictis atq; sententijs illis sedulo inhaerentem, quæ maximam partem inter nos ac sectarios controuersarum modo quæstionum dilucide definiunt, ac nobis in hac concertatione veriora adiudicant. Ne somniauit quidem præclarus iste literarum Mecænas de institutione ministrorum, aut de illius popularis mēse Cærialibus sacris. Nulla rotundi pilei aut hirsutæ barbæ forma oculis eius obuersabatur. Nihil sane cogitauit de plebæ istorum vita, derebus vxorijs, quibus Humphredus, Ielderus, Colus, Culpaperus, Mathæus, Iemseius, Hollandus

*Polid.  
virg. hist.  
Angl. l. 5.  
Cambd.  
Oxon.*

*Polid.  
virg. sup.  
Bonauē.  
Vulcā. in  
Paul. Di-  
ac. Bib.  
Cāt. Pub.  
volum.  
255. Bib.  
Coll. Be-  
nedict.  
Canrab.  
vol. 270.*



# EPISTOLA

landus (proh nefas) castissima illa Musarum adita profanarunt.

Adeo magnificum impendium superfluum omnino fuisset dispendium : profusio illa sumptus incassum & inane delata, si tallium vsibus ac veneri pulcherrima & florētissima illa gymnasia donata extitissent. Richardū quoq; Angliæ Regem, Henrici secundi filium, agnoscitis in vos patronum liberalem. Hic autem à

*Camdē.  
sup.*

*Nubrigē.  
lib. 4.  
cap. 1.*

Balduino Antistite Cantuariensi more sacro ac religioso principum rite inauguratus, fidei Romanæ propagandæ studio ita exarsit, uti crucis formam (qua Hierosolymitani milites se confignant) purpuræ suæ inferens, lōgissimam in Siriam profectionem ad expugnādos inibi Saracenos suscepit, ac felicissime tandem perfecit. Confluxerunt statim ad amplificanda spatia vestra Episcopi quidam nostri, non comitiorum mandato civili constituti, sed iure plane pōtifício sacrati. Gualterus Merton Rosenfis, Gualterus Stapletonus Exoniensis, Simon Issep Cantuariensis, Guilielmus Wichamus Wintoniensis, Richardus Augeruille Dunelmensis, Richardus Flemming Lincolnensis, Henricus Chicheleius Cantuariensis, Guilielmus Wanfletus Wintoniensis, Guilielmus Smith Lincolnensis, Richardus Fox Wintoniensis, Thomas Wolsæus S.R.E. Cardinalis. Eiusdem quoq; professionis assertores acerrimi extitēre, qui Academiam Cātabrigiensem condiderunt. Cantabrus Hispaniæ Rex, tunc temporis in

*Midden-  
dorp. li. 3.*

*Academ.*

*Camden  
Iceni.*

Anglia exulans, Sebertus Orientalium Anglorum Rex, Hugo Balsam Episcopus Eliensis, Margarita Rithmundia Regis Henrici septimi mater, & alij quamplurimi, quorum catalogū nuper cōtexuit Camdenus. Et quidē hos omnes cura sollicitos habuit, uti ipsorum sumptibus, moribus candidi, fide autem Romani essetis. At crimen fortassis parentibus vestris, idq; superstitionis aut infidelitatis affingeris. Ingratitudinem video, at iudiciū Academi exactius in vobis requiro. Male sane res illis successisset, si operum stipendiū infamiam hāc expectassent, neq; à Deo quidpiam prāmij interim recepissent: Corrīgendum absq; dubio iudiciū hoc teterrimo errore deprauatum. Quæ enim obsecro

con-



DEDICATORIA.

coniectura aut suspitio vobis esse poterint, quibus arbitraremini  
 sacrorū intelligentiam heroicis illos præsules effugisse? An non  
 literis excultissimi, an nō summis præditi ingenijs, qui tam pro-  
 uide & sapienter (vti ipsi agnoscitis) leges Academicas vobis tu-  
 lerunt, an non vitæ integritate puri & conspicui? Simpliciori-  
 bus sane imponitis ac rudibus, dum illos superstitionis insimula-  
 tis, fabella est hæc ministrica, mulierculis suis vix probabilis, aut  
 mente captis homuncionibus consona. A temporibus enim Bu-  
 cceri & Petri martyris apostatarum, qui academias vestras fardo  
 dogmate & constuprato iudicio funestarunt, ne vnum quidem  
 hætenus extulistis, qui cum illorum infimo, quantū ad doctri-  
 nam aut actionum claritudinem, conferri queat. Segnities modo  
 ab illis intentas contentiones litterarias discussit, luxus ab illis  
 decretam parsimoniā abdicauit, dissolutio ab illis strictos ac con-  
 tinentes designatos mores dissipauit, spectatam ab illis Theolo-  
 giæ ac Philosophiæ exquisitā scientiam extrema inscitia profligauit:  
 nihilominus de illis, de vestris inquam parentibus, de pa-  
 triæ nostræ ornamentis iniquissimam ferre sententiam non eru-  
 bescentis! Splendores nunc vestrarum Athenarum cōtemplemur,  
 quibus conspicue inclaruerunt, quando Romano Pontifici sese  
 Academici dimiserūt, atq; illius sacrosæcto imperio legitime ob-  
 temperarūt: indeq; videbimus, quibusnam instituendis voluerit  
 Deus illustria illa collegiorum domicilia à fundamentis excitari.

Ea aliquādo doctrinæ opinio atq; gloria apud nos illuxerunt,  
 vti non priuatis solum regni nostri commodis abunde inde satis-  
 factum fuerit, verum & aliæ quamplurimæ nationes vberime  
 eruditionis suæ hauriēt incrementa. Alcuinus Doctor cum primis  
 Catholicus & orthodoxus, à Rege Merciorū Anglo transmissus  
 in Galliam cōsiliandæ amicitiae causa cum Carolo Magno Gal-  
 lorum Rege, ob famam doctrinæ benigne & honorifice exceptus,  
 transactisq; negotijs Academiæ Parisiensi ex optato eiusdem  
 Caroli præficitur, quam sane minime postea illustrauit, & eius  
 parens omnino extitit. Vnde Eustachius Prutenus:

*Polid.  
 virg. lib. 5  
 hystor.  
 Card. Sa-  
 barel. Pe-  
 rrus An-  
 choram.  
 in Clem.  
 i. de ma-  
 gistr.*



# EPISTOLA

*Ecce senex quidam, varijs agitatus ab Austris,  
Attulit optatos in loca galla pedes.  
Nomen adhuc memini, quamvis cariosa vetustas:  
Alcuinus meritum posteritatis habet.*

Deinceps Alexander Halensis vir absq; dubio doctissimus ijs-  
dem Parisiēsis, optimæ methodi ratione vsus, Theologica ner-  
uose tradidit. Discipulum iste habuit magnum illum Bonauen-  
turam, qui Italiam postmodū nobilissimis suis scriptis exorna-  
uit. Quocirca Angliæ quoq; aliquid exinde debebit florentissi-  
ma illa Italia: prius etiam ex alumnis venerabilis Bedæ, quidam  
Midden- Papiam transmissus, Italis bonarum literarum scholas ibidem a-  
dorp. li. 3. peruerat. Demū Ioannes Scotus, quem Oxonij Martinionense  
Academ. collegium aluit, vir quidem celeberrimus, & ingenij sui mo-  
numentis non nisi acutis conspicuus, Academiam Parisiensem  
Ram. prælectionibus suis plurimum nobilitauit: adeo vt Coloniam  
schol. Anglicanā dicere possimus doctissimas illas Parisiensium scho-  
Phys. las. Exorta postmodum nefaria hæresi Wicleffi, dictu incredi-  
pref. li. 8. bile est, quot & quanta ingenia cum Oxonij, tum etiam Canta-  
brigia floruerunt: Argumentum iusto volumini eorum ope-  
rum memoria ac repetitio sola suppeditaui. Thomas sane  
Waldensis, utriq; Bachonij, Occhamus, Mediauilla, Lincolni-  
ensis, Godamus, Burlæus, & innumeri alij, in scholastica litera-  
tura (si vim intelligentiæ atq; subtilis inquisitionis aciem spe-  
ctemus) superiores non habuerunt. Omitto quamplurimos a-  
lios, qui exactissimis suis cōmentarijs scripturas explanarunt,  
Sext. sen. quorum nomina aliqua recenset Sixtus Senensis, & suæ Biblio-  
l. 4. Bibl. thecæ inseruit. Illorum autem & aliorum multorum scripta in  
Isingren. Bibliothecam Oxoniensem, veluti in communem thesaurum  
Catalog. congesta, inuidiosa, rudis, ac barbara hæresis nupero incendio,  
Thom. & post illud Diocletiani, grauissimo deuastauit. Qui autem his  
Iam. Bib. nostris exulceratis temporibus magistelli in illorum sedes in-  
Oxon. & uaserunt, quales se probauere demum, quibus monumentis ex-  
Cantab. teris



## DEDICATORIA.

teris nationibus testatam reliquere in rebus literarijs notitiam  
 suam, qua fama eorum nomina, qui nunc superstites sunt, in or-  
 bis varijs partibus increbescunt? Superbia omnia dedecoro-  
 sa ignorantia pessundedit: elingues hæc Academias illas effe-  
 cit, aliquando sonoras & vocales, moribus fluxas præbuit, seu-  
 riori aliquando disciplina excultissimas, inciticia obrutas, quasi  
 sepulchri molem, aut deflagratæ Troiæ cineres ostendit, omni  
 scientiarum genere aliquando florentissimas. Furor Arabicus  
 Græciam, hæresis autem Angliam excidit, corrumpit, funesta-  
 uit. Si quis ex orthodoxis Philosophici aut Theologici, vel re-  
 conditi aliquid inter eos modo protulerit, animis suspensi, ve-  
 luti præstigias id omne demirantur: nihil quidem eius mente  
 percipiunt, & eo nomine fastidiunt, quod illis ingenium desit  
 ad intelligendū. Qui luculentius Bartholomæo à Medina, Do-  
 minico Bānes, Cardinale Bellarmino, Gregorio à Valentia, Lu-  
 douico Molina, Francisco Suarez, Gabriele Vasquez, Theolo-  
 gica vnquam pertractarunt? sectarijs tamen Anglicanis, hi non  
 Romani, sed Arabes plane esse videntur: proinde falsam sen-  
 tentiam illis semper imponunt, dum in eos frigide & redicu-  
 le more suo inuehuntur. Illorum autem scriptiunculæ, quæ pau-  
 cæ admodum sunt, & perquam raræ, (ex diuino beneficio vt ag-  
 nosco) nobis orthodoxis Anglis ruborem plane adferunt: atq;  
 vehementer dolemus, quod communis nostra patria ita illis  
 scholas obtinētibus iam defloruerit, necnō discruciamur acerbè,  
 dum videmus eiusmodi leuissima ex illis gymnagijs olim celeberrimis  
 scripta temere & inconsiderate erumpere. De fidei altis-  
 simis mysterijs, vtpote de Augustissima Trinitate, de Christi  
 Domini incarnatione, nullus illorum adhuc enucleate disse-  
 ruit, in scripturas commentaria nulla ediderunt, quæ orbi inno-  
 tuerint, imo neq; politiorē literaturam egregio aliquo ope-  
 re iam à multis annis seu potius sæculis ostentarunt. Quid luel-  
 lus? an non infinitis mendacijs prodigiose onustus asellus?  
 Quid Foxius? impudentissimus sanè blatero, qui cuiusdam



# EPISTOLA

immanis libri mole, massam quandam & congeriem omnis generis Hæreticorum ex varijs incendijs in campo fabrorum Londini emmersam celebrauit, ac poëmatibus festiuam reddidit ciuibus suis. Quid Laurentius Humfredus? bis puer & delirus senex, qui ita studiorum suorum tempora partiuit, vti antemeridianis horis dictionario, pomeridianis vero cātharo incubuerit: atq; ita armatus Bacchicus in nos orthodoxos lepide insilire voluit, sed ineptissime. Quid Witacherus? illo audacius nihil, aut in rebus Theologicis indoctius, tenebris & obliuione sepultus homulus.

Ineptus  
iste finxit  
Romanos  
nomine  
D. Georgij  
colere  
Georgiū  
qui inua-  
serat A-  
lexādria  
in sedem  
Athanasij  
lib. 1. de  
idol. ca. 5.  
para. 21.

Quid demum Ioannes Rainoldus, qui corporis morbum & pedagram tam serio ingenij obtendit tarditatu; qui post inanes voces in schola Oxoniensi effusas, furore quodā percitus in idolatriā nuper seuissime visus est incurrere, & Georgij Cappadocis equum, sessore intacto, stimulis dirisime exagitare? Audiui opus illud infelicitè coalitum, cum propter styli horrorem, tum etiam falsitatem, leuitatem, sententiæ absurditatem, & in citandis orthodoxorum testimonijs malam indoctamq; fidem, ipsismet sectarijs vehementer displicuisse, atq; authori ipsi dedecus attulisse. Facile credo: nam hic apud nos risum mouet indoctus ille atq; incōditus, nisi quod ludicris suis recreationes nostras cōdat. Misero satī audaci ala in illustrissimi Bellarmini Phæbeos inuolare splēdore? Cicada cum sit in minutulo ac detōso gramine saltitans ac garriens; præfracto orationis ab vno argumento in aliud cursu ridicule se intorquere? Nec est sane quod quis me in illum plus nimio exasperatum iudicet, ideoq; affectui indulgentem, iustæ reprehensionis modū scripti acrimonia excessisse: Enimvero hominem quod sciam nunquam oculis cōspexi, neq; me vlla ab ipso punctum iniuria fateor, præterquam quod pessimo suo dogmate: quid dicam suo, cum ad id ipsi nec satis adsit ingenij? sed Caluiniano, Romanam fidem sategit funestare, & communem orthodoxorum causam labefactare. Iudicium quod profero sincerum est, verum est. Libellum eius perlegi; tametsi propter indigestam molem & farraginem, ac subinde frequentes ad alia



## DEDICATORIA.

ad alia atq; alia digressiones, (quod res est, candide dico) ut satyri saltus observarem, ex fronte nimis acriter contracta, intentoq; metis oculo, haud absq; capitis dolore: in quo in eam debacchatur religionis partem, quam Romani sanctis impendunt. Quid tandem? rabidas fictasq; absq; omni methodo conglomeravit historias, plurima mendaciter retulit, multa impie disseruit: ad veram ac solidam Theologiam nihil, aut ex ingeniorum arcanis quicquam effutiendo induxit. Excultissimi autem, iuxta ac purpuratissimi illius Cardinalis, etiam uti modo colendissimi Domini, ita olim præceptoris mei celeberrimi præfatio, à Rainoldo recensita, quam aureis nitidissimisq; verbis succincta vndiq; & insignita, quam graui sententiarum pondere librata, quam ad plenam intelligentiam explicata! Vere sane Romanus orbem docuit cum Romane loqui, tum Romane, hoc est robuste ac viriliter, disputare. Quæ autem sub nomine Rainoldi in paginas inferuntur, quam intorta, quam fracta, quam aspera ad sentum, quam implexa ad verum, quam prodigiose falsa! Verba eius, haud verba, sed aurium verbera, dictione Sarmata, studio vanissimus, secta phanaticus. Si mihi à grauioribus tempus aliquod vacaret, leuissimo negotio puritanulū illum in iocos & sales contererem. Reliquos uti Bilsonum Hamnerum pertranseo, quasi obscuros, ac vernaculi sermonis strepitu rusticis & quæstuarijs, solum notos. Nolite obsecro Academici sustinere diutius hanc spatijs vestris illatam infamiam, dispellite Cimeræas hæc tenebras, abigite truncos illos, qui sine argumento eruditionis, laciniosa vestis sola pompa inflati, Phariseorum instar, rostra illa doctis constituta fastuose scandunt, diutius non sinite (quod cum aliæ Christianæ orbis partes in luce Philosophiæ & Theologiæ versantur, ac in eis suam vnusquisq; egregio aliquo opere patriam certatim condecorare conetur, vos ita in extrema ignorance contubescere, neq; interim Anglum domi suæ aliquid Anglia dignum in publicum emittere. Hostes illos habetote, qui orthodoxorum libros arcent à conspectu vestro, qui eos flammis absumunt, quos ingenio



## E P I S T O L A

ingenio nequeunt superare: qui toties à nobis expetitam pugnam trepide defugiunt, veriti ne legitima concertatione res ipsorum perditæ, proditæ quoq; tandem euaderent.

Quod etiam Romanæ fidei aliquando ab Anglis susceptæ veritatem grauiſſima ratione adſtruere videatur, deducitur ab imperij magnitudine, peritia ac fortitudine noſtratiū in rebus militaribus, quibus aliquando orbi inclaruerunt. Hæc etenim religio illibata, non ficta aliqua ſuperſtitio, procul dubio in inſulam noſtram primum induxit. Notiſſimum autem eſt Richardū Angliæ Regem Cyprum inſulam Catholicorū armis cepiſſe, Meſſanamq; in Sicilia expugnāſſe. Hic idem Richardus copijs ſuis Syriam peruadens, Austriæ Ducem ſecum habens ſtipendiarium, Saladinum illum Chriſtiani nominis terribilē hoſtem ſæpius in acie fugauit, à Turcis captas ac direptas quamplurimas ciuitates Chriſtianis reſtituit. Ad hæc autē egregia opera exantlanda excitabatur pius Rex precibus Clementis Romani Pontificis, qui per litteras deploratum Aſiæ ſtatum illi ſæpius ſignificarat. Atq; vt de inuictis Anglorum animis in conflictu contra immanes ac barbaras nationes, vigente penes nos Romana fide, vel ab externis teſtimonium petamus: fatetur Theuetus ſe ex hitorijs nunquam deprehendiſſe gentem Anglo Marte ferociorem, obſtinatius pugnantem, aut felicius vincentem. Vicinam nobis Galliam noſtri aliquando occuparunt, & præclariffimum illud regnum annuo tributo diu veſtigale obſtrictū habuerunt. Quibus prælij euentus adeo feliciter ceſſit, vti ſemper firma expectatione victoriæ (quam in oculis perpetuo habere pugnantes videbantur) excitati eorum animi, in Gallos intrepide & expedite bellum ſuſciperent. *Anglis omnibus (inquit Philippus Comineus) eſt quadam animi incitatio, & alacritas naturaliter innata, bellū in Galliam inferendi.* Niſi quod Gallis ſupra modum vaſtricie compositis, vel nobis facilioribus ad fidem & ſimplicioribus exiſtētibus, ea colloquijs amiſerimus, quæ ferro acquiſueramus: illi Mercurio, nos Marte ſuperiores, Adiunctis itaq; Gallijs Anglicanum imperium mirifice

Nubrig.  
l. 4. c. 18.

Polid.  
virg. lib.  
14. hiſt.

Coſmog.  
vniuerſel  
le. l. 16.  
cap. 2.

Paul.  
Iou. li. 11.  
Edoar. 3.

Phil. Cō.  
li. 8. com.  
ment.

Phil. Cō.  
li. 4. com.  
ment.

Grafton  
erō Edo-  
ard. 4.



## D E D I C A T O R I A.

fice excreuit. Vnde Geraldus quoq; noster in commentaria refe- Gerald.  
 rens quæ Angliæ pepererat bellica vis Henrici secundi, hæc in- dereb.  
 tulit: *A Pireneis montibus vsq; in occidentos & extremos Boreales* Anglia.  
*Oceani fines, hic Alexander noster Occidentalis brachium extendit.*  
 Proinde Angliæ Regis amicitiam certatim cæteri Europæ prin-  
 cipes ambire cæperunt. *Cæsar Carolus (inquit Sleidanus) anno ata-* Sleid. l. 3.  
*ris vigesimo secundo à Germania domum in Hispaniam rediens, Angliæ* hist. fol.  
*Regem iterum inuist, & ut firmum haberet amicum in Gallia Re-* 89.  
*gem, aureorum millia centum triginta tria promittit ei dare quotannis:*  
*tantundem enim ex pacto Gallia Rex Anglo pædebat, eiusq; sorori Ma-* Philippus  
*ria quotannis. Similia quoq; scripsit Philippus Cominæus. Ludo-* Com.  
*uicus Gallia Rex vndecimus Edouardo quarto pensionem illam quin-* l. 10. com.  
*quaginta millia aureorū ad diem quotannis Londini, & liberaliter per-*  
*solut; & in ipsius familiares distribui iussit sexdecim millia aureorum,*  
*&c. Præter annuas item pensiones dabat inimicis conciliarijs luculentis-*  
*sima dona: & Hauardus accepit ab eo intra biennium præter pensionem,*  
*ad ducenta quadraginta millia aureorum. Et hi quidem omnes accepta*  
*pecunia, Regis quaestoribus dabat Chirographa, quæ in arario poneretur.*  
 Henricus octauus Hiberniæ regno potitus, recepta Bononia in  
 Gallia, Tornacū obsidione in Belgio cinxit ac cepit: qui ut nar-  
 rat Martinus Belloye Maximilianum Imperatorem cum suo ex- Belloye  
 exercitu in illa expeditione stipendio conduxit, illi pensionem in lib. 1. anno  
 diem soluens centum aureorum. Ad hanc autem maiestatem, & 1514.  
 rerum amplitudinem fides Catholica & Romana Anglicanam  
 ditionem euexit: eorumq; temporū hæc felicitas extitit, in qui-  
 bus Anglicani Reges (ut testatur Theuettus) Ecclesiā Romanam Theuett.  
 armis protegere cōsueuerāt. Qualem se aliquādo præbuit Hen- lib. 16.  
 ricus ille auorum suorum vestigijs recta insistens; qui in Italiam Cosmog.  
 ad tutandum Clementem Pontificem Romanum, religioso ex- cap. 5.  
 exercitum transmisit, quiq; singulis mensibus, sex iam exactis, in il- Belloye l.  
 lum finem impendit sexaginta millia aureorum, quos vulgo an- 3. Anno  
 gelos nuncupamus. Quamprimum autem nobis infesta hæresis 1527.  
 in nostram Rempublicam inuasit, protinus truculenta falx nobi- Guicciar  
l. 18. hist.

c

lissimi Italiae



# EPISTOLA

lissimi Imperij partes defectione funesta abscidit, ciuilibus discordijs repletam Angliam perfregit, corruptissimis moribus coinquinatam à stirpe conuulsi: brachium illud fortissimum, quod olim in hostem generoso impetu cuspidem intorsit, eneruauit; feruorem illū Anglicani sanguinis, ad feriendum propemodum ebullientis, restinxit; conferta illa virorum in acie robora deiecit: quot bella à nobis nuper suscepta, tot ferme exceptæ clades. Britanniam, vbi trophæa aliquando erexerant Angli, & impune multoties persultarant, caesa corpora nostrorum non ita pridem cōstrarunt: in Portugalia innumeri, vulnere aut morbo confecti, miseranda strage cōciderunt. Hæresis denique cum summa gentis infamia omnium externorū odium in nostra capita atrociter concitauit, quibus modo ita obscuri & neglecti sumus, ac si nunquam Anglia exactis seculis præclarū aliquod facinus extulisset. Recognoscite (Academici) mecū hæc mala, incusate pariter Caluinum & Lutherum, qui illa vobis inflixere: recipite autem auitam & orthodoxam fidem, quæ vos reuehat ad pristinum decus & antiquam gentis Anglicanæ gloriam.

Grauiissimum quidem patriæ nostræ merito æstimari debet detrimentum, quod sectariana quadam turbulentia à reliquo Christiano orbe eam auulsam, nescio quibus angulis incluserimus. In Gallijs atq; Hispanijs cōmercia à nostratibus ea sane possent commode institui, quæ litteras vberiores & ex cultiores illis refunderent. In Italia autem, quis non animaduertit ex omnium nationum inibi concursu, ac præsertim præstantissimis incolarum ingenijs, nobis plurima addiscendi pulcherrimas occasiones exhiberi? Verum hæresis res ita est in odio omnium, vbiq; tam abiecta & conculcata: vti eius causa, qua laboramus, liberam cum externis hominibus societatem sectarij Angli inire nequeant. Hinc in Italia, cum summo animi mei dolore, ex nostratibus vidi quosdam vespertinas tenebras aut λύχνην luporū more quæritantes, in quibus tutos per ciuitates gressus haberet: alios deprehendi trepidè ac circumspecte in diuerticulis subsistentes, omniaq; pauide

Homer.

1. li. ad 7.

macrob.

1. Sat.

cap. 17.

Pier. l. 11.

heiro.



## D E D I C A T O R I A.

pauidè oculis lustrantes, cum autem nobilium aedes adire deberent, & eorum expetere familiaritatem, officinas petunt conforum, atq; eiufmodi mancipiorum loca, in quibus arbitrantur, de institutione civili præclara quædã dogmata se animis imbibere. Vacui proinde peritia omni, vitijs autem pleni ac referti, patrias sedes requirunt, & Anglicanum candorem externa sua inficiunt turpitudine. Dedecus quidem æternũ iam patriæ nostræ inultũ est, (quod & opprobrij loco nobis passim obijcitur) cum Lutherum & Calvinum, hominum plane sordes, ipsis apertis scripturarum sententijs, sanctorum patrum explicatis dogmatibus, consiliorum inconcussis definitionibus, orbis deniq; consensui iudicijs nostris prætulerimus. Quidnam obsecro in illis sædissimis impostoribus spectabile nostrorum oculorum aciem primũ perstrinxit? Si eruditio spectetur, aut crassa ignorantia, aut fucata verborũ præstigijs loquacitas, cogitationibus nostris occurrent. Si vitæ innocentia quærat, illuies sane lasciviæ & crapulæ oculis obuersabitur. Odium hoc & hæc nostræ patriæ infamiam, Academici, iam tãdem abijcite quæso, aliosq; magistros quærite, qui orbis existũt lumina: in te gratiam cum externis hominibus, qui vos ornamentis suis poliant, perficiant, & exquisitissime venustent.

Quod si ad Caluini ac Lutheri placita, quæ vobis hæresis iam persuasit, cogitationem conferamus: talia videbuntur prorsus, qualia à prudenti aliquo viro, immo nedum ab illo, in quo vel scintilla rationis elucet, suscipi aut admitti debere iudicentur: continent enim in Deum insignem blasphemiam, in Christum apertũ sacrilegium, in hominem atrocem iniuriam. Deum constituunt authorem peccati: in super necessitate quadam dura ipsum pium in omnes numẽ ad infidelitatem, ad reliqua scelera quosdam hominum adigere definiunt, ac eosdem ita malis implicatos (cum nõ possint sese vinculis illis aliquo suo opere vnquam eximere) æternis nihilominus flammarum cruciatibus torquere adstruunt. Christum patri subiiciunt, secundũ eam etiam

c 2

naturam,



## EPISTOLA

naturam, qua diuinus est. Cruore pariter suo negat ipsum vitiorum maculas fidelium animis penitus absterfisse, aut flamma suae charitatis exussisse. Inferni pænis mundi hunc redemptorē acerbissime mulctatum dicunt. Liberum denique, eripientes homini arbitrium, virtuti aut etiam vitio locum non relinquunt, aut humanis actionibus ex ratione efformatis laudem aliquā aut præmium concedunt. Quis arbitraretur cultissima nostratum ingenia hæc opinionum portenta, hæc tam perspicuè absurda plausu voluisse aliquando excipere, & iudicijs suis blasphema deliria approbare? Cum has institutiones nostras orthodoxas perlegeritis (Academici) credo vos hæc & similia istorum dictu horrenda, vti execratione digna habituros.

Verum quod suspicor, & quod sæpius à vobis ipse audiui, mihi Romani Pontificis fastum obijcietis: ac dicetis vos eius obiectu detineri à professione fidei Romanæ & orthodoxæ. Mihi saltem hac in re adhibitote quæso fidem, Academici, dum aperte dicam Romani Pontificis mores ac instituta vos nullo pacto hucusque perspecta habuisse. Quæ pro rostris enim apud vos indies dicuntur (mihi credite) fabulæ sunt, imperitæ plebeculæ muscipulæ, maledicentis linguæ mendacia, nō nisi otiosi ac barbari cuiusdam cerebri dicteria. Quomodo ille elatione aliqua inflatus, qui quotidie ad Iesu genua prouolutus humiles preces fundit, qui profusis vbertim lachrymis orbis ac vestri salutem à Deo enixe præcatur? Utinam in sanctum hunc senem oculos intenderetis, (Academici) qui nunc princeps est sacerdotum, sicut & Petrus Apostolorum: videretis profecto virginea quadam modestia temperatum, charitate in omnes effusum, eloquio blandum, suauem, mitem, & in omni actione vere paternū. Hic in fastigio rerum collocatus nudis pedibus in supplicationibus solemnioribus Romæ solitus est incedere, confluentes religionis ergo ad limina Apostolorum peregrinos ac pauperes mensa sua dignatur excipere conuiuas, imo & orationis hortatione eosdem ad virtutem ac tolerantiam erudire. Putatisne dum altaris mysterijs ope-



DEDICATORIA.

rijs operatur præsul iste supremus, quod memoriam nostræ Angliæ deponat, heu Angliæ ita in ipsum rebellis & ingrata ! Non ita sane, quinimo exploratum habeo, ipsum apud Deum iugi & instanti oratione Anglorum salutem implorare . Neque illi in optatis est (quod suspicamini) vt externorum imperio pareatis, aut vt florentissimum nostrum regnum ad formam prouinciæ alicuius reuocetur; incumbit in hoc tantum pius parens, vt salui sitis , vt Christiani ac orthodoxi cæteris fidelibus societate Catholica vos ipsos adiungere velitis. Nec dubito quin hanc vestrâ felicitatem, quam vobis tantopere exoptat , suæ etiâ vitæ dispendio comparandam (si id fieri posset) promptissime secum statueret. Nihil quidem Romana sede clementius , aut munificentius in Anglos vnquâ apparuit. Fidei Christianæ disciplinis Gregorius Magnus Romanus Antistes Anglos primum informauit : Postea subsequētes Pontifices innumera beneficia in nos contulerunt; Academiam Oxoniensem titulo Vniuersitatis condecorarunt, & linguarum præceptiones, adiunctis stipendijs earum professoribus, in illa spatia intulerunt; demum reges nostros nominibus defensorum fidei illustrarunt: & iam parati sunt obuijs vlnis ad Christi caulas vos reuertentes amplecti, benigna ac paterna affectione tractare: vos deniq; exornare , & quibuscunq; demum modis officium vestrum erga illam sedem promereri.

*Red. lib. 1  
hystor. Anglorum.  
Cambd.  
Oxon.  
Clem. 1.  
de magistris.*

Hæc si in vobis (Academici) correxeritis , atq; ad regulam orthodoxæ fidei emendaueritis , nihil mihi deerit erga vos ad amorem , aut aliquod vobis ipsis ad gloriam . Quod vti facilius præstetis , in gratiam vestri hæc nostras de triplici officio succisivas elucubrationes contexui, atq; amicitia vestræ in reliquo vitæ meæ cursu conatus omnes deuouere mecum proposui. Iniquam autem suspensionem animis admittetis , si me cōmunis patriæ emolumentis ac bonis velle quidpiam detrahare cogitetis. Anglus sum, atq; in amore & pietate hac erga patriam nemini hominum vnquâ cedam . Principis sanguini religionis nomine

## EPISTOLA DEDICATORIA.

insidias struere, aut Anglicanum sceptrum proditoria coniuratione, aulicis fauoribus Apostolici instituti candorem corrumpendo, externis hominibus committere, auerſa ſemper conſilia extitère à ſtudijs meis: præſertim ſacro illo munere ſacerdotis, quo licet indignus fungor. Quinimo nō deſiſtam laboribus meis opis aliquid conferre in ſubſidium aut ornamentū florentiſſimi illius regni ac patriæ, mihi longe chariſſimæ. *Valete, Duaco.*




BENE-





# BENEVOLO LECTORI

Author S. P. D. .



I humanorum studiorum subductis rationibus summam aliquam velimus constitnere: perspicue videbimus molitiones cunctas hominum, quæ recto iudicio consentiunt, in virtutem tandem, veluti in metam aut centrum, vnitim conncidere. Continet hæc quandoquidem plenissime hominis officium, & illud in quo eius perfectio ac decus omne præcipue efflorescunt. Quid Philosophia nisi ut scribit Cicero mortis meditatio? Proinde illis documentis informat animam, quibus instructa, huiusce vitæ fragilitatem rectè percipiat, elationem sui dimittat, & ad Deum, à quo subsidium petatur, abiectis reliquis vitæ occupationibus, religioso quodam cultu confugiat. Theologia autem (vix nemini obscurum esse poterit) honestis virtutum institutis multo acrius ac felicius mentem applicat: quippe quæ insignes Dei perfectionum notas describat, eiusq; erga nos beneficia recolat; proinde pectoribus nostris igniculos hæc & flammæ amoris excutit, & celestiumq; cura cogitationes mortalium penitus distringit. Qui etiam civilibus operam suam impendunt, hi in virtutem quoq; præcipue intendunt: cuius munere ciues boni ac probi ab ipsis constituantur. Ea propter leges iustæ & sacræ nihil aliud sunt, quam præceptiones virtutum, quarum adminiculis Respublica omnes, quæ hætenus ad sublimem gloriæ & amplitudinis peruenere, suæ excitatæ, suffulta, & con-

Cicer.  
quæst.  
tuscul.



## AD LECTOREM.

era omnem aduersam vim confirmata: quibus si fortuna felicior accesserit, nihil plane decriit ad absolutam felicitatem: sin autem voluptas ac morum licentia virtutem aliquando expugnarint, nulla societas hominū illis dedita diu poterit salua subsistere. Virtus etenim sæpius fortunam ad se cogit, vitium autem fortunam, quæ multorum sit, fugat penitus & auersatur. Causas itaq; hasce, ob quas olim Romani imperio claruerunt,

Ammi.  
Marcel.  
cron. li.  
14.

Erasm.  
apoth.  
lib. 1.

ita recenset Amianus Marcellinus: Vt augeretur Roma sublimibus incrementis, frædere pacis æternæ, virtus conuenit atq; fortuna; plerumque dissidentes: quorum si altera defuisset, ad perfectam non venerat summitatem. Quocirca recte sentire visus est de hominis perfectione atq; maiestate Agesilaus, qui hæc vna virtute definiri adseruit & coërceri. Cum enim Asiam incolentes Græci ex more Persico Regem Persarum magnum appellitarent: at me (inquit Agesilaus) maior nequaquam est, nisi iustior ac temperantior fuerit. In hoc itaq; consulto, (vt mihi visum erat) meo studio incubui, vt virtutem stabilirem, & eam hominum animis susceptam semel certis quibusdam documentis confirmare. Quæ autem huic in virtute ac probitate vitæ constâtia infesta & inimica esse vel maximè nostrorum temporum experientia animo meo detexerat, ea ad tria potuisse reuocari existimaui: voluptatem, hæresim, ac sacrorum contemptum. Contra quæ vim omnem intelligentiæ exerui, & pro virtute acerrime (vt potui) depugnaui. Cum autē viderim in istis pertractandis, non tam à me expectari testimoniorum cumulum, quem facile nostræ ætatis homines contemnerent, ac solida & expressa argumenta, petita à rebus ipsis & causis earundem intimis; proinde operam solerter posui, ac animi neruos omnes intendi, vt firma ratione singula adstruerem, libidinemq; , hæresim, & atheismum, quæ coniunctis viribus in officij Christiani integritatem impetum faciunt, ipsa Philosophia, atq; iudicio homini à natura impresso, repellerem ac profligare.

Optarem equidem, vt & alij quoq; in hoc nobili argumenti genere aliquid tādē laboris ponerent: & vt olim Socrates Pythagoricas contemplationes à cælis ad terras commode deduxerit, ita etiam vehemēter cu- perem, vt oblitterata antiquitatis ruderibus excutiendis scriptores nostri tātisper absisterent, atq; ingenia parū ad civilem hanc Philosophiam pertra-



## AD LECTOREM.

pertrahendam multo utilius conferrent. Notitia quidem historia res est  
præclara, ac suo præmio digna: cedit tamen hæc cuilibet scientiæ, quæ in  
rerum naturis exquirendis versatur, si de præstantiæ gradu quæstionem  
ac comparationem institueret velimus. Istis tamen hodie ferme abstine-  
tur, & ad eam partem reustatis explorandæ animi vires à multis trans-  
feruntur, ex cuius intelligentiâ nihil demum magni comparatur, aut ad  
Reipublicæ utilitatē magnopere conducens inuenitur. Passim de vesti-  
tu præcorum disputatur, de illorum supersticiosiis festis, de antiquata &  
merito exacta disciplina militari, ac de urbium magnitudine. Si quid re-  
seres somniant, si quid luserint, si quam speciem ostentarint sui: statim  
id omne re suspiciendum proponitur, & in aduersaria diligentissime re-  
fertur. Hæc quidem ipse non recuperō, alijs tamē studijs uti ludicra post-  
pono. In istis enim scientiæ quadam forma, ingenij vis ac diuicia spectan-  
tur: in illis autem libri carie exæsi nuda auctoritas, autographon, vel ob-  
tritus character numismatis.

Est autem & aliud quoq; vanitatis genus, in quo neoterici meo quidem  
iudicio offendunt grauitè, & alijs erroris atq; lapsus etiam exinde occa-  
siones præbent: styli nimirum forma ab illis usurpata, & curra nimis mi-  
sere affectata in syllabis. Ciceronianum nitorem hi passim aspernantur:  
tanquam milites grauis armatura (ut ipsi dicunt) fragrantès odores aut  
suauolentis olei lenitudinem ex cultu sermonis nihil pensi habet. Cupiunt  
potius loricati, elypeati, ac ferro vndique cincti procedere, horrissono ver-  
borum strepitu aures hominum diuerberare: deniq; de stylo gloriantur  
(ut profitentur ipsi) armato. Si tamē ita instructi pugiles eloquentiâ sibi  
vendicent, aut politissimam literaturam, (pace ipsorum dixerim, halluci-  
nantur, vehementer errant, & illud sibi arripere videntur, quod nemo  
eloquij puritate illustratus, aut vere Romanus, illis ultro sit concessu-  
rus. Eloquentis enim est, plenissimas sententiâs, numeroq; succinctas, quæ  
grate ac leniter ad audientium aures accidunt, profundere, lectissimis  
verbis orationis seriem venustare, non abhorere à communi loquendi mo-  
do Romanis familiari, aspera, hiulca, vasta, ac stridentia verba deuigare,  
auro fulgere deniq; ac gemma, nitentia spicula & cristallina iacere: hæc  
sanè Caducei Mercuriani sunt emblemata. Isti autem sua omnia dilum-  
bant,



## EPISTOLA DEDICATORIA.

bant, saxo incuruo, nodosa fuste non hasta amentata pugnāt. Nihil effundunt vberius: sed potius comicum in re seria intempestiue agunt perpetuo: non quidem cursus perennis orationis apud illos, sed saltatio quaedam satyrica: si quod verbum alio horribilius, si quis concursus syllabarum tratus magis, & fremitu quodam truculentior, istis in delicijs existunt, & elaborata suae elegantiae insignia. Verum & in ipsa orthographia ludunt; antiquas idcirco verborum compositiones describunt curiose: non aliunde quam quod antiquae sint, & (vt ipsi suspicantur) nativae & primigeniae. Cum autem modo vsus, & suauitati dicendi assuetae cultissimorum aures, illas faciliores ac mitiores reddiderint: literarumq; stridorem mutatione aliqua in gratiam urbanitatis expulerint, ne periret vetusta illa durities, atq; vt ipsi soli sapere inter mortales videantur, ac latebras omnes antiquitatis excussisse, inconditam hanc asperitatem Romanae lenitati praeulerunt. At armati sunt, esto, vtuntur tamen armatura ferrea plane, eaq; horrida, & arugine infecta. Quocirca dum ita armati sese mouent, concussione siue attritu laterum & brachiorum sonum non edunt animis aut auribus gratum, sed illud potius, qui dentibus stuporem inuiciat. Non pugiles Romani profecto, sed conductitij Sarmatici, aut barbari stipendiarii mihi esse videntur. Quod si post tot triumphos Marco Ciceroni, Tito Livio, ac Caesari ipsi eloquentiae arma tandem velint detrahere, ac sibi met ipsis ex Vulcania officina, nescio qua, nouam quandam panopliam adsumere, quasi a mollietate ac styli teneritudine recedentes; (qua in illis vti vitiosa incusant) saltem grauitatem quandam in dicendo exhibere deberent. At quid obsecro leuius theatricis illis interrogatiunculis, decurtatis clausulis, non absoluta sententia intercisis periodis? Mihi sane hac risum faciunt, vt cuiusdam mimi nugae, aut insulsi alicuius incomposita oratio: nedum indicentur esse fulmina veri aut genuini oratoris. Deniq; tantum absunt ab eloquentia, quantum scena a sacratio, aut Agaso ab Imperatore. In hac re mihi Romani ipsi pa'rocinium adferent, & fauebunt Itali sati natiq; ad eloquentiam. Retinet sane Italia Mercurium:


Petrarch

Cuius ad eximios ars & natura fauores  
Incubere simul, mundoq; dedere magistram.

SYNO-



217



# SYNOPSIS

## TOTIVS OPERIS.

### ARGVMENTVM

#### PRIMI LIBRI.

*Cum viderem tam à Philosophis, quam etiam Theologis, Triplicem de homine tractationem institui, nimirum Physicam, Moralem, & Theologicam: institutiones de officio percommode in tres libros disperciendas existimaui. In primo itaq; libro deducuntur ea precepta officij, quæ pullulant ex natura ipsius hominis, repote ex eius causis, ac fine, ex dignitate quoq;, quæ alijs antecellis, simulac ex infirmitate & imbecillitate tam corporis quam animi propagata: atq; ostenditur in quibus placita hæreticorū hæc ex parte officio virtutis nocent, orthodoxorum vero dogmata illi suppetias ferunt & patrocinantur.*

#### CAPITA PRIMI LIBRI.

##### CAPVT I.

**P**RICIPIVM officij, à cognitione sui, homini erit desumendum.

##### CAPVT II.

Quantum ad virtutem, & ipsius hominis officium, sui cognitio conferat.

d 2

CA-



## SYNOPSIS

### CAPVT III.

Animæ cognitionem nobis esse difficiliorem & obscuriorem, adiuncti corporis ratione, ostenditur.

### CAPVT IIIL.

Subductio & auocatio mentis ab exterioribus negotijs, plurimum conducunt ad hanc sui cognitionem. Quæ ab orthodoxa fide, veluti animæ præsidia constituta, in grauissimum eiusdem detrimentum, sectariana illa perfidia amoliri conatur.

### CAPVT V.

Luculentis rationibus probatur disciplinas Philosophicas, ad cognitionem sui magnum adferre adiuumentum, hominisq; officium rectè præstādum: de quo perperam etiam sentiunt sectarij.

### CAPVT VI.

Contra eos disputatur, qui sententijs suis eo vsq; humanam efferunt animam, ac si ex ipsius Dei substantia, decisa esset particula, vel potius ipsemet Deus omnia ratione administrans.

### CAPVT VII.

Impugnantur illi, qui docent Deum immediatam animæ productricem causam non extitisse, vel ex præiacta materia aliqua eductam, in hanc lucem emerfisse.

### CAPVT VIII.

Animam substantiam esse quādam, ab omni prorsus materiali concretionē seiunctam, luculentis rationibus asseritur.

### CAPVT IX.

Disputatur de immortalī ac perenni ipsius animæ natura.

### CAPVT X.

Quænam sint animæ partes & facultates, quibus eam natura ad operandum instruxit.

### CAPVT XI.

De præcipuis animæ facultatibus, intellectu nimirum, voluntate, & memoria: atq; ex istis de similitudine hominis cum Deo.

CA-

XV

TOTIVS OPERIS.

CAPVT XII.

Disseritur de præclaro humanæ naturæ ornamento, ex libero eius arbitrio. Quod cum hæretici è medio auferre conentur, ipsius communis naturæ, hostes sese aperte ostendunt ac produnt.

CAPVT XIII.

Quam perturbatus euaserit hominis appetitus sensitiuus: ex cuius mali noticia, quæ animam informet ad dimissionem sui, morum præcepta hauriri poterint.

CAPVT XIII.

Manifestum redditur, quonam modo animi perturbationes, mediocritatem excedentes, rationem ipsam impediant, & voluntatem ad turpia consilia inclinent.

CAPVT XV.

De illis incommodis & malis tractatur, quæ hominis intellectum afficiunt, eiusq; cursum remorantur.

CAPVT XVI.

Quanta sit voluntatis humanæ infirmitas, & qualis eius propensio in ea, quæ auersa sunt à mente & ratione recta.

CAPVT XVII.

De elegantia præstantiaq; humani corporis.

CAPVT XVIII.

De eiusdè corporis malis ac prauis, quib' subiacer, affectionibus.

CAPVT XIX.

De aptissima rerum consonantia, ex vnione disparis substantiæ, spiritualis utpote & corporalis, in vnus hominis forma ac specie.

CAPVT XX.

Quodnam sit hominis officium. De natura quoq; virtutis atq; vitij inquiritur.

CAPVT XXI.

De præcipuis quibusdam auxilijs, requisitis ad officium hominis examusum præstandum.



## SYNOPSIS

### CAPVT XXII.

Quænam demum sit perfectio ac culmen humanæ vitæ.

### CAPVT XXIII.

De ultimo animæ fine, eiusq; beatitudine.

### CAPVT XXIIII.

De ultimo fine corporis humani.

### CAPVT XXV.

De præmio & supplicio, quæ hominibus constituuntur.

## ARGVMENTVM

### LIBRI SECVNDI.

*In libro secundo disputatur de actionibus humanis ac moralibus: quæ quod versentur in moderatione perturbationum, de quatuor ex illis Cardinalibus, nempe amore, odio, tristitia, & timore inquiritur: circa vniuscuiusq; obiectum peculiaris tractatus instituitur, inserunturq; præcepta, quibus cohiberi possunt, ne in vitia desistant. Demum conficitur orthodoxorum dogmata homines hac quoq; ex parte promouere ad honestatem morum & innocentiam vitæ: hæreticorum vero asserta procliuia admodum esse in omnem vitæ turpitudinem: nostra esse virtutum præsidia, illorum vero incentiua vitiorum.*

### CAPITA LIBRI SECVNDI.

#### CAPVT I.

**Q**VISNAM vsus sit perturbationum: qua in re cum Stoicis nostrorum temporū sectarij officium virtutis corrumpunt; dum perturbationes omnes peccati & noxæ culpabilis insinulēt.  
CA-

XVI

TOTIVS OPERIS.

CAPVT II.

De natura Amoris, eiusdemq; partitione multiplici.

CAPVT III.

De magnitudine amoris coniugalis.

CAPVT IIII.

Impuri amoris amulatum, confectum ex diuino amore atq; castitatis animo concipienda pulchritudine. Ex hac etiam parte ostenditur sectarios, solutis ipsorum institutis ad libidines, officium virtutis deprauasse.

CAPVT V.

De duplici castitatis munimento, sensuum nempe custodia, & corporis leuiori disciplina. Quæ quidem istius virtutis firmamenta, impij hæretici turpissimo dogmate concutere atq; euertere conati sunt.

CAPVT VI.

Amor intemperans quomodo moderandus?

CAPVT VII.

Temperantia quam ieiunium Ecclesiasticum decernit, ad animæ sanctimoniam plurimum conducit: sicut ex aduerso, istius stabilitæ ex lege abstinentiæ violatores sectarij, cum tantæ virtuti obstant, tum etiam impuritate vitæ insigniter patrocinantur.

CAPVT VIII.

Explicantur rationes, quibus in vniuersum voluptas ex tactu & gustu vituperabilis redditur: ostenditur etiam quantum hæreticorum placita sædæ voluptati faucant, quantum vero orthodoxa instituta illam labem auersentur.

CAPVT IX.

Quibusnam virtutibus diuitiarum immoderata appetentia sit coercenda.

CA-



## SYNOPSIS

### CAPVT X.

Honoris appetitus iusta rerum æstimatione & humilitate animi moderandus.

### CAPVT XI.

Pertractantur rationes, quibus uti reprehensibilis immoderata dignitatis & excellentiæ affectatio arguitur: præsertim vero inde quod hæc vanissima contentio, sicut ex ignoratione rerum prodit, ita eandem quoq; maiorem suo accessu reddit: quod præterea sit omnino fluxa & instabilis res, cuius desiderio elatus tenetur, & aliorum ferme criminum origo. Deniq; ostenditur quonam modo hæreticorum dogmata, hac quoq; ex parte humanum officium deprauarunt.

### CAPVT XII.

Inuidentiæ, odio, iræ, ex charitate benignitateque moderatio constituenda.

### CAPVT XIII.

Politici quemadmodum & sectarii, dilectioni mutue ac concordie inter homines aduersantur, idq; ex instituto dogmatis ipsorum. Orthodoxi vero contrarium prorsus suadet & moliuntur.

### CAPVT XIII.

Timoribus, fortitudine, animiq; constantia viriliter obistendum.

### CAPVT XV.

Timore quodam veluti freno, ex sententia orthodoxorum, coercentur homines à criminibus ac delictis patrandis. Sectarii vero, qui salubrem huiusmodi timorem vanissima fiducia abiecerunt, iniquitati & laxatæ vitæ turpitudini subsidium contulisse rectè iudicentur.

### CAPVT XVI.

De causis tristitiæ & doloris, eiusdemq; vi ac potestate, cui remedia aliquot & præceptiones magis vniuersales adhibentur.

CA-

## TOTIVS OPERIS.

### CAPVT XVII.

Explicantur aliquot alix rationes, quæ cōtra tristitiam, ex qua-  
cunq; demū exortam calamitate, maxime ex damno rei tempo-  
ralis, infamia, vel morte, animum muniunt, ac roborare poterint.

### CAPVT XVIII.

Tristitia seu dolor, quem partem pænitentix constituunt or-  
thodoxi, sicut & satisfactio, quæ laboriosis sensibusq; operibus  
admodum acerbis constat, peccato plurimum sunt infesta. Quæ  
autem de istis sentiunt hæretici, procliuia multum existunt ad  
libidinem, omnemq; vitæ turpitudinem.

### CAPVT XIX.

De causis tentationum, earumq; vi ac potestate.

### CAPVT XX.

Rationum momēta recensentur, quæ animæ contra vim ten-  
tationum præsidio esse possunt.

### CAPVT XXI.

Pelagiana superbia, diuinæ gratiæ subsidium recusans, vitijs  
locum parat: ex aduerso autem orthodoxorū dogmata, de gratiæ  
istius necessitate suscepta, virtuti ac morum integritati consen-  
tiunt: quæ ad expugnanda scelera, summā statuunt ex oratione  
opem, vtpote firmissimum animæ præsidium; quod cum Pela-  
gianis, Calvinistæ labefactant.

### CAPVT XXII.

Appetitus sensitiui concitati motus, absq; arbitrii pleno ac  
libero consensu, nihil cōtinent culpabilis turpitudinis: quin po-  
tius honestissimis virtutū actionibus inserviunt plurimū. Secta-  
rij vero, qui illis crimen & culpam adiungunt, humanam vitam  
flagitijs coinquinant, ipsis vitijs suppetias ferunt, Christianæ iu-  
stitiæ labem consciscunt, eiusq; auctori Christo insignem iniu-  
riam irrogant.

### CAPVT XXIII.

Orthodoxorum sententia, de libero hominis arbitrio institu-  
ta, & Ecclesiastico iudicio definita, multum confert ad virtutem  
& morum puritatem: sectariorum vero absurdæ voces, quibus

e

præcla-



## SYNOPSIS

quibus præclarum hoc animæ munimentū homini eripiunt, procliues sunt ad libidinem, & omnis generis vitæ turpitudinem.

### CAPVT XXIIII.

Concupiscētia, mentis apprehensiones, & iudicium ipsius rationis, optime coherent cum libero arbitrio.

### CAPVT XXV.

Sicut delicta & scelera omnia nobis exinde graua videntur, quod rationi ipsiq; naturæ hominis repugnēt: ita ex eo vel maxime atrocia vnusquisq; iudicabit, quod Deo aduersentur, nec illius, sed nostra duntaxat effectione vitiosa existant. Hanc autem in peccato piaculi grauitatem, mirifice cum blasphemia eleuant sectarij, asserentes omnis flagitij Deum esse authorem & propagatorem.

### CAPVT XXVI.

Innocentia, & à sceleris labe immunitas, quam ex sententia orthodoxorum adfert Christianæ iustitiæ momentum, hominū animos exacuit ad virtutem. Sectariorum vero commentum, de cōiunctione iustitiæ cum vitiorum colluie, prouum est & præceps ad morum & vitæ fæditatem.

### CAPVT XXVII.

Iustitiæ forma, quam decernunt sectarij, insignem continet imposturam, illamq; triplici nota infamem, phanatismo nempe, elatione, & flagitiosissimæ sectæ Gnostacismo.

### CAPVT XXVIII.

Insignis illa vis meriti, quam orthodoxi bonis operibus adscribunt, mirifice hominis animum excitat ad virtutem: sicut è contrario, sectarij vim illam eximentes, ac obliterantes errore, affirmantesque, optima quæq; vitæ instituta ac concilia, peccata esse mortalia, ad nefarias actiones nō parum promouent sequaces suos.

### CAPVT XXIX.

Beneficio legis naturalis, ciuilis, & Ecclesiasticæ, interueniente sanctissimi Spiritus gratia, puritatem animæ, & vitæ innocentiam, orthodoxi acceptam merito ferunt. Sectarij vero, qui vna  
fide, se

XVIII

T O T I V S   O P E R I S.

fide, se in libertatē, à quacunq; iuris aut legis obligatione assertos credunt, solutissimi inde sunt & liberrimi ad omnia flagitia, & ut loquitur scriptura, potentes ad iniquitatem.

C A P V T   X X X.

Ad compescendum mitigandumq; concupiscentiæ efferuentis ardorem, in orthodoxorum Ecclesia reperiuntur septem Sacramenta; fontes quidem purissimi ac diuini plane liquoris; aptissimi ad hunc effectū, cum ex numero septenario, tum eorundem efficacia & virtute.

C A P V T   X X X I.

Religionis, charitatis, omnisq; plane virtutis Eucharistia sacrosancta causas habet, illa ex fide, qua eam suscipiunt orthodoxi sub externis symbolis panis ac vini, credentes verè ac realiter contineri sacrum Christi corpus, eiusq; sanguinem: atq; hæc Deo patri sacerdotis ministerio, in altari mystice offerri.

C A P V T   X X X I I.

Sectarij, qui sacramentorum numerum diminuunt, eorumq; vim saluberrimam extinguunt: cum Christo Domino singularem irrogant iniuriam, tum etiam fidelium cætui, quantum ad vitæ integritatem, non parū obsunt, aut modice infesti existunt.

A R G V M E N T V M

L I B R I   T E R T I I.

*Tertius liber hominis inquit actiones, ut relatas in Deum, proinde disputat de existentia, perfectione, & prouidentia Numinis: mox tractat de religione, & speciebus omnibus cultus superstitiosi: tandem de fide, spe, & charitate: atq; ex his similiter capitibus ostenditur hæreticorum dogmata virtutis officium violare, orthodoxorum vero sententias illud adstruere, & contra vitia vndiquaq; munire ac defensare.*

C 2

C A P I.



S Y N O P S I S  
CAPITA LIBRI TERTII.

CAPVT I.

DE orbis vinculo, ac Numinis existentia.

CAPVT II.

De singulari natura diuini Numinis.

CAPVT III.

De perfectionibus diuinis.

CAPVT IIII.

De fecunditate diuinæ naturæ, eiusdemq; triplici proprietate hypostatica.

CAPVT V.

Quidnam sit diuina prouidentia, & quibus rationibus comprobetur.

CAPVT VI.

Explicantur eorum argumenta, qui diuinam prouidentiam rebus humanis adimunt.

CAPVT VII.

Nihil eorum, quæ præcedenti capite circa diuinam prouidentiam disputantur, orthodoxæ sententiæ veritatem labefactat.

CAPVT VIII.

Vtrum humanorum actuum & euentuum sit aliquod fatum, ex influentia cælesti, causarum serie, aut ipso hominis ingenio constitutum: exponuntur argumenta, quibus nonnulli probare voluerunt, huiusmodi fatum admittendum, & illis respondetur.

CAPVT IX.

Quænam ratio assignari poterit diuinæ præscientiæ, qua ab æterno Deo constant omnes actus humani: & quomodo ea non repugnet cum libertate arbitrij.

CAPVT X.

De æternis Dei præfinitionibus, eiusq; concursu generali, & quomodo hæc humani arbitrij libertati non aduersentur.

C A-

XIX

TOTIVS OPERIS.

CAPVT XI.

Impiè & sacrilegè sectarij de diuina prouidentia arbitrantur,  
qui omniũ scelerũ causam effectricẽ eam adserunt ac deprædicant.

CAPVT XII.

De religionis natura, ac eius præstantia.

CAPVT XIII.

De vtilitate ac necessitate religionis.

CAPVT XIII.

Ad confirmandam tuendamq; hominum societatem, vera &  
orthodoxa decernenda religio, non adulterina, promiscua, aut  
confusanea.

CAPVT XV.

De excellẽtia ac splendore religionis orthodoxæ ac Romanæ.

CAPVT XVI.

Sectarij prorsus impij ex factione præsertim Calvinistica, qui  
nec speciem aliquam religionis liturgicæ præ se ferunt.

CAPVT XVII.

De immanitate Atheismi, & quænam his nostris temporibus  
eiusdem causæ.

CAPVT XVIII.

De vanitate Græcismi, ac supersticioso cultu in vniuersum  
Ethnicismi.

CAPVT XIX.

De perfidia Iudaismi.

CAPVT XX.

De iniquissima secta Turcismi.

CAPVT XXI.

Veritatis agnitio ex Christiano instituto maximè est proba-  
bilis ac credibilis.

CAPVT XXII.

Vtrum modo ac semper fuerit quibuscunq; demum populis  
ad felicitatem fides aliqua necessaria, ex parte obiecti supernatu-  
ralis:



## SYNOPSIS

ralis : & quomodo eadem Christum respexerit.

### CAPVT XXIII.

De duplici fidei obedientia, diuina & Ecclesiastica.

### CAPVT XXIIII.

Cum quis secum animo constituerit fidei documenta excipere ab idoneo aliquo catechista, nihil illi euidentius, quam quod à solo Catholicæ & Romanæ Ecclesiæ cultore ipsum oporteat institui & erudiri.

### CAPVT XXV.

Fides Christi, quam Calvinista, aut alius sectarius penes se esse gloriatur, cuilibet viro præstanti ingenio, omnino apparebit incredibilis; neq; vlla alia secta hæresi improbabilior videbitur illi, qui vel modice humana intelligentia vsus fuerit in rerum examine.

### CAPVT XXVI.

Hæresis cum multis nominibus detestanda; tum ex eo præsertim quod superbissima, phanatica, turpis, incerta: non alijs sectis tantum, quinimo & sibi ipsi infestissima: deniq; quod in Christi meritum ingratissima: imo nec politice satis aut ciuiler con-

### CAPVT XXVII.

Firma spe, diuinæ bonitati, ac imprimis ipsius Dei gratiæ, in vitæ istius infinitis propemodū difficultatibus innitendū: è cuius æterna & beneuola prædestinatione nostra felicitas dependet.

### CAPVT XXVIII.

De causis discriminis, in electione prædestinatorum atq; reprobatorum abiectione: & quisnam sit ordo eorum, quæ tam prædestinationem, quam reprobationem perficiunt.

### CAPVT XXIX.

Sententiæ prædestinationis & reprobationis haud repugnans est hominis arbitrio: neq; studium aufert orationis, aut bonorum operum sollicitudinem.

### CAPVT XXX.

Prædestinationis ac reprobationis ratio constituta à sectarijs, cruda

XX  
TOTIVS OPERIS.

cruda omnino est & acerba : cum in Deum ipsum blasphema,  
tum in Christum Dominum ignominiosa.

CAPVT XXXI.

Vanissima, & ab omni pietate aliena est ea sententia sectario-  
rum, qua statuunt, etiam fidei diuinæ certitudine, unicuiq; fide-  
lium innotescere suam ipsius prædestinationem.

CAPVT XXXII.

Quænam nobis incitamenta esse possunt amoris in Deum.

CAPVT XXXIII.

Culmen & apex humani officij, charitas est erga Deum: Secta-  
rij vero, qui suam inanem fidem huic præferunt, quasi cum iusti-  
tia arctius & magis coniunctam; insigniter de officio nostro ac  
vitæ integritate detraxerunt.

CAPVT XXXIIII.

Ad amorem Dei præclara incitamenta, orthodoxa ac Romana  
Ecclesia Catholicis adfert, quæ omnia Sectarij amoliri atq; de-  
pellere sua hæresi conantur : proinde ad insignem hunc amorem  
frigent omnino, rigentes iacent plane, & horrescunt.

Approbationes.

EGO Thomas VVortingtonus S. Theologia Doctor, & Collegij Anglorum Duaceni  
Præses, istas, de triplici hominis officio institutiones, à D. Odouardo VVestano S.  
Theologia Doctore, & in eodem Collegio Professore, conscriptas; & per duos alias  
Doctores Theologos collegas nostros perlectas & approbatas, etiam quantum in me  
est approbo: vereq; orthodoxas, perdoctas, ac proinde prælo dignas iudico, si ita or-  
dinatio placuerit librorum censori. Actum Duaci, die 26. Septembris 1601.

Thomas VVortingtonus.

ISTE liber qui inscribitur *Institutiones de Triplici hominis officio*: nihil  
continet quod bonis moribus vel fidei Catholicæ repugnat; quin  
potius videtur ob variam literaturam & scientiam, futurus utilis  
Christi Ecclesiæ, adeoq; dignus, qui in lucem prodeat. Ita sentio:

Matthæus Kellifonus Presbyter Anglicus & S. I. D. 21. Septemb.

LIBER



## APPROBATIONES.

*LIBER* iste institutionum D. Odouardi Westoni propter insignem multiplicemq; eruditionem cum magna Ecclesiæ & lectorū utilitate poterit prælo mandari, in cuius rei fidem hæc propria manu subscripsi & testor.

Guilielmus Harisonus Anglus S. Theol. Doctor :  
Duaci 22. Septembris 1601.


Istas de triplici hominis officio institutiones tribus libris disputatas & declaratas per eximium D. Odouardum Westonum, S. Theol. Doctorem, eiusdemq; in famosa vniuersitate Duacensi professorem, diligenter perlectas à tribus dictæ vniuersitatis alijs S. Theol. Doctoribus, ego infra scriptus approbo, & dignas omnino iudico, vt pro cōmuni Christianorum bono prælo mādentur. Datū Antuerpiæ, tertio iduum Martij, 1602.

Siluester Pardo S. Theologia Licentiatus, Cathedralis  
Ecclesiæ Antuerpiensis Canonici, librorumq; Censor.

## Summa Priuilegii.

**A**rchiducum Priuilegio cautum est, ne quis intra decennium citra voluntatem Ioannis Keerbergi Typographi Antuerpiensis, hunc librū, De triplici hominis officio institutiones orthodoxæ, Authore Odouardo Westono Anglo, vlllo modo imprimat, aut alibi impressum in suas Regiones importet: qui secus faxit, graui pœna multabitur: vt latius patet in literis, datis Bruxellæ, xv. Martij, Anno 1602.

Sig. I. de Buschere.




DE  
TRIPLICI HOMINIS  
OFFICIO,

IVXTA NATVRALEM, MORALEM,  
ET THEOLOGICAM RATIONEM.

LIBER PRIMVS.

*Principum officij à sui cognitione homini erit desumendum.*

CAPVT PRIMVM.



QVONIAM omnis, quæ in humana operatione, à ratione recta, & tota mente cernitur defectio, ex aliquo semper iudicij errore, vel saltem ex temeraria & inconsiderata animi agitatione, ortum & originem trahit: ea propter, vt humanis actionibus certam aliquando normam & iustam ex primis lineis regulâ perscribamus: principio tractandum videtur de illa nostræ mentis notitia, quæ fons sit & caput cæterarum omnium notionum, ex qua institutiones ad virtutem, & honestatis præcepta omnia, veluti ab altissima quadam causâ deduci iudicentur. Virtus autem seu morum probitas cum nihil aliud sit, quam species quædam eximia, & veluti forma spectabilis, in humanis actionibus elucens, quæ rectæ rationis legibus omnino sit consentanea, clarius multo hæc nobis innotescet, si prius definitum fuerit, qualisnam sit ratione præditorum animantium status ab ipsa natura fixus & fundatus:

A

datus:



## 2 DE TRIPLICI HOMINIS OFFICIO,

*Cognitio  
sui princi-  
pium hu-  
mani offi-  
cij.*

datus: quasque huiusmodi habeant sui partes, principia, proprietates, & suarum molitionum progressus. Ex quorum perceptione hoc efficitur tandem, vti luculentius inde ostendatur, quidnam hominem deceat, quid minus decorum in eiusdem operatione aestimandum sit: quæ denique virtutis atque vitij ratio constituenda. Nam qui dignitatem propriam, qua ipsius naturæ beneficio donatur, bene perspectam non habet, is vti lubrica & blanda potiatur aliqua incunditate: quam impura voluptas sensibus adferre solet, ad infima quæque avidius consecretanda, animam suam plane abijciat: eademque ratione, ex aduerso, qui propriarum virium & facultatum rationem haud secum posuerit & expenderit, is altiora agredietur quam oporteat, & cum summo sui periculo coniuncta sæpius tentabit ea, ad quæ minus apte ipsius potestas respondeat: inter quæ malorum extrema, nimirum elationem sui nimiam & immoderatam, atque sui dimissionem turpem & abiectionem, aureum quoddam medium, illudque certa ratione libratum, scientia illa inuestigabit, qua nos ipsos ex omni parte sedulo exploramus, mentisque concilio nostra omnia plenius perspecta habemus.

*Hominis  
natura ex  
eiusdem o-  
perationi-  
bus inue-  
stigatur.  
D. Tho-  
mas. 2. cō-  
tra gentes.  
c. 1.*

Quamobrem vti intelligamus, quemnam tandem ordinem, classem, & quasi locum, ac sedem, inter vniuersi huiusce singulas quasque partes, obtinere debeat homo ratione præditus & insignitus: exquirendum prius erit cuiusmodi sint eiusdem hominis operationes. His etenim visis, vltius deinde ipsaemet partes essentielles, ex quibus totus atque integer componitur ac constituitur inuestigantibus, sponte omnia occurrent. Hanc etenim methodum atque viam, vnde ad pleniorum cuiuscunque rei notionem mens nostra deueniat, constituit D. Thomas.

*Ex modo enim operationis, & speciei mensura & qualitas virtutis pensatur. virtus vero rei naturam monstrat: secundum hoc enim unumquodque natum est operari, quod actu talem naturam sortitur.* Nam cum potentia, & agendi facultates, re ipsa idem sint cum ipso principali agente, vel saltem ab eius substantia profuant ac dimanent: idcirco veluti indices existunt omnis illius diuersitatis & discrepantiæ, qua rerum formæ & intimæ ipsarum naturæ discernuntur; ab ipsis autem potentijs, illa postmodum varietas, & multiplicitas proficiscitur omnis, quæ in actionibus deprehenditur.

*Partitio  
humana-  
rum ope-  
rationum.*

Triplici itaque differentia notatas & dispersitas perspicimus in ipso homine operationum formas. Quædam obiecta habent omnino in ipsa materia concreta & coalita, similiter quoque ab organo aliquo corporeo ad hoc instituto necessario dependent: quales sensuum tam externorum, quam internorum molitiones omnes existunt: vtpote visio, auditio, tactus, gustatio, olfactio, imaginatio, & recordatio. Aliæ autem licet

petunt



petunt obiecta materialia, & corporeis subiecta affectionibus, circa quæ versentur, carent nihilominus certo aliquo organo corporis, quod in se, veluti in subiectum, expressum actum suscipiat, cuiusmodi existunt, tam concupiscibilis, quàm irascibilis appetitus motus concitati, atque impetus temerarij. fiunt quidem isti cum aliqua corporis mutatione, utpote agitatione spirituum, sanguinis excursu, recurſuque: non tamen eos elicit definita aliqua pars corporis. in corde quidem, ac hepate, maxime vigent illis adiunctæ mutationes corporeæ. existimarem tamen cum D. Thoma, iuxta ipsam existentiam, hanc vim appetendi sensitivam, distinctam esse prorsus à voluntate & appetitu rationali. Quod mihi duplex præsertim ratio persuasum reddit, & comprobatur. Appetitus enim qui sensibus nostris inseritur, ita à natura ipsa est comparatus: ut nullum alium ducem seu euocationem exigat, quam sequatur, præterquam solam imaginationem. ac voluntas rationis lumine collustrata, quamque ad partem hominis superiorem spectare dicimus, intellectus ac mentis iudicium requirit, quo euocetur, & ad operandum concitetur. Ea porro interdum vehementia, & acri quodam studio appetitus sensitivus, quæ sibi consentientia sunt, & grata persequitur, uti ab illis nullo ferme pacto reuelli possit: etiam reluctante voluntate, & ex imperio rationis prorsus illi reclamante. Ea etenim aliquando expetimus, concitati etiam appetitus sensitivi motu, quæ nobis plane uti ratione utentibus displicent, quæque voluntas tanquam noxia plurimum displicentia quadam auersatur: in eadem autem omnino potentia & facultate vix existimabit aliquis probabiliter, simul inesse posse tantam motuum oppositionem, tamque acrem pugnantiam operationum. Fateor tamen illum ipsum appetitum rationalem, sua efficacia, & energia contentionis, non solum ad ea se extendere, quæ sunt ratione perceptibilia, verum etiã ad ea quoque quæ sensibus sunt iucunda: altiori tamen modo quam sensus, ut docet D. Thomas: qui oriatur ex iudicio rationis, quo rerum genera omnia, certa quadam notitia, atque ambitu quodam intelligentiæ cõercentur. Inde enim delinquitur ab homine, quod ipsius voluntas eas sensuum expetat incunditates, quæ auersæ sunt à præscripto rationis ipsius. Existunt autem aliæ operationes hominis, quæ ut tradit Aristoteles, non sunt ipsius cõiuncti, seu suppositi integri, sed potius animæ solius propriæ: uti facultate intellectuili aliquid percipere, & contemplari rerum causas & principia vniuersalia à singularibus abstracta intrinseci, ex multiplici rerum coniunctione, aut discretionem, consecutiones varias conficere: voluntate vero ea amore prosequi, quæ naturæ sunt consentaneæ, ea odio habere, quæ molesta & nociua: denique ex sum-

*D. Thomas  
q. de sensual.  
art. 2. & 4.  
Appetitus  
sensitivus &  
rationalis in  
homine re  
distinguitur.*

*D. Thomas  
sup.*

*Arist. de  
som. & vi-  
gil. c. 1.*



#### 4 DE TRIPLICI HOMINIS OFFICIO;

ma quadam libertate, hoc vel aliud pro imperio statuere. Atque ex isto posteriori operandi genere, veluti ex quodam indicio ac signo hominem à bruto, quantum ad ipsam naturam in eo latentem atque partes eiusdem essentielles distinguere & secerni recte inferimus: sicut in specie, & operationis forma plurimum ab eodem dissentire reperimus. Si tamen alias quasdam operationes, & munera in ipso homine, nimirum quæ prioris existunt generis spectemus, homines cum rationis expertibus omnino convenire iudicabimus; unde & ab his, veluti effectibus quibusdam, & à posteriori, (ut loquuntur) colligimus hominem, & brutum, in una quadam natura animalis, utrisque ex æquo communi conspirare: ex alia autem parte ipsius essentiæ, videlicet anima ratione prædita, hominem à bruto differre plurimum intelligimus: cuius proprium officium sit ut dixi ratiocinari, mente discurrere, effectus rerum deducere ex suis causis, vicissim eosdem in principia referre, vitam denique cum libertate arbitrij ex virtute instituire, & facultas vitiorum voluptates aspernari.

Greg.  
Naz. orat.  
de Christi  
natiuit.

Tria in  
hominis  
fabrica  
considerā-  
da quan-  
tū ad eius  
officiū.

Itaque in hoc rerum omnium theatro, sic homo eiusdem pars nobilissima subsistit, uti ex mirabili duplicis substantiæ coagmentatione, partim spiritualis, partim vero corporalis, partim mortalis, partim immortalis, plane varius & mixtus euaserit. quem quidem nexum, atque copulam spectabilem sane utriusque naturæ, in unius hominis fabrica, pulchre describit D. Gregorius Nazianzenus. Cum enim exposuisset, quonam modo substantia illa Angelica, à Deo rerum omnium parente & opifice propagata esset: hæc de homine subiunxit: Cum artificis verbo visum fuisset ostendere animal unum ex utroque, hoc est ex inuisibili ac visibili materia, fabricatur nempe hominem: atque à materia, quæ prius iam creata erat accepto corpore, à se autem spiraculum inserens, (quod quidem intellectualem animam & imaginem Dei scriptura vocat) veluti secundum quendam, & alterum mundum, in paruo magnum, in terra constituit Angelum alium, mixtum adorantem, visibilis naturæ spectatorem, intellectus mysten, eorum quidem, quæ in terra sunt, regem: è cælo autem imperium accipientem, terrenum & cælestem, caducum & immortalem, visibilem & intelligibilem, medium inter magnitudinem, & deiectionem, eundem spiritum, & carnem: spiritum propter gratiā, carnē ob superbiam, illud ut maneat, ac suum benefactorem concelebrat, hoc ut vexetur, ac vexatus commonefiat, & de magnitudine sibi placens erudiat ac coercetur. Animal hic varie gubernatum atque alio demigrans, & quod in mysterijs extremum est, animi ad Deum nutu, & subiectione diuinitatem assurgens. Quibus verbis tria præclara dogmata ad officium facientia nobis tradidit Greg. Primo cum dicat ex hac in homine utriusque substantiæ compage luculenter constare, quanta sit hu-  
mana



manæ naturæ dignitas & excellētia, si eam solam nude & solitarie cōtemplari velimus. Continet enim hæc hominis structura, cæterarum rerum gradus omnes vnitim confluentes, & coalitos. Est namque homo corporis atque animæ ratione, veluti operum Dei insigne quoddam cōpendium, & vniuersæ eius molitionis summa quædam succincta, ac artificiose subducta. Terrestria quidem complectitur homo sui corporis cōditione, ipiritualia verò coërcet animæ qualitate. Secundo nos docet Gregorius, quodnam sit eiusdem hominis officium, cum in ea, quæ suo imperio subiecta accepit, tum etiam in Deum optimi & maximum. Ad hoc enim præcipue instituitur & informatur homo à Deo, vti ipsum omni sua actione reueretur ac colat. Quo quidem eius cultu, quod reliqua ad ipsum hominem tanquam vltimum finem referatur: illa quoque, vti ad commune quoddam principium, bonorum omnium largitorem Deum, ipsius hominis motu tandem reducuntur. Ita enim de singulis disponere & statuere, ad hominis spectat officium, vti diuinis interim honoribus, res quidem omnes, quas administrandas suscepit deseruiant & famulentur. Demum ex hac tam diuisibilium rerum in vnā hominis hypostasin, seu subsistentiam coitione, abunde satis humanis mentibus rationes suggeri affirmat Gregorius, quarum vi & momentis eruditæ, elationem omnem, & turgidum fastum comprimant, atque coërcant. Si enim ad corpus oculos aliquando diuiderimus: præterquam quod infinitis propemodum malis hoc obnoxium existat: videbimus præterea easdē molestias, morbos eosdē, ac lāguores, mala denique omnia quibus corpus præmitur & castigatur, ad animam quoque peruadere, & illi esse infestissima. Sicut enim puncta, aut lancinata, quam texunt araneæ tela, quantocius ipsa aranea, ac si vulnus aliquod excepisset, aut infixum aculeum persensisset, in fugam se coniecit: Ita si quid acerbi, & molesti, si quid infortunij ad corpus affluerit, ob eiusmodi huius cum anima agnationis cuiusdam arctissimū vinculū, haud aliter dolore, & summa egritudine ipsa discruciat, quam si corporis spoliata indumento, nuda malorum illorum telis esset impetita & concussa. Quapropter in sacris eloquijs corpus hoc nostrū illis nominibus signatum passim reperiemus, quæ aperte indicent, animam ipsam his quæ à corpore proueniunt malis plurimum diuexari. *E luc, inquit Psalmista, de custodia animam meam.* Et *Psal. 141. Sapiens, Terrena habitatio deprimit mentem multa cogitantem.* Et diuinus *Sapient. 9. Apollolus Paulus: Quis me liberabis de corpore mortis huius.* In carceris custodia, vincula, & compedes terrorem faciunt. Vbi iniectum humeris graue pondus, ibi casus & periculum obuia sunt. Mors, quæ corpus conlequitur, hominibus etiam ætate, ingenio, & concilio confirmatis, hor-

*Anima corporeis malis obnoxia.*

*Psal. 141. Sapiens. 9.*

*Rom. 7.*



# 6 DE TRIPLICI HOMINIS OFFICIO,

rorem solet incutere: quæ quidem omnia plus satis vitium habet, ad animam perturbandam, & dimouendam eam à quiete sua natua, ac serena illa tranquillitate.

*Cognitio  
sui quid  
sit.*

*D. Aug. in  
psal. 60.*

*Ignoratio-  
nis sui  
mala.*

*Philip. 3.*

*Collof. 3.*

*Due par-  
tes cogni-  
tionis sui.  
D. Augu.  
l. 10. Trin.  
c. 5.*

Cognitio itaque sui, quam hoc in loco inquirimus: nihil aliud est, quàm perfecta & exquisita quædam notitia animæ & corporis, quæ latitudine sua, & complexu, tam huius, quam illius ambiat, siue infirmitates & detrimenta, siue etiam perfectiones, & dignitatum ornamenta. Quàm quidem scientiam, ex parte eius aliqua, naturales intellectus nostri vires nobis pariunt, plenius autem, & perfectius eam Christianæ fidei cœlitus immissum lumen patefecit & exposuit. Vt enim inquit D. Augustinus: *Non noueramus nisi nasci hominem, & mori: resurgere hominem, & viuere in æternum, non noueramus: suscepit (nimirum Christus) quod noueras, & demonstrauit, quod non noueras.* Atque hanc ipsam (vt sic dicam) veram sapientiam, si cæcus aliquis error vel desidiosa obliuio nobis præripuerint: non solū exinde res humanæ in summa versabuntur perturbatione, & densissimis quasi tenebris obuoluētur, verum & vniuersi huius ordo, atque ipsa rerum constituta series, omnino tandem inuertentur. Demus enim hominem fastigium illud & culmen dignitatis, ad quod ipsum Deus euexit incognitum habere: an non hincinde eueniet, vt præstantissima illa animæ substantia, quæ ipsius Dei viua & expressa imagine est insignita, quæque terrarum orbi, & corporis omnibus affectionibus dominari & præesse deberet, cum summa turpitudine, & sui abiectione, sordium plane, & rabidarum perturbationum mancipium sit euasura? Quid enim auctore, & vltimo omnium fine (vt de quibusdam loquitur Apostolus) ventrem tanquam Deum colere, aut erecto pecuniarij appetitus idolo, omnia animæ studia, cogitationes, & labores, cum summo quodam dedecore impendere? Sicut & e contrario quoque, qui ad honestas actiones peragendas, minus exploratum habet, quam infirmæ, quam debilitatæ, & ferme contractæ naturæ suæ vires modo accesserint, is haud vnquam in cœlum intendens, ad diuinam opem supplici prece confugiet: quin potius viribus confusus proprijs, ingeret, & immittet se audacius in illa etiam vitæ negotia, quorum difficultate tandem superatus ac deiectus, fero nimis casu suo stultitiam & arrogantiam agnoscat. Quocirca recte D. Augustinus huiusce cognitionis sui duas partes definiuit. Quarum prima sit mente ad amussim tenere ac scire, quibusnam rebus subiiciendi finis: altera vero ea intelligere, quibus imperare debeamus. Sic autem loquitur. *Vt quid ergo ei præceptum est, vt seipsum cognoscat? credo vt seipsum cogitet, & secundum suam naturam viuat: id est, vt secundum naturam suam ordinari*



dinari appetat sub eo, cui subdenda est, supra ea quibus præponenda est: sub illo, à quo regi debet. Videmus enim, in politicæ ac ciuili societatis ordinibus, singulos hominum in consessu sedes illas & subsellia occupare, quæ personæ quam susceperunt, & dignitati melius congruunt, & consentiunt. Ita quoque in hac rerum omnium machina, quam summus architectus construxit Deus, cuncta in certas quasdam series, & classes ab ipso distributa existunt: ex quibus præclarus iste rerum ordo, & vniuersi huius eximia pulchritudo efflorescunt. Quamobrem ad humani officij munus, hoc comprimis spectabit: vt quod medius sit homo quodammodo inter substantiam corpoream & spiritualem constitutus: sic vitæ suæ rationem instituat & componat, vt ne ex illis quibus ipsum natura ditauit, & ornauit donis insolentius se efferat, vel propter varias istius vitæ calamitates, & languores, quibus ferme conficitur, duram quandam sua sponte amplectatur seruitutem, illamque propriæ naturæ, & ingenitæ nobilitati suæ plane contrariam (fortunę asperitate victus) dimissionem sui turpiter suscipiat.

Hanc autem aptis & accommodatis in locis rerum constitutionem duplicem possumus discernere: prima ita ex ipsius naturæ imperio, & summæ cuiusdam necessitatis legibus seruanda præscribitur, vt nullo quidem pacto alicui possibile sit, limites ac decretos terminos egredi aut transilire. Animaduertimus enim ita comparatum esse à natura, vt planeta isthæc altera sit loco excelsior, & splendore illustrior. Atque inter ipsa elementa, tum quantum ad ipsius naturæ qualitatem, tum etiam ordinis situm & posituram, aliud alteri antestare & antecedere videmus: Quod in his quoque quæ ex horum coitione constantur, deprehendere possumus. Neque tamen hinc efficitur, vt quæ inferiorem sortita sint conditionem, aliquid detrahere moliantur de superiorum dignitate, aut quæ cæteris prælucent, ignobilioribus aliquam violentiam inferant: Sic enim non esset constans, perennis, & perpetuus rerum decursus. Quid enim ipsis Angelis, qui proxime ad diuinam naturam suę substantiæ claritudine & præstantia accedunt excelsius & sublimius excogitari poterit? Nihilominus primi isti splendores, prompti & expediti sunt ad omne charitatis & amoris officium nobis exhibendum: quo humano generi, dimisso, & humili aliquod ab illis emolumentum conferatur. *Nonne omnes sunt administratorij spiritus, inquit Apostolus Paulus, in ministerium missi* *Hebra. 1.* *propter eos, qui hereditatem capiunt salutis? Cælum quod terra infinitis pro-* *pemodum gradibus præstat, benigna & copiosa influentia illam fertilem & fecundam reddit: in cuius gremium rerum omnium copiam effundit, & vberitatem. Elementa oppositi, necet qualitatibus instructa* *sint,*

*Ordo rerum  
duplex phy-  
sicus & mo-  
ralis.*



8 DE TRIPLICI HOMINIS OFFICIO,

sint, tamen mutuo quodam complexu sese inuicem fouent & tutantur. Anima hæc nostra, quæ diuina ferme est substantia, nihilominus corporibus crassioribus quidem, & impurioribus infusa, vitam illis, sensum, vegetationem, motum, & rationem elargitur. Idcirco quod homo inter hæc mundi aspectabilia sit pars quædam eius longe præstantissima: ex naturæ ipsius decretis gradum illum & locum obtinet, quibus cunctis, quæ in materia concretionem habent, sit antepositus. Quæ quidem dignitatis suæ apicem, quomodocunque demum ipse animæ suæ mores efformarit: si naturæ & speciei conditio spectetur, à se abicere nunquam poterit. Altera autem est collocationis ratio, quam non tam naturalem, quam moralem nominamus: in quibusdam ex præscripto rationis actionibus studiosis posita & constituta: à qua si prauis moribus animus discesserit, ita rerum ordo & dispositio inde immutabitur, ut quæ summo in loco alioquin sita & collocata sunt: ea deiciantur, & omni plane excidant dignitate. Huc autem dispositarum rerum ordinis modum, & formam non natura ipsa excogitauit aut defixit, sed arbitrij actionibus potius liberis, ac humanis Deus naturæ author cōmisit. *Sub te* (inquit) *erit appetitus tuus, & tu dominaberis illius.* Quamobrem, si aliquando ita contingat, uti immoderata aliqua mentis perturbatione exoriente, illius vi atque impetu voluntas ad ea deferatur concilia, quæ rationis recte iudicio aduersantur, loco protinus, & gradu suo homo pulsus, insanis affectionibus, & earum obiectis subijci se permittit. Sin vero vitam suam sic instituerit, uti omnes virtutis numeros expleat, & ex ratione, non libidine viuat: tunc imperium illud, quod in alias res accepit, recte demum administrabit, auctoritatem suam illęsam & imminutam seruabit, locum denique proprium tuebitur & præstantiam.

Gen. 4.

Perf. Sa-  
tyr. 3.

..... quem te Deus esse  
iussit, & humana qua parte locatus es in re  
disce.

Quatuor  
spectantia  
ad cogni-  
tionem sui.

Quamobrem ut subductis singulis rationibus, integram quasi summam tandem constituamus: hanc sui cognitionem quatuor partibus contineri dicimus. Quarum prima hoc nobis præcipit, uti scientia quædam adsequamur res illas, quæ ipsum hominem componunt, & constituent. Secunda illud præstat, quo harum partium vires & proprietates inuestigentur. Ad tertiam spectabit finem aliquem vltimum actionibus nostris præfixum disquirere, & quam sagaciter odorari. Denique quartæ proprium munus erit, ea omnia ratione animoque lustrare, quæ ad huiusmodi finis indeptionem maxime conducunt. de quibus distincte, & singillatim postea instituendæ erunt disputationes.

Quantum



Quantum ad virtutem, & ipsius hominis officium, sui  
cognitio conferat?

## CAPVT II.

**M**IRVM profecto videri poterit, quam acris, quamque vehe-  
mens addiscendi cupiditas quorundam animos incesse-  
rit, cuius quidem rei desiderium ita penitus aliquando illis in-  
sedet: uti in longe distitas regionum oras varijs confectionibus  
itineribus, infinitis propemodum exantlatis laboribus hoc  
vnum votis & studijs suis praeferant, quo exilem aliquam & tenuem  
earum etiam rerum notitiam perciperent, quae extra hominem omnino  
positae sunt & collocatae. Huiusmodi cupiditate literaria inflammatus il-  
le fuit, de quo scribit D. Hieronymus: Qui intrauit Persas, pertransiit  
Caucasum, Albanos, Scitas, Messagetis, & opulentissima Indiae regna  
penetrauit: ut Hierarchum in throno sedentem aureo, inter paucos disci-  
pulos, de natura, desiderum motu, de dierum cursu docentem audiret.  
Neque est, quod huc in medium modo adducam varias Graecorum, tum  
ad Aegyptios, tum etiam ad Chaldaeos, imo & Latinos commigrationes  
eruditionis causa susceptas. De quibus Iosephus disseruit: ne Graeci se  
disciplinarum omnium inventores, cum fastu ingenijs ipsorum consono  
ventirent. At horum potius vitium & superfluam quandam curiosita-  
tem designauit D. Basilius, & fugillauit, cum dicat: *Natura praecluitate*  
*praestitimus nosse ceterum quid sit, quam quid nos ipsi.* Nam si vel utilitatem spe-  
ctemus, vel etiam scientiae nobilitatem, nihil profecto in causa esse vide-  
bitur, ob quod externarum rerum studio animus noster ita esset a se  
quasi auulsus & abreptus, aut in illis exquirendis, se ipso neglecto, tan-  
tum laboris collocaret. In hac etenim vita, sicut ad virtutem conducibi-  
lius nihil, ita neque praestantius ipso genere cogitari mente poterit, vel  
actione suscipi, quam sit suimet ipsius exacta quidam cognitio. Hanc  
siquidem vel natura ipsa omnium notionum primam defixisse & con-  
stituisse visa est. Si enim ea primo in loco indagatione solerti a nobis ex-  
ploranda sunt, quae aut nobilitate reliquis praeuolent, vel intellectui hu-  
mano, utpote illi viciniore, familiarius & frequentius obuersantur:  
cum nobis luce clarius constet, nihil in hoc vniuerso aspectabili, cum  
hominis excellentia atque dignitate conferri posse: neque aliquid de-  
mum esse nobis coniunctius, vel agnatum magis, quam illud ipsum  
quod sumus: certe non video, cur non seclusis alijs animi occupationi-  
bus, in

*Appetitus  
addiscendi.*

*D. Hieron.  
ep. ad pau-  
lin lib. 2. ep.  
2. Philost. in  
vita A-  
pollonii.*

*Ioseph l. 1.  
cons. App.*

*D. Basyl.  
homil. 16.  
de primigeni-  
um dign.*

*Cognitio sui  
inter notio-  
nes anima  
prima.*

B bus, in



Euseb. Cæsar. præparat. euang. c. 7.  
Cognitio  
sui præceptum Dei.  
Plutarc.  
apud Euseb. loco  
sup. Iuvenal. satyr.  
11.  
Hieron. ep. ad Rufin.

Iuvenal.  
Satyr. 11.

Officium  
hominis  
ex qua-  
tuor con-  
stat.

bus, in eo potissimum sit desudandum nobis, quo abdita humanæ naturæ mysteria sedula inquisitione explicentur, quo quam diligentissime eiusdem principia, effectus, proprietates, & reliqua ad eam spectantia, certa quadam ratione atque arte pertractentur: quorum quidem ignorantio, summa meo quidem iudicio censebitur inscitia, etiam in eo qui cætera omnia exquisitè mente caluerit. Nam quod turpissimum censei debet, in rebus suis, in quibus præcipuum inest pondus ad illud, quod omnium extremum est & perfectissimum, hospes adhuc erit & peregrinus. Propterea ut scribit Euseb. Cæsar. fidele & omnibus saluberrimum illud ab ipso Deo expositum fuit concilium, quod in porticu Delphici templi tabulis inscriptum, his verbis exprimebatur, γνῶθι σεαυτὸν, cognosce teipsum. Deo autem ita consulenti, hac vnica particula templum adeuntes respondebant ἔ, est. de qua sic loquitur Plutarchus: Non numerum, neque ordinem, nec coniunctionem aliquam, nec aliquid aliud imperfectum, ea dictione significari existimo; sed perfecta quadam ad salutantem mihi responsio videtur. Ex quibus coniectare licet, quantum antiquissimorum sapientum calculis estimatum fuerit, suimet ipsius cognitionem, ad virtutem conferre. Nam quod de ipso Deo proferimus, dicentes ἔ, qui est: eo vel maxime ipsius perfectionis amplitudinem enuntiamus. Cætera enim omnia, cum aliquando exorta fuerint, sintque deinceps interitui obnoxia: si cum illo comparentur, qui ab infinitis retro actis sæculis priscus extiterit, quique nullæ mutationi futuræ subiaceat, vix esse dici poterint. Eodem plane modo, si ad nos ipsos mentis nostræ oculos reflexerimus, nihil inueniemus quod ad hominis officium magis conducat, aut ad virtutem acquirendam plus ponderis & momēti obtineat, quam quid nos ipsi simus perspectum & exploratum penitus habere.

. . . . . ἐ καὶ τοῦ οὐρανοῦ κατέβη, γνῶθι σεαυτὸν.

Nam uti ab ipsius causæ fundamentis exordiar, hominis officium vniuersum quatuor ordinibus quasi, seu relationibus conclusum videbitur. Quarum prima, illam actionum nostrarum ad virtutis regulam iustam, & constantem proportionem dicit, ut earū singulæ conuenienter ipsius hominis naturæ respondeant: utpote vitiosa lenocinia voluptatum a sensibus abdicare, & tanquam decoris nostri labeculas opprimere, rationem in omnibus superiorem præstare, nullo demum crimine nocumentum nobis consciscere. Alia vero eam vitæ normam inuoluit, qua alius alij comparatus, iuste, pie, & amice omnia moliri iudicetur. Tertia in illa definit, quæ homine existunt inferiora, & ipsi lege quadam immutabili naturæ subiecta. Veluti de rebus suis recte disponere, efficere ut externa bona virtuti in omnibus inseruiant & famulentur. Quarta denique ad superiora



superiora hominem refert, & ad illud, quod omnium est præstantissimum, in quo finis ipsius præcipue versatur, & quali è terris ad cælos hæc ipsum euehit & transfert: pietate autem, religione, fide, spe, & charitate rota continetur. Verum huiusmodi præclara summa cum virtute coniuncta munera obire nullus demum recte poterit, nisi qui seipsum prius exacte cognouerit. Fieri enim nequit, ut qui animi officium illud esse ignoret, quo sensus cohibendi sunt, & rationi dimittendi: formam vitæ sibi constituat honestam, aut deuictis voluptatibus, mentis principatum actione constanti tueatur. Ceterum qui se diligentius expenderit, & quasi trutina & statera prudentis animaduersionis examinauerit: is turpitudinis quandam notam sibi perpetuo inurendam arbitrabitur, si modo incuria aliqua superiorem sui partem rabidis sinat perturbationibus cedere, voluptatūve molliæ illectam, à virtute subduci. Quandoquidem optime intelligat vel naturæ ipsius opificio, animam in excelsa quadam & sublimi sede atque arce esse collocatam: quæ corpori, & ab hoc profectis affectionibus imperare debeat, ac illis omnibus leges imponere. Atque uti de his solum in præsentiarum loquamur, quæ ipsum hominem (sublato etiam ad exteriora omni eius respectu) intuentur: si hanc notionem sui semel excluderimus, statim quælibet nostra actio modum atque ordinem recti excedet, neque alia vitæ studia, quam quæ cum summo periculo vel dedecore sunt coniuncta, à nobis suscipiuntur. Ignominia sane maculam subiret is, qui regia præfulgens dignitate, purpura exurus, manibus etiam sceptrum abiciens, sago postea rusticano vestitus, vomere terram verteret, aut mancipiorum officia alia exerceret. Vel si armis clarus, & conspicuus Imperator belli, tollerantia induratus, ac victorijs orbi illustris, mulierum mores, munditiem, cultum, & leuitatem imitanda sibi proponeret: peruersum quid (absque dubio) & personæ quam sustentat ineptum plane omnium sententia agrederetur. Haud aliter (mea quidem sententia) is demum se geret, qui abiecta cognitione sui, vitæ secum rationem aliquam instituit. Fieri enim non potest, quin hæc semota, seipsum quoque negligat, & in omnem tandem vitiōrum turpissimam seruitutem concilliorum temeritate incurrat. Ad istius autem abiectiōis, vel confictæ solum, aut animo conceptæ aspectum exhorresceret plane ille, qui ingentis nobilitatis suæ rationem aliquam habendam statuerit. At neque hæc sui ignoratio grauissimo carebit periculo. Videmus enim interdum destitutos mente, ira & furore nonnunquam ita esse percitos, ut nudi licet sint, imperterritos tamen hostilibus armis sese ultro obijcere, ferrum aut flammam non extimescere. Quæ quidem non attentarent, si vires proprias secum cogitarent, aut

*Ignoratio  
sui pericu-  
losa.*



aduersariorum vim intelligentia aliqua perceptam haberent. Haud secus illis euenire solet, qui quod ne coniectura quidem propriæ facultatis rationes adsequantur, quæ potestatem ipsorum longe excedunt, insolentius aggrediuntur: proinde non solum effectu decreto frustrati, verum & insigni aliquo damno inde conflictati, in vituperium, in dedecus, in cladem aliquam ad extremum impingunt. Quocirca hac sui cognitione duo inter cætera exploranda definiuit author apud D. Augustinum: Duo (inquit) nobis necessaria sunt, vt cognoscamus quales sumus ad malum, & quales ad bonum. Vt itaque mediocritatem in his seruemus omnibus, quæ à nobis peragenda sunt, multum nobis conferet hæc sui cognitio. Ex hac enim ad excutiendam socordiam & desidiam, virtutum actiones omnes dimanant, cuius etiam concilio instruimur, vt ne viribus imparia vquam moliri velimus, aut ne in exequendis vitæ negotijs nimis elati simus aut temerarij. Hinc præclara illa virtus, & Christiani splendoris veluti quidam lucifer, quam humilitatem nuncupamus, medium legitimum humanis conatibus constituens, huic cognitioni sui, tanquam basi & fundamento vel maxime subnititur. Ad humilitatem (inquit D. Thomas) proprie pertinet, vt aliquis seipsum reprimat, ne feratur in ea, quæ sunt supra se: ad hoc autem necessarium est, vt aliquid cognoscat id, in quo deficit à proportionem eius, quod suam virtutem excedit. Istius autem virtutis luce cum illuxerit, fiet statim vt fugientem è Sodomis Loth imitemur. Non enim consequemur salutem in illa depressa planitie, vbi impuri sodomitæ, & voluptatum cano obducti conflagrarunt: verum neque in excelsio montis culmine periculum flammæ effugiemus, sed potius in Segor, humilitatis nimirum excepti domicilio, tam montium præcipientes ruinas, quam vallium fœdas euitabimus contagiones.

Quod autem ad alterum spectat, in quo ordinem quendam & respectum reciprocum inter ipsosmet homines designauimus: si cognitio sui eo vsque indagine peruenerit, vt intelligat ex eadem terræ huius gleba omnes plane homines indiscriminatim ortum, & nobilitatis profapiam deduxisse, eundem quoque vitæ exitum & laborum finem expectare, eidem vti communi parenti ac principi Deo subijci, eisdem viuendi legibus ad virtutem institui, contingere non poterit, quin cum perceperit animus tali ipsius naturæ vinculo ita constrictos & colligatos esse omnes homines inter se, ad amorem & beneuolentiam mutuis beneficijs præstandam excitetur. Sed neque hoc solum ex sui cognitione fiet, vt affectione sese inuicem homines prosequantur, verum etiam vt honore & reuerentia illis morem gerant, qui in altiore dignitatis loco & principatus

D. Aug. de  
spirit. &  
anim. c.  
52.

Humilitas  
ex cogni-  
tione sui.  
D. Tho-  
mas, 2. 2.  
q. 161. a.  
2. in corp.  
Genes. 19.

Cognitio  
sui ad vi-  
tam ciuilem  
requisita.



patus fastigio collocantur, qui Reipublicæ clauum & gubernacula tenent, atque rerum summæ imperitantes moderantur. Nam qui seipsum nouerit, is facile sciet, hoc ipsum hominis naturam postulare. Vt enim vita ciuilis, & inter ipsos homines, qui ijsdem legibus teneri debent, cum tranquillitate, & dulcissimo pacis otio, societas seruentur: necesse erit quosdam constituere, qui cæteris præsent, alios vero, qui horum mandata prompte conficiant & exequantur.

Vento nunc ad tertium, quod positum dixi in relatione quadam ipsius hominis ad alias istius mundi partes, quibus nunc cinctus est & circumdatus. Quoniam infinita propemodum sunt, quorum ardente desiderio humanus animus exestare solet vehementius: inter quæ etiam homini aliqua noxia reperiuntur, quæque fugienda sunt potius & repudianda: idcirco omnino necessarium erit rationem aliquam exponere, cuius admonitu, & quasi ductu, eorum actione nostra delectus fiat, quæ humanis officijs, & ipsius hominis dignitati magis accommodata existunt. Nihil autem ad hoc plus conferre videtur, quam si conditionem nostræ naturæ nobis perspectam effecerimus. Qui enim cuiuslibet rei perfectam assequutus est scientiam, qua res ipsa penitus cognoscitur, is facillime diiudicabit, quidnam ipsi aptius respondeat, quidve eidem aduersetur & repugnet. Huiusmodi enim ratiocinatione Saluator noster aliquando usus, adseruit parentes filijs, multo autem magis Deum petentibus ea solere munera impertire, quæ iudicantur ipsorum naturis rectius conuenire: eaque negare, quæ essent ipsis nocitura. *Quis autem ex* Luca 11.  
*uobis patrem petiit panem, nunquid lapidem dabit illi aut pisces, nunquid pro* Vide August.  
*pisco serpentem dabit illi: aut si petierit ouem, nunquid porrigit illi scorpionem?* Ep. 121.  
 Optime siquidem norunt parentes, serpentes & scorpiones interitum potius filijs suis allatura: quod ab ipsa natura insitum illis ad vitam sustentandam pastus appetitum recte calleant huiusmodi refugere & auersari. Salamandram, (cum eius naturam exploratam habemus) si in ignem coniecerimus, nihil inde nocimenti consequuturam putabimus: Plin. nat. hist. lib. 10. cap. 67.  
 sui vero manum vel pedem flammis intulerimus, protinus deuastandam intelligemus. Quare ut inter hæc bonorum circumfluentia genera, quibus vita nostra abundat, ita nos ipsos comparemus, uti ea sola adsciscere velimus, quæ prodesse nobis poterunt: iuuabit omnino tam corporis, quam animæ rationem diligentissime expendere, & harum partium naturis exquisita aliqua scientia tenere. Cum enim semel nobis clare constiterit, eam esse nostri excellentem dignitatem, quæ veluti regia resplendet, purpura reliquis omnibus authoritate & imperio antecellimus: indignum plane fortuna nostra & gradu sentiemus, minus recta aliqua

B 3

actione



*Hominis  
dignitatē  
tuetur sui  
cognitio.*

*Ions c. 1.*

*I n c a 16.*

actione, quasi ex alto decidere, & nihil è terris elatum suspicientes, infimis rebus turpiter obsequi & parere. Enimvero ex vitiosis actionibus, & à recta ratione auersis, summam eamque grauissimam seruitutem homini inferri, quis non animaduertit? Ita enim rerum ordinem corrupti & deprauati mores inuertunt, ut quod lōge sub ipso homine positum est & constitutum, illud euadat tandem, in quo vltimus actionum finis, & totius vitæ scopus ab ipso collocetur. Non enim is erit homo amplius, qui imperium tenet, qui iure suo vtatur, quamdiu vitæ ratio ex libidine solum deducta animi mores efformat: sed potius res illæ, quarum amore intemperanti flagrat, ipsum tanquam vinculis constrictum seruum aliquem aut captiuum detinebunt, eoque depriment & deiciant, uti terræ fecibus intimo animi sui affectu totus incumbat & inhærescat. Nam si homo is esset, qui principatum obtineret, tunc ipsa ratio, in qua hominis dignitas mirifice elucet, ita actiones ipsius institueret, uti virtutum præceptis optime quadrarent & consentirent. Cæterum turpis molitio, & à recta ratione aberrans, ita menti aduersatur, uti illam omnino loco pellat, deiciat, imperij habenas temeritate quadam concitata perturbationis manibus eius excutiat. Quocirca qui huiusmodi nefarijs actionibus vim rationi inferunt, illamque è sua alta sede deturbant, Ionam imitari videntur prophetam. Hic namque eo animi sui concilio motus nauem conscenderat, quo tanquam fugitiuus seruus Dei ipsius imperio sese infelicitè subduceret. Ita qui vitiose degunt, hoc vel aliud semper assumunt, in quo uti in vltimo fine conquescant, atque ab ipso Deo quodammodo diffugiant. A qua dimissione sui, cum summa turpitudine coniuncta, illa nos demum cognitio poterit auocare, quæ naturæ humanæ excellentiam contemplatur. Fieri enim nullo pacto poterit, uti postquam eximia illa hominis præstantia sui speciem oculis nostris iniecerit, & semel nobis affulserit, illis subijci velimus amplius, quibus potius imperare deberemus. Hoc etiam nomine vel maxime vitia detestanda censebimus, quod ceruicibus nostris grauissimum inducant seruitutis iugum, nosque ita errore obcecatos & dementatos plane reddant, ut cum Esau, amplissimum patrimonium vilissimo quodam iusculo postponamus: neque à Deo Optimo & Maximo, liberorum instar, panes, pisces, oua, & huiusmodi bona, quibus nostra vita sustentari solet, exoptemus; sed potius lapides, serpentes, & scorpiones desideremus, quibus tam animæ, quam corpori extremum malum inferatur. Habenda est idcirco imprimis ratio humanæ dignitatis: vnde ex Sapientis concilio nobis ipsis, non honoribus, non diuitijs, non fortunæ casibus attendamus. Hac enim circa nos sunt, & longo nobis inferiora: de



ra: de quibus nec videtur magnopere laborandum. quod & D. Ambro-  
sius istis nos admonuit: *Tibi ergo attende, & teipsum scito, hoc est, non quales* *D. Amb. l. 6. lxx. c. 7.*  
*latertos habeas, non quantam corporis fortitudinem, non quantas possessiones,*  
*quantam potentiam, sed qualem animam ac mentem, unde omnia concilia profi-*  
*ciscuntur, ad quam operum tuorum fructus refertur.* Nam si reliqua bona for-  
tuna & calus nobis eripuerint, tamen si in admiratione sint hæc apud  
plebem imperitam, nihilo secius cum nos ipsos exacte cognouerimus,  
ea facile contemnemus, eorumque dispendium leniter feremus. Ve-  
nim inquit Cicero: *In hac ille magnificentia rerum, atque in hoc conspectu, &* *Cicer. l. 2.*  
*cognitione natura, dii immortales cum se ipse noscet, quod Apollo præcepit Pi-*  
*thius, quam contemnet? quam despiciet? quam pro nihilo putabit ea, quæ à vulgo*  
*ducuntur amplissima?*

Postremo denique hæc sui cognitio, quantam ad diuinas actiones ef-  
formandas vim habeat, nemo credo est, qui non facile persentiscat. Nam  
ut scribit Cicero: *Qui seipsum norit, primum aliquid se habere sentiet, diui-* *Cicero l. 2.*  
*num ingenium in se suum, sicut simulacrum aliquod dedicationem putabit, tantoq;* *de leg.*  
*tueretur deorum semper dignum aliquid faciet & sentiet.* Cum enim totius  
humanae vitæ extremum terminum cognouerimus, qui his, quæ sensi-  
bus obijciuntur nostris, longe sit excellior & diuinior, quemque nihil  
aliud esse posse, quam ipsummet Deum perspexerimus: ad officium no-  
strum vel maxime conducere arbitramur, diuinis legibus nos obse-  
quentes reddere, honoribus Deo deferendis omne vitæ studium, om-  
nemque eius curam consecrare. Hæc etenim cognitio cælum quodam-  
modo rescindit, actionum nostrarum metam & sublimem scopum, ad  
quem colligare debemus ob oculos statuit & preponit. Si namque  
nullus sit qui telum recta dirigat, nisi prius oculis metam ipsam lustrarit:  
nemo profecto hominum reperietur, qui vitæ suæ instituto illud quod  
optimum est adsequatur vniquam: nisi prius certa aliqua scientia hoc ip-  
sum indagauerit, & menti altius defixum tenuerit. quo semel in-  
uenito & excogitato, tunc quasi proram manu tenentes, o-  
culosque in ipsam cynosuram figentes, felicem totius  
vitæ cursum conficiemus: tandem vero om-  
nium iucunditatum portu excepti,  
veram inde beatitudi-  
nem consequemur.

*Anima*



*Anima cognitionem nobis difficiliorem esse ostenditur, & obscuriorem, adiuncti corporis ratione.*

## CAPVT III.

*Anima in corpore similitudo cum populo Hebræo in seruitute. Heb. 1.*

*Anima incommoda ex corpore.*

**H**EBRAICI populi eximia illa dignitas, & apud Deū gratia qua valebat singularis, humanum profecto illū oculum omnino effugerent, qui tyrannici Principis dira seueritate depressum, inedia & laboribus confectum, in alieno, idque barbarico, & inculto solo oberrantem contempleretur. Quis enim tandem secum existimaret, quorumcunque mortalium ipsi Deo homines longe charissimos, diuinarum promissionum ex testamento hæredes constitutos, radijs cœlestis cuiusdam cognitionis illustratos, ipsius Christi prosapia nobilitatos, omnium denique charissimum affluentia ditatos, in has demum miseras & calamitates infortunio deuenisse: uti luteis vasis formandis, paleis que ventorum turbine dissipatis recolligendis, victum quererent, ac vitam misero quodam labore sustinerent? Eodem plane modo, qui acerbitates illas, & molestiarum genera, illa inquam omnia incommoda, quæ humana mens corpori inclusa indies patitur, diligentiori animaduersione expendunt, ægre admodum adducuntur ut credant, ad illam dignitatis apicem hanc nostram animam tot malis obiectam, diuino opificio euectam esse: uti ipsius Dei naturam, in carnis fragili mole, veluti in rudiori tabella exprimat, aut adunbret: vel quod æternitate dimensa perpetuo subsistat, neque vnquā aliquo interitu sit defluxura. Si namque vni animæ intellectualem primo in loco intueamur, hanc adeo restrictam, repressam, & angustis quibusdam cancellis coercitam reperiemus, uti intelligamus ad ea solum, quæ in materia concreta sunt, & coagmentata ipsam operatione sua pertingere, & nescio quorum phantasmatum, quasi nebulis è sensuum lacunis exorientibus obductam, ab aperta veritatis luce repelli perpetuo, dum aliquid despicere conatur. Illa præterea appetendi facultas (uti experimur) quæ ambitione haud culpabili cœlorum verticem transcendere deberet, nunc rabidis quibusdam perturbationibus impetita ac superata dimittitur & frangitur; nunc vero scdioris voluptatis emollita blanditijs, (veluti hamo altius visceribus infixio) huc atque illuc dulci quodam malo pertrahitur. Tot interdum ipsa anima morbis cōflictatur, tot fluentiū & refluentiū casuum Euripis latera eius quotidie concutiuntur: mortis etiam aspectu, quo nihil formidabilius, ita percellitur, uti nihil ipsa anima inconstan-



inconstantius aut infelicius cogitari posse videatur. Hanc vero animarum ex corporibus enatam & profectam conditionem adeo iniquam & miseram sententijs suis ex secta Origenis homines rati sunt, uti animas in hæc corpora, tanquam in quædam ergastula, ad pœnas peccatis debitas luendas affirmarent esse detrusas. Alij autem illam opinionem susceperunt, qua iudicarunt dissoluto corpore animam quoque defluere, in tenues auras abire, imo in nihil tandem evanescere.

At quoniam similitudinis rationem aliquam, inter animam corporis mole oppressam, & Hebræum populum extrema quæque ab exteris perferentem constituerimus: ad hanc illustrandam magis, proderit omnino eiusdem populi acerbos casus, quos in captivitate Babylonica sustinuit, enucleatius paullo recensere. Deploranda sane fuit Hebræorum hæc devastatio, & totius ferme illius gentis exterminatio acerbissima, quæ vel cordi ad instantino commiserationem incutere, & doloris aculeos intime poterit infigere. Diruto etenim templo, & excisa ciuitate regia, in externo solo, idque Babylonix, exules & exterres Iudæi vitam ærumnis confectam plane traduxerunt, seu potius diuturniorem mortem prolixiori exilio propagarunt. Qui cum infinitis propemodum malis vrgerentur, uti tamen illis risum facerent, quibus misere parere cogebantur, in mandatis acceperunt canticum atque hymnum non nisi de canticis Syon occinere. An non anima hæc nostra Syon quasi eiecta domicilio & arce,

*Indurum  
misera in  
captiu.  
Babyl.*

*Psalm. 136.*

hoc est de sublimi contemplationis specula deturbata censeatur, corpori huic infixæ, hisque cymereis tenebris ignorantix circumfusa? Sed neque alibi sedem defixit, quam in ipsius Babylonis emporio, quippe in quo rerum omnium confusio, & totius vitæ nostræ cernitur perturbatio. Si enim corporis rationem cogitemus, quid aliud quam animæ exilium, & captivitatæ iugum eidem iniectum nobis occurrent? neque enim ita cælum à terra spatij interiectu dissitum est & seuulsum, sicut anima substantiæ suæ differentia à corporum conditione, ab hæc inquam mole crassiori qua detinetur, discreta & seiuncta. Dux etenim naturæ istæ, quasi duo populi existunt, quarum altera hospitio excepta externo, anima nimirum, omnino peregrinatur. Sublimius quippe hæc anima, corpus autem vile & abiectum. Anima spiritalis, corpus concretum quid, & terrenis contragionibus obnoxium. Anima à corpore auulsa, veritatis lucem, & omni amœnitæ circumfluens eliseos campos inquirat. Corpus autem hoc quid aliud, quam terræ debitum vectigal, vermium esca, & inferius deprimendum? Iam animæ peregrinationem descripsimus, adiectam quoque eidem servitutem inspiciemus. Babylonicos Dominos, nostri corporis sensus merito appello: qui imperium sane acerbissi-

*Anima in  
corpore quasi  
in ierusalem  
Babylonica.*

*Corporis &  
anima di-  
uersa natu-  
ra.*

*Corporis im-  
perium in a-  
nimam.*

C

mum



mum continuo in animam exercent, huc atque illuc, pro libidinis in-  
 temperanti varietate eam impellentes. Nunc etenim visus seuerè in præ-  
 ceptis animæ tradit coloribus intendere, & ex his voluptatem aliquam  
 venari. Auditus iubet in percipiendis soni numeris, apte & ex *συμμετρίᾳ*  
 modulatis, ipsam sedulo occupari. Præcipit olfactus, vt arte quosdam  
 confectos odores vel peregrinum murem per immensa terræ marisque  
 spatia mercatu suo acquirat. Gustus mandat, vt in esculentis & poculen-  
 tis comparandis omne studium & curam ponat. Tactus vero imperat,  
 vt eius sollicitudine sensibus adhibeantur titillationes, quibus suauius  
 ipsum corpus tractetur. Quæ quidem omnia per sensus nostros ingressa,  
 cum ad interiorē concupiscendi facultatem peruenerint: Deus bone,  
 quos fluctus, quas turbas & tragædias concitare solent? Hinc amor ani-  
 mæ vires emollit, eneruat, & dissoluit plane. Odium, absynthio suo &  
 felle, iucunditatem omnem exterminat. Ira veluti flamma crepitans,  
 fumo admixta, accendit, inficit, & deuastat animæ pulchritudinem. Spes  
 in altum vi quadam eam rapit. Desperatio curarum fluctibus obruit, &  
 sub orcum recondit. Babylonis profecto imperium vt in nobis agnos-  
 camus, necesse erit. Quare obstrepentibus huiusmodi affectionum tur-  
 bis, vbi omnia summa quadam confusione permiscuntur: quomodo ani-  
 ma hoc modo perturbata, in hoc sui exilio cantilenam natiuam voce ca-  
 nora proferre poterit, aut aliquid se dignum in vita præstare? An non se-  
 dere cogitur (parum enim esset, si ad fugam parata staret, vel si iam in  
 ipso cursu festinaret) super flumina Babylonis, vbi voluptates & sen-  
 suum oblectamenta instar rapidissimi cuiusdam torrentis decurrunt?  
 proinde mirum non erit, si in salicibus suspensa omnis veræ ac liquidæ  
 iucunditatis eius organa existant. Nam hæc nostra corpora veluti salices  
 quædam, humore fluenti vegetatæ, facultates animæ detinent vinculis  
 constrictas & quasi suspensas ferunt. Quis itaque animo & cogitatione  
 hæc, quibus humana mens inuoluitur & implicatur, mala secum perpen-  
 dens, florentem eius speciem, & eximiam pulchritudinem in tanto  
 corporis dedecore, cōtēplari poterit? Si enim ex Platonis sentētia, huma-  
 num corpus Græco vocabulo *σῶμα* dicatur, quasi *σῆμα*, sepulchrum:  
 quod in sepulchro nihil eximium imo nec viuum aliquid aut vegetum  
 delitescere semper existimamus: animæ quoque conditionem, sepulchri  
 istius obiectu impediti, ac si præclarum aliquid esset, persentiscere & de-  
 finire iudicijs nostris nunquam valebimus. Immerita namque luto, vel  
 Apellis penicillo delineata Helenæ effigies, colorem omnem & ve-  
 nustatis elegantiam amittet. Ita anima corporis lue & contagione affe-  
 cta & deformata, longius ab illa sui forma recedit, qua alioquin à cor-  
 pore

Plato in  
 Cratilo.



pore secreta, tanquam lucidissima gemma præfulgeret. Imo ita corpori iam penitus adhærescit, & agnata est, ut in corpoream & crassam quandam substantiam visa sit transiisse: Eodem plane modo ac si infans aliquis, regio sanguine illustris, ab incunabulis in pastorum caulis & antris educatus, barbarus tandem & agrestis ex conuictu illo euaderet. Commentum est poetarum, Dianæ præstigijs Acteonem humana fuisse exutum forma, & in feram transformatum, à suis canibus demum, quod in ipso nullum prorsus herilem auctoritatem agnoscerent, decerptum & dilaniatum misere periisse. Vnde autem iam euenit, uti tot feræ & immanes plane cupiditates in animam gregatim incurserint: nisi quod hæc dignitatis purpura spoliata, à seipsa quodammodo degenerauerit, & feros quosdam mores immanemque alicuius naturam ostenderit? ideoque iam iam peritura fero nimis exclamat.

*Corpus animam quodammodo mutat.*

*Ouidius Metam. l. 4.*

. . . . . *Dominum cognoscite vestrum.*

Quamobrem non cuiusvis aut vulgaris alicuius studij erit, ad pleniorē ipsius animæ notitiā penetrare: Si enim corpus spectemus, cuius crassiori anima inuolucro cōtegatur, illam esse drachmam deperditam affirmabimus, quā mulier ex relatu Euāgelij accēsa lucerna & versa domo diligenter investigauit. Ad exquirendam idcirco animæ ipsius naturam, cognitionis singulari quodam lumine indigemus: postmodum omnes è corpore enatæ sordes, quibus veluti pulueribus & fuligine ipsa deformatur, erunt seponendæ. Sic D. Basylius admonuit: *Sed præstantiori quadam sapientia opus est, qua seipsum quisque quidnam sit, nosse valeat: id vero his, qui minime repurgata mente sunt, difficile est, quam in solam aspicere lippienti.* Si enim aurum terræ visceribus implexum, vel margaritæ conchis marinis incluse, speciem pulchritudinis suæ nostris non ingerunt sensibus, priusquam feces omnes illis agnatas, vel ignis ardor decoxerit, mallei vis disperferit, vel lima aliqua abraferit: neque sublimis animæ nostræ effigies nobis efflorescere videbitur, nisi tenebras illas, quas corpus ipsi offundit, & quasi contractam ex eius commercio fuliginem, alca & exquisita quadam scientia rerum naturas discernente eiecerim is. Quam quidem notitiam adeo difficilem, implicatam, & obscuram arbitratus est omnium summus Philosophus ille Aristoteles, uti dicat: *πᾶντι καὶ πᾶσι τοῖς ἡμέτεροις ἀδύνατον ἐστὶν εὖ γινώσκειν τὴν ψυχὴν.* Difficillimum est, aliquam fidem habere de ipsa. Hinc namque venit, quod ita sententia & opinione de animæ substantia disputans Aristoteles, sepius iam fluctuarit. An enim hæc esset immortalis atque humani corporis vera forma, illi intrinsece indita: an mortalis potius, vel saltem eidem extrinsece adsistens, anxie & trepide inquisiuit. nec immerito. Si enim aliquam exerceat anima

*Luca 19. Anima cognitio difficilis.*

*D. Basyli. de leg. lib. 4. præparat.*

*Aristot. 2. de anima textu 4.*

*Anima difficultissima per se ipsam.*

C 2

operatio-



*An sit cor-  
poris for-  
ma necne.*

operationem, quæ nullum prorsus à corpore exigit adminiculum: vti credimus contingere, dum intelligimus, & rerum causas contempla-  
mur: vacillabit philosophus, & mentem eius diuersæ trahent cogitatio-  
nes ancipites subdubitâtem, an ad corpus aliquo modo spectet necne. Sin  
autem exploratum habeat, eam corporis esse formam, tunc à corpore ita  
pendere suspicabitur, vti eo dissipato & conuulso, ipsam quoque pariter  
intercidere opinari incipiat.

*D. Thom.  
1. parte q.  
87. art. 1.  
in corp.  
Duplex  
ratio cog-  
noscendi  
animam.*

Vnde corporis hæc cum anima coniunctio, obscuriorem nobis facit  
eius intelligentiam: cum videamus mirabili quadam consonantia sub-  
stantias ita dispersitas, atque ipso genere discretas, in vnum suppositum  
tam amice coalescere. Proinde nec incongrue quidem affirmare possu-  
mus, ita corpus animæ vmbra quandam adijcere: sicut & terra lunæ  
nebulam effundit, dum sui interiectu splendorem eius nostris eripit  
obutibus. Verum D. Thomas duplicem quandam viam & methodum  
nobis repandit, qua in animæ notitiam vtrumque deueniamus. Vno qui-  
dem modo (inquit) particulariter, secundum quod Socrates vel Plato percipit se  
habere animam intellectuam, ex hoc quod percipit se intelligere. Alio modo in  
vniuersali, secundum quod naturam humanæ mentis ex actu intellectus considera-  
mus. Ex operationis itaque genere, ipsius animæ nobilitas & præstantia  
nobis elucet: quantumvis illi corpus crassum hoc & terrenum adhæ-  
reat. Sicut enim post solis occasum, tamen si solis ipsius substantiam haud  
oculis intueamur: nihilominus ex tenui illo diffuso lumine, quo inferiora  
illustrantur, aliquatenus solis splendorem animis estimamus: Ita licet  
propter corporis interiectam crassitiem aperte & explicate intueri non  
possimus animæ fulgorem, & eius eximiam magnitudinem: tamen ex  
vi & energia operationum, qua etiam in corpore collucet, quamque co-  
gitatione nostra deprehendimus, illam non nisi excellentis & sublimis  
cuiusdam esse naturæ facile diiudicamus. Sit politus & excultus iste Ia-  
cob fratris sui Esau vestibibus indutus, hirsutus totus & hispidus, atque  
plane agrestis: licet Esau manus esse videantur, vox tamen quæ rationis  
est instrumentum, quaque homo à cæteris animantibus distinguitur,  
Iacob nobis monstrabit & referet, roris cœli terræque pinguedinis hæ-  
redem signabit: atque vt nominis ratio indicat, corruptionis supplantato-  
rem. Hæc enim est illa vitta aurea, de qua Ecclesiastes, quæ hydriæ licet,  
vasi nimirum fictili corporis innexa sit, & propterea in puteum volup-  
tatum, veluti in obscurum & cœnosum locum dimittenda sæpius, nihilo-  
minus aurea est, cum corpus vile & abiectum interim existat: quæque  
ad Deum authorem sui, immortalitati donata tandem recurret. Antequam  
rumpatur funiculus argenteus, & recurrat vitta aurea, & conteratur hydria super  
fontem,

*Genes. 25.*

*Eccles. 12.*



fontem, & confringatur iata super cisternum, & reuertatur puluis in terram suam  
vnde erat, & spiritus redeat ad Deum, qui dedit illum.

Quoniam itaque cognitio, quam de animæ præstantia susceptam habemus, non nisi ex eiusdem operationibus, vtpote quibusdam signis & indicibus deducitur, sit uti animæ substantiam ipsam haud perspectam habeamus: nisi ratione quadam confusa & magis vniuersali, quæ cogitationem non tam desert ad essentiam intelligendam, quam eius existentiam. Cuius rei disquisitionis paucis modo erit peragenda. Constat itaque animam, cum cætera omnia sua mente lustrat, penitus seipsam non intueri. Quemadmodum enim oculus sibi obiectum colorem perspicit, aciem suam ipsius non despicit: ita neque animus, dum reliqua omnia scrutatur, seipsum penitus exploratum habet. Nihilominus quod hæc sui perfectior & accuratior cognitio, naturæ ipsius animæ maxime accommodata videatur: inuestiganda erit obstaculi & impimenti ratio, ex qua vis animi intellectus ab hac sui aperta notitia arceatur. Ex Aristotelis quidem placitis, huiusmodi causa assignari poterit, cum enim anima de sententia ipsius, non aliter se, quam cætera cognoscat: nisi sibi illam effunderit & excuderit speciem, quæ animæ veluti propria nota sit & character, qui ipsam ad viuum repræsentet, nullo quidem modo mens animæ visum & perspicuum intuitum adsequetur vti quædam species autem omnis, quam anima corpori illegata valet exprimere, à phantasmatibus solum deriuanda est & euocanda. Hæc autem phantasmata, simulacra existunt tantum sensu perceptibilium rerum. Intellectus enim, qui agens nuncupatur, speciem non elicit nisi ex re aliqua sensibili. Huius autem ordinis nequaquam est hominis animus, vnde diuus Thom. D. Th. 1. p. 1. q. 83. ar. 2. Dicitur est autem, quod quandau anima corpori est vnita, intelligit conuertendo se ad phantasmata: & ideo nec se ipsam potest intelligere, nisi in quantum sit actu intelligens per speciem à phantasmatibus abstractam. Species autem isthæ duplici de causa ad intelligendum postulari videtur, (vti ex Ioannis Scoti disputatione colligere possumus) primo quidem, ex parte ipsius obiecti intelligibilis, hoc enim (vt ipse loquitur) transferendum est de serie & ordine sensibilium ad classem intelligibilium, nam sicut intellectus facultas spiritalis prorsus est & immaterialis: ita quoque eiusdem obiectum omnis ratione efformata speciei intelligibilis, spirituale, & immateriale euadere debet: vti inter potentiam eiusque obiectum debita quedam proportio decernitur. Verum si hanc argutiam spectemus anima vt se ipsam clare intelligat, speciei omnino non indigebit. Est enim hæc suapte natura intelligibilis & spiritalis: proinde non sicut cætera, quæ sensibus obuiantur, ita & ipsa opificio intellectus agentis, ad

Quare animus in hac vita suam substantiam aperte non intelligat.

D. Th. 1. p. 1. q. 83. ar. 2.

Scot. in 1. 2. D. 3. q. 6.



ris, ad aliquem alium rerum ordinem erit transferenda. Altera vero ratio, qua speciei necessitatem ad intelligendum adstruit Scotus, huiusmodi est: Ad hoc (inquit) ut aliqua operatrix, vis, & facultas, quæ plura præstare poterit, eaque distinctissima, aliquid tandem definiti molietur: interuenire debet formæ accessus, quo determinetur, ac ad unum destinetur. Intellectus autem, quantum ex se, omnino est indifferens, ad quodcunque intelligibile percipiendum: necessario idcirco suscipi debet species aliqua, quæ huius, non alterius rei propria existens nota & genuina impressio: ad hanc intellectionem, non aliam, mentis aciem inlectat. Nihilominus huiusmodi argumentatio id videtur adsumere, quod in disquisitione positum est ac controuersia. Sciscitabor namque cur naturæ auctor Deus hanc speciem animæ propriam in ipsa creatione illi non indiderit? Nam hæc animæ & eius substantiæ perspicua cognitio, quam inquirimus, ipsi quodammodo videtur naturalis: ea propter hac carere non debuit, nisi culpa aliqua sua huiusmodi pœnam sibi ipsi intulisset. D. Thom. adhuc obscurius de hac re statuit ac definit. Is enim de cognitione animæ à corpore seiunctæ disputans; sic loquitur: *Sed cum fuerit à corpore separata, intelliget, non conuertendo se ad phantasmata, sed ad ea, quæ sunt secundum se intelligibilia: unde seipsam per seipsam intelliget.* Si itaque anima segregata à corpore, speciei loco suam propriam habitura sit essentiam: hancque ipsam nunc quoque retineat in corpore: modo ipsa constituetur (ut loquuntur) in actu primo, & cum idonea determinatione principij, ut seipsam clare intelligat. Cum porro animæ substantia obiectum quoddam est commensuratum proportionem debita ipsi menti, nihil ob stare videtur, quo minus ipsa se dilucide intueatur. Nisi dicamus tandem, ad huiusmodi explicatæ cognitionis actum eliciendum, concursus suum generalem humano intellectui nolle Deum impertire: quod nimis sane esset violentum, ab ipsa natura, placidoque eiusdem cursu, quo cuncta feruntur, alienum plane & abhorrens. Anima enim quam primum ex hoc corporis ergastulo euolauerit, statim naturam suam & substantiam aperte intuebitur: ac si eiusmodi cognitio ipsi esset naturalis, & ad illam spectans omnino. Fortassis itaque pœnæ loco ducendum erit, quod in hac vita tam præclara cognitione destituamur. Ita de sententia D. Augustini coniecit Ioannes Scotus: *Respondeo, intellectus noster, pro statu isto, non est natus moueri immediate, nisi ab aliquo imaginabili vel sensibili extra prius moueatur. & quare hoc? forte propter peccatum: sicut videtur Augustinus dicere. hoc tibi fecit infirmitas: & quæ causa infirmitatis, nisi iniquitas? Longe idcirco nunc absumus ab illa clara perfectaque animæ cognitione, quam corporibus exuti tandem consequemur, interim (ut ait* Pla-

D. Thom.  
supra.

D. Augustin.  
lib. 15. Trin.  
cap. ult.  
Scot in  
2. d. 3. q. 8.



Plato) ita animæ formam umbratilem mentis oculis lustramus, sicut *Plato lib. 6. de repub.* pueri, qui in aquis corporum effigies aspiciunt & contemplantur. Non tamen prout iudicis eo, quin & ipsius corporis egregia atque concinna structura aliquam nobis pariat ipsius animæ cognitionem. Huius enim compositio & motus animam quid diuinum esse testantur. Veruntamen quod ulterius in hac excellenti cognitione progredi nequeat intellectus, eius imbecillitatem ita merito deplorat D. Bernardus: *Sed miranda prorsus & miseranda humanarum conditio animarum: quæ licet tam multa foris ingenij vi acie percipiat, nulla tamen perspicuitate semetipsas, sicut sunt, nosce aut cogitare sufficiant; sed egeat omnino figuris & enigmatibus quibusdam corporum similitudinum: ut ex visibilibus & exterioribus possint vel aliquatenus invisibilia atque interna congere.* Hinc Greg. Naz.

*D. Bernard.  
serm. de  
carn. et. &  
oss. anim.*

*D. Greg.  
Naz. Carm.  
vii. sua.*

*Vita mihi est alibi, verum sub corpore trasso,  
Quod mentis tenebras sapientum turba vocauis.*

*Subductio & auocatio mentis ab exterioribus negotiis plurimum conducunt ad cognitionem sui, quæ ab orthodoxa fide constituta animæ praesidia, seclariana perfidia, in grauissimum eiusdem animæ detrimentum amoliri conatur.*

## CAPVT IIII.

**D**V O præsertim sunt (ut satis scripturæ testimonio comprobatur) quibus integrum ipsius hominis officium continetur. Quorum primum est, mali occasiones, & incentiua, tanquam scopulos, præcipitia, & altos gurgites declinare: alterum vero, studiosis virtutum actionibus strenue seduloque incumbere. Non enim perinde sicut in militari acie, qui turpiter diffugiens stationem & locum deserit, extremi dedecoris notam sibi inurit: ita quoque qui Christianæ militiæ nomen dedit, sibi vel professioni suæ labem consciscit ignominia, si hostium impetus subductione sui aliquando effugerit & deuiderit. Quin potius tunc vel maxime aduersas vires rescindit & frangit, quando post diurnam iactationem, cælesta decantans, tranquillitatis portum ex alto se recipiens, ut tutissimum vitæ perflugium tenuerit. Hinc est quoddam Christianæ perfectionis præcipua quædam ratio in hoc posita sit, ut ijs omnibus bonis, quibus suos mundus iste blande excipere solet, denudari velit homo ac spoliari,

*Abdicatio  
rerum ad  
virtutem  
multum fa-  
tis.*



24 DE TRIPLICI HOMINIS OFFICIO,

liari, leuioriq̃ue alia ad ea quæ summa sunt ac cœlestia deinde aspirare. Propterea Christus Dominus (è cuius verbis & vitæ instituto omnia ad virtutem capeſcendam emolumenta vitiaq̃ue proſtiganda munimenta & præſidia proueniunt) huiusmodi apud Prophetam nominibus inſigniri voluit: *Et dixit Dominus ad me, ſume tibi librum grandem, & ſcribe in eo, ſtylo hominis, velociter ſpolia detrahe, cito prædare.* Quamobrem anima (quæ quod omnium eſt longe præſantiſſimum, firmo quodam propoſito, & voto conſectari ſtatuerat) baptiſmalibus vndis emerſa, omnino candida & ſpecioſa in hæſce voces prorupit: *Expoliaui me tunica mea.* ac ſi diceret: Chriſtiano nomine imbuta, veterem (vt ait Apoſtolus) exui hominem; cum ſerpente pellem detraxi: vt quæ antea propter peccatum, animalium exuiijs induta, in hunc mundum ærumnoſum tanquam in exilium eſſem amandata: modo mihi, tanquam altero Protheo renouata mei forma, reſſus pateret in paradifum. *Quomodo induar illa?* Fietne aliquando vt in cogitationem inducam meam, ſordidas illas & laceras quas abieci veſtes reſumere, quibus iam ſplendide exornata, deturpari potius ac dehoneſtari videar? Alterius procul dubio conditionis occupationes vitæ meæ modo exiſtunt, quam vt voluptates aut diuitias comparare ſtudeam. Quin potius Phœnicem imitabor, qui rediuius iam pullus effectus, plumiſq̃ue inſtructus, cineres & parentis buſtum relinquens, pernici volatu elatus ſoli applaudit: Ita mortalitatis cineres & concupiſcentiæ rogum deferens, ætherea cœleſtiæque intellectus petam contemplatione. *Lauī pedes meos,* Iordanis fluento, Chriſti Domini diuiſiſſima carne ſanctificato: ſi quas maculas & ſordes contraxeram, eas penitus abſterſi. *Quomodo coinquinabo illos?* Non eſt quod amplius ad hanc contagionem & vitæ feces reuertar: alio mens mea eſt auocanda, & è terra quaſi ſublata, in ramis illius ſinapis in altum excreſcentis collocanda, vbi nidus inter cœli volucres eſt requirendus: Vel potius præclarum illud exemplum columbæ (de quo in Canticis) mihi proponendum erit, in quod intuear: *Oculi tui ſicut columbæ, ſuper riuulos aquarū, quæ lacte ſunt lotæ, & reſident iuxta fluentia pleniffima.* Chriſtiani ſiquidem hominis tales deberent eſſe mentis oculi, quales ſunt columbæ: videlicet ſimplices, puri, è turbis ſemoti, & qui vagi amoris faſcinio non pateant. Propterea cum oculis columbarum, earundem & pennas ſibi dari, tantopere ſanctiſſimus Propheta Dauid exoptauit, cum dixerit: *Quis mihi dabit pennas, ſicut columbæ?* At quorſum Rex auguſtiſſime, inexhauſtis tuis theſauris, rerum omnium ad votum & voluptatem tibi affluentium copiæ, auro gemmiſq̃ue radiantibus, leues hæſce fragiles pennas arbitraris præferendas? quod ſi pennas ita deſideres, cur non alias potius quam columbæ, humilis



humilis quidem & abiecti animalculi? *Et volabo* respondet, Non Cræsi diuitiæ, non Sardanapali deliciae, non Alexandri gloria, hanc animam ad superos vnquā poterūt enechere: sed potius terræ illigatam grauissimo quodā pondere prement, ac inferius semper in hoc luto detinebunt. Sin autem mihi columbinæ pennæ darentur, libere protinus auolarem, & à vitæ istius perturbatione abreptus, in Angelorum choros & chortas me placide inuolare. Non quidem superbas exopto alas aquilæ, & Iouis illius alitis, quæ defixis in solem oculis: hoc est in gloriam hanc fucaram & populare intendent, acri quodam motu fursim pēnas euibrat. Neque voracis corui aut vulturis plumas quidquam æstimo: ad putrida enim ac seculenta conuolant voluptatum cadauera: atque dum prædam insequuntur auide, de regresso in arcem nunquam cogitare solent. Sed neq; ferocis accipitris alarū remigiū quæro, sub cuius vnguibus imbelles & timida auiculæ cōtremiscunt, solius idcirco colūbæ pēnas imploro, quibus in solitudinem delatus, cum otio & tranquillitate animæ, diuinorum contemplationi vacare potero. *Et requiescam.* Nunc forensibus districtus negotiis, perturbationum æstu quodam diuexor: occupationes quotidianæ melioribus studiis incumbentem animum continenter interpellant, fortunæ varij casus frequentius concutiunt, rerum vicissitudo anxium & sollicitum perpetuo tenet. Neque est, quod in hac rerum agitatione, quietem aliquam vel laborum periodum expectem: vincam licet, & quasunque demum difficultates superem: Cadmæa nihilominus se efferebat victoria. Cum enim Cadmus truce[m] illum serpentem, ignem naribus efflamem extinxisset, illico ex eiusdem dentibus, quasi semine in terram coniecto, nouorum hostium amplissima quædam & ferrea seges cepit excrefcere: ita si hanc vitij huius hidram deuicerim, si hanc mihi iniectam tentationem firmitate animi repulerim, alia quædam identidem acies explicata in mei perniciem educetur. Quod si demum ad optatum euentum quidpiam perduxerim, alterius rei cupiditate ita inflammabor, vti lætitiā prope nullam percepturus sim ex ijs, quæ mihi prospere affluerunt. Sin autem columbæ habere[m] pennas, ausim dicere: *Volarem & requiescerem.* Huius enim columbæ pennæ deargentatæ, propter rerum eximiam scientiam, quam mentibus adfert, & dorsum eius in pallore auri propter summam charitatem, qua laborantibus subsidio esse solet. Solitudinis itaque hæc duo sunt insignia, scientia & charitas. Hæc eadem religio forum ornamenta.

Genesi 1.

Ouid. Metamorph. 4.

Psalmus 67.

Lac hyeroglyph. antiqua. sancti i. 4.

Istius columbæ oculos superius dictum est lacte fuisse lotos. Duo autem sunt, quæ in lacte a nobis expendenda videntur: vt hyeroglifici huius vim & significationem exprimamus: coloris nimirum candor, sapo-

D risque



Psal. 50.

risque dulcedo. Candor quidem indicium est animæ puræ & illibatæ, omnis prorsus labeculæ expertis. *Lauabis me*, (inquit Psalmista) & *super niuem dealbabor*. Dulcedo autem illum repræsentat ex diuinorum gustu in animo admirabilem quendam sensum iucunditatis: quo in Dei familiam adscitus, perfundi solet vberime. Proinde neque mirum, si qui usque adeo expurgatam & desecatam habeant mentem, postea resideant iuxta fluentia plenissima. Scribunt naturales historici hunc morem à columbis esse usurpatum: vt si quando rapacis accipitris ungues vereantur, celeri volatu ad limpida quædam flumina conuolent: hinc enim illis euenit, vt quamprimum eorum capitibus rapax illud animal ceperit imminere, eiusdem ymbra statim in aquis deprehendant, qua admoniti, subito se deinde abripiunt, & in angusta quædam loca, veluti petreæ foramina se abdunt. Quid autem aliud aptius hæc fluentia columbis gratissima significant, quam rerum humanarum diuinarumque cognitionem? in quam si ad columbarum imitationem perpetuo mentis nostræ oculi defigantur: tunc si modo *φύλοφθορος* dæmon, aut immane aliquod vitium in nos inuolarint, tanquam deformis & horrendi cuiusdam monstri spectrum aspicientes, illud fugiemus, & in foraminibus illius petreæ, quæ Christus est delitescentes, non erit de reliquo quod quidpiã aduersi expauescamus.

Horat.  
Iliad. 6.  
Cura iē.  
poralium  
rerum a  
liena est  
ab anima  
instituto.

Sin vero mentem negotijs forensibus & popularibus nunquam subduxerimus, idem nobis aliquando eueniet, quod ingenio se ludens Homerus, de dea Venere finxerat. In congressu etenim illo Æneæ cum Diomede, quod Æneas Diomedis viribus iam ferme oppressus esset, mater eius Venus ex fabula poëtæ ipsum commiserata, vti suppetias periclitanti filio tempestiue adferret, offusa quadam nube, & expanso peplo illum protexit, oculisque furentis Diomedis fraudulenter admodum subtraxit. Quod impatienti animo dum ferret Diomedes, Venerem videns esse doli effectricem, in illam acutum spiculum contorsit, quo & volam manus ipsi traiecit, atque sic vulneratam Deam de iniuria cum Ioue exposcituram dimisit. Inde autem parum sollicitus Diomedes, nequaquam ardua & concertationes ad ipsam spectare dixit, sicut ad Bellonam & Mineruam fortissimas feminas, propterea errori debitas pœnas inflicto vulnere tulisse asseruit. Ita si nos, qui ex vitæ instituto, & iam professione in publicum emissa, hoc molimur & contendimus, vt à sordibus animæ, prauis videlicet moribus, longius distemus: Si mentem è turbulento illo vitæ genere non auocemus, & ad quietem haud transferamus, sed præpostere cum Venere illa immittamus nos in aliena concilia, detrimentum illud tandem perferemus, quo  
gravius



gravius nihil accidere nobis posse indicetur.

Quare ut animus ea inbuatur sapientia, quæ hominis ipsius naturam, causam eiusdem altissimam effectricem, vltimum denique finem contemplatur: quadam subductione sui omnino indigebit. Vbi enim confusi strepitus, promiscui ac inconditi clamores auribus insonant, ibi pulsata lyra suavis concentus non percipitur: nam ut oculi eodem coniectu cælum terramque minime intuentur, ita nec anima contentione æquali, voluptati & virtuti operam simul nauare poterit. Imminuero si mens earum rerum perceptionibus & quasi simulacris impressa & signata fuerit, quæ exteriores sensus libentius admittunt, rerum diuinarum notiones difficulter admodum postea suscipiet; non solum exinde, quod iam præoccupata sit aliarum formarum accessu, verum etiam, quod appetitus perturbationes, quæ oriri solent ex sensu perceptis, mentis aciem ita in aliquam voluptatem deflexerint: ut libere & expedite in alia, præsertim quæ superioris ordinis existunt, dirigi aut deferri amplius non possit. Indefesso enim, prompto, & acri quodam studio de illis cogitamus, quæ sensibus vberius adferunt iucunditatem. Ita Gregorius ille Magnus: *Præueniunt mentes temporalium rerum tumultus intra semetipsas versari non cessant, etiam cum vacent: in cogitatione enim seruant depicta quæ amant, & quamuis exterius nihil faciant, apud semetipsas tamen sub pondere inquietæ & quætu elaborant.* Quapropter quem Deus diuinarum disciplinarum maxime capacem esse velit, ita alloquitur: *Audi filia, & vide.* Quasi diceret, ne patiæ aures tuas sensuum clamoribus obtundi: quin potius eo te conferas velim, ubi à strepitu semotus, vocem meam è supernis resonantem exaudias. Quam cum audiueris, tunc respice, & vide. Hactenus enim nihil quidem vidisti, sed potius e mentis quibusdam formis, sensuum conatibus expressis, falli ac decipi te passus es. *Et inclina autem tuam.* Noli in altum erigere aurea cum Philosophis superbe sapientibus; sed potius animi dimissione præceptis meis attentionem præbe. Nec te audire cupio stellarum aut cælorum voces: sed inclina te. & Christi in præsepio iacentis infantuli dicto sis audiens. Ita Christianus potius censebere, quam Philosophus. Tunc etiam, ut ait Propheta: *Videbis, & affluēs, & mirabitur & dilatabitur cor tuum.* Videbis quæ vera sunt, affluēs bonorum copia, miraberis felicitatis ruz inuentitatem, dilataberis gaudio & iucunditate. Hac de causa legem tulit Deus Iudæis, quæ illis esset norma viuendi, non in ciuitate aliqua aut emporio: quod huiusmodi loca plerumque vitij sunt infecta: sed in vasta solitudine, quæ forma esset innocentiz, uti adnotauit Philo Iudæus. Ad diuinas itaque cogitationes introducendas, tunc nobiscum feliciter actum erit, quando mens veluti rasa

*Animus sibi non attendit  
exterius cuius  
vis distrahitur*

*Greg in 1.  
cap. 106.*

*Psalm 44.*

*Isaia 60.*

*Philo Iud.  
l. de decem  
præcept.*



tabula efficitur, expunctis deleterisque omnibus ijs notis, quas externæ vitæ occupationes variæ, illi aliquando impresserint. Optime enim Aristoteles ostendit humanum intellectum, nullam in se sensibilem complecti naturam: sic enim ut ipse edisserit, cuiuslibet notionis capax non esset. Ita si mens informata sit illis perceptionibus, quæ sensibilibus propriæ sunt, inepta plane deinde erit ad earum rerum contemplationem, quæ à sensuum iudicijs remouentur. Vnde D. Augustinus: *Difficile est in turba videre Christum, solitudo quædam necessaria est menti nostræ, quædam solitudine intentionis videtur Deus. Turba strepitum habet, visio ista secretum desiderat.* Hinc Philosophi, qui naturæ ortum & progressionem tantum sunt demirati, (ut scribit D. Hieronymus) forensibus negotijs abdicatis, secessus quosdam delegerunt, in quibus melius ac liberius contemplationibus suis vacarent. Pythagoræi vastam eremum petierunt, Platonici & Stoici in templorum porticibus & alijs remotis angulis quæstiones suas agitarunt. Et ipse Plato non Athenis musæolum quæsiuit, sed in vico quodam plane deserto, imo aëri insalubri ac pestilenti obnoxio. Quare plenior notitiam hominem vel sui vel aliarum rerum consequi non posse affirmavit, nisi se à corpore (quantum fieri potest) seiunxerit. & Plutarchus: *Si autem fieri non potest, ut cum corpore quicquid dilucide cognoscamus: de duobus est alterum, aut nusquam scientiam consequi licet, aut desunctis tantum: tunc enim ipse per se à corpore seiunctus erit animus.*

Qui itaque virtutum studijs hactenus feliciter incubuerunt, hi ab ipso corpore (quantum illis integrum fuit) plane recesserunt. Nam (ut inquit D. Hieronymus.) *Inutile sane est crebro videre, per quæ aliquando captus sis, & eorum te experimento committere, quibus difficulter careas.* Istius vero solitudinis encomion celebrat Propheta. *Dabo (inquit) in solitudinem cedrum, & spinam, & lignum oliuæ: ponam in deserto abietem, vlmum, & buxum simul.* Quibus nominibus (teste D. Hieronymo) eorum insigniores virtutes, qui solitudinem incolunt designantur: subiungit enim Propheta: *Ut videant, & sciant, & recogitent, & intelligant pariter, quia manus Domini fecit hoc.* Et idem Propheta alibi: *Lætabitur deserta & inuia, & exultabit solitudo, & florebit quasi lilium, germinans germinabit, & exultabit lætānda & laudans, gloria Libani data est ei, decor Carmeli & Saron.* Et quæ tandem causa huius lætitiæ? *Ipsi videbunt gloriam Domini, & decorem Dei nostri.* Hoc quidem vitæ genus, religiosi quorundam institutis, Catholica Ecclesia diligentissime temper excoluit: atque hanc innocuam solitudinem, qui in Christi familiam peculiariter aliquo favore ascripti fuerunt, ipso voto delegerunt. Sicut enim olim filij Prophetarum ad Iordanis ripas concedentes, ibi tugurio-la raptim construxerunt: in quibus à cœtu hominum diuulsi, rebus diuinis.



vinis mente attentius ac corpore constantius intarent: ita nostri Religiosi Iordanis ripas adeunt: imo quod Christus Baptismum, quo initiatur omnes, in Iordane consecrauerit, nos Christianos esse voluit Rechabitas. Ad huiusmodi enim secessum verbis sponsæ inducimur: *Veni dilecte mi, egrediamur in agrum, commoremur in villis, mane surgamus ad vineas: videamus si floruit vinea, si flores fructus parturiunt: si floruerunt mala punice: tibi habeo tibi vbera mea.* Non hæc tamen à me dicta ita accipi velim, quali existimarem ciuitates & hominum consortia esse fugienda: sed ea solum disputari in hanc sententiam, quibus significarem, neminem ad notitiam sui perfectiorem deuenire posse, nisi se aliquando turbis & actioni forenti subduxerit. Hanc autem subductionem non omnibus pereque facilem esse pronuntio: quinimo aliquibus difficillimam assero, illis maxime, quibus animus ferociens perturbationibus concitatur. Ea propter Patriarcha Isaac non prius in agrum egreditur contemplationis gratia, quam dies esset vergente sole in occasum inclinior. Calor etenim concupiscentiæ & altus ille Aethæus deferuere debet, uti homo apte comparatus sit ad hanc solitudinem incolendam. Quam quidem in corde ipso tunc demum inuenies, quando sedulis alijs vitæ occupationibus tibi ipsi solum attenderis. Ad hoc autem quantum conferat institutio monastica, omnes facile possunt intelligere: cuius disciplina coercetur animus omnino, neque corporis vires fusiùs euagari permittuntur. Hanc vero formam componendi mores sectarij cœtibz suis penitus excluderunt. Propterea neque illis aliquid monacho tetrius. Vnde ipsorum omnia soluta admodum sunt & laxa, carni, mundo, & satani aperta. Conantur vero dogmatis prauitate solitudinis huius munimentum nobis eripere. De his autem, quod alias copiosius acturi sumus, quæ hic dici poterant, in alium locum transferemus.

Cant. 7.

Gen. 24.

*Luculentissimis rationibus probatur disciplinas Philosophicas magnam adferre aduementum ad cognitionem sui hominisq; officium recte præstandum: de quo etiam sectarij perperam sentiunt.*

## CAPVT V.

**H**ominem Deus, sicut in alto quodam gradu & dignitatis summo fastigio collocauit, in quo conlucens, tanquam Princeps cæteris

D 3

ani-



Philoso-  
phia inspi-  
ritus ad co-  
gnitionem  
Dei.

D. Athan.  
de hum.  
verbi.

Philoso-  
phia reli-  
gionem  
parit.  
Philoso-  
phia ex  
cultu ab  
antiquis  
et san-  
ctis.

animantibus imperitaret, sibi que omnia subijceret: Ita ad hanc retinen-  
dam authoritatem mirabile rationis lumen illi infudit, quo cuncta ex  
sublimi specula inferius posita despiceret & contemplaretur. Verum  
præclarum hoc munus rationis non solum nobis concessum est, vti eo  
vitam hanc sustentemus, illamque ex earum rerum usu & adminiculo,  
quarum Domini sumus, propagemus: quin potius, vti ex illis ipsis rebus  
ea morum & probitatis præcepta desumamus, quibus vita honesta  
recte possit institui & efformari. Quod si nihil ad virtutem plus opis  
conferat, quam ipsius Dei cognitio, hanc quoque Philosophia, quæ in  
naturæ contemplatione occupata est, nobis pariat: merito istius deside-  
rio atque studio accendi & inflammari debemus. Hæc namque præclara  
notitia mentibus aliquando illapsa nostris, eas solerti opere transferet  
imprimis ad contemplationem & cogitationem eorum, quæ pedibus  
substernuntur: mox ad alia progredietur, ea nimirum quæ nos ambiunt  
quoquoersum: demum rationes eorum allequetur, quæ in altum sus-  
pensa capitibus nostris imminere videmus. Dum autem hæc vniuersi  
huius ordinem pulcherrimum, effectus multiplices, & latentes progres-  
sus speculatur: eximiam quandam Dei ipsius, vtpote omnium causæ &  
opificis notionem in animam pariter ingeret: quamque mundi istius  
partibus, veluti quibusdam characteribus expressam, mens tandem iudi-  
cabit. Quod egregie quidem docuit D. Athanasius: *Ceterum istius sinodi ordo  
documento est, non sponte res creatas prodijisse: sed causam effectricem præcessisse, ex  
qua dispositorem authoremque Deum intelligimus.* Postquam autem numen  
aliquod ex hac rerum contemplatione inuestigauerimus: cuius substan-  
tiæ immensitas per omnia sit expansa, cuius virtute in lucem vniuersa  
emergant, cuius sapientia & prouidentia regantur atque contineantur  
effecta: tunc ex hac varia & multiplici rerum venustate & præstantia as-  
pectabili, quæ nos amore & admiratione capere atque afficere solent,  
tanquam ex quibusdam vestigijs & impressis notis, intelligentia nostra  
inferremus, Deum à quo hæc omnia primitus emanarunt, infinitis qui-  
dem gradibus illis pulchriorem esse & meliorem; tandem quod nihil  
possit Deo excelsius cogitari à nobis, homine dignum; & officij eius  
præcipuam partem arbitrabimur, illius legibus & sacro imperio nos  
subiectos reddere, ab ipsius nutu & voluntate pendere, ad illius de-  
nique cultum & venerationem studia & nostrarum actionum summa  
transferre.

Huiusmodi quidem Sapientiæ desiderio inflammati fuere pij illi, &  
Deo longe charissimi Patriarchæ: qui in contemplandis describendisque  
cælestium corporibus, summam operam & industriam collocarunt.  
Cum



Cum enim diuinę omnipotentię virtus in singulis quibusque rebus appareat & eluceat: tum maxime in cęlorum sphaeris ac stellis conspicua est & illustris. Quorum eximia species & pulchritudo ita mentem hominis allicere & euocare solent, uti spretis quę pedibus subiacent, quamplurimi admiratione quadam suspensi, illa non aliter quę superna sunt suspexerunt, quam uti Dei ipsius regiam splendidissimam, diuinissimę artis eximium quoddam specimen humano generi exhibitum, tutissimum quoque portum nostrum, rerum omnium abundantia circumfluentem, ad quem compressis aliquando & sedatis huiusce vitę fluctibus homini sit confugiendum. Hoc pacto Seth, Adami filius, mathematicis & Astronomicis disciplinis sedulo incubuit, quarum amore adeo incendebatur, ut ex summis ab ipso impensis laboribus, scientię emolumentum non sibi tantummodo acquirere voluerit: verum quod earum peritiā posteritati quoque vtilem & pernecessariam fore arbitratus fuerit: orbis diluuiōem diuinitus edoctus præsentissens, duas ingentis magnitudinis columnas erigi curauit, lapideam vnam, latericiam alteram, quę vel aquarum fluctibus vel ignium flammis eruta sephiel Philosophię monumenta eriperent, nobisque ea certis quibusdam caracteribus redderent consignata. Ut testari sunt quamplurimi, Iosephus, Ado, Naucletus, & alij. Sed neque minorem curam adhibuit Noë, ne excogitatę de cęlestibus rationes, & adinuenta scientia, posteritati excideret. Quod quidem de ipso testatur Berofus, sacerdos Chaldaicus, si tamen penes nos sint eius opera, author sane antiquissimus, cuius etiam mentionem sæpius faciunt, Iosephus, Tertullianus, Clemens Alexandrinus, Eusebius Cęsariensis. Sic autem loquitur: Senex omnium pater Noë, iam ante a edoctus Theologiam & sacros ritus, cepit eos erudire humana sapientia, & quędam multa vtilia rerum secreta mandauit literis. Deinde: Docuit item illos astrorum cursus, & distinxit annum ad cursum solis, & duodecim menses ad motum lune. Hunc Noëcum Berofus appellat tantum: fortassis ea ratione adductus (ut scribit Genebradius) quod vini vsum hominibus primo indicauerit. Nam Hebraicę vinum, Iain appellatur, quamvis Titus Liuius hoc inventum Numę Pompilię potius adscribat. Sicut & Pausanias suis Atheniensibus. Postea propter singularem harum disciplinarum perceptionem, patriarcha Abraham celeberrimum sibi nomen comparauit. De quo sic scribit Philo: *Homo cęlestis sublimis ætherisque natura scrutator, in effectibus eorum causis & id genus alijs Philosophando: ex quo studio & appellatiōnem præsentem sibi quaesivit: Abraham enim interpretatur sublimis.* Cum autem nationum solum verteret, actus in exilium, & in Ægypto peregrinaretur, barbarum quoque illum populum hisce disciplinis erudiendum curauit.

Iosephus 1.  
antiqui. c. 2.  
Ado cron.  
at. 1.  
Nauclet.  
gench. 2.  
Iosephus l. 1.  
antiqui. c. 2. l.  
1. contra  
App.  
Tertul. in  
apoc. 20.  
Clem. Alex.  
1. Strom.  
Euseb. l. 10.  
preparat.  
Berofus l. de  
antiqui. Iain  
pas.  
Genebrad.  
at. 2.  
Gen. 9.  
Liuius  
deuad. 1.  
Abraham  
scientia.  
Pausanias  
in Attic.  
Phil. Ludo  
gigant.  
Abraham  
unde dictus.



*Iosephus  
1. antiq.  
c. 8.*

*Moyſis  
multiplex  
ſcientia.  
Actum 7.  
Phil. de  
vita Moyſ.  
l. 1.*

*Iuſt. Mar.  
l. queſt.*

*Aſpectus  
coelorum  
ad virtutē  
conducit.  
Ariſt.  
apud Ci-  
cer. l. 2. de  
nat. deor.*

rauit. Ita Iosephus: Ob has dissertationes in precio habitus, ut qui magnam tam intelligendi, quam loquendi docendique facultatem præ se ferret: & numerorum scientiam & syderum benigne illis communicauit. Nam ante Abrahami ad se aduentum, Aegyptij rudes erant huiusmodi disciplinarum, quæ à Chaldaeis ad Aegyptios profectæ, hinc apud Græcos tandem peruenierunt. His omnino adiungere debeo diuinum illum legislatorem Moyſen: qui ut Acta Apostolica testantur, eruditus fuit in omni sapientia Aegyptiorum. De quo hæc Philo: Moyſes itaque numeros & Geometriam, vniuersamque musicam, Rithmicam, harmonicam, metricam, siue contemplatiuam, siue per voces prouenientem, modis varijs accepit ab Aegyptijs doctoribus: maxime vero occultam Philosophiam descriptam literis, ut vocant hieroglyphicis: hoc est notis animalium, quæ ipsi venerantur pro numinibus. Quibus studijs narrat Iustinus martyr Moyſen animum ideo applicuisse, quod suo tempore maximo in honore & precio essent apud Aegyptios.

Quantum vero sublimium corporum huiusmodi contemplatio valeat ad ingenerandam & imprimendam in hominum animis opinionem de Deo, eiusque admirabili providentia: ad hoc astruendum abunde faciet vnius Aristotelis sententia. (plura enim adferemus libro 3.) sic autem ipse differit verbis Ciceronis: Si essent qui sub terra semper habitauissent, bonis & illustribus domicilijs: quæque essent ornata signis atque picturis, instructaque rebus his omnibus, quibus abundant hi, qui beati putantur: nec tamen vnquam exissent super terram: accepissent autem fama & auditione esse quoddam numen & vim deorum. Deinde aliquo tempore, patefactis terræ faucibus, ex illis abditis sedibus euadere in hæc loca, quæ nos incolimus, atque exire potuissent: cum repente & maria cælumque vidiſſent, nubium magnitudinem, ventorumque vim cognouiſſent, aspexiſſentque solem, eiusque cum magnitudinem, pulchritudinemque, tum etiam efficientiam cognouiſſent: quod is diem efficeret toto cælo luce diffusa: cum autem terram nox oppacasset, tunc cælum totum cernerent astris distinctum & ornatum: lunæque luminum varietatem, cum crescentis, tum senescentis, eorumque omnium ortus & occasus, atque in omni æternitate ratos immutabilesque cursus. Hæc cum viderent, profecto & esse Deos, & hæc tanta opera deorum esse arbitrarentur. Ea enim in quæ mens cælos contemplando incidit, cum ipso genere præclara atque illustria iudicentur: tum quoque ad religionem & pietatem multum instituunt. Nam quod vniuersa hæc ab vno diuinæ virtutis perenni fonte profluxiſſe ratio nostra existimet, quo maiores, plures, atque præstantiores hiſce rebus vires & qualitates impressas deprehendimus: eo Dei perfectio (cū quæ in alijs dispersa sunt, ac varia, & prope modum infinita, summa quadam simplicitate & vnitatem in eo coërceantur) admiranda magis, suspicienda, ac veneranda nobis proponitur.

Vel



Vel si lubet solius hominis naturam tantum philosophia duce inda-  
 gate, quæ nobis Theſeum ſilum in hac inquisitione præſtare ſolet: Quid  
 niſi mirabile in corporis eius ſtructura & fabrica, quid niſi concinnum,  
 elaboratum, & aptiſſime coherens, quid niſi ad diuinum aliquem finem  
 (quod vel externa eius forma indicat) inſtitutum & efformatum in eo-  
 dem ſe oſtendet? Arque uti de ipſius animæ notitia, quam nobis tradit &  
 explicat Philoſophia, pauca iam dicam: ex huius diſciplinæ præceptis  
 eiſdem ſpiritualem naturam, immortalitatem, & interminum quod-  
 dam ætuum inueſtigamus: potentias & operationes eius ſingulas diſcu-  
 timus, infinitam memoriæ vim, intellectus acumen incredibile, appetitus  
 impetum, & acerrimam energiam expendimus. Ex quibus omnibus ſa-  
 tis docemur, non ad voluptatem percipiendam, ſed virtutem potius ac-  
 quirendam, hominis animam eſſe deſtinatam: neque hiſce terrenis ſedi-  
 bus eam ſemper eſſe detinendam, ſed corpore exutam, ad ſuperna eni-  
 graturam eiſdem intelligimus. Ita Plutarchus: *Hominum animæ, quādiu*  
*hic à corporibus & affectibus continentur, nihil habent cum Deo conſortij, niſi*  
*quatenus philoſophiæ adiumento, velut per ſomnium, intelligentia eum attingunt.*  
*At poſtquam ſolutæ migraverunt in cælum, purum, & viſui atque perſectionibus*  
*non obnoſcunt: ibi tum eorum ductor ipſe Deus eſt, ab ipſo pendentium ſpectan-*  
*tiſque abſque ulla ſatietate & deſiderio ineffabilem hominibus datam pulchri-*  
*tulinem. In eandem quoque ſententiam Cicero: Ita ſit mater omnium bona-*  
*rum rerum ſapientia, à cuius amore, gratia verbo, Philoſophia nomen inuenit. Qua*  
*nihil à diis immortalibus vberius, nihil ſtorentius, nihil præſtabilius homi-*  
*num vitæ datum eſt. Hac enim vna nos cum cæteras res omnes, cum quod eſt*  
*difficiliſſimum docuit, noſmetipſos noſceremus: cuius præcepti tanta vi, tanta ſenten-*  
*tia eſt, ut ea non hominum cuiſiam, ſed Delphico Deo tribueretur.*

Clarius autem quam ſeruum ſit animæ munimentum Philoſophia  
 conſtabit, & quam apte copioſeque hominem ad virtutem erudiat, ſi  
 præclaræ huius ſcienciæ, quam antiqui tradiderunt, partitionem accu-  
 ratius expendimus. Hanc itaque princeps Philoſophorum Plato in tres  
 partes diuiſit: quarum prima ea eſt, quæ rerum ipſarum naturas diligen-  
 tiſſime explorat & rimatur: quam phyſicam dicere ſolemus. Altera, quæ  
 morum præcepta & vitæ ciuiliſ honesteque inſtituta explicat: quam  
 græco verbo ethicam dicimus. Tertiâ, quæ de vnoquoque argumento  
 viam & rationem diſſerendi tradit: atque hanc logicam nominamus.  
 Huiusmodi autem partitionis Platonice rationem inde deductam ar-  
 bitratur D. Auguſtinus, quod triplicem in Deo mente noſtra deſignare  
 poſſimus perfectionis quaſi gradum & modum. Imprimis enim de Deo  
 enuntiamus quod ſit, quod ſubſiſtat: mox quod omnia mente & intelli-

*Philoſophia  
 utilis ad  
 cognitionem  
 ſui.*

*Plutarch.  
 in Oſir.*

*Cicer. l. 2.  
 de leg.*

*Philoſophia  
 partium de-  
 ſumpta ex  
 ipſa vita  
 humana ſue  
 etiam ex na-  
 tura Dei.  
 Plat apud  
 Cedren. in  
 Alex. Sui-  
 das verbo  
 Philoſ.*

*D. Aug. l. 8.  
 de ciuit. c. 4.*

E gentia



gentia sua comprehendat: denique quod præstantissimis actionibus ea molliatur semper quæ optima sunt. Hæc autem singula munera benigna quodam affectu homini elargitus est Deus: ob quæ ad ipsius creatus & efformatus imaginem congrue dici poterit. Quocirca quamprimum quis philosophiam animo admiserit, illud consequetur, quo omnes animæ ipsius facultates exornentur, quo expressa diuinæ maiestatis in eodem effigies excolatur. Imo D. Hieronymus multo altius repetit hanc Philosophiæ in suas partes distributionem, & è sacris literis Græcos eam mutatos existimat. Et quomodo Philosophi solent disputationes suas in physicam, ethicam, logicamque partiri; ita & eloquia diuina aut de natura disputant, ut in Genesi & in Ecclesiaste, aut de moribus, ut in Prouerbijs, & in omnibus sparsim libris; aut de Logica, pro qua nostri theoricen sibi vendicant: ut in Cantico Canticorum, & Euangelijs; licet Apostolus proponat, assumat, confirmet, atque concludat, quæ propria artis Dialecticæ sunt. In similem quoque sententiam differit D. Augustinus. Apposite idcirco Græci, ut scribit Pierius, emblemate Herculis eorum studia & labores designarunt, qui ad has tres Philosophiæ partes capeffendas multum sudoris & contentionis ponerent. Tricipitem enim Cerberum obscuris Erebi antris Herculis viribus extractum, Philosophiam tribus suis constantem partibus significari dixerunt. Herculem vero huic operi ideo præfecerunt, quod nisi immensis laboribus, & magna quadam vi, ex tenebris ignorantiae mentem humanam ad Philosophiæ lucem posse adspirare inde significarint. Finxerunt præterea Herculem in Cerberum hunc trifulcum iaculum feroci manu contorsisse: ut ostenderent, nihil adeo terræ penetralibus inclusum & reconditum esse, quod Philosophiæ studio aliquando non eruatur. Dum autem Iunonem cœlestem Deam telo Herculem petiisse tradunt: nihil tam altum declarare voluerunt, tamve ab humanis sensibus remotum, quod Philosophia tandem non inuestigetur. Denique cōmentum illud de Hercule furente, quo dicitur ipsum immania & truculenta monstra contrucidasse & decerpisse, hoc præ se ferre existimarunt: quod nimirum mens Philosophicis imbuta disciplinis, rabidas perturbaciones non secus atque monstra & Hydras coërceat, deuincat, profliget. Hæc enim scientia rerum exculta, feroces protinus exuit mores, & ad omne humanitatis officium præstandum expedita parataque euadit.

D. Hier.  
epistol.  
ad Paul.  
Orbic.

D. Aug.  
11. de Ci-  
uit. c. 25.  
Pier. l. 5.  
verb. ca-  
nis,  
Philoso-  
phiæ sym-  
bolum  
Hercules.

Ouid.

Adde quod ingenuas didicisse fideliter artes,  
Emollit mores: nec finit esse feros.

Et apud Euripidem. Nam animi virilis, & generosa vis  
Disciplina pari potest: siquidem & infans discit  
Loqui & audire quorum caret notitia,

Enrip.  
supl.

Quod



Quod si nullum aliud argumentum nobis suppeteret, quo Philosophiæ studium in omnibus comprobatur, ac summa laude dignum efficiatur: hæc vnica ratio magnam vim apud prudentem aliquem, & sanioris sententiæ virum obtineret: vtpote qua satis liquido constat, huiusmodi disciplinam ab ipso Deo primitus dimanasse. Qui enim arctiore quodam amoris & obsequij vinculo illi adstricti fuere, nimirum Iudæi: ij tanquam quædam orbis lumina, omni plane scientiarum genere eruditi & exculsi insigniter claruerunt. Non enim Græci, qui Romanis hanc palmam ab ipsis præceptam gloriantur, (vt illorum fastum paucis comprimamus) philosophiæ primi exstiter inuectores: sed potius à Chaldeis, Phœnicibus, Cyris, Ægyptijs (quos, Iudæos præceptores & institutores habuisse, nemo vnquam dubitabit) sua omnia muneris loco hauserunt. Quod enim antiqui proferunt Græci, dum suos annales literarios alius repetunt, in Cadmum ferme totum recidit, qui primus in Græciam literas inuexit. Diu autē ante in orbe viguisse literarum vsum, docet Xenophon. Nam Quintus ille Cadmus ex literis sexdecim solum secum detulit, quasque Homerus anno quingentesimo à Troiæ ruinis, reddidit emendatiores: quo quidem excidio Troianorum non multum antiquior exstitit ille Cadmus: ante quæ tempora diu Phœnices, Cyri, imo & Scythæ literis exculsi, ingenuis quoque artibus operam nauarant. Negat præterea Iosephus Græcos à Cadmo literas accepisse: nam huius rei (inquit) eos fidem facere nō posse, aut ex archiuis sacerdotum, vel publicis armentarijs, & bibliothecis. Demus etiam illis antiquissimum poetarum Orpheum, qui (vt scribit Theodoretus) carmina sua arborum corticibus insculpsit; argumentum inde summæ primæque antiquitatis deducere non potuerūt. Nam Orpheus iste vnica solum ætate bellum Troianum anteuertit. Moyſes autem Hebræorum legillator multum eo exstitit antiquior. Nam autore Theodoretō, Porphyrius ille Christiani nominis insensibilis hostis, scripsit quendam Philalathem, sacerdotem Ægyptium, legem ipsam à Moyſe descriptam vidisse: qui cum vixerit temporibus Semiramidis, per mille annos Troianum bellum antecessit. Eodem plane modo Tertullianus narrat, quendam Ægyptium, dictum Matheon. (de quo etiam Iosephus) cum nullus apud Græcos scriptor floreret, cōmentarium edidisse de Hebræis, quos suo idiomate Seos appellauit: hoc est regios pastores. Ægyptij vero sua ferme omnia ab Hebræis mutuari sunt, quod manifestum faciunt illorum ad Iudæorum ritum circumcisio antiquitus vsurpata, ciborum delectus, & apud illos forma litandi: quæ describuntur ab Herodoto. Verissimum idcirco est, illud Lydiæ Cræsi pronunciatum de Græcis apud Platonem: Vos Græci,

*Principium  
Philos. à Iu-  
dæis pro-  
fluxit.*

*Xeno. de a-  
quinoctijs.*

*Ioseph.  
l. i. contra  
Appianem.*

*Theodoret. l.  
de princip.*

*Theodoret.  
supra.*

*Tertul. in  
apolo. cap.  
20.*

*Ioseph. l. i.  
contra Appia.*

*Herodoto.  
lib. 5.*

*Plas. in  
Timæo.*



*semper pueri estis, & senex nullus inter vos.* Quod nimirum non nisi à paucis diebus artes suscepissent liberales: quodque aliorum ope in earum perceptione vñ fuerant. Imo ipsas etiam literas, & verborum elementa, Græcos ab Hebræis desumpsisse, luculenter ostendit Eusebius Cæsariensis: quod etiam probat ex similitudine alphabeti Græci cum Hebræo. Hebraice Aluph, Græce Alpha, Hebraicè Beth, Græcè Beta. Hos autem characteres Hebraicos non aduentitios fuisse, aut extrinsecus assumptos, exinde probat Eusebius, quod vniuscuiusque elementi nomenclatura rem aliquam proprie significet: vti Aluph disciplinam, Beth domum: denique ex illis omnibus integram ipse conficit sententiam: quod in aliorum idiomatum elementis vix quispiam (vñ credo) deprehenderet. Cæterum vt omittamus alphabetum, & ad res ipsas progrediamur: dogmata apud Græcos maxime celebrata ab Hebraicis fontibus omnino fluxerunt. Quod de placitis ipsius Platonis affirmat Aristobulus in libro ad Philematrem, vt scribit Clemens Alexan. & Theodoretus. Vnde divulgatum illud τί γάρ ἐστι Πλάτο, ἢ Μούσσεια Αἰγύπτου? quid Plato, nisi Moyses loquens Attice? De Homero vero narrat Iustinus martyr, ipsum ad formam paradisi sacris literis descriptæ, finxisse à Vulcano Achillis clypeum fuisse fabrefactum: vbi & multa alia Græcorum adducit Hebraicis omnino consentientia: quod & faciunt Eusebius & Cyrillus Alexandrinus. Quocirca Pythagoras, Socrates, Plato, & Aristoteles: & ex Græcis quā plurimi in Ægyptum peregrinati sunt sepissime, tanquam ad literarum emporium, & antiquiores musarum Athenas.

Verum neque nos, qui Occidentalem Europam incolimus, ad quos vltimò doctrinæ fluente, turgescuntibus apud alios alueis, deducta videtur: tantum Græcis concedendum putamus, ac si illos magistros dicere aut agnoscere velimus. Habemus enim ijs Antesignanos multo antiquiores: quorum opera liberales artes primo didicimus. Scribit enim Berosus, anno quarto Nyni, legibus atque literis Thuyscon gygantem imbuisse Germanos: quale etiam beneficium in Celtas, Samothees, & Celtiberos Tubal contulisse docet. Thuysconis meminit Cornelius Tacitus, quem etiam fuisse filium Noë testantur quamplurimi. Quemadmodum & alium quoque habuisse filium tradunt ipsum Noë, dictū Ionicum, in Astronomicis peritissimum. Hoc quidem argumentum fuisse prosequitur V Volphangus Lazius, qui inde etiam adstruit, ab Hebræis Germanos primum fuisse in literis institutos: quod plurima verba Germanica Hebraicis sint simillima. Gratia exempli *Leb* hebraice significat cor. Germani idem dicunt *Leben*. Hebræi terram appellant *erets*, Germani *ardan*, & Angli ab illis oriundi *earth*: *shou* Hebraice, idem est quod redire

Euseb. lib.  
10. præp.  
par. cap. 2.

Clem. Alex. lib. 5.  
strom.

Theodoret. lib. de cura. Græco. affec.

Iust. Mar. exhort. ad gentes.

Homerus Iliad. 18.

Euseb. lib. 10. præparat.

Cyrl. Alex. lib. 1. contra Iulian.

Vnde Philo. prim. cipium in Europa occidentali?

Berosus lib. 3. antiquit.

Cor Tacitus lib. de situ Germaniæ.

Naucler. gener. 11.

V. Volphang. Laz. lib. de migrat. gent.



redire facere Latine; & verbum Angloſaxonicum *shou* illud ipſum exprimit. Horum autem nominum prolixam quandam ſeriem contexuit V Volphangus: quibus recensendis conſulto ſuperſedemus. Quod autem ſpectat ad Gallos, eadem Berofii authoritate liquet illos literis informatos fuiſſe à Comero & Samotheo fratribus Germanis, & filiis Iaphet. Horum idcirco literæ antiquiores extiterunt Græcorum. Scribit namque Xenophon deportatas à Cadmo in Græciam literas ſimilimas fuiſſe characteribus Galatharum & Neonium. Atque fortaiſis Gallos à filiis Noë, cum ipſa proſapia, nomen quoque traxiſſe vero ſimile erit. D. quidem Hieronymus exiſtimauit Gallos dictos, quaſi γαλακταῖδες, lacteos, propter eximiam illam ſpeciem & pulchritudinem, qua nitere ſolent. Vnde Tertullianum vxori ſux præcepiſſe legimus, vt ipſo vita deſuncto, pudicitix ſux à Gallicis vultibus cauere: & vt inquit Amianus Marcellinus, *celſioris ſtatura, & candidi pene Galii ſunt omnes, & rutuli, luminuſque, cernitace terribiles*. Idem tamen ex cuiuſdam ſententia narrat verbo Græco Gallos nuncupatos Galathas: quod oriundi eſſent ex Gallo Siculo rege, cuius mater dicebatur Galathæa. Nihilò cecius à ratione penitus nō abhorret, quod opinatur hac de re V Volphangus Laziſ. Credidit autem ille dictos Gallos à verbo Hebræo Golah, quod ſignificat fluctum ſeu aſcenſionem: eo quod filij Noë, ex quibus originem traxerunt Galli, diuino beneficio è tumentibus maris fluctibus ſalui & incolu- mes euaserint. Atque hinc Galli, Valli, Guelphi, & Belgæ profluxère. Venio nunc ad Hiſpanos, quos literis imbutos fuiſſe à Tubal ſupra ex Berofio retulimus. Floruit autem Tubal in Bætica Hiſpaniæ regione per mille annos, ante quā apud Græcos literæ vllæ exiſtarēt: vt apertiffime oſtendit Pomponius Mela. Tradit etiam Plinius Perſas, Phænices, Iberos, & Panos in Hiſpaniam ſæpius traieciſſe: & tanquā fabuloſum explodit, quod quidam narrant de Hercule, vel Saturno, Græcis: ac ſi primi hi eſſent Hiſpanorum inſtitutores. Cæterum de Tubal ſcribit Berofus, quod incoluerit ipſe montem quendam Bæticum, quem ſuo nomine appellauit poſtea Iobelda, vulgo nuncupatum (licet corrupte) *Gibraltar*: cuius nominis indiſi à Tubal, etymologiæ rationem inueſtigat ex tribus ſyllabis, quibus componitur, Iob, el, da, quæ ſignificant, *magnum deſicæ voluptatis*, propter eximiam illam altamque doctrinam, quam creditur Tubal Hiſpanis tradidiſſe. Idioma etiam Hiſpanicum in aliquibus Hebræum auctorem videtur designare: præſertim verbum illud Marani: quo nomine eos omnes norant, qui à fide deſiciūt. Nam vt ſcribit Albertus V Vidmanſladiſ, Hebræi Iuſtino ſuo dediti, felici rerum ſucceſſu elati, ſoliti fuère hanc vocem emittere; Maran, quæ ſignificat, Dominus noſter.

Berofus l. 5.  
amian.

Xenoph. in  
equinoc.

Caſar 6.  
comment.  
Galli vnde  
dicti.

D. Hiero.  
epiſtula ad  
Dionetriad.  
Tertul. l. 1.

ad viciſſim.  
Am. Marcel.  
cron. l. 15.

Lin. de cad. 3.  
L. 3. ſpec. l. 1.  
Appian A-

lex. lib. 1. llyr.  
V Volphang. l.  
5. de mi-

gras gent.  
Hiſpanorum  
inſtitutio in  
literis.

Pompon.  
Mel. in de-  
ſcrip. Bæ.  
Plin l. 3.

nat. hiſt. c. 3.

Albert. V Vid.  
l. 11 de lin-  
gua corrup.



Alij vero Hebraei, qui Christi fidem susceperant, insultantibus illis respondabant, Maranata, id est, Christus iam venit & Messias. Vnde Christiani illi, infideles Hebræos vocarunt Maranitas: à quo vocabulo nomen desumpserunt Palestinæ incolæ, dicti Maronitæ: quod Christi fidem semel susceptam abiecerant. Hispani vero eo nomine Marani, omnes fidei desertores in vniuersum solent insignire.

*Præstan-  
tissimi vi-  
ri, per quã  
studiosi  
Philoso-  
phi s.*

*Philoso-  
phia periti  
antiqui  
orthodoxi.*

*Orig. cont.  
Cels.*

*Greg.  
Naz. orat.  
1. in Iu-  
lian.*

*D. Hiero.  
de scrip-  
t. eccles.*

*D. Aug. de  
doctrin.  
Christi. l.  
2. c. 4.*

Quis itaque à ratione inter homines tam prorsus alienus reperiatur, uti ludicras & inanes omnino pronunciet esse disciplinas philosophicas? Illas inquam, quibus Patriarchæ sanctissimi inclaruerunt, & quas nobis ediscendas magno quodam studio ipsi tradiderunt? Existimandum potius erit ab ipsomet Deo, tanquam singulare decus & ornamentum, imo præcipuum nostræ vitæ subsidium, eas descendisse. Has etenim, qui orthodoxam fidem excolendam susceperunt, qui infantiam Ecclesiæ tutati sunt, acri & contento opere, cum ad hominum mores recte componendos, tum ad ipsam de diuinis sententiam contra hæreticorum strophos firmiter asserendam, adhibuerunt. Falso idcirco Iulianus socordia, desidia, atque inscitia notam Christianis orthodoxis calumnia inurendam duxit, quasi hisce scientijs penitus imperiti destituerentur: Ita quoque Celsus & Porphyrius nostra ignorantes, ut testatur Origenes, infamiam nobis commento suo confluxerunt: verba Iuliani factum experimentia, hæc recitat Gregorius Nazianzenus. *Nostri sunt sermones, & nostrum græcarum, quippe qui Deos quoque colamus: vestra est autem infantia & barbaries, nec quidquam aliud quam credere sapientia vestra est.* Sed quid contra hos intonet D. Hieronymus, audiamus. *Discant Celsus, Porphyrius, Iulianus, rabidi aduersum Christum canes, discant eorum sectatores, qui putant Ecclesiam nullos Philosophos & eloquentes, nullos habuisse doctos, & quales viri eam fundarint, extruxerint, & ornarint: & desinant fidem nostram rusticæ tantum simplicitatis arguere: suamque potius imperitiam agnoscant.* Cum autem orthodoxorum quorundam nomina recensuisset, qui in literis excultioribus egregios progressus fecerant, ipsisque Philosophis rerum notitia præluxerant, subiunxit in hæc verba: *Qui omnes in tantum Philosophorum Doctrinis atque sententijs suos refarciunt libros: ut nescias quid in illis primum admirari deberes: eruditionem seculi, an scientiam scripturarum.* Isti quidem, ut inquit D. Augustinus, Ægypti spolijs potiti, ab ipsismet philosophis, infidelitatis suæ tenebris obcæcatis, quæ apud illos in pretio erant dogmata extorquentes, quasi opima præda onulti, ipsumque Ægyptum à tergo relinquentes, in mare rubrum, Christi nimirum baptismum ingressi: tandem ad montem Syon & Ecclesiam sanctam & Catholicam peruenere.

Et quis erit, qui inficias ibit, philosophiæ perceptiones multum iuuare, cum



re, cum ad fidem excipiendam, tum etiam eandem excolendam? Nam ut ait Clemens Alexandrinus: Ipsa quoque Philosophia Græcos pedagogi mori docebat, sicut lex Hebræos. Ad Christum ergo praparat Philosophia. Et post: Per-spicitur itaque opem ferre ad tra lendam veritatem, & dialectica, ne prosternemur ad hæresibus, quæ faciunt incurfiones: & est quidē per se perfecta & nullius indigens seruatoris doctrina: cum sit Dei virtus & sapientia: accedens autem Græca Philoso-phica, non veritatem facit potentiorē, sed debilem aduersus eam efficit sophisti-cam argumentationem, & propulsans dolosas aduersus veritatem insidias, dicta est vana & apta sepes & vallis: & hæc est quidem ex fide veritas, tanquam panis ne-cessarius ad viuendum, quæ autem præcedit disciplina est obsonio similis & bellarijs. Quidē an non in absurdissimos errores, cum Christianæ fidei veritate ex diametro repugnantes, quamplurimi prolapsi sint, quod philosophiam penitus ignorarent? hoc Manichæis hæreticis alijsque gentilibus viū ve-nisse testatur D. Chrysostomus. Si de creaturis scissent Philosophari Manichæi, nunquam materiam corruptibilem & materiale, quæ cum esset effecta, esse inge-nitam, deoque dicerent coeternam. Si de creaturis scissent recte Philosophari Genti-les, nunquam coluissent, & seruissent creatura potius, quam Creatori. Hypo-thasin à natura in diuinis alij non recte distinguentes, cum in diuinarum personarum emanatione, tum etiam in vnius personæ cum carne nostra coniunctione, grauissime errarunt, ut Ariani & Nestoriani. Quæ autem Lutherus & Calvinus propagarunt dogmata, ipsa philosophia non qui-dem recondita, sed aperta & facili redarguuntur. Negari tamen interim omnino non potest, quin qui olim Ecclesiæ Christi cum Golia insulta-runt, eisdem Philosophorum præsidijs munitos in aciem prodixisse: illos præsertim, qui platonica quædam commenta sequuti, otiosis diuinatio-nibus fidem habuerunt, de quibus Tertullianus: Ausere ab hæreticis quæ cum ethnicis sapiunt, ut de scripturis solæ quaestiones suas sistant, & stare non poterunt. Ea propter orthodoxi patres in eam sententiam sapius differuerunt, quæ ostenderent fidem, veluti Reginam quandam, philosophiæ debere legem modumque imponere, ac statuere pro libito & imperio suo, hoc vel approbandum vel refecandum. Ita D. Hieronymus, qui eleganter al-ludit ad illud Deuteronomij: Si autem adamaueris captiuam mulierem, in-est (inquit) sapientiam secularem, & eius pulchritudine captus fueris, decalua eam & illecebras crinum, atque ornamenta verborum, cum è mortuis vngulis, seu lana eam prophetali auro, & tunc requiescent cum illa, dicto sinistra eius sub capite tuo, & muleo tibi facti captiuam dabit, ac de Moabitide efficitur Israëlites. Et alibi: Quid adeo mirum, si ego sapientiam secularem, propter eloquij venu-statem, & membrorum pulchritudinem, de ancilla atque captiua frænitulem fa-cere cupio, & si quid in ea mortuum est idolatriæ, voluptatis, erroris, libidinum

Philosophia  
Theologia  
vtilis.  
Clem. Alex.  
l. 1. Strom.

D. Chrysos-  
tomus de se-  
narijs.

Tertul. l. de  
resurrect.

D. Hieron.  
epist. 26.  
Deut. 21.

D. Hieron.  
epist. ad  
mag. Orat.  
vel



vel præscindo, vel rado, & mixtos purissimo corpori vernaculos ex ea genero Domino Sabaoth? Quod factitatum docet à D. Paulo, Origene, Methodio, Euthebio, Iosepho, & alijs, qui in literis philosophicis veratissimi extitere, quibusque ipsi instructi, feliciter hæreticos & impios homines expugnant: ut Celsum, Apollinarem, Iulianum, Appionem, & alios. Memoria quidem dignum videtur, quod de hac re disputavit vir eloquentissimus

Greg. Niss.  
de vita  
Moys.

Gregorius Nissenus. Habet enim Philosophia (inquit) sæculi partes, humanæque disciplina carnale quoddam præputium, quo circumciso, quod relinquitur, Israëliti-  
ca inuenietur esse nobilitatis. Ut exempli causa immortalem esse animam Philosophi perhibent, id pium est: de corporibus in corpora transire volunt, & de rationali natura etiam in rationis expertem transilire multi asserunt: hæc quasi præputium circumcidenda sunt, proculque omnino abijcienda. Deum esse non negant Creatorem omnium, à quo cuncta dependent: vere asseuerant, ac rationibus (quantum fieri potest) demonstrant. Sed Creatori materiam, veluti agenti artifici supponunt, multaque alia huiusmodi sunt veris excogitata rationibus; sed absurdis atque falsis opinionibus maculata: quæ si tollemus, propitius nobis Dei Angelus fiet. Emolumentum etiam quale nobis sit à philosophia luculenter narrat Origenes: atque eius partitionem in tria membra apposite videtur explicare. Sic autem loquitur: Interpretatur autem Ochose, tenens, & ficol os omnium. Ipse autem Abimelec, pater meus Rex, qui tres (ut ego arbitror) imaginem totius Philosophiæ tenent, quæ apud eos in tres partes diuiditur, Logicam, Physicam, Ethicam, id est rationalem, naturalem, moralem. Rationalis est illa, quæ Deum omnium patrem confitetur, ut est Abimelec: Naturalis illa est, quæ fixa est, & tenet omnia velut ipsius naturæ viribus nitens, quam profitetur Ochosac, qui dicitur tenens: Moralis est, quæ est in ore omnium, & ad omnes pertinet, & pro communi similitudine præceptorum in omnium ore versatur: quod designat iste Ficol, qui os omnium interpretatur. Hi ergo omnes in huiusmodi eruditionibus instituti veniunt ad legem Dei, & dicunt videntes vidimus, quia est Dominus tecum, & diximus fiat coniuratio inter nos & inter te, & constituamus tecum pactum, ne facias nobiscum mala: Sed quemadmodum nos te non sumus execrati, ita & tu benedictus Domino.

Orig. homil. 26.  
in Gen.  
Gen. 26.

Ignobile idcirco ac illiberale plane ducimus consilium illud Ludouici secundi Gallorum Regis: qui ita à filij sui Caroli institutione literas repellendas statuit, uti ex Latinis hanc vnicam sententiam ab ipso disci voluerit: *Qui nescit dissimulare, nescit regnare.* Cothi etiam barbari simili iudicio à Regibus suis, idque lege lata abdicandas literas sensuerunt: affirmantes tunc Græcos armis ineptos extitisse, cum artium studijs distinerentur. Falluntur autem isti apertissime. Ad ciuilem enim administrationem ac ad militarem disciplinam mirifice faciunt literæ, uti experientia & ratio ipsa conuincunt & perspicuum reddunt. Hoc etiam ignoratio-  
tionis

Sanfonin.  
l. 1. del  
gouern general fol.  
7.



tionis nomine, non minus in ipsam naturam humanam iniurios, quam in religionem perfidos & impios sese nostrorum temporum haretici ostentarunt. Quibus socordia, inertia, res uxoria, imo potius furendi & debacchandi immanissima libido ita cerebrum excussit, uti ingenuas artes eliminandas & exterminandas esse sententijs suis definierint. Nihilominus hi excussis pennis volatus pernecitate, id est superbia sua, non aquilas modo exquare, verum & superare contendunt. Ex scissis nervis se Olympicos esse profitentur, erutis oculis, orbis natos & maculas se è longinquo contemplari asserunt: denique amissis alijs omnibus ornamentis, conuulsisque ipsarum virtutum fundamentis, de vno suo spiritu, ut inflata vesica, gloriantur. De spiritu inquam illo, cuius impulsu confirmatas & vsu receptissimas Ecclesie traditiones, in rebus ad Dei cultum spectantibus, ausi sunt reijcere; Conciliorum decreta, veluti delirantium fabulas, aspernari; patrum sententias suis ipsorum sententijs & ineptijs rescindere, exigere; Scripturarum sacras paginas (si ad stomachum illorum non fecerint) det truncare, mutilare. Vehementissimus sane spiritus & cæstrum importunum ad præcipitia & naufragia miseris interceda, ex inferni caueis dubio procul erumpens. Spiritus quidem iste, quod ipsorum cerebrum iam penitus occupauerit, philosophie locum non concedit: si fortassis compendiolo aut summulæ aliquid detur ab ipsis studij, magnum apud eos censetur impendium, imo fortassis dispendium. Vanissimi sane homines, & ipsis pulueribus ac paleis leuiiores. Istorum protoplasta Lutherus, ut scribit Alphonsus à Castro, scientias, quæ in speculatione versantur, non secus ac turpissimos errores deuitandas affirmavit. Crederem equidem, dum hæc proferret Lutherus, ipsum suumque spiritum vino fuisse obrutum, sonino, quam speculationi aptiorem. Ex eadem dementia Melancthon (ut de ipso testatur Prateolus) solum Dei verbum à suis voluit cogitari: neque iuventutem censuit alijs studijs imbuendam, quam diuinis. Simili quoque modo Carolstadius exolas sibi ostendit disciplinas philosophicas: de quibus hæc Prateolus: Carolstadius & Philippus Melancthon Vitembergensibus sibilantibus persuaserunt, ut combussis humaniorum literarum libris, sibi quisque conueniens aliquid assumeret mechanicum opificij. Fecerunt plerique quod erat suum. Carolstadius in proxima quadam villa Vitembergensis agri agricola factus est rusticanus, Philippus vero in piltrino pinsendi artem meditatur. Vnde infans & barbara hæresis, cum nulla prorsus mala extinuerit, cælum licet desuper ruat, vel inferius tartarus suos igneos euomat globos: à fame solummodo Saguntina sibi cauendum existimauit. Eapropter in hæc famis detrimenta duo orbis Germanicæ lumina conspirant: Carolstadius quidem in agro, Philip-

*Philosophia  
non excolunt  
haretici.*

*Alph. Cast.  
l. com. ha-  
res. haresi  
13.*

*Prateol. ha-  
res. 23.*

F pus




Gellius l.  
15. c. 19.

pus vero in pistrino: in quem perbelle sane quadrat dictum illud Varro-  
nis ex Satyra. *Si quantum operis sumpsiſti vt tuus piſtor bonum faceret panem,*  
*eius duodecimam Philoſophiæ dediffes, ipſe bonus iam pridem eſſes factus. Nunc il-*  
*lum qui norunt, volunt emere millibus centum, te qui nouit, nemo centuſſis.*

*Contra eos diſputatur, qui ſententijs ſuis eoſque humanam*  
*efferunt animam; ac ſi ex ipſius Dei ſubſtantia decifa eſſet*  
*quædam particula, vel potius ipſemet Deus omnia ratione*  
*adminiſtrans.*

## CAPVT VI.



V V M de cognitione ſui in vniuerſum ſumpta ſatis diſpu-  
tatum videatur: conſequens omnino eſt, vt ſingillatim de  
partibus ipſius hominis, earumque agendi facultatibus,  
pauca diſſeramus. Atque ſi nobilitatis habenda ſit ratio,  
primo in loco de ipſa anima tractandum erit. Quoniam ve-  
ro (vt ſuperius admonuimus) illum effectum ſui cognitio proferat, quo  
mediocritatem quandam dum mens intuetur, inde ſe nimis nec efferat,  
neque à dignitate decidens, ſe turpius abiectiũſve dimittat: idcirco cu-  
randum præcipue, ne vltra conditionem, & ab ipſa natura conſtitutum  
terminum, falſa aliqua opinione deluſi, animam aliquando euehamus.  
Quod omnino tranſiſſe & neglexiſſe videntur illi, qui animam hanc  
dixerunt eſſe vel diuinam ipſam ſubſtantiam corporis moli con-  
iunctam, vel certe eiũſdem diuinæ naturæ quaſi particulam quandam  
decifam & dilumbatam. Quid enim obſecro hoc aliud eſt, quam elati-  
one ſui luciferianæ ſuperbiæ verticem transcendere: cum hoc pacto eo  
temeritatis & audaciæ deuenerint homines; vt ipſi Deo ſimiles eſſe ac  
dici velint, ſi non & dii nominari? Huiusmodi immoderatam ſui æſtima-  
tionem (paſſim vt fateatur Cicero) Philoſophi Platonici primo intro-  
duxerunt: à quibusetiam nec ipſe opinione multum diſſentire videtur.  
inquit enim: Deum igitur ſcito eſſe te: ſiquidem Deus eſt, qui viget, qui ſentit, qui  
meminit, qui prouidet, qui tam regit, moderatur, & mouet id corpus, cui præpoſi-  
tus eſt, quæ hunc mundum princeps ille Deus: vt & ipſum mundũ ex quadam par-  
te mortalem ipſe Deus æternus: ſic fragile corpus animus ſempiternus mouet.  
Phylo quoque Iudæus hominis animam ſæpius appellat ὑποσπασμα,  
& ἡ ἀποδύσµα τοῦ θεοῦ: ſcintillam aut radium diuinitatis. Hereticis  
autem,

*Animam*  
*aliqui*  
*Deum eſſe*  
*dixerunt.*  
*Cicer.*  
*Tuſc. 9.*  
*Cicer. Som.*  
*Scip. Ma-*  
*crob. lib.*  
*2. in Som.*  
*Scip. c. 12.*  
*Phil. de*  
*Sabb.*



autem, nimirum Gnosticis atque Manichæis, admodum proclive fuit, errantium philosophorum vestigijs inharere, qui hoc ipsum adseruerunt: ut testantur D. Irenæus & Theodoretus. Quo etiam nomine Priscillianistæ in consilio Bracharensi, anathematis sententia percelluntur. Duplici autem ratione, eaque discrepante, hoc stabilire conati sunt. Principio aliqui agnoscentes Deum esse naturæ cuiusdam incorporeæ, ipsum tamen in omnibus corporibus vnâ eandemque formam esse pronuntiarunt: quod D. Augustinus Varroni ascribit. Alij vero, quod nullâ substantiam spiritualement inueniri posse existimarint, Deum ipsum per varias quasdam sui partes corporibus accedere dixerunt: uti Manichæi docentes Deum lucem esse quandam quantitate dimensam: cuius multiplices particule quasi decissæ, corporibus præessent, ac illis moderarentur: sicut ab eodem Augustino testatum habemus. Atque hunc errorem, tametsi ita aperte vero repugnantem, hæretici (qui ad quodlibet tutandum præsidia querunt perpetuo non nisi ex sacrario) scripturarum autoritate comprobare voluerunt. Acerrime autem illud Genesios urgebant, & insusflauit in faciem eius spiraculum vite. Insusflatio enim illa, quam in animalibus cernimus, cuius similitudine diuinam insusflationem Scriptura exprimit, aliquid semper ex se licet exile & tenue transmittit & effundit, quod prius in illo extitit, à quo insusflatio fuit progressa: quodque in aëris quoque calefacti, alterati, & euentilati respiratione perspicuum est. Quamobrem cum nulla in Deo despici possint accidētia, quæ ab ipso dimanent, si quid huiusmodi insusflatione humano corpori ipse indiderit, id nihil esse valebit, nisi ipsius propria substantia & natura. Neque argumentum hoc effugiet quis, si modo dicat insusflationis voce significari solum animæ ab ipso Deo creationem. Nam hoc pacto etiam terram insusflatione conditam affirmabitur: cum consilet hanc effectione quadam ab ipso Deo similiter exisse. Scriptura tamen in solius animæ humanæ efformatione insusflationis mentionem facit: peculiaris idcirco huius rei alia exquirenda ratio est. Vero autem consentiens omnino non videtur esse, quod tradunt Lira & Paulus Burgensis, asserentes Deum hominis formam indutum tunc temporis apparuisse, atque humano modo, dum animam crearet, flatum seu spiraculum ex ore emisisse. Nam ex hac sententia flatus seu illa Dei insusflatio causa effectrix non fuisset ipsius animæ. Quis enim credat rem adeo leuem aut mobilem, imo creaturam tandem aliquam (ut communis iam tulit Theologorum sententia) vim quandam creatricem obtinuisse? At contextus ipse luculenter satis indicat huiusmodi insusflationem aliquid recenter exortum, veluti causam quandam eius, primo excitasse: Nam nō dicit quomodocumq; (insusflauit)

F 2

ac si

D. Iren. li. 1  
cap. 24.  
Theod. lib. de  
natur. hom.

D. Aug. de  
ciu. lib. 7.  
cap. 6.

D. Aug. li. 4.  
ciu. cap. 13.

Gen. 2.  
Anima quomodo  
spiraculum Dei.

Lir. Paul.  
Burg. in 2.  
cap. gen.



ac si insufflatio illa ad creationem animæ solum extitisset consecraria: sed insufflauit in faciem eius spiraculum vitæ. Hæc idcirco insufflatio causa fuit spiraculi vitæ, quod anima est ipsius hominis. Quibus si quis occurrat, ac dicat, insufflationis vocem ideo consultoque scripturæ insertam, vti illa spiritualis animæ substantia, veluti quodam hieroglyphico apte designaretur: (nihil enim magis aut propius ad spiritualis substantiæ naturam & conditionem accedit, quam flatus seu spiratio) is non multum efficiet. Ex eo enim sequetur, nihil prohibere quo minus Angelos æque spirituales, ac hominum animas, parili insufflatione conditos asseramus. Quod tamen sine omni rationis momento quis videbitur apud se constituere. Huic etiam grauissimo testimonio è scripturis petito, aliud argumentum quoque adiunxerunt. Si enim (inquiunt) intellectum ipsius hominis inspiciamus, quid non mirabile, quid non diuinum potius cogitationi nostræ occurreret? Hic namque rerum omnium naturas suo lumine & acie peruadit, longe ab effectis semotas causas acri quodam intuitu disquirat, terram perlustrat vniuersam, cœlos partitur, artes excogitat, tuendæ societatis inter homines præcepta tradit, mores honeste ac decenter instituit, vitam hanc omnibus necessarijs sustentat & fouet, ornamentis quoque illustrat, ac mille blanditijs recreat & reficit. Quodq; maxime in nobis admirationem excitet, dum studiose hæc omnia præstat & peragit, nunquam defatigationem subit aliquam, nunquam languescit, aut eius vires labore aliquo exhauriuntur. Nequaquam adepta scientia veluti iniecto quodam onere deprimitur, neque si huius rei notitiam suo connixu adsequutus fuerit, ea ita eius sinum replebit, vti ineptior inde euadat, aut contractior ad aliarum quoque rerum (etiam si progressus fieret ad infinita) excipiendas notiones. Quod si voluntatis similiter expansam & fusè explicatam capacitatem, amplasque eiusdem vires cogitemus: quid obsecro in hac vita, vel honoris splendore tam insigne, aut gradu excellentiæ altum & exaggeratum, vel iucunditatis illecebra delinitum, quod omni ex parte ac plene satiat, vel expleat eiusdem infinitam propemodum appetentiam? Vt etiam semper hæc querendo progreditur, modicum & minutum fatetur quodcunque ei subieceris: tamen si vniuersum orbem ipsi in prædam obtuleris: vt nihil dicam modo de memoria, quæ innumerabilium rerum formas, quibusdam notis consignatas, ita tenaciter retinet ac continet, vti obliuione aliqua interim nõ effluant vel dilabentur. Sic etiam coërcet omnes, vt in angusto quodam mentis spatio terrarum vniuersa moles, distincte & particulatim veluti in tabella quadam colore & figura expressa eluceat vigeatque. Vnde Cicero: *Quid autē diuinius vigere, sapere, inuenire, meminisse?* ergo

*Cicer. q. 1.  
in scul.*



*ergo animus, qui ut ego dico diuinus, ut Euripides auleo dicere, Deus est.*

Veruntamen hæc quorundam existimatio à veritate ipsa prorsus est auersa, apertis etiam & luculentis ipsius scripturæ testimonijs reuincitur ac refellitur: tamen ipsi fraudulento quodam & arte composito pre-textu hæresis (uti eius ingenium semper tulit) inniti videri hæcenus laborarunt. Et inspirant (inquit scriptura) in faciem eius spiraculum vitæ. Hæc inspiratio proculdubio actionem quandam ab ipso Deo profectam designauit, cui uti terminus, in quem eadem desinat, aliquid pariter respondere debet, quod etiam ab ipso Deo, utpote actione aliqua eius effectu, separari ac distinguere euidens erit. Diuina namque substantia omnino produci nequit, nisi solum personali emanatione, ratione characteris notionalis. Necessario idcirco dicendum, hoc vitæ spiraculum ipsam esse hominis animam, Dei virtute productam, & corpori humano diuinitus infusam ac inspiratam. Ut autem verum fatear, non omnes orthodoxi interpretes in huius loci elucidatione in eam conspirant sententiam: uti spiraculi nomine substantiam animæ velint intelligi. Nam Philastrius existimauit spiraculum hoc fuisse potius animæ gratiam, & sanctitatem quandam accidentariam, qua mirifice refulsit Adam, cum à Deo primo crearetur: quodque confirmat ex illo Christi Domini factis, qui insufflatione oris gratiam quandam spiritualem Apostolis est impertitus. Deinde scripturæ series sic habet: *Et factus est homo in animam viuentem.* Fieri autem (inquit) non potest homo in animam viuentem: nisi prius homo extitisset, & proinde animam quoque ratione præditam obtinisset. Infert idcirco spiraculum illud vitæ, gratiam & iusticiam notasse: ex quibus hominis vitam spiritualem constare nemini obscurum erit. Reliqui tamen omnes ferme Theologi locum hunc de ipsius animæ substantiali efficientia à Deo intellexerunt. Ita D. Chrysostomus, qui docet spiraculum illud vim quandam fuisse homini impressam ad operandum. Cui etiam consentit Eucherius: *Nō quia (inquit) illud spiraculum conuersum est in animam viuentem, sed quia operatur animam viuentem.* In eandem quoque sententiam Theodoretus & alij quamplurimi.

Multiplici quoque ratione Theologi errorem illum refutarunt, inter quos D. Thomas hac utitur argumentatione: *Anima humana quandoque est in potentia ad sciendum, quandoque in actu: sed diuina natura est actus purus, idcirco anima non est diuina natura.* Verum ut ratio isthæc aliquid conficiat, ex necessaria suppositione hoc vnum extra controuersiam poni debet & constitui: nimirum actum intellectiōis, quem Deus in homine eo posito exprimeret, in diuinam ipsam naturam, tanquam in quoddam subiectum necessario suscipi debere: alioquin D. Thomæ argumentum in-

*Philast.  
in catal. hæ-  
res. c. 99.*

*D. Chrys.  
homil. 12.  
in Gen.  
Euche. in 2.  
c. Gen.  
Theod. in 2.  
cap. Gen.  
D. Tho. 1. p.  
q. 90. a. 1.*



lubrico versabitur. Nam vices agere poterit omnipotentia Dei cuiuslibet alterius causæ efficientis: quo pacto valebit sine corpore luminoso illuminare, absque interuentu calidi calefacere, idque sine vlla mutatione sui. Sciscitatur ea propter quare Deus vt interim mutationē nullam subeat, in humano corpore nequeat actum intelligendi elicere, quemadmodum sine aliarum rerum adminiculo, ipse immutabilis existens, earū effectus omnes producere valet? Quod si quis dicat intellectus operationem esse quid spirituale, & propterea natura sua exigere subiectum quoque spirituale, in quo resideat. Cumque ex illa sententia nullum aliud esset in homine, præter ipsummet Deum: deberet is actum hunc recenter expressum in suam substantiam admittere: quo quidem pacto vere mutaretur, & à priuatione (vt loquuntur) ad habitum transiret. Adhuc tamē res erit in ambiguo. Nam substantia animæ nostræ res est spiritualis: nihilominus ipsum corpus retinet pro subiecto: sic etiam poterit & eiusdem intellectio. Veruntamen vim & pondus suum absque dubio habet hæc D. Thomæ ratiocinatio. Nam cum intellectio sit res prorsus spiritualis, si corporeum subiectum postularet, certam & statutam quoque corporis partem veluti propriam sedem requireret: quod de illa affirmari nequit. Nam ad eius expressionem non magis hæc pars corporis confert, quam altera: imo corpus absolute nihil conducit ad mentis intelligentiam. Quamobrem quod huic actui intellectiois subiectum aliquod sit decernendum: neque hoc poterit esse aliqua pars corporis, ipsum Deum necessario vt subiectum afficeret, atque ex consequenti, mutationi quoque obnoxium redderet. Neque argumentum effugiunt, qui dicunt intellectioem quamcunque homini aduenientem esse ipsammet Dei notitiam, qua cuncta ab æterno cognouit. Nam cum eodem prorsus modo intellectus diuinus singulis corporibus coniūgatur: nulla inter ipsos homines cognitionis reperietur discrepantia, nullibi inscitia aut ignorantia constarent. Neque satis bene explicabitur quomodo humana natura in certa aliqua demum specie constituitur: si affirmetur semel animam nihil esse aliud quam Deū ipsum corporibus nostris immersum. Est enim Deus integra quædam & absoluta substantia, quæ tanquam elementum aliquod cum alio occurrente tertium componere nō valet. Sin vero ab ipso rationem formæ & partis demamus, ipsumque extrinsecus solum corporibus assistentem fingamus: non hominis profecto, sed Dei potius erit intelligere, velle, & recordari: quæ tamen homini ipsi cōmunis omnium notio attribuere solet. Careret quoque homo virtute & vitio: neque laus aut vituperium illi ex factis obtingerent, si nihil ipse intelligendo aut appetendo moliretur.

At isto-



At istorum argumentis modo occurrendum. Quod ad illum locum  
 Geneleos spectat: iam dictum est in sufflationis nomine animæ pro-  
 ductionem significari. Neque sine causa in eos acriter inuehitur D. Au- *D Aug. 13. 7.*  
 gustinus, qui ad spirituales quandam gratiam inique illam transferunt, *ciuit. c. 22.*  
 & à vero detorqueant. Verbum enim Hebræum *neshma*, habitum, fla-  
 tum, vel etiam spiritum denotat, quibus nominibus anima in sacris scrip-  
 turis passim nuncupatur. *Uniuersi homines, & cuncta in quibus spiraculum vitæ* *Gen. 4.*  
*est, in terra mortua sunt.* Hebraice legitur *neshma Chaim*, spiritus vitæ.  
 Si ideo huius vocabuli status aut insufflationis genuinam spectemus  
 significationem: varijs modis ipsam animæ simillimam inueniemus: &  
 propterea congrue apteque dictum: *Et insufflauit in faciem eius spiraculum* *Gen. 2.*  
*vita.* Verbum enim Hebræum *neshma* motionem proprie exprimit,  
 quæ ipsius animæ naturæ præcipue convenit: cuius proprium est vitam,  
 quæ maxime in motione consistit, (viventis enim est seipsum mouere)  
 corpori adferre: quam quidem motionem Scriptura explicatius enun-  
 tiavit cum dicat, in faciem Adami Deum vitæ spiraculum inspirasse.  
 vel ut vertunt Aquila & Symmachus: *ἐν μυστήριον ὁ θεὸς ἐν τὰς νᾶρας* in nares ipsius:  
 quibus spirandi respirandique operatio perficitur. Itaque *neshma* non  
 tam animæ absolutam substantiam declarat, quam eandem vti corporis  
 motricem: proinde rem quampiam tamdiu viuere dicimus, quamdiu se  
 agit & mouet. *Neshma* autem annectitur *Ruach*, quæ vox significat  
 spiritum. *Et omne, in cuius facie erat Neshma, Ruach, flatus, spiritus.* *Gen. 7.*  
 Huiusmodi enim motionis operatio ab anima, quæ spiritus est, proficiscitur.  
 Itaque tametsi Deus hoc spiraculum vitæ insufflauerit, non propterea  
 substantiæ suæ aliquid in plasmatum corpus immisit aut transfudit:  
 quod neque in animalium quam videmus spiratione contingit: quæ ni-  
 hil est aliud quam emissio aeris calidi, aut vaporis in tenue quid caloris  
 vi elaborari. Quod si suspicietur quispiam insufflationem illam Dei sal-  
 tem alicuius rei præexistentis fuisse in aliud, nimirum in corpus mana-  
 tionem: ac si anima prius diuina substantia esset inclusa, deinde egressu  
 quodam corpori inserta: existimandum erit in sufflationis voce expli-  
 cati tantummodo & effigiari quodammodo spirituales animæ substā-  
 tiam, eas ob causas, quas superius attulimus: quomodo Philo Iudæus *Phil. lib.*  
 hanc vocem videtur intellexisse. *Etenim quod inspirauit, nihil aliud erat, de fabricis.*  
*quam diuinus & sacer spiritus, qui ex beata illa & felici natura, huc, ad generis mundi.*  
*nostri utilitatem, coloniam deduxit.* Diuinam nuncupauit animam Philo,  
 quod ab hac terrena concretionem esset omnino segregata. Ex quibus e-  
 tiam liquet ratio, ob quam cætera, quæ dictionibus extenduntur, mi-  
 nime dicantur insufflatione Dei creata aut constituta. Quod enim homo  
 ex duplici



Gen. 2.

ex duplici componatur substantia, materiali vna, spiritali altera: ad hanc differentiam subindicandam, prius corpore effecto, cum anima illi adiungi deberet substantia prorsus dissimilis, rectissime dicitur: *Et insufflauit in faciem eius spiraculum vitæ.* Quam quidem vocem, dum Angeli conderentur, opus non fuit adhibere: eo quod ipsi sint integræ & completæ substantiæ spirituales: nec alieno cuiuspiam immixti.

psal. 16.

Illud autem, quod in anima intelligendi appetendique vim quasi infinitam ostendit: solum probat hominem vel ab ipso Deo naturæ opifice ad altiorem finem consequendum esse directum & institutum: quam ut hisce contentus sit, quæ sensibus nostris obuersantur, vel quæ per corporis angustas rimas interius ingressa, ad animum peruadunt. Eapropter mirum non erit, si ab hoc, ad aliud perenni quodam cursu, & studiorum suorum multiplici vicissitudine continuo deferatur: neque vnquam nervos remittat, aut se ab omni conatu contineat: nam ut ait Psalmista: *Tunc satiabor, cum apparuerit gloria eius.*

*Impugnantur illi, qui docent Deum immediatam animæ productricem causam non extitisse, vel ex præiacta aliqua materia in hanc lucem emeruisse.*

## CAPVT VII.



Vemadmodum qui vsque adeo sententijs suis animam humanam extulerunt, ac si non effecta omnino à quopiam, sed potius diuina aliqua ipsa esset natura, in alto quodam fastigio illam collocarunt, vnde grauiori quodam lapsu caeca ac præceps decideret: ita qui eandem senserunt non ab auctore Deo excitatam aut productam primitus, quin potius Angelorum opera primum emeruisse, eam concilio eiusmodi deprefferunt, uti ingenitæ nobilitatis inscitia inde esset impedita, & ad omnia deinceps præclara virtutis actione decernenda, languida iaceret & desidiosa. Non enim parum nobilitatis nostræ & innatæ claritudinis recta æstimatio confert ad virtutē. Sicut enim sanguinis illustre stēma virtutis purpura rectissime dici soleat: quod nimirum eximium quoddam decus virtuti adiungat, illamque cæteris spectabiliorem reddat: ita quoque virtutis stimulus appellari rectissime poterit, quō acius ad vitæ honestatem expetendam homines impelluntur. Sanguinis etiam nobilitate illustres, quemadmodum

*Anima nobilitas incitamentum ad virtutem.*



dom longius vitæ genere & infuſito ab operibus vilioribus & popula-  
ris negotij ſordibus recedere ſolent : quaſi hæc maculam aliquam illis  
inferrent, & ignobiles plane conſtituerent : Ita ex opinione nobilitatis  
illius, qua anima noſtra effulget, comparati eſſe debemus: vt honeſtatem  
actionis, quæ ſola nobis gloriam parit, auidiſſime velimus conſectari:  
vitia autem, & morum prauitates, quæ vitam noſtram infeſciunt, detur-  
pant, agreſtem faciunt & ſerinam, refugere omnino & auerſari. At  
quis eſt, qui facile non animaduertat ſtemmatis & originis inſignem  
quaſi claritudinem humanæ animæ acceſſiſſe: Si modo perceperit, ab ip-  
ſomet Deo, nullius alterius effectricis cauſæ adminiculo interueniente,  
ortum & genus eam deduxiſſe? Quid enim niſi aſſabre effectum & ve-  
niſſime expoliſſum, à tanto artifice prodibit? Quid niſi excelſum &  
quaſi diuinum illud erit exiſtimandum, ad cuius efficientiam nec ſolis  
iubar, nec cœlorum influxus, ſed neque Angelorum vires quidpiam opia  
conferre potuerint : quandoquidem ad illud excitandum Dei ſolius  
ſingularis vis & poteſtas immenſa fuerint requiſita? Sicut enim qui pin-  
gendi artem proſtitetur, apud ſe ſtatuens ſux petitiæ ſpecimen aliquod  
pluribus exhibere, quo ſibi nomen famamque inter homines compara-  
ret: diſcipulis, quos in ea ſciencia erudiendos ſuſceperat, curam fortaliſſis  
mandaret colores ſubtilius conterendi, veſetiani corporis figuram &  
veſtium lineamenta penicillo effingendi: nihilominus vultum ipſum, in  
quo totius operis elegantia elucere deberet, ipſemet ſua manu depinge-  
ret atque deliniaret: Ita tamenſi Angelorum miniſterio aliquid conceda-  
mus: aſſirmantes eos materiam præbuiſſe, vel quid ſimile operatos ad hu-  
mani corporis plamationem: Deus tamen ipſe præcipuam partem, ip-  
ſam nimirum animam, proprijs quaſi manibus effuſxit. Hoc etenim ope-  
re & ſe egregium quidem artificem nobis oſtendere vult, noſque vicif-  
ſim tanto ornato dono & ditatos, in hoc rerum theatro illuſtratos con-  
ſtituere. Verum ſit itaque Angelos aurum conſuſſe, expurgatſe, & in  
anuli quaſi formam deduxiſſe: ſolus tamen Deus præfulgidam hæc a-  
nimæ noſtræ gemmam conſecta corporis palæ artiſioſiſſime inferuit.  
Optimi idcirco ac præſtantiſſimi parentis loco ipſum Deum habemus,  
cuius factura ſumus & opus manuum eius. Quamobrem quod filij ſuo-  
rum parentum mores naturali quodam ductu & propenſione imitari ſo-  
leant: animæ ſine dubio ad egregia facinora eximia quædam vis im-  
preſſa eſt, atque diuinitus eidem iniecti igniſculi caſtunt, qui in noſtris  
cœleſtium rerum ſtudium perpetuo concitant.

*Anima dig-  
nitas ex cau-  
ſa creante.*

*D. T. 1. 1. p.  
9. 1. 4. 2.*

*... Nec inbelli ſera, vt  
Progenerant aquila columbanæ:*

*H. 1. 1. 4.*

*videt proſapiam noſtram diſpenſat, videt, q.*

G

oſt. n.



ostenderemus, & parentis nostri perfectionē utcumque exprimeremus. Dum autem hoc modo de nobismetipsis præclare appositeque sentimus, qui fieri poterit ut vitiorum atque voluptatum mancipia turpi & ignobili vita sponte aliquando euadere velimus? Cogitemus animo stirpem & progeniem nostram: intueamur radicem in cælo defixam, ex qua nascimur & sobolescimus: manum illam sublimem, quæ animam veluti semen quoddam terreno corpori mandauit, contemplemur. Nec permittamus insignem hanc nobilitatem prauis moribus obscurari, abiectissimarum rerum cupiditate corrumpi penitus, denique amitti & nobis excidere. Hac namque cogitatione Apostolus Paulus Atheniensium animos ad ipsius Dei veram notitiam erigere satagit ex Arato Poëta mutuato testimonio: *Genus ergo cum simus Dei, non debemus estimare auro & argento aut lapidi sculpturæ artis & cogitationis hominis diuinum esse simile.* Quasi diceret: si aliquando opinionem illam admiseritis, ut existimetis hanc nostram animam, qua viuimus & ratiocinamur, Dei ipsius esse quoddam opus: multo excellentius quoque de ipso Deo sentietis, quam ut rei inanimatæ, crassæ, & corporeæ ipsum similem iudicetis.

*Act. 17.*

*Anima  
creatio à  
Deo homi-  
nem mouet  
ad ipsius  
Dei amo-  
rem.*

*Gen. 2.*

Hac etiam nostræ animæ ex diuina virtute propagatio, cum à nobis recte percepta fuerit, immenso quodam amore in ipsum Deum sine dubio voluntatem inflammabit. Si enim ordinem & rerum seriem expendimus, quam sacra scriptura recensuit, conditionis nostræ historiam contexens: tanquam benignissimum quendam parentem Deum esse videbimus, illoque prorsus affectu à nobis prosequendum intelligemus, quo ipsa natura filios erga parentes suos pios constituere solet ac morigeros. Nam posteaquam mundi singulæ quæque partes essent constructæ, aptissimeque inter se compaginatæ: corpore etiam, utpote ipsius animæ domicilio, ac regia absoluto & perfecto: tunc demum anima in præclarum hoc orbis patrimonium & corporis sui sedem affabre elaboratam inducitur: non Angelorum quidem virtute aliqua, sed sicut mos est parentibus, filijs ab illis propagatis hereditatem committere: ita ipsemet Deus clementissimus animæ parens, eam in orbem terrarum ac corporis tabernaculum propria sua virtute inuexit. *Et insufflauit in faciem eius spiraculum vitæ.* Sæpius tamen contingit hominis ipsius culpa, hanc nostræ nobilitatis ac prosapiæ notionem, aut prauo aliquo errore eiectam iri, vel ignorance penitus à mente arceri. Sicut enim puero, qui claro genere illustris esset, inter barbaros & efferatos homines vitam traducendi, ob conuictum illum agrestem, originis ipsius splendor nequaquam in cogitationem incideret: Ita si depressa extinctaque ratione, sensus regiminis sceptrum & imperium arripuerint: non solum cum barbaris quasi homi-



hominibus ipsa anima versabitur: quin potius cum ipsismet brutis & truculentis bestiis societatem conciliabit. Quibus enim alijs nominibus aptius aut verius rabidos & vesanos illos ex libidine vitæ mores appellarem? de quibus Propheta: *Et terra infecta est ab habitatoribus suis.* Et alibi: *Isaia 24.* *Et orientur in domibus eius spina & vetica, & palurus in munitationibus eius, & Isaia 34.* *erit cubile draconum, & pasua struthionum: & occurrent daemonia, homicentauri, & pilus clamabit alter ad alterum: ibi cubavit lamia, & inuenit sibi requiem.* Ex quo fiet, ut si quid stirpis bonum sit, id omne vitio degeneret depravatae voluntatis: atque ex conuictu consuetudineque minus excultis & honestis, animæ veram & genuinam nobilitatem fæda quadam obliuione necesse est obliterari.

In quod grauissimum malum, daemones versutia hæretici quoque ad insanum errorem acti, hominem conijcere satagerunt: dum in eam sententiam ipsum inducere laborarint, qua existimaret non ipsius Dei propria ac immediata virtute, sed Angelorum potius molitionibus effectam animam in hanc lucem prodixisse. Huiusmodi opinionem Platonici Philosophi aerisille, affirmantibus Angelos humanarum mentium esse satores, quamplurimi senserunt. Tamen D. Augustinus scribit eos existimasse solum ad corporis efformationem operam suam Angelos præstitisse: quod & schola iam admisit Theologorum. Cæterum auctore Philastrio, Seleucus, Hermias omnino in hunc scopulum impegerunt. Istorum tamen hac in re temeritas, & in dedecus nostri generis suscepta sententia, sacrarum scripturarum auctoritate liquido refutatur. Passim enim scriptura effectorem animæ Deo uti efficienti attribuit. Et inspirabit in faciem eius spiraculum vitæ. Qui sinxit singillarum corda eorum. Spiritus Psal. 32. reuertitur ad Dominum suum, qui dedit illum. Eccle. 12.

Verum non tantum ex hoc ipsius animæ eximia quædam elucet præstantia: quod à solo Deo absque alterius secundæ causæ efficientia proflexerit: sed & inde quoque vel maxime, quod nihil præfuerit veluti materia, ex cuius finit & potetia educeretur: quin potius quod ex nihilo plano existerit: eoque productionis genere constituta, quæ creatio dici solet, quæque principium quoddam infinitum exigat, quale in solo Deo esse mens nostra cogitabit. Quocirca ea est nostræ animæ excellentia, ut quicquid in hac vastissima rerum machina continetur, sicut nec efficiens causa esse poterit eius, ita neque materiam aliquam suppeditare, ex qua ipsa oriretur. Erravit eapropter vehementer Tertullianus, qui ratus est haud aliter embryonis animam ab anima patris fieri, quam per decissionem seminis eiusdem corpus à corpore patris conficiatur. Quo quidem pacto ipsa anima esset ex traduce, & non ex nihilo. Ad hoc au-



tem refutandum obſcurum videtur argumentum omne, quod è ſacris literis peti ſolet. Illud quidem Pſalmiſtæ: *Qui ſinxit ſingillatim corda eorum,* pleniffimam & veriſſimam habebit ſententiam, licet ex præiacenti aliqua materia eductam animam affirmemus. Figulus enim, qui ex maſſa lutea vaſa efformat, opus ſuum effingit, tamen ex materia. Sed neque

**Eccl. 12.** aliud quidpiam probabit, quod habet Eccleſiaſtes: *Et reuertetur pulvis in terram ſuam, ſicut erat, & ſpiritus reuertetur ad Dominum ſuum, qui dedit illum:* Hæc namque veriſſima eſſe poterint, interim anima ex traduce oriatur.

**D. Auguſt.** Quare concludit D. Auguſtinus: *De animæ origine nondum in ſcripturis ſacris* *epiſtola ad* *reperi.* Nihilominus ſi verba ipſius ſcripturæ exactius paullo & præſius *Opin.* diſcutere velimus, quibus Moyſes hanc animæ à Deo propagationem explicauit, fortassis probabiliffimis coniecturis inde veritatem ipſam eliciemus. Imprimis verbum illud *inſufflauit* ſubindicare videtur, quod ſicut inſufflatio res eſt ferme ſenſu imperceptibilis, ita quoque animam ipſam, quantum ad eius ſubſtantiam, ſpiritum eſſe, qui omnem noſtri ſenſus effugiat notionem. Ex quo etiam conſtat ſpiritali quadam efficiencia formatam fuiſſe: neque ad rationem aliarum formarum ex gremio alicuius ſubiectionis euocatam. Species autem illa productionis, quæ maxime cenſetur ſpiritalis: quanique nec mente aut intelligentia adſequi poſſumus, creatio eſt. Anima idcirco ex nihilo creata primo ſubſtitit. Scriptura porro docet hominis corpus fuiſſe à Deo plasmatum, animam vero factam: quam differentiam duplici verbo Græco ſignificari animaduertit D. Baſylius: *ἐπλάσθη ἡ σὰρξ, ἐπείθη ἡ ψύχη*: quaſi caro ideo diceretur plasmata, quod ex materia aliqua, nimirum terra, emerſerit: anima vero facta, quod creatione naturam & exiſtentiam ſortita fuerit.

**D. Baſyl.** Vtrumque autem verbum aptiſſime uſurpauit D. Iob, *manus tuæ fecerunt* *homil. 11.* *me,* animæ cauſa, & *percuſerunt me,* ratione corporis. Quod ſi quis iſtis *in hexam.* contentioſe velit reſiſtere, ab illo quærerem, quamnam illa tandem deberet eſſe materia, quam is animæ productioni ſubijceret? Non quidem iſtis eſſe poterit ipſius Dei ſubſtantia: quæ ſi loco materiæ eſſet, mutationi quoque obijceretur: neque ex ſententia Philoſophorum actus eſſet purus, ſecretus ab omni priuationis defectu. Sed neque animæ materia erit Angelica ſubſtantia: nam anima cum ſit forma, materiam illam vti ſubiectionem afficeret, ex qua emanat: quod nullo modo Angelorum ſubſtantij accidere valebit. Denique ipſum corpus, vel quodcunque aliud demum concretum aſſignari nequit, vti animæ materia. Nam anima cum ſit res priuſus ſpiritalis, in ſui effectione à re quauis corporea minime dependebit. Hæc tamen conſequutio nō videtur adhuc ſatis manifeſta. Nam ſi rationi conſentaneum ſit, (quod omnes ferme recentiores

docent



docent Theologi) nimirum gratiam, qualitatem supernaturalem educi ex potentia animæ: id est ea effici actione diuina, quæ animæ vt subiecti atque materiæ concursus & sustentaculum requirit: anima similiter tamen si substantia spiritalis, ita a Deo effici poterit, vt materia aliqua etiā crassa & corporea ad eam actionem necessaria constituantur, & ex qua ipsa producat. Sed modo non ea cura nos distringit, vt proficemur ostendere animam omnino vlla Dei virtute effectrice educi non posse ex potentia aliqua corporea: hoc enim solum in præsentiarum statuimus, nimirum ex principijs Philosophiæ liquere satis animam creari à Deo, nec excitari ex aliquo subiecto: quod etiā scripturæ sacræ comprobatur reddunt: præsertim si illis patrum sententias adiunxerimus. Quamobrem vti creationis ratio, qua animam ipsam effici definiuimus, clarius innotescat: tria in cogitationem nostram venire debebunt. Quorum duo animæ effectorem aliarum formarum productionibus parem & similem faciunt: tertium vero eandem omnino discernit & distinguit à cæteris. Principio quidem à Deo non creatur anima, nisi post quam naturale agens omnes debitas & naturæ eius congruentes dispositiones in corpus intro duxerit. Deinde non ita fit à Deo, vt in aliqua temporis morula, vel realis durationis puncto, à corpore abstracta existerit. Denique licet fiat à Deo, idque in ipso corpore veluti in materia & subiecto: tamen eiusdem adminiculum non exigit, & propterea ex nihilo creatur. Aliæ autem formæ omnes ita producuntur vi actionum, à quibus fiunt; vt necessario actiones illæ requirunt subiectum aliquod, quo suffulciantur & sustententur: quo etiā dempto & semoto, euanescerent protinus actiones illæ. Diuina autem actio, qua hominis anima fit, tamen si à corpore vti subiecto suscipiatur, nihilominus in eodem temporis puncto, in quo ipsa à Deo emanat, si corpus deflueret, aut subtractū esset, ex vi tamen actionis illius anima superstes existeret. Quare non fit hæc ex materia vti ex causa: proinde vi creationis & ex nihilo emergit. Quo pacto à cæteris productionibus aliarum formarū diuina hæc animæ excitatio longissime secernitur.

*Animam substantiam esse quandam ab omni materiali concretionē seuictam, luculentis rationibus asseritur.*

## CAPVT VIII.

**N**ON parum aut modice quidem animæ præstantissima forma atq; species ex eo elucet, quod prorsus immaterialis existat, & ab hac

G 3

terrena



*Anima  
materialis  
secundum  
aliquos.*

*Anima  
nomen.*

*Orig. l. 2.  
periarchō.*

*Suid. ver.  
ψυχή.  
Greg. Nis.  
l. de ani-  
ma.*

*Galen l. de  
tempera-  
tura.  
Tertul l.  
de anima.*

terrena, crassaque corporum coagmentatione secreta & aliena. Hinc etenim manifestum euadit, longe excellentioribus bonis hanc ipsam affluere debere, & ad sublimiora etiā appetitus ingenito desiderio cōtendere, quā que hac rerum mole aspectabili coërcentur. Quamobrem qui in classe & ordine corporalium rerum eam collocarunt; fingentes quantitatem extensam, loci ambitu circumscriptam: de tanta dignitate & animæ excellentia, qua conspicua est, multum detraxerunt: atque natiuo eiusdē splendori diminutionem haud mediocrem attulerunt. Grauius idcirco lapsi videntur quamplurimi Philosophi, qui suo dogmate concreta quadam principia atque elementa decreuerunt: ex quibus anima ipsius hominis oriretur ac pullularet: quamque Græce ψήχην, quasi ψήχρον, frigus appellatam voluerunt: quod ab aqua originem eius atque initium extitisse illis steterit sententia definire. Origenes vero alia de causa animam ψήχην, quasi ψήχρον, nuncupari existimauit: exinde nimirum, quod volūtatis vitio prior ille charitatis & in Deum amoris feruor, quo aliquando flagrat, modo deferbuerit: ea propter veluti frigidam aut tepidam ex peccato, ad tanti sceleris & defectionis luendas pœnas, in hæc corpora detrusam cogitauit. Alij animam dici ζών autumarunt à verbo ζῆν, feruere: ac si anima ignea esset quadam substantia, vel ex stellis delibata: quæ non nisi violenter, tanquam flamma innata agilitate in altum exiliens, hisce corporum repagulis esset coërcita. Aristoteles vero opinatus est animam esse ἐντελεχείαν σώματος. de cuius vocis genuino sensu, quem ipse exprimere voluit, non me fugit plurimos opinionibus inter se dissidere. Suidas enim ab Aristotele existimauit animam vocari ἐντελεχείαν, quasi corporis formam, & perfectionem: Idemq; esse ἐντελεχείαν atque ἡτελειότην censuit. Gregorius autem Nissenus (in philosophicis sine omni controuersia doctissimus, ἐντελεχείας nomine Aristotelem ratus est intellexisse ipsam corporis temperiem; quasi anima ex primarum qualitatum commixtione enata, illam, quæ vitæ aptior esset, conseruaret, atque à defluxu cohiberet. Quo quidem pacto anima omnino esset extensa & materialis. Eandem quoque sententiam visus est Galenus suscepisse: cum dicat animam esse viuenti aptam corporis temperaturam. A quibus non multum quoque abhorruit Tertullianus, qui animam corpoream esse substantiam disertissime docuit. Quare Græco vocabulo minus recte & apposite opinatur ipsam appellari πνεῦμα, spiritum: quin potius contendit dici debere πνοή, flatum. Ut enim à spiritu coërcito flatus proficiscitur: ita quoque anima hominis à spiritali ipsius Dei virtute ac ore veluti flatus quidam promanauit. Quæ tametsi hoc etiam modo substantia esset materialis, nihilominus quod hæc valde tenuis, exilis, elaborata quasi & subtilis.



subtilissima existat: congrue status nomine eam adstruit designari. Hinc etiam voluit aliqui Latinam vocem anima, deductam à Græca *ψυχή*, quæ ventum seu flatum denotat. Confirmari putat Tertullianus suam sententiam ex illis verbis Genesios: *Et insufflauit in faciem eius.* Ex quibus *Gen. 2.* conficit animam substantiam esse quandam instat flatus per corpus diffusam: Porro scripturarum testimonijs comprobatur est, (inquit) perditorum animas in locis inferis actione quadam natua ignis materialis exacerbari ac torqueri. Proinde simili modo anima ipsa materialis existit: nullam enim vim exercere poterit concretum, & materiale agens, nisi in passum, quod ex materia quoque & quantitatē dimensionē constaret. Aliorum vero, in eandem sententiam cum Tertulliano differentium, hæc sunt argumenta.

Si anima prorsus cuiuspiam spiritualis esset natura, materia quam ipsa *Anima ma-* *teriali videri-* *tur: appa-* *ret corpus.* *ru.* vtpote forma concupiscit, similiter deberet esse spiritualis. Sicut enim spiritualium & materialium rerum species ipso genere inter se dissociantur: ita si ad existentiam earundem cogitationē nostram convertere velimus, eo modo secerni animaduertemus, vt sunt etiam distinctis indiuiduis perpetuo partiantur. Eapropter cum anima naturali quadam corporis compage contineri se permittat: imo ad hoc vinculum naturæ mirabili quadam sui inclinatione propensa & facilis accedat: conditionem ipsius corporis sequi videtur. Breuiter nihil ita in vnum pellit, aut inter se diuersa coniungit, atque naturæ ipsius æqualitas ac similitudo. Similis itaque & vicina corpori erit anima, quod tam hæc, quam illud materialium rerum serie includantur. Quorsum etiam ingruente illa, quam secum defert mors, partiū disimctione, tantopere anima eam subterfugit, & ex eius opinione, timore quodā percussa, trepidat & exhorrescit? Nam si anima esset substantia aliqua spiritualis, tunc intelligeret se à corpore seculam & segregatam, (veluti cuiusdam tenebrosi carceris patefactis claustris) habituram postmodum alium quendam exilendi modum solutorem & liberiores: quique naturæ ipsius aptius multo responderet.

*Non iam se moriens conqueretur:*  
*Sed magis ira foras, restemque relinquere, vt anguis*  
*Gauderet prolonga feruere, aut cornu ceruus.*

*Lucræ.*  
*lib. 3.*

Operandi autem genus, quod anima proprium est, si cogitemus: nihil sane in illo præstantius aut spectabilius videbitur, quam intelligere & contemplari. Hæc vero animæ agitatio corporis mole non perficitur: imo exiliens in altum animæ vis, quibusdam angustijs, corporis ratione coercetur. Quamobrem ad illum potius vitæ formam ingenti qua-

*dam*



dam promptitudine & alacritate (si quidem spiritualis esset) ferri deberet, in qua omnes intelligendi vires liberrime posset expromere: quam tamen reformidat & fugit omnino Idcirco adhærescit anima corpori, & illi penitus agnata censebitur: quandoquidem ita corpore misceri cupiat, & eius indumento perpetuo vestiri.

*Anima  
videtur  
materialis  
corporum  
affecta in-  
commodis.*

Verum neque ex hac animæ cum corpore vnione, ipsa imperium omnino obtinuit in corpus: cum eam inde corporeis malis subiectam potius videamus: quod in spiritum vix cadere posse quispiam existimabit. Deprehendimus enim iuxta multiplicem ipsius corporis temperaturam, varia ingeniorum munera & quasi species exoriri. Vbi enim sicciora & calidiora corpora progignuntur, ibi acriora & subtiliora vigent ingenia. Perturbationum etiam effectus, qui in corpore existunt, ad ipsam animam quoque deueniunt: quod perspicuum est in his, qui morbo aliquo afficiuntur: hi quippe non minus anima, quam corpore languescunt, & conficiuntur. Quæ omnia è corporibus erumpentia incommoda nequaquam animam contingerent, (cum materialia sint & concreta) nisi anima similiter materialis esset, & crassa atque multarum rerum coitione coalita. Nam Angelus (vt gratia exempli dicam) aqua circumdatus & incinctus, vel locali præsentia illi contiguus, nullam in se admittet mutationem, si vel aqua illa velocius à quopiam cietur, vel iniecto cæno turbida reddatur: quandoquidem substantiæ suæ causa spiritualis, talis impressio- nis nec capax sit. Humana autem anima nunc quasi se dimittit, postmodum ad operandum expedita euadit: nunc tardius progreditur, deinceps concitatius se mouet: nunc clarius intelligentia veritatem perspicit: mox obscurius: si corpus vel optima, vel mediocri, vel nulla fruatur sanitate: si iuuenili feruore incalescens subsulter, vel senili frigore constrictum sub- fidat, & torpere iam incipiat ac rigescere.

*Anima  
inde vide-  
tur mate-  
rialis, quod  
filiorum  
vita mores  
exprimat  
parentum.*

Quantam etiam vim obtineat anima in corpus, hinc vel maxime li- quet: quod videamus liberos non tam corporis figura & habitudine membrorum externam parentum speciem exprimere, quam etiam mo- res eorum, siue virtuti consenserint, siue etiam vitio paruerint, vitæ suæ ratione imitari & quodammodo effingere. Quod non aliunde venire posse suspicabitur quispiam, nisi animam concretam esse substantiâ, & propterea corporis affectionibus facile mutabilem & ad varia corporis ratione flexibilem pariter existimer.

Longe tamen altior & sublimior cogitanda est humanæ animæ natu- ra, (quidquid quorundam Philosophorum ratiuncula ex aduerso con- tenderint) quam vt materiali quadam coagmentatione conflata & cō- cretam statuamus. Ad insigniorem quippe gradum eam virtus diuina extulit,



extulit & euexit. Sicut enim omnia, quæ à Deo tanquam principio & origine promanant, ipsum (vt affirmat D. Thomas) quodammodo imitantur: Ita peculiari quadam ratione anima hæc nostra, carnis tamen mole obfessa, diuinæ substantiæ imitatrix existit. Est etenim Deus, si ipsius substantiam spectemus, natura quædam simplicissima, partitione vacans, pura & spiritualis: eodem plane modo anima, ex nulla terrestri commixtione constans, immaterialis est, & à corporis conditionibus libera & immunis. Quocirca cum huiusmodi naturam obtinuerit Deus Optimus & maximus, ideo dum singulis quibusque rebus adest, non per aliquas sui partes, sed indiscrētus, totus, ac integer eas omnes tranat & peruadit. Sic anima quoque, quod corporis membris coextensa non sit, (vt loquuntur) tota est in toto corpore, & tota in qualibet illius parte. Præterea Deus in cœlis sedem thronumque desigens cuncta, quæ subiecta sunt mente lustratur sua, curam omnium agit: neque minus prouidentia rusticis præest negotijs, quam imperatoris maiestatis arcanis consilijs. Pariter anima ratione insignita, vt ipsius hominis vita melius decurrat, faciliusque sustentetur: non solum præstantioribus corporis ipsius partibus vitam, sensum, motumque largitur; verum etiam ignobilioribus propria quædam munera attribuit. Denique Deus licet omnia cõtineat & administret, & vt inquit Apostolus: *Non longe sit ab vnoquoque nostrum: in quo mouemur & sumus*: Omnem tamen mentis nostræ captum effugit: & tantus splendor cum sit, in tenebris tamen posuit latibulum suum: Ita anima, cuius autoritate corporea hæc moles ducitur & regitur, cuiusque virtute & auxilio singulæ corporum fiunt molitiones, videri à nobis non poterit.

Sed neque in scripturis luculentius aliquid adstruitur, quam (quod omnes iam ferme arbitrantur) animam nimirum esse cuiusdam substantiæ spiritualis. *Et inspirauit in faciem eius spiraculum vite*. Ex quo loco Theodoretus probat animam esse spiritum, flatus seu spiraculi nomine expressum. Cum enim hac voce ipsius animæ substantia optime significetur: tum quoque eiusdem operationes ad viuum describi videbuntur: si diuini huius flatus sæpius à Deo emissi mirabiles effectus, quos sacra refert scriptura, repetere velimus. In rerum primo ortu diuinus quidam spiritus super aquas agitatus, vel confusionem indigestionemque, qua omnia permixta & perturbata erant, apta vniuius cuiusque rei in proprium locum distributione facta, è medio sustulit: vel ipsismet aquis (vt opinatur Tertullianus) vim quandam vitalem indidit, ac procreatricem, qua prima viuentia aquis innascerentur. Ita statim atque Deus hunc animæ spiritum corpori infuderat: protinus eodem corporis moles effor-

D. Thom. 3.  
cont. Gent. 6.  
19 & 20.  
Anima si-  
milis Deo.

Actu 17.

Animam  
esse spiritum  
docent scrip-  
tura  
Gen. 2.  
Theod. in il-  
lum locum.  
Anima si-  
milis spiri-  
tus emissi  
super aquas  
Deo, de quo  
passim scri-  
ptura  
Tertull. lib.  
de Baptismo.

H

maça



Ezech. 1.

mata fuit: eiusque singula membra distinctis propriisque actionibus destinata: & quod mirabilius videatur, iacenti & inerti corpori vitam sensumque impertiuit. Cum diluuium vniuersam rerum faciem coalita adgestaque face deturpasset, fluctusque immanes viuientium omnium animas extinxissent, flatus, seu ventus à Deo exspiratus, noxium illum absumpsit & exhaustum humorem: terram spectabilem exhibuit, atque in illam delato solis radio, fecundam effecit: tandem fructibus amaranthi & vberem extulit. Ita si quid actionis præclaræ, si quis splendor aut decus in corpore nostro effulgeant: id omne diuinus iste animæ spiritus perficit & exequitur. Virtutum pulchritudine hæc corpus exornat, cœlesti gratia, veluti è supernis euibrato radio, coruscum constituit: denique ex terra gleba obscurissima aurum reddit, crysalli quasi crustis pulcherri-  
 me distinctum & elaboratum. Spiritus seu flatus beneficio, testatur scriptura, primo animam fuisse conditam & constitutam: similiter post diuul-  
 sionem eius à corpore, renouatam copulam cum eodem, Deus ventus quodam symbolo Prophetæ Ezechielis visendam exhibuit. Spirante enim vento vidit iste Propheta membra emortui cuiusdam corporis iuncturis suis rediuiua inuicem cohærere, neruis colligari, efflorida cute indui, fer-  
 uidum purpureumque per corporis ceruleas & turgentes venas san-  
 guinem decurrere: tandem humo integrum hominem excitatum & erectum, pedibus consistere aspexit. Ita cum anima postliminio ad cor-  
 poris iacentem molem & morte confectam regressa fuerit, illam suscita-  
 bit illico, vitam imò beatitudini donabit. Sicut etiam (vti supra annotaui-  
 mus) tenuis iste spiritus per aërem diffusus, ad naturam rei incorporeæ  
 proxime accedens, substantiam animæ spiritualem exprimit & represen-  
 tat aptissime: ita quoque eiusdem operatio & agitatio animæ motus de-  
 clarant ac manifestant. Inclusus etenim spiritus etiam terræ ipsius visce-  
 ribus, quadam vi & impetu sibi continuo egressum parat: grauissima  
 quæque corpora secum attollit sursum, neque ita comprimi potest aut  
 recludi, quin semper innata sibi leuitate ad superna contendat: ita anima  
 conditione suæ substantiæ licet graui corporis mole depressa sit & obruta:  
 nihilominus ductu naturæ in superiora intendens, quæ pedibus te-  
 runtur, quæ ad corpus affluunt, fastidit, contemnit, & quasi in alieno de-  
 renta solo fugam perpetuo meditatur: tandem corpus euehit & erigit  
 quodammodo: cum nempe sprete voluptate, vitam castimonia excultum  
 & subactum constituerit: tunc autem vel maxime, quando beatis illis  
 cœlestium spirituum agminibus inferet, & in illa admirabili luce collo-  
 cabit. Est idcirco animus vitam nostræ spiraculum, & ad diuinam efforma-  
 tus similitudinem quidam spiritus nullis corporeis contagionibus sub-  
 iectus.



iectus. Quod & alia quoque scripturæ loca abunde testantur. *Quis nouit* *Eccle. 12.*  
*si spiritus filiorum Adam ascendat sursum?* Et Christi Domini hæc fuere ver-  
 ba in cruce pendentis: *In manus tuas Domine commendo spiritum meum.* *Matth. 2.*  
 Et alibi idem ad Apostolos dixit: *Spiritus quidem promptus est, caro autem in-* *Luca 23.*  
*firma.* Denique Apostolus Paulus: *Caro concupiscit aduersus spiritum.* Qua- *Gal. 5.*  
 re recte Aristoteles de hac re differens, non tam Philosophi, quam Theo- *Arist. 10.*  
 logi numeros visus est expleffe: cum humanam mentem dicat: *ἀψιχον*, *Ethic.*  
*συνγνεῖστατον θεῷ*: optimam Deoque simillimam substantiam.

At neque Philosophiæ quidpiam deesse poterit ad hoc ipsum certa ra-  
 tione demonstrandum. Docet etenim hæc operationes animi proprias  
 cuiuscunque demum temperaturæ corporeæ vires longissime excedere,  
 principiumque multo diuinius requirere, quam quod ex aliquo crasso &  
 concreto constare poterit. Atque vt ab intellectu exordium sumamus: *Anima spi-*  
 hic quidem in alta exquisitaque rerum defixa est & occupata inquisitio- *ritualis, eo*  
 ne. Vniuersalia proinde indagat acumine suo infinitis propemodum sin- *quod pluri-*  
 gularibus communia: quæ quidem (vti constat) omnis materiæ & con- *ma cognoscas*  
 cretionis sunt expertia. At profecto corporis temperies aliqua nihil de- *semota à*  
 mum præstaret actione sua, præter quam quod sensus molliuntur. Hi au- *materia.*  
 tem singularium solummodo rerum notiones comprehendunt & effin-  
 gunt: non est idcirco vis intelligendi corporis aliqua complexio, vel  
 primarum qualitatuum temperamentum: sed quemadmodum naturæ v-  
 niuersales à particularibus differentiis liberæ sunt & solutæ: ita mens ha-  
 rum indagatrix, nullum exiger in corpore definitum organum, cui  
 astringatur, cuiusve ad intelligendum petat adminiculum. Quo pacto  
 facultas intellectualis, sicut & eius obiectum, separata existens à concre-  
 tione ac conditione quauis sensibili, omnino erit spiritualis. Porro intel-  
 lectus longius adhuc progreditur, dum ex partibus huius vniuersi, ea-  
 rumque motibus, tanquam ex impressis quibusdam vestigijs, aut exara-  
 tis characteribus, in notitiam venit substantiæ omnino puræ & incor- *Arist. 3.*  
 poreæ. Ita namque Aristoteles aliquando differuit. Forma limitibus in- *Phys.*  
 clusa & in materia extensa, æterno aliquo tempore mobile haud valet  
 agitare: quocirca cum cælum perpetuo ac perenni quodam motu in or-  
 bem versetur: virtus huiusmodi motrix non cælis ipsis aut eorum for-  
 mis impressis attribueretur: sed potius quibusdam intelligentijs conueniet,  
 ab omni materia & quantitate seiunctis. Et vnusquisque hominum (si  
 modo ad ea quæ oculis occurrunt intelligentiam suam aduertat) ita se-  
 cum ratiocinabitur. Cuncta hæc quæ videntur, quod restricta sunt & de-  
 finita, permutationi quoque obnoxia, virtute propria ex nihilo oriri non  
 potuerunt. Proinde constituendum erit commune horum omnium

H 2

princi-



*Cicer l. 1.  
de leg.*

Cicero euidenter satis probari animam esse spiritualem substantiam, ipsi Deo cognatam, imo simillimam. Itaque ex tot generibus, nullum est animal præter hominem, quod habeat notitiam aliquam Dei: ipsisque in hominibus nulla gens est, neque tam immanis, neque tam fera, quæ non, etiam si ignoret qualem habere Deum deceat, tamen habendum sciat. Ex quo efficitur illud, ut is agnoscat Deum, qui unde ortus sit quasi recordetur & agnoscat. Illam præterea rerum seriem & continuatam quandam coherentiam, qua longissime petiti effectus & à suis principijs & causis plurimum disiti, inter se connectuntur, humana intelligentia contemplatur, despicit, & intuetur. Quam quidem nulla plane vis sensus aut complexionis videre poterit ac disquire: nisi ipsis quoque brutis animantibus, in quibus viget tantum sentiendi facultas, discursum, *διόριστον*, & iudicium attribuere velimus. Est itaque in mēte nostra spirituale aliquid, quod ab vno in aliud sua deferatur intelligentia: quodque haud materiæ sit immersum, aut organo aliquo corporis definitum.

*Animam  
esse spiri-  
tuale eius  
probat dis-  
cursus.*

Non tamen me præterit (quod neque veritatis elucidandæ gratia subterfugere aut reticere debeo) nonnullos argumento iam explicato responsione occurrere: qua etiam plenissime illi satisfactum arbitrantur. Dicunt itaque experientia ipsa notum esse, quod si quis aciem mētis suæ defigere conetur in contemplationem ipsius Dei, vel intelligentiarum, aut cuiuscunque demum naturæ abstractæ & vniuersalis: nunquam posse hominis intellectum (quantumcumque laborarit aut nervos intenderit) horum substantiam puram & simplicem ita intueri: vti omni forma sensibili ac eientita specie abiecta & depulsa, res ipsa nuda euolutaque cogitatione aliqua inspicitur. Enimvero etiam nolentibus nobis huiusmodi fucatæ species animo perpetuo occurrant, sese ingerunt, & illud in quod intendere cupimus falsis quibusdam coloribus depingunt, fictitia luce perfundunt, & inani extensione dilatant: Vmbra denique interiectam non rem ipsam spectandam proponunt. Quapropter à ratione obiecti vix firmum argumentum duci videtur, quod luculenter ostendat animam intellectualem esse omnis materiæ & compositionis penitus expertem: sensibilia enim sunt tantum, quæ à nobis cognoscuntur, quæque rerum materialium concretionem non excedunt, ex ea saltem facie, qua nobis obijciuntur. Verissima hæc quidem sunt: nec renuere possum. Hinc tamen penitus superius argumentum propositum non apparet, eneruat-  
tum.



tum. Nam tametsi nostra ratio eam, dum corpore continetur, sortita sit conditionem: uti quæcunque notione aliqua sua perceperit, ea adumbrata & quodammodo aliena forma, quam ipsis rebus falso adijcit imaginatio, vestita & expressa sint: tamen ut animaduertit D. Augustinus, iuxta puram, sinceram, propriamque ipsorum naturam exacte cognoscit intellectus, omni sensibili specie & forma hæc esse destituta: tametsi quod sensibus impediatur, characterem illum spirituales consequi non possit. At nisi intellectus ipse materia, omnisque extensionis mole esset vacua, nunquam iudicaret aliquid esse ab huiusmodi concretionem seiunctum, sed potius sensuum iudicio continenter adhereret, neque ulterius quidpiam inuestigaret. Animaduertimus autem notiones sensuum veluti errores rationis lumine plerunque patefieri, coargui, conuinci, illisque oppositum, quæ nobis ipsi renuntiant, esse veritati magis consentaneum eodem comprobari. Sensus etenim clarissimum hunc solem, orbis oculum, dum ex visu ipsum metitur, vnius pedis dimensionem vix illi concedit: Ratio autem totius terræ magnitudinem longissime excedere & superare euidenter docet. Similiter ex aspectu lunæ iudicamus interdum quandam eius partem omni prorsus luce esse priuatam: verum ratio non ita rem esse nobis ostendit: sed sic videri solum à nobis, idque ex corporis lunaris spherica figura, cuius pars aliqua soli obuersa & eidem admodum vicina, ob situm, quo à luna ipsi distamus, sensibus nostris non obijcitur. Oculorum etiam intuitus sua æstimatione falsus, repugnante interim mentis iudicio, sub aquas rerum inflectit: Idem fictitios colores nubi rosida & columbæ collo affingit: terræ orbis centro aliud suffulcrum submittit: neque æquis ponderibus libratam, aqua aut aëre liquido ambiri persentiscit. Quæ quidem nobis clarissimo indicio esse poterunt, vim intellectualem animis insitam, non ita sensibus aut corpori esse illigatam: ut non eo feratur cognitione interdum sua, quo illi non valent pertingere. Sit itaque verum, nos Angelos ipsos vel rerum naturas vniuersales semper secundum modum & formam sensibilibus mente conspiciere: imo ipsas rerum confectiones, veluti quosdam ordines sensibiles apprehendere: tamen quod hæc omnia (ut diximus) dum inuestigat intellectus, iudicet prorsus esse immaterialia, pura, & segregata naturis suis à qualibet concretionem, ex huiusmodi conditione obiecti, quam exploratam habet intellectus, rectissime insertur, hunc spirituales esse, sicut illa spiritualis existit.

Actus etiam, quos elicit & exprimit mens nostra, hoc ipsum satis manifestum reddunt. Aristoteles quidem exinde probat intellectum certo definitoque corporis organo non esse aligatum: eo quod neque obiectum

H 3

habeat

*D. Aug. de  
quantitate  
anime c. 10.*

*Anima spi-  
ritualis, eo  
quod repug-  
net sensibus.*

*Arist. 2. de  
ani. textus 2.  
122.*



## 62 DE TRIPLICI HOMINIS OFFICIO,

*Anima  
spiritualis,  
eo quod nō  
dependeat  
à corporis  
organo.*

*Scot. in 4.  
sent. d. 53.  
q. 2.*

*D. Thō. 1.  
p. 2. q. 75.  
art. 2.*

habēat alicuius vnus sensus perceptione comprehensum. Potentia namque visiva, quæ oculo determinate insidet, non omnia sensibilia suo actu attingit, sed ea solum, quæ lucis vel coloris rationem aliquam sortiuntur. Intellectus autem nullo constituto aut certo sensibili obiecto coërcetur: sed omnia plane rerum genera operationis suæ ambitu complectitur. Caret itaque organo corporis, & ex consequenti immaterialis est & spiritualis. Verum rationem hanc Aristotelis Ioannes Scotus, tanquam infirmo subnixam fundamento, euertere & infringere molitur: atque vt in cæteris, ita quoque hac in re se ostēdit satis acrem, oculatum, & subtilem Philosophum. Hinc itaque confici solum asserit Scotus, intellectui attribuendum non esse genus aliquod vnum sensibilem, quasi integrum eius obiectum: propterea quod ipse non habeat certum aliquod organum, in hac vel altera parte corporis collocatum: non autem hinc euinci dicit, vniuersum sensibilem ordinem intellectum cogitatione sua transcendere aut superare: quandoquidem interim totius corporis adminiculo, loco organi, vti poterit: licet non hac aut altera eius parte. Et eodem plane modo quemadmodum visio inde probatur operatio materialis, quod definiti organi conatum in humano corpore exigat: Ita quoque vis intellectus iure materialis æstimabitur, si modo ad intelligendum totius corporis subsidium requirat. Neque proinde intellectus organum sibi non vendicabit, quod rerum omnium formas & differentias percipiat. Nam imaginatio designato organo inferitur, nihilominus discrepantias quaslibet sensibilem sua notione deprehendit. At fortassis (vt suspicatur D. Thomas) si intellectus ex aliquo constaret materiali & corporeo, ineptus esset ad suscipiendam rerum omnium cognitionem: Sic enim ipse disserit: *Manifestum est quod homo per intellectum cognoscere potest naturas omnium corporum: quod autem potest cognoscere aliqua, oportet vt nihil eorum habeat in sua natura. Quia illud quod inest ei naturaliter, impediret cognitionem aliorum: sicut videmus quod lingua infirmi, quæ infecta est cholerico & amaro humore, non potest percipere aliquid dulce: sed omnia ei videntur amara.* Cum idcirco humana mens res omnes sensibiles ac crassas intueatur, istorum omnium natura carere debet: ne impediretur à susceptione notitiæ indefinitæ: Nam (vt inquit idem D. Thomas) natura determinata organi corporei prohiberet cognitionem omnium corporum. Veruntamen si quis animæ aliam quandam substantiam, ab his tamen, quæ percipit, distinctam: crassam tamen & concretam opinione sua attribueret: non videretur is adhuc ratione exposita refutatus. Tamen vt verum fatear, existimo nemini probabile esse posse, quod anima toto corpore, tanquam organo ad intelligendum vtatur. Partes enim singulæ corporis cun-



cum sint alterius & alterius temperiei: coniunctim ad vnum eundemque simplicem actum intellectus concurrere non possunt: quandoquidem naturis discriminata diuersos conatus adhiberent, neque idem actus forma quædam indiuisa in illis omnibus vnquam residebit. Denique nemini apparebit verosimile, manum & pedem aliquid conferre ad intellectum. Est itaque intellectus segregatus ab organo corporeo, & proinde ipsa anima eo insignita immaterialis censebitur.

Quod quidem adhuc luculentius ostendetur, si obiecta quædam intellectus mente in particulari cogitemus; quæ existunt ab omni coagmentatione, & crassiori substantia penitus absoluta. Inter quæ (vt docuit etiam D. Augustinus) nihil ita exemptum & auulsum elucet à materia ac ipsa virtus; cuius admirabilem pulchritudinem ac venustatem intellectus veluti quidam oculus intento curiosoque aspectu contemplari solet. Nam si ipsos sensus veluti duces & pharos in hac præclara cognitione sequi velimus, ad virtutis ipsius obiectam speciem animus timore quodam percussus exhorresceret, retrocederet, illamque deuitaret potius quam expeteret. Quandoquidem sensus nobis referant eam tot spinis densatis vndique circumseptam, in asperis quibusdam locis & vepretis collocatam, maleuolentiæ & vulgari opprobrio expositam, fortunæ denique acerbitati omni obnoxiam. Istis tamen spretis & conculcatis, cætera omnia animus virtuti postponenda iudicat, lucrumque inde colligendum definit, si amissione bonorum vel etiam vitæ dispendio ipsa sola ac nuda comparari possit. Vt enim inquit D. Augustinus, de Christi martyrum inuicta animi constantia ediscerens: *Nonne cum sanguis scdaret omnia, cum moribus belluinis viscera fundarentur, non habebant oculi nisi quod horreât: quid ibi erat quod amaretur, nisi quia erat in illa scditate dilaniatorum membrorum integra pulchritudo iustitiæ?* Abijcit itaque mens sensuum iudicia, erroris illa conuincit, nebulas, quas rebus ipsis inducunt, sua luce dispellit; fidem illis non adhibet: sed dum virtutem intuetur, gemmam quædam fæce deformatam reperiens, è vestigio natiuos splendores radiosque eius deprehendit, venustatem tantum admiratur, eiusque amore atque cupiditate ita tenetur, vt quæ cum sensibus prius colluserant, die noctuque in voluptatem eosdem defixerant, vltro aspernetur, nuntium illis remittat, pedibus conterat, & vnicam virtutem, licet corpori nuditatem & nomini infamiam adferat, amplissimum ducat patrimonium. Ad hanc autem excellentem virtutis formam molitiones sensuum haud vnquam pertingere valebunt. Imo his contraria potius nobis rentmiant: dicentes videlicet virtutem incultam esse & squalidam, absynthio delibutam, non pigmentis splendentem, non resperfam aromatibus, non ornatam diuitijs,

*D. Aug. l. de  
quantitate  
animæ. 33.  
Anima im-  
materialis, eo  
quod cognos-  
cat virtu-  
tem.*

*D. Aug. in  
Psalm. 64.*

non



non fama aut opinione hominum celebrem: denique non in foro aut in curia eam versari, non purpura & murice fulgere, sed obscuram potius, & in angulos quosdam coniectam animaduertunt. Si itaque intellectus & ratio ulterius non progredierentur, quam quo sensuum perceptiones deueniunt: imo nisi horum sententijs & relatis penitus repugnaret, nunquam virtutis elegantiam despiceret. Ea propter intellectui vis quædam concedenda spiritualis prorsus & diuina, quæ virtutem intueatur, quam sensus nequit omnino conspiceret. Sicut & è contrario ratio nihil iudicat tam scædum & deforme, atque vitium: ideoque in ipso Veneris vultu nequos quosdam & maculas videt luxuriosæ turpitudinis, quæ illam omnifecæ ac lerna impuriorem constituent: æstum libidinis percipit iuuenis alicuius florentem speciem, veluti erugine & fumo inficientem ac colluuiæ respergentem: in patinis ciathisque aureis Sardanapali, in floribus ipsius Heliogabali, in ipsis delitijs, placentis, lautisque epulis, intemperatiæ angues, serpentes, bufones, & si quid deformius est, contemplatur. Quæ autem vulgus admiratur & suspicit, vti acclamationes, applausus, sedes curules, imperium, sensuum lenocinia: hæc omnia aut turpia esse, vel certe vilia, hominisque autoritate indigna, ratio euincit & concludit. Quis obsecro sensus, quod primarum qualitatum temperamentum fluxum & dissipabile, de huiusmodi poterit legitime iudicare, ac sententiam ferre?

*Anima  
spiritualis, eo quod  
vitium  
cognoscit.*

*Anima  
immaterialis, eo  
quod appetat  
virtutem.*

*Joan. 6.*

Aliud porro est operandi genus, quo pollet animus, cæterisque formis præluet: spectabile quidem, & ad hoc idem probandum omnino procliue. Non enim minus excelsa erectaque ad virtutem excolendam hominis existit voluntas, quam eiusdem mens & ratio, ad eandem dignoscendam explorandamque prompta & expedita. Hinc etenim fit: vti interdum incredibile quodam ardore, hæc appetendi facultas excitata non tam festinet, quam præceps ruat ad opus præclarum & cum virtute coniunctum. Non voluptatum vincula, quibus Cæsarem Cleopatra inter flores constrinxerat, non pericula, non flammæ, non fauces, non præcipitia, efferentem se voluntatis vim, incusso aliquo timore reprimere poterunt, aut efficere, vt ab incepto decretoque virtutis officio desistat; vt à rationis iudicio & constituta lege vel leuiori aliquo sui flexu declinet. Ad hoc sanè fastigium nulla sensuum energia ascendere valebit. Non enim caro & sanguis (vt sua sententia aliquando definiuit Saluator) cælos intrabunt. Nec suspiceris primarum qualitatum temperamentum varium & inconstans, tam aspera, tam dura, tamque sensibus permolesta, vnam expetiturum. Sine dubio altior illa vis est, quæ virtutem tantopere prosequitur: quæque etiam à virtute auersa illam tamen admiratur ac colit:

*vt enim*



vt enim inquit Seneca: Virtus in omnium animos lumen suum emittit, & qui non sequuntur, eam vident. Neque nisi diuinum quid hanc apud Sophoclem sententiam potuit exprimere:

Seneca l. 4.  
de beneficijs.  
Sophocles in  
Philoct.

Postponit cuncta Iupiter parens  
Pietati alia: Pietas enim mortalibus  
In morte quoque comes est, & occumbenti licet,  
Aut vitam agant, ea tamen haud vnquam perit.

Aut quod Eleazarum in immanes trucesque incidentem homines, qui ipsum mortis ac tormentorum metu à patrijs legibus abducere voverunt, excello illo animæ proposito defixit, nihil cum corporis temperie facile dissipabili commercij habebit: quandoquidem dum acerbissimos cruciatus perferret, generoso animo has voces emisit: Domine, qui habes sanctam scientiam, manifeste tu scis, quia cum à morte possem liberari, duos corporis sustineo dolores: secundam animam vero propter timorem tuum libenter hæc patior. Quid etiam fuit, quod Machabæos pueros, si teneræ carnis vires animo meditemur, ad omnia acerba pauidos & trementes; sartaginibus illis, ollisque æneis succensis & ob oculos ipsorum positis, in virtute & pietatis instituto firmavit; nisi quid spirituale? Aut quid ipsorum matris animos & vocem indidit, vt liberos hortaretur ad mortem perferendam, dum toties ipsa carnificis manu moritura esset, quoties ex filiis aliquis mortem appetiturus? An corporis temperies? aut è sanguine enatus tenuis aliquis spiritus, hoc præstare potuerint? Haud vnquam profecto. Quinimo opus fuit diuina quadam virtute, quam Deus cæsis nostris corporibus iniecit, quamque hæc Machabæorum mater, dum filios alloqueretur, non minus Philosophice quam pie agnouit: Nescio qualiter in vtero meo apparuisse, neque enim ego spiritum & animam donavi vobis & vitam, & singulorum membra non ego ipsa compegi: sed mundi Creator, qui formauit hominis naturam, quique omnium inuenit originem & spiritum, vobis iterum cum misericordia reddet & vitam, sicut nunc vosmetipsos despiciu propter legem eius. Atque vt omittam dicere humani corporis temperiem rem esse leuissimam & inconstantem qualitatem, ipsius aëris inspiratione, ciborum generibus, cælorum influentijs facile permutabilem: si nulla alia in anima esset vis præter hanc, languescere corpore, aut eodem parumper innuato, appetitus omnis virtutis deficeret & excideret. Verum in rebus quibusdam institutis ita videmus animæ esse constantiam quandam obfirmatam: vt nullis intentatis malis, eminente morte, defluente corpore, posset ab illis repelli: quin potius vulnere virescit, ipsaque morte floret, inter offusas caligines clarius emicat, inter immania cæli tonitrua, terræ eruptas fauces, elementorum elisam vim vincit & triumphū agit.

I

Altiores



Altiores idcirco originem petit hæc animæ firmitas, quam ut in venarum lacunis discurrat, corpori diffundatur, aut veluti exilis aliquis spiritus è iecore vel corde ebulliat.

*Anima  
spiritua-  
lis, quod  
cognoscit  
ac diligit  
pulchrum:  
quod præ  
musicis  
delectetur.  
Cicer. l. 1.  
offic.*

*Macro-  
bius l. 2. in  
somm. sci-  
pionis c. 3.*

*Anima  
spiritua-  
lis quod  
prædita li-  
bero arbi-  
trio.*

*D. Thõ. 1.  
2. q. 1. a. 1.  
1. cont.  
Gēl. c. 44.*

Istis simile omnino videtur, quod deprehendimus in nobismetipsis: dum ex specie pulchrum aliquod oculos nostros cogit, & ad eius amorē nos inuitat & allicit. Hic namq; venustatis, elegantię, & proportionis, debite aspectus proprium videtur munus rationis, cuius est hoc cum altero conferre & cōparare: proinde homo solus hanc speciē pulchritudinis in- tueretur, eiusq; cupiditate ducitur & inflammatur. Ita Cicero: *Nec vero illa parua vis nature est, rationisque, quod vnum hoc animal sentit quid sit ordo, quid deceat in factis, dictisque qui sit modus. Itaque eorum ipsorum, quæ aspectu sentiun- tur, nullum aliud animal pulchritudinem, venustatem, convenientiam partium sentit.* Delectatio etiam illa, quam ex musicis animus percipit, videtur esse argumentum neque obscurum cuiuspiam naturę spiritualis: proinde me- rito Græci illos ingeniosiores duxerunt, qui accuratius concentuum modos & harmonias aure excipiunt. Non enim hæc sensus tantum asse- quuntur: sic enim ex illis etiam & bruta voluptatem caperent: sed mens potius & intelligentia, cuius est *supplementum* ac proportionem deprehen- dere. Quare ut inquit Macrobius: *Anima delinimentis canticis occupatur, ut nullum sit tam immitte, tam asperum pectus, quod non oblectamentorum talium te- neatur affectu.* & postea: *Ita denique omnis habitus animæ cantibus gubernatur, ut & ad bellum progressui & item receptui canatur, cantu & excitante & rursus sedante virtutem, dat somnos ademitque, nec non curas & immittit & retrahit, irā suggerit, clementiam suadet, corporum quoque morbis medetur: tametsi huius rei ineptam cum Platone istis causam assignet: Quia in corpus deferri memo- riam musicæ, cuius in cælo fuit conscia.*

At præterquam quod voluntas ita virtutem expetat ac vitia deteste- tur: peculiarem quendam modum operandi retinet, qui similiter indi- cium est substantiæ spiritualis. Videmus etenim animantium rationis expertium facultates ita crasso corporis organo innexas & implicatas: uti ad vnam solummodo formam appetendi naturæ quodam pondere & ductu destinantur. Quamprimum enim huiusmodi animalia sua estimā- tione aliquid sensibus ipsorum iucundum deprehenderint: euectigio ad illud in ijs appetitus temerario & cæco quodam impetu inconsiderate rapitur: adeo ut obniti non possint inclinationi & cursui naturæ. Quam- obrem recte D. Thomas non tam sese mouere hæc sensuit viuientia: quam ab authore naturæ Deo in suos ipsorum fines dirigi & concitari. Humana autem voluntas, etiam postquam sensus omnes sua suffragia in aliquam partem emisierint: imo cum ipsa ratio sententiam dixerit, & in

VI. am



vnā quasi lancis partem monētra omnia contulerit, non ita compedum nexibus est ligata, non angustis vllis coēctra: vt non possit ex imperio hoc vel illud decernere, amare, vel auerſari: neque vt seruus aut mancipium aliquod imperatis obsequitur: sed veluti princeps ſceptrum erectum in manibus tenens, conſultis fidem adhibet, aut negat: eliget demum quod illi operepretium videbitur. Quæ quidem facultas, ſi naturæ ſimilitudine ad corpus accederet, nequaquam ea conſectaretur, quæ corpori graua ſunt & permoleſta: neque delectum ita ſolutum haberet, vt per omnia libere poſſit deferri. Ignis enim à quolibet alio mixto craſſiori naturæ ſuæ conditione plurimum diſcernitur: aenea tamen ſphæra inſuſus: quam quis manu complecteretur, ſimul atque globus ille explicatis digitis dimittitur: pariter quoque neceſſario deſcendit. Verum non ita animus corpori inſuſus ſeſe dimittit ad ſordes voluptatum, etiam cum corpus in illas incubuerit: ſed in huius poteſtate ſitum erit molem corporis confirmare, iacentem erigere, erectum in ſublimi Muſarum Pernallo, aut in edita virtutis ſede collocare: imo efficere vt eius conuerſatio ſit in coelis. Quæ quidem vis ad diſcrepantia officia, ipſam animam ſpiritualem quandam eſſe ſubſtantiam apertiſſima quadam ratione demonſtrat. Philip. 3.

Superest adhuc peculiaris alia quædam forma operandi animæ ſolius propria: quæ ipſam ſpiritum eſſe arguat ac definiat. Mens enim non ſolum eorum ſuſcipit notitiam, quæ extra ipſam poſita ſunt, verum etiam cogitatione quadam reflexa operationes, quas ſemel elicit, in ſeipſa expreſſas deſpicit & contemplatur. Intelligimus enim nos intelligere, illudque volumus nos velle, quod expendum magis rationis iudicio percepimus. Vt autem in rebus quantitate dimenſis, ac inter viuētia, ea ob muſcalorum teneritudinem ſpirituumque viuacitatem ſubtiliora ſunt, aëris aut ignis naturæ viciniore, quæ in girum & orbem ſeſe facilius circinant & contorquent, quæque ita ſunt inflexa, vt in anguſtum aliquod compingantur: eodem plane modo dum animaduertimus animam humanam ſupra ſe quodammodo elatam, in proprium ſinum retortis oculis reſpicientem, incredibilem quadam agilitate ſe in ſpiras multiplices complicantem, facile & procliuē nobis erit iudicare illam nulla craſſiori mole eſſe preſeditam, ſed omnino ſynceram & ſpiritualem. Reliquorum enim ſenſus, vno homine excepto, ita proni ſubiectis rebus inhaerent, vt ab ipſis quodammodo trahi & pelli videantur: neque expreſſas molitiones ſuas intuentur, expendunt aut examinant: ſed ſoras omnis illorum cognitio euocatur. Homo autem cum de re quapiam notionem excuderit, diligentius eandem ad rationis regulam trutinat, diſquirens an

*Anima immaterialis, quod operationes habens reflexas.*



rebus ipsis apta sit vel secus, extenso perpendicularo curuitatem, si quæ, deprehendit & corrigit, erecto stylo vmbra dirigat & efformat. Atque hæc quæ à nobis disputata sunt, satis videntur probare spiritua-lem ipsius animæ naturam & conditionem: reliquum est vt obiecta diluamus.

Coniecturæ illæ apud Tertullianum non multum habent momenti: siue enim animam statum dicamus, siue spiritum, parum referet: modo nominibus illis spiritualement animæ substantiam significemus. Quod autem intulit idem Tertullianus de cruciatu animarum vi ignis: breui aliqua oratione discutere non possum. Esto autem ignem illum actionem aliquam physicam non posse in animam exercere, cuius acerbitate vel morsu diuexetur: exterminetur etiam quæcunque demum animæ ab igne illata qualitas, qua vitietur aut deturpetur: interim facile erit asserere, quod docet Scotus, ignem nimirum tanquam Dei instrumentum impedire posse vim animæ intellectualem: vel eam ita defigere in cogitationem sui: vt animæ integrum non sit alijs studijs interim vacare, quod sane in substantijs intellectualibus molestissimum quid vnusquisque arbitrabitur. Denique cum D. Thoma opinari licebit, perditorum animas ita igne veluti carcere inclusas, vt alio egredi nō possint, & eius æstimatione miserrime torqueri.

Quod autem dixerunt alij probabile non esse spiritualement substantiam ita propendere in concretum corpus, vt animam videmus inclinari ad crassiores hanc materiam: dicendum erit: tamen si substantiæ conditione hæc duo sint longissime separata; nihilominus condidit Deus animam ita corporis suapte natura amantem: vt non nisi ægre & acriori quodam doloris sensu affecta ab ipso discedat. Vt enim procreandæ sobolis gratia illam effinxit Deus inter virum & feminam corporum habitudinem: ex qua singulari quodam amoris vinculo & mutua consuetudinis nexu constringerentur: ita virtutis exercendæ causa, & ad debitum ordinem rerum in hoc vniuerso constituendum, (ad quæ duo animæ cum corpore coniunctionem omnino facere postea demonstrabimus) animam tamen si spiritum, ita temperauit & formauit Deus, vt in corpus esset inclinata, & in hanc terrenam molem immensa cupiditate effusa: cuius familiaritatem cum diuturniori vita experta fuerit, & ex consortio eius multiplicem perceperit iucunditatem: mirum non est, si mortem, quæ discessum adducit, exosam plurimum habeat & horrendam.

*Galen. l.  
quod mor.  
anim. seq.  
temp. corp.*

Quæ autem à corpore progressa mala animam ipsam afficiunt, & diuersitatem ingeniorum effingunt, scio quamplurimos perplexos & in ancipiti sententia diu tenuisse. Huiusmodi enim argumentum Galeno absque



absque dubio doctissimo Philosopho scrupulum & negotium attulit: unde & in hæc verba loquutus est: *At incorporea substantia, quæ per seipsam esse possit: neque qualitas aut species corporis sit, differentiam nullam intelligo: quamvis sapius super ea re cogitarim & accuratius perquisierim.* Animaduertat Galenus, ingentem quandam vigere inter homines ingeniorum discrepantiam, quam à corporibus fieri non posse existimauit: si modo vniuscuiusque ingenium sit res aliqua spiritualis & omni concretionē destituta. Proinde dubitauit an tale ingenium & mens esset corporeum quid, necne; atque ita corporum ratione varium & multiplex. Extra cōtrouersiam quidem est, corpora interdum animæ mores constituere, eiusque studia hac aut illac transferre: cuius quidem mutationis in anima existentis principia & causas ita partiuit D. Augustinus. *Aut secundum corporis passionēs, aut secundum suas anima dicitur mutari. Secundum corporis: ut per ætates, per morbos, per dolores, labores, offensiones, per voluptates. Secundum suas autem, ut cupiendo, letando, metiendo, studendo, discendo.* Quod & Plinius quoque animaduertit. *Sunt (inquit) homines in lasitudine prouiores ad iracundiam & in siti. & post: Nullius non ira, luctusque tristitia & omnis animæ impetus cibo molitur: ideoque obseruanda sunt, quæ non solum corporum medicinam, sed & morum habent.* Ut autem harum affectionum animæ origines altius reperamus; imprimis existimandum non erit quidpiam adiacentium aut affluentium ad corpus, præsentī aut proxima aliqua actione animæ ipsius substantiæ quidpiam posse imprimere: ineptus enim spiritus ad suscipiendum aliquem impetum à corpore. Verum neque corpus animæ tametsi vicinum & illi penitus agnatum, partium suarum temperie, utpote sanguinis incremento, caloris effervescentia, spirituum agitatione, nulla denique eius qualitate, substantiæ ipsius animæ aliquid valebit inferre. Cum autem tres sint in anima facultates, officijs & actionibus suis inter se dispersitæ: intellectiua nimirum, appetitiua, & sensitiva: quando ratione corporum opinionum quoque aliqua & morum dissimilitudo in ipsa anima exoritur: illa animæ pars ab extrinseco primo tangitur & afficitur, quæ propius quasi ad ipsum corpus accedit, illique center arctius adstricta: ex qua postmodum ad intellectum & appetitum illata illa impressio traiecitur. Nam quod iste posteriores facultates sint cæteris paullo elatiores, & à corpore magis auulsæ, priores vero, utpote sensitiva & imaginatiua, tam penitus immerse videntur; ideo in designandis suis muneribus corpori requirunt adminiculum, & certam quandam eiusdem partem exigunt ut organum & instrumentum ad operandum. Sensus autem per moti imaginationem deinde mouent: hæc intellectum excitat: intellectus cogitatione aliqua informatus, volun-

*D. Aug. de  
mori. anim.  
c. 5.  
Quæ anima  
sua pendens  
a corpore.  
Plin. nat.  
hist. l. 2.  
c. 24.*

*Quomodo  
corpus im-  
mutat ani-  
mam.*



tatē pariter euocat & impellit. Proinde hoc pacto ex condicione corporū & eorū, quæ ad corpus appellūt, manare poterit vniuersa illa morū & ingeniorum discrepantia, quam cernimus non solum in diuersis hominibus, verum & in vno eodemque homine, variatis temporibus, aut corpori in immutatis qualitatibus. Atque ex eadem causa descendit, quod liberi parentum mores imitentur. Hæc etenim similitudo, ab ipsorum corporibus animam in quædam studia & vitæ consilia inclinantibus, poterit proficisci.

*Galen. supra.*

*Anima  
quomodo  
in corpore  
aut loco.*

Aliud præterea est, quod Galeno acutissimo viro dubitationem attulit: dum nimirum secum inquisierit: quonam modo anima, siquidem res spiritualis, corporeis artubus possit immisceri, ac per illos diffundi & extendi. Hoc sane reputauit intellectu permolestum & implicatum: vnde dixit: *Sed nec quomodo si corporis nihil esset, in totum ipsum valeat extendi intelligere potui.* Quare vt de hac re quid probabilius dici poterit definiam: existimarem animam suæ substantiæ ratione nullum locum occupare, aut vili esse. Hoc vero aliqui exinde animæ conuenire dicunt, quod spiritus sit: quærentes quanam ratione spiritus, aut quod suapte natura indiuisibile est & insecabile, per spatium aliquod distendi aut expandi poterit? Nisi etiam (inquiunt) dicere velimus punctum mathematicum vel atomos epicureorum sui præsentia huiusmodi interualla opplere. Ceterum quod mihi hoc persuasum reddit, aliud est. Nam si animæ substantiæ semel attribuamus quod corpori aut loco sit præsens: tunc quoniam ea omnia, quæ naturali & necessario quodam effluxu sibi locum parant & constituunt, certis quibusdam limitibus & cancellis circumscribuntur: quos egredi aut transilire non possunt, (quo modo finitum aliquod per immensum dispani nequit) animæ quoque designandus erit locus aliquis certus & definitus, quem eius substantia ad modum naturæ locum occupans, requirat: sicut & corporum quantitati tantus locus definite respōdet. Neque cogitare poterit aliquis animam in loco occupando variam esse aut multiplicem: non enim à voluntate ipsius pendet loci occupatio, sed ex natura substantiæ eius. Hæc idcirco definitum locum ita sibi vendicabit, sicut in corporibus quantitatis dimensio. Quod si verum sit, sentiendum quoque erit, quasdam animas exiguis pumilionum corporibus inclusas, vini quandam & violentiam ipsis illatam persentiscere. Illud etenim dicitur violentiam pati, cuius vis & facultas ita detinetur aut cohibetur, vt nequeat illam actionem expromere, quam naturæ impetus desideraret: quod in anima quidem cerneretur, si detrusa esset in corpus aliquod exile aut decurtatum: cuperet enim se fufius dilatare. Quocirca ex Neotericis Philosophis non pauci intermedium quendam animæ af-  
fingunt



figunt modum, quasi copulam, cuius interuentu anima vere & realiter in corpore esse dicatur: quamque ipsemet Deus producat, dum actione sua animam corpori inserit. Atque hanc excogitatam rationem si sequamur, facile deinceps erit explicare quomodo absque violentia aliqua anima sit in maiori aut minori corpore: quādoquidem modus ille & nexus sit multiplex & variabilis.

Ex quibus cum constituerimus spiritualement animæ substantiam: ex iisdem quoque præclara quædam documenta ad mores componendos spectantia deduci poterunt. Animæ etenim sublimis hæc species & quasi fulgor oculis nostris obiectus, excitare nos deberet ad illam vitæ rationem ineundam, quæ illis omnibus excelsior & elatior esset, quibus corporum sensus capiuntur: quorumque desiderio appetitus exultuat & inflammatur. Nam si ab omni impurata concretionem & contagione quauis secreta sit hæc nostra anima, altioremq; rebus cunctis corporeis substantiam sortita fuerit: profecto actionem quoque sibi propriam & genuinam, ac suæ naturæ maxime consentientem vendicabit: cuiusque obiectum eodem modo à mixtione sensibilium alienum existat: à qua si aberrauerit aut recesserit, non parum dignitati propriæ inde detractum iri vnusquisque perspiciet. Nam si princeps ille dedecus sibi & vituperium inferret: qui nefarijs abiectisque occupationibus nobilitatis colludentem purpuram deturparer, qui abiecte nimis & sordide viueret, qui denique antiquissimæ stupis splendori recentes turpitudinis & infamiae nauos tenebrasque vitæ prauitate induceret: quanto magis abiectum hominemque plane indignum censebitur, præstantissimæ ac diuinissimæ huiusce partis nimirum animæ curam abijcere, sublime hoc decus, imo Dei ipsius effigiem in lacunas lutulentas, sordes, fæcesque voluptatum deuoluere ac præcipitare? verum quamdiu animus istic spiritualis & purus plus æquo & iusto in sensus est indulgentior, illisque colludens immoderate obblanditur: si dicerem tamdiu hominem cum ipsis brutis versari, neque aliquid præstare humani officij: sed efferatis moribus in simillimas figuras ferarum & pecudum transferri: nihil à vero alienum affirmarem. Non enim longius hominis conditio à bruto animali recedit, quam liquida & sincera animæ substantia à sensuum delectationibus & impuris ipsorum delicijs distat & separatur. Quamobrem cum anima naturæ sit cuiusdam illibata & quasi celestis, illis moribus & vitæ actionibus perficienda & illustranda erit: quæ similiter illibatum quid & celeste referunt. Eapropter ad hoc efficiendum semina quædam virtutum animæ sunt diuinitus iniecta: quæ si quis studio excoluerit, effundent ex se vberrimos & amoenissimos fructus, ex quibus etiam Deo ipse charus euadat. Nam ut inquit

Aristo-

*Anima spiritualis requiritur vitam spiritualement.*



*Arist. 10. Aristoteles: Qui ex intellectu operatur, huncque excolit, atque optime afficit, is esse  
Eth. 6. 3. Deo charissimus videtur.*

*Si anima  
spiritua-  
lis noceri  
non poterit  
à malis  
corporeis.*

*Plin. na-  
tural. hist.  
lib. 10.  
cap. 67.*

Et quemadmodum ex spiritali animæ natura, quam hæcenus in-  
quisiuimus, satis constat eiusdem dignitatem collocatam non esse in earum  
rerum usu, quæ corpori sunt subiectæ, sed potius ab istiusmodi utpote  
vilioribus & abiectis plane auocandam, ad meliora altioraque transfe-  
rendam: Ita ex eodem veluti principio ea morum præcepta desumuntur,  
quibus animus confirmatus in medijs ipsius flammis, vel etiam Phalari-  
dis tauro inclusus, cum omnia mala & acerbitates in illum incurfarint &  
impetum fecerint: cum iucunditates omnes defluerint & abscesse-  
rint, in virtutis nihilominus proposito & tranquillo rationis statu con-  
sistat immobilis; in eadem semper sententia permaneat & instituto  
virtutis. Anima namque spiritus cum sit, quid morbus? quid pauper-  
tas? quid inimicorum tela? quid mors licet acerbissima & inopinata?  
Quid denique mala omnia intentata in hunc spiritum aliquid moliri po-  
terint? Vestis dilaceratur. at quid? cutis intacta manet. Cum fragore colli-  
duntur nubes, cælum suo loco non pellitur. Littora cum omnem ma-  
rini æstus impetum sustinuerint, non conteruntur aut disiliunt. Sala-  
mandram igneis globis implicatam, adhuc illæsam ac vegetam: sola-  
rem radium in obscæna delatum loca, fulgentem videmus. Anima cœ-  
lum est, littus, Salamandra, & solis radius. Quid plura? omnibus supe-  
rior. Hinc neque corporis vlla contagio animæ formam & pulchritudi-  
nem vnquam corrumpet. In nostra capita omnia orbis mala & ruinæ  
congestæ spiritum hunc, hosque regentem artus superare aut extinguere  
minime valebunt. Itaque siue aduersâ truculenter in nos inuasérint: siue  
felicia grato & iucundo quodam appulsu nobis affluerint: neque istis  
melior euadit animus, neque illis fit deterior. Spiritus enim cum sit, his-  
ce corporeis concretisque rebus non tangitur. Ea propter quod in ani-  
mæ gloriam vnice cedit, virtus sola est, rerum diuinarum humanarumq;  
cognitio: & quod eiusdem detrimentum esse queat, id vitium & pro-  
prij officij ignoratio.

*De animæ immortali ac perenni natura disputatur.*

## CAPVT IX.

**A**B hac de animæ immortalitate iam apud omnes suscepta senten-  
tia, non solum honestæ intemeratæque vitæ rationem omnem pen-  
dère:



dere: verum etiam & ipsius ciuiliſ ſocietatis firmamentum eidem inniti, facile erit vni cuique iudicare. Quod & ex illis, quę inferius diſputabimus, manifeſtum apparebit. Scio equidem hac de re quāplurimos, Platonica præſertim ſchola homines, prolixos quoidam tractatus contextiſſe: ſed verbosius meo ſane iudicio, ſtylum quaſi inter incudem & malleum dilantes, diſſeruerunt: quam vt ſolide & expreſſe aliquid deum comprobarent. Nos autem præcipua ſolum argumentorum pondera libere noſtrę inferemus: quę minuta ſunt, leuia, obſcura, vel vt ſic loquar, Platonica aut prætermittemus, vel diſputationis ventilabro cum puluere & paleis diſſipabimus. Si itaque primo in loco ex ipſiſ ratiocinari velimus, quę in ſacris literis vti fidei principia ſunt conſignata & deſinita: nihil luculentius illis comprobaturum reperiemus, quam quod anima hominis ſit immortalis, nec interitui vquam obnoxia. Inſtituti autem noſtri ſolum erit modo, ex Philoſophorum placitis apud nonnullos labantem hęc veritatem ſuſſulcire, aut certe tam magis adhuc corroborare, magiſque teſtaram & confirmaram reddere.

Quāplurimi vero in Philoſophicis etiam cum laude ſatis verſati, hac in re ſententijs ſuis grauiſſime errant. Inter quos & Plinius ceſpi- taſſe viſus eſt, qui non niſi ex craſſo quodam iudicio de illo animę ſtatu, quem corpore exuta obtinebit, loqui aut ſentire potuit. Argueſta ſcici- tatur: *Quę anima corpus perſequitur materiam, vbi agitatio illi quę in lo- cū ſui, aut quid agit? qui uſus huius, aut quod ſine huius bonum? quę deinde ſedes, quantare multitudine ſeu ſciant animarum, vbi uoluntarum periculum iſta delira- menta, an de que nunquam deſinere commenta ſunt.* Ariſtotelem vero om- nium Philoſophorum coriphæum neoterici ab errore de mortalitate animę multū vindicare laborant: quibus nec ipſe magnopere repu- gnare: ſolum in medium adducam de ipſo antiquorum patrum aliquot teſtimonia. D. Gregorius Nazianzenus ſermones Ariſtoteleſ de anima inſtitutos appellat mortales: quo etiam nomine Iuſtinus Martyr diu an- tea Ariſtoteleſ de anima opinionem notat: & repudiare: quod & po- ſtea ſecit Gregorius Niſſenus. Quare vt ſcribit Theodoretus, Ariſtoteleſ diſtinctionis aliquid ponere voluit inter *ψυχήν* & *νοῦν*, animam & men- tem. Ita vt exſtimator animam, quę corpus perſequitur, corruptibilem eſſe: mentem autem priuſus incorruptibilem & æternam. Intellectum de anima, (inquit Theodoretus) diuinam eſſe partem affirmant: cum quilibet ſentiat & Nichomachiſ filius: tametiſ corruptibilem animam eſſe ſentiat. Aliud enim intel- lectum ab ipſa anima opinatur eſſe. Idem quoque de Plotino teſtatur Gregorius Niſſenus, atque dicit ipſum exſtimalſe inegnum hominem ex rebus eſſe conſtatū, anima, intellectu, & corpore. De intellectu vero iſtis Ari-

Gen. 37.

Job. 31.

Sapientia

2. 1. 4. 3.

Matth. 10.

Ieremia 12.

1. cor. 5.

Phil. 1.

Qui animam

exſtimator

mortalem

aut de hac vo-

luntate.

Plot. 1. 2. 4.

nar. 1. 2. 4.

1. 2. 4.

D. Greg.

Naz. orat. 1.

Theod.

Plotin.

Matth. orat.

1. cor. ad

Cor.

Greg. Niſſ.

Intellectum de anima.

Plotin. 1. 1.

de eſſe Grat.

Niſſ.



stotelis sententiam adsequutus videtur: *Aristoteles hunc quidem potestate adesse homini, atque actu de foris nobis superuenire arbitratur, neque ad naturam hominis & essentiam conferre: sed ad perfectionem cognitionis naturarum & contemplationis cooperari.* Atque ut ego coniector: isti omnes per mentem ab anima discriminatam, seu mentem de foris aduenientem, potestate solum præsentem, & intelligentiam rerum homini adferentem, ipsummet Deum significare voluerunt: quem uti formam quandam, per singula rerum genera diffusam & manantem dixerunt. Hoc etenim subindicare videtur ab illis frequenter usurpatus loquendi modus, quo mentem nuncupare solent diuinam quandam substantiam, vel ipsius Dei particulam decisam & dilumbatam: ut superius recensuimus. Vnde fortassis etiam Auerroes communem illum suum intellectum in omnibus hominibus excogitauit. Eodem autem modo, quo Aristoteles & alij animam secerunt à mente: idem faciunt Tertullianus & Epiphanius, qui etiam ex Apostolo hoc adstruunt: *Psallam spiritu, Psallam & mente.* Credibilis tamen est hos patres ita discrepantiam posuisse inter animam & mentem, ut animæ nomine substantiam ipsam, nomine autem mentis seu spiritus potentiam intellectualem designarint. Libenter etiam in hanc sententiam concedentes quosdam Poëtarum tam Græcorum quam Latinorum proferrem: ut Lucretium, Horatium, Euripidem, Sophoclem, & alios: nisi quod dum alienas personas agunt & ludunt, non tam ex animi proprio sensu sint loquuti, quam eorū, qui rebus aduersis fracti & deiecti, Diuinæ providentiæ diffidere inceperunt: atque sic nihil post mortem boni aut mali homini amplius superesse temere affirmarunt. Quorum voces & lamenta more Poëtarum ad concitandos audientium animos exaggerarunt: & proinde venia aliqua utcumque donari poterunt: cuiusmodi est illud Senecæ:

*Tertul. l.  
de bono &  
malo ani-  
ma.  
Epiphan.  
in ancho-  
rat. 1.  
Cor. 14.*

*Seneca in  
Troad.*

*Post mortem nihil est, ipsaque mors nihil.*

*Et mox: Mors indiuidua est, noxia corpori, nec parcens animæ.*

*Scot. in 4.  
d. 43. q. 2.  
Iand. 3. de  
anima. q.  
3. & 29.  
Caiet. in  
epist. ad  
Rom c. 9.  
Melch.  
Canus l.  
12. de locis  
Theol. c.  
15.*

Vt autem iam ex mediâ Philosophiâ animæ immortalitatem comprobemus: non est reticendum, quod Ioannes Scotus vir acutissimus & acerrimus hac in re existimauit: qui præsidia Philosophiæ infirma esse putauit, uti ex illis euidenti aliqua ratione demonstrari possit animæ immortalitas. Proinde ad certitudinē & firmitatem opinionis, qua creditur anima immortalis, requiri omnino dicit fidei lumen diuinum: cui applaudunt Iandunus & Caietanus, quos omnes Melchior Canus, ut à vero aberrantes grauissime redarguit, & verborum acerbitate, quam orationis elegantiam & vim putat, Scotum aspergit. Scoti autem disputatio in vniuersum hunc scopum non petere videtur: uti probare instituat nullis



nullis plane rationibus Philosophicis vtcumque demonstrari posse animam humanam esse immortalem: sed contendit solum ad hoc euincendum, non satis idoneas aut sufficientes esse rationes adductas à D. Thoma; quas seuere nimis & rigide (vt illius est ingenium) expendit & trutinat. Oportet potius vt Melchior Canus omisso illo orationis, in fide facienda minime necessario, aut etiam grato ornatu & ambitu, rationes illas contra Scoti impugnationes, solidas & integras esse ostendisset. Quod cum à nobis pro vitium ratione præstandum sit: hoc veluti certum quoddam disputationis fundamentum collocandum erit: quod & in Concilio Lateranensi sancitum fuit: nimirum argumenta ea omnia, quæ ex Philosophorum disciplinis desumpta, animæ immortalitatem impugnare videntur: etiam ex Philosophorum placitis solui posse ac dilui. Sic itaque primo ad asserendam animæ immortalitatem disputari solet.

*Concil. Lateran. sub Leone 10. sess. 8.*

Forma illa, quæ in operatione sua elicienda corporis adminiculum non requirit, eadem, dissipato conuulsoque corpore, superstes exisset & integra. Nam cum operationis species indicium sit & nota quædam ipsius naturæ, si quæ animæ sit operatio ipsius propria, corporis organo non adstricta, neque ad illam quidquam opis corpus conferat, sed retardat potius & impedit: anima veluti forma operatrix talem subsistendi modum, utpote sibi convenientem, postulat, quo cum corpore interitu & partium dissolutione defluerit: viuam nihilominus perfectaque manere poterit. Huiusmodi autem rationis intellectus partis operationem esse, omnium sententiarum est definitum: ad quam exprimendam, integrum principium & effectricem causam anima sola plenissime suppeditat: est ergo ipsa immortalis. Hoc autem argumento (ex Aristotele desumpto) vtitur D. Thomas: quod quidem Scotus, vt probabile admittit, vt demonstrat

*Anima immortalis, quod habeat operationem non pendens à corpore.*

*D. Thom. 1. 2. q. 75. art. 6.*

negat. Dicit enim affirmari posse intellectionem, tamen si non sit operatio alicuius determinatæ partis in corpore, esse tamen operationem ipsius totius: & propterea confectarium erit, vt si totum compositum intereat, animam quoque pariter intercidere & perire. Veruntamen his Scoti dictis nihil obstantibus ratio usurpata à D. Thoma solidissima est & suis nervis succincta. Cū enim superius probatum sit obiectū cognitionis illius, quæ viget ac valet anima esse vniuersale quid, auiusum ab omni characterē singulari: etiā spirituale, cuius ordinis existunt Deus Optimus & Maximus, intelligentiæ, virtus, vitium, pulchritudo, Multæ numeri, honor & estimatio: evidens quoque erit totum corpus hominis nihil conducere ad horum perceptiones. Quid enim obsecro corpus aliquod quantitatis mole graue & extensum commercij habebit cum rerum humana-

K 2 rum



*Sapient. 9.* rum diuinarumque contemplatione, cum virtutis studio, quod corpori  
vsque adeo contrarium est & molestum? verum potius, quod affir-  
mat Sapiens: *Deprimat mentem terrena cogitatio multa cogitantem.* Quare si  
anime operatio secreta sit à nixu corporeo, ipsa etiam extra corpus pote-  
rit consistere ac operari. Imo operabit ex diuisione à corpore, alium quen-  
dam vitæ statum, in quo libere possit vim suam intelligendi explicare &  
exerere: atque in sua natua luce se ipsam, Deum, intelligentias, cate-  
raque à concreione abstracta contemplari. Hinc etenim recte Plato cō-  
firmari posse docet hominum animos ad imminentem mortem trepi-  
dantes: quando quidem corporibus exuti, optima quaque & præstantis-  
sima mente atque intelligentia sint percepturi.

*Anima  
immorta-  
lis. quod  
spiritualis,  
nec habens  
contrariū.*

Ex ipsa quoque natura & substantia anima facile videtur probari e-  
iusdem immortalitatem. Si enim corruptioni subiaceret: hoc vel ex eo  
contingeret, quod anima habens aliquod contrarium, eius aduentu ex-  
pulsâ extingueretur: vel inde quod à corpore ipso, vtpote subiecto, quasi  
necessario quodam sustentaculo dependens, absque eius integritate mi-  
nime posset consistere. Caterum anima quid contrarium dici aut fingi  
demum à quopiam valebit? cum porro naturæ hæc sit spiritualis, (vt  
precedente quæstione à nobis demonstratum est) non exiget sibi ad-  
iunctum corpus, vt sui causam materialem, qua veluti si fulcro susten-  
tetur: neque in ipsa effectione sui (& vt loquuntur Philosophi) in fieri,  
ex eodem oriatur. Quod enim natura sua est spirituale, id causam non  
postulabit crassum quid & concretum, quale est corpus. Proinde habe-  
bit anima absolutam quandam consistentiam & permanentiam, etiam si  
mortē ipsum corpus abscesserit. Scotus autem infirmam & mancā ar-  
bitratur huiusmodi consequutionem: anima substantia est spiritualis, cui  
etiam nihil existit contrarium: ergo immortalis. Nam tamen si (inquit)  
spiritualis sit, nihilominus quædam forma est ipsius corporis, & pars to-  
tius compositi: modus idcirco ille, quem iam retinet in corpore, illi om-  
nino censetur naturalis, atque naturæ ipsius debitus: ita vt sipe mira-  
culo ex diuina virtute nequeat ab illo separata subsistere. Veluti quodli-  
bet accidens, ob illam, quam petit in subiecto inhaerentiam, si subiectum  
eius violatum fuerit & excisum, in rerum natura amplius non super-  
erit. Qui quidem occasus & defectio accedēti euenient, tamen si nihil sibi  
prorsus contrarium haberet. Idem idcirco suspicabitur quilibet de ipsa  
anima, corpore dilabente. Hæc tamen Scoti argutia (vt mihi quidem vi-  
detur) solum probat, quod cum anima sit pars integri hominis, ipsam e-  
tiam à corpore separatam in illud esse valde inclinatam & propensam.  
Nō autem inde conficitur, quod ipsa anima sit interitui obnoxia, quæ ad-  
modum



modum & corpus. Nam cum hæc substantia sit spiritalis & ipsius hominis pars principalior, corpus potius sequi debet ipsius conditionem, ita ut aliquando eius cuncta incorruptibile quoque euadat: quam ut anima ita corporis naturam immetur, uti sicut corpus interitui obiacet, sic ipsa quoque subiecta sit defluxui & interitioni.

Ex magnitudine etiam obiecti, circa quod anima versatur, satis probabiliter diuinus Thomas eiusdem adstruit immortalitatem. Excellens (inquirit sensibile) quemlibet sensum corrumpit & pessumdat. (ut docet Aristoteles) ipsaque experientia probat. Verum si intelligibile quodcumque excellens & supremum fuerit intellectui obiectum, nullum ei adferet detrimentum: imo (ut animaduertit Aristoteles) cum leuiiores quasdam & probabiles utique coniecturas in hac vita consecuti sumus de ipso Deo, de sublimitate separatis: ac si ingentis pretij thesaurum inuenissemus, læticia quadam & iucunditate incredibili animus perfundi solet: cuius scies perstricta aut hebetata neque erit, vex ex ipso Dei conspectu, quem uti felicitatem nostram & contentionis periodum ac metam votis exoptamus. Est itaque anima intellectiva immortalis. Huic argumento occurrens scorus, respondet: neque ipsum sensum vlla obiecti excellentia aut magnitudine debilitari vel opprimi: nã (ut testatur Aristoteles) si senio confectus exacta tam ætate, iuuenis oculo frueretur, res tam explicate claræque videret ut iuuenis: idcirco ex morione locali ac spirituum dissipatione, quæ ex magnitudine obiecti organo adueniunt, non ipse sensus, sed organum tantum variatur: & exinde quoque ipsa deficit sensatio, quæ organum illud postulabat. Intellectus autem cum nulla definita corporis parte tanquam organo viatur, sed toto ipso corpore, nullius obiecti, quantumvis excellentis interuentu obruitur aut enervatur: nisi ipsum totum conuulsus fuerit & distractum. Quare (ut verum fatear) hoc argumentum, si aliquid efficiat, in idem plane recidit in quod superius: sique sit suam quoque legitimam habebit consequentiam, variam nosseque instituto consentientem. Nam si anima sit substantia spiritalis, nullius obiecti magnitudo illi poterit officere: eadem etiam de causa neque vitetur corpore, vel toto tanquam organo. Quocirca cum hoc corpus fuerit corruptum, anima intacta & illibata restabit.

Sed neque aliquid in se videtur anima complecti, unde origo esset corruptionis obiecti: est enim immixta hæc peritus experti Materia autem à Philosophis transmutationis principium appellatur: eo quod eius apperentia vnius forme accessu omnino non sit letata. Quamobrem cum anima materiali omni concretionem careat, nihil in se habebit, unde eius corruptio proporetur. Sicut vero in hoc dicitur Thomæ argum-

*Anima immortali co-  
tinetur ob-  
iecti facult-  
tati naturæ.  
Arist. 1. de  
Anima.  
Arist. lib. de  
Cel. et  
mund. gen.*

39.

*Anima im-  
mortalis,  
quod caret  
materia.*



tum incurrit, asseritque: quod si aliquid huiusmodi ratiocinatio probaret: etiam efficeret, formam ipsius ignis extingui non posse aut intercideret. Hæc etenim (vt liquet) ex materia aliqua non est coalita. Quemadmodum idcirco inde forma ignis corruptibilis euadit, quod tanquam accidens, materiae consortium postulet; eaque de causa abstracta statim interit: eodem plane modo hominis anima, materia licet omni destituta: quod tamen sit ipsius hominis pars, eiusque afficiat corpus: si hoc conuulsum fuerit, nihil miri si anima quoque pereat. Ceterum argumentum hoc diui Thomæ istis Scotus minime eneruauit. Animaduertere siquidem potuisset, longe aliam esse rationem accidentis in subiecto, ac animæ in corpore humano. Nam accidens contrarij aduentu ita pellitur, vt subiectum non sit vllius impressiōis aut actionis forinsecus illatæ: ideoque vt excidat, nõ requiri materiam tanquam aliquid sui. Anima vero si corrumpetur, deberet esse subiectum & materia illius impetus agentis, quo esset conficienda: quod ipsi spiritus sit, competere non potest. Quare ex eo quod sit substantia spiritalis, neque habeat aliquid sibi contrarium, euidenter constabit ipsam esse quoque immortalem.

*Ex motu  
corporis a-  
liqui pro-  
bant a-  
nimā im-  
mortalem.  
Plat. in  
Timæo.  
Cicer.  
Tuscul. 1.  
Macrob.  
lib. 2. in  
som. Scip.  
cap. 15.  
Cicer. in  
som. Scip.*

Hoc autem animæ interminum ænum ex ipsius operationibus adhuc luculentius probari & ostendi poterit. Plato quidem & Cicero existimant illam corporis agitationem, cuius principium & causa est anima, eiusdem animæ immortalitatem euidentissimo quodam signo patefacere & adstruere. Quod quidem genus argumenti, (licet Aristotele impugnet) Macrobius tamen Platonis causam agens acerrime pro illo depugnat. Quod (inquiunt) à se mouetur, illud necessario incorruptibile, cum in hoc motu perficiendo nihil patiat ab extrinseco, & ea ipsa de causa non obiacebit alicuius contrarij infestationi, proindeque immortale. Animam autem seipsam mouere (quam Plato dicit *αυτοχίνητον*) perspicuum est. Vnde Cicero: *Solum igitur quod sese mouet, quia nunquam deseritur à se, nunquam ne moueri quidem desinit: quin etiam ceteris, quæ mouentur, hic fons hoc principium mouendi.* Quod autem ad hanc rationem spectat: fateor, quod si quis secum perpendat serio quidnam sit seipsum mouere, absque omni impressiōe forinseca, atque in omnem partem quaqua uersum se versare: vel si cogitatione perpendat agilitatem illius virtutis, quæ corpus crassum & magnum circunducit, eleuat, aut deprimit: mirabile & arcanum quoddam istius motus principium iudicabit. Nihilosecius cum hæc ratio æque probet brutorum ac hominum animas esse immortales, (quod opinari fidei sancitis vetitum est & interdictum) non multum illi à quopiam erit deferendum. Quare ad alia vt firmiora transeundum.

Iam



Tam omnibus immoritur, singulis hominum vehemens quoddam desiderium injectum semper manendi; quæ quidem appetitio, cum sit ab ipsa natura attributa, frustranea non debet esse aut calla: consequetur idcirco effectum, eo quod anima perpetuo sit mansura: & in eius gratiam corpus quoque tandem restaurandum. Si enim homini etiam virtute prædito inculcatum esset, illique iam constaret, excursa exactaque istius vitæ morula, debere ipsius animam in nihil recidere & cum corpore interire: nihil credo esset, ad cuius cogitationem magis exhorresceret: & huiusmodi relaxum tam moleste terret, ut ipsi omnis sensus iucunditatis etiam ex virtute eriperetur. Quod ita esse debere in nullius cogitationem incidet, si modo vel tenui aliqua mentis notione, aut hominis naturam, vel Dei providentiam consideratit. Hæc tamen Scotus non multum arident. Responder enim, ut homo actu aliquo elicit, eoque recto & morali, denique actione humana appetat semper esse, prius rationis vis illi ostendere debebit hoc esse effectum possibile & omnino euenturum. Cæterum inquit in ipso homine quamplurimæ appetitiones exprimuntur, quæ ab errore aliquo profectæ nunquam optatum finem consequentur. Nam ex Apolloli sententia, nullus est qui velit mori, aut corporis illius indumento spoliari: sed potius superuestiri desiderat quilibet: id est corporis aliquod appetat ornamentum, & contra ea, quæ illi sunt molesta, præsidium tamen nihil impediunt hac appetitione, statutum est omnibus hominibus semel mori. Denique ex ipso appetitu, iam ardore libidinis effervescente, erumpunt infiniti propemodum motus: quos etiam natura effundit, quibus tamen nihil constituitur, quod ab illis acquiratur. Fortassis etiam (ut dicit Scotus) brutorum sensus interitum auerſari, elicit quoque desiderio cupiunt semper vivere & mortem declinare. Quare finium argumentum non ducitur ex huiusmodi in homine appetitu immortalitatis. Strenuus sit athleta Scotus, hanc tamen rationem, omnium ferme suffragijs assertam, nondum profligauit. Cum enim animaduertimus in quolibet hominum hoc desiderium æternitatis flagrare, in quo nullus defectus aut culpæ ratio deprehendi possint: perspicuum erit ipsum Deum naturæ authorem huiusmodi desiderium in homine excitasse, cuius adminiculo, quod præstantissimum est, aliquando consequeretur. Ideo enim Deus consuloque hoc desiderium æternitatis in nobis accendit, ut illo perciti & inflammati, quæ inferiora sunt & depressa leui pede contingentes, ad ea quæ summa & sempiterna sunt veloci & acri quadam contentione sellinaremur. Quod autem inferre Scotus de illo odio, quo omnes mortem prosequuntur: satis euidenter quidem probat contra Pelagium mortem ita naturæ exosam, non naturæ.

*Appetitus  
æternitatis  
animam esse  
immortalem  
docet.*

*2. Cor. 5.*

*Heb. 9.*



Sap. 2.

tura, sed culpa primitus fuisse inuectam. Invidia diaboli mors intrauit in orbem terrarum. Et preinde istius mortis quotidiana expectatio, interminatio est cuiusdam dirissimi mali, & quasi elatum cervicibus nostris flagellum: ex cuius aspectu cum culpam pristinam agnoscimus, tum poenam presentaneam reformidamus. Neque verum est brutorum animas, quæ nullam habent notionem æternitatis, illam expetere: solum quod in morte acerbum est refugiūt: & cum creentur in usus hominum, satis illis prouisum fuerit, si continuata generationum serie, ipsa species eorum conseruetur, interim indiuidua fluant & dilabentur.

Anima  
immorta-  
lis, quod  
appetat  
virtutem.

Quod si mortis contemptionem & in virtute multorum animos confirmatos cogitemus, qui mortem potius expetierunt & quorumlibet dirissimorum perpersionem, quam ab officio, deflexu aliquo prauo discederēt: apertissime videbimus ipsam hominis animam infinito æuo esse destinatam. Vir autem fortis & generoso animo præditus, publici boni causa id postulante, propriam vitam negligit, periculo & hostium iaculis occurrit: nec renuit letho occumbere. At nisi æternum aliquod præmium talis expectandum putaret, quo ipsius anima, defuncto iam virtutis officio, donaretur, temere & inconsulto vitam ita prodigeret. Appetitio idcirco virtutis, animæ immortalitatem satis probabit. Qui etiam virtutem studiose insequuntur, ac vitia voluptatesque declinant, parum habentes vitæ istius commoda & ornamenta: ieiunijs se extenuant, laboribus se fatigant & conficiunt, denique libenter vitam cum morte commutant. Quorum exempla & fortitudinis trophæa vbique terrarum florent, & indelebili historiæ caractere posteritati commendata, adhuc spirant & viuunt in hominum memoria. Verum hanc quoque rationem molitur Scotus concutere. Si anima (inquit) mortalis esset, caduca & labilis: nihilominus unicuique incumberet communem suorum ciuium utilitatem vitæ propriæ antepondere: neque ad hanc vitam tutandam ullo quidem modo discedendum esset à præscripto virtutis: quandoquidem maius & grauius damnum sit vitium, quam mors. Esto, debere vnumquemque Reipublicæ causa vitam mortis periculo exponere, etiamsi anima corruptioni esset obnoxia: quis tamen interim existimabit sine aliquo sensu æternitatis nobis ingenito à natura, tot præclaros viros ad ipsam mortem & lanienam imperterritis animis conuolasse? aut iam quamplurimos reperiri, qui in simili rerum publicarum discrimine, similia heroicæ fortitudinis post se facinora relinquerent? Est itaque naturalis quidam appetitus æternitatis: quo sublimes & excelsi animi vitæ propriæ rationes publicis commodis postponendas esse voluerunt. Quem si eximamus, nihil video, quod hominem in virtutis proposito diu confirmet,



firmet. Præcipuum etenim momentum ad virtutem videtur esse æternitatis expectatio: neque fama aliqua, consensurus in capitolium aut triumphus hominibus virtutes persuaderent, nisi ipsi crederent virtutum fructus esse immortales. Rectissime enim Dionysius Halicarnassensis: Si corrupto corpore simul etiam anima substantia: quæcumque tandem ea est, interit: hanc video quomodo leuiter credere debeat, qui nullo ex virtute fructu percepto, etiam precant propter eam. Videmus enim modo virtutem omnibus ferme istius vitæ bonis viduam & à paucissimis exultam: cuius rei quæ alia ratio nisi quod regina hæc, veluti Diana venatrix, per ardua scandat & eluosa: quam sine sudore, vituperio, & rerum nostrarum dispendio consequi plerumque non possumus. Verum quotus quisque erit, qui pro explorato habens, non solum acerbæ quæque in hac vita virtutis amore esse perferenda: verum etiam eiusdem emolumenta, morte ipsa debere intercidere, ut ne quidem tantorum bonorum velligis funeri superessent: virtutem hanc magnopere curare? aut quis sapiens vanitatis causa, tantam tam seriam operam in re omnino fluxa collocaret? vana enim ea merito appello, quæ in nihil relapsa omnino erunt aliquando extincta. Vide D. Augustinus: Nisi credidisset restare post mortem animæ vitam, & tractum meritum quod Epicurus credere noluit: Epicurus palmam in animæ meæ accepisset. Quod & videtur Cicero insinuare. Sed quamquam sapientibus conscientia ipsa facit ut egregiorum amplissimum virtutis est premium: tamen illa diuina virtus non statim plumbo in hercule aut triumpho, ardescitibus laureis, sed stabili quadam & viridiori præmiorum genere desiderat.

Quod si huiusmodi appetitus immortalitatis homini non esset ab ipsa natura injectus nequaquam ubique terrarum dispersi, licet moribus effreni & barbari funeris pompa & solennitate defunctos suos non minus splendide, quam religiose hætenus fuissent prosecuti: Quibus existimarent, ceremonia quadam debitum quandam honorem defunctis, quem & ipsi postulerent, impendi, atque eorum memoriam in hominum animis vigere: imo putarunt veteres quædam defunctorum non satis bene consulum fore, absque timoris ritu & celebritate. Causam autem, ob quam ipsimet defuncti hoc à posteris quarunt, istis declarat Cicero: Nemo enim morietur suo incommodo, doleat fortasse & angatur, sed illa lugubris lamentatio fieri, quæ moriens ex eo est, quod eum, quem dileximus, vita commo-  
lu priuatum arbitramur, idque sentire. Videmus etiam vnicuique in hac vita degenti curam quandam æternitatis incumbere, & desiderium quoddam in omnibus flagrare, quo post funera & busta viuamus. Atque ad hoc bonum nobis procurandum, varijs occupationibus distringimur. Aliqui amplis ædificijs constructis vel erectis obeliscis mortem expugnandam sensue-  
runt;

Dionys. Halicarn. l. 3. antiq. Roman.

D. Aug. l. 6. Confess. c. ubi. Cicer. in Lat.

Cura corporis, argumentum immortalitatis sicut & appetitus fama.

Virgil. 6. Encl. Cicer. l. de senect.



## 82 DE TRIPLICI HOMINIS OFFICIO,

runt; & vitam in ævum quoddam propagandam. Alij vero conscriptis librorum commentarijs nomē & famam aucupati sunt, quibus se à mortis tyrannide & sepulchri tenebris tutarentur: atque vel iniuncto funere, superstes adhuc viverent & florent. Hanc æternitatis gloriam Ennius Epitaphio quaesivit:

Cicer. 1.

Tuscul.

Anima

immorta-

lis, quod

memoriā

hominum

appetat.

Herodot.

lib. 2.

Anima

immorta-

lis, quod

vicina

mortis non

immute-

tur.

*Nemo me lachrymis deorset, nec funera sletu,*

*Faxit cur? volito docta per ora virum.*

Ex eodem appetitu immortalitatis processerunt sumptuosa & ingentes illa monumentorum constructiones: quæ cum ipso tempore operis firmitate contenderent: cuiusmodi cura & sollicitudo tenuit Theopem illum Ægypti Regem: de quo scribit Herodotus: qui ad superandam mortem, decennij spatio centum millia hominum in sepulchro suo conficiendo operarios habuit quotidie.

Ea quoque nostræ animæ vis est, ut defluente corpore ex morbo aliquo, vel etiam senio confecto: haud deficiat vel retardetur: imo tunc vel maxime viget. Cū enim ægrotudo aliqua ipsum corpus penitus exeserit & devastarit, omnem eius humorem extulerit: nihilominus in illo extremo naturæ statui collocatos videmus mente optime discurrere, de virtute atque de rebus diuinis præstantissime disputare, vehementer quoque suos ad pietatem aliaque honesta concilia adhortari: & si quos in antea acta vita lapsus secerint: illos acri quodam dolore summe deplangere & deplorare. Si autem esset anima à rebus corporeis prognata, corpore quidem male affecto, aut grauius concusso, vis mentis languesceret illico, demum excinderetur: quod prudentissimi ne quidem animaduertit

Cicer. 1.

de diuin.

Cicero. Itaque appropinquante morte, multo est diuinior anima. Nam & ipsam, qui sunt morbo graui & mortifero affecti, instare mortem putant. Itaque occurrunt plerunque imagines mortuorum, tuncque vel maxime laudifudent. Eosque qui secus quam decuit vixerunt, peccatorum suorum tum maxime pœnitent. Diuinare autem morientes illo etiam exemplo confirmat Posidonius, quo refert Rhodum quendam morientem, sex æquales nominasse, & dixisse qui primus eorum, qui secundus, qui deinceps moriturus esset.

D. Chrys.

hom. 4. de

Fato.

Anima

immorta-

lis, eo quod

fit Deus

rebus pro-

videns.

Denique sententiam de animæ immortalitate coniunctam omnino perspicimus cum proprietate diuinæ prouidentiae: ut bene adnotauit

D. Chrysostomus. Qui enim animam extinguere debere autumarunt, ij

Deum non esse, vel ipsum humanarum rerum prouidam curam non

agere dixerunt: videmus autem improbos quosque hominum in bonos

quotidie incurfantes: quorum vi, dum virtuti insudant optimi, penitus

opprimuntur: aut penuria alijsque vitæ incommodis conficiuntur. Cæ-

terum si nihil hac vita decursa præmij restaret, cuius expectatione in tanta

rerum



rerum acerbitate, piorum mentes suffocarentur, nemo profecto suspicaretur Genium virtute exultos homines sibi charos habere, vel etiam pestimos odio prosequi, aut vllis excipere poenis, post tot scelera ab illis patrata, post ornum & delicias, quibus in hac vita abundarunt. Quamobrem qui Deo providentiam attribuunt, homini quoque recte viuenti post mortem mercedem constituunt; sicut & flagitiosis poenam. Hunc Apostolus Paulus quos viderat sub graui necessitatis & aduersitatis mole laborantes, & quasi oneri succumbentes, inijciens illis aeternae retributionis spem, erexit, refocillatus est, & quasi suauiter spirante aura aestuantes refecit & recreauit, asserens, quod si in ea solum intendamus, quae nobis in hac vita obtingunt, optimos quosque cunctis hominibus, qui in rerum viuunt & delictantur abundantia, despectiores & infeliciores videri: sin autem animos attollamus ad superna, quae nos expectant bona, ita abunde nobis diuinitus prouisum exillimabimus, uti alacri & forti quodam animo; quantumuis mala omnia in nos impetum fecerint, nudi & pauperes viam mandatorum Dei percuramus. Eodem quoque modo & Plato ut oues suas, quos instituentes suscepit, iustos redderet & bonos: defuncta hac vita caelestes quasdam sedes separatis animabus excipendis constitutas dixit. Quod & obseruabit etiam Cicero in illa sua vigilantissimi Scipionis Theologia: qui praemij caelestis cogitationem tractatui virtutum praemisit: ut illius intuitu ad virtutem homines acius incitarentur. De quo eius consilio haec Macrobius: *Ad hunc patris instituta est seculi sedes, ut inculcanda, nihil eque patre inueniatur vili: quam si fructus eius non videretur cum vita hominis terminari.*

1. Cor. 15

Plato L. de  
Rep.Macrobi.  
L. 1. de  
vita Scip.  
p. 10.

Nihil autem magis, ut sapiens mecum exillimauit, quorundam hac de re sensus ambiguos reddidit: quam quod coniectare non potuerint, quousque demum status animabus illis corporibus exutis obtingeret: quibus operationibus & studiis distinerentur. Quod sane perinde est, ac si quis admiraretur, quid delphinus in illis marium spatiis, quid aquila in liquido aere apertoque caelo, quid ceruus in montosis herbidis, & desertis tractibus habitarent. Est etenim anima substantia quadam spiritalis, quae cum abrepta fuerit ab hac corporis mole, ad libertatem potius aspirasse videbitur. Et cum eadem sit substantia quadam intellectiua, multo melius in aperta rerum luce constituta, hoc intelligendi perspicuendi que munere defungetur: quam posita corporis involuta tenebris, tateius angustij coarctata. Imo potius demitatur quicquam illam animae conditionem, quam modo habet in corpore. Haec enim cogitatio Cicetionem magis perplexum habuit & dubium. *Multa quidem natura animae inuenti multo difficilior occurrat cogitatio, multoque obscurior: qualis ani-*



*mus in corpore sit, tamquam in aliena domo: quam qualiscum exierit, & in liberum calum, quasi in domum suam, venerit.*

*Opinio de  
anima na-  
tura im-  
mortali  
origo est  
omnis ho-  
nestæ a-  
ctionis.*

Atque ex hac de animorum immortalitate opinione asserta & comprobata, veluti ex vberissimo limpidissimoque quodam fonte, rectissima quæque vitæ instituta profluunt & dimanant. Si namque hanc nostram animam immortalem semel credamus: illam non voluptatibus perfruentis, non vanissimis honoribus estimatione vulgi decretis aucupandis, non diuitiarum thesauris compilandis; ab ipsa natura destinatam arbitramur: sed potius in illis negotijs & concilijs conficiendis versari debere, quorum fructus & laus eandem, cum ex hoc corpore euaserit, concomitantur. Enimvero bruta animantia quod spiritum, quo eorum corpora agitantur, tempore definitum & circumscriptum habeant: ea solum rerum genera auide consecretantur, quæ cum fluente & intereunte ipsorum vita pariter fluunt & intercidunt. Proinde sensibus indulgent, ventri ac veneri emancipantur. Verum cum hominis animus defectioni non sit subiectus: longe alia profecto debent esse eius studia: dispares omnino conatus; & tales, quales æterni & immortales censeantur: siquidem anima æterna est & immortalis. Huiusmodi autem existunt virtutum officia: quorum rationes non ad sensuum iudicia, utpote regulam, reuocanda: sed ad mentis intelligentiam, immortalem ac diuinum illum radium, flammæque oculum, quem Deus corpori inseruit. Hinc etiam fiet, ut si quæ in hac vita rerum ac bonorum vicissitudines accedunt ac recedunt, nostramque vitam implicatam tenent, cum eis conferre velimus, quæ post hanc vitam expectamus: exigua aut nulla prorsus nobis esse videantur. Atque inde intelligemus non esse quod quis immoderatus se efferat, si bona affluerint, vel se abiecte dimittat, si defluerint, siue in nos mala omnia eruperint. Si enim oceanum cogitemus, nostra Themesis angustioribus inclusa ripis decurrere videbitur: si cælorum amplissime diffusa spatia mente metiamur: hoc terræ centrum veluti punctum quoddam, sui paruitate oculorum aspectum effugiet: si solem intueamur, ceteros quoscunque erectos pharos & faces, scintillas esse putabimus. Ita animæ immortalitatem æstimantes, vitæ istius cursum festinantem ad mortis periodum, breuissimum statuemus: quo confecto alia superesse bona, eaque æterna votis nostris expetenda definiemus: cum quibus, conferentibus istius temporis spatia, dies, menses, anni, lustra, secula ut momenta, quæ simul oriuntur & occidunt, apparebunt. Ita quoque animam hanc immortalem esse sentientes, quæ à nobis consequenda sunt bona, vita hac decursa, à breui eiusdem morula dependere intelligemus. Hic quidem cursus peragitur, alibi brauium obtinetur; hic precium impenditur,



tur, alibi celestis gemma comparatur; hic peregrinatio à Domino, alibi requies in illo: tanti est momenti hoc vitæ noster momentum. Quemadmodum enim ab ipso infecabili centro in infinitum protensa dispersa; lineæ ut à principio profluunt: ita ab huius vitæ puncto & morula omnis statuitur ratio æternitatis: hoc indivisibili quasi atomo coercetur, quicquid forte unicuique obtinget præmij aut supplicij. Quamobrem sicut qui fruuntur hospitium, propositum iter ita in animis versant continuo & reuoluunt: ut ne cogitare quidem illis integrum sit de otio illo, sedibus, aut commodis, quibus externus locus eos excipit: ita si opinio æternitatis mentibus nostris aliis insiderit: hæc quæ huius vitæ bona ducuntur, veluti puerorum ludicra, enatas in aqua bullas, excussas è silice scintillas, ut autumnales & horarios arborum fructus spernenda & leui pede transcurrenda docebit: quod inmensum est, quod nullis temporum interstitijs clausum aut terminatū, efficiet uti in nostra cogitatione maneat vigeatque. Animam videri immortalē si quis dederit, Deum pariter esse & alios quoque spiritus fatebitur: proinde præcipuam officij partem collocatam arbitrabitur in ipsius Dei amore & contemplatione. Hinc vita religione excolitur, exterminatur vitia, quæ cum Deo exosa intelliguntur, tum quoque supplicium iuste demereri. Neque respiciet seipsum solum homo, vel suum proprium bonum tantum cogitabit, cum se immortalē esse sciuerit: verum etiam ipsam ciuilem societatem excoler, aliosque homines, veluti fratres prosequetur, posteritati studebit: ex quibus constat susceptam de animæ immortalitate sententiam, omnis virtutis & recti consilij causam esse & seminarium.

*Quenam sint animæ partes & facultates, quibus eam natura ad operandum instruit?*

## CAPVT X.

**O**MNIS summam perfectionem in actionibus ipsius animæ posuit esse, luculenter à Philosopho in ethicis est ostentum. Has autem operationes, qualesnam sint, aut esse debeant, ut perspicimus: prius operæ præteritæ erit investigare, subtiliusque disquirere, quænam existant in vniuersum animæ facultates & partes, quibus ad efficiendum aliquid actione sua, comparata est & instructa. Nullus siquidem medicus consulto considerateque medicinam a grotto porrigit, nisi prius eiusdem vim & naturam præferat,

L 3

ipsius

*Arist. 1.  
Ethic. cap. 2.*



86 DE TRIPLICI HOMINIS OFFICIO.

ipſius quoque morbo affecti vires animo penſarit. Neque artifex prudenter opus molitur, vel illud affabre abſoluit, niſi instrumentorum rationem certam habeat & exploratam. ita à ſapiente viro, cuius vitæ inſtituendæ modus primo in loco curandus decernitur, ipſius naturæ humanæ præſidia erunt inquirenda, facultates & virtutes, quibus ad operandum habiles ſumus, accuratius indaganda. Hinc enim fiet, vti ea deinceps morum præcepta facilius tradatur, & dilucidius mente percipiantur, quæ ad præclaras nos inſtituunt & informant actiones.

*Anime  
pars du-  
plex, &  
qua cauſa  
talís par-  
titionis.*

*D. Tho. 1.  
2. q. 22.  
art. 3.*

*Plutar. li.  
de vit.  
moralí.*

Celebris itaque & diuulgata eſt ea animæ partitio, qua in partem rationalem & ſenſitiuam: ſiue in partem ſuperiorem & inferiorem diuidi ſolet: cuius diſtributionis origo ab eiſdem animæ molitionibus exorta eſt. Operationes etenim animæ duplices deprehendimus: quædam ita ſolius hominis propriæ exiſtunt, vt eidem attribuantur ſecundum illam formam & partem, qua à brutis ſecernitur: eapropter iſtarum functionum principium ad rationalem ſiue hominis ſuperiorem facultatem ſpectare dicitur. Iſtius ordinis ſunt intelligere, libere & conſulto aliquid appetere, vel odio aſpernari. Aliæ porro ſunt actiones nobis cum brutis animantibus plane communes, ad partem proinde ſenſitiuam vti originem reuocantur: qua quidem à rationis expertibus haud diſcriminamur. Huiusmodi ſunt delectationum appetitiones, incitatus iræ motus, æſtus illi amoris & alij impetus temerarij, qui inter animæ perturbationes numerantur. Quos quidem appetitus noſtri conatus, propriam diſtinctamque à rationali facultate vim exigere, inde rectiſſime oſtendit D. Thomas: quod ſemper adiunctam habeant ipſis corporis quandam permutationem: maxime autem cordis, in quo veluti in ſede & arce præcipue collocantur, illoque vt primario vtantur instrumento: huius autem in corpore mutationis cauſa eſt imaginatio boni malive. Non enim hi motus prius in nobis exurgunt, quam ab imaginatione in aliquod iucundum, triſte, vel acerbum delata, fuerint euocati. Statim vero atque imaginatrix virtus appetitui aliquid obiecerit, quod aptum natum eſt corpus iucunditate aliqua perfundere, aut doloris ſenſu exacerbare, cruciari, protinus in ipſo corpore hominis exoritur ſpirituum quædam agitatio, ſanguinis ipſius ad interiora concurſus, vel ad exteriora excuſus. Atque ex hac ratione oſtendit Plutarcho partem rationalem & ſenſitiuam in homine plurimum diſferre: eorumque refutat ſententiam, qui perturbationes hæc rationali parti inſertas arbitrantur: ac ſi hæc eadem propter varias ſubinde mutationes, dum rationi obſequitur rationalis, dum autem affectionibus ſuccumbit, ſenſitiua diceretur: quod falſum eſſe docet ex hac corporum agitatione, quam adſerunt motus iſti appetitus. In eadem



dem quoque sententiam differt D. Gregorius Nissenus: qui partem animæ inferiorem seu sensitiuam verucis comparat in carne succrescentibus & carnolis tuberculis solidis partibus adhærescentibus. *Quæ omnia cum circa animum sunt: tamen anima non sunt, sed veluti quedam veruæ excogeturæ parti adhærescentes.* Et quod motus isti parte rationali exclusi initium desumant non à ratione ipsa, sed ab obiectu sensibilibus, eorumque sola imaginatione, ab Aristotele aliisque Philosophis appellantur irrationales. *Appetitus irrationales sunt ira aut cupiditas.* Euadunt tamen aliquo modo rationis ac libertatis participes: quæ licet in seipsis tanquam aliquod sui non retineant; nihilominus hæc à superiori animæ parte in hanc inferiorem eiusque motus omnes deriuantur. Ita etenim rationis & voluntatis imperio dimittuntur: vt ad mediocritatem reducti, virtuti famulentur & interuiant plurimum: quo modo intelligendum Platonem appellentem animæ partem sensitiuam brutam, docet Plutarchus. *Non quia ea præ se brutæ sit, sicut ea animæ vis, quæ sentimus, alimur, vegetamur: sed quoniam nihil rationi obediens, in carne immersa surda appetit.* In hanc etenim partem superioris imperium redundat: vt testatur scriptura: *Sub te erit appetitus tuus, & tu dominaberis illi.* Sicut namque seruus immoderate se gerens, quem ad commodum & emolumentum Domini sui vel natura vel ius gentium contrahit; ad eius conspectum gradum quasi suspendit ac dimittit se. Ita inferioris partis affectiones & motus rabidi, quam primum regia animæ potestas, quæ in ratione & voluntate maxime elucet, extera vim suam deprompterit, Domini vultum quasi agnoscens, illico se subducunt reprimuntque.

Plato autem tres animæ sedes constituit λόγος, ὁρμητικόν, καὶ ἰσχυρὸς: rationalis, irascibilis, & concupiscibilis. A qua animæ generali partitione, Rhetoricæ quoque distributiones profluxerit: vt sciamus disciplinam hæc, naturam ipsam peperisse. A Rhetoricis tria enim constituuntur causarum genera demonstratiuum, deliberatiuum, & iudiciale; quorum vnumquodque proprium & peculiarem effectum aliquem spectat in vna ex tribus istis animæ facultatibus. In genere quidem demonstratiuo, quo omnia referuntur ad delectationem: in parte concupiscibili intenditur motus aliquis amoris, gaudij, & desiderij. Quocirca ad hoc præstandum commodius in ipso ingressu orationis ad causam, accommodare animi inductantur auditorum in admirationem rei pertractandæ. In genere vero deliberatiuo, in quo præcipue certatur vis quædam ad fidem faciendam in parte rationali persuisio quædam efficitur: proinde idoneæ apteque in ipso exordio orator dociles & attentos reddit auditores. Denique in genere iudicali, odium, ira, aut clementia moueri solent: quæ affectiones

D. Greg.  
Nisse l. de  
anima &  
resurrect.

Arist. 1.  
Rhet. c. 10.  
Quoniam  
partem  
inferiorem  
anima.

Plutarch.  
l. de virt.  
moral.

Gen. 4.

Plat. Tim.  
Anima tres  
partes, sunt  
in Rhetorica  
tria  
genera.



fectiones sunt partis irascibilis: indeque quantum fieri potest, curat orator, in ipso vestibulo orationis sibi beneuolos reddere auditorum animos. Imo (quod & alias adnotauimus) ex hac triplici animæ parte, exorta est illa Philosophiæ distributio in Physicam, Ethicam, & Logicam. Cum autem superius distributa sit à nobis anima in partem rationalem & sensitiuam, intelligendum est hanc ipsam partem sensitiuam adhuc esse duplicem; concupiscibilem & irascibilem: quod à Theodoro animaduersum reperimus. Plato & Pythagoras in duas partes animam diuidunt, rationalem & irrationalem: quam mox subdividunt in concupiscibilem & irascibilem. Aristoteles quinque officia animæ statuit, appetere, nutrire, sentire, gradi, & cogitare. De parte concupiscibili, cuius motus ipsa natura sunt priores, prius disputandum: In qua illi vigent impetus, qui hominem deferunt & impellunt in bonum aliquod ipsius sensibus iucundum. Hos recenset D. Thomas, amorem, odium, desiderium, abominationem, delectationem, tristitiam, seu dolorem. Quorum omnium obiectum delectabile quid constituitur. Cum vero diuersa & multiplici ratione appetitus moueatur in hoc ipsum iucundum: non vnus & simplex existit eius agitatio, sed plane varia & diuersa. Nunc etenim ex bono, quo fruitur ut præsentem, delectationem capit: nunc autem quod illud absens sit, eiusdem desiderio tenetur: sin vero auersum & abreptum fuerit, ac si quodam doloris & tristitiæ morfu diuexatur. Vnde propter has varias formas actionum, quibus appetitus tendit in bonum delectabile, variæ & plures sunt in eodem agitationes & perturbationes. Quoniam vero possint, quo minus illis perfruatur bonis, quæ vehementius expetit: propterea natura aliam quandam adiunxit illi facultatem, nimirum irascibilem: quæ concupiscibilis esset vindex & propugnatrix. Cuius quidem vi superantur ea, quæ nobis molesta sunt, aut obstacula existunt contra voluptates percipiendas. Efficat itaque hæc, ut concupiscenti appetitui sit liber ingressus ad ea, cuius flagrat amore & cupiditate ducitur. Propterea hæc facultas irascibilis illos sibi vendicat motus, qui propellunt hominem ad bonum aliquod arduum & difficile superandum, vel illi contrarium malum abigendum, cuiusmodi sunt: spes, desperatio, audacia, timor, ira: & quod ira in hac parte principatum teneat, ac se magis ostendet, recte dicitur ab ea irascibilis. Indigent vero hi omnes motus signo aliquo erecto & quasi classicæ strepitu, quo excitentur. Eapropter Plato cum in anima hominis quadrigam quandam collocasset, geminos equos adiunxit, nimirum bonum & malum: quorum impulsu quadriga illa moueretur. Ex illorum etenim aspectu & propositione concitantur omnes

Partitio  
Philosophiæ  
ducta à  
partibus  
animæ  
Theodoret.  
lib. de nat.  
hom.

Quare di-  
uersi mo-  
tus appeti-  
tus concu-  
piscibilis.

Munus  
partis con-  
cupiscibi-  
lis.

Bonum &  
malum in  
altematio-  
ne origines  
omnium  
motuum  
in appeti-  
tu sensiti-  
uo.



nes plane motus, tam irascibilis, quam concupiscibilis appetitus. Eliciunt namque hæc, & interdum præcipitant appetitum ad cupiditatem, hæc aut illac eum deferunt: quæ si abscesserint, neque vspiam apparuerint, tanquam ignis sub alto cinere recoditus, ita & hi motus consopiti videbuntur. Ad quos itaque regendos & cohibendos, multum referent iudicium boni malique, discessus quoque ab illis rebus, quæ sensibus nostris summe bona aut mala esse apprehendantur. Nam his obiectis statim rapitur mens, & turbine quadam appetitus deuoluitur in præcipitantiam. Cæterum si quis eorum se conspectui subducat, tutus & securus esse poterit. Lignum tamen aridum, aut quodlibet aliud ignis fomentum haud inflammatur, nisi ignis accesserit: ita licet hi motus suapte natura in nobis ineffrenes sint & rabidi, tamen nisi bonum & malum cogitationibus nostris occurrerint, nullos in nos facient impetus, vel tranquillitati nostræ quidquam officient: denique nullas excitabunt tragædias in hac scena pectoris nostri. Verum non solum Philosophis & oratoribus hæc animæ distributio in tres partes innotuit, sed & antiquis nostris Theologis explorata pariter fuit & perspecta: quam & è sacris literis desumptam arbitrantur. Hæc enim refert Clemens Alexandrinus: Cum sit itaque anima triplex genere, intelligentia, quæ ratiocinandi facultas appellatur, internus homo est: qui huic homini, qui videtur, imperat: eum ipsum autem alioquin Deus agit. Ira autem quæ est fera & immanis, haud ita procul à furore habitat: in variis autem formas se immutans. Tertia est cupiditas, quæ plusquam Prothæus, Marinius dæmon, varius nunc hanc, nunc illam, nunc aliam figuram suscipit, & ad libidines, stupra, & adulteria allicit. Diuus etiam Ambrosius admirabili illa quatuor animalium visione Ezechieli Prophetæ ostensa, hanc quoque animæ diuisionem illustratam existimauit. Hic quoque anima describi accepimus: cuius quatuor animalia, quatuor affectiones sunt. Et post: Habet autem quatuor affectiones, id est similitudini hominis, leonem, vitula, & aquila comparandas. Quas formas librorum Euangelicorum proprietate accepimus figuratas. & ideo hic quoque in homine rationalis, in leone imperibilis, in vitulo concupiscibilis, in aquila visibilis: per figuras animalium, species affectionis expressa est. Nā in omni sapiente viro prudens Gracia esse nominatur: λογιστικός, εὐμικός, ἐπιβούμικός, διορατικός. Quo pacto D. Ambrosius ab alijs in tres partes animā distributam, in quatuor diuisit. Vnde melius etiam intelligi poterit illa Platonis in anima quadriga, quæ quatuor rotis voluatur. Et eodem plane modo visionem hanc Ezechielis pulcherrime interpretatus est D. Macharius.

Clem. Alex.  
lib. 3. pad.  
cap. 1.

Partitio animæ  
in tres  
partes ex  
scriptura de-  
sumitur.

D. Ambr. 3.  
lib. de virg.

Quatuor  
anima par-  
tes quadriga  
Platonis.  
D. Machar.  
homil. 1.

Partes animæ cum iam constituerimus: munus quoque officij nostri hinc erit definiendum. Videmus itaque in ciuili societate, in quam multi

M

coeunt



*Qua ratio  
officij ex  
hac anima  
paritione?*

*Forma  
humana  
vita mo-  
narchica.*

coeunt & conflant, omnia solere perturbata euadere, nisi alicuius auctoritate promiscua multitudo cohibeatur & contineatur. Nec quidem unicuique indifferenter absque delectu imperium committi animaduertimus; sed his solum, qui rerum tractandarum notitia magis pollent, vel qui in ipsa administratione quasi augustius imperium consequi possint. Ea propter cum plura sint in vna eademque hominis anima, (vt vidimus) quæque proprias & dispersitas ac circa diuersa distractas agendi obtinent vires: ne confusa fiant omnia & implicata, quædam decernenda sunt veluti superiora, quibus regere incumbet; alia demum designanda vt inferiora, quæ superiorum consilia & decreta exequantur. Hæc autem vniuersa, que in anima expendimus, si inuicem contulerimus, constabit imperium rationi tantum veluti principi deferendum. Nam sensitiua pars nobis cum brutis est communis, incitatio, fœdior, labilis & vaga: quæque interuentu sensibilibus huc atque illuc æstro quodam rapitur. Forma idcirco nostræ vitæ debet esse monarchica, & in ipsa ratione tantum conspicua. Neque verendum erit, quod sicut Imperatores aut Reges ex imperio plerumque superbe se effidentes, & in alios tyrannidem exercentes, deteriores euadere solent: hoc quoque rationi imperanti in vita nostra euenturum: Nam hæc ratio adeo constans firmaque existit optimarum actionum regula, vt nisi à seipsa desciscat actione, deficere nō possit à iustitia & morum probitate. A quibus tunc solum deflectit, quando è throno suo decidēs cupiditati & sensibus paret. Alioquin si immota in sua arce & sede constiterit: ex imperio indies melior, ad bene recteque operandum promptior efficietur. Quod & clarius multo constabit, cum animæ partem superiorem, quam rationalem appellamus, discusserimus.

*De præcipuis animæ facultatibus, intellectu nimirum, voluntate, & memoria atque ex his, de similitudine hominis cum Deo.*

## CAPVT XI.



N istis animæ facultatibus summam ipsius hominis collocatam esse dignitatem, qua cæteris animantibus longissime ipse præstat, facile animaduertere licebit: in quibus sane humani imperij purpura & diadema inclarescunt. Et quod ex istis singularis sit homo



fit homo cuiusdam excellentiæ, propterea in ipso rerum ortu, reliquis in lucem iam eductis, vltimo loco hisce bonis ornatus & ditatus homo exstitit & emerfit. Hac quidem diuinarum effectuum serie, & ordinis dispositione, humana præstâtia vt spectabilis mirifice commendatur. Haud secus enim ab ipso Deo in terrarum orbem inductus fuit homo: quam Rex aut Imperator in regiam prius ornatissime instructam, regisque vltibus idoneam. Quamobrem cum singulis huius theatri partibus proprias vires Deus indidisset, (seruata tamen ea proportionem, qua aliud loco & natura alteri antecellit) præcipuis quibusdam dotibus nobilitandus fuit homo: & quæ in alijs dispersa, in ipsum videbantur congerenda: veluti omnium principem & finem: in cuius gratiam reliqua etiam condita fuerant & constituta. Itaque si cælum, si terra, si elementa alia & ab his mixta coalita, specie sua luceant & floreat, varia ac pulchra sint: procul dubio ipsemet homo, cui hæc subduntur, luce amictus velut cælum splendet, virtutum flore & viriditate depictus, tanquam terra venustatem suam ostentabit: denique multiplici quadam forma & actionis figura distinctus apparebit, sicut & ea, quæ coitione elementorum concreta videmus. Hac etenim de causa cum perfectis cæteris rebus, totius operis breue & succinctum quasi compendium edere voluerit Deus: & in angustam tabellam cogere suspensum cælum, orbibus destinatos angelos, appensam terram, effusa maria, inclusa elementa: ad hoc usus est commodissime hominis fabrica. Hic quidem summa qua perstringuntur, hic tabula in qua delineantur vniuersa. Intelligit enim homo cuncta mente, & cogitatione persequitur: quod & faciunt Angeli: in omnem partem & situm extendit se & expandit, quemadmodum & plantæ: sensu rerum formas comprehendit, quod & brutis animantibus attributum est. Vnica idcirco hominis anima rerum naturas adeo pugnantes ac loco disiunctas in se continet & coërcet. Cælum, longissimo quodam tractu à terris dissitum, expressam habet in hominis anima similitudinem sui. Quod enim in cælo admiramur & suspicimus, id est, quod sit Dei regia & augustissimæ Trinitatis tabernaculum. Verum decus hoc cælo cum anima est commune. In ea etenim, si pura sanctaque fuerit, inhabitat Deus: unde Philo: *Nec in terris augustius templum inuenit Deus, quam animam rationalem.* Porro cælum, cum stellis & astris pulcherrime sit ornatum, benefica sua influentia vim omnem atque vitam subiectæ terræ imperitur: eodem plane modo anima, suis insignita & instructa potentijs, salutari influxu corporis terram virentem ac viuentem reddit, fertilem facit & floridam. Imo cæterorum quoque elementorum formam quandam & characterem in se anima complectitur. Cum enim in corpus ve-

*Hominis dignitas ex ordine creationis.*

*Homo totius mundi typus.*

*Similitudo anima & cæli.*

*Phil. Iul. lib. de nobil.*

*Anima simul elementis.*

M 2 luti ad



luti ad quoddam centrū, in quo quiescat, hæc propendear, cuiusdam terrestris gravitatis naturam videtur retinere: neque aliter, sane quam terra sparsa diuini illius satoris manu, virtutum semina excipiens, bonarum actionum exuberantes fructus profundit. Dum vero corpus hoc continet, ne eius partes diffuant; & per easdem abstrusa permeat, illasque veluti frugiferas efficit: aquæ ambientis, nutrientis, & penetrantis terram, symbolum gerit. Cum autem corpoream hanc molem attollit, atque rationis luce collustrat, ærem imitatur. Denique quod amore inflammatus animus hac atque illac pernici cursu feratur: tanquam hieroglyphicum, ipsum ignem repræsentat.

*Anima similis Deo.*  
*Gen. 2.*

*D. Basil. homil. de primig. hom. dig. Matth. 5.*

*Differentia imaginis & similitudinis Dei.*

*Imago Dei in anima non corpore.*

*Niceph. li. 11. hist. cap. 14.*

*Tertul. lib. de resur. & li. cont. prax.*

*Phil. lib. de fab. mudi.*

*Refutatur Philo de imagine Dei in homine.*

*Ioan. 1. August. in cap. 1.*

*Ioan. & de gen. ad lit. cap. 14. & 15.*

Hæc vero exigua esse videbuntur, si intueamur animam altius adhuc elatam ipsi quoque Deo similem euasisse: quod quidem animæ ornamentum sublime & diuinum scripturæ adijciunt. *Et creauit Deus hominem ad imaginem & similitudinem suam.* Quem locum elucidans D. Basilii, differentiam constituit inter imaginem & similitudinem. *Nam quod (inquit) ad imaginem Dei facti sumus, nobis suppetit prærogatum ex ipsa statim primigenia conditione, vt autem similitudine insigniamur, id demum relinquitur nobis acquirendum certa animi destinatione.* Quo pacto interpretatur illud Saluatoris: *Estote perfecti, sicut & pater vester perfectus est.* Itaque ex sententia D. Basilij: imago Dei in nobis naturæ ipsius est donum: similitudinis vero ratio studiosis actionibus comparanda. In hac re omnino exploratum & concessum esse debet: nimirum diuinam in nobis imaginem in ipsa anima esse expressam, atque huius munere hominem Deo similem apparuisse. Eliminandus est idcirco vesanus ille quorundam hæreticorum error, qui Anthromoporphitæ nuncupati, (vt scribit Nicephorus) ad imaginē Dei hominis corpus effigiatum voluerunt: à quibus nec multum dissentit Tertullianus. Quomodo enim obsecro spiritus purus, syncerus, qualis Deus est, similis esse poterit corporis moli? nisi ita decipere velimus, vt Deum corporeum sententijs nostris fingamus. Caterum neque Philo Iudæus istius in homine diuinæ imaginis notionem propriam adsequutus videtur: cum ideo dicat hominem ad Dei similitudinem efformatum, quod ad exemplar & formam idealem, quæ in mente Dei relucebant, tanquam illi similis apereque respondens, conditus fuerit & expressus. Hoc etenim rebus omnibus à Deo propagatis perque conuenit, fiunt enim vniuersa, & expressiones quædam existunt ad similitudinem I-dzarum, quæ sunt in mente Dei: de quibus etiam Theologus Euangelicus loquitur: *In ipso vita erat.* Iuxta interpretationem D. Augustini. Nam cum Deus mente & intelligentia cuncta sit molitus, nec tenere in opus à se effingendum impegit: prius hoc expressum, consignatum, & illustratum.



stratum habuit forma quadam idæali in ipsius mente relucente, vt cum D. Thoma omnes docent Theologi. Verum quando in sacris literis sermo instituitur de imagine diuina hominis animæ impressa, procul dubio nomine istius imaginis intelligendum aliquid, quod peculiari quadam ratione sit homini adscribendum: & quo ipse cæteris omnibus præstare & antestare dicatur. Non est ergo hæc tantum conformatio hominis ad ideas diuinas, quæ singulis rebus competit: aliud idcirco quidpiam exquirendum, ob quod proprie solus homo conditus sit & expressus ad imaginem Dei; quodque nulli alteri rei, præterquam animæ affixum competemus. Ita Clemens Alexandrinus: Num ergo merito dictus est homo factus esse ad Dei imaginem? non quod attinet ad figuram constructionis, sed quoniam Deus quidem ratione omnia architectatur: homo autem qui euaserit cognitione præditus, ratiocinandi facultate bonus & honestas peragit actiones. In ipsa quoque anima Dei imaginem residere & resplendere docet D. Augustinus. *Ibi est fides, ubi est spes vestra, ubi charitas vestra, ibi habet Deus imaginem suam.* Tamen si D. Epiphanius sibi inexploratum profiteatur, in quam hominis parte hæc Dei imago sit inueniēda. Vulgata autem Theologorum sententia asseritur, in ipsa hominis anima conspicuam esse sacrosanctæ Trinitatis imaginem: ob triplicem eius vim operandi, per intellectum, voluntatem, atque memoriam. Sicut enim diuina natura indiuisa in se, tribus distinctis personis conuenit: ita ex animæ vna substantia dimanant tres illæ facultates, quæ re ipsa cum eadem substantia coincidunt. Imitatur quoque anima Deum etiam in alijs; vtpote quod existat, quod viuat, quod intelligat, quemadmodum & Deus: præcipue tamen quod mente & intellectu polleat, Dei in se retinet imaginem: vti affirmat D. Basilii: *Faciamus hominem ad imaginem nostram: hoc est homini impartiamur ac protegemus affluentem rationis copiam.* Atque adeo perspicuum & liquidum fuit, impressam homini Dei imaginem: vti id Trismegisto innotuerit: quem verisimile est hoc ab Hebræis edoctum. Omnium pater, genitrixque mens, cum sit vita & natura, peperit hominem sibi similem: quem tanquam propriam prolem dilexit. Nisi enim Deus singulari quodam amore hominem fuisset prosecutus, nequaquam ipsum tam præclaro munere rationis exornasset, aut inde sibi similem effecisset. Vnde Cicero: *Iam vero virtus eadem in homine ac Deo est, neque alio vlllo ingenio præterea. Est autem virtus nihil aliud quam in se perfecta & ad summum perducta natura: est igitur homini cum Deo similitudo.* Quod enim in Deo videtur maxime spectabile, ipsius autoritas est, qua & cuncta administrat: hominis autem imperium in alias res, quod diuinam potestatem adumbrat, illi non nisi ex vi rationis & intelligentiæ competit: cuius participatione idem

*Quare in  
Deo idce.*

*Clem. Alex.  
o. Strom.*

*D. August.  
enar. in  
psal. 48.  
D. Epiphanius.  
heres. 70.*

*Imago Tri-  
nitatis in  
anima.*

*D. Basil.  
hom. 10. de  
hom. dig.  
Trismeg.  
Pernand.*

*Cicero. lib. 1.  
de leg.*

*Homo simi-  
lis Deo ex  
authoritate  
rationis.*



quasi apparet homo in terris, quod Deus in cœlis.

D. Chry-  
sostom.  
hom. 9 in  
1. cap. gen.

Vis huma-  
na intelli-  
gentia mi-  
rabilis.

D. Basyl.  
hom. 10.  
de hom.  
dignis.  
Hominis  
authori-  
tas in bru-  
ta ex ra-  
tione.

Vnde constat vim humanam præcipue attribuendam rationis & intellectus perspicentiæ; atque ex illa præsertim efflorere in homine imaginem Dei: Didicisti (inquit Chrysostomus) quid sit secundum imaginem, nempe quod non sit substantiæ dignitas, sed dominij similitudo: & quod non secundum imaginem formæ, sed secundum rationem dominij dixerit: ideo & subdidit: & dominantur piscibus maris & volatilibus cœli, & bestiis & reptilibus terræ. Hinc itaque quod homo collustratus sit lumine rationis, cæteris omnibus animantibus præest autoritate: ibi sceptrum, ubi mens & ratio. Nihil autem mirabilius videtur, quam quod hoc rationis lumen angustis cerebri inclusum cancellis ita euagetur & se effundat, ut ad extrema quæque pertingat, ut ea regat ac moderetur, quæ magnitudine iugentia, numero infinita, virtute inexpugnabilia: quæq; si ipsius imperium detrectarint, statim conuellit, dissipat, & disperdit. Hæc autem omnia hominis præclara rationi conceduntur: & ob hanc hominem ipsa bruta formidant & reuerentur. Nam quæ natura homini negauit, ea ratio facillime ipsi parat ac suppeditat. Non ita viribus aut corporis firmitudine valet homo, ut ex brutis quamplurima: non ita ut ea, ad propulsandam quamlibet extrinsecus illatam iniuriam, quibusdam tegumentis aut alijs præsidij communitur. Nudus idcirco ac tenerimus vtero exclusus, plorans vitam auspicatur. Illi deest leonis densatis villis hirsuta & aspera cutis: auium plumis vel ouium velleribus caret ad arcendum rigorem frigoris: piscium squamæ illi nec ad sunt aut artus ceruini ad fugam comparati: nihilominus in hac tâta penuria, sola ratione se defendit, nutrit, artes excogitat: & si aliquod ex illis efferatis animalibus homini adduxeris, simul ac regiam illam speciem conspiciatus fuerit, dimittet se, abijcet arma, trepidabit, diffugiet: imo quæ robore & vastis corporibus cæteris antecellunt, hominis conspectum nec perferre quidem possunt. Ipsi Delphini (ut inquit D. Basylus) præ natatilibus magnanimitatem spirant, rege quolibet non indignam, dicto ocius hominem si contempletur propius sibi adsistere, fugitans suppudescit ac veretur. Et post: Cum perspicias leonem illum quidem grauem & infredentem rugitu, cuius vel nomen intolerandum & pergræue est: cuius rugientis frendor terram ipsam intremiscere facit: quanam cæterorum animantium præsentis adeo animi est ad quiduis tolerandum, ut huius sustineat impetum? nec vnum quidem in animalibus vsquam repereris, cui tantum supersit virium: ut se confidat sustinere posse subitanæ leonis impressionem. Atque hunc sic violentum perexigui viuarij sepiementis includi videri licet, quis hunc inclusit & coërcuit? is nimirum, qui huic vastæ molis animanti suo pte ingenio commentus est carcerem. Quis hac varietate laqueorum, cancellarum, straminum instar, aperuit simul & prouidit respirationem



respirationem isti bellua, ut ne suomet praefocetur anhelitu, una & eadem opera & copiam illi fecit respirationis libera, & hoc intervallari sapimento, custodiare illi prospexit, ne quo se proriperet? quis is? nonne homo? is pro re ludicra habet longe cesseratissimas seras: nam etiam patdales eludit, chartam ob oculos bestiae oppandit ex editiori loco, quae penicillo pictoris effigiatum hominem representet: & haec quidem frustatim concerpit chartam: cum is interim, qui subtus chartam delitescit, visu prosequitur belluae vesanientem stoliditatem. Quod si altiora petamus, illosque aereos tactus oculis contemplemur: in quibus praepetibus pennis ac pernici volatu spaciantur volatilia, hominis quoque vim ac potestatem eo pertingere animaduerremus. De qua repulchre etiam D. Basilii, De *Sup.* volatilibus porro quid tibi vis edisseram? & quidem homo alacri assensu nequaquam se attollit in aëra, remigio alarum destitutus: at certe per vim intellectualem cum illis una euolat. Nihil usquam est, quod remoretur rationem, quam vastissimo abyssodelitescunt perferuntur: venatur quae sunt humi, quae aëra circumvolitant, priusquam praevideatur, intercipit atque occupat. Nunquid obseruasti auriculam insidete extremam pinnae curvulam rami, & ex eo stridulo rumore, quasi cachinno persequentem illic comitantes? haec enim spes sibi ponit in pernecitate alarum. At certe vnum est pueris licuerit videre, qui obseruata aui, mox facem arundinum conquere, unam subternat alteri, visco illinat, & agglutinet harum acumina. Ac hic quanto maximo potest astu, per ramos foliaque, fallit visci praesentiam, obseruat deinde oculum auricula in sublime spectantem. Itaque prae-hendit leui attractu volutrem per aëra consuetam: & quae eatenus per aethera ferebatur, visco implicata captiua abripitur. Quoniam vero huiusmodi unicuique satis nota sint, ipsaque quotidiana experientia probentur, idcirco in istis recensendis diutius non immorabimur: sed ad alia potius humani intellectus munera explicanda, quae illustriora censeantur, progredietur oratio.

Satis ostensum videtur, ob vim rationis homini ingentem, factum esse, ut in illo viua quaedam ipsius Dei imago appareret, ceterorumque animantium dominus inde existat. Quamobrem eodem prorsus hieroglyphico notari ac depingi recte homo poterit, quo Aegyptij olim ipsum Deum expresserunt: symbolo nimirum erecti sceptri, cuius fastigio & apici infixus oculus omnia vndeunque contemplabatur. Nam homo quidem, quod ratione insignitus sit, auctoritatem diuinitus accepit in cetera animantia: eadem etiam, omnia sua acie ante vel pone, superius vel inferius sita circumspicit. Quis autem est, cuius animum ingens quaedam admiratio non subierit, qui vim hanc intelligendi in homine immensam plane rite expenderit? Haec etenim nullis repagulis aut obiecta rerum mole excluditur: nulla rerum multitudine aut varietate defatigatur. Quinimo peruat omnia transcenditque: caelos partitur in sphaeras,

*D. Basilii  
Sup.*

*Vis intelligens  
ad remotissima*



sphæras, terras in horizontes. Quid dico? pernici volatu & subtilitate usque ad Dei thronum ac sedem pertingit: abyssum maris explorat, terræque viscera excutit ac repandit. Quo quidem pacto intellectus cum aquila volitat, cum delphino natat, cum ceruo discurret; & cum illis animalibus, quæ terræ meandris ac recessibus implicantur, inferius descendit, stellas numerat in cœlis, axes, polos, æquinoctialem, eclipticā, maximas solis recessiones describit ac designat: syderum atque planetarum cursus ita quibusdam terminis includit, vti omnes eorum rationes examusim teneat. Huiusmodi perspicentia ingenij viguit Hiparcus, qui vt narrat Plinius, in ducentos annos futpros cœlestium orbium motus, diuinus vates præcinit: formas mox metheororum hæc exquirat: aëris qualitatem inuestigat, aues aucupio persequitur, pisces hamo aut rete capit, terram rescindit, & ibidem obruta metalla effodit, abstrusas herbarū vires ac gemmarum simul qualitates perspectas habet: Omnium denique notionem aliquam sua comprehendit intelligentia. Et vt inquit D. Chrysostomus: *Facillime ad altissima longissimeque semota loca aduolat: etiam si velit ad extremos orbis terminos peruenire, aut in cælum ascendere, nihil est quod vetet, adeo ipsi alas leues dedit.* Neque quemadmodum rebus corporeis, dum operantur, defatigatio euenire solet: Ita quoque contemplando & longissime separata peruadendo mens nostra languescit, aut aliqua imbecillitate conficitur: sed potius ea facilitate, quæ immenso interiecto spatio à nobis disiuncta sunt, cogitatione sua adsequitur, ac si lateribus nostris adhærescerent, & omnino coram obijcerentur. Facultates autem corporum sensitiuæ, quarundam rerum accessu interdum exclusæ & repulsæ, ad proprios fines non pertingunt. Pectorum namque lacertorumque exertæ vires sæpius franguntur: herculeum robur concidit, & tartarei pulueris inflammatione è tormentis bellicis explosa & eiacula pila, in lanam incidens, sistitur. Caterum mens cognitione sua in solidissima quæque corpora se insinuat, marmorum venas & crustas subintrat, cespites, aggeres, aut moles dispellit ac dissipat, remotissima claudit, omnia circumit, singula comprehendit. Quod si contingat corpus hoc vnus tenebricosi anguli angustijs esse coercitum: tamen oclusis oculorum foribus, obseratis auribus, & ligatis manibus pedibusque, interim poterit quis mente per totum terrarum orbem libere vagare, ex pulcherrimarum rerum cogitatione delectationem capere; cœlos, maria, terrarum tractus, gentes omnes, more, habitu, ac ceremonia discrepantes, ad se deuocare: denique mundum in sua mēte effingere, & quasi secum in carcerem compingere. Neque hæc laborem aliquem aut temporis diuturnitatem postulabunt, sed dicto citius excurrens intellectus, omnium bonorum

Plin. nat.  
histor. lib.  
1. cap. 6.

D. Chrys.  
homil. 7.  
in verb.  
Esaia.  
Intellectus  
non defa-  
tigatur  
aut ex-  
pletur.

Intellectus  
in se orbē  
continet.



horum ipsi adferet satietatem. Vnde D. Basilius: Homo inquam animal in terra honore dignissimum: quod secundum Angelorum ordini utentium ratione alle-  
*2. cap. Esa.*  
 Quod est, homo inquam, imagine Dei, obonestatus, qui varias artes vi rationis excogitavit. Horum quæ in terra sunt tenet scientiam; plantarum, radicum, ac fructuum facultates novit: mare ausus est permetiri, æræ naturam, originem ventorum, astrorum positionem, horum motiones, intervalia, concursus, rerum terrestrium rationis distinctionem, civiles leges, præfectorum adducendorum exercituum, artes novit ad vitam sustinendam necessarias: tum denique ad ornamentum & allentationem subferientes. Hinc autem factum esse arbitror, ut à quodam Philosopho pronuntiaretur, se nunquam minus solum esse, quam cum solus esset: quandoquidem opera & virtute intellectus omnia veluti præsentia haberet, quibuscum ageret & versaretur iucundissime.

Illis quidem & aliud accedit: neque minus admiratione dignum: nimirum quod nulla plane rerum notitia humanus intellectus unquam expleatur, nulloque scientiæ multiplicitate, veluti pondere aliquo, deprimatur: sed quibuscumque denique notionibus informatus, agilis semper existat, ad operandum promptus & exacuatus. Vnde quoque mihi visum est, divinæ immensitatis ipsius intelligentiæ capacitatem, formam aliquam in terris exprimere. Ita namque Dei substantia partibus adest illius mundi singulis, ut per infinita si darentur spatia, ea ipsa æque facile posset comeari. Eodem modo intellectus noster undique se diffundit, ex omni parte dilatat, nullis terminis vel cancellis definitur vis eius immensa percipiendi. Et quemadmodum (ut scribit D. Thomas) quod Deus  
*D. Thom. 1. par. 1. q. 8. art. 3.*  
 omnia intelligat, ideo illis intus præsens evadit: cum hac ratione in ipsius conspectu & sub eius oculis collocata sint: ita hanc Dei immensitatem dum humanus intellectus imitatur, & quasi emulatur: omnia sibi ob oculos constituit, ipsos etiam terre recessus, cœli arcana, pectorumque  
*Mentis se expandit ad omnia, & in se recipit omnia.*  
 confilia. Duplici autem forma intellectus hanc Dei immensitatem adumbrat: primo quod se expandat & dilatet ad omnia rerum genera percipiendi: deinde quod in se recipiat, includatque eorundem expressas & excultas notiones: idque non perturbate, sed distincte & ordinatissime. Quæ enim ab intellectu percipiuntur, ea in sculptis quasi menti habent quosdam sui characteres, vias & proprias similitudines, in quibus elucescunt pulcherrime. Laude vero idque merito efferimus pictores illos, qui angusta in tabella integros describunt exercitus, silvarum densa exiguis spatiis includunt: si tamen vel hastarum cuspides, confertas capitum galeas, arborum quoque extremos ramos & folia penicillo deduxerint. Hinc celebratur Calistratus, qui ex ebore formicas confecit, Myranci-dea pariter, qui ex ebore quadrigæ formavit, quam alæ variis muscæ in-  
 N brarent



brarent & contegerent, floret in hominum memoria. Laudatur illius etiam opera, qui (vt scribit Cicero) Iliada Homeri tenuissimis membranulis ac tam paruo volumine inscripsit: vt in nucis vnus nucleo includerentur. Hæc autem collata cum intellectu hominis, parua omnino videbuntur. Hic etenim cogitatione sua campis, montibus, ciuitatibus, regionibus, regnis iustas & natiuas attribuit dimensiones: quas tamen omnes integras in se veluti in tabulis insculptas habet. Zeuxem dicunt pingendi arte apud Græcos celebrem, tenuissimam quandam lineam penicilli tractu duxisse adeo quidem exilem angustamque, vt omnis prorsus latitudinis expers ab inspectoribus crederetur. Discedente autem ipso paulisper, forte fortuna Apelles officinam eius subintrans, oculis (vt sunt artificum) curiosis in illam lineam incidit, qua conspecta, motus operis exquisita forma, penicillum in manum sumpsit, atque intra margines illius lineæ aliam veluti filum quoddam protraxit: quæ prioris lateribus includebatur, quo facto discessit. Reuersus autem Zeuxes, statim atque illam lineam est intuitus, se victum cernens, admiratione quadam perculsus, asseruit vnum Apellem eiusmodi lineæ potuisse tantum esse effectorem. Verum si terrarum vastissimam molem cum humano cerebro contuleris: maioris negotij tibi videbitur illam huic inferre, quam descriptæ à Zeuxel lineæ aliam tenuiorem inferere. Ea propter Philosophus humanum intellectum rasæ tabulæ comparat: non quod horum aut aliorum expressas formas posset suscipere: sed omnium plane. Vnde D. Augustinus: *Per rationalem habilis est homo illuminari ad ali-* quid cognoscendum *infra se, & supra se, & se in se, & Angelos iuxta se, & quicquid cæli ambitu continetur infra se.* At ne suspiceris intellectum in ea solum rerum genera cogitatione sua incurere, quæ sensibus nostris obuersantur: immaterialia quoque & spiritualia inuestigat acumine suo, persequitur & adsequitur felicissime. Aristoteles enim ex cælestium corporum motu, separatas quasdam intelligentias qualibet materiali concretionē destitutas inuenit. Impossibile ratus virtutem aliquam magnitudine extensam, sine defatigatione aut emolumento, circulos illos in orbem versare posse aut velle. Recte idcirco concludit, cælestibus illis sphaeris præesse quosdam spiritus materiæ expertes, qui illas voluerent ac reuoluerent perenni quodam cursu, ortus & occasus vicissitudine. Similiter D. Thomas ex partibus huius vniuersi, quatenus (vt ipse loquitur, per intellectum & voluntatem diuinæ omnipotentis quædam existunt assimilationes,) euidēti satis ratione ostēdit, in hac rerum fabrica quosdā esse spiritus, seu intelligibiles substantias, quibus simplicitas puritasq; diuinæ naturæ modice saltem ac temperate effingantur & adumbrentur.

Hactenus

*Linea A-  
pelles &  
Zeuxis.*

*Mirabile  
quod sen-  
sus huma-  
niorbem  
coercent.  
Arist. 2. de  
An. text.  
37.  
D. Aug. li.  
de spir. &  
anima.*

*Arist. 8.  
Phys. 12.  
Metaph. li.  
1. cel. cap.  
9.  
Mens ho-  
minis spi-  
rituales  
substantias  
inuestigat.  
D. Tho. 1.  
part. q. 50.  
art. 1.*



Hactenus disputatione elucidata utcumque est vis intellectus speculatiua, nunc de eadem differendum, quatenus ciuiles & morales institutiones describit & efformat: in quibus haud minus, ac in alijs, eam spectabilem videbimus. Non enim aliter vita humanae cursum dirigit & inflectit ratio, quam nauim clauus. Legem etenim singulis corporis partibus ita constituit, vt ex eius imperio munera sua obeant & praestent. Sed non solo corpore continetur istius rationis auctoritas: quin & voluntatem quoque complectitur ac tenet, cui sensus corporis & vires eiusdem subduntur, quam sic regit & moderatur. Vt vitia in hoc motu suo, veluti scopulos, voluptates vt arenas & vadosa declinet: intellectu quidem iubente exurgit voluntas parata & expedita ad obsequium. Neque ad conspectum cuiuscunque obiecti difficultatis trepidat aut reformidat: si regium hoc signum & vexillum mens in altum semel extulerit.

Quot fuerint qui mortem lubenti animo genereose & fortiter Dei atque patriae causa oppetierunt? verum non nisi fidente ratione hoc factitarunt. Quot vitæ genus insequuti sunt, non solum delicijs destitutum, sed asperitate victus horridum? ratione tamen admonente hoc sunt aggressi. Quot inestrenes animi motus ad philosophiae regulam compulerunt: & quod maius est, inuenerunt & penitus iustas prauorum morum consuetudines excusserunt? ratione autem imperante hoc feliciter sunt assequuti. Quod si alicui contingat a recta virtutis via aberrare, in deua quædam & deflexa culparum discedere, non illum perminet diutius mens in errore versari, non patietur in ceno & sordibus ipsum perpetuo contabescere, sed ab illo neglectum officium ei in memoriam reuocans, iniecta quadam acrimonia ob peccatum delictum, conscientiam eius affliget, torquebit, mordebit, exedet: quousque consilium mutauerit, & i. decreta nequitia destiterit: urgebit semper & extimulabit ad meliora, adeo vt homo ex hac conscientia pudescat: interdum maiori quadam vi se attollat sursum, & e victorum lacu emergat purior, quàm si innocens nunquam cecidisset, aut illibatus, facies illas casu minime contigisset.

Neque ex hoc rationis imperio, priuatae tantum actiones virtutum ad normam recti exprimuntur, (vt inde sibi solum quis iuste & honeste viuat) verum etiam infinitam propemodum hominum multitudinem, in qua sexus conditione, consuetudinis ritu, vitæ actione, dissimiles & contrarij reperiuntur: hæc vis rationis ita moderatur, vt commune bonum illæsum consistat: vt ciuilis hominum societas mutuis officijs deuincta floreat, in pace & otio deliciarum. Quid mirabilius, quam quod princeps aliquis rationis lumine collustratus, tot ciuitatibus, provincijs, regnis be-

*Vis intellectus  
Pau in me-  
ralibus ac  
ciuilibus.  
Intellectui  
obsequuntur  
sensibus &  
voluntati.*

*Rationes  
publicæ a  
mente de-  
pendent.*



*Mens cau-  
sa dissimu-  
lationis.*

*Tibull. lib.  
3. eleg. 7.*

*Eliau. lib.  
3. de uni-  
mal. c. 40.*

*Æmil.  
Prob in  
Alcibiad.*

*Cicer. in  
Calian.*

ne prospiciat, atque in terris Deum imperio imitetur in coelis? hoc autē rationis est opus: si hostes in fines ditionis inuaserint, suos ad bellum armabit: si priuatis seditionibus ciues inter se exarserint, efficiet princeps prudentia sua, uti odia deponant, & mutuam charitatem colant. Vnus tot, qua illi collibitum fuerit, impellet: & cum nihil ita soleat hominem exagitare, atque libido imperādi, (quod homo natura sua sit animal maxime imperiosum) nihilominus lege, interdum etiam vultu solo ipsius principis, fastuosus quilibet compressus dimittet se, ac turgidos illos spiritus in auras immittet. Quod autem ad ciuiles hasce actiones spectat: cēlatus animus, & cogitatorum dissimulatio, firmissima cum omnium sententia esse præsidia comprobentur: tum etiam vulgari Prouerbio ita decantatur. Videmus autem hominem rationis artificio sic compositum, & mille adscititijs coloribus fucatum, ita se in omnem formā cum Protheo intorquentem, in omnem speciem coloris cum Cameleonte se effigiantem, ad omnem malitiam & fraudem cōsilia sua versantem: uti semper dubites, an calidus sit vel frigidus, ater an albus, amicus vel inimicus, probus an nequam: nunc etenim vultu blandus, oratione melleus tibi videbitur: nomen amicitiae, charitatis, ac sanctitatis ementitus: cum tamen si interiora recluseris, odij flammam, sanguinis tui & cordis sitim aspiceres ardentem. Interdum etiam seuerius amicus te verbis increpabit duris, toruo vultu respiciet: ita tamen ut intrinsecus suavis sit, & dissoluatur penitus amore tui: licet verum sit, quod cecinit Tibullus:

*Difficile est tristi fingere mente iocum.*

*Nec bene mendaci risus componitur ore:*

*Nec bene sollicitus ebria verba sonant.*

Quod itaque inflatio illa in Cameleonte præstat ad colorum varietatem, hoc in homine efficit ratio ad actionis figuram. Et sicut Panthera (ut narrat Elianus) pecudum armenta, effusa & exspirata ab ipsius corpore suauitate ad se allicit: & ne truculento horrendoque ipsius difformis capitis aspectu deterrita diffugerent, illud contegit, & inflexu quodam abscondit: Ita si quid in ipso homine alijs ingratum & odiosum videatur: ratio id omne arte aut vafrie celat. In hunc modum (ut scribit Æmilius Probus) apud Græcos Alcibiades ingenio fuit versatili & ambiguo: qui cum Sparti degens corpus duriter exercebat, cum Ionijs molli, animo iucundo & dissoluto deliciabatur: cum Thracibus ebriosus, cum Persis splendidus: Ita Cameleon ratione præditus, se in omnem figuram efformabat. Cui apud Latinos omnino similis Catilina: de quo hæc Cicero: *Quis in voluptatibus inquinatior? quis in laboribus patientior? quis in rapacitate auarior? quis in largitione effusior?* De hac autem in homine simu-  
lata spe-



Iara specie grauitur apud Euripidem conqueritur Medea: dolore inde affecta, quod ceteris ferme rebus impressa sint quædam notæ, ex quibus scire quis poterit, an veræ vel adulterinæ existant: homini autem, quod ingenio sit vario & volubili, non nota aliqua aut character adfixus sit: ex quibus ipsius latentes sensus dignosci possent.

*Eurip. Med.*

*Heu Iupiter, quid mortalibus auri, certa dedisti indicia,*

*Quæ probumne an adulterinum sit arguant.*

*Virum autem, quo exploremus qui sunt mali,*

*Nullus character est impressus corpori?*

Merito idcirco ab antiquis Philosophis (ut scribunt Clemens Alexan- *Clem. Alex.*  
drinus & Gregorius Nazianzenus) nuncupatus est homo, *ψῦς*, lux, eo *Lib. pedag.*  
quod anima rationis luce omnia despiciat: atque ut existimat Plato, ap- *Greg. Naz.*  
pellatus est à Græcis, *εἰς ὅρατος*, à verbo *ὁράω*, quod significat videre & *Orat. de hap-*  
recognitare: ceterum de intellectu hucusque satis dictum sit. *ist. Euseb. lib.*

Quod spectat vero ad voluntatem, de qua proximo loco disputandum *11. prepar.*  
videretur: pauca solum & breuiter perstringam: in qua quidem quatuor, *cap. 2. Pla-*  
veluti insigniores notæ animaduersionem nostram merentur. Primum, *to in Tim.*  
quod hac virtutis laudis sit principium & origo. Si quæ enim virtus *Quatuor in*  
in nobis effloret, si quod decus capita nostra exornet, ea à voluntate pro- *hominis vo-*  
ficiuntur, quam si quis ademerit, non magis hæc ad hominem, quam ad *luntate pra-*  
brutum animal spectabunt. Alterum est, quo voluntas nostra in actione *capitula.*  
illa quam elicit, vim aut necessitatem pati non possit. Licet enim in alijs *A voluntate*  
facultatibus voluntati subiectis, plurima fiant contra impetum ac defide- *verius &*  
rium voluntatis: nihilominus ad actum proprium, quem ipsa exprimit, *premiunt.*  
ita se habet, ut ad illum nullo modo inuita aut coacta feratur. Vnde D. *Voluntas cogi*  
Thomas: *Sicut ergo impossibile est, quod aliquid sit simul violentum & natura-*  
*ley ita impossibile est, quod aliquid simpliciter sit coactum, siue violentum & volun-*  
*tarium.* Tercium est, quod ea nimirum potestate vigeat voluntas, ut nō *non potest.*  
solum corporis facultates moueat & impellat ad agendum: verum etiam *Voluntas ca-*  
ipsam quoque intellectum operi accingit destinatque. Licet enim (ut præ- *tern anima*  
clare docet D. Thomas) voluntas moueatur ab intellectu, dum illi finem *facultatibus*  
& obiectum proponat, quibus incitetur ad aliquid experendum, (non e- *imperat.*  
nim feratur voluntas nisi in præconceptum) eaque de causa (ut schola lo- *D. Tho. 1. 2.*  
quitur) sicut exercitium actus voluntarij pendet ab ipsa voluntate, ita spe- *q. 2. art. 1.*  
cificatio eiusdem ab intellectu: tamen quod proprium sit solius volunta- *Intellectus*  
tis in finem intendere sub ratione finis: non tamen respicit fines particu- *dependet à*  
lares, ad quos singula naturæ facultates directæ sunt & ordinatæ: verum *voluntate*  
etiam finem vltimum & vniuersalem totius hominis, in quem ceteri re- *quod exerc-*  
feruntur: idcirco vim habet voluntas destinandi omnes animæ facultates, *itium: vo-*  
*luntas ab*  
*intellectu*  
*quod spe-*  
*ciem ab ip-*

N 3

atque



*D Thō. 1.  
part. 4. q. 82.  
art. 4.  
Media  
voluntate  
omnia ho-  
minis in  
finem re-  
feruntur.*

atque inter illas intellectum quoque in vltimum finem naturæ humanæ. Nulla enim potentia alia à voluntate finem intuetur sub hac notione; quod quidem illustrat D. Thomas similitudine cœli & Regis, in hæc verba: Cælum enim quod agit ad vniuersalem conseruationem generabilium & corruptibilium: mouet omnia inferiora corpora, quorum vnumquodque agit ad conseruationem propriæ speciei, vel etiam indiuidui. Rex etiam, quia intendit bonum commune totius regni, mouet per suum imperium singulos præpositos ciuitatum: qui singulis ciuitatibus curam regiminis impendunt. Obiectum autem voluntatis est bonum & finis in communi. Quælibet autem potentia comparatur ad aliquod bonum proprium sibi conueniens, sicut visus ad perceptionem coloris, intellectus ad cognitionem veri: & ideo voluntas per modum agentis mouet omnes animæ potentias ad suos actus, præter vires naturales vegetatiuæ partis, quæ arbitrio non subduntur. Quoniam vero in genere finium Deus sit finis præstantissimus, & quasi finis vniuersalis: idcirco voluntatis erit, tam intellectus quam aliarum facultatum operationes in ipsum Deum, vti vltimum finem, deferre ac destinare. Quartum & postremum est: eiusdem voluntatis quædam libera vis & validissima libertas. Ex qua nullis occurrentibus malis (ni ipsa velit) ab officio virtutis impediri poterit. Mortis & omnis carnificinæ horror cum in quempiam grassatus fuerit; amor tamen, qui in voluntate dominatur, animos recipiet à pauore: atque quælibet intrepidè aggredietur: quia fortis est vt mors, immo morte fortior dilectio. Nō blanda concupiscentia, ad voluptatem pelliciens, hanc vim emollit voluntatis: non exterius intentata mala illam expugnant: sed quem voluntas amore aut odio armauit, impavidus ille etiam nudus inter districtos gladios volitabit: ad præcipitia ipsa, veluti ad deliciarum prata, festinabit: de qua re plura inferius disputanda.

*Voluntatis  
vis inni-  
ta.*

*Cant. 7.*

*Memoria  
vis.*

Demum quod ad memoriæ insignem virtutem attinet: quis illam iure non suspicit & demiratur? est enim hæc fidelis custos eorum omnium, quæ elapsa defluxere: quæque sensus aliqua sui specie perculerunt. Atque ex istorum in memoria digestorum intuitu, omnem suam scientiam intellectus, quam experimentalem dicunt, mutuatur: in rebus administrandis principatum & arcem tenentem. Et ex hac præteritorum recordatione plurimum quoque delectari solet humanus animus. Istius quidem memoriæ sinus tam vastus est & expansus, vt infinita propemodum in se complectatur, visa & sensata omnia ab ineunte ætate, vsque ad senectutem decrepitam seruet tenacissime: illoque ordine hæc despicienda proponit, quo vel gesta vel sensu excepta fuisse. Hac firma fidelique memoria rerum ac verborum instructus orator: tutus rostrum conscendit: vbi sermonis nitore ac libertate vsus, vehementius audito-  
rum



rum animos cōcitabit, vnus multis preerit, ac infinitam concionem, quā illi libuerit, impellet.

Cum itaque humanæ conditionis eximiam præstantiam istis competentam habeamus: hinc innotescit vitam nostram hanc instituentem ex arbitrio appetitus aut sensuum imperio: quandoquidem in nobis ratio suprema sit. Sed neque in alijs bonis adipiscendis collocanda erunt nostra studia: quam in illis, quæ rectæ rationi cōsentiunt & cum illa conspirant. Quisimodi non sunt voluptates fœdæ, sensuum illectamenta sed virtutes solum, quarum pulchritudinem & colorem non sensus sed ratio contemplantur.

*Vita ex ratione non sensu.*

*Differtur de præclaro naturæ bonæ ornamento ex eius libero arbitrio: quod cum hæretici è medio auferre conentur; ipsius communis naturæ hostes apertè sese ostendunt ac produnt.*

## CAPVT XII.

**Q**UAM nefarius ille humani generis hostis omnium plane virtutum semina voluntati nostræ diuinitus iniecta, eiusque opera & industria honestissimarum actionum vberissimos fructus iam edictos esse animaduerteret: uti decus hoc ac gloriam praua aliqua opinione infuscarer ac corrumpere: atque homines ad bene viuendum languidos & enervos redderet: conatus est partim istrophis Philosophorum, partim vero hæreticorum iniurijs cuiusdam fatalis necessitatis assensum hominum animis inferre. Vnde non libero arbitrio laudem aliquam aut virtutis ei solamentum accidere, sed quod necessitate pressi essemus & constricti, otiose à fato omnia expectanda fore, crederemus.

*Quare sepius impugnamus liberum arbitrium.*

Philosophi quidem ex cœlestium corporum in hæc inferiora perenni influxu, humanarum actionum forum quoddam provenire dixerunt. Ita inter hæreticos Bardesanes quoque ex schola Valentini (ut scribit diuus Augustinus) arbitarius est Preillianus etiam & alij idem sensuerunt: affirmantes negotiationum omnium rationes, quibus humana vita distinguitur, in cœlestibus sphaeris, veluti tabulis, siderum positura, uti characteribus descriptas esse & incisas: adeo ut in illud homines summa necessitate adigantur, in quod cœlestium corporum virtutes illos destinât, & quasi

*Philosophi impugnant liberum arbitrium influentia cœlestium.*

*August. de hæres. cap. 35.*



*Provi-  
den-  
tia Dei  
quidam  
excluserūt  
liberum  
arbitriū.*

*Tres Par-  
ce.*

*Vis ge-  
nethliaca.*

*Demon  
fatum ag-  
noscit.*

*Euseb. 5.  
lib. prap.  
cap. 3.*

*Mani-  
chæus ne-  
gat libe-  
rum arbi-  
trium.*

& quasi præcipientes ferunt. Alij vero, ne Deo rerum omnium notitiam & susceptam curam adimere viderentur, ipsius Dei providentiæ, tanquam causæ necessario influenti, nostrarum actionum euentus omnes ascripserunt: existimantes singula ita ex fato cuilibet obtingere, quemadmodum diuinæ providentiæ legibus decretum & sancitum fuerit. Quod ut significarent luculentius, tres Parcas introduxerunt, quarum muneribus vniuersa Dei providentia contineretur. Illarum primam nuncuparunt Lachesis, à verbo græco λαγχάνω latinè contingo: eo quod vnicuique ex statuto diuinæ providentiæ sors quædam adueniat: non quod putarent casu aliquo aut fortuito quidpiam incidere in humana negotia: volunt enim omnia in decretis diuinis firmissimè atque definite esse defixa cum necessitate euentuum: sed sortem appellarunt ideo, quod hominis potestati aut consilijs subiectum non sit hanc aut illam vitæ rationem inire & consecrari. Alteram dixerunt Atropos: à verbo τρέπω, verto. Quandoquidè perenni quodam cursu susque deque euenta omnia ferantur, rerum, temporumque vicissitudini pareant, neque in eodem loco aut statu subsistant diu: bona siue mala, læta an acerba extiterint. Tertiam nominarunt Clothas, à verbo κλωω, inuoluo: ea nimirum de causâ, quod quæ diuinis decretis stabilita sunt, ita hominem implicent & inuoluant: ut omnis illi pereat excussa que sit libertas: ac ipsum quasi catenis ligatum & pondere quodam depressum teneant. Immediatam vero tantæ necessitatis causam, vim quandam assignarunt genethliacam, homini ab ipso ortu eius inditam, illumque in vitæ decursu concomitantem; siue hæc sit cuiusdam genij boni malive in nos imperium, siue planetis occulta qualitas inserta. Hanc vero de fato sententiam (ut scribit Eusebius Cæsariensis) tulit oraculo vocali vsus ipse dæmon. Cum enim cuiusdam viri bello supra modum addicti, qui ipsum diligerent amici, videntes quod in horas innumeris vitæ periculis objiceretur; atque hætenus in cassum consilia monitaque, quibus à turbulento & martio illo vitæ genere sæpius auocatus fuerat, recidisse: scissitati sunt Delphis ab oraculo, quænam esset causâ, quod ita bello, cæde, & sanguine iuuenis ille delectaretur: ipsis respondit dæmon:

..... Mars eum genethliacus concitat.  
Esse enim certum, stabile, inuiolabile semper  
Quidquid nent fucis parca, Rex iussit Olympi.

Manichæus vero (ut omnes humani arbitrij hostes tanquam monstra quædam è suis latebris ad conspectum solis euocemus) aliunde hæc in homine libertatem comminutam deletamque esse voluit. Continuata quadam serie ab ipso Simone mago diaboli primogenito, ad manichæum usque,



vsque, de duobus principijs æternæ quædam sententia est deuoluta. Vnde docuit iste binas esse in homine mentes, bonam vnam alteram malam: & quidem à mala asseruit nefarias omnes turpesque actiones promanare: eaque necessitate, vt ab homine cohiberi aut euitari non possint. Manichæo his nostris temporibus applausi Lutherus, Ioannes quoque Caluinus sub eius vexillis merens, Christi nomen & communem omnium naturam impugnavit. Isti quidem eodem sensu concilioque liberum arbitrium negant: dispari tamen argumento: volunt etenim hi delictum protoplasticæ naturæ humanæ ita violasse & perfrangisse, vt liberum eo arbitrium singulis hominum excusserit: finis autem quem isti prospectant, tamen in speciem sacris quibusdam verbis eum occultent: licentia est ad peccandum, ad delinquendum, ad quidlibet demum actione suscipiendum, quod à voluptate suadeatur. Hæc tacitis cogitationibus agunt, imò apertis librorum sententijs profitentur. Quid? an non Lutherus longius in errore progressus est, quam vllus temerarius licet & insanus Philosophus, vel insanus quilibet hucusque hæreticorum? Illius libidini errandi satis non fuit, quod asseruit liberi arbitrij munere spoliata esse naturam nostram: verum etiam bonas quolibet actiones, voluntati à Deo solo, tanquam efficiente causa, forinfectis imprestas esse statuit, ac secum definiuit: perinde ac voluntas nostra tanquam truncus iaceret exanimis, ac se passivæ tantum in honestis concilijs habere. Satis demirari non possum stultitiam & insaniam istius hæresis & apostatæ. Quid enim tepius in sacris literis inculcatum, quid clarius explicatum? quam quod ipsi homines diuina gratia corroborati Deum amant & colunt, quod poenitentiam agant, & reliquarum virtutum munera exequantur? quæ sane nullus præstare diceretur, nisi voluntas ipsius conatum quendam vitalem adhiberet: quemadmodum nec is nominaretur Apelles, cuius dorso alius colores Apelle dignos inferret. Sed huic barbaro occludatur os auctoritate diui Augustini sic prolo-

*Liberum arbitrium negatur licentia causa.*

*Voluntas ad bona opera non se habet passivè.*

*D. Aug. li. 2. de peccat. mer. & remiss. cap. 5.*

*Quid ortho- doxi sentiant de libera arbitrio.*

quentis: Non sicut in lapidibus insensatis, aut sicut in eis, in quorum natura rationem voluntatemque non condidit, salutem nostram Deus operatur in nobis. Verum intellexi, hoc Lutheri multum ipsimet ignominiam & casum peperisse, suis quoque affectibus pudorem inculcasse: iam enim dicunt passim sectarij hunc gravem lapsum Luthero, tanquam altero Noë Patriarchæ, condonandum: sententiam idcirco eius parum corrigentes, hominum actiones supernaturales, veluti fidei, spei & caritatis, spontaneas ac vitales conatus esse volunt, nullo tamen modo liberos.

Orthodoxi vero operationes hæc contendunt non solum spontaneas esse, hoc est à voluntate profectas, vti à vitali quodam principio ac mente

O

cognos-



cognoscente singula (vt loquitur Philosophus) verum etiam liberas esse: ita vt illas possit homo suscipere, vel ipsidem abstinere, Deo excitanti consentire, aut ab eiusdem gratia dissentire: denique bene agere ac peruerse. Quæ cum à nobis asserantur, grauius & atrociter in nos sectarij (sed ex summa extremaque inscitia) veluti in Pelagianos inuehantur: hostes vocant passionis Christi & Babylonice turris, in Dei contemptum, temerarios extructores. Caterum ostendemus primo orthodoxorum sententiam de libero arbitrio, ab erroris Pelagiani vel vmbra quidem longissime distare: mox ea dilucide exponemus, quibus hæc illorum doctrina continetur: tandem probabimus ipsius Dei, virtutis, Reipublicæ, orbis, naturæ terribilissimos esse hostes, qui liberum arbitrium, honestarum actionum causam & principium infringunt, & pessimo quodam dogmate conuellant. Neque præstigijs verborum connixi, sed veris solidisque ex naturis ipsarum rerum desumptis argumentis vsi, hoc efficiemus.

*Quid actio spontanea.*

Imprimis autem definiendum videtur quidnam sit actio spontanea, & quo discrimine à libera & voluntaria operatione secernatur. Spontanea quidem actio conatus est ab ipsa voluntate expressus, effectusque eiusdem vitali quodam influxu, cum cognitione eorum, quæ ad eam actionem spectant. Atque istius rationis sunt in vniuersum omnes plane voluntatis appetitiones, etiam temerariæ & inconsideratæ, necessariæ, atque liberæ: siue fiant à sapiente aut à mente capto, à vigilante aut dormiente: denique sponte id omne volumus, quod volumus. Voluntaria autem & libera actio illa est, cuius principium voluntas in homine sciente quidnam actione suscipiatur: Ita vt in potestate eiusdem voluntatis sit operari vel non operari, actionem elicita protelare, vel incepta abstinere, hoc moliri vel oppositum eius. In qua descriptione tria mente sunt distinguenda. Primum est, quod actio libera fiat ab intelligente singulari: id est ab illo, qui mente contemplatur operationis obiectum: quod etiam commune habet cum actione spontanea: hæc enim exoritur ab aliqua faciendi operis in mente notione impressa. Alterum est, quod effectrix causa cuiusvis molitionis libere existit, ipsa nempe voluntas: emanat etenim huiusmodi conatus à quodam principio homini intrinseco vitali & animæ ipsius insidenti. Proinde operatio libera non est omnino quid extrinsecus illatum & ingestum in voluntatem, vt cum quibusdam Nominalibus delirauit Lutherus. At hoc quoque totum sibi vëdicat actio spontanea, vt pote quando subitanea aliqua mentis agitatione exorra, præsentē quoque rationis quadam incuria, perculsus appetitus ita abripitur, vt ex quadam necessitate aliquid appetat vel odio prosequatur.

*Quid actio libera.*



quatur. Cuiusmodi ante plenam circumspectamque intellectus animaduersionem, dicuntur motus illi temerarij, quos Theologi appellant primo primos. Ille siquidem actiones concitat, spontaneæ sunt & à voluntate operante vitaliter progresse. Tertium vero est, quo aperta discrepantia dirimitur actio libera à spontanea. Libera quidem in triplici agendi forma reperitur; prima exiit, quando agentes aliquid, expressam actionem protrahere possumus, vel eius cursum abrumperere. Altera qua possumus operari & desistere ab omni opere. Tertia quando in nostra potestate situm est hoc aggredi, vel eius oppositum, peruersè aut bene nos gerere. Duplicem tamen in vniuersum constituunt Theologi operationis libera speciem. Vel enim poterit voluntas operari, vel non operari, saltem in illa temporis mora: atque tunc aderit libertas nuncupata quoad exercitium actus; qua quidem liberrate vñus est Christus Dominus in actionibus virtutum. Vel operari valet hoc & eius oppositum: & tunc dici solet libertas quoad specificationem: quam quidem non habuit in multis Christus Dominus, quandoquidem ex vi visionis beatifica & vnionis hypostaticæ peccare non potuerit, aut à voluntate patris sui vel latum vnguem deflectere. Prior quidem libertas satis est ad actionem laudabilem & premio dignam. Vtraque autem in actionibus ferme omnibus humanis, etiam à gratia Dei propagatis, reperitur. Quantumvis enim homo perfectus sit, & quoscunque demum in virtute progressus fecerit, adhuc tam vitia quam morum probitatem poterit sectari. Quædã tamen exiunt bonorum genera naturis suis ita expetibilia, hominisque appetitui grata; vti odio haberi non possint ab homine, seiunctis illis malis, quæ accidentario accessu ea comitantur: qualia sunt, vitia, virtutes, scientia, beatitudo, & huiusmodi. Hæc autem duplex libertas radices infixas habet in duplici animæ noticia. Vel enim accincti ad opus aliquod, malum deprehendimus sine sensus siue rationis in ipso exercitio actus: vel in eiuſdem obiecto. Ex priori oritur libertas quoad exercitium, qua appetere aliquid possumus, vel non appetere: ex posteriori propagatur libertas quoad specificationem, vtpote qua valeamus in hoc aggredi, vel in eius oppositum ferri, bene vel male operari. Atque ex istis satis dilucide descripta videtur actio voluntaria & libera, atque à spontanea legitime discreta.

Verum quod istius libertatis in hominum actionibus assertores Catholicos, à sectarijs hæresis Pelagianæ instimulari solent: aperte constat ipsos sectarios, qui etiam cum Pelagio errant, penitus ignorasse modum, quo errauit: atque hac in re, patenti calumnia suam ipsorum inscitiam ostentasse. Pelagius itaque orthodoxis patribus plus satis visus est libe-

*Differentia  
actionis spō-  
taneæ & li-  
beræ.*

*Species ope-  
rationis li-  
beræ.*

*Imperit  
moderni se-  
ctarij Pela-  
gianismum  
affingunt  
orthodoxis.*



rum hominis arbitrium extulisse: quod ita assertum voluit, quasi absque omni interna ex Christi meritis in nos influente gratia de se Dei legem valeret implere: sic ingruente quocunque importuna suggestionis flatu, studiose ac bene operari, ut iustis operibus à solo arbitrio expressis, felicitas æterna, veluti stipendium quoddam sit redonandum. Gratiam tamen quandam agnouit Pelagius: illamque in Concilio quodam coactò in palestina, uti Christiano homini necessariam, palam proclamauit: sed verbo tenus; artificiose enim (ita ut ingenium est hæreticorum) hæresim suam contexit, quò & orbi terrarum latentius illuderet. Gratiæ etenim nomine intellexit ipse acceptum creationis dono ipsum liberum arbitrium: quod vnicuique hominum gratis, neque ex meritis conferri bene sciuerat. Aliam quoque gratiam admisit: euangelicæ nimirum legis promulgationem, Christi & Apostolorum eius ministerio orbi gratis exhibitam. Quibus verbis expressus Pelagij error sæpius est ab Augustino refutatus. Atque hunc ipsum Pelagij sensum satis bene adsequuti sunt illi patres, qui eius errorem excutientes, in hanc formam ad Innocentium Papam eam scripto detulerunt: *Isti autem asserunt, sicut à fratribus, qui eorum libros legerunt, cognouimus: in eo Dei gratiam deputandam, quod talem hominis impertiuit creauitque naturam: quæ per propriam voluntatem legem Dei possit implere, siue naturaliter in corde conscriptam, siue in literis datam. Eandem quoque legem ad gratiam pertinere; quod illam Deus in adiutorium hominibus dedit. Atque ex sententia concilij Mileuitani, qua perculsus fuit Pelagius: vel tardo cuiuslibet conijcere licebit in quibusnam positus fuerit eius error. Sic autem se habet: Quisquis dixerit eandem gratiam Dei per Iesum Christum Dominum nostrum, propter hoc tantum nos adiuuare ad non peccandum, quia per ipsum nobis reuelatur & aperitur intelligentia mandatorum, ut sciamus quid appetere quid vitare debeamus, non autem per illum nobis præstari ut quod faciendum cognoscimus, etiam facere diligamus atque valeamus: anathema sit. Nullibi autem Pelagius damnatur, quod liberum arbitrium asseruerit, sed quod Christi gratiam internam negauerit: neque aliquis est, qui non videret Lutherum & Calvinum eodem plane errore cum Pelagio inuolutos in eandem arenam temerario cursu impigisse. Negauit quippe Pelagius interiorem gratiam, quæ animæ sordes elueret, quæ adoptionis filios & vere iustos constitueret: eandem pernegant Lutherus & Calvinus: Pelagiani idcirco gratiæ ac Christi cruci iniunij. Quos quidē refutat D. Aug. ex illo Apostoli: *Non in tabulis lapideis, sed in tabulis cordis carnalibus.* Hanc etenim gratiam interiorem, animæque secreta penetrantem, charitatem esse dicit diffusam in cordibus nostris per Spiritum sanctum, qui veluti digitus ipsius Dei, non tabulis lapideis vitæ normam inscribit ad terrorem, sed aliam*

*Quid Pelagius sensisset de gratia.*  
Tom. 1.  
Conc. edit.  
sur. pag.  
347.

*D. Aug. de hæres. hæres. 8.  
ep. 95.  
Tom. 1.  
Conc. edit.  
sur. pag. 341.*

*Concil. Mileu.  
6.4.*

*Lutherus & Calvinus Pelagiani.*

*2. Cor. 3.*



aliam legem hominum cordibus infert ad amorem & iustitiam. Sic autem loquitur D. August. *Uic autem Spiritus Domini, cuius dono iustificamur: D. Aug. de quo sit in nobis ut non peccare delectet. Et post: Charitas quippe Dei dicta est diff. Spirit. & la. fundi in cordibus nostris, non qua nos ipse diligit, sed qua nos facit delectos suos, cap. 16. & sicut iustitia Dei, qua iusti eius munere efficiuntur, & Domini salus, qua nos saluos facit, & fides Iesu Christi, qua nos fideles facit: hac est iustitia, quam non solum docet per legis preceptum, verum etiam dat per Spiritus donum. Eadem profecto sententia D. Augustinus Pelagium, Lutherum, & Calvinum iugulauit. Facessant idcirco Pelagianos nauos & vlcera Catholicae integritati amplius affingere: cum ipsi potius Pelagio consentientes Christi gratiam atque veram eius iustitiam pessimo quodam dogmate expugnent. Nos vero Pelagianam superbiam, veluti elatum quoddam precipitium declinamus, gratiam Christi fatemur, illamque internam nobis inspiratam, iustitiam, inhabitantem agnoscimus, sine qua ad iustitiam atque felicitatem consequendam, fractum & inualidum iaceret hominis liberum arbitrium. Discipuli sumus illius scholae, in qua Spiritus sanctus ita est effusus: Si quis dixerit sine praeueniente Spiritus sancti inspiratione, atque eius adiutorio, hominem credere, sperare, diligere, aut penitere posse suus oportet, iuss. 6. ut ei iustificationi gratia conferatur, anathema sit. Quae omnia recensita a Concilio Tridentino. Quae omnia recensita a Concilio Tridentino. Conclitio Trid. diuinae gratiae atque interius hominem afficientis effecta esse profitemur: ita ut omne illorum initium ab hac Dei gratia dimanet: quamque cum eadem magistra veritatis, hominibus gratuito munere a Deo impertiri agnoscimus, & propter nulla ipsorum merita donari. Declarat praeterea ipsius iustificationis exordium in adultis a Deo per Christum, Iesum praeueniente gratia sumendum esse, hoc est ab eius vocatione, qua nullis suffrag. cap. 5. eorum existentibus meritis vocantur. Adhucne Catholicos apud imperitam plebeculam quasi Pelagianos traducet Calvinilla? at ipsum istis melius edoctum auguro. Transeo itaque ad secundum quod institueram, nimitum ut ostendam quam ratione ab orthodoxis liberum hominis arbitrium adstruatur.*

Omniū quidem orthodoxorum calculis illorum sententia comprobatur, qui diuinā gratiam libero reddunt cohaerentem arbitrio: ita ut eligenda vis arbitrii sit gratia Dei adiuta, interim eius libertas maneat illaesa atque inuiolata: quorum prius Pelagianam superbiam eliminat, posterius humanae naturae dignitatem tuetur & defendit. Eo etenim iam ex peccato imbecillitatis deuenimus, vti fractis viribus concussi & quasi morbo confecti Christum salutis authorem, veluti in eremo ad sanitatem erectum serpentem respicere fidei oculis debeamus. Nec quidem Christus, tanquam legislator aliquis aut doctor, externa voce aut sensibili



aliquo signo animos nostros ferit tantum ac pulsât, sed vt pius Redemptor in animæ recessus liquorem & splendorem suæ gratiæ transfundit, vitiorum fæces abluit, peccatorum vulnera ligat, infirmitatem corroborat atque sustentat: denique vt loquitur Psalmista: *Renouat faciem terræ.* Ea idcirco Christi Ecclesia via incedit in hoc dogmate de libero arbitrio, quæ media est inter extremos quorundam errores, vtpote Pelagij auferentis gratiæ firmamentum, Manichæi, Lutheri, & Caluini negantium libertatem arbitrij. Quam quidem mediocritatem adnotauit D. Hieronymus: *Sic respondemus manichæorum esse hominum damnare naturam, & liberum auferre arbitrium, & adiutorium Dei tollere: rursum aptissime insania hoc hominem dicere, quod Deus est: & sic ingrediendum via Regia, vt nec ad dextram nec ad sinistram declinemus.* Iudicio idcirco D. Hieronymi si standum sit, qui excludunt liberum arbitrium, ipsam hominis naturam violant & pessundant. Rursus qui gratiam Christi internam abijciunt, fastu quodam animi abrepti, crucis inimici euadunt, & altius elati misere feruntur ad ruinam. Neque est quod dicat Pelagius, ablatum eo ire ex sententia Catholicorum liberum arbitrium: quâdo affirmant ipsum non sufficere sua naturali vi ad omnem virtutis actionem præstandam. Nam cum Hieronymo illi respondebo: *Frustra blasphemas, & ignorantium auribus ingeris, nos liberum arbitrium condemnare: damnetur ille qui damnat.* Et cum D. August. *non sic defendimus gratiam, vt liberum arbitrium auferre videamur: rursum non liberum sic asserimus arbitrium, vt superba impietate ingrati Dei gratia iudicemur.* Veritas itaque Catholica hisce à Concilio Tridentino vsurpatis verbis definitur & statuitur: *Ita vt tangente Deo cor hominis per spiritus sancti illuminationem, neque homo ipse nihil omnino agat, inspirationem illam recipiens: quippe qui illam & abicere potest: neque tamen sine gratia Dei mouere se ad iustitiam coram illo libera sua voluntate possit.* Quocirca in operationibus quæ supernaturales dicuntur, vtpote fidei, spei, & charitatis: præterea etiam in moralibus, in quibus singularis aliqua inest difficultas, Spiritus sanctus iniecta quadam cogitatione mentem collustrat, quæ voluntatem allicit ad consensum: quousque illius gratiæ vis & potestas extenditur, quam operantem nominamus: deinde liberum arbitrium eadem inspiratione corroboratum, ac eiusdem energia quasi per gratiam cooperantem, virtutis tandem exprimit consensum: à quo tamen quantumuis diuina gratia excitatum fuerit, innata sibi libertate poterit resilire. Dum itaque id facit voluntas, in quod eam gratia impellit, diuini auxilij vis in nobis commendatur. Dum vero ita facit, vt etiam facto abstinere valeat, ipsius naturæ nobilitas elucet: sine qua nulla prorsus virtus in nobis floreret, laus nulla vitam nostram condecoraret, nullum præmium insumptis à nobis laboribus

*Psal. 103.*

*D. Hier.  
in prohem.  
Dialog.*

*D. Hieron.  
sup.  
D. Aug. de  
lib. arb. &  
grat.  
Concil.  
Trid. sess.  
6. cap. 5.*



ribus in iste responderet: quæ omnia absurditate sententiæ apud sectarios apertissime proloquuntur: de qua pauca vltimo in loco exponenda sunt.

In illos ideoque qui opinione sua excussum penitus homini liberum arbitrium contendunt, duplici de causa grauius & vehementius orthodoxi patres declamarunt. Primo, quod in diuinam providentiam blasphemie, deinde quod in hominis ipsius naturam nefarie insurrexerint: de quibus singillatim rectoque ordine disputandum. Ea est Dei in homines deprecanda clementia & indulgentia singularis, vt (quod & scripturarum testimonijs passim consignatum reperitur) acrioribus sæpe adhortationibus, tanquam eiectis de cælo fulminibus hominum corda tangentibus, signis & prodigijs illorum animos sæpius pulsaret, qui a virtute ad vitia pedem delflexerant; vt eos exterritos reuocaret ad penitentiam, ad iustitiam & meliorem demum frugem transferret. Hac ipsa de causa tot tantique labores à Christo Domino in carne impesi, tam frequentes conciones ad populum habitæ, hunc ob finem lachrymæ vbertim ab illis purissimis oculis distillarunt, & e viua ipsius corporis petra in hortum Ecclesiæ sanguinei riuus defluerunt: vt quorundam obfirmati in sceleribus animi, vt obliuata mentes ferreum illum rigorem deponerent, & summa quadam emollitiæ temeritudine, mansuescerent: vt e cæno & sordibus suorum vitiorum, quibus obruebantur, excitarentur. At quorsum (si verum dicant sectarij) hæc diuinæ providentiæ & misericordiæ progressio: cur in æterem & ventos diuinæ effusa verba perunt? cur hominibus sic illudit Deus? cur surdos adloquitur? montes aut pisces inuitat ad volatum? obedire, audire, præstare officium non possunt, quibus liberum deest arbitrium. An non inanes & per ludibrium emissa fuerunt voces illæ Dalilæ, quando Nazarena coma Sampsoni abscissa, exclamauit: *Phylisai super te Sampson?* cui ita respondere potuit Sampson: Heu, quam graue est mihi malum in Allophylosum manus nunc incidisse: verum frustra iam admones Dalilæ: etenim capitis mei cæsarie amissa, nec fuga potero me hostium turmis subducere, neque cum illis probabili aut dubio Marte confugere. Ita qui suorum delictorum pondere pressi inferius detinentur, qui fidei radio animum illustratum non habent, non spe confirmatum, aut accensum charitate, Deo adhortanti & desuper intonanti dicere possunt: vt quid Domine, illæ tuæ voces incassum feruntur? quorsum minæ in pectus meum euibrantur? quare tetendis arcum, & sagittas educis de pharetra tua in vltionem scelerum meorum? credere enim non possum, spe animum erigere nequeo, amoris flamma hoc pectus frigore cōcterum, accendere non valeo: surdo canis, truncum alloqueris, præscisa est mihi coma cum Sampson, effossi oculi, roboris & virtutis brachia loris

*Abfurda  
eorum sen-  
tentia, qui  
negant li-  
berum  
arb. & in  
Deum  
blasphema.*

*Iudic. 16.*



constricta: interim tu me ita debilitatum ad labores inuitas, cęcum iubes in solis splendorem intendere, detruncaris pedibus, ad currendum viam mandatorum tuorum me frustra hortaris. Tu ipse truculentum illud malū, omnibus furijs seuus & immanius, peccatū nimirū originale in orbē terrarū inuexisti: quod animi mei & corporis nervos elisit, quod oculos extinxit, quod aures obturauit: denique vim omnē ad virtutē mihi penitus exscidit. Sane ex hæreticorum sententia iustissima hæc flagitio sorū conquestio videbitur. Verum falluntur, vana aut inanis non est hæc Dei in homines cura: non res aliqua ludicra, aut ad speciem elaborata, vt impie & cum blasphemia sentiunt hæretici; sed seria omnino, quæq; Deum deceat, hominumque indigentis optime conueniat. Nō ergo amisit homo liberum arbitrium, quin adhuc possit Deo sollicitanti ipsum, officiū præstare, vel etiam rebelli voluntate eiusdem autoritatem defugere.

*Dei admonitiones probant liberum arbitrium.*

Porro quando in sacris literis profitemur Deum se exosam habere omnem iniquitatem, eam præsertim, quę cū fide, spe, & charitate depugnat: atque peccatis coinquinatos, futuros dicit escam & fomentum ignis infernalis: luculenter satis inde constat, homini adhuc, quātumuis grauius peccato originali concusso, liberum superesse arbitrium. Quis enim iuste æternis illis supplicijs addicitur, nisi in ipsum culpa vituperio digna inciderit? verum quod diuinis vocibus hic fidem derogat, quod in diuina bonitate spem & præsidium vitæ suæ non collocet: quod proximum, licet sibi inimicissimum & infestum, tanquam seipsum non diligat: acerbissimis illis pœnis plectetur: quamobrem ne iniusta, crudelis, aut minime ferenda Dei circa homines prouidentia decernatur: fatendum erit cruciatibus destinatos, scelere prius se nequiter obstrinxisse. Quod verum non videbitur, nisi concesserimus pariter illos non solum sponte, sed etiam libere in eas animæ noxas incurrisse: ne eque iuste finem habenti nasum, ac illis incendium paratum esse exultimarem. Ita præclare disputant Clemens Alexandrinus, Basilus, Damascenus, Eusebius Cæsariensis, & alij.

*Clem. Alexand. 2. Strom. Basil. lib. quod Deus non sit auct. mal. Damasc. li. 1. orth. fid. cap. 3. Euseb. lib. 3. præparat. cap. 8. Homo non esset causa peccati, sed Deus, si non esset in homine lib. arb. Euseb. 5. lib. præpar. cap. 5.*

Imo quod maius est, sublato amotoque semel ab homine libero arbitrio: si culpæ aliquid contineat in Deum esse infidelem, irreligiosum, aut maleuolum: istorum peccatorum sordes Deum potius vti illorum auctorem & causam afficient, quam ipsum hominem. Quod quidem sancti Patres dicere merito exhoruerunt: & ex huius absurditate, liberi arbitrij veritatem legitime intulerunt. Ita Eusebius Cæsariensis: Nam siue cū videat vniuersa, cunctisq; adsit, peccare cogit homines, siue stellarum motui vim cogendi concessit: ipse certe aut per seipsum, aut per orbis cælestes, quasi per organum, nolentes homines ad vitia impellet: quare non iure homo, sed ipsius Creator peccator erit,



tor erit. Ea propter siue in naturalibus siue supernaturalibus actionibus vitium aliquod & peccatum inesse quis credat, nisi ad illud patrandum liberum accedat arbitrium; vel si æstimemus ipsius Dei opera hominē priuatum & destitutum omni auxilio sufficienti ad euitanda delicta, nō homo, sed Deus (quod tremo proferre) peccator erit. Nam quomodo iure culpandus aut inculandus, qui crimen refugere non potuit? At tu impie Calvinista dicis, in pœnam delicti originalis Deum illis, quos est reprobaturus in extremo die, omne prorsus auxilium gratiæ denegasse, illorum sensus ita hebetasse & consternasse, vt in totius vitæ decursu credere, sperare, amare nō potuerint, aut à prauis moribus desistere. Nihilominus fateris, quod hæc virtutum officia neglexerint, ideo in inferno castigandos. Nosti etiam hos eosdem sapius à Deo admonitos, vt resipiscere velint: ac vt Christi cruorem imbibentes, scelera ne uos abstergerent: interim tamen contendis, ita exceptos pœnis, hoc pacto diuinis vocibus excitatos, nihil dam vituperio aut dedecore dignum patrassent. Quousque obsecro istius immanis & barbari dogmatis audacia erupit, cum ipsum Deum insigni blasphemia, quasi atro quodam speculo, petierit? Quare qui liberum ab homine exterminant arbitrium, vel nullam prorsus exinde Deo superesse providentiam definiunt, aut illam certe statuunt, quæ iniusta est, probrosa & insana: quamque recte de Deo sentientium animi audire recusant & auersantur.

Altare caput, vnde argumentum petatur contra insulam hanc sceleratorum temeritatem, illud est: quod qui liberum arbitrium humanis negotijs eximunt, ipsam pariter hominis naturam violent, & à dignitatis suæ loco ad scerinam quandam ignobilitatem deturbent. Quid enim in homine speciosius, quid ornatius despici poterit, quam virtutis flos, secta illa præclarissimarum actionum varietate contexta, diadema illud & corona tot trophæorum insignibus nobilitata? Quid spectabilius quam delectis & profligatis prauis amoribus efficere, vt vnicus Dei amor in pectoribus nostris ardeat, floreat, & palmam de hoste reportet? Quid optabilius quam hic bonorum virorum iudicijs approbari, illorum applausu excipi, laudum stipendia, ipsam quodammodo æternitatem promereri? Iniqua truculenta illa morte hominum fama & memoria vigere, virescere, in altum suscolliri, solis radijs vestiri, in omnium oculis summa cum animorum admiratione versari? verum hæc omnia, tam præclara, tamque eximia bona, manibus nostris excutientur, nos præteruolabunt ac deferent: si nobis liberum arbitrium hæreticorum fraudibus eripi patiamur. Vnde enim queso hæc vitæ commoda & ornamenta brutis non obtingunt: nisi quod ratione destituta, libere non ferantur in concupita,

*Hæresis natura  
ra qui negat  
lib. arb.*

P

sed to-



sed temere & inconsulta quadam necessitate? At hæreticorum sententia, eadem omnino actionum necessitas hominem tenet & inuoluit, quæ brutum: proinde ad id quod agit sic impellitur, ut bos appetitu feni exstimularus pabulum quærens: non maior proinde homini quam ipsi ex bene gestis laus debetur aut pramium. Præclari quidem hæretici, qui noua sua luce euangelica, cæteris omnibus cęcutientibus, soli post tot sæcula, homines bouibus æquiparandos conspexerunt. Quæro abs te Calvinista: num qui deliquium mentis patitur, aliquid supplicio aut vituperio dignum agat necne? haud ipsum agere dices autumo (ni pro demente pariter velis haberi) ulterius modo à te huius rei rationem peto; eam proferes, quod furore percitus licet sponte agat, nihilominus cum in contrarium concilia mutare non possit, actionem non exerceat humanā, vnde & scelere vacabit. An non vides ex istis à te prolatis, excusso libero arbitrio, virtutis florem extinguere, actionum præmia defluere, ac sic ipsam hominum societatem discinctā fore & dissolutam? Ita sentit Eusebius Cæsariensis: *Si esset fatum, iaceret omnis Philosophia, iaceret pietas, nulla esset laus virtutis, nullus fructus laborum, nec puniendi essent improbi, nec admirandi studiosi: si non libera voluntate & nostra sponte susceptis laboribus, sed necessitate factorum hæc fierent.* In eandem quoque sententiam differit Clemens Alexandrinus, vir (ut scribit diuus Hieronymus) in omni literarum genere excultissimus: *Sed nec laudes, nec vituperationes, nec honores, nec supplicia iusta sunt, si anima non haberet liberam potestatem & appetendi & aggrediendi, sed sit vitium inuoluntarium.*

*Euseb. 5.  
prepar.  
cap. 5.*

*Clem.  
Alex. 2.  
strom.  
D. Hier. li.  
de scrip. in  
Clem.*

*Qui negat  
lib. arb.  
hostes sunt  
cuius so-  
cietatis.*

*Euseb. lib.  
5. prepar.  
cap. 8.*

Verum quod de istis fusius sequente libro disputaturi simus: hoc vnum duntaxat in præsentiarum attexam: nimirum illiberalem & monstrosam hanc hæreticorum sententiam, ipsam quoque civilem societatem conuellere & dissipare: ut nullum demum humanæ vitæ præsidium tutum sit à rabie & furore istorum hominum. Si enim liberum arbitrium nobis amplius non supersit: quorsum delinquētes sanguine luunt, quod admiserrunt? quorsum adhortationibus in vita socios ad virtutes inflammamus? Quæ quidem functiones adeo ipsius hominis naturæ adiunctæ sunt, ut neque ipsi hæretici earum curam penitus abijciant: castigant enim ipsi transcurrentes leges ipsorum, grauiter illis succensent, omnibus suis sectas suadent, Catholicis sanguinarias manus iniiciunt, eorundem admirantur obfirmatos animos, dum ipsis nolint consentire: quod euidentissimo argumento est homini adesse liberum arbitrium, tanquam eius parrem, & naturæ penitus infixam. Hoc animaduertit Eusebius Cæsariensis. *Quod autem opinio, quæ de fato habetur, falsa penitus sit, inde patet: quia etiam eius opinionis authores & docent, & hortantur, & discunt, & cōsulunt:*



salunt: increpant etiam, castigantque suos, quasi propria voluntate peccantes, plurima  
 quaque conferunt, quibus ad rectos iuvenes adhortantur mores: veniaque dignum  
 putant, si qua inuictus peccat. sponte autem peccantes, puniendos non negant. Quo-  
 circa cum grauissimi viri & Philosophi, vno adempto libero arbitrio, tot  
 absurda, quæ a ratione penitus abhorrent, in vitam hominis propagari  
 viderint, potius quam negarent hominem libero arbitrio præditum, Deo  
 scienciam & curam, quibus res humanas administraret, opinione sua abstu-  
 lerunt. Sed (ut inquit D. Augustinus) Religiosus animus vtrumque eligit,  
 vtrumque confitetur. Et alio in loco: vtrumque amplectimur, vtrumque fideliter  
 & veraciter confitemur: Vnde ut bene credamus, hoc ut bene viuamus.

Cicer. 2.  
 diuinat.  
 D. Aug. 5.  
 cin. cap. 9.

Atque ex istis quæ disputauimus de Orthodoxa sententia circa liberū  
 arbitrium, duo colligi poterunt, quæ ad officium nostrum plurimum fa-  
 ciant ac conducant. Quorum primum est, quod cum naturæ nostræ ex  
 libero arbitrio, insignem nobilitatis gradum agnouerimus, tunc ingentes  
 Deo optimo & maximo persoluedas esse gratias merito existimandum  
 erit. Quandoquidem præclaro hoc arbitrii munere hominem illustraue-  
 rit & exornauerit: cuius virtute ipse, non ut reliqua animantia etiā sen-  
 su vigentia, finem & quod præstantissimum est necessitate, sed optima  
 actione attingit. Illa namque ab authore naturæ impressa illis quadam vi,  
 ad proprium scopum & vitæ terminum transmittuntur: ita ut à decreto  
 curæ deflectere non valeant: ideoque ex illorum actionibus, vita nullis  
 præmiorum emolumentis redundat. Verum instituit Deus, ut homo  
 quod optimum est libera actione consequeretur: & proinde ut non solū  
 commodum aliquod ex defunctis laboribus reportaret: sed & laudem,  
 virtutum insignia, honorem, posteritatis memoriam adipisceretur. Ita  
 consilii Clemens Alexandrinus: Quem admodum ergo uel laudandus, qui li-  
 bertate vsus est ad viuendum ex virtute: ita multo magis qui dedit nobis liberam  
 nostri iura potestatem. & concessit nobis venire ut vellemus, est venerandus & alo-  
 randus: ut qui non permisit ut nostra electio & vitatio seruiret necessitati. Alte-  
 rum vero est, quod cum humana voluntas in æquilibrio quodam sit cō-  
 stituta, ob innatam ei libertatem, media inter rationem & sensum lubri-  
 ca, & in vtramque partem flexibilis: ut huiusmodi libertas recte insti-  
 tuatur, rationem veluti faciem prælatum sequi debemus, nō sensu iudi-  
 cia, aut brutas appetitus perturbationes. Et si appetitus motus for-  
 tiores, & ratione aliquando superiores videantur, casti-  
 gandi sunt, dimittendi, ne in vitæ ratione, vo-  
 luntatem deferant ad præpostera  
 vitiatorum consilia.

Morum præ-  
 cepta ex libe-  
 ro arbitrio.

Clem Alex.  
 & Strom.



*Quam perturbatus euaserit hominis appetitus sensitivus, ex cuius mali notitia, quæ ad dimissionem sui animam informant, hauriri poterunt morum præcepta.*

## CAPVT XIII.

*Natura  
commoda  
& incom-  
moda sunt  
cognoscen-  
da.*

**N**OMINIS prudentis esse videtur, non ea solum præclara munera, tanquam proprias diuitias, mente complecti: quibus ipse cæteris præcellit animantibus: verum ea quoque mala, atque naturæ incommoda, ex quibus hæc nostra vita infeliciores & ærumnosior euadit, sedulo exquirere & explorare tenere. Sic etenim fiet, uti ad virtutem neque segniores simus, vel ad agendum plus æquo confidentes, incitati & præcipientes. Naturæ ornata, ex quibus anima summum splendorem est consecuta, hæcenus descripsimus. Nunc si cum bonis frugibus hæc terra nostra inutiles pariter herbas aliquas profundat: an delatum in nos à sole radium, umbra corporis concomitetur: vel an auro carbones & facies adhæreant, peruestigandum erit. In qua quidem disquisitione defixas omnino radices habet illa tam grata Deo humanæ animæ submissio. Quamprimum enim oculos dimiserimus ad nequos nostros, vulnera nostra, saniem nostram: fieri non poterit, quin omnis in nobis ventosus fastus & inanis tumor tali aspectu comprimantur. Quinimo tot malis in nos deservientibus, ac natura inclinata in perversum, supplici prece numen inuocabimus ad ferendam opem afflictis. Nihil sane æque ipsum Deum ad misericordiam inflectit; nihil adeo quasi ipsum superat & euincit, ac infirmitatis propriæ, non fucata, sed ex animæ depressione, agnitio sincera. Videmus etenim quod illi quorum bona incendio deflagrarunt, vel qui naufragium passi, aut à malo dæmone correpti, ipsius stimulis immaniter exagitantur: huiusmodi calamitates & infortunia in tabellis depingant: Deinde non in obscuro aliquo loco collocant istas imagines, sed in propatulo, uti collo appendentes, omnibusque visendas proponunt. Quo modo mendici, qui morbis sunt exesi, non erubescunt vulnera & vlcera pertranscuntibus detegere: sed istis apertis & explicatis, tanquam quibusdā linguis ad persuadendum multo instructioribus, quam quilibet orator, naturæ vel artis præsidij paratus esse poterit, alloquuntur & interpellant homines, illosque rigidos ac duros leniunt ad pietatem, ad condolentiam. Horum quidem facta à nobis imitanda fore censerem. Non enim minus utile nobis

*Confessio  
propria  
infirmita-  
tis Deo  
grata.*



nobis erit. Deo humili quadam confessione infirmitates aperire: cuius obtutum licet nihil lateat vllis reclusum repagulis: tamen nobis proderit hoc illi consulto significare. quod alioquin ipse nobis vel inuitis perspectionem haberet & exploratum. Quod si ita aliquando euenerit, vti agnitiones, non proprio sed vel alieno ore prolata, ipsismet peccantibus salutifera extiterint: quanto magis si delinquentes ipsimet naturæ ipsorum miseras Deo exhibeant spectandas, proprijs vbi iudicijs & vocibus, emolumentum reportabunt? Cum enim populus ille Hebræus, post tot beneficia dimittis illi præstita, idolatriæ crimine grauiter in Deū offendisset, illorum scelus quodammodo hisce vocibus expiasse, & ardorem diuinæ iræ reslinxisse visus est Moytes: *Quiescat ira tua, & esto placabilis super nequitia populi tui.* Vnde & postmodum audiuit: *Placatus est Dominus, ne faceret malum quod loquutus fuerat aduersus populum suum.* Nonne & Abigail prudentissima femina, cum viri sui agrestes & inhumanos mores lateretur, Dauidis in ipsius caput & vitam concitatam iram sedauit, decretamque vindictam amouit? *Ne ponat iræ, Dominus meus Rex, cor suum super virum istum iniquum Nabal, quoniam secundum nomen suum stultus est, & stultitia est cum eo.* Quibus superatus Dauid respondit: *Benedictus Dominus Deus Israel, qui misit te hodie in occursum meum, & benedictum eloquium tuum, & benedicta tu, quæ prohibuisti me hodie ne irem ad sanguinem, & vlciscerer me iram meam.*

Exod. 23.

1. Reg. 23.

Verissima itaque est illa à Concilio Tridentino definita sententia: qua *Conc. Trid. sess. 5. can. 1.* asseritur, per peccatum originale iam totum hominem in deterius esse *Auruf. 2. cap. 1.* mutatum. Si enim naturam ipsam solitarie prelleque considerare velimus: nemo suspicabitur illam tot malis implexam, tam mancā & quasi mutilam primus in hunc orbem prodixisse, qualem iam spectamus: sed omnino statuet apud se peccatum aliquod eam vitiale, eiusque ordinem perturbasse. Si enim naturæ partes accuratius diuiserimus: tria præcipue in homine (vt animaduertit D. Augustinus) perspicimus: quorum primum est ipsa vita & auræ huius vsura. Verum hæc mortis legibus morborumque doloribus est subiecta. Alterum immensa quædam cupiditas sciendi: hæc quoque vel ignorantia tenebris obuoluitur, aut in scopulos impingit errorum. Postremum amoris quidam æstus & feruor incredibilis. Sed vanitati rerumque vmbatili formæ inseruit & ancillatur. Nos vero in præsentiatum eam solummodo humanæ infelicitatis partem explicabimus, quam D. Augustinus tercio in loco numerauit: dereliquis postea singillatim acturi. Nomine autem amoris intellexit Augustinus omnes plate motus appetitus sensitiui, inter quos arcem & clauum tenent amor & concupiscentia. Non tamen existimandum erit feruescentem hanc

Aug. lib. 11. c. 28.



*Concupif-  
cētia quid  
fit.*

tem hanc & rebellantem cupiditatem esse morbidam aliquam qualita-  
tem, aut deprauatam substantiæ particulam, (ne cum Manichæis ipsam  
naturam incusemus.) sed ut Theologorum iam tulit sententia, nihil est  
aliud, quam abscessio illius præclari doni originalis iustitiæ, quod Adæ  
peccatum ipsimet, nobisque excussit. Si enim generoso equo fenum de-  
trahas, quid mirum si erectis cristis & toto corpore ferocire & subsulta-  
re incipiat? si naui saburram abstuleris, vento iactabitur & vndis: si ciui-  
tati magistratum ademeris, omnia inuersa erunt & perturbata: Ita cum  
insigne illud animæ ornamentum nobis humani generis hostis præri-  
puillet, protinus animæ pars inferior in superiorem arma commouit:  
caro rationi tenebras offundere, luto & cæno collucentem illum animæ  
vultum aspergere sategit. Et quemadmodum terra ipsos cælos obscuri-  
tate quadam exhalationum nonnunquam intingit: ita è corporis lacunis  
ardore concupiscentiæ exciti impuri vapores, animæ speciem corrumpunt  
& deturpant. Hinc ad vitia & voluptates tam facilis pronusque descen-  
sus: ad virtutes vero cepit iter esse difficillimum, spinosum, & asperum.  
Quàm enim vel à natura ipsa inclinati simus & procliuus ad malum, ex-  
perientia satis superque docet. Natiuo enim quodam pondere depressa  
ratio in voluptates sæpius deuoluitur: quibus infixæ ita hæret, ac si ex alto  
ingentis molis plumbeam sphaeram in paludem quis iniecisset. Verum  
dum studiose & sedulo virtuti incumbimus: videmus torrentis cuiusdam  
rapidissimo decursui humeros & latera obijcere. In hoc opere anhelamus,  
sudamus, defatigamur, & ex antiquo vulnere, vix inducta cute, vi-  
res languidas fluidasque esse experimur. Atque ut istarum perturbatio-  
num naturas seorsim contemplemur: amor ad honores & voluptates  
mentem præcipitat, vim eius omnem eneruat, lumen extinguit, ad  
quamlibet vitij fœditatem, mollem & ductilem constituit. Timor velu-  
ti furia quædam ferro & facibus armata, truculentam sensibus sui infe-  
rens speciem: animam exanimat, restringit, cohibet, filere facit, & ab om-  
ni præclaro facinore absterret. Dolor absynthij amaritudine sensus ita per-  
fundit, sic impresso vulnere castigat, ut fluentibus lachrymis nihil aliud  
sciamus quam ingemiscere, & deplorare muliebriter casus, in quos ceci-  
dimus. Odium vero, cum ipsius inuidentiæ cor arripiat, veluti escam ad  
morsum comparatam: tum conciuis, socij, fratris, amici lateri sicam in-  
fert. Nihil aliud nouit hæc insana, quam hastam vibrare, venena sparge-  
re, infamiam conflare. Atque inter hæc ubi ratio, ubi virtus? ambigua  
istorum sane inquisitio. Quæ & ita periclitatur, veluti si in naui anchoris,  
antemna, clauo, velisque spoliata, nauclerus poneretur: atque in eodem  
plane statu & rerum discrimine versatur, in quo ille, qui in vasta aliqua  
solitudi-

*Effectus  
perturba-  
tionum.*



solitudine, ne à fœtis animalibus discernatur, in latebras quasdam silens & vix membra mouens sese coniecerit. Excepit itaque hæc animæ pars inferior acerbiter illius sententia, quam hominis causa Deus terræ intulerat: *Maledicta terra in opere tuo, spinas & tribulos germinabit tibi.* Quid enim aliud sunt hi motus efferati, quam spinæ & tribuli, qui animam sic quotidie pungunt, vt croorem eliciant, illamque misere exulcerent? Ex quibus, veluti succrescentibus arbutis & serpentibus vepribus vndique deductis & siluescentibus, sua fere in nobis conficiunt latibula. Prudenter ideo & apposite Oroaster, qui harum affectionum vim bene nouerat, amico dixit: *Σὺ γὰρ ἀγίαν ψυχὴν ὁὕτως οὐκ ἔσθου.* Tuum enim vas bestia terræ possident. Cum enim (inquit Hieron.) ad imaginem & similitudinem Dei conditi sumus, ex vitio nostra plures personas superinducimus.

Gen. 3.  
Pars homi-  
nis inferior  
bruta.

Hieron ep.  
5. lib. 2.

Animæ in  
corpore ut  
Nōs in arca.

Haud aliter itaque suprema in homine pars, ipsa ratio, iam in discrimine collocatur, quam olim Patriarcha Noë arca inclusus. Exterius etenim in ipsum deliquit, & vim suam omnem immisit atra nube obductum cœlum, marini vortices elati & conglomerati arcam imperu quodam turbulento vehementius diuerberarunt. Interius vero bruta animantia, incondito strepitu, furore ac stridore ingentem timorem illi incusserunt: cum quibus tamen versari omnino ipse debebat. Ita præter ea vitæ incommoda & externa mala, quibus impetimur: intus, non in cute, sed in pectoris recessu latent insanæ affectiones, quarum immanitatem nec diu nec noctu à nobis extorere valemus. Et quemadmodum in illa arca bruta quidam parum curarunt aut nouerunt periculum naufragij: sed solus homo expavit & trepidauit ad conspectum æstuosi maris, calique furentis: ita vitium, ex quo vnicum animæ dedecus & detrimentum exoritur, motus isti non reformidant: tantummodo ratio illud abhorret & detestatur. Et licet rationis illa experta animantia nihil aliud in votis habuerunt, quam vt se tandem, delato in portum navigio, in spinosam aliquam siluam insinuarent: Ita affectiones illæ rabidæ, defunctis laboribus, quid obsecro aliud moluntur, quam vt spinosam aliquam siluam ingrediantur: hoc est vt fœtis & brutis moribus hominem agrestem & incultum cōstituentes, in illo imperia sua exercent: vnde euadat, vt homo singulari quodam rationis privilegio ceteris animantibus prælatus, ipsis in posterum inferuire & illorum mandatis obsequi cogatur: imo vt in quodam bruti animalis cum Nabuchodonosor transmutatus, illorum mores imitetur. Quis enim luxuriam cupiditatem, equum effrahem iure non appellet: Ex ingenio præcipitem in iram & rabiem, canem, vulpem, aut hyæm haud dicat? Voluis mactationibus, alios in fraudem pellicientibus, qui incumbant, vulpim allis imitari consueunt. Raptū ex aliorum

Dan. 4.



*Basil. ho-  
mil. de  
primig.  
hom. dig.  
August. in  
psal. 8.  
Psal. 8.*

*Brutorum  
formas in  
appetitu  
sensitivo.*

*Ezech. 20.  
Discrepā-  
tes asse-  
ctones ap-  
petitus.*

*Difficile  
recte insti-  
tuere ap-  
petitum.*

ex aliorum malis imperium, quasi aquilæ aut voracis accipitris præda ap-  
posite vocabitur. Inquam sententiam pulchre Basilius & Augustinus  
dixerunt. Atque Psalmista, dum hominis dignitatem deprædicet, inquit:  
*Omnia subiecisti sub pedibus eius, oves & boues, & pecora campi: volucres cæli &*  
*pisces maris, qui perambulant semitas maris.* Verum si huic appetitionum fœ-  
rociæ ratio cesserit: non ea amplius quæ à Dauide recensentur homini  
subiecta manebunt: sed ipsa potius in eum imperia obtinebunt: & cum  
illis homo farinam quandam subibit naturam. Nam si patiat in se cu-  
piditatem ita effundi: vt nullis legibus sit coërcita, nullo timore repressâ:  
ouis, bos, aut campi pecus aliquod euadet. Sin vero in altum ambitionis  
pennis sublatu, reliquos despiciat & nihil pensi habeat: tanquam cæli  
volucer in aëre & aura versabitur. Si autem consilia sua ad voluptatum  
& auaritiæ sordes dimittat: illisque inhærescat, piscis maris potius quam  
homo æstimabitur. Videmus itaque diuersorum animantium formas  
atque species, vitæ nequitia appetitui sensitiuo inductas. Quorum etiam  
naturæ diuersis plane, eisque contrarijs qualitibus discriminantur. Eaq;  
de causâ opus spissum & arduum erit in vnius pectoris domicilio pacem  
& concordiam inter has temerarias affectiones constituere: cum tam op-  
positis motibus seorsim quoque agitentur singulæ. Amor quidem pro-  
greditur, resilit timor, ira exstimulat, tristitia reprimat. Qui quidem per-  
turbationum oppositi motus visione illa quatuor animalium Prophetæ  
Ezechieli diuinitus iniecta, plenissime describi videntur. Contemplatus  
est Propheta vultum hominis, leonis, aquilæ, & vituli; quibus animæ  
partes designantur (vt iam dictum est.) Homo autem natura sua animal  
est sociale, ciuilique conuictu excolendum. Aquila vero pernici volatu  
æthera petens, ungues & rostrum parat & exacuit ad aucupium. Homi-  
nis sedes in terra defixa: sublimis autem illos aëris tractus quærit aquila.  
Vitulus mite est animal, greges & armenta sequitur: neque ædibus inclu-  
di fastidit. Leo soliuagus in solitudine spatatur, hominis aspectum fugit  
& auersatur. Si idcirco ex his omnibus vnum aliquod esset animal con-  
flatum, varium atque multiplex: an nō illi maximus esset labor subeun-  
dus, qui illud cicurare, aut cum laude circunducere aggrediretur; siqui-  
dem nec eisdem vocibus, nec alimentis, nec manus attractionibus, ne-  
que deinde eisdem regiminis formis omnes illæ belluæ delectarētur? Lo-  
quem plane modo qui tam repugnantibus in parte sensitiua motibus leges  
conatur præscribere, multiplici scientia præditus imprimis eorum om-  
nium naturas optime callere debet: dissimili dein regimine & arte sin-  
gulos oportebit ad virtutem rationemque componere. Ideoque vir pro-  
bus non minus præstabit quam legislator, qui haud vnius solummodo  
instituti



instituti homines ad ciuile bonum informat, verum etiam longe diuersorum consiliorum ac sensuum: ea propter omnium officia sua mente exacte complectitur. Neque solum inter ipsasmet animæ perturbationes huiusmodi dissidium reperitur & quali bellum intestinum, verum etiam inter partem hominis rationalem ac sensum: proinde si quid cum virtute coniunctum aut laude dignum ratio tentauerit, omnes acrius illico insurgunt. Si enim ratio sententiam tulerit, quod Deus cæteris omnibus dilectione nostra sit præferendus: sensus ita reclamabunt: acerbum nimis est corporum pulchritudine non capi nec deliniri, nullis frui voluptatibus: atque intolerabile plane repudiatis delicijs, spinosam & asperam, quæ ad cælos ducit, semitam tenere. Vel si ratio statuatur definitaque, ablegatis & sepositis rerum aliarum curis, diuinorum contemplationi insistendum esse: repugnabunt sensus, & queritabundi dicent: ergone chara hæc oculorum lumina extinguenda, quæ essulgentem mundi speciem summa cum delectatione exceperunt? aure sine cera erunt obseranda, quibus præconia casusque rerum volubiles, suauissimi etiam concentus percipiuntur? Denique si ratio definiat abijciendam esse diuitiarum sarcinam, dimittenda amicorum colloquia, celeri cursu properandum ad Christum in cruce pendentem: sensus cum Dalila lachrymis perfusa, & in viripectus influente, se in animum insinuabunt, ad emolliendam flectendamque hanc rationis vim. Quod si teneritudine præstare non poterint, in apertum furorem prorumpent, & obedire omnino detrectabunt: neque ita fiet clamabunt: Siccine separabit amara mors, itane in ergastulis viuendum, an potius contabescendum, vel perpetuo moriendum erit?

*Rationis &  
appetitus  
pugna.*

Harum quidem parrium in ipso homine adeo discrepantes propensiones bene agnouit D. Paulus, cum dixerit: *Quo licet operor, non intelligo: non enim quod volo, hoc ago, sed quod lo ti, illud facio*, quali diceret: si mihi cōtingat ut concupiscentia adducar ad aliquid patrandum, quod cum lege Dei depugnat: illud nec intelligo, nec facio: non quidem intelligo, quandoquidem rationis sententia illud non de iniā præstandum: sed neque facio, deliberato nimirum cōsensu voluptates mihi interdictas nō persequor: neque illas inquam expeterem, quatenus in me viger ratio, & homo sim à cæteris ipsius naturæ nota discretus. Subiungit etenim, *video autem aliā legem in membris meis repugnantem legi mentis meæ, & captiuantem me in lege peccati: quæ est in membris meis*. Imo adeo dissentit hæc pars inferior à superiori: ut ab Apostolo nuncupentur duo homines: vnus rationis interior, alter sensus & carnis exterior. Quātumuis autem inter se repugnēt, virtutis nihilominus actione moderādi. Demirati quidē sunt Philolophi

*Rom. 7.*

*Rationis &  
sensus diffi-  
cultas iustitiae.*

Q

ex con



ex contrarijs elementis corporum coagmentationem. Verum nō minus admirandus erit in vna eademque anima tam dissidentium affectionum concursus. Vnde neque à vero illi penitus aberrarunt, qui sententijs suis duo decreuerunt rerum principia, litem & amicitiam. Ex lite enim elementorum mixti forma effunditur: illa cōstituta, amicitia quadam & federe repugnantia continet & deuincit. Haud dissimili ratione in ipsa anima ad mores componendos, litem & amicitiam concurrere cernere licebit. Depugnant enim appetitus incitati motus cum ipsismet, tū etiam cum ratione: vnde lites & arma gliscunt; omnia perturbate ferūtur. Virtus autem cum in mentis arce regina effloruerit, amicitia quodam vinculo confligentes inter se animæ partes constringit; pace ac quiete moderatur.

Lis & amicitia principia naturæ & morum.

Perennis pugna sensus & rationis.

D. Ambr. lib. 2. epist. 7. i. Reg. 17.

Iudic. 14.

Rom. 6.

Virtutis actio laboriosa.

Non tamen in hoc animi litigio & conflictu nobis ita euenire solet, quemadmodum decertantibus in Olympo, aut depugnantibus in acie: hi namque postquam se præclare gesserunt, & aduersarium superarunt; membra quieti reficiunt, somno neruos relaxant, & à laboribus feriat, libere vagantur. Nos vero cum hunc impetum affectionis prauæ retuderimus, nihilominus in armis consistere debemus: nullus otio locus, nulla respiratio datur tranquillitate digna: rediuiuæ enim hostium vires in nostram pernitiem continuo excitatæ, securitatem non concedunt, non pacem, non triumphum. Vnde D. Ambr. *Seruit anima proprijs passionibus, seruit cupiditatibus suis: quarum dominatum, nec nocte potest fugere nec die: quia intra se dominos habet, intra se seruitium patitur intollerabile.* Dauid quidem detruncato vnus immanissimi gigantis capite, victor Hierosolymam ingreditur: choris ac tympanis concinnantibus excipitur. Fortissimus hominum Sampson, cum vel vnicum leonem decerpisset, liquoré mellis suauissimum eius inclusum cadauere gustauit. Nobis autem ex vna perturbatione profligata, victoriæ palma non conceditur, aut in cœlestem Hierusalem ingressus donabitur: neque mellis fauo secure labia infigemus, vnico prostrato leone: nisi plurima monstra cum Hercule, & multorum capitum Hydram virtute duce & claua deuicerimus. Quo in genere insignis atque victoria conspicuus emicuit diuinus ille Apostolus, qui dixit: *Viuo ego, iam non ego, viuunt autem in me Christus.*

Ex his, quæ ad officium nostrum maxime conducunt, hæc elici poterunt. In primis constare nobis debet, quod si cum virtute actiones nostras & vitam instituere velimus: summo cū labore & acri industria hoc fore perficiendum. Virtus enim nō gratuiti beneficij loco nobis aduenit, sed animi functione & exertis viribus est consequenda. Appetitus namque sensitiuus iam ex peccato originali hoc mali est indeptus, vt plus ni-

mio



mio insolescat, rationis imperium detrectet, & in motu suo turbulento, obstinatio sit & affirmatio. Vnde Virgilius:

*Non est è terris molli ad astra via.*

*Virgil.*

*Ænead. 6.*

Ad vitia autem, & morum turpitudinem, sicut graue aliquod pondus, ad centrum præceps ruit: ita deprauati appetitus sensus, impetu quodam seu potius turbine deuoluuntur.

*..... facilis descensus auerni.*

*Virgil.*

*Ænead. 6.*

*Noctes, atque dies, patet atriæ ianua ditis.*

*Sed reuocare gradum, superasq; euadere ad auras,*

*Hoc opus, hic labor est, pauci, quos æquus amauit*

*Iupiter, aut ardens euexit ad æthera virtus.*

Qua quidem difficultate superatis & enaratis hominum quampluribus perinde accidere solet: atque illi, qui clauum nauis dirigit, postquam viderit ob ingentem aliquam tempestatem omnia iam esse desperata. Tunc enim iste animum deponit, clauum manibus excidere patitur: illisque complicatis, acerbis fortunæ aduersitatem, & casum suum deplorat: Ita quod difficilis, impedita, & anfractuosa sit ad virtutem via, infiniti propemodum vel torrenti se tradidit scelerum, vel laboris pertesi, flammis se mandarunt cupiditatum. Nos vero ex graui morbo languescentes, & serpentine aculei infixione vulnerati, in eremo huiusce vitæ discurrentes: non aneum serpentem cum Hebræis in altum erectum, sed Christum Dei filium habemus in crucem sublatum, in quem intendentes; ex eiusmodi aspectu, vires, animos, & perfectam sanitatem haurire possumus: ad præclara opera proinde fracti & dimissi non debemus esse, sed alacres potius & præsentibus animis. Si enim ille nobis arma suppeditauerit, si nos virtute ex alto induerit, nec vis vlla nos conteret, neque fraus aliqua hostium implicabit: ipse etenim præceptis suis fraudes omnes detexit, & morte aduersam vim confregit ac comminuit. Sin autem ratio appetitui inseruierit: iterum Dei populus laboribus & seruitute misere conficiendus, ingreditur Ægyptum: imo exinde brutos & ferinos quosdā mores induet homo: atque in fixum quoddam animal, non Circeis poculis, sed vitio suæ voluntatis commutabitur. Ea propter hanc districtā curam nobis Deus, naturæ author, demandauit: qua prouidendum nobis esset, uti ex lege arbitrioque rationis omnia transigantur. Neque tam insigne erit externos hostes subiugatos subactosque tenere: quam has animæ affectiones recte moderari, atque rationi subijcere. In illo etenim victoriæ genere, aut aliena virtus, vel fortunæ euentus plerunque intercedunt: in hoc autem virtus nostra elucet: quam non alienis viribus, sed propriæ voluntatis arbitrio studioque comparamus.

*Christus p<sup>ro</sup> columen.*  
*Num. 21.*

Q 2

Manife-



*Manifestum redditur, quomodo perturbationes animæ, mediocritatem excedentes, ipsam rationem impediant, & voluntatem ad turpia consilia inclinent.*

## CAPVT XIII.



**E**X hoc appetitui sensitiuo grauissimo inflicto vulnere, de quo disseruimus, languor, imbecillitas, & quamplurima mala eruperunt, quæ singulas ferme hominis partes occuparunt. Quemadmodum enim male affecto neruo aut læso, quem opticum dicunt, tremor quidam in reliquis membris oboritur: Ita quamprimum humani generis hostis in hac inferiorē nostri particulam hastam intorsisset, debitumque naturæ ordinem inde dissidio inuertisset: protinus ratio diminuta, voluntas propensa in nequitiam, caro turpiter lasciua euaserunt. Sunt etenim recte à D. Thoma, cum cæteris Theologis, quatuor effectus adnumerati originalis noxæ, quatuor illati animæ facultatibus. Siquidem in intellectu est cæcitas, in voluntate malitia, in irascibili infirmitas, in concupiscibili effrænis petulantia. Quæ vero sit caligantia, aut natiui luminis diminutio, quam intellectus illis appetitus perturbationibus acceptam ferat, in præsentī nobis solum enarrandi penum incumbit.

*Mala natura ex peccato originali. D. Thom. 1. 2. q. 73. art. 3.*

*Vnde malum intellectus ex peccato originali. Perturbatio officit rationi.*

Sicut quamprimum in infimo quopiam loco quis bustum aut rogi excitauerit: fumus ocius in altum sublatus, etiam quæ superiora sunt, nigredine inficit: ita in hoc sensitiuo appetitu, infima quidem animæ sede, & quasi vestibulo, si patiat, aliquis libidinis ignem aut iræ accendi, perturbationis obscura nebula protinus insurget: quæ cū animæ vultum attigerit, eum infuscabit, tantamque eius speciem errore, veluti caligine, deturpabit. A quo quidem detrimento & incommodo immunes prorsus & liberi extiterunt primi parentes: priusquam lasciuiens ipsoꝝ appetitus proiectum à diabolo impurissimum semen excepisset, ex quo iam totius naturæ virginalis integritas & quasi flos deperijt, & corruptus cōtabuit. Nam quemadmodum hostes victoria potiti non solū bona omnia diripiunt & expilant: sed insuper ipsas aedes irati plerunque flammis absument; & excitata pyra triste quoddam spectaculum domesticis exhibent: ita nefarius ille damon, non hoc contentus, quod originalis iustitiæ gemma nos spoliaret, rogi præterea quendam discedens in nobis accendit: cuius flamma in cōcupiscibili parte primum excitaretur: fumus postea



postea ad rationem vsque delatus, præclarum illud à natura ingenitum lumen obnubilaret, omnemque eximiam eius formam atque decus, miserandum in modum deuastaret. Hinc fit, vt in rerum tam diuinarum, quam humanarum inquisitione toties cecutientes labamur, & in errores turpissime impingamus. Effugiunt etenim nos, vel quæ intus & in pectore nostro agitantur. Quæ vero superius, inferius, vndequaq; vertantur, tenuem vix aut adumbratam ad nos transmittunt notionem sui. Vsq; eo creuit hoc malum, vt neque lumen oculorū nostrorum sit nobiscum: sicuti aliquando regius Psalter est conquestus. Hoc autem vultus, lethali speculo inflatum, cum nostri esset curare, hisque defectibus deprauata naturæ iuuamen aliquod vitæ institutione adferre: ita potius eiusdem rationem componunt plerique hominum; vt tenebras tenebris adiungant, crassas retrasque hæc mentis caligines, quas comparata luce dispellere deberent, vel saltem extenuare, vitæ praua consuetudine densiores magisque consipatas efficiant. Hinc est quod Atheismus fœdissime implicati, & in diuinum cultum immaniter gigantū more debacchantes, vitæ impuritatem, profligatos mores, omnem denique obscenitatem consecretur. Proinde non certa aliqua ratione in Theologorum arces inuadunt hi, nō exquisita rerum nouitia subnixi diuinis nuntium remittunt: non ratione duce fidei mysteria sacrilego & blasphemio ore conuellunt: sed obtenebrata plane hebetique mentis acie solares radios à se excutunt, infinitis affectionum æstibus concussi, distorti, fracti, quod rectissime protensum est metiri volūt. Sed quid lusco cum coloribus? quid ebrio cum Geometricis? Cum enim in alto voluptatum innatarint, cum varijs, ijsque plane cōtrarijs, appetitionū motibus iactati fuerint, cū rerū copia omnesque dulcedines ad sensus ipsorum diu affluerint: Non tam in ipso ingressu animæ in corpus (vt existimarunt Platonici) Lethæi fluminis nigras illas aquas ebiberunt: quibus omnium rerū impressos characteres abstergerent: quam in ipsius vitæ vsu & ætatis propagatione. Tunc enim deperditis & nefarijs actionibus virtutum notiones omnes, quas animus studio vel informatione aliorum acquisiuerat, delentur, expunguntur, obliterantur. Hos pulcherrime Iacobus Apostolus istis describit: *Considerat enim se, & abiit, & statim oblitus qualis fuerit.* Nemo ferme est, qui ita animā scelere deprehsit, cinere aut luto prauitatum obruit: vti eiusdem splendoris radius aliquis ei nō appareat: aut vti scintilla aliqua illius diuini ignis interdum non erumpat aut exiliat. Considerabit itaque se homo aliquādo sine dubio, vltimumque in speculo contēplabitur: se ad immortalitatem natum, satum, & concretum despiciet: sublimis quoq; illius Numinis potestati fascēs suos dimittet, sub tantæ maiestatis scepro

*Humana  
ignorantia.*

*Psalm. 37.*

*Atheismus  
ex errore &  
praua cupiditate.*

*Obliuio  
voluptatis.*

*Iacob. 1.*



Exod. 32. trepidabit: sed abibit, voluptatibus se dabit. Et quemadmodum acris doloris sensu cunctus Moyses, lapideas tabulas, quæ viuendi leges continebant, abiecit: ita ille forensium rerum cura euocatus, speculū illud cognitionis sui ad terram allidens, profluenti & Euripo obliuioſæ iucunditatis se committet: atque Lætheo domum flumine epotus & ingurgitatus: nihil mirum, si proprii vultus & animæ expressam delineatamque effigiem obliuioni tradat. Pedem namque molli ac lubricæ arenæ si quis infert, eo vsque vestigium eius apparebit: quo vel pedem in sua sede retinuerit, vel incurſans aliquis ventus illud non dissipauerit: Ita si virtutis, si ipsius animæ eiusdemque officij præclarum aliquod simulachrum mens sedata & tranquilla expreſſerit: si deserit defixos in illud sensus & obtutus stabilire: & perturbatio interim aliqua eam alio transferat: idæa quam effinxit semel, veluti tempeſtate inuoluta, dissoluetur & diffluet: atque sic mens memoriam vultus sui penitus deponet. Euadet etiam vt Iosephum nostræ vitæ columen, & vnicum præſidium, urgente rabido iræ motu, transmittamus in Ægyptum: vbi extrema rerum ignoratio, & veluti caligo omnia occupabit. Neque Tobiam, senectutis nostræ baculū, foribus excludere dubitabimus: si auri appetentia pectora nostra cœperit. Quæ quidem pericula cum perspecta haberet Propheta Dauid: animam suam à Deo custodiri ita precatus est, quemadmodū pupilla oculi palpebris communitur. Voluit enim, vt arcerentur facies istæ cupiditatum, voluptatum colluies abigeretur: denique vt anima ipsius pura & limpida, nullaque contagione infecta seruetur. Sicut enim cum ventus pulueres in oculum coniecerit, videndi facultas hebescit: ita si perturbationum agitatio quid concreti in animam intulerit: intelligendi acies perstringetur & torpescet. Verum de istis aliqua superius disputauimus, atque de ijsdem sæpius postea differemus.

*Difficile  
causam  
dare ob  
quam per-  
turbatio  
mentem  
impediat.*

Sicut autem nihil maius vulgatum, nihil sæpius inculcatum à Philosophis videmus: quam quod animæ perturbationes vltra modum progressæ, obscuram faciant mentis intelligentiam: quod in Tusculanicis Cicero, in Ethicis Aristoteles non semel ingeminarunt: Ita nihil è que miror, atque cum viderim eos negligentes in exquirenda huiusce rei ratione. Nisi fortassis refugerint in illis cum cōtentione laborare, quorum veritatem ipsa experientia testatam & patentem facit. Quam excusationem si oscitantæ suæ obtenderent: non video quin magna quoque pars Philosophiæ sit negligenda & scholis eiicienda: cuius veritatem experientia & sensus quoque loquūtur: in quibus tamen contendit ratio altiora principia inuestigare. Aliud enim est sensu aliquo effectus existentiam exploratam habere, aliud mentis intelligentiæ eiusdem causam & origi-



originem complecti. Quare vt exposite difficultatis arcanum recessum aperiamus: & enucleatè omnem eius vim discutiamus: nō est pretereundum quod à D. Thom. animaduersum cepimus: qui docet duplici quodam assultu turbulentos hostes motus in rationem insurgere. Aliquando enim ita illam effusa caligine coërcent, stringunt, & quali opprimunt; vt eiusdem nullus plane vsus superfit, aut vim aliquam exerere illi integrum sit: sicut in furiosis amentibus, & in ijs, qui à ratione penitus exciderunt, euenire perspicuum est. Interdum vero se effert perturbatio multo mitior & moderatior, quæ neque tam acris sit, neque adeo turbulenta. Atq; hæc animæ rationisque splendorem omnino non euincit aut superat: quin adhuc exigua luce viam præmonstrare possit, qua virtus insistat: quemadmodū tenuis aliqua & erratica nubes, quæ solem inuoluere videtur, non ita eiusdem radium penitus intercipit: quin exilis aliquis splendor eius effulgeat, & modice ad aspectus nostros deferatur. Atque ex ista mentis obnubilatione, quam sensibus infert exorta aliqua appetitus cupiditas, tamen si voluntas vehementius sit inclinata, & quodammodo depressa ad hoc vel aliud actione electioneque suscipiendum: libera tamen & soluta omnino relinquitur etiam ad oppositum: si illud quoque consequi discupiat. Eapropter meriti atque demeriti (vt loquuntur) moderata hæc affectio appetitus occasionem & materiam non depellit aut exterminat. Non enim is delicti excusationem habebit, qui causatur blandienti nimium cupiditati se animi proposito succubuisse: quandoquidem eiusmodi iniectam illecebram seueriori voluntatis disciplina aspernari potuerit. Quomodo vero immoderate istæ perturbationes animam in errores inducūt, D. Thomas istis enarrat. *Passio appetitus sensitiui mouet voluntatem ex ea parte, qua voluntas mouetur ab obiecto: in quantum scilicet homo ita per passionem dispositus indicat aliquid esse conueniens & bonum, quod extra passionem existens non iudicaret.*

*Dupliciter  
rationem  
appetitus  
motus at-  
tingunt.  
D. Thom. 1. 2.  
q. 77. ar. 6.  
2. 2. q. 10.  
ar. 3. q. 77.  
ar. 7. q. 98.  
ar. 3. q. 155.  
ar. 3. q. 156.  
ar. 2. q. 175.  
art. 2.*

*D. Thom.  
1. 2. q. 10.  
art. 6.*

Veruntamen (quantum ego adsequor) adhuc dilucida ratione ex motu appetitus sensitiui non ostenditur mentem ipsam perturbari, vel ad aliquem errorem detrudi. Nam intellectus facultas est ipsius animæ proprium actum sibi vendicans, ad quem corpus nihil confert. Hunc autem exercet ad modum agentis naturalis: id est seclusa libertate, & alterius imperio. Quo pacto innata sibi luce cuiuscunque demum scientiæ aut artis obiecta percipit, prima elementa & principia, siue ad actionem siue ad contemplationem referantur, clarissime intuetur. Quocirca incurstante quacunque demum appetitus perturbatione, vis illa intellectilis, quasi in superiori loco cōstituta, illaesa, integra, incorruptaq; perseverabit. Neque nociua aliqua qualitas emitti poterit alicunde, qua intellectus inficiatur



*Mutatio  
corporis  
non afficit  
animam.*

*Cicero de  
divinat.*

*Cice Cat.  
maior.  
Hieron.  
lib. . . ep.  
fam epist.  
30. & lib.  
2. ep. 12.*

ciatur aut debilitetur. Est namq; ab omni extranea impressione, quæ per concreta inferatur, natura sua prorsus immunis. Quid idcirco illum remoratur, quo minus etiam, in furorem adacto appetitu (ensituo, communia actionum principia percipiat? aut si ea percipit, quid illum impedit, quo minus ex illis legitimas consequutiones deducat, optimeque veritatem despiciat; & probe intelligat nefarium esse, quod ab appetitu suggeritur? Ab hac autem natura perturbationis si recesseris, ut causam deliqui in mente exquiras, atque te conferas ad corporis immutationem, quam secum perpetuo adfert concitata cupiditas: atque hanc dicas esse causam, unde ratio, flagrante æstu appetitus, impediatur ab aspectu veri: nihil omnino probabilius præstitum videbitur. Inficias equidem ire non possum, quin strepitus illi perturbationum corpus quoque diuersimode concitent, & alterationi grauissimæ subijciant. Exanguis enim timor, ad cordis arcem sanguinem reuocans, vultus pallere signum fugæ demonstrat: accensa ira in exteriores partes sanguinem diffundens, rubrum illud effert vexillum, quo ad dimicandum vis corporea prouocetur. At quid tum postea? quasi vero sanguinis & spirituum varius in corpore & multiplex discursus, animam immaterialem substantiam, eiusdemque spirituales intellectum possit impetere? Imo ex hoc potius ipsius animæ immortalitas & singularis eius præstantia comprobatur: quod deficiente corpore & quantumuis immutato, adhuc vis rationis vigeat & floreat. Sicut ex Cicerone superius retulimus, tunc hominibus vsu venire, uti vel maxime diuina cogitent & eloquantur, cum morbo aliquo corporis partes absumptæ aut tabefactæ fuerint: cum etiam mors sensibus iam imminere ceperit. Quæ autem maior ipsius corporis permutatio accidere poterit, quam in hoc statu ad interitum properante, & totius ipsius dissolutione aduentante? nihilominus (ut dixi) tunc quasi excussis compedibus ratio liberior, fugata nebula clarior, abiectis sordibus defæcator euadit. Imo in ipsa senectute, cum vires corporis prorsus effæta extiterint, multumque de illo iuuenili calore defluerit, ratio haud perit aut languescit: sed tunc magis elucet & se ostendit: Quemadmodum Sophocli ad summam senectutem Tragedias facienti (ut scribit Cicero) contigisse legimus. Is enim quod rem familiarem visus esset negligere, à filiis in iudicium est vocatus, quasi ob deliquium animæ & mētis, quod illi attulerat senectus, ab administratione rerum esset amouendus. Senex autem ut causam suam ageret, eam fabulam Oedipi Colina iudicibus recitauit: quæsiuitque, num illud carmen desipientis videretur, quo recitato, sententia iudicum liberatus est. Corporea itaque hæc immutatio nihil officit rationi.

Quod



Quod autem intulit superius 10. Thomas: nimirum proprium esse hominum motuum, mentem in iudicium aliquod errori obnoxium impellere: premissis expendendum erit & diligendum, quali nam iste error esse poterit: cuius vniuersam rationem si cogita iouis ambitu circumscribamus, speculatiuum esse videbimus aut practicum. Quantum autem ad priorem, non videtur aliquis in intellectu defectus cum appetitus effluerit, aut voluntas in voluptatem aliquam concesserit. Nam qui delinquit, non iudicat hoc ab ipso susceptum, legitimum esse, aut rationi consentaneum: sic enim ratio omnino extincta, potius videretur. Quinimo etiam flagrante delicto, placidum illum virtutis vultum fecernit & distinguit ab illo truci aspectu vitiatorum: atque ratio bene percipit appetitum id moliri, quod plane distortum est & alienum à vera rectaque rerum estimatione. Sed neque ad crimen error practicus requiretur. Dæmones etenim, qui diuinæ naturæ amplitudinem superbo ausu exæquare appetierunt, non iudicauerunt aliquid in hunc constitutum finem tentandum esse: quandoquidem clare perceperint, illud omnino impossibile esse, cuius illos cœperat desiderium. Quod si concesserimus, perpetuo erroneum iudicium aliquod delicto adhærescere: hoc solum verum esse constabit, quando voluntas (ut loquuntur) aliquid efficaci consilio molitur, non vero cum ex simplici tantummodo complacentia voluptatem aliquam haurit. Verum si quis asserat iudicium hoc erroneum, illud esse, quo iudicatur aliquid agendum, quod reuera minime deceat: neque tale iudicium ad peccatum requisitum apparebit. Non enim credibile est Adamum primum parentem ante consensum voluntatis in illicitam pomi comestitionem, hoc iudicium eliciisse: sic etenim errori & pœnæ obuius fuisset, nullo dum patrato crimine. Denique hoc iudicium, quo hic & nunc decernitur, hanc vel alteram appetitionem esse suscipiendam, non videbitur à perturbato animo proficisci: eo quod eodem sedato, primo parenti iniectum fuerit: atque ex amore tantum ipsius voluntatis, quiescente sensu, oriri poterit. Ea enim facilius iudicamus aggredienda, quæ voluntati placent, & arident magis: tametsi appetitus sensitivus se moderate gesserit. Quod perspicuum est in ijs quæ fiunt non ex aliqua perturbatione, sed ex decreta & obfirmata mentis malitia.

Nemo tamen iure communi placito Philosophorum obniti debebit pertinaciter: quin existimandum irritatum appetitum aut iudicium erroneum intellectui inferre, aut alium quemvis defectum. Communis ferme est omnium sensus in vnoquoque delinquente, perturbationis alicuius vi excitulato, iudicium aliquod practicum inesse, quo ab isto iudicetur: hic & nunc latrocinandum esse, libidini indulgendum, animo obsequendum,

*Verum per-  
turbatiu  
erroris sit cau-  
sa  
Error specu-  
lativus &  
practicus.*

*Perturbatio  
causa est  
defectus in  
mente.*



*Arist. 10.  
Ethic.*

*Duplex  
anima fa-  
cultas in  
unum con-  
sensit.*

*Ex peccato  
quid ac-  
cessit ap-  
petitui.*

*Ratio pro-  
pensa in  
appeti-  
tum.*

quendum, aut quolibet aliud minus honestum voluptatis ergo fore præ-  
standum: (quid vero ipse de hoc iudicio censeam, libro sequenti dicam  
apertius.) Aristoteles quidem disputans contra Socratem, probat quem-  
libet delinquentem in particularem aliquem errorem incidere: tamen si  
vniuersalis veri, rectam, expressamque notionem habeat: ita ut qui in v-  
niuersum iudicavit non esse luxuriose viuendum, hac peculiari actione,  
iudicet tamen luxuriandum. Defectus autem iste in mente & ratione,  
qui à perturbato appetitu originem trahit, ut intelligatur, pendet omni-  
no à qualitate earum partium, quæ animam quasi diuidunt & distinguunt.  
Duplex itaque illa animæ vis & facultas: rationalis nimirum, & sensitua:  
ita in communi ipsius animæ basi defixa est: ut huius operatio ab alterius  
conatu reciproce & mutuo oriatur. Non enim duæ istæ partes penitus  
repugnantibus feruntur motibus, sicut in æquilibrio fieri animaduerti-  
mus: cuius una lanx, pondere cum fuerit depressa, altera simul sursum at-  
tollitur: sed potius in quam partem incumbit & propendet appetitus in-  
ferior, in eandem pariter ratio superiorque potestas facilis est & procli-  
uis: tamen si virtute informata, post acriorem luctam & contentionem, a-  
lio & retro plane se referat, quam quo primum natiua cupiditate specta-  
bat. Hanc quidem disparium atque in aliquibus repugnantium faculta-  
tum mutuam quandam consentionem & conspirationem natura ipsa  
animis indidit & iniecit: ne penitus illis discrepantibus, agendi vires ex-  
citato dissidio distractæ & diuulsæ, nihil cum quiete aut pace leniter ag-  
grederentur, sed omnia potius vi & armis turbulente peragerent. Neq;  
hæc concordia inter naturæ partes omnino ex peccato nobis accessit: Na  
si primus Parens, nequaquam diuinam transcurrens legem, peccasset, ad-  
huc virtute magis intenta & acri, voluntas eius in illos labores, studia, &  
actiones incubuisset: quas sensus maiori quodam amore fuissent com-  
plexi: proinde multo vehementius effloridam illam pomi speciem ada-  
mauit, quam glandem aut siliquam. Hoc solum ex delicto ipsius nobis  
mali adcreuit, quod motus appetitus iam sint incitatiores, excussoque ra-  
tionis freno ferociant quasi, atque facilius mentem in errores impellant,  
liberius excurrentes. Quare sicuti appetitus sensitui perturbatio aliqua  
cum exorta fuerit, statim ac ratio suos radios effundit, sceptrum & dia-  
dema ostentat: veluti si domini cuiuspiam vultum agnosceret, dimittit  
se, & aliquid de illo remittit impetu: Ita è contrario excitata affectione  
aliqua, ratio sæpissime tanquam benignus princeps, non ita rigide, aspe-  
re, & duriter cuius & vectigalis sui appetentiam aspernatur: quin libèter  
etiam de illis cogitet rebus, easque sibi habeat chariores, quas perturba-  
tionum aliqua uti pulchriores suauioresq; delegit. Nam ut Christi Do-  
min;



mini verbis dicitur: *Tibi est thesaurus tuus, tibi est & cor tuum.* Quæ vera sunt, nõ solum exinde, quod voluntas præcipuo quodam amore ea complecti soleat, quæ sensibus iucundiora repetuntur: sed etiam quod animæ mentisque agitationes eo celerius ferantur: quo sensus prius sunt ingressi: in illis sæpius & occupatissime versentur, in quibus thesaurum appetitus constituerit. Hæc etenim adeo defixa sunt in nostra intelligentia atque memoria: uti nemini plane adhuc excidisse putarem locum, ubi thesaurum suum obruerat.

Istorum quidem motuum ortus separari aut secerni non potest à notionem aliqua in phantasia expressa: in qua veluti in tabella cinnium sensibillum iucunditatum formæ & imagines exaratae elucet: ex quarum etiam conspectu, mirifice appetentis vis excitatur. Directa etenim intentaque imaginatio cum fuerit in aliquam illecebram: mens & ratio eam concomitantur, & per Alsinodis hortos ac voluptatum flosculos ex illius ductu spartiantur. Cum autem creuerit excitata aliqua appetitus perturbatio, apprehensiva pariter imaginatio incrementum capit. Ex huius autem augmento, etiam circa eandem rem mens acrior incitatioque sua emadit intelligentia. Sicut deprehendere solemus in cursu nostri Thamesis Londinensis. In quem cum Oceanus influxerit: tunc ex angusto turgescit, & diluione maturorum pinnis minatur: cum autem idem Oceanus defluerit, decedit pariter, & elati eius vorrices subsidentes, placido quodam motu in proprio decurrunt alueo. Hæc paucis, sed acutissime visus est attingisse Ioannes Scotus hisce verbis: *Tertia positio est, quod voluntate complacente intellectu: intellectus firmatur & intenditur. Ipsa autem non complacente, vel nolente: infirmatur & remittitur.* Cum enim, inquit, plura actiua, quæ diuersam sortiuntur agendi vim & efficaciam, circa vnum idemque passum operantur: fortius perfectiusque agunt, quam si in variis & disparata conatum aliquem exerent. Itaque duplicem quendam effectum appetitus perturbatio inferre poterit intellectui. Primus est quod ratio efficacius attentiusque illud intruetur & despiciat, quod sensus uti iucundum proposuerit. Alter est, qui ex multorum sententia dici poterit falsum, & erroneum iudicium practicum. Ex quo mens secum statuatur illud in hac aut altera rerum serie seu ordine esse profectendum: quod alioquin turpe noscat & auersum à virtute. Si enim ut dixi in eam partem propendeat operatio mentis, in quam vergit appetitus, tunc quo huius motus vehementior & efferaior existit: eo ratio ipsa diligentius in eam rem cogitationem suam conferet, quæ sensibus lenocinatur. Vnde proficiunt quoque incogitantia, indiligentia, & incuria quædam eorum momentorum, quæ virtutem suadent, & à cupiditate mentem auocant.

Quomodo  
perturbatio  
ves rationis  
impediunt.

Scot. in 2.  
d. 42. q. 4.

Duplex ef-  
fectus per-  
turbationis  
in mens.



cant. Hæc autem ita occupata, studiisque districta, inflammabit voluntatem: eadem concitata vicissim rationi stimulos addet, efficietque ut opera sua ea exquirat media, quæ aptiora sunt ad rei concupitæ indeptionem. Imo nonnunquam importuna appetitus affectio speculatio etiam errore mentem imbuet: ut adnotauit D. Ambrosius: *Auaritia* (inquit) *plerumque sensus habet humanos, & peruertit opiniones, ut quæstum pietatem putet, & pecuniam quasi mercedem prudentiæ.* Quare siue delictum & peccatum voluntatis, nudam atque simplicem alicuius delectabilis propositionem sequantur in mente, siue indicium aliquod exigant, quod practicum appelletur: à perturbatione inferioris appetitus, veluti à causa & principio, manare poterint. Multum idcirco opis ponderisque motus huius partis conferunt cum ad agendum, tum etiam cogitandum.

D. Ambr.  
ep. 44.

Corporis  
mutatio  
obnoxia  
rationi.

D. Ambr.  
lib. 1. off.  
cap. 40.

Illa quoque corporis efformatio, quæ perturbationi appetitus agnata est, non parum etiam rationi infesta. Rabidi namque & effrenes hi motus non in animam solum, verum etiam in corpus ipsum deseniunt & tyrannidem exercent. Ita D. Ambrosius: *Non solum dum animus exagitatur, amittitur ratio: sed inflamatur vultus vel iracundia vel libidine, pallescit timore, voluptate se non capit, & nimia gestit letitia.* Quemadmodum mare procellis inflatum & vorticosum non ita à sole collucet, albescit, aut vibrat, sicut quando conglobatur vndique æqualiter, neque effunditur, neque redundat vnquam, sed complanata superficies eiusdem radijs obiecta, illos placide excipit: Ita corpore in turbulentiam aut furorem adactò, ea vis rationis animique vel etiam pulchritudo haud videntur, quæ eodem sedato & moderatione quadam temperato vigerent. Nam quemadmodum impressio istæ corporea ab ipsa imaginatione proficiscitur & exaestuatur: Ita quoque illa ipsa imaginationem constringit, atque fortius in eam illud defigit, cuius causa eiusmodi corporis agitatio suscepta fuerat. Hoc pacto Oratores timore perculsi in ipso orationis limine trepidant plerumque & pallescunt: ut nihil ferme libero ore proloqui possint. Quæ quidem corporis violenta permutatio, si in illis creuerit, stupidos quasi reddet demum, & à mente penitus alienatos. Ex quibus etiam perspicuum fit, quod qui imaginatrice facultate maxime pollent, (vti ab ingenio deberent Poëtæ) non ita felices existant in ipso mentis discursu, neque tam luculenter despiciant quid ex alio sequatur. Nam imaginatio viua & excitata animi apprehensionem ita confirmat, ut iudicio alijsque eiusdem operationibus nullus pene locus concedatur.

Poëta iudicio non  
valent.

Cum autem animorum motus sedati fuerint, corporisque feruor abscesserit: tunc mens veluti sol in purissimo coelo vndique lucis suæ radios spargit vibratque. Atque earum rerum cogitatio verecundiam & pudorem



rem incutiet : quarum effectores rabidæ perturbationes illæ extitere. *Pudor, sedata perturbatione, ex facto exoritur.*  
 Facti & patrati criminis dispudebit plane, & erroris pigebit : quæadmodum Aiæ illi martio apud Sophoclem euenisse legimus. Is etenim ex vindictæ acriori appetentia, furore correptus, & impetu quodam istius motus ad insaniam adactus: in media ouium agmina furibundus erupit, ore atque oculis crudelitatem spirans: vbi imbelles trepidantesque pecudes sanguinolenta manu discerpfit, dilaniavit, imo rabido & efferato dente distraxit, ac sic locum ipsum quoquo versus cruore deturpauit: interim apud se hoc estimas, quod Ulyssæm hostem suum vlisceretur. Verum cum turbo istæ conquieuerat, & nebula mentem inuoluens deciderat, sui compos subinde factus, animaduertit inter cadauera illa se præclarum victorem confedere. Stragem editam sine victoria, sanguinem absque bello effusum, interfectos non interfici: iram denique in neruum erupisse. Vnde pudore iustus, imo animo consternatus, hæc voces indignabundus emisit:

*Vidi ferocem illum atque magnanimum virum,  
 Ad prælia illum bellica imperterritum,  
 Placidus oves inter sedere strenuum  
 Manu. Hei mihi, quanto hæc caecum digna sunt,  
 Heu turpitudinem (si boni) in quantam incidi?*

*Sophoc. in  
 Aiæ flagel.*

Ita mentis aciem motus & affectiones soluciores obnubilant, sic à ratione eam deducunt, vt in turpia imo ridicula quædam studia eam deferant: quæque nociua & exitiosa iudicabit aliquis, quamprimum tranquillior sereniorque ab hac tempestatis æstu atque fremitu subductus animus suo proprio fulgore illuxerit. Aptissime etiâ Marcus Cicero vim & naturam istorum motuum expreßit, cum dicat: *Perturbationes, vt paulo ante diximus, turbidi animorum concitati, motus, averti à ratione, & inimicissimi menti utaq; tranquille.* *Cicer. quas. Tu sc. 4.*  
 Ex illa autem, quam appetitus in intellectum potestatem habet, eiusdem dimanat imperium, etiâ in voluntatem. Hæc etenim ita à natura ipsa est instituta, vt rationis ductum, & quasi prælatum facem in progressionem suam subsequatur. Propterea in illam continuo se dimittit & inclinât partem: quâ mens sua luce accuratius collustrat. Hinc cum ex appetitu inferiori, veluti ex lacunoso & paludoso loco impurius halitus erumpens, mentem ipsam appetierit, ac eiusdem intelligentiæ tenebras offuderit, consecrarium est, voluntatem quoque titubare, vacillare, in turpia minusq; honesta delectu suo incidere. Efficit quoque interdum perturbatio, vt voluntas propriam & nativam agendi formam deferens, ea imitetur, quæ naturæ impetu feruntur. Hoc etenim discrimine voluntas humana à cæteris agentibus secernitur: quod illa liber-

*Perturbationis in voluntatem vid.*

R 3 rime



rime sese moueat, hac aut illac inflectat: Hæc vero quodam naturæ pondere feruntur ad certos decreto (que conatus: quibus abstinere non possunt. At si effrænis appetitus motus insurrexerit, voluntatem omnino præcipitabit ad aliquam temerariam appetentiam, à qua illi integrum nõ sit resilire; quod tunc solum euenire solet, quando affectionis importunitate ratio oppressa, præuenta, aut omnino est extincta.

*Quomodo  
perturba-  
tiones libe-  
ro arbitrio  
officiunt.  
Arist. 7.  
Ethic. cap.  
7.  
D. Thom.  
1. 2. q. 10.  
art. 3.*

Vt autem melius perspiciatur, quomodo perturbationis vis libertati voluntatis inimica sit: quæ ab Aristotele & diuo Thoma hac de re disputantur, expendenda. Distingunt itaque isti duplicem quendam impulsus appetitus, vnum dicunt, qui anteuertat voluntatis appetitionem: alteram, qui illam subsequatur: priorem libertati voluntatis aliquid semper imminuere definiunt, posteriorem minime. Quo modo Aristoteles hoc videtur discriminis assignare inter incontinentem & intemperantem, quod incontinens leuiori aliqua incitatus perturbatione, eaque deiectus, voluptatem experat, quam nihilo scius probe cognoscit rationi & virtuti aduersari: quocirca cito se recipit à vitio, & consilia mutat. Intemperans vero furore affectionis percitus, & consuetudine delinquendi tantquam vinculis constrictus, præceptis omnino ruit ad illicitas iucunditates: atque difficilior reuocat iste gradum à vitæ turpitudine. Illa autem perturbatio, quæ hanc singularem insequitur actionem voluntatis, alterius actionis causa esse poterit, eaque prior; quod manifestum est in ijs, qui frænorum omnino laxarunt appetitui, qui disciplinis animû non excolunt, neque timore Numinis lasciuientem cupiditatem cohibent. In quibus perturbationes ira sunt immanes & feroces plane, vt vi quadam deiciant voluntatem ad indecora, factûq; turpia. De quibus hæc diuus Ambrosius: *Perturbata enim mente latius se ac longius fundit appetitus, & tanquam efferrato impetu fræna rationis non suscipit, nec vlla sentit auriga moderamina, quibus possit reflecti.* Quæ autem perturbatio appetitus, tanquam effectus aliquis posterior existit eiusdem voluntatis motu, libertati eius nihil officit, (vt rectissime docet D. Thomas) quod tamen intelligendû erit, quantum ad expressionem primordiale operationis liberæ & voluntariæ: non quantum ad eiusdem propagationem. Nam cum voluntas operari cœperit, si illi accedat impetus aliquis affectionis, ex appetitu tali priorior erit ad persistendum in conatu iam incepto, atque exinde aliquid quoq; libertatis ei detrahetur.

*Formare  
regiminis in  
vita a io-  
nibus.*

Quæ hæctenus de vi appetitus in intellectum à nobis disputata sunt: cum nostræ naturæ infirmitatem patefaciunt, tum quoque eam describunt regiminis normam, qua hominis vita debet contineri. In societatis ciuilibus institutione ea moderationis species palmaria existimatur, quam

Græci



Græci, ἀναρχία dicunt. A qua cum institutio parum recesserit, imperfectior euadit: maxime si ad populum deuoluatur imperandi modus. Ita à natura ipsa comparatum est, vt in homine vnus rationis legi, aut supremi quasi imperatoris iussui cetera omnia sint subiicienda: cuius ductum sequi debebunt, siue ad receptum tuba canat, siue ad assultum vexillum efferat. Hinc Philosophi rationem mentisque nostræ conspectuam intelligentiam regi compararunt: voluntatem verò illi, qui mandata exequitur; sensus autem & appetitus perturbationes promiscuæ multitudini similes dixerunt. Eapropter sicuti hominum vulgus legitime nunquam imperat: quandoquidem in mille partes affectionibus & iudicijs distractum, eaque de causâ nihil stabile aut firmum populus habebit, sed eius fluctuabunt omnia, & in ambiguo versabuntur: Ita quamprimum rabidis istis moribus quis vitæ suæ sceptrum tradiderit: in maxima quadam confusione actiones ipsius collocari necesse erit. Nam appetitus hi imperus non minus inter se depugnant, quam cum ratione: Ab vna idcirco ratione morum compositio petenda erit. Proindeque auocanda & secernenda mens ab hisce affectionibus & ægritudinibus appetitus: vt intellectum purum, voluntatem autem fortem & virilem habeamus. Sicut enim Isaac Patriarcha, vt contemplationis puteos haberet limpidos, altius defodit, & omnem abiecit concretionem terrestrem: quos postmodum allophili Philistini iniectis rudibus impuratos effecerunt: Ita altius nobis terræ gleba profcündenda, moles omnis iniquæ sordidæque perturbationis abigenda, vt rationis collucentem aquam inueniamus: quæ nobis veras rerum formas visendas referat: Non earum solummodo, quarum species Pegasi vngula in Pernaßi vertice aquæ venam aperiens, Musis detexit: sed rerum omnino altissimarum: quæque ipsius celi abstrusis recessibus includuntur. Rixentur interim quantum velint Philistini, nobis laborantibus repugnent, otium nostrum interpellent, in aciem quotidie contrarios prodeant: tandem puteum illum bene expurgatum habebimus, pro quo nobiscum amplius contendere abstineat: illumque appellabimus *latitudinem*, in cuius circuitu diffusum vigeat rationis imperium. Opus autem interim est contentione animi, labore, vigilijs, disciplinarum perceptionibus, ad hosce pulueres & ruderes propulsandos affectionum. *Quomodo enim* (inquit D. Basilus) *amabit is veritatem, qui disciplinam nullam dedit operam, & in tanta carnis mole suam ipsius mentem oppressam tenet?* Si namque otio torpeamus, animam cum Philistinis appetitus perturbationes rudibus obruent, eiusque lucem extinguenti: & in tanta oppressione, sub tanta terræ mole, quid præclari ratio aliquando excogitabit, cum non tam corpus, quam anima lutulenta terra eua-

*Tir. Max.  
serm 6.  
Species rei  
publicæ in  
hominis  
anima.*

*Gen. 26.  
Expurganda  
mens, vt  
bene percipiat diuinam  
humanamque.*

*D. Basil. in  
1<sup>a</sup> sal. 29.*



*Psal. 29.* ra euaserit: neque puluis huiusmodi (vt loquitur Psalmista) Deo confite-  
 ri poterit. Sed quemadmodum auri massa quamdiu terræ adhæret, & in  
 illius meatibus & secturis includitur, sordescit plane atque in alienam  
 naturam videtur commigrasse: extractum vero & eductum, fornacis ca-  
 lor cum illud semel purgauerit, natua sua resplendet specie, & iusto va-  
 lore potitur: Ita anima immersa carni, caro videtur: ea nempe quæ car-  
 nis sunt sapit, & auidissime insectatur. Cæterum si faculam illam igneā,  
*Luc. 16.* quam Christus in terram misit, aliquando excipiat, liquefactæ protinus  
 & dissolutæ terrestres concreciones defluent: ipsa autem anima effulgens  
 admirabilem sui speciem intuentium oculis iniiciet. Recte enim Plato:  
*Plat in Tim.* Nemo philosophare potest, nisi seiungat se à corporis affectionibus. Non enim alia  
 de causa Euripus omnis expers fertur nauigationis: nisi quod aduersis  
 ventis excitati fluctus eius perpetuo concitentur: Ita cum appetitus Eu-  
 ripus æstuauerit, & oppositis motibus in diueria impetu quodam dis-  
 cesserit, nullam nauigationem mens exercere poterit, ac proinde nullæ su-  
 pererint artium & virtutum importatæ merces. Non enim importatis  
*Cæsar. 6. Com.* omnino est nobis abstinendum, quibus prudenter satis gentes aliquot  
 etiam lege lata abstinere voluerunt: ne ipsarum natua virtus conquisi-  
 tis oblectamentis corrumpereetur: nobis autem aliter euenit. Hoc enim  
 nostræ animæ solum, quod spinas & tribulos effundit, externo indiget  
 subsidio, cum diuinæ gratiæ, tum etiam humani consilij.

*De illis incommodis & malis tractatur, quæ hominis intellectu  
 afficiunt, eiusque cursum remorantur.*

## CAPVT XV.

**N**ihil in ipso homine cernere licebit, quod animum eius ita ad  
 gloriæ cupiditatem atque præclaram sui existimationem pro-  
 moueat & exstimulet, atque mentis intelligentia corusco  
 splendore se effundens: cumque instar Pauonis depictis illis  
 pennis corpus vndeque, quasi circumducti gyri luce &  
 gemmis inuoluerit. Præsertim si ei aciculatis istis radijs, voluntatis feruor  
 & impetus aliquis accesserint. Istis enim conspirantibus, veluti quibus-  
 dam alis subiecti, pinnacula, montes, ipsosque nubium vertex, ambi-  
 tiosius quam par est petere solemus:

*Præpetibus pennis ausus se credere cælo.*

Quem quidem volatum legū obiecta seueritas, priuati detrimenti ratio-  
 nes, vi-

*Superbia  
 ex opinio-  
 ne cogni-  
 tionis.  
 Virgil. 6.  
 Eneid.*



nes, vitiorum truces & deformes aspectus sistere interdum aut retardare minime poterunt. Proponendum ea propter oculis tersum & politum aliquod speculum, in quo mentis nostræ obscuras labes, & quasi maculas lunæ, ex vicinitate eius cum terra contractas, ita ex copula animæ cum corpore enatam infectionem contemplemur. Dum enim sic instructi vultus natos & complicatas rugas despiciamus, de forma & specie modice atque non nisi temperate gloriabimur. Cereis plane iuncturis fragiles alas ope Dedalia colligatas cum viderimus, quæ ardere sole facile liquecant: altiora præcipitia ascensu nostro non quaerimus. Quid autem est quod ex mentis intelligentia, veluti ex præclaro aliquo lumine, quispiam se opinione efferens, gloriatur? Aspicimus obsecro circumuolitantes nubes, quibus hoc nostrum lumen implicatur. Contemplemur maculas, quibus coruscus ille globus inficitur. Profecto non erit quod sibi amplius quis oblandiens, præclare de se sentiat aut loquatur: si modo intellectui offusas tenebras bene ipse perspectas habuerit.

Insignis illa fuit primorum parentum arrogantia, & non nisi cum stultitia singulari coniuncta nequitia, qua ad sciētiam boni malique, sed præpostera quadam cupiditate, adspirare voluerunt. In illam idcirco & merito pœnam delinquentes incidere, ex qua intellectus tarditatem & retusam eiusdem aciem postmodum experti sunt: illius etenim vi, modum omnem excedere, & altiora sapere voluerunt. At sicut in naui celeri cursu ad caudem allisse, ille præsertim partes dissiliunt comminutæ, quæ cursui vel maxime inferuunt: Ita in ipsis animis ad peruersum quid delatus, in ipso intellectu perpeffus est grauissimum malum: cuius præsertim opera vitæ administratio perficitur. Exhinc in Theologicis error, in Physicis tarditas, in ciuilibus stultitia promanarunt. Efflorida quippe illius pomi species animæ oculum fascinauit. Sanguinarius ille latro & prædo nefandus Satan non hoc contentus, quod nos præclaro iustitiæ thesauro, ceterisque virtutum ornamentis & gemmis spoliaret: quin deiectis nobis adhuc vulnera, eaque grauissima, voluit incutere. Nec diuites passus est fore nos, nec de vita securos: diuitias eripuit peccato, vitam ferme plaga extinxit. Prostrati etenim cum simus, bonisque omnibus denudati, erigere nos, hac aut illac ad præsidia exquirenda discurrere non possumus. Excisis etenim animæ nervis, vires labascunt & deficiunt. Voluntas ex vulnere fragilis & inbecilla, erecta si fuerit, consistere tamen nequit. Neque mens viam aut rationem effugij excogitabit: cui oculus est excussus, & lumen omne errore ferme & incertitia oppressum. Quocirca deprauata viciataque hæc nostra natura, tanquam infantes cum Moyse parauulo angustis thæcæ limitibus incluso, fluminis cursui commissi, periclitamur.

*Ex peccato  
impedita  
intelligentia.*

*Exod. 2.*

S

clitatur.



2. Mach.  
2.

clitatur. In infantia debilitas, in theca, pice & bitumine illita, ignorantia obscuritas: in flumine concupiscentia insanus imperus designantur. Spem itaque omnem in lachrymis & eiulatu habemus: expectantes Pharaonis filiam, Christi ecclesiam ac sponsam, quæ ripas huiusce torrentis adeat, nosque excipiat in sinum suum; & mystica illa aqua, quæ quodam concreta, postmodum in flammam erupit, animos nostros quasi luce perfundat: vacillantesque artus cœlesti quodam robore confirmet.

Anima  
instituta in  
diuinis.

Arist. 1.  
Metaph.  
cap. 1.  
C. rill.  
Alex. li. 1.  
cont. In-  
lian.

D. Ambr.  
lib. 1. off.  
cap. 13.  
Greg.  
Naz. orat.  
1. de  
Theolog.

Atque ut ab illo detrimento ordiamur, quod intellectus exceptit: facile videre est quomodo hæc anima facultas, etiam in meridiana luce cecutiat: quandoquidem nullius veri propria & genuina notione, vix dum adumbrata potitur. Quæ sursum, quæ deorsum, quæ ante, quæ retro, quæ quaque versum, quæ vicina aut longe posita, si non penitus à nobis ignorentur, captum nostrum effugientia: animæ tamen cecitate in errorem veluti in scopulum contemplantes impingimus. De diuinis (ut pauca inferam) quid sole isto, si naturam eius spectemus, magis aspectabile? cuius munere & effusione radiorum cetera omnia effulgent & in nostris oculos se insinuant: nihilominus in hunc intendere non potest acies oculi, delatum eius radium non perfert exilis ille humor cristallinus pupillæ teneritudine inclusus: Ita Deus, qui substantiæ suæ ratione maxime est intelligibilis, cum intra entis ipsius analogiam præcipuam partem, vel potius ipsum totum contineat: cuiusque virtute omnia in lucem emerferunt, quæ humanæ mentis intelligentia deprehenduntur: in huius tamen conspectu, (id etiam agnoscente Aristotele) immensitate & magnitudine obiecti repercussus intellectus hæbescit, sicut oculus noctuæ solis radijs expositus tremet & perstringitur. Hinc Thales milesius Deum esse dixit ipsius mundi animam: quæ per omnia effusa & comeans, alterius rei, veluti materiæ subsidium quærat & adminiculum: quo quid absurdius? Epicurus cum rationes & momenta omnia expendisset, atque in vnum contulisset, ne accipere cura diutius torqueretur, nullum esse Deum proclamavit: quo quid tetricius cogitari poterit? Democritus numen falsus, flammam quandam esse voluit, seu spheram igneam, ignis elemento inclusam: quo quid Deo indignius proferri queat? Anaximander commento suo infinitos mundos excogitavit, ex quibus Deum constatum putavit: quo quid ineptius? Aristoteles cum Deum agnoscat, substantiam separatam dixit, quæ extimæ spheræ insideat: sed angustæ nimis & minute de tanti Numinis maiestate disseruit. Plato autem & Trismegistus, cum à Iudeis multa in Ægypto didicerant, diuinius sunt de ipso Deo loquuti: parum tamen & modice pro rei veritate & magnitudine. Quamplurimi alij (etiam in classe numeroque præstantissimorum Philosophorum



sophorum semper habiti) cum obtutus direxissent in patentem hanc cœ-  
lorum faciem tot stellis pulcherrime collucentem, lucida illa corpora ani-  
mis vegetata, & pro numinibus ab homine colēda existimarunt. A quo-  
rum sensu non multum est abhorrens Cicero: tamen si academicum sem- *Cicer lib. 1.  
de nat. deor.*  
per agat, & in omnem partem animi pendens se verteret: nihil magis dissi-  
mulans, quam quod constanter asseueranterque definiendum sit. Cogi-  
tare etiam animis absurdissimos ritus colendi numen, tum à Græcis tum  
à latinis vsurpatos: utpote auguria, inspectiones viscerum, expiationes  
scelerum, sacrificiorum immanitatem, deorum multitudinem, auium cu- *Absurda  
sacra gen-  
tilium.*  
ram & custodiam, effusam libidinem: & hæc quidem omnia non longe  
ab insania, ne dicam ab errore seiuncta esse dicetis. Admiraio profecto,  
sepius animum meum subiit, cum cogitarim de illo rationis & mentis  
deliquio, quod in hisce rebus Romanorum sensus obtinuerat. Quorum *Romanorum  
ignoratio in  
diuinis.*  
quidem inuicta pectora Martijs furoribus concitata, nullis hostium gla-  
dijs aut telis cesserunt: mentes tamen ipsorum, quæ sceptrum obtinere  
deberent, infinitis turpissimisque de ipso Deo opinionibus succubue-  
runt: & luxuriante cultus desiderio, ad absurda quæque & viliissima pro-  
iecta extiterunt. Vnde quæ vulgati corporis vtilitatem inter pastores  
quererat, lupa: quod expolito Romulo vbera præbuisse, diuinis est affe- *La Tan li. 1.  
de fals. relig.*  
cta honoribus: cuius præsidio & nominis gloria apud illos quoque lupa-  
naria honestari ceperunt: imitati in hoc Atheniensium exemplum, qui  
meretricem quandam Leenam dictam, quod tyrannum occidisset: sub a-  
nimali specie, cuius nomen gerebat, tanquam Deam in templo colloca-  
runt, & venerati sunt. Verum & Faulam Herculis sortum Romani colere  
non rennerunt. Floram quoque impudicam prostibulam, editione ludo-  
rum, quæ Floralia appellantur, celebrarunt, & ad superos prodigioso de-  
lirio euexerunt. Atque ne quidpiam demum ipsorum dementiæ deesset,  
Cloacina simulacrum in cloaca maxima repertum Iacius consecranit: &  
quia cuius esset effigies ignoraret, ex loco illi nomen imposuit. Merito  
quidem; nam in sensus Romanorum totius orbis supersticio militari glo-  
ria permixta, veluti in cloacam rapidissimo cursu se infudit. Ea propter  
huiusmodi elogio illos insigniuit D. Leo: *Hec autem ciuitas ignorans sue  
prouidentia non auctorem: cum pene omnibus dominaretur gentibus, omnium gentium  
seruabat erroribus: & magnam sibi videbatur assumpsisse religionem; quia nullam  
respuerat falsitatem. Tamen Augustus inique sentiens de Iudeorum ri-  
tu nepotem suum Caium laudaret: quod Hierosolymam inuisens, in tē-  
plo illo minime adorasset. Omittimus interim Egyptios, qui idoloma-  
nie stulticia & vecordia ad Apin, Isin, & Osirin, ad Nilum, ad croco-  
dilem, ad selem, & huiusmodi cultum plane ridiculum deuoluti, nobis*

S 2

quasi

*D. Leo serm.  
1. de nat. al.  
Apost.  
Sunt in  
August.  
Egyptiorum  
& Græcorū  
stultitia in  
diuinis.*



quasi Gorgonis immane & truculentum caput spectandum præbuere. Insignem quoque Græcorum leuitatem præterimus: qui Saturnum, Iouem, Martem, Mercurium, Vulcanum, Venerem, Dianam, pro dijs habuerunt. Quorum descriptas historias retinentes, in quibus ipsorum flagitia, turpitudines, & scelera narrabantur: nihilominus istis quasi numinibus se dimiserunt: hosque sibi propitios & patronos longissimis peregrinationibus, rei familiaris effusione, corporum maceratione, immo humanis victimis adsciuerunt. Cum enim mens semel à vera Dei notitia aberrarit, nullibi firmam aut stabilem sedem inueniens: per maria, per terras, per immensa illa cœlorum spacia euagatur: Omnia studio & labore emeritur, vt numen aliquod tandem inueniat, cui vitam credat. Ipsos etiam angulos fuligine obsitos, vel cloacas colluie fœdas rimatur: nemorum condensa, fluminum capita, & fontes, valliū latentes sinus, mōtium iuga inquisitione sua excutit & perlustrat. Tandem error omnes animæ cogitationes peruertit, & in transuersum agit. Multo autem crassior ignoratiæ nebula illorum animos incessit, qui semetipsos adhuc spirantes in deorum numerum retulerunt: quod fecit Alexander, omnesq; ferme Romanorum Imperatores idem decreuerunt. Inter quos ineptissimus Caius, qui certo ritu & ceremonia statuas suas coli voluerit, qui Iouis cognomen vsurpauit, demptisque capitibus Deorum, ipsorum simulachris suum imposuit, vt narrat Suetonius. Ex delirio plusquam infanus extitit ille Sapor, rex Persarum: nec quidquam sapere visus, qui (vt narrat Marcellinus) literas dedit ad Constantium imperatorem, quarum hoc fuit exordium: *Regum Rex Sapor, particeps syderum, frater Solis & Lunæ: Constantio fratri meo salutem plurimam dicit.* In similem quoque dementiā (vt relatum est à Maphæo) Indiani ex institutis Brachmānorum prolapsi sunt, qui brutis animantibus, vtpote simiæ, elephanti, sacros habuerunt honores, illisque templa posuerunt: quæ vel priscæ vrbis Romæ ædificia sumptu & amplitudine superarent.

*Infantia  
eorum qui  
videntes  
coli pro dijs  
voluerunt.  
Sueton. in  
calig. cap.  
22.*

*Marcell.  
in Chron.  
lib. 30.  
Maph. lib.  
1. hist.  
Ind.*

*Humana  
ignorantia  
in rebus  
physicis.*

*Mundi  
ortus.*

Quod si è sublimi huius diuinæ naturæ cōtemplatione descendere velimus ad eorum inspectionem, quæ vel sensibus sunt obiecta, vel definitam limitatamque sui conditionem habent: in horum quoque originibus & progressionibus inuestigandis, Philosophorum ingenia sæpius lapsa animaduertemus, & infinitis propemodum erroribus implicata. De mundi istius ortu quas opiniones susceperunt, quæ sententiarum monstra extulerunt? In quo dissidentes ipsorum sentus & pugna palam fecerunt, quam tenuiter rem ipsam pertractarunt: quorum singuli haud aliter veritatem ipsam sunt insequuti, quam ille, qui fascia inuolutos habens oculos, palrans & incertis gressibus vacillans, aurum in tenebris quæritaret.



ret. Ita Empedocles ille Agrigentinus, de mundi propagatione differens, impegit. Duos etenim mundos iste excogitauit, ex quatuor elementis coagmentatos & concretos: quorum vnum amorem & concordiam appellauit, alterum litem & discordiam: hos occidere & interire immensis temporum spatijs, cessare à pugna & contentione, rursusque sopitos reuiuiscere, & vicissitudine quadam vnum ex altero prodire opinatus est. Anaxagoras vix bene expergefactus (vt videtur) confusam quandā massam & indigestam rerum molem diuinatione sua inuexit: quæ infinito tempore delituerat, quousque mundana mens, quam Deum esse arbitrat, ordinem illum & rerum situm, quem nunc videmus, conspicuum induxisset, omniaque affabre efformasset. Plato tamen si mundi ortum in Deum, vti autorem reduxerit: vniuersam nihilominus hanc machinā communi mente vult esse animatam. Aristoteles cum suis Peripateticis, temporaneam mundi natiuitatem peruicaciter negauit, ne opere Numen abstinens, infinitis sæculis otio & desidia torperet: nec quidquā fieri posse existimauit absque præiacentis materiæ adminiculo. Istis accedat Epicurus cum suis volitantibus atomis, quorū fortuita concursione omnia conflare credidit. De calorum substantia, eorumque motu perenni anxie Philosophi disputarunt, & acerrime inter se pugnarūt. Miratus sum Plinium, qui sequutus Platonem, astra terrestri humore nutriri dixit. Sic loquitur: *Sidera haud dubie terreno humore pasci, quia orbi dimidio nonnunquam maculosa cernantur: scilicet, nondum suppetente ad hauriendum ultra iusta vicinas ipsorum enim non aliud esse, quam terræ raptas cum humore sordes.* Misera sane videtur mentis nostræ conditio, quæ in tantis ignorantiae tenebris versatur.

Verum non solum in illis erramus, quæ extra nos posita sunt, quinimo in explorandis naturæ nostræ principijs nunc hæsitamus, nunc labimur & fallimur. Si quid hæc anima nostra sit inquiramus, illam cordi suffusum sanguinem dicit Empedocles: Zeno ignis particulam, Xenocrates harmoniam, Aristoteles continuatam corporis agitationem, Dicearchus partem cerebri. De cæteris autem rebus quam absurde sint Philosophi commentati, pronunciat Cicero: *Sed nescio quomodo nihil tam absurde dici poterit, quod non dicatur ab aliquo Philosophorum.* Atque ita in sectas abierunt dissidentes, vt insinuet Seneca facilius horologia inter se convenire, quam Philosophos. Cum autem in vniuersum cuiuslibet substantiæ interioris latantis propria veraque notio mentem nostram effugiat: tum quoque in ipsis sensuum obiectis varia incertaque est nostra inquisitio & altercatio propemodum infinita. Disputatur quomodo fiat visio, vtrum emissionem radiorum ex oculo, qui in obiectum incidant: an vero tenuis-

Plat. in  
Phileb.

Lucræ.  
lib. 1.

Plin lib. 2.  
natural. hist.

Absurda  
sententia  
Philosophorum  
de anima.  
Cicer. lib. 1.  
Tuscul.

Cicero lib. 2.  
de diuinat.  
Senec. in lud.

In rebus  
sensuum obiectis  
notia nostra  
inquisitio



*Modus  
generatio-  
nis obscu-  
rus.*

*Difficile  
naturam  
motus con-  
cipere.*

simæ alicuius qualitatis susceptione, & ab illo vsque ad oculum transfu-  
sæ: quorum vtrumque sane est obscurissimum. Neque ita dubie per-  
plexeque humanus intellectus progreditur in disquisitione cuiuspiam  
rei, atque dum rationes causasque ipsas sentiendi explorat. De intelligen-  
tiji autem, de natura animæ, de rerum formis & subiectis, tenuis & exi-  
lis est omnis nostra coniectura. Quis enim est, qui plene dilucideque  
mente percipit, quonam ingressu forma seu effectus quilibet, cum nihil  
eius in materia præextiterit, de nouo recens exiliat in lucem, & in gre-  
mium quasi materiæ commigret? Quonam pacto ab agente propage-  
tur, quod cum nullæ mutationi sit obnoxium, dum molitur aliquid, nec  
in se recipiat quicquam; elicit tamen & excudit id quod fit, & quasi de  
nihilō extrudit. Dicant mihi velim quidnam illud sit, quod denudatum  
& spoliatum omni accidentali affectione: materiam primam appellant,  
ostendantque liberam esse & immunem ab omni interitu, ita vt cum lu-  
men extinguatur, fumus dissipatur, odoramentorum suffitus exhauri-  
tur: nihil tamen eius intercitat, sed accidentibus tantum pereuntibus,  
viduatæ materiæ particulam aëris forma occupet, & in illam inuolans  
quasi prædam eius faciat. Qui subtiliori sunt ingenio explanare vellent  
eos quonam pacto motus re ipsa & existentia secernatur à forma fluen-  
te, & quidnam sit iste fluxus & deductio, quæ vt modus quidam illam  
protrahat & extendat: quique iugi & continuato feratur cursu, vt ne  
tantillo quidem temporis solide permaneat: sed continuo oriatur & oc-  
cidat: quod de ipsa forma, (cuius modus est) opinari non licebit: partes  
enim caloris vigente alterationis motu non defluunt. Elucidant quoque  
principium & ortum motus: & dicant vtrum incipiat per alium motum,  
actionemque propriam ab illa distinctam, quæ forma fit, vel an seipso,  
nullaque propria molitione existat? Si enim motus per motum fiat, pro-  
gressio erit in infinitum: si seipso, hoc idem de forma quoque æstimabi-  
tur. Quod si iste motus sit res alia à forma, educi debet ex potentia ma-  
teriæ, quemadmodum & illa; idque peculiari aliqua actione: effectis ete-  
nim iuste respondent effectiones. Porro quid ipsis sensibus notum fami-  
liarius, quam quod res se loco & situ moueant? quæ autem illa sit virtus  
motrix neruis & corporum iuncturis insita, cuius nixu grauissima quæ-  
que impelluntur, non est (quantum ego conijcere valeo) tam expeditum  
& facile cuiuspiam definire. Dubitari enim poterit, vtrum hæc virtus exi-  
liens & se efferens qualitatem aliquam imprimat in corpus, quæ proxi-  
ma sit causa istius motus & concitationis: an vero hæc ipsa virtus ita in  
omnem partem æqualem habeat vim, vt tametsi res sit exigua, grauissi-  
mi nihilominus corporis onus non sentiens, illud faciat vt subsulter,  
trepudiet,



trepudiet, & euolet. Atque cum aliquid loco mouetur, sciscitatur an aliquid distinctum à mobile ipsi adueniat, necne: si affirmes nouam pariter cum motu eductam esse qualitatem aut modum: cur tale quid decernatur peti poterit? Si respondeas, vti res quantitate dimensa sit alicubi: ad hoc satisfacere ipsam molem quantitatis dicam. Quid moror? ipsis sensibus nihil magis infixum videtur, quam doloris & voluptatis perceptio: in quibus tamen hæc posita sit, mens nostra adhuc definite non statuit. Doloris sensum & acrimoniam illam definiunt aliqui, nihil esse aliud quam inuectam qualitatem, quæ naturæ aduersetur: iucunditatem quoque qualitatem esse naturæ consentientem statuunt: quod si verum sit, dolor & voluptas non erunt actiones vitales sensuum, sed impressiones extraneæ, atque in adusto digito acrimonia illa nihil erit quam calor in eodem: quod si exprimantur actione quadam, tunc eo dolor non erit, quo calorem in carnem ignis infert, sed eo tantum, quo tactus operatur. Eapropter operatio illa magis erit sensui nociua, quam calor: hæc enim sola lædit & vrit. Ab his autem si quis refugiat, asseratque dolorem priuationem esse debitæ & à natura constitutæ tēperiei: animus sane meus non capit, quomodo priuatio ea ratione, qua nihil est, sit verus dolor aut cruciatus. Ad sensuum quoque actiones præstandas, neotericorum schola species quasdam notionales antiquitus excogitatas, mordicus etiam nū retinet, quæ effluentes ab obiectis sensus feriant, illos excitent, atque ipsam sensationem efficiant. Intellectui quoque eadem de causa suas species schola adscripsit. Ipse sane mirari soleo, cum cogitem vniuersum hūc aërem spirabilem, concursione, confusaque coitione disparium & dissimilium specierum esse repletum: quarum alia aliam nec loco eiiciat, nec vim eius extenuet: sed omnes in angustam pupillam incidentes, varias inspectiones exprimant. Obscurius quoque erit explicare, quonam artificio intellectus agentis seu collustratione quadam, crassæ concreteq; in imaginatione seruata species puriores euadant & defecata, ita vt inter malleum quasi, & incudem contusa: multo tandem labore speices fiāt intelligibiles & spirituales. De qua re nullus hactenus mihi visus est vel probabiliter disseruisse. Verum neque Metaphysicorum pedes ab his la-

*Natura voluptatis & doloris obscura.*

*Questio de speciebus intentionalibus difficultis.*

*Metaphysica obscura.*

proprie-



*Tertull.  
lib. de cul.  
mul.  
Clem. A-  
lex. 5.  
strom.  
Cicer. 3.  
de orat.  
D. Basil.  
ep. 168.  
Formica  
reprimit  
superbiam  
Eunomij.*

*D. Chrys.  
Homil. 9.  
ad popul.*

*Gen. 2.*

proprietates, rerū apathias & sympathias multiplices ignoremus: in quorum inquisitione cum magna & præclara ingenia deludant, vix vmbra hactenus tenuerunt veritatis: sed potius ementita specie delusa, sibi ipsis sapere videntur, alijs desipere aut delirare. Opera tamen demonum arcana multa humanis mentibus patuerunt, & vt scribunt Tertullianus & Clemens Alexandrinus, mali genij quamplurima naturæ secreta mulieribus propalarunt: quæ præsertim ad earum fucum & ornatum spectarent. Consulto itaque dicere solitus est Democrates, veritatem in profundo puteo esse demersam. Neque fortassis errauit Arcesilaus, qui hoc vnum posse sciri affirmavit: quod nihil plene & perfecte humana valeat intelligentia consequi. Atque istis rationibus D. Basilii Eunomij hæretici superbum animum compefcuit: cum enim temerarius ille se diuina quæque intelligere profiteretur: ipsum ad formicam transmisit, atq; sic admonuit: Qui se existentium scientiam assequutum esse gloriatur: exponat nobis, quomodo quod minimum est eorum, quæ in lucem prodierunt, naturam habet, & quæ formicæ sit natura: dicat an spiritu vel anhelitu vita ipsius contineatur. An corpus habeat osium distinctione coniunctum, ac discretum: nervisne ac nodulis coniuncturarum roborata sit, an musculorum & glandularum complexu, nervorum natura vndequeq; cõseruetur. An per dorsuales nodos ad caudam vsque medulla propagetur. Vtrum ex nervosæ pelliculæ complexione motis membris sit progrediendi facultas: habeatne hepar, an sub hepate sit flauæ bilis folliculus, vtrum renes habeat, & cor, & arterias, & venas, & membranas, & diaphragmata: nudane sint, vel crinita: an vnius tantum generis, aut multifarijs vtatur pedibus, quamdiu viuatur, & quæ sit illis propagandæ posteritatis ratio: quotuplo fœtu dum generat fœcundetur: & quomodo nec pedestres sunt omnes formicæ, nec alatæ omnes, sed aliæ humi repant, aliæ per aëra volitent. Dicat itaque nobis formicarum naturam, qui eorum, quæ in natura sunt, scientiam cum fastu se prædicat assequutum. Atque ita demum de potentia illa omnem intellectum superante disputet. Si vero scientiam minutissimæ formicæ nondum es assequutus: naturam quomodo incomprehensibilem Dei ac potentiam imaginatione tua comprehensam esse gloriaris? Numero plane sunt infinita, quæ vim nostræ mentis excedunt: vtpote Oceani æstus, Euripi iactationes, terrenæ huius molis suis libratae ponderibus suspensio: quam admiratus est aliquando D. Chrysostomus, & ab homine sciri posse negavit, quænam sit ratio eiusmodi situs & posituræ, aut quomodo circumfluentem aqua partes terræ resolute tandem non dissipentur: quæ etiam sit mollis arenæ potestas, qua immanes fluctus ita efferati & spumantes continentur: ad quâ allisi casto opere resilire coguntur. Admiratur quoq; cur aquæ illæ, quæ iuxta scripturæ sententiâ supra cœlos sunt, orbiū conuexa occupantes, nō defluant: ac sciscitatur quidnam eas coërceat aut cõstringat. Caterum



Ceterum ut cælorum orbis, effusi maris vastissima spacia, concreta  
huiusce terre immensos tractus, suos, & ambitus relinquantur: ea que so- *Temeraria*  
lummodo intelligimus, quæ quotidie in nostras actiones inscruunt: in- *marum.*  
tellectum hominis in illis quoque plurimum cecutire perspicimus. Non  
enim nisi extrema in secula gentium animi involuti in illa scelera proru- *Rom. 1.*  
perunt, quæ describit Apostolus Paulus. Victicia quippe Numina vene- *Vita gen-*  
rioni suæ obicerunt, vitæ portio immunditiei traditi, perturbationibus *tilium.*  
& nefandis cupiditatibus inservierunt, naturali propagationis ordinem  
libidinum insania transilientes, omnemque vitæ humanitatem feritate  
morum executores, Deo odibiles, alijs molesti, sibi met ipsis graves &  
intolerabiles existerint. Satis equidem demerari non possum depravatæ  
naturæ ruinam: cum animo repetam, quidnam olim Gentiles de rebus si-  
cris & diuinis ita uerint. Vix mihi credibile uideretur in Latio aliquando *Absterge in-*  
vixisse Faunum, quæ, ut scribit Lactantius, patrem suum Picum & soror- *stima auis-*  
tem, eandemque coniugem (quam ob crimen ebrietas ipsent ad inter- *quorum in*  
uentionem ferre diuerterat) in Deorum numerum postmodum reu- *rubus sacris.*  
lit. Ludere mihi apparet Suetonius, qui narrat Canum Imperatorem eo *Lactant. li. 1.*  
infantia deuenisse: uti superstes pro Deo etiam Ioue superiori haberi vo- *de sol. relig.*  
luerit & in theatrum publicis sacris eum quem quasi in Scenam productum *cap. 12.*  
tem Draconem Herculanum totum theatrum visu excepit: inati tamen Dei *non in*  
scenæ non coassilient irrisores, nisi insectis in ora lauri folijs, risum ma- *calg.*  
riso comprellissent. Hunc tamen Vitellius non Romanorum Imperator *Per libelle-*  
sed Popinarian præfectus (ut tradit Suetonius) tanquam Deum adorari *gæ ad*  
iussit: cuiusque signa reuerfus ex Syria, non aliter adire ausos, quam ca- *Caum.*  
pæ velato, circumuectensque se, deinde procumbens. Alexandrum ne *Suet. in vi-*  
quidæ suo bucephalo prudentiorem existimauit, qui (ut memorie prodi- *coll. cap. 2.*  
dit Aulus Gellius) cum hac inscriptione ad matrem Olympiam heras de- *Gell. lib. 25.*  
git: Rex Alexander, ueni ita ueni filio, Olympia mater salutem dicit. Cui O- *cap. 1.*  
lympia: Amabem fili quæ scias nequa deseras mi, neque crimine aduersum iu- *Treg. lib. 11.*  
norem: malum mihi prorsus illa in ignem dabit. Cui tu me literis tua pellicem illi  
co-iteris. Ineptus Suetonius, qui genus sub specie serpentum cum mu-  
lieribus coire existimauit: quod accidisse narrat Olympiæ Alexandri ma-  
tris, Pomponii Scipionis Africani, Actie Augulli. Grauius quoque quodam  
errore depresso h. dicitur in secula Romanorum animos, qui (sicut relatu  
est ab Herodiano) certa quadam cerimonia Imperatores suos post ipso  
rum funera, hostia, & ciueter, tanquam numina quædam ad superos ene- *Herodian.*  
xerunt: atque inter alios Claudium Britannicum, qui (ut iocatur Seneca) *lib. 4.*  
fungitur, veneno interitum, dimittitur est consequenti: in cuius laudem  
ipse heros, qui fungem parat, luculentam ad populum orationem ha-  
Suet. in Iul. *Scipio Iul.*

T luit,



Tacit. lib.  
13. *Annal.*

Suet. in  
August.

Cicer. li. 1.  
de nat.  
Deorum.  
Liu. decad.  
1. lib. 1.  
Cicer. li. 1.  
de diuinat.

Humana  
victima  
a prijs.  
v. *supra*.  
Euripid.  
Iphig.  
Lucret.  
lib. 1.  
Lactant.  
lib. 1. cap.  
21.

Tacit. lib.  
14.  
Trog. lib.  
26.  
Suet. in  
Claud.  
cap. 25.

buit, in qua omnes viri complexus est virtutes; de illa hæc Tacitus: *Postquam ad providentiam sapientiamq; flexit, nemo nisi temperare potuit: quamquam oratio à Seneca composita multum cultu præferret.* Sedum homines mihi videntur Romani, qui Augustianam in lucidam stellam cōnigralle crediderunt. Et Augustus sensibus angustis prædictus videtur, qui, ut scribit Suetonius, dictum quid ratus est, si mane sibi calceus perperam ac sinister pro dextro induceretur. Turpissime erravit Senatus uniuersus, qui impudicam Faustina inter diuas retulerat: cuius sententiam grauissime accepit Marcus Antonius, quem vitia Faustine non latebant. Philosophorum & Oratorum quoque collucens gemma cū splendore substantiam quoque humani cerebri perdidisse à me iudicatur: cum hæc de diuorum proferat consecratione: *Suscipit autem vita hominum consuetudoq; communis, ut beneficij excellentes viros in cælum fama ac voluntate tolleret: hinc Hercules, hinc Castor, hinc Pollux, hinc Esculapius, hinc Liber.* Audire pudet Liuium, ipsum etiam Ciceronem, qui cuiuslibet cladis gratioris Romanis ab exteris inflatæ, neglecto cultui auim, uti veris causis passim attribuunt. Quod si in ipsa Roma, orbis oculo, hominumq; communi luce, tantæ tenebræ extiterunt, quid putandum de Squadis, Pannis, Hunnis, Allemannis, Trogloditis, alijsque efferatis populis? quæ monstra coluisse eos, quas sententias animis imbibisse credibile? Sane illa scelerata, qua humana hostia Deos placare voluerunt, indicio est corruptæ deprauatæque admodum mentis. Hinc Græci Chalcantis oraculo admoniti, putarunt virginem Iphiginiam Dianæ immolandam, ut ipsis nauigatio felicior inde eueniret: in cuius etiam necem Agamemnon virginis parens consererat. *Tantum religio potuit suadere malorum.* Salamina in Cypro hominum mactatione summi Iouis gratia conciliatur. Apud Tauros ex lege inoleuerat Dianæ hospites immolare. Galli Esuni atque Tentalem humano cruore placarunt. Saturnus in Latio, huius generis sacrificio etiam cultus est: non quidem ut homo ad aram immolaretur: sed uti in Tyberim de ponte Miluio mitteretur. Carthaginenses Saturno humanis hostijs litare assueti: qui cum ab Agathocle Siculorum rege detincti essent: iratum sibi Deum putantes, ad expiandum scelus, ducentos nobilium filios sacrificij immanitate absumpserunt. Huiusmodi quoque nefarium ritum in Mona insula, quæ nunc Anglo parer, viguisse scribit Tacitus. Narrat quoque Trogus, Gallos in Græcia confedentes, bellum auspicaturos: suorum cede Deorum minas expiassè: imo coniuges liberosq; trucidassè, auspicia belli à parricidio incipientes. Claudius vero, qui melius de rebus sacris sentire visus est, Druidarum religionem apud Gallos, uti ritum diræ immanitatis, ciuib; interdixit: hic tamen



men stellam erigitam conspiciens, huiusmodi ostentum illustrium cede  
& sanguine expiandum procurandūque curauit. Et tamen apud Ro-  
manos humana victima in more posita non fuerit: nihilominus ingruēte  
in illos magna aliqua calamitate, ad placandos Deos illam sepius vlrpa-  
runt. Hinc ut narrat Lilius, Gallus & Calla, Græcus & Græca in foro  
Boario sub tera viui dimissi sunt in locum saxo conscriptum. Piger recē-  
tere alia ipsorum obscenitates, quæ fidem sperant: & memoratu sunt  
incredibiles. Huiusmodi fœge publica illa sacra, utpote matris Deūm, in  
quibus (ut refert Lactantius) homines suis virilibus strabant: Virtutis  
etiam, quam Bellonam vocabant, in quibus sacerdotes nō alieno, sed suo  
erore sacrificarunt: seclis namque humeris & utraque manu distinctos  
gladios tenentes currunt, esserantur, & inlaniunt. Pudicitia me reprimi-  
t, nec patitur Dianæ sacra & Priapi commemorare: ridiculæ illæ scē-  
dæque denudatorum corporum gelliculationes, atque libidinum furæ  
castorum oculis obuersari non debent. In quibus perpetrandis dementia-  
libi ues enubuerunt quidem, neque sceleris atrocitatem & deformita-  
tem agnouerunt: quandoquidem in belluam quandam naturam im-  
putare vitæ transierant.

Ab illis vero si ad ciuiles & politicas institutiones transeamus, quibus  
hominum societas consentatur: non minorem in illis humanæ intelli-  
gentiæ tarditatem, quam in alijs deprehendimus. Hæc autem disciplina  
triplici præsertim regiminis specie continetur: Monarchiæ, Aristocratiæ,  
& Democratiæ, legibusque hinc profectis. Acque ut de legibus primum  
dicam: hoc mihi vel maximum inseniæ nostræ argumentum semper vi-  
sime est: quod nulla hæcenus legum strue & congeſta mole stabiliti aut  
firmari potuerint inter homines pax, æquitas, dictorum factorumque  
constantia. Sub singulis ferme principibus nouæ leges conduntur indies:  
antiquiores aboleantur: & in omnibus ferme locis consuetudines legum  
modis authoritatem perſegetunt: In quibus queritur non tam quid di-  
cat iustitiamus, quam quid mores tacitisque populi consensus tulerint.  
De sensu autem atque legum sententia, (Dei bone) quæ alterationis,  
quæ rixæ excitantur: utrinque leges aduersa acie subellita obſident iu-  
dicij: expositiones legum utrinque à causidicis adferuntur. Pleræque le-  
ges ambiguo quodam circumi quod iustum est implicant potius, quam  
explicunt. Ea propter nonnulli leges exterminandas eliminandasque  
ceſſauerunt: litesque omnes æqui bonique vtri dictis expendendas &  
trutinandas. Quibus reclamant alij, & obſiſtunt: aſſerentes tunc flo-  
rentissimam reip. enadere, quando lex non princeps dominatur: quan-  
doquidem princeps itæ alijque animi perturbationibus subiaceat, lex



*Imperfe-  
ctiones  
statuum.  
Suet. in  
August.  
Flav. vo  
pist. vel  
pas.*

*Errores  
antiquo-  
rum poli-  
ticorum.*

*Cæsar lib.  
3. de bello  
Gall.  
Plato de  
repub.*

*Suet. Cæ-  
sar.*

*D. Cypri-  
an. ep. 1.*

vero eadem semper sit constans sibi que similis, quapropter cum Philip-  
pus Macedo iniquam quandam tulisset sententiam: is à quo res fuit abin-  
dicata, se appellationis ius postulare dixit: cui Philippus, apud quem hanc  
tuam querelam deponere statuis? apud te ipsum o Imperator respondit,  
sed non iratum, iam enim ira percitus mihi videris. Monarchiam vero,  
in qua præstantissimam reip. formam elucere communis sententia iudi-  
cavit: non pauci neque ignobiles politici grauitè incusant. Imo potius  
vti turbulentiæ & seditionum ac tyrannidis causam execrantur. Vtue-  
nim rerum iam obseruatum est, principes ex imperio supra modum inso-  
lescere, atque deteriores plerumque evadere. Quorum liberi pessimis (vt  
fit) ex peccandi licentia moribus imbuuntur: est idcirco huiusmodi sta-  
tus crudo dominandi generi valde obnoxius: nisi qui principatum obti-  
nuerit, omnibus plane virtutibus sit ad amussim excultus. Quod autem  
attinet ad regimen optimatum, certum est apud hos partium studia sem-  
per calere, vnoquoque inquirente qua possit ad rerum summum adspi-  
rare. Denique imperium Aristocraticum, quod concitata & promiscua  
multitudini committitur, turbulentum est omnino & varium, ac  
identidem mutationi obiectum. Ita obscurum est definire, quam gu-  
bernationis forma aptius hominum societati conueniat. Hinc in politi-  
cis, qui prudentissimi olim iudicati fuerint inter ceteros, non nisi ex in-  
scitia mentisque defectu in tetros quosdam errores sunt prolapsi. Draco,  
qui leges Atheniensibus tulit, ita seuerè in delinquentes animaduertit,  
vti leges ipsius sanguine exaratas homines dicerent: tacitoque Athenien-  
sium consensu postmodum fuerunt oblitteratæ. Apud veteres Ægyp-  
tios, ad exercendas ipsorum vires & calliditates euocandas, furta omnia  
licita & impunita prorupere. Qui mos etiam in Germania aliquando  
inualuerat, vt scribit Cæsar. Iacedemonij etiam impunè incubuerunt  
latrocinij. Quid? an non Plato quoque tantus Philosophus turpiter  
lapsus est in politicis? qui certis anni temporibus promiscuos concubi-  
tus ciuibz indulgit: comportationes vsque ad ebrietatem fedissimasque  
voluptates cõcessit? Ietra & immanis prorsus videtur policia illa, quam  
vel introduxit, vel lege & consuetudine stabilivit Cæsar: qui (vt narrat  
Suetonius) infandum illud gladiatorium munus cæteris ritibus adiecit:  
in quo nudati mutuis ictibus sese inuicem miserrime cõfoderent: ac qui  
aderant, ex crudeli spectaculo voluptatem oculis haurirent: de quo hæc  
diuus Cyprianus: *Paratur gladiatorius ludus, vt libidinem crudelium luminum  
sanguis oblectet. Homo occiditur in hominis voluptatem: & vt quis posset occide-  
re, peritiam est, vsus est, ars est. Salus non tantum queritur, sed docetur.* Iulius Capi-  
tolinus munus dari gladiatorium putauit, vt litato sanguine fortunam  
sati-



faciarent Romanorum duces. Alij vero eo ex fine concessum arbitrati sunt, ut deinceps confilientes, vulnera aut sanguinis effluxum non extimescerent. Merito tamen hanc immanitatem edicto suo Iustinianus Christi emollitus discipulis orbe vrbeque exegit.

Iustin.

lib. 1. 1. codic.

Demus autem in predictis disciplinis progressus aliquos fieri posse, & ad mediocrem quendam gradum humanam mentem conscendisse: non tamen absque iunimis laboribus, vigilijs animi, corporisque acerrimis contentionibus id perficitur quantumcumque demum erit. Imo quod apud diuini Hieronymum deplorauit Thénultocles, tunc moriendum est, quando aliquid sapere incipimus. Quæ merx ergo studiorum? deuallatum corpus, curua senectus, & funus. Ars longa, vita breuis, ut de medicinæ peritia pronunciauit Galenus. Nescio porro quamnam secum adferat tristitiam scientia, ut enim loquitur Scriptura *Qui addit ad scientiam, addit ad dolorem*. In luce etenim scientiarum rerum vanitates, nostræque naturæ multiplices miseriæ patentiunt; quorum aspectus doloris sensum pectus nostris incurrit. Vnde Sophocles non tam vere, quam ad retundendam superbiam nostram apte:

Vita ratio  
non permittit  
sentiam  
esse  
magnam.  
In Hier. ep.  
ad Heliod.

Scientia  
Tristis.  
Ecclesiast. 1.

*Nihil sapere vitam facit suauissimam.*

Sophoc. in  
Elect.

*Nam non sapere doloris est experiri malum.*

Istis quibus mens humana grauissime conflictatur malis, accedunt in omnibus ferme studijs eiusdem mobilitas & inconstantia. Vnde non solum languide & quasi fracta ad operandum prode: verum etiam lubricè vacillat & fluctuat, huc illucque multiplici obiectorum incursione, velut olis fluctibus impellitur: adeo ut firmum alicuius rei aspectum diu tenere non possit. Quæ etenim lubenti animo, emissis etiam votis cupimus in nostris sensibus habere defixa: ea cito nobis eripiuntur. Ad alia subito alio quodam motu omnis nostra rapitur cogitatio. A nimique decreta intentio extranea impressione in transuortum agitur sapissimè. Quæ enī vitæ impura, ab hoc nostro rationis speculo abiicerimus, & indigna plane iudicauerimus, quæ in antiqua recessum notione aliqua admittantur: iterum ea nobis nolentibus, & in contrarium remis omnibus laborantibus, adueniunt, recurrunt explosa, eiectione sedes suas repetunt antiquas. Ita qui diuinorum contemplationi vacat, summo studio distineri solet, quo arceantur turpia aut ludicra: ne in ipsius sensus speciem aliquam sua ingerant seductas. Neque minus negotij hæc illi facessunt, quam olim Abrahamo alites, in quibus fugandis, ne hostiarum partes mortuo aut affatu corrumpere, multum laboris Patriarcha posuerat. De quo grauissimo malo conquestritur regis i. sal. 37, quando dicit animam ipsius impletam esse illusionibus. In quem locum ita pulcher-

Mentis in-  
constantia.

Gen. 15.

Psal. 37.



D. Aug.  
Psal. 37.

time D. Augustinus: A facie ipsarum illusionum aliquando vix orare permittimur, de corporibus cogitare non nouimus, nisi imagines & sæpe irruant, quis nõ quærimus, & volumus ex hac in hanc ire, & ab illa in illam transire, & aliquando vis redire ad id, quod cogitabas, & dimittere unde cogitas: & aliud tibi occurrit: vis recordari quod oblitus eras, & non tibi venit in mentem: nam venit potius aliud, quod nolebas. Vbi erat quod oblitus eras, & quare postea venit in mentem, cum iam non quæreretur: cum autem quæreretur, occurrerunt pro illo innumerabilia, quæ non quærebantur? Ex quibus constat, quam lubrica & fragilis sit humanæ vitæ deductio. Quidquid enim spheræ imposueris, facile dilabitur: quandoquidem fundamento motabili subnitatur. Ita basis & principium omnis nostræ molitionis cum sit animæ intelligentia, si hæc firma non fuerit, neque præceptis disciplinæ solide instituta; actiones quæ ex illa proficiuntur, erunt variæ, incertæ, atque inconstantes.

*Quanta sit voluntatis humanæ infirmitas, & qualis eius prope-  
sio in ea, quæ auersa sunt à mente & ratione recta.*

## CAPVT XVI.

*Voluntas  
in anima  
medio.*

**T**A ab ipsa natura comparatum videmus: vti inter animæ facultates, quibus ipsa ad sua exequenda munera instruitur: medium quendam locum & quasi centrum teneat voluntas: cuius interiectu, ratio & appetitus, quæ extrema sunt, contermina & coherentia euadunt. Voluntatis quippe est rationis voci utpote superioris imperio obedire: ad eandem quoque spectat appetitus insanas rabidasque motiones coercere & comprimere. Atque hoc pacto serui & domini cõditionem in se vnitim complectitur: quæ si aliquando legitime officio suo defuncta: nec insolentia aliqua rationis sceptro obsistat: neque dimissa perturbationum æstui & furori succumbat: felicissimæ vitæ effectrix, admirandæque pulchritudinis opifex florebit. Verum cum ignorantie tenebræ rationis oculum superius infuscarint, inferius autem reuulsis naturæ repagulis, immoderatas vires, turbulentæ affectiones acquisierint; fit, ut voluntas plerunque rationis sententiam non percipiat; cuius præliis destituta, violentius postea turbulentis appetitus motibus concutitur. At serie quadam rectoque ordine facultatis istius aduersa omnia & mala explicabimus.

Imprimis ita factam & ferme succisam experimur voluntatem: vti in progressu eius ad virtutes, omnes plane gradus difficillimos habeamus:



mus: veluti si post gravissimum vulnus tibi inflictum, quod vix dum sanatum est, pedem ad corporis sustentaculum in terram deligeremus. Unde totam hoc iter virtutis, quo incedendum est, sentibus oblitum horret, lapidum mole obstructum, timorem & diffidentiam incutit. Atque nisi resiliere velimus, ceptisque absistere, astuandum erit, plorandum, eiulandum, nonnunquam etiam elicitus sanguis semitas quas terimus creuetabit. Omnis etenim virtutis operatio aut Benoni est, doloris filius, aut Gersa, qui parentem suum Moysen acutissima petra circumscissus, dum sanguis dissideret, nec liberauit. Bruta autem animalia, quorum conditio hanc a parte potior videtur, ad praefinitos suos fines certis quibusdam impressis formis delinuntur: ita ut facile solius naturae ductu, quod illis optimum & praestantissimum est, consequantur. Quo pacto etiam coelorum orbes absque defatigatione perenni cursu moventur: planetae inextinguas vires continuo effundunt sine fastidio in haec inferiora: terra quiescit, fructusque eructu suos: nec aliquando molestia amittitur, intelliguntque contemplationi vacantes, nullo errore derinentur, celeriter ad fines terrarum discurrunt, neque languent unquam: virtutis amore flagrant, & dulci quodam eius ardore incendio: interim aliarum rerum quoque desiderio excitari, bellum non sentiunt intestinum. Solus autem homo, nisi velit a seipso desistere, & in bellum alienius transire naturam, dom in officium suum incendit, infinitis propemodum difficultatibus virgetur:

*Voluntatis  
progressus  
ad virtutes,  
difficilis.*

*Gen. 30.  
Exod. 4.*

*Quantum non nocia corpora tardant,  
Terrenique hebetas et artus, moribundaque membra?  
Alia curam et, capientque, dolent, gaudentque, nec auras  
Respicunt clausi tenebris et corpore teco.*

*Virgil.  
Eclog. 6.*

Olia fragrantia rosae absque spinis coelescens, suavis odores naribus effluunt: quando nimirum natura nostra iustitiae integritate confecta effluit: cum autem crimen in illam invasisset, rosae spinae agnate esse ceperunt. Ita virtutum operatio aliquando existit facilissima, quando nimirum primi parentes divini legibus obsequuntur, in illo deliciarum loco spandebatur. Verum ipsi sita illinc culpa deiectione, nobis languor, virtutis spinae & aculei accesserunt. Neque solum difficultas evasit modo honesta institutio ex peruenire appetitus propendens in illecebram voluptatis: verum etiam ex malis quibusdam externis, quae vitae honestatem insequuntur. Fortunae etenim adversitates & pessimorum fulmina eos passim feriunt, qui repudiatis viris virtuti conatos suos consecraverunt. Causam vero ob quam voluerit ita infestis evaserit appetitus, illis enarra-

*D. August.  
Psalm. 61.  
simul.*



*Homo si-  
milis equo  
marino.*

*D. Ambro-  
sius lib. 5. de  
vocat. gēt.  
cap. 2.*

*Lipsius in  
admirad.  
Arist. 2.  
Eth cap.  
9.*

*Voluntas  
subiecta  
vanitati.*

famulum ad suum arbitrium non tenebat, nec omnino habeat sublitam carnem, si-  
cut semper habere potuisset, si Deo ipsa sublitata mansisset. Unde quod voluntas  
inter rationem lentumque media diuersis motibus agitur, nunc hac  
nunc illac rapiatur, appositè Ægyptij hominem similem dixerunt equo  
marino. Quemadmodum enim equus iste partim in terris, partim vero  
in aquis vitam degit: ita voluntas nunc rationi obsequuta, nunc sensui, di-  
uersam quasi naturæ speciem effingit: cuius volubilem instabilemque  
cursum ita describit D. Ambrosius: *Hæc itaque voluntas vaga, incerta, insta-  
bilis, imperita, infirma ad efficiendum, facilis ad audendum, in cupiditatibus cæca,  
in honoribus tumida, curis anxiosa, suspicionibus inquieta, gloriæ quam virtutis au-  
dior: fame quam conscientie diligentior: & per omnem sui experientiam miserior  
fructu his, quæ concupierit, quam carendo. Nihil in suis habet viribus, nisi periculi  
facilitatem: quoniam voluntas mutabilis, quæ non ab incommutabili voluntate  
regitur: tanto citius propinquat iniquitati, quanto acrius intenditur actioni.* Hinc  
Musarum domicilium in montis culmine collocatur: sublimis quoque  
certantium Olympus: eo quod ab homine præstanda, ardua sint, segni-  
bus inaccessa, difficultate vndique obfessa. Sicut enim obscura nocte,  
marique furente, vnicuique nauiganti facile non est ad optatum portum  
firmum tenere cursum: sed illi solum, qui nauigandi arte pollet: ita quo-  
que in hac naturæ nostræ grauissima perturbatione, in qua lumen error  
extinxit, malaciam cupiditas expulit, cuiusvis non est virtutis mediocri-  
tatem animo designare, aut ad illam, cum eam excogitarit, voluntatis co-  
natum dirigere, & quasi sagittans collimare. Vnde factum est, vti (anti-  
quitas illa adeo inculta, ferrea, vitijque turpissime desædata existerit,  
Qui Imperatorum Romanorum vitas, resque ab ipsis gestas, conscriptis  
historijs posteritati tradiderunt, quas cloacas seditiosorum vitijs libi-  
dinum immunitatumque aperuerunt? Pudet huc referre Tyberium, Neronem,  
Heliogabalum, qui masculis nupserunt. Non hic aqua multa modice a-  
core infecta, vt quidam disseruit, sed acetum, fex, limus vndique exun-  
dans turpitudine. Omitto etiam sordida nefandaque sacra Cereris Vene-  
risque. Recte itaque Aristoteles: *Quocirca etiam difficile & operosum est, vir-  
tute esse præditum: magni enim negotij est, in vnaquaque re medium consequi: vt  
circuli punctum medium inuenire, non cuiuslibet, sed scientis & intelligentis est.*  
Cum etiam voluntas deprauata naturæ cupiditate contumeliose aliquid  
prosequuta fuerit, vanissimum leuissimumque id omne dignoscitur, cu-  
ius tenetur desiderio. Vanum etenim illud merito censetur, quod ce-  
leri cursu transit, nihilque in se solidi expressique boni continet. Quo  
pacto vani dicuntur colores illi, quibus vernali tempore luxuriantia læ-  
taque pinguntur prata: quandoquidem solaris æstus breuiegregias illas  
formas



formas sit depasturus. Quid dicam de nominis fama & splendore, ad quæ tam acri studio omnes ferme contendunt? Non errarem profecto, si illos qui hæc totis animis discupunt, similes dicerem alitibus ad depictas à Zeuxe vuas conuolantibus. Nihil etenim aliud moliuntur fastuosi, quam umbram consecrari, quæ fugax est & labilis. Si enim popularem hanc auram cum illis virtutibus contendere velimus, quæ æternitatem exequant: hæc sui venditatio & honoris studium, fluxa, ipsiſque erraticis nubibus incertiora videbuntur. Quemadmodum enim sol accessu suo terræ particulam hanc illustrans, quasi auream facit, eandemque discessu subinde opacat obscuratque: ita quos vulgi sententia nobilitauit, eosdem postmodum breui interiecta morula, infamiæ caligine infuscabit. Et quomodo id vanissimum iure non censendum, quod vitæ huius periodo & spirationum definita reciprocatatione terminatur? Cû etenim excisæ fuerint proceræ arbores, virens illa ramorum venustas emoritur: ita cum fatum hos, quos purpura fulgere videmus, tanquam robora quædam & cedros demerierit, & aureæ pecudi neruos succiderit: Honor, gloria, fama, applausus, inflati vteres, bullæque abscedent; & cum ipso extremo halitu in auras abibunt. Quid voluptas? discurrens umbra, illusio phantasmatis. Quid corporis venustas? parieti inductus color, tenui pluuiæ eliquandus. Quid oris facundia? æeris modulatio, & illicium sermone vicens, silentio euanescens. Quid fortunæ magnitudo? momentanea istius in rota veluti partis suspensio? de quibus hæc D. Basil.: Etenim iuuenta vernis floribus citius defluit, & corporis venustas aut morbo aut tempore flaccescit: diuitiæ sunt insertæ, honoris splendor facile immutatur, artium studia & labores vitæ cum hoc tempore finiuntur: quin & ipsa elegantia, cuius studio passim omnes tenentur, gratiam habet, sed solo aurium iudicio, & illici iucunditate. Quæ etiam rerum humanarum vicissitudinem istis fatetur Sophocles:

*Fortuna namque erigit, & eadem deprimit,  
Felicem & infelicem: & augur nullus est,  
Qui fata præsciat mortalium.*

*Sophoc. in  
Antig.*

Ex quibus liquet voluntatis nostræ conatus in vanitatem plerumque incumbere, eisque studiis operam nauare, quæ cito eam deserunt, bonisque omnibus spoliata tandem relinquunt.

Verum neque æstus nostrarum cupiditatum curis aculeatis prorsus vacat. Nam voluptas siue ad nos appulerit, siue experita aufugerit, solitudinem & doloris sensum secum continuo adducit. Cum enim cuiuspiæ rei appetitus vehementior animum cœperit: si ad illius consequutionem vires tuæ infirmæ sint & debiles, neque voris respondeant: non erit quod expectas alium carnificem præter amorem tuum, qui te misere diuexat.

V Amor



amor etenim iste opratis destitutus, quasi efferatus, & in furorē adactus, affectum succensis tædis inflamat, in eternam perpetua agitatione fatigat, corpus exurit & exhaurit: omnia susque deque inuertit. Sin vero quod exoptas tibi affluerit: si in complexus & pectus tuum se infuderit: noli adhuc existimare te curam omnē & acerbitem effugisse: spinas etenim cū rosis manu arctius stringis: hamum esca implexum, deuorasti: neque tanta voluptas animum tuum capiet, quod præsentibus fruaris bonis: quanta amaritudo ex timore ea amittendi te affliget & cruciabitur. Quid  
 3. Reg. 21. obsecro regi Achab aliquando defuit, cui diuitiarum cumuli adfuerunt? Hæc tamen ipsa tanta eius opulencia in extremos miserum coniecit dolores: atque ita confregit, vt pedibus cōsistere non potuerit, vel vxorem, liberos, aut amicos vllō cum voluptatis sensu intueri: sed (vt inquit Scriptura) faciem suam parieti obuertens, insanæ perturbationis morsum & tyrannidem passus est; & illi cor guttatim contabuit, quasi in aquam indideris salem. De huiusmodi diuite hæc Diuus Cyprianus: *Non cibus securo, somnusve contingit, suspirat ille in conuiuio, bibit licet in gemma: & cum epulis marcidum corpus, torus mollior alto sinu condiderit, vigilat in pluma, nec intelligit miser, sibi esse supplicia, auro se alligatum teneri: & possideri magis, quam possidere diuitias atque opes.* Sed neque volupratum lenocinia omni prorsus molestia destituuntur. Recte enim Socrates dicere solitus est, voluptis pedissequas, dolorem esse & pœnitudinem. Quis demum est tam ferrei pectoris, qui cum contra Dei & naturæ præceptum delicijs indulserit, lancinatæ conscientia acerbitem nō perfert: neque inde tristatur, quod ad turpitudinem sua consilia dimiserit: animum autem auerterit ab ijs præclaris studijs, quæ hominem decent, ipsumque excolerent & illustrarent? Quid plura? omnia quæ cupiditati nostræ obuersa sunt, cum difficultate acquiruntur, cum sollicitudine conseruantur, & cum dolore amittuntur. Vt enim inquit D. Basilus: *Oblectatio corporeæ voluptatis plus doloris habet, quam iucunditatis: nuptiæ enim sæpe steriles sunt, viduitates continent: agricultura sterilitatem, mercatura naufragium, diuitiæ insidias patiuntur. Sed & delitiæ, & satietates, & continens voluptatis fruitio, multos ac varios secum trahunt morbos ac affectionum varia genera.* Summa idcirco est nostræ voluntatis infelicitas, huiusmodi molestijs cum sitiente Tantalo, aut Sisipho per decliua voluente saxum, tangi & cruciari. Quod genus mali in hominem incurfat, siue is concupitis fruatur, siue desiderio solum eorundē teneatur. Imo hominum maior pars, qui fræna cupiditati laxant, nunquam plene optata consequuntur: à quibus currentibus & anhelantibus non aliter resiliunt voluprates, & honores expetiti, quam corporis umbra illum fugit, qui eam insequitur. Quocirca si omnes sinus, arcana, & compli-

D. Basil.  
ep. 42.



complicati animorum sensus panderentur, præcipuas in illis partes do-  
lorem & tristitiam obtinere videremus. Hinc alius in alium hostiliter  
inuadit, spe illectus prædæ: frustratus autem quasi ægritudine victus, dā-  
no impatiens succumbit. Miles cogitatione sua trophæa depingens, glā-  
de aut cuspidē traiectus concidit. Cum ad honoris apicem ferme peruen-  
tum fuerit, intercurans aduersitas casum operatur & ruinam. De opu-  
lentia multi somniant, qui interim extrema rerum paupertate conflictā-  
tur. Amores alius cogitat, despectus vero, atque mærore inde confectus,  
contabescit. Literarum studio flagrant nonnulli, quibus ingenium, aut  
schola, aut res deest familiaris. Denique spe omnes ferme inducimur: tri-  
stitia autem & acerbitate excipimur, & vltius spes semper fallaciter ad  
dira duraque extimulat.

Neque inquietudinis istius finis aliquis effuse voluntatis molitionem  
continebit. Ingreditur plane in labyrinthum, quisquis ille est, qui furenti *Voluntas*  
appetitui modum desiderijsque rationem non constituens, consilia sua *iniqua.*  
contulerit ad voluptatem: nunquam enim satisfactum erit infinitæ cu-  
piditati. Marini vortices altius elati, & impetu inter se collisi, consopita  
procella, quiescunt, & nauigationi dorsa exhibent mansueta. Penetralia  
terræ, incluso spiramine exitū quæritante, vehementius succussa contre-  
miscunt; cum autem tenuioris halitus vis omnis se effuderit, ingens illa  
moles natiuo suo pondere firmatur. Aer varijs motibus ventorum agi-  
tatus, & turbine inuolutus: subinde placide fertur, dulcem tempe-  
ratumque præbet animantibus spiritum. Fera inedia stimulis vexata,  
huc illucque discurrunt, mugiunt, rugiunt, boant, eiulatus edunt: cum  
vero naturæ fecerint satis, conquiescunt, decumbunt, somnumque pla-  
cide capiunt. Furor ille accensæ pyrae, subtracto aut absumpto pabulo, ci-  
neribus sedatur. Solus homo inter cætera, quod labore suo satietatem  
nunquam consequatur: iugi affligitur corporis animique molestia. Et  
cum in omnem partem se versarit, ad vesperam (vt loquitur Psalmista) *Psal. 33.*  
hoc est quando terminus aliquis conatibus esset constituendus: famem  
patitur vt canis. Ipsique diuites opulentia rerum freti, sitiunt & esuriunt. *Psal. 58.*  
Canis absque dubio famelicus fuit Alexander, Numinis filius, Græco-  
rum Imperator florentissimus, totiusque Orientis Monarcha augustissi-  
mus. Cum enim Philosophum de infinitis mundis quædam disputantem  
audisset, in lachrymas erupit præ animi ipsius tristitia: seque mortalium  
infelicissimum dixit, eo quod cum infiniti restarent mundi, vix vnum  
ipse adhuc imperio subiugasset. Miror profecto quænam illa sit, quam  
nonnulli ex vitijs suauitatem animis designant: tamen si omnia plane  
ac plene ad ipsorum vota oportune affluerint; si modo reputent secum



æternæ illius beatitudinis, voluptatis vſu, diſpendium fieri: acrimoniam procul dubio aculeosque poſt ſe relinquent prauitates: ſi iſtius damni tenuis aliqua notio mentem errantis informarit: multo autem magis, ſi attentione animus impenſius eam cogitarit & ſecum pertractarit. Quod ſi ab ipſo præmio oculos deſpectamus, intendamusque in ſpeciem & formam vitiorum, quæ conſectamur: nihil tanta contentione aut impendio dignum reperiemus. *Quid venter reddit,* (inquit D. Chryſoſtomus) *qui plurima conſumit? ſtercus & corruptionem. Quid autem inanis gloria? liuorem & inuidiam. Quid vero amicitia? curam & ſolicitudinem. Quid intemperantia? gehennam & vermiferum vermem.* Et alibi: *Cogita quod nihil habeat vita niſi la-chrymas, & opprobria, & conuitia, & triſtitias, & negligentias, & labores, & morbos, & ſeueritatem, & peccatum, & mortem.* Quamobrem ſi vitæ iſtius vſura vlla de cauſa expetenda videatur, ob nullam aliam ſane, quam vt per erumnarum perpelliſionem, malorumque tolerantiam, ea exacta, apud ſuperos requiem nobis comparemus. Mille (inquit ſanctus Paulinus) in hoc ſeculo cruces, innumera diſcrimina, morborum labeſ, februm ignes, & dolorum tela graſſantur. In animis cupiditatum ſaces accenduntur: vbique prætexti latent laquei, vndique ſtriſti horrent gladij: inter inſidias & pugnas vita tranſfigitur, & per ignes doloſo cineri ſuppoſitos ambulamus. Ob hæc mala, quæ humanæ vitæ ſunt infeſta: veteres infantum ortus luctu exceperunt, ipſorumque vagitus lugubri carmine proſequuti, triſti quadâ ceremonia deplorarunt:

D. Chryſ.  
homil. 52.  
ad pop.

Hom. 22.  
ad pop.

D. Paulin.  
ep. de gazo  
phyl.

Herodoſ.  
lib. 4.

Eurip.  
Troad.  
apud  
Throcl. lib.  
de nat.  
hom.

Oportuit nos funeris luctu graui  
Dolore natum maxima ad diſcrimina:  
Et mortuum, qui caſſus eſt laboribus,  
Efferre lato corde, lætis vocibus.

Mitius autem multo nobiſcum ageretur, ſi acris hæc pugna & contentio voluntatis cum appetitu, pace tandem eſſet dirimenda. Non enim parum inter æſtus illos & deſatigationes peregrini animus inde leuatur: cum intelligat poſt longiſſima illa ſpatia dimenſa, & anfractuofas ſemitas itinere decuſas, ad extremum ſupereſſe illi periodum & finem laboris. Alacri animo miles caſtris egreſſus aciem petit, cui ſpes aliqua triumpho affulget. Agricola libenter ſudans terram vomere ſulcat, vites inſerit, ſemina ſpargit, cum ad craterem vino plenum, horreumque grano reſertum, cogitationem extenderit. Intrepidus mercator è portu ſoluit, & in alto nauigat, futurum quæſtum cogitans. Caterum hoc noſtrum pectus Zona eſt illa torrida, quam ardentes radij ſemper feriunt: campus Martis ſanguine vndique cruentatus, in quo Palladis oliua non naſcitur: mare eſt adeo vaſtum & importuoſum; vt etiam à littore infinitis ſpatiis ſeiungatur. Si requiem, ſi victoriam, ſi lucrum, ſi portum cogitemus: hæc omnia in



nia in sola morte inueniemus. Assiduam hanc conflictationē seuerum-  
que voluntatis & appetitus congressum eleganter describit D. Cypria-  
nus. *Cyp. lib. de mortal.* Ceterum quid aliud in mundo quam pugna aduersus diabolū quotidie geri-  
tur? cum auaritia nobis, cum impudicitia, cum ira, cum ambitione congressio est  
cum carnalibus vitis, cum illecebris secularibus, assidua, & iugis, & molesta lucta-  
tio est. Obsessa mens hominis, & undique Zabuli infestatione vallata, vix occurrit  
singulis, vix resistit. Si auaritia prostrata est, exsurgit libido, si libido compressa est,  
succedit ambitio, si ambitio contempta est, ira exasperat, inflat superbia, violentia  
inuolat, inuidia concordiam rumpit, amicitiam zelus abscindit. Cogere maledice-  
re, quod lex diuina prohibet, compelleri iurare, quod non licet. Tot persecutiones  
animus quotidie patitur, tot periculis pectus urgetur: & delectat instar Zabuli inter  
gladios diu stare: cum magis conuiscendum sit & optandum ad Christum, subue-  
niente velocem morte, properare.

Quis autem eo felicitatis aliquando processit, (etiam cum omnia ob-  
tinuerit) ut nullam interim in semetipso seruitutis speciē senserit? Ete-  
nim inquit Euripides:

*Hec non est quisquam liber mortalium.  
Aut enim fortuna seruus est quis, aut pecunia,  
Aut multitudo ciuium, aut legum sanctio  
Vetant, suo ne viuat ex arbitrio.*

*Voluntas  
seruitute  
depressa.*

Ad obtinendum diadema, quantus labor, ad seruandum tanta cura: hinc  
in odium omnium iucurrunt Imperatores, dum crudelitate firmare vo-  
lunt imperium. Quid putarem de Dionysio, qui in rerum administratio-  
ne, merum dicebat vincula adamantina, violentiam classem? Quid de  
Tyberio, Caligula, Nerone, aliisque qui in excogitandis carnificinis de-  
fatigati, suis non Dij (ut cupiebant) sed demones tuere? Caligula (ut  
*Suet. in Calig.* scribit Suetonius) vsurpare voluit illud Tragicis: *Oderint, dū metuant.* Nul-  
lum equidem crederem adeo felicem, in quem aliquando aduersa fortu-  
na tela non iaceat. Nullum putarem tam probe communitum, qui eius-  
modi contorti speculi cuspidem semper eludat. Quis diuitum est, in cu-  
ius animum graues non incidunt curæ? aut ita liber, ut laxatis frenis ge-  
nio indulgere seque in voluptates effundere possit? princeps, & qui ma-  
gistratum gerit, populum uti factorum dictorumque iudicem extimesci-  
cit: nec loqui, nec agere illi integrum est aut volupe: insidias timet, pro-  
pagandi imperij cura distinetur, appetitu vindictæ torquetur. Quæ omnia  
tanquam vincula quædam brachia eius arctissime constringunt, exilien-  
temque naturæ impetum reprimunt & coercunt: imo qui imperij mag-  
nitudine sunt spectabiles, aliisque authoritate præsunt, si graue quidpiam  
perpessi fuerint, non solum illatum damnum interdum propulsare ne-  
queunt.



queunt : verum etiam casus acerbiter tristiori vultu significare, voce lugubri aut lachrymis, ad leniendum animæ dolorem, forasque emit- tendum, deplorare non audent : sed carbones accensos in pectore, quasi cinere obductos, seruant. Quod etiam genus mali ab Euripide prudenter est animaduersum:

*Eurip.  
Iphig.*

*Generis autem obscuritas, ut quiddam commodum habet.  
Nam ipsis lachrymas profundere facile licet,  
Miseræque loqui: ei autem, qui illustri loco natus,  
Hæc omnia non item licent: arbitrum quippe  
Vitæ habemus populum, & seruimus multitudini.*

*Eschil. in  
prometh.  
ligat.  
Voluntas  
ea appetit  
qua postea  
fastidit.*

*Arist. 3.  
Ethic.*

Vnde Eschilus: Nullus enim liber, nisi Iupiter.

Denique uti humanæ voluntatis infirmitatibus recensendis modum aliquem faciamus: hoc neque silentio prætereundum videtur: quod ni- mirum ea plerunque appetamus, quæ postmodum fastidimus & auersa- mur. Tantane in illis rebus perquirendis, quæ obtentæ nauseam pariunt, & à quibus, uti nociuis, nos abripere solemus, impendenda cura & soli- citudo? De qua re Aristoteles differens, ostendit corporis ratione fieri, quod illos aspernemur cibos pasti, quos esurientes studio quære- bamus. Cum enim corporis temperies immutata fuerit, appetitus quoque cibo- rum, qui ex illa dependet, variationem subit. Proinde Deus Opt. & maximus, constanti quadam iucunditate perpetuo afficitur: quod à cor- pore sit segregatus. Multiplices denique existunt ingeniorum motus, ex quibus discrepantia etiam studia oriuntur: ideoque ex his quæ nunc arrident, perennis non fluit voluptas: sed eorum pertessi, aliorum cupidi- tate postmodum ducimur & delinimur.

*De elegantia præstantiaque humani corporis.*

## CAPVT XVII.

**A**CTENVS cum disputatum satis videatur de humanæ a- nimæ summa excellentia & ornatu: de affectionibus quoq; eiusdem prauis & molestis, quæ non parum virtuti eius of- ficiunt, reliquum est, uti alteram hominis partem, animæ nimirum agnatum corpus, inquisitione persequamur. Prin- cipio autem & ante omnia quænam sit huiusce concretæ molis præstan- tia explicabitur, qua percepta ad virtutem nostrique maiorem curam ex- citabimur. Video autem nonnullos in hoc ipsum corpus, tanquam in a- trocis-



trocissimum naturæ malum, opinionibus suis incurrisse & debacchasse. *Quare aliqui dicunt corpus a malo principio.* Cum enim animaduverterent omnium perturbationum, & eruminarum quoque originem, & quasi radices in corpore esse defixas: ex quibus morum prauitates exurgentes & germinantes, animæ rationisque principatui infestarent: nefarii alicuius principij opera propagatum inclamarunt. Et (ut scribit Lactantius) naturam ipsam probri & iniquitatis crimine infirmularunt: eam veluti nouercam bonis filiorum non satis prospicientem, accusantes. Quid in causâ (inquiunt) tandem erit, quod solus homo inter cetera animalia adeo fragile nactus sit corpusculum, tot vitæ miserij incommodisque proicctum, teneritudine sua omnis vel leuioris flatus iniuria permeabile, imbecillitate ad sui sustentationem prorsus ineptum: ita denique bonis exutum: ac si ex huius vitæ naufragio emerisset, & ad litus egre appulisset? Partum itaque corpus alij dixerunt sequissimæ matris cuiuspiam, quæ ne editi fœtus educationis curam susciperet, prolem exponit, ut lachrymis & eiulatu opem imploraret alienam. Neque tantum malis afficitur corpus, cum in cunis infans vagit: verum etiâ quando ætate adoleuerit, dum summo cum labore & sollicitudine victum sibi parat, vitamque propagat. Vix quidem se à morbis, qui in illud quotidie grassantur, tueretur: & impendentis mortis perpetua expectatio vehementer angit affligitque: quæ omnia in ipso ortu & progressu in lucem, fletu & ploratu infans ominatur. Parum autem videretur, si dolores isti & acerbitates ipso tantum corpore continerentur: nisi latius se effundentes, ipsius animæ etiam quietem interpellarent, eamque misere cruciarentur. Frequenter enim omnis animæ acies in hoc intenta est, ut malorum, quæ corpori sunt obnoxia, remediū aliquod exquirat; quo minime comperito, proprijs non satiata bonis, corpori nimium indulgens & indolenscens, seipsam, diesque suos iugi querela consumit & conficit. Existimarunt ea propter nonnulli Philosophi ad luendas scelerum pœnas, detrusas esse in corpora animas. Credere enim non potuerunt molestias hæc, quibus anima afficitur, corporis complexa repagulis, ad aliam rem, præterquâ ad delictum & crimen potuisse esse consecrarias. Porro quod corpus mentem auocare soleat à virtutum studio, & ad vitia cogitationes illius diuertere: conclamatum existimarunt à bono aliquo principio haud oriri posse illud, quod ita nostram vitam pessimorum morum eluie corrumpit deuastatque. Ita Marcion, præceptoris sui Cerdonis insistentis vestigijs: Manichæus quoque & alij hæretici idem sensuerunt. Hinc Marcio (ut scribit Tertullianus) quod odio in carnem ferebatur, eiusdem resurrectionem pernegauit; indignam reputans, adeo abiectis ortam natalibus, quæ in tam sublimi dignitatis gradu atque in ipsis cœlis collocetur.

Matrimo-

*Corpus anima inseparabile.**Tertul lib. de resur.*



*Hieron.  
cōt. Iovin.  
Leo ep. 71.  
Theodor.  
li. 1. heret.  
fab.  
D. Aug.  
lib. 20.  
cōt. faust.  
cap. 21.  
lib. 32.  
cap. 11. &  
12. confes.  
li. 3 cap. 6.  
D. Cyrill.  
Cathe. 6.*

Matrimonium Manichæus etiam nefarium dixit: ne caro natura sua mala, nimium propagata, animæ imperitaret. Exinde nihil voluit erogari in pauperum usus: quandoquidem carnis miseratione nullus vir bonus duci deberet. At si inedia pressus fuisset ipse Manichæus, fortassis sententiam mutasset. Idem sanctorum martyrum reliquias, utpote res turpissimas & carnales fæces, est execratus, (ut tradunt Hieronymus, Leo, Theodoretus, & alij) quocirca perdit Manichæi desequentes in carnem, illam perpetuis ieiunijs & inedijs conterrebant: ita ut Romæ (hoc referente D. Augustino) in Proverbium abierit: tristem semper & pallentem esse Manichæum: tametsi in clandestinis suis congressionibus, omni fœditate libidinum seipsum commacularet. Cum itaque ad reficienda corpora cibos sumerent Manichæi, (ut refert D. Cyrillus Hierosolymitanus) negotium hoc naturæ impendendum, summa cum indignatione animi peragebant: & ipsum panem, quem postmodum erant comesturi, sic alloquebantur: *Ego te nec feci, nec coxi*, & in aërem probrose sursum iactantes, eius auctori maledicebant: tandem inuiti comedebant: utinam autem nostri saltem gratia abstinuissent, & ieiuni semper permanissent. Quis autem secum putaret aliquando fieri potuisse, uti turpis istæ, infamis, naturæque penitus repugnans heresis, scripturarum autoritate communita, in publicos prodiret hominum cætus? aut ut tanta opinionis turpitudine, adscititia forma oculum cælata effugeret, vel splendide venustata emicaret? Cōgesserunt itaque sectarii hi infinita propemodum sacræ paginæ loca, quæ aperte dicunt carnem perpetuis litibus cum anima concertare, ex aduerso castra bellicaque munimenta habere, infestis signis in virtutem incurrere, paratam esse continuo ad excipiendam voluptatis illecebram, cum dæmone conspirasse in animæ interitum: denique omnium scelerum & iniquitatum esse parentem. Ex quibus intulerunt, non nisi alicuius inuisæ pessimæque causæ artificio luteam hanc corporis molem, quæ animam visco implicet, & à liberiore volatu cohibeat, inuectam fuisse: demum caninam exercentes facundiam, in carnem mirifice declamitarunt. Hanc dicunt esse, quæ odijs atque iurgijs communem hominum societatem distraxit, quæ bellorum furoribus orbem inuertit, quæ humano cruore maria tepefecit, terrasque infecit, quæ blasphemix spiculum scelerato ore in Numen intorsit, quæ in fraterna viscera, vindictæ appetitu extimulata, pugionem intulit; quæ leuissimas voluptates ad apertas usque barathri fauces insequitur, quæ cælos spoliauit sanctis, & infernum ditauit reprobis. Eapropter à malo principio ortam carnem, malorum omnium effectricem & altricem Manichæi adseruerunt. Quod si origo carnis in prauam aliquam causam non sit referenda, saltem digna res non erit, quæ  
supremi



supremi artificis manum postulet, sed ab angelis sat affabre constructi potuerit: vti ex Platonis sententia differit Philo Iudæus. Atque hoc pacto externa nostri corporis species quorundam obiecta sensibus, eorum animos decepit.

Fateor equidem ab ingenitæ nobilitatis claritudine nonnihil hanc carnem nunc degentasse. illa etenim intueor amœnissima voluptatum paradiso exactam, per orbis oras paupertate confectam, vage cursitantem video. Tunicæ illæ pelliceæ mortalitatis exuie oculis meis obuersantur: quæ grauissimum corporis damnum representant, & palam faciunt. Sed quid? continerem ne Imperatoris cuiuspiam filium, quod ipsum laceris & detritis indutam vestibus, quod ostiatim in externo solo victum queritantem conspicerem? an non potius misericordia condolentiaque pectus meum concitari deberet ex tali spectaculo? me sane ad ea officia instruerem, quibus illius succurrerem potius necessitatibus: splendorem prospicere illi in mentem reuocarem, unde meliora speraret, & ad talia cōtenderet. Urbatus fuit Iacob, his toris tamen vestibus indutus: & qui prodigè substantiam omnem suam obligauerat, male coopertus, & ad patris genua proiectus, ingenuus erat, & dirisimi senis charissimus filius. In quid igitur heretici opprobria sua & dedecora hæcenus iecerunt? in quid huc vsque inuecti? tanquam canes in umbram hominis oblatrantes, ita in pannosæ nobilis peregrini vestes, in pelliceas primorum parerum tunicas, in villissimum prodigi alicuius habitum externamque speciem debacchati sunt. Verum si hæc quæ foriosæcus apparent, cogitatione nostra abiecerimus: & quæ prima nostræ carnis conditio exiterit, bene perspexerimus: dignitatem eius singularem deprehendemus. Inspiciamus itaque primariam corporis plasmationem, ex qua integra absolutaque aliquando floruit. Quomodo enim non exquirit alicuius operæ artificio humanum corpus effingendum, cuius caula firmata constitutaque fuit paradisus illa amœnissima, quæ hominem corpore cōstantem, colonum & dominum retineret? Vt enim præclari istius principis visibus locus melius inseruiret, floribus ornatus exiit, herbis saluberrimus, aquarum venis irriguus, æris temperamento & spiramine iucundus: omni voluptatum genere affluens & redundans. Vni homini tot commoda hortus suppeditauit. Si sensum quæras oblectamenta, flores illi adeo viui, vti quodammodo spirantes, suauissimos odores ad ipsius nares efflarunt: melliti liquores, expressus fructuum succus, gustui eius summum attulerunt delectationem: facies illius loci varietate colorum depicta, oculos eius mirifice recreabat: tremula illa foliorum collisio, & per limpida saxa, aurique ramenta decurrentis aquæ raucum murmur, & oluerum

*Care polar  
pescum.*

*Gen 27.  
Luc. 16.*

*Corpus hu-  
manum inde  
præstantissi-  
mum, quod  
vni causa  
candida pa-  
radisus.*

X

canu



cantu modulatum, gratissimos auribus sonos exhibuit: mollis, ex frigoris calorisque mixtione, tenuissimæ purissimæque aures moderata respiratio, ad sensum tactus incredibili cum voluptate affluxit. Hæc autem omnia quis credat propter carnem fuisse constituta: si eiusdem natura ad illam, quam volunt Manichæi, vilitatem esset abiecta? Nisi ita velimus desipere, uti existimemus Deum sedem efformasse, quæ illo præstaret, qui insidet: calceum exornasse, qui pedem ipsum dignitate superaret, agrum dedisse, qui colono esset excultior. Summa idcirco illius horti præstantia, humane carnis dignitatem arguit & probat. Atque opinandum erit, ipsam tunc floribus extitisse pulchriorem, odorum suffimentis fragrantiolem, lucetibus gemmis splendidiorem, aquarum riuulis puriorem, vernantibus herbis lætior. Nam quemadmodum diuina natura rerum omnium perfectiones varias eminentia sua simplici comprehendit: ita humanum corpus materialium rerum insigniores qualitates compendio quodam in se perstrinxit: quo pacto hominis cum Deo illustrior quoque similitudinis ratio appareret.

*Corpus  
præclarum,  
ex digni-  
tate ani-  
mæ.*

Quis præterea aliter cogitare poterit, quam quod corpus humanum prima sui structura fuerit opificium quoddam Dei paratissimum ornatissimumque: cum videat huiusce corporis quasi palæ insertam ipsius animæ gemmam? Si namque cælestes spheræ nobilissima quadam constant materia, quod lucidos illos Planetarum & Stellarum globos includant: Quid putandum de corporis dignitate, cuius complexu gremioque animæ substantia splendidissima, è supernis depressa, ipsius Dei viuum referens imaginem, & ex diuino ore emissa spiratio coërcetur? Quis etenim prudentum artificum ardentia rubri maris grana, vel è conchis desumpta margaritam luto, plumbo, aut ferreo intulit annulo? Noluit etenim Deus dedecore aliquo ex corporis societate, animæ substantiam obscurare & infuscare: sed illam inde potius exornare atque nobilitare decreuit. Eapropter massam & concretionem delegit in quam infunderetur, quæ ipsius naturæ & dignitati esset conuenientissima. Sol quidem iste recenter exortus, nulla fuit contactus nube, sed natua sua luce ceruleos illos tractus, effusum aërem, motantem aquam, firmatam terræ molem illustrauit & quasi inaurauit. Nondum enim coaliti vapores sursum elati, hunc mundi oculum obnubilarant. Simili ratione animæ splendorem nulla corporis impura crassities interceptit, nullo pondere vim mentis depressit, nulla turbulentia intelligentiam eius perturbauit: sed tanquam politissimum crystallum animæ flammam corpus primitus continuit. Quod si principes non obscuro aliquo in loco, vel ciuitatum angulis sordium eluuiæ coinquinatis, suas soleant erigere statuas: profecto



profecto corpus; si vilissimæ cuiuspiam esset conditionis, nequaquam animam, quæ Dei est imago, suscepisset: non enim voluisset Deus ex tali positura imaginem suam ignominia aliqua afficere. Sed cum nihil humano corpore in hoc vniuerso esset conspicuus, in illo, tanquam in edito quodam loco & maiestate plenissimo, suam ipsius imaginem collocauit: in quam cetera animantia dum prospectent, Dei quoddam numen in ipso homine agnoscerent, illudque summa cum sui dimissione venerarentur. Eam itaque brutorum sensibus speciem humano caro iniicit modo, ex qua Dominum suum, hominem percipiât, dignumque ipsum reputent imperio: quare ex copula animæ cum carne, illius perfectionem dignoscimus. Vt enim inquit Tertullianus: *Hoc quique ad gloriam carnis exuberat, quod proximam Deo continet, & ipsius dominationis comitem præstat.*

*Tertull. lib. de resurre.*

Enimvero si corporis plasmationem accuratius expendimus: illam videbimus non nisi insignem nobilissimamque exiisse. Cuius quidem rationem coniectura quadam satis probabili assequutus videretur Philo, cum dicat: prudentiores peritioresque artifices in ingressu sineque operis artem suam illustriori clariorque specimine testatam reddere. Quæ de causâ cum molitio Dei ab ipsis coelis caperet exordium: liberius eius virtus tunc in illorum fabrica visa est excurrere, & maiori quodam nixu ad id, quod omnium esset pulcherrimum, contendisse. Humano autem corpore, veluti colophone & coronide, claudenda & condecoranda erat vniuersi illius constructio: verosimile itaque hoc summa quadam cura climatum expositumque in publicum prodixisset in quo, veluti in exquisito aliquo opère, diuina peritia magis eluceret: cum in illud totius effectus carius, veluti in quendam artificiosè contextum nodum, (quo omnes partes mundi apte concinneque deuinciuntur) desinerit. Ideoque (vt adnotauit Philo) purissimum delegit Deus puluerem, ex quo humanum corpus confectum, magis sincerum & defecatum existeret. Tam mortis vero tunc nulla quidem glebæ particula admixtas feces contraxerat: nihilominus quasdam partes secreuit Deus, quæ magis essent expurgatæ, & ad extremam quasi tenuitatem ventilatæ. Ceterum non est nostri instituti vniuersam rationem physicam humani corporis nunc persequi: de qua copiosè Hippocrates, Galenus, Polemon, Melesius, alique nonnulli disseruerunt: sed in corporis nostri commendationem quædam delibabimus ex antiquorū scriptis: quæq; vel maxime nobis visa sunt ad hoc propositum idonea.

*Corpus humanum purissimum, quod peritiorum artificum effectum.*  
*Poil. de fab. mundi.*  
*Hippocr. de hom. struct.*  
*Galen. de v. part.*  
*Polemon de interpret. sig.*  
*Meles. de hom. nat.*  
*Lactant. de opif. Dei.*  
*Cicero de nat. deorum.*  
*Greg. Niss. lib. de hom. eff.*  
*Grænat. li. 1 in symbol. malin. 1 p. q. 1.*

Effectum itaque virtute diuina est hoc corpusculum ex limo terræ (vti scriptura testatur) & propterea non ex solis pulueribus constitit: Intercessit enim aqueus humor, quo lubricæ terræ particule inter se firmitus co-

*qua, & cur*



*Gen. 1.*

*Optat.  
Mil lib. 1.  
cont. Parn.*

*D. Amb.  
lib. 2. de  
Patriarc.  
Abrah.*

hererent: ideoque in nostris corporibus, cum elemento terræ, etiam aqua præcipue dominatur. Cuius temperamenti quamplurimarum rationes inuestigari possunt. Quod ad aquam attinet hæc (vti narrat Scriptura) piscium & volatilium creationi inserviuit. Cum autem homo pisces & volatilia dispari suæ vitæ institutione imiteretur: rectissime aqua in eius effectione adhibita fuit. Est etenim anima concupiscentiæ diluuium quasi immerfa: quæ si piscium more habentium squamas, è corporeis fœcibus ad superiora emergat, se ab inquinamento tutabit vt piscis. Et cum in æthera contemplatione se extulerit, cœli volucer effectus, sublimes illos tractus præpetibus pennis dimerietur. Hinc factum credo, vt hoc idem elementum aquæ, quod homini vitam præbuit, eidem quoque spirituales auras largiretur: quando nimirum Christiani tanquam pisces, in illis aquis baptismalibus cœlestem hauriunt spiritum, nouumque capiunt vitæ initium. Homerus quoque multoties decantauit Oceanum Dijs omnibus originem præbuisse: nempe, quod inaudierat primum humani corporis coagulum ex aqueo humore extitisse. Inter cetera elementa, terra & aqua fœtum edunt, vel in hoc propagationis munere primas tenent. Hominem autem Deus voluit esse animal fœcundum; idcirco ex terra cum aquæ admixtione illum plasmauit. Quod si cogitationem referamus ad ipsius actiones, videbimus pariter ipsum aquæ & terræ similitudinē pariter quandam exprimere. Hæc etenim duo elementa, ceteris cum subiacent, excipiunt in se illorum vim: cœlorum quoque influentiam habent, quibus fœcundata, multiplicem prolem progignunt. Ita homo natura sua aptus efficitur, vt diuinæ gratiæ radio collustratus, perspicacia mentis vera intelligat, affectusque incitatione optima exoptat & adsequatur. Quæ porro naturæ sunt diuersissimæ, & omnino distractæ, aqueum imbibentia humorem, constipata inuicem coalescunt, & tenacitate quadam copulantur. Condidit hominem Deus animal, non soliuagum, sed quod aliorum societate delectaretur: mutuaque charitatis officia benignitate & amore exerceret. In aquæ limpidine rerum formæ relucunt: proinde doctrinæ & eruditionis est hieroglyficum. Deterfam politamque condidit Deus hominis naturam; in cuius luce & oculo, rerum omnium notiones pulcherrime resplenderent. Sordes abluat aqua & abstergit: terrena hæc nostra concretio vitæ similiter genere pura esse debet & illibata, ab omni fœce prauitatis seiuncta. Vnde vtriusque elementi, aquæ nimirum & terræ, formam quandam exhibet humanum corpus: quod & nonnulli obseruarunt: inter quos D. Ambrosius, qui affirmat totius terræ faciem non esse vbique complanatam, sed quasdam eius partes vt rupes collesque alijs eminere: Ita inquit in hoc nostro corpore humeri & scapulae in altum



in altum suspenduntur: manuum autem volæ pedumque plantæ humiles sunt & depressæ: de qua re pulcherrime Tertullianus: *Ipsam certe corpus hoc nostrum, quod de limo figuratum est, etiam ad seculares notionem veritatis transiit: utrumque originis elementum consistit; carne terrenam, sanguine aquosam: licet alia sit facies qualitatis.* Et postea: *Ceterum quid est sanguis, quam rubens humor?* Tandem aperit rationem similitudinis corporis nostri cum terra: *Quid caro, quam terra conuersa in figuras suas? Considera singulas qualitates, musculos ut glebas, ossa ut saxa: etiam circum papillas calculos quosdam. Aspice nervorum iunctas connexi, & traduces radicum, venarum ramosos discursus, ut ambages riuorum, & lanugines ut muscos, ut comam, ut cespitem, & ipsarum medullarum in abditi thesauros, ut metalla carnis.*

*Tertull lib.  
de carne  
Christi.*

Modo ad corporis exquirendam elegantiam, eiusdem partes omnes vniuersali quadam ratione percurramus. Hoc ita coalitum & compaginatam animaduertit Lactantius, uti simile omnino sit naui carinæ. Ossa etenim illa laterum clementer incuruata, & in circulum ferme reducta, talem formam omnino videntur exprimere. Quo pacto arcam, quæ humanum genus ab aquis tutauit, & ad montes Armenia euexit, rectissime adumbrasse adstruunt nonnulli Christi corpus: in quo omnis animarum salus, hoc æstuoso furenti mare, est reposita. Corporis itaque vehiculo insidens anima ad portum defertur: cui aquarum exundantia periculum naufragij intentat: quando nimirum sanguinis ille humor in iuuenilibus turgescens venis, & immoderate incalecens, despumat in libidines. Quid hac nauigatione periculosius quæquam verum malis infesta? Si mare intumuerit, si ventus flauerit, si cælum obscuratum fuerit, ambiguus naui cursus euadit, & ad interitum præcepit. Similiter hoc nostrum corpus inferius subiectæ terræ impuriori exhalatione inficitur sæpius, superius aeris nebula, irati cœli nociua influentia interficitur frequenter. Quid etiam naui fluctus sulcantis cursu incertius? Nauræ cum naui in portum aliquo aut sinum direxerint, vel littora legentes parum progressi fuerint: inopinatus contrariusque incursum ventus eam in incognitam abripit sæpissime regionem, vel à terræ conspectu in altum deferet. Ita cum aliquid mente homines delignarint, utpote vitæ geous aut studia, veluti profectiorem quandam, fortuito interueniente casu defixa consilia inuertuntur; ut ne memoria quidem eorum vlla aut leuiter impressum vestigium supersit. Pertranseunt enim dies nostri, (ut inquit Iob. *quasi naues puma portantes.*) In hoc enim vastissimo mare animalia pusilla cum magnis versantur, & naues (ut ait Propheta David) pertransibunt. Arque ut intelligamus humanorum conatum vanitatem cum effluerint; admonuit Sapiens: *Transferunt illa omnia tanquam vni-*

*Corpus ho-  
minis simile  
carinæ naui  
& quare.*

*Iob. 9.  
Psal. 103.  
Sap. 3.*

X 3. bra,



bra, & tanquam nuntius præcurrens, & tanquam nauis, quæ pertransit fluctuantem aquam, cuius, cum præterierit, non est vestigium inuenire, neque semitam carinæ illius in fluctibus.

Ratio corporis  
mē-  
brorum,  
& cur e-  
rectum  
corpus.

D. Basil.  
homil. de  
creat.  
hom.

Psal. 138.

Ambr. ser.  
10. in psal.  
138.

Cæterum illius carinæ speciem iam contemplemur, cuius quidem formam, non depressam aut pronam, sed excellam erectamque, summæ laudi veteres omnes adscripserunt. Ex qua (vti docet Cicero) hominum sensus aptiores sunt, vt diuinorum notiones capiant. Non enim sumus incolæ aut habitatores tantum terræ, quin potius supernarum & cœlestium rerum spectatores. Eapropter in humani corporis capite, veluti in quadam specula, sensus ij collocantur, qui huiusmodi rerum nuntij essent & interpretes: inter quos rectissimo ordine in sublimi ponuntur oculi, aures, atque nares: quandoquidem harum facultatum obiecta naturis suis superiora existunt. Tactus vero per totum corpus est diffusus, vt omnes ictus omnesque nimios frigoris calorise appulsus persentisceret. In quam sententiam sic D. Basilus: Adde quod opifex summo in loco cum posuisset caput, in eo ipso solide collocauit sensuum organa eorum, qui præminent: illic visus, auditus, gustus, odoratus, his quatuor sedem finitimam præscripsit: sic tamen in angustum retracti loculum sunt, vt vicini non remorentur actionem, aut ei sint impedimento. Et quidem oculi præelsam illam occupant arcem speculationi destinatam: ne qua partium corporis liberum sibi adimeret prospectum, aut inumbraret, qui vt in directum potius è superiori loco & eminentiori acie intendant, sub tenui integumento superciliorum desidentes. Auditus apertura è diuerso neutiquam se in directum exporrigit: sed retorto meatu & anfractuoso, sonos siue strepitus in aëre editos apprehendit: id quod quis inficietur summæ esse sapientie, vt vox quidem citra impedimentum penetret, aut verius insonet circa concauos anfractus auris refracta? Eorum proinde, quæ intercidunt, externe nihil esse impedimento possit sensui. Lingua insuper condiscito naturam, vt est mollicula, versatilis, & ad quemlibet vsum sermonis depromendi multiuaria agitatione sufficiens. Dentes porro mihi expende: vt organa sint quidem exproimendæ voci accommoda; tuenda lingue captum apparuit sane quam validum. Adde quod administrat alimonie sunt, dum hi frustulatim illam conscidunt, & conscisam & dissectam minutim detrahunt. Ad hunc sane modum nullam non corporis particulam percurrens, consentanea ac veluti ratiocinatione doceris: vt attractio aëris per pulmonem, calorem in corde conseruet, organa concoxioni accommoda, sulcos canalesque eliciendo sanguini idoneos. Per hæc vtrique omnia contemplari licuerit imperuestigabilem, eius, qui te condidit, sapientiam, adeo vt cum Propheta ipse tu possis dicere: Mirabilis facta est scientia tua ex me. In hac autem re non alijs vtar vocibus aut sententijs, quam eorum qui de eadem melius disputasse iudicantur. Audiamus itaque D. Ambrosium: Nam & fabricam ipsam humani corporis si quis consule-



considerare velit: nihil poterit in terra preciosius æstimare. Est enim homo statu celsus, vultu decoro, casarie gratio, non in alterum ceterorum more curuatus animalium, sed ipsa natura iure sublimis, qui in cælum libero spectet abentu: nulla capitis feruitute, aut cervice oppressio in terram: sed tanquam propria conscientia libertatis, & locuples sui testis auctoritas. Veteres itaque humani corporis fabricam cōtemplati, eam vehementer demirati sunt: in qua veluti in speculo tanti artificis, qui illam perfecerat, virtutis expressionem agnouerunt. Inter quos hæc Trismegistus: Cogita o fili, hominem in vtero materno compositū, totam opificis artem diligenter perpende: & discas quis sit opifex qui hanc hominis pulchram diuinamque imaginem fecerit: quis oculos formauerit, quis nates & aures terebrauerit: quos aperuerit, qui nervos tetenderit & ligauerit, qui venas terigauerit, quis ossa solidauerit, qui pellem carni circumdederit, quis digitos distribuerit, quis pedibus ingressum vel plantam dilatauerit, qui poros aperuerit, quis liens tetenderit, qui eas figuram pyramidū balere fecerit, quis nervos composuerit, quis pulmones cæterosque fecerit, quis ventrem dilatauerit, quis honestiores partes in propatulo posuerit, obscuras abscondiderit. Aspicere quot artes vnius materie, quot opera, vna circumscriptione cunctaque pulchra, cuncta cū mensura. Quis hac omnia fecit? quæ mater, quis pater? nisi inuisibilis Deus: qui sua voluntate cuncta operatur est: aut statuum vel imaginem, siue artificer aut pictor, nemo dixit existisse: hoc ergo opificium fuit sine opifice. Quæ autem iactantia iocunda libilem, o magnam impietatem, o incredibilem ingratitude! Porro ex concursu primarum qualitarum in humano corpore coalitam temperiem respicientes, illam sane videbimus quoque præstantissimam, in qua sanguis purior discit, subtiliores spiritus exiliunt, forma & color magis florent, quæ corporis præstantiam omnino testantur. Vt enim inquit Galenus: Medium temperiei in toto animalium genere homo est. Qua de causa hominem ab antiquis nuncupatum affirmant *εὐστροφος*, quadratum: propter summam illam & æqualem primarū in eius corpore qualitarum contemperationem. Quod & occultæ cuiusdam diuinæ in homine virtutis operantis indicium esse idem docet: For-

Trismegist.  
Pemund.

Humani  
corporis tem-  
peries opti-  
ma.  
Galen. lib.  
de temper.

Galen. sup.

Cum vero quod in homine principatum gerit, sit ipsa mens & ratio: ea sinit in corporis eius structura membrorum efformatio adhibenda, quæ illi plus opis conferret: quo modo erecta hominis figura eius intelligentiam transfert ad inquisitionem diuinorum: atque ipsam perspicere facit, quodnam officij genus sit ab homine præstandum. Tui corporis effigies (ut inquit D. Basil.) rudimentum quoddam est, quo doceris ad quem finem conditus sis: ut Deum contemplare factus es, non ut humi repas vita tua, non ut pecudū ritu voluptate persequaris: verum ut ad normam & institutum cælestis vite tuam ipse

Forma hu-  
mani cor-  
poris ra-  
tioni ac-  
commoda  
D. Basil.  
humil in  
illud ar-  
tende tibi  
ipsius



*Rationis  
præcipua  
in corpore  
instrumenta  
manus  
& lin-  
gua.*

*Galen lib.  
1. de part.  
cap. 1.*

*Lactant.  
de opif.  
Dei cap. 3.  
Pollicum  
præscisso  
acerbissi-  
ma pena.  
Suet. in  
August.  
Cicer. 3.  
offic.  
Galen lib.  
de usu  
part.*

*ipſius componas.* Duo autem ſunt corporis organa, quæ præſertim rationi adminiculatur: lingua nimirum & manus, ideoq; in illo ſitu aptiſſime collocantur, in quo melius ſua valeant munera obire. Lingua ex alto veluti in ſublîmi ſuſpenſa campana, ſenſus animi ſonora voce exponit, homines nunc in vnum cogit, nunc eodem veluti turbine diſſipat & diſtrahit: nunc fulminis inſtar terret, nunc vero ſuauitate quadam & neſtæreo ſucco auditorum animos perfundit: hæc ſocietas hominum continet, & eas contra ferarum incurſiones protegit: omnia denique vitæ neceſſaria procurat: neque aliquid ſcio, quod Mercuriano huic ſceptro non ſubijcia- tur. Manus autem multiplicis artiſcij genere non ſolum vitæ neceſſaria & vtilia parant: quinimo delectationes omnes venantur, corporis indu- menta auro gemmiſque intertexta operantur, condimenta componunt guſtui ſuaviſſima, ſuffitus inueſtigant naribus gratiſſimos: omnem de- mum mollitiem perficiunt, quæ ſenſibus arrideat. Fera ipſa animantia manibus ligamus, ac ſtringimus, cicuramus, circunducimus, pulcherri- ma palatia, & integras ciuitates, humanæ ſocietatis ornamenta, manus conſtruunt, atque turrium ſtiſtigijs nubiù altitudinem æmulantur. Qua- propter (vt recte diſſerit Galenus, tamenſi homo velocitate ac pernitate leporibus & aquilis ſit inferior, robore etiam leonibus impar: nihil oſe- cius illis instrumentis naturæ donatur, quibus feris omnibus facillime ip- ſe poterit imperitare. Homini vero, cum non egeret propria velocitate, debens dominare ſapientia & manibus: æquum erit longe melius antequam velocitatem, organa habere ad omnes artes neceſſaria. Probat itaque Galenus antiquorum illud effatum: quo dicebant hominem omnium animalium eſſe ſapien- tiſſimum, quod manus haberet. Homo igitur ſolus, ſolum ex animalibus omni- bus artem habens ante artes, ſecundum rationem in corpore organum ante organa acquiſiuit. Et vt inquit Lactantius: Plus manus præſtant, quam leuitas reſuſcit, pennarum: plus lingua, quam tota corporis fortitudo. Proinde non maiorem pœnam in ſcleris vindictam reis incuti potuiſſe exiſtimarunt veteres: quam quæ deſidioſis militibus inferebatur: dum ipſis pollices præſcinde- rentur: ſicut cum quibuſdam egit Auguſtus Imperator. Et vt ſcribit Ci- cero Athenienſes Eginenſium iuuentuti pollices amputarunt: vt eos de- incept inutiles operibusque ineptos redderent. Neque alia in ipſo homi- ne membrorum qualitas ſpectanda eſt, quam quæ intelligentiæ mentiq; aptius inferuiret. Sicut cythara (inquit Galenus) muſicum non docuit, nec tenaculum ferrum, ſed eſt unusquiſque ipſorum artiſex propter rationem, quæ in eo eſt: agere autem non poteſt ſecundum artem abſque organis: ita & quilibet anima propter propriam ſubſtantiam habet quaſdam virtutes. Idcirco licet in pluribus bruta animantia homini præſtent: in hoc tamen vno vincuntur omnia, quod



quod vim rationis humanæ nullo artium robore aut agilitate membro-  
rum effugere poterint. Vt enim ait Lactantius: Cum fragilis imbecillisque  
homo nascatur: tamen & à mutis omnibus tutus est, & ea omnia, quæ firmiora na-  
scuntur, etiam si vim cæli fortiter patiuntur, ab homine tamen tuta esse non possunt.  
Ita fit, ut plus homini conferat ratio quam natura mutus: quoniam in illis nec ma-  
gnitudo virium, neque firmitas corporis efficere potest, quo minus aut opprimantur à  
nobis, aut nostra subiecta sint potestati. Lignum in aratri formam dolatum,  
crassius est, quam illud ex quo cythara componitur: nihilominus hoc illo  
præstantius & excultius: Ita cum hominum corpora brutorum corpori-  
bus tenuiora sint & imbecilliora, tamen ea est forma & compago huma-  
ni corporis, quæ rationi vel maxime idonea reperitur: hæc autem mol-  
le quoddam tenue & delicatum exigit instrumētum, in quo aer & ignis,  
quæ superiora sunt elementa, dominium haberent: nō crassum quid, du-  
rum, aut incrustatum. Recte idcirco Auerroes animalia breuioris esse vi-  
tæ docuit, quam inanimata: quod illa sensus teneritudine vigeant, hæc  
minime. Non autem ad vitæ propagationem diuturniorem, sed ad ra-  
tionis ornamentum vsumque conditus & institutus est homo.

*Lactant. de  
opif. cap. 3.*

*Auer. com.  
in 2. de  
Anima.*

Rosam spinis oblitam manu carpentes, non ideo illam continuo abij-  
cimus, quod spinas habeat, sed potius ex illis aculeis spinarum florentiorē  
rosæ speciem æstimamus. Ita tamen intueamur corporis nostri condi-  
tionem fragilem, imbecillam, ad multa imparatam, & ruminatū spinis cō-  
sitam: non tamen proinde amandanda erit hæc carnis moles, & relegēda  
ad malum aliquod principium. Sed neque natura erit incusanda: praua  
potius voluntatis electio exsecranda, quæ in peccatum concedens, corpus  
hoc nostrum ita efferauit, animumque infinitis exinde malis implicuit. Iā  
autem in istis repellendis aut corrigēdis animæ nostræ virtus spectatur.  
Neque necessarium fuit, uti unusquisque nostrū sibi ipsi solus in omni-  
bus vitæ vñibus sufficeret: nam aliorum ope & adminiculo in pluribus  
indigentes, inter homines socialem conuictum, officiorum necessitudine  
statuimus & propagamus. Cum etiam (ut iam satis innotuit) insignis  
sit nostri corporis structura: non ad impuras voluptates libidinumq; sor-  
des abijcienda: sed rationi potius subiicienda, ut virtutum colore fulgeat,  
& angelorum choræ inserta, diuinorum studijs obsequium præstet. Est  
etenim (ut cum Tertulliano loquar) hoc corpus animæ splendidissima  
theca, & vitæ eius indiuiduus comes. Quare licet in pœnam veteris illius  
delicti nigram & exustam habeat pellem, ossa ferme contrita fractumq;  
robur retineat: (ut in Threnis lamentatur Ieremias) nouo tamē virtutum  
habitu, qui perpetuo vireat, est induendum & exornandum: nā prio-  
rem exuisse se sponsa in Canticis profitetur: *Expoliavi me tunica mea.* Dum

*Quare cor-  
pori infesta  
sunt quam  
plurima.*

*Tertull. lib.  
de resur.*

*Thren. 5.*

*Cant. 5.*

• Y

autem



*Corporis  
habitus in  
hac vita.  
Exod. 27.  
Gen. 27.  
2. Paral. 3.*

*Luc. 16.  
Matt. 10.  
Prov. 23.  
Psal. 102.*

autem hac aura vescimur, tametsi illud vestimenti genus corpori inducere non possumus, quod primam naturæ integræ stolam exequet: Non enim corporis nostri vestis hyacinthina est, cœlestis quiddam referens: nihilominus lino byssoque retorta utimur, in quibus pœnitentiæ liuores & persecutionum purpure effulgēt. Neque Iacob hirsuta illa tunica repudianda; si modo cœlesti sit benedictioni adiuncta. Cum autem corpus recte virtute subactū fuerit, omnes excusserit sordes, rugasque produxerit: hyacinthina veste in illa beatitudine amicietur, quæ tota resplendeat & infinitis gradibus illam dignitate superet, quam in Paradiso protoplasta amisit. Tunc prodigi illius lacera indumenta abijcientur, toga & annulus proferentur: tunc serpens per angustum transiens, veterem à tergo relinquet pellem: tunc aquila progressæ ætatis dimissis pennis, recentibus succincta, in ipsum solem explicata oculorum acie inuolabit. Hæc sunt futura carnis nostræ ornamenta, si illam tamen virtute excultam æterni iudicis tribunal exceperit.

*De eiusdē corporis malis ac prauis, quibus subiacet, affectionibus.*

### CAPVT XVIII.

*Anima  
officium  
corporis  
mala cog-  
noscere.*



*Propter  
peccatum  
multa in  
hominis  
necem con-  
spirant.*

I tales ab amicitia præscriptæ sint leges, quales plurimum interesse faciant, amici mala & acerbos casus certa scientia comprehendere, illosque, ac si in nos ipsos incidissent, deplorandos intelligere: profecto cum ex naturæ decreto intra animam & corpus necessitudinis & mutui officij summa quedam ratio dimanarit, ad animam spectabit omnino corporis ægritudines perspectas habere, illamque solertiam & diligentiam adhibere, vnde remedium quoddam illis posset asferre. Nam tametsi corpus perturbationis intemperie excitatum, nihil pensi habeat animæ & rationis bonū: à quo si ipsa deciderit, nulla eius cura tangi solet; nihilominus animus quod iudicio rerumque cognitione polleat, atque in vltimum finem, in quem omnia dirigi debent, sua prouidentia intendat: etiam cum infinitis à corpore sit affectus iniurijs, non debebit hoc neglectum habere: sed eius potius muneris erit morbos, ægritudines, infirmitates corporis, horumque causas inquirere, illique in his malis constituto maturo opitulari. Impune autem corpus suam intemperantiam non tulit, qua animam ad defectionem sollicitauit, nam ab ipso infinita propemodum sunt, quæ sceleris pœnas reposcunt: inter quæ existunt quatuor elemētorum vires & qualitates aduersæ, quibus in prædam corpus hoc nostrum celsit. Morbos enim



enim inducunt, debilitates adferunt, integram tandem corporis fabricam vastabunt. Et quemadmodum in angusto loco armis confligentes, omnia solent vicina deicere & dissipare: Ita elementa in exiguo corpusculo ob imperiū decertantis, singulas eiusdem partes inuertunt & perfundant. Si calor efferbuerit, de corpore assumptum aliquid peribit, si humor exūdauerit, languor membra & artus occupabit: ad interiora siccitas ingressa, medullas & sanguinem exhauriet, tunc vigor interibit, pulchritudo, color, decusque flaccescunt: Si frigus illos venatum alueos constrinxerit, mors toriusque corporis dissolutio subsequetur. Inuidi idcirco illius du-  
*Sens. in  
Theophr.*  
 ros agrestesque mores imitatur corpus, qui ut fratrem occideret, cōmuni strage ex ruina cuiusdam concussæ domus interire voluit: Nam corpus lethalem animæ plagam semel infligens, mortem sibi met proprijs manibus conscivit. Iustitia etenim originalis ita elementorū pugnantes qualitates aliquando continuit: uti summa quadam concordia conspirantes, animæ æternam quandam sedem dedissent. Quamprimum autem externi corporis sensus peccati noxam ad animam traiecissent, soluto vinculo inter se dissidere ex templo cœperunt, atque bello intestino humanam vitam excipientes, illam morbo, senio, ac morti subiecerunt. Neque aliud modo in hoc mundo intueri videor, quam piscinam illam probaticam, in qua multitudo iaceat cæcorum, claudorum, & aridorū. Quotus quis-  
*Ipsa. 3.*  
 que est, cui vita non periclitatur? Interitus namque cum in nobis ipsis latentes causas habemus, tum etiam externa mala nos cingunt undique, quæ diuturniori vitæ sunt infesta.

Homini-  
 bus itaque euenit, quod in quibusdam arborum truncis fieri videmus. Hi etenim nulla tempestate extrinsecus illata concussi, aut in terram proiecti: nihilominus quod in visceribus & medullis ipsorum enatus vermis frequenti corrosu illos exedat, tandem vetustatis cariem contrahunt, conficiuntur omnino, & corruptis naturæ solidis firmamentis, proprio pondere oppressi deorsum ruunt & labuntur: ita quod hominis corpusculum ex primarum qualitarum concentu & temperamento constet: etiam cum nulla ferri vis, veneni nullum virus, infecti aeris nulla insalubris spiratio, ad illud appulerint: solus ille vermis, quem peccatum ingenerauit, & naturæ primordijs immiscuit, sensim corporis partes absumens, integram demum eius fabricam dilapsu in terram præcipitabit. Trunci autem arborum vermem non concipiunt nisi post aliquod temporis spatium: nimirum cum naturalis eorum vigor & constantia ex vetustate perierint. Verum in homine non prius ipsius corpus coalitum & compactum est, quam fetus iste ad interitum institutus exoritur: in ipso namque primo hominis partu humor natiuus mate-  
*Interius cor-  
pus causas  
habet mor-  
tuum atque  
moris.*  
*Cum vita  
oritur mori-  
tus causas*



riam & escam calori exhibet deuastandam. Et licet calor mirum in modum tunc ferueat, eius tamen auiditati copiosus humor satisfacit, ne spiritibus & sanguine depaſtis totum exedatur statim. Quod tamen in infantia humor exundans per omnia corporis membra diffundatur, artus corporei laxi, molles, fluidique euadunt: vnde teneritudo infantilis facillime læditur: in quodcunque impegerit spina videtur: ipsa etiam venti agitatio molestissima est, & tenerum illud corpusculum videtur vti spiculum trajicere. At sicut oleum flammam paulatim lambendo consumit: & nisi liquorem instillet, tandem lumina accenta extinguuntur: ita calor cum creuerit in corpore, neque homini integrum sit plus humoris adiungere, necessario vis corporis languescet deficietque. In media quidem ætate, cum calor humorque æquales ferme partes obtinuerint: corpus colore & venustate floret, candida tunc genæ, modico intincta rubore: sed non diu post subsidente deficienteque humore, siccitas rugis corpus sulcat, exilientes eius spiritus comprimit, rigentia membra lassitudine conficit: tandem inclinata omnia & depreſſa occasum minantur. In cuius concertationis exitu hoc mihi videtur maxime spectabile: quod nimirum illa elementa, inter quæ in humano corpore pugna acrior est, eodem plane ictu, quo sibi oppositum feriunt, & ipsa concidunt: quæ autem in hoc prælio dimicationi minus insistent, ea rerum summa tandem potiuntur. Calor namque ille igneus, qui ita in humorem furit, eo ipso quo hunc depopulatur, fame seipsum extenuat, & deficiente esca reſepit, languet, interit: frigus autem & siccitas, quæ terræ existunt qualitates, cum naturæ vigor floruerat, nullum ferme locum in humano corpore obtinebant, solum humor calorque tunc dominabantur: lite vero & digladiatione vltro citroque cum corporis vires labefactatæ fuerint, ad frigus & siccitatem, fugatis reliquis, imperium deuoluitur. Aptissime idcirco, & ad veritatem rei accommodare Epictetus Philosophus interrogatus ab Adriano quidnam esset homo, illi respondit balneo esse simillimum. Cuius (inquit) prima cella tepidaria vntuaria, quæ iam infans natus perungitur, secunda cella sudatoria, pueritia est, tertia cella assa perferuentaria, iuuentus: quarta cella frigidaria, senectus. Hunc autem naturæ nostræ cursum fluxumque: seu (vt ait Epictetus) corporis ex vna cella in aliam commigrationem, nec regum ardentia diademata, neque Philosophorum exquisitæ disciplinæ siltere poterunt aut cohibere. Nullus herbarum succus, nulla collucentium gemmarum virtus, nullum denique auri pondus, efficere queant, vti amicitia inter se copulatæ pugnaces corporum qualitates, a litigio conflictuque vel tantillum temporis conquiescant. Concertationem quidem illarum diutius aliquando protrahunt medicorum scita.

*Elementa  
minus  
pugnantia  
visorsam  
ex corporis  
morte re-  
portant.*

*Epict in  
dialog cū  
Adriano  
Vita homi-  
nis similis  
balneo.  
Perpetuus  
curſus cor-  
poris ad  
mortem.*



scita iusta que, vitæ sapiens atque prudens moderatio: pacem tamen inter illas diu firmam nunquam valebunt procurare. Si finem & exitum tuum quali è longinquo animi prospicientia contemplere: celerrime te ad mortem properare videbis: sed neque tardius mouebere, si totos dies altior somnus sensus tuos compreslerit. Pari cursu dormiens & vigilans ad mortem festinant: sapiens enim & stultus similiter peribunt. Qui enim naue aliquo feruntur; etiam cum sopor illos occupat, nihil celeritatis remittente nauigio, æquali profectioe ac peruigiles ad portum festinant: ita qui secum intelligentia huius vitæ rationes & momenta non expendit; interius illud habet, quod summo quodam impetu ad funus & sepulchrum, quasi corporis portum, ipsum deferat: non vt in illo conquisitas merces exponat, sed potius vt in illo hiatu rictuque terræ bonorum naufragium pariat. Nisi quod insipiens hilarius paullo quam sapiens currere soleat ad mortem: nescius enim futuri casus subito titubat offenditque: sapiens autem longe antea naturæ interitum præsentens, timorem funeri præmittit, tristitiam & lachrymas. Propterea D. Chrysostomus mortem vesticigal naturæ, terræ pendendum appellat, τοῦ βαρυτῆ ἀποπέρας τοῦ ἐσθλῆς. Videmus quidem ceruum telo traiectum aliquandiu, etiam dum lateri lethalis inhxret arundo, huc illucque discurrere, tandem vero exhaustis viribus concidere: Ita feruescente iuuenili calore corpus robore valere & cursu estimatur: tunc tamen illud mortis fatum, quasi telum infixum sibi habet; quod breuissimo temporis spacio omne eius decus & vim corrumpet atque eneruabit. Iam ad externa, quibus corpus nostrum obiacet, mala, disputatio progredietur.

Cum corpus humanum, Galeno teste, præstantissima polleat primum qualitatium temperie: sit vt ex viuaciori sensu tactus, cuticulam quoque habeat tenuiorem: quæ à quopiam extraneo, quod naturæ aduersatur, facillime lædi poterit. Hinc exhalationes impuræ ad corpus delatæ, poros membrorumque meatus penetrantes, ad ipsum cor & vitæ arcem nullo interueniente obstaculo peruadunt quantocius: ex quibus sanguinis humorum spirituumque infectiones oriuntur, & varia morborum genera exinde propagata in hominem grassantur. Si cælum conflagrationibus ardeat, si terra calore exusta dehiscat, si crassus & obnubilus aër omnia inuoluat: corporis vita periclitatur. Vndique incurrunt in nos leui mortisque instructa munimenta, à quibus omnibus difficile, imo sæpius impossibile cauere. Dum huic occurras malo, aliud fortassis excipies deterius: Quemadmodum si sollicite curares, ne ex cribra aquæ plena, gutta aliqua per vllam eius rimam decideret in terram. Infelicissima sane humani corporis conditio, quod in hunc mundum, nudum &

*Omnes parâ  
gressu ad  
mortem pro-  
perant.*

*Chrys. hom.  
in illud  
Psalm. verum-  
tamen vane.*

*Externa  
mala homi-  
nis vitæ  
infecta.*



Iob 7.

Iob 6.

*Infirmetas  
corporis  
contra  
mortem.*

*Plin pro-  
hem. lib. 7.*

inermeprodit, in cuius necem astrorum influentia & elementa omnia conspirarunt. Cui quod nulla armorum suppetet panoplia; aduersis telis eorum ad omnes ictus excipiendos, apertum pectus cogitur opponere. Siccine homo è sublimi dignitatis gradu deiectus est? Qui herili aliquando insignitus potestate, cuncta ditioni suæ habuit subiecta, modo creaturarum ferme omnium perpeti debet durum acerbumque imperium. Quo æquitatis iure factum est, uti in vnius homuncionis interitum vniuersæ orbis partes, vires & conatus suos intendant? cum si vel cetus esset, marini tamen vorrices, quibus inuoluitur, illi fauces intercluderent, dirumperentque vitalia: aut si carnem aneam haberet, aëris, ventorum, pluuiarum appulsu assultuque tandem attereretur. Quanto facilius nunc expugnabitur, cum carnem retineat fluidam, quam leuissimus sâne flatus deijcere, & modica adustio febrilis dissipare solet? A quibus denique tutus poterit esse homo? quo fugiet ab inimicorum violentijs? sed inclusum ipsum video hoc vniuersi circo, seu potius ad sudam illigatum, in quem singula Dei opera desequiant, pœnasque ab illo parrari sceleris reposcant. Ad hæc autem vitæ discrimina in ipsa infantia quam bene paratus instructusque accedit? quibusve integumentis munitus, dimicaturus procedit? galeam, thoracem, clypeum nobis describe. Pro galea capitis munimento, inscitia: pro thoracem carnis teneritudo: pro clypeo clamores & lachrymæ. Contemplantur illum in orbem ex vtero prodeuntem, vagientem in cunis aspice, postea imbecillos illos artus in diuersa refluents, nullis iuncturis constanter coherentes, directos oculos ad materna ybera: vultus ac frontis, ad expressionem doloris, contractionem, porrectam manum alienam opem expetentem, vacillantia membra, & ad omnem subitaneum motum truciorisque obiecti speciem trepidantia, considera. Hic tamen ille est, qui cum elementorum viribus, cum cœlorum inclementia, cum æstiuis caloribus, frigoribusque hybernis, manus conferere debet, & in tanta nuditate atque penuria ad se tutandū, nunc ex ouina lana vestes sibi conficit, nunc ex uiuis leonum & luporū reclus incedit: editaque strage animalium, ne natiuus calor in suo ipsius corpore humorem citius deuastaret, illorum carnes deuorat, & feruori illi, veluti escam, subijcit torrendas. Quamplurimi sâne antiquioris sæculi homines corporis nostri statum multis deplorarūt, & admirati sunt, quoniam iubente fato caro istæ ad sustinendos tot impetus aduersos, inparata quasi in arenam descenderit. Inter quos hæc Plinius: Ante omnia vnum animalium cunctorum alienis velat opibus: natura ceteris varia tegumēta tribuit, testas, cortices, coria, spinas, villos, cetæ, pilos, plumam, pennas, squamas, vellera: truncis etiam arbores, cortice interdum gem. non à frigoribus & calore tutæ sunt: hominem



minem tamen nudum, & in nuda humo, nati die abiit ad vagitus statim & ploratum: nullumque tot animalium aliud ad lachrymas, & has protinus in vita principia. Verissimum interim sit illud Pythagoræ, quo dicit, omnium animalium sapientissimum esse hominem, quod manus habeat: quarum usu ea comparat vitæ necessaria, quæ natura illi negauit: vti dum ex lana velles contexit, equum ad cursum assumit, bouem ad arandum subiungat. Hæc tamen non nisi ex cuiusdam artis præceptis obtinentur: multoque studio & solertia acquiruntur: ad quæ non paucorum ingenia sunt minus idonea, & facultates ineptæ. Quamobrem si ad ea respicere velimus solummodo, quæ natura sua sponte facit: nihil aliud plane nouit homo (vt Plinius animaduertit) præterquam flere.

Ipsimet cibi, qui ad vitam sustentandam in stomachum ingeruntur: quique tam studiose per mare terrasque inquiruntur, ac tanta delectatione palatum & organum illud gustus trium digitorum (vt quidam sapientum loquuntur) titillant & recreant: qui etiam in subsidium labantis naturæ venire videntur: ita eam paulatim feriunt, vt si nulla alia esset causa interitus, cibi tandem mortem inducerent. Quamuis enim nutriendi facultas cibos superans illos transmutet in substantiam aliti, nihilominus non parum ex conflictu inter natium stomachi feruorem, ciborumque qualitates, naturæ vis repaitione quadam (vt loquuntur) debilitatur: ex his senectus, tandem mors proueniret. Ipsa quoque medicamenta ex venenis plerumque confecta, etiam cum morbum expulerint, ipsius naturæ vigori interim non modice detrahunt. Omitto innumeros alios casus & pericula, quæ subitaneo & inopinato accessu vitam nostram sepiissime pessundant: vtpote ruentes regulas, eiaculata fulmina, dilapsus ex equo aut curru, venenatas porriunculas, inimicorum hostiles insidias, pestilentie contagiones, in aquis suffocationes, animi dolores. Quæ quidem omnia in hac vitæ scena admirabiles strages corporum ediderunt.

Sin autem arte aliqua, prouido consilio, aut felici fortuna quamplurima istorum effugeris: cum etiam ad votum tibi omnia prospere & secunda aura affuxerint: breuissimo tamen temporis spacio placidus iste naturæ decursus absoluetur, & (vt inquit Cicero) *Mibi ne diuturnum quidem quæquam videtur: in qua est aliquid extremum. Cum enim id auenit, tunc illud quod præterit effluit, tantum in me quod virtute & recte factis sis consequutus. Ecce mensurabiles (ait Psalmista) posuisti dies meos, in Græco πάλαιας: quod significat quatuor digitorum mensuram: cum enim quatuor istæ qualitates elementorum in humano corpore stadia sua perfecerint, funus aderit & sepulchrum. Læta iuuentus lusibus intenta, non animaduertit quam celeri*

*Cibi causa  
mortis.*

*Casibus  
subiecta ho-  
minis vita.*

*Breue &  
succinctum  
vna stadia.  
Cicer. de  
senect.*

*Psalm. 38.*



celeri cursu feratur ad exitum. Iuuenilis feruor parum reputat id temporis, quod insequendis fœris, lustris excutiendis, amoribusque excolendis impenditur: vix horulæ spatiū illi videtur mora, quæ istis tribuitur. Tandem vero frigida curuaque senectus obrepit: & si in aliqua parte istius nostri vitalis incessus diuturnitas reperiatur, illam obtinebit senectus: non quidem temporis spacio, sed ærumnarū molestia, quæ efficit, vt omnia senibus videantur longissima. *Dies mei* (inquit Iob) *velociores fuerunt cursore*. Sicut enim cursor identidem loca mutat, ita in humana vita est perpetuus quidam transitus, quo ipsa decurrit ex pueritia in iuuentutem, ex iuuentute in senilem ætatem: qui etiam cursus horologio illo arenario fragili & lubrico, pectoribus nostris incluso, mensuratur. Rectissime idcirco decursus iste spirationis nostræ cōparatur flumini: quemadmodum enim quædam est huius pars, quæ omnino effluxit, & aspectum nostrum præterijt, alia quæ obuersatur oculis: demum alia, quæ in ipsis fontium scaturiginibus ebullire & proëminere incipit: ita si pueritia euolauerit, iamque constiterit virilis ætas: gelidus ille sanguis, senectutis vehiculum, ex iecore, vt ex fonte erumpere incipiet. Quæ autem vitæ pars est dilapsa, ea nullis vocibus aut opera poterit reuocari. In alijs autem rebus, quæ priori aliqua industria probè non concinnantur, destrui queât, & nouo melius labore construi: ita edificium quod apte & ad oculum pulchre non confurgit, si dirutum fuerit, de integro fabricatum, priorem errorem ex recenti molitione compensabit. At si quid in pueritia aut adolescentia erratum fuerit: non ita possumus vitam ad principium reuocare, vt i nouo quodam filo telam iterum texamus; aut vt ætatis florem, quem scelerum turpitudine infecerit, radici inseramus rediuiuum: quod sapienter quidem mihi visus est Euripides deploras-

Iob 9.

*Vita hominis flumen decurrens.*

*Vita lapsa non corrigitur.*

*Euripid. Suppl.*

*Hei mihi, cur non sic comparata est vita mortalium,  
Vt bis liceat esse iuuenes, & deinde rursus senes?  
In ædibus enim, si quid parum recte est, licet  
Posterioribus corrigere sententijs:  
At non item æuum: sin autem essemus iuuenes  
Bis, & senes: si quid erratum foret,  
Corrigeremus duplicate vitæ compotes.*

Cogitemus itaque quam labile, fluxum, & momentaneum sit hoc ipsum quod sumus. Lampas cui parum olei inest, diu lumen non seruabit. Herba quæ modicum succi retinet, exiguo solum tempore ardoribus æstiuis resistet. Struthæo grauitate ponderis corporisque mole depressus, cū alis è terra se modice extulerit, cito descendit. Quid hominis vitam continet? exigua natiui humoris quantitas: lumen ergo vitæ statim extinguetur:



guetur: calidus vapor breui absumerur: ruetque præcipiti casu cum Isthione corpus ad sepulchrum. Hac de causa hominis vita comparari solet rosæ, cuius decus & natiuus splendor quam citissime marcescunt.

*Mirabar celerem fugitivam,*

*Et dum nascuntur, consensisse rosas.*

*Virgil.*

*Eneid. 6.*

Fa propter apud veteres mos inolevit statutis temporibus deferendi rosas ad mortuorum sepulchra. Ita Augustus Imperator Alexandri Magni sepulchrum inuisens (ut scribit Suetonius) *Corona aurea, ac floribus aspersis, veneratus est.* Pierius quoque refert se Rauennæ monumento insculptum Epitaphium legisse: *Dec. viij. collegij fabr. M. C. II S. N. liberalitate donauit, ut quocumque rosas ad monumentum eius deferrent.* Hunc etiam ritum testatum facit D. Hieronymus: *Ceteri mariti super tumulos coniugum spargunt violas, rosas, floresque purpureos: & dolorem pectoris huiusmodi consolantur.* Quamobrem quod talis sit nostrorum corporum conditio, qualis significet, probetque aliquid singulis horis & momentis vitæ ipsius excidere: cetera etiam bona & reliquæ iucunditates omnes hinc redduntur deteriores. Est enim salus corporis, eiusque firma restaque constitutio, omnium emolumentorum, quæ naturæ aut fortunæ beneficio hominibus accidunt, veluti basis & fundamentum: idcirco ægritudine aliqua concusso corpore, frustra pecuniarum acerui impinguntur in thecas, inani strepitu famæ & celebritatis tuba concrepat: in cassum coquorum popinæ dapes profundunt: amicorum aspectus grauis, vxoris & liberorum concursus molestus: elapsæ voluptatis cogitatio acerba, prospectus futuri intolerabilis. Quis sapientum ingentis molis saxa labili imponit fundamento? Corporis autem vita res est vanissima: alia tamen quæcunque commoda sustentat. Desipiunt profecto, qui dies noctesque vigilant ut direscant: qui voluptates studiose inquirunt, qui fugacem vitam, non solis tantum lumine, sed & lucernæ luce, intentisque animis venantur. Corpore etenim morbo exhausto: hæc omnia flaccescunt, intereunte pariter concidunt. Et aliquando grauisissima moles, ac in altum congesta strues, sine strepitu decidit: cum nimirum alicuius diuitis mortem nemo eiulatu prosequitur aut encomio. Leuissimum ferme est, quod homini vitam adimit, & ei fauces intercludit. Vt enim scribit Plinius, Anaranus asino vix pallæ, & Fabius Senator in hastu lactis pilo suffocatur. Interim ut omittamus eos, quos nimia læntia extinxit; de quibus Livius. In media etiam gloria ac potestatis culmine colluctatos, abripere solet mors, luctuque omnia claudere, & felicissima tragice funestare. Hæc nemini parens, Alexandrum in ætatis flore extinxit: atque ut cetera relinquamus; Dux Borbonix annis decem & octo captiuus in Anglia detentus, re-

*Cur rosa sparsa a veteribus ad tumulus mortuorum. Suet in August. Pier verb. rosa. D. Hieron. ubi paulatim.*

*Voluptas deterior ex corpore fragilitate.*

*Mortis causa rei laus. Plin. lib. 7. cap. 40. Inu. lib. 2. Inexpectata mors. Curi lib. 4. Ciceron. lib. 6. pag. 333.*

Z

demptio-



*Grafton.  
in Chron.  
Hen. 6.*

*Iustin. pa-  
tric. li. 13.  
pag. 481.*

*Paul. Io-  
uius lib. 3.  
pag. 245.*

*Mortis  
cogitatio  
franam li-  
bidinis.*

*Psal. 119.  
Psal. 2.*

demptionis pratio soluto, quod constabat octodecim millibus librarum, in ipso procinctu regressus in patriam, omnibus paratis quæ ad splendorem tanti Principis, faultum & diu expectatum eius iter postulari videbantur: eodē die, quo progredi destinaret, ægritudine grauissima correptus, è tanta spe decidit, ac Londini non diu postea interiit liber, cui captiuo mors pepercerat. Simili inopinato casu celeberrimum illum Comitem Sarisburiensem Mōtacutum, ac in bello ducem strenuissimum, qui Gallorum terror dicebatur, mors acerba oppressit. Dum enim cum suis in obsidione Aurelianensi ad fenestram ferreis clauis munitam colloqueretur, forte fortuna tormento ex vrbe eo directo, perfractis cancellis, genæ globi ictu ei auellitur, & intra paucos dies ex vulnere occubuit: à cuius interitu defluere mox cœpit, & paulatim labascere Anglorum in Gallijs imperium. Ad celebrandas nuptias illas inter Philippum Hispaniæ Regem, ac Henrici Regis Galliarum filiam; cum ingenti sumptu, populique occurſu, ludi equestres instituuntur: Henricus postquam clarissima militaris fortitudinis exempla, currente equo, & euibrata in aduersarium hasta præbuisse, nouissime à Scoto quodā Regulo, fracta casside, aut decedente aliqua parte eius, in caput fortius impacta cuspide vulneratur, ac in sequenti morte splendidissimas illas nuptias, domestica clade, mœstas fecit ac lugubres. Quod etiam de quodam Duce Florentino narret Paulus Iouius auditu dignissimum: Dum parta de Venetis victoria, Sirrus Dux Florentinus incredibili lætitiâ afficitur; hostesque fugientes persequitur, tormenti minoris glande traiectus concidit, magno quidem illudentis fortunæ casu: quando ea pila in spacio trium aut amplius stadiorum, ex oppidi turre in incertum emissa, ipsum vnum victorem ducem miraculo quodam sustulisse videretur. Ita mors fortunę, sensibus, ac nostrę vitæ solet illudere. Henricus Valesius, non ita pridem ingenti comparato exercitu, suorumque inimicorum ceruicibus imminens, vnus Religiosi arma tractare nescientis, & ad paupertatem ex voto relegati, cibario ferro occubuit, & lustum regiæ fortunæ alijs exhibuit.

Quis autem dum infirmam hanc & lubricam corporis sui compagem mente serio contempletur, fictiliaque hæc plane animorum vasa expendat, quæ nulla ferme aut leuissima concussione in mille partes & testas distrumpuntur: diuinam simul potentiam, cui omnia dimittuntur, reputet, in tanta fragilitate & sub tanto imperio collocatus, non trepidat, non expauescit? præsertim si in illas consilio vitæque institutis actiones ingreditur nefarias, quæ legibus supremi Numinis aduersantur, & maiestatem illam ad vindictam irritant, omnesque cœlorum furores sagittasque potentum in refractariorum capita adsciscunt? *Reges eos* (inquit Psal-  
mista)



nulla) in virga ferrea. & tanquam vas figuli confringes eos. In ferro Dei virtus  
 adumbratur, in ipsis figlinis nostra imbecillitas exprimitur. Si ferrum  
 pulsarit, non est quod vas de suo robore quidpiam sibi polliceatur. Sic  
 hoc vasculum coloribus depictum, sit vnguentis delibutum, sit floribus  
 redimitum, sit etiam diademate clarum, adhuc tamen vas est fictile, & ex  
 terra humore temperata concretum. Si ferrum accesserit, si retigerit, si  
 vel leui motu ad hæc vasa appulerit, statim concident, comminuentur.  
 Nec Regum dominatio, nec iuuenum vigor, nec senum prudentia, nec  
 diuitum thesauri, nec eloquentum versatiles lingue, hæc vasa firmare po-  
 terunt, quo minus ferri concussione proterantur, & in pulueres ictu re-  
 digantur. Quid ergo voluptates sequimur? ideo dicetis, quod nisi celeri  
 & concitato cursu perquirantur: citius vitæ istius tempus excurrat, quam  
 illæ comparari possint. Admitto rationem, laudo industriam; sed ulterius  
 quæro. Si in iugo & apice alicuius infracti & salebroso montis pulcherri-  
 ma rosa se ostentaret: quam omnes scirent, illius esse proprietatis, vti ma-  
 nu decerptra, rubius eius color protinus marcesceret, fragrantia in auras,  
 truncus cum folijs in cineres illico abiret: Quis ad hanc carpendam ro-  
 sam periculis sese obijceret, aut labore conficeret? Si mihi dixeris nemi-  
 nem montem velle scandere rosæ causa: asseram neque voluptates alicui  
 expetendas operosius, lubricæ enim sunt, incertæ, ipsoque vii pereunt &  
 & intercidunt. Cogites (inquit D. Balilius) velim membra hæc tua, quæ nunc  
 velut subsultant ardore accensa libidinis, post aliquantulum desitura esse, ipsi ni-  
 mirum dissolutis membris, & in terram repositis. Fac natura memneris, & ecce  
 omnis illa ad improbitatem sectandam affectio pessumabit, iugis hæc cogitatio salu-  
 bre quoddam amuletum est aduersus quodcumque peccatum. Sed neque iuuenili  
 calori indulgendum videtur, aut illi iucunditates exhibendæ. Nihil enim  
 ferocius in hanc ipsam nostram vitam desecit, atque calor iste: cuius ig-  
 neus vigor miseranda strage breui corpus deuastabit; fulgentem illam  
 formam, mollia & delicata membra, vibratos ocellos, erectam staturam,  
 in longum porrectos digitos, omnia denique corporis ornamenta, vno  
 incendio destrahit. Sane illi obsequium non præstarem, quem scirem  
 dies noctesque intenta opera aliquid in meam perniciem semper machi-  
 nari. Aduentante etiam morte voluptatis exitus non solum celerissimus,  
 verum etiam miserabilis apparebit. Excelsum & tumidum illud caput,  
 quod nunc ardens contegit diadema, scorpionum & serpentum erit lati-  
 bulum. Lingua illa volubilis, quæ in omnem vibrata partem scindit, au-  
 reum illud Mercurij sceptrum, quod hominum societates cogit, vis illa  
 immensa sermonis imperare desinet, cum lingua frigore cōstricta fauci-  
 bus adhaerit. Exertum ducis brachium, quod cruore campos infecit, in-

Easil de  
 prius. hom.  
 dig.

Corporis  
 calori non  
 indulgendū,  
 quod ingra-  
 tus sit.

vite exitus  
 miserabilis.



finita strage cōtexuit, viresque excidit, rigebit breui, & in terram decideret inerme. Splēdida illa Cypri choreis inserta, aut stragulis eburneisque lectis suscepta: siue agilitate membrorum leuiter aliquando subsaltauerit, siue venustate vultus intuentium oculos ad libidines pellexerit: pallida oppressa morte torpescet, & ubi roseus color aliquando floruit, ibi flauus & terrestris humor cum macie & feda illuue dominabitur: & in prostratum cadaver cum oculos direxerimus, ob tantam mutationem admiratio summa animos subibit, dicemusque cum Thesio Hipoliti sui pulcherrimi decerptos fractosque artus contemplantē:

Sen. Hip-  
pol.

Hæc ne illa facies igne sydereo nitens,  
Inimica flectens lumina? huc cecidit decor?  
O dira fata numinum, ô saeuus furor.

D Hier de  
obit. Euseb.

Fieri autem non potest, quin hæc mortis meditatio plurimum nos afficiat, & dolore quodam gaudia nostra temperet: quam existimarem saburram esse, qua vitæ nauigium firmatur, & à fluctatione retinetur. Eam si quis expulerit, iactationi & fluctibus obuius erit. Hinc (vt scribit D. Hieronymus) qui apud Romanos triumphabant, ne popularibus acclamationibus sese immodice efferrent, aliorum vocibus ita admoniti fuere: *Hominem te esse memento*. Eo autem mortis memoria aciores nobis stimulos admouet, quo anima è corpore auulsio, naturę ipsi repugnare magis videtur. Ita enim hæc duo in commune quasi contubernium inclinantur: vt nihil tetrius aut asperius magis appareat: quam interueniente morte in diuersa abripi. Est etenim (vt dixi) hæc corporis animęque associatio, ceterorum omnium expetendorum quasi basis & fundamentum: ideoque ipsa maxime expetibilis, & ex consequenti, huic contraria partium discelsio, summe iniucunda, acerbata, & inimica naturæ iudicabitur. Horrorem plane menti incutit cogitatio illa, qua deprehendimus futurum esse aliquando, vt hoc nobis charissimum corpusculum langueat morbo, putredine contabescat, à vermibus exedatur, tumulto perpetuisque tenebris inuoluatur. Idcirco modo inscius animus itineris tunc conficiendi, cum corpore exutus fuerit, omnia timide perlustrat: miratur quid boni malive ei in via possit occurrere, suspitioneque tenetur perplexus, & pauide incedendum arbitratur. Vehementer dolet quod corpus, tã suavis vitę socius, lapsurum sit tandem in fossam, & macie confectorum animalculorum fauces. Scrutatur timide arcana illius hiatus & monumenti: ubi silentium, repentes vermes, seminuda ossa, fluxus saniei, refracti artus, pendentes araneorum tela, timore ipsum enecant ad hæc aduertentē. Quid amicorum interitus & dāna? quid infortunia, quæ doloris acerbitate hominum animos exulcerare solent? quid delusiones amatorię, si ad corporum



corporum stragem hâc conferantur? si cum tumuli cadauero so spectaculo comparentur? Dispendium idcirco quod infert mors, sicut natura sua omnium malorum est atrocissimum: ita eiudem præmeditatio intensior expreliorque omnium maximo dolore hominem afficiet: neque miror: cunctorum enim terribilium mors (vt ait Philosophus) terribilissimum. *Arist. 2. Ethic.* Ceteraque omnia detrimenta cum hac collata, nugari potius videntur malum, quam inferre. Admiratio me plerunque capit, cum passim videâ homines summa opera laceras vestes, in ediam, famem, infamiam, veluti immania spectra horere & fugere: sepulchrum tamen & interitum, quæ illorum oculis obuerlantur, non expauescere. Umbras timent, & depictas nubeculas: mala autem vera, quæ infert mors, negligunt: nec quidquâ pensi habent. Verum (vt inquit Apostolus) mortis præsagium hominem *2. Cor. 5.* vehementius at fligit, eo quod natura penitus expoliari renuat, sed potius ornamentis accessu superuelli appetat: *Ut absorbeatur quod mortale est à vitâ.* Rationis quidem expertia animantia, quemadmodum & homines, interitui sunt obnoxia: veruntamen quod illum non præsentiant, nullo acerbioris lenis inde vexantur. Homo vero cum partium suarum dissolutionem longe ante præuideat in vita: examinatus pene funeris sui obiecta specie, vehementer solet perturbari. Non tamen hinc natura incusanda, sed potius execrandum delictum, cuius nunc vim mortis contagione experimur. Vt enim nos docet D. Augustinus: *Nec caro animam peccatricem, sed anima peccatrix fecit corruptibilem carnem.* *D. Aug. 13. Ciu. cap. 23.*

*De aptissima rerum consonantia, ex vnione disparis substantiæ, spiritualis nimirum & corporalis, in vnius hominis forma ac specie.*

## CAPVT XIX.

**M**IRABILIS illa duarum rerum adeo disparium, corporis & animæ, in vna eademque hominis structura colligatio: multum animos dubios & perplexos diu habuit. Et quod tanti raculi vim atque rationem suis intelligentijs non sint adsequuti: in varios errores cogitantes incidere. Duplici autem cuiusdam differentiâ genere anima à corpore dissentit. Primo, quod illa pura sit, simplex, immaterialis: hoc autem concreione graue & dimensum, elementorumque cotione coalitum, bellicilium, & acerrimæ concitationis exitus. Deinde quod alia sint studia, conatus, & molitiones *Anima clem corpore concitatio admirabilem multis mensuris.* *Duplex differentia anima à corpore.*

Z 3

anima,



animæ, alia vero corporum. Nihil quidem animæ proprium magis quam rerum diuinarum perceptio, ex virtute morum institutio: corpori autem hæc molestissima sunt & onerosa. Quam vtramque dissentionem complexus est Theologus Nazianzenus; priorem hisce verbis: *Paruus sum & magnus, humilis & excelsus, mortalis & immortalis, terrenus & cælestis*. Posteriorem vero istis: *Proh Deum immortalem, quæ istæ coniunctio est, quæ inimicitarum disidiique ratio? quod vereor amplector, quod amo perhorresco, antequam bellum geri cœptum sit, in gratiam cum eo redeo: antequam pax sit, conscientia ab eo disideo*. Hinc aliqui inficiati sunt, omnino spirituales animam carnis mole includi debere. Alij autem, cum in homine rerum scientiam perspicuam viderent, de futuris quoque prouidentiam, de præsentibus solertiâ, de elapsis experientiam, virtutum denique omnium cultum in eo vigere perspicerent: eam opinionis rationem inierunt, quæ spiritum aliquem humano corpori illapsum omnino existimarunt: hunc tamen non naturæ aliquo vinculo corpori fuisse adiunctum, aut propria sponte & inclinatione ad corpus accessisse putarunt: sed iustitia potius diuina intercedente, detrusum in hanc corporis cōpagem: cuius contagione, inedia, morbis, affectionibus; quod male aliquando se gessisset, diuexaretur. Alij vero, ne tam sublimis & ex alto depressa animæ particula corporis pondere grauaretur, sece aut macula præstâtissima eius species inficeretur: ad corpus appulisse eam dixerunt, non tamen corpori penitus insidisse: opinati extranea quadam opera animam corpus agitare solum: eadem plane ratione, quæ intelligentiæ cœlorum orbibus adsunt.

Nihilominus Ecclesiastica definitione (de cuius veritate dubitare Christiano nefas) sancitum est: rationalem animam corporis veram propriamque esse formam: ita ut vtriusque substantiali nexu integer homo constituatur. Neque hoc operatione tantum ipsius animæ perficitur, sed potius animæ præsentia, quæ se in corporeos artus insinuat penitus, crassamque hanc molem informat. inquit enim scriptura: *Et inspirauit in faciem eius spiraculum vitæ*. Quod quidem vitæ spiraculum anima est inspirata in corpus: quæque per eius membra comeans, veluti interior forma illud contineat perficiatque. Omitto alia sexcenta loca, quæ indicant hominem ex anima & corpore esse constitutum, hominem operari, dum mens eius intelligentia viget, eundem interire, cum animus abscesserit. Ratio etiam ipsa satis procliuus est ad idem adstruendum. Ex duobus etenim natura ipsa discretis vnum fieri nequit, aut operatio vna totius constantis ex pluribus reputari, nisi huic proprietatem actus, alteri appetitum potentiæ attribuamus. Quæ de causa ex sphaera cælesti & Angelo vnum quid non resultat: propterea quod tam illa quam istic propriam sibi

Greg.  
Naz. in  
laude  
frat. Cas.  
Greg.  
Naz. orat.  
de amore  
pauperū.

Originista  
quid de v-  
nitione hac?

Peripate-  
tici hanc  
unionem  
qualem  
existima-  
runt?

Concil.  
Later. sess.  
8. concil.  
Vien. Clē.  
ad nostrū.  
Anima  
vnitur  
corpori uti  
forma.  
Gen. 2.



sibi innatamque formam vendicat. Proinde si hominis suppositum quid vnum & integrum existimandum sit; corporis potentiam animæ actus perficiet afficietque intime. Cuius quidem rei indicium est, quod videamus animam corporeis malis tangi, atque pœnam aliquando inflictam subire debere, si modo corpus in prauas cupiditates concesserit. Iniqua autem tam huius quam alterius esset conditio, si reciproce essent ambo sibi mutuo extrinseca. Neque cuiuspiam assensum remorari debet illa cogitatio, quia quis secum reputet adeo dissimilium rerum coitionem omnino esse improbabilem. Nam istius vniuersi pulchritudo, quæ ita in oculis nostris efflorescit, ex rebus varijs affabre insertis & intertextis exoritur. Harmonia omnisque concentus musicus ex dissonis, conspirantibus tamen vocibus, ac modulationibus coalescit. Humanum corpus ex diuersis membris, figuris, & colore distinctis, decenti tamen situ collocatis, coagmentatur. Annuli digitorum insignia, quæ ita aspectus nostros cogunt, aurea constant pala, lucentique gemma; quorum discrepans est natura. Ad exprimendam idcirco in hominis structura eximiæ cuiusdam pulchritudinis speciem, substantiam animæ spirituales, corporeæ moli inseruit Deus. Nullius etenim momenti habetur ædificium illud, quod ex vna simplici materia consurgit, quamque vicina loca facile parabilem præbent. Propterea vt regum palatia construuntur, forinsecus quamplurima, eaque disparia, & in locis disitis conquisita comparantur: utpote marmorum crustæ, & columnæ, procera arbores, excisæ regulæ, ebur, aurum, argentum, cæteraque metalla, quæ arte etiam postea tractantur & poliuntur. Ita in hominis fabrica, ipsa anima imprimis est spectabilis, cuius origo & propagatio diuina, ab ipso Dei spiritu cœlesti emissæ: deinde accedit corpus desumptum ex terra; quodque accuratissime est elaboratum: ex quarum rerum dissimilium connexu homo consurgens, speciosior euadit & ornator. Et quemadmodum Patriarcha, quod filium Ioseph (quem in senectute genuerat) plurimum diligeret: polymita ipsū tunica decorare voluit: Ita Deus hominē ultimo loco producturus, polymita tunica sibi lōge carissimum pignus exornauit: in qua cū varietate colorum, substantiæ quoque dissimilitudo appareret. Vnde videmus corporis animæque ratione, tam cœli quam terræ in homine formas esse expressas. Corpus quidem elementorum vires continet, animus cœlorū similitudinem refert. Grauitate corporis terra, sudore aqua, anhelitu & motu aër, erecta statura ignis adumbrantur. In multis etiam cœlorum quandam formam effingit animus. Sicut enim cœlum circulari motu in gyrum perpetuo rotatur: ita animæ motio, quæ in eius operatione consistit, (vt animaduertit Aristoteles) est quodammodo spherica &

*Dissimilium  
rerum coitio  
præclara.*

*Gen. 37.*

*In anima  
& corpore  
forma  
mundi.  
Arist. 1.  
Anim. tex.  
45.*

orbi-



orbicularis. Sicut enim sphaera in idem punctum recurrit ut exitum, è quo veluti principio profluxit: Ita animus cum principium aliquod scientiæ perceperit, ad conclusiones progreditur: tandem has in illud idem elementum refert: atque sic intelligendo, discurrendoque, ac suos conceptus circinâdo, quendam orbem cõficit. Cælum præterea sua luce hæc inferiora decorat, & calore sæcundat: eodẽ modo animus, corpus intelligentia colustrat, morumque præceptis, & virtute subactum excultumque facit.

*Connexio  
rerum in  
hoc uni-  
uerso ex  
vniione a-  
nima cum  
corpore.  
Dionys. 7.  
li. de diuin.  
nom. c. 7.*

In hac itaque adeo dissidentium in vno homine rerum compage (vtr̃ adnotauit D. Dionysius) singularem etiam quandam rationem diuinæ prouidentia deprehendere possumus & admirari. Deus etenim Opt. & Max. qui pace atque concordia cuncta firmare desiderat; quæ huius vniuersi complexu coërentur, ita inter se connecti & coherere voluit ut si in quasdam classes ordinesque singula distribuerimus, superiorum infima, infirmorum supremis innexa & implicata reperiemus. Proinde humanum corpus, quod insigni quadam nobilitate inter ea, quæ mole constant, elucet, arcemque tenet: spiritualium substantiarum infime, quæ anima est ratione prædita, illigari decuit. Si enim cælorum orbis, vtr̃ ipsorum motus firmo constantique cursu progrediantur, rationalem angelorum virtutem requirant: profecto hæc nostra corpora quæ dignitate & præstantia nihil cedunt ipsis cælis, ut munera sua recte præstarent, spiritualis cuiusdam substantiæ videntur subsidium postulare. Supra etenim ex Philone retulimus, Epilogi & coronidis loco ex puluere non quolibet, sed nitido, puro, & ventilatione quadam segregato, effinxisse Deum humanum corpus; in quo enitere & florere voluit suæ virtutis non leuiter impressum vestigium, sed viuam expressamque imaginem. Ea propter sicut pictores perpoliunt tabellam, diligentissimeque curant, ut illa tersa sit & teres, in qua Imperialis forma est delinianda, vel artis propriæ faciendum periculum: ita Deus corporis cõstructione, quæ suâ ipsius imaginẽ, animam nimirum susciperet, exquisitissime elaborauit. Atque istius fabricactę molis ratio, spiritualis naturæ consortium omnino requirebat, cuius vi imperioque eius actiones omnes instituerentur. Nam si intelligentiam cogitatione nostra à rebus corporeis amotam statuamus, non ordinem quidem vllum inferiora hæc, quæ nostris sensibus obijciuntur, seruatura perspiciemus: sed potius dissidio perturbari, cæco & temerario impetu vnum in aliud incurrere. Quapropter corpori infundendum erat rationis lumen, cuius radio ceteris ducatus præberetur, cuiusque lege in debitis fines dirigerentur. Neque imperium hoc rationis, ipsis angelis tantum demandari debuit: Nam licet mente vigeant & polleant, tamen à concreione sensibili omnino segregati, ab his percipi non potuerunt, quorum

*Ratio in  
carne con-  
uenientis-  
sima.*



quorum cura ad ipsos spectaret, neque pro dominis haberentur, & proinde non superaret legitima aliqua forma seruitus aut dominationis. Opus ergo fuit alia substantia, mixta, varia, atque multiplici ex corpore animaue constanter: quæ cum sensibus perciperetur, tum ratione exercens, Regis aut Imperatoris munus recte præstaret. Hinc fit quod vel ad aspectum humanæ umbræ expauescant ferocissima animalium: quasi domini speciem agnoscentia, ut animaduertit D. Basilus.

Vnde duplicis istius substantiæ in vno eodemque homine coitione, singula rerum genera dignitatem quandam consequuntur. Nam ne hæc inferiora defluerent, contusæque penitus dilaberentur, voluit Deus omnia humanis legibus vinciri: ne autem homo animal terrestre, moribus sordidus esset & effertus, vel ipsi rebellis, quasi de suo aliquid delibauit: spiritum nimirum ratione præstantem, quem corpori eius ita contemperauit, ut ille sceptrum teneret, hoc vero imperio subiaceret: atque sic demum caro, quæ turpiter alioquin lasciuiret & brutesceret, animæ præsidis suffulta, beneque instituta, ad beatas illas superiorum sedes subueheretur. Ex quo factum est uti elementa, ex quibus nostra corpora sunt coalita: animantia quoque sensu prædita, quorum gradus homo complectitur & coërcet: singularem quandam nobilitatem adipiscantur: tum quod ipse homo cuncta hæc inferiora ratione administret: tum quod eius corpus in ipsis cælis, beatitudinis decus aliquando sit obrenutum. Quia etiam ex causa, non aliunde decuit humanum corpus originem trahere, quam è terra. Enimvero tametsi cælorum substantia longe præstet huic concretioni inferius depresso: nihilominus si ex materia cælesti cõstaret homo, nequaquam tot in se formarum gradus implicaret, quot ex terra coalitum complecti videmus. Ex cælesti etenim materia non fuisset homo sentiens, vegetans, nutrens, primarum qualitarum impressiones non percepisset: caruisset idcirco sensu tactus, gustus, atque odoratus: quæ omnia variè & multipliciter in alijs dispersa, cum in vno homine, corporis ratione inueniantur: arbitrari possumus, hominis interiectu integrum hoc vniuersum eximie nobilitatum, & ad excellentiæ cuiuspiam apicem subleuatum. Quo modo etiam circuli quasi figuram exprimit hæc hominis plasmatio, quæ excursionem recursionemque contineatur. Exiit quidem corpus à Deo, in quo quod terra dominatum exerceat, infimum locum obtinet. Illi vero cum infundatur animæ spiritus, quantumuis crassum & terrenum recurrit ad Deum, & cælestem tandem aliquando animæ motu sedem attinget.

Sed neque aliunde diuinæ virtutis illustrius aliquod argumentum exhiberi potuit: quam ex hac animæ cum corpore coniunctione. Si namq;

A a molitio-

*D. Basil. de  
prim hom.*

*Dignitas re-  
rum ex u-  
nitione anima  
cum corpore.*

*Corpus ho-  
minis quare  
ex terra.*

*Virtus Dei  
elucet in co-  
pula anima  
cum corpore*



molitiones illę maiorem semper in opifice peritiam indicent, quę materiam habent aut instrumentum ab effectu, qui excitatur, maxime remotum & alienum: quandoquidem organi aptitudo insita sibi vi, etiam absque artificis peritia, multum ad actionem conferat: cum hæc nostri corporis terra longissime ab intelligentia, pura, simplici, & immateriali substantia sit natura sua separata: miraculi plane loco habetur, quod videamus Deum pulveres hosce animasse, vegetasse, mentis radio illustrasse: in quibus nunc despicimus iuuenturis florem, virilis ætatis decus & firmamentum, incanescens senectutis rerum vsum & experienciã. Quid hac terrestri mole iã pulchrius? quid præclarius sensibus occurrit nostris? Roseus ille sanguis ceruleis inclusus venis, quam speciose per corpus diffunditur? qui albescentem carnem cœlorum depingit colore. Rotunda illa & niue candidiora membra neruis illigata, quam mollia, delicata, & flexilia? rubor ille æthereus teneræ limpidæque cuticulæ offusus, splendentes, radiantes, & vibrati ocelli, staturæ maiestas, incessus decus, vocis suauitas, vultusque apta concinnaque ad indicandos animi affectus compositio: omnia hæc nostri corporis sunt insignia & amoris illectameta: quibus si addamus dotes illas beatorum corporibus adijciendas: leuitatē nimirum, agilitatem, subtilitatem, atque splendorem: quid admirabilius dici aut fingi poterit? Proh Deum immortalem, vita, motio, color, robur, ratio, discursus, virtus, gloria, quid hæc cum pulueribus? Nihilominus vti specimen aliquod suę potentię Deus ederet: hæc omnia molitus est in terræ gleba, obscura frigidaque materia. Vnde (quod sanctissimo

*Psal. 29.*

*In terra  
omnia ele-  
menta sic  
in humano  
corpore.  
Ioan. 9.*

*Virtuti  
idonea cor-  
poris &  
anime cō-  
mutatio.*

Quod autē terra in se cohibeat cetera elementa, ad hoc Dei opificiū eadē vel maxime adhiberi debuit. In venis etenim terræ & tubis aqua discurret: fauces eius apertę aërem excipiunt: ex lapidibus, attritu ferri, ignis scintillæ eliciuntur. Elementa proinde omnia ad dignitatē euexit Deus, terrenum corpus dum animæ luce perfunderet: cuius quidem molitionis memoriam quondam nobis iniecisse visus est Christus Dominus, in illius cæci curatione; expuens namque in terram, & ex puluere saliuæ limum conficiens, illum oculis cæci ad mouere cœpit. Cum vero crassa, tenebrosa illa limi moles plurimum dissentiret a luce & transparentia pupillæ, infinitę cuiusdam virtutis specimē exhibuit, limo vim inferens ad visum cæco restituendum, quo etiam modo æternus rerum genitor, cum hominem conderet, intelligentiæ oculo, ex aqua & pulueribus concretum corporis limum, insigniuit.

Quoniam vero quod in homine præstantissimum reperitur, virtus est: cum huic corporis cum animæ coniunctio multum conferat, consul-

to om-



to omnino prouideque duarum istarum rerum in vno homine societas  
 coaliuit. Quod enim animæ adiungatur corpus, virtutes omnes exercen- Greg. Naz.  
Apoll.  
 di inde pulcherrimæ occasionès dimanant, de qua re hæc D. Gregorius  
 Nazianzenus: Duplici idcirco de causa hoc factum est, altera, vt per certamen cum  
 rebus inferiariis initum, ad supernæ gloriæ hereditatem perueniat: rebus scilicet  
 fluxis & fragilibus, non sicut aurum igne probatum, bonisque in spe positis,  
 non solum vt Dei beneficio sed etiam vt virtus premio utatur, &c. Altera rursus,  
 vt deteriores quoque partem, crassitie suæ paulatim solutam, ad se pertrahat.  
 atque in sublimi colloct: vt quod animæ Deus est, hoc corpori sit anima, suam mini-  
 stram materiam instituens, conseruamque corpus suum Deo adiungens. In ean-  
 dem quoque sententiam hæc habet: Quanam hoc Dei sapientia, quoniam ma-  
 gno & arcana consilio mihi hoc accidere dicam? An hoc agit, vt cum Dei pars simus,  
 atque superne fluxerimus, ne o' huiusmodi dignitatem alius effeamur, atque in-  
 rumescamus. Creatorem contemnens, ob eam quæ nobis est cum corpore colluctatio-  
 nem ac dimicationem, eum semper intuemur. omnesque spes nostras in eo positas  
 habeamus, atque ita connexa nobis infirmitas dignitatem refrenet atque coërceat?  
 An vt intelligamus nos maximus simul atque abiectissimos esse, terrenos & celestes,  
 temporarios & immortales, lucis & ignis, siue tenebrarum heredes, prout ad alter-  
 utrum horum nobis propendere contigerit? Actiones vero humanæ, quæ rectæ Duo genera  
virtutum  
moralium.  
 rationi sunt consentientes, si illas omnes in suas classes distribuerimus:  
 earum duo genera animaduertemus. Quorum primum illas complecti-  
 tur, quæ vertantur in his vitijs cohibendis, quæ à deprauatione tantum a-  
 nimæ oriuntur, & à Theologis nuncupari solent spiritalia, nobis cum  
 angelis communia mala, quibus illi impuritatis dedecorisque notas nun-  
 quam expungendas, prima illa apostasia ipsimet conscuerunt. Alterum  
 autem genus illorum est vitiorum, quæ e sensuum lacunis corporisque  
 antro exurgunt, & corporalia appellantur. In quibus omnibus superan-  
 dis, vti alicui laus integra accresceret, animæ corpus adiungi debuit: ac sic  
 hinc pugnx occasio, illinc victoriæ ratio constarent. Si enim abesset cor-  
 pus, libidinis expugnatio nihil promereretur; & si anima deesset, nulla  
 plane virtutis moderatio cerneretur. Quocirca hominem ipsis angelis  
 morali quadam præstantia antestare, in eam sententiâ vt opinetur, quis-  
 piam fortassis concedet. Nec quidem mirum, illorum est enim contem-  
 platio, nostrorum virtutis actio. Quam si adhuc diuidere minute magis  
 velimus; quandam videbimus relatam ad nos ipsos, vt pote quæ corporis  
 sensibus moderatur. Aliam despiciemus, quæ progrediatur ad externa:  
 quæ etiam duplicia sunt: vel enim sensu percipiuntur, vt nostræ vitæ  
 socij homines, vel aspectus nostros fugiunt, vt Deus & intelligentiæ.  
 Erga illos quidem nos recte gerimus iustitia, pietate, beneuolentiâ; erga

A a 2

hæc



*Mercur in  
Peimand.*

hac fide, spe, charitate & religione. Atque hanc rationem attigisse videtur Mercurius: Itaque hominem conformant ex animæ & corporis natura, id est æternæ & mortali natura: ut animal ita conformatum utrique suæ origini satisfacere possit; & mirari atque orare cœlestia, & incolere atque gubernare terrena. Quæ porro salutis & rectitudinis officere possunt alicuius ratione præditi, vel interna sunt; utpote prauæ cupiditates, quas corpus effundit, aut externa, veluti mala aliorum exempla, suggestiones nefariæ à dæmonibus sensibus illatæ: de quibus omnibus, homo mixtum animal corpore ac mente constans, victoriam reportat, ut nullum plane hostium genus superfit, quod vim eius effugiat, vel ab illo non profligetur. Atque hæ animorum corporibus iungendorum causæ iustissimæ mihi videntur.

*Quodnam sit hominis officium: de natura quoque virtutis atque vitiij inquiritur.*

## CAPVT XX.

**D**escripsimus utcumque superioribus disputationibus singulas naturæ humanæ partes, illarumque vires, quibus ad agendum ipsæ instruuntur, prescius enucleatiusque expendimus: inde enim officij nostra fundamenta aptius deduxisse videbimur. Perspectis namque naturæ ornamentis ad virtutis studium excitamur, otium dissidiamque abijcimus. Porro cognitis infirmitatum malis, quibus defatigatus quodammodo in nobis animus ingrauescit, nihil insolentis molimur; sed conatus ad facultatum rationem suscipiendos arbitramur. Cum itaque ex animæ corporisque copula constet homo: inquirendum quibusnam integrum eius officium plene absoluator, quidve ab illo maxime tanquam palmare expectetur.

*Facultates  
animæ de-  
monstrant  
eius perfe-  
ctionem in  
positam in  
actione.*

Si naturam hanc nostram omni prorsus facultate denudatam, veluti nauem absque armamentis arenæ solide incumbentem, in hunc orbem Deus induxisset: videretur sane eiusdem perfectionem, & quod optimum est illius, in quadam quiete ac sola existendi consistentia collocari. Verum cum illam voluntate, intellectu, cæterisque potentij ad agendum instructam videmus, nemini obscurum esse poterit, quin intelligat perfectionem, & eius vltimum complementum, in quodam operationis genere reperiri. Non enim sicut in arte confectis, quibus artificis sola manu omnis dignitas & splendor accedunt, ita in homine natura omnem operata est perfectionem. Substantiam quidem eius emisit in lucem,



cem, illamque quibusdam facultatibus apte communiuit: Ceterum extremam manum, qua polietur perficiaturque, nobis ipsis commisit: uti non natura tantum, sed & nobis ex bene gestis laus aliqua & emolumentum accrescerent. Ideoque (ut adnotauit Aristoteles) à natura ipsa inditas non habemus virtutes, in quibus sine controuersia decus omne nostrum & pulchritudo efflorescunt: sed ad illas solum naturæ munere habiles sumus & idonei, postea vero intelligentiæ & voluntatis molitionibus acquiruntur. Ergo neque natura neque præter naturam nobis ingenerantur virtutes: sed sic affertis, ut ad eas suscipiendas aptissimus natura, perficiamur autem, perpoliamurque, more & consuetudine. Quod autem non in naturæ solum beneficiis constituatur humana præstantia, sed potius in actione voluntaria, luculentum faciunt præmij conferendi rationes. Non enim pulcherrimis corporibus decernuntur braua, sed paucis strenue decertantibus. Non corporis habitum, aut magistratum ora, sed illorum dicta, iudicata, factaque suspicimus. Quocumque demum mens se cogitatione conuulerit: si laudem, decorem, & ornamenta querat: hæc ab operatione voluntaria derivari perspiciet. Hominis autem operatio cum sit natura, eiusque potentia posterior: sicut ipsius ultimum quid, ita & præstantissimum censabitur. Atque homini adeo genuinum est operatione sua emolumenta sibi comparare: uti ipsa naturæ principia, ex quibus constat, hoc ipsum manifestum faciant. Inspirauit enim Deus (ut loquitur scriptura) in faciem hominis spiraculum vitæ: hebraicè *Nethma*: quod motionem quandam denotat. Ipsa namque nativa corporis vita, motione quadam perficitur: & tamdiu aliquid viuere dicimus, quam diu se mouet. Proinde generali notione istius motus cuncta animantia complexus est Deus: *Dominamini piscibus maris, & volatilibus celi, & vniuersis animantibus, quæ mouentur super terram.* Hæc autem vitalis agitatio officium nostrum videtur exprimere, nosque admonere, illud mentis motione, atque voluntatis ad virtutem directæ actione præstandum & absolendum. Ita Delphini squammis ad natandum; volucres pennis ad volandum, ceruipedibus ad discurrendum instituuntur. Recte idcirco Hecuba sentire visâ deest hominis perfectione. In funere enim Astianaxis Hectoris parentis clypeum protulit, sudore ab illius fronte, dum acriter pugne insisteret, defluente delibutum. Ostendit quoque manubrium forti eius manu compressum, & ætiori complexu attritum: in istis namque præstantissimæ actionis vestigijs, hominis laudem florere existimauit. Unde Euripides:

*Quam dulcia in manubrio tua sunt  
Vestigia impressa? ut sudor in polito umbronis ambitu:*

A a 3

*Euripid.  
Troad.*

*Qui*

*Arist. 2.  
Ethic. cap. 1.*

*Ratio præ-  
mij ostendit  
perfectiorem  
hominis præ-  
stantiam in actione.*

*Ut vita cor-  
poris in mo-  
tu, ita effi-  
cium ani-  
mae, in motu.*  
*Gen. 2.*



*Qui fronte Hectoris extillauit, dum Martijs  
Laboribus fungeretur, mentoque scutum obtenderet.*

*Hominis  
perfectio in  
actione  
virtutis cō  
sentanea.  
Arist. 1.  
Eth. cap. 7.*

In vniuersum cum iam constet hominis præstantiam, in operatione eius esse collocatam: declarandum videtur in quonam actionum genere reperiatur: quod nobis etiam ipsa philosophia explicare indicabit. Aristoteles cum docuisset illis facultatibus humanum officium perfici, quibus homo brutis animantibus excellit, hæc intulit: *Quod si ita se habet, hominis bonum erit functio muneris animi virtute directa*. In anima autem, quæ sola homo cæteris præstat, duo inueniuntur: ratio nimirum & appetitus. Rationis est omnis veri inuestigatio: appetitus autem bonorum operum effectio. Tunc idcirco probe se geret homo, quando ratio eius nullis obnubilata erroribus, quæ in rebus recta sunt, & in moribus consentanea, clare intuetur: & dum appetitus, huic subiectus, ea efficit, quæ non perturbatione aliqua, sed recte rationis iudicio præscribuntur. Quod neque Ciceronem latuit: *Motus autem* (inquit) *animorum duplex: alteri cogitationis, alteri appetitus. Cogitatio in vero exquirendo maxime versatur, appetitus impellit ad agendum. Curandum est igitur, ut cogitatione ad res quam optimas utamur: appetitum rationi obedientem præbeamus*. Si autem in conficiendo humano officio duas hæc partes inter se conferre velimus, ratio principatû obtinebit: illi enim subdendus est appetitus, & ad hunc spectat rationis imperata prompte & expedite conficere. *Ita fit* (inquit Cicero) *ut ratio præsit, appetitus vero obtemperet*. Mox explicat idem Cicero, in quibusdam appetitus morem gerere debeat rationi. *Efficiendum autem est, ut appetitus rationi obediant, eamque neque præcurrant, neque propter pigritiam aut ignauiam deferant: sintque tranquilli, atque omni perturbatione animi careant*. Nisi enim rationis animaduersione diligentiaque exultantes appetitus motus cohibeantur: non solum animæ actio perturbata, temeraria, inconstansque inde euadit: verum etiam corpus quodammodo efferatum, turpem sui speciem ac deformem exhibebit. *Licet* (inquit Cicero) *ora ipsa cernere iratorum, aut eorum, qui aut libidine aliqua aut metu commoti sunt, aut voluptate nimia gestiunt, quorum omnium vultus, voces, motus, statusque mutantur*. Illa itaque est virtutis actio, quæ rationi consonat: vitij autem, quæ ab eadem deflectens, in perturbationem aliquam præpostere concedit. Vti autem rationem in cunctis sequeremur, eius sententia, non obscuritate aliqua inuoluta, sed clara, conspicua, explicataque in nobis elucet. Hæc etenim sua intelligentia facillime decernit honesti atque inhonesti formas: mouebit studia animæ ad optima quæque: atque illos stimulis etiam exagrabit, qui sceleribus manus turpiter dederunt. In omnibus vero mentis nostræ præscriptio decorem quendam & pulchritudinem spectat. Nam sicut

*Perturbatio animi  
& corporis  
deformat.  
Cicer. lib.  
1. off.*



sicut in bene valente corpore, eximia quædam forma efflorescit: ita in homine optime instituto, admirabile quoddam decus resplendet: hoc vero in virtutis pulchritudine consistit & positum est. *Decorum id est*, (inquit Cicero) *quod consentaneum sit hominis excellentiæ, in quo eius natura à reliquis animantibus differt.*

*Virtus in  
decore &  
quasi colo-  
re specioso.*

Cum autem iam constiterit quanam sit virtutis ratio, proxime eiusdem partitio expendenda erit. Quemadmodum vero dux existunt animæ partes, rationalis vna, sensitiva altera; ita virtutum distinctio est bi-membris: uti quædam versentur in moderatione solius rationis, appellanturque intellectuales: cuiusmodi sunt, prudentia, sapientia, intelligentia, fides: Aliæ autem occupentur in regendis affectionibus appetitus; ideoque dicuntur morales, & sedem habent istæ, quam afficiunt, voluntatem aut appetitum, sicut priores intellectum. Quæ autem voluntatem excolunt, adhuc duplicis sunt ordinis: Prioris censentur illæ, quæ intendunt in proprium eius bonum & emolumentum qui operatur: posterioris, alterius potius spectant bonum & commodum. Quæ vero in proprijs bonis distinentur, illæ vim exerunt circa appetitus perturbationes moderandas, vel in vniuersum (ut existimauit Aristoteles) circa dolores & voluptates. *Virtus* (inquit) *moralis omnis in doloribus & voluptatibus versatur.* Quarum virtutum obiecta, cum sint in nobis ipsis posita, efficiunt, ut ad nos ipsos tantum, qui studiose aliquid molimur, virtutes illæ referantur. Supra autem dictum est duplicem esse appetitus partem, concupiscibilem vnā, irascibilem alteram: quæ cum multum conferant ad naturæ munera exequenda, tum ut recte instituantur, rationi sunt dimittendæ: quod virtutum exercitio & earum officijs omnino perficitur. Et sicut illæ appetitus partes motusque naturis suis discriminantur: ita proprias & peculiare virtutes sibi vendicant, quibus in officio contineatur. Primo itaque in loco de virtutibus in parte concupiscibili dicemus; quarum munus est modum legemque voluptatibus imponere. Ut enim ait Aristoteles: *Qui à corporis abstinet iucunditatibus, hocque ipso delectatur, is temperans. Sicut è contrario qui molestia ex eo afficitur, is est intemperans.* Quocirca moderatio voluptatis in gustu tactuque ad virtutes spectabit, quæ in sunt parti concupiscibili: cuiusmodi sunt, temperantia, continentia, castitas, virginitas, maceratio carnis, & similia. Irascibilis autem virtutes dolorem respiciunt, quemadmodum concupiscibilis voluptatem: præstantque ut ne quis mali cuiuspiam incursione absterritus, animum despondeat, officiumque suum deserat: quin potius hominem confirmant, ut intrepide mala omnia virtutis causa sustineat vel profliget. Vnde Aristoteles: *Qui res graues & acerbæ perfert, & ex eo lætitiā capit: aut certe nulla molestia afficitur,*

*Partitio  
virtutis in  
intellectuale  
& moralem.*

*Aristot. 2.  
Ethic. cap. 3.*

*Arist. sup.  
Virtus non  
quævis actio  
recta sed  
iucunda  
& suauis.*



*Dolor &  
voluptas  
rationi  
aduersan-  
tur.*

*Virtutes  
quæ ad a-  
lios nos in-  
stituunt.*

*Arist. li. 5.  
Eth. c. 1.  
D. Thom.  
2. 2. q. 58.  
art. 9.*

*Burid. 5.  
Eth. q. 1.  
& 1. Eth.  
q. ult.  
Pic. in suis  
Eth. c. 13.  
Nobil. lib.  
de felicit.  
cap. 6.*

*Iustitia  
virtus  
principa-  
lis.*

*Totum ho-  
minis offi-  
cium quid  
sit.  
Cicer. lib.  
2. de leg.*

*afficitur, fortis: qui molestia afficitur, timidus habendus est.* Duo quidem sunt, quæ nos à virtute auocant, voluptatis illecebra, aculeusque doloris. In istis propterea euincendis hominis solertia moralis, & virtutis firmitudo tota ferme conspiciuntur.

Alias recensuimus virtutes morales, quæ ad bonum aliquod externum referuntur. Tamen si autem nulla sit virtus, quæ homini honestatem vti proprium commodum non adfert: nihilominus cum reperiantur quædam obiectum habentes extra nos situm & collocatum: neque versentur in moderatione internarum cupiditatum flagrantium in appetitu sensitiuo: non tam nostrum, qui operamur, bonum, quam aliorum intueri videntur. Cuius generis existunt iustitia, amicitia, religio, obedientia, liberalitas, magnificentia. Hinc Aristoteles: *Atque hanc ob causam sola ex omnibus virtutibus iustitia alienum esse videtur bonum, quia ad alterum refertur ac pertinet.* Consulto itaque D. Thomas virtutem iustitiæ, non cum reliquis virtutibus in concupiscibili atque irascibili parte collocauit, sed potius in ipsa voluntate: quod nempe iustitiæ non sit perturbationis moderatio, sed alterius boni distributio. Buridanus tamen, (cui consentiunt Picolominus, & Nobilius) quandam iustitiæ partem in appetitu sensitiuo positam arbitrantur. Aristoteles vero de illis virtutibus differens, quæ animæ motus refrenant, nullam prorsus mentionem facit iustitiæ; quoniam affert voluptatis lenocinium dolorisque acerbitem, quæ duo ut virtuti inimica in parte sensitiua dominantur, temperantia atque fortitudine profligari: non est ergo iustitiæ munus prauis affectionibus moderari. Immo sedatis quibuscunque demum appetitus agitationibus, difficilis adhuc videtur actio erga alios: necessaria propterea iustitia, quæ voluntatem informet, promptamque reddat adtribuendum alijs bonum, quod ipforum est. Quocirca merito Philosophi iustitiam alienum bonum respicietem, inter omnes virtutes palmarem reputarunt: utpote qua publicum multorum commodum procuratur, ipsaque societas atque inter homines conuictus conferuentur. Optime eapropter de alijs meriti sunt viri illi, qui doctrinæ studijs & sapientiæ dediti, suum otium ad nostrum negotium contulerunt, vel suis negotijs nobis otium pepererunt.

Ex his omnibus satis liquet, in quibus positum sit hominis officium. Versatur enim totum imprimis in cultu ipsius intellectus, adminiculo virtutum intellectualium; deinde in moderatione appetitus, opera virtutum moralium: tandem in procurandis aliorum bonis, vel debitis soluendis, quod iustitia præsertim & pietate perficitur. Ex quibus conflatum integrum hominis officium ita describit Cicero: *Nam cum animus cognitis perceptisque virtutibus, à corporis obsequio indulgentiaque discesserit: voluptatemque*



lupatamque sicut labem aliquam decoris oppresserit, omnemque mortis dolorisque  
timorem effugerit: societatemque charitatis statuerit cum suis; omnesque naturæ  
consuetudines suas duxerit: cultumque deorum & diuinæ voluntati puram religionem  
susceperit, & exatuerit illam, ut vulturum, sic ingenij etiam, ad bona deligenda, &  
reijicienda contraria: quæ virtus ex providendo appellata est providentia: quid eo  
dili aut cogitari poterit beatius? In hoc autem genere officij, quod ad alios  
refertur, sunt quidam gradus constituendi, secundum maiorem mino-  
remve coniunctionem: ex qua arctior vel laxior iustitiæ obligatio pro-  
pagatur: quos etiam Cicero præclare exprimit: In ipsa autem communitate *Cicer. 1. off.*  
sunt gradus officiorum; ex quibus quod cuique præstet intelligi possit: ut prima dñs  
in mortalibus, secunda patria, tertia parentibus, deinceps gradatim reliqua reliquis  
debeantur. Peripicuum itaque est humani officij summam istis virtutibus  
contineri, à quibus si quis vitæ ratione, cupiditati indulgens, desciscat:  
pulcherrimum illum ordinem inuertet; in quo appetitus rationi subijci-  
tur, & illecebra voluptatis illeclus in ferinam naturam transibit: iucun-  
ditatis etenim expetitio homini cum bruto est communis. Sed ut hoc  
adhuc clarius constet, adferemus ex rebus ipsis nonnullas coniecturas,  
quæ indicent virtutum operationes naturæ humanæ admodum esse con-  
sentientes; vitiorum autem studia ab eadem quamplurimum auersa.

Summa illa, solida, liquida, atque sincera iucunditas, quam secum ad- *Virtus natu-  
ra hominis  
consentanea,  
quod sola  
iucunda.*  
fert virtutis exercitium, nobis indicio est, ad huius cultum hominem, vel  
natura ipsa duce, directum esse & institutum. Nam virtus incredibili sua  
uitate nequaquam animum perfunderet, nisi esset eius naturæ aptissima.  
Quid enim aliud est voluptas, quam illius operationis affectio, quæ na-  
turæ rite dispositæ & facultati operanti est conueniens & opportuna?  
Cæterum (ut docet Aristoteles) non quilibet iucunditate abstinens, is te- *Arist. 2.  
Eth. cap. 3.*  
perans dicitur, sed ille solus, qui ex hoc suo facto letatur. Nā qui ex virtutis  
fine, temperantiæ operam in speciem nauare videtur, & interim tristatur,  
intemperans potius est censendus, quam temperans & moderatus. Si-  
militer non quilibet, qui res acerbas grauesque perfert, is fortis existiman-  
dus, sed tantummodo qui ex hac tollerantia summā animo capit læticiā.  
Hæc autem exhilaratio mentisque iucunditas, quam fundit virtus, ex  
proprio eius motiuo debitoque intento fine emergit. Sunt etenim ali-  
qui, qui fucam quandam speciem virtutis, quasi colorem fictitium suis  
inducunt actionibus, qui nimirum praua & obliqua cupiditate exciti, id  
quod virtutis esse videtur, perficiunt: sed non ex ipsa virtute operantur.  
Ut cū quis avaritiæ aut parcimoniæ causa voluptates à se abdicat, despe-  
rato animo, improvidoque mentis consilio res aggreditur difficiles. Isti  
quidem haud lætantur, non gestiunt, nullum denique oblectamentum

B b animis



animis hauriunt, dum operi incumbunt. Nam quemadmodum depictas vuas ori admouens, nullum ex illis suauem liquorem percipit: ita qui vmbatilem virtutem confectantur, nihil inde expressi verique boni degustat. Vt enim inquit Aristoteles: *Non est is vir bonus, qui honestis actionibus non delectatur: neque enim quisquam aut iustum dixerit eum, qui non ex iuste factis capiat voluptatem: aut liberalem, qui liberalibus actionibus non delectetur: idemque de ceteris virtutibus sentiendum.* Quod autem succum exprimit & elicit ex hoc virtutis neectare, est eiusdem amor, cum cuipiam insiderit: ita quo-

*Arist. 7.  
Eth. c. 8.*

*Arist. sup.*

Cuius autem quisque rei nomine ac ratione amans appellatur, ea delectatur: ut equo is, qui amat equos, spectaculo spectaculis deditus, itemque rebus iustis letatur is, qui iustitiam amore complectitur, & omnino rebus omnibus, quæ cum virtute consentiunt, is cui virtus chara est. Imo docet Aristoteles, liquidâ ac veram voluptatem tantum virtuti esse agnam; neque reperiri aliquid solidi iucundi, in his quæ sensibus lenocinantur. Sed quæ res multitudini (inquit) iucundæ sunt, ex pugnant inter se, propterea quod non sunt per se tales. His autem hominibus, qui studiosi sunt honestatis, ea sunt iucunda, quæ natura iucunda sunt. Nam si corporum oblectamenta genuinam expressamque parerent voluptatem, inter se non pugnarent, neque temporis ratione mutarentur. At tenacitati, qua delectatur avarus, opposita est largitio, ex qua iucunditatem haurit prodigus. Quæ etiam feruescente calore corporis, aut constituta certa eius temperie, ipsos sensus titillant: cum illa flamma vigorque subsederint, immutationemque corpus subierit, veluti iniucunda, ingrata, inuisaque repelluntur. Vnde Satyricus:

*Horat.  
serm. 1.*

*Nunc itaque & versus & cetera ludicra pono.*

Quæ si ipsa natura iucunda essent, constanti & perenni quodam influxu, iucunditatem in hominum sensus inferrent: cum autem aliter contingat, non natura suauiâ, sed vitio solum deprauatæ cupiditatis. Ceterum virtus cum ipsa natura sit suauißima; nunquam non grata existit hominum appetentiæ: neque ex eius usu fastidium aliquod eam efficit flaccescere. Denique immobile est virtus animorum corporumque firmamentum.

*Horat.  
ep. 1.*

*. . . . . Hic murus aheneus esto,  
Nil conscire sibi, nulla pallescere culpa.*

Vix dici poterit, quomodo animus exultet, cum in se expressam virtutis actionem, veluti elegantissimam quandam formam cõtemplatus fuerit; videritque hanc ipsam viuam florentemque speciẽ, ab ipso Deo quoque approbari. Letatur quidem cogitans se voluntatis penicillo eã delineasse effigiem, quam Deus ipse, castissimis flagrantissimisque oculis ex alto despiciens, summo quodam amore prosequitur. Quæ obsecro vberior



rior maiorque lætitia fingi poterit ea, qua perfunditur animus, dum in virtutis multiplici actione à se expresso, tanquam in florentissima segete, diuinorum omnium bonorum præmia & prouentus summos æternosque contineri deprehendit? gestit profecto & se effert lætitia, cum in hanc spem intenderit; omniumque rerum iucunditate ipse sibi videbitur tunc circumfluere. Hæc sane vna ex virtute voluptas sariare & explere poterit humanæ voluntatis quantumuis immensam cupiditatem, inediam, dolorem, cruciatumque omnem propulsare. Cæterorū autem mixta acrimonia est voluptas, vel fucata, vel brevis, vel nulla. Sola autem virtus (vt adnotauit Seneca) immortalis, homini accedit mortali.

*Sen. lib. de  
benef.*

Cæterū quod ad vitij naturam spectat, multa sunt quæ mihi ostendūt illud omnium esse molestissimum, & maxime iniucundum. Fieri enim non poterit, quin patrati delicti conscientia acerrimis stimulis animam perpetuo diu noctuque exagitet extimuletque. Hinc gentilitas furias & lyllas effinxit: vt significaret animo implicatum vitium accensis quasi rēdis eum continuo exurere, vibratisque aculeis traicere. Necubi sane cum quiete consistere possunt, qui grauiori peccato in animam fecerunt ingressum. Hinc apud Euripidem, Orestes, quod materna cede manus polluisset, licet ad scelus pietate quadam induci videretur, è cœtu tamen mortalium extorris furia cuiusdam vi instigatus, huc atque il-

*Vitium quid  
acerrimū.*

*Furia vitio-  
rum præfer-  
tim homici-  
cidij.  
Eurip.  
Orest.*

..... Postquam patris vltus sanguinem,  
Matrem occidi, perpetuus deorum vocibus  
Exagitor.

Et Virgilius: Aut Agamemnonis furij agitur Orestes,  
Armatam facibus matrem & serpentibus atris  
Cum fugis, vtricesque sedent in limine dira.

*Virgil. 6.  
Enead.  
Eurip.  
Ephig.*

Huiusmodi autem furia inter reliquos sceleratos homicidas & parricidas affligere solebant vel maxime. Sic Verrem, sic Antonium, sic Catilinam, vitia hæc cruda ardentibus furiarum telis terrebant, vt scribit Cicero. Nero cum matrem occidisset, sceleris conscientiam ferre non potuit. Vnde Suetonius: Quamquam militum, & senatus, populiue gratulationibus cōfirmaretur, sape confessus exagitari se materna specie, verberibusque furiarum ac tædis ardentibus. Dionysij animo continuo obuersabantur homicidia, quæ patrarat; & vt narrat Trogus, mentem eius vehementissime perturbant. Galli quoque immani quodam ritu sacrificij, cum suos occidissent, à mente & ratione penitus deficere visi sunt. Siquidem pugnautes (inquit Trogus) prius parricidiorum furia, quam hostes circumuere, obuersantibusque ante oculos manibus interemptorum, omnes occisione cæsi. Vrcilinus tyrannum

*Suet. in  
Nerone.  
Emil. prob.  
Dionys.*

*Trogus  
lib. 26.*

B b 2 agens



Am. Mar-  
cellinus  
lib. 14.

agens in Oriente, sub imperio Constantij, multorum innocuo sanguine cruentatus, vt scribit Amianus Marcellinus: *Per inducias nature conquescentis, sauciabuntur eius sensus, circumstridentium terrore larvarum, intersectorumq; caterue, Domitiano & Montio prauis, correptum eum (vt existamabat in somnijs) vncis furialibus obiectabant.* Deformes itaque trucesque vitiorum species, illorum sensibus perpetuo obuersantur, qui deliquerunt. Et quemadmodum si quis virulentum & maculosum serpentem, in spiras se colligentem, oculis ardentem, venenosum humorem ore despumantem, in sinu suo despiceret: statim animo horreret, & à seipso quodammodo resili- ret: ita cum vitium serpente sit multo deterius, quodque fœce animam co- inquinat, eamque dente dilaceret: ad eius aspectum animus magis expa- uescit, atque exinde horrore menti illatus, illud efficiet, quod furiarum te- dis attribui solet. *Nolite enim putare, (inquit Cicero) quemadmodum in fa- bulis sepe numero videmus, eos qui aliquid impie scelerateque commiserint, agitari & perterrerī furiarum tēdis ardentibus; sua quemque fraus & suus error maxime vexat, suum quemque scelus agitat, amentiaque afficit: suæ malæ cogitationes con- scientiæque animi terrent. Hæ sunt impijs asidue domesticæque furie, quæ dies no- ctesque parentum pœnis à sceleratissimis filijs repetant.* Huius autem rei causa videtur contrarietas illa summa, qua vitium cum natura hominis de- pugnat:

Cicer. pro  
Rosc.

*Nocte dieque tuum gestas in pectore testem.*

Et alius:

*. . . . . Dira conscia facti,  
Mens habet attonitos, & surdo verbere cedit,  
Occultum quatiente animo tortore flagellum.*

Peccatum  
acerbum,  
quod Deo  
repugnet.

Aliud quoque est, vnde vitium reperitur in hominis animam esse atrocissimum: quum nimirum intelligimus non rationi solum nostræ, sed & diuinis legibus crimen aduersari: ipsius Dei contemptum quen- dam implicare, eiusque iram in nostra capita iuste concitare. Nam si ti- mendum sit & formidabile, grauem iniuriam viro principi aut magistra- tui irrogare: quibus ad vindictam ita omnia facile suppetant, vti vel ver- bo sanguinem pro pœna à nobis valeant reposcere: quanto magis hor- rendum erit, nos nostro crimine aduersum habere Numen, illud cœleste inquam, cui cœli, terra, maria, angeli ad nutum seruiunt; parataque sunt omnia ad supplicium nobis infligendum? Quomodo peccator cum hoc secum reputarit, non abdet se in secretissimos montium recessus, aut in fluctus Oceani se præcipitem non immitter, quibus scelestum illud ca- put à fulmine contegat, quod temerario quodam ausu in imperium sum- mi Dei vitio inuolauit? Qui si vigilans aliquid moliatur: è sublimi pen- dent



dent ardentia tela, quæ in ipsum torqueantur. Omnia expedita erunt ad expiandum hoc scelus fontis cruore. Infectus aër in ipsius artus venenatum spiritum infundet, ardens sanguis corpoream vim deuastabit. Si autem sopor membra laxarit, in illo alto cubiculi silentio, densissimis illis noctis tenebris ac conticinio nec manus Dei effugiet: quia, ut tenebræ eius, ita & lumen eius: *Psal. 138.*

*Hi sunt qui trepidant, & ad omnia fulgura pallent.*

Porro amaritudinem summam vitium infert in animam, quandoquidem in omnium odium incurrit, bonorum pariter & malorum. Qui enim peccatorum sunt mancipia, ipsimet detestantur vitia, libidines, turpitudines, uti compedes suas, incendia sua, & barathra sua. *Tanta res est malitia, (ut inquit D. Chrysostomus) quod etiam illi, qui illam operantur, condemnent.* Et ut loquitur Sapiens: vitij dediti ambulant vias difficiles, & sub labijs eorum labor & dolor. Porro extrinseca sunt quædam mala, quæ vitium reddunt acerbissimum. In hoc etenim intentæ sunt omnes leges, tormenta, fæces, ergastula, cruces huic constituuntur. Ideoque pauci sunt, qui delictis libere operam nauantes, legum pœnas interim declinant. Aut enim vitium istis plectitur, vel alias impune permissum opes absumet, vires corporis exscindet: vel denique aliorum odium in se concitabit. Quis itaque in posterum dicere audebit suaue aut dulce esse peccatum tot malis obfessum immersumque? de qua re hæc Cicero: *Quod si qui satis opibus hominum sibi contra conscientiam septi esse & muniti videntur: deorum tamen numen horrent, easque ipsas sollicitudines, quibus eorum animi noctesque diesque exeduntur, à dijs immortalibus supplicij causa importari putant. Quæ autem tanta ex improbis factis ad minuendas vitæ molestias accessio fieri potest, quanta ad augendas, cum conscientia factorum, tum pœna legum, odioque ciuium?* *Iuuenal. Satyr. 13. Vitium verius odiosum, proinde acerbum. D. Chrys. ep. 5. Sap. 5. Psal. 139. Peccatum acerbum ab extrinsecis.*

Singularis quoque illa virtutis species, cuius venustatem solus animus cōspicitur, luculenter probat ad eius appetitionem & amorem hominem natura ipsa destinatum esse & institutum. Ex duobus (ut scribit summus ille Theologus Dionysius) pulchri alicuius aut decori vera & genuina ratio constat: nimirum ex aduentu lucidi apteque effigati cuiusdam accessus: quorum vtrumque spectabile est in vno virtutis opere. Quid enim splendidius mentis intelligentia? cuius fulgore omnia collustrantur: & radius quidam hæc est à diuino illo sole delibatus: eiusque effulcram lucem omnis virtutis operatio suscipit ac inuoluit: est enim animæ molitio ratione insignita, directæ, & illustrata. Cum autem voluntas animo recta consulenti paruerit, ex istis mira quædam proportio partiumque concinnatio exurgunt: ita ut virtutis forma semel expressa cum

B b 3 colore

*Quod virtus sola pulchra, ideo expectanda. Dionys. de diuin. nom. cap. 4.*



D. Aug.  
lib. de  
pulcro.

colore flagrat, tum idonea quadratura pulcherrima enitescit. Vnde D. Augustinus: *Honestatem dico intelligibilem pulchritudinem, quam spiritua- lem nos proprie vocamus. Quemadmodum etiam corporum egregie formæ, intuentes ad amorem pelliciunt: ita virtutis decus colorque mirifice aspi- cientium animos cogunt: neque corporis habitus, statura, vel nitor, aliud videntur hominum sensus permouere, nisi uti indicia eorum estiman- tur, quæ in animis delitescunt: enimvero habentur pro virtutis purpura. Credere enim non potero sanguinis humorisque mixtionem, qua pellu- cens cuticula est inspersa, æstus illos & motus in hominum pectoribus excitare potuisse: qualibus feruere videmus multos, qui corporum amo- re ducuntur. Existimarem idcirco aliquid in anima latitare, quod venu- state tanquam externo signo ad amorem alios prouocet. Multo autem acrius hoc præstabit virtutis forma, quæ in honesta operatione efflorescit.*

Cicer. 1.  
off.

Nam sicut affirmat Cicero: *Ut pulchritudo corporis apta compositione membro- rum mouet oculos, & delectat hoc ipso, quod inter se omnes partes cum quodam le- pore consentiunt, sic hoc decus, quod elucet in vita, mouet approbationem eorum, qui- buscum viuitur, ordine & constantia, moderatione dictorum omnium atque facto- rum.* Hinc vel sola fama virtutis in aliquo cum percrebuerit, in nobis ac- cendit amorem, etiam erga illum, quem nunquam vidimus, cuiusque fa- cta imitari recusamus. Quantam autem vim haberet opinio virtutis, ma- nifestum fecit Scipio Africanus: ad quem apud barbaros exulantem, ipsi latrones & grassatores veluti ad asylum confluebant, eumque numinis plane loco habuerunt. Eodem modo in Macedonia cum diem obijisset Euripides, præclari nominis Poëta; Macedones, quod tam docti prudē- tisque viri solas exuias apud se conditas haberent, summam gloriam duxe- runt: à quibus cum Athenienses poëtæ sui cineres repeterent: maximo consensu (ut scribit Gellius) in ea re deneganda Macedones perstiterunt.

Virtus a-  
mabilis in  
eis quos  
nunquam  
vidimus.

Gell. lib.  
15. c. 20.

Sed neque in nostro Chrysostomo, præsulum flore, minus ex virtute de- coris eluxit ad conciliandos hominum animos. Cum enim quidam Gainas in Thracia, homo Ethnicus, multa grauissimaque damna Chri- stianis illa loca incolentibus intulisset; legatus ad ipsum mittitur Chry- sostomus: illique dixit oratū se venisse pro Christianis. Ferus iste & bar- barus tyrannus viri aspectu emollitus, propter virtutis opinionem, quam fama menti eius indiderat, eo se dimisit, ut dexteram Chrysosto- mi oculis suis leniter admoueret: & (ut narrat Theodoretus) liberos suos fecit osculari sancti istius Præsulis genua. Quos etiam nulla feritas con- terere potuerit, aut fraus implicare, ij intendentes in virtutis pulchritudi- nē, veluti in Medusæ ora Palladis insculpta clypeo, in speciem formamq; honesti illico transformati fuere. Hæc sane in belli duce elucens, militum animos

Theod. lib.  
3. cap. 33.



animos corroborat, regio insidens folio tranquillitatē firmitatemq; rebus imponit: hæc iudicum sententias probat, philosophorum placita confirmat, iuuenilem florem illustrat, senilemque erigit curuitatem. Formam ipsam (inquit Cicero) & tanquam faciem honesti vides, quæ si oculis cerneretur, *Cicer. lib. 1. off.* mirabiles amores (vt ait Plato) excitaret sapientiæ. Cum etiam extremum funus cætera omnia oppræsserit: virtus superstes in memoria hominum vicens agilisque, vitam ex illius lege traductam æternitati consecrabit. Recte idcirco Cornelius Tacitus vxori, liberisque defuncti Agricolæ cōsuluit, illos admonens: vti potius in recordatione virtutū illius viuerent, quam ad eius sepulchrum plangentes, eiulatu vel lachrymis contabescerent. Id filia quoque, vxorique præceperim: sic patris, sic mariti memoriam venerari, vt omnia facta, dictaque eius secum reuoluant, samamque, ac figuram animi, magis quam corporis complectantur. Non quia intercedendum putem imaginibus, quæ marmore aut ære finguntur, sed vt vultus hominum, ita simulachra vultus imbecilla ac mortalia sunt: forma mentis æterna, quam tenere & exprimere non per alienam materiam & artem, sed tuis ipse moribus possis. Quicquid ex Agricola amauimus, quicquid mirati sumus manet, mansurumque est in animis hominum, in æternitate temporum, fama rerum. Nam multos veterum, velut inglorios & ignobiles obliuio obruet: Agricola posteritati narratus & traditus superstes erit.

*Cor. Tacit. vita Agric.*

Istis autem prorsus contraria vitio accidunt, & loco lucidi ac concinni, quæ virtuti insunt, tenebræ & immanis quædam deformitas illud comitantur ac constituunt. Cum enim perturbatio aliqua sursum elata mentis arcem impetierit, erroris protinus nebula rationem inuoluens, efficit vt in summis tenebris intelligentia versetur. Falsum enim est iudicium illud & errore tetrum, quo honestum iucundo præfertur. Impedita est acies intellectus, quæ patentem vitij turpitudinem non despicit. Caligini vero se adiungit anfractuosus, sinuosus, & quasi retortus voluntatis delectus; quo auersus animus à virtute, vitij prauitatem complectitur; cui color obscurissimus, figura vero infracta, turpiterque incuruata. Quamobrem D. Chrysostomus asseruit, quod si ab ipso delineari velint homines vitij effigiem, illam exhiberet sub forma cuiusdam feminæ mirum in modum atratæ & exustæ, quæ in similitudinem immanissimæ feræ desineret ignem ore efflantis; quales Poëtæ suas Syllas olim effinxerūt. Maculosum profecto illud esse debet, quod ita diuino iudicio execrabile iudicatur: quodque horrendas illas pœnas iuste promereatur: quibus tamen nunquam expiari poterit noxæ coinquinatio, neque vllis flammis exuri. Quocirca nulla viguit hætenus religionis forma, in qua nō institueretur ceremoniæ ad eluendas hæc sordes vitiorum. Hinc apud veteres aquæ, ignis, & sulphuris frequentes lustrationes,

*Vitium obscurum & deforme.*

*Chrys. hom. 9. in 3. cap. ep. Cor.*

*Macrobius lib. 3. cap. 1.*

quibus



quibus putarunt vitium tanquam sedum quid & turpe mortalium animos commaculare.

*Summa  
ingenia  
virtutem  
semper  
adama-  
runt.*

Nisi autem virtus hominis naturæ prorsus esset consentanea, & ad eius expetitionem insita quædam vis mortalium animis: nequaquam præclara & florentissima illa ingenia huc usque ad virtutem luminis cum laboribus contendissent, neque sponte cæteris rebus exuti homines ad eius vnicam palmam nudi præuolassent. Quotquot autem ab orbe condito fordescere noluerunt; quotquot de humano genere bene mereri satagerunt; quotquot obliuionem nominis fama & claritudine gestorum expugnarunt, acerbam mortem spirante memoria profligarunt: hi omnes virtutum præsidij circumsepiti, vitæ cursum apte, concinne, pulcherrimeque ex eius præscripto absoluerunt. Quodque admirationem incutere poterit, cum virtus plerumque in his rebus versatur, quas sensus vel maxime abhorrent, & à quibus ipsi quantocius refugiant: utpote in paupertate, in dedecore, in periculis vitæ, in ipsius etiam mortis acerbitate: nihilo secius sordes istæ lucentem virtutis gemmam non ita opprimunt; vel spinæ eius florem implicant; quin adhuc fulgor & species quædā eluceat, hominumque animos mirifice afficiat. Imo potius ex istis veluti ex inumbratione imago, virtus pulchrior euadit. Florētissima illa castitatis forma ieiuniū, vigilias, carnis macerationes veluti assecclas habet: quibus venustas corporea statim cōfiscitur, squalet, & tāquā flos soli expositus illico marcescit. Istis tamen difficultatibus obsessam virtutem sapientissimorum mentes vota que ardentissime expetierunt. Quid illos obsecro ad hunc amorem traduxit? non sensus: hi in contrarium potius vrgebant: non rerum species, quæ videtur: quandoquidem hæc virtutis formam tetram obscuramque præbuit. Ratio idcirco solum in istis tenebris lumen conspexit, in amaritudine fauam, in deformitate pulchritudinemprehendit. Proinde virtutum amore capti homines, aliorū cetus deseruerunt, abdiderunt se in speluncas rupium, in recessus sylvarū, honores, æstimationes, vulgi applausus, vna virtute contenti repudiarūt. Qui vero non tam limpidos oculos & defæcatam mentem naçti fuerint, desipere & delirare existimarunt virtutum hosce cultores: nequaquā credentes elegantiam in tanta indigentia, formam in tanto dedecore, iucunditatem in tanta ærumna reperiri potuisse. Proinde non prudentes, sed atra potius bile oppressos, & veluti soliuagos Belepheōtos (ut est apud Homerum) virtutum amantes reputarunt. Quam quidem notam Ausonius Poëta, sanctissimo Præsuli Paulino inferre ausus fuit. Cum enī clarissimus iste vir, uti Christianæ perfectionis apicem, vitæ sanctimoniam attingeret, subsellia, infulas, purpuram, yltro contempsisset: patrimoniū quoque



quoque diuenditum, in vſus pauperum erogaret, atque pauperimus & indigus, plane de reliquo in mappali quodam delituiſſet: ipſum à mente excediſſe melancholicum, arbitratſi ſunt quamplurimi. Verum longe alius aduiſit Paulino oculus, qui in hac rerum penuria virtutũ diuitias, in hoc contemptu ampliſſimam earundem poſſeſſionem eſt contemplatus. Ingens ſane virtutis energia, quæ vt magnes ferrum, ita animum cogit ac rapit: auocatque quodammodo à corporis contubernio, & alio transfert eius conſilia. Quid hominis naturæ vitiæ magis infixum, quam poſt illatam inſuriam appetitus vindiçtæ? Cæterum ratio in erubeſcente maxilla ex inſicta alapa virtutis colorem agnoſcit, imo latatur, cum hoſtis plagam aliquam nomini vel corpori intulerit. Itaque vniſ videtur (inquit Paulinus) in hac ſeculo, cui tunicam ſuam alter abſtulerit: at in Chriſto triumphat, qui tunicam auferenti remittit & pallium. Vt em iniuriæ reddere, humana virtus eſt: at iniuriam etiam diligere, vindiçtæ celeſtis eſt.

Paulin. ep.  
2. ad ſeuere.

E. contratio autem, niſi voluptates vitia conſequerentur, falſumque illis ſpeciem deluſi ſenſus attribuerent; nunquam ab aliquo expeterentur: adeo res eſt vitium ab ipſa natura hominis abhorrens. Duplici idcirco motu diſtrahuntur eorum animi, qui in crimen conceduntur vno, quo voluptatis illecebram proſequentur: altero, quo eiſdem turpitudinem reſugiunt & execrantur. Vitium quidem, quod deforme ſuapte natura ſit, externa ideo quaerit ornamenta. Venus peregrinis odoribus, marinis gemis, herbarum ſuccis decoratur, criſpatum aliquando deſumcto capillitium exciſiadiſ, ſepulchro iniuriam inferens & mortuo, quo formam ſuam exornet. Superbi alicuius faſtus, niſi ſalutantiũ grege ſtipatus eſſet, concideret, & ni voces concreparent vulgi, tenebris illico obrueretur. Cula, dapes, mella, condimentorum genera, vini ſagrantiam Græcicas delicias quaerit: quibus inſectatos habeat mortalium animos.

Vitium ab-  
horrens ab  
ſignis na-  
tura, & ab  
exterior or-  
namenta  
quaerit.

Virtutem præterea ſi quis vitæ prauitate expugnet: is non ſibi ſolum graue nocumentum inferit, ſed inſuper ciuitati, hominumque ſocietati. Nihil enim aliud in vnum cogit pellitque homines quam virtus, officiũ charitatis & iuſtiæ: coactos vero nihil ſic diſſipat aut diſpergit ac vitium. Nam ſi fortitudini in ciuitate locus non daretur: nemo periclitante & mutante patria eam cum vitæ propriæ periculo deſenſitaret. Si continentiam libido expulerit, quod coniugium caſtum erit aut fidele? Si iuſtitiam habendi cupido exegerit, vbi opes & facultates in tuto reponentur? quis magiſtratum apud plebem obtinebit? Imo vitium non ſolum naturæ bona publica & priuata commoda deuſtat atque exciſiadiſ: verum etiam tantæ eſt maleuolentiæ, vt ſeipſum pariter deſtruat: viriſ etenim dediti, plerumque in pœnas incidunt, morbos, infamiam, aut ciu-

Qui virtutem expellit, etiam ciuitatis iniuriã facit.

C c ces;



*Vitium se  
destruit.*

*Motus ho-  
minis in  
Deū actio  
virtutis.  
Dionys. de  
diuin.  
nom. c. 4.*

ces: quibus voluptatis sensus adimitur illis & extinguitur, & vicij ipsius progreSSIONES miserimo exitu amputantur.

Cum etiam omnia, quæ huius vniuersi ambitu coërcentur, in ipsum Deum tanquam vltimum finem moueantur: (vñ docet Dionysius Ariopagita) tum hominis proprium motum solius virtutis vsu perfici, perspicuum est. De qua re hæc Dionysius: *Atque vt omnia ad se conuertit bonitas, primaque ea colligit, quæ dispersa sunt, quasi vnius principium, vtrumque efficiens diuinitus, eiusque desiderio omnia vt principis, vt ipsa continentis, vt finis tenentur: ac bonum est (quemadmodum scripta diuina tradunt) ex quo consistunt omnia, & à quo, quasi causa perfecta in lucem prolata sunt, & in quo consistunt omnia: quasi in fundo, quod capit omnia, custodiuntur atque capiuntur, & ad quod omnia conuertuntur, quasi ad suum finem.* Istius autem progreSSIONIS in Deū in rerum motibus sunt variæ species atque formæ, quas etiam istis declarat idē Dionysius: *Et quod omnia appetunt, ea quidem quæ mentis sunt & rationis cognitione, ea autem, quæ sensum habent, sensus iudicio: quæ vero sensu vacant, incito motu vitalis appetitionis: quæ vitæ expertia sunt, & tantummodo statum habent, vi quadam ad status essentiæ communionem propensa sunt.* Mouet itaque se homo in Deum rationis iudicio, operationeque rationi consentanea. Nō enim opinione sola aut notitia efficiuntur boni, (vt recte ostendit Aristoteles) sed electione, contentioneque voluntatis: proinde virtutes naturæ propensiones perficiunt (vt optime dissertit D. Thomas) & ad naturæ cultum omnino requisitæ existimantur: quarum decore & ornamento cuius animus caret, is de se illud dictum putet:


*D. Thom.  
1. 2. quæ.  
108. ar. 2.  
Mantuan.*

*Mens virtutis inops, mare piscibus, alite cælum,  
Sideribus mundus, gramine terra carens.*

*De præcipuis quibusdam auxiliis, requisitis ad officium hominis examissimè præstandum.*

## CAPVT XXI.

*Vita homi-  
nis pugnæ.*



**Q**VONIAM iisdem ferme modis boni alicuius viri officium perficitur, quibus militis in acie confligentis fortitudo, siue Athletæ in Olympo decertantis robur probantur: perspicuū euadit ad nos spectare apparatus omnē & præsidia ad hanc concertationem necessaria, animis sedulo pensitare: ni velimus temerario ausu incōpositos nos in prælium ingerere, nudaq; pectora hostium telis obijcere. Cum vero constet rationi cum appetitu perturbato



turbato esse configrandum, & quum ex opposito hostilibus armis menti infestas consistat lentus: liquidum est non lapsu, nō fluxu, non languore, non obstantia boni viri officium esse præstandum; sed potius acerrimis dimicationibus, gliscenti furentique digladiatione. Nemo etenim adeo otiosus & Stoicus, qui vim perturbationum interdum non sentiat gravissimam: nemo ita duratus Cinicus, aut vitæ rigore exesoque corpore religiosus, qui voluptatis blandimenta nulla esse dicat ad animum ipsius à virtute abducendum: nemo ita à civili occupatione seiunctus, quæ rerum humanarum studium interdum non pulset, aut curis sollicitet: nemo ita ab honoribus abiectus, ut popularis aura iucundo afflatu animū sibi demulceri non percipiat. Quod si in fuga, insequente aduersario, tāta hostilitas, quis furor eos opprimet, quæ potestas affectionum in illos invadat, qui virtutem expetentes, interim ne latum quidem vnguem recedere volunt à sensuum lenocinijs: quibus forum, subsellia, rostra arrideant; qui florum amantissimis fectis delectantur? Hi profecto ratione perungiles & circumspēcti, voluntate autem strenui & expediti esse debebunt. Itaque munimenta animæ contra vitia celsim strictimque recensebimus.

Primum locum obtinere videtur insignis illa facultas, & immensa plane vis intelligendi, cuius fulgore, cum virtutum venusta formæ, tum etiam vitiorum immanes horrendæque species deteguntur. Excutit siquidem mentis intelligentia omnes latebras, vndique circumspicit, rimatur curiosius quæ semel percepit, radios, umbras, tenebrasque intuetur, rerum apices conscendit, magnitudines metitur, aperta excipit, inuoluta explicat, vera probat, adulterina rejicit, pondera trutinat, colores expendit, naturam amplectitur, artem veretur, fluxa contemnit, amore celsimat æterna. Quenadmodum enim in cæteris animantibus ingenita est ipsorum oculis aut odoratu quædam recti aptique perspicientia, qua seipsum cœcantur à contrarijs, vitæque comoda acquirant: ita homini diuinitus attributa est facultas intelligendi, qua vitium à virtute secernat, decorum ab inhonesto distinguat. Neque ad hoc præstandum, exquisitam aliquam operam necesse erit, ut mens tua adhibeat: ne causeris re minus idonee ad certamen hoc instructum prodijisse. Demus etenim te solum oculos capiti infixos circumferre, quibus cælorum orbes contemplare; & protinus cogitatio illa statim animum tuum subibit, qua tecum iudices cœlestes illud numen supremo cultu & veneratione prosequendum: nihil actione tua suscipiendum, quod ab ipsius iustissimo imperio sanctissimisque legibus deflectat. Vel si mortaliū cetus, in quibus versaris, animo repute; cogitabis etiam principi obtemperandum, socio vi-

*Ad virtutē  
modum est  
intellectus.*

*Cognitio, quæ  
necessaria  
ad virtu-  
tem facit.*



cem inuicem rependendam, inferiori parcendum. Denique si teipsum respicias: non ad libidines incestosve amores, non ad diuitiarum compilationem te institutum facile intelliges: sed potius ad virtutum rationisque munia exequenda. Sit itaque aliarum rerum noticia (vt placet Democrito) in puteo demersa, sit nubibus implicata, aut mole quapiam alia inuoluta: certe virtutum vitiorumque formæ in propatulo collocatae unicuique sunt aspectabiles: neque illis aliquid homini notius esse poterit. Cum autem ratio inquisitione sua virtutis excellentem colorem inuestigarit; & in illum cum admiratione oculos direxerit: statim eiusdem cupiditate voluntas mirifice inflammabitur. Sin vero toruo vultu & contracta fronte in trucem immanemque vitij figuram respexerit: voluntas quasi spectro exterrita, speciem illam plurimum auersabitur, & veluti à sibillante angue & in spiras se colligente primo quoque tempore aufugiet. Quod si huic à natura ipsa attributa scientiæ reconditior quoque eruditio accedat: nihil ad vtilitatem vberius, ad ornamentum præstantius, vel ad gloriam plenius cuiquam affluxisse estimari poterit. Conquisita etenim disciplina feros duosque animos malacissat, ad humanitatem morumque decorem inflectit: ad virtutem denique veramque hominis excellentiam, ipsum optimis rationibus instituit. Hæc sane è media barbariæ omnem plane barbariem expellens, in Scithia, Getulia, disitis oris æstu exustis, frigore geluue constrictis, Athenas musarumque domicilia collocabit: Sarmatam, Gothum, Squadum, facit Atheniensem. Hac de causa Aristippus (vt scribit Galenus) in litus Siracusanum cum esset eiectus; figuram quandam mathematicæ quadraturæ arenæ impressam videns: in ipso suo exilio damnoque vehementer est latatus: causamque dixit, quod fortuna dante non in barbaros aliquos & aggresses, sed in sapientes homines literisque exultos extorris incidisset. Hæc quidem rerum intelligentia mores hominum continet, & ciuiles omnes institutiones. A qua cum nonnulli Imperatores abhorruerint, ad tyrannidem mox recidere; tandem vero ad exitum & immaturam mortem peruenere: vti exemplis comprobarunt Cræsus Lidiorum Rex, Cyrus Persarum Imperator, Priamus Troianorum dynasta, Dionysius Cyculorum princeps, & alij quamplurimi. Apposite idcirco (tamen si humano commento) orbiculare scutum Athenienses Mineruæ consecrarunt: quo significarent animi sapientia rerumque scientia omnia regi & gubernari: vel quod talis sit forma sapientis viri ad omnem fortunæ casum accommodata: etenim scribit Plinius eruditionem in prosperis esse ornamentum, in aduersis asylum. Rectissimeque à Romanis obseruatum videtur, (quod narrat Suetonius) nimirum cum easdem ædes Herculi m-

*Recondita  
doctrina,  
prodest ad  
virtutem.*

*Galen. in  
prohem.*

*Orbicula-  
re scutum  
Minerue  
virtutis &  
sapientiæ  
significa-  
uit.  
Plin. 11.  
ep.  
Suet. in  
Tiber.*

sisque:



sique posuerint. Musarum etenim quies Herculis laboribus erat susten-  
 tandi: vicissatim Herculis labores musarum monitis instituendi, earum-  
 que præconijs celebrandi: idem quoque refert Plutarchus. Vis itaque  
 corporis, siue etiam potestas ciuilis, à scientia & mentis cultu non erunt  
 secernenda. Cum autem ad omnem plane virtutem eruditio animum  
 informet: tum maxime ad religionem: nam ex sententia Ciceronis,  
 (quod luculenter ostendit Pausanias) Numinis cultus ab Atheniensibus  
 in alias regiones extitit propagatus; Athenienses vero literarum studijs  
 addictissimi, earumque gloria florentissimi. Non ignoro tamen hac in re  
 Philosophiam labem aliquam contraxisse: sed non tam vitio suo, quam  
 eorum præpallentis rationibus, qui famam consecrati, pro Philosophis  
 auide nimis haberi vouerunt: de quibus hæc D. Hieronymus: *Plus debet*  
*præstare Christi discipulus, quam mundi Philosophus, gloriæ animal, & popularis*  
*auræ atque numerum venale mancipium.* Excudisse ac peperisse quoque hæ-  
 reles antiquæ Philosophiam, nonnulli sunt arbitrati: Ita Tertullianus:  
*Ipsæ denique hæreses à Philosophia subornantur.* At vero non Philosophia, sed  
 in Philosophicis errores, hæreles propagarunt. Mirum autem non erit,  
 si error errorem, tenebræ tenebras effundant. Ex crocodilo enim diuer-  
 sæ naturæ scorpio nascitur, (vt scribit Elianus) ac sic ex ouis aspidum,  
 pullos suos excludunt hæretici. Philosophos quoque semper contuma-  
 ces principibusque refractarios fuisse, olim decantatum: Vnde Augusti  
 Cæsaris moderatio celebrata, quod Philosophorum rebelles voces leui-  
 sime pertulerit. Verum hoc crimen illis obiectum ita diluit Seneca: *Errare*  
*mihi videntur, qui existimant philosophiæ fideliter deditos, contumaces esse, & re-*  
*fractarios, & contemptores magistratum, aut regum, eorumve, per quos publica*  
*administrantur.* Seclusis idcirco vitijs eorum, qui animum Philosophiæ  
 applicuerunt, recte Aegyptij de ea sensisse videntur: cuius hieroglyphicū  
 cælum voluerunt esse rorem fundens. Cælum quidem originem phi-  
 losophiæ declarat, quæ diuina est: ros autem, quod ad sæcunditatem mul-  
 tum conferat, exprimit: vertimos illos virtutum fructus, quos philoso-  
 phia in vitam nostram profundit.

Postquam vero ratio bene instituta insidias omnes detexerit, viam-  
 que ad salutem patefecerit: vis appetendi euocatur, & quasi principis  
 voce ad exequenda imperata excitatur. Agnoscit etenim voluntas men-  
 tis legem, & ex naturali quadam diuisione, qua illi est subiecta, ad obe-  
 diendum inclinatur. Eam porro hæc obtinet potestatem: vt à nullis pla-  
 ne sensuum lenocinijs capi aut cogi possit ad consensum in aliquid nefari-  
 um turpemve actionem: allicitur quidem, emollitur, inflectitur, inuita  
 autem nunquam pellitur: sed imbuta rationis documentis cum sit, quasi

*Plutarch.*  
*problem.*

*Cicer. orat.*  
*pro Flac. 6.*  
*Paus. Attic.*

*Philosophia*  
*labem, con-*  
*scruit.*  
*Hier. ep. 26.*

*Tertul. presc.*  
*cap. 30.*

*Elian. li. 2.*

*cap. 33.*

*Esa. 59.*

*Sunt in*

*August.*

*Senec. ep. 10.*

*Horopoli de*  
*Hierog.*  
*cap. 37.*

*Voluntatis*  
*potestas nec-*  
*diu ad*  
*virtutem.*



firmisimis instructa prædijs, vitiorum importunitati obistere valebit. Duo autem sunt in hac nostra voluntate maxime conspicua: primū quod vitiorum quælibet incentiua superare poterit & extinguere: alterū quod laudem, gloriam, præmiumque actione studiosa promereatur. Quorum expectatio hominē excitat ad virtutem: dum nepe secum cogitat, nō solum blandimenta sensuum, verum etiam fraudes dæmonumque violentias voluntatis nostræ ἐξουσία posse sub imperium ditionemque rationis subiungi ac profligari.

Gratia  
medium  
ad virtu-  
tem.

Psal. 84.  
Psal. 67.

Gratia  
orthodoxa  
quæ?

Gratiam  
veteres  
agnoue-  
runt.  
Cicer. lib.  
2. de nat.  
deorum.  
Cicer.  
Inscul. 1.

Verum cum naturæ vires protoplastæ offensione grauiter concussæ, à pristino & natiuo vigore plurimum defecerint: non ea modo tanta arbitrij nostri est vis, quanta satis confirmata sit & valida: cum ad vitiorum impetus repundendos, tum virtutum ornamenta consequenda. Quocirca labefactata natura, beneficio Christi reparatoris, ad munus recte præstandū, roborari debet. Fructus etenim suos terra non effundit, nisi postquam imbres desuper decidētes, roresque cœli arenosa imbiberit: ita terrena hæc nostri concretio, virtutum emolumenta non effert, nisi postquā cœlestis gratia iugi quodam dilapsu vberime in animas influxerit. Cum enim Deus dederit benignitatem suam, pluuiamque voluntariū segregarit, terra nostra pariter dabit fructus suos. Nomine autem istius gratiæ, quam depredicamus, non designamus tantum naturæ donum, quo sumus & viuimus, quodque in ipso ortu gratis à Deo accepimus: sicut impiæ & cum nefario saltu aliquādo sentijt Pelagius: sed potius denotamus Dei quoddam auxilium naturæ inductum: quo cum animus collustratur vt verum cognoscat, credatque: tum etiam voluntas confirmatur ad honestum quodcumque illustrius difficiliusque peragendum. Huiusmodi vero diuinitus homini gratiæ subsidium impertitum, ipsi veteres, quorū nec animos fides imbuerat, vti necessarium tamen agnouerunt. Hinc Homerus suis heroicis dæmones attribuit, & cum Dijs colloquia: quibus significaret, supernis auxilijs quæ in humanis excellunt, non humana vi sola præstari: & vt ait Cicero: *Nemo igitur vir magnus sine aliquo afflatu diuino vnquam.* Immo neque rerum scientias, vel earundem explicationes, tractationesque exactiores, absque numinis speciali favore extitisse aliquando affirmat: *Mihi vero ne hæc notiora quidem, & illustriora cernere vi diuina videntur: nec ego aut poetam græcæ, plenumque carmen sine cœlesti aliquo mentis instinctu, putem fundere abundantem sonantibus verbis, vberibusque sententijs. Philosophia vero omnium mater artium, quid est aliud, nisi (vt Plato ait) donum, vt ego, inuentum Deorum.* Nihilominus vniuersalem tantum diuinæ gratiæ notionem isti adsequuti videntur: interim ignorantes, in quibus animæ molitionibus eius vis & energia eluceant. Nihil quidem perceperunt



perunt de gratia excitante, adiuuante, ac subsequente: Cuius adminiculo corroborantur ad opera supernaturalia fidei, spei, atque charitatis: solum opinione de natura nostra fracta & languescenti edocti: diuini cuiuspiam doni necessitatem inuestigant. Cum vero gratia istec alicui spiritum afflauerit, tunc in eodem ardorem compescet libidinis, excitabit ipsum à cupiditate terrestri, & ad superna mentis eius concilia quantocius transferet: animum exacerbat ad fortia difficiliaque. Huic diuinitus excito, adiunt certiorum pedes, pegasi ala, & aquilæ lumina, quibus mens instructa percipiat, perficiatque liberrime, quæ hominis officio continentur præcipiunturque.

Ad virtutem quoque nec modice conferunt legum auctoritas atque sanctiones. Illum namque prudens legillator sibi finem constituit, quo ciues bonos efficiat, virtute reddat exultos, & vitiorum olores: animum namque iurendi in aliquam ex virtutibus, dum legem condit: cuiusque exortitum ab illo exigit, qui eius dictis audiens esse debet. Cum autem doli perferim malo, nimirum in intellectu cecitate, atque in voluntate infirmitate ferme confecta & labefactata sit hæc nostra natura: quod vtrisque leges occurrant oportune, vtilissimæ merito censentur. Præscribunt autem quid à nobis sit agendum, quibusve abstinendū: quorum notitia silente lege destitueremur. Porro poenā adiunctam habentes, quas delinquentibus interminant, sistunt quodammodo procliuem cursum voluntatis, illam cohibent, nec permittunt blandienti appetitui morem in omnibus gerere, vel relicta virtute, voluptati se deuotere. Timor namque qui in præsidio virtutis excubare dicitur, quemque leges incutiunt, homini existit saluberrimus: illecebram hic arcer, vitium fogat ac profligat. Non me præterit quidem sectarios istis, quæ de libero arbitrio, de legum iure disputauimus, plurimum repugnare: at eorum dictis non moror. Nec equidem miror si præcipientes ad vitæ turpitudinem, virtutum firmamenta pessimo dogmate, perpetuo differentes, conuellant.

Quibus etiam aliud quoque accedit præclarum & efficax quidem ad virtutem adiumentum: nimirum conuictus ratio, atque cum bonis consortium diuturnum. In prouerbum modo abiit, quod homo homini sit Deus. Aliorum quippe sententiæ atque concilia errorem, si quem animis regamus, expugnabunt, eicient, & si in prauas consuetudines concesserimus, eorundem viua & spirantia exempla ad meliorem frugem nos reuocabunt. Quemadmodum enim (vbi iam tulit Theologorum sententia) superiores angeli, inferiores transfusa luce collustrant: ita homines ipsi Deo vicè sanctumonia viciniores, alijs opitulantur, qui ad tantum, quantum

*Medium ad  
virtutis lex.*

*Medium ad  
virtutem  
conuictus.*



Zach. 4.

quantum ipsi gradum nondum peruenire. Hos quidem rectissime nominarem angelos, coelos, planetas, fulgentissima lumina, de quibus Zacharias: *Vidi, & ecce candelabrum aureum totum, & lampas eius super caput illius.* Candelabrum aureum ille feruor est charitatis, quo optimi flagrant: lampas autem fulgor scientiae, quo collucent. Hanc vero inter homines officij necessitudinem intercedere voluit Deus, vnde societas amorque mutuus facilius conciliarentur. Nam sicut quaelibet tellus non omnia fert, & propterea mercimoniarum gratia in vnum tempus confluunt multi, quos locorum intercapedo longe disiunxit: ita quod quilibet sibi non sufficiat, insignes quosdam viros excitat Deus, quorum beneficia, vita congressu alij exquirentes, sustententur. E contrario etiam nihil nobis perniciosius, nihil ita quempiam in vitia cogit, atque cum malis inita societas. Flumina postquam decursu in mare se insinuarint, fluctibus illis implicata, nativam amittunt dulcedinem, ingratamque subeunt infecta saluginem: Ita qui prauorum societatem expetunt, ceteroquin virtutis colore tincti, ad illorum appulsi tamen sordes, decus omne protinus ornamenti vastabunt. Neque huiusmodi exitus in vllis est magis conspicuus, quam in illis, qui Catholica communione sprete, desertores aut Apostatae se haereticis adiungunt. Hos etenim aspicit sol, si tamen aspicere dignetur; inuerecundos, petulantes, insolentes, caractere bestiae, non in fronte tantum, sed in reliquo etiam corpore insignitos.

Apoc. 16.

*Habitus  
virtutum  
media ad  
officium  
hominis.*

Satis autem non est secessu quodam prauorum consortia abdicasse, & cum bonis societatem expetisse: quin adhuc diligentissime ita optimis actionibus insistendum, vti earum vsu & frequentia virtutum habitus nobis comparemus. Sicut enim labefactata natura in vitium continuo propendet; ita exercitio perenni honestatis rectique instituti assiduo cursu reuocandus, & deducendus in oppositam virtutem: ea namque est consuetudinis vis, vti in naturam quodammodo migrasse videatur. At nihil suauius fieri animaduertimus, nihil felicius perfici, quam quod natura aridente, suadente, impellenteque suscipitur: sicut nihil difficilius, acerbius nihil tentatur, quam cum in aliquo natura, veluti inuita Minerva, oblectatur. Quamobrem cum bene operandi assiduitas quosdam habitus naturae impresserit, quae aliquando ardua molestaque visa fuere, ea postmodum, iucunda, expedita, proprioque quasi motu ad optatum nostrum procliuia apparebunt. Vnde virtutum radices amarum quendam succum continent, earum autem vsus, comparato habitu, suauissimos liquores effundit, & animae ambrosiam miscet. Quamprimum enim quis proposito honestae vitae se à voluptatum delicijs cohibet, propter propensionem (quam dixi) vitiati appetitus in illecebram, acerrimi dolores



lores illos primos & veluti infantiles virtutum conatus comitantur: lachryme, sudores in illis inirijs exprimuntur. Cum autem ulterius paulo animus penetrauerit, & acquisiti habitus illi altius insiderint: nullo ferme negotio virtutis opus absoluitur: & disruptis quodammodo vinculis, atque via complanata, dicemus cum Psalmista: *Latam mandatum tuum nimis. Cantabiles mihi erant iustificationes tuae in loco peregrinationis meae. Quam dulcia faucibus meis eloquia tua! super mel ori meo.* Quanti autem momenti esset consuetudo in vtramvis partem, ostendit Licurgus duobus catulis, quorum alter popinae assuetus, alter in siluis educatus. Emisso autem lepore, non procul olla iussulo plena apposita, leporem insequitur siluestris; ad ollam vero a cursu deflectit domesticus. Imo tanta vis inest consuetudini, ut ipsam naturam sepiissime immutet; sicut virgultus, ut videmus, ortu & progenie incuruat, assidua inflexione rectissimè protenduntur. Quod cum scirent Cretenses, dum hostibus mala imprecarentur, nihil aliud optarunt, quam ut praua aliqua consuetudine inuoluerentur ac imbuerentur.

Et ne qui ipsam omnino homini deesset ad virtutem, ni ipse sibi met sua socordia deesse velit: spiritualis illa substantia, illa inquam eximia splendidaque Angelorum natura, summo quodam studio nostris intèra commodis, peruiigilat: neque vnquam veruncare desinit. Ex summo etenim amore, quo res nostras Angeli ardentissime prosequuntur, nobis facient, atque in vitæ difficultatibus superandis, infortuniisque declinandis, pio quodam auxilio præsto adsunt. Sicut enim charitate Angelus, qua ipse Deum complectitur, veluti ignitus euadit: ita cum videt hominem Deo esse longe charissimum, orbis imperio donatum, ad cœlestem gloriâ subuehendum, filij Dei pretioso sanguine excultum, emancipatum: ad ipsius studium incenso quodam desiderio perducitur, & eius amicitia se prorsus deuouere non fastidit. Ex quo quidem Angeli cum homine commercio confici videtur aurea illa catena, quam finxit Homerus è cœlis Iouis manu in terras effusam. Quod si ea esset nostrarum animarum vis in corpora, uti illa circumducere, auocare, ad opus pro lubito adijcere poteramus: fortassis non usque adeo necessarium Angelorum subsidium videretur: sed cum conspicuum sit, animas corporeis malis affici, tangiq; omnino: interdum etiam corporis sarcina deprimi: auxilium requiritur spiritualis intelligentiæ, quæ collabentem animam sustentet, in errores proruentem veritatis luce collustrat, nostramque imbecillitatem suis præsidij muniat defendatque. Has quidem substantias, immateriales existere, agnouerunt veteres ferme omnes philosophi, poëtæ, historici: quos nunc dæmones ob insignem mentem, nunc vero genios, vel ratione ex-

*Angelica custodia est medium ad virtutem.*

*D. Aug. 9. Cui cap. 19. Bap. Mant. de patient. cap. 17. Nomenclatura Angelorum.*

D d cellentis



Plat. in  
Sympos.

Psal. 105.

Suid. verb.

γίνος.

Apul.

dem. So-

crat.

August.

Egub. li. 8.

Phil. c. 27.

Gaudens.

Merul. lib.

1. cap. 3.

1. Reg. 16.

Ioseph. 6.

Antiq.

cap. 9.

Ioseph.

Antiquit.

cap. 2. li. 8.

Angeli in-

corporei.

cellentis ingenij, quo præstant, vel quod ab ipsa genitura homini tutela-  
res adsint, nuncuparunt: nunc autem lares & penates, quod domesticis  
rebus præessent; de quibus hæc Plato: *Per demones omne est commercium, om-*  
*nis colloquutio Dei cum hominibus, & vigilantibus & dormientibus.* Hinc effata  
oraculorum, afflatorum, phanaticorumque præfagitiones profluxere.  
Imolauerunt filios suos & filias suas demonijs. Quod autem se in humana cor-  
pora insinuare solerent, atque humanis affectibus quodammodo tangi;  
appellati fuere hi spiritus (vt testatur Suidas) ἀνθρωποδείμους. Illos vero sic  
describit Apuleius: *Genera sunt animalium animo passiva, mente rationalia, cor-*  
*pore æria, tempore æterna.* Ex qua sententia illis tenuissima corpora adj-  
ciente, existimarunt quamplurimi, facilius explicari posse modum pro-  
gressumque magiæ naturalis. Nam si genij corporei sint, delectari quoq;  
valent, & capi hominum obsequijs ac donis; veluti sonis, characteribus,  
vocibus, sacrificiorumque nidoribus: Atque istis adduci vel etiam cogi  
ad beneficium aliquod homini præstandum. Certis quoque rebus vis ip-  
sorum impediri & coerceri poterit; sicut narrat scriptura Davidis lyram  
mali spiritus imperum in Saule rege compescuisse; de quo hæc Iosephus:  
*Quoties enim à demone agigaretur, vnicum erat in excantatione remedium, & solus*  
*David hymnos ad lyram accinens; Regem ad sanam mentem reducebat.* Huic au-  
tem opinioni adhuc magis fauet, quod narratidem Iosephus de genere  
quodam exorcismi vrsupato ab Hebræo sacerdote; quod ita describit:  
*Vidi enim ex popularibus meis quendam Eleazarum, in præsentia Vespasiani, & fi-*  
*liorum, & tribunorum, reliquorumque militum, multos arreptitios percurantem.*  
Modus vero curationis erat hic: admoto naribus damoniaci annulo, sub cuius sigillo  
inclusa erat radicis species à Salomone indicatæ, ad eius olfactum per nasum extra-  
hebatur demonium: & collapsa mox homine, adiurabat id, ne amplius rediret; Sa-  
lomons interim mentionem faciens, & incantationes ab illo inuentas recitans. Ex  
quibus videtur, radicem illam præscriptam à Salomone, vim quandam  
habuisse in demonem: quam nequaquam retineret, nisi demon corpore  
constaret. Quod cum omnino crederet Apuleius, inter cetera hominis  
præconia, quibus naturam nostram commendauit, intulit quoque in ip-  
sius potestate situm esse demonem facere & numen. Nam (inquit) pel-  
licere poterit homo quibusdam incantationibus genium ad statuam ali-  
quam, ipsamque molem ita materia & forma effingere, vti eam lubens  
subeat genius, eaq; delectatus, ibi habitet, ipsi proficius, futuraq; ei præ-  
monstrans. Verum quicquid de istis sit, Theologorum schola Aristoteli  
assentitur, rectissimeque pronuntiat, angelos puros liquidosque esse spi-  
ritus, omnis prorsus concretionis expertes. Nam cum horum munus  
proprium sit rerum scientia pollere, neque ad hoc præstadium mens cor-  
poreo



corporeo organo indigeat, illis opinione nostra adscribendæ non sunt corporum fabricæ. Quod si quis contendat ideo esse corporeos, quod corporum cura destineantur, ipsosque cœlorum orbis perpetuo motu circûagant: is sane nihil efficiet. Nam (vt recte differit Aristoteles) si corporibus inclusæ essent intelligentiæ, quarum vi cœli mouerentur, continuu hunc motum absque defatigatione non peragerent: sed ad recuperandas vires, quæ assiduo labore fluere & dilaberentur, refocillatione quadam indigerent: imo neque corporibus constantes inde videntur, quod cœlis multo si essent minores quantitate illos in gyrum nō ita voluerent, neque vti faciunt, alia magnitudine immensa, loco tam facillime mouerent.

Perpicuum autem est huiusmodi substantijs humanarum rerum procurationem veteres passim concessisse:

ἀταρτὶς δὲ μὴ ἀνδρὶ τὰ γὰρ αὐτῷ,

ἀταρτὰς ἔστι μὴ σταγὼν τοῦ βίου:

Vt quisquē proxime lumen vitæ attigit,

Demon comes, & vitæ administret integra.

Arist. 1.  
Cal.

Angelorum  
procuratio  
satis cognita.  
Am Marc.  
lib. 21.

Imo Sidonius, & alij, genijs sub specie serpentum, aut alia forma attribuerunt concubitus cum mulieribus, hominumque generationes. Vnde Alexander, quod eius matri Olympiadi concipienti anguis se spectabilem fecisset, habitus fuit pro Hammonis Dei filio. Scribit Suetonius, matri Augusti Imperatoris vigilas in templo agenti, & lectisternio cubanti, serpentem obrepisse; illamque gravidasse:

Magnus Alexander, nec non Augustus habentur

Concepti serpente Dea, Phœbumque, Iouemque

Diuisere sibi.

Sidon. peneg.  
Anthem.  
Trogus  
lib. 20.  
Suet. in  
August.

Sidon. sup.

Extra controuersiam autem est, (vt interim figmenta mittamus) huiusmodi genios humanis obtutibus sæpius conspicatos exitisse. Narrat Florus Bruto postero die morituro, per noctem atratum quoddam spectuū apparuisse, dixisseque se malum esse ipsius genium. Claudio Druso in Germania agenti (vt scribit Suetonius) visibilem se præbuit feminea quxdam species admodum proceræ statura, quæ latino sermone illi bellū interdixit. Genium sæpius visum à Iuliano testatur Marcellinus: atque ab ipso Alexandriæ templum genio dicatum narrat: tamen primi qui genijs templa consecrarint fuisse Athenientes: vt ostendit Pausanias. Quum autem Iuliano res male succederent, tristiori quadam forma genius publicus in eius conspectum prodijt, & huiusmodi ostento infelicem imperij exitum Apostatæ prædixit: quod & Marcellinus quoque historia sua consignauit. Dictu vero mirum quanta reuerentia, & quam

Flor. li. 1. ep.  
Suet. in  
Claud.  
Am. Mar-  
cell. lib. 20.  
Pausan.  
Attic.

Marcell lib.  
20. Chron.

D d 2

serio



Tertull.  
Apoll.  
Suet. in  
Calig.

Tutelari  
Angelorum  
custodia  
aduersan-  
tur secta-  
rij.

Pier. Ca-  
nis.

ferio cultu genios aut demones prosequuta sit prisca gentilitas. Nō enim grauiori supplicio Romani Imperatores in delinquentem aliquem animaduenterunt, quam in periuros: dum per genium ipsorum deierant. Vnde Tertull. *Citius per omnes Deos periuratum, quam per genium principis.* Ideo Caius Imperator (vt scribit Marcellinus) acerbissime eos castigauit, qui prolato nomine genij ipsius, falsum aliquod testarentur: hoc etenim pacto ipsi visi sunt periurio diuinitatem genio suo detraxisse.

Veruntamen hæc me differentem sectarius huic vocibus excipiet. Cum Angelorum tutelam adsciscere, & è supernis illis sedibus ad negotia nostra spiritus cēlestes deuocare hætenus conatus sis, modo hoc ipsum eo impugnas, quo commentum & figmentum gentilitæ superstitionis fateris. An Christiani, Paganorum discipuli esse debebunt, aut ad illorum placita fidem moresque effingere? apage: imo potius ita argumentari licebit: Ethnicis vanis & fucatis obstricti religionibus, tutelarem angelorum custodiam agnouerunt, Christiani idcirco, qui professionis ratione illis sunt dissimillimi, confictam hanc ab ipsis spirituum custodum opitulationem, consulto refugium & auersantur: quibus nimirum vnus Christus abunde sufficit, vnaque fides mentibus illapsa contra omnia infesta tela, tam animos quam corpora tutabit. Bone vir, qui ita timidus & sollicitus es, ne Christianam puritatem, quam tibi secta vendicas, gentilitio aliquo ritu aut opinione corrumpas: melius tibi cautiusque consuluisse videre, si virtutes quoque morales, iustam ex legibus rerū publicarum administrationem, sententiam omnem de animarum immortalitate, de diuina magnitudine, de inferorum pœnis abdicares pariter atque deponeres. De his etenim omnibus philosophi tum recte senserunt, tum vtiliter etiam alijs præceperunt. Quid? an non potius illud ipsam naturam peperisse existimandum, quod omnes vnanimi sensu proclamauerunt, & professi sunt? Nisi enim rationis diuinitus nobis impressæ, hoc institutum esset, nequaquam omnes gentes tam illis insita mentis vi illud suscepissent: tu vero ne ex angelorum cultu Ethnicus videare, nec Philosophus, imo nec homo esse voluisti. Deridebis idcirco minutā Romanorum diligentiam in colendis genijs, qui (vt à Pierio refertur) tutelares penates caninis pellibus induebant; existimantes ministerium & officium geniorum, canis ingenio quodammodo depingi. Sicut enim canis in domesticos mitis & mansuetus, in externos autem, illosque qui hostili impetu in ades prouunt, furiosus existit, rabidus & truculentus: Ita Genius, cum suorum rebus diligentissime prospiciat, tum acri quadā vi demonum infestationes, aliæ incurrentia mala repellit auertitque. Præposterum sine dubio ad indicandum munus angelorum, non fuis hoc.



hoc Romanorum symbolum. At de patrocinio eorundem à nobis orthodoxe inceptam sententiam, scripturarum quoque abunde testimonijs confirmare possumus. Luculentissime hoc probat imprimis Christus Dominus, cum de paruulis hæc dicat: *Angeli eorum semper vident faciem Patris.* Quod si Angeli eorum sint: habebant illi paruuli Angelos in suam custodiam deputatos. Quotum enim *eorum angeli*, nisi vt rem & vtilitatē ipsorum procurarent? Nam (vt testatur Apostolus) *Angeli administrant* sunt spiritus, in ministerium: *ipsi ad nos, propter eos, qui hereditatem capient salutaris.* Propter nos ab illis discuntur, ipsorum cunei in nostris excubant castris: imo ipsorum custodia in sacris eloquijs Dei castra appellatur. Quis Loth Sodomorum conflagrationi eripuit Angelus. Quis Iacob per tot diuina & horribiles iniquissima fortune assaultus protexit? Angelus. Angelus (inquit) qui eripuit me de cunctis malis. Quis Tobie vitum restituit? Angelus. Misi me Deus, vt curarem te. Quorum ministerio Hebraeis lex tradita, si non Angelorum? Qui accepisti legem in dispositione angelorum. Quis Hebraicæ gentis pecularem curam gessit, nisi Michael Archangelus? Et ecce Michael unus de principibus primis, venit in adiutorium meum. Et quod supremum est, quis letum illum nuntium de filij Dei in carne aduentu nobis detulit, nisi Archangelus Gabriel? Fallitur idcirco Calvinus, qui designati Angeli patrocinium, non nisi opinione vulgi assertum dixit: aliter tane doceri potuit ab antiquissimo Theologo Clemente Alexandrino. Nam per Gentes & ciuitates sunt distributi angelorum praesentia: fortasse autem etiam ex his sunt deputati singuli. Omitto Dionysium Areopagitam, cuius scripta quali suppositicia reiiciunt sectarij; audiant Hieronymum: Magna est dignitas animarum, vt vnaquæque ab ortu sua natiuitatis in sui custodiam habeat angelum sibi deputatum. Et alibi de Paulina loquens, ait: Testor Iesum & sanctos eius, ipsorumque proprium angelum, qui custos sunt & comes admirabilis semina. Accerta D. Basilus, non in subsidium labefactarum causæ, sed in triumphum euerſi inimici. Omni in Christum credenti angelus assistit: nisi illū à nobis per improbas actiones proſtigauerimus. Et alibi: Considera quanta sit angelorum natura, quontam vniuerso exercitui, & castris numerosa hominum multitudinis vnus assimilatur angelus ob magnitudinem: ita eius qui te custodit castra, tibi munitionesque prebat Deus. Et post: Sicut enim muri ciuitatis circumdata omni ex parte obstant, propulsantque hostiles impetus: sic & angelus te prænunit à fronte, & à tergo custodit, & nihil vtriusque incustoditum relinquit.

Sed vti hæreticum arctius stringam, inferam eius pectori dexteram. A quo primum sciscitor, an credat angelum posse opis aliquod solarij atque subsidij rebus nostris adferre? si neget, cum angelo iniuriam faciet, parū dignè eius naturam secum æstimans, tum quoque scripturis apertissimè

Matth. 18.

Maldonat.

vid.

Heb. 1.

Gen. 9.

Tob. 12.

Act. 12.

Dan. 10.

Clem. Alex.

8. Strom.

Hieron. in

c. 10. Dan.

Hieron. in

cap. 18.

Matth.

D. Hieron.

obi. Paulin.

D. Basil in

Psalm. 33.

Probat

ratiōe An-

gelorum cu-

stodiam reli-

gionis nihil

destrahere



repugnabit: quæ passim testantur angelos in homines sapissime extitisse  
beneficos ac salutare. Sin vero asserat ac fateatur, posse quidem eos  
nobis beneficia impertiri, hoc tamen nefas esse ab ipsis implorare: quan-  
doquidem huiusmodi petitio Christi meritis multum derogaret: insignis  
eius stultitia prodigiose se ostentabit, sibilis excipienda non disputatione  
redarguenda. Nam si timori huic, ne Christi gloriæ quidpiam inde detra-  
ctum esset, iusta causa subesset; tunc homini incidenti in Apostolorum  
aliquem, dum munus prædicationis exerceret, nequaquam unquā fuisset  
licitum (quod tamen ipse Apostolus Paulus aliquando fecit) opem eius in-  
uocare, aut exoratum habere, uti ipsum adiutum veniat. Eadem namque  
iniuria Christi meritis illata semper videbitur, ac si angelum orasset. Pa-  
rum erit, nec Theologo quidem digna sententia, si modo dicas orationem  
ad angelum delatam, ideo vim meritorum Christi imminuere, atque in  
ipsum spem nostram extenuare: quod angelus modo beatitudini atque  
ipsis cælis sit donatus: ineptum sane hoc appareret subterfugiū. Quo-  
modo enim loci distantia aut felicitatis ratio, quæ illi obtingunt, cui preces  
fundimus, Christi Domini meritis, aut redemptionis per ipsum plenitu-  
dini poterunt derogare? Imo angelorum suppetiæ auxiliares Christi me-  
ritum commendant potius atque amplificant. Si enim quid angelus pro  
nobis apud Numen contenderit, illud ipsum, etiam angelica voluntas o-  
randi, ipsaque effusa eius petitio, uti prædestinationis effectus ex præiis  
Christi meritis nobis diuina Dei patris clementia conceduntur; quid no-  
bis deest ad salutem ex Christi beneficio, quibus Deus donauit angelos  
atque angelorum principem? Repulsus autem ab hac erroris tui excusatione,  
aliò te iam in fugam prorumpere conspicio; cum dicentem audiam, quod  
tamen tutelarum cura angelorum, vel eorum inuocatio nihil officiat Chri-  
sti dignitati; nihilominus frustraneum esse opus ab illis subsidium petere,  
qui vocum nostrarum, vel etiam indigentia nullam valent notionem è  
terris ad cælos traiectam excipere. Itane à philosophia aberrare non dis-  
pudet, uti à fide resiliat? Hæresi non satis est falsitas, ni accedat quoque sen-  
tentia absurditas. Quid obsecro, sinceræ defæcatasque illas mentes sub-  
terfugere poterit, quæ maris arenas dinumerant, inclusas conchis mar-  
garitas, abstrusa in terræ recessibus metalla contemplantur, omnia deni-  
que vident distincte & enucleate, quæ natura effinxit? Quare ut ait Ter-  
tullianus: *momento vbique sunt, totus orbis illis locus vnus est. Quod vbique geri-  
tur, tam facile sciunt, quam enunciant.* Absque dubio preces atque supplica-  
tiones, quas scriptura sæpius commemorat angelos Deo obtulisse, ipsis  
ignotæ non fuerunt. Restat igitur ut fatearis cælestes hæc pura que in-  
telligentias humanis rebus succurrere, cum possint, easque optime intel-  
ligant:

Rom. 15.

Tertull. in  
Apolog.

Tob. 12.



ligant: maxime quod hoc etiam in Christi gloriam cedat, ac redemptionis nostræ plenitudinem. Atque ex istis satis liquet, qualia existant animorum præsidia ad virtutem, quæve instrumenta eisdem adsint ad proflandum delictum.

*Quænam demum sit perfectio ac culmen humanæ vitæ.*

## CAPVT XXII.



VOt homo ex duobus componatur, animo nimirum & corpore: ut eiusdem perfectionis rationem exploratam habeamus, operæpretium erit utriusque partis bona summam recensere, eaque diligentius cogitare. Atque ut primo in loco de externis emolumentis sermonem inferamus:

Plato hæc tria in vniuersum esse docuit: sanitatem, pulchritudinem, & diuitias iuste acquisitas. Veruntamen quam exilem & tenuem hæc constituant felicitatem, nemini obscurum esse poterit: fortunæ etenim subiecta sæpius mutantur, vel temporis vetustati obnoxia breui absumuntur. Neque credendum est hæc tria vnicuique sæpius, aut diu hæc in

vita solere contingere. Bina sunt Iouis dolia, (ut canit Homerus) felicitibus aduersisque sortibus plena: ex quibus hominum fata non nisi promiscue decernuntur. Duo etiam calices in manu Domini (ut loquitur Psalmista) dispari liquore, utpote nectaris & absinthij redundantes. Neque ex meliori ita degustauit aliquis, ut interim ex deteriori nihil

inlatus perceperit: Et inclinavit ex hoc in illud, veruntamen sax eius non est exinanita. Quemadmodum autem duæ guttæ ex imbre decedentes simul eandem lapidis partem non feriunt: ita neque hæc externa bona glomeratim ad aliquem vitæ sunt affixisse. Plerumque curis exeso corporeculo

crumena nummis plena appenditur. Qui inuentutis ardore concitati voluptates vnice spectant, facultatum dispendio, dedecore, corporisve malochare nimis illecebram emergantur. Cui diuitiæ obtingerunt, iidem quoribus, podagra, aut liberorum luxuries infesta erunt. Qui rerum pollēt notitia, infirma sæpiissime affectaque vtuntur valedudine. Nemo est sapientum, in quem fortuna iniquior impetum non fecerit. Prouerbio iam inoleuit, Philosophiæ affectam esse paupertatem. Quamobrem si externis hæc bonis definienda sit beatitudo, exiguus sane reperietur beatorum numerus; quem & Plinius ita perstrinxit: *Una seminarum in omni æuo*

*Lampido Lacedæmonia reperitur; quæ regi filia, regi vxor, regis mater fuit: una*

*Pherenissa,*

*Bona temporanea quæ.  
Plat. in  
Gorg.*

*Bona nostra  
mala admixta.  
Psal. 74.*

*Plin. hist. lib.  
7. cap. 41.*



Pherenissa, quæ filia, soror, mater Olimpioniorum, vna familia Curionum, in qua tres continua serie oratores extiterunt: vna Fabiorum, in qua tres continui Principes senatus, Marcus Fabius, Ambustus Fabius, Rolianus filius, Quintus Fabius, Gurges nepos. Atque vti de singulis concludam, diuitiæ possessorem absumunt, vel absumuntur ab ipso: sanitas ad morbum aut repit aut festinat; pulchritudo efflorescendo & dilatando se marcescit, sicut rosa dum se explicat solis radio, obiecta perit & concidit.

*Felicitas  
huius vitæ  
non perfecta.*

*Prover. 9.*

*In virtute  
non absoluta  
felicitas.*

*Gen 27.*

Vt vero ad interna bona ipsius animæ transeamus; videamusque quamnam felicitatis ratio ex illis oriri poterit, sententiam Platonis verissimam comperiemus: *Haud sane* (inquit) *dixerim posse homines beatos evadere & felices, dum vitæ hæc superest*: Quod etiam scripturæ vocibus consentiens omnino reperitur: *Μοι μακαρίσις ἀνδρα πρὸς τελευτῆς*. Ne hominem beatum dicas, priusquam vitam cum morte commutarit. Tametsi vero summa hominis perfectio in virtute posita sit, quæ ad vitæ tranquillitatem satis etiam faciat: nihilominus quod huic quam plurima mala acerbaque sint adiuncta; absolutam felicitatem nequit alicui parere ac refundere: hæc enim mali expers est, & bonorum cumulus integerrimus; vel saltem vna aliqua perfectio, quæ mala omnia vi sua profligat atque exterminat: quod sane huic nostræ vitæ non contingit. Cum enim sapius corpus male afficiatur, tametsi animus virtute probe sit excultus, nihilominus corporis causa discruciabitur, eiusque ægritudines non nisi acerbè patietur. Ipsa quoque ex virtute molitio labori, difficultati, atque molestiæ obiacet: quæ perfectam sine dubio felicitatem impediunt. Vt acquiratur virtus currendum, decertandum, anhelandum: indepta vero eadem contentione seruat. Quemadmodum enim ager vt vberes effundat fructus, diurnam & perpetuam quandam agriculturam postulat; ita animus vt virtute exornetur, in ipsa pugna trepidus, neque in victoria securus, assiduam diligentiam & perennes labores abicere non debet. Quam autem difficilis acerbaque sit virtutis operatio, satis clare expressit Patriarcha Abraham, qui vt Deo obsequium præstaret, suis manibus filiū Isaac, quem vnice dilexerat, sacrificio voluit immolare. Nemo credo est, qui ipsum in tali opere atque officio præstando plene beatum aut felicem pronuntiabit. Si enim sensum ipsius animæ cogitemus: admiranda plane illa fortitudo apparebit, quæ abiecto filio superstruere lignorum, paternum illud brachium in altum erexit, ad vulnus mortemque charissimæ soboli inferendum. Sine dubio tantus ille amor, si non sufficiens ad rerundendam aciem gladij, satis tamen videbitur ad exerti brachij nervos debilitandos. Ipsius Isaac amabilis vultus, cum fascia illi oculi essent obvoluti, ambigua & ancipiti cura paternum animum distraxit. Mansuetudo



tudo illa spectabilis, qua iugulum sponte cultro submisit filius, parentis viscera acri quodā dolore contorsit. In parentis oculis lachrymæ, in corpore tremor, in ipso corde cusps, cruorem filij effundendum anteuerterunt, & in duas quasi partes diuisus Abrahami animus, intestino quodā bello exarsit. Nec intelligo, an filium, vel seipsum facilius potuerit occidere: vel an vno lethali ictu vnum tantum, non duos interficere. Quamobrem non tam demirari soleo Sampsonem, ciuitatis portas effferentem humeris, leonis artus dilacerantem, hostium turmas maxilla trucidantē, columnas concutientem, quam elatam hanc Abrahamæ manum ad mortem filio Isaac, eique charissimo pignori infligēdam. Quomodo ille paternus affectus non vicerit? quomodo brachium casto & irritato conatu non se dimiserit? At virtus illi neruos tetendit, animumque fortitudine roborauit. In hac quidem condolentia, agone, & cruciatu virtutis excellentem formam, veluti rosam inter spinas intueor: summam tamen illam felicitatem, quam humanus animus desideraret, non video. Virtuti itaque adiuncta est acerbitas: ideoque Hebræi Paschalem agnum non comederūt, *Exod. 12.* nisi cum lactucis agrestibus. Iacob vt patris lucraretur benedictionem, *Gen. 27.* hispidus & hirsutus domi apparuit, foras profugus & extorris fuit. Proponere mihi soleo ante oculos, tanquam ipsius honesti expressam quandam formam, magni illius Davidis, quem rebellium arma vrgebant, *2. Reg. 15.* fugam & dilapsam. Hic nempe hostili odio, idque à proprio filio ad necem exquisitus, humanis omnibus præsidij abiectis, vitæ suæ consulens, ad montis cuiusdam culmen contendit, veluti ad effugium & asylū: in quo preces ad Deum, pro se suorumque salute tutanda, effunderet. Scandens autem & flens, nudisque pedibus incedens, aperto etiam capite montis cliuum petit. Hic ille David, sanctitatis laude conspicuus, diademate clarus, diuinis testimonijs illustris, tot trophæis nobilitatus, in tantis angustijs, & tam atrocibus malis constituitur. Neminem hominum existimarem Absolone rebeli suo carere, qui animæ rationisque imperium, virtute stabilire aggreditur. Nullus enim libidines superauit, nisi aufugiens cum Ioseph, in meretricis manu pallium reliquerit: vel ardorem *Gen. 39.* corporis repressit; nisi cum Paulo carnem castigarit, durissimeque exceperit. *1. Cor. 9.* Ex quibus malis euenit, vti desiderent homines vitæ istius pertecti, ad superos euolare, & tanquam veterani milites, missionem à duce flagitare non cessant: *Cupio dissolui, & esse cum Christo,* inquit Apostolus. Vnde *Phil. 1.* D. Augustinus: *O vitam beatam, quæ vt finiatur, mortis querit auxilium: si beata est, maneat in ea; si vero propter ista mala fugitur, in ea quomodo est beata?* *D. Aug. 19. Ciu. cap. 4.*

Nec quidem in hoc nostro rerum statu, sine peccato saltem veniali,

E c

degitur:



*Vita hac  
peccato ob  
noxia.  
Prov. 20.  
Prov. 24.  
Psal. 18.  
Iudicia  
Dei oc-  
culsa.*

degitur: quod doloris sensum sane in animo cuiusvis ingenerare poterit. Interdum etiam negligentia & oscitantia quadam præclaras bene operandi occasiones dimittimus, ac inde nobis maculas inferimus. Quis enim castum se habere cor gloriatur, cum iustus septies in die offendar, atque ab occultis alienisque peccatis Propheta David liberari desideret? Cum etiam vitæ nostræ illud sit discrimen, ex quo omnia incerta pendet, anxius manebit quilibet de vitæ istius exitu, præmijque retributione. Nā qui sancte maiorem vitæ partem transegisse videntur: in ipso ferme portu aliquando naufragiū faciunt, vnoque peccato mortifero multipliciū bonorum damnum suscipiunt. Occulta denique sunt divina iudicia, prædestinationis ratio nobis incognita. Sed neque euidenti argumento nos veram iustitiam adsequutos intelligimus: tranquilli esse possumus, securi esse non possumus: perpendiculum dimittere haud valemus ad abyssum & fundum diuinorum consiliorum. Quare quemadmodum si in Gallijs Romam quærerem, vehementer errarem: viam tamen quæ Romam ducit, ibi inuestigans, facillime inuenirem: ita in hac vita, ad felicitatē nobis aditus patet, & quasi via expanditur, ipsa tamen alio in loco inuenitur.


*Eurip. in  
Troad.*

..... Τῶν δὲ εὐδαίμωναν,  
Μήδενα νομίζετε εὐτύχειν, πρὶν ἀνθάνῃ.  
..... Et beatum neminem,  
Solide felicem dicito, antequam extremum obeat diem.

*De ultimo animæ fine, eiusque beatitudine.*

### CAPVT XXIII.

*Ex hac vi-  
ta fuga op-  
tabilis.*



VI in alieno solo exules vitam degentes, aduersis rebus affligantur: nihil prius in consilijs habent, quam fuga dilapsique sese quamprimū illis malis eximere. Talem autē mentem ad fugam comparatam vti nobis iniiceret Deus, molestijs atque ærumnis hanc vitam nostram mortalem vndique obsepsit ac implicauit: quarum cogitatio, meliorisque status futuri præmeditatio, labores nostros virtuti impensos cum leuarent, tum etiam vitæ istius exitum, veluti post iactationem optatissimum portū, nobis visendum exhiberent. Quotusque reperietur mortalium, qui virtutem suā gratia tot aculeis obductam expeteret? vel patienti tranquilloque animo perituræ vitæ decursum & occasum sustineret; si efflatam animam hominum iudicijs beatitudo nulla, laborum nullus fructus exciperent? Quis

pectus



pectus ardentibus telis objiceret, aut dispendium bonorum indies pateretur, nisi cuiusdam cœlestis præmij firmissima expectatio ipsum confirmaret? Sterilis sane arena, ac sole adustus virtutis esset campus; ni hominem in eo exacta contentio ad superos eueheret, ac præmio insigni agonotheas donaret & colonos. Quocirca non aliunde vita istec bona apparet, quam quod in stadium inducat homines, qui cursu præmium cœleste assequantur: *Vu dicere* (inquit Chrysostomus) *quare bonum sit præsens* *Chrysost.* *vita? quia futura nobis vitæ materia efficitur, & occasio, & certamen, & stadium* *homil. 6.* *habendarum illic coronarum est. Quod si hæc nobis non præberet, innumerus mortibus esset miserabilior.* *ad pop.* Nihil quidem laboribus nostris in hac vita iuste responderet: imo virtutibus addicti passim incurrunt in paupertatem, ægritudines animæ corporisque: in hos cœli intonant, terra fremet, omnisque aduersæ fortunæ iniuria exercetur. Ratione idcirco constat alium finem humanis negotijs esse constitutum, in quæ sensus intendere non possunt. Huc tamen tam animæ motiones, quam corporis ipsius forma nobis indicant, & veluti quibusdā argumentis ac signis adstruunt luculētissime.

Imprimis illa vis immensa & propemodum infinita cogitandi, quæ pernici volatu per omnia deferretur: cuius agilem facultatem nihil ex- *Felicitas* *futura vita* *probat ex* *ipsius intellectu* *virtutis.* quare poterit, probat animum debere aliquando incidere in apertam claramque Numinis contemplationem. Hæc siquidem non solum percuncta spatiatur ulterius semper aliquid inuestigans, verum etiam voluntatem quoque cupiditate videndi illud, quod omnium optimum est & supremum, mirifice accendit atque inflamat. Ut enim disseruit D. Thomas: visis effectibus, naturale quoddam desiderium unumquemque *D. Thom. 1.* insidet conspiciendi eorundem causam: quo fit uti perspectis illis rebus, *part. q. 12.* *art. 1.* quas effudit diuina manus, præstantissimoque ordine superna illa sapientia disposuit, ardentem voluntatis energia cupimus videre causam; ipsumque Deum omnium authorem intueri. Qui quidem appetitus in nobis adeo vehemens est & summus, uti diuitiæ aut deliciæ istius vitæ illum sistere nequeant aut satiare. Quibus tamen à me dictis obsisteret fortassis aliquis, ac dicet hunc ipsius Dei visum, donum quoddam esse supernaturale ac diuinum; proinde fide tantum, non vero humana inquisitione cognoscendum: infirmæ ea propter censebuntur à natura nostro intellectui attributæ vires, uti ex illis ostendere valeamus animæ felicitatem in conspectu Dei positam esse & collocatam. Naturale autem illud desiderium videndi causam, exortum ex aspectu effectuum, cuius mentionem intulit D. Thomas, moderatius forte erit accipiendum, quâ uti illud extendamus ad dilucidam claramque substantiæ diuinæ contemplationem; quin existimandū in eam Dei visionem natiuā hominis ferri cupiditatem



*Desideriū  
natura  
viuendi  
Deū qua-  
le est.*

*Felicitas  
anima in  
operatione  
circa Deū.*

*Phil. 3.*

*Beatitudo  
in opera-  
tione in-  
tellectus.*

piditatem, quæ naturæ competit: qualis illa iudicabitur, quæ illustrem aliquem Dei effectum attingit, in quo veluti in imagine ipse Deus explicatius, quam in alijs intelligatur. Veruntamen hæc mihi singula expendent, cum neque ad rem ipsam vera, tum neque ad D. Thomam appositè dicta videntur: Quantumuis etenim conspicuus & insignis Dei effectus, menti alicuius obijceretur, quo perfectior atque eminentior percipitur à mente, eo acrius eiusdem despectus excitabit voluntatem cupiditate videndi causam: quandoquidem in nobiliori effectū magis eluceat diuina perfectio. Impetum idcirco desiderij non siset creaturæ intuitus, sed potius stimulis continuo ad vltiorem Dei visum incitabit. Ex natia itaque intellectus perspicientia (si modo clare constet aliquando satiandam fore & explendam cupiditatem videndi, qua voluntas nūc flagrat) inferre possumus conspicuam dilucidamque Dei visionē illi debere obtingere, qui felicitate perfecta absolutaque donatur: quandoquidem cetera omnia exaceruerent potius desiderium illud, quam satiarent. Porro D. Thom. non adserit visis effectis inditum vnicuique desiderium præstantiorem causæ effectum videndi, sed appetitum esse ipsammet causam conspiciendi: existimarem itaque vel absq; fidei luce cognosci potuisse, hominem institutum ad videndum Deum, rerum omnium causam: tamen si ignorarint philosophi hanc ipsam visionem rem esse supernaturalē; putantes ad illam naturam omnino esse accommodatam: neque eius vires vlla ratione excedere. Cum autem animam ipsam certis quibusdam facultatibus instructam videamus: euidens est, eiusdem felicitatem, operatione aliqua eius aut pluribus comparari: quæ quidem operatio (vti omnium excellentissima) supremum quoddam obiectum postulat, quo nihil altius & sublimius: quod nullum aliud erit quam ipsemet Deus. Circa hunc idcirco animus versabitur, cum intellectus notitia, tum voluntatis amore. Disputatio autem illa, in qua anxie & sollicitè quærere solent Theologi, vtrum præcipua pars felicitatis sit operatio intellectus an voluntatis: proluxa tractatione, vel etiam subtili, (si rem ipsam spectemus) non indigebit: iudicarem itaque primas actioni intellectus deferendas. Cum enim Apostolus Paulus quandam ipsius Dei comprehensionē ijs, qui cum virtute vitam transigunt, polliceatur: innuere videtur felicitatem, præcipue in mentis conatu consistere: quandoquidem istius munus sit solum obiectum comprehendere. Voluntas quidem suo amore effundit se potius ad obiectum; intellectus autem illud in se suscipit: non substantiæ ratione, sed imaginis. Infertur etenim menti species impressa ab obiecto: quæ eiusdem est imago: ipsaque aliam elicit speciem, quam expressam dicunt: nimirum actum percipiendi, quo res conspecta ad viuunt.



viuum representatur. Prætereo itaque impuratisimum Mahometum, *Mahometi beatitudo facta, nec dissimilis illa Millenario-*  
 qui exacta hac mortali vita, in corporum libidine beatitudinem suâ de-  
 miratur; delicijs crassioribus futuram illam æstimans felicitatem. Nam  
 quod felicitas vltimum quid sit hominis, atque præstantissimum: illius  
 facultatis operatio erit, quæ à brutis secernimur: corporeæ autem illece-  
 bræ vsus nobis est cum illis communis; felicitas itaque ponetur in ope-  
 ratione intellectus & voluntatis circa Deum: quod & ipsa corporis no-  
 stri structura satis indicat: *Tui corporis effigies rudimētum quoddam est, quo do-*  
*ceris ad quem finem conditus sis, ut Deum contemplare factus es, non ut humi repas-*  
*vita tua, non ut peculum ritu voluptate perfruaris, verius ut ad normam & insti-*  
*tutum celestis vitæ tuam ipsius conformes.*

Vt autem de præstantia istius felicitatis aliquid per coniecturam asse-  
 ramus: multa sunt quæ illam nobis mirifice commendant, atque vti cu-  
 mulatissimam exaggerant. Inter quæ, nō modicum argumentum præbet  
 ipsius cœli aspectus, in quo veluti in deliciarum paradiso percepturi su-  
 mus gustum felicitatis. Nam quemadmodum malorum animæ infernali-  
 bus flammis præsentibus, in illis locis inferis misere torquentur: ita beato-  
 rum animæ vera atque reali præsentia cœlorum spacijs inclusa, suauitate  
 & amœnitate illius loci perfruuntur. Nullo idcirco modo audiendus Du-  
 randus, (licet de hac re absolute nihil præsumat definire) cum dicat ani-  
 mas à corporibus separatas, quantum ad situm locumque nullibi esse: nisi  
 extrinseca quadam denominatione exorta à deputatione diuina, qua ad  
 certa loca relegantur, tamen illis substantiæ præsentia reuera non adsint.  
 Quod quidem de descensu Christi animæ ad inferos asserere, omnino hæ-  
 reticum videbitur. Aristoteles sane intelligentias ipsis cœlis affixit: & pa-  
 tres vnanimi consensu dicunt in cœlo empyrio conditos fuisse Angelos.  
 Ex conditione idcirco loci nobis vtcunque innotescunt gradus & men-  
 sura felicitatis. Si enim in terrestri Paradiso, in qua peregrinus homo  
 versabatur, tanta pulchritudo effulsit: quātam in cœlo nitere superius su-  
 spenso iure quis cogitabit? etenim loci ipsius sublimitas, naturæ quandā  
 arguit præstantiam. Extremam cœli faciem intuemur astris veluti gem-  
 mis distinctam, pulcherrimisque luminibus irradiatam: atque fulgor ille  
 currenrium & labærium siderum, ordines eorundem, ita animos nostros  
 & oculos sursum rapiunt; vti philosophorū quidam merito dixerit, ideo  
 hominem in lucem emeruisse, ut cœlos contemplaretur. Quod si externa  
 illa species ita in oculis nostris effulgeat: qualem faciem credibile est repe-  
 riri in illis rebus, quæ cœlorum ambitu coërcentur? Terra hæc quæ flagi-  
 tiosorum vita est coinquinata, quæ Dei maledictum excepit, in qua aër  
 tempestatibus deliquit, cœlum noxijs influentijs debacchatur: nihil domi-

E e 3 nus



nus admirabili quadam iucunditate sensus omnes perfundit. Quid existimandum de cœlestibus illis spacijs, quæ scelera nunquam coinquinant, quæ diuinæ sententiæ acerbicatem non exceperunt, in quibus nec spinæ nec tribuli succrescunt, vbi serpentes non repunt, aut rapinæ rostro vnguibusque intenti volucres, ala suspensa sanguinem meditantur? Si etenim paradysus propter dignitatem coloni ipsius, nimirum primi hominis in naturæ integritate cōstituti, ita exornatus pulcherrimeque omni bonorum genere ditatus fuerit: cœlorum regio proculdubio splēdior erit, quæ illos recipiet, non qui conditione ortus sanctitate & perfectione florent, sed qui infinitis laboribus, vulnere perpeffione, atque ipsius mortis tollerantia ad brauium & coronam peruenerunt. Quam mollis culcitra artus refocillabit virtutis gratia defatigatos? quam suauiter spirans aura anhelantes ex cursu ad Deum recreabit? quod oleum fluet & balsamum ad eorum corpora, qui in bonis actionibus exhaurientes vires obriguerunt? quam iucundus sonus illorum aures pulsabit, qui dum veritatem asserent, omne contumeliæ genus susceperunt? quæ tandem dapes in illud os inferentur, quod seueriori temperantiæ lege castigatum, delicias repudiavit? Contulit idcirco sanctus Chrysostomus sublimia illa cum istis deorsum depressis, quæ sensus nostri admirantur, ac dixit: Splendida respicis ædificia, & horum te fallit aspectus, statim in cœlum respice, à lapidibus & columnis, ad illum decorem oculos reflecte: & videbis quod hæc formicarum sint & culicū opera: contemplare speculū, ascende ad cœlestia, illic ædificiorū disce splendorē: & hæc omnia nihil esse inuenies, sed paruulorū ludibria puerorū. Molitiones autem puerorū vel formicarum nullus hominum magni estimat, vel eas scire multum desiderat: ita si cœlestibus negotijs intenti essent animi, ædificiorum hæc culmina, pompas, denique omnes, & gloriolas puerorū ludicra iudicarent. Illa autē quæ cœli complexu cōtinētur, inferius leuiter saltem adumbrant insigniora quæ videmus. Vnde S. Fulgentius quo tempore Theodoricus Italorum Rex urbem ingrederetur, loci apparatus conspicatus dixit: si sic fulgeat Roma terrestris, quam speciosa erit Hierusalem cœlestis? Nihil autem ita cœli fulgores nobis ob oculos statuit, atque in Ecclesia Catholica splendidissimus sacrorum cultus, in quo exprimuntur eius decora & ornamenta. Hinc sacerdotum atque clericorum ordines decentissimi, fulgentia altaria, in auro libationes antistitum, odorum sparsiones, collucescentes rede, fulgentes vestes, ipsam ecclesiam in qua reperiuntur, alteram constituunt Hierusalem, nouam & è cœlis ad terras descendentem: quam quidem cœlestem ciuitatem ita descripsit Euangelista: *Erat structura muri eius ex lapide iaspide, ipsa vero ciuitas aurum mundum, simile vitro mundo; & fundamenta muri ciuitatis,*

Chrysost.  
homil. 55.  
ad. pop.

Fulgent.  
vita eius  
apud Sur.  
Splendor  
ecclesia  
repre-  
sentat cœlū.

Apoc. 20.

Apoc. 21.



ziz, omni lapide pretioso ornata. Fundamentum primum iaspis, secundum saphyrus, tertium calcedonius, quartum smaragdus, quintum sardonius, sextum sardius, septimum chrysolitus, octauum berillus, nonum topasius, decimum chrysoprasus, undecimum hyacinthus, duodecimum amethystus: & duodecim portæ, duodecim margaritæ sunt per singulas, & singule portæ erant ex singulis margaritis, & platea ciuitatis aurum mundum, tanquam vitrum perlucidum. Istius ciuitatis tres præcipuas partes recensuit Euangelista, murum, plateas, & portas. Muri nomenclatura mihi ob oculos proponit securitatem beatorum: qua immunes prorsus sunt ab omni infestatione hostili: nec deturbari possunt è summo illius felicitatis gradu. In plateis aureis cumulata eorum opes monstrantur. Atque plateæ illæ quæ instar vitri mundè elucet, denotant diuitiarum inibi possessionem non tenebras offundere intelligentiæ ipsorum, sed lucem potius adferre & cognitionis radium. Duodecim portæ effusam Dei benignitatem, apertamque ad excipiendos eos, qui undique ad ipsum confluunt, apposite videntur mihi repræsentare. Quæ quidem omnia: aurum nimirum, lapides pretiosi, atque margaritæ, natio quodam situ in tenebris veluti impura delitescunt, terræ visceribus, rupium concavis, aut marinis conchis inclusa: ignis autem vi, mallei feritu, aut limæ politura illam, quam artificio alijs rebus inserta perfectionem habent, nanciscuntur: ita in superna ac cælestia loca adsumendi homines, pressuris confictati, flammisq; decocti, angulos deserunt ignotæ absconditæque vitæ, & in admirabili quadam felicitatis luce collocantur demum, ac summo quodâ eo loci perfruuntur decore. Hoc autem cælum, quod Deus è capitibus nostris veluti Imperatoris tabernaculum tetendit, luminum varietate atque cursu exornatum esse voluit: vti ex eius aspectu, in difficillimis vitæ negotijs reficiremur: & ad illius loci expeditionem acius incitaremur. Sicut enim è regione paradisi primus homo ideo exul ponebatur, vti illius horri intuitu in odium peccati moueretur, quod exilio causam dederat, ipsumque sollicitauerat ad transcurrentem diuinam legem: ita ad subiiciendam spem mortalium animis inclinantibus, & assidua conflictatione propemodum defatigatis, qua erigerentur, statuit Deus vti cælum ipsorum oculis perpetuo obuerlaretur. Nauta quidem in cælum aspectum dirigens, nauim recta inflectit: agricola cæli ratione perspecta, semina spargit, culturamque exercet: medicus pharmaca præscribens, cælorum motus animo perpendit: ipsique milites sub clemētī cælo aciem petunt alacriores: denique cælorū benignitate exhilarantur omnia, florent atque pubescunt.

Alia autem iucunditatis, qua beati perfunduntur, causa existit longe  
 yberrima: clara nimirum & explicata ipsius Dei cōtemplatio: quam im-  
 mensa

*Dulcedo ex-  
 visione Dei;*



mensa quædam voluptas necessario concomitatur. Hac etenim operationis illius effectus est, quæ naturæ vel maxime consentit: ideoque illecebra quadam dulcedinis inescati viuentium sensus, ad aliquid efficiendū pertrahuntur: quod evidentissime liquet in corporum cura sobolisque propagatione. Verum non solum opinio iucunditatis mediocrum electionem expetibilem reddit, sed etiam voluptas ipsis finibus insita fruitiones constituit optabiliores. Adsequuto etenim fine, quies emanat, in qua animus dulcissime oriatur: tunc enim ad sensus nostros præcipue iucunditates affluunt, quando voti compotes effecti, negotijs & agitatione vacamus. Neque enim existimandū erit diuina lege omnes voluptates homini in vniuersum esse interdictas. Voluptas etenim summa ingressum primi parentis in paradysum excepit: vita hæc nostra virtute excolta, admirabiles voluptates effundit: cum autem peruenerimus in patriam lacte & melle manantē, incredibili voluptate perfruemur. Solummodo Deus voluptatem ex illicitis nobis pernegauit; quæ quidem vera voluptas nō est, sed fucata, animorumque deceptrix. Quomodo autem totius vitæ nostræ cursus, voluptatis sensu perspersus sit, istis docuit Aristoteles: *Omni-um enim animantium cōmunis est voluptas, eorumque omnium, quæ sub electionem veniunt, assidua comes est. Nam quicquid honestum, quicquid vtile est, id omne iucundum videtur. Præterea vero à teneris vnguiculis vna nobiscum educata est; atque idcirco hunc effectum animi, quo vita nostra tincta & penitus imbuta est, eluere atque abstergere difficile est.* Quocirca non corporibus tantum, sed & animis voluptas erit constituenda: imo quæ animæ est, maior expressiorque existit ea, quæ corporis; hæc quippe in tristitiam aut sordes incidit: illa constanter fluit vti pura & sincera. Nemini autem obscurum esse poterit, quin intelligat summam debere iucunditatem animam afficere, cū in vultum Dei intenderit. Si enim in hac vita (vti animaduertit Aristoteles) latari & gestire solemus, cum exilem aliquam cognitionem diuinorum perceperimus: quanta iucunditate perfundemur, quando abiecta vmbra, excussoque fidei ænigmatē, ipsum Deū dilucide intuebimur? Vix tantæ lucis radium, aut voluptatis torrentem, posse humanum animum sustinere, aliqui existimati sunt: atque dixerunt ideo apud Esaiam prophetā, Seraphinos obductis alis facies suas velasse: quasi (vti inquit Chrysostomus) *excluderent radium è throno prodeuntem, eo quod ferre non poterant immensam eius gloriam.* Non tamen putandum erit, ita aciem mentis illi obiectam diuinam essentiam perstringere, quemadmodum solis radius oculum feriens illum hebescere & cecutire facit; nulla etenim actio Dei in animam eius naturæ nociua cogitari poterit: qualem experimur, dum sol vehementi radio oculum verberat, & exinde perturbat. Sententia quoque

*Voluptas  
non omnis  
illicita aut  
à Deo ve-  
rita.*

*Arist. 2.  
Eth. c. 3.*

*Arist. 1.  
Metaph.*

*Esai. c. 8.  
Chrysost.  
homil. 1. in  
verb. Esa.*



quoque ecclesię definitum est, beatorum animas ipsam Dei essentiam clare, explicateque, non aliquid tantum ab illa deriuatum intueri: quod neque videtur lauiſſe Platonem, qui solutis animis, & ex corporum ergastulis euolantibus, primæ lucis ac veritatis aspectum pollicetur. Grauiſſime tamen Eunomius & alij errarunt, affirmantes natiuam intellectus vim satis confirmatam esse & idoneâ sua natura, ad exprimendam felicissimam hanc visionem. Requiritur enim (quod & ecclesiæ sanctione stabilitum est) quoddam gloriæ lumen, quo mentes eorum, qui in Deum intendunt, roborentur atque adiuuentur. Cuius necessitatem non philosophia, quæ proportionis rationes inter obiectum atque facultatem exquirat, euidenti aliquo probat argumento (vbi Ioannes Scotus subtilissimè disserit) sed scripturarum autoritas eam adstruit tantum ac definit. Accedente enim quouis lumine, quæ demum proportio exoritur inter mentem finitam ac ipsum Deum infinitum? Si dicas obiectiuam emanare: hanc naturæ asseram posse competere absque subsidio qualitatis supernaturalis, si modo puræ philosophiæ litis æstimationem detuleris: at de his hæcenus. Huiusmodi sane visione beatis propinantur nectar & ambrosia, quorum Homerus meminit: quod nempe omni iucunditatis genere perfundantur, qui ea perfruuntur. Terram quoque inhabitant (vbi scriptura loquitur) fluentem lacte & melle, inebriati ab vbertate domus Dei. In lacte niueus ille candor oculis admodum gratus, præstantiâ atque claritudinem significat intellectuæ visionis: mellis autem dulcedo, ex fruitione Dei admirabilem denotat iucunditatem. Hæc quidem duo, mel nimirum & lac, quæ ad vitæ nostræ sustentationem plurimum faciunt, absque labore nostro nobis adueniunt, & aliena solertia comparantur: ita qui bonis illis cœlorum gaudent, sollicitè sua commoda non quærunt, nullis inibi curis distringuntur: sed ipse locus illis omnia grata & iucunda affatim suppeditat. Quemadmodum enim sex annorum spatio Hebræus populus assiduè corporum defatigationibus, vitæ indigentia succarabant: septimo vero anno feriati à negotijs eis solummodo ad pastum utebantur, quæ terra sua sponte effuderat: ita quæ huius vitæ sunt vtilia, labore, cõtentione, & veluti agricultura, corpore animaque subactis, comparatur: Cum autem in florentissimas illas regiones peruenerimus, nobis quasi nihil agentibus, omnia affluent iucunda. In medio enim cœlestis paradisi est fons, cuius riuulis perenni motu decurrētibus, locus ille floret irrigatus, & vberissime innumera bona incolis elargitur. Mel quoque & lac, quæ sine corporum mixtione atque coitu fiunt, & nostris nunc vñibus inseruiunt, castitatis sunt insignia ac puritatis: vt discant Millenarij cum Mahomero, cœlestes delicias libidinosas non esse aut sœdas, sed

F f nitidissi-

Conc. Later.  
Flor. Anroſi.  
Clem. ad  
noſt.  
Plat. in  
Tim.  
Eunomij  
error.  
Lumen gloriæ  
necesse-  
rium.

Scot. in 2. d.  
1. q. 1. c.  
in 4. d. 49.  
q. 11.

Quare cœlis  
terra, quæ  
fuit lactis &  
melle.  
Exod. 3.

Exod. 23.

Gen. 4.



*Apoc. 21.  
Matth. 3.  
Hier. 38.*

nitidissimas ac synceras. Tunc etenim (quod & Euangelista vidit) zonæ aureæ insigni nitore fulgentes, lumbos præcingent: non quidem pellicia, aut hispida, vel putrida, atque conscissa, quibus Baptista & Hieremias vsi sunt; sed aureæ plane, cum precio summa, tum decore ornatissima, artus corporeos constringent ac continebunt.

*De ultimo fine humani corporis.*

## CAPVT XXIIII.

*Resurre-  
ctioni cor-  
porum ob-  
sistunt pla-  
citta Philo-  
sophorum,  
similiter  
& hæretici  
Manichæi,  
& Origeni-  
stæ: sed du-  
plici argu-  
mento in-  
ducti.  
D. Aug.  
de hæres.  
Tertull.  
de carn.  
Christ.  
Iren. lib. 1.*



**V**I ex orthodoxa fide rediuuam emortuæ carnis è pulueribus excitationem adstruunt, Philosophos omnes aduersarios habent, negantes resoluta in terram corpora, denuo spiritum vitamque posse recipere. Ex hæreticis quoque quamplurimi in eundem cum Philosophis scopulum impingere. Qui quidem duplici classe dispersi, alia atque alia ratione corporum resurrectionem pernegarunt. Quidam credentes carnis concretam molem à malo principio propagatam, eam, utpote pessimi authoris opificium, intercedente morte semel excisam, de integro restitui ad vitam non debere proclamant. Ita post Simonem magum, Basilides, Valentinus, Apelles, Marcion, Serdon, Manichæus. Ab his diuersi Origenistæ ex ipsa corporis structura, vsuque membrorum à natura instituto, probare voluerunt, animæ, cum in æthereas illas sedes penetrarit, carnis compagem fore inutilem, onerosam, & indecoram. Quocirca (ut ipsi loquuntur) exuendæ sunt pelliceæ corporum tunicæ, neque vnquam in posterum resumendæ: quemadmodum nec serpens detractam pellem iterum induit, vel aquila cum iuuentus renouata fuerit, excussas pennas alis refigit. Subtiliorem postmodum & minutam adhibentes humani corporis partium disquisitionem, inuenientes eas muneri in illo statu beatitudinis exequendo ineptas, constanter carnis molem semel prostratam confectamque resuscitadam non esse aut resarciendam pronunciarunt. Quid, inquit, ibi faciet caput capillitio ornatum? quid palpebræ, nunc veluti fetis contactæ, ad intercipiendos sudores guttatim è fronte fluentes, ne in pupillam inciderent? Quid oculi? quid nares? si nec obiecti illis colores tunc occurrerent, nec efflati odores se in meatus illos insinuent. Quid structura oris gingiuis distincta, & dentibus armata ad cibos conterendos? Quid lingua flexilis ad os eluendum, ad humorem excitandum, ad aërem elidendum, vocesque ac sonos exprimendos accommodata? Latentiores quoque



quoque corporum partes si despiciamus: ad nutritionem, ad vegetationem, ad sobolis propagationem relatas comperiemus. Hinc inde septa trāſuerſa, ſpina dorſi, pulmones ad cor refrigerandum, ſtomachi os apertum, & concavus eius ſinus, diſcurrentes per corporis partes venæ, vt ſanguis ipſo motu defecacior euadat, & fluente humore corporum artus irrigentur: nulla autem horum officia erunt, cum cælum beatos exceperit. Quocirca (vt ſcribit D. Hieronymus) Origeniſtæ orthodoxos, quod corporum *animatorum* cum ſingulis membris aſſerent, per ludibrium pilloſiſtas appellarunt, homines animales rudesque. Cum tamen bene animaduernerint animam ſubſtantiam quandam eſſe imperfectam, alterius rei conſortium expetentem, ne perpetua à corpore diuulſio illi eſſet violenta & moleſta: finxerunt alia corpora ſubtiliora, ad tenue & quaſi ſpirituale elaborata, figure orbicularis ſolutis animis adiungenda. Et quidem more ſectatorum, ad ſacrarium hi quoque confugientes, ſcripturarum authoritate atque teſtimonijs errorem ſuum confirmarunt. Illud autem Apoſtoli ſæpius ab ipſis uſurpatum: *Seminatur corpus animale, ſurgit corpus ſpirituale*. Si ſpirituale dixerunt, proſecto quod in ſepulchro contabuit, quodque à ſpiritu maxime alienum, haud reſurget. Porro Apoſtolus eo loci reſuſcitationem corporum enatis ſpiciſ & frugibus comparat, quæ ex corruptis in terra ſeminibus, in altum poſtmodum effloſcunt. Quod autem computruit terræ coopertum gleba granum, ſpicæ geniculis non iterum inferitur, ſed aliud proſuſ. Eodem modo, corpus in pulueres reſolutum, nunquam accedet ad animam, ſed aliud alterius rationis. Nam (vt ibi concludit Apoſtolus) *Caro & ſanguis regnum Dei non poſſidebunt*.

*D. Hier. ep. de error. Ioan Hieroſol.*

*Origeniſta corpora animis beatiss concedunt.*

*1. Cor. 15.*

Priusquam autem argumentis phyſicis corporum reſurrecciónē probabilem efficiam, operepretium duxi hæreticis obuiam ire, & ex eis principijs, quæ nobis cum illis ſunt communia, eandem adſtruere. Nihil ſane ſcriptura ſæpius inculcat, aut clarius deſinit, quam quod corpora morte proſtrata, reſurrecciónē interueniente, iterum vitæ ſunt reſtituenda. *Sciẽtes* (inquit Apoſtolus) *quoniam qui ſuſcitauit Ieſum, & nos cum Ieſu ſuſcitabit, & conſtituet vobiscum*. Niſi autē hæc ipſa corpora, quæ nūc circūferimus, & ex quibus cōſſamus, ſuſcitauerit Deus: proſecto nos nō ſuſcitabit, quorū illa corpora fuẽre. Non enim ex anima tantum, ſed ex corpore etiam homo eſt coalitus. Hoc etiam luculenter probat illud reſurrecciónis ſymbolum, quod propheta Ezechiel conſpexit: in quo intuitus eſt eadē oſſa, quæ exaruerant, & diſperſa erant, neruorum nexibus denuo colligari, cute indui, mouere, vitamque ac ſpiritum haurire. Et patientiſſimus Iob, in grauiffima illa ſui corporis exulceratione, reſurrecciónis ſpe firmatus,

*Reſurrecciónem ſcriptura probant.*

*2. Cor. 4.*

*Ezech. 37.*

*Iob 10.*

F f 2

dixit:



dixit: Et in carne mea videbo Deum saluatorem meum, quem visurus sum ego ipse, & oculi mei conspecturi sunt, & non alius. Cum etiam Christi Domini resurrectio, resurrectionis nostre typum prætulerit. (vt disertis verbis affirmat

1. Cor. 15. Apostolus) si idem Christi corpus, quod cruci affixum, sepulchro illatum, animæ ipsius reunitum fuerit: eadem quoque corpora nostra quæ iacent emortua, excitabuntur, & cum animis postmodum pristina naturæ compage interueniente, consortium inibunt.

*Resurrectio corporum effectus redemptionis.*

Spestat etiam ad beneficium redemptionis nobis per Christum præstita, vt hæc ipsa corpora iterum resurgant. Quemadmodum enim antiquus serpens, mortis aculeum carni infixit, ita Christus venenum antidoto expellens, eidem vitam impertiuit. Verum quidem est, non omnem originalis delicti pœnam Christum modo abstulisse; qui enim ipsi charitate fideque inhærent, esuriunt, sitiunt, laborant, defatigantur: denique

2. Reg. 14. omnes morimur, & veluti aqua in terram dilabimur. Hæc tamen quod naturæ mala existant, beneficio reparatoris tandem profliganda sunt: inter quæ, mors nouissimus hostis, cum quo ultimo confligendum, crucis telo demum est expugnanda. Victrici quidem Christi resurrectioni, veluti causæ, Theologi attribuire solent nostrorum corporum restitutionem: Tum quod illa Christi resurrectio, exemplar fuerit reparationis nostræ, tum etiam quod sicut diuina natura emortuam Christi carnem reuiuiscere & efflorescere fecit: ita eadem, corpora nostra morte conso-

*D. Thom. in 4. d. 41. ar. 2. lib. ult. cont. Gent. cap. 89. Ferrar. ibid.*

pita, vitæ quoque restituet, & ad primum statum reuocabit.

*Eucharistia causa resurrectionis. Ioan. 6.*

Huius etiam rei peculiaris causa æstimatur mysticus ille & diuinus Eucharistiæ cibus: qui corporibus nostris immixtus, vim habet restaurandi ea, postquam morte defluerint. *Qui manducat meam carnem, (inquit Christus) & bibit meum sanguinem, habet vitam æternam, & ego resuscitabo eum in nouissimo die.* In quibus duplex effectus Eucharistiæ recensetur: vita nimirum æterna, qua beantur animæ; & resurrectio in nouissimo die, qua reparantur corpora. Sed ne Calvinus more suo ex tripode nobis succensens, dicat; eo loci nihil ab Euangelista de Eucharistia expressum: refractarium sanctorum patrum autoritate opprimemus. Habet (inquit Cy-

*Cirill Alex. lib. 4. Ioan. c. 15.*

rillus Alexandrinus) hæc caro Dei verbum, quod naturaliter vita est, propterea dicit, quia ego resuscitabo eum in nouissimo die. Ego enim, (dixit) id est corpus meum quod comeditur, resuscitabo eum. Maleuolus idcirco Calvinus, & iniquissimus in Euangelij gratiam, qui mannam & aquam è petra scaturientem

1. Cor. 10. Eucharistiæ nostræ equiparauit. Nam manna & illa aqua resectos, truculenta mors in eremo prostrauit: Eucharistia autem saginati, mortem omnem eiusdem virtute superabunt: cum nimirum corporum resurrectio

*D. Iræneus li. 4. cap. 24.* peracta fuerit. Merito idcirco D. Iræneus illorum demiratus est stupiditatem.



tatem, qui Eucharistia veritatem suscipientes, corporum tamen resurrectionem peruerso dogmate negarant. *Quomodo autem rursus dicunt carnem in corruptionem deuenire, & non percipere vitam, quæ à corpore Domini & sanguine alitur? Ergo aut sententiam mutant, aut abstineant, offerendo quæ prædicta sunt.* Simili modo dicam sectarijs nostris: quod si corporum reparationem in fidem admittant, agnoscere quoque debebunt veritatem Eucharistia: quam cum pernegent, fidem quoque resurrectionis abijciunt: sed (vt inquit D. Irenæus: *Quemadmodum qui est à terra panis percipiens vocatio-* *Iren. sup.* nem Dei, iam non communis panis est, sed Eucharistia, ex duabus rebus constans, terrena & cælesti: sic & corpora nostra percipientia Eucharistiam, iam non sunt corruptibilia, spem resurrectionis habentia. Imo physicam quandam actionem corpori Christi cum corporibus nostris contemperato, ad resurrectionem perficiendam attribuire videtur. *Quemadmodum lignum vitis depositum in terra suo fructificat tempore, & granum tritici decidens in terram, & dissolutum multiplex surgit per sapientiam Dei, qui continet omnia: cum deinde per sapientiam in usum hominibus venit & sanguis: sic & nostra corpora, ex ea nutrita, & reposita in terra, & resoluta in ea, resurgēt in suo tempore, verbo Dei resurrectionem ipsi donante, in gloriam Dei patris.*

Caluinistas itaque illis hæreticis adjungo, qui corporum futuram resurrectionem inficiari sunt. Cum enim maximum momentum ad resurrectionem, ipsam nimirum vim Eucharistia, opinione sua suslulerint: consequens omnino est, illos cum Manichæis & Origenistis fidem etiam resurrectioni corporum detrahere. Illorum etenim umbratilis & fucata cœna nihil commercij habet cum corporum reparatione: Illa inquam, quam pistor conficit, phantasma consecrat, os impurum conterit, mens insana concipit, nec muri vitam dare poterit, aut esurienti cani: multo minus homini qui naturæ concessit. Sed & aliunde quoque se hostes produnt resurrectionis Caluinistæ, vti postea referemus. More autem Catholico constituta Eucharistia, expressa veluti typo fuit illo fermento, quod mulier farinae immiscuit. *Quemadmodum enim fermentum massam excitat, & veluti vitam illi impertitur & motum: ita Eucharistia corporibus nostris illata, ea in terras depressa ad cœlos vsque euehet, vita motuque donabit.* *Caluinista hostes resurrectionis.*

Verum istis aduersabitur quis, ac dicet: quod si corporum resuscitatio referenda sit in merita Christi, atque beneficium redemptionis, nulla supererit causa resurrectionis eorum, qui vita defuncti, nihil de fide Christi exceperunt. Quos tamen constat excitandos in nouissimo die, & cum corporibus tribunali Christi sistendos. Hæc tamen parum obstabunt. *Luc. 13.* Nam præuisa Christi merita à Deo patre causa potuerint esse, ob quam



*Duplex  
causa re-  
surrectionis in ma-  
lis.*

*Argumenta  
quæ probant  
animam  
immortalem  
eandem ad-  
struunt  
corporum  
resurre-  
ctionem.  
Anima  
cura, quæ  
distinetur  
erga cor-  
pus hac  
vita, pro-  
bat resur-  
rectionem.  
Maff. li. 1.  
bist. Ind.*

*Resurre-  
ctio corpo-  
rum ex di-  
uina pro-  
videntia  
& huma-  
næ vitæ  
conditione  
probat.*

decreuerit ipse futuram corporum resurrectionem, vel (vt alij volunt) mereri potuit Christus, vti ipsius corpus causa esset physica resurrectionis nostræ. Quod si omnino meritum Christi ab hoc effectu secernamus: adhuc duplex erit causa, ob quam iniquorum corpora sint reficienda. Primo quod huic animæ sit quædam indita inclinatio ad hoc corpus, & propterea eidem aliquando vniri debebit. Deinde sicut corporei artus vitij inferuierint: ita ne impune ferant atrocitatem delictorum, reparandi sunt, vt excipiant pœnas, quas flagitijs sunt promeriti.

Vt autem modo aliquid ex ipsa Philosophia petamus, vnde corporum resurrectio adstruatur: quæ animorum immortalitatem probant, ea etiâ corporum reparationem hanc abunde asserunt. Cum enim naturali quodam pondere propendeat anima in suum corpus, à quo non nisi ægre & summo cum dolore diuellitur: æterno tempore non debet illo spoliata subsistere. Et quod istius corporis cum anima perenne sit futurum confortium, probare videtur illa summa cura corporis, qua anima in hac vita tangitur. Videmus enim quanta diligentia morbos à corpore anima propulset, quam sedulo illi blandimenta porrigat: nihilque gratius animæ, quam corpus videre floridum, vestimentorumque cultu exquisitissime ornatum. Hinc radiantes gemmæ & vniones perquiruntur, vestes sericæ auro intertextæ, & aliæ formæ cultus propemodum infinitæ adhibentur: varius quidem ritus penes hos & illos, idem tamen propositum exornandi corpus. Neque minus Indianus princeps equina cauda ab humero pendente decorem spectauit, quam alij, qui purpura amicti, radiante quoque diademate fulgent. Hoc idcirco animæ ingentium desiderium expoliendi corpus, indicium est æternum fore corporis cum anima confortium.

Ipsa porro diuinæ prouidentie ratio, imo etiam humanæ vitæ conditio resurrectionem hanc luculenter comprobant. Quum enim corpus voluptatibus, in quas tamen ab ingenio est propensum, abstineat, atque virtuti pareat eius conatus, præmium aliquod operæpretia & coronam inde promerebitur: alias iniqua prorsus esset carnis conditio, si modo post tot agones luctas & mille quasi mortes, cura eius, labor, & contentio omnis ad extremum in nihilum reciderent: præsertim cum quædam actiones virtutum reperiantur omnino à corpore dependentes: vt poret illæ, quæ versantur in moderatione gustus & tactus. Proinde ipsius virtutis splendor non in anima solum, sed etiam in corpore elucet: cuius decus, fauores & amores intuentium conciliare solet. Nihil sane viro modestia exculdo, atque virtute subactio vel ad externam speciem, ornatus pulchriusve. Et quemadmodum creditur lumen gloriæ in animis beatorum admirari.



admirabiles quasdam dotes in ipsorum corpora transfundere: sic etiam nunc videmus virtutem & iustitiam, quæ hominum animas afficiunt, eorum quoque corpora perpolire & venustare. Quidni autem resurgerent corporis membra, quæ tam strenue virtuti operam nauarunt, quæ spiritus sancti instrumenta extitere, quæ Satanam deuicerunt? Si enim ille gladius Davidis summo in pretio habitus fuerit, & in loco quodam sacro repositus, qui Goliæ caput corporis trunco præsciderat: non minus hominum corpora honorifice tractanda, idque in cælis constituenda, quæ humani generis hostem acri & constanti Marte profligarunt. Hac etenim de causa Cæsaris etiam ensis, quo orbi terrarum luctum atque terrorem incusserat, (vt scribit Suetonius) in templo Martis fuit cōsecratus. Et vt narrat Trogus, Epaminondas Thebarum dux eximius mortuus, scutum quo in prælio sapissime decertauerat, iam vltimo videre voluit: illudque amplexatus & deosculatus, socium dixit laborum atq; gloriæ participem. Eodem sane pretio quo Epaminondas scutum, D. Cyprianus eorum corpora estimauit, qui veritatis asserendæ causâ durissima atque dirissima essent experti: *O pedes feliciter victi, qui non a fabro, sed a Domino feliciter resoluuntur! o pedes feliciter victi, qui itinere salutari ad paradysum diriguntur! o pedes in saculo ad præsentis ligati: vt sint semper apud Dominum liberi! o pedes compedibus & transuersarij interim cuncti abundi, sed celeriter ad Christum glorioso itinere cursuri!* Et alibi: *Quid iucundius & sublimius, quam osculari nunc ora vestra, quæ gloriosa voce Dominum confessa sunt? Conspici etiam præsentem ab oculis vestris, qui deserto saculo, conspiciendo Deo illi existerunt?* Virtus itaque morte fortior, cum ea restauraret membra corporis, quæ mors contriuerat, & secus infernum disperserat. Ideoque effusus Abelis cruor, (vt scriptura dicit) voce sonora ad Deum clamauit, quasi resurrectionem sibi dari petens. Eleganter sane Clemens Alexandrinus vocalem hunc Abelis sanguinem, æterni patris verbum, cuius est sermonem proferre, præsignare ostendit: *Deum alloquitur sanguis, qui est verbum, quoniam significat verbum, qui erat passurus.* Doctissimus tamen Epiphanius voces hæc sanguinis ad resurrectionem corporis retulit: *Conuincuntur autem ipsi vndique de resurrectione mortuorum, Primum ex Abel, quod post mortem sanguis eius Dominum alloquitur: sanguis autem non anima est, sed in sanguine anima. & non dixit anima clamat ad me: ostendit ens quod est spes resurrectionis corporum.* Iustissima idcirco causâ reparandi corpora virtus est, cui corpora in vita paruerunt, cuiusque gratia repudiatis voluptatibus, malorum tolerantia durata & exasperata fuere. Non potest ergo (inquit Tertullian.) separari in mercede, quod opera coniungit: nam & sacrificia Deo grata, consuetudinem dico anime, ieiunia, & seras, & aridas escas, & appendices huius officij sorites: *virgi-*

1. Reg. 21.

Suet. in

Iul. 2.

Trog. lib. 6.

D. Cyprian.

p. 77.

D. Cyp.

p. 81.

Psal. 140.

Gen. 4.

Clem. Alex.

li. 1. pedag.

Epiph. li. 1.

cons. har.

Tertull. lib.

de resur.



virginitas quoque, & viduitas, & modestia, in occulto matrimonij dissimulatio, & una notitia eius, de bonis carnis Deo adoleatur.

Sectario-  
rum argu-  
menta in-  
firmant  
resurre-  
ctionem.

Firmissimum hoc ad comprobandam corporum resurrectionem argumentum à vitæ ratione deductum, omnino infirmant & conuellunt hæretici: eo fine (vt videtur) quo resurrectionis fidem labefactent. Dicunt etenim omnia hominum opera, quantumuis bona, adiuncta concupiscentia ita infici, vt peccata omnino sint lethifera, ipsiq; Deo exosa. Quod si corporis gesta flagitiosa existant, si humanam vitam non nisi infinitis criminibus funestent: si nihil præclari aut honesti proferant (vt opinantur sectarij) nulla profecto ratio suberit eorum credulitati, qui immortalia fore corpora, atque demum post mortem reficienda arbitrantur. Cum etiam (vt videtur) sectarij moderni Manichæorum vestigijs insistentes, corporum resurrectioni infesti sint: Orthodoxos sanctorum reliquias colentes, cum Vigilantio cinerarios dicunt: quasi cineribus defunctorum corporum religione inhærentes. Infinitas contumelias iaciunt in has sacras exuias, in hæc organa spiritus sancti: quorum dignitati nihil concedentes, inanem vanamque reddunt resurrectionis fiduciam. At longe alia fuit mens Gregorij Nazianzeni, cum dicat: *Quorum vel sola corpora idē possunt, quod animæ sanctæ, siue manibus contrectentur, siue honorentur: quorum vel sola sanguinis gutta, atque exigua passionis signa, idem possunt quod corpora.* Superstitiosum dicent D. Hieronymum, cum de seipso scribat: *Protinus concito gradu Bethleem meum reuersus sum, vbi adorauī præsepe & cunabula saluatoris.* Insanire iudicabunt Chrysostomum hæc differentem: *O quanta sanctorum virtus, non solum ipsorum verba, & corpora, sed & ipsa indumenta creaturæ omni sunt venerabilia!* At obijcient, operum valorem, reliquiarumque cultum, Christi meritis derogare. Insignis sane mihi obijcientium stultitia videtur. An non potius inde Christi meritum plurimum commendatur: quod hominum moribus honestatem, ipsorumque corporibus sanctitudinem attulerit? nisi incusamus paruitatem fontis, vnde quamplurimi riuuli erumpunt. Sed de his hæcenus, fusius autem libro sequenti.

Gregor.  
Naz. orat.  
1. in Iul.  
Reliquia-  
rum cultus  
argumen-  
tum resur-  
rectionis.  
D. Hier.  
ep. 65.  
Chrysost.  
homil. 8.  
ad pop.

Probatur  
resurrectio  
ex cura  
sepultura.  
Plutarch.  
in Num.  
Pausan.  
Attic.

Cum etiam apud omnes gentes, Græcos pariter atq; Barbaros, summa cura vigerit condendi atque sepeliendi corpora; satis liquet animæ à natura ipsa iniectam esse quandam cupiditatem resurrectionis corporis sui. Hinc sepulchra (vt à Plutarcho refertur) sacra fuere dicta, quod violari non potuerint, nisi summo quodam scelere & sacrilegio: Imo existimat Pausanias primo excitata fuisse templa ad seruanda defunctorum monumenta. Proinde nunquam maiori pœna in quempiam animaduersum existimarunt veteres, quam cum alicui sepulturæ ius esset interdictum.

Quo



Quo genere acerbitalis Romani propter enormia quædam flagitia, Commodum Imperatorem sunt prosequuti: eius etenim cadauer exanime vnco tractum, in Tyberim deijciunt aut cloacam, vt narrat Lampridius. *Lamprid. Commod.* Heliogabalus quoque (vt idem refert) senatus sententia sepultura destitutus: cognomen accepit infame, tracticij & Tyberini. Apud Iulium Capitolinum huiusmodi fuit populi acclamatio in Maximinum: *Iul. Capitol. Max.* *Hostis publici caput in profluentem projiciatur, corpus eius nemo sepeliat.* Imo sepulturam tanti fecerunt antiqui; vt eam dixerunt animæ quieti & expiationi omnino esse necessariam. Quod significauit Virgilius in Palinuro: cui in Elysium ingressus non patuit, quod eius corpus in arenam proiectum, nondum ritu & ceremonia conderetur. Vnde eius vmbra ita Æneam exortum habuit:

*Eripe me huius inuitæ malis, aut tu mihi terram  
Inipe, namque potes, portusque require Velinos.*

*Virgil.  
Enead. 6.*

Quocirca immane quoddam crimen reputarunt, quasi naufragio naturæ tacto, portum sepulturæ alicui denegare. Iusteque apud Horatium accusatur Agamemnon, quod Aiæcis corpus insepultum esse voluerit. A Theseo quoque optimo iure occisum Creontem Regem tradit Sidonius: *Sidon.* quod Argiuis sepulturam prohibuerit. Et vt scribit Euripides: mulieres *Apoll.* Argiux septem fratrum occisorum à Thesio Atheniensi sepulturam prece supplicis efflagitarunt: quam cum illis concedere renueret Theseus, ob facinus quasi violatæ naturæ, grauissimum & atrocissimum bellum exortum est. *Eurip. supp.*

*Sinite iam terra occultari cadavera,  
Nam vnde vnaqueque pars ad hominem coit,  
Illuc redit: spiritus quidem in æthera,  
Corpus autem in terram.*

Apud Sophoclem vitæ suæ periculo se exponit Antigones, vt extincto eius fratri sepulchrum inueniret: *Sophoc. Antiq.*

*Vt sepeliatur extinctus frater petimus,  
Occisus à Creonte, beneficium commune.*

Imo neque insensibilis hostibus victores sepulturam adimere voluerunt. Alexander extinctum Darium Gentilitio sepulchro inferri cura vit. *Trog. li. 20.* Idem beneficium Paulo Æmilio præstitit Hannibal: qui sola Carthagine salua (vt narrat Polibius) similem vitæ exitum concupiuit Phyrus (vt scribit Eutropius) cum plurimos Romanorum prostrasset, cæcis sepulturam religiose concessit. *Polib. lib. 3. hist. Rom. Eutrop. li. 1.* Laudatur proinde Cæsar Germanicus, qui in illa clade Variana (vt refert Suetonius) suorum reliquias collegit ad sepulturam. *Suet. in Calig. cap. 2.* *Cæsarum clade Variana, veteres & dispersas reliquias vno tu*

G g

mulo



*Trog. li. 3.* mulo humaturas colligere, sua manu & comportare prius aggressus est. Lacedæmones sub Tirtheo poëta bellum contra Messenos gerentes, nomina parentum suorum chartulis inscripta, ad brachia deligarunt: vti inspectione literulæ, pro qualitate personæ, vnusquisque sepulturæ, si occumbere fors esset, commodius tradi posset. Hector & Ajax apud Homerū confligentes, (vtr etiam scribunt Gellius & Cicero) priusquam pugnam ineunt, paciscuntur inter se de iure sepulture, quod victor superato concederet. Huc spectare videtur Colossi, Pyramides, statuæ æneæ, ludæ ad sepulchra, funeralia imaginaria, cadauerū vñctiones, velamina & vestes, polinctorum officia, florum iniectiones, quibus indicatum fuit animam desiderio quodam tangi corporis. In quo ritu solertissimi fuere Ægyptij, qui, vt videtur, ad expugnandam mortem (authore Herodoto) mortuorum cadauera aromatibus infarciunt, deinde excuato ligno includunt, defuncti speciem, figura & forma exprimente: vti saltem illo simulachro, vel inuita morte, corpus viuum appareat & superstes. Atque hac opinione resurrectionis imbuti sanctissimi Patriarchæ Abraham, Iacob, & Ioseph, cognoscentes ipsorum corpora cœlis aliquando inferenda, certa quædam loca & monumenta ex testamento sibi ipsis decreuerunt: neque voluerunt ea in communi aliquo sepulchro, impura Gentilium ossa cōtingere.

*Obo u'los versantur similitudines resurrectionis.*  
*Gen. 17.* Quæ quidem opinio resurrectionis, vt firmitus mortalium animis imprimere: quædam eiusdem similitudines ipsorum oculis ex diuina in eos prouidentia obuersantur. Scripturæ quidem nobis ostendunt emortuam Saræ vuluam, vim cōcipiendi fœtum recuperantem; aridam Aaronis virgam, florem proferentem, dispersa ossa, flante vento excitata. Natura autem hæc ob oculos statuit. Dies, cuius cursu recursuque mēsurantur tempora, occidente sole & resurgente, quotidie interit & exoritur. Labentia & occidua sidera retrogrado cursu altum repetunt. Spicam non edunt semina, nisi cum in terra computruerint. Palumbes moritur, & post quadraginta dies reuiuiscit. Scarabæi morti vicini, in pilam stercoreis se abscondunt, quam in terram deprimunt: demum ex suo ipsorum humore iuuenilem ætatem hauriunt. Phenix Arabia, quinquagesimum annum agens, condito tumulo ex aromatibus, cum illi insiderit, alarum collisione ignem è corpore elicit & extundit, quo comburitur: mox ex cineribus deflagrati corpusculi pullus denuo enascitur:

*Vna est quæ reparet, seque refeminet ales.*

*Plato lib. 10. de re-pub. Philoſ. lib. 3.* Fortassis quoque verum est, quod retulit Plato, nimirum combustum quendam, post decem dies ad vitam rediisse: vti tali miraculo diuinitus edito resurrectionis spes hominibus iniiceretur.

Cæterum non nisi diuina quadam virtute, eadē, quæ morte labefacta-

ta cor-



ra corpora fuere, reparari possunt, atque vita spirituque rediuiua donari. Formę etenim omnes, quę corporeis artibus infederant, defluxere, & in earum loca vel mixti cuiuspiam forma aut elementaris immigrauit. Superest materia sola, diuersis iam imbuta formis, cuiusque partes situ fortassis atque loco disiunguntur. Ad diuinam itaque virtutem spectabit, deperditas in corpore aptas animę dispositiones restituere, corporis quoque partes copulare, mox formas mixtiles atque heterogenias inducere, tandem animam antiquo suo domicilio inferre. Intercedere poterit quidem angelorum opera, qua dispersi cineres, aut membra corporis se- uulsa, colligantur: integram autem resurrectionem nequit hęc absolueret. Hanc autem efficere quis Deo difficile dicet aut arduum, qui ex nihilo orbis fabricam vniuersam excitauit? Contactu loculi Christus mortuo aliquando vitam impertiuit; Principis synagoge filiam morte extinctā, reuocauit ad uitę usuram, voce Lazarum ē sepulchro eduxit: vti significaret sibi impeditum non fore negotium, defunctorum corpora reparare. Materia quidem corporis, animę regressum suę potentię naturalis appetitu expectat; modum autem diuinę istius efficientię, non nisi obedientiali (vt loquuntur) sui facultate intuetur. Licet enim in ipso termino effecto, nihil nisi naturale appareat ex opere resurrectionis: constatenim vnione corporis & animę quę naturalis est; idque naturaliter expetita: in modo tamen præstandę huiusmodi copulę supernaturale quid elucet. Vtrum autem ex secundis causis aliqua possit tanquam Dei instrumentū, ad hanc restitutionem corporum physice operari, acerrime in scholis sub D. Thoma negante, & Scoto affirmante disceptatur.

*Resurrectio  
diuina vir-  
tute peragi-  
tur.*

*Luc. 7.*

*Matth. 9.*

*Ioan. 11.*

*Resurrectio  
quomodo na-  
turalis.*

*D. Thom.*

*quor. 5. q. 2.*

*Scot in 4.*

*d. 42.*

*Corporum  
dotes.*

*Sap. 3.*

*Esa. 40.*

*Sap. 5.*

*1. Cor. 15.*

Neque solum substantia hęc eadem corporum reparata subsistet, qui- nimo præclarissimis exornata dotibus singulare quoddam decus & or- namentum in cœlis consequetur. Imprimis nulla grauedine corpora de- pressa, ad nutum animę mobilia erunt, & transferentur facillime, quo illi libuerit. Quod probari solet ex illo Sapientis: *Tanquam scintille in arundi- neto discurrent. & ex Isaia: Assument pennas, & vt aquile volabunt, & non desi- cient, current, & non laborabunt.* Agilitati huic eximia quędam claritas ad- iungetur, qua, vt loquitur idem Sapiens: *Fulgebunt iusti, sicut sol.* Atque hoc similitudine quadam cœli stellis irradiati expreßit D. Paulus: *Alia claritas solis, alia claritas lune, & alia claritas stellarum. Stella enim à stella dif- fert in claritate, sic & resurrectio mortuorum.* Denique deuicta morte corpo- ra supererunt immortalia, proindeque immortalibus cœlis aptissime ea Apostolus comparauit: *Seminatur (inquit) in corruptione, surget in incorrup- tione, seminatur in ignobilitate, surget in gloria: seminatur in infirmitate, surget in virtute: seminatur corpus animale, surget corpus spiritale.* Quibus eam quoque



August.  
lib. 13.  
Cin. 6. 22.  
1. Cor. 15.

Epiph.  
Ancor.


Augustin.  
Enchir.  
cap. 91.

sententiam significauit Apostolus, qua Origenistarum error reuincitur. Nam ut ait D. Augustinus: *Spiritualia sunt, non quia corpora esse desinent, sed quia spiritu uiuificante subsistent.* Quo modo idem Apostolus dixit Christum factum in spiritum uiuificantem: interim nihil veritati carnis ipsius detrahens: secundum quam appellat Christum resurgentem, primitias dormientium, & primogenitum in multis fratribus. Primitiæ autem (ut adnotauit D. Epiphanius) eiusdem sunt naturæ cum reliquis frugibus: eadem idcirco caro reparabitur, quæ interiit. Quod autem corpora mortuorum seminibus in terram sparsis similia dixerit: in omnibus non erit spectanda similitudinis ratio: etenim familiari tantum exemplo vsus Apostolus, adumbrare voluit resurrectionis misterium: cum nihil plene & adæquate explicare posset eius vim & naturam. Quid autem significet Apostolus illis verbis, quibus dicit carnem & sanguinem in regnum cælorum non intrare; optime elucidat D. Augustinus: *Proinde quantum attinet ad corruptionem, quæ nunc aggrauat animam, & vitia, quibus caro aduersus spiritum concupiscit: tunc non eris caro, sed corpus: quia & cælestia corpora perhibetur: propter quod dictum est, caro & sanguis regnum Dei non possidebunt: & tanquam exponens quid dixerit, neque corruptio inquit incorruptionem possidebit.*

*De premio & supplicio, quæ hominibus constituuntur.*

## CAPVT XXV.

Finis hu-  
manis vitæ  
positus in  
premio &  
supplicio.



Q UOD hominis officium in actione & molitione quadam constituatur, ne eiusdem cursus & agitatio in infinitum ferantur: cogitandus erit aliquis terminus, quo sistantur, & in quem tandem desinant. Cum autem videamus hominem non ad aliquod vnum præstandum naturæ ductu destinatum, sed potius flexibilem esse, æquali pondere inter virtutem vitiumque libratum, eius conatibus præmium & supplicium respondent: præmium quidem, si ad rationem vitam instituerit: supplicium autem, si à ratione auersis studiis voluptati incubuerit. Atque tam huius quam illius cogitatio mirifice faciunt ad præstandum hominis officium: magnitudine enim præmij illecti & incitati virtutem non asperam & difficilem, sed placidam suauemque existimamus: absteriti vero supplicij obiectu nihil voluptate tetrius aut insuauius esse nobiscum reputamus. Non enim sapientis animus ad ea solummodo, quæ sensibus subiecta, cogitationem & desiderium intendit; sic ne à brutis quidem intelligentia verique perspicien-



spicientia fecerneretur; quorum omnis sentiendi appetendique facultas in ea impingit tantum, quæ illis præsentia obuiam fiunt: quinimo in capite viri (vt à sapiente dicitur) collocantur eius oculi, quibus extrema in- *Sap. 9.*  
 tueatur. Præmio autem supplicioque finiuntur & clauduntur omnia. Sa- *Trog. lib. 1.*  
 pienter idcirco Cyrus, vti suorum animos sibi adiungeret, atque à Medis  
 hostibus abalienaret, eosdem penè laboribus confectos, lautissimis epu-  
 lis excepit: cum autem ex conuiuio alacriores videret, rogat, vtrum si illis  
 optio daretur, hesternos labores an præsentis epulas eligerent: acclama-  
 uere omnes, tunc præsentis epulas expetituos: quibus Cyrus: *Hesternis simi-*  
*lem labori omnem vitam acturos, quoad Medis pareant, se sequutos, bodiernis epu-*  
*lis.* Prudentis quoque imperatoris munere functus videtur Hannibal, *Polib. lib. 3.*  
 qui (vt tradit Polibius) congressurus cum Romanis captiuos quosdam, *lib.*  
 quos secum habebat, squalidos, incultos, & macie ferme absumptos, gra-  
 uissimis etiam compedibus constrictos produxit, & exercitui suo obie-  
 cit. Quo quidem spectaculo significauit, quod si Romanis se dedant, fu-  
 turum iri, vt seruitutis similes miseras perpetuo experirentur. Itaque  
 videmus opinionem præmij atque supplicij multum conducere ad actio-  
 nem virtutis. Horum autem distributio nō in quemlibet cadit, sed in ip-  
 sum Deum tantum: sicut Imperator exercitus fortiter agenti militi præ- *Deus præmij*  
 mium largitur, torpenti autem & fugienti cingulum detrahit, infamemque dimittit. Et quemadmodum cælum è capitibus nostris explica- *Or supplicij*  
 tum non splendores tantum effundit, sed & fulmina intorquet: ita ab *auth.*  
 eodem Numine merx & pœna expectantur. Cuius quidem iudicij sym- *Forma iudi-*  
 bolum paradisi exhibuit; eius aditum muniente Cherubino. Versatilis *cij paradiso*  
 etenim ille gladius, Angelica manu vibratus, fulgore coruscus, aciem di- *expressa post*  
 uinæ mentis expressit, quam nulli cordium aut animorum recessus effu- *peccatum.*  
 gere poterunt. Idcirco (vt inquit Propheta:) *Soph. 1.*  
*In lucernis ardentibus scrutabi-*  
*tur Hierusalem:* Forma autem istius rompheæ, ad scindendum comparata,  
 significat grauitatem pœnæ, quam Deus delinquentibus infliget. Quod  
 autem aliorum ministerio vtantur principes in plectendis reis: idcirco  
 tradidit Deus gladium manui Angeli, quo ostenderet infernales spiritus  
 à flagitiosis pœnas reposcituos: eximius vero ille ornatus paradisi cœ-  
 lum eiusque pulchritudinem scitissime repræsentauit. Itaque (vt inquit  
 Apostolus:) *Accedentem ad Deum oportet credere quod sit, & quod sit remunera-* *Rom. 2.*  
*tor. Nam ipse est: Qui reddit vnicuique secundum opera eius, ijs quidem, qui secun-*  
*dum patientiam boni operis gloriam, & honorem, & incorruptionem querunt, vi-*  
*ram eternam: his autem, qui sunt ex contentione, & qui non acquiescunt veritati,*  
*credunt autem iniquitati, ira & indignatio.*

Hanc ita ad diuinam prouidentiam, hominumque societatem, præmij

C g 3

supplicij



*Sectarij  
præmium  
auferunt  
& finem  
humanorū  
conatum.*

supplicijque sententiam spectantem, hæretici barbaro quodam impioque dogmate conuellere enixe contendunt. Frustra dicunt præmium à nobis cogitari: quandoquidem necessitate quadam adacti, virtutis officiū præstemus. Absurdus autem de supplicio sentientes, dicunt horrendas illas pœnas his esse constitutas, qui flagrante concupiscentia oppressi, & sufficiente gratia destituti, prauis moribus abstinere non potuerunt. Siccine de illo clementissimo Deo vobis opinandum videtur? de illo inquam in omnes benignitate effuso parente, qui multiplici beneficio creationis, cōseruationis, atque redemptionis genus nostrum exornauit, vti existimemus eos dirisimis pœnis excipiendos, qui vi quadam ducuntur ad delicta, neque virtutes positas habent in sua ipsorum potestate: quemadmodū castigandum quis ideo nauarum arbitraretur, quod fortiter reflante vento reuulso clauo solutis naui repagulis, recta portum non tenuerit? Sed neque in ipsis honestis actionibus aliquid præmio dignū cōstituunt. Afferūt enim honestissimos quosq; conatus peccata esse, ipsique Deo exosos. Vbi præmiū? vbi retributio apparebunt? Itā sectarij omnia miscent & confundunt: delentes cognitionem finium, inuertentesque natuas ipsorum mediorum, quibus fines acquiruntur: At de his plura libro sequenti.

*Theod. lib.  
1. cont.  
Græc.  
Præmium  
erit anima  
& corporis  
eiusque  
statuenda  
inequalitas.*

Istius præmij cœlestis magnitudo, intelligētiam nostram omnino superat, quod & Heraclitus Philosophus apud Theodoretum agnouit: *Οτι μενε τῶς ἀποθνῆς κόντας, ὅσα οὐκ ἐλπονται, ἔδε δουλεύουσιν.* Vita functis ea supersunt præmia, quæ ne in cogitationem mortalis cuiuspiam vnquā inciderent. Istius quidem felicitatis ratio, partim in anima ipsa, partim vero in corpore reperitur: maior minorve pro dispari conditione eorum, qui acius remissiūque optimis institutis insudarunt. Quæ quidem præmij inæqualitas excitat quoque homines ad illustriorem vitæ sanctimoniam: vti nimirum ipsi Deo viciniore, vberiore ab ipso hauriant felicitatem: sicuti videmus in humanis rebus maiora præmia, contentiones itidem maiores efficere. Verum opinionem hanc ita promouentem ad virtutes, reiiciunt omnino sectarij, statuentes cum Louiniano eandem in omnibus vitæ perfectionem: & ex consequenti æqualem felicitatis gradum.

*Hier. cont.  
Iouin.*

*Damnatōrum locus.  
Cast. ver.  
infer.*

Sicut autem locus beatorum animis, corporibusque capiundis, ipsum cœlum amœnitate iucundissimum constituitur: ita etiam reprobis torquendis, infernalis quadam cauea, deformis horrendaque deputatur. Non me fugit quamplurimos olim gehennæ localem situm, tanquam puerorum territamentum, & germanas gerras, atque figmentum Poëtici repudiasse: conscientia stimulis & remorsu, omnem malorum cruciatum



ciatum definiētes. Quibus & sectarij passim oblandiuntur: cupiunt enim ea omnia amoliri, quorum species homines a libidine coēcerent. Orthodoxorum autem est sententia, infernum certo quodam loco eoque subterraneo contineri: quod similiter opinatos fuisse Platonem, Ciceronem, Virgilium, aliosque innumeros ostendit Augustinus Eugubinus. Quocirca ad deformitatem infernalis gurgitis exprimendam, quæcunque feda, turpia, horrendaque hominum oculis occurfabant in terris, ea ad inferos transtulerunt. Hinc Styx in Arabia flumen ex altissima montis crepidine erumpens, tamque celeri motu decurrens, vti argentum, æs, & ferrum, veluti fluitantia secum rapiat, inferis adscribitur. Acheron fluuius Italicus, concavis eminentium montium ita vndique inclusus, vti solaris radij accessu nunquam illustretur: propterea ob atratam obscuramque formam ad inferos quoque religatur. Similis naturæ in Hispania Cocitus, vorticosus torrens in inferos influit. Antiqui Styge odium, Acheronte tristitiam, Letheo obliuionem, Cocyto luctum, Flegetonte ardorem significauerunt. Sed ne sectarij veterem inuidiam nobis cōfient, dicantque nos facile nimis philosophis & poetis assentiri: ea proferam testimonia, quibus refragari non possunt. Christi Domini sententia, ad æternas pœnas reprobos destinans, ita expressa est ab Euangelista: *Ite maledicti in ignem æternum*. Cum autem dicat *Ite*, quis non animaduertit locum castigandis assignari, in quem debeant discedere? Non enim itur ad cruciatus solius animæ perferendos: qui nihil commercij habent cum loco; sed vbique similiter sustentur. Cum autem subiungat, *In ignem æternum, paratum diabolo & angelis eius*. Aperte demonstrat ignem hunc diuinæ iustitiæ esse instrumentum, ad vindicanda ipsorum scelera. Huic simile est illud Apocalypseo: *Vitui missi sunt hi duo in stagnum ignis ardentis & sulphuris. Et apprehendit draconem serpentem antiquum, qui est diabolus, & Satanas, & ligauit eum per annos mille, & misit eos in abyssum*. Atque hoc idem senserunt patres Orthodoxi: Tertullianus vero hæc habet: *Hos Plato veluti gremium terræ describit in Phedone, quo omnes labe, sordium mundialium cōfluendo, & ibidem desinendo, & quasi cæno immunditiarum suarum crassiorē haustrum, & priuatum illic aërem stipent; nobis inferi non nulla cauositas, nec subdiualis aliqua mundi sentina creduntur: sed in fossa terræ & in occulto vastitas, & in ipsius visceribus eius abstrusa profunditas. Siquidem Christum in corde terræ triduum mortis legimus expunctum, id est in recessu intimo & interno, & in ipsa terra operto, & intra ipsam cauato, & inferioribus adhuc abyssis superstructo*. Arnobius quoque, hæc in eandem habet sententiam: *Sicut ignes Ethnæ montis & Vesuij montis, & ardentium vbique terrarum flagrant, nec erogantur: ita pœnale illud incendiū non damnis ardentium pascitur, sed in exesa corporum laceratione nutritur*.

August.  
Eugub. lib.  
vlt. peren.  
Phil. cap. vlt.

Matt. vii.

Apoc. 19.  
Apoc. 20.

Tertull. lib.  
de Anim.

Arnob. li. 3.  
cont. gent.



August. 2.  
retract.  
cap. 24.

tritur. Nec omitam Augustinum, qui inquit: *Magis mihi videor dicere debuisse, quod sub terris sint, quam rationem reddere, cur sub terris esse credantur, siue dicatur quasi ita sint.* Neque alienum à ratione hoc pœnæ genus alicui apparebit. Corpora etenim quæ deliquerunt, castiganda sunt: idq; adustione ignis cōmodissime, cuius vis magis acerbitate diuinæ sententiæ exprimit. Locum quoque aptissimus subterraneus, in quo mali puniuntur: quod enim elementorum terra sit infimum, merito ad eius centrum relegantur nepharij, quod electione vitæ à diuinis beneplacitis recedentes, terrenis fecibus audidissime inhererunt.

Quomodo  
peccato  
pœna infi-  
nita de-  
beatur.

Anxiè autem à multis inquiritur, vnde nam iuste à Deo tam breui ac fluxæ voluptati sempiternus cruciatus rependatur. Nihil etenim in peccato esse videtur, quod æternitatem huius supplicij exequet. Atque vti omnium sensus hac de re excutiamus: prisca illi & antiqui opinati sunt, non ignem torreret hæc eadem corpora, quæ mortale vitam ab animis acceperunt, sed solutis animis, exiles quasdam & tenuissimas substantias, quas vmbras dixere, adiunxerunt sententijs suis: atque has existimati sunt, cum ipsas animas detinere, tum caloris frigorisque vim in illis infernis locis persentiscere: harumque interiectu animas infernalibus pœnis castigari:

Virgil.  
Eneid. 6.

Corpora  
vti umbra  
in inferno.  
Palingene-  
sia Pytha-  
gorica.

D. Aug.  
12. Ciu.  
cap. 13.  
Ouid. 1.  
Metamor.

*Et nunc magna mei sub terras ibit imago.*

Quocirca Æneæ Virgilius, suos vita defunctos, aspectabiles fecit: ita tamen tenues, vti ad omnem eius contactum atque amplexum ipsi viderentur disparere. Deinde multam hanc infernalem non sempiternam credidere, sed temporale: vnde Pythagorica Palingenesia atque renascētia effluxit, à philosophis atque poëtis celebrata: quod nihil ab illis vnquam legi magis receptum aut conclamatum. Supplicium itaque interminum rem putantes comprimis iniquissimam, nō impune tamen quēpiam existimantes, vitæ suæ turpitudinem ferre: ne nulla prorsus Dei providentia crederetur: animas malorum in quādam corpora crassiora, ipsisque magis infesta, detrudi affirmarunt: in quibus pœnas flagitijs debitas penderent: mox deiici ad inferna loca, tādē Lethæo flumine epotas, (cuius haustus illis eorum omnium obliuionem induceret, quæ expertæ essent) plene tandem expiatis ad meliora, vtpote humana corpora, remeare docuerunt. Denique post triginta millia annorū redire annum Platonium, in quo eadem, quæ fuere restituantur, nōnulli arbitrati sunt. Vnde Ouidius:

*O genus attonitum, gelidæ formidine mortis,  
Quid Stygia, quid tenebras, & inania verba timetis?  
Morte carent animæ, semperque priori relicta sede,*

Nonis



*Novis domibus viuunt, habitantque receptæ.*

Quomodo despuit ille, qui se aliquando credidit fuisse meretricem Leontinam, deinde Homerum, tandem pauonē: atque Apollonius Tia-  
 nzus, qui existimauit se nactum animam Palimedis.

*Philos. vit.  
Apoll.*

Nostri autem ad veritatis elucidationem propius multo accesserunt. Statuendum autem ante omnia videtur, ipsam pœnam, quam perpetui-  
 tur miseri illi, certo quodam intensiōis gradu esse definitam: inepta sa-  
 ne natura quæuis exilit, ad suscipiendam punitionem infinitam; immo  
 nec talis à quopiam cogitari poterit: solum cruciatus iste, extensione du-  
 rationis interminus apparebit. Hinc tamen ipsum malum incremen-  
 tum capere nullus non videt. Acerbius enim est duobus diebus torque-  
 ri, quam vno: ultra proportionem vero omnem acerbissimum in perpe-  
 tuum puniri atque affligi. Et vti iustæ istius castigationis rationē exqui-  
 ramus: non absque operepretio erit repetere eas species atque formas  
 pœnarum, quas (vti scribit Gellius) olim Græci reis decreuerunt. Primā  
 vocitarunt Κελασι siue νευρειαν, inflictam in illius emendationem cor-  
 rectionemque qui plectebatur. Alteram τιμορίαν dixerunt, institutam ad  
 tutandum eius honorem, in quem delinquēs offenderat. Postremam πα-  
 γαδίγμα, nuncuparunt susceptam, vti eius aspectu, alij sui officij admo-  
 nerentur. Græci sine dubio inexploratum habuerunt hoc æternum sup-  
 plicij genus: reducitur tamen ad secundam illam speciem. Quibus proinde  
 & alia addi potest, illa nimirum quæ in ipso scelere sui causam habet  
 persistentem: cuiusmodi est cruciatus infernalis. D. Augustinus hac in  
 re curiosius admonet non esse inquirendum, sed quemadmodum in ciui-  
 libus taxatio pœnæ à principis voluntate oritur: ita quod hominum fla-  
 gitij æterna pœna constituatur, satis idonea (inquit) causa erit, ipsius Dei  
 arbitrium. At hoc nimis duriter dictum nonnulli existimantes, aliam sub-  
 esse rationem suspicari sunt. Dicunt itaque delinquentem grauius ita ani-  
 mo esse affectum, vti cupiat in nefaria illa actione perpetuo manere atque  
 perseverare: ea propter æternā pœnam iustissime ei infligi asserunt. Verū  
 hoc mihi visum est leuissimum. Non enim constat crimen committen-  
 tem velle semper declinare à recto. Quemadmodum qui intemperanter  
 comedit, non expetit semper genio indulgere; sed solum in hac tempo-  
 ris morula breuem voluptatem haurire. Quod si peccanti talem animū  
 attribuere velimus, eundem quoque concedere debemus recte operanti.  
 Merebitur idcirco quælibet virtutis actio sempiternum præmiū, eo quod  
 qui ex virtute operatur, velit semper tali operi incumbere. Et sto peccan-  
 tem animo ira esse comparatum, vti velit perpetuo voluptatem conse-  
 dari; huiusmodi tamen affectio nihil est aliud, quam quædam habitualis

*Pœna infer-  
ni quomodo  
infinita.*

*Gell. lib. 6.*

*cap. 14.*

*Pœna infli-  
cta reis apud  
Græcos.*

*D. Aug. li. de*

*nat. boni*

*cap. 31. de*

*ad. cons.*

*Manich.*

*cap. 9.*

*Valent. 1. 2.*

*q. 87. art. 4.*

*punct. 4.*

H h

animæ



animæ dispositio: habitu autem nihil meremur aut demeremur. Nam qui iustitia modo est præditus, ita ex habitu potest animo affici, ut si illi occasio daretur committendi crimen, illud velit omnino perficere: nihilominus ita disposito nulla pœna debetur. Peccatum enim positum est in actu libero voluntatis, non in dispositione habituali: requiritur idcirco actus, quo quis desideret in æternum perseverare in delicto, qui sane non inuenitur. D. Thomas duo distinguens in peccato, conversionem nimirum ad creaturam, auersionemque à Deo: dicit inde nepharium actum sempiternam pœnam promereri, quatenus est auersio à Deo, bono quodam infinito. Sed hoc neque ipsimet D. Thomæ satis constat, neque veritati. Forma enim peccati ex ipsius sententia non est auersio à Deo, nisi in omnibus peccatis eadem sit forma, idemque gradus turpitudinis; quod affirmare est erroneum. Omnia autem peccata sunt auersiones à Deo: id est inimicitia quædam habentes vim expellendi amicitiam cum ipso, veramque iustitiam. Ipsaque auersio, si sit gratiæ priuatio, non est forma peccati, sed eius effectus, eaque posterior. Cæterum admittentes hanc auersionem pro legitima causa æternæ pœnæ, nihilo magis dicitur. Hæc etenim auersio non est priuatio Dei, sed iustitiæ, quæ finita est ac limitata: finitum idcirco pariter delictum: non ergo demerebitur æternam pœnā.

D. Thom.  
1. 2. q. 87.  
art. 4.

D. Thom.  
1. 2. q. 72.  
art. 1.

Medin. 1.  
2. q. 87.  
art. 1. &  
3. part. q.  
1. ar. 2.

Cœc. Trid.  
sess. 6.  
Can. 11.  
Ratione  
status quæ  
peccatum  
sua natura  
constituit  
infinita  
pœna illi  
debetur.

Quocirca alij, inter quos Bartholomæus à Medina, asserunt ipsam iniquitatem peccati seu malitiam esse infinitam: proinde infinitam quandam pœnam merito consciscere. Hanc vero infiniti mensuram inde dicunt aduenire peccato: quod hoc commissum sit in bonitatem Dei infinitam. Quæ admodum grauius est ipso genere delinquere in Principem, quam in priuatum virum: ita obseruata proportionis ratione, infinitum quid erit in ipsum Deum offendere. Hæc tamen duplici ex causa mihi videntur falsa; primo quod si quodlibet peccatum gradu esset infinitum, omnia euaderent æqualia. Porro si infinitum esset peccatum, nulla iustitia finita satis digne expiaretur: sed ad eius expiationem extrinsecus quidam fauor Dei requireretur: quod uti erroneum Concilium Tridentinum reiecit. Inde autem quod peccatum in Deum committatur, solum liquet peccatum esse infinitum obiectiue. Quomodo infinita sunt operationes fidei, spei, charitatis, atque visionis beatificæ. Constat tamen has suis formis esse finitas: eo quod collata ad alias operationes, non crescant vniuoce, sed in aliena specie. Idem statuendum de peccato in Deum, comparato cum alijs iniurijs, quæ hominibus inferuntur.

Veriorem itaque causam huius rei attigisse videtur Scotus. Cum enim, inquit, perpetuo duret in ipsa anima labes & macula peccati, castigatio debet esse perennis, atque illi commensurata. Quod si quis dicat, hæc



hac ratione etiam venialem culpam æternam pœnam postulare, quæ semper animam afficit corpore egressam: dicam adhuc aliam esse rationem mortalis, aliam venialis delicti. Exacta etenim hac vita, crimen mortale constituit ipsum animum in quodam statu, & quasi termino. Cum enim præsentem vitam nobis concesserit Deus, in qua æternam felicitatem promereri possimus; consequens est, excurso hoc tempore, cum benignitatem Dei contemnentes in crimen aliquod grauius optione nostra concesserimus: huiusmodi delicto constitui nos in quodam statu atque termino: in quo vti perpetuo maneamus, ipsa rei natura esflagitat. Quamobrem si Deus regressum in hanc vitam alicui damnato concederet: digne satis eius culpa, illa perpeffione pœnæ nondum esset expiata: quandoquidem sicut culpa illa meretur pœnam sibi respondentem, ita meretur quoque nunquam habere gratiam ad resipiscendum, sed demeretur potius, vti sit animæ status quidam sempiternus.

Ipsa autem pœna quam damnati experiuntur duplex est, vna damni, altera sensus. Damni ea quæ consistit in priuatione, ac defectu visionis beatificæ: sensus vero quæ posita est in quadam molestia & cruciatu, quæ animæ sensus aut corporis suscipiunt. Inter scholasticos autem controuertitur, vtrum pœna damni in omnibus sit æqualis necne. Medina aliorum sequutus sententiam putat esse inæqualem: quod sic ostendit. Eo detrimentum seu damnum maius est, quo bonum perfectius aut sublimius alicui aufert: sed inter eos, qui flammis addicuntur, non omnes ab æquali gloria excidunt: quod cum in dæmonibus satis luculentum, tum in hominibus nec obscurum est. Qui enim in maiori vitæ parte recte se gerentes tandem incidunt in mortalem culpam, hinc patiuntur grauius damnum, quam alij qui totam vitam, in sceleribus collocarunt. Illos enim manebat præmium augustius, quam hos. Opinantur autem alij contrarium, ac dicunt pœnam damni in omnibus æqualem: hoc autem sic faciunt. Damnum nihil aliud est, quod patiuntur reprobi, quam amissio beatitudinis; hac autem omnes æqualiter carent; cum nihil eius retineant: eadem idcirco omnium pœna damni. Existimare in tamen controuersiam adhibita distinctione facile posse dirimi. Dupliciter enim comparare possumus peccatum mortale cum pœna damni, primo consideratione habita personæ, cui inest, secundo iuxta suam naturam tantum. Ratione quidem personæ, in qua plura aut pauciora merita extiterunt: inæquale infert damnum: sicut enim expellit maiorem iustitiam, ita quoque priua: illustriori gloria. Cæterum natura sua quodlibet peccatum mortale, sicut pugnat cum omni iustitia, ita cum omni beatitudine: ea propter pœna damni inæqualis est, non ex natura peccati, sed ex accidente

H h 2

dente



Chrysoſt.  
homil. 84.  
ad pop.

dente perſonæ. Quid autem in hac horrenda punitione ſit grauiſſimum, iſtis exprimit D. Chryſoſt. Intolerabilis gehenna, & illa pœna, tamen licet quis innumeras ponat gehennas, tale nihil dicet, quale illa felici excidere gloria, à Chriſto odio haberi, audire nescio vos, accusari quod eum videntes eſurientem non pauimus: etenim infinita ſatius eſt ſuſtinere fulmina, quam illam mitem faciem nos auerſantem videre, & tranquillum oculum in nos reſpicere non ſufferentem.

Pœna ſen-  
ſus unde.

Obſcurum autem eſt, nec facile euidenti aliquo argumento demonſtratur: quoniam actionis genere infernalis ignis reprobos diuexet: corpora autem, cum ad animas acceſſerint, vnicuique liquet igne poſſe torreri: ſolum perplexa eſt quaſtio de cruciatu ſpirituum ex igne. Putant aliqui, ignem tanquam Dei inſtrumentum actione quadam phyſica qualitatem aliquam ſeparatis ſubſtantijs inferre: vnde acerbitem percipiant. Hoc tamen minus probabile eſt, duplici de cauſa: primo exinde quod ignis naturæ ſuæ relictus, nihil poſſit moliri vltra vires: ſicut nec mundum hūc creare. Illa autem potentia obediencialis effectiua, quam nonnulli comminiſcuntur, philoſophiæ & ſenſui mihi videtur repugnare. Præterea vix cogitari poterit aliqua qualitas impreſſa ſpiritibus, quæ ipſorum naturis aduerſetur. Grauiſſimum autem videtur eſſe, atque moleſtiſſimum ipſis, quod de hac re opinatur D. Thomas: cum dicat ideo igne ſpirituales ſubſtantias puniri, quod repugnante ac renitente ipſarum voluntate, illo, veluti carcere, coërceantur. Alijs autem, vti & mihi, grauius iudicatur, quod arbitratur Scotus: nulla etenim moleſtia ſpiritui acrior & acerbior eſſe poterit, quam mente atque cogitatione affligi. Videmus enim homines, etiam cum illis omnia proſpere affluerint: tamen quod animis perturbentur, diriſſima quaſi ſupplicia perpeti. Eodem modo, imo multo magis ſpirituales ſubſtantiæ cum percipiant, ſe cogitationem ignis vel inuitos ſuſtinere, vel eadem impediri à notione reliquarum rerum, exiſtimabunt illud, ſentientque vti ipſis quid omnium grauiſſimum.

D. Thom.  
1. par. q.  
64. art. 4.

Scot. in 4.  
d. 44 q. 2.  
Gab. ar. 2.  
Rich. art.  
2. q. 9.

Deſlagra-  
tio orbis.  
Auguſt.  
Egub. l. 10.  
Peren.  
Philos.  
Ouid. Me-  
tamorph.  
Lucret.  
lib. 5.

Huiusmodi autem pœna, tunc malos pleniffime excipiet, quando incendium, hunc mundum deuſtarit. Hanc autem deſlagrationem priſci quoque agnouerunt, vt ſcribit Auguſtinus Egubinus. Inter quos Plato poſt Homerum prædixit *ἐκπύρωσιν*. Vnde & Ouidius:

Esſe quoque in ſatis, reminiſcitur affore tempus:  
Quo mare, quo tellus, correptaque regia cali  
Ardeat.

Et Lucretius: Vna dies dabit exitio, multosque per annos  
Sustentata ruit moles, & machina mundi.  
Nec me animi fallit, quam res noua mira que menti  
Accidat, exitium cali, terra que futurum.

Cuius



Cuius quidem rei Lucretius cum alijs naturalem quandam causam arbitrat. Quemadmodum enim celorum influentia cataclismum olim induxerunt: sic etiam dicunt confluentibus signis in cancerum omnia arsurum. Vnde Tertullianus: Dei enim opera perugili obrutu contemplanda sunt, in quorum sinu carbonum medius est ignis: siue quoniam ad ignem diem iudicii mundus iste festinat. Satis quidem constat, indies calorem crescere, cum corpora fiant tenuiora: ipsique terræ fructus, exhausto liquore, sicciore, & quantitate minores euadunt.

*Vix illud lecti bus sex ceruice subiret:*

*Qualia nunc hominum producit corpora tellus.*

Et Iuuenalis:

*Terra malos homines educit atque pusillos.*

Senescentem autem mundum ita describit D. Cyprianus: Non bieme nutriendis seminibus tanta imbrium copia, non frugibus aestate torrendis, solis tanta flagrantia est, non sic verna de temperie sua sata leta sunt: nec adeo arboreis fecundis autumnæ fecunda sunt: minus de effosis & fatigatis montibus eruuntur marum crustæ: minus argenti & auri opes suggerunt exhausta iam metalla: & pauperes venæ breuiantur in dies singulos, & decrescunt: deficit in agris agricola, in mari nauta, miles in castris, innocentia in foro, iustitia in iudicio, in amicitijs concordia, in artibus pericia, in moribus disciplina. Nequit ideo mundus vel suapte natura perennare.

Circa tempus autem istius vniuersalis defectionis, scio multos curiosius inquisisse, fortassis etiam temerario pronuntiasse. Quid de hac re veteres senserunt, per compendium exponam. Per moti quidam autoritate scripturæ, diem iudicii olim instare existimant. Diuidentes namque ætatem istius sæculi in duodecim partes, duodecimam solam restare suis calculis comperierunt. Atque ex Prophetia Danielis didicerunt, exactis quatuor Monarchijs, quarum Romana tantum superest, mundi cursum absolendum: idcirco Christiani (vt tradit Tertullianus) enixe Deum rogabant pro imperio Romano. Alij vero longius progressi, mundi ætatem sex millium annorum spatio definierunt. Ita Iustinus martyr, Irenæus, Lactantius, Ambrosius, Hylarius. Cōiectura inde desumpta, quod sex dierum tempore mundus fuerit conditus, in septimo autem sanctificatio requies consequuta. Vnde Lactantius: Ergo quoniam sex diebus cuncta Dei opera perfecta sunt, per sæcula, id est, sex millia manere in hoc statu mundum necesse est. Cabalistæ hanc ratiunculam adnectunt, quod litera Aluph, apud Hebræos significans mille, in primo capite Geneseos sexies reperatur. Istius autem diuinationis vanitatem exitus satis declarauit. Alij autem (de quibus D. Augustinus) spacium septem millium annorum mūdo attribuant,

Virgil. 3.  
Æneid.

Iuuenal.  
Satyr. 15.  
D. Cyprian.  
ad Demet.

Tempus de-  
flagrationis.  
1. Cor. 7.  
1. Rom. 13.  
Theff. 8. &  
2. & 20.  
Dan. 2.  
& 7.

Tertull in  
Apoll. cap.  
32. & 39.  
Anac. ep. 2.  
Cyp. lib. 2.  
epist. ep. 3.  
Ciril Hieros.  
Catech. 4.  
Lactant. li.  
7. c. 14. 15.  
Iustim. q. 71.  
Iren lib. 5.  
cap. 28.  
Hilar. in  
Matth.  
Can. 17.  
Ambr. li. 7.  
in Luc. gloss.  
ord. in 5. cap.  
Gen. Cabal.  
D. Aug. in  
Psal. 6.



tribuunt, proinde quibusdam Psalmis præfixum titulum dixerunt, *pro o-  
ctava*. quasi absoluto cursu septem millium annorum, sequeretur octava,  
in qua esset remuneratio beatorum. Denique alij tot annos duraturum  
mundum à Christi morte affirmarunt, quot ante illam duravit. Firmamē-  
tum habet hæc opinio ex verbis Prophetæ Abacuch: *in medio annorum vi-  
uifices illud*. Vnde dicunt Christum in Hierusalem passum: quæ ciuitas  
est in meditullio Iudææ: natum iacuisse inter duo animalia: crucifixum  
inter duos latrones: expirasse in medio elementorum, nimirum aëre,  
ipsumque inter nos & patrem esse medium. Quomocunque vero cō-  
putus iste instituitur, certum est fines sæculi in nostra tempora incidisse.  
Progressum autem eius ita determinat D. Augustinus: vti eius infantia  
durarit ab Adam ad Noe, à Noe ad Abraham pueritia: ab Abrahamo ad  
Danielem adolescentia: à Daniele ad transmigrationem iuuentus: à trās-  
migratione ad Christum, ætas virilis: à Christo autem ad finem sæculi, se-  
nectus sit permanfura.

*Abach. 3.  
Vid. Acoft.  
lib 1. de  
nouiss. tēp.  
cap. 2.  
Luminum  
de vicinis.  
Iudic.  
D. Aug. li.  
83. quæst.  
9. 3. 8.*

*Vita insti-  
tuenda ex  
ratione  
ultimi iu-  
dicii.*

*Sap. 9.*

*Euseb. lib.  
12. præpar.  
cap. 2.*

Cum autem extremi iudicii dies nos omnes expectet: ni omnem no-  
stri curam abijcere velimus: parati esse debemus ad sustinendum impe-  
tum illius ventilabri, ne cum leuibus paleis dissipati, in fornacem ignis  
ardentis deferamur. Quæ autem nunc nobis oblandiuntur, cito elaben-  
tur, nosque deferent. Prudentis idcirco est oculos habere in capite, (vt lo-  
quitur Sapiens) quibus extrema intueamur. Sane huiusmodi cogitatio  
Platonem hominem omnino Philosophum acerrime ad virtutis studiū  
incitauit. Sic autem loquitur: *Vt ergo diximus, atrocissimas vitiorum ferentes  
in anima cicatrices, à iudice in pœnas mittuntur. Cum autem ab omni cicatrice  
peccatorum deterfam videbit animam: nec quæ sit, nec vnde fuerit querens, admi-  
ratus ad beatorum insulas mittet. Ego igitur ô Calicles, has rationes verissimas esse  
credens, nihil aliud considero, quam quomodo mundissimo animo ad Iudicem acce-  
dam: ac ideo neglectis humanis honoribus, conabor recte viuendo optimus fieri.*  
Saluberrimum dubio procul Platonis consilium. Quod si ipse, vel Philo-  
sophia tantum imbutus, inde diuini iudicii excepta notione, ad morum  
integritatem, eorumque plane contemptum, quæ vulgaria opinione  
magni fiunt, seipsum excitauit: quis nobis diuinioribus multo instructis  
disciplinis animus adesse debet, interim dum cogitamus nos celeri ac  
concito gradu ad supremi iudicis tribunal properare, eisque nos hac in  
vita rebus distineri, quæ caduæ, quæ vanæ, quæque nihil prorsus compen-  
di, cum aliquantulum temporis effluerit, nobis constituent; sed potius  
sicut modo nos superstitēs visco illinunt, fece corrumpunt, scelere contra-  
minant; ita cum naturæ cesserimus, in nos ardere facient iudicis vultum,  
eius acuent euaginatū gladium, omniaque diuinæ ultionis instrumen-  
ta ex-



ta expedient, quæ à nobis criminum poenas reposcant? Tunc re ipsa comperiemus flagrantes formas, vibratos ex arcu cupidinis ocellos, animæ venustatem corrupisse, eamque veluti rogi quendam ad carbones ac cineres redegisse. Tunc aridum illud ac tenax desiderium habendi, nobis constabit fuisse Satanae muscipulam, qua illaqueatos, imo gravissimo ferri ac plumbi libramento onustos, in prædani homines rapuit, ac in stygem ad cruciatus nullo unquam tempore finiendos, plusquam miserabili clade & ruina deturbavit. Liquido ad intelligentiam nostram apparebit inanem fuisse nominis venditionem, & aucupium illud valde incommodum, quo exertis viribus, explicatis alis, ad perennitatis culmina, ad famæ canoros strepitus, ad potestatis splendores studia nostra contulimus. Disparia quidem hominum vitæ instituta iam reperiuntur: hic ex mercimoniis lucrum, iste ex militia gloriæ; hic ex literis nomen, ille ex magistratu honorem; hic ex molliori cultu luxum, iste ex re congesta imaginariam iucunditatem querit, ambit, venatur, persequitur, appetit, suspicit: veruntamen omnes e quo gressu in idem prorsus iter ingrediuntur, & peræque accelerato motu pergunt ad tribunal. Vbi non de re parvi mometi, imo non de iure imperij, non de controuersa in altissima scientia questione, sed de intermino, pro Deum, animæ iuxta ac corporis statu: ubi iudici haud resistet potentia, neque illud acre vel celatum ingenij acumen, vim sententiæ ipsius effugiet aut eludet. Cur itaque hisce huius morulæ rebus toti avidissimeque inhaeremus? Cur patimur has vnice sub oculis poni, & earum umbratili specie sensus nostros deliniri, capi, & in seruitutem summam, ita spretis abiectisque melioribus bonis, deprimi? Quæ pedibus sternuntur, quæ fluxa & caduca, quæ noxia, magni estimamus: alia vero, quæ caputibus nostris imminet, parum facimus, neque recto iudicio eorum momenta cum animis nostris reputamus. Quid plura? pergitur ad tribunal, dictorum, factorum, cogitatorumque rationem ibidem reddituri: è quorum districtissimo examine pender, quod recipiendi simus in cælos, vel amandandi ad inferos. An non igitur è re nostra fuerit summo opere sic vitæ hic inferius instituere, ita eam Christianis virtutibus exornare, uti in nobis sit nihil, quod tunc clementissimum oculum nostrum iudicis reuerberet, quod eius misericordiam deferres, iustitiæ occurrat ac vindictæ? Hoc sane concilium sapientissimi quique sequuti sunt; momentaneis bonis abstinere voluere, uti æternis gauderent, nullius terroribus perterriti conciderunt, ut supremi iudicis romphæam, manu angeli quondam vibratam, declinarent. Ludant interim sectarij, choræas ducant, quandoquidem tam securi effecti de prædestinatione sua ad præmium, ac quod Deus ipse existat: nullum proinde timor.



mori locum concedant, neque Dei ignem & ventilabrum extimescant; potius omne tempus vitæ ad Veneres, ad voluptates diuulgent: virtutes sua hac securitate & Endimionis somno ablogēt: nos melioribus edocti, timore sacro exultantem carnem animamque reprimimus, vitiorum spectra, falsis iucunditatum coloribus picturata, horremus; virtutibus autem, omni quo possumus nixu, insudare; nobis sententia stabit firmissime.

Hæc morum firmamenta sunt, quæ commode deducenda iudicaui ex physica ipsius hominis tractatione: atque in istis enarrandis primus hic Liber instituitur: quæ vero ex eiusdem hominis morali consideratione hauriri possunt vitæ componendæ documenta, Libro Secundo amplissimam differendi occasionem exhibebunt.

FINIS LIBRI PRIMI.






DE  
TRIPLICI HOMINIS  
OFFICIO,  
IVXTA NATVRALEM, MORALEM,  
ET THEOLOGICAM RATIONEM.

Liber Secundus.

*Quisnam sit vsus perturbationum? qua in re cum Stoicis  
nostrorum temporum Seclarij officium virtutis corrumpunt,  
dum perturbationes omnes peccati, & noxae culpa-  
bilis insimulent.*

CAPVT I.



QVVM haftenus fuisse satis disputatum à nobis vi-  
deatur de eis omnibus, quæ exactam accuratamque  
faciunt naturæ humanæ cognitionem: reliquū est,  
vti rectum ordinem susceptæ inquisitionis obser-  
uantes, de ijs modò tractemus, quæ ad hominis offi-  
cium, munus, & operationem referuntur. Duo enim  
sunt in ipso homine ad rationis intuitum maximè  
elata, & naturis suis admodum conspicua: substantia nimirum, &  
eiusdem functio, quæ recta actione constituitur. Quorum prius supe-  
riori libro, argumentorum capita recolligentes, & in summam quan-  
dam conferentes omnia (vti vires tulerunt nostræ) elucidaui-  
mus. Superest modò alterum, quod huic libro insequenti amplissimam pa-  
riter

*Ratio or-  
dinis in  
hoc lib. 2o*

*Duo in ho-  
mine spe-  
ctanda, sub-  
stantia &  
operatio.*

AA

riter



*Malum ex  
peccato in  
mente  
in appetitu.*

riter atque vtilissimam materiam, iucunditate etiam respersam exhibebit. Sicut autem præcipua vis hominis posita est in cognitione & appetitione: ita in istis graue quoddam vulnus & summum detrimentum collapsa fractaque eius natura excepit. expertaque est suo malo, quantum ignorantia auerterit mentem à rectis institutis, depresso eam ab altis studijs, & quàm immani quodam impetu, concupiscentia laxa & dimissa voluntatem præcipitarit ad tetra, ad ambigua, incerta, labilia, nulla: denique à summis, statutis, defixis, solidisque bonis eam deduxerit. Quibus vt remedium aliquod excogitaremus adhibendum, susceptum est hoc à nobis opus, & in votis est, ignorantiae tenebras, per mortalium mentes effusas, & sensus nostros occupantes inuoluentesque, veritatis radio profligare: lubricum deinde appetitum, & quouis leui perturbationis actu huc atque illuc facile mobilem, firmatum consilio virtutis reddere, & actione recta constantem. Ignorantiam quidè antea superasse iudicabimur, & exegisse hominū catibus tam ingens malū. Iam enim monstrauimus singulas humanæ naturæ partes, pensulatè etiam earundem vires examinauimus, dignitatem extulimus, exposuimus, infirmitates, finē & scopum constituimus, media indicauimus; nihil deniq; omisimus, quod hominem promoueat quoquo modo ad intelligentiam officij sui. At vt hoc ipsum, quod certa ratione iam tenemus, ipso opere & effectu absolua- mus, & ad Ideam mente conceptam, expoliturum aliquid & quadratura ipsa concinnatum exprimamus, adhuc difficultas operandi quamlibet illustratam mentem remorabitur, & aliorum interdū impellet, quàm quo ratio prospectat. Idcirco sicut erranti nihil proficit viam notitia patefactam habere, qua incedat ad optatum itineris exitum, nisi robur quoddam & agibilitas membris corporeis insiderint: ita ad officium parum conferet rerum notitia, nisi vis quædam & expetitio idonea voluntati accesserint. Quare necesse est, vt firmamentum aliquod adferamus, quo appetitus alioquin vagus & fragilis stabiliatur, tum ad ipsas virtutes auidius consecretandas, tum etiam ad istis oppositos à voluptate & dolore inuectos impulsus fortius repellendos. Nihilominus, quod vnusquisque in seipso necessitatis maxime legem persentiscat, qua moribus quibusdam turbulentis affectionum pectus illius vrgetur, concutitur, neque alicui integrum sit omnino agitationes istas penitus à se abicere: operæpretium erit, artem aliquam & methodum excogitatam habere, cuius institutis commoniti, seuerum, agrestem, & truculentum hunc hostem nostrum appetitum emollire, cicurare, inflectere possimus, & ad nostras vtilitates referre: ita enim pruden-



prudenter faciunt, qui exilio multati in Geticas, aut alias quaslibet barbaras, & immanitate feras nationes deportantur: in quibus Romana elegancia, & vrbantate tinctus Ouidius aut Scipio tanquam ciuis aut legitimus magistratus versabitur, suo imperio, arbitrioque aliqui ferocissimos illos, ratione, rerumque vfu, & experientia subijciet, & ad vsque pedes dimitter. Ea diuini Iudicij prolata sententia animus modo percellitur, qua ad exilij penas, & cum brutis quibusdam, in horrido quodam solo incultoque conuictum destinatur: Quid enim sunt infestæ perturbationes menti oblectantes, nisi animalia quædam rationis morumque expertia? adeo vt, qui illis rerum summam, abiectione sui commiserit, in humana specie, iure brutum quoddam dici poterit. Quid corpus hoc aliud eisdem efferatum, quàm fabuletum inutile, spinetum molestissimum, hispidum & hirsutum quoddam monstrum, à natura ipsius animæ maxime dissentiens? Quare vt exilium istud euadat mitius, & externum solum familiarius fiat, exquirendæ sunt rationes aliquæ. Licet autem in vniuersum de huiusmodi perturbationibus superiori libro tractauerimus, datur etiam & hic locus commodissimus, vbi de earundem naturis pauca quoque disputemus. nihil autem quantum apud animum meum, rerum momenta agitare potuerim) æquè ita ob oculos statuit vim affectionum harum in animam, ac ventus iste spirabilis aeris partes in diuersa impellens. Et vt singula aptemus in hac similitudine illustria: Sicut ventus, aut emissus ille tenuis spiritus, ob insitam quandam energiam, aerem aliquin loco consistentem, facile motum reddit & agitatum: ita perturbatione quam Græci *ὁρμή* dicunt, Latini impetum, mentis cogitationem quodammodo rapit, & appetitum in omne latus versat. Insiliunt in animam summa quadam celeritate: quas vt ipsa exceperit, procliuis statim existit in illa, ad quæ excitata impressaque vis eam adiecerit. Et quamuis spiramen istud aliquando in turbinem erumpens, omnia inuoluat, ac præcipitet nonnunquam: grauissimaque interdum mala secum aduehat: attramen incolumitati animalium, copixque fructuum non parum faciet moderata eiusdem respiratio, & tranquillior eius auræ suauis & iucundus aliquis afflatus. Sic namque ne diutius stagnans aer concretas faeces contrahat, agitatio istæ ventorum impulsu illata, qua dissilientes extenuatque eiusdem partes concitantur, crassiorem omnem materiam egerit, subsidentesordes excludit, & refrigerio quodam æstus illum, qui alioquin humorem omnem exsugeret, temperat, & ad mediocritatem reducit. Haud ablimili ratione, quæ in animæ basin impingunt affectiones turbulen-

*Perturbationes rationi dimittenda.*

*Vita istæ exilij & conuictus agrestis.*

*Ventus imago & forma perturbationis.*



ta, sepiſſime præcipitem eam agunt, deuoluuntque ad vitia appetitum: furentes quodammodo intelligentiam omnem extinguunt, aſultu & rabie quadam mentis conſilia perturbant. Quod vero ex uſu & moderatione earundem, cum ſummo decore quodam actionis, & pulchritudine, virtutis quoque emolumentum acquiratur, nobis inutiles prorsus non cenſebuntur. Continent enim bonarum omnium actionum ampliſſimam ſegetem, & rationis artificio idoneam ſubijciunt materiam. Venti ex contrarijs orbis plagis exorti, in idem quaſi centrum & ſcopum non raro incidunt, & eandem arborem (vt videmus) in aduerſa inſectunt. Eodem modo haud eadẽ ſemper perturbationes animam feriunt, neq; in eandẽ partẽ perpetuò vrgent: nunc enim è corpore, veluti inferiori plaga exurgunt, nunc vero ex anima, ſuperiori parte erumpunt, mouent hominem, ſiſtunt, eundem progredi faciunt & regredi, calore inflammant, frigore conſtringunt, igneum pallidumque conſtituunt, efferunt, deprimunt, dilatant, cohibent, & contrarijs planè motibus diſtorquent: ac quod ad ſimilitudinis proportionem plurimũ facit, eodem ferme numero affectiones iſtæ continentur, quo venti. Authore Plinio duodecim recenſentur ventorum ſpecies, ſubſolanus, vulturanus, Euronotus, Auſter, Libanotus, Aphricus, Fauonicus, Eaurus, Traſceus, Septentrionalis, Aquilonaris, Cecius. Perturbationum quoque duodenarius eſt numerus, quem in duas æquales partes diſtribuentes, bipartito appetitui, concupiſcibili nimirum & iraciſcibili iuſtè reſpondentes inueniemus: ita vt priores iſtæ ſex ad concupiſcibilem pertineant, quæ ſunt amor, deſiderium, odium, abominatio, delectatio, dolor, ſeu triſtitia: ad iraciſcibilem vero iſtæ, ſpes, deſperatio, audacia, timor, ira, ſegnities: quibus Ariſtoteles adiungit zelum, gratiam, nemefin, miſericordiam, inuidiam, erubeſcentiam.

Plin. lib. 2  
Nat. hiſt.  
ſap. 47.

Egid. Rom.  
lib. de regi.  
princ.

Ariſt. 2.  
& ethicor.

Stoici &  
ſectarij  
perperam  
ſentiunt de  
uſu affe-  
ctionum.

Quod verò ad uſum modò ſpectat iſtorum motuum, & ex eis enatum illud quod retulimus commodum, duplicis generis hoſtes & aduerſarios habemus: vtroſque quidem cum naturæ ipſi, tum etiam honeſtiſſimis actionibus inſeſtos. Quorum nomina ſi expectetis conſignanda, veteres accuſo Stoicos, & noſtrorum temporum in diuinis ſectarios. Sapientiam, omnemque animæ præſtantiam in ſeueritate cenſuræ & acerbitate quadam diſciplinæ collocant Stoici, non in moderatione affectuum, aut ad rationis imperium eorundem inſeſtione: ſed potius in eorum exterminio, euulſione, eiectione, abdicationeque virtutem quarunt. Si enim (vt loquuntur) animæ infixæ maneant perturbationes, vt inutiles & ſylueſtres herbe neglectum culturæ



culturæ probabunt, neque aliquando desinunt esse nociuæ, aut moribus veluti frugiferis, salubribusque stirpibus admodum incommodæ. Illam eapropter curam & contentionem adhibere debet quilibet, qui præstantissimus esse cupit, vti loco penitus eradicatæ pellantur. Ideoque sine lætitia, gaudio, aut tripudio aliquo iucunditates omnes fortunæ aut virtutis affluere debere ad animam aut corpus definiunt. Si fortuna in Phalaridis taurū quempiam coniecerit, absque dolore, tristitia, aut sensu vllius acrimonix tormenta imperturbato constan-  
 tique animo illi perferenda statuunt. Istorum autem truculentiam & *stolici falsi.*  
 immanem Philosophiam communis omnium fermè hominum notio, ipsius quoque rationis momenta, denique rerum vsus eliminârunt, & sibilis scholis exegerunt. Aristoteles quidem affectus hosce ad duos *Aristot. 2. Ethic. cap. 3.*  
 reuocans, nimirum ad voluptatem & dolorem, *virtutis (inquit) est statum.*  
*tuere, quibus lætandum, quibus dolendum.* Transferendæ sunt itaque istæ  
 affectiones ad illam materiam, quâ prudentia rectæque consilia virtuti  
 subiiciunt: neque omnino dolendum aut lætandum non est, nisi de illis  
 dolorem suscipere velimus, quorum iactura ad virtutem potius iuuat, *Perturbatio-  
 nes ta-  
 les quales  
 materia  
 circa quam  
 versantur.*  
 quàm impedit, aut ex lætis animo gestire, quæ officio probi viri no-  
 cent omnino & detrahunt. Cæterū moderatè dolere licebit, si modo  
 infortunium aut temeritas nostra naturæ malum aliquod, aut mori-  
 bus inimicum quid intulerit. Lætari etiam, animoque exultare nihil  
 prohibebit, si quid nobis, vel studijs nostris comparatum, vel aliena  
 industria inuectum rectè acciderit. Duplici autem via affectiones *Duplex  
 vsus per-  
 turbationū  
 ad virtutē.*  
 (vt exquisitè exacteque illarum vsus explicemus) ad animæ decus &  
 ornamentum plurimum conferunt. Primò quidem quando ratione  
 iubente & euocante excitantur in nobis, obiectæque exposita habent  
 optimo iudicio adamussim conformia. Nemo enim est (vti opinor)  
 qui secum diligentius paulo reputans istiusmodi motus, non videt  
 eorum accessu aculeis quibusdam admotis, tardum, languentem, flac-  
 cidumque animum ad præclaras molitiones instigari: ex quibus infli-  
 giores postmodum actiones prodeunt. Reuera enim nerui sunt ani-  
 mæ, quibus vis omnis infidet ad virtutem, igniculi sunt, è quibus flamma  
 acrioris conatus exilit: & natura ipsa calcaria hæc indidit illi ad  
 cursum concitatus absoluendum. Si autem stupiditas animæ, aut  
 corporis pituitosa moles, ingenitas hæce vires oppresserit, animaduer-  
 timus torporem quendam, omnem vitam obruere, ipsarumq; virtutū  
 actiones ita frigere, languescere, vt testudinis videantur potius motus,  
 quàm hominis operationes. Profectò in hac tarditate & segnitie ni-  
 hil ego suspicio præclari aut admiror: & nisi violentia quadam &  
 impetu



6 DE TRIPLICI HOMINIS OFFICIO,

*Matth. 11.* impetu è sacris literis didici, in sublimi illo cælorum sinu beatitudinem acquiri posse: Gradus istos, quibus cælum à terra determinatur, passibus suis nunquam metietur remissus, repensque viator. Nunc leonino robore obsistendum aduersis, interdum Aquilinis pennis ad iuga montium pernici volatu contendendum. Tarda molimina (vt quidam dicit) nescit diuina gratia. Hoc modo Phinees ira percitus, *Psalm. 105.* ad tutandâ diuini honoris causam, vires omnes exerens, Deo placuisse *1. Mach. 2.* dicitur: & Christus Dominus insiliens in illos sacrilegos, temploq; eijciens, qui loci sanctitudine abutebantur quæstu, rationis suæ imperio *1. 2. Cor. 7.* motum aliquem appetitus sensitiui absque dubio excitauit. Insigne illud donum pariter Dei, quo nos ipsum amore complectimur, testimonio Esaia proles est & effectus timoris. *Esa. 26.* *A timore tuo concepimus & peperimus spiritum, & ex Apostoli sententia: Tristitia quæ secundum Deum suscipitur, salutis est initium.* Ne quis iam fidem adhibeat Sectarijs dicentibus, timorem peccatum esse, & turpe factum quid. Atque (vt de singulis aliquid dicamus) facile erit rationem dare, ob quam perspicuum sit, motus istos cuiuslibet virtutis actioni vim quandam & energiam adferre. Quod quidem egregiè quoque docuit Gregorius *Greg. Niss. lib. de Resur.* Nissenus. Metus itaque exultantem & efferentem se nimio cohibet, pacatumque reddit ad suscipiendam virtutem humilitatis, & in omni actione promptum ad moderationem aliquam admittendam constituit. Ira exacuit instar cotis irascibilem partem, & ad præclara facinora mentem inflamat. Qui ex bonitate naturæ, amoris vi erga illos sunt propensiores, à quibus beneficia mutuati, aut cum quibus societatis & communionis vinculum contraxerunt, ij cum diuinæ gratiæ cælitus dilapsum subsidium illis superuenerit, idonei maximè quoque euadunt ex naturæ hac propensione ad amores etiam spirituales & diuinos. Vela enim quodammodo expandit generositas suauitasq; naturæ, ad excipiendum pleniorum flatum cælestis illius fauonij. Lices autem ea sit vis solius gratiæ, quæ possit naturæ bonitate alteri inferiorum, æqualem ipsi, imò & superiorem in vitæ perfectione constituere: nihilominus sicut Angeli (vt iam schola Theologorum docet) *D. Thom. 1. part. q. 62. ar. 6.* ad mensuram naturalis perfectionis, gratiæ quoque quantitatem acceperunt: (interim illis naturale nihil inesse concesserimus, quod gratiæ sit meritorium) ita diuina prouidentia in moderatione humanarum actionum, quemadmodum voluntate & intellectu vtitur hominum ad illorum emolumentum ex virtute & iustitia: sic etiam & naturæ ingenijque in illis præstantia: cui donum suæ gratiæ cum accommodat, suauius feliciusque vtraque coniuncta, ad integrum Officium præstan-



præstandum concurrere manifestum erit. Optime idcirco Plato de hac re sentire visus, ipsamque veritatem adsequutus, qui animæ partem rationis lumine collustratam, Aurigæ similem facit: vim autem sensu præditam, in duplicem appetitum concupiscibilem & irascibilem discriminatam, iugatis equis ad bonum cursu festinantibus, & à malo quantocius refugientibus scitissimè comparat. Neque longius indagatione nostra à notissimis principijs recedendū, vt istius dogmatis rationem certa aliqua scientia assequamur. Ea enim inter appetitum superiorem inferioremque copula, nexusque intercedunt: & tali ordine in vna eademque animæ substantia collocantur, vt intensior acriorque semper euadat superioris operatio, ex inferioris connixus cum in idem prorsus obiectum vtraque facultas delata fuerit. Quocirca quando prudentia debitam materiam, necessarijs quoque ad virtutis honestatem circumstantijs vestitam, suo recto iudicio actioni obtulerit, facilius intensiusque voluntas conatum suum ad rationis ductum accommodabit, si modò appetitus suo quoque motu, idem quasi opus suscipiat, & coniuncta vi eundem progressum teneat.

Alius verò modus, quem in secundo partitionis membro posuimus, quo affectus isti nonnunquam virtuti multum opis conferunt, tunc existit: quando à ratione totaque mente auersæ perturbationes insurgunt in nobis, & ad nefaria turpiaque factu animum vehementius impellunt. Cui enim perspicuum non est, nihil ita facere ad Pugilis alicuius egregiam laudem, ac hostis ipsius virtutem, robur, & in pugna infractū animum? Hæc enim superata, posteritatis memoriz commendatam, insignem celebremque efficiunt victoriam. Corpore autem debilem, & animo trepidantem aduersarium deuicisse, quodnam tandem decus? Prudenter itaque etiam suo honori, gloriæ quoque ac æstimationi consuluit Seuerus Imperator: Deuicto enim Pescenio nigro, & morte deletō, vnicum tanti viri monumentum supereat, ipsius videlicet statua, ad eius encomium egregio quodam insignita epigrammate. Seueri familiares, vt eius gratiam captarent, monumentū rebellis & peruicacis hominis deiiciendum dixerunt, nec memoria dignam pessimi illius atrocitatem inclararunt. Imperator verò postulationi ipsorum ita respondit: *Si talis fuit, sciatis omnes qualem vicerimus: si talis non fuerit, putent omnes nos talem vicisse: imò sic sit, quia talis fuit.* Non minor sanè laus, aut tenuior æstimatio effectis à nobis accrescent, si turbulentiores motus appetitus, quasi atroces aduersarios infesta acie in nos insultantes, mente, consilio, ratione, animique virtute expugnauerimus. Quod enim decus  
egregio

*Plat. in  
Tiph. parti-  
tio animæ.*

*Perturba-  
tiones  
auersæ à  
virtute,  
illi profut.*

*Iul. cap. 18  
Pescen. nig.*



# 8 DE TRIPLICI HOMINIS OFFICIO,

egregio partum facinore, Herculem æternitati, hominumque perpetuæ recordationi commendauit monstra illa contrucidantem: idem præclaros nos efferet & conspicuos, si immanes impetus irritari appetitus vel sedauerimus, vel ad virtutem, reuulso quasi ex hostili manu claua inflexerimus. Vtiles proinde sunt ad encomium, ad ornamentum, ad victoriæ splendorem perturbationes excitatæ. τὰ χαλεπὰ καλὰ, difficilia pulchra.

*Ardua molimur, sed nulla nisi ardua vincunt.*

Ouid. *Difficilis nostra queritur arte labor.*

*Difficultas  
amoris il-  
lectamen-  
tum.*

De spinis illis natiuo ortu flagranti Rosæ suffixis dici solet, quod sint illectamenta amatoria: nescio enim quam latentem rationem speciem floris illustrent. Et quando non sine protensa manus laceratione aliqua, & acerbitate aculei decerpi possit, amantem floris magis incitant spinæ illæ, & acriori amoris stimulo exuscitant: simul dolorem & iucunditatem carpenti afferentes. Spinarum etiam causa colorem oculus suspicit floridior, odorem nares sentiunt iucundior, & ex perpeffione ipsius pænæ, desiderio eius incrementum accedit. Facile enim in propatulo eminentem Rosam præterimus, vepribus autem insitam difficilior. Hanc ipsam difficultatem præclaris virtutum operibus annexam, quam spinam dico, ex aliqua perturbationum, veluti ex radice enatam, amatorium puto ad virtutem illectamentum. Castitatem namque (illum carnis nostræ florem) nemo admiratur in Angelo, aut secreta substantia. In homine verò, in quo illecebra est voluptas, & in quam propensa ruit carnis eius moles, quis non suspicit? quis tantæ virtutis amore non capitur? ipsamque idcirco carnem iudico spinam, & amoris incitamentum, quod calcaria submoueat cuilibet tardo & abiecto animo, quibus ad tam insignem virtutem acius moueatur. Nucleus ex ipso cortice suauior redditur, æstas iucundior hyeme & frigoris horrore elapsis, messis lætior post labores insumptos agriculturæ: neque aliquando se ita spectabilem præbuit Hercules, quam cum Leonis exuuijs tectus, clauam manu tenens prodijt in publicum. Virtutis eapropter est non omnino perturbationes hæc extirminare, sed illas potius temperare, sanis consilijs subijcere, & ad quandam mediocritatem reuocare. Nam cum feruntur etiam in obiecta rectæ rationi consonantia, ita sunt moderanda à ratione, vt non excedant iustum quendam terminum iudicio prudentiæ præfixum. Licet enim augmento suo intensiorem faciant voluntatis operam, & inde merito quoque aliquid conferant interdum; nihilosecius si immoderatus excrecant, æstu quodam, non libertate



bertate, sensu, non ratione, electio fiet aut propositum. Ut si quis etiam iusta ex causa nimium ira exanderet, vindicta illa inde suscepta ad temeritatem & precipitantiam accederet potius, quam ad virtutem. Seruanda est itaque mediocritas, ex qua voluntatis ipsius imperus magis quoque erit expeditus: certa tamen interim ratione libratus, & in virtutis metam non temerè, sed iudicatò directus.

Neque fieri unquam poterit, (quantumvis rigida cura pectori imminet perterritò) quod diuinant Stoici, ut nimirum perturbationum fibræ omnes penitus auellantur in nobis. Nisi enim naturam ipsam quis comprefferit in se, & eius vim penitus delenerit, nequaquã motibus illis planè vacuus esse valebit: pertinent enim ipsæ ad naturam integritatem, eiusq; functiones rectè præstandas. Propensione quippe nativa, iucunda appetimus, & ex illis acquiritis voluptatem capimus: quod munus est appetitus concupiscibilis. Aduersa quoque reformidamus, vel ausu virili procul ea pellimus: quod appetitui irascibili officium attributum est. Quamvis enim ex delicto protoplastæ, affectiones illæ turbulentiores iam euaserint, atque in peccatū & illectamenta sensuum acius incumbant, difficilioremque reddant & rigidiorē virtutis operationem: nihilominus consistente iustitia, neque errante Adamo, naturam hominis debuissent comitari: tametsi ita moderatæ, ut originali integritate rectæque rationis imperio facili regi & circumduci potuerint. Qua moderatione adhibita, egregiam sane operā virtuti nauassent, & veluti iniectis stimulis ad præclara hominem incitassent. *Haec partes (ait D. August.) in paradiso ante peccatū vitiosa non erant: non enim iura rectam voluntatē ad aliquid mouebantur, vnde uicisse esset ea ratione, tanquam frangis cægentibus abstinere. Cedant Stoici vel vnum inter mortales, qui omni prorsus motu appetitus sensitiui abstinuerit? Frustra autem munus illud hominibus demandant, quod effectione impossibilitatem implicat: vel quod paucis, si alicui tandem unquam contingat. Nam (inquit D. Hieronymus) affectus & perturbationes, quamdiu in tabernaculo corporis huius habitamus, & fragili carne circundamur, moderari & regere possumus, amputare non possumus.* Præclare itaque de istis perturbationibus sentit Antoninus Pius: qui quum videret è suis quendam morti amici acerbius indolentem, eaque de causa in aliorum reprehensionem incurrisse: excusationem dolori eius prætexens, dixit: *Permitte illi ut bonus sit, neque enim Philosophia vel imperium tollit affectus.*

Sed ne videamur ita Stoicos premere, & insistentes ipsorum vestigijs in angustum cogere: partitionem quandam affectionum, quam ipsi tradunt, simulate aut fraude aliqua malæ fide non præteribimus:

B B

illa

*Perturbationes extrinseci non possunt.*

*D. August. lib. 14. cap. 19.*

*D. Hieron. ep. ad Demeitriam.*

*Jul. Capitolin. in Anton. Pio.*

*Stoici alii quas admittunt perturbationes.*



illa enim videntur sensus suos paulo latius explicare, & in apertum campum locumque spaciosum opinionis copias educere. Non enim omnimodam & *καθάραι* & vacuitatem affectionum velle inducere videntur isti: nam distinctione istorum motuum facta, quosdam libenter admittunt incidere posse in consilia sapientis alicuius: alios verò longius ablegant & exterminant utpote vitiosos, & sapientiæ prorsus infestos. Ita D. Augustinus ipsorum dogma pertractans, has, quas recipiunt, enumerat perturbationes: *velle*, cum ad bonum impetu quodā stimulamur: *gaudere*, quando adeptum consilium ex ipsa possessionis æstimatione mentem iucunditate aliqua exhilarat: *cavere*, seu propositum firmatum, & animæ virili constantia defixum enitendi, & subducendi se ab illis occasionibus & vitæ institutis, quæ in errores & lapsus homines solent precipitare. Quas affectiones Græco nomine Cicero ex Stoicorum sententia, *εὐαβήτας* dicit. Latine *constantias*. Reliquos vero motus, utpote *cupere*, *latari*, *metuere*, *tristari*, negant ad sapientem spectare, sed ad stultum potius & insanum aliquem: cuiusq; mens sæua procella à quiete & statu rationis deducitur. Et hos posteriores motus, solum volunt esse perturbationes, morbos, & egritudines animorum, à Græcis appellatos *παθή*. Quos recenset Virgilius,

D. August.  
14. lib. 2.  
cap. 1.

Cicero. 4.  
Tuscul.

Virgil.

*Hinc metuunt, cupiuntque, dolent, gaudentque, &c.*

D. August.  
sup.

Sed ad istorum errorem redarguendum satis abunde facit autoritas D. Augustini. Apud nos autem iuxta Scripturas sacras, sacramque doctrinam, cives sanctæ Civitatis Dei, in huius vitæ peregrinatione secundum Deum viagentes, metuunt, cupiuntque, dolent, gaudentque. Eodem idcirco modo ad virtutem conferunt, sicut & prioris generis concitationes. Quis enim iuste venire poterit criminatus ab eis quicquam ad nihilum, qui optimarum rerum desiderio tenentur, qui ex affluxu præstantissimarum virtutum iucunditate aliqua perfunduntur, qui atrocitate in delicti horrentes, extimescunt, qui doloris acerbiter ad luendam expiandamq; scelerum penam iugi penitentia sibi metipsis consciscunt? At contra Stoicos vetustate ipsa coneritos, satis iam disputatum.

Contra hereticos dicentes omnem cōsumptionem esse peccatū

In alios modò sunt tela iacienda, & Theologiæ panoplia expedienda, ad tutandam veritatem quorundam errore, seu potius insaniam impetitam: qui novitate solum ortus sui speciem quandam fucate eruditionis vulgi sensibus intulerunt: neque aliunde audiendi videntur, quàm quòd novi sint, recentioresque in officina pictoris adscititijs coloribus ad tempus delibuti. Isti quidem longius è sapientiæ placitis, mentis delirio & deliquo progressi quàm vnquam Stoici, appetitus sensitiui temerarios omnes motus, imò iusta aliqua causa susceptos, (concupi-



(concupiscentiæ communi nomine inuoluentes) peccata dicunt esse, animæ novas, & æterna castigatione digna crimina. Nemo autem in istis huiusmodi paradoxon demirabitur multum, qui illorum sensus in reliquis Theologiæ rebus exploratos habuerit. Si namque humanæ voluntatis opera vniuersa, etiam quæ diuina gratia, & spiritus Sancti aura afflantis sunt & exprimentur, ipsorum sententia peccata sint mortalia: quanto magis appetitus sensitiui irritatione, & turbulenti motus laxata naturæ, inestringens rabidaque affectiones peccata iure censentur, immanis cuiusdam sceleris labe & piaculi atrocitate infecta & denigrata? Sed vt dilucidius horum stulticiam prodam, ipsoque eius ostentu ridiculam & amentis vicinam esse probem, tria suo ordine explicabo.

In primis assero definitioque perturbaciones in vniuersam sumptas, *Perturbaciones in-*  
indifferentia quadam ita à virtute & vicio seinugi: vt nec huius de-  
formitatem, nec alterius venustatem naturis suis participant: sed ra-  
tionis imperio vsuque omnino fieri, quod virtuti inseruiant, aut ex ar-  
bitrii deslexu, vicio suppetias ferant. Statim atque de hac re pertracta-  
re ceperam, menti occurrebat similitudo illa, quæ inter ventum &  
motus hosce intercedit. Et quum in plurimis conuenientiam osten-  
deram superius: vnā tamen similitudinis rationem & analogiam  
in hunc vsque locum consulto distuli. Venti quamuis varij sint, &  
plane inuicem oppositi: tamen (vti videmus) navigationi in vniuer-  
sam sumptæ omnino viles eadunt & necessarij. Non enim easdem  
oras nāigantes omnes repetunt, sed in Oriente appulsum iste, in Oc-  
cidente alius quatit. Qui enim nāigationem illam meditatur solam,  
qua Caleto traiectus est in portum Dorobornis, certum quendam fla-  
tum capit is, & oppositum reformidat, ne in aduersa deferatur. Ea au-  
tem est præstantia humanæ animæ, vt nāigationis vniuersalem quan-  
dam immetur rationem, particularem longe excedens. Nam si tanquā  
turbo aliquis excitetor perturbatio rationi prorsus contraria, & in sco-  
pulos syrtisque vinorum impetu quodam directā: ita huic reniti &  
reluctari poterit libera agendi facultas hominis, vti ex ipsa resistentia  
virtutem veluti Portum quendam felicissime teneat, quamuis per-  
turbatio se immanem ostentaret. Sin vero in illam ipsam partem con-  
citatio appetitus vergat, in quam recta ratio prona quoque incumbit,  
nullo ferme negotio lapsus animæ erit ad tutissimam virtutis oram.  
Atque sic quacunque ex parte spirauerit ventus, semper animæ pro-  
spera contingeret nāigatio. Rei enim summa non ex ipsa perturba-  
tione, sed ex voluntatis electione & proposito dependet. Nam sicut

B B 2

ex vsu



ex usu optimo affectuum egregie emergunt actiones: ita quum illis habenas laxarit mentis moderatrix ratio, & imperium demandarit, ad perniciem ruunt. Sic Hercules furore correptus, arma quæ in hostium necem quondam intentauerat, in liberorum teneros artus postea miseranda cæde conuertit. Sicut enim ex eodẽ ferro gladius extunditur & vomer rusticanus: ita eadẽ perturbatio ratione temperata, & libidine in rabiem versa, vitium pariet aut virtutem. Panopliam & munitionem omnem bellicam, quam paramus ad expugnandum hostem, si superati deuictique fuerimus, nobis ipsis infestam habebimus & lethalem; telaque propria pharetræ lateribus nostris infixæ percipimus: ita motus, qui animum exacuunt & inflammant ad virtutem, quorumque vi hostiles nefarii dæmonis impetus repellimus, & generosis pectoribus obstitimus malis, si malignus ille spiritus victoria potitus semel arripuerit, & ad vitia deflexerit, summa quadam atrocitate eisdem animam deuastabit funestabitque. Inquam sententiam ita D. Augustinus: *Denique in disciplina nostra non tam quaritur, utrum pius animus irascatur, sed quare irascitur: nec utrum sit tristis, sed unde sit tristis; nec utrum timeat, sed quid timeat. Irasci enim peccanti, ut corrigatur, contristari pro afflicto, ut liberetur, timere periclitanti, ne pereat, nescio utrum quisquã sana consideratione reprehendat.*

Alterum est quod pronuncio, omnium nimirum vitiorum fomitem perturbationibus istis esse implexam. Incentiua enim sunt, & iam cadent quasi ad conflagrationem, cuniculi in pectus nostrum inducti, in quibus delirescunt dæmonum insidiæ, glandes puluere sulphureo eiacularæ in aciem animæ, virgultæ visco illitæ, ad remorandas agiles & volatiles mentis cogitationes. In istis Syrtes, Capherea saxa, Euripi, Scyllæ, Charybdes, Symplegades. In istis Echenis armatas cleses vi ventorum sistens, Syrenes modulato cantu ad scopulos perlicientes, Salmacis aquæ, quæ haustu viros effeminant: continent enim affectiones prauæ omnis offensæ, noxæque causas. Lex diuina præfracta ausu non infringitur, nisi furente perturbationum aliqua: fraudes Satanicæ neminem inducunt in nequitiam, nisi prius distortum & à ratione penitus auersum motum, rei cuiuspiam illicitæ obiectu concitarint. *Vnusquisque* (inquit D. Iacobus) *tentatur à concupiscentia sua.* Quo pacto in delicti alicuius patratiōe, vires proprias animæ in nos ipsos vertimus. Eodem modo D. Iohannes recta distributione, quæ vniuersali concupiscentiæ notione significantur, eos motus eiusdem enumerans tanquam peccati occasiones & origines recenset: *Omne quod est in mundo, aut est concupiscentia carnis, aut concupiscentia*

Euripid.  
Hercul. fr.  
ven. Senec.  
her. fur.

D. August.  
lib. 14.  
cap. 5.

Utriusque  
libet causa  
perturbatio  
appetit.

Iacob. 1.

I. Ioh. 2.



de oculorum, aut *superbia vite*. Nam (vt interpretationem D. Thomæ  
 vt pote textui accommodam admittamus) carnis concupiscentia deli- D. Thom.  
2. q. 77.  
art. 5.  
 gnantur motus omnes appetitus, qui perceptione voluptatis ex gustu,  
 & tactu, ceterisque corporis partibus finiuntur. Concupiscentia ve-  
 ro oculorum, alta illa & curiosa abstrusarum rerum indagatio, vel  
 ambitus, & honorum studia, quatenus nominis gloria & splendor con-  
 cupiscenti facultati iucunda & grata quoque deprehenduntur, expri-  
 mi videntur. Superbia autem vite significat irascibilis partis appeti-  
 tiones, quæ in arduis difficillimisque consequendis aut superandis di-  
 stinentur. Sic etiam Apostolus Paulus, dum prauitatum species & for-  
 mas enumerando repetit, omnes ad affectiones concupisibilis aut  
 irascibilis facultatis, vt pote fontes & principia reuocat: *Manifesta sunt* Gal. 5.  
*autem opera carnis, quæ sunt fornicatio, immunditia, impudicitia, luxuria, idolorum*  
*seruitus, veneficia, inimicitia, contentiones, emulationes, ira, rixa, dissensiones, felle,*  
*inuidia, homicidia, ebrietates, comessationes, & his similia.*

In quem locum disserens D. Augustinus, nomine carnis ostendit  
 non intelligi solam hanc molem in illecebram voluptatis procliuem, D. August.  
14. Civ.  
cap. 2.  
 sed integrum potius hominem, tum quoad animū tum etiam corpus,  
 in deterius mutatum. Nam tametli fornicationes, immunditie, luxur-  
 iæ, ebrietates, comessationes, carnis sint opera, & ex illa vti proxima  
 causa erumpunt: tamen idololatriæ, veneficia, inimicitie, conten-  
 tiones, emulationes, animositates, dissensiones, hæreses, inuidie potius  
 animam afficiunt, in qua originem etiam habent: eaque de causa  
 spirituales nequitie dicuntur: sicut & priores, carnales. Nihilominus  
 radices, species istæ omnes affectionum infixas habent in appetitu  
 concupisibili aut irascibili, & ibi succrescunt. Nam versantur sin-  
 gulæ, aut circa alicuius delectabilis expeditionem, vel contrarij repul-  
 sam: vti facile expendenti singula liquebit. Et ipsius Augustini testi-  
 monio probatum est peccata omnia, aut cupiendo aut timendo com-  
 mitti. Quocirca dum illud Psalmi explicat: *Incesa igne & suffusa*, illi August.  
Psalm. 38.  
 duobus eleganter admodū causas malarū actionū omnes inculcari do-  
 cet. Incentum enim igne, quod ardente concupiscentia fit: suffusum  
 autē, quod timore in obscurū veluti locū, ac subterraneum oculis ho-  
 minū non peritū conijcitur: quando nempe extimescit quis verū fate-  
 ri, aut iustū aliquod ac legitimū actione sua vel verbo adstruere. Con-  
 cupisibilis verò partis obiectū duplex est, (vt adnotauit Scotus) *honor* Scotus in 3  
d. 14. q.  
unica.  
 & *voluptas*. Quæ ipse appellat prima cōcupisibilia: atq; ex cōsequenti  
 irascibiles vires exercentur vel in remouēdis ijs, quæ sensuum volupta-  
 tes impediūt, vel in superandis difficultatibus annexis acquisitioni iu-  
 cunditatum.



14 DE TRIPLICI HOMINIS OFFICIO,

cunditatum. Est enim (vti alias diximus) irascibilis facultas, concupiscibilis vindex, & eius quasi præfidiarius miles.

Verum contra hæc quæ disseruimus hæctenus, veluti ex diametro videtur non facere videtur solemnis illa & decantata vitiorum distributio: quæ alleritur à Theologis, quædam fieri ex infirmitate: ea nimirum quæ ex fragili conditione appetitus sensitiui peccantur: alia autem ex ignorantia: denique alia ex certa, statuta, & decreta malitia. Non ergo semper extimulante ac sollicitante nos perturbatione aliqua offendit animus; sed nonnunquam ex ignorance veri, ex obstinatione quoque dura, & obfirmato iudicio in falsa aliqua sententia. Existimarem nihilominus hoc parum momenti habere ad euertenda ea, quæ statuimus. Nam qui inscitia inductus delinquit, profecto is iucundum quid appetere videbitur semper: in hoc enim appetitus concupiscibilis desiderio aut amore incumbit: vel irascibilis virtus nimia ferocia ad ea incitabit ipsum, aut ab ijs fuga subducit, quibus deberet ille potius resistere, aut contra ea depugnare. Quare quod ignorantia prima causa sit, ob quam erratur sæpius, atque hæc multum ponderis secum ferat ad deprimendum animum in vicia, propterea culpa & lapsus aliqui ignorantie adscribuntur: interim tamen existunt impellente quoque aliqua affectione praua. Idem assero de peccato illo, quod dicitur à malitia ortum. Nam cum præfractus animus (is nimirum) qui inter vitium & virtutem comparationem instituens, adhuc vitium persequi decernit, noxam contrahit, quæ attribuitur malitiæ, vti causæ propriæ, & magis particulari: nihilominus hic quoque opem conferente sensitiuæ partis motu aliquo in culpam impingit.

*Videtur peccatū iniustitiæ non fieri ex alia quæ perturbatione.*

Adhuc & alius breuiter eximendus scrupulus se ostendit: huiusmodi autem est. Qui iniustitia concinem lædit, is nulla perturbatione ad hoc facinus induci videtur. Nam virtus iustitiæ (etiam ex sententia Aristotelis) voluntati insidet, non appetitui sensitiuo, neque moderatrix est hæc virtus affectionum: ad illam tamen spectat coercere & impedire actum iniustitiæ. Idcirco hæc eadem iniustitia non existit irritatione aliqua appetibilis facultatis, sed ex sola prauitate voluntatis. Verum qui ita mordicus iustitiæ munus à moderatione appetitus remouent, ab illis sciscitari velim: vtrum aliquando urgente tentatione aliqua dæmon sollicitet homines ad iniustitiæ crimen, necne? credo hoc mihi eos non fore negaturos. Nam vnusquisque (vt ait Apostolus) tentatur à concupiscentia sua. Ex vi itaque perturbationis alicuius vitiosa emergit iniusta rei alienæ appetitio aut detentio; si modo dæmonis fraude existat, Etenim putarem equidem.



dem labem hanc iniunctam non inferri mortalium animis, nisi quando nimis amor pecunie aut immensum habendi desiderium insurgunt, & appetitum hominis sensitiuum occupant: neque avarum aut inuisum quicquam dabunt tibi, nisi eum, cuius pectus immoderatus rei familiaris amor obsederit, & cupido pertinax tenuerit.

Supereit quod tertio loco constitueram, in quo quidem insulsi nostrorum temporum heretici euincendi sunt, & scelus immanisq; ipsorum error veritatis rationibus redarguendus. Neque hoc prestare viro <sup>Quid dicitur</sup> Theologo aut Catholica literatura vel modice tincto operosum erit <sup>rii sententia de appetitu mortali.</sup> aut immodicum opus. Tam crassam enim heresim orthodoxe sententia isti opponunt ad obduracy magnitudine ita in omnem partem prodigiose effusam: ut in illam telum immittere vix quispiam poterit, nisi pariter collimat: in quam paruos etiam sagittae frequenter impingunt. Sed quid est quod proferunt ludimagistri nostri, seu inuerso nomine in rebus Theologicis magistri Iudi, & ad iocos hominum creati? quid tandem ludicris suis venditant, qui magistri esse cupiunt? Hisce vocibus e tripodum pronunciant oraculum. (interim qui oculati magis haec legunt, ut ipsi rulum repriment, velim.) *Concupiscentia animi peccatum, & appetitus ineluctabilis infernalis facultatis animae lethali culpa quoque reatu inficiuntur: illis etiam non consentiunt liberi hominum arbitrio.* Videte obsecro quam prepositere cupiunt isti sanctitate sua, quam affectant, peccati vim extenuare: cum potius numero & pondere vitiorum mortalium animos ac corpora moliantur obruere. Et quum e communi societate segregatam vitam inire se velle simulent, nematulam aliquam imperitatis ex communi & Catholico consortio contraherent, iam in peccata omnemque colluviem seipsos suorumque affectus insana hac opinione precipitant. Quicquid agunt demum homines pernigiles, peccatum est; quicquid appetunt somno oppressi, patitur peccatum est; quicquid superior pars prellicerit, peccatum est; quicquid inferior concupierit, peccatum est: quod diuinis sanctionibus repugnat, peccatum est, quod ei dem consentit, non minus peccatum; nocte & die peccata flouit in animam, superius, inferius, vndiq; peccatum. In hac massa sordium, & congesta illuvione, quis probos viros, honestos, religiosos, puros, aut nitidos aliquos esse existimabit? nulli comparebunt splendentes Nazarei ac Christi creore loci christiani, si morum labes, omnes hominum actiones hoc pacto: quo volunt Sectarum, corrumperint. Aliiter informari & instrui potuerunt hi, qui Scripturarum notitiam glorioso titulo, seu potius scelerato furto sibi vendicant: si aliquando attente paulo legissent epistolani D. Iacobi: Thren. 4.

vbi ex



16 DE TRIPLICI HOMINIS OFFICIO,

*Iacob. 4.*

*August. 2  
de peccator  
mer. cap 4<sup>a</sup>*

*Probat  
concupiscen-  
tiam non  
esse peccatū*

vbi ex concupiscentia, peccati progressum omnem accurate describit: *Concupiscentia* (inquit) *cum conceperit, parit peccatum; peccatum vero cum consummatum fuerit, generat mortem.* Quid est autem aliud concupiscentiam excipiendo è nefando spiritu ingestū semen concipere, quàm iniquæ perturbationi, excitatæ à Satana, voluntatem plenam & liberum consensum præbere? sine quo concupiscentia neutiquam peccatū conciperet, aut in se implicaret illius maculam: sed ut inquit D. Augustinus: *Ad Agonem interim manet, non sibi ad illicita consentientibus nihil omnino nocitura.* Et post: *Consentientes autem sibi ad illicita reostenet: & nisi per medicinam penitentiae, & opera misericordiae, per celestem Sacerdotem pro nobis interpellantem sanetur, ad secundam mortem damnationem perducit.* Sed ut omittam alia testimonia, quæ vel arrogantia sua facile contemnunt illi, vel depravatæ sententiæ excogitatione eludunt tantam maiestatem auctoritatis, petitione arctius ipsorum sensus constringam, efficiamque credo, vti reducti ad angusta, ne quâ effugiant. Concupiscentia itaque istæ, quam criminis insinualis, est ne ipsa facultas naturæ inserta, qua appetimus, irascimur: aut actus aliquis inde expressus, vel denique aliquid ab extrinseco obiecto in appetitum traiectum? Si prius iudicij vestris constitueritis, Manichæorū infamia & nota inurendi estis, qui ipsam naturam malam esse, & ab iniquo principio propagatam dixerunt. Vis namque illa concupiscibilis & irascibilis ad naturam spectat (vt satis liquet) humanam. Verum si ex alijs vestris placitis, de mente etiam vestra in hac controuersia coniectari mihi liceret, quamuis consequentiam, prærupta tortuosaq; & in sinus implexos, dubiosq; anfractus doctrinæ à vobis suscepta perpetuo incidens parum curet) huius hæreseos suspicione vos liberarem. Ni fallor itaq; ratione transgressionis admissæ ex Protoplastæ errore fieri dicitis: vt concupiscentia sit peccatum, etiam in renatis. Vt autem hoc expendatur exactius, in ipso Adamo antequam decideret à sanctitate, & culmine suæ conditionis statuendum, quod eadem, quæ postea extitit in illo, reperiatur appetendi potestas: quam etiam Christus Dominus, vti infixam naturæ humanæ proprietatē, adiunctam habuit suæ personæ. Neque enim ex peccato quidpiam naturæ posteris deperijt: Concupiscentia idcirco quæ peccato est obnoxia ex Adami lapsu, non poterit esse appetitus ipsemet aut concupiscibilis aut irascibilis. Quare repulsi ab hoc effugio, alium exitum pertentant, & dicunt: Non facultatem ipsam, sed quoslibet actus etiam temerarios & præcipientes eiusdē, anteuerrentes quoque rationis vsum, & consensum arbitrij, peccata esse, & horrenda quædam scelera. Nescio profectò, vtrum potius egregiam.



nam hanc istorum stulticiam mecum tacitus demirarer, vel adhibita  
 iuueni in discussione, & scholastico quodam congressu eam serio refu-  
 tarem. Sed utrumq; simul praefero. Infantes, quibus imbecillitas na-  
 turæ rationis vim denegauit, an non utroque appetitu concitantur?  
 Inquentius effræscunt, lasciuunt, immoderatus se gerunt, (sensu  
 hypotellatur) peccant in illis moribus? quæro ab eis. Quid si dicent?  
 quibus enim ademptum est liberum culpa originaria arbitrium, ab illis  
 non est expectandus liber consensus aliquis. Quocirca necessitate ad  
 id adacti, quod actione temeraria appetitus suscipiunt, nihilocius  
 peccant, & graviter delinquent. Preclari viri & probe instructi, quo  
 magistro vti diuicillis in infantibus præter originale crimen, actuale  
 quoque & personale contingere? hoc aliquando fuit delirium Pela-  
 gianorum, ob quod merito illos Diuus Augustinus vii deridendos ab  
 omnibus publice suis scriptis traduxit lapidis, neque refutatione di-  
 gnos censuit. *Non tanta infirmitas animi est corporis, tanta verum ignorantia,*  
*tanta nulla omnino suscepti aspectus, nullus vel naturalis vel inscriptus legit sensus*  
*aut motus, nullus in aliterum partem rationis usus, hoc multo tellariis silentio,*  
*quod si non noster prælatum atque indicat.* Quare si Augustino censura sit  
 differenda, non ex tam leui momento concitatur, & temerario effusa  
 concupiscentiæ peccatum decernendum erit, quod ita in diuinam iram  
 incurrit, ut perennes illos cruciatus iuste promerentur: sed requiritur  
 rationis in vitamque partem usus, diuinæ legi notio, adeoque liberi  
 arbitrii consensus: quæ quum in infantibus non deprehendantur,  
 quantumcunque appetitus eorum ebulliat, effræscat, aut in rabiem  
 concitetur: nihil damnatione tamen dignum admittent mori sunt.  
 Eodem modo si in adultis perturbatiq; imperus spectemus, illos  
 fieri videbimus indormiscentis ratione, iacente voluntate, & ex sola  
 imaginatione & conceptu obiecti sensibilibus: haud aliter atque in  
 ipsiis brutis & infantibus. Imò remittente voluntate iocundum, mente  
 & electione nostra hosce motus, quos ex iure necessariis patimur,  
 exosos habemus, & nollemus ita illis agitari, & æstu quodam eorum  
 hoc atque illic iactari. Idcirco si infantum libidines & appetitus in-  
 citationes, culpa & crimine prorsus vacent, etiam adultorum appe-  
 tiones rationem præcorrentes, & naturæ temeritate solam ferocien-  
 tes noxam non obtinebunt aliquam: si modo ex plena animaduer-  
 tentia rationis, illis liberum voluntas consensum non adiciat. Quæ  
 enim alia ex causa irrationes appetitus, quæ rationis expertibus in-  
 sunt, culpa & peccato carent? si dicunt ideo euenire, quod mente &  
 libero arbitrio cuiusmodi agentia destituantur: molem & fabricam

*D. August.  
 lib. 1. de  
 peccato  
 mer. cap. 35*

C C

erroris,



erroris, quam proprijs manibus hactenus intenta cura construxerūt, diruunt iam & pellunt: Eadem enim est ratio ortus & originis perturbationum in hominibus, atque in brutis, priusquam ratio & voluntas accedant. Sed ad aliud subsidium miserōs hos & nimia solitudine perplexos, video dilapsos. In hominibus motus isti peccata sunt, non vero iniquit in brutis, quod hominum etiam temerariæ appetitiones sint legi diuinæ contrariæ, non verò ita brutorum impetus. Sed obsecro, quo tandem vestra hæc insania pergit? non sufficit quod in naturæ detrimentum & humani generis dedecus sempiternū error vester processerit? adhuc vultis & in blasphemiam incidere, ut huiusmodi tetro colophone institutis vestris lauream adferatis? attingitis absurdissimi, imo blasphemii, Deo Opt. Max. summam imprudentiam dogmate vestro. Quasi verò motus isti ipsius Dei sancita lege sint prohibendi, quibus nullus mortalium abstinere poterit, etiam qui Stoicis disciplinis quantumvis pectus excoluerit? æque prudenter lege hominibus, ac pæna etiam æternæ damnationis illis comminata, vetitum esset, ne quis ipsorum limo nasceretur in posterum. Sin vero hanc præceptionem in civili magistratu stultam diceremus, ipsi quoque grauius errare profiteremur, si edicto abstinere impossibile suis mandaret: quis sanæ mentis simile quid Deo ascribet? Quæro namque, cur expertibus rationis animantibus talis lex lata non fuerit, ita suo appetitu ferocientibus uti videmus? Si dicant frustra id fieri, quandoquidem ratione & libero arbitrio priuati culpabiliter legem transgredi non possint: iam errorem suum abiecerunt, & ad peccatum requirunt nobiscum rationem & arbitrij consensum. Sin autem asserant (ad quod etiam illos cogit ipsorum dogma, uti aliena vis omnis ablit) Deo visum non fuisse, vel illi non placuisse eiusmodi legem brutis edicere; iam fatentur eodem modo rationis expertes crimen iniquitatis commissuros, quo modo homines delinquant, si illis æque atque hominibus lex lata fuisset: atque ex sola Dei voluntate provenire affirmabunt, nulla discrepantia naturas rerum discriminante, quod hominum perturbationes sint peccata, non vero brutorum concitationes. Detestandi qui estis, & terrarum orbe exigendi. Itane causam peccati in vnius Dei beneplacitum (cui inuisum est omne peccatum, cuiusque opera casta sunt & illibata) reducitis? truculentum Deum vestris inuexistis placitis. Æternas pænas suscipient homines, & quare? quod Deus eum legem sanxerit, qua illis quosdam actus interdixit, à quibus tamen ipsi se cohibere non possunt, sed ab ipso naturæ authore ad eosdem excitantur. Pudet, pudet profectò in istis diutius immorari,

aut



aut cultionibus literis agrestes & bardos coercere : quorum capita sub-  
iugare, & sub terram dimittere, ex operis ipsius facilitate, & negotij  
viliari estimatione, tenuis laus esset, & trophæum humile & obscu-  
rum. Adhuc tamen non desinam illos fugientes persequi, aut auersa  
eorum pectora vno aut altero telo petere. Si ex quorundam sententia  
verū sit, appetitus perturbatio non esse eiusdem actus aliquos eli-  
citur, sed potius ab externo obiecto incurante in sensus impressiones  
quasdam : & hac de causa passionibus dici, quod ipsæ passiva susceptione  
admotæ, tunc tamen nequaquam efficiuntur perturbationes esse pec-  
cata. Nam caput effertentis pedem domo pluvia si incidat, aut in  
aperto oculos à rebus effusa species si iruant : in illis tamen nulla  
peccati ratio continetur. Quare ergo quod obiecta sensu perceptibilia  
appetitum feriant, & impressionem aliquā eidem inferant, etiam ali-  
quando invito homine, vel nihil minus cogitante, peccatum & offen-  
sa ascribitur ? Vbi tamen victoria adhuc illustrior euadat, fingam  
decursum quod dici poterit in eorum defensionem. Peccatum hoc con-  
cupiscentiæ neque ipsa facultas est naturæ, neque aliquis eius expres-  
sus actus, neque quidpiam extrinsecus impressum, sed priuatio quædam  
auxilij gratuiti, quo inferior appetitus in suo officio contineretur, per-  
sistente Protoplasta in originali iustitia. Optimè iam teneo mentem  
vellem. Sed vultis ne in illis consillere ? tandem dicite mihi inge-  
nuè ? & si hæc profligauerim quoque, mihi victoriam iudicij vestris  
desente num placebit ? timeo enim effugia vestra & dilapsus, aded lu-  
bici etis, & omni angustia flexibiliores. Vos sane tanquam Veneris  
filios cum Aenea semper nube video obvolutos, & in vmbra quan-  
dam taciturnis verbera incidisse suspicor. Vtrumque vobis ipso libens  
concederem & cum Venere necessitudinem summam, & cum vmbra  
inanitatem. Sed pergo. In hac priuatione duo despicio distinctione  
necessario partienda, vbi disputatio dilucidior euadat. Primum est ipsa  
priuationis forma, quæ ab opposito habitu, nimirum gratia & iustitia  
speciem & naturam mutuatur suam : & nihil aliud est quàm absentia  
illius gratiæ, quam quis habuisse iure tenebatur : vt à simplici ac-  
tuda negatione hanc priuationem separemus. Alterum, quod huius  
priuationis non forma est, sed effectus, nimirum inclinatio seu pro-  
pensio appetitus in illicita, & in ea, quæ sensibus solummodo gratia  
exsistunt. In priori peccatum inueniri non potest. Nam si concupi-  
scentia vitiosa sit priuatio gratiæ, erit priuatio illius vel iustitiæ ipsius,  
& doni sanctificantis, aut alterius specialis muneris primo parenti  
diuinitus attributi. Si autem concupiscentia defectus sit ipsius iustitiæ,

*Perturbatio  
tamen im-  
presse pec-  
cata esse non  
possunt.*

*Homer  
Iliad. 6.*

*Priuatio  
doni origi-  
nalis iusti-  
tiæ non est  
peccatum.*

C C z

confecta-



Rom. 7.

D. Thom. 1.  
part. 9. q. 95.  
ar. 2. Molin.  
de op. sex.  
d. 1. disp.  
27.

Naturæ  
propensio  
in malum  
non est pec-  
catum.

confectarium est Christi merito iustificatos concupiscentia carere, quod falsissimum est, neque id dicunt Sectarij : repugnatque cum Apostolo aperte : nam eidem simul habitus & privatio non competit. Sin vero concupiscentia sit destitutio alterius beneficij, quod Christus humano generi nunquam attulit, ita nimirum ut sit carentia & orbitas plenæ obedientiæ appetitus sensitiui erga rationem : neque peccatum quidem erit iste defectus. Nam peccatum quum sit inimicitia quædam contra Deum, opponitur iustitiæ, sanctitati, & amicitia cum eodem. Illa autem privatio, aliud donum respicit distinctum a iustitia. Ut sicut talis doni præsentia non reddit iustum hominem, ita nec privatio eiusdem constituet iniustum : nisi eam logicam acumine suo excogitarint hæretici, qua didicerunt privationem auferre amplius aliquid (ut loquuntur) quam habitus oppositus reponere poterit. Habitus autem ille naturam perfectam constituisset, non tamen iustam : privatio idcirco eiusdem latam & mutilam eandem faciet, non tamen iniustam aut Deo exosam. Nunc venio ad illam appetitus propensionem in malum. Hanc quidem si peccati insimulare velint Sectarij, ipsam naturam cum Manichæis uti incusent necesse est. Nam si prius hominum conditus fuisset in natura pura & simplici absque omni gratiæ adminiculo, eodem modo propensus fuisset ad illicita, sicut iam post peccatum contigit nobis esse inclinatos. Nihilominus talis propensio non esset peccatum. Nam sic neque ex potentia Dei absoluta condipotuit natura humana, quin peccato statim esset obnoxia : quo nihil absurdius, quodque asserere iniurium est in hominis naturam, & ipsummet Manichæorum commentum. Hanc enim propensionem naturæ in illecebram, ipsi intinse delixam esse quis non videt? nam ex substantiæ ipsius conditione promanat. Si enim equi generosus fræno detracto inde propensus sit ad ferociam, id ex naturæ ipsius oritur qualitate, sic enim ipse comparatus est a natura. Ita primus parens delicto suo appetitui frænum diuinæ gratiæ excussit, quo adempto, propriæ naturæ relictus, inclinatus fuit admodum ad turpia, & ad sensuum illectamenta. Quare si in illo, aut etiam in nobis, qui cum iustitia accepimus, sola propensio appetitus sit lethale peccatum, ipsa natura etiam ab intrinseco erit mala, vitiosa, & scelere contaminata. Quod post tetram illam labem Christiano nomini Manichæorum furoribus illatam, horreo plane dicere. Istis serum hoc & hæreticum animal, quasi sepro aut cauea inclusum habeo ad ludibrium. Non euadet uti credo. Ipso silentio, & gemitu quem edo, victum se & domitum



domitum prouertitur. Cum huiusmodi absurda & portentosa in ipsorum commentis quotidie deregimus: interim nihil ipsi proferunt in excusationem erroris. Conticescant, vel ut rari in cauernis coxant, & rusticano strepitu pompam in angulis querant. Si audetis tandem vos compello, calamo somitentes interim restes, fustes, cruce, flammam Janienas, & eiusmodi barbara argumenta crimina hæc a vestra gloria propulsate. Exoscularer profecto ingenia, si modo ex illis emergere aliquando possitis incommodis, & infamula defiligata vestra nomina dextere liberare. Sed in posterum quid sperem a vobis, cum hæcenus tam obstinate desipueritis? at de his etiam alias postea fusius disputabimus.

*De natura amoris, eiusdemque partitione multiplici.*

## CAPVT II.



VO O circa appetitus incitatos motus omnis virtutis occupatio delineatur, atque in illorum xitu tranquillo, & ad malaciam quandam reducenda, mentis exercitatio precipue versetur: de illis singillatim, ut hominis officium, quod in actione positum est, constituitur, pertractandum est. Non quod inlirari nolletur de singulis disputationem foliores instituire: inde enim proluxa nimis euaderet tractatio, & in rebus non ita obscuris ingratus labor a nobis susciperetur. Quare capita solum, & principales affectiones, ad quas ceteræ conloquuntur expendentes, hanc methodum quoque & sententiam disputationum obseruabimus: ut primo in loco vis & energia perturbationis, quam suscipimus discutendam, lucide explicetur: mox in medium adducantur rationes, quibus animus firmari possit, & contra aduersum motus illius impetum recta consilia corroborari.

Inter hæc autem appetitus motus & affectiones supremum locum, ætem, & quasi imperpetuum obtinet Amor, cui natura scriptum plane & diuina commissa. Qui si tandem rationi infestus euadat, tyrannus ipse est, & plusquam barbaricæ feruitus ingo atque flagro vim humanam & superiorem illam animæ sanctitatem deprimet ac cadet. In quo illo mihi conspicua videntur. Primum, quod si qua demum inobstantia susque deque feratur appetitus, amorem deprehendemus veluti docem semper se ostentare, qui aliam quamlibet excitet sua auctoritate perturbationem. Eaque de causa

*Amor  
moralis  
cum appetitu  
per  
turbationem  
resoluitur.*

*Amor vera  
cognoscitur.*



recte dicitur à Philosophis Amor protopassio. Reliquæ affectiones quidem tamen alioquin cæcum & temerarium imperum adhibere soleant, ita tamen ex imperio amoris munera sua constantiter obeunt, uti ratione regi quodammodo videantur: vel si qua illarum sit infania, illa solius censebitur esse amoris. Nam ne tranuersum quidem vnguem ab hoc amore discedent, cuius elatū vexillum sic intendunt, ut quod ille iusserit, id examulim perficiant, & exequantur: Proinde amore resiliente, coniunctim fugam capessunt, amore inferente se in hostiū cuneos, pari conatu periculis se obijcunt & insequuntur: amore deferuelcente, subducunt se statim, vim suam reprimunt, gradum sistunt: & quò amor denique progreditur, eò feruntur vniuersæ.

*Amorem  
tuentur,  
cetera per-  
turbatio-  
nes.*

*D. August.  
lib. 14.  
cap. 7.*

*Amoris vis*

Alterum est quod sub aspectū intelligentiæ etiam nostræ cadit: nimirum amoris promouendi ac tutandi causa, ceteros omnes motus suscipi ab appetitu & eiusdem amoris iussu irritari vel sedari: ita ut nihil in nobis nisi vnus amor operari videatur, quocumque demum modo appetitus perturbatione aliqua exagitetur. Amor (inquit D. Augustinus) inhians habere quod amat: cupiditas est, id autem habens, eoque fructus lætitia, fugiens quod ei aduersatur, timor est: idque si acciderit sentiens tristitia est. Quamobrem totius vitæ ratio eo pacto ab amore deducitur, uti eius cursum & inflexum facile videre possumus, si modò vnum amorem in nobis diligentius paulo examinemus. Sicut enim Nautis chaos actionum momenta & incitationes omnes, vim suam & progressum ab amore mutuuntur. Pondus est quo deprimimur, ventus quo in sublime raptamur, aura qua recreamur, turbo qua in gyrum & orbem volutamur, ei aculatus quidam spiritus, quo dissipamur. Amantem enim leuitas agilitasque tam corporis quam animi comitantur: mentem ad omnia excitat amor, nihilque vel in celo abstrusum, quod amore non exquiratur. Amor ad ætherea euectus spacia, curiosius ornamenta cæli cogitatione sua depingit, motus, signa, ortus caelestium illorum corporum perferutat. Amor adhuc altius elatus, claustra illa superna mente reserauit, & ibi existentium rerum pulchritudine captus, cetera omnia fastidire cepit, & illorum tantummodo arctissimo desiderio teneri: neque curam aut sollicitudinem hanc deponendi animo facultatē concedit, quousque illis bonis potitus fuerit. Proh insignem amoris vim, quæ ita miseri hominis pectus concoquit & diuexat, quæ ad tam alta & sublimia humi repentem animalculum, voto & concupitu erigit: uti non regnum aliquod terrenum, imò neque orbis Monarchiam tantum, sed aliquid istis omnibus



bus infinitis fermè gradibus excellentius, imò bonum quoddam di-  
 uinum tantopere expectat. Amor ipsi etiam Deo bellum horrendum  
 indixit. Ita enim peruersa amoris cupiditas in quibusdam septentrio-  
 naliū aliquando delinuit, hoc scribente Olao magno) vti quod ille *Olau lib. 2*  
 Deus votis respondens dona nonnunquam haui largiretur, post  
 immane illos Cygares in oppugnationem caelestis Regia excellam  
 eurrunt extroentes, alioque ipsius Dei hostes apud Portas celebres,  
 fundis, iaculis, aliisque instrumentis bellicis in aciem contra superos,  
 incredibili quodam ausu, aut epidis, animis procedere soliti fuerunt.  
 Amor terrarum orbem eade & sanguine funebant, omnia iniecta de  
 locotum spæcia suo motu & agitatione est dimensum: cum marini vor-  
 tices timorem non inculcerunt spe lauri exortato, aut aula littora  
 terrentem. Neque barbarorum saxi & truculentum mores imperium eius  
 cohibuerunt: nulla denique exulta subeunda dona gleba, aut sub  
 beuiali glacies, & frigoris concretus horror, gressum illius retarda-  
 runt. Quid non tentauit audacissime? quid non perfecit felicissime?  
 Reporet ergo cum animo suo vnusquisque quidnam amet, dimittat  
 ad imum pectoris sui recto filo suspensum perpendiculum, & quam  
 amorem agnouerit suum, de cæteris ad vtramque auiam portionem  
 spectantibus facile illi coniectari licebit. *Inuenerit se gulfese* (inquit *O August.*  
*Augustinus*) *quid amet, & munera vnde su datus: & si se inuenit diem* *101 fol. 64*  
*hylæse, extirpat cupiditatem, plantat charitatem: Si autem se inuenit diem*  
*Hierusalem, pulcrit capitiuam, sperat libertatem.* Amor per omnem ætatem *Amor in*  
 velocis excurret, & imperio suo cuncta administrat. Iuuenes ad libi *anni etate*  
 dines præcipites rapit, senes gloriæ appetitione, & ambitus cura sus- *luminatur.*  
 pensos tener. Temerarius Iuuenis ex amore: eodem quoque vim  
 suam exerente tardigradus est senex: amor quippe illum cohibet,  
 iam enim incipit sibi vitam habere chariorem: & ælimatio nominis  
 in oculis illis vetustate infuscatæ magis splendet, & emicat: quoniam  
 enim cetera obscura sunt illi, gloriæ tamen coloribus depingit mi-  
 riæ & luce illustrat suæ honor pulcherrime semper in oculis senum *Amor in*  
 efflorescit, concidente corpore ad auctoritatem voce contendunt *temporibus*  
 senes, quam Cicero apicem senectutis vocat. Anni etiam partes & 20. *anni.*  
 danci interstitia omnia occupat. Nam quando terræ vernantes herbe, *curra de*  
 arborum frondes, & segetes iucundissimæ, floresque, depicta veluti *seuill.*  
 stragula orantur, tunc ad auram, ad prospectum, ad dulcem fauor-  
 um excipiendum, ad suauissimos evaporatos odores captandos ho-  
 mines exuscitat amor. Cum vero omnia gelu & densa niue horrere  
 & squale incoeperint, eosdem in domuum recessus idem amor ex  
 amictu



amictu & ornatu ad oculos sensuque oblectandos idoneos cogit, gemitu indulget, & vnumquemque dierum facit genitalem. Quum autem circa corporis cultum cura imposita ipsa perpetuat, & diuturna consuetudine iucunditates illas corporeas molestas reddit, & quodammodo graues: quando voluptates demum omnes nimia assuetudine à corpore defluerint, adhuc amor non excidet pectori, sed animam repetens literarum studio illam inflammabit ac recreabit: in Bibliothecam quippe aliquam omnis generis librorum instructam, derigatam alijs studijs inducet: ubi de uindictis rerum cognitione, utpote partium mundi scitissima descriptione, præclarè gestorum narratione, accurata obscuri enigmaris aut placiti Philosophici seu Theologici lucidatione, quantumvis festam mirifice afficiet voluptate.

*Amor utique  
per omnes  
huc fluit*

Omnes denique vitæ status obtinget amor: curas rei familiaris inter coniugatos leuat amor sobolis: solitudinem in Clericis iucundam prælat caliditas & virtutis amor: miles amore concupitæ victoriæ inflammatus cuspides vibratas, aut contortos è tormentis maioribus glorio non extimescit: Mercator ne obiectu quidem insani maris cum spuma ad litus allis exanimatus subsistit: amore quippe lucri ad navigationem incitatur. Rusticus (cuius neque tugurio amor prorsus abstinet) cum ad labores suos cogitationem convertit, amorè iubente, & in pio uentum intendente, animum non despondet.

*Amor  
triplex.*

Sed ut hæc distinctius adhuc pertractentur à nobis, vniuersalis amoris notio in suis particulares species prius paranda videtur. Triplex itaque amor dicitur, naturalis, animalis seu sensitiuus, & rationalis. Naturalis quidem non est elicitus actus alicuius facultatis animæ aut corporis, sed propensio solum in id, quod naturæ maxime est consentaneum: quo amore omnia erga conseruationem sui ac perfectionem affici ex certis quibusdam indicij, apprehendimus. Sic pluvia decidens in orbem guttatim se colligit, ut melius contrario resistat: impetu quodam flumina mare, in quo pereunitatem consequantur, repetunt: sublatus in altum lapis Centrum requirit. Amor animalis seu sensitiuus actus est expressus ipsius appetitus, & ex cognitione aliqua nimirum imaginationis profectus. Qui quidem sicut animalis solummodo competit, ita homini cum bruto pariter est communis: ferturque in illud, quod sensibus iucundum apprehenditur. Amor rationalis operatio quoque est voluntatis, seu partis superioris animæ, quæ ad regulam rationis suos conatus efformat: atque ex duplici quidem cognitione emanat iste amor. Prima illa est, quam in vnoquoque naturalis parit intelligentia: ut quando ex communibus

*Amor rationalis  
duplex.*

notio.



notionibus menti illatis disquisitione propria, aut aliorum instructio-  
nibus vti ipsius Dei & rerum humanarum cognitionem adsequimur;  
cuius vi etiam amore eadem cognita complectimur. Altera verò illa  
est, quæ cælitus animis infusa, & fides appellatur: cuius adminiculo  
non quomodocumq; diuinum numen sociosq; homines intelligimus  
amandos, sed ex charitatis seruire: quæ quidem notitia rebus à Deo  
reuelatis innititur, utpote qua percipimus ad eundem finem super-  
naturalē nimirū Deum ipsum omnes homines perq; esse institutos,  
eundemque sortitos Christum communis salutis authorem, infirmi-  
tatis reparatorem, atque militiæ ducem. Amor porro ille sensitiui ap-  
petitus quandoq; rationalis dici poterit: cum videlicet in illud obiectū  
tendit, quod ratione constituitur ac decernitur. Nam circa res subli-  
mes & spirituales amor sensitiuus nonnunquam versatur: in quarum  
appetitione (ut Propheta loquitur) non cor solum, sed & caro exul-  
tat atq; lætatur. Quem maxime dicuntur illi experiri, qui in ipso in-  
gressu ad vitam sanctiorē lacte & melle à Deo Opt. Max excipiuntur.  
Quando enim contingit uti res cæteroquin naturis suis ab omni con-  
cretionē seiunctæ, ac si sensibus essent perceptæ nobis exhibentur, &  
veluti aliena forma sensui familiari obijcuntur, appetitum sensu præ-  
ditum rapiunt ad se: quem non aliter atque ipsam voluntatem concit-  
tare solent. Ut autem ex ratione obiectorum species omnes istius  
amoris in vniuersum colligamus: sciendū D. Antonium septem recen-  
sere. Prima illa est, qua erga vitam ipsam afficimur, quam non nisi  
ægre admodum amitti & perire omnes volumus: Secunda ad sen-  
suum tendit voluptates ex eis rebus hauriendas, quæ ipsis arrident:  
Tertia parentes respicit, & sanguine coniunctos: Quarta propendit  
in coniugem & thori socium: Quinta patriam complectitur. *Hic ille*  
*amor patriæ laudemque immensa cupido.* Sexta amicos diligit. Septima &  
ultima res externas intuetur, vitæ emolumenta atque diuitias. In  
quibus omnibus, nisi adit ratio moderatrix, facillime erratur. Si tamē  
in illis ratio modum ponat, & ad honestum finem eas referat; sicut  
culpa vacabunt, ita quoque virtuti inseruiant, & honestissimis insti-  
tutis adferant momentum.

*Amor sen-  
sitiuus ali-  
quando ra-  
tionalis.*

*Psal. 23.*

*Septē spe-  
cies amoris*

Septenarius autem iste numerus, ex parte obiectorum desumptus,  
adhuc pressius considerari & in pauciora reduci posse videtur. Quod  
ut melius percipiatur, fundamentum amoris prius distinguendum est  
ab eiusdem obiecto. Ut enim aliquem amore persequamur, necessario  
cum illo debemus coniungi ex cōmunionē & participatione alicuius  
boni: atque iuxta varias formas istius communionis, varij consurgunt  
amores.

*Obiectū &  
fundamen-  
tū amoris.*

D D



amores. Coniungimur enim consanguineis ipsa natura propagatione, cum amicis in aliqua similitudine morum, nempe in conuictu, in vitæ genere: cum vxore, sobolis propagatione; cum Conciue & Commilitone eisdem aut similibus studijs; cum patria, educatione & sustentatione; cum ipso Deo Opt. Max. quàm arctissimè & coniunctissime copulamur: in qua copula cæteri nexus omnes eminenter continentur & coërcentur. Amicus est enim Deus, parens, patria, principium, finis, & omnia. Quæ autem rationes formales in obiectis istius amoris videntur esse: sunt honestum, iucundum, pulchrum, & ipsemet amor. Quantum ad prius, ea demum facies est honesti, vt non secus atque magnes ferrum trahens, hominû affectus ad se cogat & inuitet. In quam quum quis mente sua intenderit, mirabiles affectus inde excitari solent. Fieri non potest, vt excellens illa virtutis species in alicuius odium, etiam proiectissimi ad omnem turpitudinem, incurrat: virtutis proinde sedem asperis etiam cautibus inclusam nec auersamur, difficultatum spinas, quibus obsepitur, delictiores digituli non refugiunt. Virtutem autem ipsam, cum eius formam à cæteris rebus mens sua cogitatione secreuerit, & visendam extulerit, nemo est quantumvis flagitiosus, aut immanitate morum efferatus, qui illius desiderio non tenebitur: si vel eiusdem vmbratilem solum quandam notionem animo complexus fuerit. In iucunditates autem quam inclinata sint appetitus nostri affectiones, non quenquam esse autumo, qui nesciat aut non percipiat. Voluptatis enim illecebra incitante, omnia ferme ab homine peraguntur: neque tam durum est pectus, quod hæc non emolliat, aut ita præceptis sapientiæ munitum, quod hac interdû concussum, grauius nutare, vacillare, & in casum ruere non incipiat. Ingens sanè & mirabilis vis est voluptatis. Si lana vel bombycinum ad ferrû aut chalybem allidatur, scintilla inde non excutietur: requiritur enim attritio corporum ipsa duritie firmatorum ad scintillæ eiectionem. Voluptate autem quid mollius aut tenerius? Hæc tamen cum ad pectus etiam Philosophi alicuius appulerit, illud ita feriet, vti ex ipsa collisione non scintilla aliqua, sed ingens flamma amoris, furoris quoque fumo admista, erumpat sæpissime. Pulchri alicuius aptè concinneq; effigiatam formam intuetur oculus, quæ obiecta sensibus, interius deinde ad cor ipsum peruadens & animæ sedem, amorem vehementem excitat. Neque satis demirari possumus ea, quæ lineamenta hæc corporû scitè deducta, colorisque adhibita tinctura, in orbe terrarum perpetrarunt, qualem quantumque animorum æstum corporumque motum inter homines effecerunt.

*Cum Deo  
omni modo  
copulamur*

*Obiecta  
amoris  
quæ.*

*Amor  
virtutis.*

*Amor  
iucundi.*



effecerūt. Pulchrum quid? Extrema superficies corporis idonea figura explicata: quid exilius? Rubri albique et florēscens temperatura, quid inconstantius? Tenuitas tamē hęc formę & ei adiuncta inconstantia, mortaliū animos curarum labyrinthis & meandris implicarunt, sapientiam mentibus expulerunt, horrenda bella conflagrunt, cędes ediderunt, ciuitates deuastarunt, & summa imperia ad extremam seruitutem abiecerunt. Quod verò ita in pulchrum animus intento cursu *Amor pulchri.* auidissimē tendat, Platonici eam rationem, quam duci arbitrantur à sympathia, assignant. Volunt enim animā harmoniam quandā esse ex certo ordine & serie rerum optime inter se coherentium coalitam: quam, quum ad pulchrum aliquod cogitationis suę motu accesserit, quod hoc pulchrum apta quadam proportione & partium situ quoque perficiatur: ex ipsa cognationis similitudine dicunt amore capi & deliniri. Alij existimant ipsam pulchritudinē corporeā, vmbra quandam esse virtutis interius in mente latitantis, eiusq; veluti purpurā: in quam proinde quum animus suo pte ingenio propendeat, eius gratia pulchritudinem externam, quę alterius est indicium, amore similiter prosequitur. Ultimo loco posuimus inter amoris causas, ipsum amorem. Vnicuique autem perspicuum est, quantam vim habeat iste in aliquo ad amorem conciliandum. Nihil enim maius ab amico expectare possumus, quam vt nos redamet. Et ab hoc ipso amore præstata beneficia quęcumque vim omnem suam & valorem mutuuntur. Si magni quidpiam dederis, interim amor frigeat in pectore tuo, quod manu porrigitur exiguum erit aut nihil. Caterum verò qualitate doni exile beneficium, amoris accessu, quo redditur, ita augmentum capit: vt in ingentem quandam summam & pretium, quantumvis de se modicum sit, excreseat. Denique hęc vna ratio est ad amorem, qua præcipitur: *si vis amari, ama.*

Ex istis quęnam sit amoris natura facile iam constare poterit. Est enim appetitus aut voluntatis expressus actus circa illud, quod aut nobis ipsis aut alteri bonum est & conueniens. Si enim aliquid diligimus sui gratia, vtpote amicum, amor existet amicitię: sin verò nobis ipsis bonum optamus ex alio, euadet amor concupiscentię. Quando autem alteri bonum desideramus amicitię amore, quod ab eius persona distinguitur, forma obiecti incitans affectum ad amorē, non est bonū ipsum, sed persona amici. Similiter quando ex eiusdem boni cogitatione lætitiā animo capimus, in personam semper amici amoris ratio & incitatrix prima vis recurrit. Nostri autem causa desiderata omnia causam habent expetitionis, nos ipsos. Quare sunt,

D D 2-

qui



*D. Thom. 1. 2. q. 2. ar. 4. Molin. 1. part. 9. 63. ar. 3. mēb. 2. diff. vnic. Ocham. in 2. di. 1. q. 3. art. 2.* qui in eodem actu amoris subtili quadam partitione tum amicitiam, tum etiam concupiscentiam distinguunt : ita ut respectu boni, sit concupiscentia ; respectu autem personæ, siue nostræ siue alienæ, amicitia. Sed in istis spinetis diutius morari non lubet. Ad intelligendam verò amoris istius proprietatem, iuuat quod docet Aristoteles, diligentius expendere : cum dicat actum amoris circuli cuiusdam formam imitari. Circulus enim in illud punctum vti finem desinit, quod eius principium quis animo fuisse cogitabit. Qua ratione superius ostendimus, operationem intellectus à ratione principiorum ad

*Amor operatur ad formam circuli.*

scibilia progressam, & ab eisdem ad principia reuersam, circularē esse. Eodem plane modo idem in voluntatis quoque motu videre est. Id enim quod primo incitat ad amorem, & huic initiū præbet, bonitas est rei in cogitationē nostrā incidentis. Hæc enim pellicit & attrahit sui obiectu voluntatē ad amorē, & insinuat se latentius in animi sensus. Postquā verò excitus sit appetitus, cū amor laxato sinu effundat se ad illud, cuius desiderio distinetur : vltimū finem in ipso constituit, quod tamen aliquando agitationis principium fuit. Et sic relabitur idem in seipsum : terminus & exordium coalescunt. Contingit idcirco voluntatis operationē quodāmodo esse sphericam, & amorē in orbem effigiari.

*Virū amor sepe prior alia quavis perturbatione.*

Sed quod superius diximus, amorem nimirum inter ceteras perturbationes primam sedem occupare, & omnibus imperitare : duo sunt in disputationem quæ cadunt, ac indigent exactiori, & magis polita, subtiliorique inquisitione. Primum est, vtrum operationes omnes tam concupiscibilis, quam irascibilis appetitus requirant vti antecedentem causam, actum amoris, necne ? Alterum quamnam rationem causæ vendicat sibi amor, quando motus alios sibi subiectos suo imperio excitat aut compescit ? Circa prius *D. Thomas* eam secum iniisse visus est sententiam, qua existimauit perturbationes quas cumque ex amore oriri, neque aliquid ab homine vnquam suscipi actione eius, siue ad rationem conatum suum efformet, siue à ratione eum distorqueat, quod amore præcedente non existat. Nullus enim ex eis, quibus potitus est, voluptatem & læticiam capit, nisi eorundem flagret amore : sed neque timebit discrimen amissionis, nisi pariter eorum amore ferueat : bilis nulla excitabitur ad abigenda ea, quæ impedimento nobis sunt, nisi concupiti boni alicuius amor pectus inflammet.

*D. Thom. 1. 2. q. 25. ar. 2. & q. 27. ar. 4.*

Denique omnia urgente & exstimulante amore perfici videntur : hoc autem *D. Thomas* tribus rationibus adhuc confirmat. Si, inquit, concupiscibilis appetitus vniuersas motiones animo lustrauerimus, perspicemus eas omnes circa bonum aut malum occupari. *Naturaliter*

*autem*



autem prius est bonum malo, eo quod malum est priuatio boni, unde & omnes passion-  
 nes, quarum obiectum est bonum, naturaliter sunt priores passionibus, quarum obiectum  
 est malum, vnaqueque scilicet sua passione opposita. Vnde conficitur, amo-  
 rem impetu suo prius ferri in bonum, quam quod odio quis habeat  
 contrarium, aut ex illo tristetur. Porro nihil obtinet orationem finis,  
 præter illud quod est bonum: finis autem primò expetitur, deinde  
 assumuntur media in finis adeptionem. Ex quo liquet amore diligi  
 debere prius hunc finem, & mox consequenter ad alia fieri progres-  
 sum. Neque solum cæteris motibus partis irascibilis amor semper  
 prior erit, quod adductæ rationes suaserunt: verum etiam affectioni-  
 bus ipsius concupiscibilis facultatis idem amor ducatum præbet: quod  
 & hoc tertio argumento adstruit D. Thomas. Quæ ad finis conse-  
 quutionem (inquit) aliquid conantur, ea tria exigunt vtpote necessa-  
 ria. Primum, vt appetens recte apteque comparatus sit ad id, quod  
 expetitur, ex proportionem quadam virtutis eius ad finem. Deinde re-  
 quiratur motus appetitus in hunc finem. Tertium est quies appetitus  
 in bono iam parto & acquisito: quo quidem naturæ cursus sistitur &  
 finitur. Hæc autem ita accommodat D. Thomas ad suum institutum,  
 vt ex enumeratis priori respondeat amor, seu simplex complacentia  
 boni, secundo desiderium, tertio gaudium & delectatio. Semper itaq;  
 amor quemlibet alium motum appetitus anteuertit. Assertum hoc à  
 D. Thoma tuentur eius interpretes, & illius rationibus applaudunt:  
 cum cæteris Caietanus & Medina. Hoc autem si accuratiori disputa-  
 tione ageretur, non vsque adeò verum fortassis appareret: breuissi-  
 me vero & succincte illud paucis ventilabo. Assumo itaque tanquam  
 legitime mihi concedendum: distinctione nimirum reali perturba-  
 tionum reliquarum actus discretos esse ab actu amoris, & ab illo habe-  
 re separatas diuersasque rationes obiectorum: denique à varia multi-  
 plicique mentis notitia profluere. Hæc enim si quis mihi negauerit,  
 non video quomodo is numerum aliquem affectionum recte consti-  
 tuat, aut quoad speciem inter appetitus motus discrepantiam. At si  
 mihi vltro ea dederint, qui partes D. Thomæ sequuntur, quantum  
 ego coniector, pariter victoriâ concedet. His itaq; defixis & statutis,  
 dico contingere sæpius vt imaginationi primò occurrat aspectus ali-  
 cuius formidolosi solum, interim rationes, quæ ad amorem inducunt,  
 delitescant, nec compareant. Quæro iam vtrū cum ita percussa imagi-  
 natio fuerit obiectu alicuius tristioris spectaculi, num appetitus time-  
 re & horrere possit necne? si affirmant, fatebuntur sine amoris admi-  
 nigulo excitari perturbationem timoris, nec quicquam hanc commer-  
 cij habe-



30 DE TRIPLICI HOMINIS OFFICIO,

cij habere cum amore. Si negent, in absurdum impingent, asserentes nimirum appetitum suo obiecto proposito nullo pacto moueri. Et præposterè dictum mihi videbitur, quòd appetitus timere non possit, aut odio habere, etiam quum rationes illi obiectæ fuerint, quæ ad timorem aut odium ducunt, nisi prius sollicita cura exquirat causam aliquam amoris. Euocatur enim & excitatur appetitus ad illud solum, quod illi tunc obijcitur: si amabile proponatur, existet amor; si obtentum aliquid, delectatio; si malum in vniuersum, odium, dolor, timor, aut tristitia. Verum ne quis suspectam ideo habeat istius litis terminationem, quòd præiudicio communissimæ sententiæ prematur, quæ etiam pro affato habetur: & qua dicitur, amorem inter cæteras perturbationes esse protopassionem quamdam: axiomatis sententiam ita explico. Protopassio est amor ratione dignitatis, & energix, & vigoris sui: protopassio etiam est exinde, quòd illi motus omnes subiiciuntur. Qui enim aliquid amat, oppositum necessario is auersatur: eodemque se parat ad assequutionem concupiti, & armat ad expulsionem contrarij. Non tamen semper actus amoris in ipso momento consurgit, in quo excitantur cæteræ perturbationes: (vti dilucide argumenta superius probarunt) quærimus enim iam de amore non quomodocunq; elapso, sed de illo, qui actionem physicam habeat in cæteras affectiones appetitus. Atque ex istis non obscuræ erunt solutiones argumentorû, quæ ex aduerso constituimus. Quorum primum id solum efficit, vti naturæ ordine prior sit amor, nec reluctamus quidem: & fortassis si ab infantia & ipso ortu hominis omnes actus appetitus repetere velimus, primus euaderet amor: nec de quopiam esset timor, dolor, aut odium, nisi prius eiusdem amor in illo viguerit. Pro certo tamen & explorato quis hoc enunciare poterit? Negamus autem existente odio aut dolore simul actum amoris semper insurgere, qui eorum sit causa. Altera ratio iniquam inuoluit comparisonem: nam odium, timor, aut tristitia non sunt veluti electiones, sed potius displicentiæ ob aliquid mali & fugæ ab eodem, & huiusmodi fine includuntur. Tertia non satis vero fundamêto inniti videtur. Nam appetitus amore suo proportionem non acquirit cum bono delectabili, sed hanc potius natura sua sibi vendicat, si bonum illud limitibus naturæ sit inclusum, nec vires eius excedat: nam si priusquam appetitus aliquid amet, aut odio habeat, proportionem & aptitudinem hac destituatur, operari nunquam poterit. Ex parte enim causæ, & actus primi proportionalis est necessaria. Sin autem hanc habuerit natura sua inuoluta comparatione facta ad amorem, eodem planè modo sicut appetitus suapte natura.

Quomodo  
amor pri-  
mus inter  
affectus.



natura sine actu secundo aptus est ad amorem : ita quoque absque eodem amore idoneus erit ad quamlibet aliam perturbationem eliciendam.

Contingit autem (vbi diximus) amorem alijs motibus præire : idcirco secundo in loco indagandum suscepimus, vtrum amor iste causa dici poterit affectionis inde excitatæ. Medina opinionem illam tutatur, qua dicitur, amorem esse causam efficientem cuiuslibet alterius perturbationis : quemadmodum existimat idem cognitionem alicuius principij effectricem esse causam notitiæ conclusionis inde deductæ. Sed apertè veræ philosophiæ (vbi mihi videtur) repugnat Medina. Nam sicuti demonstrauius, non existente amore flagrat aliqua alia perturbationum : quod non accideret, si amoris actus efficiens esset iræ, aut timoris, aut cuiuslibet alterius motus distincti ab amore ipso. Appetitus etiam sicut comparatus est ad amorem, ita quoque ad alias perturbationes. Verum ex sola per intellectum aut imaginationem rei amabilis facta notitia, rapitur ad amorem : eodem proinde modo quum alterius sensibilis notio animo se ingesserit, ex vi facultatis appetendi, actus aliquis eius circa illud emanabit. Nihil enim ad operationis efficientiam in sensu præditis requiri videtur, præter ipsam potentiam, & obiectum aptatum ad vim naturæ, atque eiusdem aliquam apprehensionem. Quod si amor causa efficiens esset, (vbi exempli loco dicamus iræ) tunc cum potestate irascibili amor ille vnā constituere deberet integram vim efficiendi. Hoc autem verū non constabit. Nam sicut amor alia res est ab irascibili illa virtute, ita aliam quoque vim habet ad agendum : & quum non sit forma aliqua ad modum habitus inherens irascibili, illamve suo accessu formali determinans ad certam aliquam rationem actionis, nunquam vnā completam causam constituet cum illa facultate. Formæ enim subiecto & re distinctæ ac separatæ, neutiquam in vnā actionem poterint conspirare, ex eadem ratione efficientiæ. Idem iudicium sit de actu cognitionis principiorum & actu scientiæ circa conclusionem. Subiiciuntur quidem perturbationes reliquæ amoris, & ad eius mandatum exeunt, aut se continent : sed tamen absque vlla ab eo efficientia. Quemadmodū enim operante imaginatione, intellectus agens hanc aut illam extundit speciem intelligibilem, hanc mox aut alteram rem intellectus possibilis cognitione sua complectitur : ita iniecta etiam menti cuiuspiam notione, voluntas incitatur ad amandum, aut odio habendum, & exinde ad aliam perturbationem : nemo tamen affirmabit causam esse efficientem speciei intelligibilis imaginationem, vel

quando  
amor causa  
reliquant  
perturba-  
tionum.

Medin. 1. 2.  
q. 26, 47. 2.

Amor non  
est efficiens  
causa om-  
nis pertur-  
bationis.



### 3<sup>e</sup> DE TRIPLICI HOMINIS OFFICIO;

vel ipsius actus intelligendi, aut ipsam intellectionem causam esse efficientem appetitionis vel fugæ in voluntate.

Hic autem ex vno alterum emergit dubium : in quo ancipiti sententia inquiri solet à Philosophis : vtrum notitia siue intellectus siue imaginationis sit causa appetitionis cuiuslibet, vel an potius obtineat solum extrinsecam rationem conditionis requisitæ. Caietanus, Gregorius, Ocham, quos sequitur Medina, existimarunt ipsam cognitionem causam esse efficientem amoris, aut alterius motus appetitus : neque efficientiam hanc appetitum tantum retinere. Nam (vti ipsi dicunt) notitia excitat appetitum, & illius generalem vim destinat & defert ad peculiare quoddam obiectum ; quod quidem non faceret, nisi effectrix causa existeret ipsius actus ab appetitu dimanantis. Et antequam re ipsa & concretè quod in votis est constiterit, illud ipsum mouet & impellit voluntatem. Hoc autem præstare conlebitur per quoddam sui dictum intentionale: exinde nimirum, quod animæ formata notione expressum in mente eluceat: Idcirco intellectio efficiens euader intentionis in voluntate, aut cuiuslibet alterius motus in appetitu. Veriores tamen hac in re mihi videntur aduersæ sententiæ doctores alij, Henricus, Scotus, Capreolus, Ferrariensis, & inter neotericos Valentia, qui cognitioni aut apprehensioni deferunt solum rationem conditionis extrinsicæ, respectu operationis à voluntate aut appetitu profectæ. Ita vt sit veluti quædam approximatio tantum, qua obiectum proponitur facultati appetendi. Nam actus aliquis non poterit esse alterius actus causa efficiens. Qui si aliquid efficiat, habitus illud erit potius à tali actu producendus, non alius actus. Vt etiam superius dictum est, appetitus & voluntas cum mentis cognitione coalescere non possunt in vnā aliquam virtutem principij, cum subiectis ipsis secerantur. Et quidem prioris sententiæ leuitas fusio rem refutationem non desiderat. Rationes autem quibus innititur, ostendunt solum necessariam esse aliquā notitiam, ad excitandum affectum : quod nullus inficiatur. Ipsum vero obiectum nondum existens, haud mouet secundum esse, quod appellant intentionale : quasi cognitione ipsa, veluti forma tale dicatur : hoc enim pacto notitia non causa esset efficiens tantum motus in voluntate existentis, sed finalis potius : ipsaque notio obiecti animo impressa ratio formalis euaderet rei appetibilis. quod nullo modo est opinandum. Mouet itaque obiectum secundum esse intentionale, quatenus possibile delectabile, siue honestum & nondum existens. Quod autem ita auulsum est à concretionem, rationem quandam rei & entis interim obtinere poterit: vti perspicuum est.

*Utrum cognitio sit causa actus voluntarij.*

*Caiet. 1. par. q. 80. ar. 2. Greg. q. vnic. concl. 1. 2. & 3. Ocham. quo. 2. q. 18. Med. 1. 2. q. 9. ar. 1.*

*Henricus quol. 45. Scot. in. 2. Dis. 25. q. vnic. Capreol. q. 1. ar. 3. Ferrar. 1. Gont. cent. cap. 44.*

*Esse intentionale si quis quid sit*



in gradibus metaphysicis atque in possibilibus aut futuris diuina intelligentia ab aeterno conspectis.

Quod vero multum secum afferat emolumenti inclinatio amoris ad vitam humanam recte etiam & ex virtutis norma traducendum, ea propter diligentius de istius perturbationis natura, vi, & efficacia pertractandum. Non autem in vniuersum sui amor uti vitiosus est reputandus. Hunc enim pectoribus nostris ipsa effectio diuina infusum habemus, quem excutere nullo modo licebit. In hoc autem studium nostrum & intentio vigere debent: ut bene dirigatur amor iste sui: non in ea quidem, quæ ex specie umbratili in oculis vulgi efflorescere videntur, ad quæ etiam deprauatus sensus perturbate & immoderate anhelat: quin potius curandum ut illarum rerum sit amor noster, quæ solida sunt, vera, & genuina bona, non petulantia carnis constituta, sed recto iudicio decreta & diiudicata. Sui enim amor rationi infestus, malorum omnium auctrix & parens. Lites, bella, cædes, amore instigante existunt. Amoris aucupio fide voluptates & lenocinia sensuum exquiruntur, eo denique deuenit interdum sui amor, ut in ipsius Dei contemptum prorumpat, & illius Thronum quali immani scelere inuadat. Verum si rationis præcepto amorem sui quis bene ad formam honesti composuerit, fontem is sibi constituet, ex quo virtutum omnium rivuli perenni quodam fluxu in animæ hortu influentes emanant. Qui enim recte se ipsum amauerit, is imprimis virtutes sibi comparabit, solertia & cura diuinæ gratiæ subsidium adsciscet, & supremi illius numinis honores sibi ob oculos statuens, eos suis conatibus metam præfiget. Ut autem distincte disputatio nostra instituatur in lucta hac describenda inter animam & amorem noxium & incontinentem: in memoriam reuocanda est particio illa facientium ad voluptatem, tradita à D. Ioanne Euangelista, qua ea quæ confusa sunt, & propemodum infinita, certa ratione & distributione sub vno quali aspectu confluuntur. *Quicquid est in mundo (inquit) aut est concupiscentia carnis, concupiscentia oculorum, aut superbia vitæ, his enim limitibus & cancellis circumscriptæ sunt vires amoris: si à virtute excusso rationis imperio, rabido aliquo impetu deflexerint. Iam autem istius appetitionis præcipuam partem aggredimur.*

*Amor sui  
quandoque  
bonus.*

*Sui amor  
causa om-  
nis mali.*

*August. 1.  
de ciuit. c. 1*

*Partitio  
dele habi-  
tum.*

*1. Ioan. 2.*



## CAPVT III.



*Tria alli-  
ciunt ho-  
minū appe-  
titus, honor  
voluptas,  
virtus.*

**L**IVS morbi curationem haud vnquam futuram eius arte existimarem, quem mali ipsius natura, principium & progressus effugiunt penitus. Neque muneri suo is satisfaciet medicus, qui patentes tantum & ad aspectum expositos effectus, vti vultus colorem, corporisve habitudinem explore tenet: interim abditas & latentes causas, in quibus vis morbi delirefcit, ignoret. Quia potius si fieri poterit, ad medelam procurandam, intima quæque corporis euoluenda excuriendaque. Qui per immensos illos vastissimi maris tractus prædonibus & piratis infestos, eminentibus vndique scopulis cinctos, aut subsidentibus vadis fallaces, navigationem instituunt: nisi illorum animos certa locorum flexuumq; notitia imbuerit, procul dubio directo cursu procedent ad naufragium. Quoniam vero ita contigit, vti nihil sic ad animæ perniciem per hominum sensus grassetur atque amor concubitus, appetitusque libidinis: idcirco istius vesanæ perturbationis, qua nulla ferocior, nulla concitacior, nulla periculosior, veluti grauissimi morbi rationem opprimentis, ortus & origo diligentius sunt inuestiganda. Sic enim fiet, vt errori rerū scientiam opponentes, infirmitatque robur adferentes, morbi curationem aliquā præstemus: mali deniq; causas medullis penitus infixas amputemus. Ita est ab ipsa natura comparatum, vti vnusquisque hominum vitæ suæ ratione veluti navigationem quandam suscipiat, mercesque inde expectet vrberrimas, honorem, voluptatem, aut virtutem. Qui ingenio vigent, & efferuescentem appetitum, vel ætatis diuturnitate vel artium disciplinis, rationi subiecerunt: honoris finem sibi proponunt, famam appetunt & auram popularem. Et hi statu interdum ambitionis, cuius desiderio tenebantur, ad scopulos alliti pereunt. Quorum autem artus iuuenilis feruor vegetarit ac inflammarit, humorque calore temperatus meatus corporis laxarit, ad voluptatem contendunt ij, ad amores sæpius meretricios & impuros. Atque æstu quodam perturbationis iactati, Sirtes requirunt & Sirenarum canrus. Ad virtutem vero progressio difficilior est & asperior. Negotium hoc præclarum pauci suscipiunt studio, pauciores vero absoluunt actione. Ceterum ad voluptates quotus quisque est qui non conuolet acerrime, viciorum metropolin, & escam appetitionis humanæ? cuius quidem



quidem præcipua pars posita est in amore quodā calido & libidinoso, seu potius in mentis deliquio ac furore. In quam sane haud aliter ruunt homines plerique, atque vespertilioes & miseræ auiculæ illæ, quæ nocturnis circumfusa tenebris, in accensas faces, cum nimius splendor illorum oculos perstrinxerit, sese ingerunt: temerario & precipiti volatu in eas ipsas flammæ conijciunt, à quibus postea absumuntur. Cupidines vt ardentes tædæ tunc corpori subduntur, quando error mentis obscuritate sua animi sensus optinuerit. Has etiam (quod vitæ propriam neglectam habeant quidam) suis ipsorum pectoribus ipsi sponte inferre volunt, & funesto cum animi tum etiam corporis incendio consulto & data opera de flagrare concupiscunt. In istis autem discutiendis curiosius non hærebit stulus, ea est enim mortalium propensio, ita latent in nobis incentiua libidinis: vt solo ostentuearum, vel depictæ aut adumbratæ voluptatis aspectu accendamus nonnunquam ad turpissimas appetitiones. Ob quam causam prudenter obseruatum est, istius mali victoriam in discessu mentis & fuga esse positam: ita vt careat animus omnino (si fieri possit) istius illecebræ vel tenui aliqua cogitatione. Parcius idcirco de his agemus, congrue pro persona, quam sustinemus, satis tamen fusc pro argumenti ratione, quam tractamus.

Si vtriusque sexus primæquam constitutionem animis recolere velimus: videbimus profecto mutui amoris inter virum & mulierem intercedentis, intimas quasdam causas esse & secretissimas ipsi naturæ à Deo commissas. Proinde istius amoris igniculo: in iplo sui ortu infusos habet humanum corpus, quos ita abstruit diuina virtus in profundo eius, vt expelli vel extingui nunquam valeant. Quando enim homini socia vitæ esset assignanda mulier, cum qua ex perpetuo conuictu & officiorum necessitudine consenesceret: desumpta ex latere ipsius Adami costa, efformâdo femineo corpusculo materiam exhibuit: ab arce proinde & meditullio humani corporis origo feminae petitur & ortus eius, vt inde cum nobilitate insignior, tum ipsa coniunctione amabilior homini redderetur. Quid enim ita vitalia continet, ipsiusque corporis molem firmat ac sustentat atque colla? Quorum complexu, corpus integrum compaginatur, figura eius efflorescit, robur subfistit, ipsumque cor, quod vitæ est sedes, munitur & continetur. Latus costis vallatum corpori defatigato quietudinem præbet, idem obuersantia mala sorti & generoso impetu propulsat. Hinc quod vîbus humanis latera ita inferuient, nullo alio indicio melius recessus tui amoris Christus Dominus, quo humanum genus complectebatur, patefa-

*Ex cond-  
tione crea-  
tionis ori-  
tur amor  
masculi in  
feminam,*

*Ioan. 19.*

E E 2

cere



cere voluit, quam sui ipsius lateris apertura, ex qua sanguis & aqua effluerunt: ad ecclesiā expoliendam atque nobilitandam. Ex hac itaq; arctissima viri cum muliere coniunctione euasit omnino, vti feminam vir non solum vtpote eius obsequenrē imperio & sociam vitæ respiciat, verum etiam tanquam aliquid sui, ex proprio eius corpore enatam agnoscat, ac ideo summo amore prosequatur. Atq; vti internuncijs oculis, & femineæ formæ aspectu virile pectus amoris sensum promptius cōciperet, idoneam in hunc finem mulieri speciem indidit Deus, quæ vndique illectamentis illustrata, vim quandam cogendi viri animum obtineret: in quam sententiam hæc D. Basilii: *Ipsam quoque effigiem ac speciem feminei corporis molliorem effinxit Deus: ut & tactu, & aspectu, & motu, teneritudine denique & delicata agitatione membrorum, & inspiciens & inspecta masculo esset voluptatis illecebra, quocunque se verteret, vndique sese illius sensibus ingerens.* Quo quidem femineum corpus, ut eo loci ostendit Basilii, aduersus masculum ineffabilem accepit vim, per quam ferme dixerim ignorante anima, quæ in ipso est, viri corpus vltro ad concubitus pertrahit. Non autē existimandum est amoris huius initium & semina ipsa, quæ naturæ impressit & inseuit Deus, statim in turpem ferri voluptatem. Licet enim huius incentiuum amoris annexum plerumque se solo cogat homines in dementiam concedere, nihilominus sunt alia puriora ac honestiora, vtpote ab opinione similitudinis, bonitatis etiam, ex conuiuius dulcedine deducta, quorum ostentu excitatur amor ille, qui à natura est institutus, quique homini moderate insedisset Adamo non delinquente. Illa autem bruta ac calida libidinum consecratio rationis quoque inest expertibus, neque hominis proprius motus existit: cuius etiam naturam si spectemus, in quouis animali ex calidi humidique temperamento constante, videbimuseam esse vehementissimam ac suo æstu feruentem.

D. Basilii  
lib de ver.  
virg.

Amor con-  
iugalit, nō  
omnis tur-  
pis.

Arist. 2. eth.  
cap. 3.

Ouid lib. 4.  
Fastorum.

Senec. Hy-  
pol.

*Sacer est ignis credite læsis  
Nimiumque potens, qua terra mari  
Cingitur, alto quaque æthereo  
Candida mundo sidera currunt.  
Hæc regna tenent pueri immittis  
Spicula: cuius sentit in imis  
Cæculus vndis grex necidum  
Flammæque nequit elcuare mari.  
Ignes sentit genus aligerum.  
Venere instincti, quæ magna gerunt  
Grege pro toto bella iuuenti,*

*Si coniugio timuere suos  
Poscunt timidi prælia cerni,  
Et mugitus dant concepti  
Signa furoris, tunc virgatas  
India tigres decolor horret:  
Tunc vulnificos acuit dentes  
Aper, & toto est spumeus ore.  
Pæni quatiunt colla leones  
Cum mouet amor, tunc silua gemit  
Murmure sauo, amat insani  
Bellua ponti, luceque boues:*

*Vendicat*



*Vendicat omnes natura sibi,*

*Nihil immune est: odiunque perit*

*Cum iussit amor, veteres cedunt*

*Ignibus ira. Quid plara canam?*

*Euincit seuas cura nouercas.*

Iam vero ad causas vicinas magis venio istius amoris: & ut omit- Imaginatio  
causa amo-  
ris.  
tamus ea, quæ obiecti conditiones conficiunt, utpote formæ elegan-  
tiam, virtutis pulchritudinem, morumque suauitatem. Primum locum  
in eo, qui istac perturbatione corripitur, vis obtinet illa & contentio  
imaginationis. Sunt enim aliqui ita à proprijs ingenijs comparati, ut  
perfectius & multo acrius quàm alij faciunt, apprehendunt siue ad vo-  
luptatem siue ad dolorem conducentia: ita ut alio transferre animi  
cogitationem vix possint, aut mente recedere ab illo, quod semel ma-  
xime appetendum iudicant. Quorum autem imaginatio in actum  
tanto cum conatu non exilit, neque tam firmiter inheret conceptis,  
illi nec eque huiusmodi motu afficiuntur. Obsequitur autem imagi-  
nationi appetitus sensitiuus: cuius affectiones ad illum gradum insur-  
gunt, in quem phantasia operatione sua prius deuenit: si hæc tenuis  
fuerit, segnis pariter & ferme iacens erit appetitio: sin vero acris &  
concitata motio vim imaginatricem ad quidpiam detulerit, eodem  
ferme passu & incessu turbulentia quadam admodum & intenta mo-  
litione appetitus incitabitur. Hoc autem non ex vnico solum actu  
aut coniectu imaginationis primo in rem desideratam proficiscitur,  
sed ex frequenti vel maxime directione & actione eiusdem multiplici.  
Accessu enim actuum, quasi ponderum iniectu quodam phantasia pe-  
nitius deprimitur tandem: & habitudine quadam lubens propendit  
in illud, cuius notionem sæpius excepit. Atque hinc etiam patet ratio,  
ob quam vires paulatim acquirat amor iste, fortiorque indies, atque  
malum euadat demum ineluctabile. Nam mens, ratio, & intellectus,  
tametsi dignitate ceteris naturæ præstent facultatibus, fallacem tamen  
sæpissimenon dedignantur sequi phantasiam: siquidè in illud incum-  
bunt acrius, quod imaginatio coloribus suis illustratum magis aut  
sensui iucundius exponit. Neq; tarda vel torpedine obmersa in illius  
rei expeditione voluntas apparebit, quam iudicium & concilium semel  
approbarunt. In quos idcirco futor iste inuasit, ita inuicem in orbem  
succeedentibus cogitationibus perpetuo quodam cursu agitantur, ut  
nullius alterius rei speciem notionemve in animum admittere illis  
integrum sit, præterquam eius solius, cuius amore flagrare ceperunt.  
Quicquid egerint, forma illa adamata oculis obuersabitur. Concilijs  
hæc intererit grauioribus, & cum somnus oculos oppresserit, corpo-  
risque membra defatigatio strauerit: adhuc imaginatio viua, agilis,

E E 3

exci-



excitata, ideas formasque depinget, excudet: nec patietur appetitum vel tantillum temporis ab angoribus & diuexationibus respirare.

Virgil. 6.  
Aeneid.

*Haerent infixum pectore vulnus*

*Verbaque, nec placidam membris dat cura quietem.*

Hoc autem non à sola phantasia venit, sed reciproce ab ipso appetitu. Nam cum imaginatio appetitum semel irritarit, vicissim excitus appetitus, & submissa face accensus, non permittit imaginatio- nem esse ociosam, sed ipsam diuturno ac continuo labore pensum reddere summa quadam coget tyrannide. Vnde mutua hæc harum operationum consequutio, quæ ab his facultatibus promanat, efficit, vti mens perturbatione istac concussa dimissis curis quiete frui nequa- quâ possit: imo prius aliquando corpus languore sternitur, quam ima- ginatio & appetitus cessent huic amoris inferuire.

Causa amo-  
ris hominis  
ingenium  
facile &  
iucundum.  
D. August.  
1. lib. cit.  
cap. 20.

Alteram causam dixerim istius affectionis ingenium & naturam: cuiuslibet propriam. Vt enim adnotauit D. Augustinus, non æque omnes visis pulchris capiuntur. Amor etiam ille, qui amicitia, gratitu- dine, veneratione, & obsequio continetur, non æqualiter in omnes in- cidit. Agrestes enim, efferati, & barbari Scythæ beneuolentias non colunt: & istiusmodi truculenti & sæui homines malis aliorum minime indolescunt, aut præclare gestis delectantur, beneficia omnino asper- nantur, magistratum egre ferunt, denique inmania horum pectora ab omni prorsus amoris sensu abhorrent. Sed neque illo diuinorum amo- re tanguntur. Hinc septentrionales bellum aliquando dijs ipsis in- dixere. Extremi orientales Sinenses & Iaponij longe absunt à supe- rum cultu. Emolitur sane pectus amor postulat, mansuetum, educa- tione ciuili excultum, & dulci quodam sanguine irrigatum. Nec mirum, quandoquidem amor quasi ardens quidam radius in cor humanum de- latus, teneritudine quadam illud resoluit: præstatque vti liquefactum quodammodo fluat atque ad illos exeat, quorum affectione detinetur. Eiaculatus autem radius in cautem aut calibem, quid demum efficiet? in ceram vero directus, illam facile eliquabit. Ita cum pulchri ali- cuius forma ad sensus cuiuspiam barbari hominis appulerit, resiliat sta- tim, neque vllam plane impressionem eius animo inferet: Sin vero im- pegerit in animum generosum, humanitate plenum, sanguinis cla- ritudine illustrem, & ad omnem beneuolentiæ motum facile ductilem, locum cuspis inueniet, fovebitque talis vulnere suo dolo em. Modo si infamem turpemque illam libidinem cogitatione nostra segregemus ab amoris affectu, in quem natura ipsa inducit: sicut absque dubio res est longe diuersa ab ea: scilicet enim amor callus & sincerus, interim libidines.

Olaus lib. 1.  
Maph lib. 3.  
Hist. Ind.  
Herodot.  
lib. 5.



libidines, mens & ratio, vtpote hominibus cum brutis communes, auer sentur multum: supererit aliquid culpa noxaque vacans: in quod ex peculiari ingenio vnicuique attributo, iste propender quam alius concitatus. Nec enim eiusdem obiectu similiter afficiuntur omnes.

*Cur in penates rarius tenues subit*

*Sen Hypol.*

*Hæc delicatas eligens pectus domos?*

Vnde si Paradis loco Therites aut bubuleus aliquis in Helinam incidisset, tantam aliquando recuperandæ feminæ causa, hominum cladē atque stragē haud euenisse probabiliter satis quivis opinabitur. Fortassis etiam alij specimen illud non exhibuissent castitatis & continentiæ in expugnatione Italiæ, Africæ, Hispaniæ, Galliæ, aliarumque regionum amœnitate loci, & ad voluptatem rerum vbertate florentium, quam Gothi & Vandeli, quibus ab ingenio est vberes aspernari.

Quinimo corporis quoque ratio magnam vim huic amorī affert. Quo enim organum tactus defecatus est, & ex sanguinis puritate floridius, exilientibus spiritibus viuacius, carnis teneritudine delicatius: eo sicut maior intensiorque voluptas delectationis usu percipitur, ita eiusmodi corporis constitutio appetitionem reddit magis acrem & feruentem: siue elapsæ alicuius sensationis memoria, siue nunquam perceptæ iucunditatis cogitatio, notionem aliquam illecebræ in animum induxerit. Proclivis autem omnimodo est imaginatrix facultas in ea, quæ sensibus maxime arrident. Corporis autem temperiei, velut igni stipula accedit helluatio: ingesti enim immoderatus cibi, vinumque intemperantius haustum, cum ebullierint, venasque suo ardore & spiritu tum accenderint, tum inflauerint, ad libidines pronum hominē reddunt: & ceteroquin bene constitutum animum ad fœculentas illas deiiciunt voluptates. Non Etnei ignes (ut ait Hieronymus) non vulcanis tellus, non Vesæus, aut Olympus tanti ardoribus aestuant, ut iuueniles medullæ vino plene, & dapibus inflammate. Quo luxu corporisque mollitiæ cum viri nobiles ceteris antecedant, tum in illos maxime impetum facit insanus amor. Superba enim Venus Basilicis Regijsque delectatur, tuguriola, casae, mappalia facile contemnit. Pedissequa tamen est gulæ & vitæ cum otio traductæ socia.

*Vis magna mentis blandus, atque animi calor*

*Senec.*

*Amor est, iuuenta gignitur, luxu, otio:*

*Otilian.*

*Nutritur inter læta fortune bona.*

Cui



40 DE TRIPLICI HOMINIS OFFICIO,

Cui etiam viam parant diuitiæ & fortuna felicior ; in fauo etenim mellis aculei delitescent , qui animam pungant.

Senec.  
Hypol.

*Quisquis secundis rebus exultat nimis,  
Fluitque luxu semper insolita appetens:  
Hunc ilta magnæ dira fortune comes,  
Subit libido.*

Ciceron. 4.  
Tuscul.

Summa vis  
amoris li-  
bidinosi.

Quæ omnia si in vnâ sententiam contulerimus , verissimū illud Ciceronis comperiemus : quo asserit : *Omnes ex animi perturbationibus profecto nulla vehementior.* Si enim obiectum huius intueamur , nihil ita ad voluptatem facere videbimus : sin vero recessus & nostri pectoris latebras excutere velimus , animaduertemus sane recte constituta corpora & mansuetudine subacta in hanc illecebram maxime esse inclinata. Vnde virtus opposita , vnde quaque difficultate obsepta , præclarior illustriorque apparet. Vim hanc animorum excitatam amoribus , tantam esse crediderunt gentilitijs olim imbuti opinionibus , vti Deam quandam existimarint , in cæteros diuos imperium quoque obtinentem : ac si ad vnâ Venerem Monarchia orbis , cælestium , terrestriumque moderatio spectarent.

Senec.  
Hypol.

*Hinc volucer omni regnat in terra potens,  
Ipsūque flammis torret indomitis Iouem.  
Gradius istas belliger sensit faces.  
Opifex trisulci fulminis sensit Deus.  
Et qui furentes semper Etneis ingis  
Versat caminos , igne tam paruo caleo.  
Ipsūque Phæbum , tela qui neruo regit,  
Figit sagitta certior missa puer.  
Volitatque cælo pariter & terris grauis.*

Sophoc.  
Trach.

In quam sententiam & Sophocles : *Cum amore enim manus qui conserit,  
Veluti pugil, nō sapit, is enim imperat  
Et dis vti vult.*

Amor qui  
in Deū ca-  
dit qualis.

Tantam autem animi rationisque procellam à diuorum studijs nos Christiana disciplina ac vera philosophia instituti longe ablegamus. Nam cum turbo nimbusque ater omnia hæc inferiora inuoluerit : cælum tamen tempestatis expers est , & natua sua claritudine semper coruscum. Fatemur quidem amorem , sed castiorem purioremque , cæleste illud lumen attingisse , ad terras sedesque nostras dimiisse , humanis artibus summam illam maiestatem immiscuisse , hominem fratrem nostrum & ecclesiæ sponsum exhibuisse Deum. Quem amorem suum , & cum nostra substantia arctissimam copulam , amoris coniugal-  
lis sioni-



lis similitudine illustrari, eoque nomine commendari voluit. *Vni Ephes. 5.*  
 (inquit Apostolus) *diligite vxores vestras, sicut & Christus dilexit Ecclesiam, &*  
*seipsum tradidit pro ea.* Mutuam proinde illam potestatem in alterius car-  
 nem, quæ vito cum muliere intercedit, Apostolus sacramentū vocat  
 in Christo & ecclesia. Vere quidem perspexit diuina providentia,  
 quantā vim apud homines obtineat affectus coniugalis: quam firmo  
 vinculo mortalium animos constringat: nouitque nihil acrius huma-  
 na pectora isto amore posse impetere. Propterea vt immensum & ex-  
 cellentem illum sui amoris gradum nobis notum faceret, nosque vi-  
 cissim tani insigni benefactori ad amoris debitum soluendū promptos  
 redderet & expeditos: amorem quodammodo nostrum vsurpanit,  
 nostrisque flammis ardere voluit: & amoris alioquin fædo cælestis  
 quendam colorem & venustatem adferre. Illum denique amorem in-  
 uexit, non qui acrimonia sensus corrodat, perturbationis estu rationē  
 impediat, sed qui summa potius suauitate animū deliniet, & quodam  
 gultu deliciarum mirifice reficiat recreetque. Ardet quidem, sed vt  
 aromata, quorum gratissimus odor calore funditur. Et quemadmodū  
 feminei corporis ex virili colla efformatio primitus amorem inter hos  
 sexus conciliauit: Ita copula Christi cum natura hac nostra, quæ (vt  
 animaduertit D. Augustinus) plasmatione illa expressa fuit, ad amo-  
 rem diuinum nos excitat prouocatque. Et quidem non inepte pror-  
 sus ad amoris hanc vim describendam, (quod & tradit Athenæus)  
 veteres eo vsi sunt emblemate, quo medium locum Adonidi attri-  
 buentes, hinc Herculem illine Mineruam collocarunt. Herculeum sa-  
 ne pectus si cum amor adert, omnibusque fortitudinis præidijs com-  
 munitū. Operosum aut impeditum non videtur, quod amor suscipit  
 perficiendum: sed potius ad optatum exitum facile & decliue. Ad  
 uersa intercurrentia haud sentiuntur, aromata aut flores discurren-  
 tibus pedibus subterni videntur: ruentes inibres, nectaris & Ambro-  
 siæ guttatim fluentiū dilapsus æstimantur: exerti, emicantesque gladij  
 timorem nullum aut pauorem incutiunt, vbi amor iam pectora obti-  
 nuerit: Ita animis corporibusque obfirmantur plane, qui istis calent  
 ardoribus. Quos quidam expertus, aptam rei protulit sententiam.

*D. August.  
 tract. 9. in  
 Ioan.*

*Hercules  
 & Miner-  
 ua amoris  
 inferuiunt*

*Propert.  
 lib. 1. eleg.*

*Me mediæ noctes, me sidera plena iacentem,*

*Frigidaque cō me dolat aura gelu.*

Sed non solum difficilia, quæ externa sunt, amor ille superat, verum  
 etiam animi rationem euincit, extinguit, dum mille curis & anxietatibus  
 in diuersas partes & opposita omnino vota eam sepius distrahit:

F F

*Iulor,*



Plaut.  
Alceſt.

*Lactor, crucior, agitor, ſtimulor, verſor  
In amoris rota miſer,  
Exanimor, feror, differor, diſtrahor, diripior,  
Ita vt nullam mentem animi habeam.*

Vnde ex proprio malo intemperieq; perturbationis doctior factus Plautinianus iſte ſeruus: *Bonum eſt (inquit) pauxillum amare, ſane, inſane non bonum eſt.* Corpus etiam veſanus affectus plerumque exurit, exhaurit, ſanguinem ebibit, omneſque artus abſumit deuſtatque.

Senec.  
Hypol.

*Labitur totus furor in medullas,  
Igne furtiuo populante venas.*

Senec.  
Epiſt. 1.

Ambroſ.  
Apol. Da-  
uid. cap. 4.

Hieron.  
Epiſt. 22.

Quis fortiſſimorum imperatorū hac vi impetitus non concidit? quę regna florentiſſima non euertit? vnde imbelles Romani poſt tot trophæa, niſi quod Aliaſis immerſi delitijs, libidinibus inſeruierint? Quid aliud immanis & indurati illius Pœni emolliuit pectus, telumque manibus callo obductis excuſſit, ſi non Campaniæ veneres? *Vna Hannibalem (vt inquit Seneca) Hyberna ſoluerunt, & indomitum illum niuib; atque alpiibus eneruarunt fomenta Campaniæ. Armis vicit, vitijs victus.* Sampſone nihil ſane fortius, hunc tamen Hercules amor elumbem fecit. De quo hæc Ambroſius: *Validiſſimus omnium Sampſon legitur, qui Leonem etiam ſuis manibus ſtrangulauit, ſed vtinam amorem ſuum ſuffocare potuiſſet. Meſſes incendit Allophilorum, ſed & ipſe mulieris vnus aſcit igniculo.* Et in eandem ſententiam D. Hieronymus: *Sampſon Leone fortior & ſaxo durior, qui & vnus & nudus mille perſequutus eſt armatos; in Dalila molleſcit amplexibus.* Ardentes etenim illi calores fortiſſimo incluſi pectore, virile robur, animique firmitudinem ita ſoluerunt, vt meretricij ſuſcultus genibus, quaſi ab omni mente & ſenſu alienatus: nec obuerſantem vitæ periculum deſpicere, neque barbarorum crudas voces ſtridentiaque verba exaudire potuerit. Quique Allophilorum confertas ſtipataſque turmas, tanquam Leo trementes fugans ouium greges, diſſiparat, is vnus feminæ delinitus artibus, concutitur, proſternitur, in ſeruitutem abducitur, omnemque plane expertus eſt captiuus indignitatem. Ac ſic anteactæ vitæ præclare geſtis extremum dedecus attulit laſciuia. Cum Dauidem cogito ſanctimonię gradu tam inſignem, diuino beneficio ab exigua & tenui fortuna ad dominatum & imperium ſubuectum, ſed iſtius amoris impetum, cum humanum pectus obtinuerit, admirror. Siquidem hæc tam præclari hominis animum perſegit, tanti ponderis auri maſſam ſtatu ſuo tanquam leues pulueres diſſipauit. Coniectum enim oculi cum in ipſum vibraſſet Baſiliſcus, virus aſpectu hauſit, vnde peccatum, & noxa temporis puncto, regem, prophetā, Athletam,



Athletam, & Christum perdiderunt. Salomon postea, in quo ad miraculum vsque sapientia eluxit: cuius fama nominisque celebritas vbiq; terrarum increbuerant, & cum ipsius orbis terminis eius virtus certamen inierat: ita nihilominus turbulentia insani huiusce amoris impetitus desipuit, vti turpissimas & feculentas plane voluptates, ablegatis aliarum rerum præclaris studijs, tantus vir misere sit cōfectatus. Quiq; ab vxoribus sic passus est sibi illudi: vti eas in mentem admiserit cogitationes & consilia, de quibus ne somniaret quispiam, qui ratione aliqua vel modice frueretur. Quot demum in hoc Christiano orbe reperientur adolescentes, sacrorum alioquin mysteriorum fide illustrati, artium porro disciplinis & liberali educatione exculti, qui victricibus istis flammis manus superati concedūt, se prostratos & excisos fatentur vltro? Et cum generositate naturę faciles ipsi sint & proclives ad omnem honesti postulationem, si tamen illis turpes dissuadeas amores, aut illorum animos oratione quantumvis neruosa ac polita ab otiosis illis studijs ad meliora traducere laboraueris: cum vocem intenderis, cum spiritum reciprocando sudaueris, surdo interim cecinisse videbere, vel Apenninos montes tanquam itineris tui socios singulo illigatos tecum à tergo voluisse ducere. Ita hærent defixi in propositis, vti cum certo vitæ periculo, teterrima infamiae nota, offensa Dei grauissima, animęque æterno detrimento, quibus malis se obnoxios libenter agnoscunt, illecebram suam, fucatam Venerem adhuc statuerint adamare. Hic dicerem profecto Circes omnes, vada, arenas, scopulos, Syrenes, arcta, in animarum corporumque direptionem & deuastationem recolligi & coaceruari. Hic busta, cineres, periuntium sepulchra videntur. Hic aperitur vastissimus horrendusque hiatus dehiscens inferno, quo maior mortalium pars absorbetur, & ad pænas intolerabiles dimittitur. Vnus ille amor tēditate sua turpis, mora momentaneus, vsu deceptor, & exitu tristis, plures funestauit, quam omnes aliæ appetitus incitationes. Quæ ætas denique inimunis? quæ

conditio libera? Nulla pax isti puero: per orbem

*Spargit effusas agilis sagittas,  
Quæque nascentem videt ora solem,  
Quæque ad occasus iacet ora seros,  
Si qua feruenti subiecta cancro est,  
Si qua maioris glacialis vrsæ,  
Semper errantes patitur colonos,  
Nouit hos astus. Inueniunt feroces  
Concitat flammæ, senibusque sossis*

FF 2

Rus

*Sen. Hyp.  
Amor in-  
uadit in  
omne æta-  
tē & sexū.*



*Rursus extinctos reuocat calores.*

*Virginum ignoto ferit igne pectus:*

*Et iubet calo superos relicto,*

*Vultibus falsis habitare terras.*

*Epict. dia-  
log.*

Interrogatus Epictetus philosophus ab Adriano Augusto, quidnam esset amor, illi respondit: *Obliviosi pectoris molestia, in puero pudor, in virgine rubor, in femina furor, in iuvene ardor, in senē risus, in derisore delicti nequitia.* Nec est quod quis philosophiæ præceptis plus nimio confidens, cum amore pugnam expetat, vel strenui nervosique corporis robore communitus, victoriæ spem in viribus ponat: nam philosophiam hanc amor iste statim obliuione obruet, & robur vno aspectu ad blanditiem composito, franget superabitque. Salomonis sapientia, Sampsonisque fortitudo spolia sunt amoris. Idcirco non tam pugna & contentione, quam fuga & sui subductione sæuum furentemque amorem veteres profligari rectissime iudicarunt. Hunc si contempseris, nec aspectu dignum duxeris, iam hostem deuicisti: alioquin in condescensu periculum, in familiaritate autem excidium delitescit. Fortem adeo se semper amor iste exhibuit, & animorum veluti Herculem: uti nihil ferme sit, quod ausu aggressuque suo non expugnarit. Quid obsecro penes Antiquos Deorum donarijs sacrosanctius, quorum sacrilegam expilationem nullo pænarū genere arbitrati sunt iuste posse expiari: nihilominus uti audaciam suam proderent, & amoris magnitudinem notam facerent, qui huiusmodi phrenesi laborarunt: ipsis Dijs sacra dicata signa eripuerunt: suisque veneribus donare: uti Epomondas, Theopompus, Ononarchus, Philomelus, & alij quos recenset Athenæus. At Mineruam quoque vicinam sibi amor habet: proinde sermonis nitet elegantia, dicendique copia redundat. Nescio enim qua occulta ratione verborum & sententiarum, fædi impurique poetæ præ alijs, coloribus affectus suos atque libidines ita depinxerunt: uti legentium animos quasi Syrenis cantu quodam dimulceant. Stimulante amore lingua quantumvis barbarā in orationem soluta pulchre differit: & excita hac immensa perturbatione, ingenti quadam vi ad audientium aures verba accidunt.

*Athen. lib.  
13. diphno.  
cap. 28.*


Veruntamen generosum pectus ex honesti instituti difficultate excitabitur potius, quam languescet ad hunc amorem euincendum: quod nempe egregium illi videatur in cōmuni hoc incendio, orbisque *ἐκ τῆς πόλεως* florem castitatis illibatum seruare, & in multorum naufragio, ad tutum speciosumque istius virtutis portum appellere. Quæ mox dicturi sumus, hoc manifestum facient.

*Imperi*



*Impuri amoris amuletum, confectum ex diuino amore, atque castitatis animo concipienda pulchritudine. Ex hac etiam parte ostenditur, Seclarios solutis ipsorum institutis ad libidines, officium virtutis deprauasse.*

## CAPVT IIII.



**C**um inter omnes appetitus nostri motus, qui magnam vim ad delectationis perceptionem adferunt, primas sibi vendicer amor: tum ab homine, qui ex ratione recta mores suos instituire debet, nihil cum tanta contentione curandum, quam ut amor huic legem ex præscripto mentis edicens, nociuis illis ardoribus pectus suum liberet, illudque ita excolat: ut virtutum hortus efficiatur, in quo præsertim castitatis lilia enitescant. In hac quidem molitione, operis difficultas & præstantia inter se contendunt, quænam illarum vberiore gloriam strenue decertanti pareat. Triumphus, hominum applausus, illos aliquando exceperunt gloriose, qui singulari certamine aduersarium deuicerant, qui feram aliquam horrendis contentam seris, armatam vnguibus, iuba terrificam, oris rictu immanem, trucidarant ac discerpserat: quorum gestorum fama celebrisque memoria ferme ipsam æternitatem exequarunt. Tamen iudicio sapientum sicut excelsius quid perficiunt: ita & maiori laude dignum præstant, qui impuri amoris vim coercerent, eius impetum reprimunt, Venerneas faces extinguunt, Adonidis tela ignea cuspide acuminata, cristallina excipientes carne, tanquam leuem emissum calamum reiciunt. Nam qui prioris generis facinora perpetrarunt feliciter, hi amor reluctantes parum, tandem turpiter perturbationi cesserunt. Quapropter si coronarum species omnes, antiquitus in præmium victoribus concessæ, (quasque recenset Aulus Gellius) in vnâ confluere, satis castitate dignam aliquam haud viderentur constituere. Libidinum expugnator virentem è gramine coronam, ad continentis colorem indicandû, meretur Obfidionalem: quippe qui florente & feruente iuuentute, quando volupratum cupiditate animi sensus obsessi tenentur, irruentes in ipsum cum facibus hostes à se auerterit. Huic quoque accedat Ciuea, è fronte querna in torquem formata: quod nempe virtutes reliquæ, vitæ illibata castimonia ab excidio vindicentur. Murali quoque cingantur

*Maxima  
las ex li-  
bidinis ex-  
pugnatio*

*Gell. lib. 5  
cap. 6.*

*Omnes spe-  
cies coro-  
narum de-  
betur casto*

FF 3

eius



eius tempora. Deuicta etenim luxuria, quasi excenso muro facilis & apertus est aditus ad hostium spolia. Caltrensi donetur, qui primos lasciuientis ætatis imperus retuderit, & in libidinum castra, in quorum præsidij omnia plene vitia delitescent, irruerit. Quidni & nauali insignitus prodiret? corpus enim humanum in nauis formam compaginatum, castitate veluti nauarcha cursum eius moderante, Syrenes, Cyrtæ, scopulosque euasit. Tandem ad supremum decus corona adiungatur triumphalis, siue ex lauro, quam coruscatio aut libidinum fulgetra non tangunt: siue ex auro, cuius vim & valorem fornacis feruor probat commendatque. Profligata sane iacent vitia, aut religata ad currum trahuntur, cum furentem amorem lactea & eburnea castitas superauerit. Quod autem alij corporis robore & lacertis præstiterunt, non id fecerunt proprio aliquo munere, quo à brutis feceruntur, sed communi quadam ossium & nervorum similitudine. Libidinum autem expugnatio peruigili ratione & in virtutis opus intenta mentis agitatione, quæ hominis propria sunt, peragitur.

*Amor amo  
re pellen-  
dus.*

Ingentem pyram edaci ferme absumptam flamma, si igne insuper iniecto affirmarem ab incendio posse vindicari, grauissime sane errare viderer. Modo autem venereos ignes, etiam igne extingui assero, & amorem amore pelliconuenientissime definio. Qui insano correptus amore formam alicuius misere deperit, si alia longe pulchrior, quæ & oculis eius elegantiores speciem inferret, obtinenda illi occurreret: proclive admodum esset tali, veteres amores deponere, nouosque suscipere. Nam quæ prius gemmea venustate prælucebat, collatione iam habita, lutea appareret. Ita si animum sensusque intendere velimus acrius in eximiam illam splendentemque ipsius Dei naturam, sic ea nos raperet in sui amorem purissimum, iuxta & admirationem tantæ magnitudinis: vti quancumque fucatam Helenam, veluti fictitijs coloribus delibutam statuam, aut sepulchrum forinsecus ornatum, vix aspectu nedum amore dignam duceremus. Quid autem prohibet, quo minus hoc cælesti amore flagremus omnes, & vnicum animæ nostræ sponsum diligamus pulcherrimum Deum? Imo quid in animum incidit aliquando, quod ad præstantissimum hoc institutum, eundem vehementer non extimulat? hunc sacrum amorem spirant, & nobis suadent, cælum, terra, omniaque huius Machinæ ambitu complexa. Istius amoris illectamenta sunt, seu munera amatoria, vniuersa quæ videmus. Cum vero ea sit amoris ratio atque natura, vti intensius semper in illud deferatur, quod cum amante maiorem habet similitudinem & cognationem: consecrarium est, nostræ animæ substantia exi-



tia existente sincera, omnisque admixtionis terrenæ experti, ipsam suam sponte ea vehementius appetere, quæ similiter à crassiori concre-  
 tione seiuncta existunt. Existimam dumne sensus per corporis instru-  
 menta diffusos, in illecebras ex materia cui insunt contagiosas, pro-  
 pendere magis, quam animam in supremum aliquod spirituale bonum  
 sibi adfingere, & simillimum Deum? vel ex corporalium usu, maiori vo-  
 luptate perfundi sensus credendum, quam immortalem mentem, si  
 modo à sibi longe subiectis rebus proprio auulsa imperio, carnis la-  
 cunas deserens, agilique penna sursum sublata, superni amoris dulce-  
 dinem degustare incipiat? Non iisdem (vt docet Aristoteles) delecta-  
 mur senes, quibus pueri: propterea quod nouis quibusdam notioni-  
 bus informata mens, earum rerum leuitatem despiciat, quarum infan-  
 tiam ceperat cupiditas. Verum quod primis nostris annis nobisque  
 veluti infantibus in hanc vitæ scenam prodeuntibus occurrit, quid  
 aliud est quam voluptas, sensuum decreta iudicijs? Cum vero in me-  
 lioribus studijs prouectus animus adoleuerit, exiles illas voluptatulas,  
 primæ ætatis crepundia deponet, & diuinis assuetus cogitationibus,  
 inferiora hæc facile contemnet.

*Amor ani-  
 mæ naturæ  
 lis est rei  
 immate-  
 rialis.*

*Arist. 2.  
 Rhet.*

Iam vero vt mente & cogitatione ea complectamur, quæ pectus ad  
 diuinum hunc capeßendum amorem præparent, paucis & summa-  
 tim argumentorum capita perstringentes, quædam inferemus. Ad  
 exhibendam idcirco vmbra saltem opere animo spectabilem supre-  
 mi Numinis pulchritudinē, cuius opinione imbutus, eius solius amo-  
 re ardeat: duplici ratione tantarum perfectionum abyssum mente  
 contemplamur. Primo si ea intueamur, quæ in Deo existunt abso-  
 luta, atque ipsius substantiæ veluti necessaria attributa: mox si cogi-  
 tationem intendamus in alia, quæ ipsi voluntatis suæ electione libera  
 accidunt, & ad nostrum tota relata sunt emolumentum. Cum itaque  
 ex effectis manifeste nobis innotescat Deum optimum & maximum  
 supremam omnium esse causam, suæque præstanti virtute singulares  
 propriasque formas rebus separatim indidisse: ignorare nemo pote-  
 rit, quin intelligat, ita hæc omnia fuscè sparsumque distributa perfectio-  
 num genera, multo insigniori modo simplici quadam diuinæ naturæ  
 indiuisibili vnitæ collectim comprehensa, in eadem clariora esse, quā  
 in seipsis multiplici actione elaboratis & variegato opere seorsim col-  
 locatis. Quocirca dum terræ istius depressam inferius molem, herba-  
 rum, florum, plantarum, gemmarumque differentijs non ad necessi-  
 tatem solum excultam, verum etiam ad pompam ornatam, & ad glo-  
 riam ipsam præfulgidam, depictamque eius stragulam oculis conspi-  
 cimus:

*Pulchritu-  
 do Dei du-  
 pli ratione  
 d. gnos-  
 citur.*

*D. Thom. 2.  
 p. q. 4.*



48 DE TRIPLICI HOMINIS OFFICIO;

cinus : Deum ipsum, cuius hæc omnia expressiones sunt leuiore & formæ umbratiles, illustriorem multo splendidioremque esse mente intelligimus. Terræ marisque in immensum effusa spacia sensu percipientibus, statim cogitatio quædā animos subibit immensitatis diuinæ omnia coërcentis, & in statera librantis vniuersa : atque (vt inquit Dionysius) terrarum orbem, tanquam spongiam in vastissimi maris sinum iniectam, eius amplitudine vndequeque ambiri fatebimur. In altum autem obtutum nostrum excitantes, tot luminibus distinctum & irradiatum cælum dum videmus, species quædam nostris oculis obuerfabitur splendoris illius, & immensæ lucis, quibus diuinam substantiam amictam, in ipso sole tabernaculum suum constituisse iudicemus. Siquidem verissimū est illud à philosophis toties inculcatum : nimirū perfectiones effectuum elucere magis in ipsa causa & prima origine, quam in suis proprijs formis diuisim existentia partitis. Cuius exquisitæ perfectissimæque pulchritudinis speciem, hanc diuinam inquam, si conferat quis cum inani, lubrica, imo putrida corporum vultuumque venustate, impuri statim pigebit amoris : animoque dolebit vehementer quispiam ob iniuriam Deo illatam : eamque grauissimam existimabit, qua spreta tanti Numinis forma, nescio quam umbrā & ideam satis sordidam & maculosam hæcenus consequutus fuerit. Animus recordatione tantæ ingratitude emollefcet credo. Demus autem te tui ipsius tantum amantem, propria commoda huc vsque spectasse : vesanum tamen errorem agnosces & incusabis. An non damnum tibi consciuisti vel maximum, qui omnium supremum Dominum, cuius amore frui poteras, meretriciæ vilissimæ causa spreuisti, abiiecisti? quæ hæc inscitia? quod in te ipsum concitatum odium? qua crudelitate ipse animam tuam funestasti? *Iniuriam facies illi, (inquit Augustinus) & damnum tibi, præponendo illi quod fecit, cum velit ipsum tibi dare, qui fecit.* Longe aliam profecto suorum consiliorum rationē constituit Psalmista, cum dicat : *Circuiui & immolau.* Circuiuit quidem, quando per opera ipsius Dei oculis menteque discurrens, singulorum naturas inspexit : immolauit vero, cum ex istis diuinam inuestigans perfectionem, tanti Numinis amore captus, illius flammis suauiter arsit, & in Dei obsequiū studia omnia sua consecrauit, animum corpusque amoris constituens holocaustum.

Dionysius  
Cæl. hier.  
cap. 2.

Augustin  
Psal. 34.

Psal. 26.

Beneficia  
Dei nos  
prouocant  
ad eius  
amorem.

Alius autem modus est, quo mens humana in bonitatis & excellentiæ diuinæ opinionem deuenit : vnde ad tanti Numinis amorem similiter incitetur. Quando nimirum nobis diuinitus collata beneficia animis recolentes, ipsam Deum veluti, munificum principem, & parentem



Don't DM  
TOMMY D'AMICO  
1970-1971  
1972-1973

Plas. 14.

40274

*Ref. 1.*

Cont. 3-

66



- Esa. 49.* amoris, ab oculis hominum in sua pharetra tanquā electum quoddam iaculum abscondit Deus: quo etiam improvidos (nam & aspectum aviculæ fugit auceps) vulnera fauciat. Quis etenim in pharetram carnis Christi, ad omnem prorsus humilitatem abiecit latendens, tantam illi telorum vim inesse suspicaretur? Virgineum autem illud corpus puritatis lilijs amictum, quod nostri causa tanquam vestis Ioseph proprio cruore roscidū, quem non moveret ad amorem? cuius animus rigido frigore ita duratus, & tanquam crystallum concretus, qui in istis feruoribus undique volitantibus resolutus in aquas non fluat?
- Trog lib. 10.* Deprædicanda singularis illa Alexandri, qua in amicum usus est humanitas. Cum enim sibi charissimum Lyfimachum in fronte graviter percutsum cerneret, capiti suo turbinarum illico diadema detrahens, linthei illius fasciæ lacinia quadam vulnus ei ligavit, ad sistendum sanguinis fluxum. Verum cum vulnus lethærum ex protoplasta delicto natura nostra excepisset, protinus imperator noster Christus diadema abiecit, non homo, sed hominum vermis videri voluit: insuper proprio cordi vulnus indixit, ut ex vite fonte effluens cruor malo nostro cateplasma afferret: morisque sua, non lacinia, nobis vitam tutam esse voluit. Ad hæc quid illecebræ & incontinentiæ sedis? simi amoris? quid spinæ & yrticæ inter lilia & rosas? Quid carbones inter fulgentissimas gemmas? quid fatorem anhelans meretricis, præsentem Christo suavis odorum aromaticum spirante odorem? Nihil sane.
- Psalm. 21.* Meliora enim ut inquit S. Paulus mihi amica vulnera, quæ Christus accipit, ut sanaret me, quam voluntaria inimici oscula, quibus mihi per illecebras delictorum suarum, caro molestanda blanditur. Et in quodam illi paratissimo fuisse os, ut paratus in captivitatem meam proditi inimicus: Et alibi ad hunc castissimum Christi amorem nos sollicitans, inquit: Illum osculamur, quem osculati castus est, illi copulamur, cui nupsisse virginitas est, illi subiciamur, sub quo letamus, supra mundum stare est, propter illum desistamus, cui tantæ resurrectionis est, illa commariamur, in quo vita est: Illius autem amoris vim & energiam, quæ divina complectimur, ignis tanquam hieroglyphico sacra scriptura exprimit: Suscepisti tibi quere à me aurum ignitum. De excelsis misit ignem in os eius meum. Et in Levitico ex legis præscripto, iecoris ardua igne erat consumenda: propterea quod iecur hoc nostrum, in qua sedem figunt cupidines, si divini amoris ignibus præoccupatum fuerit, ab alijs iniquis affectionibus liberum evadat & immune. Cuius celestis plane amoris esca & fomes est Christus, quique amore de terrarum orbe triumphum egit. Armorū etenim panopliam describens regius Prophetæ, quæ parata fuit ab ipso victoria, femori cum accinctum gladium dixisset,



dixisset, subiunxit: *Specie tua et pulchritudine tua intende, prospere procede, et* *Psalm. 44.*  
*regna,* quasi in decore quodam hominum corda ad amorem allicien-  
 re, omnem veli neminem committere affirmaret. De quo etiam dicitur, *Amor. 37.*  
*Et ille homo stans per murum adamantium, et in manu eius adamantus: quod ni-* *Eccl. 38.*  
*hilum Chintus ad se omnes suam quodam pellicea attractu & dulci* *Simach.*  
 violentia cogat. Hinc I. angelus loquens: ipsum intus est aurea  
 Zona circa mammillas succinctum: talis est enim locus corporis, qui  
 cordis profectio delineatur. Sacerdotes reliqui, quod fomite concupis-  
 centia virginitatem, Zona lumbis illustrant: quo vitio cum virginia  
 Christi caro adhaerere, non lumbos sed pectus, amoris fornacem cin-  
 gulo circumdandum habuit. Haec sane amoris ratione ortum est, ut in *Leuit. 2.*  
 ecclesia Catholica tam multi reperiantur, qui in ipso iuuentutis flore,  
 rerum summa opulenta, & sanguinis illius claritudine, abdicatis  
 humis mundi modis, impuro illo amore extincto, alijs desuper illa-  
 tis scabulis amentes, vitam a plebe segregatam, institutorum etiam se-  
 veritate praescriptam, in qua diuinis solum vacent, degant libenter  
 me, & exultant, utque in suis solimennium cauernis curia militat  
 canone: *Psalm. 134. non in domo tua, sed in domo tua.* Hinc etiam ap-  
 pareat, quanto intervallo Iherusalem primum a Deo ab Aegypto: si co- *Cant. 2.*  
 spicatus haereticorum greges, alios inquam hircos asperimus vitio-  
 rum pilis confectos, cunctis petulantia radissimos. Hi enim cum cha- *Heretic.*  
 ritatem erga Deum fidei sui privilegio, vel potius monum pietate *hostes*  
 expugnant: mirum non est si, hique pessimos caleant feteantque amo- *castitatis.*  
 ribus. In quam oblecto Chriliam orbis provinciam nesciam inuen-  
 ire, si pedes intulerunt, curis florem libidinum alio non corrupe-  
 runt: igne & sulphure candentia illa ubique non denudantur: quid  
 Anglia mea aliquando nitidius, quid castius unquam eluxisset ab in-  
 genio est Cypri delicias, & veneres avertant: eaque de causa, colon reg-  
 num hoc lucis clarum, armisque gloriosum, beatissimae Maris Virgi-  
 nis deus est nuncupatum. Nunc autem, prohi dolor, calitatis accitimi  
 hostes, voluptatum se exatores rabidissimi, concupiscentiarum manci-  
 pia, tantum decus & patriae ornamentum scelerata vitae insipientie  
 funellatur, misarum Peruasos, calidum claustra in lapanaria verto-  
 runt & prostrabula. Modo forma & ipsa calitatis facies inspicenda, ex  
 alijs etiam aspectu laud exigiam voluptatem animus concipiet.

Principio non leue momentum, ad inflammandos mortaliu ani- *Difficultas*  
 mi: bonae virtutis amore, mihi contrariet videri: difficultas ipsa, ipsa inu-  
 qua undique tum praesidium cum animae tum etiam corporis omnia. *12. ad va-*  
 mentum oblectum appetet. Nam, (ut inquit Tacitus) *hominum optimi* *scilicet*  
 G. C. 1. *alij*



*Cornel.  
Ta it. lib. 4  
anal.*

*alissima cupiant:* experimur autem hanc nostræ carnis molem pruritu quodam perpetuo exagitari, & furore nonnunquam corripit ex libidinis incitatione. Loque vehemensior & ineluctabilior eius motio existit, quo causam habet nobismetipsis viciniorē & pectoris nostri recessui penitus infixam. Quare præclarum est institutum & Heroici cuiuspiam iuuenis magnanimitate dignum, voluptati huic contraire, eiusdem fomitem debilitare, carnemque suam, cum à flamma, tum etiam fumo liberam tueri & conservare. Excelsum quidem is animus erit, qui hasce libidines ex ipsa fœditate, generisque vili conditione contempserit: corporeque suo, utpote anima insignito, & ipsius divini spiritus existente armamentario, indignas proflus luxurie duxerit illecebras. Sicut qui sericis induti incedunt, si admodum civiles sint, & mundicie studiosi, à sordibus quibus ipsorum habitus turpitudinem attrahat, longissime recedunt: eodem modo, qui carnis suæ decus, iuste magnanimus adolescens pensat, verebitur ne vellem contactu cupiditatum, aut villo ad fœdos amores accessu, tantâ integritatem elegantiam atque florem deturpet, violet, aut deuallet: hunc ita existimantem suspicio, & deprecio. Neque adeo admirationem mihi commouet Davidis spectaculum: quo intueor ipsum immanis gigantis detruncatum caput manu tinentem, atque cum mente concipio castissimum Iosephum relicto pallio, ab impura meretrice cum virginitatis palma disfluentem. Ille etenim noster illibatus, Danielem superat leonum ora comprimentem: quandoquidem plusquam leoninam rabiem in humano furem pectore, rationi subiecit: Sed neque tres pueri in medio ardentis fornacis intacti ambulantes, sic miraculum aliquod efferunt atque adolescens ille, qui iuuenilibus ardoribus circumseptus, a conflagratione libidinum se tutatur & defendit. Nam (ut inquit D. Ambrosius) *graviori nimis sunt præi motes, quam hostes infest.* Hinc factum est, uti nihil ad aspectum nostrum ita effulgeat, suæque specie insigni aliorum sensus in admirationem rapiat: atque in adolescente castitas, & illibata carnis efflorida continentia. Imo qui libidinibus sese deualtando ex animæ impotentia quadam misere tradiderunt: nihil ita suspiciunt, nihil æque laudant, atque in alijs quem ipsi amiserunt, pudicitie florem.

*Gen. 16.*

*Ambros.  
serm. 88.*

*Ambrosius  
de vidu s.  
Triplex  
gradus  
castitatis.*

Verum uti distinctius in istis oratio progrediatur, triplicem cum D. Ambrosio castitatem constitui mus: conjugalem, vidualem, & virginalem. Circa priorem istius virtutis speciem, statendum non voluptatis aut libidinis explendæ causa, naturæ matrimonij usum fuisse indultum: sed potius institutum in prole propagationem, & humanæ

vita



vita subleuanda necessitudinem. Animaduertimus enim ipsa bruta  
animantia libidines ex coitu fingere, cum generationi tempus attribu-  
tum efflueret. Hominesque sui officij admonere videntur: ne alia de  
causa actum illum suscipiant coniugij, quā uti sobolis inde generetur.  
Nā enim honesto huiusmodi sine coactus aliquis turpis & homini  
indignus eueniret, non video quomodo possit in sapientis alicuius  
votum incidere. Propterea ut scit pōt Tullianus, cum ecclesia Chri-  
sti primas in suo flore esset conspicit, tantam puritatem corporibus  
baptismi sacro ablatis attribuendam existimauit pōt: ut cum prae-  
giantē vultu concubituū, nullo quidem pacto licitū crederent.  
Ac hic iam nā est castitatis gradus, post hūc secundus ex viduitate. Qui  
cum virginali integritate, quae continentiae apex est, in hoc conuenit:  
quod tam hoc, quam ille propositum implicet abdicandi a se ex coitu  
voluntates. Quamobrem de vtriusque promiscue disputabitur.

Testal. lib.  
ad uxor.  
lib. de pur-  
diti.

Nunc itaque ingreditur (ut apud sanctissimum Iob diuina sapientia  
loquitur) in thesauros tuos. Thesaurus sane castitas, si tantae virtutis  
pretium digne estimemus: nix pariter, cuius species inter colores est  
palmaris, frigore autē terrae i spiritamine coeēcti, eam calore fouere  
dicunt, vernisq; eius corruptentes facundiam enecare. Ita cum  
castitatis nix carnem compresserit, efficiet ut animus erga Deum cha-  
ritate seruet, & vii opprimatur et orientes vermes, qui voluptatis vi  
generati conscientiam exedunt. Hec autē in mentis corporisque pre-  
stantia, quae virginitate (ut loquuntur) continentur: non eatenus solum  
virtus est, quatenus ad contemplationem inuat, aliasque cum summa  
probitate coniunctas excellentes actiones: verum ut apertissima ra-  
tione docet diuus Thomas, intra latitudinem ambitumque continen-  
tiae cogitationes nostras coercentes, perspicue videbimus in hac ipsa  
specie eximiam esse virtutem, cuiusque partem prestantissimam. Sic it  
enim intra rationem liberalitatis maxime insignis virtus est magni-  
centia: ita nunquam suscepisse voluptatem ex concubitu, neque in-  
pollutum illum velle in se admittere, rationi consentaneum est, imo  
Heroicum quod, ingenti laude prae nioque dignissimū. Nisi enim exi-  
miam quid esset, & ipso genere sublime, in Christum Dominum non  
incubisset: qui illibaram virginitatis florem, ex horto vteri virginis  
desumptum in vix decussis seruauit, cruci affixit, sepulchro intulit,  
in celos inuexit, & secum florentem feter ad tribunal. *Per nuntian-  
des illi in terra nostra, ut interpretatur Chrysostomus quando inchoante  
vernali incremento floris, fructusque Ecclesiastici, turtur castitatis in-  
signis, Christus nimirum Dominus in carne ingemuit. Idcirco ut scri-*

lib. 24.

Virginitas  
est virtus.

D. Thom.  
2. 2. q. 122  
ad 3.

Cont. 2.

Chrysost.  
homil. 2.  
de virg.

G G 3

bit Cy-



bit Cyrillus Ierosolymitanus. *Adorant qui de virgine natus Christus, & agnoscant virginis sui status vel dignitatis coronam, agnoscat eorum ordo & institutum qui vitam sollicitam agunt, castitatis gloriam.* Matrem etiam suam delegit Christus virginem, ut hanc integritatem carnis sibi precipue consecraret, nobisque eandem magis spectabilem exhiberet. Cuius quidem venter (ut in Canticis dicitur) aceruus est tritici vallatus lilijs. Peperit namque & nobis effudit mensem admirabilem, prouentumque incredibilem cælis illud dimissum granum, & in virginis uterum coniectum. Eiusque modulla vite nostræ firmitatem continet, atque gustui summam adfert suauitatem. Ita tamen filium enixa est, ut nequaquam lilia virginittatis amiserit, sed illis potius circumvallata, integerrime in ipso partu eluxit. Hic summus ille Princeps Salomon, æterni patris æterna sapientia, solum & thronum ex ebore formatum habuit, in quo regheret. Eboris candor virginittatis inditum: aureæ autem bractee, quibus ebur immarginatur, charitatis pretium declarant. Paradisus sane Christi pariter uter, eius vnus Christus colonus, deserti & vallis amenissimæ flos vnicus. Vnde: *In terra deserta, inula ex in aquosa, sic in sancto apparuit.* Conceptus quidem (inquit Nazianzenus) ex virgine animo & carne a spiritu sancto purgata: nam & procreationem honorari, & virginittatem praeferrī oportebat. Ille quidem spiritus ventus fuit ille uter, qui libidinis & concupiscentiæ fontem in virginero corpore exsiccat. Atque idem spiritus castitatis mox lilium inuadens, tanquam operosa apes melleam Christi carnem miro artificio composuit. Nam (ut inquit Cyrillus) decebat sane purissimum puritatis Dollarem ex puris prode thalamis. Si enim qui apud Iesum bene fungitur officio, abstinet a muliere, ipse Iesus quomodo ex virgo & muliere proditurus erit? Tanta est itaque virginittas instantia, tamque sublime eius decus, ut decem virginibus non abiectum quid, sed ipsorum regnum cælorum Christus comparauerit. Simile est regnorum cælorum decem virginibus. Et alio in loco, virginittatem vmbra quandam esse docet & figuram illius diuinitatis status atque conditionis, qua beati in cælis fruuntur: cum dicat: *In resurrectione nec nubent, nec nubentur.* Propterea qui furentem æstuantemque in libidines carnem reprimunt, angelorum mores in terris emulari dicuntur. Quo quid ad virginittatis commendationem alius proferri poterit? supremam quidem dignitatem inter corpora cælo concedit Philosophia: humanum autem corpus virginittate exaltatum, cælum quodammodo euadit. Sicut enim cælum purissima est substantia, quam nulle inficiunt macule ex elatis suis vaporibus concreta: ita fulget omnino illa caro, quam virginittas continentia munit & quasi



quasi in alto suspendit, ad quam voluptatis lacuna, ardore libidinis  
 euvante humore, liberi aut turpitudinis nota transmittere non va-  
 lebit. Revertitur splendentem nitidumque illius habitum, qui in  
 conspectum prodit exultans: at magis suspicere meos iuvenile corpus,  
 quod in celi cuiusdam narum ob tantum decus visum est transisse.  
 Libris dignitatis typum præbuerunt pelles illæ hyacinthine, quibus ta- Exod. 26.  
 bernaculum cooperiebatur. In pellibus animalium esum, speciem  
 mortis intuemur in coloribus autem hyacinthine, extremam celi faciem  
 ac venustatem contemplamur. Cum enim ex seque non disciplina, ve-  
 luti mors appetitus concupiscentiam exstinguit: tunc demum color  
 ille celestis & hyacinthinus plane carni tanquam pelli induceretur: vin-  
 de animæ tabernaculum pulchre velharur, & ipso celo amicta appa-  
 reat. Quo quidem pacto virginem corpus cum paradisi est terrestris,  
 in qua fragrantia & rubentia poma ad Christum vti solum firma sta-  
 tu conuersa repetuntur: tum quoque ipsum celum immortalitate  
 diuturnum, sinceritate purum, lumine & decore splendidissimum.  
 Sed quid hic consilio, cum virginitatem tantum ad celos euexerim?  
 alius adhuc ascendere debet encomion: quandoquidem ipsi Ange-  
 lis tanta carni integritas hominem patrem faciat & æqualem: si non Gen. 22.  
 superiorem. Hanc etenim existimarem scalam Iacob, qua non ad An-  
 gelatum confectum, vixit eorum loci ascendimus: vicissim rursum,  
 qua illi ad nos, tantam dignitatem in nobis admirantes, descendunt.  
 Nam libenter nobiscum manus implicantes, choreas ducunt inferius  
 hic in terris. Non enim ille purpureus color aut ardens fragrantia  
 edoni in flore ita apertè allicit, atque efflorescens in iuuenili carue  
 virginitatis lilium ad hominem angelum iuuat. Credere inque non  
 tam ipsum in empyreo celo sic delectari sede, atque gremio casti ali-  
 cius adolescentis, enim illud in præsentia atque cura custodiendum  
 suscipit. Quid enim in ipsis Angelis ita depreciamus, quam quod  
 seque ab omni labe contemplationi vacent, nihilque in se admittant  
 turpitudinis terrene & contagiosæ voluptatis? Hæc autem tam illu-  
 stria, tamque genere ipso insignia, tam nostræ adfert virginitas, &  
 equal lance corpus coalitum & sincerum librat spiritum. Quid modo  
 cum tanta præstantia conuerteretur poterit, si gloriam quæret? quid cum tan-  
 tanta gloria, si emolumentum exspectet? *Genesius quippe* (ut ait D. Aug. Genes. 22.  
*22. 17.*) *elegit sanctam potestatem tam illustrem familiam beati nuptii nesciendo,*  
*quam multiplicare paranda, ut in carnem iuueni vitam angelicam, quam ex carne*  
*adhuc numerum augere mortalem. Hæc est ubi sit fecundumque felicitas non ven-*  
*ta transire, sed mente grandescere, non lassitate pallere, sed corde candescere.*







cilis: Iudæi non tanta diuinæ gratiæ copia donati, quanta Christiani, ab hac perfectionis apice multum defecerunt. Illa fortassis aqua, quam ex rupe Mosâica virga elicit, vim quandam habuit sedandi ardores concupiscentiæ, vti intra coniugij terminos consisterent: at ex Christi latere effusus cruor augustius quid operatur, omnium libidinis flammam in nostris pectoribus extinguens. Hinc virginum seu potius Angelorum chori in ecclesia Christi visuntur, qui voto virginalem florem carnis retinentes, illum Deo consecratum esse cupiunt, de quibus D. Cyprianus: *Nunc nobis ad virgines sermo est, quarum quo sum-  
blimior gloria est, maior & cura est. Flus est ille Ecclesiastici germinis, decus atque  
ornamentum gratiæ spiritalis, lata inde laudis & honoris, opus integrum atque virg.  
intactum, Dei imago respondens ad sanctimoniam Domini, illustrior portio gregis  
Christi.* Laboriosa est castitas, concedo, sed fortia agere & pati, Romano-  
rum est. Et mihi ebur pulchrius videtur, quod ex antiquitate sanguineum. Virginitas eo laudabilior, quo Martyrio vicinior. Infamis autem  
gentilitas nunc lege nunc vituperio ipso virginitatem profligauit. *Calibes esse prohibent:* Ita ex tabula aliquando præcepere Romani.  
Ex statuto quoque Licurgi, istius virtutis sectatores (vt ait Plutarchus) *nudi media hyeme per forum agebantur, & omni honore priuabantur. Quod si  
in speciem aliquam exhibere tentarent colorem huiusce excellentiæ,  
cum Atheniensi illo mista (vt scribit Origenes) cicuta vñ sunt: nihil  
in mente habentes, quod tantam pareret venustatem. Quid virgines  
commemorarem Vestales? esto hominibus abstinerint, pudicitiam  
tamen in tanta familia, in vestibus ad pompam excultis, in frequenti  
per plateas incellu, in occurrentium salutationibus, in voluptatum  
affluentis non intueor. Flamma illa, quam in templo sacra Vestæ  
foueant, non tam castitatem adumbravit, quam libidinis ardorem,  
quo ipsarum pectora iugi flagrant incendio. Altiori adhuc opus est  
instruere, eoque Christianorum proprio, quo non ex necessitate, sed  
consilio electioneque libera; non cum corporis tantum integritate,  
sed etiam animæ virore & vigore castitas decernatur. Quod tactu quidem  
possibile negarunt olim Ethnici, (vt tradit D. Athanasius) sicut  
nostris temporibus Sectarij. Et prius nullam fidem virginitati habentes, &  
impossibile esse distantes eam virtutem in hominibus reperiri, idem ubi iam credi-  
dere Salvatore ex virgine nato: non solum eam in nobis esse agnoscunt, sed ipsi ea pu-  
dicitia & sanctitate corporis præstant, & vicissim ab Ethnicis ipsos iam tales esse  
factos credi non potest. Mirum autem non est, si eo usque gentilitia hebe-  
tudo haud aspirarit: nam vt creditur calibes dicti sunt quasi calites,  
græce ἄστει: quod cælestes illos spiritus vitæ ratione imitentur. Decus*

D. Cyp. lib.  
de habit.

Tab. 12.  
leg. Cicero.  
lib. 1. de leg.

Plutarch.  
in Licurg.  
Plat. reipub.

Orig. lib. 1.  
cont. Celsū.

Virginitas  
ignota  
gentilibus.

Athanas.  
Serm. de  
Crucē.

H H

autem



autem hoc quod depreciamus, solius Romanę ecclesię decus est: nos gemmam hanc cęlitus dilapsam possidemus, florem hunc hortus noster tantummodo profert. Ceteri omnes externi, heretici, atque sectarij turturibus nostris comparati, Noe coruo impuriore videbuntur. Gnosticis hereticis quid fœdus? exosam habuerunt virginitatem. Ariani omnes (vt scribit Athanasius) maculosissimi, virginitatem ablegarunt. Manichei honesti formam assumentes, ex clandestinis congressibus turpissimi, virginitatem violarunt. Lutherani ex incesto procreati, virginitatem constuprarunt. Calviniani & Bezite, qui Sodome flammis vix effugerunt, sceleribus cooperti virginitatem orbe exegerunt. Mihi credite species istius virtutis, Geneuę, Basileę, aut in id genus orbis sentinis non inuenietur. Veneres alunt, & hircos olent, veneris filij, & hircorum duces sordidissimi. Nostra autem Romana ecclesia, noua Ierusalem, ad formam illius cęlestis effigiata, suas habet virgines, Angelorum socias. Atque hinc mihi certo certius apparet, rorem cęli in virgineum nostrę ecclesię vellus decidisse: Ethnicorum autem & hereticorum aream, nimio libidinis ardore & salacia carnis aridam esse, atque instar carbonis exusti & deflagrati nigerrimam.

Neq; aliter ex premissis sequelam hanc conficio, quā olim in eadem causa D. Athanasius ad Constantium loquens: *Nunquam sanctum illud & cęleste eterne virginitatis mandatum feliciter adimpletur, nisi duntaxat apud nos Christianos. Atque in eo magnum documentum est, plane apud nos esse veram religionem. Has præ reliquis omnibus beatę memorię religiosissimus pater tuus Constantinus in pretio habuit, & tua religiositas in suis scriptis pretiosas & sanctas nominauit. Heretici itaque, qui se virginitati infestos ostendunt, desciscere videntur à communi placito, quod hominibus vel ipsa natura attulit. Nulla etenim ferme gens extitit, (vt ostendit D. Hierony. contra Heluidium) penes quam non viguerit præcipua quædam cura castitatis seruandę. Saltem qui sanctitatem aliquam præ se tulerunt, hac virtute comprimis ornari desiderarunt. Hinc sacerdotes Matris Deum sibi testa virilia amputant, Cybiles herbarum succis euiantur, Herophantas Atheniensis cicutę sorbitione castrari voluit: (vt narrat Alexander). Proinde in violatorem consecratę huiusmodi pudicitię, omni acerbitalis poena Romani animaduenterunt. Florina ob stuprum cum Cantilio scriba sub terram necatur: & Fabius pictor Delphos ad oraculum mittitur sciscitatum, quonam genere expiationis, quod tantum scelus esset patratum, Dij placari possent. Imo existimarunt castitate Deos, tanquam florum fertis, plurimum delectari. Vnde Tibullus*

sacra

*Heretici  
esores vir-  
ginitatis.*

*Clemens  
Alex. lib. 2  
Strom.*

*Athanas.  
Epist. ad  
Solitar.*

*August.  
de Mor.  
Manich.*

*Iudic. 6.*

*D. Athanas.  
Apolog. 1.*

*Virginitas  
ab omnibus  
deprecatur.*

*Hierony.  
lib. 1. cont.  
Heluid.*

*Alex. lib. 4  
cap. 14.*

*Lic. de uad.  
3. lib. 2.*



sacra recensens, quibus aggresses sibi propitios Deos facere solebant  
callitatem in primis militas adhibuisse testatur.

discedite ab aris,

*Quis tulit hesternæ gaudia nocte Venus.*


*Castæ placent superis, pura cum veste venite:*

*Et manibus puris sumite fontis aquam.*

*Tibull. lib. 2.  
Eleg. 1.*

*De duplici castitatis munimento, sensuum nimirum custo-  
dia, & corporis seueriori disciplina: quæ quidem istius  
virtutis firmamenta impij hæretici turpissimo dogmate  
contutere atque euertere conati sunt.*

## CAPVT V.



Errissimum est illud Philosophi effatū, nihil intellectum  
sui iniecta notione ferire, quod non prius ex sensibus  
aliquem subintrarit. Per hos enim omnes ad animam <sup>Sensus ob-  
bibendi.</sup> rebus ingressus patet. Ea propter quorū suscepta notitia  
animæ censetur magis incommoda: ab ipsdē sensus quā-  
tocius sunt auocandi. Imo si fieri poterit, ea moderatione gubernan-  
di, vt in eiusmodi à ratione & mente dissentanea, nunquam inci-  
dant. Nam si rex aut princeps ex vulgari sorte quemlibet indifferen-  
ter ad colloquium non admittit, aut vitæ consuetudinem: ne imperij  
maiestas contemptui obiecta cadat: Ita neque mens, cui diadema &  
supremam natura auctoritatem demandauit, facile se dimittere debe-  
bit ad promiscuos aspectus, & negotia vniuersa, quibus sensus libenter  
distinentur. Sin aliter fecerit, paulatim in discernendis rebus acies  
intelligentiæ eius cecutiet, & vis omnis regiminis tandem intercidet.  
Quod cum in cæteris sensuum oblectamentis satis liquidum sit & ma-  
nifestum: tum maxime in affectione impuri amoris verum esse con-  
stabit. Græce quidem amor *ἔρως*, quasi *ἐρπετ*, quod foras, ab oculis ni-  
mirum fluat. Putat enim Plato ab oculis aspicientiū prodire quosdā <sup>Plato de  
pulchro.</sup> radios spiritibus ita temperatos: vti traieci ad pupillam eius, qui vi-  
detur, mox ad cor ipsius peruadant, pectusque eius inflamment, præ-  
cordij summam quandam grauedinem inducant & molestiam, cæ- <sup>Athen. lib.  
13. c. 6.</sup>  
terasque ægritudines omnes efficiant, quibus miseri torquentur ama-  
tores. Propterea oculus amoris sedes dici solet. Quemadmodū autem

H H 2

ciuitas.



ciuitas obfessa non prius capitur, quam murus eius fuerit expugnatus, cæteræque arces & propugnacula deiecta aut recepta: ita vesana libido animam ad sui deditionem non cogit, nisi postquam ab aliquo pulchro vibrata species oculos occupauerit, & fascinatione quadam eorum aciem penitus perstrinxerit. Haud etenim aliter mens & ratio erga sensus afficiuntur, quam mater erga prolem, vir erga feminam. Quamobrem descensu quodam dimittere se animus ad sensus, cum illis colludit, illarum rerum admiratione capitur, tum desiderio tenetur, quæ ad sensus cum voluptate affluunt. Desiderauit idcirco regius *Psal. 101.* Propheta fieri tanquam passer solitarius in tecto, atque in secretæ vitæ angulis delitescere concupiuit vehementius: ne ad aspectum quidem formarum venire statuens. Quantam vim haberet Bersabeæ exposita species, ad traducendos animos in libidinem, nouerat: neque ipsum *Ibren. 13.* latuit Sampsonis robur Dalilæ elegantia eneruasse. *Oculus meus* (inquit Propheta Ieremias) *depredatus est animam meam.* Quanta vis oculi ad inflexionem animi? Quanta eiusdem immanitas & crudelitas, qui eum in prædam postulat, & cum Actæonis cane herūdente dilacerare concupiscit? Relinquere potius voluit castissimus Ioseph palliū in manu meretricis, quam inspectioni aut colloquio cum turpissima femina diutius fidere. Fuga autem oculis speciem noxiam statim excussit, priusquam altius illi insideret: eodemque discessu appetitum quoque liberauit: qui nisi ab oculo expugnari non potuit. Esto vnico oculi coniectu mentem ad amores non statim præcipitari, hesternæ conuersatione nihil aut parum de animæ firmitate & constantia detractum fuisse: guttula tamen dilapsa in eandem sæpius incidens partem, durissimum excuat lapidem, per angusta foramina aut tenuissimas carinæ commissuras subintrans maris aqua, licet principio haud multum ponderis nauigio adferat, tandem tamen illud in fundum deprimit. Ita quamprimum sensus in pulchra delati fuerint, modicam quidem in animam impressionem efficient: vix eam in initijs quatiant: verū cum diuturniori vsu illecebræ inualuerint: loris quasi animam constringent, & neruis eam illigatam ferent, referentque qua illis collibitum fuerit. Prudenter idcirco consultoque Africanus Scipio Pœnos Hispania eiiciens, posita victoria, in præda captas virgines aspicere recusauit: ne, ut inquit Florus, oculis virginitatem libaret. Cuius viri *Flor. Lib. 2. cap. 6.* eximiam continentiam, felicem belli exitum peperisse, à multis dictū est. *Iob 31.* *Pepigi* (inquit Iob) *fedus cum oculis meis, ut ne cogitarem qui tem de virgis* ne: Merito, dicitur enim dolosa Venus: propterea quod ita latenter *Strabo Venerus.* se per sensus in animum insinuet, uti eius motus vix apprehendi possit.







animus ad alia studia, sollicitudines, curas, negotia, loci denique mutatione tanquam egroti non conualescentis saepe curandus est. Quamobrem si quamprimū libidinis appetitio ferire & pulsare animos inciperet, statim nobis cura esset ipsis initijs contraire: nullo ferme negotio leuiiores illæ impressiones repellerentur. Cæteroqui si laxati ad omnem cupediam, cupidinemque voluptatis, blandienti inimico, sēueritate morosius non occurramus: postquam in anima impurus amor radices altius egerit: cum eam penitus insiderit: sero nimis de remedio erimus solliciti: nisi ut quidam dicit, restem cogitemus aut præcipitium.

Senec.  
Hypol.

*Quisquis in primo obstitit,  
Pepulitque amorem, tutus ac victor sit.  
Qui blandiendo dulce nutriuit malum,  
Sero recusat ferre, quod subijt iugum.*

Chrysost.  
Homil. 4.  
de Lazar.

Nemo idcirco, quantumvis sapiens aut virtute excultus, sibi nemiū fidat: nisi enim delinquendi occasiones effugerit, impossibile plane, uti volitantibus istis telis & ardentibus spiculis aliquando non traiciatur. Vsu enim vitæ, conuictus consuetudine, opulentia, supellectilis splendore vires capit libidinis appetitio. Carnis concupiscentia (inquit Chrysostomus) acrius insurgit aduersum eos, qui in hominum viuunt frequentia, quos & decora facies & corporis nitor capit per oculos, & verbum obscenum per aures ingressum, rationem nobis turbat frequenter, & arte moderatā cantio animi constantiam labefactat. Quoniam vero istius appetentiæ vis omnis ab extrinsecis rebus non prouenit, sed magna eius pars intimis corporis medullis penitus insita manet: idcirco ut ratione cohibeatur ineffrenis appetitus, ipsaq; virtute castitatis definiatur in voluptatē naturæ propensio: satis non erit auulsu & discessu quodam vitæ in latebras se abdidiſſe, verū insuper ipsius corporis ratio habenda, in cuius pectore & natiuo calore ferociunt libidinum æstus. Proinde cum à foro & hominum strepitu in solitudinem aliquā perrexerimus: nihilominus nimio inhibi calente sanguine, phantasiæ ludibrio excurrente liberius, depictas Veneres amore prosequemur: & cum D. Hieronymo in media ære mo consistentes, Romanis interesse delicijs, illasque formas nobis intueri videbimur. Qua de causā veteres Vulcano nuptā Venerem finxerunt, propterea quod calore efferuescente proni homines sint in libidines. Imo maior & acrior cura adhibenda est in hac nostri corporis seuera disciplina, quam in eiusdem secessu. Fieri enim potest uti vis pulchris, aut forma illius Dianæ venatricis inspecta, nulla exoriatur concitator voluptatis appetitio, aut inueniatur Aetæon aliquis à suis canibus

Corporis  
calor di-  
mittendus  
ut seruetur  
castitas.

Hieron.  
Epist. 22.

Epist. dia-  
log.



canibus decerpendus. Caterum turgescenibus venis & nimio spiritu inflatis fieri nequit, uti anima in medijs flammis non vratur libidine, non coinquinetur fumo. Quare dum corpori operam nostrā admouemus, & in illud seueriori disciplina animaduertimus, voluptatis ipsam arcem inuadimus, eiusque armamentarium expugnamus. *Saturavi eos, & mechati sunt*, inquit Propheta Ieremias. *Nolite inebriari vino, in quo est luxuria*, dicit Apollolus. Et sanctissimus Iob ita Veneris sedem describit: *Sub vmbra dormis, in secreto calami & in locis humentibus*. Vmbra & calami secretum angulos designant libidinū. Vult enim Venus (ut quidam loquitur) sua furta celari. Loca humentia, corpora vino & crapula redundantia, copioso exestuuantia sanguine, abdominis immanitate depresta significant.

*O proisus in pugnis amor*

*Inuiste, qui in lantaz fere*

*Possessioes irruis.*

*Amer puellæ in mollibus*

*Dormire qui soles gremijs.*

*Qui per maria vasta ambulas,*

*Nec non stabula per agrestia.*

Sed ut Græce dicitur,

Ἐν πλεονασμῷ τοι κόπρος, ἐν πενίᾳ δὲ οὐ.

In abundantia Venus, non in penuria.

Fertur Venerem interrogasse suum Cupidinem, quare inter ceteras pulchram etiam Dianam telo non aliquando feriret: illi respondit Cupido, quod venatrix esset, & tam agili pede rupes montiumque cacumina iugi labore peteret: propterea fieri hand posse dixit, ut constanti firmoque traiectu spicula in metam ferantur. Vbi enim otium abiicitur, laborque corporis suscipitur, ibi in cassum volitant Adonidis missilia. Idcirco opposita quadam ratione Venus expellenda, quam qua nos ipsa aggreditur. Quomodo autem nostros animos perterter, describit pulcherrime Aurelius Prudentius:

*Non tamen illa pedes, sed currū inuicta venusto.*

*Saucia mirantum capiebat corda virorum.*

*O noua pugnandi species, non ales arundo*

*Neruo pulsa fugit, nec stridula lancea torto*

*Emicat amento, framia nec dextra minatur.*

*Sed violas lasciua iacit. folijsque rosarum*

*Dimicat, & calathos inimica per agmina fundit:*

*Inde eblanditis virtutibus balatus illex.*

Inspirat

Saphor.  
Ant. 1.

Lactanz.  
lib. 3.

Pruden. in.  
Psycom.



*Inspirat tenerum labefacta per ossa venenum.*

*Et male dulcis odor domat ora, & pectora, & arma,*

*Ferratoque toros obliſo robore mulcet.*

Iſtis autem vis ſumma & rigor à nobis opponenda, obblandiens canis pedis calce abigendus, cruce Chriſti & perpeſſionis acerbitate corpus debellandum, decor inedia corrumpendus, abſumendus ſanguineus humor parſimonia victus, collidenda ad ſaxa deſatigata membra, vultu ad iram plane compoſito rigide admodum veneri reſiſtendum. Vt enim inquit Apoſtolus: *Si ſecundum carnem vixeritis, moriemini: ſi autem ſpiritu facta carnis mortificaueritis, viuetis.* Mortem carni inferendam docet, ni velimus voluptati ſuccumbere. Mors autem nihil facile, nihil emollium ſonat, ſed arduum quid & aſperum, atque à ſenſuum iucunditate prorſus auerſum. Propterea alio in loco admonet: *State ergo ſuccincti lumbos veſtros in veritate.* Non itaque otio torpendum, non molli culcitra membra fouenda, ſed peruigili animo ſtandum erit, neque lumbi diſfluere debebunt ad libidines, & ad omnem turpitudinem laxari: ſed ſeueritate potius conſtringi, & ex inſtituto Baptiſtæ, pellicea zona coërceri. Quo pacto idem Apoſtolus, vas electionis diuinæ gratiæ liquore pleniffimum, atque amoris flamma lucidiſſimum, corpus ſuum caſtigauit, & in ſeruitutem redegit. Atque ne delicatam aut ad molliem infractam exiſtemus Chriſtiani hominis conditionem, ſapientis voce ita admonemur: *Sepe poſſeſſionem tuam ſpinis.* Duo ſunt breui hac admonitione complexa, primū (quod & ſupra narrauimus) auocatio eſt mentis ab illis rebus, quæ lenocinium pariunt & illecebram, atque incluſio quædā eſt & veluti animæ ſeptum, à vaga appetitione illam cohibens. Alterum vero quod modo pertracto, acris quædam eſt rigidaque corporis curatio, aſperioris vitæ adhibitis ſpinis: quibus conſectus Herminacius in foramine petrae, à ſagittis & arcu cupidinis procul ſemotus, tuto deliteſcit. Spinæ iſtas, & ſeueri inſtituti aculeos ſibi conſciuerunt omnes, qui in hac fragili & lubrica carnis mole, integritatis atque continentia florem illibatū eſſe ſtuduerunt. Spinæ etenim denſatæ & inter ſe implicatæ, (vti animaduertimus) torridum ſolis radium deſuper coquentem, à flore depellentes, eius ſpeciem ab aduſſione tutantur: nonnunquam etiam arcent belluæ ruiditate ad paſtum deiectæ labia: quibus alioquin carperetur. Ita spinæ durioris diſciplinæ, animæ florem, decus hoc iuuenile ab ignibus defendunt feruentis concupiſcentiæ: & cum ad voluptatem, obiectum aliquod animum ſollicitarit: venenum melle illi-um reiſciunt. Obblandientis meretriculæ impurum os, cuius halitus  
tanguam



tanquam insalubri spiritu viuis ille color corrumpetur, repellunt.  
 Quæ ex ratione, sui iam casus expertus factus primus parens, eaque de  
 causa concupiscentiæ fraudulentæ simul atque violentas inuisiones  
 magis reformidans, grauissimo enim suo damno sibi timorem compa-  
 rauerat) vt scribit Tertullianus, ficulnea folia pudendis adhibuit, *Tertull.*  
 quibus acris quidam dolor & grauissimus pænæ morsus carni pecca- *lib. 3. cont.*  
 trici admoventur. Quæ quidem castimonia & acerbato per totius *marc. c. 37.*  
 vitæ decursum vsus fuisset, nisi interueniens diuina benignitas eius  
 corpus pelliceis tunicis mollius induisset. Prophete postmodum quam  
 seuerissime carnem ieiunijs, vestium rigore, peregrinatione assidua  
 calligarunt. Elias, in quo castitatis exemplum eluxit, non longe a *3. Reg. 16.*  
 torrente Carith absconditur: vbi dapes coruus illi parat, & torrentis  
 fluentia potum subministrant. Rechabæ in rusticis tuguriolis & ad *ierem. 35.*  
 horam duraturis casis commorantur: ciuium frequentiam, opulen-  
 tiam, luxumque auersati. Sanctissimus Dauid ita algore seueritatis, *psal. 138.*  
 noxium illum corporis humorem exhausti, vt (quod ipse testatus est)  
 factus fuerit sicut vter in pruina. Qui Christum virginum ducem quasi  
 liliū inter spinas sequuntur: Cruce in fronte erecta, bellum vo-  
 luptati indixerunt. Hinc Apostoli nudi, egeni, sine sacculo & pera *Luca 10.*  
 per orbem terrarum vagantur: viuunt, sed non ipsi, viuit autem in illis *philip. 1.*  
 Christus. At neque in femina sine castigatione hac, tuta esse poterit  
 continentia: non illi sola fides sufficiet ad ardores libidinum extin-  
 guendos, vt delirant hæretici: sed cū Magdalena turriti crines, ad mun- *Luca 7.*  
 di pompam captandam erecti & calamistrati, passi atque laceri dis-  
 fluere debebunt ad Christi pedes: oculi illi, qui animarum prædam  
 aliquando egerunt, qui venenata iacula cuiubarunt, lachrymis ma-  
 dent necesse est: corpus ardore libidinis subsultans, sacco & cilicio *Hierony.*  
 exulcerandum, ferocia denique carnis disciplinæ freno edomanda. *Epist. 10.*  
 Vnde D. Hieronymus: *Meretrix illa, in Euangelio baptizata lachrymis suis*  
 & crine, qui multos ante deceperat, pedes Domini tergens, saluata est. Non habui *Phil. de*  
 crispantem mitram, nec stridentes calceolos, nec orbes stibio fuliginatos, quanto *vita contemp.*  
 fudier, tanto pulchrior. Intueamur deinde ex continentia celeberrimos *Hieron. in*  
 illos Christianos, qui sub instituto diui Marci Alexandriæ vixerunt: *marc. epist.*  
 primitias inquam agri Ecclesiastici, nouella florentis arboris germina. *lib. 1. cont.*  
 Hi autem non alijs studijs puritatem defenſitarunt, quam iugi labore,  
 fame, siti, vigilijs, omnisque generis asperitate. Hæc ratio est tutandi  
 integritatem animæ corporisque. Atque huiusmodi rigore, eximius  
 quidam cultus Deo exhibetur. Byssus retortus, cuius vltus in sanctua- *Exod. 26.*  
 rio frequens & nominatus, castimonia carnis adumbravit: vt nota- *Orig. ibid.*



*Greg. lib. 30. Moral. cap. 10.* runt Origenes, & D. Gregoris magnus. Nisi enim caro violentia quadam in illius transuersum, in quod suo innato pondere inclinat, quasi retorta feratur: nec tabernaculo idonea, neque integritati apta inuenietur. Via autem hæc, in quam Christiani sunt ingressi, ardua est, anfractuosa, omnique laborum magnitudine plenissima. Propterea qui delicijs vacant, qui otio languent, qui ex sola fide dormiunt, inepti prorsus sunt ad institutum Christianum, in quo carnis continentia effulget.

*Hierony. Epist. ad Heliodor.*

Vt enim inquit D. Hieronymus: *Corpus assuetum tunicis, lorice onus non fert: caput opertum linteo, galeam recusat: mollem otio manum durus exasperat capulus.* Fæda illa concupiscentiæ illuuijs, qua quodammodo tabescimus, genus quoddam est morbi hydropici. Quo qui laborant, si ingluuiem ventris & dapes consequantur, in mortem cito incidunt: parlimonia vero & frugali victu curatio adfertur: ita voluptate interitus, rigore vero salus paratur. Despiciamus iam & alios præclaros athletas, castitatis virtute conspicuos, videamusque quibusnam artibus tantam gloriam sint indepti. Quid Basilio Monachorum patre nitidius? de eo autem hæc refert alumnus eius Nazianzenus: *Illi tunica vna & pallium vnum, & humi cubatio, & balnei contemptus, illa eius decora crasmenta & vigilie, & cæna suauissima atque pulmentum illi erat, nouum inquam illud condimentum, panis & sal, & potio sobria & vberima, quam nobis nihil laborantibus fontes proferunt.* Cui ministrorum apud hæreticos, tametsi sua fide bene saginato, talis dieta arridebit? Quis illorum vulcaniorum gelidæ aquæ haustu, & non potius vino ingurgitato, ardores suos libenter extinguet? Sed fortassis nullus illorum indigebit tam superstitiosa contentione. Deus bone, indiguit Basilius, flos & ornamentum præsulû, & non indigebit furiosus libidinum assecta minister? At fides & vxor sufficient. Quid plura? Infausta fides, quæ nihil nisi vxorem quærit, misera vxoris conditio, quæ fidei in subsidium venit. Progrediamur vterius. Gregorius Nazienzenus, vir sane spectabilis, cum ex vitæ integritate, tum etiam doctrinæ & eruditionis præstantia, eisdem austeritatis semitis insitens, insultantem libidinem coercuit.

*Greg. Naz. Carm. vii.*

Sic enim carni suæ comminatur: *Quocirca vrere me tandem, ac libidinem istam petulantique compesce, nec in anime meæ perniciem perpetuo furere, debasechare: alioquin testor fore vt te acerrime oppugnem, omnique doloris genere frangam, atque cadauere imbecilliorum te reddam.* Et postea: *Venite iam, & quidem magnacobia scelerum expiatrix lachrymæ, veni laboriose tam mentis quam corporis peruigium: vt flammæ meæ ardorem minuas, fetidamque vitiorum putredinem abs tergatis. Venter satietatem ableget, genua humi defixa obrigescant, cinis tibi loco sit,*



fit, asperimus saccus mollia membra undique tegat, veraces animæ suppetias ferant.  
 Veni tristis cura, carnis domatrix, futura supplicii mihi semper ob oculos pones,  
 Atque hæc quidem soliditati meæ recordæque medicamenta ipse adhibebo. Et alibi: *Greg. Naz.*  
 Ego in hac caritæ corpus laqueo, oculos premo diurnis nocturnisque curis. Ter mihi orat. de  
 feram animam conficio, ut eam flammam extraham. Hæc arma, hæc castitatis *calum. vit.*  
 præsidia, hæc illa sunt, quibus communiti, quotquot ab orbe con-  
 dito integritatis gloriam adsequuti, voluptati renunciarunt. Vnum  
 Christum Dominum excipio, in quo concupiscentiam vnio hyposta-  
 tica extinxit, ideoque nulla perturbationis concitatio vsum rationis  
 eius potuit antecurrere. Demo etiam beatissimam Virginem, diuinæ  
 gratiæ privilegio ita fomite penitus exutam, ut nullo pacto illi casti-  
 tas difficilis fuerit aut molesta. Cæteris vero omnibus quantumvis  
 iustis, grauissimum contra libidinem bellum incumbit: ni frangi  
 velint, & nouo diluuiio suffocari. Audiamus quoque D. Hieronymum *Hieron.*  
 bella sua, tanquam alterum Cæsarem, describentem: O quoties ego ipse in *Epist. 28.*  
 eremo constitutus & in illa vasta solitudine, quæ exusta solis ardentibus, barrida  
 Monachis præstat habitacula; putabam me Romanis interisse deliciis? sedebam solus,  
 qui amaritudine plenus eram, torrebant sacra membra deformia, & squalidum cutis situm  
 Æthiopæ carnis olidauerat. Quotidie Lachrymæ, quotidie gemitus. Et si quando res  
 pugnantem somnus inueniens oppressisset: nuda luno vix issa harentia collidebam,  
 de cibis vero & potu taceo. Cum etiam languentes Monachi aqua frigida vtantur, &  
 collum quid accepisse luxuria sit. Ille igitur ego, qui ab gehenna metum tali me carcere  
 ipse domaueram, scorpionum tantum satius & ferarum: sape charis intereram  
 puellarum. Fallibant ira ieiunij, & mens desiderij astringebat, in frigido corpore, &  
 ante hominem sua iam carne pramortuum, sola libidinum incendia bulliebant, atque  
 omni auxilio destitutus, ad lesu iacebam pedes, rigabam lachrymis, crine tergebam,  
 & repugnantem carnem hebdomadarum inedia subiugabam. Non erubescere confiteri  
 insipientiæ meæ miseriam, quin potius plango, me non esse, quod fuerim. Memini  
 me clamantem, dicere credere iunxisse cum nocte, nec prius à prætorii celsa verberibus,  
 quam rediret Domino increpante tranquillitas. Ipsam quaque cellulam meam, quasi  
 captationum mearum consuetam, pertimescebam, & mihi metum iratus & rigidus solus  
 deserta penetraui, & siculi concaua vallium, aspera montium, rupium prærupta  
 cernui: ibi mea orationis locus, ibi illud misera carnis ergastulum, & ibi tristis  
 est Dominus, post multas lachrymas, post calo inhaerentes oculos, nonnunquam vides  
 bar mihi interisse agminibus angelorum, & lætus gaudensque dicebam, post te in *Cap. 2.*  
 odorem vnguentorum tuorum cucurrimus. Videte obsecro certamen Chri-  
 stiani militis, panopliam intelligentijs vestris exequite, atque ad ocu-  
 los speciosum nihil, vel ad sensus iucundum apparebit. Nam vt inquit *Ambrosius*  
 Ambrosius: Non vitta capitis decus, sed ignobile velamen, vsu nobile castitatis. *lib. ep. 51.*



*Non exquisita, sed abdicata lenocinia pulchritudinis. Non illa purpure insignia, non luxus deliciarum, sed usus ieiuniorum.*

Hoc autem adeo rationi consentaneum semper iudicatum, uti apud  
*Sanctiores* omnes plane gentes, pænes quas sanctimonix cura viguit, sepeior  
*semper af-* semper corporibus disciplinæ ratio adhibita fuit, idque solius naturæ,  
*fectarunt* (ut videtur) instituto. Palliati Philosophi integra vita spectabiles, non  
*castitatem,* plumis & carpentis, non florum fertis, aut venereis delicijs suum de-  
*ex vita* cus pepererunt aut seruarunt: sed assiduis laboribus, duris corporum  
*duritie.* exercitijs, sensui admodum molestis: utpote inedia, algore, & summa  
in rebus omnibus asperitate. Quorum exempla Imperator Aurelius,  
*Iul Capital* cum annum ageret duodecimū, sequutus, pallium sumpsit, & ad illo-  
*in Aurel.* rum præscriptam normam (uti tradit Iulius Capitolinus) eam dein-  
*Laert. vita* cept tollerantiam exercuit, uti humi cubaret, vix autem nocte agen-  
*Diog.* te, instrato pellibus lecto accubaret. Pythagorici carniū esu absti-  
*Nemes. de* nent: Sinici cum sacculo & pera oberrant: Sacerdotes Ægyptij pane,  
*myst. Aegip* sale, & hyssopo vescuntur: apud Indos gymnosophistæ omni penitus  
corporis laniena & cruciatu se conficiunt, quorum castitatis votum  
*Plutarch.* probavit Plutarchus: *Qui per annum pollicebantur se velle à re venerca & vino*  
*lib. de co-* *abstinere, Deumque continentia sua venerari.* Turcæ eiusmodi quoque studia  
*bitend. ira.* susceperunt, acerrima quidem ad corporū integritatem custodiendam.  
*Cuspin. de* *Habent* (inquit Cuspinianus) *Turcæ religiosos multos externo habitu differen-*  
*rel. Turc.* *tes. Quidam incedunt nudi, operientes verenda tantum, tam magnam præ se ferentes*  
*patientiam: ut quasi impassibiles, nec hyemis frigora nec aestatis calores sentiant: Alij*  
*paupertatem professi, nihil de rebus terrenis cogitant, nec in crastinum aliquid reser-*  
*uant. Alij perpetuum silentium tenent, nullam cum hominibus conversationem ha-*  
*bentes. Viuunt multi inter homines, plerique in nemoribus & silvis. Quidam in*  
*ciuitatibus aquam baiulant ad bibendum optimam: nihil inde mercedis expectantes,*  
*seu hospitalitatis officium exhibentes. Habitant aliqui circa sepulchra mortuorum, &*  
*ex oblationibus viuunt. Apud Iapones exsistunt Ioques, de quibus ista nar-*  
*rat Maphæus: Vnus omnibus præerat, insigni duritia & austeritate vitæ, neglecta*  
*semper barba, & capillo asperso cineribus, corpore obsitus pannis, ac seminudus, dira*  
*macie liuidus: hisce alijsque id genus artibus in tantam sui admirationem adduxe-*  
*rat cunctos: uti qua pedes aqua lauisset, hanc Armuziæ rex ipse religionis causa*  
*potaret. Istis quoque ratio suffragatur. Si enim corporis ardor philo-*  
*sophiæ tantum præceptis restingui posset: vel eius propensio in libidi-*  
*nes solius mentis institutis in contrarium reflecti: inanis esset labo-*  
*riosa eiusdem exercitatio, frustra homines suæ carni tanta opera vim*  
*inferrent. Veruntamen corpus hoc nostrum sagina plenum, discur-*  
*rente & ebulliente in venis sanguine accensum, surdum se præbet ad*

Voces



voces & hortamenta rationis. Ferum est enim animal immanfuetum, feruile mancipium, & propterea alio castigationis genere cicurandum, mentiſque imperio ſubijciendum. Scribit Trogus, cum Scythę in Asia-<sup>Trog. lib. 2.</sup> nos expeditionem facerent, domi ſolum relictis mancipijs, propter diuturniorem expectationem maritorum, qua miſere ipſorum vxores cruciabantur, incontinentes feminas, illos vna ſtrage deletos facile credentes, ſeruis interim nupſile. Redeuntēs autem mariti ad propria, manu iſtorum mancipiorum ingreſſu in patriam prohibentur. Quocirca ad ſua recuperanda aciem domini inſtruunt, & ex belligerandi præceptis telis haſtiſque armati ad pugnam procedunt diſpertitis manipulis, ſitu conuenienti & forma alarum exercitum componentēs. Poſt hunc tamen martium apparatus & ſeueram cum hoſte congre- diendi rationem, fugantur a ſeruis domini, & finibus illius loci turpi fuga eiſciuntur. Expulſis autem, ſanius aliud conſilij genus, & ad rem ipſorum accommodatiſ in mentem poſtea venit. Secum enim reputare ceperunt mancipiorum contumaciam flagello & ſuſte coerceri optime ſolitam, non armis aut militari diſciplina: proinde iudicarunt, quod ſi iſtiuſmodi inſtructis machinamentiſ aciem renouarent, atque eos altera vice aggredereſentur, omnino euenturū vti in fugam trepide ſerui illi dilaberentur: quod & rei exitus veriſſimum deinceps comprobauit. Aſpectu etenim illarum ſcorpionum & virgarum in pauorem acti, priſtina verbera recolentes animis, (vti ingenium fert mancipiorum,) victoriā dominis diſpalati, vitæque fuga conſulentes, reliquerunt. Eandem proſus exiſtimo rationē corpora tractandi. Cum enim in imperiū rationis inuaſerint, atque virtutes appetitus motus, vt legitimos dominos expulerint: non philoſophiæ munimentis expugnanda, ſed veluti mancipia caſtiganda manu, virgę & flagelli ſolo oſtentu trepidabunt, dimittentque ſe ad obſequium rationis, ſi iſtus, ſeuera & rigida diſciplina acceſſerint.

At quorū hęc? quid ſpinas, aculeos in familiam Chriſti adſcitis admoues, clamitabunt ſectarij? Quid in paradifum voluptatum poſt-<sup>ſectario</sup> liminio reductis, tribulos iterum porrigis? Vnius fidei ſynecdoche,<sup>carnis ſu-</sup> quæ hætenus ampliſcaſti, feliciter amputantur. Si fidelis fueris, caſtus<sup>perſua eſt</sup> eris, ſi fidem non habueris, quid frultra de caſtitate laboras? Quare fidem tantum ſcripturarum leſtione tuere, & ſeuerioris diſciplinæ moleſtia liberaberis. Sed quid? Theologumne audire vedeor, vel potius meretriculam lupanari exeuntem ad compita, vt iſtis vocibus amores ſuos aucupetur? Meretricem certe. Quid enim ad veneres, animos iuuenum actius ſollicitabit, quam iſtiuſmodi cantilenaſ/pinguis,



rufus, hirsutus, vagus, petulans, lasciuus, vnius fidei adminiculo castus erit. Quis hoc credit? ardebit stipula, quam ignis corripit: Calvinista Cerere & Baccho distentus, an non ardebit? impostores pessimi. Pudor vos prohibet, ne apertis sententijs luxuriam & veneres adseratis: sic enim lapidibus vos homines obruerent, & infami salua sedarent: salaces tamen vulpes hoc idem occulte pertentatis. Dicitis summam Christianæ iustitiæ in vna fide positam: quare ni fides errore aut infidelitate vobis excidat: nulla turpitudinis labes animā aut corpus coinquinabit. Sed qualis sit istius fidei exitus, principes vestri & heroës abunde satis suis moribus declararunt: deinde illorum placitis fata posteritas, miserabili spectaculo & virtutum funebri excidio patefecit. Fœdus Lutherus, qui tam necessarium Veneris vsum dixit, quam quod mares simus, aut quod edamus, vel bibamus. Impurus Calvinus stigmate infamis. Sordidus Beza inuerso amore efferatus, nequitiei horrenda ganeo, & cinædus lutulentus. Knoxius Scoticę ecclesię euangelista, triplici vxori ipse męchus iugatur. Et quod attinet ad eos, qui vestris imbuti dogmatibus, sua peruicaci defectiōne ecclesiæ Romanæ nunciū remiserunt: verū est quod quidā scribit in vestris rebus satis doctus: Nullo vnquam seculo antea libidines adeo frequentes, adeo variæ in omni genere sexus ætatisque exarserunt, atque hoc seculo nostro. In Germania ex euangelio fructus, non lilia, sed fœces, serpentes, & butōnes describit VVigandus. An non videmus adolescentulos hoc tempore palam scortari? & si ab hoc vitio retrahuntur, sibi dari vxores flagitare contumaciter? puellas quoque, si aut libidine lapsæ sint, aut alias impudice lasciuiant: tam has quam illos proterue hanc Lutheri legem obtendere, neminem caste continenterque posse viuere, cum Venus æque necessaria sit, ac potus cibusque? ex his nouis nuptiarum ritibus pueri nubunt, puellæ nubunt, & sic nascentur viri illi tam strenui heroës, qui bello Turcas vltra Caucasum montem submoueant. Equidem non miror hæc, ad vestram namque fidem omnino consecutaria est libido. Non solum quod fidei perfusū dulcedine, à sensu omnem acerbicatem remouendam velitis, verum etiam, quod vltius in sordes progressi, dicatis fidē illāsa impunem fore scortationē, omnemque proiectā libidinis appetentiam. Excultiorē sane virtutem in medijs Turcis inueniri existimare, quam in scholis & synagogis vestris. At de istis alibi. Sunt aliæ quoque optimæ rationes, quibus mens informata venereas delectationes execrari poterit: quæ quod in vniuersum voluptates vituperent, cum de temperantia egerimus, commodius multo pertractentur.

*Amor*

*Lutherus  
serm. de  
matrim.*

*Hamil.  
lib. 2.*

*Silv. Caz.  
de corrupt.  
mor.*

*VVigandus  
lib. de mor.  
Germ.*



*Amor intemperans quomodo moderandus?*

## CAPVT VI.

**A**metſi illis facultatibus ad agendum comparatis hominem probe munitum inſtructumque videmus: quæ ſatis virium habent ad ſua ipſarum obeunda munera: non tamen illarum ſingulæ ſuoſte ingenio modum operandi ita habent certum & ſtaturum, vt indormiſcente ratione accommodatè ad hominis dignitatem ſemper operentur. Quin potius neglecta mentis cura, fines à natura conſtitutos, viſ ſenſibus inſita tranſcurſu facile excedet: & voluptatis immoderata appetitione exſtimulata, in extrema quælibet deferetur. Hoc enim ſibi ſolum ſenſus vendicat, vt propoſitam expetat delectationem. Cæterùm vero conuenienter vt hæc ipſa appetitio relata ſit in hominis vtilitatè, neque vltèrius progrediatur, quam ordo rerum & meſura ſinunt: rationis opus eſt imperio. Bruta quidem, quod ratione penitus vacent, ne ipſorum naturis male conſultum videretur, legè quandam habent ſuis ipſorum ſenſibus inſixam, qua ſic inſtituuntur, vt in debitos fines ſemper moueantur: neque hæc naturæ præſcriptio patietur ea conſtitutos terminos tranſilire. In homine autem, in quo authoritas elucet rationis, ſenſus ita non ſunt compreſſi, aut directi in ſuos fines, vt aliquando latius non vagentur quam par eſt: proinde inducto freno indigent, quo carent innato: omniſque illorum moderatio à ratione proficiſcitur. Quo modo appetitus ciborum, quo nos ipſos in vita ſeruamus, tamenſi inſtrumentis quibuſdam corporis perficiat reſectionem & vegetationem: neque ad hæc præſtanda alterius facultatis opera indigeat: nihilominus voluptatis eſca captus & irretitus, à ratione auerſum penitus opus molietur, & in vitium ſcde incurret, ſi ab eius præſidio deſertus, ad libitum excurrere illi permiſſum fuerit. Nomine autem iſtius appetitus non intelligimus ſenſum famis, ſitis, vel eam incunditatem, qua palatus in ciborum attritione perfunditur: hæc enim vitio carent; quandoquidem nec rationi ſubſint. Quare per appetitionem ciborum designamus actum quendam elicitum concupiſcibilis appetitus, aut etiam voluntatis, qui ratione ſit moderandus: ne turpis euadat & vitio gulæ, quod Græce γαστριμαργίας appellant, coinquinatus.

Operationibus in vitæ finem neceſſarium inſtitutis, quæ difficul-  
tem

*Nō omnes  
animæ fa-  
cultates  
ſuis natu-  
ris fren-  
bene ſcper  
operantur.*



*Operationi  
quare ad-  
iuncta de-  
lectatio.*

*Differētia  
inter appe-  
titū ciborū  
in homine  
atque in  
bruto.*

*Obiectum  
gule quale  
sit.*

*Voluptas  
aliquando  
honestā.*

tem aliquam, laborem aut turpitudinem adiunctam habent, attribuit natura voluptatem: cuius obiectu animalia incitarentur ad appetendum: atque ex ipsa voluptatis perceptione leuius ferrent molitioni annexa incommodā. Quo consilio, cum ciborum vsus omnino faciat ad conseruationem vitæ, cibis ipsis iniectum est ille etamentum quoddam suauitatis, quod operationi fastidium adimeret, illamque redderet magis expetibilem. Iam vero inter homines & bruti appetitum hoc intercedit discriminis: quod homo, si modo habenas sensui concedat, nullum plane modum inueniat is cupiditatis suæ: sed in immensum voluptatis feratur desiderio: ita vt neque operationis formam teneat naturæ consentientem, sed potius contrariam: quæque non solum rationi aduersetur, verum & ipsi corpori, in cuius tamē gratiam ciborum appetitio suscipitur: quod in illis cernitur manifesto, qui esculentorum immani quantitate vim naturæ penitus obruunt. Bruta vero animantia quantumlibet voluptati inhient, eiusque ferociant concupiscentia: nihilominus corporibus quam primū fecerint satis, vltius voluptatis ostentu non ducuntur, sed intra debitos ipsorumque vitæ conuenientes terminos consistunt. Quocirca ad rationem in homine spectat, (cum eiusdem appetitus ad id præstandum infirmus sit) ita cohibere sensuū incitationem, vt voluptatis desiderio inescari, nunquam fines excedant, quos natura ipsa necessitati, conseruationi, & propagationi abunde satis consulens; aliquid etiam ex largitate muneris moderatæ voluptati concedens, defixit, decretoque rerum ordine contabiliuit. Ex quibus liquet, quænam sit appetitus gulosi ratio in vitium incidens. Videtur enim omnino referri ad voluptatem, & illud deferere, quod præstantius est. Finis ciborum vsui constitutus, vitæ est conseruatio: quā mens & consilium intuentur, cui affixa est voluptas, tanquam vmbra è corpore effusa; in quam tantum intendit appetitus. In eandem itaque rem vtrique facultas vergit, ex diuerso tamen motiuo & incitamento. Si autem mens primario quod sibi proprium est statuatur perficiendum, integrum illi erit, etiam in voluptatem paululum secundo quasi in loco concedere: non enim culpabile omnino est, aut à ratione auersum, vitæ sustentatione necessaria adiunctam cupediam desiderare: hoc etenim naturæ concedendum videtur, saltem vt indifferens quid, æque à virtute & vitio distans. Puto tamen nullam voluptatem, sub hac propria notione, virtutis obiectum constituere: & ex consequenti nullam eius appetitionem virtute esse præditam: induit tamen voluptas aliquando rationem honesti: vti cum sanitatem cupimus,



cupimus, eruditionem, vitæ subsidia, in beatitudine corporum dotes; quæ iucunda sunt: est etenim amor sui laudabilis, quo huiusmodi appetimus. Idcirco voluptatis desiderium ex cibis in leuamem quoddam naturæ concessis, atque uti corpori quandam adferunt perfectionem, quam etiam Deus ipse non negauit, aut lege prohibuit, vitiosum non erit. Scio tamen difficillimū esse ratione philosophica conficere, quoniam pacto voluptatis sensus natura sua sit vitiosus, qui nec animæ, nec corpori, nec sibi, nec alteri detrimentum adfert. Ille siquidem sensus, non videtur ab intrinseco malus, sed potius ipsi naturæ cōmodus & opportunus: beati enim aliquando omni abundant sensuum iucunditate. Sed quod ad nostrum institutum attinet, dum ratio modum excedens temperantiæ, sensuum voluptate ducitur, in vitium procul dubio incidit. Non enim illa voluptas expetenda est, nisi ut corporis necessariæ sustentationi adiuncta: qua absente culpabilis prorsus euadet illius expetitio, & ut loquitur D. Thomas: *Hæc solum pertinet ad gulam, quod aliquis propter concupiscentiam cibi delectabilis, sciens excedat mensuram in edendo.* Ex quibus videtur D. Thomas vitij istius vim & naturam in duobus reponere; quantitate nimirum cibi, & eiusdem delectatione: præcipue tamen in delectatione. Si enim exquiramus id, quod ab appetente inordinate cibos primario spectatur, illud non tam esculenti quantitas, quam iucunditas reperietur. Nam quod tanquam finis in votum hominis incidit, bonum est honestum aut delectabile: honestatem vero rabida isthac appetitio non persequitur, in delectationem proinde vnice intendet. Non tamen delectatio quæuis est vituperabilis, sed illa quæ contraria est præceptioni rationis, qui quidem respectus dissonantiæ in sensu iucundi, nudam non sequitur condicionem cupedix, sed tum ex ciborū quantitate, tum etiam eorum qualitate, veluti ex integro fundamento confurgit. Illectus enim appetitus voluptate gulæ & gustus, satietatem non quærit ex mole ciborum, sed voluptatem, quæ nullis terminis circumscribitur, aut honesto fine decoratur: vnde & res est à ratione prorsus aliena. *Quibus vilis corporis salus (ut asserit D. Augustinus) maluit vesci in qua delectatio est, quam saturari.* Istius autem immoderati appetitus obiectum, dupliciter decernitur. Primo solius rationis constanti iudicio, deinde legis regula & præscriptione. Temperantiæ enim aduersatur ciborum vsus non ille solum, quem perpetuus omnium gentium consensus damnat & reprobatur, ipsaque intelligendi vis humanæ naturæ insita, utpote vitiosum reijcit: verum etiam is, qui contra legem diuinam aut humanam legitime latam suscipitur.

K K

Quo

Thom. 1.  
2. q. 148.  
art. 1.

Præcipue  
in vitio  
gulæ spec-  
tatur de-  
lectatio.

August. lib.  
de vera  
relig. c. 33

Decernitur  
obiectum  
temperantiæ  
dupliciter.



Quo pacto intemperans extitisset Iudæus ex esu carnis porcine vel immundorum, aut si statutum aliquod ieiunium violasset. Ad quæ duo genera obiectorum reducuntur quinque illi modi delinquendi contra virtutem temperantiæ, recensiti à D. Gregorio Magno & alijs. Nec putandum ex sola quantitate ciborum gulæ noxam oriri: sunt enim alij alijs corporum ratione cibi appetentiores: qua de causa fluida Gallorû & Germanorum corpora vastiorem refectionem exigunt. Quin potius originem trahet ex cura exquisita dulcedinis capiendæ in ciborum comestione, etiam cum abest quantitas immoderatio. Tale est iudicium D. Basilij: *Siquidẽ gula vitium non in esearum copia, naturæ suæ vim possit exercere nouit, sed in voluptate & gustatu: licet modicis abdi: rerũ admodum vtare.* Ex quibus obscurum modo non est videre, in quibusnam versetur temperantiæ virtus. Hæc enim gustus frenum quoddam est, cibi appetentiam rationi subiiciens. Quod quidem præstat, dum ciborum appetitus lasciuire non permittitur circa voluptatem, aut ulterius progredi, quam ab ipsa defixus finis & terminus patiuntur. Ita vt neque in genere ciborum, neque in comestionis modo quidpiam fiat rationi repugnans, aut quod rabidi alicuius desiderij immanitatem prodar. Iam vero rationum præsidia exponemus, quibus mens & ratio aduersus hanc turpem abiectamque ciborum appetitionem muniantur.

Ante omnia tamen vis istius amoris, quo ex cibis voluptatem tantopere desideramus, aperienda & dilucidanda: vt exploratis hostium copijs, melius subinde ad conflictum animos paremus. Tria autem in vniuersum occurrunt, quæ ortum appetitionis huius complectuntur, qua in cupedias ferimur & gustus oblectamenta. Primum est temperies quædam comestionis organo insita, coalitaque ex primarum qualitarum commixtione. Siquidem degustatio ciborû, genus quoddam tactus est, & ex consequenti ponitur in quadam immutatione sensus, quam ingesti in os cibi, & dentium attritione comminuti efficiunt: dum expresso cum humore modicoque calore palatum aut linguæ radices contingunt. Cui idcirco fluida, mollis, & delicata in istis partibus caruncula obtingit, quod hæc facile alterationem ab extrinseco excipiat, is pronior erit ad voluptates cibarias. Ex parte etiam ventriculi eiusque situs cum Aristotele Galenus istius cupiditatis causam assignauit: *In vehementiori appetentia (inquit Aristotiles) venter omnibus animalibus sursum procurrit, adeo vt nonnulli cum primum recipere eum affectum sentiunt, foras sibi repere ventrem dicant.* Sicut enim (vt docet Galenus) fortiori quadam vi protensæ manus vicinum quid arripitur: ita

Greg. Mag.  
31. moral.  
c. 6. Iud.  
lib. 4. Eti.  
mol. Anton  
Sum. tit. 6.  
p. 4. Thom.  
2. 2. q. 108.  
art. 4.

Basilij  
homil. de  
abdi: rerũ.

Causæ vni-  
uersales  
appetentiæ  
guloſe.

Arist. de  
hist. ani-  
mal.

Galen. lib.  
de natur.  
facul. c. 8.



ita ventriculus gulę proximior, veluti manu, cibos avidius ad se rapit. *Proinde in quibus animalibus hæc tria simul incidunt, vehementer oritur cibi aviditas: gula parva, & oris laxitas ampla, in his paulum extensionis momentum totum ventrem sussum in os agit.* Altera vero ratio desumitur ex victus consuetudine. Eam enim vim consuetudo habet, uti in naturam versa, non tam consuetudo, quam natura postea sit appellanda. Vsu namque voluptatis magis irritatur appetitus, & potentior inde euadit contra rationis imperium. Quod autem frequentius reipsa sensus experiuntur, illud ut animo sæpius obuersetur necellum est. Proinde mentibus obiectę cupedię perpetuo illas sollicitant, & inuitant ad rabidas ciborū appetitiones. Ipsumque organum gustus frequenti ex esu nonnihil mutatum, pruritum quendam sentit, quo exstimulantur homines mirifice ad voluptatem edulij. Fatentur enim qui vinum ad insaniam bibunt, ingeniumque poculis ingurgitant, ex ipso haustu acius incitari gustum ad cupiditatem illius liquoris. Cum autem a comestatione interiecta cessatio eos abstraxerit, impressamque illam vim gustui deleuerit; multo facilius huiusmodi abstinent voluptate.

Istis autem causis, quæ magis vniuersales apparent, propriam & peculiarem, idque ex natura obiecti depromptam, adiungit D. Thomas: *Ad primum ergo dicendum, quod ipse cibus ordinatur quidem ad aliquid, sicut loquitur ex parte ad finem; sed quia ille finis, scilicet conseruatio vite, est maxime appetibilis, quæ sine cibo conseruari non potest, inde etiam est, quod ipse cibus est maxime appetibilis.* Si enim ea quæ extra nos posita ideo nobis in votis sint, quod nos ipsos in primis diligamus: sequitur vitam, cui cetera innituntur bona, summe esse amabilem. Cum itaque defluentes corporis partes ciborum usu restaurentur, sine quo vita dilaberetur: ea propter appetitui vehemens quoddam alimentorum desiderium natura iniecit. Apprehendimus namque animis alimentum, non ut quid plane a nobis diuersum, sed in nostram substantiam, quam charissimam habemus, conuertendum. Atque vitæ istius tutandę gratia esurie & fame exacuati quorundam dentes, quæ fœda animalia, ipsoque aspectu horrenda, avidissime contriuerunt? Quis voluptatis sensus animum illius femine Hierosolymitanæ subiuit? quæ inedia ad rabiem usque adacta, propriam prolem in cibos parauit. Quomodo subridens pueruli, & matri applaudentis vultus, ferream illam mentem non emolliuit? At crudelē manum armarat fames, quæ vitam ipsam vi eripuit, quam paulo ante vterus donarat. Sanguinem filij mater impauida expressit, artus dente dilacerauit: efferatam quippe reddidit fames mulierem, nec passa est eam infantuli moribundi clamores audire, aut trementia membra

K K 2

oculis.

Causa appetitus gulas ex parte obiecti eius.

Thom. 2. 2. q. 148. art. 5.

Ioseph de bello Iudaico



*Ignobile  
gula vitium.*

oculis intueri. Verum si homini ab intimis suæ naturæ principiis vlla ingenita sit nobilitatis æstimatio, aut excellentiæ cuiuspiam cura: profecto quod hoc gulæ vitium longe sit sordidissimum, atque ad fæces nec cogitatione quidem ferendas abiectum: nihil aliud postulari videbitur, ad tam immanis, portentosi, impurissimiq; sceleris detestationem, quam ut nos homines esse, & ad altissima quæque ipso ortu nostri erectos cogitemus. Pessime principi illi consultum, & inglorium penitus eum reputaremus; cuius sceperum, diadema, imperium ex arbitratu famuli alicuius tractarentur. Nostri simili modo studiis indignum prorsus censebitur, mentem ad gulæ appetitiones vilissimas abijcere. Eoque acriori concertatione malum hoc repellendum intelligimus, quo nobis constat ciborum appetitum ineffrenem,

*Liu. decad.  
3. lib. 1.*

nihil aliud esse quam serui cuiuspiam præfractam insolentiam in dominum suum. Ruente Hanibale cum Pænis in Italiam, quando Alpiû iuga superarat: Scipio Romano exercitu instructus illi occursans, exinde vel maxime suorum animos in hostem accendit, quod oratione ad eos habita adseruerit, non cum hoste, sed cum seruo potius dimicandum: propterea non ira tantum, sed & animi indignatione illi fore obsistendum intulit. Quæ obsecro sunt ganeam hanc suadentia? obscura nostra, dedecorosa, quæque ratio uti seruos habet & mancipia. Proh pudor: venter abdomine prodigiöse distentus, idolum erigitur, cui mens & ratio omnem suam operam atque studia deuocant. Cuius infimam conditionem istis Apostolus detexit: *Esca ventri, & venter escis: Deus autem hunc & has destruet*: Interitum atque turpem exitum spectat ventris cura: nihil excelsi cõtinet aut diuturni. Sensus etenim gustus tactusque ita carni penitus immersus, uti inter naturæ facultates infimum plane locum obtineat: proinde tam abiecti sensus, tam turpis cupediæ cultus in neminem incidit, nisi in hominem quempiam terribilissimæ sordidissimæque consuetudinis: cuiusque animus nullam præclari alicuius facti cogitationem capit, cuiusque voluntas, egregii nihil molitur, sed omnem suum conatum deiecit ad infima quæque. Hoc sane iudicium est summi illius Perepatetici. *Ac tales quidem euadunt ij, qui*

*Philip. 3.*

*1. Cor. 6.*

*Arist. 3.  
Eth. cap. 11*

*seruili admodum ingenio præditi sunt: dicti rationem istis tradit: Meritoque ut turpis & flagitiosa maledicti loco abijcienda videtur, propterea quia inest in nobis non qua homines, sed qua animalia sumus.*

*Gula vitium  
ferinum.*

Nihil enim ita rationis expertium animantium ingenium habet, atq; pastus quotidiana refectio. Excepto enim tantillo temporis, quod libidini concedunt, in reficiendis corporibus omnis ferme vitæ ipsorum spaciū collocant, Integros dies campos fusc explicatos oberrant, & ventri,



ventri, dimissis capitibus pabuli dulcedine illecti indulgent: ac si ipsorum laboribus præfixa meta ac constitutus terminus nihil aliud esset, quam cibi in corporis caueam ingestio. Istis, vitæ ratione quam similimi, crapulæ & helluationis asseclæ. Quid obsecro discriminis intercedit? nisi quod bruta ferinos mores concinne aptent suis ipsorum formis: homines vero tam præclaram corporum structuram, spectabilem quidem, brutorum præposteris actionibus corrumpant efferantque. Desipuit mirum in modum Esau, qui omnia dulcedinis sensu æstimans, amplissimum patrimonium cum polento vilissimo commutauit. Ac qui gulæ mancipium est, cui ventris sordes vnice attrident, non exteriarum rerum possessionem amittit ut Esau, quin ipsam mentem, suæ naturæ arcem, ac principem prodit, in popinam deturbat, & inuerso ordine monstrum quoddam in seipso effingit, cuius aluo caput dimittatur. *Dederunt isti, uti cum lacrymis aliquando cōquestus est Hieremias) pretiosa sua pro cibo.* Verum cum omnia nostra ita abiecerimus, cum ventris causâ marino vortices sulcauerimus, siluarum latebras euoluerimus, æris alta euolauerimus: quem tandem exitum finemque studia hæc inuenient: quid excelli aut insignis, etiam postquam ad vota atque viscera omnia expetita affluerunt, eminebit? horum omnium periodum, atque totius circuitus centrum, istis describit Greg. Naz. *Nec Tboros alios struamus, ventri delicias sternerentes, nec vina generosa, coquorum lenocinia, liquorum profusas magnificentias in precio habeamus: nec terra & mare charum nobis ac preciosum stercus afferant: hoc enim nomine delicias ornare solio.* Merito idcirco Græci (quod traditum est ab Aulo Gellio) duobus istis sensibus addictos, gustui nimirum atque tactui, infamix nomina notæque inusserunt: eos appellitantes *απαρτίς*, vel *αποράττος*: nos incontinentes dicimus, aut intemperantes, voces moderatiores vsurpantes. Vnde Gellius: *Ista autem voluptates due gustus atque tactus, id est libidines in cibos atque in venerem, solæ sunt hominibus communes cum brutis: & idcirco in pecudum ferarumque animalium numero habetur, quisquis est his infimis voluptatibus præuultus.*

Ex aduerso autem temperantiæ aus hinc mirifice elucet: cuius opinione mens imbuta, à sordibus auulsa, ad optima sese transferat. Tanta etenim virtus abiicit & penitus spernit gulæ illecebram, ventrisque tyrannidē omnino profligat. Tunc autem rationis imperium conspicuum est & splendidum: quando cura districtior gulæ dapes à corpore ablegat. Hebraici illi pueri speciem admirabilem atque oris pulcritudinem singularem adepti, dum victus tenuitati atque parcimonix student. Ita cuius appetitum huiusce virtutis moderatio cohibuerit,

K K 3

Gen. 25.

Hieremias  
Thren. 1.Greg. Naz.  
orat. in  
Christ.  
natal.Gell. 12. 19  
cap. 2.Temperan-  
tia virtus  
alta &  
splendida.

Dan. 1.



*Temperan-  
tia magno-  
rum operū  
effectrix.*

*Exod. 34.*

*Dan. 2.*

*Dan. 14.*

*Luce 4.*

*Greg. Naz.  
orat. in  
laud. Basil.*

*Temperantia  
antiquorū.*

*Trog lib 1.*

*Arist. Ico-  
nom.*

*Suet. in Aug  
Flavian.  
pess. nig.  
Suet. Aug.  
cap. 73.*

buerit, eius animus summo quodā decore atque venustate enitebit. Nam nisi multum ad hominis dignitatem tuendam continentia lex natura sua faceret, nequaquam ipsi adhuc florenti & lapsus nescio fuisset diuinitus imposita. Tunc quidem efferuescens concupiscentia fomes inedia absumenda non erat, vti facilius rationi appetitus subijceretur: ad hoc enim abunde satis fecit integritas illa iustitiae originalis. Tamen ab ipso Deo praeclarum quid visum est & iudicatum: vti in medijs illis delicijs vndiquaque ad hominis sensus appellentibus, esu illius speciosissimi pomi abstinere ipse, idque ex legis huiusq; virtutis praescripto: atque sic iucunditatem gustus alioquin licitam à se rationis imperio abdicaret. Quod si deinde scripturarum seriem cogitantes, memoratu eam repetamus, inueniemus nihil quidem praecelari operis ad felicem exitum vnuquam perductum, cui viam abstinencia non muniuit. Neque aliquando hominis mens se ad ardua magnaue praestanda erexit, nisi temperantia victusq; tenuitas eam prius armant: Quemadmodum enim ingurgitatio ciborum animum deprimit, ita ieiunium eundem à carnis ceno excitat euocatque, & ad optima virtutum studia adiungit. Moyses illa dignitas, qua ducis, Magistratus, atque sacerdotis muneribus est defunctus, indicta abstinencia stabilita fuit. Trium puerorum aucta fides pietatemq; eduliorum contemptus tutatur. Danielis propheta ieiunio firmatur, eiusq; vi leones ad ipsius pedes rabie deposita mansueti dimittuntur.

Praemissum ieiunium Christo Domino victoriam contra satanam parauit, & euangelij fausto nuncio aditum aperuit. *Praeclara res (vt inquit Gregorius Naz.) est continentia, & paruo contente viuere, nec à voluptatibus superari, nec ventri, tanquam truculento & sordido domino, parere.* Percurramus sub breuitate orbis haerōes, eos videlicet qui bellica virtute freti, aut etiam ciuili institutione, proprios regni fines amplificarunt, & imperium ad externos quam latissime deduxerunt: videbimus plane omnes parcimoniae fuisse studiosissimos: nihilque prius aut religiosius exercuisse quam temperantiam. Cum à Cyro orientis domitore quereretur quid ei pro cena parandum, respondit, panis: nam iuxta fluuiū Nili sum cenaturus. Carthaginenses (vt refert Aristoteles) vino in praeflo abstinere. Curauit Augustus aquā ad ciues deferri, ne sitirēt (vt scribit Suetonius.) Aegyptiā Pescennio nigro vinū flagitantes, istis excipiebantur: *Nihil habetis, & vinum petitis?* Augusti autem continentiam ita testatur Sueton. *Cenam ternis ferculis, aut cum abundantissime senis praebat: vt non nimio sumptu, ita summa parcimonia.* Et ad Tiberium haec Augustus ipse: *Ne Iudaeus quidem, mi Tiberi, tam diligenter sabbatū*



*sabbati ieiunium seruat: quam ego hodie seruavi: qui in balneo demum post horam primam noctis duas buccas manducaui, priusquam vngi inciperem. Huic neque hac ex parte inferior Tiberius: de quo idem Sueton. Trans Rhenum vero cum vitæ ordinem tenuit, ut sedens in cespite nudo cibum caperet, saepe sine centurio perneclaret. Vnde Tibul.*

*At sibi quisque dapes & festas extruct alte,  
Cespitibus mensas, cespitibusque thoros.*

*Tib. Eleg. 1  
lib. 1.*

*Sueton. in  
Tib. c. 34.*

Eiusdem cenam lautiozem ita descripsit Sueton. In solemnibus ipse canis pridiana sepe ac semesa olsonis apposuit: dimidiatumque aprum. Polib. Laudatur Hannibal, quod in Italiam arma mouens, itans cibos sumplerit, & vertice nudo cæli ruinas exceperit. Plinius Traianum, & Marcellinum Iulianum ob temperantiam deprecant, quibus ventrem solarium extitisse narratur. Mamertinus quoque Iulianum laudat, quod statarium caperet prandium, quod cibo non exquisito condito, sed castrensi vteretur. Et ut scribit Spartian: muniticentia ergo porcellum per triduum, & leporem etiam per triduum sepius diuisit. Athletæ illi eximij ex lucta Olympica celebres, sicum succis victitabant. Pythagorici, ut melius philosophiæ operam nauarent; carnibus abstinent. Narrat quoque Plinius quendam iudicio Romuli absolutum, qui uxorem occiderat vinum potantem. Cuius usus Romanis feminis ita fuit infamis postea & interdictus, uti osculo quotidiano à viris examinarentur an temetam gustassent nec ne. Athen. lib. 10. cap. 13. Egregios illos, quos sublimi carmine celebrat Homerus, non delicijs, ganeis, aut lustris immergi luxum sunt consecrati: sed victus potius parcimonia, algore, æstu, rerum indigentia, duroque vitæ genere tantam gloriam sibi pepererunt. Quorum conuiuia bouinis carnibus instructa narrat poeta: ne secundas mensas, bellaria, ceteraque gulæ irritamenta illos adhibuisse cogitemus. Philoxenû ventris hominè, isti omnes summo contemptu prosequuti: Ille nempe non præclare gestis, sed gutturi longitudine beatitudinis ratione emensus, tunc viri munus perfecisse sibi visus est, quando misere gustui & abdomini obsequium præstans, vesperi multo lactucas in crastinam comestionem irrigasset.

*Polib.*

*lib. 4.*

*Plin. peneg.*

*Marcel. l. 2*

*Mamert. n.*

*peneg. 11.*

*Spartian.*

*in Iulian.*

*D. Hieron.*

*cont. Iouin.*

*Plin. lib. 23*

*Athen. lib.*

*10. cap. 13.*

*Polib. lib. 6*

*Alex. ab*

*Alex. lib. 7*

*cap. 3.*

In quem autem truculentum hoc gulæ vitium grassatur, non ipsi propria tantum noxam illud inuehit in animam: sed inde veluti ex aluo Troiani equi erumpentes hostes, enumera alia mala rationi quidem insensissima exeunt. Nabuzardi coquorum principis delicto Hierusalé tota diripitur, & incendio deuastatur: qui immoderate cibis, vino, & ingluuiei indulget, animo & corpore uti deficiat necessum est. Haud enim aliter grauiori onere depressa nauis in fundum mittitur, quam

*Gula occa-*

*sio aliorum*

*vitiorum.*

*Hier. 3.*



*D. Thom. 2  
2. q. 148.  
art. 1.*

*Greg. 37.  
Moral.*

*Dionysij  
Bacchi for-  
ma.*

*Athen. lib.  
2. cap. 1.*

*Athen. lib.  
2. cap. 1.*

*Eccli. 2.*

quam esculentorum congerie repletus ventriculus secum ad infima rapit mentis concilia. Cum enim (vt adnotauit D. Thomas) naturæ calore excitati vapores cerebrum occuparint, tunc sicut solaris radij vi è paludoso loco euocatus humor nebulam facit: ita sanguinis feruore euocati illi spiritus humidi, rationem crassa quadam caligine obnubilabunt atque constringent. Ratione autem opressa, quid aliud curabit etiam onustum corpus, quam accubitus, plumas, lectisternia? non illa deorum sacra, sed dedecorosa, quæ in popinis & lustris reconduntur. Mens & ratio ea sunt, quæ vicij obstitunt, quod si hæc grauedine obmersa, & excisa fuerint immanitate ciborum: nihil obstaculi supererit, quominus scdissimæ omnes cupiditates in nos inuadant. Vnde D. Greg. *Dum vitio gulæ non resistitur, omne quod homines fortiter egerunt, perdunt.* Apposite idcirco Dionysij veteres temulentum ea forma expresserunt: vt ad insaniam adactus videretur. Quid enim aliud est deliquium animæ & defectus concilij ex vino, quam insaniam, si non hac peior, cum non deficientis naturæ necessitate, aut infortunij interuentu accidat, sed voluntatis vitio tantum comparetur?

Dionysio porro tripodem apposuisse: ex qua vera, tametsi pectoris arcana edici soleant: quandoquidem ebrietas conciliorum recessus omnes aperiat etiam hosti, nihil sanctum aut abstrusum esse sinens. In vino (vt dicitur) veritas. Mentem ita perturbat temulentia, vt omnia foras hominis bona proijciat ad prædam diripienda. Refert Timæus Tauromitanus, quosdam iuuenes vino plus nimio madidos, eo vsque dementiæ processisse: vt domum in qua ipsi versabantur, triremem existimarint; locum vero, ex capitum vertigine, qua iactabantur, mare vehementius perturbatum censuerunt. Vnde ad euitandum naufragium, exonerandam nauem omnes clamant: atque statim domus supellectilem eiiciunt. Quod cum iactationem nimiam illis visum fuerit non sistere, in thalamos secretos se condunt, vt sic à molesta illa agitatione, anguli angustij clausi, conquiescerent. Facile autem est probare vitiorum lernam hanc esse intemperantiam. Humanitatem inprimis exuit & excutit hæc noxa. Qui enim sibi ipsis vel maxime gulæ auiditate & dapum illectamentis indulgent, ijaliorum malis non indolescent, neque eas sentiunt animis acerbitates, quas inedia conflictati perpetiuntur. Opprimat hoc malū vim intelligentiæ, eius aciem quantumvis naturæ munere, aut exercitationis studio exacuata, hebetat atque retundit. Proinde sapiens scientiæ amore accensus, hanc sibi legem edixit: *Cogitavi in corde meo abstrahere à vino carnem: vt animam meam transferrem ad sapientiam.* Quasi nulla alia ratione acquiri.



acquiri posset rerum noticia: quam vini atque deliciarum abdicatione. E bulliente sanguine, quæ ebrietas inflamat, ira excandescunt homines, & ad vindictam temere prorumpunt. Quorû oculi nec aduersas vires, neque latentes insidias contemplantur: sed ardore quodâ ipsi exciti in necem ruunt propriâ. Libidines quoq; prouocat & elicit ingluuias. Qui fieri poterit, vti immodice venter infarcinatus & mero calefactus non deloueat (vti loquitur Hieron.) in libidines? nisi stipulis conflagratione iniectum ignem adferre inficiari velimus. Vinum in temperantius haustum Patriarchæ femora impudicis aspectibus detexit. Atq; causas Sodomitici sceleris, in vnam summâ recolligens Propheta, inquit: *Ecce hæc fuit iniquitas Sodoma sororis tuæ, superbia, saturitas panis, & abundantia, & quia ipsi & filiarum eius.* Quid in istis moror? cū aperte conitet victorum omnium matrem esse & parentem insanam hanc, deformem, tedamque crapulam. In quam sententiam hæc à D. Basilio dicuntur: *Pi enim fons aque si in plures riuulos sit diffusus, vicina riuulis illis loca omnia herbarum viriditate conuerset, & quasi pubescere facit: sic vitium gula, si per cordis tui venas se effuderit & distinxerit, indeque permeans sensus tuos omnes iriganerit: vbi libidinum multarum in te siluam conseruerit, animam tuam ferarum habitaculum efficiet.* Nec solum in cetera vitia præcipitat homines intemperantia: verum in super eos ita ligat stringitque in malis, vti difficillimum illis sit à prauis moribus ad virtutes deinceps receptum habere. Horrorem sane intemperanti hæc à D. Basilio dicta incutient. Etenim multas ego animaduerti sæpius, qui cum alterius cuiusvis generis vires laborarent, ad sanitatem tamen redirent postea: qui autem hac morbo tenerentur, ve aut in occulto esitare eos delataret, aut ventris ingluvie duci se fierent: neminem ex omnibus vidi vnquam, qui conualuerit. Quemadmodum enim Bracilienses tigres velocitate cursus præstantes, iidem carnibus aliove cibo ad satietatem pasti, gregarijs etiam canibus præda fiunt: ita quem intemperantia ceperit, illum scdissima quæque vitia statim oppriment, & nullo ferme negotio nec mouentem se iugulabunt.

Nihil sane miri, si direpta ciuitate, delecto muro, locis omnibus præsidio militari occupatis, tandem imperator belli forum aut arcem adeat, atque insideat, postquam obsiderit. Ea propter cum vitia reliqua popina in animam secum intulerit, ventrisque indulgentia, quibus omnem eius firmitatem atque robur nefarius dæmon, tenebricosus princeps expugnat: tunc obtemperata quasi victoria, in vniuersas corporis partes grassatur statim: sese in humanos artus, fædus & terribilissimus ille spiritus liberrime insinuat. Ita solere euenire, vti eorum corpora sæpius à malo dæmone correpta & exagitata cruciarentur,

L L

qui

Hieron.  
Epist. ad  
Heliod.

Gen. 11.

Ezech. 16.

Basil. homi-  
l. de ab-  
dicat. rerum.

Basil. sup.

Mat. lib. 2.  
hist. ind.

Dæmon in  
illos inua-  
dit qui Gu-  
la dedit.



8. DE TRIPLICI HOMINIS OFFICIO,

Euseb. l. 4.  
prepar.  
cap. 12.

Gulosis de  
mon per  
noct. m  
illudit.

Apud Ci-  
ceron. lib. 1  
diuinat.

Gula vo-  
luptate ca-  
ret, eam  
habet tem-  
perantia.

qui heluationi operum nauantes, immanitate crapula abdomen laxa-  
runt, cum prisci tum etiam moderni obseruarunt. Sententia est hæc  
porphyrij. *Sunt autem corpora hominum istis plena, & maxime illorum, qui de-  
licatis cibis viuunt. Comedentibus enim nobis adueniunt, & inhaerent corpori, idcirco  
ieiunium & castitas maxime commendantur: non quia principaliter Deus bonis istis  
placetur, sed ut recedant illi, qui sanguine & immunditia gaudentes, ut his fruam-  
tur, in viuentium corpora ingrediuntur.*

Concubia etiam nocte, cum quieti membra traduntur, epulis præ-  
grauatis sensibus, imaginationi dormientium illudere solet dæmon, ad  
turpia cogitata animos eorum affectusque referre. De qua re hæc Plato:  
*Cum dormientibus ea pars animi, quæ mentis & rationis particeps sit, sopita lan-  
gueat: illa autem, in qua feritas quædam sit, atque agrestis immanitas, cum sit immo-  
derato obstupescit potu atque pastu: exsultare eam in somno, immoderateq; iacta-  
ri. Ita hinc omnia visa obijciuntur à mente ac ratione vacua, ut aut cum matre cor-  
pus miscere videamur, aut cum quouis alio, vel homine vel Deo, sæpe bellua; atque  
etiam trucidare aliquem, & impie cruentari, multaque facere impure, atque tæte  
cum temeritate atque impudentia. Quod si temperanter pasci cubitum pe-  
tamus, notiones, appetitionesque aduersi omnino generis animæ infe-  
rendas, docet idem Plato: At qui salubri & moderato cultu atque victu quieti  
se tradiderit, ea parte animæ, quæ mentis & consilij est, agitata, erecta, saturataq;  
bonarum cogitationum epulis, eaque parte animi, quæ voluptate alitur, nec inopia  
enecta, nec satietate affluenti: quorum utrumque perstringere aciem mentis solet,  
siue deest naturæ quippiam, siue abundat atque effluit. Illa etiam tertia parte ani-  
mi, in qua irarum existit ardor, sedata, atque restincta: tum eueniet duabus animi te-  
merarijs partibus cōpressis, uti illa tertia pars rationis & mentis eluceat, & se vege-  
tum ad ominandum acremque præbeat. Tum ei visa quietis occurrent tranquilla  
atque veracia. Istiusmodi consilio inductos fuisse Pythagoricos credibi-  
le est: uti suis fabarum esum districte interdicerent. Habet enim iste  
cibus inflationem magnam, tranquillitati mentis eiusque serenitati  
aduersam. Proinde ad fabam vel ingluuiem illorū priscorum in somnis  
visa referrem: quando se cum dijs colloquutos, aut spectra vidisse  
commenti sunt, vel etiam de futuris temere pronunciare volue-  
runt. Nescio qua vanitate freti omnia somnijs prospera & aduersa,  
certa incertaque adscripserunt illi. Ceterum neque illam qui-  
dem, quam tantopere enixeque ex edulij voluptatem spectant  
intemperantes, aliquando consequuntur. Fugit etenim hæc veluti  
umbra ipsam appetentes. Haud mirum: nam obruit intemperantia  
sensum: unde cum copia esculentorum ægre abstinere, tum ex  
illorum usu nihil ferme iucunditatis percipiunt nimium edaces.*

Nauseam



Nauseam fastidiumque pariunt cibi etiam exquisitissimi toties ingesti. Propterea Perla, qui ganeis immerfi dies agere soliti sunt: nouarum cupediarum inuentoribus ad leuandam molestiam ex helluatione, præmia constituerunt. Penes quos ventris studium, diuturnū non permisit esse imperium: coquos nempe & lixas, philosophorum atque militum locis habuerunt. E contrario autem Epycurus (qui vt fama iam increbuit) voluptati primas concessit, hanc non in ciborum copia quæsiuit, sed in victus potius tenuitate, atque famis exacuata appetentia. Acrior namque ciborum auditas sensum optime præparat ad dulcedinis gustum: seu potius cibis ipsis alioquin insipidis & agrestibus tauum mellis gratissimumque adfert condimentum. Quocirca Epicurus omnia etiam ad voluptatem referens, aqua polenta & hordeaceo pane victitauit. De qua re pulcherrime copioseque & ad veritatem accommodate omnino disseruit D. Chrysostomus: atque ostendit vberiore voluptatem ad animos sensusque Hebræorum per deserti & aua loca iter facientium, affluxisse, quam Ægyptiorum domi commorantium, & nulla inedia famelicorū, sed potius delicijs genioque incumbentium. Illius aquæ limpidæ haustum ex rupe virgæ percussione scaturientis, melle conditum ideo affirmat, eosque mel de petra suxisse, quod sitis, liquori admirabilem quandam attulisset dulcedinem. Interea loci vti omittamus varia, & propemodum infinita morborum genera, atque multiplices corporum vexationes, ex intemperantia enatas: quibus dubio procul modica & exilis illa in comestione voluptas, acerbitate dirissima exinde consequenti abunde compensatur: nihil æque morbos pellit, atque ratio victus moderatior. Hinc de Aureliano hæc scripsit Flauian: *Medicum ad se quum egrotaret nunquam adhibuit: sed ipse se inedia præcipue curabat.* Merito idcirco Thimotheus Atheniensis Platonis canam, qua parce & modice excipiebatur, ita apud Ciceronem laudauit: *Vestra quid in cana non solum in præsentia, sed etiam postero die iucunda sunt.* Plerumque etiam istius vitij deformitas in corporis ipsius deprauata figura spectabilem se prodit. Non animam solam illuue scdat intemperantia, quin & corpus, cuius gratia tamen voluptatis studium suscipitur, pellundat, grauat, eneruat, deprimit, deformatque. Cruentas illas pustulas vultui infert, quibus veluti carbunculis totus collucet. Per oculos defluus humor cutem sulcat, eosque lippos reddit, ad constantem aspectum propter tremorē & aciei infirmitatem ineptos. Facies intumescens, tetro quodam humore inflata, erumpente sanguine in extima, semper ardere videtur. Stulta autem hilaritate os solutum, morionis speciem representat.

L L 2

Peccatori

Cicero.  
Tuscul. 5.  
Athen. lib  
4 cap. 6.

Athen. l. 4.  
cap. 2.

Chrysost.  
homil.  
quod nemo  
læditur ni-  
si a seipso.

Deuter. 32.

Flauian.  
Aurel.

Tuscul. 10.

Mala cor-  
poris ex  
ingluvie.



Pectori infixum caput dimittitur ad ventrem, vastum illud atque portentosum idolum. Cuius circuitus adeo immentus: ut non cibos tantum ingentis molis ac magnitudinis, sed & culinaria omnia complecti videatur. Corporis incessus veluti alicuius graui pondere onusti progressio est. Extentis brachijs, reflexis tibijs, anhelus & sudans tantos labores, (non tamen reipublicæ ergo) perpetuo exanilare miser cogitur Epulo. Post quam luctam cum cibarijs & corporis mole, cathedra opus erit & puluinari; quibus motu defatigata membra reficiantur; flabello etiam ex tenuiori pluma indigebit, uti ventilata aura æstus illos mitiget, atque sibi refrigeret. Quem ita quiescentem, (licet non vitam contemplatiuam agentem) postulatum consultumque aliquid ad reipublicæ statum spectans, si conueneris: inprimis oculi eius errabundi te vix aspicient, capite ita graui & obnubilato. Deinde auerso vultu sonum verborum eius vix aures sentient aut perferent. Quod si loqui ac respondere dignetur, principis instar paucis concludet, horamque cæneæ vel somni modo iustare minaciter concrepabit.

*Romani  
sepius le-  
ges tulerūt  
contra in-  
temperan-  
tiam.*

Prudenter idcirco Romani sepius suis legibus ipsorum imperio hoc turpissimum vitium exigendum censuerunt. Cuius enormi cupiditate nouerant ingentes sumptus delicijs impensos exhauriri, qui ceteroqui in longe meliores vsus reipublicæ proficuos conferri poterant. Quis magistratus feret in vnum aliquod animal ea ciborum pretia expendi quotidie, quæ multorum vitam commodè sustentarent? quomodo crassitudine ita obesus non potius habendus uti patriæ pestis, aut rapax aliquod sæuumque animal, quod raptu aliorumque interitu vitam propagat ipsius? vix illum diceret quispiam sicarium, qui in hunc insiliret, aut ei ventriculum confoderet, humanæ societatis hostem aggressus. Fortassis melius & consultius ciuili bono prospicerent leges: si crapulam & latrocinium rite expedientes, hinc latronem illinc epulonem pati sune illaqueantes, colla cruci illis suffigerent. Quis obsecro horum reipublicæ grauius adfert nocumentum? Frequenter itaque & districta cura Romanus senatus hanc ingluuiem vrbe expellere sategit. Primū quidem hoc tentauit lege Orchia, quæ & numerum præscripsit conuiuiarum. Deinde Fannia, quæ assibus centum sumptuum modum definiuit: postea Didia, qua vocati ad profusiores epulas pænis subiiciuntur eisdem, quibus earum instructores. Deinceps accessit Licinia, cuius hæc fuit sententia, quam expressit macrob. Cuique indies singulos triginta duntaxat asses edundicausa consumere liceret, ceteris vero diebus. qui excepti non essent, ne amplius apponeretur quam carnis aridæ pondo tria, & salsamentorum pondo, libra quod ex terra, vite, arbor

*Aul. Gell.  
lib. 2. c. 23.  
Macrob.  
Saturn. lib. 3  
cap. 17.  
Alex. ab  
Alex. lib. 6  
cap. 11  
Manut. lib  
de legib.*

*reue*



*rebe nationis.* Atque de istis multa narrantur apud Alexandrum ab Alexandris. Nemo credo est, qui non exosum plane habet conuiuium illud, quo Romanus Antonius & Cleopatra Egypta inter se certarunt, quis eorum in cœnæ apparatu maiores faceret expensas. Antonius terra marique conquesta edulia, ad satiandum ingluuiem mensæ intulit, nullis quidem sumptibus, sollicitudini, aut labori parcens. Cleopatra vero haud terens se vel à Romanis luxuria superari, sponsioni prouocauit in vnam cœnam insumi posse sestercium centies: quocirca insequentem die reparauit Cleopatra conuiuium. Cui cum interesset Antonius, in illo nihil noui aut admirandi videri dixit: quandoquidem ex quotidianis & parabilibus ferme omnia constarent. Regina vero subridens, phialam petijt: & acris aliquid aceti illi infundens, statim auriculæ ingentis magnitudinis appensum vniorem detraxit, atque in humorem illum iniecit: quo eliquatum vnico haultu sumpsit Cleopatra totius Egypti pretium. Manum quoque ad mouere cepit alteri vniioni, qui etiam ad aurem pendeat eiusdem estimationis, illumque pari modo absumere secum decreuerat: admonita autem à Numacio Planco certaminis arbitro, quod prioris gemmæ prodigalitate victoria iam potiretur: vltiori sumptu abstinuit. Tanta autem luxuries, tam in vtriusque immoderata helluatio, factis dignum sane exitum attulerunt. Ille etenim gladio feruili, hæc aspide interijt. Quos cum delicijs eneruatos Augustus Cæsar intelligeret, nihil dubitauit quin eosdem leuissimo prælio superaret, intulit namque: *Fieri non potest ut is, qui regio luxui mollitque muliebri indulget, viro aliquid dignum vel consulat vel agat.* Haud dissimilem istis nuper Anglia nostra quendam extulit, inter aulicos celebrem, nomine Magnifici, splendidiq; conuiuionis notissimū. Cum autem iste ad Principis gratiam receptū haberet: muneris loco quidā, uti amico suo religionis autæ causa in carcere & arcta custodia detento, sua prece & fauore apud principem libertatē obtineret, quam plurimos nummos aureos catholicus vir illi obtulit. Orthodoxus vero numeratis pecunijs vultu & quodāmodo etiam verbis homini insinuabat, se egre admodū propter assiduas expilationes, & ex prole numerosam familiā (sunt enim Calvinistæ hoc in genere nobis truculentissimi) tantæ pecuniæ dispendiū ferre posse: toruo quodam vultu & ad contemptū composito Barbarus ille epulo munus intuens: Quid, inquit, hæc ad meos apparatus conuiuales? crastinus sol prius non occidet, quā in mea latrina condantur vniuersa. Proh frædū animal: dignū sane Calvinista responsū. Quæ honestis institutis sibi & liberis multoque studio orthodoxus

Macrob.  
lib. 3. c. 11.

Luxus Antonij & Cleopatræ.

Dion Cass.  
lib. 50.  
hist. Rom.

L L 3


parauerat:



parauerat : & ex quibus moderato victu ( qualem suadet Romana fides ) diu sui vitam suorumque sustentare potuerat , helluo Caluiniana heresi caninus , cupiditate epularum irritatus , cito & vna fercula absumit .

*Temperantia, quam ieiunium ecclesiasticum decernit, ad animæ sanctimoniam plurimum conducit : sicut ex aduerso istius stabilitæ ex lege abstinentiæ violatores sectarij : cum tantæ virtuti obsunt , tum etiam vitæ impuritati insigniter patrocinantur .*

## CAPVT VII.



Æpius mecum demiratus sum, quibusnam tandem artibus sanctitatis aut religionis æstimationem, qua tamen gloriari solent, apud vltos vel tenui rerum notitia imbutos, impij & sacrilegi sectarij sibi met compararunt. Maxime cum inter cætera castimoniæ instituta ab illis violata, ieiunij quoque Ecclesiastici præceptum perfregerunt, omnisque abstinentiæ hostes se infensissimos prodiderunt. Si etenim ex deprauatæ carnis vitio iniqui prauique mores emergant : profecto quemadmodum ij, qui hanc carnem durius tractantes inedia eam conficiunt, aliaque excipiunt acerbitate, vitijs fortius & securius inde obsistunt : ita ex opposito qui eadem infarcienda fouendaque modum omnem & rationem intemperanter transiliunt, atque inclinatæ alioquin propensæque naturæ ad factu turpia, helluatione sua incentiuum adiungunt : cum eo virtuti nuntium remittant, tum scelera contento impetu studioque immenso consecantur. Verum astutum hac ex parte versatilemque, ad quorundam aspectus fallendos se præbuit hæreticus Epicureus. Si enim aperto ausu, conceptisq; verbis ieiunium temperantiamque in crimen vocasset : impostoris aut potius cuiusdam cacodæmonis certa indicia ostendisset, dictis ipsius proinde fidem nequaquam conciliaisset, aut tantum virtutis decus, cuius pulchritudine hominis ingenium capitur, vltro dedecore defamasset. Circumactis idcirco spiris & varijs deductis ambagibus, quod minime moliri videri voluit, hoc ipsum fraudulenter perfecit : virtutis nimirum tantæ expugnationem & ipsius honesti excidium. Specie itaque religionis

*Ieiunium occulte negat hæretici.*



gionis laruatus, ecclesiasticum ieiunium, cuius cultus penes Romanos est in more positus, tanquam superstitioni ritum obnoxium, temerandum obliterandumque vociferatur: neminem definiens Christiana libertate donatum, tenere posse imperium Pontificium: quo vel ad certos dies ieiunus ex eius præcepto esse debeat, vel ut designato ciborum genere absteineat. Non sextæ feriæ (inquit) aut sabbati, vel ipsius quadragesimæ ab apostolicis temporibus obseruatum ieiunium, aut decreta alia abstinentia quempiam fidelium morari oportebit: sed sine omni scrupulo (corpori modo malum nimia repletionem non consciueris, nec reipublicæ nocueris) nihil animæ ex conuiuio aut epulo officies.

Placida sane doctrina, sensui grata, heretico nec indigna. Hoc etenim constituto effato, putabitne aliquis interea loci temperantiæ virtutem in tanta licentia integram mansuram & illibatam, cum temerariæ, lasciue, ardentique iuuentuti, ieiunij lex ita permittatur, ut si velit quispiam à se abdicare lautiores epulas, id quidem facere poterit, sin minus illi visum fuerit, tunc pro libertate fidei, conscientieque imperio, indulgere immunis genio valebit? quis eorum tunc ieiunij cogitationem in animum reuocabit, aut institutum vsque adeo acerbum ultro sponteque amplectetur? Mox subiungunt: nihil meriti, boniue operis ciborum abdicationi inesse: ne existimemus viribus nostris parari sanctitatem, cum summa crucis iniuria: ieiunium itaque, ut laboriosum, ita incommodum, infrugiferumque concludunt. Hanc quidem consequentiam ut veracem & legitimam cum sibi quispiam persuaferit, illi nulla causa ieiunandi apparebit, epulandi quamplurimæ. Tandem caprato vultu & iracunde negat sectarius dimissis culpis impartitæ iustitiæ munere, abstinentiam vllam vim habere satisfaciendi pro peccatis, quæ iustificationi supersunt, sed vna iustitia Christi nobis imputata, in ipso momento, quo fides tantum beneficium à Deo oblatum arripit, omnes acerbitates alioquin perferendas, absorberi asserit. Hæc si vera sint, verum pariter erit, nemini nisi stulto ieiunandum. Vnde occultis quibusdam rationibus, temperantiæ nervos immensis illi cupiditatibus succidunt. *Fiat Dan coluber in via, castrastestis in semita mordens ungulas equi, ut cadat ascensor eius retro.* Nos vero, quod postea disputaturi sumus de potestate Ecclesiastica in condendis legibus, de valore etiam bonorum operum ad vitæ cælestis consequutionem, in istis modò non hærebimus. Ostendemus autem solum, quanta huiusce virtutis cura Romanos orthodoxos semper ceperit, quibusque institutis concupiscentiæ ferocitati, unde vitia omnia pro-

*Nulla causa ieiunandi ex doctrina hereticorum*

*Gen. 49.*



prorumpunt, sedulo restiterint: è contrario quoque, quam proclives & rabidi plane ad voluptates exciterint heretici, quantūque ventri, ipso Deo, perpetuo detulerint. Ex quibus ea elicietur demum sententia, qua aperte estimetur, an horum vel illorum suscepta fides veracior sit, diuinisque rationibus magis consentanea. Fidei etenim indicia, notę, signaque haud fallacia vitę sunt opera: *Ex operibus cognoscetis eos.*

*Matth. 7.*

*Abstinētia  
cognitioni  
utilis.*

*Exod. 34.*

*3. Reg. 19.*

*Dan. 10.*

*Utilis ab-  
stinētia  
ad edomā-  
dam concu-  
piscētiā*

*Alex. ab-  
Alexad.  
lib. 4. c. 17.*

*Suet. Aug.*

Inficiari credo nemo poterit, quin fateatur abstinentię cultum ad religiosa exercitia, muneraque rationis obeunda, paratissimum. Quemadmodum enim puluerulentum speculum intuenti oculo conspicuam non refert vultus imaginem, sed tersum solum aliquod purumque: ita mens crapula & ingurgitatione infusata, inepta prorsus euadit diuinarum rerum notionibus excipiendis. Ea propter temperantię lege, ex cibo potuque, crassiores voluptates abiiciendę: ut exinde mens vegeta, serenaque lutilentis fecibus elatior, vibratos in se diuinitus veritatis radios excipiat: eosdemque in omnem etiam corporis actionem refundat. Huiusmodi consilio quadraginta dierum sequerissimum ieiunium ad purgandam carnem, colloquio cum Deo, eiusque conspectui pręmisit legislator Moyse. Elias eam venerationē aurę tenui, sub cuius specie Deus in monte Horeb se illi spectabilem fecerat, concessit: ut tantundem temporis, ieiunio suam ipsius mentem munire & defecare voluerit. Ita Daniel trium hebdomadarum ieiunio pręparatur, quo aptior subinde esset ad diuinę viritatis perceptionem. Confert pręterea plurimum hoc ipsum studium ad edomandam carnis cupiditatem. Quemadmodum enim ingens aliquod incendium, pabuli subtractione extinguitur: ita feruor ille & ardor illicitę voluptatis statim subsidit: cum escam & fomitem ciborum quis illi ademerit. Atque ita quodammodo mercium eiectione in mare, nauis nostrę mentis in alto laborans, fluctibusque iactata, naufragium declinat, & in portus optatissimum sinum moderato cursu inuehitur. Quę adeo patenti eminentique veritate clarent, uti à nemine sat scio, nedum heretico, ad quidlibet negandum peruicaci & refractario, tanquam falsa repelli poterint. Nam si spectemus id solum, quod omnium gentium animis communis natura in seuit; euidenter satis constabit, quantum ad sacratiora studia ieiunia faciunt. Hinc apud Romanos Numa Pompilius dum mysterijs operatur, venere carniūque usu abstinet. Eodem ritu Iulius Cęsar religiosus Deos precatus, oleribus & leguminibus tantum victitat. Sacris Idis iniciandi Alexandrini, decem dierum spatio vino & carnibus

non.



non vtuntur. Atque vt tranſeamus ad vere pios ſanctosque: Iudei ex diuino præcepto ieiuniis additiſſimi fuere, & eorundem traditione paterna obſeruantiffimi. Qua de cauſa frequens apud illos cæna pura: cuius meminerunt Philo, Tertullianus, & D. Hieronymus. Hæc autem conſtabat ex pane & ſale pro obſonio, & hyſſopo pro condimento. Iſtius generis ſtrictum rigidumque ieiuniũ apud hos adeo celebre fuit & diuulgatum, vt omnibus plane externis innotuerit. Propterea Auguſtus Cæſar (quod in eius vita prodit Sueton.) gloriatur ſe quadã die ita cibus abſtinuiſſe: vt ne illo quidem Iudæi religioſius ſabbathi ſui ieiunium ſeruarent. Nazaræi vinum non guſtant. Rechabite ex fluento potantes ſitim extingunt. Baptiſta locuſtis tantum & melle ſilueſtri paſcitur. Primi illi Chriſtiani, ſub diſciplina diui Marci Euan- geliſtæ vitam inſtituentes, (vt ſcripſit Philo, Hieronymus, Epiphanius, atque alij) ad veſperam tantum cibum ſumpſerunt, carniũ atque vini uſu prorsus carentes. Nos idcirco, quorum altius eſt inſtitutum, quorumque curſus expeditior concitiorque eſt ad ſanctitatis culmen, multo maiorem curam in caſtigacione carnis adhibere debemus: velocius abiicienda ſarcina, ferocius occurrendum cupiditari, atque arctiori abſtinentia menti inſultantes imperus reprimendi. *Gula nudos facit, (inquit Ambroſius) ieiunia operiunt exutos: unde dicitur operi in ieiunio animam meam. Bonum operimentum, quod animam tegit, ne à tentatore deprehendatur, ne à tentatore nudetur. Bonum velamen, quod tegit culpam, tegit abſtinentia, tegit gratia: beati enim quorum remiſſæ ſunt iniſtuitates, & quorum teſta ſunt peccata. Tegit gratia, dum remittit & omnem abolet errorem; tegit abſtinentia, dum obumbrat vitium, & maſſo abſcondit affectu, atque extenuat panem: etenim ieiunium & eleemoſyna à peccato liberant. In eandem quoque ſententiam Chryſoſtomus: Ieiunia, ac vigiliæ, ac ſanctæ afflictiones humiliata corda materant, ſed materata corda purificant. Membris ſubtrahunt ſeruitudinem, ſed conſcientiæ addunt nitorem.*

At hæreticos hæc verba proferentes audire videor: Ieiunandum, nec abnuimus: hoc vltro Catholicis damus. Minuta tamen illa & ſcrupuloſa diligentia in delectu ciborum, qua ſuperſtitioſe implican- tur, ſicut inanis eſt, ita prorsus infrugifera. Nam ex Apoſtoli testi- monio eſui conceditur quicquid ciborum in macello venit. Nouum ſane ieiunandi genus, (tameſi hoc commentum veſtrum plus nimio ieiunium) ieiunare vultis, ſed ventre carniſus diſtento, vino torridi madidique, præclara tunc de abſtinentia diſputabitis. Enimvero cum carnis debilitatio ex ieiunio decernenda ſit, nunquid aprius perfici po- terit huiusmodi inſtitutum, quam illis edulijs abſtentis, quæ ad nutri-

M.M.

tionem.

Phil. de  
vit. contemp.  
Tertul. lib.  
de penit. et.  
Hieron. in  
Marc. lib. 2  
cont. Ioni.

Sueton.  
Auguſt.

Num. 6.

3. Reg. 4.

Marc. 1.

Philo de  
vit. contemp.  
Hieron. in  
Marc.  
Epiph.  
compend.

Ambroſ.  
de ieiun.  
cap. 4.  
ep. 133.

Chryſoſt.  
humil. 10.  
ad pop.

Delectus  
ciborum  
diſplacet.  
hæretico.  
1. Cor. 10.

Quare de-  
lectus ci-  
borum.



tionem sanguinisque copiam maxime faciunt? qua de causâ Christianæ professionis heroës, quorum sanctitatem vix imitari, nullo autem modo exequare nobis conceditur: carniū & vini vsum stricta lege religionisque voto interdictum vetitumque habuerunt. Verum quidem est, illorum hominum sententiam penitus à vero alienam fuisse, qui cum arbitrantur quosdam cibos suis naturis vitiatos, utpote quos tetrum aliquod malumque principium constituerat: illos veluti impuros abiecerunt: quales extiterē Ebeonitæ, Eustatiani, Marcionistæ, pallentes squalentesque Manichæi: quorum insaniam nos orthodoxi cum admiramur, tum execramur. Nam si carnes re ipsa ita sordidas impurasque iudicaremus, illas nullo vnquam tempore ad refectiōem corporis adhiberemus. Sed quod certorū eduliorum secretio & abdicatio multum conferat ad carnis macerationem, eapropter lex ecclesiastica, in nostrum emolumentum intendens, eorundem promiscuum vsum statutis temporibus vetitum esse definiuit. Proindeque repugnante lege elus istorum inhonestus euadit & nefarius. Aduersantur adhuc hæretici, & ex Apostolo dicunt: *Quod intrat per os, non coinquinat hominem.* Ex esu ergo ciborum nullam quidem maculam anima contrahit. At amabo quam acute conclusum contra ieiunium? Dicam ipse pariter ex sensu ingenioque vestro: non peccauisse Eleasarum, si modo porcinas carnes ethnicorum more manducasset: vel quempiam vestrorum quicquam delinquere, si popina reconditus, esculentorum copia viscera distrumpat: quod enim intrat per os, non coinquinat hominem. Absurdi adhuc edocendi estis, & melioribus imbuendi disciplinis. Cibi quidem ipsi animam non sedant; quem hoc fugit? sed peruersa voluntas intemperantius illis vtens, aut intempestiue illos adsumens, in os illud inierit, quod coinquinat animam. Quomodo integritatem ac iustitiæ florem pomi vetiti manducatione primus parens corruptit: nisi eum crimine ideo omni liberare velitis, quod nihil in os illatum, animam dedecoret?

Adhuc tamen dicitis, minime ferendum ab homine Christiano, in libertatem adferro, iugum illud graue ecclesiasticæ præceptionis, cui Romani sua colla subdunt, neque sub tanto pondere miseri ingemiscunt. Audacia summa est, eaque præfracta, leges de ieiunio atque victus parcimonia omnibus fidelibus imponere. Quemadmodum illorum animi penitus sunt abiecti, qui damnationis æternæ specie exterriti, ciborum potius cupidius destitui eligunt, quam vnus buccellæ gustu hominum quorundam statutis contraire. Agnosco fastus vestros, ingenium oratio repandit. Neque aliam sententiam ab eis expe-

*Epiph.  
hæres. 10.  
Socrat. li. 2  
cap. 33.  
Tertul. l. 1.  
cont. Marc.  
August.  
hæres. 46.*

*1. Cor. 10.*

*2. Ma. b. 6.*

*Secularij  
nolunt legi  
obedire,  
ideo statu-  
tū damnāt  
ieiunium.*



expectare debui, qui cum orbe terrarum, terrarum principibus, cælique sanctis, partium studio accensi, confingere decreuerunt, quam quæ per-  
uicaces spiritus, tumentesque sensus patefaceret. Iam enim diu ab-  
hinc in animum meum penetravit ea existimatio, qua intellexi ægre  
admodum vos hominibus parere, humanum vos ne dum Romanum  
imperium defugere. Nemini obedire vultis, nisi vobis ipsis & Satanae  
omnibus autem præesse vehementer discupitis. At date mihi obsecro  
hanc veniam, si modo à tanto culmine authoritatis vestre iustum ali-  
quod responsum pro æquissimo quæsito ac postulato recipere merear.  
Sane aut vos erratis prodigiose, (vti nihil grauius interim dicam) vel  
ego ipse ab omni ratione sensuque alienus consisto. Ita propono  
quod à vobis quero. Cum quis certis cibis abstinet, ad remittendam  
ferociam carnis, aut vt mens liberius, eduliorum cura abiecta & ap-  
paratu eorum exquisitiori spreto, diuinis vacet, est ne opus tempe-  
rantie virtutis, atque rationi consonum, an secus? Non inficiabitur  
credo insipientia vestra, quin aperte pronuntiabit eiusmodi institutū  
virtutis optime molitionem esse, idque temperantie: nam anxia  
ceteroquin & perplexa erit sollicitudo vestra, si ad aliam virtutem  
eam referre velitis: absurda vero & impia, si ab omni repellatis.  
Maneat itaque, atque sit contentio istæ abstinentie, adeoque verus,  
gentiumque temperantie actus. In quid obsecro furor vester modo  
debaechatur, nisi inde graue piaculum sibi consciuerit Ecclesia Roma-  
na: quod suis virtutis opera præceperit. Quam immaniter in eam  
inueheretis, si peccata & flagitia mandaret, cum ob opus bonum cum  
Iudeis Christi sponsum lapidatis, tantamque maiestatem ac Numi-  
nis oraculum verborum tulminibus impetitis? Operose nimis disti-  
neri vobis videtur Ecclesia Romana in suadendis inducendisque vir-  
tutibus: atrox crimen. Verum dicitis: non virtutem ipsam, sed vir-  
tutis præceptionem ac imperium odio habemus ac vituperio. Sancte  
quidem. Peccatorum durissimas leges, atque acerbam eorum necessi-  
tatem à damone propagatam agnoscitis, exosculamini imperium  
hoc tetrum noxæ, quo omnia animæ opera coinquinantur, fatemini  
libenter, patimini quiete: tantum virtutum leges ac mandata auer-  
smini. Ita Satan in vobis decipiendo furit, furendoque se monstrum  
præbet: non amplius Angelus lucis, sed carbone nigrior horrenda  
furia vobis errorem hunc afflavit. Ipse vero in florentissimis scholis,  
quarum pulueres in vestris angulis essent margaritæ, hanc consequi-  
tionem legitimam semper intellexi: molitio est hic conatus optimæ  
virtutis, hominisque fini vtilissima, ac pæne necessaria; præcipi idcir-

Ioh. 19.

Hæretici  
non pati-  
unt præcep-  
ta virtutis.

Gal. 1.

M M 2

co po-



*Virtus po-  
test prae-  
scripi*

*Ecclesie  
statuta  
ieiunia.*

*Epiph. hæ-  
ref. 75.*

*Psal. 125.*

*Ignat. ep.  
ad Philip.  
Basil. orat.  
1. de ieiun.  
Naz. orat.  
in sanct.  
lauac.  
Hieron. in  
cap. 54. Isa.  
Chrys. ho-  
mil. 1. in  
Gen Aug.  
Ep. 119.*

co poterit ab ea authoritate, cui publica multorum salus incumbit. Quid? an non princeps civilis, qui etiam ut probos honestosque ciues reddat, imperatis virtutum quarundam actibus, illos recto iustoque adstringit? Multo magis hæc vis ecclesiæ erit deferenda; cuius potestas suprema est, cuiusque propositum sibi subiectos optimos reddere ac multiplici virtutum opere exornatos. Sectarij Anglicani, qui parlamenti effatis inherant, ne capitis periculum illis immineat, vinculum fatentur canonum atque cultus præscripti, certisque verbis concepti; refugere non audent; eos ita terret interminatum supplicium. Enimvero nisi hanc authoritatē Ecclesiæ concenterint, (quod postea demonstrabo) nulla in Christum fides vna & integra, religio nulla casta & illibata, vitæ nulla institutio recta aut honesta diu supererint: sed discordijs sensuum commissa omnia cum fuerint, in confusionem tetram, clamores dissonos, distracta iudicia salutis nostræ monumenta tandem relabentur. Repetam itaque obseruata statutaque Ecclesiæ ieiunia: & inde constabit, quantæ authoritati innitantur. Tanquam hæreticos sancta illa antiquitas eos semper reprobauit, qui præscriptum ieiunij ordinem ac formam temere vel intemperanter transilierunt. Quam quidem vesaniam præ se tulit singularem Aëtius, de quo multa narrat Epiphanius. Qui epulis Ecclesiæ statutum ieiunium cum sectarijs nostris expugnandum censuit. Quartæ feriæ, prosabbathi, septimanæ sanctæ abstinentiam omnino exterminandam docuit; præpostero autem ritu, (vbi fert ingenium hæretici) diebus dominicis inedia fameque seipsum maceravit. Quod vero attinet ad obseruationem quadragesimalem, institutam ad imitationem dominici ieiunij, constant vniuersi consensu à priscis illis purissimisque fidelium cætibz susceptam fuisse: utpote qua etiam melius, ieiunium præmittentes, ad paschalia gaudia seipsos prepararent: seminantes in lachrymis, ut in lætitia mererent, corpora morti tradentes, ut eadem cum Christo rediuiua resurgerent. Istius vero abstinentiæ meminerunt Ignatius Apostolicis temporibus equalis, Basil. Grego. Naz. Hieron. Chrysost. Augustinus, Ambrosius: omnes ferme Patres tam Græcæ quam Latinæ Ecclesiæ. Ieiunij quartæ feriæ & prosabbathi post Ignatium mentionem fecit antiquissimus Ecclesiastes Clem. Alexandrinus: *Feria quarta Mercurio sacro, sexta Veneri, quos dies ieiunio celebrant fideles, quod alieni maxime esse debeant totius vitæ decursu ab auaritia atque libidine.*

D. Augustinus ieiuniū sabbathi recenset: ac refert Ecclesiæ Romanæ monachos tribus integris diebus aliquando cibo potuque abstinuisse: *Ab Apostolicis (inquit Epiphanius) institutis, sinaxes quarta, & prosabbatho, & dominica.*



*dominica. Quarta vero & profabbatho ieiunium vsque nonam: nam illucescente quarta sublatuſ est Dominuſ: & profabbatho crucifixuſ. Quatuor temporu *Ambroſ. ſerm 26. Clem. Alex ſrom. Aug. ep. 86 Epiph. cō- pend. doct. Aug lib. 2e Mor. ecclēſ. cap. 33. Epiph. cō- pend doct. Calix. ep. ad Bened. Bernard. ſermo. in vigil S. Andrea.** ieiunium ante ætatem Calixti religioſe obſeruatum conſtat. Atque in profectiſ ſanctoru *Legittima cauſa ſuſ- ciptēd. ſta- ſua ieiun- tia autho- ritat patrū & praxi. Eccleſia.* ieiunium fuiſſe in more poſitum, diſertis verbis teſtatur Bernard. *Sanctoru *ſeſta, præcipue primum, ſanxit authoritaſ votiuiſ præuenienda ieiunijs. Veliter plane & non ad inſipientiam nobiſ, ſi adfuerit qui ad- uerſat. Multa ſiquidem quotidie peccata contrahimus, & in multiſ offendimus omneſ: nec tutu *m omni *o eſt celebrandaſ ſuſcipere feſtiuitateſ, niſi priuſ abſtinentiæ puriſſi- catione præmiſſa. quo & dignioreſ & capacioreſ inueniamur ſpiritualiū gaudiu *rum. Coniunctiſ itaque inter ſe rationu *m capitibuſ, videamus modo quid inde elici poterit. Eccleſiaſtica aucthoritate ſtabilitu *m ieiunium, ſan- tiſſimu *m iuxta atque doctiſſimu *m hominu *m in florenti Eccleſia degentiu *m uſu & obſeruati *o *ne religioſa celebratū, quoru *ndam pau- coru *m nuda aſſerti *o *ne non eſt temerandu *m: maxime cum temera- riæ illoru *m voceſ nec ratione aliqua, neque ſcripturarum teſtimonijs confirmentur: ſed potiuſ libidinem ſonent, omne *mque proiectæ vitæ ſædiſſimam licentiam. Hoc mihi adeo perſpicu *u eſt & conclama- tum, vti ſatiſ demirari non poſſim eoru *m inſaniam, qui in oppoſitu *m errorem conceſſerunt. Nam ſi ab antiquiſ illiſ præſulibuſ ac proceri- buſ Eccleſiæ hac in re quicquid peccatu *m fuerit: ignorantia, reru *mque diuinaru *m inſcitia attribue *ndu *m, vel appetiti *o *ni nimia voluptatiſ. Hæc enim duo ferme ſunt, quæ hæreſin aut fidei aduerſu *m aliquid pro- ferre ſolent. Sed quiſ, priſcoru *m illoru *m patru *m lecti *o *ni vel modice intentuſ, accuratam & ſublime *m eoru *m in diuinis rebuſ cognitionem non ſuſpicit? aut eoru *m dicta pro effatiſ non habet? Tertullianu *m, Cyprianu *m, Chryſoſtomu *m, Gregoriu *m, Ambroſiu *m, Auguſtinu *m, Bernardu *m de prædicam *uſ, veneram *uſ: Eccleſiæ lumina ac ſtellaſ nomi- namuſ. Hi tamen omneſ ſtatuta Eccleſiæ ieiunia coluerunt, ad ſu- perſtiti *o *nē accedere non putarunt, aut Chriſtianæ libertati repugnare.**

Ab ignorati *o *ne itaque ſacroru *m exiſtimarem hoſ longiuſ recel- ſiſſe, quam Lutheru *m aut Caluiniu *m. Quod vero ad voluptatem ſpe- ctat: omniu *m gentiu *m teſtimonia, orbis communis fama hac ſuſpi- cione eoſ liberabunt. Abdiderunt ſe in reſeſſuſ namque monaſterio- ru *m; carnem ſuam vigilijs atque macerati *o *nibuſ duriffime tracta- runt. Qui autem præſcriptiſ ieiunijs aduerſati, pro *h fidem hominu *m, quam ſædi & coinquinati? In popiniſ & luſtriſ reconditi meli *uſ ſe dicunt ſeliciuſque ſcripturæ ſenſu *m adſequutoſ, quam nitidi illi ſplendenteſque heroëſ in omniu *m virtutu *m luce verſati. Quid ob- ſecro lecti *o *ne dignu *m, ſectarij iſti illuminati commentantur? aut*******************

M M 3

quomodo



Epiph.  
heres. 75.

quomodo illuminati, qui seculentas libidines consecretantur, qui solis conspectum ferre non possunt: ieiunia odio habent: utinam veneres & intemperantiam. Scripturas errori obtendunt, melius autem si errorem ultro aperteque facerentur. Libertatem Christianam violant (inquiunt) Ecclesiastica ieiunia: eos autem mentiri vel decipi affirmat Epiphanius: *Quis autem potuit statutum matris dissolvere, aut legem patris, velut Salomon dicit: audi fili sermones patris tui, & ne repudias statuta matris tue: ostendens per hæc, quod & in scriptis & sine scripto docet pater, hoc est Deus, & unigenitus, & spiritus sanctus: mater autem nostra Ecclesia statuta habet indissolubilia, quæ dissolui non possunt.* Definitio itaque sectarios, non ex edicto scientiæ alicuius, sed ex rabido appetu cupediarum Ecclesiastica ieiunia huc usque abdicasse. Quare nec sanctum dogma illud eorum reputabitur, quod pro loco topico culinam habet aut tabernam. Si autem ieiunium quadragesimale eo animo violassent, uti toridem, vel alijs pluribus diebus abstinentiam decrevissent: speciem aliquam fortassis eorum inuentum habuisset: sed cum videamus eis in locis nullum omnino servari ieiunium, in quibus Romanum illud, orthodoxum, ac statutum aboletur: argumento est, Satanam eos excitasse ad expugnandum præscriptum ieiunium, uti hoc pacto omnis temperantiæ & ieiunij usus intercideret. Euentus ipse præiactum hoc pessimum concilium detexit. Videre iam est in Academijs Anglicanis, diebus interdictis, cum assis carnibus sub palliorum lacinijs iuvenes passim ad angulos properantes, uti sic principis eludentes leges, libertate sua Christiana dentibus fruuntur. Comestione autem cum seipso repleverint distenderintque, tunc splendide gloriantur se Papistas confecisse. A Minerua refugæ: Veneris mancipia. Noui ipse quendam ministrum, qui, cum ad concionandum quadragesimæ tempore conducendus esset à quodam meo etiam consanguineo ius patronatus obtinente: paciscebatur ea conditione suum munus expleturum, si finita concione illi gallus bene obsonatus tostusque apponeretur. Et quod visu mihi tunc puero videbatur nefarium, carnibus ceteris omnibus modeste temperanterque, qui mensæ assidebant, abstinentibus, solus Ecclesiastes ille epicureus alitem accuratius quam prius textum euoluens, discutiens, membratimque diffecans: tandem integram in immane illud stomachi antrum, seu potius demonis larium, quousque promissa eius barba, tanquam hispida mappa pectus muniens à forde protendebatur, heluo dimisit. Atque istorum omnium audissuna sunt ingenia in cupedias. Neque si mihi aliud



aliud non suppeteret argumentum ad frangendam peruersam istorum manducandi licentiam, hoc vnum quod nunc in medium adduco, abunde faceret satis.

Experientia vsque rerum innotuit, primos ingressus in virtutem semper acres esse feruidosque. Quod cum in multis optime inceptis eluceat, tum vel maxime spectabile exitit, in religionis Christianæ cultu. Deus bone, calente adhuc Christi sanguine, quos amores cælestes primæ illa Ecclesia spirauit? quæ contentio ad pietatem? quam leui pede terram hanc contingentes, ad superna anhelarunt ardentem? sane animis æstuabant illorum temporum sacris initiati: vernaes flores & memoriæ nostræ miracula. Tunc autem corporea moles extenuata ieiunijs, flagrans cupiditas, assidua repressa castigatio, voluptatum blanditiæ & illectamenta repudiata penitus: mens autem aucta altissimis consilijs, virtutum suffultra prælijs ad amplissimam gloriam peruenit. Istius autem rigoris nonnihil postea remissum, delicta, cupiditati aliquam vitæ partem hominis concesserunt: atque ita tantus calor paulatim deferbuit, ac propemodum refrixit. Corporis laxior custodia & indulgentior indies effecit, ut longe infra sublinem illū perfectionis gradum modo culpa socordiaque nostra deciderimus. Veruntamen diuinus spiritus, qui ecclesiastico corpori velut anima infunditur; eiusdem languentia membra destinatis temporibus vegetauit, excitauit, agilia fecit, & ad optimarū actionū cursum expedita reddidit. Hinc excellentis instituti homines, pro varia aliorū necessitate, veluti duces cū doctrina cōspicui, tum probitate illustres emerferunt in lucē: nouis faculis cordiū frigora fugarunt, vitali quodam succo, properantes nutantesque ad interitū artus repararunt; celestiq; lumine crassas & concretas errorum tenebras dispalarunt. Istius ordinis extitere antesignani: Benedictus, Franciscus, Dominicus, Bernardus, Ignatius: cuius discipuli ac milites nunc gloriose hereticorum castris obequitant, intrepidis animis pugnam expetentes, timidosque hostes ad aciem elicientes. Qui omnes si ipsorum res gestas memoria repetere velimus, (vti nobis constabit) admirabili quodam ardore spiritus incensi, carni acrimoniæ admouere, eam ieiunijs expugnantes, inediaque conficientes: delicias vt bella sterquilina abdicarunt, cilicio ferociam corporis domuerunt, pauperum saluti re sua neglecta inuigilarunt: infra omnes humilitate depressi, vt eos quasi humeris subuectos, in cælos secum transferrent: atque tales fuere principes nostri. E regione vero iam sectariorum phalanges despiciamus: primos ipsorum motus, ipsa initia contem-

*Puritas  
primitiue  
Ecclesiæ.*



*Demōstra-  
tio quod  
Sectarij  
missi non  
sint à Deo  
ad emendā-  
dam vete-  
rem eccle-  
siam.*

contemplemur. Si quæ sit rerum gestarum susceptæ probatæque fidei historia, eius testimonium haud spernam: si quæ æqui bonique viri æstimatio, eam non contemnam. Dicant igitur, ostendant mihi aliquam orbis partem, quam inhabitantes sectarij, temperantia honestæque vitæ præscriptis rationibus excoluerunt? vbi penes illos castimonia, luxus abdicatio, seuerior disciplina? At cur in arenis aut fabuletis virentem aut florentem herbam quæro? vel in fædis locis fauim mellis inuestigo? Nullibi ne vestigia quidem honestatis leuiter impressa, nedum eius monumenta aut trophæa visuntur: omnes etenim longe maculosissimi. Germaniam compotationibus & stupris fèdarunt: Galliam delinquendi libidinosa licentia corruerunt, Plesseanis mendatijs denigrarunt, Angliam omni sordium genere cooperuerunt. Saltem in principijs, vti auspicato negotium religionis susceptum ab illis videretur, virtutibus, vitæ præsertim continentia florere debuissent. Verum statim atque ex aspretis Bernensibus atque paludibus Geneuensibus sectarij Anglicani, cum prius crepidarij, fibularij, aut cementarij pulto & limacibus victui egre admodum satisfecissent, quibus vix ossa hærebant: in pinguia optimaque Anglicani foli arua eruperant, passi saginatique subinde abundanter, in eam vastam immanemque corporis molem breui excreuerunt, vt plaustris quam rostris aptiores euaderent: bini & bini arcam Noe, concupiscentia diluuium extimescentes, petierunt. Atque ne Deucaleon omnia obrueret, ipsi omnia prius heluando absorbuerunt. Iam quis coniectabit apud animum suum, hos à Deo missos ad repurgandam ecclesiam, ad abolendam superstitionem ecclesiastici ieiunij? nisi ita is desipiat, vti existimet ad abstergendum auleum aliquod vas, aut gemmeum, à lixa aliquo culinare linteum requirendum. Quod si mihi adserant superstitioni ieiunia nostra statuta esse obnoxia, neque à vera Christi Ecclesia vnquam vsurpata: difficilem provinciam nano & pumilioni imponerem, si modo dicti probationem ab ipso durius exigerem. Euoluant Annales ecclesiasticos, & mihi ostendant hoc aut altero anno à salutari Christi incarnatione fideles ignorasse penitus hunc ritum ieiunandi, quem nunc Romani religiose obseruandum definiunt. Dicant deinceps hos aut alios patres, hæc aut alia concilia, cum istæc abstinendi consuetudo inualere ceperat, illi, vti supersticioso cultui restitisse. Hæc nisi præstiterint, ne stulto quidem aliquid persuadebunt. Veruntamen horum nihil adhuc fecerunt, nec vnquam facient, neque facere poterunt. At Apostoli dicent, districti non fuerunt hac lege præscripti ieiunij, neque nos eadem obstringi.



obstringi debemus. Pulchre. Quo longius isti saltitant, eo magis à veritate recedunt. Ignatius in Apostolica tempora statuta retulit ieiunia, Apostoli ergo nostri sunt. At nihil nobis, reclamatis, cum Apostolicis temporibus, quæ etiam fæda superstitione oppressit. Ipsos Apostolos tantum curamus, & actus illorum: cetera facile negligimus, parum facimus. Impetiti hodierna die mucrone gladii sectarij ita resiliunt, & in fugam prouunt, vti ipsos Apostolos momento sint adsequuti. Hactenus Ecclesia nulla, nihil gestum spectabile, à mille annis impostores omnes: necessario recurrendum ad Apostolos? Verum si vos adhuc vltius persequi velim, & hos quoque refugæ tandem defereretis. At expendam acrius quod tentastis. Quis credit tam cito à prædicatione apostolica libertatem Christianam vbiq; fidelibus excidisse, ita vt nemo, cuius memoriâ historia consignauit, libertatem hanc à supersticioso & imperioso ritu ieiunandi tutauerit? Hac sane ex parte vberior gloria Luthero, quàm D. Petro attribuenda. Petri etenim fructus zizania obruerunt, & superstitionis spinæ ipso defuncto statim suffocarunt. Lutheri autem seges post octoginta annos adhuc florens, erecta, procera, abla ad messem, si tamen non inanis ad incendium. Sane abiectam plane exilemque redditis Christi ecclesiam, cuius instituta & progressus ab Apostolis ad Lutheri stuprum, aut deliruisse, vel in errorem & superstitionem impegisse affirmatis. Sine, habeatis hoc, quod Apostoli vestram libertatem conuiuandi admiserint, vel de ea nihil disputarint: adhuc tamen vobis negotium hoc incumbet, vti ostendatis vos illos esse, quos Deus destinauit reformationis muneri. Inueterata quippe hæc opinio statuti ieiunij ita Romanorum animos iam cepit, vti euelli aut obliterari à vobis non possit, nisi vos aut miraculorum effectores, vel saltem probos honestosque viros probetis: quorum vtrumque deest, vobisque deficit.

Sed quid istis leuioribus, & quasi tumultuaria manu confliquo? hoc efficiam dilucida aperta que consequutione: nimirum ex hereticorum scitis omnino sequi, nullam prorsus causam fidei superesse ieiunandi, aut à luxu delicijsque abstinendi. Ita cum illis sermonem instituo cominus ac punctim. Sola fides iustitiam adfert. Effatum ex osculami. Nullum existit virtutis opus meritorium vitæ æternæ: sed potius suapte natura omnis hominis actio fæda est, Deo exosa, & grauissimum peccatum. Oraculum suscipitis. Fidei iustitia semel acquisita, nunquam excidere poterit. Decretum amplectimini. Inter hæc vbi obsecro consistet ieiunium, aut abstinencia à crapula? Quorsum suscipitur voluptatis repudium? vt acquiratur fides? absit. Ex ope-

N N

ribus

Magdeb.  
Cent. 1.

Hereticus  
nisi stultus  
fuerit  
nunquam  
ieiunabit.



ribus non deriuatur iustitia : sed est Dei beneficium hoc vltro-  
neum. Adepta autem fide, quero iustam aliquam rationē abdicandi cupedias  
deliciasq;? Fortasse vt inde carnis cōcupiscentia mitigetur, ac dimitta-  
tur rationis imperio. Incepte. Si enim fides nemini pereat, imo nec  
possibile sit eam aliquando expelli, stultum erit voluptates repudiare,  
nulla enim concupiscentia, quantumuis ardens & concitata, iustitiam  
indeptam valebit labe aliqua opprimere : si in temulentia quempiam  
deiecerit, nihil hęc illi nocebit, in quo adhuc viget ac floret Christi  
iustitia. Sed incrementum iustitiæ ebrietas & comessatio impediunt:  
minime gentium. Vna omnibus competit Christi iustitia : hęc eadem  
perseuerat, nec augmentum aut accessum capit. Si adhibetur itaque  
ieiunium, nihil lucri, si spernetur, nihil detrimenti. Dicite mihi iam,  
per ingenium illud vestrum lepidum tepidumque, quare ieiunandū?  
maxime cum hoc sit arduum, difficile, & naturę hominis admodum  
acerbum? imo quare quotidie splendide non epulandū, & more Grę-  
co luxuriandum? iustitiam hoc nemini adimit, aut noxam infert.  
Tandem dicitis morbos procreare intemperantiam, & medicis lucra  
superflua porrigere. Ita isti impuri corporis malo aut pecunię sumptu  
vitij naturam definiunt. Abite sordidi, nec cum culto aliquo inge-  
nio in posterum pugnam expetite.

Orthodoxi  
rationibus  
suadent  
temperan-  
tiam.

Iudith 4.

Ioel. 1

Basil. orat.  
1. de ieiun.

Ephes. 5.

Chrysost.  
orat. 1. de  
ieiun.

Luca 6.

Tertul. lib.  
resur.  
Ambros.  
Ep. 82.

Orthodoxi vero optimis rationibus suos inducunt ad obseruantiam  
ieiunij Ecclesiastici. Dicunt enim inprimis hinc diuinam in nos cle-  
mentiam conciliari : *Scitote quoniam exaudiet Dominus preces vestras, si manen-  
tes permanseritis in ieiunijs & orationibus in conspectu Domini. Conuertimini ad  
me in toto corde vestro, in ieiunio, planctu, & fletu. In morbum (inquit D. Basil)*  
*incidimus per peccatum, sanemur per penitentiam. Sed penitentia sine ieiunio otiosa  
& infrugifera est. Per ieiunium satisfacito Deo.* Admonent preterea fieri  
posse, vt nimium efferuescente concupiscentia, adscitum aliquod gra-  
ue delictum iustitiam animis eijciat : propterea eam concupiscentiam  
ieiunij seueritate tempestiue fore coercendam. Quo pacto Apostolus  
etiam iustos hortatur, vti caueant ipsi a vino, in quo est luxuria. Ita  
D. Chrysostomus ferme ieiunandi causas paucis perstringens : *Ieiuna  
quia peccasti, ieiuna vt non pecces, ieiuna vt accipias, ieiuna vt permaneant quę ac-  
cepisti.* Ieiuniū porro diuinę gratię auxilio, in eo, in quo iustitia elucet,  
perfectam vim habet insignis meriti ad obtinendū in cælis præmium:  
cuius intuitu obiectuque incitamus hominū sensus ad cultū rigidioris  
abstinentię : *Beati qui nunc esuritis, quia saturabimini : Sacrificia (inquit Ter-  
tull.) Deo grata, dico ieiunia, seras & aridas escas.* Atque nostroruū hæreti-  
corū intemperantē hæresin reuincens, hæc D. Ambros. *Qui sunt hi præ-*  
*ceptores*



ceptores noui, qui meritā excludunt ieiunij? Deniq; deletis expunctisq; criminū maculis, omnino credimus, ſēpius temporariæ penæ aliquē reatum ſuperelle: qui ieiunio, ſicut & alijs ſenſui moleſtis operibus, expietur. Qua de cauſa præ dolore animi ingemiſcens Propheta Dauid, *Pſal. 34.* ita loquutus eſt: *Genua mea infirmata ſunt à ieiunio: & caro mea immutata eſt propter oleum.* Vnde Tertul: *Sicut primum uſus cibi perdidit, ita ieiunium ſatiſſaciat.* Atque hæc noſtra ſunt motiua ad temperanciam: ſectario. *de ieiun.* rum vero incentiua ad libidinem.

*Explicantur rationes, quibus in vniuerſum voluptas ex tactu & guſtu vituperabilis redditur. Oſtenditur etiam quantū hæreticorū placita fædæ voluptati faueant, quantum etiam orthodoxa inſtituta illam labem auerſentur.*

## CAPVT VIII.

**D**Vo ſunt, quæ gliſcentibus armis inter ſe de orbis imperio conſigunt, virtus & voluptas. Quorum vires iuſſaque cunctis illorum conatibus præſunt, quæ ſenſu prædita quidpiam actione ſua moliantur. Et voluptas quidem maximam rerum partem viſa eſt arripuiſſe. Si enim hominem & Angelum eximamus, animantia reliqua voluptatem perſequi videbimus, eaque exſtimulante legesque præſcribente operari & ad præfixas naturę metas conniti. Quę etenim animantium hanc vitam continent, ita affabre expoliteque effecta ſunt, vti voluptatem quodammodo ſpirent, & admirabili quadam iucunditate eorum ſenſus demulceant. Quid cælo ſtellis irradiato, terra flore frondeque depicta, gratus aut delectabilis? Effuſum mare fluctus dum molliter reciprocet ſuos, & ſolari radio percuffum vibrat atque cum littore placide colludit, aſpectus noſtros ſumma delectatione cogit afficitq;. Aëris aura moderate pulſa, grato ſpiramine afflat dulcedinē. Alię porro mundi partes, quę ſenſu præditis edulia offerunt, homini autem recreationes piſcationum, venationum, aucupiorum, corporibus animisque mirifice obblandiuntur. Ipſosque homines li modo cogitatione noſtra diſpertire velimus, illorū plures inueniemus voluptatibus operam dare, quam virtutibus: adeo vt rerum Monarchia voluptati ferme ſit decernenda.

*Vis voluptatis in animantibus.*

NN 2

*Aeneadum*



Lucret.  
lib. 1.

*Æneadum genitrix, hominum diuūque voluptas,  
Alma Venus, celi subter labentia signa,  
Quæ mare nauigerum, quæ terras frugiferentes  
Celebras, per te quoniam genus omne animantum  
Concipitur, visitque exortum lumina solis.*

D. Thom. I.  
2. q. 4. art.  
4.

Cum enim voluptas sensuum iudicio constituitur, virtus vero rationis præscripto: quod pauci sint qui mentem ingeniumque excolunt, plures qui sensuum ductum sequuntur, hominum socordia inertiaque hoc præstantibus: eapropter voluptas ad dominatum ferme pertinet: virtus autem paucorum regina non tam lato imperio vim suam extendit. Atque (vt adnotauit D. Thomas) non omnibus rationis momēta satis perspecta sunt, quæ ad virtutē instituunt. Irritamenta autem sensuum, quæ ad voluptatem impellunt, neminem plane effugiunt; tametsi vitam suā quis veri ignoracione obruerit. Idcirco voluptas facile in omnium animos incurrit, virtus vero in eorum sensus tantum deuenit, qui iusta rerum æstimatione, cuncta libantes, delectationis fucaram speciem à virtutis solido firmoq; pondere secernunt & distinguunt. Hoc autē non cuiuslibet est opus, sed sapientis mentisque præstantissimæ. Conabimur itaque voluptatis istius recessus omnes aperire: licet enim hæc in speciem fulgeat, nihil tamen ad eius contemptum odiumque ita facit, quam eiusdem natura, si semel bene & examussim perspecta fuerit, atque in apertum è suis tenebris educa.

Cause ap-  
petendi  
voluptatē.

D. Thom. I.  
2. q. 33.  
art. 7.

Inimica imprimis est voluptas hominis ipsius dignitati, quam deiicit prorsus præcipitatque ad sordes, & quæque impura detrudit: maxime itaque vituperanda, vlla si cura gradus aut honoris nos tangat. Sensui quidem voluptatem natura attribuit, quæ illi medicine loco esset, (vt ostendit D. Thomas) non quæ sui gratia expetenda. Quod enim grauedine quadam corporis nonnunquā oppressi homines à præclaris operibus desistant, vel ambigua cura districti, modos rationesque inquirant sollicitè, quibus leuentur: Idcirco voluptates in pretio haberi solent, & ab illis acrius contentiusque exquiri, qui naturæ grauiori onere fatigantur, vel molestia maiori corporum ratione affliguntur. Hinc fit (quod & D. Thomas animaduertit) vt iuuenili ætate florescentes, nimio calore eorum artus inflammante, & acri quodam humore ex superfluitate enato, arrodente interiora, voluptatem concubitus acrius appetant. Melancholici etiam pondere iniquæ naturæ aggrauati, qui semper tristitia animis meditantur: vt laboranti naturæ leuamen aliquod & subsidium adferant, easdem voluptates



tates vehementius conſeſtantur. Duplici autē de cauſa nobis voluptatis conditio abiecta plane comparebit: primo ex ipſa regula, qua voluptuariæ actiones præſcribuntur; deinde ex rebus ipſis, de quibus voluptas capitur.

Quantum ad prius, hoc inter virtutem atque voluptatem diſcrimini intercedit: quod voluptas ſenſuum notione decernatur, virtus autem ex ſententia ſolum pendeat recti conſilij eiſque partis in homine, qua ipſe cæteris præſtat animantibus. Iam vero quam absurdum & præpoſterum ſit ſpreta contemptaque ratione, ſenſuum dictamina veluti imperia agnoſcere, illiſque ſe dimittere, quis ſtatim non videt? Hoc etenim pacto brutis & ferinis moribus vita noſtra efferata redderetur: neq; ab ipſis beluis homines vitæ modo diſtinguerentur. *Voluptas hominis dignitati repugnans.* Cum te videro fornicantem, (inquit D. Chryſoſtomus) *Chryſoſt. homil. ix illud Pſal. nec mueris Ariſtot. 3<sup>a</sup> Ethic. Appetitus puer.* quomodo te hominem dicere, & non potius ſuem? Hac de cauſa Ariſtoteles appetitum, qui voluptates concupiſcit, puero comparat, rationem vero pedagogo. Quænam modum puerum oportet ſecundum præcepta pedagogi viuere, ſicut concupiſcibilem conſonare rationi. Et ætula illa puerorum tota propendet in voluptates & crepundia ſenſuum: ita appetitus ſuo pte ingenio, etiam cum corpus ſenuerit, adhuc velut puer blanditias & ludicra eodem expetit tenore. Infantulus etiam, ſubſtracta inſtitutoris manu, lapſui, errori, omniſque caſus atrocitati eſt oportunus: eodem modo ratio ubi non dominatur, nec ſceptrum tenet, ibi appetitus in omnem propenſus eſt infelicitatem. Quod ſi prauitate morum inueteratam conſuetudinem aliquam contraxerit puerulus, deinceps ægre vlla ſuperioris increpatione aut caſtigatione ad meliorem frugem reducitur: ita appetitus aſſuetudine voluptatis ad ſenſus ipſius appellentis emollitus & fractus, raro iubente ratione denuo à vitijſ reſilit, aut ad virtutes ſua transfert ſtudia. Quod ſi cuiſdam rerum priuatarum vel publicarum moderationem puero demandare velimus, quiſnam ſtatus inde oriundus eſſet? Quibuſnam legibus hominum deuincta ſocietas ſeruabitur? Haud diſſimili quidem ratione ab illis grauiffime delinquitur, qui voluptatum dapes appetunt & libidinum illecebras: puerum enim ſuę vitę præficiunt, & omne eiſdem momentum infantili ſenſui permittunt: quo quid abiectius, vel etiam periculoſius? Aliud autem eſt in homine longe excellentius & ſublimius, ipſa nimirum ratio, in cuius vertice humanæ vitæ imperium collocatur. Rite itaque munus à nobis expletur, quando non furente ſenſu, ſed placide & quiete iudicium ferente ratione, omnes actiones noſtræ decurrunt. Hanc autem ſublimitatem deprehendemus, ſi noſtris aſpectibus



bus tersum aliquod speculum obijcere velimus, in quo vultum contemplerur. Tunc in viros nos excreuisse perspiciemus, atque appetitus lenocinia, tanquam infantum ludicra, abijcienda intelligemus.

*Voluptas  
fæda &  
exosa illis  
qui ipsam  
experiuntur.*

Iam rerum ipsarum qualitatē inspiciamus, quæ voluptates porrigunt. Ex gustu quidem ea percipitur dulcedo, quæ trium (vt aiunt) digitorum spatio definitur. Res sine dubio vilissima. Quis etenim putabit palato & dentibus omnem hominis dignitatem insidere? cuius quidem voluptatis exitus, fastidiū tandem est & nausea, ventris onus & fæces abominandæ. Quod autem spectat ad venerea, omni illuie & turpitudine fædantur: adeo vt ipsa expedita illecebra pudorem appetentibus iniiciat. Hinc à Græcis Venus appellata *μηχεῖα ἡ ἀφραδίη*, quod nimirum Veneris libidines recessus lustraque circumspiciant, nec audent quidem deformitatem suam luce prodere, tenebras eapropter prosequuntur. Qua de causâ (vt narrat Plautus) Iupiter concumbens cum Electra, noctem produxit, idoneum tali voluptati tempus. *Et hæc ob eam rationem nox facta est longior, dum ille, quæcum vult, voluptatem capit.* Atque quod hominum mentibus impressa sit à natura auersio quædam à voluptate Venerea, ex eo maxime liquet, quod illi populi, qui huic illecebræ sunt maxime dediti, diligenter interim caueant, ne aliquam eius speciem aliorum sensibus iniiciant. Nihil sane Persa impurius in hoc genere: diligentissime tamen abstinere eius indicij. Qua de causâ, (vt narrat Herodotus) vxor Caudauli ipsi mortem intulit opera Gygis, quod arte quadam eam nudam externorum oculis exposuisset. Turca etiam ad libidinem mirifice projicitur: in publico tamen (vt retulit Munsterus) femina formam non aspicit. Imo hoc probro Christianis vertit, quod ex parte anteriori vestes oblongas & satis accurate clausas non habeant. Serpens idcirco humi animal repens, & pectore ad terram depressus, quæ sententiam à Deo excepit acerbissimæ pænæ, voluptatem hanc ignobilem abiectamque adumbravit. Nihil autem ita inter se pugnant, ac hominis natura atq; serpentis. Hinc enim oritur, quod vel salua humani oris extinguat serpentē. Longe itaque recedit hominis præstantia à serpentina hac voluptate: cui emancipati pænâ illam subire coguntur, qua in Hetruria olim rei plectebantur: quando nimirum ad fæda cadauera illigati, ipso fæctore enecti perierunt.

*Plaut.  
Amphib.*

*Herod. l. i.*

*Munster.  
cosmog.  
lib. 24.*

*Serpens  
figura volu-  
ptatis.*

*Horat.  
serm. 1.*

*Quæ si cum socijs stultus cupidusque bibisset,  
Sub domina meretrice fuisset turpis & excors,  
Vixisset canis immundus, vel amica luto sus.*

Dulcedo præterea illa, quam tam auide ex gustu & tactu acquirenda;



dam persequuntur sensibus dediti, vera liquidaque voluptas non est, sed fucata & umbratilis. Non ergo proderit ad rei obiectæ formam tantopere contendere, quam nullum operæpretium consequitur. Apposite profecto Euripides finxit ipsam Helenam raptam non fuisse, nec Troiam deletam, sed quandam eius effigiem, vel e mentitam speciem inani corpori inductam. Quo significare voluit, delicijs addictos non veram ex eis haurire voluptatem, sed animo menteque confictam. Haud prius etenim lasciuia ad exitum perueniunt, quam ad facti penitudinem. Delphino proinde impuros amores similes aliqui nec incongrue dixere. Delphinus enim cum incredibili quadam motus pernitate marinos vortices natando disciderit, ad arenam statim atque appulerit, eo ipso momento tanta eius contentio cum vita intercudit. Ita voluptas vsu perditur, incremento extinguitur. Videamus itaque eos, qui delicijs inhiant, lustremus illorū animos & pectora: inquiramus quibus torqueantur curis, quibus æstuent desiderijs, & laboribus dstringuntur. Absque dubio eos sollicitos tenet impurus amor, qui aut alieno insidiantur thoro, vel vagas libidines consectantur. Istis suspicio insidiarum semper incidit, in ambiguo mortis aut grauioris dispendij metu perplexi hærent, timore nutare incipiunt, exertos gladios, tribunalia, apparatus suppliciorum contemplantur, ad malorum denique cogitationem toto perhorrescunt corpore: Imo (inquit Chrysostomus) *Illic quæ possit esse voluptas, vbi metus, vbi discrimen, vbi periculum, vbi tantorum malorum expectatio, vbi tribunalia, vbi accusationes, vbi iudicis ira, vbi gladius, & carnifex, vbi barathrum ac deportatio? omnia paucet metuitque qui talis est. Umbras, parietes ipsos, lapides, tanquam vocem emittentes, omnia obseruat, omnes habet suspectos, famulos, vicinos, amicos, hostes, eos qui norunt omnia, eos qui nihil norunt. Demus cuncta votis respondere, illis tamen cessantibus, amaritudo animam diuexabit, aut flagrantibus, metus cruciabitur. Nihil ferme erit quod acquiratur cum eis comparatum, quæ pungunt mordentque obtenta. Oblatio corporeæ voluptatis (ex sententia D. Basilij) plus doloris habet, quam iucunditatis: nuptiæ enim sæpe steriles sunt, viduitates continent & stupra, agricultura sterilitatem, mercatura naufragium, diuitiæ insidias patiuntur. Sed & deliciae & satietas & continua voluptatum fruitio varios secum trahunt morbos & affectionum varia genera.*

Quemadmodum rationi atque virtuti aduersatur voluptas, ita quoque naturæ humanæ robori ac firmitudini. Nihil sane peræque ingenium eneruat & obruit, atque voluptas. Hæc etenim (vt inquit Philosophus) *corrumpit æstimationem prudentiæ.* Cuius rei duas causas assignauit D. Thom. *Ad ea, quibus delectamur, magis intenti sumus, & dum vni*

*Voluptas  
neque dul-  
cis.*

*Eurip.  
Troad.*

*Delphinus  
figura amo-  
ris impuri.*

*Chrys. ho-  
mil. 3. de  
verb. Esa.*

*Basil. in  
Psal. 33.*

*Voluptas  
infecta  
ingenijs.  
Arist. 10.  
Eth. cap. 5.  
D. Thom. 1.  
2. q. 4. art.  
2. ad 3.*



vehementer intendimus, necesse est ab alio intentio retrahatur: quandoque ex contrarietate, sicut delectatio sensus, contraria rationi, impedit estimationem speculatiui intellectus. Qui sensuum oblectamenta persequitur, is ita animum affixum habet delicijs, vti melioribus studijs ex integro inuigilare non possit. Ea itaque ratione, qua mentis agitatio voluptatis perceptione distrahitur, ineptior euadit ad intelligentiam veri. Ipsum porro operationis genus, quo animus voluptati intentus distinetur, repugnat prorsus contemplationi. Quod D. Thomas secundo in loco significauit: quandoquidem in rebus particularibus sensuique subiectis occupetur mens voluptati incumbens: contemplatio vero posita sit in auocatione animi ab his rebus, quę concrete sunt, sensuque perceptibiles, & eiusdem quedam translatio ad vniuersalia principia, primitiuos rerum ortus, causasque. Istis quidem & tertiam aliam rationem alibi D. Thomas adiunxit. Voluptatis (inquit) sensus vehementem ipsius corporis mutationem annexam habet: ob quam ratio quoque perturbatur, & quasi loco pulsa firmitatem amittit: ita vt constantem aspectum dirigere nequeat in naturam veri. Ex quibus cōsecrarium est, eas voluptates rationi magis esse infestas, quę acriorem cogitationis vim intentionemque secum adferunt: quęque crassiores sunt atque corpori maxime immerse: cuius naturę habeatur gula & luxuria. Delectatio (inquit D. Thomas) corrumpit estimationem prudentię, præcipue delectatio, quę est in venereis, quę totam animam absorbet. Populus Hebraicus post epulas diuina imperia contempsit, atque eam sibi mentis cæcitatem consciuit, vti Ægyptiacū cultum, tetram illā Idolomaniam affectaret: *Sedit populus manducare & bibere, & surrexerunt ludere*. Holofernes vino obrutus, sensus & ipsum caput amisit. Inter delicias Nazaræo Sampsoni Philistini illudunt, nec animaduertērūt fortissimo viro iam pilos excreuisse in ipsorum interitum. Quod quidem malum præmissa admonitione volens Deus anteuertere, & à suis auertere, ita præcepit: *Vbi comederis ac biberis, caue tibi ne quando obliuiscaris Domini Dei tui*. Eadem de causa conuiuantibus filijs, sanctissimus Iob Deo quotidianum obtulit sacrificium, dicens: *Ne forte peccauerint filij mei, & benedixerint Deo in cordibus suis*. Diuinorum obliuio facile in illorum sensus incidit, qui delicijs vacant. Ex aduerso autem castissima Esther tunc roseo colore venustissima effulsit, cum ieiunio fæces corporeas absumpisset. Pueri quoque illi solis leguminibus pasti, pulchritudine cæteris præcellunt, qui ferculis dapibusque saginati gulę, voluptati operam nauarant. Imo castimonia istæ in ipsorum animos serenitatem quandam & lucem induxit intelligentię: nam (vt testatur scriptura) *Omne verbum*:

Thom. 1. 2.  
q. 33. art. 4.  
2. 2. q. 55.  
art. 6.

Luxuria  
maxime  
nocet inge-  
nio.

Thom. 2. 2.  
q. 55. art. 6.  
Exod. 32.

Exh. 1.

Indic. 16.

Dent. 6.

Iob. 1.

Esth. 1.

Dan. 1.



bam sapientia & intellectus, quod sciscitatus est ab his Rex, inuenit in his decus  
 plam, super cunctos ariolos & magos, qui erant in vniuerso regno eius. Vnde He-  
 raclitus: Aer fitior, anima prudentior atque melior: cuius signum, quod ieiunantes  
 atque vigilantes prudentiores illis sint, qui cibo & potu semper replentur. Inter  
 cetera autem luxuria vel maxime animum rationemque pessundat.  
 Vt enim inquit Seneca: Nihil est tam mortiferum ingenijs, quam luxuria. Senec. pro-  
 em. decl.  
 Et Psalmista: Supercecidit ignis, & non viderunt solem. Ardente etenim con-  
 cupiscentia, tanquam ex bullo quodam fumus intelligentiæ offun-  
 ditur, eius visum intercipiens. Proinde Sodomitæ turpitudine sua  
 infames, cecitate ab angelo percussu fuere. Et eos qui foras erant percussu  
 rant caritate a minimo vsque ad maximum, ita ut ostium inuenire non possent. Atque  
 meo iudicio nihil ita nostrorum Hæreticorum animos erroribus  
 obsecratos tenet, ac libido. In tenebris etenim suis versari, ostium  
 per quod ingressus est in Ecclesiam, nullo quidem pacto inuenire va-  
 lent, sed palpitantes, & confuso quoddam concursu queritantes,  
 alter in alterius faciem impingit. Exscisis namque deletisque Sodo-  
 mis viderunt iusti Ascendentem fauillam de terra quasi fornacis fumam. Li-  
 bidinis quidem fumus ignoratio est veri, quo denigrantur plane  
 sectarij, nec immerito: repudiata etenim Ierusalem, Sodomam dele-  
 gerunt. Denique insignis illa inscitia, quæ animos gentilium ceperat,  
 de qua differit Apostolus Paulus, ex libidine, incestis, impurisque  
 amoribus fuit propagata. Peruersa idcirco opinione lucentissimam  
 illam stellam *phosphor* antiqui Veneri dicarunt: nihil enim minus ac  
 lucem mentibus adfert Venus: quin potius summas tenebras, vti  
 demonstrauius, illis offundit, & spissa caligine omnes animi sen-  
 sus inuoluit. Rom. 2. Cicer. 2. de  
 nat. deorū.

Quod vero hæc eadem voluptas animos eneruet, omnemque eius  
 vim penitus exscindat, neminem latere poterit, qui vel rerum natu-  
 ras exploratas habet, aut gentium historias perlegerit. Deliciarum  
 inuentione vsuque infames Persæ, nimio luxu dissoluti, hostilibus  
 armis succubuerunt, atque paucorum superbix ludibrio fuere. Agesilaus  
 (vt narrat Polyenus) in Asia militibus persuasit, vt barbaros contemnerent,  
 quas ante metuebant: proinde captiuos Persis exutis, & corporibus eorum infirmis, &  
 candidis propter luxuriam & molliem ante oculos Græcorum expositis, ornatum  
 vero & vestitu persico sumptuoso ac pretioso demonstrato, illud ad extremum laco-  
 nice addidit: Aduersus quos præliamur, hi sunt: de quibus certamus, hæc sunt.  
 Xerxes qui omnium primus voluptatum nouatoribus præmia decre-  
 uit, in cuius exercitu ex propriis militarunt septingenta millia, auxi-  
 liarijs trecenta millia, parua Atheniensium manu superatur, & pisca-  
 toria.

O O



*Cart. lib. 4* toria scapha fluentum trajiciens, euasit viuus, at victus. Darius quod milites otio, desidia, atque voluptatibus defluere pateretur, ab Alexandro facile fugatur; numero quidem pugnantium inferiori, disciplinæ tamen militaris rigore atque seueritate superiori tantum. Authore Plinio, vnguenta odore fragrantia ad lenociniū corporis spectantia, Persarum opificio primum extitere. Vnde Alexander Macedo deuicto Dario in spolia hostium erumpens, inter cetera pixidem pretiosi odoriferique liquoris inuenit, & Dario non tam ipsius arma, quam eum luxum excidium attulisse iudicauit. Asiani tamen postea Persicas delicias, Romani Asianas imbibebant, atque eorum imperia simili quoque funere conciderunt. Egyptij autem, qui olim pugnacissimi, detectis capitibus præliantur: quod duritie genus obseruarunt bellici heroes Hannibal, Iulius Cæsar, Masinissa, Hadrianus, Seuerus, Scipio Africanus, & alij quam plurimi. Prudenter sane Alexander Paridis veneream citharam contempsit, nec aspectu dignam reputauit, cupiens potius videre illam Achillis, qua gesta fortium virorum canere solebat. Neque Antiquis duratisque illis Romanis licitum fuit ad bellum profecturis, mulierum greges secum ducere, quarum blanditijs cultuque emollitæ militum vires inclinarentur, atque deciderent in socordiam. Hannibal cum ascensu Alpium, & per inaccessible rupes transitu suos durasser, omnia armorum vi torrentis instar secum rapiens ad victoriæ trophæum: Romanos vbique ferme prostrabat, & Italiæ campos corporum strage, ad Thrasymenū & Cannas plus quam centum millia interfectis, cooperuit: verum postquam Capuam in hyberna concesserat, & exercitus sui maiorem partem in relictis habere inciperet: quem nulla duritie vis bonis insuetum & inexpertum frangere potuerit: nimia bona & immodicæ voluptates perdidere: somnus, vinum, scorta, alea, epulæ, balnea, corpora animosque eneruarunt: adeo vt tristior infelicioque Pano Capua fuerit delicijs suis, quam Romano Cannas cum infinita cæde illa ac corporum laniena. Pompeius in Cæsarem atrocius nihil declamare potuit, quo illi maius dedecus conflaret, quàm cum pro concione dixerat, Cæsariana castra haud necessarijs delicijs abundare. Secus tamē accidit: ea etenim sibi voluptatum lenocinia Pompeius comparauerat: que ruinæ & interitus eius iustam causam secum attulerunt: in cuius castris direptis videre licuit triclinia strata, argentea vasa, tabernacula hedera protecta, & alia quam plurima, quæ nimiam luxuriam molliemque denotarent. Atque hi (inquit Cæsar) miserrimo ac patientissimo exercitui nostro luxuriam obijciunt, cui semper omnia ad necessarium usum defuissent. Quid vericem

*Plin. nat. hist. lib. 8.*

*M. Aurel. epist. ad Pollion.*

*Alex. ab Alex. lib. 2 cap. 29. Liu. Decad 3 lib. 1 & 6.*

*Liu. decad. 3 l. 3. Flor. epit. lib. 2. c. 2. polib. lib. 4.*

*Cæsar. de bell. ciuil. lib. 3.*



verticem obsecro Romani imperij depressit? quid eius membra dilumbauit nisi voluptas? Cum enim Asiam Romani obtinuissent, eius populi libidines, voluptates & mores laxiores imitati, tanquam musica contento impetu in telam aranę inuolantes, ita irretiti delicijs Asiaticis Romani, capti fuere & exscissi. Ceterum vero victus austeritas & abdicatio voluptatum, militarem fortitudinem semper confirmavit indurauitque. Neque aliud (vt mihi videtur) feros illos Scitatas ad tot victorias erexit, vt armis ferme orbis terminos complecterentur, quam vitę durities, rigida seueraque corporum curatio. Merito ideo Demaratus, (vt narrat Herodotus) Lacedęmonios fortissimos milites ac strenuos in acie pugnatores ideo Xerxi affirmabat, quod alumni essent pauperratis & hospites virtutis. Inter Gallos pro fortissimis semper habitos Belgas narrat Amianus Marcellinus: quos tamen constat a voluptatibus maxime abhoruisse. *Harum omnium apud veteres BELGAE dicebantur fortissimi: ea propter quod ab humaniori cultu longe discreti, nec aduenitit effeminati delictis, diu cum Transibenanis certauere Germanis.* Aliter autem Aquitanis res accidit, de quibus hęc idem Marcellinus: *Aquitanis ad quarum littora, vt proxima placidaque, merces aduenititia conuebuntur, moribus ad molliem lapsi, facile in ditionem venerunt Romanam.* Consulto ideo Marcellus, cum Cyrcusas recepisset, Veneris Ericinię templum extra portum fundauit, vt luxuria a ciuibz procul pelleretur.

Herod. l. 76.

Marcellin. li. Cron. 15.

Marcellin. ibid.

Alex. ab Alex. lib. 2. cap. 4.

Aliud quoque est, quod ad voluptatum odium maxime faciet: illi nimirum adiuncta crudelitas, & efferatę cuiusdam bellę natura. Ita enim euenire solet, vt qui plus nimio voluptatibus sunt dediti, & erga seipos indulgentissimi, idem reperiantur in alios seui, truculenti, inhumani. *Impiorum viscera sunt crudelia.* Quid delitiosius Tyberio ex vario libidinum genere turpissimo? eodem crudelius nihil: cuius immanis furor nec matri nec filijs vel nepotibus pepercit: Vnde obferitatem dictus, *τὸν ἰμῶτι συμπεσόντων.* Lutea sanguine concreta massa. Caligula nefandę voluptatis monstrum, qui (vt scribit Suetonius) dum in Germaniam proficisceretur, *Adeo segnitę & delicate, vt ocluphorę veheretur, atque a propinqua vrbiū plebe verri sibi vias & conspergi propter puluerem exigeret.* Vltra modum tamen omnem crudelis exstitit: ita vt sanguine humano delectaretur. Romanę ciuitatis vnum iugulum esse optauit, quod ipsius gladio amputaretur. Vxorū nuda colla exoscularus, subrisit sępius, dicens se ea cogitatione mirifice delectari, qua secum reputarat tam speciosas ceruices, ipsius verbo illis posse præscindi. Nero omnium hominum immanissimus, turpissimis iuxta arsit amoribus: de cuius voluptate hęc Suetonius: *Cenatio*

Voluptas crudelis.

Prouerb. 22.

Suet. Tiber. cap. 37.

Sueton. in Calig. cap. 43.



*Sueto. Ner. cap. 28.* nes eius laqueatae tabulis eburneis versatilibus; ut flores ex fistulis, & unguenta dea super spargerentur. Istius autem bestiae crudelitas in matrem & amicos quosque deserviens, notior est, quam ut in praesentiarum exponatur.

*Lamprid. Commod. Aurel. Vell. Commod.* Commodus, ille hostis Deorum, parricida senatus, idem libidine sedus & seuitia plusquam efferatus. Humanæ generis monstrum Heliogabalus, Tiberinus, Traçtitiuſ, immensis suis voluptatibus stupendam plane feritatem adiunxit. Maxentius adeo lasciuus & effuse petulans extitit, uti matronas nobiliumque feminas vi raperet ad concubitum. Idem tam ferinis moribus, uti atroces milites in innoxiam plebem sæpius immitteret, qui quosunque obuios promiscua & confusa cede sternerent. Atque ut antiquioribus istis recens aliquod exemplum adiungam: Henricum octauum Angliæ Regem, ex quo hæresis apud nos profapia traxit, è suis tenebris in lucem educam. Omnium iudicio, ipsius etiam Lutheri constat hominem hunc impurissimum fuisse. Legitima etenim nondum abiecta vxore, pellicatus crimen sibi consciuit: Deinde coniugalis thori sociam spernens, vario vagoque captus amore, in immensum eius voluptas & Veneres proruperunt. Abdomini vero ita indulſit; uti propter corporis obesi pondus, pedes vix incedere potuerit: nedum gradus ascendere. Propterea cathedra inclusus, in superiora ædium funibus ferreis rotulis implicatis, trahitur. Cuius sæuitiam si cogitemus, nihil atrocius aut magis crudum apparebit. Consulares viri quamplurimi eius gladio ceciderunt; nobiles omnis generis ad mandatum eius securi feriuntur: Ecclesiastici & Religiosi immani supplicio ex sententia tam truculenti principis passim afficiuntur: etiam ipsius vxores, eius manus non effugerunt: duarum enim ceruices ferro scindi curauit. Sed neque difficile erit istius rei causam & principia exquirere, qui enim voluptatibus vitam suam, studia, & cogitationes deuouent, mollitiem quandam inde contrahunt: uti euirati prorsus videantur: proinde ob hanc teneritudinem, nihil ita diffugiunt & horrent, atque tristitia acerbique, summum malum & extremam miseriam in talibus constituentes. Itaque animis nequaquam securi omnes euentus timent, quælibet suspecta habent, à quibus aliquid acerbitalis ipsis possit accidere: atque ideo deserviunt in alios, nec tamen satisfaciunt crudelitati suæ. Quæ cum satis disputata sint in odium voluptatis, inquirendum deinceps, quibusnam institutis ex orthodoxorum placitis, munita sit hominum vita contra teterrimam hanc pestem, corporum animorumque labem sedissimam. Christianam quidem perfectionem, in abdicatione istius lenocinii positam affirmamus. Sicut enim vitiorum

metropo-

*Ratio quare voluptas crudelis.*

*Voluptas Christianæ professioni repugnat.*



metropolis est voluptas, (vt loquitur Clemens Alexandrinus) ita pio- *Clemens*  
rum studia præsertim collocantur in recessu quodam ab hac impuri- *Alex. 7.*  
tate. Quamprimum enim originalis noxa humanum genus perua- *strom.*  
serat, statim vitiatus appetitus, & à ratione auersus, in delicias sen-  
suumque immoderatas iucunditates immodice inclinauit. Beneficio  
autem Christi in libertatem assertis, ea nunc incumbit cura, non qua  
solum deperdita iustitia acquiratur ac conseruetur: verum etiam qua  
effrenis concupiscentiæ nimia exultatio strictiori seueriorique disci-  
plinæ lege reprimatur. Acrimoniam hanc & voluptatis repudium pec-  
catum primo induxit. Eapropter Adamus statim ab ipsa præuarica-  
tione admissa, corpori suo ad illud exulcerandum, folia ex ficu ad-  
hibuit. *Condignum* (inquit Tertullianus) *inobedientiæ amictum fecit, conter-*  
*ritus timore Dei, & retundens potulantem carnis impetum.* Delictum quoque  
Euam, atque illius sexus alias, hac sententia acerba admodum per-  
strinxit: *Multiplicabo erumnas tuas & conceptus tuos: in dolore paries filios, &*  
*sub viri potestate eris, & ipse dominabitur tibi.* Qua de causa terra pariter  
hec maledictioni subiecta, spinas & tribulos germinauit; homini la-  
bores & sudores peperit: vt intelligamus vitæ asperitatem nos post-  
liminio in paradysum reducere, sicut voluptas ea exegit atque expul-  
lit. Proinde nihil Christiano minus in hac vita expetendum, quam  
voluptas. Alio enim tendit, vbi erit consequenda: hic pretium  
effunditur, alibi questus constituetur: hic cursus, alibi brauium: hic  
accelerandū, & in agone contendendū, alibi quiescendum præmiūq;  
obtinendum. Neque aliquid ferme adeo luculenter Christianum  
hominem ab ethnico aut hæretico distinguit, ac vitæ genus austerum  
& delicijs vacuum. *Lugeamus ergo* (vt inquit Tertullianus) *dum ethnici* *Tertul. lib.*  
*gaudent, vt cum lugere ceperint, gaudeamus: ne pariter nunc gaudentes, tunc quo-* *de spectac.*  
*que pariter lugeamus. Delicatus es Christiane, si in hoc sæculo voluptatem con-*  
*cupiscis, imo nimium stultus, si hanc existimes voluptatem.* Manifestius autem  
hoc euadet, si orthodoxorum placita quædam percurramus.

Peccati expiatrix dolorum, qui intimo animi angore, gemitibus  
lachrymisque contineatur, statuimus: quem cum concilio Triden- *Dolor oppo-*  
tino eam dicimus penitentiam, quæ ante baptismum ab adultis agi *nendus vo-*  
oporteat, qua nos à Deo auersos appetitu voluptatis, ad ipsum ve- *luptati.*  
luti iustitiæ solem conuertimus. *Nunc ergo, dicit Dominus, conuertimini ad* *Cō. il. Trid.*  
*me in toto corde vestro, in ieiunio, & fletu, & in planctu, & scindite corda vestra,* *sej. 6. c. 6.*  
*& non vestimenta vestra.* Sicut enim cupiditas rei illicitæ animum affi-  
xit, ita dolor & acerbitas eandem reuellunt, & iusta quadam com-  
pensatione facti adhibita, pœna delicias exequant. *Exitus aquarum dedus*



- Psal. 118.* xerunt oculi mei, quia non custodierunt legem tuam. Quo quidem dolore imitatur serpentes, qui transitu per angusta veterem pellem exuunt, & tanquam sacerdotes, victimam spiritus carnisque Deo istiusmodi penituntine offerimus. Non enim (inquit Augustinus) ut supplicem Deo, empturus sum de transmarinis locis, aut ut exaudiat me Deus meus nauigabo, ut de longinquo afferam thura & aromata: aut de grege adducam vitulum vel arietem. Apud me oratio Deo vita mea. Intus habeo victimam, quam immolem. Intus habeo ibus, quod imponam. Intus habeo sacrificium, quo flectam Deum meum. Sacrificiū Deo spiritus contribulatus. Neque molle aliquid, blandum, aut delicatum sonat prioris vitę correctio, sed potius asperum, acerbum, & rigore plenum: qualem illorum fuisse veterum Christianorum testatur Tertullianus. De ipso quoque habitu atque victu mandat, sacco & cinere incubare, corpus sordibus obscurare, animam meroribus deijcere, illam quę peccauit, tristi tractatione mactare. Caterum pastum & potum adhibendum, non ventris, sed animę scilicet causa, plerumque vero ieiunijs preces alere, ingemiscere, lachrymari, & mugire, dies noctesque ad Dominum Deum suum, presbyteris aduolui, & aris Dei adgeniculari, omnibus fratribus legationes deprecationis sue iniungere. Purgatis ita animabus dolore, iustitiaque recepta, partim ad coercendam concupiscentiam, ne iterum efferuescat, iustitiamque excutiat: partim ad soluendam pœnam temporalem, delictis eorum facta remissione adhuc debitam; duriter vitam instituiamus, & in salicibus suspendentes delectationum organa, in recordatione celestis Ierusalem gemimus, & vbertim lachrymamus. Nam ut docet D. Cyprianus. Orare oportet impensius & rogare, diem luctu transigere, vigilijs noctes ac fletibus ducere, tempus omne lacrymosis lamentationibus occupare, strato solo adherere, cineri in silicio & sordibus volutari: post indumentum Christi perditum, nullum hic iam velle vestitum: post diaboli cibum malle ieiunium, iustis operibus incumbere, quibus peccata purgantur, elemosynis frequenter insistere, quibus à morte animę liberantur. Istis autem pietatis exercitijs, paschalia festa preuenientes Christiani, vel maxime tunc studere soliti sunt. Quando, inquit Epiphanius, apud nos fiunt humi dormitiones, castitates, afflictiones, siccorum esus, preces, vigilię, ac ieiunia & omnes animarum salutes, per sanctas afflictiones. Profusas autem nostrorum hereticorum libidines, quadragesimę preceptum transcurrentes, eo tempore in antiquis illis apostatis taxans, subiunxit: Ipsi à summo mane obsonantur, carneque ac vino venas suas explentes cacinantur: ridentes, ac subsannantes eos, qui sanctum hunc cultum hebdomadis paschę perficiunt. Nos autem consilium Apostoli sequimur, Mortificate membra vestra. Eius exemplum imitatur dicentis; Castigo corpus meum, & in seruitutem redigo. Adimpleo ea quę de sum-
- passionum



*passionem Christi.* Atque hac ipsa de causa, nobis grata emissâ à Deo calamitas : qua à voluptatibus auocamur. In fornace quippe tribulationis Angelum inuenimus, qui nos flammis concupiscentiæ eripiat. Laboramus vt caro spiritui subiaceat. Timemus enim, ne cum corporibus indulserimus, recalcitrent, & ausu nefario in Dei mandata inuolent.

Coloss. 1.

Dan. 5.

Hæresis vero quam luxata laxataq; ad voluptates? ad omne genus turpitudinis quam proiecta? hæc terribilissima labes pristinos iuxta, & neotericos hæresum auctores fautoresque notauit, sedauit. Delectatio turpis eorum sectam infamem fecit: adeo vt aulim dicere, nemini Calvinismum vel Lutheranismum arridere, nisi aut virtutis odium, vel extrema inficitia sensus eius obrinuerit ac ceperit. Quod si (vti oculorum testimonium famamque publicam omittam) dilucido argumento verum esse haud ostendero, vel ex ipsorum dogmatibus confectarium esse non probauero: contumeliq; iustissime crimen mihi inuri patiar. Atque vt imprimis in vniuersum hæreticorū ingenia despiciamus: verissimum comperiemus illud Clem. Alexandrini: *Hæresis ab initio habet aures, quæ non audiunt quod est vile, sed solum patent eis, quæ dicuntur ad voluptatem.* Quo in genere egregie ab istis ita à principio erratum fuit, vt mulierum patrociniū passim affectarent, vel earum greges sequerentur ad explendam turpem ipsorū libidinem. Hanc quoque labem in hæretico ingenio infixam penitus, tempora Apostolica detexerunt. *Captiuas ducunt mulierculas, oneratas peccatis, quæ ducuntur varijs desiderijs.* Quorum vestigia Simon Magus directa insequutus, suam in delicijs habuit Helenam: Nicolaus pariter choros duxit feminarum: Marcion suam circumdixit: Apelles meretriculis omnino deditus: Gnostici impune innoxæque passim scortantur: Valentinianorum in sedis istis libidinibus progressus ita nobis refert D. Iren. *Alij vero valde modeste in principio quasi cum sororibus fingentes habitare, procedente tempore manifestati sunt, grāda sorore à fratre facta.* Marcus impurissimus Ganeo, de quo idem Irenæus) qui in incantandis excantandisque mulieribus totus fuit occupatus. Montanus feminarum suffragijs fretus, se spiritum sanctum esse dixit in carne subsistentem. De Arrianis hoc fuit elogium Athanasij: *omnes certe apud illos sordibus scatent, & eorum catafropi, qui minime sunt Episcopi, longe maculissimi sunt.* Pelagium ita describit Hieron. *Nec recordatur solidissimus Scotorum, pulsibus prægrauatus.* Mores Iouiniani deficientis monachi, & ad hæreticorum partes transfuga, ita idem Hieron. expressit: *Nam cum monachum se esse iactitet, & post sororē suam nudam, & nudos pedes, & cibariū panem, & aquæ potum, ad candidam ve-*

Hæresis voluptuosa.

Clem. Alex. Strom.

2. Timot. 3.

Iren. lib. 1. cap. 1.

Hieron. ep. ad Entesip.

Tertul. l. 3.

cont. Marcion Prae-

teol. Marc.

Clem. Alex.

2 Strom.

Iren. cont.

valent.

Iren. l. 1. c. 1.

Iren. sup.

Athanas. ep.

ad solitar.

Hieron. præ-

fat. in Ier.

Hieron. l. 1.

cont. Iouin.

stem,



*Hæretici  
feminarū  
aucti. pa-  
trrocinio.*

*Optat. Mi-  
leu. lib. 1.  
Hieron. ep.  
ad Ctesiph.  
Optat. sup.*

*Prateol. in  
Manich.*

*Concil.  
Ephes.  
Sess. 3.*

*stem, & nitidam cutem, ad mulsam, & elaboratas carnes, ad iura Appij, & Paxami, ad balneas quoque ac fritellas se conferat; manifestum est, quod terram calo, vitia virtutibus, ventrem præferat Christo, & purpuram coloris eius, putet regna calorum. Et ut hæresis se veneriam, effeminatam, fractamque esse proderet, historici consignatum nobis eorum monumentis reliquere, famosissimi hæreses Garchas, sub præsidio ac tutela feminarū perpetuo delituisse. Arrius forte sem principis, erroris sui fautricem delegit, sub cuius vexillis militaret. Donatus Lucillæ opibus suffultus, partium studium & atrocissimum illud in Africa scisma conflavit. Scisma (inquit Optat. Mileuitanus) illo tempore confusa mulieris iracundia peperit, ambitus nutrit, auaritia roborauit, & post : Maiorinus contra Cecilianum ordinatur, qui fuit famulus Lucillæ. Manichæus constuprata principis filia, hæreseos intesta signa extulit : vt narrat Prateol. Dioscorus quoque (sicut refert consilium Ephes.) suam Pansophiam habuit in ipso Episcopio, & alias, cum quibus publice se in balneis lauabat. De ceteris dicere supersedeo. Quod si nostrorum hæreticorum cætus excutere velimus, vbi popina aut lupanaria non eminebunt ? Pulcra illa ædificia, religionis & doctrine ergo, magnificentissime quondam à nostris constructa, mulierum turbas iam habent : & in ipsis spacijs academicis, imo collegiorum arcanis, licet iuuenili cursu puellas ludibundas discurrentes videre cum adolescentibus. At mirum non est hosce ita feruere ac ruere ad voluptates. Dogmata enim quibus eorum animi imbuuntur, ad voluptatem instituunt prorsus. Fidei tantum iustitiam adscribunt : verum nulla libido aut cupiditas cum fide depugnat ; huic etenim infidelitas tantum opponitur : quandiu idcirco animis de mysterijs non hæsitant, neque scripturis vel Christo diffidant, tamdiu impune valebunt Veneri indulgere, omnemque sequi libidinis ductum : interim iustitiæ candor nulla fæditate deturpetur. Si mihi dicant, istiusmodi factis ipsam fidem eijs & exterminari : lepidum quid proferent. Quasi nemo adulter aut rapax nisi hæreticus vel infidelis ? Quis itaque dæmon aut furia instigare acrius poterit homines ad nefandas voluptates, quam Calvinista sic de iustitia fidei definiens ? Ecclesiam isti perpurpare velle cupiunt videri : in prostibulo tamen eam collocant & sentina. Verum istis ita modus iam constituatur, de eisdem alias amplius tractaturi.*

*Quibusnam*



*Quibusnam virtutibus diuitiarum immoderata appetentia  
sit coërcenda?*

## CAPVT IX.



Genus quoddam voluptatis est, cuius immensum deside-  
rium illorum animos vertit, qui externis inhiant diui-  
tiarum emolumentis. Duplici etenim bono appetibi-  
lium ratio dispertitur: honesto nimirum & delectabili.  
Hæc etenim sui gratia tanquam fines solum incidunt  
in hominum vota: reliqua aliorum causa expetuntur. Cum autem  
perspicuum sit, auarum quod honestum est non preponere sibi: conse-  
quens erit, unicam delectationem omnes eius molitiones ac studia  
spectare. Istius autem dilecti seu ægritudinis natura prius à nobis  
aperienda discutiendaque videtur: mox rationum momenta in me-  
dium adferenda, quæ huic grauissimo malo remedium aliquod adfe-  
rant opportunum. Auaritia, uti eam definit Cicero, *Opnia est vehemens  
de pecunia, quasi valde expetenda sit, inherens & penitus insita.* D. Thomas  
eandem sic describit: *Auaritia est immoderatus amor habendi.* Vnde liquet  
(neque hac de re sententijs certari solet) auaræ expeditionis obiectum  
diuitias esse, & humanæ vitæ externa emolumenta. In disceptationem  
tamen venit, utrum opes ipsæmet sint auaro expetibiles, an vero ea  
ratione tantum, qua ad aliquid aliud adiumentum conferunt: vtilēs  
etenim animaduertimus esse pecunias ad honores, ad victus ac vesti-  
tus cultum, ad voluptatum blanditias. Quocirca uti obiectum auaræ  
aut tenacis cupiditatis constituatur, merito inquireret aliquis, utrum  
diuitiæ crimine auaritiæ sui gratia quærantur, an vero uti relatæ ad alia  
bona, quæ pecuniarum proventus estimantur? Quod si quis statuendum  
arbitretur, ipsæmet lucra & quæstus sui gratia desiderari: is laborabit  
omnino, uti in obiecto auaritiæ rationem ostendat boni delectabilis.  
Nam ulterius diuitiæ si relatæ non fuerint, sed in suis naturis spectatæ,  
aridæ prorsus, inane, atque iniucundæ videbuntur. Ex quibus nullo  
plane sensu voluptas hauritur in arca reconditis, nisi dicamus inescari  
oculos florenti ac fuluo auri colore: aut eisdem gratam esse obruti  
thesauri rubiginem. Ceterum pecunias ipsas sui gratia experi ab auaro  
probabilius censebitur. Qui etenim hoc vitio laborat, is nihil pensi  
interim ducit luxum, aut quamuis aliam libidinem, ostentationem  
sui vel etiam dignitates non suspicit vel admiratur. Satis ab ipso repu-  
tatur

*Auarus de-  
lectationē  
persequitur.*

*Cicero 4.  
Tuscul.  
Thom 1.  
2 q. 118.  
art. 1.*

*Vitæ obie-  
ctum aua-  
ritia sit  
pecunia, an  
aliquid ex  
inde proue-  
niens*

*pecunie  
ipsæ obiecto  
auaritiæ.*

P P

tatur



tatur inter diuitias suas congestas squalere, omnemque vitę duritiem contemptumque subire. Illi proinde neglecta corporis cura, amibitus abiectus, literarum monumenta & insignia nullo loco habentur: denique quicquid voluptatis externo sensu perceptibile est, omnino reijcit atque spernit avarus. Insuper etiam si quis dixerit avarum in corrogandis pecunijs versari eo fine, vti inde lautius viuat, vti ampliori fruatur familia, vel vti sibi viā paret ad honores & publica reipublicę munia: consecrarium erit vnus noxę delictum non inueniri in vitioso & immoderato appetitu diuitiarum; sed varium & diuersum: proinde ad rem paulo auidiorem debere quoque esse epulonem, elatum, aut alterius criminis culpa sedatum affirmandum: quod tamen nemo iure sentire poterit. Imo si hoc pacto avaritię delictū decernatur ex amore, aut nimia tenacitate pecuniarum, non tam avarus quis erit, quam luxuriosus, vanus, intemperans: sicut qui furatur vt mechetur, non tam fur est quā mechus. Quod si rationem obiecti in ipsismet diuitijs non constituerimus, sed in re quapiam alia sensui iucunda: spetiale ac proprium aliquod peccatum non erit avaritia, sed diuitiarum nimia appetentia referetur ad delectabile sensus, gustus, aut tactus, vel etiam honores: atque sic ob eundem finem & idem motuum, coincidet avaritia in eandem speciem cum alijs vitijs. Verū neque satis probabiliter existimabit aliquis diuitiarum auaram cupidamque adgestionem, vitę necessariam spectare sustentationem: quasi quis plus æquo sollicitudinem vitę curamque suscipiens, eo fine sibi coaceruet pecuniarum subsidia, ne improuium illi aliquando sit de hisce ad vitam necessarijs. Nam qui immoderate erga vitam tutandam afficitur, non avarus, sed illi potius virtuti repugnans, qua quilibet ex instituto naturę seipsum moderate diligere tenetur: modum enim in hoc etiam amore nimia indulgentia excedere possumus. Eapropter in ipsismet diuitiarum cumulibus continetur illud bonum delectabile, quod tantopere ab auaro expetitur ac inquiritur. Vt enim disserit D. Thom. *Delectatur avarus in hoc, quod considerat se possessorem diuitiarum*: quare istius vitę emolumenta, sub ea ratione qua aprehenduntur illius voluntati & imperio subiecta, ad quem spectat eorundem vsus, bonum quoddā constituunt delectabile. Quo excitus appetitus cum fuerit, ad durissima agrestiaque tenacitatis consilia hominem transferet. Atque cum diuitiæ naturis suis alterius rei causa expetendæ sint, in eo se peruersum asserit avarus, quod illas sui etiam gratia affectat. *Illæ enim (vti inquit Aristotiles) vtilis sunt duntaxat, & propter aliud expetendæ.*

Cuius quidem cupiditatis deformitatem cum multa arguant: tum  
nihil

Thom. 2.  
2. q. 118.  
art. 6.

Arist. 1.  
Eth. cap. 5.



nihil magis hoc ipso, quo perspicere possumus vtriusque generis delictum vna avaritię culpa coërceri. Illam quidem in vniuersum actiōnes prauę partitionem admittunt, qua carnales aliquę, alię vero spirituales nuncupantur. Carnales dicuntur, quę ipsius carnis titillatione quadam iucundoque eius sensu perficiuntur. Spirituales autem, quę appulsum non habent crassioris alicuius delectabilis ad corpus: sed dimanant ex apprehensione alicuius boni extra nos positi, & quasi immunitis penitus ab omni sensibili concreione: quo quidem modo avaritia peccatum erit spirituale; nam vti docet D. Thomas: *Circa corporale obiectum non querit auarus delectationem corporalem, sed solum animalem.* Ex parte tamen obiecti, minirum pecuniarum, quę materiam crassam habent, ex quibus voluptas omnis petitur, vitium est avaritia quoddammodo carnale & sordidum. Quare quum genere ipso peiora sint delicta spiritualia carnalibus: quandoquidem ipsa anima perpetrentur immediatius: & propter defectum incentiui corporei gradum voluntarij habeant intensiorem, (quę duo multū faciunt ad grauitatem peccati) ex istis quoque avaritię vitium detestabilius retriusque redditur. Cum etiam cupiditas istę circa vile aliquod obiectum versetur, atque sensui perceptibile, sceleris quoque & noxę carnalis aliquid & lulentę admodum contrahit: vnde vtrinque scēda homineque plane indigna exillit.

Naturis porro rerum abutitur auarus, vltro illis aliquid concedens, quod ipsis non competit: veluti si quis ex seruo dominum sibi constitueret. Quo manifesta euadit illius animi abiectio, quem ad diuitiarum appetitum immoderatus rapit habendi amor. Quod quidem recte ab Aristotele animaduersum accepimus: *Cum autem vita in pecunie quarenda studio versatur, ea laboriosa est, minime vt ita dicam, vitalis. Et profecto in diuitijs non est id bonum quod querimus positue: ille enim viles sunt duntaxat, & propter aliud expetendę.* Diuitiarum ea est natura & conditio quę famuli; alijs enim rebus ad vitam humanam pertinentibus administrant: ideoque viles solum dicuntur; quasi relata ad alia bonitatem sortiantur. Auarus vero in ipsis pecunijs sistit, illisque inheret, vti vltimo suorum studiorum fini; nihil aliud expectans inde quā ipsum lucrum & quæstum. Ex quo manifestum est, nullum prorsus vitium ita appetentis mentem deicere, atq; avaritiam. Cætera enim, vtpote luxuria ex delectatione tactus, intemperantia ex suauitate gustus, superbia ex honorum ambitu circa ea versantur, quę insitæ aliquid proprięque bonitatis habent, neque extrinsecus relata: sed tanquam fines sui causa appetuntur. Amor autem & tenacitas diuitiarum

*Avaritia  
crimen spi-  
rituale &  
carnale.*

*Thom. 2.  
2. q. 119.  
art. 6.*

*D. Thom. 2.  
2. q. 73.  
art. 5.*

*Anton. 2.  
par. 11. 1.  
cap. 2. 3.*

*Avaritia  
vitium vi-  
lissimam.*

*Arist. 1.  
Eth. cap. 5.*



Ciceron.  
lib. 1. off.

Di. cedo  
vera non  
ineſt auaritia.

tiarum in his occupantur, quæ naturis ſuis ad alia referuntur, atque mancipia eſſe videntur. Iuuant enim pecuniæ ad delicias, conferunt etiam ad honores: viliffimum idcirco inter omnia vitium eſt auaritia: quod diſtinetur circa ea, quæ maxime ad alia ſunt inſtituta, quorumq; uſus cæteris vitijs ſubijcitur & ancillatur. Vnde Cicero: *Nihil enim eſt tam agreſtis animi, tamque parui, quam amare diuitias.* Delectatio etiam illa, quam tenaces aridique viri aucupantur: ſicut vilis admodum eſt, ita ferme nulla aut exigua, quæque inani mentis cogitatione magis adumbrata videtur, quam rei veritate ſolida & expreſſa. Nam ſi quis ex pecunijs liquidam velit voluptatem conſectari, nihil ad hoc inſtitutum accommodatius, quam eaſdem ad ſenſuû oblectamenta tranſferre. Veluti incidens in fauum mellis, ſi exinde delectationem ſpectet, ori potius admouere debebit fauum, quam in ſinum recludere. Ita ſi diuitiarum aliquid ſit ſucci ad iucunditatem conferentis, ipſo ſumptu exprimiendum atque ſenſu aliquo percipiendum.

Horat. Ep.  
ad Pol.

*Si ventri bene, ſi lateri eſt, pedibusque tuis, nil  
Diuitiæ poterunt regales addere manus.*

Eccle. 5.

Baſil. ho-  
mil. de ab-  
dic. rerum.

Luce 12.

Quod enim perſequitur incontinens vel intemperans, vera eſt voluptas, quæ ſenſum aliquem afficit ac ferit. Auarus autem etiam ſine lucro aliquo (cum tamen nihil quam lucrum quærat) effundit ſe ad ea, quæ extra ipſum ſunt poſita, ab omni ſenſu eius remota, atque in angulum ſeu reſeſſum ablegata. *Et quid prodeſt poſſe ſſeri, niſi quod cer- nit diuitias oculis ſuis?* Cui præterea illæ curæ ſubrepunt & ſollicitudines, quæ omnem plane iucunditatis ſenſum illi adimunt; neque permit- tunt vel tantillum temporis, vt ſoluat parum animum laxetque ab illis quibus diſtringitur anxietatibus. Propterea quidam concinne (vti mihi videtur) exquisitum ab avaro ſerpenti comparauit aurea theca incluſo. Thæcæ quidem præſtantia aut fulgor ſerpentis naturam non abiicit; à quo inibi deliteſcente haud minus trepide refugeret quis morſum timens, ac ſi in alio loco turpiori ipſum inueniſſet. Sin autem angores illos & cruciatus, quibus diuitiæ conficiunt plane & deua- ſtant auari mentem, deſpiciamus, ſerpentem auro inuolutum repe- riemus; quod quidem aurum ſerpentis ſtimulum non rerundit, ſed exacuit, venenum non aufert, ſed adfert. Quos quidem dolores & acerbitates, quibus auari animus diuexatur, parabola quadam lucu- lenter admodum deſcripſit ſaluator Chriſtus, qui locupletem & ad rem ſuam attentio- rem hæc inducit proferentem: *Quid faciam, quia non habeo quo congregem fructus meos?* Poſt immenſos labores inſumptos, poſt ingeſtos theſauros, anxij & perplexij animi hæ ſunt voces: quid fa-  
ciam?



etiam? Qui extrema indigentia conflictatur, & iniquissimæ fortunæ mole oppressus periclitatur, quid efferre poterit tristius aut magis lugubre, quàm ancipiti cura distractus diues illic; cum dicat quid faciam? Hæc præmia & fructus sunt auaritiæ, angustia, & cum summo dolore animæ fluctuatio. Duplici autem ex causa diuitiarum appetitor penam sibi consciscit. Primo illa seria cogitatione sæpius repetita, atque in gyrum acta, qua suis rebus ita providere studet; uti in tuto ipse semper consistant. Proinde omnia illi suspecta euadunt & ad prædæ suorum bonorum agendam comparata. Quo pacto immodici amoris affectæ timor & suspicio flagris diuitis animum perpetuo diuerberant. Æstum hunc in se bene senserat Euclio Plautinianus; quo & ad ridiculam quandam insaniam adductus fuit. Gallum enim gallinaceum alioquin sibi longe charissimum, exerto gladio occidit; quod occeperat circumcirca ubi defossa erat ipsius pecunia ungulis scalpurre. Deinde partis iam diuitijs vehementissima quædam incrementi cupiditas hominum pectora solet insidere: *Crescit amor nummi, quantum ipsa pecunia crescit.* Neque si omnes venæ in secturis auri per vniuersam terræ molem sparset, thesauros suos in vnius auari sinum effunderent, tantam aliquando explerent appetentiam:

*Crescit ingens sibi dirus hydrops,  
Nec scit pellit, nisi causa morbi  
Fugerit venis, & aquasus albo  
Corpore liquor.*

Plaut.  
Aulul.

Horat. 2.  
carm. 63  
Psalm.

Desiderium autem illud habendi cum animum alicuius ceperit: quod nondum habeantur expetita, sed incertis casibus obiaceant, fieri non potest quin sensus torqueat vehementius. *Crescentem sequitur cura pecuniam.* Onustus idcirco angoribus diues ille in hæc verba gembundus erupit, quid faciam? Nec mirum sane: tam enim auaro deest quod habet, quam quod non habet; & diuitiarum aggeribus circumsepti, (ut inquit Psalmista) *Egesserunt & esurierunt.* Tandem hanc sententiam secum iniuit locuples: *Hoc faciam, destruam horrea mea, & maiora faciam:* quibus duo indicantur auaritiæ propriæ & germani effectus. Primus displicentia quædam, seu fastidium eorum, quæ possidentur: ita ut acquisita partaque nullam prorsus voluptatem domino adferant; idcirco animi pertæsus dicit, *Destruam horrea mea.* Alter immensus est ardor cupiditatis erumpens in negotia, studia, & afflictiones multiplices, quibus augeri possint comparatæ diuitiæ: eaque de causa subiunxit: *Et maiora faciam.* In quamcunque demum partem (ut liquido constat) se moueat tenax, illum acris perpetuo distractio ex-

Psalm. 33.

PP 3

ci-piet.



**Luce 12.** cipiet & tristitia grauis. *Videte & caute* (inquit Christus Dominus) *ab omni auaritia, quia non in abundantia cuiusquam vita eius est, ex his quæ possidet.* Quare ad leuandum animum varijs curis perplexum, deponendum suadet diuitiarum studium. Atque in exempla proponit liberioris vitæ coruum cæli & lilia agri: quorum vis omnis & pulchritudo folius Dei munificentia, sine ambigua ipsorum sollicitudine acquiruntur & sustentantur. Ceterum expetite diuitiæ non quietem pariunt, sed turbulentiam potius: non tam vitam iucundam reddunt, quam omnis generis acerbitate plenam. Et quemadmodum marini fluctus inuicem succedentes, reciproca vi naus latera pulsant: ita diuitiæ varios animorum motus effundunt; & quamprimum iste sedatus fuerit, alius subinde exurget, qui rationem quoque vehementius urgeat. Neque huiusmodi agitatio aliquando sistitur, etiam cum diuitiæ exuberarint, sed denuo nouarum semper curarum principia se ostentant & eminere videntur. Quibus malis implicitus Achab, ingenti ex auaritia dolore pressus, lecto decubuit. Rex quidem exitit, atque opulentus satis: vinea tantum Naboth illi deerat, quam quod in potestatem sui iuris iniqua postulatione redigere non poterat, adeo sui impos effectus fuit miser, vt nec regale sceptrum, neque amplissima patrimonia, vel vxoris blanditiæ ipsum tutari valuerint, quominus ingruenti morti viribus animæ corporisque labascentibus, turpiter Rex, diues, & auarus succumberet. *Angustiat* (inquit Ambrosius) *ex abundantia, constringitur & coactatur ex opulentia: infelix in presentibus bonis, infelicius in futuris, & vt video ager non tam redditus largiores, quam gemitus attulit grauiore.* D. etiam Cyprianus nobis graphice depingit æstus illos & angores, quos experiuntur auari: *Non cibus securo somnuso ve contingit, suspirat ille in conuiuio, bibat licet in gemma; & cum epulis marcidum corpus, thorax mollior alto sinu condiderit, vigilat in pluma, nec intelligit miser speciosa sibi esse supplicia: auro se alligatum teneri, & possideri magis, quam possidere diuitias atque opus.* Qua de causa Psalmista (vt adnotauit D. Ambrosius) auaros & tenaces appellat viros diuitiarum: quod diuitiæ coercitos & subiugatos teneant eorum sensus, illisque ita imperitent, vt diuitiæ non sint amplius virorum, sed viri potius diuitiarum. Ad illam etiam animos insaniam opes impellunt, vt nec sanguine ipso tanta illarum rabies possit exsaturari. *Videte diuitias* (inquit D. Chrysostomus) *quas semper vocabam seruum fugitiuum, nec fugacem modo dixerim, sed ἀνδρόπορον. Non enim possidentes deserunt solum, sed ingulant.* Auarum quidē videre licebit macie confectum, subpallidum, squalore & pedore coopertum: cuius vires indies debilitantur, stomachus atteritur inedia, tristi-

*Ambros.*  
*Serm. 81.*

*Cyp. Ep. 1.*

*Psalm. 75.*

*Chrysost. in illud psalm. astitit regin.*

*Auaritiæ senitia.*



eristi aspectu caput in terram defixum; laxantur brachia, vestes incondito & inconcinno habitu, vetustate laceri, vel neglectim sparsi & refluente, corporis formam dehonestant: gressus omnino tardus, anxietate nimia circumspectus; recessus quaerit & diuerticula. In hac tanta abiectione, malorumque illuie, in hac ærumnosa animæ corporisque conflictatione, quis obsecro voluptatis sensus exilit? citius è spinæ aculeo aut serpentis cauda iucunditas accipietur, quam ex diuitiarum cumulis. Quocirca veram sinceramque non adipiscuntur avari delectationem, sed absentem peruestigant, quam etiam mente solum & cogitatione vanissime depingunt: hæc quoque illis illudit, & porrecta oscula tanquam Narcisci vana effigie fallit. Haud incongrue itaque Apolonius Auaritiam harpiam dixit, vultu quidem virgneo, oblandientem; cæterum vncis manibus, pedibusque rapientem omnia, & ventris sordibus comparata inficientem:

*Tristius haud illis monstrum, nec scuior vlla  
Pestis, & ira Deum, stygijs se extulit vndis.  
Virginij volucrum vultus, fedissima ventris  
Proluuijs, vncæ manus, & pallida semper ora fame.*

*Auaritiæ  
imago.*

Commeritam itaque ex avaritia pœnam excepit Caliphas quidam. Cum enim (ut narrat Paulus Venetus) Tartarorum Rex Babylonem oppugnaret, Caliphas iste, qui vrbi præerat, tam deperditæ fuit avaritiæ, ut immensos auri & argenti thesauros, quos in turrim coniecerat, militi in usus belli necessarios impertire recusarit: proinde capta direptaque ciuitate, ab eodem Rege in illam ipsam turrim recluditur, illi cibo & potu negato. Cui Rex istis quoque illudit: frueri thesauro tuo, & ex illo comedere & bibere, quem tantopere dilexisti: atque ita fame miser avarus perijt. Quæ si rite expendimus, spinarum nomine rectissime à Christo Dño designatas fuisse diuitias animaduertemus. Quod si à me quispiam tenacis alicuius diuitis hieroglyphicū quaereret: nudum hominem ponerem, spinarum septo vndique in orbem circumscriptum. In quacunque etenim partem se moueat avarus, aculeum sentiet. Si ulterius sit illi recta progrediendum, quasi ad ampliandas facultates suas, acutissima solitudinis spina eius pectori obuersabitur. Si illi respiciendum sit ad ea, quæ possidet, & brachiorum quasi complexu tenentur, cogitans talia amitti posse, timoris spina lateri eius erit infesta. Denique si de cumulo aliquid imminutum fuerit, vel cogente necessitate sumptus faciendi, à tergo doloris spina ipsum acriter compunget. Quem ideo nudū statui, quod diuitiarum Dominus

*Paul. Venet. lib. x.  
de Regu.  
Orient.  
cap. 16.*

*Auaritiæ  
Hieroglyph.*



nus ipse non sit, sed earum potius mancipium, omnique prorsus voluptate destitutus.

*Auaritia  
mentem  
corrumpit.*

*Salust. de  
coniurat.  
Catil.*

*Euripides  
Herc. Fur.*

*Plat. in  
Cratil.*

*Zach. 5.*

*Alex. ab  
Alex. lib. 4  
cap. 12.*

*Gell. lib. 3.  
cap. 1.  
Auaritia  
hominem  
effeminat.*

Nocuumtum deinde humanę naturę, quod hoc teterrimum infert vitium, animis si reputemus, fieri non poterit, quin illud execrabile plane habeamus. Enimvero quod in homine præcipuum, rationis est lumen: hoc autem auaritię noxa extinguit: quemadmodum & corporis vires enernat, & vt cum Salustio loquar, illius robur omne effeminat. Aptę itaque Euripides *εὐφροσύνην ὀλβὴν μελάνων ἄρμα*. Quassauitque nigrum opulentię currum. Color iste obscurus scite admodum spectabilem exhibet auaritię vim, cum hominis animam detruserit in tenebras, in quibus lucra & quęstus aruscatione consequatur. Hinc si aliquid auaro inculcaueris ad interminam illam beatitudinem, vel etiam ad ipsius Dei cultum conferens: verborum sententiam vix intelligentia sua percipiet. Nec mirum sane. Quemadmodum enim nihil ita oculum auocat aut auertit à conspectu cęli, quam terra: ita terrenę opes auari sensus cum deprefferint inferius, cura & anxia opera districtos tenuerint, fieri nequit vt superius vultum attollens, ea contempletur, quę diuina sunt. Imo quodammodo ad infernum prospectat diuitiarum cupidus, cui vicinę admodum sunt effossę opes. Nam vt animaduertit Plato, congruente nomine opulentus gręce *πλετος* dicitur, quod infernalis Deus, qui arcana abdita terrę beneficia hominibus repandit & effundit, *πλετος* nuncupatur. Ad quem animi ex opulencia descensum adumbrandum, Zacharias propheta retulit mulierem insidisse amphorę, in quam iniecta erat plumbea massa. Abiecit enim cogitationem auaritia, deprimat ad infima quęque, & sub terra animam adhuc spirantem recondit. Vnde Spartę diuitiarum Deum coluerunt, vsurpantes effigiem faciei humanę oculis priuatę atque resupinatę. Iam diximus quidnam illa orbitas oculorum significare posset, modo explicandum quare Spartę hunc vultum ita segniter proiectum voluerunt. Atque hoc ipsum est, quod secundo in loco asseruimus: auaritiā nimirum actioni & molitioni tam corporis quam animę aduersari. Verum dicet aliquis, auaritia nihil operosius, cursus etenim auari pedes perpetuo agitat, cura sensus illius peruigiles habet. Nihilosecius cum Aulo Gellio assero, propriissimā loquendi formulam vsurpatam à Salustio: qua affirmauit, diuitiarum cupiditatem hominis corpus effeminare. Licet enim negotijs quibusdam vmbraticis & cellularijs quęstibus intenta sit cupiditas: tamen quod attinet ad munia publica, & ad militarem præsertim disciplinam, quorum vsu vires hominum coales-



coalescunt, durantur, confirmanturque, ineptissimus prorsus auarus: potius ad hęc mollis, fractus, & delidiosus.

Genus præterea illius boni, quod affeçtat diuitiarum cupidus, tenue & exile admodum est, incertum & omnino fluxum: proinde homine *Auari bona incerta & fluxa.* indigna illa existunt negotia, quæ immoderato quęstui impenduntur. Vnde enim obsecro auri & argenti valor atque species efflorescunt, nisi ex astimatione quadã ciuili & decreto Republicę? naturis quippe suis nihil tale vendicant. Propterea Licurgus cū videret suos immen- *Plutarch Licurg.* te cupiditatis vitio laborare, edicto aurum & argentum vrbe exegit: eorumque in locis ferrū suffecit; idque magnitudinis satis moleste & incommodæ: vti hoc pacto diuitiarum contemptū in ciuium animos induceret. Tenui autem filo suspenduntur, & leui pendent momento opes, quibus seipsum cupidus deuouit: vario subiectę casui necubito consistunt. Quibus etenim fortuna nunc blanditur hilarius, in eisdem postea ieuā & truculenta incurret. Quare Epicætetus Philo- *Epicætet. dialog. triplex fortuna.* sophus triplicem fortunam distinxit: primam cęcam appellauit, quæ nullo habitu delectu, temeraria & confusa sorte beneficia largitur: alteram insanam vocauit, eadem subinde surripientem, quę prius concesserat: tertiam surdam finxit, quippe quę nullis precibus, lacrymis, eiulatu, aut lamentis fleçtitur, sed damno irreparabili quos semel oppressit, eosdē perpetuo mulctat & affligit. Quis tantę temeritati animę suę studia committenda iudicabit? Quem quidem incertum rerum euentum, cui diuitię innituntur, sub figura quadam ita aptissime patefecit Amos propheta: *Et dixit quid tu vides Amos? & dixi* *Amos 3.* *vincum pomorum.* Auaritia, quæ vncis manibus & veluti harpagone obuia quęque rapit, poma tandem cadua lucratur, quæ pueris sunt in delicijs, quæq; senio statim inueterascunt, omnemq; speciem sui amittunt. Sine, stabiles, atque diuturnę arcis permaneant inclusę diuitię: truculenta tamen mors, cuius aduentus plane fortuitus, neque multum abhinc esse poterit, breui omnem hanc gloriam sua acerba diraque falce demeter, & florentium papauerū capita deiçiet. Tunc pauperis atq; diuitis, cū susceptę personę mors laruas excusserit, idem exitus apparebit. Vtriq; nudi ad tribunal tremendi iudicis sistentur. Nuditatem quidem natura inuexit: *Nudus egressus sum de ventre matris.* Diuitiarum autem apparatus & pompam, quasi vestium ornatum, *Iob 1.* auaritię crimen excogitauit: tandem vero mors, direptis diuitiarum spolijs, nudum ex hac vita dimittet. *Et nudus reuertar,* inquit Iob. Hanc cogitationem animis qui non suscipiunt, sed casui temerarioque rerum euentui relinquunt omnia, quid nī stulti sint? Propterea de

Q Q

huius-



Luce 12.

Chrysof.

homil. 2.

illud Psal.

ne timueris

Avaritia

optimis se

opponit

virtutibus

huiusmodi veluti imparato ad impressionem mortis, inquit saluator: *Stulte hac nocte auferent animam tuam à te: quæ autem parasti, cuius erunt?* Tanta illa contentio, labores illi immensi, gressus omnes, corporis animeque curæ assiduæ, ad quam tandem summam reducuntur mihi dicas velim? Referet Chrysof: *Tibi magna vis pecuniæ suppetit, quid hoc ad animam? pecunijs locupletior, pauperior animo, folijs coronatus es, & fructu eges.*

Illis etiam se opponit hoc viciū virtutibus, quæ primum omnino locum tenent; proinde turpius aspectu, ipsoque effectu tetrius existimabitur. Si virtutes omnes in suas classes ordinate distribuere velimus; quasdam inueniemus ad priuatum ipsius qui operatur bonum comparatas tantū, veluti temperantia, continentia: alias vero videbimus ad publicum multorum commodum institutas, quibus inter homines, omnis societas civilis & conuictus coalescunt. Cuius generis existunt iustitia, liberalitas, magnificentia, amicitia, pietas, religio. Quibus cum omnibus quasi ex diametro depugnat avaritia: poindeque merito iudicabitur hominis naturæ inimicissima. Quæ quidem virtutes, quemadmodum obiecta habent fusiora ac præstantiora: ita reliquis eminent, & dignitatis gradu antecellunt. Et cum ex istis quamplurimi emolumentum capiant, eapropter existunt maxime amabiles & alijs spectabiles. Præclarum enim est nihil iniuriæ, iniustitiæ, nihil lucri gratia concedere: sed omnia ad rectitudinis & æquitatis libram administrare, æstimare. Hoc namque pacto seruantur leges, & inter homines politia omnis stabilitur. Cupidus autem pecuniarum ad prædā semper accinctus; & si quid emolumentum ac compendij iniquis modis corrogarit, citius ex corde sibi cuspide sanguinem eliciet, quam ut ipse ablata velit restituere, inflictoque damnum restitutionis æquitate refarcire. Quid porro ad præsens negotium excellentius, aut ad posteritatis memoriam famamque celebrius; quam liberali magnificaq; donatione, & impensis sumptibus post se monumenta liberalitatis relinquare, in memoria hominum cultuq; vigere, florere & perennare? Nihil crederem expetibilius, quam uti vnus ita de multis bene mereatur. Abiecta autem avaritia vitæ consilia detrudit in angulos, araneis contextos telis; inglorium nomen reddit, obliuione sui memoriam obruit, nec patitur quempiam in conspectum hominum prodire, vel aliorum causa magnificū quid exhibere. Ad tutandam amicitiam effundendæ opes; quis inficiabitur, nisi qui amicitia iura violanda censuerit, & dulcissimū hunc vitæ nostræ comeatum, expellendum duxerit? Nam si amico animorum recessus sint deregendi, scrinia obscurata esse non debebunt; manus contracta cum expanso sinu non coheret;



heret; nec auaritia cum amicitia. Huius tamen necessitatem ita Cice- <sup>Cicero</sup>  
 ro exprellit: *Quoniam res humane fragiles caducęque sunt, semper aliqui ac-* <sup>Leius</sup>  
*quirendi sunt, quos diligamus, & à quibus diligamur: charitate enim beneuo-*  
*lentięque sublata, omnis ē vita sublata iucunditas, Largitionis autem modū*  
*ita enarrat idem Cicero: tantum autem cuique tribuendum est, primum quan-*  
*tum ipse efficere possit, deinde etiam quantum ille, quem diligat, atque adiues, possit*  
*sustinere.* Auarus vero veluti Timon ille Atheniensis, ea asperitate est  
 & immanitate naturę, vt congressus societatemq; hominum fugiat:  
 ineptus idcirco ad suscipiendam amicitiam. Et quod non nobis solum  
 nati simus, sed nostri partem maximam patria, quę vitam artibus in-  
 spirauit, illamque aluit, iuste tibi vendicet: ea propter extrahendę  
 nonnunquā pecunię & conferendę in publicam vtilitatem. Sed avari  
 animus angustior est, quam vt hanc gloriam capiat, priuatis commo-  
 dis, non patriam solum, verum etiam & cælū ipsum metitur: ruina  
 arculę magis animo horret, quam casum muri ciuici: & citius pectus  
 obijceret telis hostiū, quam eorū manibus vel oculis thesauros. Quod  
 vero spectat ad virtutem religionis: tametsi præcipuū illius officium  
 internis animi motibus perficiatur, nihilominus sumptus interdū ad-  
 hibet: externo ritui & ceremoniali pompę multum concedit. Quo  
 in genere enituit Salomon, qui templum illud celeberrimum Ierolo-  
 limis extruxit, omnemque eius apparatus splendidissimum effecit.  
 Cui neque inferiores extiterunt Constantinus, Theodosius, Ludoui-  
 cus, alijque principes nostri Christiana fide illustrati; qui tot templa  
 exquisita quadam opera elaborata, ex pretiosa materia fabrefacta, reli-  
 gionis ergo à fundamentis erexerunt: Monachorum choros claustris  
 plane regijs cinxerunt, annuis redditibus omnem illorum curam abun-  
 dantissime subleuarunt: vti ipsi tanquam apes à reliquis feriati nil nisi  
 flores, & mella libarent. Procul autem ab istis studijs seruetus est  
 avari animus: nihil omnino eorum expendet, quę suo idolo semel  
 consecrauit: iam enim argenteum aureumque Deum in pectoris la-  
 rario collocauit, cui omne obsequium illi stat sententia impertire. Est  
 enim (vti docet Apostolus) auaritia idolorum seruitus. Denique mise- <sup>Ephes. 5.</sup>  
 ricordię, quę virtus est humanę naturę maxime consentiens, inter-  
 uiunt externa bona & facultates; atque istis indigentū vitam tuemur,  
 eorum necessitates propulsamus. Auarus autem ita durus & acerbus  
 est: vti aliorum miseras negligat, neque commiseratione vlla duci-  
 citur, tanquam cautes, quę nullis rationibus emollitur aut flectitur.  
 Quamobrem ita sapiens pronuntianit: *Nihil iniquius quam amore pecunię, Eccli. 10.*  
*hic enim animam suam venalem habet, & in vita sua projiciet intima sua.*

Q. Q. 2

Omit-



*Auaria  
odio &  
periculis  
obiecta.*

*Chrysost.  
homil. 2.  
ad pop.*

*Pier. lib. 6.*

*Æmil.  
prob. in  
Thracill.*

*Cornelius  
Tacitus  
annal. l. 20*

*Apoll.  
Apolog. 1.*

*Orthodoxo-  
rum res gestæ  
probant eos  
non existi-  
tisse auaros*

Omittendum haud mihi visum est & aliud, quodque ab auaritia venit: ipsius nimirum vitæ periculum, cum inuidia atque funesto ciuium odio. *Nihil tam inuidiosum* (inquit Chrysostomus) *quam homo diues: cum vero superbia accesserit, duplex paratur præcipitium; difficilius ab omnibus bellum.* Quod enim appetentia diuitiarum ijs aduerfetur virtutibus, quæ alijs emolumenta adferunt, nihil miri si eosdem concitet, atque vi quadam armet in tenaces, qui ipforum bona rapiunt aut impediunt. Aptè idcirco Ægyptij huiusmodi hieroglyphicum auaro posuerunt: constituentes nempe hominem seminudū, pannis oblitū, dentesq; humano cordi auide intigentem: plerunque enim auari diuites ex raptu viuunt & aliorum sanguine. Veritus idcirco Pittacus, qui fuit vnus è numero Sapientum, hanc populi inuidiam (vt scribit Æmilius probus) ampla quædam munera ipsi oblata recusauit: *Cū Miteleni multa milia iugerū agri munere darent: nolite rogo vos* (inquit) *mibi dare, quod multi inuideant, plures etiam concupiscant: nam parua munera diuturna.* Porro principes viri aut Magistratus suorum nimiam opulentiam plerunque non ita gratam habent, sed suspectam potius: quocirca multiplici taxatione libenter rem eorū diminuunt. Seneca aliorū beneficijs quasi aggrauatus, sibi timere statim incepit ab inuidia: atque vt laborantem in salo nauem, mercium proiectio leuat; ita ipse suarum rerum iactura leuari voluit ab illo odio, quo ferme opprimebatur. Veruntamen ipsum tardius hæc præstantem quorundam maleuolentia anteuertit. Neroni itaque suggerunt, Senecam hortorum amœnitate & villarum magnificentia principis diuitias superasse. Adiuuit itaque Neronem Seneca, quem (vt scribit Cornelius Tacitus) istis est alloquutus: *In hoc itinere vitæ senex, & leuissimis quoque curis impar, cum opes meas vltra sustinere non possim, præsidium peto: iube eas per procuratores tuos administrari, in tuam fortunam recipi.* Ad quæ incommoda vitanda, prudenter quidem Apollonius: *Fortunam* (inquit) *velut tunica magis concinnam probo, quam longam.*

Istis ita disputatis videamus iam quibus rationibus impij hēretici, etiam hac ex parte humanum officium corruerunt: vt nihil ad summam malitiam illis deesse videatur, vnde possint quoque modo virtutis integritatem, dogmatis prauitate violare. Imprimis ipso effectu & opere ad aspectum patenti omnibus vbique terrarum enuntiat, quantum in hoc genere officij orthodoxi semper præstiterint. Hi etenim suis impensis non priuatas sibi ipsis voluptates, sed publicas aliorum vtilitates posteritati procurarunt. Hoc testantur Xenodochia infirmis, egenis, alendis fouendisque constituta: templorū item augusta maiestas,



maiestas, supellex Ecclesiastica plusquam regio apparatu splendida & sumptuosa, Monachorum cœnobîa & trîstege, in quibus perficiendis potestas cum religione certauit. Ipsa eruditorum spacia, & academicorum basilicæ, veterum illorum tum in Deum fidem, tum in hominis munificentiam loquuntur. Erecto etenim culmine in sublime collegia feruntur, plumbea scutula aut lamina operiuntur, crasso muro, quadrato & exculto lapide, parietes consurgunt: fenestrarum inauratæ fornices, ad prospectum conspiciuntur & lucem excipiendam, aperiuntur largissime: cum insectis marmorum crultis testudines altrinfecus capitibus imminet: pauimenta segmentata & vermiculata pedibus substernuntur, pyramidû pinnæ è sublimi conglobatæ, quodammodo siluicere videntur, ipsilque nubibus minari, frontispicia ita arte elaborata, vt hominum oculos cogant plane atque rapiant, peristylia vtrinque columnis fornicem sustentantibus, (per impluuiâ imbre decurrente) inambulationi locum spatiosum, oculisque gratum concedunt. Quod si ad ciuilia cogitationes transferamus, incidemus in armamentaria, apothecas, horrea, archiua, bibliothecas, scholas, exedras, theatra, & id genus infinita propemodum alia, quæ antiquorum, qui Romanam coluerunt fidem, testatam relinquunt pietatem in Deum patriamque. At isti noui atque recentes nihil horum moliuntur: quin potius limphati perîda religione in hæc immanissime grassantur, diuendunt ea, expilant, expoliant, diruunt, pessundant. Antiquitatis vestigia, quibus ipsorû prophana temeritas euinciretur, obterunt, obliterant, & præclariissimarum virtutum monumenta suo funestant zelo. At nos (inquiunt) parietes non inuehimus in orbem, non molem bonorum operum, in quibus antiquitas illa inconsulto fuit districta: sed puram & excoctâ fidem inferimus, qua etiam vnicum Dei cultum definiendum arbitramur. Sed obsecro, hæc vestra fides, quam deprædicatis, eritne otiosa vt præstantior habenda, quam seria illa antiquorum, & actioni sedulo (vt audiuitis) intenta? Quis hoc suspicabitur, aut putabit vos plus somno vestro effecisse, & apud Deum maius præmium demeritos, quam illi assiduo labore, vigilijs, omniq; genere contentionis præclaræ? Egregium procul dubio inuentum excogitastis: quiete cum philosopho dicitis homines ad sapientiam peruenire, & ideo ab omni virtutis opere desides quiescitis, vt sapientes videamini. Laudo acumen. Sed ne hæc vestra cessatio ab opere in segnitiam & turpem epicurisimum ex ipsa specie incideret, effectus fidei appellatis studiosas actiones. At dicite mihi, ab annis iam mille quingentis, vbi terrarum hæc compendiar

*Secularij  
magnificen-  
tia infestis.*

Q Q 3

fides



fides ipsi floruit? partes Asiæ, Africæ, Europæ, aut noui orbis etiam si vultis cogitatione vestra describile? quænam monumenta historiarum effectus fidei illius consignatos reliquerunt? vbinam templa, religionum recta, aut academias condidistis? Vnum horum deligendum est, aut ab Apostolicis temporibus ad Lutherum vsque extinctam fuisse fidem; vel hanc nullo præclaro virtutis opere illustrem, in obscuro delituisse socordiaque obrutam, nec in hominum oculis comparuisse: quorum prius Christi Ecclesiam prorsus miseram facit; posterius infecundam, sterilem, imo fedam, turpemque.

*Sectarij negantes meritum quoque virtutem liberalitatis.* Sed principia, quibus dogmata vestra inniuntur, & ex quibus pendunt quoque vitæ rationes aduersantur plane illis virtutibus, ad quas pecuniarum sumptus pertinent: nostra autem cum illis optime coherent, & conspirant. Vultis ætenim nulla virtutum opera, quicquid præmij apud Deum promereri: ex quo ad eleemosinas, aliasque munificentias necesse est hominum animos hac opinione imbutos frigere languescere. Nam sublato meritorum pondere, quum naturæ, fatoque concesserimus; eadem prorsus conditio erit illius, qui in bonos vsus facultates suas expendit, atque eius, qui crumena inclusas auide, arideque easdem seruarit: cuius namque rei fructus interueniente morte concidit, is vanus est censendus: perinde idcirco eleemosinares vana erit, atque sunt alia iuuentutis ludicra. Eapropter quod propensi sint homines ab ingenio, vitæque consuetudine ad tenacitatem, cum hæc duo secum reputarint animis, quis illorum inclinatus erit ad misericordiam? Hæc vestra sunt ad virtutem calcaria; seu potius istæ sunt faces vestræ incensæ ad libidinem. Vereor tamen vos avaros dicere; tametsi ita repugnetis iustitiæ, pietati, religioni, munificentia, charitati: voluptas enim & Venus sicut nec vos patiuntur diuites, ita nec avaros sinunt. At de istis alias.

*Paupertas ex voto patrum orthodoxorum.* Apud orthodoxos ex animi voto, vitæque sacræ instituto, suscepta est omnium diuitiarum plane abdicatio, vt nullus prorsus auaritiæ locus concedatur. Scimus Iudam loculorum custodem, laqueo gulam fregisse, & appetentia pecuniarum addixisse flammis animam. Nudum idcirco Christum, ex nostris quamplurimi nudi suquuntur. Et quod mirabilius est, quibus hæreditario iure amplissima patrimonialia cesserunt, ij tanquam vilem sarcinam, facultates omnes abiecerunt; ad agri lilia, cornuosque cæli properantes: vti candorem vitæ ad similitudinem lilij, atque intelligentiæ volatnm, ad exemplar corui in seipsis præstarent. Consilium illud Christi animis exceperunt: *Si vis perfectus esse vade, vende omnia quæ habes, & da pauperibus.* Atque ne in cassum, vel

*Lucæ 12.*

*Matth. 5.*



vel irritum conatum abiectio istę diuitiarum incidere videatur; subiunxit Christus: *Et habebitis thesaurum in celo, & veni sequere me.* Duo sunt istius vltro admissę paupertatis pręmia: vnum quo Christum imitatione sequimur; alterũ quo in celis mercedẽ consequimur. Prophani autem hæretici, cum hac paupertate, quę reuera Ecclesię diuitias cõplectitur, graui & atroci bello iam diu confixerunt. Nihil prius factione sua huc vsque moliri, quam vt pauperibus istis excidium parerent: cęnobica etenim instituta incredibili quodã odio semper persequuntur. At quis illorum est, qui diuenditis patrimonijs, bonis amplioribus sua sponte renuntiavit? Cui adhuc persuaferunt illa fulmina concionum, garrulitates illę, plitacorũ fractę voces, congeries illa verborum, idiotarum spectra, hæc diuitiarum onera deponere? Quis regum, aut principũ auditis illorũ exhortationibus, ad Apostolorum pedes sua bona abiicit, frugalitate victus, stricte, & austere de reliquo vixit? Ex nostris autem quamplurimi hoc effecerunt & quotidie idem nunc faciunt. Non sunt ergo adeo efficaces vestrę conciunculę: nostri vero sermones longe grauissimi. Sed mihi ignoscite; ex vestris multi bona sua quoque abijciunt; etenim non diffitebor id asserere: Ipse etiam noui nonnullos hoc factitantes, & plerumque ceteros vestri paupertate, & inedia premuntur. Illud autem vñm discriminis intercedit: quod exuti spoliarique facultatibus vestris, Christum non sequamini: Nec mirum, nam non voluntas vestra, sed popina, taberna, lupanar, aut alea, bonorum hoc dispendium creant: vna est omnium Syrtis, feda voluptas.

*Honoris appetitus iusta rerum aestimatione & humilitate animi moderandus.*

## CAPVT X.



Ehementem fore honoris ambitum & cupiditatem, neminem latere poterit, qui vel hominis ingenium, vel honoris momentum sua intelligentia recte excusserit. Vt autem istius appetitionis vim omnem, eiusque causas animis exacte complectamur: mihi audiendus videtur D. Thomas, qui philosophi vestigia insequutus, singula hac in re sagacius persequitur, & diligentius odoratur. Is itaque tres in vnũ sum

*D. Thom. 2.  
2. q. 129.*



*Tres causæ  
vehemen-  
tioris cupi-  
ditatis  
honoris.*

*Arist. 3.  
Eth.  
Honor vir-  
tuti cōiun-  
ctus, ideo  
maxime  
expetendus*

*D. August.  
in Psal. 58.*

*Iob 1.*

*Honor bonū  
prestantis-  
simum.*

sum rationes tradidit flagrantis istius desiderij ad fulgores delati plau-  
susque honorum. Teste Aristotele proxime ad virtutem accedit ho-  
nor; quippe illi agnatus admodum, & ab eadem quodammodo effu-  
sus. Est quippe virtus tanquam solis substantia quædam animæ spheræ  
inferta: honor vero eiusdem radius, magna quadam vi ubique sparsus  
& vibratus, spectantium oculos perstringit: quo fit uti rectæ institu-  
torum solum effectus sit honor. Humanis autem pectoribus insitum  
est desiderium, unde appetunt cuncti pro bonis & honestis ab alijs  
haberi; proinde istius præstantiæ inditium signumque, quod delatis  
honoribus continetur, diligentissime exquirunt omnes. Nonnunquā  
etiam summa quadam contentione & molestia formam quandam  
virtutis suis conatibus inducunt: non quod virtute solida ipsi dele-  
ctentur, sed uti ad similitudinem virtutis expressa actione, honorem  
aliquem aucupentur. Reliqui vero defectus (ut animaduersum est à  
D. Augustino) à vero rectoque sunt ita auersi, uti in consilijs pessimis  
rebusque à decore remotis versentur: sola superbia & fastus etiam  
optimis studijs adsunt, illisque videntur immisceri: nec veretur meri-  
dianus dæmon hoc pacto inter filios Dei comparere. *Omnia vitia in  
malefactis timenda sunt, superbia in benefactis plus metuenda est.* Hęc illa spina,  
quæ fragrantioris rosam comitatur, vermis saniora ligna exedens,  
deformis anguis, qui sub viridioribus herbis delitescit, fucata mere-  
trix frequentiam hominum affectans, spetiosum vitium, quod in foro  
agens expandit se ad radium solis: neque est subueritum empyrei cæli  
Maiestatem, sed ibi purissimas mentes errore tetro obcecauit, summo-  
que scelere contaminauit: paradisi quoque floribus interfuit aliquando,  
primosque parentes infelici mulctauit inibi exilio.

Alia porro existit causa istius appetitus, quæ à præstantia ducitur  
ipsius honoris. Si enim bona omnia (vna virtute dempta) mente colli-  
gamus, quæ homines excitant ad concupiscendum: excellentissimum  
quid, reliquisque longe prælatum, honor videbitur. Siquidem vo-  
luptas nobis cum brutis cōmunis intercedit, pena & turpitudine in-  
famis: & sicut oculorum aspectum sēda illius species reuerberat, ita  
animorum quoque consensum sæpe auerit. Existimatio autem rationis  
bonū dicitur, eo quod nullum animal, nisi ratione præditū, illius no-  
tionē vllā possit acquirere. Alia porro bona vel in ipso vsu intercidunt,  
vel præcipiti quodam casu ruunt ad interitum: voluptas fluxa, ut fu-  
mus aut vmbra euolat; diuitiarū amicorumque; iacturam & stragem  
facit truculenta mors; neque aliquid horum patitur cineri vel busto  
superesse. Honor autem haud obnoxius ruinę, in hominum animis  
memoria



memoria viget, floretque sempiterna. Et nisi honor istic sua natura quid esset altissimum & prestantissimum soli Deo, uti ipsius peculium non tribueretur. Quo efficitur, uti nobiliora ingenia ad hanc honoris appetentiam magis sint comparata; quorumque consilia à rebus humi serpentibus longius sunt elata. Ut enim inquit Tacitus: *Insipientibus cupido glorie, nouissima exiit.* Et excusans peruersos sensus Tyberij, diuinitatem sibi ambitiose vendicantis, inquit: *Optimi quippe mortalium altissima cupiunt.* Neque dissimilis prorsus est sententia Cicer. *Est autem in hoc genere molestum, quod in maximis animis splendidissimæ genij plerumque existat honoris, imperij, potentie, glorie cupiditas.* Quocirca Hesiodus (ut scribit Gregorius Nazianzenus) in quauis arte excellentes vocare solitus *ἀντιέχες*. Et tantus quidem appetitus est fame, uti (quod narrat Herodotus) Xerxes recte dixerit Pithio regi, hominis animam in auribus habitare: eo quod nihil ita ad voluptatem & quasi ipsius vitam conferat, ac rumor gratus; neque aliquid ita molestiam ingerit, aut secum facilius interitum adducit, quam infamia; præsertim cum in animum excelsum ac grandem inciderit.

Cornel.  
Tacit. lib.  
20. Annal.

Cicer. 1. off.

Greg. Naz.  
Ep. 98.

Herod. l. 76.

Neque aliud quidpiam tanto odio prosequi videntur homines, atque infamiam vitæque dedecus. Prius enim quam hanc labem in seipsos admittere aut suis nominibus consciscere velint: durissima quæque & pati & aggredi parati erunt; ægre admodum ab illis estimationis dispendium sustinetur. Nullum quidem voluptatis genus crederem esse, quod tantam vim habeat ad excitandum appetitum, quantam opinio gloriæ & honoris. Hæc sane pectus ita obfirmat audacia, uti omnibus obiectum periculis, in medijs ignibus, densatis hastarum cuspidibus, volitantibus cum immani sonitu tormentorum globis, impauide verferetur. Imo vel tenuis aliqua futuræ gloriolæ coniectura & existimatio affectum rapit penitus ad difficillima negotia. In tantis autem malis atque difficultatibus neminem adhuc noui, qui Venerem aut Bacchum sit consequutus. Quin potius (uti experientia deprehensum est) ad infamiæ aut pænæ cogitationem omnis efferata motio libidinis se rationi dimittit. Verum si verbulo irato & iniurio, vel casu aut temeritate excidente, quidpiam detractum fuerit existimationi; ira protinus excandescimus, mentis acies vindictæ appetitu acuitur, ebullit in nobis sanguis, cuius impetum continere vix possumus; ad vlciscendam iniuriam, ipsam vitam prodigimus: atque expetibilius putamus tentantes vindictam mori & occidi, quam cum aliqua nota etiam leuiori, offensam remittentes, atatem propagare. Quanta autem vis esset huiusmodi cupiditatis, satis exemplo

Infamiam  
& dedecus  
omni modo  
homines  
effugiunt.

R. R.

sua



*Græcien.  
Henric, 6.*

*Hieron.  
Ep. 30.*

*Flor. lib. 1.  
cap. 13.*

*Liv. Decad.  
3. lib. 1.*

*Salustius  
De bello  
Iugurth.*

suo aliorumque malo indicavit dux Bedfordianus inter nostros. Gallias etenim obtinente Anglo, dux iste regno illi imperitabat; inimicitias autem interim exercuit cum Burgundo. Iudicatum tandem omnino expedire, constituendum fore aliquod colloquium, in quo de litis genere ac pace ineunda inter eos tractaretur; maxime quod tunc Galli rebellibus armis Anglicanum imperium excutere molirentur. Locus ad conveniendum constituitur Audomaropolis; quocum utrique principes advenissent, dubitari cepit quis alterum prius inuideret. Bedfordus homo omnino elatus, quod filius, frater, & avunculus esset regum, atque Galliarum Prorex; à Burgundo expectavit salutationis officium: Burgundus autem, cum in imperio suo versaretur, nequaquam cedere voluit Bedfordo. Quid tandem? discessum est utrinque; interim rebellante Gallia, & Anglorum auctoritatem defugiente: quam defectionem Burgundi amicitiam facile prohibitorum noverat Bedfordus. Atque ita superbia istius Anglicani ducis honoris umbram insequuta, Galliæ regnum nobis amisit. Reperiuntur quoque quamplurimi, qui addictis rebus suis ad libertatem & perfectionem pii instituti se receperunt; hos tamen intumescens spiritus haud domuerunt; facilius interim delicijs omnibus carentes, quam opinione sola virtutis aut eruditionis. *Plus est* (inquit D. Hieronymus) *animam deposuisse, quam cultum, difficilius arrogantia, quam auro cavemus & gemmis. His enim abiectis, interdum gloriosius tumemus sordibus, & vendibilem paupertatem populari auro offerimus.* Huiusmodi exultationis appetitus animos tenuit veterum illorum Romanorum: qui cum Galli hostiliter in urbem irrupissent, quibus ipsi eminus armorum vi obistere non poterant: honori tamen in extremis consulentes, domum se referunt: ubi summa quadam maiestate unusquisque pretiosis se ornat vestibus, collocatque in sede curuli: uti Barbarorum manu intentata mors, ipsos nihil de honore aut dignitatis gradu decedentes, vel etiam patore trepidos inueniret: reliqua omnia hosti tradiderunt diripienda, honorem tantum generosi animi inexpugnabilem docuerunt. Saguntini cum diu obsidionem strictissimam ab Afris illatam sustinuisent, aperto tandem stratoque ruinis muro, quando nullus locus illis supererat ad perfugium: ne aliquam in seipsum infamiam notam admitterent, utpote qua dicerentur in manus hostium venisse, illisque spirantes victoriam concessisse: in ipso foro rogum excitant, in quem se, suosque, aurum, & charissima omnia devastanda conijciunt. Obstinatos animos Thalsensium describit Salustius; qui à Mitello Romano diu obsessi, & iam ferme expugnati,



nati, in regiam domum sua omnia comportantes, post vinum & epulas igne ea corrumpunt. Duorum etiam fratrum catharginensium idem narrat durissima fuisse pectora, & plane ferrea ex opinione sola existimationis. Inter se enim litigantes acriter de agro quodam, eoque arenoso plane & infertili, priusquam alter alteri litem concedere voluerit: cum nulla ratione contentio finiri poterat, ambo viui ex præscripto legis in eodē sepeliri voluerunt: optabilius ducentes ita mori, quam vinci. In illa defectione Capuē à Romanis, cuius author & princeps extiterat Vitruuius: cum diutius urbē oppidani retinere non poterant, in crastinum diem deditio pacta fuit ab illis & constituta. Vitruuius autē (vt narrat Lilius) penes quem nulla restabat veniæ spes, infame illud supplicium, quod subire deberet ob tale crimem, secum animo reputans: virgas nimirum dorso infligendas, secures ad ceruices illidendas: tam vehemens opinio dedecoris sensus eius inuaserat; vt pridie quam portę hosti essent aperiendę, oratione habita ad senatum, qua quod animo statuerat enarrauit: post epulas in cęna large sumptas, & amicorum complexus, venenum hauriens voluntaria nece Romanorum seueritatem anteuertit; hunc sequuti in hoc facinore ex senatorio ordine viginti septem. Miserabilis ille exitus Abydenorum, quem describit Tit. liu. vim istius appetitus satis luculentam fecit. Hi etenim Saguntinorum obstinationem imitati, dura quadam à Philippo Marcedone obsidione pressi, deditioem sui animis exhorrescentes, coniuges & liberos interficiunt; aurum, argentum, vestemque proiciunt in mare, tectis ignem subdunt: interrim execrabile carmen sacerdotibus concinentibus, iuramento promittunt, neminem viuum, nisi victorem, arce excessurum. Cleopatra Egipti regina in potestatem veniens Cæsaris, ne priuata exutaque imperio viueret, vel triumpho seruaretur: in sepulcrum se conclusit, ac mortem aspidis morsu, vel venenati acus punctura sibi consciiuit, vt testatur Dio. Cass. Cato vticensis (quod idem Dio narrat) non ferens se à Cæsare victum, pugione sibi vulnus in vterum ingessit, & inde expirauit, antequam in conspectum victoris veniret. Atque has strages appetitus honoris atque infamię merus ediderunt.

Verum iusta rerum trutina, qua rationum momenta ponderantur, tumorem hunc mentis, non nisi ex leui quodam flatu & spiritu admodum exili caolitum esse, nobis renunciabit: quemque mens ipsa, veluti diuino numini maxime aduersarium, & quasi in altum eius thronum turgescens fastum, semper exhorruit: ea propter hanc appetentiam glorię cum inanem, tum periculosam esse comperimus.



Quomodo  
superbia  
speciali ra-  
tione Deo  
aduersa.

Thom. 2.  
2. q. 162.  
art. 6.

August. 14.  
sin. cap. 13.

mus. Cuius quidem atrocitas in hoc vel præcipue mihi videtur elucere, quod ipsi Deo peculiari quadam audacia repugnet, illiusque sacro sanctis legibus obstat: quomodo D. Thomas ex ea parte, qua delictum grauius auersionem animi à Deo continet, grauissimum quoddam scelus esse docet superbiam: *Superbia habet auersionem à Deo, ex hoc ipso, quod non vult Deo & eius regulæ subijci. Unde Boetius dicit, quod cum omnia vitia fugiant à Deo, sola superbia se Deo opponit.* Veruntamen hoc fortassis non vsque adeo perspicuum, aut ad certam intelligentiam expeditum; quonam videlicet modo superbiæ crimen peculiari aliqua ratione Deo resistat, illiusque decretis obnitatur. Est etenim superbia (vti ipsam definit D. Thomas) inordinatus appetitus excellentiæ, vltra proprias vires & regulam à Deo præfixam. Quæ quidem regula aliarum proxima, nulla alia esse poterit, quam recta ratio hominis animo diuinitus impressa: auertit idcirco nostra consilia immediate superbia ab hac recta ratione ac veri despicietia. Hoc autem superbiæ cum ceteris vitijs est commune: singula enim ratione ac menti aduersantur, & ab ea deflectunt conatus suos. Iudicio quidem intelligentiæ nostræ exploratum habemus, nihil vltra virium modum ab ipsa natura definitum, tentandum, aut præter rerum ordinem à Deo præfixum, actione & consilio quidpiam à nobis suscipiendū. Queritur idcirco causa, ob quam non ita se Deo opponat intemperans, dum contra rationis præscriptum cupedias persequitur, atque animo elatus, eadem ratione repugnante, ad honores & dignitates immodice adspirans? vterque sane sese à ratione auertit, & contra rerum ordinem à Deo constitutum, sua opera aliquid molitur. De hac re edisserens D. Augustinus, hæc intulit: *Perversa celsitudo est deserto eo, cui debet animus inherere, principio, sibi quodammodo fieri atque esse principium.* Ex quibus duo, quæ ad præsens institutum pertineant, elici videntur. Primum, gloriæ cupidum ad honores contendere ea peruersitate mentis, qua sine Dei adminiculo vlllo, atque proprijs suis viribus illos obtinere aggreditur. Alterū, quod istius appetentiæ terminus & finis Deus ipse non constituatur, sed ille potius, qui immoderate gradum præmeditatæ excellentiæ expetit. Illud quidem prius non putarem expresse in omni superbiæ crimine reperiri: nullus etenim nisi à mente penitus exciderit, eo modo honores vnquam affectauit. Quæ quidem æstimatio si ad superbiam exigeretur, nullo modo huius noxa in efficaci aliquo consilio inueniretur; sed omnis prorsus in simplici quadam animi complacentia: quod tamen vero non consentire liquido constat. Nemo enim ferme iudicare poterit, aut sibi persua-

dere



dere aliquid ab ipso posse comparari, ad quod Deus nullum momentum conterat. Posterius illud, quo dicebatur appetentem superbe, non Deum, sed seipsum veluti metam ac scopum molitioni præstitueret: cōmune plane est omnibus vicijis grandioribus; que ex Theologorum scitis finem sui habent in creatura aliqua collocatum: ita ut ipse qui appetit, finis dicatur cui quidpiam desideratur: res autē expetita nuncupetur finis cuius gratia illa ipsa contentio suscipitur. Quare uti in questione satis obscura coniecturā nostram interponamus: recolendū quod supra inculcauimus; nimirum inter bona expetibilia primum locum honorem atque excellentiam vindicare. Hæc autem duo in ipso Deo maxime conspicua sunt, & inter cetera ipsius attributa, quasi fastigium elata tenent. Si quid etenim horum angelis aut hominibus obtigerit diuina largitione, illud vmbra tantum est & expressio tenuior eorum, quæ in Deo, uti in fonte quodam ac principio exuberant & efflorescunt. Eapropter quemadmodum hæc ipso genere sunt excellentissima, ita eorundem concessio propriissime ordinem rerum à Deo præfixum respicit: quem etiam ipse peculiari ratione aliqua suo clausit imperio, & autoritate coercet. Quo sit uti honoris appetentior aliquid sibi non debitum vsurpet, infringatque, quantum in ipso situm est, ordinem seriemque rerum diuina prouidentia stabilitum; atque cum ipso Deo quodammodo manus conferere videbitur. Ex quo iuste perpenditur grauitas huius delicti: quandoquidem nefario quodam ausu, autoritatem ipsius Dei, eam parum æstimans, defugiat ac contemnet.

Porro animi fastus cum in illud inuolat, quod soli Deo attribuen- *Deus su-*  
dum: eapropter tam præfracti animi audacia grauitè in iram numi- *perbis re-*  
nis incurrit. Si namque maximum scelus ij perpetrant, qui regis pur- *sus.*  
puram sede lacerant, aut capiti eius excusso diademate, puerili lusu abutuntur: quid statuendum de illis, qui supremi Domini purpuram, qua ipsius sacrosanctum numen effulget, diadema, quo immensa eius vis & potestas inclarescit, sibimet arrogant, & plusquam sacrilegio arripiunt? Honor autem soli Deo debetur; ipsius res est & peculium: cetera ferme nobis permittuntur. In medio etenim paradisi, istius honoris arbor ita specie & aspectu pulcherrima nobis interdicitur: ac mors interminatur eius fructum manducantibus. Virtus quidem expetenda nostris votis obijcitur, ceterum honor, qui ex illa dimanat, cum ad nos appulerit, refundendus in boni largitorem Deum: ni velimus sacrilegij crimen iniquissima rapina nobis consciscere. Non *Ierem. 2.*  
*glorietur sapiens in sapientia sua, nec fortis in fortitudine sua, nec diues in diuitijs suis.*



*suis. Thales Milesius cum præclarum quoddam de solis substantia inuentum, reconditum quidem, Marte sui ingenij excogitatum, cui-dam Madrito Philosophiæ percupido ediscendum tradiisset: disci-pulus iste magistri præceptione vehementer animo exhilaratus, ab ipso petijt quodnam genus mercedis seu opere præciū ex impetrato beni-ficio expectaret. Cui Thales: non aliud cupio, quam vti illud effe-rens, me dogmatis inuentorem fateare. Argutus vir ceteris omnibus honorem prætulit. Haud aliud sane à nobis optima præstantibus ex-pectat Deus: quam vti ipsum boni causam atque originem agnos-centes, honorem ac gloriam eidem ex in tegro adscribamus. Nam si emolumentum omne nostrum à Deo profluxisse intelligamus, fieri nequit vti inanem estimationem, ac vilem hanc popularem auram vul-gique rumusculos auidius consecremur. Quam quidem consequu-tionem omnino legitimam esse astruit apostolus: *Quid habes quod non accepisti, quod si acceperis, ut quid gloriaris quasi non acceperis?* Quocirca mi-rum non est, si modo seuerissime in eos animaduertat Deus, qui ho-norem, veluti ipsius bonum proprium, depredantur superbia sua. Idcirco sacre literæ testantur istius criminis & flagitij ultionem non alijs committi, sed quasi ab ipso Deo suscipi: *Deus superbis resistit.* Ipso-que effectu penes omnes gentes innotuit, Deum in illos solitum sua fulmina immanius intorquere, qui inflatis animis consilia ven-ditantes, honores nominisque claritudinem sunt plus nimio me-ditati. — — — ἀλλὰ τον προνημάτον.*

1. Cor. 4.

Iacob 4.

Lucæ 1.

Euripid.

Hercul.

ὁ Zeus κολάζει τὴν ἀγαν ὑπερφρονῶν.

Senec. Thes.

*Sed animos nimios, & elatos fastu, punit vindex Iupiter. Et Seneca optime: videtur consulere: Vos quibus rector maris, atque terræ*

*Ius dedit magnum necis atque vitæ:*

*Ponite inflatos tumidosque vultus,*

*Quicquid à vobis minor extimescit,*

*Maior hoc vobis dominus minatur.*

*Omne sub regno grauiori regnum est.*

*Quem dies videt veniens superbam,*

*Hunc dices vidit fugiens iacentem.*

*Nemo confidat nimium secundis,*

*Nemo desperet meliora lapsis.*

*Miscet hoc illis, prohibetque Clotho*

*Stare fortunam, rotat omne fatum.*

Herodot.

lib. 8.

*Cum Xerxes (vti narrat Herodotus) ingenti comparato exercitu in Græciam cogitasset inuadere, & Persico imperio nobilissimum Eu-ropæ*



rope partem rigore martio adiungere : ne nimium animo elato acueret & concitaret in se Dei iram , quæ in superbos seuerissime animaduerrere solet , huiusmodi consilio Artabanus Persa amicus & patruus ipsum præmunire voluit : *Vides ut prægrandia animalia fulmine Deus ferit , nec sinit insolescere ; parua vero nihil ledit. Vides ut magnasque arbores huiusmodi fulminum tela percutiant. Gvadet enim Deus eminentissima quæque deprimere. Unde & ingens exercitus ab exiguo profligatur : quoties Deus his, quibus inuidet , aut metum inuitit , aut tonitruum. Propterea quidam secus ac dignitas sua postulabat, in calamitatem incidunt : quia Deus neminem alium quam seipsum sinit de se magnifice sentire.* Istis tamen nihil commotus Xerxes, in sua suscepta temeritate, ac audaci superbia processit. Terrarum quippe vastissima spacia militum numero oneravit : intorquente autem in ipsum Deo fulmen, quasi in cacumen montis ipsi cælis minitans ; ad eam miseram fortunam deiectus fuit : uti profligato eius exercitu, cælo ac dispalato , ægre fuga vitæ suæ, aut in exigua scapha piscatoria traiectu, poterit consulere.

Quod etiam moliuntur gloriæ appetentes, præposterum quid est, & ab instituto naturæ alienum. Honor etenim nulli alteri rei præterquam virtuti debetur. Apposite idcirco Marcellus ita honoris templo situm decreuit : uti ad illud per ædem virtutis tantum adorantibus ingressus pateret. Isti vero honores animis discipiunt, eos in votis vnice habent, nihil aliud laboribus suis in præmium constituunt : Cæterum virtutis formam spernunt, negligunt, nulloque plane loco habent. Ita vmbra ipso solido, inanem florem fructu, caducum firmo & stabilito præferunt bono. Sed quemadmodum radicitus euulsæ arbores æstiuis temporibus, non statim foliorum virescentiam amittunt, sed paulatim talis venustas elanguit, & emoritur : ita nominis gloria, si in ipsa virtute altius radices non egerit, tamen popularis sententiæ existimatione, & vulgi opinione aliquantisper florere videatur ; diu autem sustentari nequit, sed marcescet ocius, extinguetur tandem. Neque solum fucati hi vel ad speciem elaborata venustate destituentur, verum etiam apparebit singularis eorum impudentia ; quod aliquando voluerint expositas merces confectis & adulterinis pecuniis cœmere : hoc est nullis virtutum meritis, sed fucatæ dissimulationis præstigijs honoris titulos comparare. Similes quidem euadunt inflatis visicis, in quibus nihil concreti, sed levis spiritus solum ad amplitudinem loci dilatatus. Virtute relicta, quod reliquum est honoris, id leuissimū prorsus, & facile dissipabile. Qui virtute autē solide præditus existit, non cum illo stripitu actionum incedit, non tanta contem-  
tione

*Conatus  
superbie  
præposterus*



tione nominis estimationem consecratur. Solius virtutis possessio abunde ipsius cupiditati facit satis, nec ulterius querit aliquid. At qui momento carent virtutū, sua buccinantes undiqueque strepitū edunt, imperiose nimis primas vendicant: quibus nisi loco cesseris, aut effatis illorum consentieris, truci vultu iras spirabunt & vindictam. Haud mirum: nihil aliud talis habet, quam quod in speciem videtur habere; nec quasi natiuo in loco honor, cuius solum virtute subactum esse debet, in illo crescit: sed quidam eius succisus furculus, arenę aut petrę insertus, qui deficiente naturali succo, vi quadam aut arte ad tempus propagatur. Ita vadosa flumina ad saxa, quę aquis eminent, decursu elisa, horrifonum tumultum edunt: altiores autem gurgites fuscus laxatis ripis placide & silenti ac oliagineo quasi fluxu deferruntur. Ipsa virtus idcirco potius expetenda: neque ita animis gestiendum, quod virtutis pręmium, nimirum honorem, adepti simus, quam quod virtutem ipsam ad nos traxerimus. Vnde Chrysostomus:

Chrysost.  
homil. 43.  
ad pop.

*Si vere sis pius, & tibi nihil conscius sis mali, oportet gaudere, non quoniam videaris, sed quoniam es.* Et ne in hoc vitium inciderent virtute pręditi, quibus maximum (sicut diximus) ambitionis periculum est intentatum:

Luca 17.

*Cum hæc omnia feceritis, dicite quia serui inutiles sumus.* In hunc modum repellendus & sedandus appetitus honoris, etiam ab illis, qui in omni virtutum genere excellent: ut se interim fateantur seruos, non dominos, nec quoscunque, sed inutiles. Ex benefactis idcirco gloria, quę gignitur, ipsi Deo referenda, sub cuius imperio homines stipendia merentur: qua in re etiam optimis diligentissime cauendum erit. Nihil perinde (inquit Chrysostomus) superbiam gignit, ut bona conscientia, nisi aduigilemus. Cetera quidem mala nobis negligenter agentibus solent comparere, hoc autem in ipsis recte factis adnascitur.

Chrysost.  
homil. 3. in  
verb. Esa.

Verum non nisi ex iniqua rerum estimatione cupiditas istę honoris promanat. Est enim honor ornamentum quoddam, sed aliorum opinione constitutum, extrinsecus ad nos delatum: cuius accessu meliores vel recessu deteriores non euadimus. Ita quoque lubrico innititur quodam fundamento, qui gloriam appetit, uti leuissimo quodam flatu non tam aduersę, quam diuersę fortunę congesta facinorū moles concussa sapius decidat ac præcipitetur. Nam in vulgi sententijs qui spem glorię habet, is quasi proprijs destitutus viribus, ut erectus consistat, ad alios se inclinat, quorum adminiculo sustentetur, semper egens & imbecillis. Quare cum Traianus suorum operū monumenta, literarum notis parietibus inscribi voluisset: uti in memoria hominum perpetuo florerent, ambitionis crimen sibi consciuit, & passim

Honor res  
non satis  
digna con-  
tentione  
nostra,

Aurel.  
Vitt. Tra-  
ian.



& paulum ab alijs nuncupatus herba parietina : quod ad alendam famam sui nominis parietum pręsidium sibi exquisiuerat : quali sine parietibus imperatoria laus nec vigere potuisset. Vulgi autem voces quam concitate, quam temeraria? aura hæc popularis quam tremula, incerto vento semper agitata? Sicut enim ventorum spiratio, maxime autumnī tempore, solem sequitur perpetuo mouentem : ita vulgi sententię illi applaudunt, non quem vera virtus, constans & stabilis approbauit ; sed quem temporum rationes & fortunę successus extulerunt. Ea propter vulgus eodem ore, quo laudes & acclamationes prodit, infamiam, crucem, omneque malum imprecatur. In capitolium ascendentibus albos equos feliciaque cuncta plebs optauit, eosdem denuo ad supplicium, ad vncos, ad lanienam postulauit. Perbelle idcirco D. Basilus monachum quendam instituens, hanc inanem sui venditationem appellauit *χαυαίρις; δόξιστος* : humi repentem gloriosam & animi magnitudine contemnendam definiuit.

Basil episc.  
ad monach.  
lapp.

Quod si in hac vsque adeo vehementi & incitata honoris expectatione abiectionem quoque animi deprehendere possimus, & contemptum sui ; quid obsecro demum relinqueretur in istiusmodi contentione spectabile? Scio prædixit quendam apud Romanos Sillanum, quod ad honores & fastigia dignitatū ambitiose non adspiraret, sed negligeret potius vel sperneret, ab Augusto appellatum fuisse pecudem auream. Verumtamen si animi excelsio quodā consilio hoc præfuerit Sillanus, aureum potius Philosophum ducerem, quam pecudem. Nam illa virtus, quam nostri sub nomine humilitatis deprecant, quęque in contemptione honorum maxime versatur, non est depressio aut abiectio animi, quemadmodum nonnulli peruerse suspicantur : sed eius potius status quidā erectus & exaggeratus, quo cunctis rebus mens altior effecta, celorum tantum desiderio capitur : terrena autem, præcipue fictitios & ludicros honores, soernit. Vnde D. Augustinus : *Bonum est sursum habere cor, non tamen ad seipsum, quod est superbia, sed ad Dominum, quod est obedientia. Est igitur aliquid humilitatis necessarium modo, quod sursum facit cor : & est aliquid elationis, quod deorsum facit cor.* Quamobrem humilitatis motio in anima talis est, qualis in elisa pila : hæc enim quo vehementius deprimitur, eo altius ascendit : ita ex insultu humilitatis, quo animus magis se dimittit, eo sublimius postea eminet & se attollit. Quis etenim negabit magnanimum plane extitisse Constantinum, cum iure imperij, tum virtutis imperio magnum : penes quem cum delata esset accusatio, quod ipsius statuam quidam iactu lapidum prostruissent, & propterea graui quodam sup-

Honoris  
ad ipsum  
ferale.

Cicero.  
Tull. lib. 2  
anal.

Humilitas  
magnani-  
mitas.  
August.  
lib. 1. c. 10.  
cap. 13.

Gall. p. 10.  
27.

S S

plicio



plicio in perduelles animaduertendum nonnulli afferent: subridens impeator fama iniuriæ nihil commotus, manū vultui apposuit, dixitque se tactu non experiri sibi illa vulgaria temeritate excussum esse oculum, diminutum statum, aut frontem violatum: ita tantus vir animi constantia & magnitudine quorundam iræ ac malevolentia illulit. Quod si gloriae contemptio in laude & virtute haud esset, eos, qui illam aucupantur ambitiose, vel cauponantur sordide, non ita odio haberemus, neque laudem illis libenter concederemus, qui eandem refugiunt & aspernantur. Signum ergo est hanc potius esse contemnendam, quam ut propter se exspectetur. Neque ita Constantinus ad famam & nominis encomium visus est vnquam aduolasse, ac quando ab hac gloria auolauit. Cum enim equo vectus militum vocibus & varijs acclamationibus exciperetur; ne adulationis oleo ipsius aures delinirentur, calcaribus equo submissis, celeri cursu laudantium turmas præteruehitur: tunc autem vel maxime festinasse mihi visus est Constantinus ad nominis magnitudinē, veramque existimationem. Abiectus etenim honor, & seruilis admodum res, quæ fugientem, imo repellentem sequitur. Quod si tam elati, quam humilis dimissique animi finem contemplemur; manifestum erit, quis eorum sibi metam proponat eminentiorem. *Sperent in te*, (inquit Psalmista) *qui nouerunt nomen tuum*. Duplici siquidem ex cognitione oritur humilitas; Dei videlicet, & nostri ipsius. Priori quidem diuinam Numinis immensitatem intelligentijs assequuti, tanto imperio studia & cogitata dimittimus. Quocirca qui nouerunt nomen Dei, quo ipsius virtus demonstratur, hi repudiatis cæteris, illi soli inserviunt, & abiecto inani fastu, sub tanta potestate contremiscunt. Hoc autem nomen in templo Apollinis græca hac voce *εἰ* expressum, columnæ characteribus inscriptum fuit: in quod templum adeuntes intenderent. Denotat autem hæc particula ipsius Dei existentiam, quæ fixa, determinata & inuariabilis est, cuiusque munere & omnipotentia cætera in lucem prodeunt & subsistunt. Qui autem hoc nomen bene nouerit, & ex aduerso, fluxi & temerarij honoris vilitatem expenderit: si vllam animi ingenuitatem, vel exilientes aliquos spiritus nactus fuerit: magnitudine quadam sui instituti popularem hanc auram, veluti fabulam, contemnet, atque in Deum excellē operationis connixu suos conatus omnes, vti in supremum scopum & finem, dirigit. Popularis enim istic fauor non habetur plerunque, nisi seruili admodum assentatione: ideoque aperiendum caput, incuruandum pectus, oris effigies expedita esse debet ad omnem formam, non quam animi sententia

*Euseb. l. 4.*

*Psal. 9.*

*Vide Bernardi serm. 37. in Cant.*



tentia præscribit, sed quam illi, cui blandimur, imperat. Hinc lingua ad prodendam veritatem instituta, honestum calumnia appetit, falsæ dignitatis tuba mendacia sonat; manus, pedes, corporis artus omnes mancipij cuiuspiam instrumenta sunt, non hominis liberi facultates. Hanc ex superba elatione, animi corporisque deiectionem, Augustinus explicans illud Psalmi: *Deiecisti eos, dum alleuarentur*. Ita describit; *Non enim qui elati fuissent, ut prius extollerentur, & postea deicerentur: sed cum exaltarentur, tunc deiecti sunt. Ipsum quippe extolli, iam deieci est*. Et cum ingentem operam impenderint homines, nonnunquam eos insequentes fugit expetitus honor; nihilque aliud contentione sua tanta lucrantur, quam extremos dolores & acrem penitudinem. In curijs ac principû aulis credere plures aceto, quàm vino potari. Felices sane qui animi magnitudine erecti, hæc pedibus substrata, aut per inane volitantes atomos vel plumas abijciunt; atque ad cultum ipsius Dei, & supremi Numinis famulitium sua omnia studia transferunt: In quo quidem instituto mentis gradus plane excelsus & sublimis apparet. Verû neque hoc vsque adeo laboriosum erit, difficile, aut tot periculis obiectum. Hic etenim suspensiones perplexa non facient mentis consilia; timores sensus non sollicitabunt, exedens ossa inuidia non grassabitur in artus. Quid dicam? hac ratione potius conpedes confringuntur, è carcere effugitur, veraque & sola libertas comparatur. Tempus aliquando aderit, nec sane longe abesse poterit, quando Deus spiritu oris sui orbem concutiens, honores istos titulos & fumulos, tanquam arborû autumnalia folia deijciat. Quibus detractis, nudi tunc sistemur ad tremendi iudicis tribunal. Quid tunc causam nostram ager? non purpura aut faces, abierunt; non vulgi fauores, conticescunt; non diuitiarum pompa, euanuit. Una solaque virtus contegeret & proteget: ex diuini honoris intuitu in vita suscepta instituta penam tantummodo auertent, & coronâ adsequentur. Quemadmodum scorea fornacis calores non perfert, sed dilabitur: Ita accedente diuina sententiâ, & ventilabro eius agitante, ornamenta gloriæ nostræ decident, & in auras abibunt: *Vane itaque* (ut inquit Psalmista) *conturbatur omnis homo*. Psal. 72.  
Aug. l. 1. c. 1.  
Psal. 72.

Quorum autem iste splendor nominis rantopere à quibusdam expetitur? qui præterquam quod virtutis iacturam inferat, & in nostra capita Dei iram concitet, periculosus est omnino, & res plane, quæ in omnium odium atque inuidiam facile incurrit. Cum enim hominum iudicijs inter reliqua bona honor maxime expetibilis videatur: neque aliquid reluctantante magis Minerva peragatur à nobis, quam obe-

S S 2

dientig.



dientię officium: euadit prorsus, vt inferiorem locum tenentes, illis inuidiant perpetuo, qui authoritatem nacti sunt: horum passim detractant imperium, eosdem deicere & ad ordinem reuocare omni ratione moliantur. Accedit etiam fortunę casus, quo susque deque omnia ferri solent. *Nihil rerum mortalium (inquit Tacitus) tam instabile ac fluxum est, quam fama potentie, non sua vi nixa.* Et vt inquit Horatius:

Cornel.  
Tacit. lib. 13  
annal.  
Horat. ad  
Ruf.

*Quem Res plus nimio delectauere secundę,  
Mutata quatiant.*


Cum enim atra nubes infamię, splendorēs hoscę contexerit, aut alius fortunę casus glorię solem ad occasum & tenebras depresso: ne vestigium quidem magnifici incessus aut scintilla coruscantis apparatus vspiam supererunt. Vtenim inquit sanctus Chrysostomus: Nox erant illa omnia & somnium, & die exorto nusquam comparuerunt, umbra erant, & pertransijt: fumus, & dissolutus est; bullę aquarum fuerunt, & dissipatę sunt; araneę telę erant, & dississę sunt. Sed de his fusius sequenti capite.

Chrysost.  
concion. de  
Eutrop.

Explicantur rationes, quibus vti reprehensibilis arguitur immoderata dignitatum & excellentię affectatio: præsertim vero inde, quod hæc contentio sicut ex ignoratione prodit, ita eandem quoque suo accessu maiorem reddit: quod præterea sit fluxa & instabilis res, cuius desiderio elatus tenetur, & aliorum criminum origo. Denique ostenditur quonam modo hæreticorum dogmata hac ex parte humanum officium deprauarunt.

## CAPVT XI.

Superbia  
ex igno-  
rantia.



I originem illius submissionis animę inuestigemus, quam humilitatem nominamus; non aliam pocul dubio esse videbimus, quam plenam perfectamque sui cognitionem: adeo vt nulla inter virtutes exactiori rerum disquisitioni innitatur, quam hæc sedata temperataque tum animę tum etiam corporis moderatio. Quo fit, vt i oppositum vitium lumini intelligentię vel maxime aduersetur, & non nisi



nisi ex inſcitia quadam propagetur. Vnde D. Thomas: *Cognitio proprii defectus pertinet ad humilitatem, ſicut regula quadam directius appetitus, ſed in ipſo appetitu conſiſtit humilitas eſſentialiter.* Naſcitur idcirco hæc dimiſſio ſui, qua voluntas diuinis ſancitis iuxta ac humanis ſe ſubiicit, ex cognitione ſui, non qualibet, ſed ea, qua defectus proprii tam animæ quam corporis aperiuntur: quibus perſpectis, tumor inanis iſtius appetentia ſedabitur: quandoquidem hinc rationes ſeſe efferant exuberantiſſime, quæ ad humilitatem, honoris ambituſque contemptum inſtituunt. Duplicem vero defectum naturæ noſtræ inſeſſe cogitare poſſumus: vnum, quo longe ſub immenſa & infinita illa Dei perfectione quodlibet creatum ſubſedit: ex cuius intelligentia ipſimet Angeli à principio ſui ortus in officio ſubiectiōis perſtiterunt, & ad imperium diuinum exequendum dimiſſione quadum mentis hucusque meliores illorum ſe promptos & expeditos præbent: dicuntur etiam ad aſpectū Dei tremere, & ſancto quodam timore Numen illud immenſum adorare. Quo etiam in genere humilitatis, cum Protoplaſta manſiſſet humanum genus, ſi à culpa alienum primæua integritate ſemper effloruiſſet. Alius vero defectus exiſtit, quem delictum effudit. Illa enim diuinæ legis prima transgreſſio naturam noſtram quodammodo perfregit, & infinitis propemodum malis implicauit: cuius rei notio magnum ſane emolumentum habet ad officium humilitatis. Qui enim ſua intelligentia ea vitæ incommoda adſequitur, quæ animam afficiunt; intellectus utpote aciem obtuſam, voluntatem languidam, efferatum appetitum: nullam is inueniet cauſam, ob quam ſe altius efferat, quamplurimas vero, ob quas ſe dimittat, plauſu, ſtrepitu, pompa, ſplendoribusque abſtineat. Nam cum animus hoc pacto propemodum ſit exarmatus, præiudicio omnino indiget diuini & precarij muneris; ad virtutem ac munus ſuum explendum ſuoſte ingenio ineptus; ad vitia autem procliuſ. Nihil ſocius hic idem ita imbecillis trucem illum aſpectum ſeueriſſimi iudicis ſuſtinere debet, ventilabrum eius & ignem excoquentem perſerre, illi diſtictiſſimam rationem cogitatorum factorumque ſingillatim reddere: quibus ſi adiungamus corporum mala, aggritudines, labores, interitus; nullus plane locus ſallui relinquetur. Quorum nihil ſane elato in mentem venit. Is etenim ſecum animo non reputat interuallum illud infinitum, quo à gradu perfectionis diuinæ quilibet hominum & angelorum diſſitus eſt: neque expendit animæ corporiſque ſui detrimenta. Vnde ex errore prauoque iudicio honores, cellas, poteſtatū inſignia magni facit, & ingenti quodam pretio, rationis nimirum diſpendio,

Thom. 2.  
2. q. 161.  
art. 2.

Humilitas  
ex ſui cog-  
nitione.

Eſa. 41.



Chrysost.  
homil. 15.  
in Ioan.  
Chrysost.  
homil. 3. ad  
pop.  
Phil. Iud.  
lib. de ca-  
ritat.  
Superbia  
& inscitia  
arctissime  
copulantur

Inscitia  
parens  
Superbiae.

Basil. ad  
Theod.

res inanes & flaccidas mercatur. Ex ignorantia idcirco & extrema rerum inscitia descendit superbia. Vnde Chrysostomus: *Superbia nihil aliud est, quam deprauatio animæ, & morbus grauiſſimus, non aliunde quam ex infania ortum ducens.* Et alio in loco: *Non potest esse superbus, qui fatuus non sit.* Philo Iudæus hominem fastu elatum, nec mentis neque corporis affirmat comporem. Præclarus itaque iste splendor arrogantia ex atra quadam prodit nubecula. Nulla enim ita inter se coniunctissima cognationis nexu deuincta, ut superbia & inscitia. Quodnam obsecro arctius vinculum propinquitatis naturalis inueniri poterit illo, inter prolem & parentem intercedente? verum cum ignorantia & inscitia eadem parens sit superbiæ & fastus, atque eiusdem filia; duplici quodam ligaminis iure hæc duo reciproce connectentur. Qui autem se altius effert, & immoderatus animos attollit, is præclarius multo de se sentit & loquitur, quam ratio veritatis ferat. Propterea errore quodam obcecatus vulgi applausus toto impetu & contento cursu auidissime, tamquam magna & præclara, consecratur. Et quod deterius est, cum cælestis illius Numinis nullam egregiam notionem in mente descriptam habeat, neque dignetur fulgentes illas beatorum sedes, ipsiusque supremi iudicis gloria coruscum, & maiestate horrendum tribunal (alijs districtus curis) contemplari, ipsum Deum, rerum caput, & vniuersi centrum inmani quodam fastu despectui habet. Quod quid aliud est, quam errare, cæcutire, delirare, furere? Sola etenim superbia inter cætera vitia, quæ ob ipsorum turpitudinem Dei præsentiam defugiunt & auersantur; & delinquentes in latebras uti Adamum, in fugam veluti Ionam conijciunt; in assu quodam præfracto & exaggerato mentis consilio, secessionemque plusquam barbarica se Deo opponit, & cum illis, qui ad nubes usque turrim Babylonicam erexerunt, in tremendum Numinis thronum summo sacrilegio inuadit. Quæ maior cæcitas, quam ita magnitudinem Dei humanarumque rerum infirmitatem ignorare? Cæterum (vti admonuit aliquando D. Basilus) si qui hoc pacto elatus est & ventosus, qui sic in vertice altioris præcipitij lubrico lapsurus constitit, exquisitiori paulo cognitione oculos mentis ad pedes cum illo picto pauone dimitteret: hoc est, si diligentius secum perpenderet, ex quam vili & reiectitia plane materia concretus sit & coalitus: quot morborum generibus, subiecta sit fragilis corporis moles, quantis tenebris mens inuoluta, quibus perturbationibus exagitatus appetitus: si porro ea notio in eius intelligentiam incideret, qua illi in-  
claresceret, quam mobilis sit pennata fama, ludibrium venti, humani  
oris



oris halitus, stultorum Dea, quæ plerunque, non è nostris virtutibus, vt Minerva ex Iouis cerebro fuit propagata, sed vulgi temeraria opinione decreta: quam hæc sit vana, quam leui momento pendeat: denique si in animum reduceret expressam aliquam accuratamque cogitationem diuinæ excellentiæ, pulchritudinis, amplitudinis, fieri nunquam poterit, vt misellus homo in tantis miserijs constitutus, insoleat: aut vt cinis & puluis quem à facie cælestis illius agri (sicut annotauit D. Augustinus) immanis & turbidus superbiæ flatus proijcit; se ita efferat in Deum, aut cælo ruinas inflato ausu minitetur. *August. in Psal. 1.*

Nunquam apud se statuet aliorum conceptis opinionibus, vel fictis vocibus penitus inherere; cum Cameleonte leuiori tenuiorique, quem emittunt nubium recessus spiritu vefci, eoque vitam tueri. Meminerit quod si aeris istius spirabilem spheram cum aquila volatus pernicitate transcenderit; alas flammis inferre necesse sit: & cum Phaëtonte Phebum currum ambitiosius si petierit, splendores illos demiratus, in Stygem se fore precipitandum: cuius feculenta aqua calor ille flammeus peruersi ambitus extinguetur, & rota volatilis fimo infixæ, in omnem æternitatem sordide squalebit. Quis idcirco non videt superbiæ parentem extremam esse rerum ignorationem; humilitatis vero causam; & originem mentis esse sagacitatem, humanorum diuinorumque scientiam? Nam qui hac sui dimissione animum tranquillat, & ad optimam quandam temperiem vitæ rationem moderato conciliorum instituto reduxerit: ea is imbutus est cognitione, vt in corpore manens, si superna spectemus, corpore studio & mentis agitatione semper excedat, & quoad fas est diuinæ virtutis lucem adspiciat. Is gloriolas hæc, vt ludicras nœnias arbitrabitur, puerorum ducit esse crepundia; pretiosas vestes auro intertextas, segmentis variegatas, acu pictas, lascinijs vndantes, gemma lucentes, conchiliatam omnem hanc suppellectilem, non sua, sed vel parietum, vel statuarum ornamenta æstimabit. Quod autem interminum est, quod diuinum, ex animæ quadam magnitudine illi tantum in votis erit; ad hoc adspirabit omni modo & contendet. Ceterum vero cum seipsum expenderit, videritque se corpore imbecilem, animo fractum esse, volatu aut contentione ad inanem gloriam penitus abstinebit. Quinimo apem imitabitur in istius vitæ cursu: cuius ingenium ita describit Ambrosius: *Apes illa sapiens, cum aeris motus suspensos habet, lapillis saepe sublati per inania se librat nulla, ne alarum remigium precipitent siabra ventorum.* Ita qui animum humilitate subegit, suarum imperfectionum quasi luteam quandam molem, cognitione sui libimet imponet, *Ambros. l. 3 de infl. virg.*

cuius



cuius grauedine depressus, superbiæ statui percommode resistere poterit & obluctari.

*Superbia  
parens  
inscitie.*

*Hierem. 13  
Esaiæ 13.*

Parentem iam vidimus fastus esse inscitiam, eandem quoque experiemur eiusdem esse sobolem. Quod quidem luculenter hac admonitione ostendisse visus est propheta Ieremias: *Date Domino Deo vestro gloriam, antequam contenebrescat, & antequam offendant pedes vestri ad montes caliginosos.* Montium elatis verticibus, superborum ingentes spiritus in miram quandam altitudinem insurgentes, veluti accommoda similitudine expressit propheta: quos quidem recte caliginosos dixit. Vbi enim radices superbiæ montes agunt, & capita in æthera extollunt; ibi spissas crassasque tenebras animæ utpote vicino solo offundunt: rationis lumē ita tetra nebula obducunt, ut pedibus quam procline sit labi, impingere, in occasum ruere. In quem etenim capitalis hæc noxa inuaserit, in cuius animum penetrauerit, ita sensus omnes afficit, sic illos tenet, stringit, fallitque: ut culex panthera maculosa, aut leo villis hirsutus appareat. Et quemadmodum si quis præcipitato iam sole ad oceanum, eam suo corpori proceritatem opinione attribueret, qua eiusdem umbra protendi videtur, vehementer erraret: hoc etenim modo Pigmæi gigantes facile euaderent: ita elatus & superbus cum rationis lux inclinata, ad defectum deuergere ceperit, fictorum consiliorumque umbram quandam animo contingens, & ex magnitudine istius umbræ quantitatem corporis dimetiens, se omnibus alijs doctiorem, illultriorem, maiorem deprædicat; inflatus de se loquitur, & augustius opinatur quam oportet: Cum interim talis re ipsa sit, qualis ille Ciceronis fraterculus, qui (ut scribit Macrobius) sui corporis formam curauit ad pectus usque eleganter in tabella clipeatam delineari, idque non breui, uti erat, & decurtata statura, sed iusta & plane virili: quam ut aspexit Cicero, subridens lepide dixit: frater meus dimidius, maior est quam totus. Siquidem sui speciem proprijs penicillis ita depingunt elati, ut falsa quadam opinione delusi, omnia magna & præclara in seipsis arbitrentur, maiores ex dimidio in quadro picti, quam integri subsistentes in corpore. Quibus etiam cum animorum motus sint velociores, magisque concitati, suis ingenijs præfidunt, sic illis obblandiuntur, facile ut credant se vnico quasi oculi coniectu rem ipsam penetrasse, pœnitius introspexisse, alta quadam cogitatione medullam excussisse: ita ut illis opus non sit maiorem adhibere solertiam, aut neruos intelligentiæ acrius intendere: quandoquidem felicissime subitaneo intuitu mentisque impressione omnia sunt adsequuti: cum tamen vix corticem attigerint, sed omnem ipso-

*Macrobius lib.  
2. Saturn.  
cap. 3.*

rum;



rum conatum extrema rerum facies exceperit : atque cum cicadis & culicibus ipsi foliorum extremis insident. Ab alijs porro inuenta & excogitata innato quodam fastu hi facile aspernantur. Præclaram aliquam artem , aut exquisitas rationes aliorum vsque eo contemnunt , vti stipulam , arenam , scorum proclament ac vituperent. Ex quibus factum est , vti duplici quodam obstaculo ingerendas in animam rerum notiones isti repellant : vno penitus ipsis insito , quo nimirum ex confidentia rei adsequutæ , vltiores labores subterfugiant : altero vero externo , quo ab alijs suggesta aut forinsecus illata , tanquã inania abiguntur. Procreat idcirco superbia inscitiam. Puteus autem doctrinæ & artium altus est : descensu animorum & sedulo labore opus erit , vti eiusdem aqua sursum extracta , absque fæce nostris vñibus propinetur. Herculeum sane terræ viscera rimari , repandere , & exinde Cerberum educere , erutumque in communi hominum aspectu collocare. Herculis solius telum cælestem lunonem attigit : illa nimirum orbium & planetarum secreta excussit , aperuit. Contentione autem huic animorum nihil magis inimicum , quam superba propriæ acuminis æstimatio : eadem omnibus disciplinis & artibus infesta , præsertim vero pijs & ciuilibus. Prioris quidem generis fastidit ac vilipendet : posterioris vero negligit , quod animo quasi in aëre suspenso , particularium rerum euentui , vnde huiusmodi notitia oritur , haud attendat. Quos etiã iam orbis ex imperio elatos videt , & aquilæ pennis alatos , non ita in agendis accurate circumspectos iudicat. Quocirca Apostolus tumentes & fastuosos apposite inflatos nominauit : *Sic inflati sunt quidam*. Et alibi : *Frustra inflatus sensu carnis sui*. Quemadmodum enim inflatus tumor nihil solidi aut concreti habet , sed ad speciem solum extenditur : ita qui propriæ excellentiæ opinione turgescunt , nulla omnino pollent firma aut bene constituta eruditione. Nihil mihi Gigis annulo dissimilius videtur , quam superbia. Annulus etenim ille Gigem alijs inuisibilem præbuit , cum interea loci sese ipse probe videret & intueretur : superbia autem foris stulticiam ostendit , pectoris recessus & arcana alijs euulgat , solum sibi ignota. Quæ quidem omnia sicut luculento exemplo in institutis sectariorum elucet , ita luctuoso euentu deplorata plane euaserunt. Quid enim illos ad hæresim & nefariam sectam adexit , nisi superbia ? Quid etiam sensus ipsorum crassa quadam ignoratione hodie obstruxit , ineptos reddidit ad bonarum artium præceptiones , nisi eadem superbia ? Hæresim superbia peperit , mox hæresis inscitiam refudit. Ecclesiæ yniuersali consensui , patrum concioni , populorum moribus ,

*Sinde pijs  
& ciuilibus  
inimica  
superbia.*

*1. Cor. 4.*

*Coloss. 2.*

*Cicer. 3. off.  
Herodot.  
lib. 1.*

*Sectaris superbi,  
ideo indocti.*

T T

vnus



vnus Lutherus præfracto quodam ausu refragari voluit. Ex animi sui sententia, seu potius libidine, scripturas omnes interpretari, diuina mysteria, pro ardore innouandi, tractare præsumpsit: quod nunc omnes eius affectus profitentur: sicut & sub Caluini vexillo militantes Caluinistæ, spiritum sibi vendicant iudicandi, concionandi, elucidandi, decidendi, dogmatifandi: ne sutores quidem, mulierculas, aut quoslibet literarum rudes fide sua collustratos, ab hoc principatu & laurea excipiunt doctoratus. In eam tamen inscitiam miseri hodie deuenerunt: ut nullam plane iam exacte disciplinam calleant. Omittamus grammaticales nugas, verborum strophos; quorum miri olim artifices exitere: quid egregij præstiterunt? Philosophiam, Theologiam, & huiusmodi reconditas scientias penitus ignorant: carminibus lasciuus & deprauatis scripturis contenti. Ipsa principia in nostris scholis notissima non percipiunt animis: multo minus quæ ingenij vigore ex illis promuntur conclusiones, tarditate sua adsequuntur. Altos nostros discursus, & à suis intelligentijs remotos, suspensis animis demirantur: quos quod non intelligant, sophísticos clamant, & viro ingenuo indignos: ita aquis semper supernatant vesicæ. Ipsorum opera euoluimus, ingentes quidem spiritus in illis, exiles autem mentes deprehendimus. Quorum aliqui, cum in nostris scholis nostra didicerint: quales extiterunt illi, qui suis humeris primo ingentem hanc hæresum molem Atlantes sustentarunt & inuexerunt, penitus ignorasse non videntur: nulla tamen ratione cum illis conferendi, qui orthodoxas partes sunt tutati. Cæterum qui istos insequuti, quam indocti? quam leuiter tincti? quam mendaces? quæ vani, quam nulli? Hæc eadem superbia quorundam animos occupans, illos omnino stultos effecit, atque ratione prorsus destitutos. Nihil altius Alexandri cognomento magni sensu videtur, nihil tamen insultius; cuius hæc fertur sententia: *Nec cælum duos soles patitur, nec terra duos reges.* Quasi vero Alexander ita suis armis orbis terminos complecti potuerit, sicut vnus sol eosdem illustrat. Modice & exiliter nimis de terræ magnitudine sensit, effusius autem, & largius de sua. Verum & in cælum hominis istius elatio, ingenti suffulta stultitia, scandere molitur. Non enim Philippi, sed Hammonis deinceps filius saluari & cōpellari voluit. Postquam etiam huiusmodi tumor in animum Cæsaris inuaserat, mirabiliter desipuit. Vt enim scribit Suetonius: *Templa, aras, simulachra iuxta Deos, puluinar, flaminum, lupercos, appellationem mensis è suo nomine, ac multos honores, ad libidinem cepit & dedit.* Caligula quoque diuinitatem affectante, sacrosque ritus sibi vendicante nihil ineptius. Omitto

*Trog. lib. 11*

*Sueton. in  
Cesar.*

*Phil. de  
Legat. ad  
Caicum.*



Omitto Saporem Persarum stultissimum : cuius superbam insaniam *Marcell.*  
prodidit Marcellinus. Elianus cuiusdā Ammonis insigniē imprudenciā, *lib. 1. Cron.*  
enatam ex animi elatione describit : is etenim cum pro Deo haberi *Elian. h. st.*  
voluisset , humano suffragio ad tantam dignitatem delitutus, auicu- *lib. 1. cap. 2.*  
larum quæsiuit testimonia ; quarum magnam copiam aucupio cum  
cepisset, has voces crocitare utcumque docuit : *Ammon est Deus.* Deinde  
auolare permisit : secum ratus ceteras omnes alites ab istis eandem  
cantilenam accepturas. O antiquitas, quam nugis tuis nostrorum in-  
genia derides ac lallis?

Quod vero ad momentum spectat dignitatum , tenui admodum  
filo suspenditur ; cura , labore , sollicitudine munitur : in vicino infa- *Honores ac*  
miæ dedecoris & mortis collocatur. Nihilominus ea est humani appe- *dignitates*  
titus amentia , uti summa quadam contentione ad sublimes hosce *vana.*  
gradus conuerti velit , & ipso nonnunquam interitu eisdem compa-  
rare. Ita Agrippa femina plusquam ambitiosa , que quum ex vaticinio  
& augurijs Chaldeorum didicisset filium Neronem futurū Romano-  
rum Imperatorem , impietate tamen sua matrem occisurum ; *Occidat,*  
(inquit Agrippa) *dum imperet.* Duplici autem ratione culmina pote- *Cor. Tacit.*  
statis ruunt. Primo mortalitatis conditione , cui omnia subiacent : *l. 14. Anal.*  
modica enim temporis protelatione tanquam pannus atteruntur im-  
peria , tandem desuunt & funditus decidunt : deinde hominum vi,  
arte , dolisque impetita, inclinantur, prosternuntur. Quemadmodum  
cuniculis inductis altissimæ turres subrutæ labuntur , & immani  
tormentorū vi succussæ deiiciuntur, ita authoritatis fastigia depressa  
iacebunt , cum aut externa violentia , aut latentes insidiæ ea ruinis  
confecerint. Quid obsecro humana vita inconstantius ? quæ sicut  
aliquando omnino esse desinet , ita nunc nulla eius pars eadem solide  
consistit : sed perpetuo fluxu immutata , aliquid eius in dies deperit :  
quod vero superest , quotidiana diminutione inbecillius effectum ;  
paulatim elanguit , & breui periodo inclusum , cum ad metam appu-  
lerit , statim concidit. Globus iste solis occurrente nube interceptus ,  
tamen si omnem quem potest non emittat splendorem, aliquem tamen  
ad nos usque transfundit . Fulgor autem purpuræ aut Tyrii coloris,  
qui ita hominum oculos nunc perstringit , cuiusque in luce omnes  
versari discipiunt : mors atro funere cum illum oppræsserit , nullibi  
protinus comparebit , aut amplius supererit , ne vestigium quidem  
magnifice incedentis pedis elapsam impressionem testabitur , vel scin-  
tilla aliqua pristinum splendorem fatebitur. Qui quidem scæne exitus  
longe non est distans ab aspectu cuiuscunque principis , aut viri  
magnatis.



Cicer.  
Tusc. I.

Regnorum  
mutatio.

Dignitas  
periculosa

magnatis. Vt enim inquit Cicero : *Itaque non deterreat sapientem mors, quæ propter incertos casus quotidie imminet : & propter breuitatem vitæ nunc quam longe potest abesse.* Quod cum verissimum esse constet in illis hominibus, qui rerum summa sunt potiti, tum manifeste quoque apparet in regnorum ipsorum imperiorumque reuolutis casibus. Istis etenim quasi in orbem succedentibus, nunc penes hos, deinceps penes alios dominium effloruit. Quondam Scythæ latissime imperitarunt, ac ab hac gloria repulsi postea defluxere, seque ad paludes ac niues recipere. Persæ orbi terrarum leges tulerunt : sed victi cum delicijs suis, tum Macedonum armis, alijs cessere. Expugnarunt Macedones atque Græcos Romani : horum imperiū suo pondere ferme oppressum remeavit ad Græcos : nunc diminutum in Germania sedem ægre defixit. Africa gens bellicosissima, Numidæ equites antiquorum præconijs, & suis ipsorum gestis celeberrimi, hodie in media barbarie languescunt ; Turcico oppressi iugo, literis & armis abstinent. Non amplius Carthaginenses Siciliam, Sardiniam, Hispanias tenent, non Romanis ruinam minitantur. Hispani, qui alijs semper antiquitus prædæ fuere, conductitij & mercenarij, nunc ab Aphris nunc Romanis merentes : monarchiam ferme proprijs armis compleuerūt : aquilam cum vnguibus ac rostro acrem, tum alarum remigio per immensum expansam habent. Angli Galliam, quam olim subiectam habuerunt, amiserunt. Et Galli, quorum imperio paruerant Gallogræcia, Palestina, Sicilia, tota ferme Italia, suis modo contenti finibus, vix proprijs gaudent : ita fato quodam per vices imperia feruntur & alternantur. Verum enim vero, si quando hæc cuiquam obtigerint Deo iubente, & humana industria procurante, firmæ essent, nec infinitis, dum possidentur, malis obnoxia : iustior multo ratio superesset contentionis ad dignitates & munia publica. Sin autem diademata non gemmis, sed spinis sint conferta ; regum throni ardentibus prunis referti, haud fulgoribus conspicui : nec minori cura parta seruantur, quam nondum adsequuta quærentur : profecto nihil menti nostræ sese offert, quod pectus ita urgere & extimulare deberet ad ambitus hosce ampliosque honorum gradus. Cæsar Iudicium Alexandri est demiratus, quo secum existimarat orbe semel domito, nihil remansurum quod ageret. Merito quidem Cæsar hanc suspicionem Alexandri uti minime æquam haud approbavit : quandoquidem difficilior plerumque sit parta tueri, quam nondum parta conari ut acquirantur. Vnde cum Cæsari Germanico post læta trophæa, celebres victorias, titulus patris patriæ esset oblatus, incertitudinem fortunæ subueritus, huiusmodi honorem

repu-



repudiavit : *Cuncta mortalium incerta , quantoque plus adeptus foret , tanto se* *Cornel.*  
*magis in lubrico disilitans.* Verissima etenim est sapientis sententia, ipsoq; *Tacit. lib. 1*  
 rerum frequenti euentu approbata : *Interdum homo dominatur homini in* *Eccli. 3.*  
*interitum suum,* nec plerumque aliud faciunt sublime appetentes, quam  
 si studiose impensaue opera altius quærerent præcipitia , vnde se di-  
 mittant. Narrat Sophocles Hectorem ab Aiace balteum muneris lo- *Sophocles*  
 co accepisse; quem magni æstimauit Hector, utpote virtutis ac bellicæ *Ajax. flag.*  
 eius fortitudinis testimonium: Ajax vicissim gladio poritus est Hecto-  
 ris. Ita autem postea euenit, uti Hectoris pedibus eodem balteo illi-  
 gatis, ad currum ferori cursu equi eius cadauer per Iliacos muros raptar-  
 retur : & quod Ajax Achillis arma non obtinuisset, vitæ suæ perteq-  
 tus , illo ipso gladio pectus suum effodit, & pronum se dedit in eius  
 mucronem. Sic ornamenta dignitatum, fasces, & purpuræ, quum arri-  
 dente fortuna ad aliquem appulerint ; eadem sæpius viam parant ad  
 interitum : & dedecora refundunt, ex quibus pompam & gloriam  
 expectabamus. Nam quod ipso boni genere dominatio sit præstan-  
 tissima ; aliorum adiunctam habens seruitutem ; quam ægre mole-  
 steque fert hominis ingenium : idcirco vel maxime hæc patet inui-  
 diæ, insidijs, & funeri.

*Vt alta ventos semper exeiipiunt iuga,*  
*Imperia sic excelsa fortune obiacent.* Et Horat:  
*Sapius ventis agitatur ingens*  
*Pinus, & celsæ grauiori casu*  
*Decidunt turres ; feriuntque summos*  
*Fulmina montes.*

*Sen. Oedip.**Horat lib.*  
*2. Carm.*

Splendoribus regijs occultat mors, & fatum atra spicula para ta ad  
 necem, ne videantur; & aureos calices, non fictiles, aconito suo illinit.

— — *Nulla aconita bibuntur*  
*Fictilibus, tunc illa time, cum pocula sumes*  
*Gemmata, & lato setinum ardebit in auro.*

*Iuuenat.*  
*Satyr. 10.*

Porro quæ mediocres mediocriter leuiterque feriunt : ea cum in  
 principem virum inciderint, ipsum grauissime exulcerant, atque vul-  
 uerant atrociter.

*Nam iacula viris qui immittit*  
*Magnis, facile non errat.*  
*At vero tanta si quis*  
*Contra me paruum dicat:*  
*Haud persuaderet cuiquam;*  
*Nam ad felicem,*  
*Inuidia accedit torua.*

*Soph. Ajax.*  
*flagel.*

TT 3

In



150 DE TRIPLICI HOMINIS OFFICIO,

In eandem etiam sententiam Euripides edisserens, priuatam vitam publicę præfert, utpote suauiore[m] securiore[m]que.

Eurip. Med

*Cæterum mediocri assuescere vitæ,  
Mibi sane præstabilius est, si non splendide.  
Tutoque consensescere liceat.  
Primum enim nomen mediocritatis vincit.  
Plausibilisque est, optimumque diu vii  
Mortalibus. At opes excelsæ  
Haud perpetuo stabiles, firmæque sunt mortalibus.  
Qui tristiores noxas, cum iratus fuerit  
Deus, potentium familijs immittit.*

Senec.  
Theb.

Tacit. lib. 11  
Anal.

Senec. lib. 6  
de benef.  
cap. 33.

Imperia  
multi ab-  
dicarunt.  
Trog. l. 39.

Suet. Tiber.  
cap. 24.

Sueton.  
Claud.  
cap. 36.

Et ut ait Seneca: Simul ista mundi conditor posuit Deus, odium atque regnum. Quod si magnis istis viris malum aliquod ingruerit, non ab vno quasi gradu sensim ac lente descendunt, sed à supremo præcipientes corrunt ad infimum. Nam ut scripsit Tacitus: Imperium cupientibus, aut habentibus, nihil medium inter præcipitia & summum. Seneca etiam: Non enim his gradibus, quibus ad summam peruentum est, retro itur: sæpe inter fortunam maximam & ultimam nihil interest. Nec vnquam, inquit Tacitus, satis fida potentia, ubi nimia est. Quæ omnia cum secum diligentius animis reputarent sapientes viri, nihil prius habuerunt, quam ut imperio & dominatu abstinere. Quo quidem consilio Alexander Syriæ Rex, ut narrat Trogus, cum reginam matrem crudeliter agentem videret, periculoso regno securam ac tutam vitam anteponens, imperium abdicauit. Supremam hanc in alios potestatem, belluam appellauit Tiberius imperator: Impudentissimo animo (inquit Suetonius) nunc adhortans amicos, & increpans ut ignaros, quanta bellua esset imperium. Quocirca idem adseruit imperantem se lupum auribus tenere, quem neque dimittere auderet, neque diutius sibi vicinum facere. Quare ad euitandum periculum, quod fastuosis imminet dominis, honores reiecit, & ut priuatus vixit: Prænomenque imperatoris, cognomenque patris patriæ, & ciuicam in vestibulo coronam recusauit: ac ne Augusti quidē nomen, quanquam hereditarium, ullis, nisi ad reges, ac dynastas, epistolis addidit. Huiusmodi terror magnatibus infestus, imperatorem Claudium ferme exanimauit, & imperij pondus illi graue atque exosum fecit. Cum enim quidam proditiōe illi necem intentasset: Senatū per præcones præpropere conuocauit, lacrymisque & vociferatione miseratus est conditionem suam: cui nihil tuti vsquam esset: ac diu publico abstinuit. Misera conditio (inquit quidam) Imperatorum, quibus de affectata tyrannide, nisi occisis non potest credi. Mithridates Rex minoris Sirię, serui plane timore



timore oppressus, insidias quorundam ita exhorruit, vt de illo scripserit Trogus: *Venandi studium finxit; quapropter quatuor annos, neque vrbis, neque ruris tecto vsus est.* Commodus imperator huiusmodi territamenti exagitatus, candente ferro sibi barbam & comam adussit, aliorum manibus parum fidens: experientia etenim didicerat verum, quod cecinit Iuuenalis:

*Ad generum Cereris sine caede & vulnere pauci  
Descendunt reges: & sicca morte Tyranni.*

*Iuuenal.  
Satir. 10*

Et vt scribit Seneca: *Illi mors grauius incumbit,*

*Senec. in  
Thyest.*

*Qui notus nimis omnibus,  
Ignotus moritur sibi.*

Heliogabalum immanem illam belluam, non credo voluptatibus abundasse; quem tam diro cruciatu mortis horror assidue vexauit. Ne enim alterius violentiam sustineret, instrumenta interitus ipse sibi met parauit, & quotidie vltimum desperatae vitae effugium suis oculis abspexit: venena nimirum, praecipitia, funes, & reltes: de quibus haec narrat Lampridius: *Parauerat igitur funes ex serico & cocco intortos, quibus si necesse esset, laqueo vitam finiret: Pararat & gladios aureos, quibus se occideret; si aliqua vis vrgeret; parauerat & in cerauncis, & hyacinthis, & in sinaragdis venena, quibus se interimeret; si quid grauius immineret: fecerat & altissimam turrim, substratis aureis gemmatisque ante tabulis, ex qua se praecipitaret: dicens etiam mortem suam pretiosam esse debere, & ad speciem luxuriae: vt diceretur neminem sic perisse.* Miser profecto, ex nulla alia re in vita voluptatem capiens, quam quod luxuriose tandem esset periturus: Talis etenim forma mortis nec penam imminuit, nec dedecus aufert. In eo (vt ex Tito Liniio colligitur) regibus in more positum fuit, venena ad omnes casus parata habere, quibus suam ipsorum vitam voluntaria morte funestarent. Haec refert de Maclinilla, venenum ad Iophonismam Africanam transmittente. *Esda ex seruis vna accito, sub cuius custodia, regio more, ad incerta fortunae venenum erat, ei mistum in poculo ferre ad Iophonismam inbet.* Venenatum fante imperium, mortiterum, truculentum. Qua de causa neminem existimarem ita ambigua cura districtum, atque ipsum principem. Imprimis ei laborandum vt fidos sibi adiungat amicos, qui nerui sint & columnina imperij: ideoque in ipsorum gratiam multa prestare debet interdum, quae alioquin illi vehementer displicerent. Dissimulandae plerumque offensa etiam grauior, cum interim ardore vindictae cor ipsum ebulliat. Neque enim principi semper integrum erit animaduerrere in illos seuerius, qui iuste suis delictis

reatus

*Lamprid.  
Heliogab.*

*Lia. decad.*

*Prin ipes  
cura solis  
ciat.*



reatus noxam contraxerunt. Multa sane prætermittenda, quod species quædã est seruitutis: & sicut assidua solitudine ab ipso fouendæ sunt amicitia, ita haud minori cura cauendæ insidiæ. In omnem denique formam flexibilis debet esse princeps, & semper ambiguus eius sensus. Non tam ab ipso quidpiam statuendum, quod voluntati ipsius atque iudicio ut bonum verumque respondet, quam quod temporum rationi, personarumque conditioni aptum & idoneum apparet. Sicut enim nauigationi non tam nauarchæ imperium præest, quam spirati venti flatus: ita non ex voluntate principis plerumque rerum summa decernitur, sed potius ex incerto euentu & casu, quæ in quamlibet partem principis sceptrum inflectunt. Interim ut omittam studia illa, quæ reipublicæ bono impenduntur; in excipiendis omnium causis, illorumque deprecationibus attenta aure & animo ad misericordiam inclinato exaudiendis: præsertim si illa teneritudine afficiatur, qua aliquando Augustus, qui solitus fuit dicere, principis non esse quempiam tristem à se dimittere. Hæc quidem necessario distrahent animû illius, & maximis curis torquebunt. Porro principum ita comparatum est ingenium, uti honoris famæque sint appetentissimi: quocirca sicut diligentia & summa contentione, istorum aucupiû exercent, ita timor dedecoris, vituperij irrequietos habet, corpore animoque semper sollicitos. Vix etenim dici poterit, quanta cum acerbitate ad aures principis accidat vel modica de sua persona infamia. Egre ferre valet etiam aliorum præconia, quibus narratur illos gloriam suam exaquasse. Ipsa etiam corporis moderatio, & ex affectata seueritate: eiusdem compositio, quam principes usurpare solent, absque dubio res est molestissima. Nec dubito, quin graue quidpiam sibi Constantius imperator præscripserit, qui (ut narrat Amianus Marcellinus) nunquam visus est flectere vultum in aliquam partem, manum mouere, aut expuere.

*Sueton in  
August.*

*Principes  
ex honoris  
appetentia  
inquieta.*

*Am. Mar-  
cell. lib. 21.*

*Principum  
casus fu-  
nesti.*

*Sen. Thyest.*

*Fortuna  
incerta.*

Quod si illorum exitum contemplari velimus, qui ex altissimis imperij arcibus & speculis deturbati, in extremam fortunam deciderunt: infinitum propemodum esset omnium catalogum contexere. Ut tamen fortunæ instabilitas in memoriam reuocetur, aliquot exempla adiungam. Nulla quidem felicitas ita firmatur, uti post temporis decursum infelicitati non cædat: neque pondere infelicitas ita perpetuo grauat, ut vicissim aliquando non excutiat læto & prospero rerum succussu: est enim fortunæ rota partim nigra, partim alba: quæ perenni motu circomuoluitur. *Nulla fors longa est: dolor ac voluptas luicem cædunt: breuior voluptas.*

*Nemo*



Nemo confidat nimium secundis,  
 Nemo desperet meliora lapsis.  
 Miscet hæc illis, prohibetque Clotho  
 Stare fortunam: rotat omne fatum.  
 Nemo tam diues habuit fauentes,  
 Crastinum ut possit sibi polliceri:  
 Res Deus nostras celeri citatas  
 Turbine versat.

Consulto idcirco quidam ita fortunæ effigiem expressit, uti in dextera cornucopiam teneret, in sinistra vitrum. Sicut enim parca aut arida non est fortuna, cum donat: ita nec stabilia sunt, quæ concedit: sed quouis vitro fragiliora. Interea loci in tuto quasi constitutis, illis videlicet qui in mediocri statu incedunt, aut fortunæ, vitæ recessu, valedixerunt; haud erit ingratum spectaculum alios videre in alto falo sub onere fortunæ laborantes, & inimicissimi euentus ærumnis (quibus res prosperæ mortalium voluntur) implicatos.

Alex. ab  
 Alex. lib. 1.  
 cap. 13.

Suaue mari magno, turbantibus æquora ventis,  
 E terra magnum alterius spectare laborem.  
 Non quia vexari quempiam est iucunda voluptas,  
 Sed quibus ipse malis careas, quia cernere suaue est.  
 Suaue etiam belli certamina magna tueri,  
 Per campos instructa, tua sine parte pericli.  
 Sed nil dulcius est bene quam munita tenere.  
 Editæ doctrinæ sapientum templa serena  
 Despicere, unde queas alios, passimque videre  
 Errare, atque viam palantes querere vitæ.  
 Certare ingenio, contendere nobilitate,  
 Noctes atque dies niti præstanti labore,  
 Ad summas emergere opes, rerumque potiri.  
 O miseras hominum mentes, o pectora cæca.

Zucet. lib.

In hanc scenam, tanquam ludibrium fortunæ, prodit Xerxes Persarum Rex, terræ marique grauis: qui orbi ruinam est aliquando comminatus. Elusus tamen euentu belli, vitæ suæ consulens, piscatoria scapha flumen trepidus traiecit; de quo hæc Trogus: Erat res spectaculo digna, & ad astimationem rerum humanæ sortis miranda: in exiguo latentem videre nauigio, quem paulo ante vix æquor omne capiebat: carentem viam omni seruorum ministerio, cuius exercitus propter multitudinem terræ grauis erat. Polycrates in Samo tyrannus, cui quod nihil in vita aduersi vniquam accidisset, partus fortunæ nuncupatus: quique ad temperan-

Xerxes  
 casus.

Trog. lib. 2.

Herodoti  
 lib. 4.  
 Polycrates  
 casus.

V. V.

dam



dam fortunæ benignitatem, sponte annulum in mare proiecit, & eundem à piscatore in visceribus cuiusdam piscis inuentum, restitutum postmodum habuit: cruci tandem affixus plusquam miser interijt.

- Cresus casus.* Cresus Lidorū Rex Ciro subijcitur: cum tamen singulari suorum  
*Trog. lib. 1.* amore prius complexus, atque ipsorum armis bene protectus, diui-  
*Herodot.* tiarum quoque cumulis probe munitus videretur. Cirum Schytarū  
*lib. 1.* spolijs onustum, & maximis conspicuum trophæis, recenti victoria  
*Curt. lib. 3.* exultantem, Thomyris fraude & insidijs circumdedit: ducentis mil-  
*Ciri. casus.* libus Persarum occisis, cum ipsorum rege: vt ne nuncius quidem  
 acceptę cladis superesset. Tandem ipsius abscissum caput Regina in  
*Crassi. exitus.* vterem humano sanguine repletum conijcit, cum hac dedecorosa  
 crudelitatis exprobratione: *Satia te sanguine, quem sitisti, cuiusque insatia-*  
*bilis semper fuisti.* Similis exitus ditissimum Crassum excepit: (vt narrat  
*Dio lib. 4.* Dio Cassius) eliquatū enim aurum in os eius infunditur, in oppro-  
*hist. Rom.* brium insatiabilis avaritiæ. Darius, cuius exercitus constabat ex de-  
*Darij casus* cem millibus equitum, centum millibus peditum, tandem fuga dilap-  
*Plutarch. in* sus, in illo prælio, quod contra Alexendrum gessit, vili inclusus rheda,  
*Alex. Curt.* multis confectus vulneribus, ad fontem quendam moribundus rese-  
*lib. 3.* dit: vbi inimico Alexandro (præsentē & audiente Polistrato) orbis  
*Alexandri* imperium, sibi vero sepulturam dum precatur, expirat. Sed neque  
*casus.* ipse Alexander domito Oriente, diuinos honores, sacra puluinaria  
*Trog. lib. 12* & lectisternia consequutus, vim fortunę superauit. In flore enim  
 iuuentutis, trigessimū tertium animum vix cum compleisset, belli  
*Dionysij* gloria elatus, nouos orbes secum animo reuoluens edomandos, Thes-  
*casus.* sali medici veneno potatus, extinguitur. Pari etiam casu Dionysium,  
*Am. Mar-* gentium aliquando terrorem, fortuna deiecit: quem imperio exu-  
*cell. lib. 14* tum, literario ludo Corinthij præfecit pædagogum. Romani quo-  
 que qui primi fuere, ij ad infima deiecti postea. Remus ad  
*Rhemi ca-* imperium (vt videbatur) natus, fratris manu misere concidit: atque  
*sus.* ita Romulus fratrīcidio ac naturæ violatione vrbs fundamenta  
*Liui. lib. 2.* fēdauit. Ipse quoque Romani imperij caput & parens, calitus eui-  
*Romuli* brato fulmine, confossus moritur, aut temeritate populari impetitus  
*exitus.* decerpitur: vti omni fide careat iurandum Proculi, cuius mendacio  
 & periurio hoc adeptus est Romulus, vt à plebe illa rudi & imperita  
*Liui. lib. 1.* Quirinus Deus haberetur. Tarquinij superbia reges vrbe exegit:  
*Scipionis* Consularis tamen potestas varijs subinde quassata cladibus. Scipio  
*interitus.* cognomento Africanus, qui Annibalis duriciem virtute bellica, pu-  
*Liui. lib. 39.* nicam eius fidem Romana prudentia superarat: ingratorum ciuium  
 malignis animis extorris opprimitur: & inquit Liuius: *Scipio etsi non*  
*exul,*



exul, neque damnatus, die tamen dicta, ad quam non affuerat, reus alsens citatus, voluntariam non sibi met ipsis solum, sed etiam funeri suo exilium indixit. Preterire non possum eius in bello Andagonistam Hannibalem. Hic quidem superatis Alpium iugis, in opulenta Italix arua bellico apparatu irrupit: gentem orbis imperio gaudentem, idq; domi lacescere est ausus: pugna ad Thracimenū, postmodum ad Cannas Italicum nomen & gloriam ferme extinxit: Romam armis circundedit, pinisq; sacrorum mēiorū ruinam minitatus: inclinante autem fortuna, ad tutandam Carthaginem dura obsidione cinctam, in Africam remeare cogitur: ubi à Scipione etiam in patrio solo profligatus Marti, à suis autem in exilium abiectus, fortunæ: fato extinctus, naturæ quoq; cessit: *Exul Hannibal proditus ab hospite, veneno absumitur.* Pompeius tot victorijs Imperator inlignis, cuius annulus gentilicia nota decoratus, Leonis gladium ferentis, gregarij satellitis gladio periit: aut ut tradit Amianus: *ad spadanum libidinem in Aegypto trucidatur*, de quo etiam hæc Firmicus: *Pompei post tot triumphos ad Nili fluminis ripam, ceruices inui-* *Am. Mar-*  
*cell. lib 14-*  
*Firmicus. 3*  
*Etas & regias; & quas toties purpura triumphalis ambierat, semiuiri hominis gladius neptario genere mortis incidit.* Antonius senatui quondam charus, dum Cleopatrx amores ambit, & ad imperium adspirat, Romano exercitu fugatus, palabundus obuio milite interficitur. Quid Cæsare orbe ferme ab ipso domito excelsius? qui tot pericula & & mortes præteruectus, in quem densatæ hostiles manus, exerti gladij, hamatæ hastæ, equorum violentiæ, elephantorum furores, nihil efficere potuerunt: domi, in senatu, & ab amicis togatis decerpitur, pugionibusque confoditur. Nunc venio ad Imperatores. Romanam purpuram non tam conchæ, quam humano sanguine intinctam nemo est qui non vidit, si modo rerum gestarum historias perlegerit diligentius. Cuspinianus Imperatorum vitas describens, istius ordinis à Iulio Cæsare, vsque ad Carolum magnū, numero septuaginta quinque violenta morte extinctos recenset; ex quibus aliquos hic inducemus. Tiberius Caligulæ insidijs interimitur, vel famulorum manibus iniectis in os eius pannis, dum lecto egrotus decumberet, suffocatur. Interitum Caligulæ, etiam arridente, vel potius ficta specie decipiente fortuna, ita enarrat Aurelius victor: *In spacio trium millium, quod in sinu puteolano inter moles iacet, duplici ordine naues contexens arenæ aggestu ad terræ speciem viam solidatam, phalarato equo insignis, quercæ corona quasi triumphans indutus, aureo paludamento, curru bijugi decurrit. Dehinc à militibus confessus interiit.* Claudius Tiberius aconito inficitur, & fungo (ut iocari solebat Nero) diuinitatem mortuus est consequutus. Nero, cuius nominis

Hannibalis  
casus.Polib lib 4  
Liu. de cad.

3.

Pompei.  
casus.Am. Mar-  
cell. lib 14-  
Firmicus. 3Antonij  
casus.  
Eutrop. l. 4  
Cæsaris  
casus.

Dio lib. 40

Cuspin. de  
Imp. Rom.  
Sepulch.  
l. 2. de reg-  
no & reg-  
gis off.  
Tiberij  
mors.  
Suet. in  
Tib.Victor. in  
Calig.  
Caligulæ  
interitus.  
Claudij  
exitus.  
Sen. in Luc.



Neronis  
casus.  
Suet. in  
Neron.

Galbe in-  
teritus.  
Suet. Galb.  
Othonis  
mors.  
Victor  
Othonij  
Vitellij  
exitus.  
Victor in  
Vitell.

Sueton. in  
vitell.  
Domitiani  
interitus.  
Victor. Do-  
mit.  
Commodi  
casus.  
Victor. in  
Commod.  
Caracalla  
mors.  
Suet. Cara-  
calla.  
Heliogaba-  
li fatum.  
Sueton. in  
Heliogab.  
Decij casus  
Victor. De-  
cius.  
Valeriani  
interitus.  
Victor. Va-  
lerian.

minis sonus, & corporis ipsius vel vmbra Romanis terrori erant, de-  
sertus à suis, aperto capite, equo cum atra pennula vectus fugit: ex  
fluente mox ad sedendam sitim ex cursu prouenientem miser aquam  
manu hausit: deinde in spelunca præruptæ rupis delitescens, cum per  
quendam nuncium ei esset delata fama, quod hostis patriæ omnium  
vocibus iudicaretur, tanto crimini decreta supplicia exhorrescens, ipse  
sibi ferro mortem consciuit. Galba ad lacum Cursum cæditur, eius  
caput pilo affixum calorum & lixarum manibus cum ludibrio agi-  
tatur. Otho nonagesimo quinto imperij die, proprijs manibus pectus  
pugione aperuit. Vitelli ignominiosum exitum, & plane sordidum  
refert Aurelius victor: *E palacio quo se abdiderat Vitellius, vinclis à tergo ma-  
nibus productus, circumducitur ad spectaculum vulgi. Ac ne homo impudens in extre-  
mis saltem malorum, quæ gesserat, rubore faciem dimitteret: subiecto in mentum  
gladio, seminudus, multis ceno, fumo, & cæteris turpioribus dictu purgamentis vul-  
tum eius incessantibus, per scalas Gemonias trahitur: ubi Sabinum Vespasiani fra-  
trem necari permiserat: numerosis ictibus confossus interijt.* Cuius cadauer vnco  
tractu, in Tiberim proiectum dicit Suetonius. Domitianus Christia-  
norum hostis cruentus, commerita morte turpem sequamque vitam  
conclufit: manibus etenim domesticorum concidit. Commodus bo-  
nis omnibus, diuinis pariter & humanis incommodus, hostis deorum,  
parricida senatus iudicatus, immisso in eum validissimo palestrita,  
compressis faucibus exspirauit. Caracalla ex equo defiliens, à Parthis  
opprimitur. Heliogabalus indomita & rabida libidinis mancipium,  
tumultu militari interfectus: eius corpus à milite postea tractum,  
adiectoque pondere in Tiberim demersum: ac sic Tiberinus tandem  
Tractitiusque est cognominatus. Decius in solo barbarico inter con-  
fusas turbas, (vt narrat Victor) paludis gurgite exhaustus est: vt nec  
eius cadauer vnquâ potuerit inueniri. Valerianus apud Parthos igno-  
bili seruitute consenuit: tamen si dum viveret, illius prouinciæ Rex  
incuruatum dorsum pedi eius supponere consueuerat equum con-  
scendenti. Diocletianus furijs illum agitantibus ob Christianorum  
cædes, voluntaria formidine ad mortem vsque inglorius contabuit.  
Hæc crudæ ac ferreæ antiquitatis monumenta. Omitto quamplurimos  
alios ex ordine imperatorio, qui pari felicitate exuti, tantum suis cla-  
dibus posteritati innotuerunt. Ex Romanis etiam ducibus vnum aut  
alterum in hanc tragicam scenam inducam. Ruffinus militari gratia  
illustis, temporibus Theodosij senioris, nihil aliud quam purpuram,  
& militum voces, quibus imperator denuntiaretur, expectans: furore  
militari in partes & frustra discerpitur; & vt eius auaritiæ illuderetur,  
exfectam



exsectam ei dexteram hastę milites figentes, soluentesque neruos, quali stipem emendicaret, significarunt: mox eosdem retrahentes, porrectum obolum Ruffinum auide accepisse monstrarunt. De cuius infelicitate hæc Claudianus: Cland. cōt. Ruff. l. 2.

*Dextera quin etiam ludo concessa vagatur,  
Æra petens; penasque animi persoluit auari,  
Terribili luxu, vncosque imitata retentus,  
Cogitur adductis digitos inficere neruis.*

Istius miseriam ferme exęquauit Bellisarius, tot pariter exercituum ductor sub Iustiniano imperatore. Ob victorias & summam virtutum gratiam, Romanorum decus iste appellatus fuit: hic tamen postquam triumphasset, duobus regibus deuictis, Carthaginem quoque, Siciliam, Neapolim, totam ferme Italiam posteaquā recepisset, ob suspicionem coniurationis in ordinem redigitur: & vt quidam tradunt, excæcatus misere vitam finiuit. Istis adiungi poterit Baiatzetus Turcarum Rex. Cum enim Græciam armis occupasset, à Tamberlano Scythia viuus in bello capitur, ac ferrea cauea inclusus, cum ludibrio circumfertur. Ludouicus Sfortza Dux Mediolanensis, quod felicitate visus sit vndiq; circumfluere, fortunę filius dici voluit: atque effigiem suam expressit stantem super fortunę rotam. Inuasus tamen à Gallis, vitæ suæ fuga trepide consuluit: atque vt seipsum occultaret ab hoste, dimisit se tantus Dux ad pedes Helueticorum turmatim incedentium. Captus tandem à Gallo, Lugduni in carcerem conijcitur; vbi omni priuatus solatio, imo & librorum lectio, misere vitam finiuit. Carolus septimus Gallię Rex, qui Anglos expulit è Gallia, postquā eius præcipuam partem per annos trecentos & quinquaginta tenuissent: timens sibi à suis, ne veneno à quopiā extingueretur, cibo prorsus abstinuit. Et cum vi in eius os esculenta medici ingererent, fame nihilominus confectus, spontanea clade moritur. Filius quoque eius Ludouicus, post ampliatus imperiū; princeps sine dubio cum pectore bellicosus tum animo prudens & sagax: vt idem retulit Philippus Cominęus, veritus ne sibi aliquis è suis necem inferret, se abdidit in castellum quoddam, indies ferme cubicularios seruos mutauit, locum in quo ipse erat ferrea crate munivit, filium ac socerum à se repulit, nunquam cubiculo ausu egredi. Ita misere tantus rex sentim contrahescens, periit. Magno illi Sfortiæ, cui vis martia nomen dederat: post tot bella feliciter in Italia gesta, & splendide erecta trophęa, amnē prope piscariā traiciēti, equus quo vehebatur, (vt narrat Paulus Iouius) tamen in signis, cruribus cepit deficere: & dum porrigit manum puero

*Bellisarij  
infelicitas  
Cedren. in  
Iustin.*

*Baiatzetus  
casus.*

*Munster.*

*Cosmograph  
lib. 24.*

*Ludou Sfor*

*za exisus.*

*Guicciar. l. 6.*

*4. hist. Gal.*

*Comin. l. 4.*

*hist. de bel-*

*lo Neapol.*

*Paul. Ioui*

*lib. 4.*

*Elegiar.*

*Magni*

*Sfort. casus*

*Paul Ioui*

*in vita*

*Mag. Sfort.*

*cap. 89.*



Stous Edouard. 2.  
Edouardi  
secundi  
casus.

puero armigero periclitanti, aquis & limo absorbetur, bis autem armatum brachium efferens iam obrutus flumine, signum dedit deplorandi sane interitus. Nihil vnquam legi in quauis historia, quod vel fortunæ inconstantiam aut humanorū euentuum acerbiter magis referat, quam quod in annalibus nostris descriptū reperi de Edouardo Anglorum rege, eius nominis secundo. Hic maleuolentia suæ vxoris purpura ac regno exuitur, atque in carcerem teterrimum, mancipij alicuius more detruditur: cum prius imperasset tam opibus affluens, quam armis conspicuus, ferme spacio annorum vnde viginti. Porro custodes tam dire, ex mandato reginæ, in principem hunc iam senem deseuerant: vti ipsum cogerent aperto capite aliquando equitare, vigilare, cum dormire velit; illis vesci cibis, quos maxime abhorrebat. Asperissime demum verbis ipsum perpetuo excipiebant: existimantes inde dolore in animo concepto, ipsum tandem conficiendum. Rex autem, quod magnanimus esset, & corpore firmissimo, malis istis diu restitit. Imo & venena aliqua naturæ viribus, quæ hauserat, expulit, & per secessum excreuit. Inter alia, ludibrij loco capiti eius coronam imponunt ex feno vel stramine, atque sic insignitum nomine regis saluant. Cum autem ad alium tutiorem locum ipsum deducerent: ne in itinere à quopiam cognosceretur: cogitabant arte aliqua ei oris figuram, ratione crinum ac barbæ demutare. Iter facientes, forte incidit in fluuiolum quoddam, quo prata solent irrigari. Hic (ex illis quidam dixit) regem nostrum tondebimus: locus peropportunus. En aquam, qua lauetur. Equo senem deturbant illico, ac sedere faciunt super molem quandam, quam talpa excitarat. Ad eum accedit barbitonfor cum vase pleno aqua, quam ex illa fossa lutea desumpserat: vti faciem eius ac caput per deridiculum lauaret. In hunc, iam oculis dolore plenis respexit rex, ac dixit: quid meo vultui frigidam aquam adhibes? solebam ipse semper hucusq; calida vti. Regi homo barbarus respondit: calidam cur queris, satis tibi idonea hæc frigida. Vobis tamen vel inuitis calidam habebō inquit rex, ac statim magnā vim lacrymarū, vberim per genas defluentium, expressit: quibus & vultus eius omnis madidus euasit. Cum autem ad destinatum locum ventum esset: compingunt ipsum in arctum cubiculum, & paulo inferius in quandam caueam conijciunt omnis generis cadauera: vt illorum fetore necaretur: quo reuera ferme fuit suffocatus. Tandem visum est reginæ, amplius senem non debere esse superstitem: quocirca eius iussu, fertur Episcopum Herefordiensem ad custodes carceris hoc subdoli scripsisse: *Edouardum occidere nolite timere bonum est.* Sensus autem istius sophisma-



sophismatis intelligentes, regem obruunt culcitris plumeis, ac spiritum ei compriunt. Alij ferunt ad celandum vulnus, per clunes adactū fuisse cauum cornu, atque per illud traiectum veru ad intestina. Ita è summis exciderunt, qui ad summa adspirarunt. Hinc etiam apud Græcos Ostracismus, & decreta exilij pæna in eos, qui culpa etiam vacantes, propter magnitudinem tamen opum, ne affectarent tyrannidem, testularum suffragio ciuitate exulabant.

*Polid.  
virg lib.  
hist 18.*

*Emil. prob.  
in Them.*

Verum nihil ita superbam hanc mentis elationem odiosam & execrandam facit, atque quod sit omnis plane sceleris initium & caput, lerna malorum, effrenatorū animalium spelunca, vitiorum panoplia & metropolis. Nam si diuina cogitemus, cum instituti Christiani summa dictis factisque humilibus contineatur (vt Lactantius adnotauit) qui saltu turgent, altaque animis & ipso opere moliantur: nihili eos pendere videmus, parumque habere dimissionem hanc sui, quam nostra fides suadet enixe, eaque confirmatur tota. Hinc inde venit, ad magistratus immodice ardentes, & cupiditate dominandi flagrant, regum palpones & mancipia, plebis autem carni-fices; quos politicos vidit, & nuncupauit hoc nostrum sæculum, ita abhorrere à placitis orthodoxi cultus: vti ceruices purpura cinctas, despiciatim admodum à iugo Christianismi auertant. Ceterum id, in quod primum intendit oculus fide collustratus, Christus est: idem autem forma & exemplar humilitatis. Cuius quidem diuina natura adeo sublimis, deiecta fuit ad carnem, caro autem delata ad crucem, mortem, & sepulturam. At hæc saltuosus nauseam prouocant. Insuper illas faces amoris pectoribus nostris intulit Christus Dominus, vti eius causa sponte abdicare parati simus à nobis gloriam omnem potestatis, diuitiarum subsidia, ipsum etiam voluntatis nostræ imperium & *αυτοκρατία*. Quæ quidem studia, sordida & depressa omnino reputant, & contemnunt elati homines ac ambitiosi. Circuncinxit nos etiam Christus sacris suæ Ecclesiæ sanctionibus, quibus animi sensus dimittere debemus: & rationes nostræ intelligentiæ, tanquam quodam septo, eisdem coercuit; ne multiplici opinione fluctuantes, fidem incertam vacillantemque retineamus, aut omnem penitus amittamus. Hoc vero quibusdam prorsus videtur intolerabile, vt pote hæresum sectatoribus. Illi enim tumore quodam inflati, eam sibi vendicant in diuinis auctoritatem, qua sententiam ferre præsumunt de omnibus in controuersiam & litem incidentibus. Vnde perspicuum est sacris diuinisque infestam esse superbiam. A quibus si ad humana descendamus, eadem apparebit eiusdem intemperies

*Honoris  
appetitio  
immodera-  
ta vitiorū  
omnium  
causa.*

*Lactant. l. i  
de vera  
sap. Clem.  
Alex. lib.  
1. Strom.*

*Superbia  
diuinis ad-  
uersaria.*

*Superbia  
rebus hu-  
manis in-  
feras.*



peries. Quas leges non violauit aliquando superbia? Quæ iura non infregit? Quam amicitiam non contempsit? quos neruos reipublice non succidit? Ita enim gloriæ cupidus ardet plane desiderio potiundi voti, vti aliorum vitas, facultates, emolumenta omnia habeat venalia. Struem facit iste cadauerum, & ornamentorum publicorum, ad gradus honoris facilius conscendendos. Huiusmodi vefania ex superbia prognata, Alexandri animum, etiam in Clitum sibi fidissimum amicum, efferauit plane. Nam cum Clitus Philippi res gestas narraret, easque præconio efferret; visus is est Alexandro, patrem se factorum magnitudine superiorem fecisse: quod indigne impotenti animo ferens Alexander, arrepto telo Clitum trucidauit. Quis non merito dicet superbiam esse crudelem? Cleopatra regni socio, ipso suo filio Ptholomæo aggrauata, populum in illum excitauit: quem dum ingenti exercitu persequitur, ducem eiusdem interficit, quod filium viuum è manibus elabi dimississet. Ptholomæus etiam ipso die nuptiarum, ex appetentia imperij, filium vxoris suæ, vel in eius sinu occidit. Idem in odium vxoris, filium quem ab illa susceperat, interfecit: eiusque cadauer exanime, & recenti respersum sanguine misit ad matrem. Eucratides in Bactris Rex, filij sui gladio periit, quem sibi paulo ante in imperio socium adsciuerat. Romulus fratrem in imperio sibi equalem passus non est. Tarquinius vt ad regnum perueniret, senatum, urbem, vicinia, innocuo sanguine cruentauit. Nero Germanicum, Antonius Getam, orbe excluderunt; ne in vrbe regnarent.

*Nulla fides regni socijs, omnisque potestas  
Impatiens consortis erit.*

*Iul. Capiz  
sol. in Max.*

Maximinus barbarus & ferus homo, turbulenta militum acclamatione ad imperium euectus: quod ex infima plebe & hominum fæce esset oriundus, ne quis eius profapiâ, qui eam nouerat, Romanis relatu proderet: conscios ignobilitatis suæ ad vnū occidendos curauit. De quo Iulius Capitolinus: *Nam ignobilitatis tegenda causa, omnes conscios generis sui interemit: nonnullos etiam amicos, qui ei saepe misericordie ac pietatis causa pleraque donauerant.* Detestabilis videtur Neronis cum summa crudelitate coniuncta superbia: qui vt Romanæ ciuitati nomen imponeret, illamq; diceret Neroneam: quatuor eius partes flammis absumpsit: tres alias deiecit: interim ipse incendij spectator, excidium Troiæ ad liram è sublimi loco decantabat. Imo licitum omnino appetentibus imperia, etiâ fratres occidere opinantur ambitiosi. Nam (vt scribit Plutarchus) Alexander magnus solus gloriatus est, ab ipso filiū non timeri, sed cum lancea ad corpus recipi & admitti. *Nam*

*quem ad*

*Trog. lib. 2.  
Superbia  
crudeles.*

*Dio Cass.  
lib. 40.*

*Trog. l. 38.*

*Trog. l. 41.*

*Lin. decad.  
1.*

*Lucan. l. 1.*

*Iul. Capiz  
sol. in Max.*

*Cornel.  
Tacit. l. 13.  
Anal.*

*Plutarch.  
in Demet.*



quomodo (inquit) Geometre petunt, ut quædam sibi concedantur, eaque sumunt: ita concedebatur tanquam commune quoddam postulatam, iudicio hominum & regionum, regni causa fratres de medio tollere. Richardus tertius Angliæ Rex, ex cupiditate imperij simili correptus furore, Edouardum eius nominis quartum, fratremque suum Germanum legitime Angliæ imperantem, tanquam spurium publice traduxit: neque veritus est honestissimæ matriamores meretricios hoc suo infami cōmento affingere, ac nepotes duos violenta morte opprimere. Quid durius illo Adolpho Geldrig ducis filio? qui ut parenti imperiū eriperet, eum vi cepit: ac senem media hieme per quinque milliaria nudis pedibus coëgit incedere: cum via omnis gelu ac niue aspera esset & horreret: atque in tectū carcerem parentem detrusit miserum. Cum autem alij principes hoc à filio factum in parentem ægre tulissent: conditiones quasdam cōstituunt æqui & iusti, ad dirimendam controuersiam. Quibus obstinate repugnauit Adolphus: ac Carolo Burgundiæ duci affirmavit, se prius patrem in puteum ville præcipitè dare, ac seipsum postea: quam conditiones decretas acceptare. Similis regnandi libido animum inflammavit Isabellæ, Edouardi secundi Angliæ Regis vxoris, quæ maritum acie primum fugauit hostili, demum crudelissime occidit. Quem porro mihi superbum dederis, eundem tenacem seu potius rapacem restituam. Non enim nisi immensis sumptibus magnitudinem suam ostentat hoc vitium, alijsq; euulgar. Bonorum dilapidatione, ut soli niues exposita, ita res familiaris collescet, cum superbia fulgores suos quæsierit. Nemo etiam est, qui rerum usu non didicerit, quam capitalem exitialemque Reipublicæ noxam tumor iste animorum semper inuexerit. Hinc odia, inimiciæ, rixæ, contentiones, arma, conflagrationes, tumultus, quibus discinctæ ciuitatis partes intestinis bellis conficiuntur: aut externo ferro domitæ concidunt. Dum enim omnes principatum importunis ambiunt conatibus, priuata sua simultate societatis civilis vincula dissolunt: communi neglecto bono, proprijs rationibus seruientes, firmamentum pacis conuellunt, ornamenta gloriæ deuastant: denique urbium sedes ac fundamenta alio transferunt. Hoc domesticis armis gliscentibus sæpius experti sunt Romani. Marij, & Cillæ concertationes, Cæsaris & Pompæi hostiles signorum collationes docuerunt satis quantum periculi in rebus publicis contineant partium studia, & intestinæ inimiciæ. Idcirco contra huiusmodi ambitum, iidem Romani seuerissimas leges tulerunt. In delectu enim magistratus, non animositatis ratio, sed virtutis habenda. Vnde Quintus Coponius,

X X

Philip. Com. lib. 11. comment.

Stout. Edou. ar. 2.

Philip. Com. lib. 6. comment.

Superbus auarus.

Ambitus domesticus à Romanis. Ceterum erat produrere.



*Alex. ab Alex. lib. 3. cap. 17.* quod amphoram vini muneris loco dedisset, ad aucupandam gratiam, à senatu damnatus uti ambitus reus, penas merito luit. Istius autem generis delicto (ut testatur Cicero) exilium fuit constitutum. Hinc candidati absque togis intrabant Senatū: ne quidquam pecuniarum, quibus ad honores sibi aditum pararent, in sinu haberent. Antiquitus quoque obseruatum fuit, neminem ferme ex imperio in meliorem virum euasisse: Ita vitijis semper patuit suprema regiaque potestas. Propterea Scurra Claudij Cæsaris, omnes bonos imperatores dixit vnus anuli pala contineri posse: significans solum Vespasianum occasione imperij progressus maiores in virtute fecisse. De Galba autem hæc Tacitus: *Maiores priuato visus, dum priuatus fuit, & omnium consensu capax imperij, nisi imperasset.* Augustum tamen imperij vsu diuturniori virtutem dedicisse scribit Aurelius victor, de quo ita plebs: *Utinam aut non nasceretur, aut non moreretur.* Denique quam præceps sit superbia in omnia plane vitia, indicare videtur Psalmista: cum dicat: *Fiat via illorum tenebrae & aridum, & Angelus Domini persequens eos.* Nimia elatio (uti docuimus) tenebras menti ostendit: quas insequuntur aridum & lubricum: fragilitas nimirum delinquendi. Deinde Angelus Domini grauiori tentatione hos tumidos vrget ad mala.

*Seneca in Thyest. Lucan. l. 10.*

Ceterum *Humi iacentem scelera non intrant casam.*

*Exeat aula, qui vult esse pius, virtus & summa potestas non coeunt.*

*Orthodoxa fides remedia præbet contra superbiam. Coloss. 3.*

Iam vero quantum præsidij secum ferat orthodoxa fides contra grauissimum hoc malum nemini obscurum erit, qui iusta rerum estimatione vtetur. Huius etenim præceptis in primis instituimur ad contemptum fluxæ istius gloriolæ, vitamque in Christo absconditam (ut loquitur Apostolus) quouis magistratu hinc præstantiorem esse percipimus. Mox ne humana ratio fidei mysterijs obstinate & pertinaciter refragetur: Ecclesiæ catholicæ censuris sensus nostros subijciendos nouimus: & toti ex illo diuini spiritus oraculo pendemus: animis parati reprimere potius cuiuslibet argumenti vim credendis insultantem: quam Ecclesiasticæ sanctioni obniti aut contrauenire. Denique quod satis non sit veritatis luce mentem serenare, omnemque errorem expurgare & eliminare: sed castimonia quoque vitæ sit ad beatitudinem requisita: pastorum & principum legibus obtemperamus, Dei gladium in ipsorum manibus reueremur: atque ex animo, non fictæ vel ad speciem, sed ex conscientia, & coram Deo illorum sancitis & dictis audientes sumus. Alij autem ex nostris longius progressi: quorum animos maius humilitatis desiderium cepit: quibusque factus detestabilior videtur eam vitæ sub alterius degentes imperio

*Rom. 13.*

*1. Pet. 3. Ephes. 6. Heb. 13.*



imperio rationem inierunt : vti voto quodam se obstrinxerint ad obedientiam superiori prestandam : cuius pedibus nonnunquam sese dimittunt , neque illius iniussu aliquid vnquam in vita aggrediuntur.

Nobis autem oppositi sectarij , Deus bone , quam effrenes .? quam *heretici* soluti? quam supremi? quam Domini? quot *superbi ex dogmate ipsorum* haeretici , tot summi pastores , tot reges , tot imperatores : idque ex dogmatis instituto. Non aliam agnoscunt hi fidei regulam , quam idealam illam , vaga , & ludibunda ipsorum phantasia tabrefactam : ad quam vti ad lideum lapidem , scripturae literam ac sensum , patrum scita , Conciliorum canones , iura omnia reuocant , diuina & humana. Qua in re *Esai. 14.* Lutherum imitantur , similes cupientes esse altissimo , qui solus cuncta alto suo trutinat & expendit iudicio. Lutheranicam elationem , Tigurinæ Ecclesiæ confessio testatam fecit : *Lutheri* *superbia.* *Confess. eccl. Tigur. fol. 127.* *Lutherus ipse Germanorum prophetam & Apostolum esse gloriatur. Qui à nemine quicquam, omnes autem ab ipso didicerint.* Nemo item quicquam nouit , nisi quod ex Luthero nouit : nemo quicquam fecit , *Lutherus fecit omnia. Et quod ab ipso factum non est, infectum sit oportet. Quod ipse dixerit, ratum esto, nec quisquam illi contradixerit.* Si quis ipsius more loqui nolu-rit : vel amplius quidpiam , quam ipse loquitur : mox haereticus est , excommunicationis tonitru & damnationis fulmine tangitur. Omnia sibi vendicat. Quod si quispiam nihil de Luthero credere velit , nisi à Luthero prolatum , *Luther. ep. ad Gal.* is ipsum audiet. Siue Cyprianus , Augustinus , Ambrosius , Petrus , Paulus , Ioannes , imo Angelus de caelo aliter doceat , tamen certo scio , quia humana non suadent , sed diuina. Optime sane , cum enim suauit Lutherus ut nolente uxore ancilla vocetur ad complexus , humana non suauit : sed nec diuina : quid demum ? terina & bruta. Sed neque Calvinus in fastu *Caluini superbia.* & appetentia gloriae cedere voluit Luthero. Cum enim horrendum & blasphemum illud ipsius dictum , quo Deum authorem peccati definiebat , ab omnibus , non solum orthodoxis , verum etiam humanioribus , firmissimis argumentis impeteretur , gloriosus Thraso Geneuensis istis se defendit : *Caluini contra castell.* *Multas doctrinae meae esse aduersarios, neque ignoro, neque miror : quia nouum non est Christo, sub cuius auspiciis milito, multos blaterones obstrepere.* Quod vero pertinet ad magistratum aut principum leges , eas fideles suos , & in familiam Christi inductos haud attingere proclamant sectarij : nullum , ex ipsorum placitis , conscientiae crimen illis adferet humanorum decretorum violatio. Denique monasticam & religiosam obedientiam ultra omnem modum contemnunt , & ludibrio habent. Deus bone , quam aperta fronte fauent superbia ! cuius vexillum erigunt , & explicant in odium orthodoxae professionis. Satanica absque dubio illa religio , quae elationem & tumorem



ita prodit: ventosa & inanis, non Christiano & sincero dogmate stabilita. Sed quod de istis postea in particulari fusius sit pertractandum, plura modo in hanc sententiam non videntur disputanda.

*Inuidentiæ, odio, iræ ex charitate benignitateq; moderatio constituenda.*

## CAPVT XII.



Vin iam satis disputatum videatur de vi amoris, eisque omnibus, quæ in eiusdem appetitione incidunt, proxime de affectionibus odij atque iræ differendum, quæ ex amore ducuntur: alteramque appetitus partem, quam irascibilem nominamus, veluti sedem atque locum sibi vendicant. Sicut enim maximo feruentique quodam impetu in ea defertur amor, quæ ratio atque sensus bona, iucunda, grataque estimarint: ita eiusdem concupiscibilis appetitionis veluti munimentum quoddam, ipsam facultatem irascibilem natura dedit: quo impedimenta cupiditati infesta repellerentur. Atque hinc odium, inuidia, ira in ea inuadunt nocua, quæ nostra commoda, vtilitates, aliasque amoris illecebras impedire vel nobis eripere moliantur. Est itaque odium, vti ad rem ipsam veniamus, appetitus mali seu displicentia quædam animi, quod alteri bonum acciderit, atque hanc appellat D. Dionysius affectus auersionem. Inuidia quidem rationem quandam odij participat, quandoquidem sit fuga voluntatis resilientis à bono alterius: nimirum quando cupimus ornamentum aliquod alteri non contingere: iudicantes illud splendori nostro aut alio quouis emolumento aliquid detrahere. Ira quoque cum alteri malum intenter, quo iniuria irrogata vindicetur: aliquid vniuersæ illius odij analogiæ obtinebit. Quocirca de istis sub nomine odij generatim inquirendum. Istius vero perturbationis gradus pendere omnino videtur à gradu & qualitate amoris. Quo etenim quis magis erga aliquam rem ex amore afficitur: eo appetitus incitator euadit ad arcenda ea incommoda, quæ votis obstant atque repugnant. Ita qui appetitu gloriæ inflammatur ardentius, is alterius eminentiam atrocius offendiculum iudicabit: ad quod abiiciendum, omni qua potest ope nixque contendet. Ex alijs idcirco vitijs, quæ ab amore proueniunt, tota ratio & mensura odij, inuidiæ, & iræ desumuntur. Vt enim inquit

*Partis irascibilis officium.*

*Odiū quid.*

*Dionys. de diuinis c. 1. d Thom. 2. 2 q. 34. art. 1.*

*Inuidia quid.*

*Ira quid.*



inquit Seneca :

— — — — —  
*Odiunque parit,  
 Cum huius amor.*

*Seneca in  
 Hipol.*

Dubitatio tamen hic quædam suboritur: nimirum vtrum proximus nobis videlicet similitudine naturæ coniunctus, eiusq; bonū, odio à quopiam haberi possint ea solum ratione, qua boni quid habent: An vero requiratur vti apprehendantur nobis molesta & incommoda, quæ in odium incurrunt. Quod spectat ad odium ipsius Dei, D. Thomas huius obiectum constituens, duo distinguit: primum genus est illius perfectionis, quod ipsa diuina natura continetur: & hoc dicit in nullius odium quantumuis nefarij aut maleuoli posse incidere. Alterum vero illis inuoluitur, quæ à Deo prodeunt tanquam à causa efficiente: & hæc quidem adhuc duplicis sunt ordinis. Quædam ita bona existunt, vt ne apprehendi omnino possint tanquam nostræ voluntati contraria: vtpote quod viuamus, intelligamus, appetamus illo authore: quocirca neque odio hæc haberi queunt. Posterioris autem classis effecta nonnunquam apprehenduntur vti repugnantia desiderijs nostris: vtpote quando sceleribus diuinitus inflictas pænas sentimus: vel etiam quando lege aliqua Dei appetitus vagus & petulans à delictijs coercetur. In hæc enim cum mens respexerit, nonnunquam deprauata voluntas immanis odij crimine fertur in Deum: atque blasphemo ore sanctissimo augustissimoque Numini malum, quod horreo dicere, imprecatur. Eodē ergo modo dicendum videtur de naturæ & gratiæ bonis, quæ alijs contingunt: quod videlicet neminem odibile nobis constituat, nisi vti nocumentum aliquod verum vel apprehensum inferunt. Nam quemadmodum perfectiones diuinæ in seipsis malæ estimari à quopiam minime valent: Ita neque in hominibus virtus, gratia, peritia aliqua mali speciem subibunt. Constat autem odij obiectum non bonum esse, sed malum. Hæc itaque tunc solum odio haberi possunt, quando nobis iudicantur infesta. Veruntamen D. Thomas arbitrari videtur obiectum odij non esse malum eius, qui odio flagrat, sed malum potius absolute. Quia (vt idem disserit) Tristitia suscepta gratia boni quod alteri obtingit, quatenus illud bonum aptum natum est nobis creare periculum aliquod nocumenti, effectus est timoris: & tristitia, qua nobis displicet alterius præstantia, quatenus ea imminuere valet opinionem nostræ gloriæ, inuidia est. Nihil itaque peculiare relinquatur odio, vt ferri dicatur in malum nostrum, non vero in malum absolute & generatim. Nam si quis displicentia quadam animum auerrat à bono alterius, eam solam ob causam, quod tale bonum impedimento sit nostris commodis, non

*Verum bonum possit esse obiectum odij.*

*D. Thom. 2. 2. q. 34. art. 1.*

*Quomodo Deus odio haberi possit.*

XX 3

videbitur



videbitur is ex odio operari, speciali vitio: sed potius ex prauo amore, quo peruerse utilia aut iucunda sibi appetit. Eiusdem enim facultatis & habitus videtur affectum deferre in concupitum, atque opposito resistere, siue malo impediendi optata occurrere. Idem tamen D. Thomas istis verbis describit obiectum odij: *Sicut autem omne conueniens in quantum huiusmodi habet rationem boni: ita omne repugnans, in quantum huiusmodi habet rationem mali: & ideo sicut bonum est obiectum amoris, ita malum est obiectum odij.* Arbitratur idcirco obiectum odij, rem esse illi repugnantem & inamabilem qui odio æstuat, atque ita ipsius malum. Et alibi: *Sicut ergo mouemur ad diligendum ea, quæ nos delectant; in quantum ex hoc ipso accipiuntur sub ratione boni: ita mouemur ad odiendum ea, quæ nos contristant, in quantum ex hoc ipso accipiuntur sub ratione mali.* Quod si ita alterius bona non aliunde odio haberi possint, quam quod effectiue idonea sint ad incommodum aliquod nobis inferendum; vitium odij in proximum, distinctum non apparebit ab ira, inuidia, & tristitia: hæc enim auersiones animorum continent à perfectionibus alienis, sub illo respectu, quo nobis accire possunt detrimentum. Videtur tamen quod odium alterius prorsus sit rationis: ita ut eius terminus sit malum simpliciter, nec ad ipsum, qui odit quicquam relatum. Datur etenim quoddam amoris genus, cuius forma illi rei insita est, eaque absoluta, quæ tali amore diligitur: uti perspicuum est in amore amicitiae cuiuslibet, præsertim in amore charitatis Theologice, quo amamus ipsum Deum, quatenus in se bonum, absque respectu ad nostra emolumenta. Si enim huiusmodi habitudo decerneretur in obiecto amoris, dilectio Dei ex charitate non esset amor amicitiae, sed concupiscentiae: quod nullo modo videtur opinandum. Sicut ergo amicitiae amor obiectum habet ipsum amici bonum, non forinsecus relatum: ita huic amoris oppositum odium respiciet malum, quatenus solum malum est subiecti, non autem eius, qui odio extimulatur. Sed ut quod in hac disquisitione fixum firmumque sit definiamus: duo in vniuerso obiecto odij videntur distinguenda. Primum ea includit, quæ absoluuntur prorsus ab omni imperfectione: cuiusmodi existunt, persona ipsius proximi, eius virtutes, aliæque tam naturæ quam gratiæ decora: atque hæc in nullius odium incurrere possunt, ne demonis quidem: quod in seipsis apprehendi haud valent ut terra aut mala. Alterum vero ea dicit, quæ incommodant personæ, cui male precamur: sicut quando experimus alteri damnum illorum bonorum, quæ modo possidet, vel accessum alterius mali, utpote morbum, exilium, aut mortem. Atque huius generis aduersa desiderantur tanquam mala pro-

*Duo in  
obiectis odij  
consideran-  
da.*



la proximi. Itaque in vniuersum obiectum odij videtur relatum, vel ad personam proximi, vel ad eius qui odio incitatur. In proximo quidem odio habemus vitia, & corporis deformitates: quatenus eius mala sunt: concupiscimus item illi detrimentum, quatenus eius malum est. Virtutes autem eius, vel diuitias, odio non habemus, nisi vt nobis infesta: nisi quando videmus opulentiam, aut aliud eius ornamentum saluti ipsius animæ esse incommodum. Secus autem videtur contingere in obiecto amoris amicitiae, personam amici respicientis vt in se bonam perfectamque absolute. Cum itaque quis se intemperanter amaret, itatim oriuntur animorum disunctiones ex ira, odio, inuidia: ex quibus non priuatum solum commodum dissoluitur, verum etiam publica emolumenta, concussa pereunt, ipsius demum ciuilis societatis firmamenta ab imo reuulsa concidunt. Inducendus idcirco in pectus placidus quietusque amor, cuius munere effraenis iste libido vindicandi detrahendique comprimatur. Rationes itaque adferemus, quæ inhumana hæc vitia ableganda persuadent, & summo studio declinanda.

Truculentum hoc, & immane odij scelus, quo nobis naturæ associatione, mysteriorum participatione, ipsiusque finis communione, coniuncti læduntur: ideo grauissima noxa censenda, quod charitati omnium virtutū palmari, & quasi reginæ præcipue ex diametro opponatur. Quid enim deterius homini accidere poterit, quam vt ab illo deficiat, eiusque aicturam patiat, quod omnium est præclarissimum? Hoc sane existit sincera illa dilectio, quæ in candido pectore flagrans, Deum optimum & maximum vt bonorum fontem & largitorem; ceterosque homines, etiam Angelos sui effuso ambitu complectitur. Quo pacto ostendit D. Thomas hoc odium Dei, vel proximi, grauissimum esse peccatorum: quod nempe charitati aduersetur, præstantissimæ virtutis. Dei etenim amor omnino repugnat inimicitia cum proximo. Vt enim dilucide ostendit D. Thomas, ex parte obiecti eadem statuitur forma dilectionis ipsius Dei, atque proximi. Amamus etenim Deum, quod ipse in se omnem præstantiam contineat. Intuitu quoque eiusdem excellentiæ excitamur ad amandum proximum: qui ipsius Dei effectus est, & quædam quasi eius virtutis impressio, atque ad eundem vitæ instituto destinatus. Ratio (inquit D. Thomas) diligendi proximum Deus est. Aptæque proinde hæc intulit: Vnde manifestum est, quod idem specie actus est, quo diligitur Deus, & quo diligitur proximus: & propter hoc habitus charitatis non solum se extendit ad dilectionem Dei, sed etiam ad dilectionem proximi. Quem quidem amoris nexum humana di-

*Odiū maximum vicium quod charitati contrarietur.*

*D. Thom. 2. 2. q. 34. art. 2. q. 24. art. 6.*

*Amor proximi coniunctus cum amore Dei.*

*uius*



1. Ioh. 3.

Duplex odij  
Species.Phil. Iud.  
lib. de 10.  
Præcept.

1. Ioh. 3.

Peccatum  
odij maxi-  
me repug-  
nat Dei bo-  
nitate.

Psalm. 144.

uinis copulantem, indicauit Euangelista: *Si diligamus inuicem, charitas Dei perfecta in nobis est.* Quamobrem seuum & truculentum odium, quod in hominem debacchatur, nephario quodam ausu se quoque in Deum attollit. Nec mirum: filio namque illata iniuria, sine patris contumelia non existit. Duas tamen species odij distinguere oportebit, quibus ardent mali in proximos. Sicut enim amore naturali proximo volumus bona, quæ ratio sola nobis innata despiciat & intuetur: aliquando vero ea bona desideramus, quæ fides tantum explorata habet: ita aliquando odio prosequimur proximi bona naturalia: ut diuitias, vitam, famam, & similia: aliquando supernaturalia, veluti subsidium gratiæ, aut gloriæ beatitudinem. Quodcumque autem horum, si nobis illud ex inuidia displiceat, contra charitatem virtutem theologicam crimen perpetrabitur. Tamen si enim principaliter charitatis amor bona supernaturalia aliorum respiciat: secundo tamen intuetur etiam bona naturæ: quibus si quis inuideat, is obiecto quoque charitatis aduersabitur, & ipsius Dei similiter bonitati se inimicum ostendet: sunt enim omnia hominum emolumenta, Dei effecta, atque ab eius voluntate decreta munera. Vnde Philo: *Qui ministrum contumelia afficit, eum pariter afficit contumelia, cui ministrat.* Et postea: *Fieri non potest, ut eum, quem sensus oculorum non percipit, pie sancteque colamus: cum in eos, qui ante oculos versantur, quique sunt in proximo, simus impij.* Et ex affectu quodam diuino (ut videtur) Philo cum Euangelista conspirauit, dicente: *Qui non diligit fratrem, quem videt, Deum, quem non videt, quomodo potest diligere?* Iam vero quis animo plane non exhorrescit, cogitans proximi odium Deo rebellia arma inferre? Quod enim proximus arctissime sit cum ipso Deo coniunctus: rabies & liuor quæ illi sunt aduersa, theomachia quadam haud secus in celeste numen depugnant: quo quid atrocius aut dementius? veluti si quis seruorum principis imaginem, quam is charam habet, laceraret, aut eeno fedaret. Inuehitur sane in imaginem Dei, qui homini inuidet: eiusque detrectat virtutes, honores corrumpit, & ornamenta odio suo expugnat.

Nihil etiam magis dissitum à diuina natura, imo aut aliarum rerum proprietatibus, quæ illustriores censentur, quam reliquis nocumentum adferre: sicut è contrario, nihil tam insitum Numini, quam liberali manu beneficiorum thesauros effundere. *Miserationes eius* (ut inquit Psalmista) *super omnia opera eius.* Si enim animis expendere velimus huic vniuerso impressas notas, veluti diuinorum attributorum indicia (Elucet enim in istis inferioribus diuina, & accommodata

ad:



ad nostram intelligentiam quosdam radios spargunt, ex illis omnibus nihil tam perspicuum, clarum, & illustre apparebit: quam ipsius Dei suavis in nos inclinatio, & supra omnem modum effusa clementia. Illa etenim summa ipsius bonitas, vario quidem effectu, cum ad necessitatem affluenter, tum ad ornamenta hominis pulcherrime abyssos diuitiarum aperuit: atque in humanum genus contulit copiose. In prima quidem huius aspectabilis molis taberefactione, quando nullius pulchritudo ipsum ad opus illexerat, debitum nullum ad solutionem iure aliquo constrinxerat, nullius petitio ad largitionem instigarat: vnica tantum propensio sui ad benefaciendum alijs, principium dedit tantæ tamque ordinatæ rerum structuræ, quam cernimus, atque opificio. Hinc Euangelista Numen hoc clementissimum iride vidit circumductum: *In circuitu erat iris.* Quemadmodum enim solis radius in cauum roridæ nubis delatus, multiplices illos dipingit colores: ita emanante in circuitu orbis Dei virtute, existunt cuncta, & resplendent vndiquaque. Neque naturalium donorum ambitu, quæ homini conceduntur munera, solum includuntur: quinimo altissimi ordinis insignes quasdam largitiones idem Deus in ipsum exercuit: illo præcipue diuinæ ex celesti gratia iustitiæ donatio, quo mortalis & terrenus homo Dei filius, imperijque celestis heres, imo & diuinæ naturæ participes constituitur. Quod etiam magis de prædicandū videatur, in hac summa benignitate, & veluti munificentia cursu grauissimis iniurijs offensus, & irritatus à nobis ad vindictam, priori largimonia non contentus, qua se in nos per excellentes quosdam effectus abundanter effuderat: extremū virtutis suæ quodammodo tentauit, & piosquā liberali aut magnifica manu substantiā suam nobis impertiuit omnem, illamque naturæ nostræ personali quadam copula arctissime coniunxit: quod in diuinæ bonitatis qualicet, ad donandum aliquid semper promptam, cum D. Augustino D. Thomas veluti in causam reduxit: *Vnde ad rationem summi boni pertinet, quod summo modo se creature communicet. Quod quidem maxime fit per hoc, quod naturam creatam sic sibi coniungit: ut vna persona fiat ex tribus, anima, verbo, & carne.* Verum neque hic constitit diuinæ bonitatis progressio, sed vterius propagata: sicut nec virginis Dei filius abhorruit vterum, ita neque nostris intentos commodis crucis exhorruit ipse supplicium. *Commendat autem charitatem suam Deus in nobis, quoniam cum adhuc peccatores essemus, Christus pro nobis mortuus est.* Et quæ ratio tanti beneficii aut quis est homo quod memor es eius? ut interpretatur Eusebius, quis est obliuiscens, ut tu Deus illius memoriam geras, illamque eiusdem curam suscipias. *Y Y* quam

Apo. 4.

Heb. 5. &amp; 6.

August. 13.

Iren.

D. Thom. 2.

par. q. 1.

art. 1.

Rom. 4.

Psal. 8.

Euseb. lib.

præpar. 13.

cap. 4.

Ist. 42.



*Dei ira  
qualis.*

*Apo. 15.  
Paulin. ep.  
ad Sener.*

*Angeli. ad  
bene faciē-  
dā propensi  
Clem. lib. 2  
re. 20.  
Clem. Alex  
6. Strom.*

*Amore de-  
uinciuntur  
inter se or-  
bis partes.*

quam describit propheta: *Nunquid obliuisci potest mulier infantem suum, ut non misereatur filio utero sui? et si illa obliuiscatur, ego tamen non obliuiscar tui: ecce in manibus meis descripsi te, muri tui coram oculis meis semper.* Succensit quidem delinquenti interdum Deus: veruntamen ira eius non perturbatione aliqua est agitata, aut caligine mētis obnubilata: sed omnimodo pura & sincera: qualem in pñalis illis aureis inclutam contemplantus est Euangelista: quippe hæc hominum vtilitatem statuit præcipue & molitur, non pñam. Imo in ipsis pñis diuina clementia elucet. *Tanta est summi patris pietas, (inquit Paulinus) ut etiam ira eius ex misericordia sit. Et ideo castigat, ut parcat: Apostolus ideo cecatus est, ut illuminaretur, cecidit persecutor, ut Apostolus surgeret.* Denique nec recessus illi infernales diuinæ bonitatis vim penitus effugiunt: quandoquidem Theologorum sententijs iudicatum sit; Deum neque ipsis perditis eos cruciatus inurere, quos eorundem delicta iuste commerentur: sed sub gradum noxæ, vindictæ mensuram constituere. Et quidem si progressum creationis, gubernationis, & vniuersalis prouidentia depiciamus: nihil videbimus, quod tantæ benignitatis torrenti obstat: quin potius perspiciemus ipsum fluere ex naturali propensione diuinitatis. Verum quod prolapsus homo in scelera erigatur modo ad innocentiam, sacrosancto numini infestus, ad pijssimi patris gratiam & complexus reducat: ut qui pñas suo delicto sibiipso consciuerat, liber & immunis in posterum dimittatur: demum quod innocuo cruore vnigeniti, Cain post fratris cædem, truculenti homines post tot flagitia in iustitiam asserantur: quodammodo hæc omnia contradicere videntur rerum ipsarum naturis, & æquillimis ipsius Dei rationibus: misericordia idcirco horum effectrix, super omnia opera eius. Secundum Deum, cogitationibus nostris obuiant angelici spiritus, qui in hominum custodia, idque ex ingenti qua erga nos flagrant charitate, omnem suam operam impendunt & sollicitudinem. *Vnius cuiusque gentis Angelus est, (ut scribit Clemens Romanus) cui credita est ipsius gentis dispensatio.* In eandem quoq; sententiam Clemens Alexandrinus: *Per gentes & ciuitates sunt distributæ Angelorum præfecturæ.* Sol iste maxime aspectabilis, non sui causa continuo motu in orbem se flectit, sed vniuersi potius gratia: cuius aliqua cura teneri videtur, dum frugibus terræ educendis, maturandis, conseruandisque, secundum suum & viuificatricem radium cursu moderatum iugiter emittit & cuibrat. Denique, ut quidam ex philosophis non inepte est arbitrat, omnia amore & beneuolentia constant: sicut lite & dissidio diffluunt, resoluuntur, & penitus intercidunt. Ipsa etiam elementa, tametsi



metu contrarijs affecta qualitatibus, nihilominus in proprijs sphaeris constituta, sese inuicem fouent & tuentur. Quinimo rationis quoque expercia animantia, necessitudine mutua inter illa eueniente, formam quandam & characterem exprimunt charitatis. Quod leonina ferocitate incitatus nonnunquam tamen hoc animal humanitatis quadam specie illam suam feruitiam contegit: mire scit etenim rigor ille ferreus, & induratum eius pectus amore subactum mollescit: de quo h. c. Paulo: *At sepe numerus, quidem non leues, vixas, pantheras, non modo rerum* *causa ad vitam uti: essentiam, erga eos, qui dant ipsis alimenta: sed etiam erga alios,* *familiaritatis gratia, (ut mihi quidem videtur, quia cum illis est, mansuetos se cep-* *gisse. Illius generis exempla aliqua recenset Plinius: utpote Ciconi;* cum enim harum parentes senio confecti, nidis suis ala motu exire non possunt: undique volitantes pulli cibos illis conquirunt: inuentosque ingentes aeris tractus operose merientes, ad illos referunt. Cerui (ut testatur D. Augustinus) flumina tranantes, qui posteriores sunt, leuaminis ergo dorsis antenatantium sua capita imponunt: mox priores alternantes vicem hos sequuntur, & ab ipsidem simile repetunt charitatis beneficium: hoc ipsum & alij in volatu gruuum obseruauerunt.

Quod auceum inhumanitas & belluina feritas in eos, qui nobiscum nature communionis associantur, Dei voluntati vel maxime aduersetur: ideo seuerissime ipse animaduertit in tales, qui hanc truculentiam exercebant. Herodiades saltatrix, quae amputato sanctissimi Baptista capiti illudit, cum flumen glacie constructum pedes transires, capite tenui demergitur. *Gloria autem rupta (ut scribit Nicephorus) ex inferioribus partibus corporis laesum, molliusque se mouens saltat: non in terra, sed in undis. Caput vero a reliquo corpore glacie crustis resiliens, in glacie ipsa saluacionem lethalem exhibet.* Herodes crudelitatem in Christi martyres qui spirant, vicerum subinde acerbissimo dolore torquetur, interno calore exurit, a vermibus demum absumitur. Pilatus ob noxam ex Christi neco, furore correptus, sibi ipsi mortem intulit. Diocletianus rabidus ille canis, & horrendae feritiae bellua, interitu exotrandi penas luit: ingenti vi veritum ex impia lingua, quae blasphemiam in altum coniecerat, cum detestando fetore, erumpente. Obseruatum porro est, nouas species supplicij immani inuento excogitantes, Deo ita statuente, in eas ipsas acerbitates incidisse, quas alijs parauerant. Hinc Claudianus:

*Quam bene dispositum terris, ut dignus iniqui  
Fruetur consiliis, primis auctoribus instet.  
Sic multos sibi videri, ardeat per amicos*

*Belluina  
inimicitia  
charitati  
praese-  
ferunt.*

*Philo. lib.  
de 10. pra-*

*Plin. nat.  
hist. lib. 8.  
cap. 17.  
Ambros. in  
exam. lib. 5  
cap. 16.  
August. in  
Psalm. 41.*

*Truulcius  
Deus punit,*

*Niceph. l. 1.  
cap. 20.*

*Ioseph. 17.  
Antiquit.  
cap. 9.*

*Euseb. lib. 2  
hist. cap. 70.*

*Niceph. l. 7  
hist. cap. 20.*

*Claudian.  
lib. 1. cons.  
Ruff.*



*Hospite, qui caso monuit placare tonantem.  
Inventas primum Buciridis imbuit aras,  
Et cecidit scui, quod dixerat hostia sacri.  
Sic opifex Tauri, tormentorumque repertor,  
Qui funesta nouo fabricauerat ara dolore.  
Primus in expertum Siculo cogente tyranno,  
Sensit opus, docuitque suum mugire iuuentum.*

*Philip.  
Com. lib. 8.*

*Sander. de  
scif.  
pag. 95.*

*Philip.  
Com. lib. 2.  
de bello  
Neapol.*

*Charitatē  
suadet vni  
hominis cū  
alio cōiun-  
ctio multi-  
plex.  
D. Thom. 2.  
2. q. 23. art.*

Episcopus quidam Verdunensis, Ludouico Galliae regi eius nominis vndecimo, immania quaedam persuasit. Atque inter cetera fieri curauit ferreas caueas octo pedum latas: quae altitudine statueram hominis exequarent. Episcopus autem iste, ob crimen patratum primus inter reos, hosce carceres subiuit: in quibus quatuordecim annorum spacio miserrime vixit. Apud Anglos Crumuellus similem sibi ipsi necem, temporibus Henrici octauī, perquam artificiose excogitauit. Author iste fuit, ut Rex legem decerneret: qua cautum erat, neminem accusatum vel suspectum de crimine legis maiestatis, ad regis colloquiū admitti debere. At Crumuellus deprehensus postea in facinore, primus suae iniquissimae legis rigorem sensit. Etenim semper ferme usu venire solet, ut illi principes infelicitate pereant, qui tyrannidem & inhumanitatem in suos exercuerunt. Perfici, Graeci, ac Romani imperatores hoc tragœdijs suis abundantissime testantur. Atque inter recentiora: Ferdinandus, & Alphonsus Neapolitani Reges, (ut scribit Philippus Cominaeus) in proceribus interficiendis, crudelissimi extiterunt: vnus autem regno exutus, breui postea interiit: alius sponte administrationem deposuit; cuius animū tantus timor inceserat, ut noctu exclamaret perpetuo se audire aduentantes Gallos: atque sibi videre non homines tantum, sed & arbores atque saxa Gallicum nomen sonare.

Præterea varia illa ratio colligationis mutuæ, qua homines inter se & cum ipso Deo deuinciuntur, amorem hunc & animorum conciliationem omnino suadet: quam si spernemus, solutum profecto erit vinculum societatis humanæ, omnisque vitæ iucunditas ex conuictu intercideret & exstingueretur. Amorem autem & amicitiam in alicuius communione primordiales causas ac fundamēta habere docet D. Thomas. Quocirca hominem cum homine conferentes, in primis videmus eandem ab ipsis, quoad speciem, naturam obtineri: deinde inter illos orbis imperium partiri: mox ad virtutem similiter institui: deum in eandem beatitudinis metam omnes peræque destinari, eodem baptismo tingi, eadem fide collustrari, eodem Christo in libertatem



bertatē vendicari. Ex quibus perspicuū est multiplicē rationē amoris, veluti fratris, conciuis, familiaris, cōmilitonis, inter Christianos cōsurgere. Arcior etenim in pluribus cōmunicatio, maiorē excitatioremq; effert ex se charitatem. Quo quidem pacto docet D. Thomas quemlibet hominum obligari vt Deum ex charitate plus diligat, quam seipsum: quandoquidem omnis coniunctionis nexus atque copulæ inter homines author effectorque sit Deus: proinde ipse nobis vel maxime coniunctus: *Et ideo ex charitate magis debet homo diligere Deum, qui est bonum commune omnium, quam seipsum: quia beatitudo est in Deo, sicut in comuni & sociali principio omnium, qui beatitudinem participare possunt.* Vnde cædes illa, quam Abelo fratri intulit Cain, tanto tædior & atrocior fuit, quanto ipsi Abelo fuit sanguinis ratione coniunctior. Et sicut corporis membra, quod eodem toto contineantur, (vt docet Apostolus) mutuam vicem rependunt: neque oculus (vt notauit sanctus Macharius) sui solum gratia omnia collustrat, sed in vsum & emolumentum integri corporis: ita propter hanc compagem & coagulum, partim ex natura ipsa, partim ex supernaturali dono, non priuatis solum commodis vnicuique nostrum erit inuigilandum, sed publicis, & ad aliorum rem studia nostra sedulo referenda. Qui quidem affectus charitatis erga patriam pectus Alexandri omnino cepisse visus est. Cum enim moriturus interrogaretur de successore in imperio; respondit se priuatis affectibus sepolitis dignissimum exoptare. Neque alienus penitus ab hac teneritudine & aliorum cura Orho Imperator fuit. Acclamatione etenim militari euectus ad imperium, abstinere potius voluit dominatu, quam pati vt eius causa Romana pubes bello decertans sanguinolenta strage periret. *An ergo tantum Romana pubis, tot egregias exercitus sterni rursus, & Respublica eripi patiar?* Ferro itaque incubuit, & moritur. Atque vt inquit Tacitus: *Ally diutius imperium tenuerunt, nemo tam fertiter reliquit.* Quid dicam de Germanico Cæsare, qui occisis suis sepeliendis, dimissa maiestate imperatoria, omnium primus ad tumulum conficiendum manum admouit? Deprædicanda quoque videtur charitas regis Codri apud Athenienses. Cum enim pronunciatum esset ab oraculo, saluos fieri non posse ciues, in dura quadam & arctissima obsidione, viuo Rege: vt suis Codrus salutem pareret, ne cognosceretur pannoso & vili indutus habitu, samentorum struem collo gestans, porta egressus in aciem hostium fortiter se dedit: & illorū mox armis occubuit. Verum nostra hoc in genere omnium sunt eminentissima: nouimus enim non solum fratrem diligendum, sed ipsi in nos offendenti sepius ignoscendum, eiusque salu-

D. Thom.  
art. 3.

Gen. 4.

1. Cor. 12.

Machar. ho-  
mil. 3.

Alexan. tri  
charitas  
Cur. lib. vlt.

Corn. Tacit.  
l. 18. Anal.  
Othonis  
charitas.

Germanici  
Cæsaris  
charitas.  
Cor. Tacit.  
lib. 18.

Charitas  
Codri trog.  
lib. 2.

Charitas  
Christianas.



August. in  
Psal. 18.  
enar. 2.

Charitate  
societas  
omnis con-  
tinetur.

Athanas.  
sermo. 1.  
de pass.  
Exod. 14.  
1. Reg. 17.

Matth. 17.

Charitas  
naturæ ho-  
minis affi-  
nis.

Clementia  
in rationis  
expertia.

Deut. 22.

Philo lib. 2  
de char.

tem curæ habendam, cum sedula inquisitione nostra procurandam. Cum quidam D. Augustino in hanc sententiam dixisset: *Quid me ques-  
ris, si perij per peccatū?* Respondit: *Eloc sane vult iniquitas, qua diuisi sumus, sed  
non vult charitas, qua fratres sumus. Improbis non essem, si quærerem seruum,  
& improbus dicar, quia quero fratrem meum?* Et post: *Nec dicam interpellans  
Domine, dic fratri meo, ut diuidat mecum hereditatem, sed dic fratri meo, ut teneat  
mecum hereditatem.* Quod si ab hoc amore deficiant homines, non solū  
ciuile omne firmamentum excideret, verum etiam societas ecclesiasti-  
ca, qua Deum & Christum colimus, dissolueretur. Quam si charitas  
munierit, nec hostiles persecutorū gladij, neque inferorum incur-  
siones turbulentæ, illam quassare aut infringere vnquam poterunt.  
*Radicem* (inquit Augustinus) *charitatis habet, & cum sol exortus fuerit, non  
te vret, sed te nutrit.* Quis enim nescit odio & digladiatione omnia  
publicæ vtilitatis munimenta radicitus euertere? Quinimo grauissimū  
sibi malum consciscit, qui inuidiam in alium intentat: nam (vt ait  
D. Athanasius) infestum telum in proximum intorquens, ignem aut  
serpentem pariter in manus accipit: non tam proximo, quam sibi  
ipsi nociuus. Ita malitiosi & inuidi cum Pharaone, spontaneo cursu  
præcipientes se dant in fluctus maris: cum gigante Goliath proprijs  
concidunt armis: & cum serpente illo Iudæos impellente, ludibrij  
causa Christo arundinem porrigunt: interim cum leui ictu arundi-  
nis serpens perimatur.

Quid etiam obsecro ita hominis naturæ agnatum, ac humanitas,  
suauitas, morumque facilitas? hac pene sola à brutis dissidemus, &  
illorum conditionem longe superamus. Atque eadem non tantum  
erga ipsos homines, verum etiam rationis expertia, nos clementer  
affici voluit Deus. Tametsi autem huiusmodi animantia, quod ratio-  
ne priuentur, obiecto ac præscripto charitatis non coercantur; neque  
ad beatitudinem aliquam referantur: nihilosecius Iudæis præcepit  
Deus, vti ea non omnino inhumaniter tractarent: *Non coques* (inquit)  
*agnum in lacte matris, cuius edicti sententiam ita Philo declarauit: Iudæi  
cauit enim valde iniquum, id quod viuenti animali cibus fuerat, in condimentum  
occisi vertere. Et & huic alia lex persimilis: Si ambulans per viam in arbore  
vel in terra nidum auis inueneris, & matrem pullis vel ouis desuper incubantem: non  
tenebis eam cum filijs, sed abire patieris, captos tenens filios.* Alias etiam ab ipso  
Deo latas Iudæis leges, ad ingenerandum in ipsorum animis humani-  
tatis sensum ac teneritudinem, ita Philo explicauit: *Iubet enim abstinere  
ab omnibus recens natis, tam in armentis, quam in gregibus, vetans ea vel mense  
inferri vel altari: nimium crudele & ab omni humanitate alienam existimans fa-  
cinus.*



cinis insidiari parturientibus, & fatur a matribus rapere: idque ventris gulaque gratia. Et fortassis hac ratione inducti prisci illi homines, carniū esū diu abstinuerunt. Hec autem pręcepit Deus, non quod magnopere curaret vitam illorum animalculorum, sed ne eorundem occisione aut raptu crudelitatem aliquam animis haurirent homines: ac inde paulatim in vitę locios triculentiores quoque euaderent & incrudescerent. Distinctam autem omnino curam visus est Deus adhibuisse in firmanda hac charitate inter homines lege sua: vnde fratrē fratri fenerari prohibuit. Bullum etiam vetuit sulcipi, nisi prius caduceatoris voce eius causa iustę cum exponerentur, tum legitimis argumentis probarentur. Post messē spicę pauperum vñbus relinquendę, ex mandato Dei: & racemī vuarum, finita vindemia, eidem pariter intacti concedendi. Quod si in rudi illa atque seueriori viuendi forma tantam expectauit Deus inter homines charitatem: quantam merito a nobis exiger in cęlesti plant hoc amoris statu, ac lege ętatem transigentibus: in quos copiose solum effudit Deus amorem? Absque dubio vel levis iniuria, aut opprobrio reiperlum verbum, quibus proximus læditur, grane nunc piaculum atque scelus reputabitur: quandoquidem instituti nostri culmen ac plenitudo sit dilectio: sine qua nullum orationis genus Deo gratum, nullum sacrificium aut incensī odor illi placebunt. Quocirca qui naturę præstantia nobiles ac generosi ceteris antecellunt, ad amorem hunc charitatis, ad condolentiam, ceteraque humanitatis officia magis sunt propensī: adeoque illos alijs præfecit natura, qui cum ad dedecus propullandum animosiores essent, honoris appetentes, tum emolliti clementia ad beneficiendum faciliores. Ex hoc affectu Alexander Cyri etiam hostis cadaver vulneribus confossum, ac sanguine infectum adspiciens, illacrymavit. Cęsar quoque dum videret Pompei inimici ac rivalis detruncatum caput, & anulum oris, sibi a lacrymis temperare non potuit. Cæterum feri, rabiosi, crudeles, inhumani auersi sunt plurimum ab hominis natura: in prærupta rupe aut caute enixi, non in vitro femineo concepti, ferino postea lacte vegetati: nati videntur ad prædā & rapacitatem: quibus in republica ita velim resisti, velut leonibus, trigribus, lupisque in ouium caulas grassantibus.

Quod si istius beneuolentię formam & quasi faciem inspicere velimus, nihil pulcrius, ornatius, aut exculius apparebit: sicut nihil deformius, tetrus, aut triculentius irę, odij, atque inuidentię specie videretur. Quę enim virtutes (vt docuit Aristoteles) ad alios nobis-que coniunctos nos referunt, illę maxime operantibus amorem & fauores

Deut. 18.

Deut. 20.

Leuit. 23.

Matth. 23.

Nobilitas

quid?

Trog. l. 20.

Eutrop. l. 8.

Dial. l. 6.

Chavilaz

fauores

con. illud.



fautores conciliant, pulchritudinem suas foras ostentant, & ex publico testimonio, & quasi communi suffragio, multorum laude & celebritate famæ ad cælos euehuntur. Qua nota præsertim insigniti existunt in alios beneuoli: proinde in concuiu pectoribus assilia hi habent, & firmissima suæ salutis præsidia. Vnde Titus Imperator dicere solitus se illam diem amisisse, in qua nullius gratiam munere aliquo haud esset promeritus: eaque de causa tam charus alijs fuit, uti delicias humani generis illum ciues passim vocitarent. Darius, quem hostilibus armis terra marique insequutus fuerat Alexander, ex relatu cognoscens pudice & honeste Dominum & iuuenem Alexandrum captiuam eius vxorem tractasse ac seruasse: inimici animum illico deposuit, ac naturæ generositate emollitus, ut scribit Curtius, ad celum manus tendens, hæc precatur: *Dij patrij, primum mihi stabile regnum, deinde si de me transactum est, precor ne quis Asiæ Rex sit, quam iste, tam iustus hostis, tam misericors victor.* Cæterum vero odium & inuidia in ipso etiam corpore notas quasdam exerunt illius turpitudinis, quæ interius animæ faciem corrumpit. Hoc etenim oppressus vitio, macie & pallore squalet, cauis oculis & toruo vultu omnia intuetur: ipse sibi crudelis, pectori serpentem admouet, cuius morfu præcordia dilacerantur. Quam quidem egritudinem, cum corporis tum etiam animæ ex inuidia, Chrysostomus serpenti comparat reflexo ad pectus dente, illudque audidissime arterente:

Sæton. in  
Tit. cap. 88

Curt. lib. 4

Inuidia  
in corpore  
turpe notā  
prodit.

Chrysost.  
homil. 40.  
ad pop.

Ouid.

Ira exte-  
rior nota  
deformis.

Senec. in  
Hercul.

Patiētia est  
magnani-  
mitas, ira  
animæ im-  
becillitas.

*Protinus inuidie nigro squalentia tabo,*

*Territa petit domus, est in imis vallibus antri*

*Abdita.* Ira etiam homo penitus efferatur, & in belluæ formam quandam immutatus transit. Ardent siquidem lumina, os desumat, vultus inflammatur, frons rugis obruitur, nihil integrum in mentis consilio aut corporis actione in illo superest, qui huic immanni perturbationi cedit. Quem Chrysostomus propterea obsessio à malo dæmone similem dicere solitus est, cuiusque formam ita descripsit Seneca:

*Hic seuas umbras territas Stygius canis,*

*Qui terna vasto capita concutiens sono,*

*Regnum tuetur, sordidum tabo caput.*

*Lambunt colubri, viperis horrent iuba:*

*Longusque torto sibilis cauda draco,*

*Par ira formæ.*

Quod si quis graui aliqua iniuria impetitus fuerit, magnanimi potius erit offensam remittere: hoc etenim modo in alijs malevolentiam spernimus, & in nobis insurgentem iræ furorem reprimimus, quo



quo nihil sane gloriosius. At qui alienæ gloriæ inuidet, abiecti plane  
 is est animi; iam enim sua ipsius opinione concidit: & se aliena ex-  
 cellentia victum vltro fatetur: quod longe apparet sordidissimum.  
 Quocirca appolite Ovidius finxit inuidiam ex palustribus, cœnolis,  
 depressisque locis oriri: quod nempe hoc vitium in abiectos solum Iob 31.  
 animos & impotentes incidat. Nam vt ait scriptura: *Parnulum occidit*  
*invidia*. Similiter se læsum agnoscere, aut perturbatione victum, quæ  
 ira contingunt, quid nili vile & dimissum est? Recte idcirco Amia-  
 nus Marcellinus iram animi fracti indicium affirmavit: *Quam pruden-* Marcellin.  
*tes desunt nasci ex mentis mollitiei consuetudine: id offerentes argumento probabili* lib. 27.  
*quod iracundiores sunt inestomibus languidi, & femine maribus, & iuuenibus senes,* Cbron.  
*& felicitibus erumosi*. Sane qui animo est nobili & generoso, is facillime  
 clementiam ac iniuriæ condonationem suscipiet: si modo qui ipsum  
 læsit, se illi dimittat parum, ac vel crimen fateatur: atque nili ferus  
 & immanis fuerit, vltiori vindicta abstinebit. Referunt annales Foxi lib. 4.  
 nostri Edouardum, eius nominis primum, Angliæ Regem, dum aucu- pag. 325.  
 pio ad fluuentium vacaret, cuidam eius seruo subitarum, nescio quid  
 mali illi fuisse minatum. Seruus vero ad sedandam regiam iram, festi-  
 ue dixit se plurimum gaudere, quo inter eos flumen decurreret. Rex  
 eius dicto offensus, gladium distinxit, & eques in flumen insiluit,  
 ferrumque vltum festinauit: seruus autem statim aufugit. Cum  
 autem Rex ad aduersam ripam equalisset: ac probe sciret seruus ipsum  
 optimo velucissimoque equo uti, cursui ac fugæ cepit diffidere: pro-  
 inde reuertitur ad regem, culpam suam prodit, & ei iugulum, exer-  
 tum gladium tenenti, porrigit. Regis autem ardorem, quem aqua  
 non potuit cohibere, vel tantilla serui submissio extinxit, ac veniam  
 est deprecata. Enimvero neque affectiones istæ rabidæ & concitatæ  
 tam aduersariis obsunt, cuius causa suscipiuntur, quam nobismet  
 ipsis. Vt enim ait Seneca:

— — — *Ira qua legitur neces,*  
*Profligata perdit omnia vindictæ locum.*

Siue itaque flammam iræ coërceas pectoris tui ambitu, siue eam  
 erumpere sinas, nihil alteri vtolibet officies: plurimum autem tibi.  
 Retenta namque ira, tua deuastabit: foras emissa, strepitum faciet  
 sine ictu. Iam enim coram aduersario infestum belli signum extulisti,  
 interim cum armis cæreas, aut illa domi habeas reclusa in armario.  
 Sane nihil tam contrariū prudentiæ ciuili, atq; iracundia. Quæ enim  
 hæc perturbatio præcipitem dedit, is nunquam politicus iudicabitur.  
 Ficta autem benignitate solent astuti homines insidias suas celare,

Z Z

vt

*Seneca, in*  
*Medea.*  
*Ira improba*  
*dens.*



vt ipsam metam collimando attingant : improvidumque volucrum feriant: & clanculū vindictę telæ exacuunt, vt secundo feritu illis opus non sit. Quod si vindicandi desit potestas, vana est sine viribus ira: ip-

*Corn. Tacit. loque contemptu sepius vincuntur aduersa: nam (vt inquit Tacitus) lib. 4. Anal. Spreta exolefcunt: si irascere agnita videntur.* Circumspectis idcirco omnibus, amor, beneuolentia, comitas, affabilitas, mansuetudo, animæ sunt ornamenta, vitęque humanæ columina. E contrario, ira, inimicitia, odia, crudelitas, labes morum existunt, & omnis ciuilis societatis detrimenta.

*Politici, quemadmodum & sectarij dilectionem mutua & concordia inter homines aduersantur: idque ex institute dogmatis ipsorum. Orthodoxi vero contrarium prorsus suadent & moluntur.*

## CAPVT XIII.



*Prosapia  
& ingenium  
politicorum.*

*Politici in  
geniū ser-  
uile.*

Voddam hominum genus, inter cętera monstra, hæc nostra luctuosa tempora infeliciter sane exculerunt: quod vulgario politicum nuncupari solet: eorum nempe qui spreta virtute, religione violata, rem familiarem augendi curæ vnice incumbunt. Fœtum dicere hoc animal hereseos; cuius phrenesis æstus in atheismum & diuinorum contemptum perpetuo solet desinere. Cum enim iam ferme profligati sint heretici, publicaue infamia per omnia Christiani orbis rostra traducti: noua sobolis, insurrexerunt politici: non scripturarum autoritate, quod factitarunt heretici, veritatem religionis fideique sinceritatem impugnantes: sed legum sancitis, diuitiarum studio, adulandi libidine, sacrosanctum dogma pessundant, sanctisque omnibus liberrime illudunt. Quos, cum orthodoxus aggreditur, illius oculis in hoc certamine, ex aduerso non obuersantur rationum momenta, non diuinæ autoritatis præsidia: sed fulgens purpura, exerti gladij, diademata & scepra animum eius territant. Ego sane in hac hominum secta, seu potius colluie, nihil magni aut excelsi vnquam potuiprehendere. Imprimis etenim politici ingenium seruile admodum & abiectum. Principes iste ac magnates viros veluti Deos habet, autoritate pollentibus se abiecte inclinat, vultu omnino dimisso, sicteque ad assentationem composito

eos



eos veneratur. Veritatem aut animi ipsius sensum nunquam voce audet  
 prodere : sed omnis eius sermo adulationi intentus , molle quid &  
 gratum sonat. Mox religionis quandam speciem ( est enim & hæc  
 virtus politica, ut tradit Plato ) sibi inferet, qua facilius simpliciori- *Plato de*  
 bus imponat, illisque persuadeat, se nihil nisi integrum sanctumque *legib.*  
 moliri, se humanas dignitates aspernari, haud cupere alijs præesse,  
 aut illorum negotijs sua studia velle immiscere serio affirmabit. Quo  
 in genere olim illustres fuere Pharisei, quibus nomen & vestis fistulæ  
 & lenocinia ad aucupium. Istis accedunt mendacia, partim ut inno-  
 centiam suam adstruant, partim ut alijs calumniam & infamiam  
 conferant. Fingunt denique minutas quasdam quæstiones, utpote de  
 hominum ordinibus, quinam sanctiores & præstantiores, de regno-  
 rum conditionibus, quænam excellentiores : ut istiusmodi quæstis,  
 in varias sectas partesque homines distrahantur. Nihil tamen in  
 ipsorum ore frequentius, quam declamatio aliqua incalescens can-  
 densque, in seditiosos hos traducunt sepiissime, eos infamant gravissime,  
 interea loci ipsi seditionum flamma quærelis orbem replent, odia &  
 inimicitias fouent, simultates augent: multa etiã fingunt & cõminis-  
 cuntur, quæ in partes concedere alios impellant. Prudenter quidem,  
 si rem illorum expendamus: nam qui ortu & ingenio abiectam in  
 republica sortem habet, is nunquam ita resplendet, ac confluentibus  
 alijs, & sese mutuo conficientibus: veluti humili tugurium  
 venustatem quandã adsequitur, si modo illesum & immune sit dum  
 vicina palatia incendio deflagrant, aut fulmine deiiciuntur. Huius-  
 modi politicos neque animo nobiles, neque sensu synceros dico.  
 Videtur enim abiectissimum quid mentiri, famam aliorum denigrare,  
 adulari, versare se in omnem partem, religionem fingere, alios  
 seditiosos appellare, non qui statuti Ecclesiæ & principum, sed  
 qui eorum nugis & insomnijs aduersantur ac contraveniunt. Hæc  
 autem sunt pollicorum prædicamenta, in quibus deprehendi semper  
 abiectissima ingenia collocari, inhumana, fera, barbara, atque homines  
 in agrestibus casis ad mendicitatem famemque natos: ferme autem  
 hodierna die interim non cognoscantur, stultis illudunt tantum aut  
 pueris. At quid isti tandem volunt? quid contendunt? ad quid spirant?  
 ad subsellia, ad honores, ad famam, ad amplissimas possessiones, ad im-  
 perij crudelitatem. Verum quod hæc, natura ipsa, eiusdemque opifex  
 Deus, virtuti & diuino cultui ita adiunxerint: ut vnum ab altero di-  
 uelli aut separari non possit, imitantur astutia sua Sampsonem colū- *Indic. 13.*  
 nam in sui interitum concutientem: de quibus proinde hoc solum  
 habeo



Quid poli-  
tici differunt  
contra re-  
ligionem.  
Machiauel.  
lib. 1. super  
decad. Liu.  
cap. 3. lib.  
de princip.  
cap. 17.

Liu. de ad.  
3. lib. 4.

habeo quod dicam in ipsorum laudem; illos interdum ingeniose & artificiose perire. Quantum autem illi inter homines charitati infesti sint, constabit apertius, si audiamus quendam ex ea schola prodeuntem, quam aperuit Machiauellus, (solo florentis ciuitatis splendore nobilitatus, in qua vel ortus est, aut versatus) paucis sua concludentem, & in hanc sententiam differentem. Anguste nimis, abiecte, presleque sentiunt de re politica, qui charitatis (vt appellant fraternæ) cancellis illam finiri claudive arbitrantur. Longius procul dubio spaciatur, vagatur vterius, liberior multo est magisque soluta. Nam cum hunc finem suis cogitatis cōstituat vir politicus, quo ciues imperioque subiecti pace fruantur & otio, opibus abundant: atque ante omnia, vt ipse princeps floreat, eius purpura sanguineo colore timorem spectantibus incutiat, sceptrumque eius cæteris omnibus nutantibus, semper erectum consistat: denique vt res ab illo præclare gestæ, iisdem quibus solis cursus terminis contineantur: cum hæc (quod sapissime vltu venit) perfici non possint, sine alterius iniuria; si istius transgressionis inani quodam metu, ab inceptis & institutis absterreatur politicus: dum occasionem elabi patitur bene de republica promerendi, vti eius curam deponat omnino necesse est. Atque cum istius sceleris conscientia, seminarū instar, nos lancinari alij persenserint: nihil illos morabitur, quo minus nobis bello & defectione aliqua semper sint aduersarij: existimabunt etenim dilectionis fraternæ præscripto nos tam arcte obstrictos, vti cum ipsi in nostro solo armati persultarint, nec gladios distingere audeamus. Excitandæ etiam nōnunquam inter finitimos & extras nationes tragædiæ, vt gliscentibus illorum armis, nos salui interim & tranquilli domi esse possimus. Nam vt ait Liuius: *Nulla magna ciuitas diu quiescere potest, si foris hostem non habeat, domi inueniet*. Et vti à priuatis ac suis princeps tutus existat, nullo modo committere debet, vt eorum fortunæ immoderatus capiant incrementa. Sicut enim medicus venam tunc inscindendam præscribit, quando ex inflatis venis, accenso aut rubesciente corpore, sanguinis exundantiam deprehendit: ita princeps politicus, cum viderit opes vestigialium nimis excreuisse: illas diminuere, demetere, & excindere oportebit. In quem finem iuabit rumores spargere in vulgus, quod externi iam hostiles incursiones in nostros fines meditentur: & propterea ad vnumquemque ciuium spectare, tot vel tot aureos nummos, in commune bellici apparatus subsidium conferre: ita iocose & lepide quidam princeps Gallicanus se pastorem dixit ouium ferentium aurea vellera ad ipsius libitum detondenda. Quod



Quod si magnates suos animaduertat princeps à populo honorificentius tractari, modo in magnam claritudinem apud plebem peruenisse, prompte confluentibus stipatos, armisque septos per fortuna incedere, est sane quod perturbetur, quodque sibi ab illis timeat: dimittendi idcirco aut frangendi. Hoc autem vno horum modorum præstiterit: si vel inter ipsos similitudines exortæ foueantur, aliusque in alium inciteretur: sic enim mutua refracti pugna, nihil poterunt amplius in principem: aut arte quadam, suasionibusque mellitis ad faciunt aliquod sub specie honoris aut utilitatis exstimulandi: unde iuste postea vel ex affectata & elaborata suspitione mali, qua ipsorum causa laborare videatur, in sententiam mortis & supplicij incurrant. Porro cum prona sit popularium natura, lucri præsertim causa, ad rebellionem, si quid ab illis durius princeps exegerit: propterea trux imo crudelis omnino iustitiæ species illorum perpetuo oculis obijcienda. Horrenda & immani carnificina etiam ob scelus confectum aliquot conficiendi: ut alij magis à facinore caueant: Regium enim sceptrum scorpionis loco esse debet, & terroris insigne. Quod si in quempiam grauius quid commiseris, nunquam deponendum odium, nunquam arma semel arrepta proijcienda. Nequaquam enim permittes eam in mentem cogitationem incidere, qua credas illum, quem ita læxisti, tibi velle ex animo iniuriam condonare. Hæc principum existunt præsidia, hæc ipsorum munimenta, contra omnem fortunæ impetum, & quamcumque demum ex inimicitia coniurationem. Longe autem absunt à minuta & exili illa descriptione charitatis, quam theologi in scholis pertractant: rempublicam isti hætenus ignorarunt. Nos vero (inquiunt) non dilectionis legibus, sed principis imperio vitam credimus, mollem hanc & effeminatam amoris affectionem repudiamus: seueriorem aliam & virilem inquirimus, ad frangendos hominum conatus comparatam: sanguine & rabo tribunalia inficienda, non commiseratione & dolore querulo replenda. Magnifice quidem, sed imple & immaniter hucusque dictum est.

Quod si primæquam institutionem principum animis reperamus, in societatem humanam illam iuductam fuisse videbimus boni publici causa: atque ut illis patrocinium adferatur, qui inopia aliaque imbecillitate oppressi, seipsos contra vim & insidias fortium tutari non valent. Politici vero principum libidinibus ceterarum facultates omnes subijciunt, ad ipsum vniuersa referunt: hunc Deum constituent, alios ut mancipia onerant iniurijs. Quod quid aliud est quam hominum conuictui tyrannidem inferre, lupum agnis ad exsugendum

*Principi  
clemens esse  
debet ex  
ratione pri-  
ma insti-  
tutionis.  
Alicui l. 15  
cōueni. de  
verborum  
fig.*

ZZ 3

dum



dum cruorem præficere? ita regiminis legitimam formam priuatis isti cupiditatibus suis inuertunt. Verum quam cæci etiam in suis? fieri ne vnquam poterit, vt princeps securo in loco consistat, qui hoc pacto fictus est ad tyrannidem, ad immanitatem, qui verba, qui fidem, qui omnia habet pro ratione temporis nunc venalia, nunc mutabilia: qui raptu prædaque suam sustentat auctoritatem? hæc enim deprehenduntur à subditis, aut illos effugient? (vt hoc dilemmate ad includendum Machiauellum.) Si primum asseruerit, tunc ad prudentiam principis spectare fatebitur, vti in seipsum suorum arma vel animos hostiles conuertat. Nunquam enim corpus hoc ciuilis societatis, immissum intimis venenum, quo ita arroditur & exurit, diu perferet: quinimo quauis ratione, post longam luctationem, illud tandem eijciet. Posterius si concesserit, consequens admissi erit, politicos nullam posse rempublicam bene instituere, nisi subdolum principem stultorum gregi intulerint. Verum quidem est potestate & tyrannide hac posse politicos rem suam tueri & augeri, valere quoque eos principis auctoritatem & emolumenta munire: sed ad tempus tantum: horum enim vero institutio diuturna nequit esse, aut secuta, vel suspitione vacua. Sed quod principes suo imperio ipsum Deum imitentur, proinde humanitate vel maxime elucere debent, aliorumque indigentis operose inuigilare. *Par est igitur* (inquit Philo) *bonos principes ac magistratus, si qua illis cura sit, vt Dei similes efficiantur, ista sedulo imitari.* Parens itaque cum princeps sit patriæ, quomodo in liberos omni benignitate effusus non erit? si dux, in milites non poterit esse ipso hoste turculentior. Omnem quam habuit iste potestatem, mutuatus est primitus à republica, ergone crudelitatem exercebit in matrem & benefactorem? minime sane. Nam vt idem ait Philo: *Princeps sic illos, qui suo parent imperio, tueri debet, vt parens liberos, quo ipse etiam ab illis vicissim, tanquam ab ingenuis filiis, colatur. Nam quod Rex est ciuitati, idem est pater primarius, familia Domini, medicus ægrotis, dux erranti, nauarchus classiaris, & mercibus nauibus mercatoris & onerariis nauclerus, Gubernator nautis.* Imo ita nobilitatem principis ad humanitatem comparatam arbitrantur ceteri, vti ab illis, inferioribus vel leuior iniuria illata, grauissima reputetur. Vt enim scripsit Salustius: *In maxima fortuna minima licentia est, neque studere, neque odisse, sed minime irasci decet. Quæ apud alios iracundia dicitur, ea in imperio superbia atque crudelitas appellatur.* Hac ipsa de causa sanguinis claritudine quosdam natura nobiles effinxit, illosque alijs præfecit: quibus ab ingenio competunt beneuolentia, commiseratio, iustitiæ cura. Vbiq; enim gentium manifesta hæc sunt in veris nobilibus, qui naturæ beneficio præ alijs in hæc.

D. Thom.  
lib. de re-  
gim. prin-  
cip. cap. 1.  
Phil. de  
delec. prin-  
cip.

Phil. lib. de  
10 præ. ept.

Salust. con-  
sulat. Catil.



in has virtutes inclinantur: vafricies autē, sensus versatiles, simulata  
 cōsilia, adulationes in viles & agrestes homines semper incidunt. Atq;  
 hos, non alios seculū nostrū adspicit politicos tenuis fortunæ homi-  
 los, natos ad contundendum ferrum aut lapides. Esurientes autem  
 & miseria experti, cum in principis animum sese insinuarint, mirum  
 in modum turgent, & nouæ gloriæ appetentissimi, pristinae defuerti  
 ferociunt. Ita Philo: *Nam fraudulentis mores sunt animi illiberalis & abiecti,* *Phil. sup.*  
*simulationis tenebris facinus admissum obteguntis.* Etenim quod nec ipsi, neque  
 eorum proauis exultationem aliquam vnquam obtinuerint, proinde  
 eiusdem fulgores magis demirantur animis, expetibiliore ducunt:  
 veluti si cum vespertilionibus, iam recens meridiano sole lucēte,  
 recessibus suis egressi volitarent: nec dici potest quam acres sint &  
 feruentes, dum hanc ipsis insolentem gloriā consecantur. Principes  
 autem, quos scepro idoneos constituit Deus, eisdem summa  
 quadam dulcedine sanguinis temperauit, & ad omnia humanitatis  
 officia præstanda ductiles facilesque effecit. Agrestes idcirco politici  
 omne decus & splendorem ingenitæ nobilitatis, suis ipsorum placitis  
 ad seuitiam & extremam barbariem spectantibus, corrumpunt:  
 & vbiq; locorum vigent & dominantur, ibi nobilitatem pessun-  
 dant, mancipijs vel stultis magistratus rerumque publicarum curam  
 committunt. Quid ni illos dicerem societatis humanæ inimicos? mi-  
 nor profecto quod populus illos diutius patiatur tam magnifice &  
 erectis cervicibus per plateas incedere: instituunt enim principem ad  
 crudelitatem, ad expilationem reipublicæ, ad tyrannidem; quem po-  
 liticum reddere præ se ferunt, illum furem, prædonem, piratam, in-  
 cendiarium efformant. Sanguinem ciuium hi quidem sitiunt, & ex  
 alienorum bonorum rapu ac interitu innocentum cum miluis &  
 coruis vitam propagant & diuitias: hoc solum honestatis habent,  
 quod quibusdam prestigijs simulate virtutis, feda & enormia sua  
 occultent flagitia: alioquin illis meliores & iustiores sub patibulis  
 gulam laqueo frangunt, aut quolibet alias penas à iudice decretas sol-  
 uunt ac pendunt. Quos multis abhinc excursis seculis loculen-  
 tissime ita descripsit Philo: *Tales sunt natura οὐδὲν ἀγαθόν: id est reipublicæ* *Phil. lib. 10*  
*statū à paucis gubernatum amplectentes: qui tyrannidis & potentie stultis flagran-* *de præcept.*  
*tes, furta faciunt: ingentia illi quidem, sed tamen ea splendidi principatus imper-* *patitur*  
*risque nominibus reuera occultant.* Principum antesignanos & quasi ideas *principes*  
 consilio volunt, Caligulas, Neronas, Vitellios, Heliogabalos, Ma- *valent se-*  
 ximinianos, Domitianos, Commodos, Dionysios: ac sæpius illud *uiter ac*  
 ingemunt Cai Caligulæ apud Suetoniū: *Oderint dios metuant.* Atque *tyrannus.*  
 hæc *Sueton. in*  
*Cæio c. 30.*



184 DE TRIPLICI HOMINIS OFFICIO,

hasce eius voces plane barbaricas principe suo dignas existimant: *Vt nam populus Romanus unam cervicem haberet.* Quibus etiam mortē inferendam efferatus ille animo designasset, eorum nomina duobus sceptris inscripsit: quorum alterum vocare solebat gladium; alterum pugionem. Cistam quoque retinuit iste venenis plenam, in clandestinam & domesticam suorum necem. Quid sanguinolentius Nerone, quid Domitiano truculentius? qui non solum severissima sententia multos dabant ad mortem, verum etiam ex aspectu effusi cruoris oculis voluptatem capiebant. Commodus Romæ incendium, sicut & Nero meditatus, ad seviriam suam explendam, debiles atque claudos in gigantum figuras & draconum spiras inflexit: quo iaculis postmodum confecit. Cuiusdam præpinguis ventrem dissecuit, ut videret disfluentia intestina: celebrans suum Dionysium, qui solitus fuit dicere; metum vincula esse adamantina, classem violentiam: atque hi sunt heroes istorum, & semidij: exesi exosque seculi ferrea crudaque monumenta. Ceterum vero plebi oculos effodiunt, ne principum astus intueantur; linguas perscindunt, ne miseras suas loquantur: & efficiunt plane ut imitentur ingenium gruum præteruolantium montem Tauri. Ut enim narrat Amianus Marcellinus, quod locus ille aquilis sit ferax, ora grues lapidibus occludunt, ne vel extrema necessitas clangorem illis eliciat: ita pauore consternandos, indictoque silentio comprimendos ciues definiunt politici.

*Caligulae  
crudelitas.*

*Commodi  
crudelitas.*

*Marcellin.  
lib. 18.*

*Tyrannis  
continetur  
timori.*

*Cicero. 2. off.*

*Proverb. 20.*

*Xenoph.  
d. dialog.*

*Hieron.*

*S. Aug. lib. 1.*

*ep. 2.*

*Marcellin.*

*lib. 1. chron.*

*Dionysij*

*senior.*

Enimvero qui hoc pacto terroris speciem suis iniiciunt, uti contineantur in officio, diu tuti esse non poterint contra aliorum insidias: vel dimissis cogitationibus iusti timoris, animis ex multis periculis, miserijs, & suspicionibus requiescere. Ut enim ait Cicero: *Quia se metui volunt, à quibus metuuntur, eosdem metuant ipsi necesse est.* Quamobrem optimis institutis imperium firmantes principes, benevolentia, amore, charitate, suorum animos conciliare satagerunt: omnem in istis opem & salutem publicam constituentes. Nam ut ait scriptura: *Misericordia & veritas custodiunt regem, & clementia firmatur thronus eius.* Hinc Cyrus apud Xenophontem, regnum stabiliri adseruit, non aureo sceptro, sed amicis. Theodoricus, ut verbis Sidonij Apollinaris utar, timebat timeri. Cæterum qui in crudelitatem concedunt principes, similes evadunt Dionysio, de quo hæc Amianus Marcellinus: *Tonsitricem docuit filias, ne cui alio ora committeret leuiganda, ædemque breuem, ubi cubitare sueverat, alta circumdedit fossa: eamque ponte solubili superstravit, cuius disiectos asserses & assiculos secum in somnum abiens transferbat, eosdemque compaginabat: lucis initio processurus.* Profecto qui in neruo & compedo vinculos



vinctos pedes habent, istis existunt liberiores & feliciores. Consulto itaq; omnes ferme imperatores Romani, saltē in ingressu ad imperiū, summā humanitatē sunt professi, qua sibi homines deuincirēt, hanc pulchri speciem conatibus suis prætulerunt: nihil asperi, nihil inclementis, elati nihil prę se tulerūt, ipse etiam Nero huiusmodi laruam aliquando sibi induxit: cum enim illi oblatus esset libellus sententiam mortis in quendam reum continens; cui deberet ipse subscribere, ingemiscens dum nomen stilo exararet, dixit: *Quam vellem me uiscere literas.* Hinc Cęsar blando vocabulo eos qui sub ipso morebant, commilitones appellat: & cum quidam illum Dominum æquum & bonum vocitaret: *Statim manu vultuque indecoras adulationes represit, & in sequenti die gravissime corripuit edicto, dominumque se posthac appellari ne à liberis quidem aut nepotibus suis vel seris vel ioco passus est.* Cum quidam supplicem libellum Augusto porrigeret, & ex metu incusso à tanta Maiestate, nunc brachium extenderet, nunc vero retraheret. *Timide* (inquit: Augustus) *quid? Elephanto stipem porrigis?*

*Multa metu pena, pena qui pauca coercet,*

*Et iacit multa fulmina rara manu.*

Tyberius moderationem factui adhibuit. Nam cum inter varias populi acclamationes, vnus ipsum Dominum compellaret, alias occupationes eius sacras diceret: priorem reiecit uti conuitiatorem, alterum emendauit, iussitque ut pro sacris, laboriosas diceret. Quo in genere clarus enituit Alexander Seuerus Christiano lacte nutritus & emollitus, qui etiam iustis suppliciis illachrymauit. Cum etiam quidā hac ipsa de causa eū increparet, affirmaretq; benignitate & charitate se nimis mollem exhibuisse, illi respondit: at securius diurnusque mihi inde feci imperium. Alexandri mater Olimpias ab ipso cuiusdam infantis necem efflagitauit: immane autem postulatum reiiciente Alexandro, id egre admodum tulit Olimpias, atque matri dixit nihil à filio negandum, quem nouem mensium spacio ipsa in utero fouisset. Cui Alexander: *Aliam, parens optima, posce mercedem, hominis enim salus beneficis nullo, multo autem magis mors nullo pensatur.* Charitate itaque, tanquam vinculo quodam, omnes reipublicę partes continentur: quam princeps se facilem, suauē, & moderatū ciuibz prębet: eadem vicissim ciues se suaque omnia vltro referunt ad principis auctoritatē. Quid vero sentiendum de principum similitudinibus, quas reges fouere debere definiunt politici, ut sese tueantur, & omnium concilia resciscant: existimo prudentissimi historiographi Philippi Comingi iudicio satis indicari. *Dicit fortasse quispiam illas partium offensiones regibus esse non inutiles:*

A Aa

*pacis rē*

*Imperatores Romani in inijs imperij affecerunt humanitatem.*

*Suet. in Nerone.*

*Suet. in Cęsar.*

*Sueton. in Aug. Ouid. lib. 1. trist. eleg. 4.*

*Suet. in lib. cap. 27.*

*Lamprid. Alexand.*

*Marcel. lib. 14.*



patefieri hac ratione omnia concilia: nihil esse, quod non offeratur ad regem, & in maiori ipsum esse obseruantia: non negarim equidem, si quis princeps adolescens eius modi similitudines ac contentiones in gynæcio suscitaret; quin maximam se habiturus ridendi sui que oblectandi materiam. Nihil enim erit adeo secretum, quod in hac mulierum amulatione & inuidia non resciscat: verum ut ea consuetudo recipiatur in cætu virorum; ingens profecto periculum in eo versatur. Hoc enim vere sit ignem in tuis ædibus accendere, quem deinde non possis nisi maximo tuo detrimento restinguere. Nam qui principem à se vident alienatū esse, non fere nouas incipiunt tentare amicitias, & illis libenter se coniungunt, quos dissidere putant ab eo, quem sui aduersarij partes tueri vident. Quod exemplo ostendit verum esse, ex factione inter familiam Aurelianam & Burgundicam, quæ Galliæ ferme interuenientibus Anglis excidium intulit.

Philip. Cō-  
min. lib. 11.  
Com.

Settarij  
inimici  
charitatis.

D. Thom. 2.  
2. q. 39.  
1. 1. & 2.

Cyp. ep. 65

Heretici ad  
arma prin-  
cipum con-  
fugiunt.

Turbulentia quoque hereticorum, in qua ipsi perpetuo versantur, fraternæ charitati atque mutuæ dilectioni multo magis repugnat. Non enim in libilo auræ tenuis, uti Dominus, se spectabiles exhibent, sed in commotione, in igne, in turbine: quod quidem ex duplici causa descendit; idque primo ex natura hereseos vniuersim spectatæ, deinde ex conditione & qualitate dogmatis, cuius se magistros venditant. Quapropter schisma, quo membra Ecclesiastici corporis ab inuicem distrahuntur, grauissimum esse peccatum, cum D. Thoma adstruunt omnes Theologi, quod nempe charitati opponatur: *Et intendit se schismaticus ab unitate separare, quam charitas facit.* Sicut enim charitas in vnum pellit homines: ita secta & partium studium eosdem in diuersos cætus & factiones dissipant. Enimvero tametsi heresis, si specialem eius oppositionem & contrarietatem spectemus quam habet cum virtute, tantummodo orthodoxæ fidei aduersetur; quemadmodū & schisma charitati: heresim tamen schisma concomitatur, & videtur eius quasi actus externus. Quamprimum enim praua aliqua opinio circa mystica in animum suscipitur: statim reuellit hæc mentem, quam infecit, ab omni compagine & ionctura societatis: vnde existunt contentiones, dissensiones, bello atque armis omnia flagrant. *Hæc sunt enim initia (ut ait D. Cyprianus) hereticorum, & ortus atque conatus schismaticorum male cogitantium; ut sibi placeant, ut præpositum superbo tumore contemnant.* Hinc venit, quod iudicio ecclesiæ profligati hæretici, priusquam velint veritati cedere, vel etiam legitime concertare, ad imperatorem aut alium principem ciuilem se recipere soleant: uti illorum armis innocuus cruor effundatur, & communi incendio concidat tandem respublica. Ariani supplices se exhibuerunt Imperatorijs Eunuchis: in quorum præsidij & umbra potestatis



statis conuicti ab Ecclesia, delitescerent. Eiusdē sectæ Cappadox ille Georgius (quem nuper stultus quidam, imperitus, & ridiculus scrip-  
tor inficitia sua Angliæ patronum præfecit) cuidam impio literas magni  
Antonij conspuendas tradidit: imperatoris autem & ducum epistolas  
summa cum veneratione excepit. Auxensius Mediolanensis dispu-  
tans cum D. Ambrosio, controuersie iudicem Imperatorem delegit.  
Damnati Prisciliani imperatoriam opem implorant. Anathemate per-  
culsi Ariani ad purpuram fugiunt Constantij. Donatistæ deuicti &  
profligati ad imperij maiestatem, uti ad asylum, se conferunt. Orige-  
nistæ hæreseos nota multi, omnem spem positam habuerunt in Arca-  
dio. Nestoreus Theodosium, Eutiches Crisaphium quærant. Quæ  
defectio, quod illis non sufficiat ad furorem, etiam gentilibus sese  
adiungunt, illorumque operam implorant in orthodoxos. Ita olim  
Ariani expugnantes Ecclesiam Alexandrinam, postea in Mediolanen-  
sem innadentes, cum Gothis in vnam aciem & manum confluxe-  
runt: quod & alias sæpius ab hæreticis factitatum narrant Rufinus  
& Theodoretus. Nostis etiam temporibus Calviniana rabies, Turli-  
cam barbariem in orthodoxorum capita sæpius concitauit. Quod si  
ad sceptrum & dominatum hæresis peruenerit; quam trux, quam san-  
guinolenta, quam charitati infesta! Arianam violentiam istis refert  
Athanasiū: *Quos non potuit hæresis verbis inducere, eos vi, plagis, carceribusque ad se pertrahere conuincitur.* Neque antiquioribus hac ex parte mo-  
derna sectarij se inferiores præbuerunt: hoc testantur in primo ortu  
hæreseos digladiationes Germanicæ; quando ex sententia ipsius Lu-  
theri, inter tempus Paschale & festum Pentecostes, plusquam centum  
millia armatorum misera & luctuosa strage ceciderunt. Idem confir-  
mant furores Gallici, & Belgicarum nationum defectiones à rege  
Philippo, & postea ab Alberro & Isabella principibus legitimis  
Geneuæ consilium inierunt sectarij (ut scribit Genebrardus) de inter-  
ficiendo ad dictum diem Beza, Caluino auctore, Otthomano subfig-  
natore, Spiphario suatore, omnibus Galliæ prædonibus & lanistis con-  
scijs. Atque tales exitere Germani illi, qui sub Bullionenli duce in  
interiorem Galliam hostili apparatu contra Valesium penetrarunt,  
ad numerum ferme quadraginta milium. Interim tamen Deus rebus  
afflictis suæ Ecclesiæ providens, Christianum Ionatham, ducem illum  
Guisianum submiit: qui immanes illos barbaros cæde prostrauit, &  
eorum cadaueribus à meditullio ferme Gallicani imperij, vsque ad  
Germaniæ fines, interiectos campos constrauit: effecitque ut non tre-  
pida

A A a 2

Athan. ep.  
ad solitar.  
Rat. ol.  
lib. idol.

D. Ambros.  
ep. 32.

Sener. l. 2.  
Socrat. l. 6.  
hist. cap. 7.  
Liberat. lib.  
breu.

Hæreticis  
adiungit in-  
fidelibus  
contra or-  
thodoxos.

Ruffin. l. 4.  
cap. 20.  
Theod. l. 4.  
cap. 20.

Hæretici  
crudelēs.

Athan. ep.  
ad solitar.

Lutherus  
tom. 7. pag.  
270.

Hæretici  
rebelles.

Genebrard.  
Chron. an.  
Dom. 1562



pida fuga, sed corporum iacentium proceritate, itinera omnia emetirentur. Domesticas alias & viciniore concertationes omitto, cruentas sane & nimium crudeles. Atque dum hæc literis mandantur: Germanorum agmina, quasi tredecim millium numerû expleant, ruunt iterum in Belgicæ partes inferiores, vti rebellibus & peruicacibus Hollandis atque Phrisijs contra legitimos optimosque principes suppetias ferrent: sed more suo illa corporum onera breui cecidêre aut defluxêre. Vsq̃ adeo hæresis quietem nescit & pacem: nata omnino ad odia, inimicitias, flammæ, & regnorum deuastationes.

*Hæresis sua  
natura fa-  
ctioni dedi-  
ta.*

*August. l. 1.  
cont. ep.  
parv.*

*Clem. Alex  
7. Strom.*

*Dogma hæ-  
retici infe-  
stum chari-  
tatis.*

Imo heretici tale est ingenium, vt si nullus in orbe terrarum inueniretur orthodoxus, quocum pugnaret: adhuc à tumultibus minime cessaret. Exorta etenim hæresis paulatim in multa capita se diffundit: quæ enata ex sola libidine concertandi, mutuis pugnis inuicem appetunt: tandem post longam & acrem digladiationem, absumptis viribus, hæreses omnes corruunt & labuntur. Quod de Donatistis ita asseruit D. Augustinus: *Iam multa frustra de isto frusto per totam Africam facta sunt: sic necesse est vt manitatem secti conscissique dispereant; qui tumorem animositatis suæ, catholica pacis vinculo sanctissimo prætulerunt.* Atque hoc commune quidem est omnium hereticorum incendium: quod proprijs manibus sibi ipsis pararunt, & quo à principio hucusque omnes hæreses deflagrarunt: vti ne vestigia quidem, sed solum tenuem quandam ex fama sui memoriam posteris reliquerint. Antiquis illis erroneis tale exitium contigisse narrat Clemens Alexandrinus: *Se itaque inuicem despiciunt, & irident, & accidunt vt eadem intelligentia ab alijs quidem in maximo honore habeatur, ab alijs autem damnetur amentia.* Hic idem casus & ruina sectariorum quoque horum capitibus imminet: quis enim non animaduertit Lutheri Calvinique sectas in dies magis languescere, sperni à doctis, conculcari à probis? Intestinis namque bellis interiora sua aperuerunt, cadauera sepulta, pulchrisque conrecta monumentis, emiserunt in lucem; propriam turpitudinem reuelarunt: quam orthodoxi videmus, execramur. Ceterum vero si catholica & Romana fides, diuina virtute in hac grauissima concussione suffulta non fuisset: pari lapsu cecidisset. Ea tamen hodierna die imminuta, de omnium heresum scelere, & errore luce doctrinæ suæ, atque morum candore victoriam reportat, & triumphum agit.

Nunc autem venio ad dogmatis ipsorum rationem: quam à dilectione & charitate mirum in modum dissidere experimur. Internum quoddam intelligentiæ & perspicacitatis lumen nullus est illorum qui sibi non arroget: cuius radio se fatentur mysteria omnia, reconditos



ditos abstrusosque sacrosanctæ literæ sensus dilucide explicareque contemplari : ita vt nullius voce seu externo adminiculo ad veritatis intuitum indigeant . Illius quidem lucis assertionem illis omnino vitio non damus orthodoxi : habitum etenim fidei in animam diuinitus infusum , lucem nominamus , & virtutem internam dicimus , collustrantem corroborantemque mentem ad ea intelligenda , quæ humani captus vim quam longissime excedunt . Ceterum phanatismo suo dementati sectarij vltius progrediuntur : reijciunt etenim omnem externam regulam , & normam sententiæ Ecclesiasticæ , quæ interna facultas animi recta ad veritatem dirigatur : proinde opinionibus priuatis vniuersa metiuntur , vnicum spiritum iudicem omnium constituunt : qui quidem cum varius sit & multiplex pro capitum numero , (vti nostro prouerbio dici solet) tanquam feles & canes inter se coherent & concordant . Hæc quidem vesania & ementiti spiritus arrogantia , Arianos in Eunomianos , mox in Macedonianos , aliasque minutissimas sectas partiuit : ac pene vt pulueres ad extremum dissipauit . Eadem Lutheranos & Calvinistas in tam varias subtileque factiones dissecuit : vt numero & tenuitate discriminis sensum ferme & notionem omnem modo effugerint . Nemo autem est , qui clare non despiciat , quam hoc aduersum sit infestumque charitati & dilectioni . Fieri enim non potest , vt opinionum varietates istæ ac discrepantes rationes odia , inimicitias , bella non pariant : hoc ratio suadet , ipsaque experientia luctuosis casibus testatum reliquit : configentibus autem illis , nullus prorsus superest modus deponendi arma semel duldio exerta , & hostili odio in aduersarium vibrata : etenim nullius tribunal reuerentur isti , nullius censuræ quicquam deferunt authoritatis . Quod si inter hos acriter pugnantes , ac mutuo aures crinesque vellicantes , sacrarum scripturarum volumen quis conijciat , cuius momento controuersia & lis dirimantur : is nihil sane ad pacem apud illos præstabit : de ipsis namque scripturis earumque vera sententia omnis exorta est digladiatio . Vi , dolo , & arte vnusquisque ad se rapit paginam , qua causam suam tueatur : alius illam etiam dilacerat , & canone consignato textum violenter expungit : sed eiusdem quoque spiritus vertigine : ad turbulentiam adacti neq; in ciuilibus moderati pacatique reperiuntur , aut fraternæ quietis amatores . Principum namque edicta suo etiam spiritu expendunt : quæ si viderint deflecti parum ab ipsorum sensu , statim legistatorem tyrannum , impium , Antichristum clamitant ; concionibus ipsorum insonantibus , tanquam strepentibus classicis ad arma concurritur à plebe ,



cades fiunt passim & incendia. Cum etiam doceant magistratum statuta nullius conscientiam constringere, prout sunt inde ad rebellionem & defectionem: ut dominorum imperia diffugiant, turbasque concitent. Denique quod in hac re caput est, & in quo tanquam in arce causam suam collocarunt, ipsorum dogma est iustificationis, cum dilectione & charitate quasi ex diametro depugnans. Quis etenim magnopere curabit mutuæ charitatis violationem: cum sibi persuaserit, hanc posse existere sine dispendio iustitiæ, aut infernalis pænæ detrimento? cætera damna quæcunque neminem credo magnopere morabuntur. At qui iam credidit se esse iustum, fidemque diuinis promissis in scriptura complexis adhibuit: imo vel cuius parens id præstiterit, is impune odio flagrare poterit in fratrem, contumelia & pugnis ipsum impetere, illa fide. Non enim necesse est, ut vindictæ appetentior, dum fratri irascitur, abneget fidem scripturarum: & amplius credere renuat Christum mortuum ad expianda mundi peccata. Perturbatio namque, quæ sollicitat ad vindictam, necessario coniuncta non est cum infidelitate in mente: hæc enim ex diuersis motibus omnino proficiuntur. Permanet idcirco sectariorum iudicio ex fide iustitia: interim animus cupiditate inferendæ iniuriæ, aut rependendæ ultionis inflammetur. Quod si verum agnoscatur, nihil homines Calvinistas à cæde, & sanguine, à rapinis, & tumultibus sistere poterit aut retrahere.

*Orthodoxorum  
dogmata  
maxime  
faciunt ad  
charitatē.*

Orthodoxorum autem placitis omnes causæ istæ pugnarum & iniuriarum amputantur. Et quod ad fidei rationem attinet, licet huiusvnicuique, secundum mensuram diuinissimi illius spiritus, concessa sit donatio: eiusdem tamen communem omnes regulam habemus ac magistram, Christi nimirum sponsam, nostramque matrem, Ecclesiam Catholicam. Quæ non efficit quidem ipsa diuina reuelata, aut eorum veritatem, (ut inepte nobis imponunt sectarij) sed ea solum proponit credenda, quæ diuina existunt, non falsa aut fictitia. Ex cuius regulæ unitate ac veracitate fit, ut in omnibus mundi partibus penes nos eadem fides vigeat; illaque hodie à fidelibus suscipiatur, quam Apostoli, illorumque successores Episcopi ab origine Ecclesiæ, in hæc nostra tempora decurrentes, coluerunt. Proinde illis tumultibus cademus, qui ex opinionum varietate in rebus mysticis & sacris descendunt. Firma autem charitate radicati, (ut inquit Apostolus) optime suauiterque coheremus. Nam ut ait Greg. Naz. Nihil æque Germanos Dei cultores inter se conciliat, atque consentientes de Deo sententiæ: quemadmodum contra, nulla re facilius amicitie dissuuntur, quam diuersa huiusmodi in rebus animarum.

*Ephes. 3.  
Colos. 2.  
Greg. Naz.  
orat. 2. de  
pace.*




*morū sententia.* Principū statuta obseruamus, eorū iussū peragimus, ipso conscientię p̄scripto inducti, idque ad euitanda peccata, quibus ceteroquin animus sedaretur: quapropter illis legitima imperantibus, absque strepitu vllō aut inquietudine, obtemperamus. Porro rationem iustitię consequendę expēdentes, multum similiter charitati deferimus; sine qua definimus, nunquam acquiri posse sanctimoniam: atque vltimam ex parte nostri, dilectionem charitatis, ad iustitiam dispositionem appellamus: cum qua ita coniungatur, vti ne puncto quidem temporis ab ea diuellatur, aut seorsim existat. Statuimus p̄terea fratris odio hanc ipsam iustitiam expelli, omneque ius ad cēlestē h̄reditatē intercidere. *Qui fratrem odit,* (inquit Euangelista) *manet in morte.* Hęc sunt, quę nos nr̄issime continent in officio charitatis: inuidentiā, odium, inimicitiam, rancorem irę procul à nobis abercent & repellunt. Hereticorum vero dogma proiectum est ad dissensiones, ad factiones, ad cades, ad omnem denique immanitatem.

*D Thom. 1.  
2. q. 113.  
art. 5.*

*Ioan. 2.  
& 3.*

*Timoribus fortitudine animęque constantia viriliter obsequendum.*

## CAPVT XIII.



A vis est incussi timoris, ex imminētis alicuius mali obiectu, vti illa repellatur sēpius quantumuis institutus, decretusque voluntatis conatus ab eis etiam expetitis, quę sui aut alterius causa in amorem nostrum & cupiditatem cadunt: nihilque aliud est, quam trepida quēdam fuga voluntatis ab his rebus resilientis, quę idoneę existunt ad creandum nobis periculum aliquod, aut detrimentum: ita ut eiusdem obiectum, cuius intuitu excitatur, sit p̄sentaneum malum, quod iam proxime adest, quodque in conspectum ferme deuenit. Hęc autē perturbatio ita cum amore omnem appetitus energiam & potestatem obtinet, vti (authore D. Augustino) nullius sit illius motus, siue in bonum, siue in malum, quem timor vel amor non efficiat: *Omnia peccata due res faciunt in homine, cupiditas & timor.* Similiter probi quoque cuiuslibet suscepti initia causęque existunt. *Itas quę fratres mei, ad omne recte factum amor & timor ducunt. Vt facias bene, amas Deum, & times Deum: vti autem facias male, amas mundum, & times mundum.*

*Timor quid*

*Vis timoris  
D. August.  
psal. 19.*



*mundum. Quas duas humanarum molitionum origines recenſeri & adumbrari arbitratur Auguſtinus illis verbis Pſalmi : Incenſa igne & ſuffoſſa. Ideo peccata mali amoris igne ſuccenſa ſunt; peccata malitioris effoſſa ſunt. Quam quidem factorū noſtrorum partitionem rite expendit Alexander Halenſis. Oritur timor iſte, quem Damascenus animæ ſiſtolen ſeu contractionem vocat, ex amore : inde enim quod nos ipſos alioſve favore proſequimur, noſtra & aliorum mala refugi-*  
*mus. Nulli dubium eſt, (inquit Auguſtinus) non aliam metuendi eſſe cauſam, niſi ne id quod amamus, aut adeptum amittamus, aut ne adipiſcamur ſperatum.*  
*Atque ſicut amor effundit affectum in ipſam rem dilectam; ita eſt contrario timor appetitum coërcet, reſtringit, retrahit, & impetum ſiſtit proſequutionis. Quemadmodum enim ſaburra curſum nauis firmat, retinetque à fluctatione : ita timor efficit, ne amoris viſ ſe nimium efferat, aut ne inaniter laſciuiat : multis enim abſtinemus, ſi ea nobis timorem ingerant. Ita tamen pediſſequa amoris exiſtit timor; uti iſ pluribus ſemper obnoxius ſit timoribus, cuius appetitum amor ad plura deſert ac deſtinat. Præterquam etiam quod ab amore ortum trahat timor : etiam ab ingenio quoque æſtimatione & iudicio alius cuius ducitur plurimum. Qui enim ex animi quadam impotentia ſuſpiciantur cuiuſvis mali occuſu ſe facile ſuperari poſſe, hi meticu- loſi euadunt, & in quolibet aggrediendo trepidi & cunctabundi. Sicut ex aduerſo animi magnitudo deſpectuſque infortunij timiditatem expellunt, conſiliorumque firmitatem & conſtantiam pariunt. Cuius diſcrepantiæ rationes vel maxime pendent eſt corporum ſtru- ctura & conſtitutione; veluti de aliarum perturbationum naturis à nobis eſt diſputatum. Conſtat autem abundantiam frigoris & exundantiam humoris plurimum facere ad timorem : propterea ſenes iuuenibus, feminæ hominibus timidioreſ reperiuntur.*  
*Iſta vero agitatione appetitus, rationis uſum vehementer per- turbari, ipſiuſque virtutis conatum reprimi & retardari, nullus eſt qui ignoret. Non enim alia de cauſa olim acies militaris horrendam quandam ſpeciem & figuram inſtitutam ad omnem immanitatis oſtentationem, hoſtium oculis obiectabat; niſi uti ex illo aſpectu timorem aduerſarij haurirent, omniſque neruus fortitudinis in illo- rum animis inſidens, langueretur decideretque. Hoc ſpectabant apud Romanos criſtatę galeæ, Septentrionalium ferocium anima- lium exuiiæ, Afrorum clagentia vaſa, Gallorum, Germanorum, & Hiſpanorum excitati clamores, armorumque fragores, Britannorum vultus ceruleo herbarum ſucco intincti : Terribilis ut caſtrorum acies orde-*  
*nata.*

Pſal. 39.

Halenſ. 3.

part. q. 175.

m. 1.

Damasc. 4.

orth. cap. 5.

Timor ex

amore.

Auguſt. 83.

queſt. q. 33

Cauſe ti-  
moris.

Auguſt. 2.

Rethor.

Timor vir-

tati re-

pugnans.

Cauſ. 6.



nata. Quibus terramentis arte comparatis, sensus interdum hebes-  
cunt, intuentium artus tremunt, & gelidus coit circum præcordia  
sanguis. Dum enim ora illa Medusæ, Palladis clypeo insculpta, olim  
contemplarentur homines, tam animi quam corporis viriles actio-  
nes amiserunt, vti in saxa transformari videbantur. Sic timor animum  
perstringens, illum cohibet ab omni recto proboque munere vir-  
tutis: neque sinit mentem veritatis formam intueri. *Occidet ipsis sol* Amos 8  
(inquit Propheta) *in meridie, & obtenebratur dies.* Quem locum sic elu- Chryso-  
cidat D. Chrysostomus: *Hæc autem dicebat, non quod planeta absconderetur,* homil. 2. ad  
*neque quod dies evanesceret, sed quod merentes, neque in meridie propter doloris* pop.  
*caliginem, lucem tenere possent.* Nec solum animorum consilia inuer- Effectus ti-  
tit motus iste, verum etiam corpus vario impellit. Discurrentem moris in  
emin perextrema sanguinem, ad tutandam vitam, retrahit ad regiam corpore.  
ipsius cordis: & vt scribit Galenus, acrem bilem traiecit ad imum  
stomachi, qua interiora atroduntur. Interdum vero ita corpus agitat, Galen l. 3.  
vti hominem exanimet penitus extinguatque. Facilis autem ne- demonst.  
gotij res haud iudicabitur, istam ex timore iniectam concitationem  
sedare: cum truces istæ species & formæ calamitatum aut damni gra-  
uioris in imaginationem incurrerint, animi propositum fixum fir-  
munque seruare, in medijs malis artuum trepidationem abicere,  
atque in tenebris procellarum veritatem ipsam luce intelligentiæ in-  
uestigare; in hac sane conflictatione viro aliquo opus erit, rege, &  
Herculis opere. *Rex est qui posuit metus,*  
*Et diu mala pectoris.* Senec. in  
*Rex est, qui metuit nihil.* Theyst.

Verum sapienti rationum momenta non desunt, quæ si eius menti  
occurrant, timorem, anxietatem, trepidationemque profligabunt.  
Firmabunt etenim eius animum, ne à proposito virtutis desistat, Timor no-  
quocumque demum terrore occupatus fuerit: ad quod quidem præ cet timēti,  
standum multum omnino efficit ea cogitatio, qua nobiscum serio nec prodest.  
reputamus inani & inutili timore, quem semel admisimus, tanquam  
malo quodam proprijs nostris manibus adscito, nos miserrime solici-  
tari, inuri; nihilque ita in nos seuire, aut truculentiam exercere,  
ac nos ipsos sponte perturbationi huic cedentes: dum acerbitates  
diras & tormenta metu quodam muliebri sensibus ipsi admoemus.  
Neque ita plerunque infortunij perpeffione lædimur, vti cogitatis  
nostris, & illa animi dimissione, qua malis abiectè succumbimus. Vt  
enim inquit D. Gregorius Nazianzenus: *Nam quod quisque pati extimescit,* Greg. Naz.  
*id passus est, etiamsi non patiatur; grauiusq; à se fortasse, quam ab his, qui* orat. 2.  
*cont. Iul.*

B B b

supplis



*Cardan. l. 5.* supplicium inferunt, torquetur. Scribit Cardanus hominem quendam Venetum à Turcis captum, vespere culeo insutum, vt dilucescente die in mare proijceretur, adeo fuisse imminentis mortis exterritum metu: vti vnus noctis spacio omnes eius pili incanuerint. Credendum huiusmodi miserum, mille quidem mortes timida vnus expectatione sibi intulisse, & cogitationum suarum aestu, maris plusquam fluctibus, adhuc in naui absorptum fuisse. D. Chrysostomus eleganter admodum Eutropij vehementius supplicij capitalis metu exterriti, atque ad altare, vtpote ad asylum profugi, perplexos sensus, & acerbos animi cruciatus describit, istiusque perturbationis aculeos ob oculos ponit dilucide: *Nuper missi ad eum à rege, qui vel per vim hominem petraberent, cum ad sacraria confugisset: buxo pallidior factus, nunc quoque nihilo meliorem quam mortui colorem obtinet. Accedit dentium arietatio, tremor totius corporis, vox singultiens, & lingua titubans: in summa talis habitus, qualem oportet habere animam, quæ iam metu obriguisset.*

*Tymor de-  
spicibilis  
& forti-  
tudo glo-  
riosa.*

Quod si ad præstantiam dignitatemque generosæ fortitudinis cogitationem conferamus: tantæ virtutis inspectum decus, hominem timore torpentem, & animo consternatum excitabit. Nam si istius decoris possessio, quid præstantissimum haud esset, neque valde expetendum, nequaquam elati & superbi, qui ceteris (vt testatur Philosophus) timidiores existunt, periculis sese obijcerent, eo solum fine inducti, quo fortitudinis exultationem sibi acquirant, eorumque numero celebrentur, qui humanos casus minime reformidarunt. Quid obsecro præclarius quam animulam hanc, lubrica fragilique inclusam carne, cælorum fulminibus aut terræ tragædijs superiorem exhibere? Nihil illustrius sane, quam vt concursantibus vndique malis, homo interim tanquam turris vento impetitus, aut scopulus marinis diuerberatus fluctibus, firmus & immobilis persistat.

*2. Cor. 3.*

Paulus: *In omnibus tribulationes patimur, sed non angustiamur; aporiamur, sed non destituimur; persecutionem patimur, sed non derelinquimur. Quemadmodum enim succis fibris, totius arboris moles collabascit: ita si incussus timor animo fortitudinem expulerit; humanorum consiliorum ratio, varijs subiecta casibus, perpetuo motu vacillabit:*

*E cli. 22.*

neque vnquam recta ad virtutis metam incedet, sed (vt inquit Sapiens) *Sicut ornatus arenosus in pariete limbo, & sicut paleæ in excelsis, & cementa sine impensa posita, contra faciem venti non permanent: sic & cor timidum in cogitatione stulti contra impetum timoris non resistet.* Istius autem virtutis laus eo clarior, quo eiusdem studia & molitiones maiori-  
bus

*Fortitudo  
difficilis,  
ideoque  
præclara.*



bus obnoxia sunt difficultatibus. At nihil enerue vel elumbe apparet in hac animæ firmitate & constantia; cum aduersa in nos impetum fecerint; sed potius maxima difficultate ardua & spissa opera nobis incumbunt. Vt enim scribit Aristoteles: *Difficilius est res molestas toleranter pati, quam à iucundis abstinere.* Bruta liquidem animantia, quæ solo appetitu sensitivo ducuntur, suas relinquunt illecebras, cum nocuum aliquod, veluti flagellum, aut baculus, illis imminere ceperint. Institutum idcirco fortitudinis, quod in superandis malis versatur, inter cetera, præcipue opus est rationis: quandoquidē ita sensibus repugnet. Tamen autē virtutis finis, in quem vir fortis intendit, sit longe iucundissimus: nihilominus adiuncta mala, præsertim quæ corpori adueniunt, iucundi sensum nobis pene adimunt: eaquæ de causa vis rationis in hac virtute vel maxime spectanda. Verumtamen (inquit Arist.) *fortitudinis finis possit videri iucundus: sed alijs rebus, quæ circumstant obscurati ac ferme deleri videtur, cuiusmodi quiddam in ludis gymniciis accidit.* Neque genere aliquo mali perferendi definitur fortitudo, sed vniuersim mala omnia virtutis causa toleranda complectitur. Quocirca qui ne alieno gladio pereant, mortem sibi ipsis inferunt: hi remissi sunt, abiecti, & timidi: expectatione etenim futuri mali se victos oppressosque fatentur; in quam sententiam ita Aristoteles: *Sibi autem ipsi mortem consciscere, fugientem vel paupertatem, vel amorem, vel aegritudinem aliquam, non est viri fortis: sed ignavi potius: mollis enim animi est, ut etiamuifas & laboriosas fugere.* Ceterum de fortitudinis constantia hæc cecinit Horatius: *Iustum & tenacem propositi virum,*

*Non citium ardor praua iubentium;  
Non vultus instantis tyranni  
Mente quatit solida, neque auster  
Dux inquietæ turbidus Adriæ:  
Nec fulminantes magna Iouis manus;  
Si fractus illabatur orbis,  
Impavidum ferient ruinæ.*

Quod quidem animi robur, si pauore & trepidatione nobis excindi patiamur: nullus virtuti locus supererit: neque progressum faciet diu recta ratio in honestis institutis. Cum enim voluptas, sensuum iudicijs constituta, morum honestati aduersetur: inde euenit necessario, vti probitati operam nauantes, aliorum odia in sese concitent: quorum studia de integro ad iucunditatem & sensuum oblectamenta referuntur. Contrario enim cursu istorum conatus fiunt: proinde hostiliter inter se configunt, certantque continenter de imperio.

B B b 2

Hinc

Arist. 3.  
ethic. 4.Fortitudo  
opus est  
præcipue  
rationis.Timidi qui  
seipfos occi-  
dunt.Arist. 3.  
ethic. cap. 9.Horat. lib. 3.  
Od. 3.Fortitudo  
reliquis  
virtutibus  
necessaria.



Hinc tot erumpunt & sæuiunt in bonos persecutionū procellæ: qui enim voluptati se semel deuouerunt aut quæstui, arbitrantur hī emolumenta ipsorum melioribus aliorum studijs impediri, vilipendi, & improbari, proinde maximo & acerrimo odio intensisque animis immanitatem omnem in eosdem exercent. At vero si in recte institutis firmamentum aliquod animorum ex fortitudine hominibus bonis non adesset, obuersante ante oculos mali alicuius specie, aut intentata clade & acerbitate aliorum iniurijs, officium ipsi statim defererent, & repudiarent omnino: idcirco ad tutandam virtutē, opus erit subsidio & vigore fortitudinis. Vt enim zizania triticū, paleę granum, spinę rosam comitantur, ita quos amor virtutis cepit, improborum odia perpetuo insequuntur. Admonet itaque D. Augustinus in hunc modum: *Tolera zizania, si triticum es, tolera paleam, si frumentum es, tolera pisces malos intra retia, si piscis bonus es.*

August. in  
psal. 14.

Fortitudi-  
nis firma-  
mentum in  
Deo.

Proverb. 18  
Proverb. 40

1. Cor. 10.

Quoniam vero fragilis natura nostra, lubrica præsertim agnatæ carnis ratione, ad aspectum truci alicuius fortunæ subeundæ tremit & pauore consternitur: ea propter inter cæteras, hæc virtus fortitudinis omnem suam spem positam habet in diuina benignitate. Et quemadmodum nauta furenti mare, tristi & nubiloso celo, altæ noctis tempore, superius stellam habet nauigationis suæ ductricem: ita vir fortis seuitia fortunæ impetitus, ab omni salutis humanæ portu seuulsus, in hac sua conflictatione panopliam & munimentum animæ de supernis exspectat. Et ut anchora, cum inflexum scopuli sinum vnco arripuerit, vel altius in arenam penetrauerit, quantumlibet irato & intumescente mare, firmum tenet nauigium: sic qui se animi confidentia Deo adiunxerit, illiusque virtuti sua studia commiserit: interim truculenti persecutores debacchentur vndique, minas horrore plenas spirent & ingeminent, carnificinæ instrumenta expediant: ne larum quidem vnguem his omnibus ab officio dimouebitur. *Turris fortissima nomen Domini, ad ipsum currit iustus, & exaltabitur. Qui autem sperant in Domino, mutabunt fortitudinem, assument pennas ut aquilæ, current & non laborabunt, deambulabunt & non deficient.* Ad quod quidem præstandum, multum conducit fides Christiana, cum animam semel informarit: illamque secum in mentem alicui cogitationem detulerit; qua pro explorato habetur, Deum nunquam passurum eam malorum congeriem in quempiam irruere, cui humana fragilitas non possit commode obistere: *Fidelis autem Deus est, qui non patitur vos tentari super id quod potestis, sed facit etiam cum temptatione prouentum: ut possitis sustinere,* dum enim homines intendunt in arcum celestem, quem iridem nominamus, firmam spem animis con-



conciunt, nequaquam diluionem iterata vice occurruram: ita cum  
 Christum fides nobis ostenderit ad dexteram patris confedentem; ex  
 eius intuitu confirmamur, atque nobiscum statuimus, non euentu-  
 rum; vti malorum fluctibus aliquando obruamur. *Protegitur imperator*  
*securis, (inquit August.) & non timet: protegitur à mortalibus mortalis, & securus* *August. in*  
*est, protegitur mortalis ab immortalis, & timebit & trepidabit? Imo hac spe* *plai. 30.*  
 certa in Deum imitamur optimos liberos: hi etenim cum a parentibus  
 calligantur, ex summa quadam confidentia cadunt ad eorum genua  
 vti leniant ipsorum iram: ita cum pœnas luimus ipsius Dei manu  
 inflictas, nulla ratio sic nobis tuta & expedita ad effugium calamitatis,  
 quam si ad Deum recurrentes, committamus nos eius clementiæ &  
 bonitati. *Te euadat* (inquit D. Augustinus) *hominem Dominum, quicumque*  
*seruus est, fugit in ea loca, vbi non est Dominus: vs euadas Deum, fuge ad Domi-*  
*num & alibi: Impius eras, & mortuus est pro te, iustificatus es, & deseret? qui*  
*iustificat impium, relinquet pium?* *August. in*  
*plai. 66.*

Ad firmandum etiam animum in aduersis, multum proderit in-  
 spectio illorum, qui durissima experti, interim se inuictos in aduer-  
 sis præbuerunt: Sic enim tam præclaræ virtutis amor animos nostros  
 capiet; videbimusque pariter ad nostram institutionem, quibusnam  
 ipsi freti auxiliis constantes & immobiles permanserunt. Veluti exi-  
 mius comprimis splendor & iubar in omnium oculis effulget San-  
 ctissimus Iob: qui etiam dum in sterquilinio sederet, locum illum  
 inuicto animi robore illustriorem fecit ipsa sphaera, quæ solem lucifluū  
 in orbem circumagit. Neque enim iste extimuit omnem vel satanæ  
 rabiem, aut iniquissimæ fortunæ vim ipsi intentatā: vel animo concidi-  
 dit ad aspectū ardentis teli, iam iam in eius pectus torquendi. De quo  
 D. Chrysostomus, introducens Deum, satanam istis compellantem, *Chrysost.*  
 sic loquitur: *Transfuga, de te magnifice sentis, quod Adam deceptum, mulie-*  
*remque assentationibus pellectam, ex paradiso eieceris: en tibi hominem, qui sine*  
*rebus scripturæ vixit, an non scriptam naturæ legem mente & animo seruauit? pro-*  
*fer sexcentos dolos, mille assentationes, mille tormenta adhibe, si optimum hunc*  
*beatumque animum amouere possis. Ecce tu primum hominem ex paradiso expulisti,*  
*vide nunc, si possis ne etiam ex sterquilinio pugilem supplantare. Et post: Quos has*  
*bas gladii diabolus orbis tyrannus, eos mouit, igne, ensibus, vallo, captiuitate, san-*  
*guine, hæc tetendit omnia, & athletam fortiolem reddidit: Quid cōmemorem* *Pauli for-*  
 Apostolum Paulum, ad omnia mala animo & pectore imperterritū?  
 qui (vt ipse loquitur) tametli vas testaceum, ingens illud redemptio-  
 nis pretium continens, per orbis oras circumferret: quacunque tamen  
 duritie ad ipsum violentius appellente, frangi aut comminui non po-  
 tuit.

B B b 3



tuit. Si quidem carnis conditionem spectantes, vas omnino testaceū apparebit, quod ferrea aduersitatis virga facile in pulueres conteratur. Postquam vero hoc vas fragile & lubricum in ardentem charitatis fornacem iniectum fuerat, adeo firmum solidumque euasit: vti nullis plane rursionibus cesserit, aut persecutorum armis. Ad tribunalia raptatus Apostolus, patria fugatus, virgis confectus, lapidibus impetrus, vinculis constrictus, imo neque capite plexus liquorem illum celestis roris amisit, aut passus est dissipari: sed vase hoc semper illaeso atque integro thesauros suos seruauit: quin etiam ad omnia se paratum potentemque dixit, & ipsis afflictionibus maiores se vires firmioresque comparare adserere haud dubitauit. Istiusmodi virtute ex alto induti constantissimi fidei Christianæ assertores, quos primitiua habuit ac coluit Ecclesia, nulla animis tormenta reformidarunt: non quidem debiles senes, non fragiles puellæ, non teneri infantes turpi aliquo discessu, aut defectione timida; quælibet aduersa subterfugere voluerunt: quin potius illa expulsum loco expetentes, huiusce torrentis etiam lapides iucundissimos persenserunt. Hoc satis bene inter ceteros fidei hostes nouit, & expertus est Arius quidam in Asia præfectus: cuius meminit Tertullianus: ad quem in orthodoxos defeuentem, piorum agmina turmatim confluxere; vti eius gladio martyrij palmam consequerentur: quorum constantiam demiratus dixit: *Si mori velitis, domi vestes habetis & præcipitia*. Plinius quoque de Christianorum statu, per epistolam certiorum faciens Traianum, inter alia ab ipso petijt: quonam modo essent tractandi. Cui Traianus: hoc genus hominum inquirendum non est, oblato vero puniendi. Probe enim nouerat inquisitione facta, omnes ad martyrium quantocius conuolatu-  
 turos. Hinc Iulianus subdolis ille Apostata, (vt scripsit sanctus Chrysostomus) capitali sententia ob religionis crimen non animaduertendum putauit in quempiam Christianorum: quod nempe hac vi impetiti, ad martyrium quasi apes ad aluearium essent festinaturi. Hæc ipsa fortitudinis virtus in mulierum quoque animos dilapsa, illas: ceteroquin fragiles firmavit omnino, ad verba & verbera intrepidas immobilesque effecit. Quales illæ extiterunt, de quibus historiam contexuit Ambrosius: quæ ne virginittis florem violenta prostitutione corruptum iri paterentur, complicatis manibus quasi choreas pedibus plaudentes, læto cursu ad præcipitium cucurrere: indeque se dedere in aquas. Nihil attinet eas commemorare monumentis suis: item illustres, quæ leonum ungues dentesque, taurorum cornua, bestiarum truculentiam minime exhorruerunt aut reformidarunt.

Denique:

Fortitudo  
martyrum.  
Lucæ 24.

psal. 35.

Tertul. ad  
scap.

Plinius  
Apud En-  
seb. lib. 3.  
bist. cap. 27

Chrysost.  
homil. de  
S. Iuuen.

Mulierum  
fortitudo.

Ambros. lib  
de virg.



Denique tot sunt, qui immanitatem odio & barbarie inuectam, vel arte excogitatum gloriola inuictaque morte superarunt: ut iam martyrium, suo ipsorum confertissimis exemplis, rem facilem suauemque reddiderint. Nemo (inquit D. Cyprianus) *difficile, vel arduum putet esse martyrem fieri: quando videat martyrum populum non posse numerari.* Ex quibus vel maxime elucet Christi in suis virtus: qua mundi hæc infirma (ut loquitur Apostolus) fortia profligant, lana calibem atterit, & testa virgam ferream frangit. De qua re hæc Chrysostomus: *Reges terræ ac principes congestis thesauris ades amplas admodum exædificant & apparant: videlicet murus, repagula, fores, custodes, & calathra seu vases adijciantes: ut tuto thesaurus conseruetur. Christus autem fecit, quod cum hac consuetudine pugnat: nam non in lapideo, sed in testaceo vase thesaurum posuit: non enim thesaurus iste à vase conseruatur; quin potius thesaurus conseruat vas. Expono ego thesaurum: quis deinceps potest eum supplere? venit diabolus, venit orbis terræ, innumeri venerunt, nec suffurati sunt thesaurum. Flagris conscisum est vas, ne sic quidem proditus est thesaurus: præceptis vudis inuolutum est marinis, nec tamen naufragio pergit; mortuum denique est, thesauro incolumi.* Cæsar deuictio fugatoque Antonio, captiuitate Cleopatæ eius vxoris plurimum exoptauit triumphum suum Romæ nobilitari. Hæc autem quod morsu aspidis se prius extinxerat, spem Cæsaris fefellit. Curauit itaque Cæsar imaginem fieri Cleopatæ morientis, cum serpente pectore infixio: eamque triumpho suo seruauit. Ita plane illis euenit, qui morte in viros fortes & religiosos deseuerunt. Hos enim nec crudelissimi orbis tyranni in triumpho quasi captiuos aut subiugatos vnquam duxere: sed simulachra tantum ipsorum & viles corporum exuias; cum Achille non Hectorem, sed Hectoris cadauer raptantes. *Sacerdos Dei, (ut inquit D. Cyprianus) Euangelium tenens, & Christi præcepta custodiens, occidi potest, vinci non potest.* De coniuratis Catilinæ, narrat Salustius, quod eadem loca, quæ viuentes pugnantisque occupant, nihil hosti cedentes; stratis etiam morte cadaveribus cooperuerint. Ita Christi martyres inuasi a tyrannide, haud resiliunt, pedemque retulerunt: sed quam veritatem spirantes asseruerunt verbo, eandem sanguine testati sunt. In finitum sane esset eorum omnium catalogum retexere, qui intrepidis animis virtutis causa occubuerunt. Quos si in memoriam reuocemus, pudor sane nobis inhiçietur: quod tam meticulosi, tam molles simus ad omnem motum & leuioris auræ sibilum: quod ad vmbra tormenti alicuius exhorrescamus, & timore nobis artus rigescant. Aliquos tamen referam, Ecclesiastici nimirum ordinis præfules, qui principum minacibus verbis, aliisque ipsorum iniurijs

Cyp. exhor.  
ad mart.

cap. 11.

Dei virtus  
in fortitu-  
dine prior.

1. Cor. 1.

Chrysost. in  
illud psal.

astutus.

regina.

Cass. lib. 40

Eurip.

Troad.

Cyprianus

ep. 55.

Salust. Con-

iuratus.



Fortitudo  
Athanas.

D. Athan.  
Apoll. 2.

Lucif. de  
regibus  
Apost.

Fortitudo  
Hilarij.  
Hylar Apol  
ad constant.

Chrysoft.  
fortitudo.

Chrysoft.  
homil. in  
illud psal.  
Astitit  
regina.

iniurijs & violentijs veritatem professi, fortiter restiterunt, ipsam-  
que fidem sceptris & diadematibus superiorem rerum exitu compro-  
barunt. Inter quos coriphæus & antesignanus emicuit D. Athana-  
sius, Arianæ hæreseos profligator acerrimus: qui Constantium impe-  
ratorem hæreticum haud subueritus, illi se generose opposuit, & errori  
fauentem, Pharaonem, Doeg, Achab nominavit, addidit etiam  
Antichristum. Feruor iste & animi robur pectus muniuit Luciferi  
Calaritani, qui pari constantia Arianis aduersatus est proceribus. Quo  
in genere eminentissimus etiam fuit Hilarius Pictauienlis: cuius vim  
pectorisque firmitatem nec exilium, nec penuria, nec mors sapius in-  
tentata vnquam perfregerunt; sed perpetuo ipse & currenti stylo vo-  
cisque sono Arianorum principum dogmata refutauit, imperatori  
ecclesiasticam authoritatem, quam sacrilegio sibi vendicarat, generose  
& animose negavit: cum Dauide vrsu & leonem à grege fugans  
suo. Venio nunc ad S. Chrysostum, fulmen illud terrificum, si  
illos spectemus, qui in Ecclesiam inuaserunt: auream autem tubam  
& spiritus oraculum, cum ad eos cogitationem detulerimus, qui recta  
subacti exultique fide, vera libenter audire voluerunt. Siquidem  
antistitis iste nunquam destitit pro concione inuehere in principum  
prophanos impurosque ludos, in comestationes luxusque. Ipsorum  
purpuræ aut sceptri splendor aciem oculorum eius non perstrinxerunt:  
imo neque Eudoxiam imperatricem delinquentem extimuit: quam, quod  
cuiusdam pauperis prædium iniustis rationibus rapuisset, excommunicationis  
dira perculit sententia. Cum vero impudens & sacrilega ei necem comminaretur:  
Quid? occlusitne os & siluit præsul iste, vel culpam est deprecatus? Minime  
profecto: sed rostrum conscendens, linguam soluit, libere in feminam detona-  
uit, & hisce verbis ingressum sibi fecit ad reliquum sermonis: *Rursum  
Herodias furit. Sed optime nobis sua ipsemet referet prælia Christianus  
Cæsar, verisque coloribus ea depinger. Ante aliquot dies oppugnata est  
Ecclesia, venit militaris exercitus, ex ipsa oculorum acie ignis ei aculabatur: ne sic  
quidem oliua vlla emarcuit. Nudabantur enses, nemo proinde vulnus accepit.  
Regijs foribus in angore constitutis, Ecclesia in tuto collocata: & quidem defluxit  
hoc bellum. Qui enim hic confugerant, quærebantur. Astitimus, nihil veriti illo-  
rum furorem: crebatur militaris indignatio igne vehementior: nos etiam tunc pro-  
perabamus ad aulam imperialem, sed quid? Dei gratia illorum minæ nihil nobis  
terroris incusserunt. Hac eo dixerim, ut vos quoque hanc imitemini constantiam.  
Qua autem ex causa nullo terrore sumus percussi? quod nihil præsentium malorum  
timuerimus perpeti. Quid enim graue inuehit mors? nihil intolerabile adfert mors:*  
per



per eam enim ad tantū portū prouebimur & tranquillū. Sed nec me peculio mulētabis: nudus egressus de ventre matris, hinc etiam nudus abibo. Sed in exilium extrudes me: Domini est terra, & plenitudo eius. Sed & aduersum me calumnie concinnas buntur: gaudete & exultate quam dixerint omne malum aduersum vos, mentientes, quia merces vestra copiosa est in caelis. Bases carnebā, & calum intentā mente cogitabam: spe bona praeſumebam mortem, & tacitus resurrectionem meditabar. Videbam hic infra mihi paratas afflictiones, & supernae ciuitatis pramia mecum enumerabam. Adornatas aduersum me insidias obseruabam, & mente tacita supernam cogitabam coronam. Et mox: Vnam idque solum quod infert homini dedecus, atque contumeliā, peccatum. Si enim vniuersas orbis te male tractet contumelijs, modo ne fueris tibi contumeliosus, nulla afficere iniuria aut dedecore. Caue prodas tuam conscientiam, & nemo te prodit. Alias vero fortissimi istius viri, quas pertulit molestias usque ad mortem, ipse luculenter describit epistolis ad Olympiadem & Ciriacum: dignae sane sunt, quae hominum animis, non chartis solum imprimantur, & perpetua celebrentur memoria posteritatis. Cui neque admodum dissimilis in simili causa extitit S. Ambrosius, Ecclesiae Mediolanensis Praesul celeberrimus. Cum enim Ariani vi atque armis tibi quandam Ecclesiam in ciuitate, in qua synaxes agerent, contumaciter dari contenderent: imperatrice etiam illorum partibus fauente; forti admodum animo se illis opposuit, & quaecunque lux vitae pericula, animo ad veritatem adstruendam parato, vir fortissimus despexit. Ita de seipso scripsit pugil ac dux ecclesiasticus: Circumsusi milites, armorum crepitus, quibus vallata est Ecclesia, fidem non terret meam. Sed mentem exagitat, ne dum me tenetis, periculum aliquid suboriatur vestrae salutis. Ecclesiam itaque istis, quantumvis frementibus & furore obltrepentibus, concedere renuit. Si Dea lober (inquit) vineam suam non tradidit: nos trademus Ecclesiam Christi? si ille patrum hereditatem non tradidit, ego traderem Christi hereditatem? Sed & haec addidi: absit, ut tradam hereditatem, haec est hereditatem Dionysij, qui exilio fidei causa defunctus est: hereditatem Eustorgij confessoris, hereditatem Nicortis, atque omnium retro Episcoporum fidelium. Et alibi: Imperatori respondi, si a me peteret quod meum esset; id est fundum meum, argentum meum. Ius huiusmodi me non esse refutaturum: (quanquam omnia mea sunt etiam pauperum) verum ea, quae diuina imperatoria potestati non esse subiecta. Si patrimonium petitur, inuadito: si corpus, occurrat: vultis in vincula rapere, vultis in mortem? voluptatis est mihi: non ego me vallabo circumfusione populorum, nec altaria tenebo, vitam obsecrans, sed pro altaribus gratis immolabor. Quid altius isto Episcopo? quid generosius? qui neque peccante ipso imperatore Theodosio, orientis recuperatore, a seueritate Ecclesiasticae censuræ, gratiae aliquid concedens, quid-

C C c

quam



Fortitudo  
Basilij.

Apud Greg.  
Naz. orat.  
in laudem  
Basil.

quam deflexit: sed ipsum ob patratum crimen Ecclesiæ ingressu prohibuit, ad cilicium, ad ieiunia, ad publicā delicti manifestationē deduxit: atq; imperiale pectus saxo durius, pietate pœnitentiaq; emolliuit. Quoniam vero præsulum modo celebramus fortitudinem, ex Græcis accedat florentissimus Basilus, hac virtute miraculum vsque munitus. Exagitatus quidem iste fuit quæstionibus cuiusdam Eusebij, Ariana fece coinquinati, qui artuum dissolutionem illi est comminatus, ni in eius sententiam maturo consilio descenderet: ita tamen se uiente barbaro Episcopus respondit: *Huiusmodi laniatio medicinam afferet hepati; magnopere (ut vides) me affligenti.* Cuius constantiam demiratus Eusebius, se in neminem hætenus incidisse dixit, qui ita auderet responsum illi referre: cui Basilus: *Neque fortasse in Episcopum incidisti. Nam ceteris quidem rebus à presenti maiestate, & placidissimus, atque omnium abiectissimus: quemadmodum nobis lege præscriptum est, ac non dicam tantum aduersus imperatorem, sed ne aduersus plebeium quidem quenquam, & infimi ordinis hominem supercilia attollimus. Verum ubi Deus nobis periclitatur ac proponitur: tunc demum alia omnia pro nihilo putantes, ipsum solum intuemur. Ignis autem, & gladius, & bestia, & ungula carnem lacerantes, voluptati nobis ac delicijs potius sunt, quam terrori. In cuius Encomion, Eusebium illum compellans, hæc cecinit Gregorius Nazianzenus:*

Greg. Naz.  
in Carm.

*Præfectus es, ac ceteris quidem omnibus  
Modeste: verum Basilio magno subes,  
Præesse quamuis gestias, subes tamen.  
Formica sane es, rugies licet ut leo.*

Marcel. lib.  
14. Chron.

Omitto innumera alia heroicæ fortitudinis monumenta, posteritati commendata, utpote Mucios, Sceuolas, Horatios, quorum gloria omnium oculis obuersatur. Atque inter ceteros, generoso plane animo Zenon fuit, (hoc referente Amiano Marcellino) qui ut falsum testaretur diutius quæstioni subiectus, auulsam sedibus linguam, cum cruento sputamine, in oculos interrogantis regis Cypri impexit.

Turpe à for-  
titudine  
deficere.

Arist. 2.  
Eth. cap. 8.

Cæsar. lib. 1  
de bello ci-  
uil. Dio l. 15

Ceterum si nobiscum perpendamus, quam infame & dedecoroso sit, ex timore imminentis mali resilire à veritatis contestatione, aliorum iniurijs cedere, se suosque prodere, succisis animi neruis concidere, fedos errores profiteri: magnopere reuocabit nos talis cogitatio à timida fuga, turpique hoc discessu. Nam ut inquit Aristoteles: *Fuga ciuibus turpis, & mors tali salute obtabilior est.* Hinc apud veteres, nihil tam dedecorosum, quam mortis metu arma proijcere. Ideo cum quidam etiam victor, scutum in pugna amississet; à Cæsare tamen facti veniam petijt. Et Epaminondæ morienti eadem de causa, scutum



scutum ipsius curæ fuit. Atque huiusmodi fertur mulieres Lacedæmonas in protectione filiorum ad bellum, illis consilium dedisse: *Ἡ δὲ τῶν τῶν τῶν τῶν*. Quo monebant, ut scutum referrent viui, aut super illud deterrerentur mortui. *Turpis enim & flagitiosa* (ut dicit Aristoteles) *sunt facta omnia, quæ oriuntur ab ignavia*. Idcirco Cabrias Atheniensis elegit potius armatus insilire in mare, atque sic mortem oppetere, quam abiectis armis nando ad tutum persuadere. In primis enim sicut naturæ hominis maxime repugnat in falsum aliquod opinione mentis concedere: ita illud voce testari, cuius oppositum animus tanquam veritus designauit, prorsus horret & execratur. Denique hominis naturæ indita est quædam cupiditas excellentiæ atque dignitatis: aduersatur idcirco multum eidem in aliorum gratiam aliquid fingere: vel se alijs dimittere. Merito itaque hoc timoris vitium semper infame exitit, dedecorosum, atque penitus dignum. Cum Regiū obsidione cingerent Mamertini, occisis ceteris in ciuitate, trecentum solummodo homines se dant hosti: Romam autem postea aduentus (ut narrat Polibius) virgis cæsi, capite plectuntur. Phyrus Romanorum captiuos restituit: quos tamen senatus, ut infames damnauit, quod armati capti essent. Idem illis contigit, quos Hannibal dimiserat ad Cannas: de quibus hæc fuit patrum sententia: *Eos cines non essent necessarii, qui armati capti potuissent*: Mox ex alia clade Romani milites ab Afris capti, nec quidē digni habiti fuere, qui redimerentur: sed exilio (ut scribit Lilius) mulctati, & relegati in Siciliā, ad iuramentū edendū adiguntur, se non prius in patriam reuersuros, quā bellū omne cessasset in Italia. Plura autem, quæ circa abiectiōnem timoris dici possunt, postea inferemus disputaturi de dolore & tristitia perferendis.

*Emil. Prob.  
in chab.*

*Arist. 2.  
Rethor.  
Emil. Prob.  
sup.*

*Polib. lib. 2.  
Eutrop. 4. 2.*

*Lili. de: ad.  
2.*

*Lili. sup.*

*Timore quodam veluti freno, ex sententia orthodoxorum  
coercentur homines à criminibus & delictis: sectarij vero,  
qui salubrem hunc timorem vanissima fiducia abiecerunt;  
iniquitati vitæque turpitudini subsidium contulisse iudi-  
centur.*

## CAPVT XV.

**T**imoris vniuersam naturam Aristoteles visus est hac definitione recte comprehendisse; *Timor est perturbatio quædam ex imaginatione futuri mali, corruptiui, aut dolorem inferentis*. Qua autem ratione timor perturbatio est appetitus sensitiui, sex eius species enumerantur

*Arist. 2.  
Reth. cap. 3.  
Timor quid.*



*Damasc. 2.* merantur à Damasceno : Segnities qua labor abijcitur, erubescencia  
*orth. fid.* infamiam declinans ex opere aliquo parrato exortam : verecundia  
*cap. 15.* eandem notam, quæ à facto impofterum euenturo deriuatur, fugit:  
*timoris sex* admiratio, quæ ex opinione cuiuspiã ingentis mali emergit: stupor qui  
*species.* metis est cõternatio, ex inopinato grauioris casus aduentu; istis accedit  
*D. Thom. 1.* 2. q. 62. agonia, cū mens subitanea mali impressione corripitur. Conuenit qui-  
*art. 4.* dem inter omnes, timoris naturam positam esse in fuga à malo: vtrum  
*Scot in 3. s.* autem sit alicuius potentiaë vitalis expressus actus, an vero ab obiecto  
*d. 15. q. 1* externo effectiue in animam inuectus, in deceptionem venit. Nam  
*in 4. d. 4. q.* 2. Ioannes Scotus timorem ideo vult passionem dici: quod nihil agente  
*Timor in* animæ facultate, in eam forinsecus excipiat. Cæterum tamen com-  
*actus ani-* muni sententia definitur, timorem cæterasque perturbaciones actus  
*mæ elicitus* esse à potentia vitali elicitos: de qua re multa disseruit Guilielmus  
*Ocham. in 3* Ochamus. Quod vero attinet ad nostrum institutū, in præsentiarum  
*s. q. 15.* non agimus de timore quatenus sensitiui appetitus affectione; sed ea  
 solum ratione, qua fuga est voluntatis à futuro & imminenti malo: in  
 qua acceptione constat timorem expressum esse actum voluntatis. Ad  
 cuius naturam exacte indagandam, partitio illa triplicis amoris, tra-  
 dita à Theologis, est expendenda. Quem amorem si presse sumamus:  
*Timor quo* vtpote quo humana voluntas in ipsum Deum se confert, aut ab eodē  
*duplex.* resilit, tres illius formæ & partes à D. Thoma cum reliquis recensē-  
*D. Thom. 2.* tur. Est itaque timor mundanus, seruilis, filialis seu castus. Qui qui-  
*2. q. 19. art.* dem triplex timor ex triplici amore dimanat. Timor quidem munda-  
*2. Halens. 2* nus, ex odio detrimenti temporalis exoritur, discessum quendam facit  
*part. q. 165.* à Deo, cuius initium & proxago peruersus existit amor commodi  
*Rich. in 3. d* 34. q. 1. fluxi vanique, quod ipsi Deo delectu & animi proposito summo  
*Durand. in* 3. d. 34. q. 1. quodam scelere præponitur. Ad Deum vero conuertimur alio duplici  
*2. Fer-* timore, seruili videlicet & casto. Timor namque seruilis refugit à de-  
*uariē 4. cõ-* licto, quod inde periculum creetur sensitiui alicuius nocuenti: inter-  
*gent. c. 22.* rim alias circa peccatum voluntas male afficiatur. Timor castus rece-  
 dit à culpa, sed quatenus hæc amicitia cum Deo aduersatur: atque ex  
 amore iustitiæ proficiscitur, quo filij Dei sumus & nominamur. Con-  
 trouersia vero, quæ inter nos & sectarios agitur, suscepta est de illo  
 timore, qui seruilis dicitur: illis asserentibus hunc voluntatis humanæ  
 motum, seu affectum, malum esse, inutilem, infidum, nepharium: no-  
 bis autem reclamantibus, atque dicentibus, bene sancteque huiusmo-  
 modi timore perculsum animum recedere à delicto, eoque veluti op-  
 tima quadam dispositione præparari ad sanctimoniam, iustitiamque  
 Christianam recipiendam.

Quod



Quod vt clarius constet, sciendum est timorem hunc seruilem reiectum à sectarijs, duo implicare: intrinsecum vnum & penitus inlitum, extrinsecum alterum & adscititium. Quam in re constans est iudicium Theologorum: imprimis D. Thomæ: *Sed prædicta seruitas non pertinet ad speciem timoris seruilis: sicut nec infirmitas ad speciem fidei informis.* Quacunque idcirco ex causa timor in se rationem suscipit seruitutis, hæc illi forinsecus accedet: neque ad internam eius speciem spectabit. Quemadmodum fides appellatur informis, non quod hinc imminutum aliquid sit de natura specifica fidei, quæ prorsus eadem est ex sua forma in iusto ac delinquente: sicut & idem vtriusque obiectum, (prima nimirum veritas) quæ mediante propositione ecclesiastica, mysteria vera ac credenda testatur. Solum itaque informis nuncupatur ex charitatis absentia, quæ formam ultimamque manū, id est vim meriti & apicem perfectionis, ad quem destinantur cæteræ virtutes, suo adfert accessu. Idem quoque de timore luculenter docuit Mediauillanus: *cum dico timorem, duo dico: scilicet ipsam essentiam timoris, quæ timetur æterna pena, & seruitutem, quæ consistit in hoc, quod non timetur offensa.* Itaque seruilis euadit timor, non ex suis intrinsecis principijs, ex quibus constat: aut ex habitu, è quo emanat, sed ex defectu diuini amoris, qui quidem si adesset, odium culpæ procuraret, quatenus inde cum Deo statuitur inimicitia. Eandem ferme quoque rationem seruitutis assignauit Durandus: *Ex quo patet, quod iste timor dicitur seruilis ab effectu: in quantum scilicet inclinet aliquem ad aliquid faciendum vel dimittendum: vnde seruitas non intrat eius essentiam, sed est denominatio ab effectu.* Hæc minuta disquisitione exploranda iudicaui: vt cum res ipsa clarius elucesceret, tum hereticorū inscitia apertius proderetur ac reuinceretur.

Non tamen adeo facile erit cuilibet definire, quænam sit vera causa, ob quam timor, seu voluptatis illicitæ contemptio dicatur seruilis. D. Thom. ideo timorem seruilem asserit, quod non amore aliquo incitante, sed externo solum nocumento territante existat. Amor etenim, qui liberam molitionem præstat, charitas est, aut alicuius alterius rei honestæ cupiditas: quibus is destituitur, qui seruili timore indutus, in aliquam actionem ingreditur, Ita est namque animo comparatus, vt nisi pœna facta esset decreta, illud omnino efficeret quod fugit, vel saltem illud non euitaret: *Quicunque autem ex amore aliquid facit, quasi ex seipso operatur: seruus est enim non qui causa sui operatur, sed quasi ab extrinseco motus.* Hæc tamen inquisitioni mex non fecerunt satis. Nam si amor sufficiat ad excludendam seruitutem, nullus timor censebitur seruilis: quandoquidem ex amore sui propagetur omnis.

*Duo in timore seruili.*

*D. Thom. 2. 2. q. 19. art. 4. in 3. cap. ep. ad Rom.*

*Fides vnde informis.*

*Timor seruilis extrinsece.*

*Rich. in 2. d. 34. q. 12.*

*Durand in 3. d. 34. q. 4.*

*D. Thom. art. 4. Inquisitio vnde timor fit seruilis.*



Qui enim se cohibet ab aliquo delicto, vti effugiat pœnam inferni, is seipsum vel maxime diligit: hinc enim incitatur in odium eorum omnium, quæ ipsi nocumentum aliquid ingerant. Eiusdem etenim habitus est, commodum expetere, atque detrimentum oppositum subterfugere. Qui ergo ex opinione pœnæ aliquid agit, is omnino operabitur ex se, idque liberrime: cum impellente amore sese moueat. Quod vero extrinsecum quid timorem alicui incutiat, vti insinuauit D. Thomas, non satis probatur exinde timoris impetum esse seruilem. Nam omnis plane timor, etiam in ipsis iustis, motuum habet externum obiectum, nimirum pœnam: ex cuius extritu animus in illis quoque perculsus facinus horret, alioquin factu iucundissimum: odio namque habent iusti crimina, quod pœnam consciscant. Constat tamen hunc timorem in iustis non esse seruilem, sed maxime liberum ac voluntarium. Proinde aliam huiusce inquit visus est D. Thom. rationem secum inijsse, quam istis verbis expressit: *Cum autem voluntas ordinetur in quod est vere bonum: quando siue per passionem, siue propter malum habitum, aut dispositionem, homo ab eo, quod est vere bonum, auertitur, seruiliter agit, in quantum à quodam extraneo inclinatur, si consideretur ordo naturalis voluntatis.* Hæc D. Thomæ disputatio originem seruilis amoris refert in dispositionem & affectionem voluntatis quidpiam refugientis: cuius hæc summa est: tametsi timor pœnæ, aut peccati odium ad vitandam pœnam, actiones sint liberæ atque spontaneæ, nihilominus ab ipso præstitæ, qui vera erga Deum charitate destituitur, seruiles euadunt. Qui quidem defectus charitatis facit, vt is qui hæc obit munera, ea non præstaret, si pœna aliqua non esset constituta: sed potius voluptatem contra rationis præscriptum ac Dei legem expeteret. Hæc tamē causa deducta à qualitate subiecti, ex qua timor seruilis nuncupetur, non videtur ita firma aut certa. Hoc etenim pacto dicam omnia malorum opera esse seruilia, etiam bona, cum charitate careant, ex qua sola libertas filiorum Dei constituitur. Illa porro dispositio subiecti, non videtur satis ad timorem seruilem: competit namque ipsis iustis, in quibus nihil seruilis inesse poterit. Nam eam sæpius etiam iusti, humani generis hostis lenocinii cogitationem iniicit, cuius vi omnino pellicerentur in nequitiam alicuius actionis: nisi illorum animis Deus inferni pœnas obijceret. Nam ex eo statuit Deus has pœnas in eorum mentes reuocare; quod probe sciat alioquin eos ita dispositos esse & comparatos, vt ni pœna aliqua illis esset interminata, concedere ipsi velint in labem aliquam impuræ voluptatis: illa itaque subiecti affectio nihil confert ad timoris seruilitatem. Proinde neque

D. Thom. 4.  
cont. gent.  
cap. 22.



neque rem ipsam plene attigit Alphonsus à Castro, cum asserat: *Et hic* Castro l. 4. cont. her. verb. timor *timor Dei seruilis dicitur, quando timetur Deus propter solam eius potentiam.* Alij Bam 2. 2. q. 19 ar. 4. v. c. 1. lid iuncto 3. vero, vt Dominicus Bannes, & Greg. à Valentia ex parte ipsis obiecti timoris, rationem colligunt seruitutis. Dicunt itaque timorem esse seruilem, quod refugiat ab aliquo facto, & consilio, ex moriuo pœnæ, tanquã maximi mali: cum tamen ipsa culpa sit malũ multo granius: cuius ostentu moueri potius deberent homines, vt velint abstinere malis aliquibus actionibus. Hęc tamẽ mihi minus vera videntur. Nam cuius animus timore seruilis imbuatur, is secum non disputat, aut inquirat, quodnam grauius sit malum pœna aut culpa. Imo neque sententiam ferre poterit, quod pœna sit grauius malum, si modo fuerit fide collustratus; aut ratione aliqua institutus: fides enim docet cum in vniuersum grauissimum esse malum culpam: tum quoque in hoc tempore, atque in hac actione omnium malorum esse pessimum; idem quoque diiudicat ratio: non ergo timor seruilis versatur circa pœnam, tanquam circa maximũ malum. Simili modo qui actione nepharia præfert voluptatem virtuti, non iudicat voluptatem virtute antestare, vel hic, & nunc meliorem esse: huiusmodi enim iudiciũ teterri-  
mũ & crassissimũ errorẽ inuolueret. Imo delinquens estimabit ipsam virtutem vt præstantissimũ bonum, voluptatẽ autem vt minus bonũ fatebitur: moueri tamen interim potest a voluptate, minori bono, si ad eam efficacius mentem aduertat, aut eius obiectu appetitus sensitiuus acius vrgeatur. Ita qui ex timore seruilis aliquid operatur, bene cognoscit grauissimum malum esse culpam, & minus malum pœnam: quod tamen intueatur mente intentius ipsam pœnam, eiusque specie appetitus eius magis exstimuletur, potius aliquid facit ad vitandam pœnam, tamen minus malum, quam ad declinandum culpam, quam tamen omnium malorum agnoscit grauissimum. Vt autem hac in re quod mihi probabilius videtur, constituam; Theologos in hoc consentientes video, quod nimirum ex defectu charitatis oriatur timoris seruitas. Iure etenim id seruire appellatur, quod violentia quadam alicui se mouenti & inclinanti in contrarium forinsecus extorquetur. Timor ser- uilis ex de- fectu cha- ritatis. Ceterum quando vitatur peccatum, vt pœnæ causa, à quopiam sic comparato, vt si non esset decreta pœna, vitium illud ab ipso eligeretur: huiusmodi contra habitualet quendam amorem, post criminis actum superstitem & in ipsius voluntate residentem, censebitur niti, & aliquid conari laborando. Sponte quidem operabitur, & cum libertate, quæ à necessitate actus distinguatur: veruntamen respectu ipsius amoris prauis habitualis, culpæ deuitatio violentiam quandam subit,



subit, & coactionem seruilem ex metu cruciatus. Neque hoc reperietur in ipsis iustis. Tamen si enim peccaturi essent, nisi illis pena obijceretur: nihilominus carent illo prauo amore habituali, quo iniqui in creatura aliqua, uti in ultimo fine, conquiescunt: eoque euadunt serui cupiditatis. Cum autem charitate hæc praua cupiditas auferatur, ipsiusque animæ seruilis status immutetur: timor qui iustificationi superest, amplius seruilis non existit, sed ea solum retinet, quæ ipsi sunt intrinseca & innata.

Istis utrunque elucidatis, orthodoxi definitione Ecclesiastica instructi, timorem definiunt rem animæ esse salutarem, & ad iustitiam comparandam dispositionē apprime idoneam. Oppositum vero sentientes, ita perculit Conciliū Tridentinum: *Siquis dixerit gehennæ metum, per quem ad misericordiam Dei de peccatis dolendo confugimus, vel à peccando abstinemus, peccatum esse, aut peccatores peiores facere, anathema sit.* Quo quidem iudicio, cum antiquiores sectarij, tum etiam neoterici profligantur. Marcion (ut scribit Tertullianus) nimia sua præsentia fretus, Deum timendam negauit; quocirca suis omnia libera & soluta esse docuit. Idem in aliorum perniciem virus hæresiarcha Lutherus euomuit; qui timorem gehennæ cogitatione susceptum, peccatum esse, hominesque peiores reddere & hypocritas affirmavit. Calvinus quoque omnia iustorum opera peccata esse statuens, timorem hunc disponentem ad sanctitatem, peccati quoque turpitudine infamavit. Porro existimauit rigida acerbique hac mentis ex timore exulceratione, fidem, cuius obiectum diuina solum bonitas sit, lancinari & perturbari. Vereti etiam error refertur, opinantis nullum præter hunc timorem reis superesse infernum: quod memoriæ prodidit Lindanus. Quare ut hos omnes reuincamus, & hunc timoris motum bonum esse comprobemus, admonitos prius velim hæreticos, nos non approbare timoris seruilitatem, sed solum timoris actum, cum eis quæ illi sunt intrinseca. Legitimum itaque dicimus, imo optimum animi motum, & quod maius est, Dei donum: quando ad cogitationem infernalis pænæ, eo perciti, delicijs malis & peccatis abstinemus. Hoc quidem scriptura luculenter adstruit, inprimis definiens timorem hunc iustitiam introducere, introductamque conservare: *Timor Domini* (inquit Ecclesiasticus) *initium sapientiæ, & timor Domini expellit peccatum*: quatenus nimirum nondum adeptæ iustitiæ preparat animam ad contritionem, qua exterminatur penitus vitij macula. Huiusmodi autem timor est seruilis, tamen non sub ea forma, qua seruilis hoc munus exerceat. *A timore tuo Domine* (inquit Isaias) *concepimus, & parturimus.*

Cōcil. Trid.  
Sess. 6.  
Can. 3.  
Marcion timorē pænæ  
dixit malum.  
Tertul. l. 4.  
cont. Marcion.  
Luther. art. 9<sup>o</sup> in 2.  
cap. ad Galatas.

Veret. apud  
Lindan.  
dialog. 2.

Eccli. 1.

Isa. 36.



nimus spiritum. Hic autem spiritus, quem timor parit, spiritus est charitatis & adoptionis filiorum Dei, quo clamamus: *Abba pater*. Atque Rom. 8  
nisi inculsus timor deus hominum sensus ad tramitem sanctimonie reuocare posset, iniquis atrocissimas penas Deus haud vnquam comminaretur: *Nisi conuersi fueritis, gladium suum vibrauit, arcum suum tetendit, & parauit illum.* Quorum etiam Baptista horrenda quadam increpatione Iudeorum nefarias mentes concussit; illis obijciens acerbos cruciatus diuinæ vindictæ, euaginatæ Dei gladium, ipsiusque ardentia tela, nisi iniectus timor idoneus esset, qui præfractos illos & induratos contereret, præpararetque ad molliciem cordis carni, dulcedinemque spiritus filialis? *Gentimina viperarum, quis ostendit vobis fugere à ventura ira? Omnis arbor, quæ non facit fructum bonum, excidetur, & in ignem mittetur.* Luce 3.  
Miror protecto, quomodo tam aperte scripturæ sententijs refragari audeant sectarij: cum videantur scripturis omnia deferre, & causâ ipsorum summam attribueret. At scripturas certe vel ignorant, vel Punica fraude eas pertractant: illis ex animi sententia non magis fauentes, quam Ælopi fabulis: hoc sane versute callideque eorum opera præstare molitur Satanas. Quod si à nobis probari velint etiam scripturarum autoritate vtilem quoque esse timorem adsertis in libertatem iustitiæ: facillimum negotium orthodoxis imponent. Sic enim Deus suos alloquitur: *Quod si non audieritis me, nec feceritis omnia mandata mea, si spreueritis leges meas, & iudicia mea contempseritis, ut non faciatis ea, quæ à me consiliata sunt, & ad irritum perducatis pactum meum: ego quoque hæc faciam: vos visitabo velociter in egestate & ardore, quæ conficiat oculos vestros, & consummat animas vestras.* Leuit. 26.  
Quid terribilius ad horrore incutiendum istis Dei vocibus? & alibi: *En propono in conspectu vestro hodie benedictionem & maledictionem, benedictionem, si obedieritis mandatis Domini Dei vestri, quæ ego hodie precipio vobis: maledictionem, si non obedieritis mandatis Domini Dei vestri.* Deut. 11.  
Verum dicetis, hæc terramenta esse duræ & asperæ Synagogæ, eaque repugnare libertati Euangelicæ. Præclari viri: hæc regeram in ora vestra. Quæram namque à vobis, vtrum tempore veteris testamenti, eadem fide in Christum adepti sint homines iusticiam, qua vos modo, necne? non credo vos absque fide in Christum, aut alia fide in ipsum, quantum ad substantiam eius, dicturos illos consequutos iusticiam. Crediderunt itaque se iustos esse iusticia Christi, ac prædestinatos æque ac vos creditis. Timorem autem nunc repudiandum censeris, quod vnusquisque fidelium apud se certo statuere debet, se iustum esse, nec posse à iusticia excidere, sed ipsius nomen iam cælestibus tabulis Dei manu illatū. Quid? an non hoc ipsum credere debuerunt, qui Synagoga  
D D d

Sectarij timorem ad legem rele-gant imperare.

gogam



*Psalm. 7.**Matth. 10.*

gogam sequebantur? Si ergo ad vos timor non spectabit, neque ad illos quicquam pertinuit: si Dei voces terrore plenæ vestras aures non percutiant, nec illorum attrigerunt. In cassum itaque Dei verba insonuerunt hætenus, vanissime tetendit arcum, parauit arma, pœnasque hominum oculis obiecit. Quæ si falsa sint: sicut illis veteribus timor proficius extitit, ita & vobis erit percommodus. Hic iam requiro acumen vestrum. Sed quid in retuso plumbo aciem quero? Denique uti omnem excusationem istis adimamus, Christus Dominus suis timorem, sicut animi firmamentum singulare, proposuit: *Nolite timere eos, qui occidunt corpus, animam autem non possunt occidere: sed potius time te cum, qui potest animam & corpus perdere in gehennam.*

*Ratio docet  
timorē esse  
bonum.*

Sed acrius adhuc instabo, arctius pressiusque hæreticum constringam. Principio autem satis demirari nequeo præposterarum istorum hominum rationes. Vsu etenim rerum & frequenti experientia orbi innotuit, ad aspectum alicuius terrenæ calamitatis, vel periculi temporalis occursum, Lutheranos & Calvinistas ipsis leporibus esse timidiores: hi tamen cœlestis Numinis imperio tantæque maiestatis intuitu nullo quidem pacto concutuntur. In acie timore oppressi, si ad virium æqualitatem hostes peruenerint, arma abijciunt: in republica quam instituunt leuissimus rumor iniqui casus illos cogit ad desperationem: conficta fabula exterritos habet, in aduersis vero nihil hæretico abiectius, in prosperis insolentius nihil: iudiciorum nihilominus diuinorum seueritatē, latentes rationes, grauitatem, atque æternum pondus non extimescunt. Terrena moles pauore illis membra excutit, inflammatum vero cœlum neutiquam illos monet. Melius autem à me in præsentiarum instituendi, si modo qui pro magistris haberi volunt, hac vice duntaxat scholas repetant: manusque ferulæ subijciant. Vereor tamen ne inscitia obrutæ ipsorum intelligentiæ, apertam veritatis faciem despicere haud possint: at tentabo illis meliorem mentem cum Prometheo adferre. Natura vnicuique illam appetendi vim attribuit, qua commoda conuenientia atque vtilia desiderentur, hisque contraria repellantur: cuius ductu & incitatione corporis sanitatem & firmitatem districta quadam cura tuemur, ingruentesque morbos propulsamus. Quæ quidem appetentia ex sui amore profecta, rectæ rationi atque ipsius naturæ præscripto est consentanea: neque eam in culpam quis vel suspitione sua trahere poterit. Inter cetera autem mala repellenda, quis mihi negabit gehennæ supplicium omnium esse grauissimum & atrocissimum? Debet idcirco quilibet ex nativo amore, quo seipsum complectitur, cruciatum illum acerbum, & imma-



& immanem præcipue horrere, subterfugere, execrari. Non puto sectarium hoc inficias iturum. Vtcrius itaque illum duco ad hanc consequentiam. Si licitum sit vnicuique supplicium illud inferni, tanquam teterrimum exitum & finem à se amoliri: concessum similiter ipsi erit idoneum aptumque medium assumere, quo nocivum illud propulsetur. Ad hoc autem maxime comparatum est declinare à peccatis & vitijs: nihil ergo mali is operabitur, qui ut effugiat inferni pœnam, eligit tanquam medium peccati alicuius odium, atque ab eodem fugam. Nullo enim pacto electio prauitate aliqua inficitur, nisi vel ratione ipsius obiecti auersa à ratione, aut intentione finis iniqui. Ceterum abstinere à peccato, & noxia aliqua voluptate, non implicat rei aliquid culpabilis: finis etiam, cuius imperio talis abstinencia præcipiebatur, erat naturæ bonum: & naturæ amor, quo appetimus carere malo, nos in illud iuducit: itaque vitium non erit (ut stupidi delirant heretici) peccata eatenus declinare, quatenus eadem delinquentem vim habent coniiciendi in cruciatus inferni. Quæro namque à præclaro isto, vtrum iam iustitia donatus iudicare posset fornicationem ab ipso committendam, æquam esse causam infernalis supplicij ipsi inferendi nec ne? Si dicat non posse ita apprehendi à iusto: turpissimus Gnosticus fornicationem licitam fatebitur, neque perpetratam secum pœnæ alicuius reatum adferre. Sin vero asserat iudicari posse illam luxuriam, iultam esse causam infligendi supplicij: an non eo nomine tunc eandem poterit iustus auersari, & tanquam malum suum odio habere, atque penitus à se depellere? Hoc sane natura ipsa docet: cum illud sectarius ignoret, tenebricosum omnino eius caput. Sed dicunt huiusmodi coinquinatos & pollutos crimine, ex fide intendere potius debere (quod & sanctis quoque incumbet) in authorem salutis Christum: qui non cupit hanc in nobis animorum lincinationem ex timoris aculeo: ipse enim pertulit dolores nostros in cruce: sed potius expectat Deus à nobis firmam spem, & securitatem indeptæ iustitiæ atque futuræ retributionis; de alijs non est quod simus multū solliciti. Blanda sunt hæc, bella, mellita, sed toxica. Lancinari non vult hæreticus, spinas horret: clamat tamen Deus; *Ioel. 2.*  
*scindite corda vestra.* Sed hanc fabulam iustitiæ, quam sua fide ludunt sectarij, postea vanissimam & turpissimam esse ostendemus. Concedimus quidem timorem etiam seruilem oriri ex fide, vti principio, neq; huic repugnare: indicat namque nobis fides Deum, ut iustū iudicem, æterna supplicia delinquentibus constituentem, ad cuius rei cogitationem, cum peccandi occasio oblata fuerit, animus trepidat, spinas

D D d 2

videt



videt flori voluptatis suffixas; exhorrescit pœnam, proponitque sibi vitæ emendationem, vti illa acerbitas euitetur. Non ergo fidei aduersatur timor, ad quam est consecraria, sed cum illa omnino coheret, & ex eadem propagatur. Imo si illam fidem quis statueret, quam decernunt sectarij, adhuc timoris actus bonus esse appareret, & rationi conformis: vti hinc constet hæreticorum placita apte inter se non conuenire. Nam interim quis securus sit se esse iustum & prædestinatum, nec posse à fauore Dei excidere, nihilominus is iudicare valebit fornicationem aut homicidium causas implicare, ob quas iuste inferni pœna ipsi inferatur: hoc idcirco nomine poterit hæc flagitia detestari, & odio habere: quod nihil aliud est quam timere: nisi putet omnia flagitia sibi esse licita, quod Caluinista, in eam existimationem pronus, facile concedet.

*Orthodoxa  
sententia  
de timore  
pura &  
honestæ.*

*Psal. 36.  
Rom. 6.*

*Tria auocāt  
animum à  
peccato.*

Iam autem vt despiciamus quonam pacto timorem seruilem improbant sectarij, sceleribus pariter faueant, suos in peccatis detineant, & ipsius satanæ partes agant; clarius hoc elucebit, si puritatem, candorem, & innocentiam orthodoxi dogmatis prius explicauerimus. Nobis itaq; omnis cura & sollicitudo incumbunt; vti mortales à cœnovitiorū traducamus; vt declinent à malo, & faciant bonum; vti peccatis mortui, iustitiæ viuant. Ea propter terribilem expectationem futurę vindictæ eorum oculis obiectamus; vnde quæquæ ratione vitia fugiant & detestentur: si minus eorum odium illis faciat culpa, pœna saltem faciat ac procuret. Triplici autem ratione hominum mentes à sceleribus auocamus. Primo, illis describentes pulchritudinem virtutum, vt eiusdem conspectu acerbius ferant, se delictorum sceditate tantam speciem corrupisse. Sin vero hoc minus efficere possit penes illos consiliorum mutationem: altius ascendimus, dicimusque lethale crimen inimicitiam quandam constituere cum ipso Deo, voluntati eius vehementissime repugnare, beneficia quæ nobis præstitit, aspernari penitus & conculcare, hominem denique auellere ab officio suo, summoque bono, cui deberet inherere. Tandē vero cum deprehendimus hosce nihil ingentis indolis aut nobilitatis retinere, sed in proposito decretoque errandi defixos esse: illis exertum Dei gladium, flammæum, & versatilem ipsius manu vibratum ostendimus, superni iudicis tribunal detegimus, Maiestatem illam & horrorem apparatus indicamus, diuinæ sententiæ vim, ad æternas pœnas impios destinantem, discutimus, inferni claustra & repugula referamus: vti inspiciant varia illa & intoleranda tormentorum genera malis decreta: laniernas, torturas, tractiones, combustiones, aliosque innumerabiles cruciatus



ciatus recensemus; uti vel sic tandem ex timore resipiscant, vitiaque fugiant & detestentur. Cui obscurum esse poterit, hæc à turpitudine vitæ, & flagitijs homines plurimum deterrere? Infantes vberis dulcedine illecti, diutius lac appeterent, quam illorum ætati corporisque firmitati conueniret: nisi matres amaro succo mammillas oblinirent: ita suos pœnarum obiectu exterritos esse Deus cupit, uti vitia tanquam angues & colubros vitæ declinent. Quod si omnibus gentibus natura ipsa hoc indiderit consilij: ut pœnarum nempe ostentu, edictis minacibus ciues à malefactis arcerent, & propterea sacras eedes timoris habuerunt, easdemque tribunali proximas, uti Sparte: nobis concessum non erit, timore supplicij nostros à sceleribus auertere, quasi vero minus obfirmati sint modo homines in malis quam antiquitus, aut constituta delinquentibus pena mitior? Itane libidine errandi corripitur, & à vero abripi voluerunt sectarij, ut eadem contentione, qua nobis contradicunt, ipsi naturæ, rectæ rationi, moribus gentium, institutis populorum reluctentur? quam cæci & absurdi? Quis enim clare non perspicit comminationem pœnæ idoneam & aptissime accommodatam esse ad animorum mutationem? Virtus namque, cuius forma sola ratione constituitur, ab eistam facile aut dilucide non videtur, qui mentem & intelligentiam suam inscitia obnubilarunt, voluptate obruerunt, aut coinquinatæ vitæ fecibus deturparunt: proinde solius virtutis ostentu non ita commoueri solent, ut vel sua vitia deferant, aut virtutes consecantur. Intentata autem illis pœna, quod hæc sensum fortius percutiat feriatque, illos varie excitabit. Nam ut docet Aristoteles, ita natura ipsa comparatum est, ut fuga mali actior sit appetitione iucundi. Ea propter lenocinia quæcunque extemplo abdicantur, cum pœna aliqua sensui imminere ceperit. Quemadmodum si inueniretur aliquis adeo intemperans, ut nullis rationibus à natura virtutis desumptis, abduci velit à sua intemperantia: si tamē sciret ex sententia medici, aut aliunde, ciborū x̄su immoderato & repletionem nimiam fore ut in mortem & funus ipse statim impingeret: credo istū, si hominis aliquid haberet, recessurū ab ingluuie. Ita aliquibus necessaria omnino est pœnæ interminatio: ineprioribus paulo existentibus, ut ipsius honesti formæ animis intueantur: Sicut armatus miles (inquit Chrysost.) in foribus ardet furem, ita & gehennæ metus, peccatum. Quid gehenna grauius? sed huius metu nihil vitius. Et alibi: Nisi dixisset quod subuerteretur Ninives, Ninives nō stetisset. Nisi fuisset intentata gehenna, in gehennā omnes incidissimus: nisi prænuntiatus ignis fuisset, ignem fugisset nemo. Hoc autem animæ munimentum & prælidium contra

Aristo. 3.  
eth. cap. 1.

Chrysost.  
homil. 13.  
ad pop.  
Chrysost.  
homil. 55.  
ad pop.



vitia ex timore, sectarij cum suo dogmate conuellant, quomodo delinquendi licentiam singulis non concedunt? Si nullus esset infernus, an non omnes ferme voluptatem requirerent? adempto autem eiusdem timore, perinde est, ac si nullus esset: nemo etenim eius cura tangi debet, aut de illo sollicitus esse. Quis dæmonum consultius ad propagandam vitæ impuritatem loqui potuit, quam Calvinistæ & Lutherani pronuntiarunt? Scio equidem nemini satis esse ad beatitudinem, timorem, meliusque assero ex amore virtutis peccatis abstinere, quam ex timore supplicij: interim definitio, salubrem & sospitalem esse hunc metum gehennæ, & frenum quoddam lasciuientis appetitus, quo sane excusso, præceps euadit natura ad omnem vitæ turpitudinem.

*Timor inducit sanctitatem.*

Porro à timore, veluti per quendam gradum, fit animi progressus ad sanctitatem: utilis idcirco timor. Dum enim quis ingentes illos cruciatus secum recolit: duo illi in mentem veniunt. Primum, delicti enormis magnitudo, & atrocitas grauissima: quæ tam horrenda tamque diuturna punitione compensentur. Vnde etiam colliget se hæcenus teterrimum peccati malum pertulisse, ignem & scorpionem in suo sinu fouisse: desiderabit itaque excutere à se hanc pestem, tormenta illa declinare, & vitiorum nequos expungere, quibus corrupta animæ facies contabescit. Alterum vero est virtus diuina, qua tam horrendæ castigationes infliguntur. Sciet enim infinitam esse illam vim, quæ æternas tamque graues à sceleratis pænas reposcat: atque tunc sub imperio & potenti tanti Numinis manu mens eius contremiscere incipiet. Quemadmodum enim concussione aut tremore terræ, serpentes in suis cauernis delitescences euocantur, & foras prodeunt: ita cum animus timore diuini iudicij concussus fuerit, vitiorum serpentes exhibunt latibulis suis: neque tutum illis locum in eo esse percipient. Infinitæ autem potestati vnusquisque intelligit necessario summam & infinitam adiunctam esse clementiam atque bonitatem: hæc enim distrahi non possunt. Quocirca maiestate Dei exterritus, tantundem misericordiæ in ipso agnoscens, se recipiet protinus ad eius benignitatem: de qua etiam bene sperabit. Tunc illi ostendetur bonitas Dei, cuius aspectu hauriet animo & affectu ignem illum purissimi castissimi que amoris. Vnde quod hæcenus in vita se toties diuina mandata violasse, toties ipsi Deo rebellasse, tam benigno clementique parenti refractarium præbuisse intelligat: ingemiscet ex imo pectoris, & summo quodam dolore, veluti vomere animi sui recessus aperiens, eisdemque elicibus lacrymarum irrigans, in illos tanquam in subactum solum iustitiæ granum celitus dilapsum recipiet: quod postmodum

excreset



excrescet in bonorum operum fructus, tandem gloriæ præmium & æternam refundet mercedem. Huc usque timor progreditur: quo altius nihil poterit conscendere. Ita opinatus est Augustinus: *Sicut videmus per secturas introduci linum: quando aliquid sinitur, seta prius intrat, sed nisi exeat, non succedit linum: sic timor primo occupat mentem, non autem ibi remanet timor, quia ideo intrauit, ut introduceret charitatem.* Quod si timor nondum indepta iustitia charitatem introducat, verum erit, quod definiuit concilium Tridentinum, eundem omnino facere uti ad misericordiam Dei supplices confugiamus. Quomodo tunc malus, quomodo nefarius, quomodo hypocritas constituit? Repellit timor delinquendi cupiditatem, abigit lenocinia vitiorum, inducit ad penitentiam, ad amorem Dei, quo iustitia nostra continetur, hominum corda inflectit; quo obsecro demum nomine vitiosus reputabitur? excutite omnem quam habetis intelligentiam sectarij. Imo vos ipsi potius estis vitioli, qui hoc armorum firmamentum ficticia vestra, turpi, & ludicra fide sustulistis, omnemque exinde sceleribus aditum patefecistis arrogantia. Atque de vobis dictum putatote illud Tertulliani: *Ubi metus nullus, emendatio proinde nulla, ubi emendatio nulla, penitentia necessario vana.*

Augustin.  
tract. 9 in  
1. ep. Ioan.

Tertull. de  
penitent.

Hactenus apertis rationibus euicimus, ad sanctitatem aspirantibus, utilem prorsus esse timorem gehennæ. Deinceps inquirendum, quisnam timor ipsis etiam iustis commodus sit & oportunus. Quare multo adhuc scædiores comperiemus sectarios. Triplicem itaque in iustitiam adsertis timorem constituimus. Primus ille idem est, quem supra diximus gehennæ metus, qui cum iustitiam introducat, tum inuectam custodit, & quasi regius satelles in præsidio charitatis excubat solertissime. Hoc quidem adstruunt sacrarum literarum testimonia, quæ nobis referunt ipsis iustis Deum sæpius penas intentasse: ut illarum metu exterriti, delinquendi occasiones deuitarent, constarentq; firmiter in accepta sanctitate. Tamen enim charitatis aduentu timoris seruitas tanquam auri scorea in fornace excutitur: nihilo minus quantum ad speciei substantiam superstes remanet. Cum enim demon alicuius delectabilis ostentu nobis insidias struxerit, conaturque labem sceleris in nostras animas inuehere, tunc cogitantes in fauo porrecto mellis subdere apis aculeum, aliasque feces: repellimus blanditias hostis, iucunditatem auersamur, quod malum nobis pænæ creet, quodque extrema nos ac summa afficiat acerbitate. Perfectius quidem multo esset, ex amore Dei easdem respuere: tutius tamen utroque, quam vno pede sanus ad aciem procedere: gladio & pugione optabilius configere, quam horum solum alterutro. Ita si fortassis obliuio

Timor iustis necessarius.



obliuio diuinæ bonitatis intelligentiam nostram esset repressura, neque amoris feruor lubrico infidēs appetitui magnopere repugnaturus prauæ suggestioni: timor nihilofecius stationem suam & locum adhuc seruabit, vi quadam abiger oblandientem nobis canem voluptatē. Hoc absque dubio opinatus est D. Basilii, qui cum elegantissime omnem suppliciorum apparatus exposuisset, sic sanctos & iustos alloquitur: *Hæc tu tenebis, hoc demum timore institutus, quodam quasi freno tuam cohibebis à prauis concupiscentijs animam.* Sed obgarrientes audio hereticos: quid nobis cum timore, quid cum trepidatione? seruorū est timere ac trepidare: nos liberi, filij Dei sumus, quos nullus de manibus eius rapere poterit. Fidem hanc quam excepimus, imbibimusque, ne dēmon quidem, vel nostra malitia nobis excutient vnuquam: ad tripudium, ad saltum, ad chorēam, ad tympanum, ad lyram studia nostra conferentur. In hac vestra securitate, Deus bone, quos æstus fluctusque deprehendo? in hac vestra fide quantam intueor cum falsitate impuritatis labem? in hac vestra musica, qualem luctum & dissonantiam aures meæ percipiunt? sed hæc immania & portenta horum hominum in alium locum remittemus.

Alius existit timor, qui optimum quoque est iustitiæ præsidium: ille nimirum, quo veremur nos delinquendi periculis cōmittere: quippe quo sensus cohibemus ab eorum conspectu, quæ voluptatem spirant ac suadent; quo vitam detinemus ab illorum consortio, qui manus vitijs tradiderunt. Scimus enim ex Apostolo, nos æternæ retributionis pondus, nimirum iustitiam, in fragili admodum vase circumferre: & adhuc voluntatem nostram flexilem ad prauas cupiditates, quæ perpetuo sollicitant animam ad defectionem ab ipso Deo, & ad damnum acceptæ iustificationis. Idcirco cum Iob veremur omnia opera nostra: pedibus prospicimus incedentibus inter laqueos & muscipulas: tempora periculosa esse rectissime nouimus. Huiusmodi timore, non solum ipsa scelera profligamus: quin etiam cohibemus nos, ne aliquando illis vicini simus, & spacia quam longissima cupimus interiecta, quibus ab illis distemus. Videte obsecro, quanta sit puritas dogmatis orthodoxi, quam virginea plane mentis custodia inde constituta? Vt flammam incendiumque vitemus, nec fumum incensū pyri naribus trahere audemus. Hinc Tertullianus: *At vbi Deus, ibi metus, vbi metus in Deum, qui est initium sapientiæ, ibi grauitas honesta, & diligentia attonita, & pura, & sollicita, & adhortatio explorata, & communicatio deliberata, & promotio merita, & subicilio religiosa, & apparatus deuota, & processio moderata, & Ecclesiæ vniuersa, & Dei omnia.* Hac de causa David absque dubio hereticis sanctior, & de-

Basil. in  
psal. 303  
339

Timor pec-  
candi vti-  
lis iustis.

2. Cor. 4.

Iob 9.

2. Timot. 3.

Tertul. 1  
prescrip.



& de sua accepta iustitia eiusdemque stabilitate securior, orauit vt  
 timore Domini carnes ipsius confingerentur. Quod elucidans D. Basi- <sup>Psalm. 33.</sup>  
 lius dicit, quod sicut affixa ad aliquid immobile corporis membra non <sup>Basil. in</sup>  
 possunt in vllâ partē libere sese agitare: ita timore veluti clauo affixus <sup>Psalm. 33.</sup>  
 esse voluit Dauid: vti integrum deinceps illi non esset, motu appeti-  
 tionis suæ voluptates conlectari: In quam etiam sententiam hæc  
 D. Ambrosius: *Carnes animæ sunt carnales cogitationes: configat has carnes timor* <sup>Ambros.</sup>  
*Domini, & iudiciorum eius: & seruituti redigat. Quod si carnes istæ reiciunt* <sup>serm. 15. in</sup>  
*clauos diuini timoris: baud dubie dicetur: Non permanebit spiritus meus in hominis* <sup>Psalm. 118.</sup>  
*bus, quoniam carnes sunt.* Quomodo itaque absque timore iustitia, ille <sup>Gen. 6.</sup>  
 inquam Dei spiritus, in hominis anima, veluti in tuto ac perennis erit  
 collocatus? Videamus autem quonam pacto huic timori repugnantes  
 sectarij, impuritati & peccandi licentię patrocinentur. Inanem hunc  
 & otiosum timorem esse dicunt: eo quod adepta iustitia nemini possit  
 vel sua culpa aut aliorū maleuolentia excidere. Quod si verū fuerit, tam <sup>Hæretici</sup>  
 tutus locus Calumnistæ erit lupanar, ac templū, aula Veneris ac mona- <sup>timorē ex-</sup>  
 steriū Christi virginis, necunde illi periculum imminet excutiendi <sup>cludentes</sup>  
 iustitiam. O flagitiosam sectam, aut humanam certe excedendam in- <sup>impuri.</sup>  
 solenti privilegio conditionem. Peccabitne tandem aliquis ex vestris,  
 qui delinquendi omnibus periculis sese ita commiserit, sciscitari velim?  
 Non peccabit is, mihi affirmabitis. Felices sane vos, tanta securitate,  
 plane beati. Scio tamen Apostolum Paulum, carnem verberibus edo- <sup>1. Cor. 5.</sup>  
 muisse, stigmate passionum Christi consignasse: vt vel sic tandem Apo-  
 stolus esset, & non potius reprobus. Vos delicia humani generis (vt  
 videtur) postliminio in paradysum regressi, cum horum nihil præstetis,  
 in plumis & carpentis deliciamini, bysso & purpura induimini: pere-  
 grinos calentesque Græciæ odores spiratis: interim ex sola vestra fide  
 terroribus vacui, solutis & impavidis animis lucem cum Cerere &  
 Baccho, tenebras cum Venere & Cupidine celebratis. At in illo pe-  
 riculo constituti, offendetis credo. Hoc est, saltem illos actus stupri,  
 adulterij, fornicationis, aliorumque flagitiorum exercebitis. Tot ete-  
 nim ipse noui ex vestris, istis addictos studijs, neminem ferme melio-  
 ribus. Quid tum causamini? vna fides velo suo omnes hæc sordes  
 actionū cooperiet; facietque, vt à Deo non despiciantur. Gaudeo  
 equidem me vos tandem in sordibus inuenisse, vt lues in volutabro,  
 idque ex vestris testimonijs. Sed quis istius sentinæ non sententię  
 graueolentiam perferet, cuius ianuam & septum dogmate suo rese-  
 rarunt sectarij? Proh insignem vestram sanctimoniam. Timere recu-  
 satis, ne peccetis: fornicari autem & scortari haud erubescitis, neque

E E e

exinde



exinde peccatis. An non cum libidine omnique scelere hæc vestra cohærent? indigne sane fero orthodoxum quempiam, balteo à Christo Domino donatū, cum istis lixis & calonibus stylo depugnaturum.

*Timor ori-  
tur ex oc-  
cultis Dei  
iudicijs.*

*Deus quo-  
modo time-  
tur.*

*Rich. in 3.  
d. 34. q. 1.*

*D. Thom. 2.  
2. q. 19. art. 1.*

*1. Cor. 1.*

Ultima denique timoris causa, eaque iustissima, desumitur ex occultis rationibus diuinæ providentiæ: unde recte dicimur ipsum Deum timere. Quo autem pacto Deus analogia obiecti timoris contineatur, istis explicat Mediauillanus: *Deum posse timeri, dupliciter potest intelligi, aut per se, aut per accidens; primo modo Deus timeri non potest, nisi æquiuocando nomen timoris: accipiendo scilicet timorem, pro refiliatione in propriam paruitatē, ex consideratione magnitudinis Dei. Secundo autem modo potest timeri Deus, in quantum ab ipso, vel per comparisonem ad ipsum, nobis potest provenire aliquod malum, vel secundum quid, sicut malum pænæ, vel simpliciter, sicut malum culpæ.* In eandē quoque sententiam disseruit D. Thomas. Diuina quidem perfectio propter supremum eius gradum, absolute à nobis considerata, sicut à nemine quantumuis malicioso, aut profligata vita coinquinato, odio haberi possit: ita eadem tam clemens est, tam benefica, & ex innata dulcedine in nos effusa, vario magnificoque donationis genere; vti à nemine, quantumlibet dimisso & abiecto, timeri valeat. Timetur idcirco Deus primo per comparisonem ad ipsum: quando nimirum ex eius amore horrere animis incipimus ad memoriam aut cogitationem sceleris, contra ipsum patrati. Deinde timetur etiam Deus per respectum ad nos: quatenus ab ipso aliquid mali nobis poterit contingere. Quod quidem malum duplicis existit ordinis: prioris est temporale quid incommodi aut æterna pænā, quam in peccatorum vindictam offendentibus Deus iuste infligit, de qua supra disputauimus: alterius vero est subtractio quædam auxiliij & gratiæ efficacis. Qui enim iam vitæ sanctitate florent, fortassis paulo post recident in scelera, in quibus contabescunt, tandemque perpetuas illas luent pænas. *Qui existimat se stare, videat ne cadat.* Verū quidem est, Deum istius casus in homine non esse authorem, (vt sacrilege & impie loquuntur hæretici) sed solum liberum hominis arbitrium, dum minus consentit gratiæ sufficientis incitamento. Veruntamen sicut propter crimen originale permittit hominem Deus labi in primum delictum personale: quodque etiam finit aliquando ex secreto suo iudicio; (vt constat in illis, quibus baptismus originalem noxam absterferit) ita propter varia iniqua opera patitur delinquentem ruere vltius in alios grauios errores: & tandem sic errantem, maleque facientem, mors & fatum infernusque præoccupant. Cuius quidem defectus originem si altius repetamus, resolutio tandem fiet in aliquid à solo Deo dependens, eiusque



eiusque secretissimum iudicium. Non quod Deus quempiam detru-  
dat in peccatum, vel eius errori causam prabeat, vel denique quod  
subtrahat sufficientis gratiæ adminiculum: sed inde solum hoc con-  
stabit, quod ex suo arcano sensu eam gratiam renuat alicui concedere,  
quam ex hypotheli ante absolutum decretum, futuram nouerat effi-  
cacem. Thesauros quidem habet Deus, sed hos (vt inquit propheta) in  
abyssis collocauit; quorum modum & rationem nullus mortalium  
vel etiam angelorum suo natiuo intellectu assequi valebit. Atque ex  
illo timore, hoc nobis aduenit utilitatis: vt animi humilitate fastum  
omnem inde comprimamus, diuinisq; iudicijs sensus nostros dimit-  
tamus; timentes quippe ne iustitiam potius exerceat Deus, in sua er-  
ga nos prouidentia, quam misericordiam. Quæ quidem humilitas &  
animi submissio multum Deo placent, & quasi in anima concauum  
sinum faciunt explicantq; in quæ celestis pluuia copiose affluenterque  
decidat. *Humilis enim dat gratiam.* Timor autem, ex sententia Ioannis  
Scoti, species quædam est humilitatis. *Idem est omnino timor, quod humilitas, licet alio nomine vocetur.* Timor vero illius rationis in sanctis illis  
atque beatis mentibus non reperitur. Haud enim ipsæ timent pœnam,  
cum se illam euasisse, omnesque ærumnas præteruectas intelligant. Nec  
quidem timent noxam culpæ, securæ iam redditæ de iustitia in perpetuum seruanda. Denique non timent subtractionem gratiæ, sciunt  
etenim neminem eas posse de manu Dei amplius abripere. Existit  
idcirco in illis alterius prorsus rationis timor, castus nimirum & per-  
manens in sæculum sæculi, quo (vt canit Ecclesia) *Tremunt potestates.*  
Oriturque ex intuitu magnitudinis diuinæ, cui, cum summa quadam  
reuerentia, sese beati subiiciunt. Atque ita timor vitam nostram ex-  
cipit, propagatam comitatur, afficitque beatam. Audax autem præ-  
fractaque hæresis, quasi recessus calorum & æthereæ adita penetrasset:  
sibi felicitatem certo pollicetur; pronuntiatque intrepide, se præde-  
stinationi donatam, neque illi causam aliquam superesse timoris  
vel trepidationis. Hæc autem persuasio velana est, superba, Epi-  
curea, & sordida: uti ex disputatis elucet, manifestiusque postea  
ostenderetur.

Psal. 31.

Iacob 4.

Scot. in 3 d.  
34 q. vlt.Timor in  
sanctis.

Psal. 18.

Prof. missa.

E E c 2

De



*De causis tristicie & doloris : eiusdemque vi ac potestate.  
Cui remedia aliquot & preceptiones animi magis vni-  
uersales adhibentur.*

## CAPVT XVI.

*Tristitia  
quid sit, &  
quale eius  
obiectum.*

*D Thom 1.  
2. q 35 art.  
1.*



*Malum quo  
plex.*

Tristitiam appetitus esse affectionem exortam definiunt philosophi ex noticia mali iam presentis, & illius, quod sensibus subiectū, eisdem contrarium estimatur. Cuius naturam atque vim expendens D. Thomas, duo constituit, ex quibus efficitur. Primum, ipsum est aduersum, in quod quis incidit; siue ex se hoc nocium sit: veluti morbus, deflagratio domus, naufragium: vel inde solum habeatur malum, quod eius accessu quæ chariora sunt, depellantur. Quo quidem pacto optima quæque & maxime experibilia rationem mali subeunt: utpote delatus alicui magistratus, aut imperium, modo pericula adiuncta habeant, aut occasiones largioris effusiorisque sumptus impendendi. Eaque de cause (ut scribit Antoninus) pontificiam cathedram omnino igneam esse, & diadema illud supremum in terris, spinatum sertum, reputauit Adrianus: propter varias nimirum curas, anxique negotia, quæ illa dignitas secum adferre solet. Alterum vero est, notio quædam menti impressa, deprehensioque acerbi casus: quæ ferme omnem læsionem efficit, & hominibus ægre est: ita ut nulla doloris causa solide existente, satis sit hæc sola opinio mali, ad inferendum homini dirissimum cruciatum. Ea autem absente, cum quælibet moles iniqui euentus incubuerit, cum tela sua omnia potenti manu in alicuius pectus seu fortuna intorserit: nihil elicient acrimoniæ vel acerbitatis. Obiectum autem istius perturbationis seu ipsum malum partibile est ac multiplex: triplici tamen specie complexum videri poterit. Primum, nocumentum est forinsecus positum, utpote bonorum amissio, amicorum aut liberorum interitus. Alterum, ad corpus propinquius accedit, uti mutilatio membrorum, affecta voletudo, senectus, mors. Demum tertium & postremum ad animam spectat, veluti infamia, inscitia, incuria, crimen, & culpa. Sæpius enim non tam dolent, quod in aduersi quicquam impegerimus: quam quod negligentia socordiaque nobis malum consciuerimus. Ipsa porro culpa non ad alia relata, præterquam ad rationem mentis, cui repugnat, ipsumque Deum opt & max, cui bellum quodammodo indixit, equissimas secum adducit causas tristitiæ atque doloris.

Vniuers-



Vniuersales quidē rationes atq; origines huiusmodi angoris ita ferme constituuntur. Merito autem in primis amorē cupiditatemque in *Amor cau- satrēstia.* vniuersum omnis perturbationis philosophi principium asseruere. Quod cū in alijs liquet, tum in hac affectione tristitiæ nemini obscurū esse poterit. Idque verum erit, quod quidam dixit, duos nempe esse amoris affectus, dolorem & pēnitentiā. Qui enim expetiti boni vel indepti commodi ardentiori cupiditate tenetur, is molestius eiusdem patitur dispendium, & maiori quadam acrimonia urgetur, si modo illam amittat iucunditatem, quam amor flagrantius ambiebat. Euenit itaque omnino, vt qui amoribus dillectius & operosius student, maioremque illis impendunt curam, me u frequentius nucent, & dolores inde perferant acerbiores. Quemadmodū enim calum nunc serenitate ex solaris radij effusione iucundum lucidumque, postmodum euocatis sursum ē terra vaporibus, atque in altum suspēns, obnubilum & triste euadit, ita vt caligini splendorē causas adferant: sic cum amor mentem serenarit, atque sua luce lētam constitueret: denuo idem amor, cuius iucunditas maxime pugnat cum acerbitate, quamprimum suspicio alicuius mali sese in cogitationem iniecerit: tristitiæ cruciatum & pungentis doloris sensum commouet. Quo modo ab vno eodemque amore flauit nectar & absinthium. Quam quidem humani affectus à contrario in contrarium transitionem ipsa natura instituit, vtī perpetua quadam vicissitudine res mortalium agitentur. Neminem hominum equidem crederem, tam felicem aleam fortunæ vnquam consequutū: vt eis omnibus latus potitus fuerit, quorum desiderio aliquando æstauit. Sin vero illis destituatur, tunc imperiosus amor omnē suam vim exeret amaritudinis, aculei, & ingenti quodam impetu in externa mala deferetur, quę voluptatis affluxum interceperunt. Quod si viderit ad vindictam se fore impotentē, mulierculæ instar, ad rixas & contumelias procliuis, sibi met ipsi iracundię faces submitter, & quasi ungues proprijs infiget genis. Ita sane comparati sunt, qui doloris vim in semetipsos admittunt.

Quoniam vero nihil possit tetrius aut molestius æstimari, quam ex *Causa viti- stitæ ani- mæ delectio* virium imbecillitate concidere, & ingruenti calamitati eneruate succumbere: trīstari proinde solent homines vehementius ex hac dimissione sui: dum animaduertunt se aduersitatis mole penitus esse oppressos, neque satis vigoris habere, ad propulsandum infortunium. Quod enim obuij & expositi sint aliorum iniurijs, à quibus se tutari nequeunt, inter grauissima mala, idque iurē, illud reponunt. Nescio enim quā ingēnita appetentia omnes ferimur ad culmen potestatis & im-  
muni-



immunitatis : cui alia quoque impendimus, in quibus multum laboratur . Hinc coaceruantur diuitiæ, ut illis vita contra aliorum improbitatem undique muniatur: conciliantur amici, ut illorum auctoritate nobis præsidia & ornamenta comparentur. Ab istis autem munimentis si quis deciderit, illisve priuetur, cum nihil interim aliud damni patiatur, sed perpenderit solum se aliorum violentiæ insidiisque patere, obuium esse, atque ad aliorum genua deuolutum, implorare oportere subsidium, dirissimi doloris ægritudo sensus istius subibit.

*Tristitia  
omnem af-  
fectum se-  
quitur.*

*Suauitas  
diffusa per  
omnem ap-  
petitum sen-  
sitium.  
Arist. 2.  
Rhetor.*

Neque tantum quod careamus illis, quorum amor pectora ad expeditionem inflammavit, nascitur dolor & tristitia: verum etiam cum quælibet alia appetitus affectio semel excitata, incassum reciderit, sineque suo caruerit. Obseruauit enim Ioannes Scotus perturbationes omnes, etiam illas, quæ appetitui irascibili insunt, suauitatem quandam effundere, si modo optatum effectum sortiantur. Hinc ex sententia philosophi, dulcis est ira, illa nimirum, quæ cum vindicta coniungitur. Ipsa quoque doloris laxatio dulcedinem suam retinet: unde lacrymæ, querelæ, planctus, vim istius angoris emolliunt & absynthiū melle temperant. Candentes autem iræ ultione carentes expetita, quando etiam simulatione quadam animi illæ flammæ obruuntur & in pectoris angusto tumentes exilientesque spiritus coercentur, intus vrunt, & acrem tristitiam in imo eiusdem fouent spontaneo malo. Similiter prohibiti à lamentis, singulibus, & suspiria comprimentes, lacrymas simulata & composita lætitia sistentes, vehementer dolorem sibi met ipsis consciscunt. Permeat idcirco hæc animi ægritudo per omnes affectiones, tam concupiscibilis quam irascibilis facultatis.

*Tristitia ex  
superbia,  
Herodot. in  
Calliop.*

Opinio etiam propriæ excellentiæ multum augere solet doloris acerbiter. Propterea Herodotus recensens humanæ vitæ incommoda, hoc omnium infelicißimum & dolore plenissimum asseruit: *Multa intelligentem nihil auctoritate valere, nulliusque rei compotem esse.* Quod quidem duplici ex causa oriri poterit. Primo, quando nobis incussum malum eo grauius & indignius iudicamus, quo angustius de nobismet ipsis sentimus: quod sane ad amorem sui refertur, de quo supra disputauimus. Deinde sicut fornax incalescit magis, quando eius flamma omni exitu prohibetur: turgescit quoque in altum decurrens riuus, transuerso aggere repulsus: ita nonnulli, præsertim excellentis ingenij, proprias rationes cæteris omnibus præponentes, vel animis horrentes vlcus & apostema alijs detegere, tristitiam pectore includunt, illamque ita fouent plerumque, uti demum ratio impedita in errorem concedat: corpus autem fractum, atque dissipatum ad finem.



nus exinde accedat. Nam ut inquit D. Gregorius Nazianzenus, *Nihil Greg. Naz. nullam enim consolationem affert, vel a se ipsi dolores nostros exponere & impertiri. orat. ad Episc.*

Frequentes quoque, præsertim in forenli vita occupationes, tristi- *Occupatio- nes publi- ce cause tristitie.*  
tias inferunt. Entimvero fieri non potest, ut euentur omnia incōm-  
moda, quibus nos in hac publica rerum administratione, & multipli-  
cis negotij genere exponimus. Impinget aliquando in lapidem, qui  
concitatiōi gressu vel perpetuo quodam cursu se mouet. Atque is in-  
uidia obiacebit, aliorumque machinationibus, qui se in foro aut curia  
metam erexit, in quam maleuoli collimantes sua ipicula intorqueant.  
Vnde Seneca: *Cauendum est, ne aut labor irritus sine effectu sit, aut effectus labor* *Senec. lib. de ira iust.*  
*re indiguit. Fere enim ex his tristitia sequitur, si aut non successerit, aut successus*  
*pudet.* Turbulenta idcirco ingenia (& ut quidam loquitur) poliprag- *Mollia in- genia sub- iectis tristitia.*  
matica, quorum etiam studia maxime sunt mutabilia, nunquam dolo-  
ribus carent, sed offendunt passim: nec siltitur in illis mobilis &  
volatilis appetitus vllō rei aduentu. Quapropter desiderijs suspensi,  
anxij sunt continuo & solliciti: neque vnuquam voti compotes eua-  
dunt ad tranquillitatem.

Parum autem esset, si euentus rerum ipsarum, qui quotidie acci-  
dunt, animo aculeos doloris admouerent tantum: ni accederent quo-  
que alia ludicra plane, ipsiis vmbri leuiora mala, atque non nili otioſæ  
mentis solo conceptu fabrefacta: quæ nihilominus lædunt & que  
ferme, ac si exitu aliquo contigissent. Sunt enim nonnulli ita otiosi &  
feriati, uti commentis suis purpuram, applausus, imperia contingant,  
sibi que affingant: in quibus excogitandis tanquam ciues reipublicæ  
Platonice, vel Eutopiæ incolæ, mirifice animos suos cogitantes oble-  
ctant: iam enim magnifice incedunt, famulatu cinguntur, illis vestis  
fulgere videtur, omnem denique lenocinij formam phantasia ex-  
cudunt, ex qua voluptas aliqua hauriri poterit. Atque ita illis vigilan-  
tibus placet somnare. Expergefæcti vero cum fuerint, & ratio satis  
euagata ad se redierit; animaduertunt se nudos esse, illisque fictitijs  
bonis vacuos & destitutos. *Dormierunt somnium suum, & nihil inuenerunt* *Psal. 57.*  
*omnes viri diuitiarum in manibus suis:* Ex quō necessario tristitia exoritur:  
abscedente namque delectatione, quam capiebant ex illa fabrica ima-  
ginaria, ægre ferunt se re ipsa expetitis carere. Consultit itaque Sene- *Senec. lib. de ira.*  
ca: *Cogitationes vagas & inutiles, & velut somnia similes non recipies: quibus si*  
*animus tuus se oblectauerit, cum omnia deposuerit, tristis remanebis.* *Mora. 2. 1.*

Denique causam dolori adfert nimia cura, & perplexa sollicitudo *Appetitus sane causa tristitie.*  
existimationis penes alios. Detinentur enim aliqui ita in perpetuis  
suspitionibus suæ famę, uti ex leuissimo quolibet indicio coniectent,  
ab alijs



## 224 DE TRIPLICI HOMINIS OFFICIO,

ab alijs iniquam aliquam sententiam contra ipsos latam esse: cuius rei gratia vehementer tristantur, quam quidem doloris occasionem: Seneca etiam attegit: *Alia causa inquietudinis est, quando semper putamus nos toties aestimari ab alijs, quoties ab his aspicimur, & ideo curam habemus nos componendi, ut non exterius aestimemur, quales sumus interius.* Ad causas etiam doloris accedunt corporis constitutio, frigida magis & sicca: arte etiam demonis in animā illatę sollicitudines, de quibus postea differendum.

Modo quod ad vim & istius affectionis energiam spectat, nihil eque crederem tam animę, quam corporis robur ac decus labefactare & exscindere, atque acerbiter hanc, cum se in animorum recessus penitus insinuarit. Non ita torpedo brachium piscatoris stupidum reddit: non remora sic naus cursum sistit, ut tristitia sensus habeat & consternat humanos, consiliorumque progressum retardat ac moratur. Vim quidem istius acerbissimi doloris senserat illius Hispani animus, qui (ut narrat Guicciardinus) coniectus in carcerem, ob tentatam pudicitiam cuiusdam virginis ex reginę ancillis: spacio vnius noctis, cum annum trigesium ageret, vigente in ipso naturę robore: ex metu supplitij totus incanuit. Similem doloris impetum expertus est Ludovicus Cęsar, qui (ut scripsit Cuspinianus) nocturno quodā spectro exterritus, subito etiam canus euasit. Huiusmodi quoque aculeos Pomperani animus excepit, qui (ut tradidit Paulus Iouius) inspecta calamitate sua, evestigio exanimis defixisque in cęlum oculis concidit: neque vllis postea fomentis ad vitam reduci potuit: dolor etenim illi pręcordia subitanea impressione perforerat. Neque aliquid dolori ferme resistit iuuenilis calor, in illo qui eo opprimitur. Non exilit ardente sanguine succensum cor. Torpescit neruis ad ictum inferendum summo cum vigore libratum brachium. Preparatus animus ad artium studia, tristitia quasi nebula infuscatur. Prompta & expedita lingua ad prodendos sermones rigit, tremitque: cum dolor in quempiam inuaserit. Apposite idcirco Euripides sacrificium Iphiginię ludens, Agamemnonis parentis caput velo texuit, ac silere ipsum fecit: quod nempe doloris magnitudo illum haud pateretur digne filię interitum deplorare. Insignis figura corporis, & forma vultus viuis depicta coloribus, non amplius effulget, ubi iam tristitia animę sedem occuparit. Inepta denique hęc perturbatio ad omnia, pręterquam ad lachrymas ciendas. Quod si iucunda aliqua felici rerum successu, & arridente fortuna nobis contigerint: tam insuaue secum dolor condimentum adferet, uti iucunditatem omnem prorsus adimat, vel tetra amaritudine inficiat. Quod quidem

Senec. de  
tranquill.

Corporis  
ratio tristi-  
tia causa

Tristitia  
vis ingens

Guicciard  
lib. 3. cap.  
pag. 107.

Cuspin in  
Ludovic.  
Cęsar.

Iouius lib.  
26. pag. 29.

Euripides  
Iphiginia.



quidem satis manifestum fecit perturbatus animus Achabi Regis ex nimia tristitia : cui nec sceptrum regale, neque amplissima possessio-  
Achab.  
3. Reg. 21.  
 nes, superbe basilicæ, aut vxoris consilia aliquam voluptatem attulerunt. Hæc omnia, quod agellum aut vineolam Naboth haud consequeretur, tristitia repulit. Docet enim philosophus, vehementiorem acrioremque tristitiam omnem prorsus delectationis sensum auferre: non solum qui versaretur circa ea, quæ tristitiam inferunt, verum etiam  
Arist. 7.  
Eth. cap. 14.  
 circa quolibet alia : ex quo opinantur Theologi, nefarias dæmones voti compotes effectos, cum à virtute ad voluptatum sordes homines traduxerint: ex obtento euentu ideo nullam percipere iucunditatem, quod summa illa tristitia, quam ex pœna illis inflicta concipiant, delectationem omnem expellat. Communia quoque naturæ beneficia, ipsam etiam vitam ingratam reddit tristitia. Qua exagitarus & acerbatus propheta Ionas, in hæc voces prorupit: *Melius est*  
1 Ion. 4.  
*mibi mori, quam vivere.* Neque vim istius affectionis fortis excultusque regij propheta animus penitus euasit; quem ita doloris aculei pupugerunt: uti ob mortem rebellis filij, mutata veste, pauimento inhiere-  
2. Reg. 12.  
 tens, post diuturniorem conflictum, cum summa animi sui acerbitate, hanc sententiam expresserit: *Fili mi Absolon, fili mi, quis mihi tribuat, ut ego moriar pro te, Absolon fili mi. fili mi Absolon?* Eiusdem quoque egritudinis imperum, inuictum illud & omnino Apostolicum D. Pauli pectus persensit: cuius hæc voces fuere: *Non enim volumus ignorare vos fratres, de tribulatione nostra qua facta est in Asia: quoniam supra modum grauati sumus, supra virtutem: ita ut caderet nos etiam vivere.* Infiniti porro existunt, qui nimia tristitia superati, mortem sibimet conscuerunt, crudelitatem illam clementiam reputantes: dolori exangue corporis domicilium reliquerunt, dum in seipsos descreuerunt.  
2. Cor. 1.

Atque huius affectionis potestatem atrocem plane Hieremias propheta visus est descripsisse plenissime: *Inebriauit me absynthio.* Ac si diceret: ita doloris magnitudine me Deus oppressit, uti mihi nullus sensus integre superstit ad necessariam vitæ propagationem. Et istius absynthij effusi diuinitus in homines effectum retulit Euangelista Ioannes: *Et cecidit de celo stella magna, ardens tanquam facula, & cecidit in tertiam partem fluminum, & in fontes aquarum; & nomen stella dicitur absynthium, & facta est tertia pars aquarum in absynthium.* Facula ardens, tristitia est exsiccans ossa, deuastans & deflagrans corpus animamque. Et quemadmodum stella illa dicta absynthium, incidens in flumina, eadem amaritudine infecit: ita fortunæ bona, quæ circumfluunt, voluptates omnes, quæ ebulliunt ex concupiscentiæ fonte, doloris aduentu corrumpuntur,  
Hierem.  
Iherem. 33.  
Apos. 8.

F F F

neque



*Tristitia  
mitigabi-  
tur si amor  
temperetur.*

neque amplius grata aut iucunda censentur.

Ex quibus huc usque disputatis, facile in vniuersum modo colligi poterunt rationum momenta, quibus animus firmetur, ac muniatur contra hanc doloris acerbitem, omnemque infortunij tristitiorem euentum. Proderit itaque imprimis, ad leniendum rigorem hunc, amorem & cupiditatem eius rei temperare, qua caremus. Quod quidem efficietur, si nobis ipsis persuaserimus bonum illud, cuius desiderium nos ceperat, nec esse tantopote ex se inquirendum, neque nobis usque adeo commodum: sed potius adiuncta mala habere quamplurima: unde damnū illius tolerabilius apparebit. Eapropter auocanda mens ab eis cogitationibus, quæ in amissi ac deperditi pulchritudinem vel excellentiam defixæ fuere: & alio transferenda. Sic enim susceptus amor paulatim languescet: tandem eo extincto tristitiæ acerbitas omnis euanesceat. Plerumque etiam fit, uti non naturis suis res aduersæ nobis molestiam ingerant, sed solum opinione falsa dolorem incutiant, mentis sententia perturbationis æstro in errorem deflecta. *Homines (inquit Epictetus) perturbantur non rebus, sed ijs, quas de rebus habent, opinionibus.* Et Seneca: *Non est in rebus vitium, sed in ipso animo, & illud quod paupertatem nobis grauem facit, diuitias etiam graues facere potest.*

*Epist. En-  
chirid. c. 10  
Sen. ep. 17.*

*Tristitia  
deponenda  
quod reme-  
dio inutilis.  
Ouid. re-  
med. amor.*

Verum porro est, immensos ab homine labores haud suscipiendos, nisi ut inde utilitas aliqua, quies, vel aliud emolumentum compareatur: quorum gratia acerba quæque sæpius æquis animis toleramus.

*Sæpe tibi succos, quamuis inuitus amarus,*

*Æger, & oranti mensa negata mihi.*

*Vt corpus redimas, ferrum patieris & ignes;*

*Arida nec sitiens ora lauabis aqua.*

Quamobrem si modo hæc sui afflictio, quam tristitia paret, malum, quod nos male habet, propulsare aut lenire quaqua ratione posset: aliquid fortassis dolori concedendum: neque eiusdem perperatio omnino inutilis censeretur: acerbitas enim eius, incunditate tandem compensata, stipendium haberet. Verumtamen si lancinatione hac apostema foras non emittatur, si interna viscerum corrosione noxius humor haud excernatur, si admissio dolore nihil mali inde euitetur: sed potius damno & iacturæ accessus fiat detrimenti: tunc quasi dirus euentus satis non esset ex se ad inligendos aculeos: ungues nostros adhibemus ad laniendam comæ & genarum, ad deuastationem nostri immaniissimam: inutilis profecto iste dolor, imo insanus. Potius maturo naturæ conflictatæ remedio aliquo succurrendum: quærendæ causæ, & rationes lætitiæ, & cum nautis contratio vento remorum impulsu & inflexione ve-  
lorum



lorum resistendum: ni simul duplici bello, eoque dispari externo & civili, configere velimus.

*Pulsant exterius diuersis motibus hostes:*

*Intus civile est & sociale malum.*

*Prob. in  
Epigram.*

Pernici volatu alarum præda inhaerentem accipitrem volucres fugiunt: cerui rabidos canes, cursu quamcelerrimo silvarum densa petentes, declinant. Omnia denique animalia insita ipsis vi, contenta opera, summoque studio ea auersantur & euitant: quæ norunt incommoda: solus homo immodico dolori cedens, sibi ipsi ferus & truculentus reperitur: infestis enim facibus propria adurit latera, animum suum torquet, corpus versat, macerat, & omni conficit exeditque molestia. Vt enim ait victorinus: *Superbia auferit homini Deum, inuidia proximum, ira seipsum.* Et scriptura: *Sicut linea vestimento, & vermis ligno, ita tristitia viri nocet cordi.* Præter hunc etiam cruciatum, quem corpori adfert tristitia, aliud quoque est inde grauissimum malum inuectum: nimirum quod ex ea causam ansamque malus daemon plerumque arripiat pelliciendi nos in flagitium. Tunc enim ad offensionem & errorem procliuiores sunt homines, quando obruti tristitia desperare animumque incipiunt abijcere: quod luculenter testatur D. Basiliius; *Nimis autem tristitia author peccati esse solet, cum meror mentem submergit, consilij inopia vertiginem affert, penaria cogitationis inquietum animum generat.* Rectissimum idcirco videtur consiliû Thucididis. *Quæ à Deo necessario, quæ ab hoste viriliter ferenda sunt.*

*Vicior. l. 2.  
de sacram.  
part. 13.  
cap. 10.  
Pron. 25.*

*Tristitia  
causa ten-  
tationis.*

*Basil. ho-  
mil. 12. de  
meror. &  
trist.*

*Thurid. lib.  
11. in orat.*

*peric.  
Virtutis  
opinio tri-  
stitia mo-  
deratur.*

Quod si illas rationes in mentem reuocauerimus, quæ nobis ostendunt quam præclarum sit, viroque dignum plane, magnitudine animæ mala omnia perferendo superare: & æquabili mentis statu inæqualitatem fortunæ moderari: firmissimum inde statuatur præsidium contra omnes fluctus & impetus aduersitatum. Quemadmodum enim virgula Mercuriana, in aurû cuncta mutauit, quæ semel attegit: ita quodcunque in viri fortis pectus impactum fuerit, in eius emolumentum huius virtutis scepro vertetur. Vnde Augusti imperium laus effusum videtur magnitudine animæ ipsius, quam terrena potestate: qui despectui habuit ipsi à nepharijs illatas calumnias, illasque irrisit, tantû abfuit uti doloret. Quocirca cum Tyberius illi referret, vulgi dictarijs imperiale nomen proscindi, respondit: *Ætati tuæ, mi Tyberi, noli hac in re indulgere, & nimium indignari quemquam esse, qui de me male loquatur: satis est enim si hoc habebimus, ne quis nobis male facere possit.* Alexandri quoque illud celebratur, βασιλικὸν ἔστιν, εὐπρόιοντες καὶ ἀκῆεν. Regium est, beneficientem male audire. Quo pacto fortitudo istæc diademate

*Sueton. in  
August.  
cap. 51.*

FFf 2

altior,



altior, omni vi robustior, ipsisque fallacijs subtilior. Adamantina quidem durties, hircino sanguine illita, mollescit & frangitur: fortis autem animus, cum ad illum omnia appulerint, infractus manet: Salamandræ instar, in medijs ignibus reuiuiscit, & tanquam quadratus lapis decedens in planum, continuo erectus consistit.

*Præuidentia tristitiæ temperat.*

*Senec. ep. 77.*

*Cedren. in Cir.*

*Tristitiæ causa plerumque non diuturna.*

Neque parum faciet ad animæ firmitatem, si præuisam mentem habeamus illam volubilitatem fortunæ, varietatemque humanarum rerum. Plerumque enim doloris ea causa penes nos statuitur: quod nobis, quasi contra rerum ordinem, mala aliqua euenierint: unde excitata admiratione ex inopinato euentu, postmodum in tristitiâ procliui cursu deferimur. Ceterum vero intelligentia animi omnes casus explorati si fuerint, antequam contingant, animum paratum instructumque consilijs inuenient, cum in quempiam inciderint. *Præcogniti mali* (inquit Seneca) *mollis ictus venit; ideo sapiens assuescit futuris malis, & quæ alij diu patiendo lenia faciunt, hic lenia facit diu cogitando.* Liquidum autem est omnia, quæ nunc retinemus, nullo ferme fundamento subsistere, sed ad quemlibet statum vacillare; paleæ sunt, & fortunæ ludibria. Perpetua non est spiratio felicitis auræ, nec semper atro nimbo cælum inuoluitur. Sed quemadmodum annus æstate hyemeque inuicem succedentibus constat: ita humana vita prosperitate & infortunijs alternatim moderatur. Cyrus persarum Rex (ut narrat Cedrenus) superba elatus victoria, captos reges currui suo æquorum loco aptauit; atque eorum nixu seruili admodum trahi solitus. Dum autem quodam tempore plures operi intenderent incurui, illorum vnus oculos sæpius reflexit ad rotam vehiculi: quod cum deprehendisset Cyrus, facti rationem ab eo postulauit, & quidnam in illa rota animaduerneret, ab illo quæsiuit: cui captiuus; rotæ volutatione à me inspecta, vicissitudinem rerum humanarum contemplor Ciri: & tu qui iam in solio sedes imperator, immunis prorsus non es à descensu, lapsu, aut ruina: neque ego iugatus modo, & ad terram ut vides depressus, spe prorsus vacuus sum euadendi ad meliora. Quo dicto iussit imperator illi loras solui, & in currum subuectus eius socius consedit. Non deponat idcirco animum, inopia aut vlla calamitate extenuatus. Graue est, quod sustinet, at non perpetuum. Imitari idcirco debemus agricolas, qui terræ semina mandant, non imbres, non niues, non damnum cogitantes, sed intendentes solum in futurum emolumentum: ita incurrente in nos aduersitate, respiciendum non est ad erumnâ præsentem, sed spe melioris euentus erigendus animus, & ad ea quæ ventura sunt prospera, grata iucundaque expectatione transferendus.

*Explicit*



*Explicantur aliquot aliæ rationes, quæ contra tristitiam, ex quacunque ortam calamitate, maxime ex damno rei temporalis, infamia, aut morte, animum munire ac roborare possunt.*

## CAPVT XVII.

**S**I patris ferientem manum emollito patientique animo sustineat filius, quod sciat benignissimi progenitoris correctionem esse, non iniusti tyranni crudelitatem: profecto cum ex diuina cura, quam erga nos gerit clementissimus Deus, (quocumque arctiori vinculo propinquitatis naturalis copulamur, quâ cum quolibet alio parente) acerba omnia euentiant, incidantque in animos aut corpora: nobis debent esse tolerabilia, si non grata, & suauitate plenissima: neque exinde solum quod virtutum emolumenta adferant, verum etiam quod diuinæ providentiæ, in quam nullus error, nulla iniquitas incurrere possunt, effecta sint & impressiones. Si enim sigillum aureum, quod accurata incisione elegantem aliquam suscepit formam, in cera deforme non relinquit simulachrum sui, sed parili elegantia elaboratum: manus Dei, quæ ipsa est æquitatis regula, distorta à ratione recta, præpostera, inuersa, factu turpia operari nequit aut effingere: sed quæcunque demum efficiet, ea consona erunt primæ & deputatæ intelligentiæ: proinde pulchra, aspectu digna, præstantissima. Quocirca aduersa quælibet, quæ Dei opificio existunt, nihil tetri aut trucidis habent, quæ nobis doloris sensum eliciant: quin potius considerantes ea in ipsum Deum, vti authorem, recurrere, optima videbuntur: quippe diuinis rationibus consentientia. Quæ in re leniter nimis de providentia Dei disputans Clemens Alexand. sensisse existimatur; qui bonorum afflictiones, eorundem cruciatus atque martyria repellere videtur ab effectibus diuinis, putauit forte clementi benignitatisque numinis hæc acerbiora repugnare, vel si quis mauult, adiunctam iniquitatis labem, quâ illatam sibi habent, quorum opera existunt inique, considerans, ea exemit ex numero effectuum à Deo, permissionem tantummodo eisdem attribuens, quod diuinitus non impediuntur. Sic vero ipse loquitur: *Neque enim Dominus passus est voluntate patris, nec qui patitur persecutionem, eam Dei voluntate patitur. Et deinceps: Restat igitur ut breuiter dicamus, ea quæ sunt huiusmodi, euenire Deo non prohibente. Ceterum haud in disceptatione modo*

*Mala à Deo, idcirco lenia ferenda.*

*Clemens Alexand. Strom.*



*Amos 3.*

venit inter Theologos : quin certo definiendum, cuncta, in quibus noxa culpæ non reperitur, Dei effectione fieri ac existere. *Sierit malum in ciuitate, quod Dominus non fecerit ?* Ipse etenim aut in scelerū vindictam pœnas incurit malis, vel ad incrementum virtutis, optimos quosque aduersis ferit ac pulsat, idque manu sua. Cui idcirco Deus charus est, eidē molesta ea esse nequeunt, quæ eius nutu ac imperio contingunt. Nam sicut in se diuinum Numen fontem quendam bonitatis habet, cuius intuitu ferrea etiam pectora ad eius amorem incitantur : ita quæ externa emanatione ab ipso prodeunt, quod causam optimam perfectissimamque sortiantur : cum æquissima tum amabilia censerī debent : puræ enim limpideque scaturigines turbatum & fœculentum liquorē in canales & elices non effundunt. Si enim opus aliquod pœnes nos effectum ab amico iam absente ideo nobis gratum sit, quod eius memoriam, quem diligimus, sæpius refricet : quomodo non ardebit quælibet exustio, aut vulnus etiam, quibus ad sui cogitationem nos Deus excitat, & quasi impacta alapa nos sui nostrique commonet officij ; ac si diceret : in me respice, à quo vultum auertis ; mei sis memor, cuius obliuionem suscepisti ? Verum quidem est, nos tarditate cogitationis nostræ præpeditos, mente adsequi non posse semper causas, ob quas in particulari sæpius cœlitus acerbitate aliqua excipimur : tamen cum in vniuersum intelligamus, iubente Deo statutum ac decretum, æquum iustumque transcurrere non posse : Credendum omnino à diuina mente perpeffioni præfixum esse aliquem finem, qui cum ipsius honori, tum nostræ quoque commoditati, aptissime consentiat. Hæc sane meditatio non solum incussum malum efficiet leuius, quin imo plurimum iuuabit, vt penitus propulsetur. Quemadmodum enim puer à patre castigatus, si miti animo prima verbera perferat, & (quod faciunt quam plurimi) virgam ipsam deosculetur, paternum animum ad indulgentiā inflectit, ac in lachrymas soluit : ita cum viderio Deus nos cum Psalmista in flagella esse paratos, ipsamque erumnam ac spinam diligere, quod ipsius manu nobis infixam : iracundiæ suæ absque dubio non patum remitteret : imo benignitate effusus in colulum ruet ad ipsius genua deuoluti. Cruorem ictus eliciunt, fateor, sensus diuexant cruciatus, haud inficiaseo ; tamen si manum illam splendentem ac pretiosam cœlo protensam intueamur, cuius vi nobis inferuntur, amabilis quædam supplicij species oculis obuersabitur, ac fauo mellis absynthij acrimonia temperabitur.

*Psal. 37.*

Quod si dura omnia & acerba, quæ in nos immittit Deus, nostra utilitatem spectent, & quasi nobis aperiant amplissimum campum, in quo



quo nostra virtus liberius excurrat : quæ tandem obsecro causa queri-  
 moniæ supererit, aut muliebris complorationis ? In hac etenim lucta  
 & concertatione, quam humana vita proficitur, non certatur de pos-  
 sessione fundi, de orōis imperio, nō de nominis gloria, non de cumulis  
 diuitiarum : quæ omnia tanta contentione merito indigna reputan-  
 tur : qui enim horum cura distinentur, iudicio Diogenis similes sunt  
 pueris, in foro litigantibus, ac pugnis sese inuicem impetentibus, rei  
 ludicræ causa. Sed hic agitur de virtute, naturæ nostræ vnico orna-  
 mento, atq; industriæ præmio singulari. Quamobrem si modo ad hanc  
 virtutem comparandam acerbi casus & infortunia multum opis adfe-  
 rant : deprædicanda absq; dubio diuina in nos cura, cum tanta clemē-  
 tia coniuncta, optanda potius calamitas, cuius accessu fœces ac stipu-  
 læ inanes absumuntur : splendor vero, decus, ac momentū animæ pro-  
 bantur atque comparantur. Patris erga liberos amor cōmendatur, &  
 maternæ affectioni vel teneritudini merito præfertur. Pater autem  
 durus & austerus nonnunquam suis apparet, increpationibus assiduus,  
 illis in memoriam sui officij cogitationem reuocat, ardua, difficilia  
 effectu, quippe ad famam & celebritatem comparata, illis præcipit, do-  
 mi eos lentescere aut otio luxuque defluere non permittit. Mater  
 autem contrarijs prorsus intenta studijs, ita erga liberos ex animæ  
 quadam impotentia afficitur : vt cupiat illos in segnitie ac delicijs con-  
 senescere, parietibusque includi : timens ne ventorum flatu abripiantur,  
 aut traijciantur inclementiore spiramine. Deus autem patris mu-  
 nere erga nos fungitur, proinde quos præcipua beneuolentia prose-  
 quitur, eos foras educit in campum, in arenam : instar aquilæ, pullorum  
 suorum apertos oculos soli recta exponit, rerum aduersitate cingit, ac  
 prouocat ad volatum : patris loco est, qui nostram quærit gloriam  
 atque emolumentum. Quod prudenter sane animaduersum est a Se-  
 neca. Nemo autem est, qui non videt asperitatem fortunæ ad virtu-  
 tem multum conducere. Hac etenim ad blandientes, molles, & in-  
 fractas voluptatum cantilenas aures veluti cera obferantur, mens ad  
 Numinis subsidium implorandum sursum excitatur, concupiscentiæ  
 fomes comprimitur, noxijs cupiditatibus animus liberatur, nqui &  
 labes vitiōrum absterguntur, nitida demum inde animæ facies  
 collucet. Abrahamum patriarcham veneror : at hunc extulit exi-  
 lium. Iosephum castissimū admiror : Ægyptiaco verum carcere decus  
 est indeptus. Supremum in terris pastorem suspicio Petrum : hunc  
 lachrymæ & fletus abluerunt. Paulum gentium doctore deprædico :  
 ad terram prostratus impius, surrexit pius & Apostolus. Quare cum  
 homines

*Aduersa  
res nobis  
commodæ.*

*Plutarch.  
lib. de virt.  
Moral.*

*Dent. 32.*

*Senec. lib.  
de tranquill.*



homines intorpuerint, & in vtramque aurem (vt dicitur) voluptatibus dediti indormierint: nihil eos ita ad diligentem sui curam prouocat, aut denuo ad virtutem informat, atque immissa tribulatio: veluti si ruentis domus fragor, & partium collisio strepens, desidiose intus dormienti somnū excuterent. Atque huc spectant omnes clades, quibus Christi Ecclesia conflictatur: vti nimirum dissectis dissipatisque cineribus, carbones latentes obreſceſque candescant magis: & vt lima auro rubigo abraſa pereat, atque metallum inde purius remaneat.

Cyp. lib. de  
lapsis.

Hanc quippe causam aduerſorum caſuum adſignauit D. Cyprianus. Dominus probari ſuam familiam voluit, & quia traditā nobis diuinitus diſciplinam pax longa corruerat: iacentem fidem, & pene dixerim dormientem, cenſura celeſtis

Vexatio dat  
intellectū.  
Apoc. 8.

erexit. Stella illa, quā in Apocalypſi Theologus abyſynthium nuncupauit, aduerſitatem ſignificat. Eſt quidem abyſynthium herba amara admodum & inſuauiſ: oculis tamen expurgandis ſalubris valde. Ita vexatio iſteſ ſenſui eſt ingrata, rationem nihilo ſecius, mentis oculum ſerenat, & erroris cecitatem fugat. Ita Iosephi fratres, cum acerbicatem iniquā & aduerſā fortunā perſenſiſſent, ſenſus ipſorum ac intelligentiā puriores effectā, culpam ſuam quantocius agnouerunt. Merito

Gen. 42.

hæc patimur, quia peccauimus in fratrem noſtrum. Nemo itaque milicem, cui animus adeſt generoſus, lamentabitur, aut de ſuo conqueret imperatore, ſi ad ſtationem ab ipſo periculis vndique obiectam deſtinetur. Hinc namque militaris gloria acquiritur, virtusque probata illuſtrior euadit. Ita nullus, niſi animo fuerit proſus ignobili & abiecto, ægre moleſteque feret ſe varijs iniquā fortunę caſibus obiacere: quandoquidem huiusmodi euentuum rigore occaſio ipſi offeratur pulcherrima exercendi virtutes. Quare (vt inquit Seneca) Peſſimus eſt miles, qui ducem ſuum gemens ſequitur. Hanc itaque perſequeutionem recte appellat Tertullianus ventilabrum Dei, in area diſſipans paleas: ſcalam etiam Iacob, qua ad cēlos aſcenditur.

Sen. lib. de  
tranquil.

Tertul. lib.  
de fuga.

Perſ. cap. 2  
Ouid. lib. 1.

de Pont.  
Proſper. in  
epigram.

Sæpe creat molles aſpera ſpina roſas.

Et curat medicus vulnera vulneribus.

Ad veniam tendunt iuſti, pia verbera regis.

2. Cor. 12.

Chryſoſt.  
homil. 4. ad

pop.  
Tribulatio-  
nis bona,

Virtus (vt inquit Apoſtolus) in infirmitate perſcitur. Non igitur (vt admonet D. Chryſoſtomus) conſciamur præſentibus malis. Si enim peccata habeamus, deſtruentur & comburentur facile per tribulationem: ſi vero virtutem habeamus, illuſtraris & elucidaris ab ipſa. Quare vt multiplicem vtilitatem ex aduerſitate ad compendium reuocemus: iuuat hæc imprimis ad animæ excitationem in Deum. Quando enim acerbæ fortunæ oneri ferme ſuccumbimus, diligentius tunc diuinitus auxilium dimittendū imploramus.



ramus. Atque humana ope destituti, oculos matrore plenos ad cælum studiosius eleuamus: quemadmodum & nauta intempestiua nocte, fluctibus iactatus, auulsusque ab omni portu longius, stellam illam superius defixam contemplatur: nihil inferius intuens, vnde subsidium acquirat. Porro fastū reprimat ac coërcet infortunium. Videmus namque nos occurstantibus malis vndique patere, ac eisdem facile superari posse, imbecilles esse ad sustinendos imperus hos aduersitatum. Proinde modice de nobis ipsis sentimus, aliena ope ita ad omnem motum aduersum indigentibus. Materiam quoque libidinis absomit tribulatio. Carnem mentemque seculenta liberat colluione. Et vt non prius in fornacem iniectum aurum extrahitur inde ab artifice, quam probe ac sincere fuerit expurgatum, omnesque adgestas sordes penitus consumptas viderit: neq; citharedus tensionē nerui remittit, quousque aure senserit ad concordiam debitumque reductum sonum: ita Deus aduersis casibus nos ferire non desinit, quam diu in nostris flagrat nociua cupiditas animis: aut cessat carnem durius tractare, eam menti rebellem esse despiciens. Nullus quidem bonorum ab hac lege exemptus. *Omnes enim (vt inquit Apostolus) qui pie volunt vivere in Christo Iesu, persecutionem patientur.* Quod quidem significasse arbitrat D. Amb. flammeū illum gladū, pro paradisi porta angeli manu vibratum: quasi nemini in cælum pateret ingressus, nisi quem aduersitatis ignis attigerit atque exusserit. Quocirca inter beatitudines prima recensetur paupertas, qua rerum ac substantiæ familiaris fit amissio atque iactura. *Beati pauperes spiritu.* In quem locum hæc disserruit D. Ambrosius: *Inde incipit beatitudo iudicio diuino, ubi avaritia assimatur humana.*

2. Tim. 3.

Ambros. in

psal. 38.

Gen. 3.

Math. 5.

Ambros. in

6. cap. Luc.

Nihil autem ita dolorem adferre videtur, aut infortunij aculeos exacuere, atque illa aduersitas, cuius causam nobiscū inquirentes, minime noticia nostra adsequimur: vel quando nobis insontibus quidpiam acerbi accidisse reputamus. Proderit idcirco ad mitigandā hanc acrimoniam, altior factorum à nobis repetitio atque cōstimatio: vt intelligamus Deum, alioquin proum ad benefaciendum, crimen plerumque aliquod nostrum impulisse ad vindictam. Si namque celebriores orbis clades animis atque intelligentijs percurramus, quibus integra imperia conciderunt, occurrerit nobis peccatum, quod immani quadam vi omnia illa euerit ac pessumdedit. Peccatum inquam naturam humanam obstinata defectione corruptit primū, ac propemodum perfregit. Idem miserijs vniuersum mundum infinitis cooperuit, terram corporum strage constrauit, Tartareos recessus improborū ruinis

Causa tristitia inuentia, quæ plerumque est peccatum, leuamen adferet.

G G g

repleuit,



August. in  
Psal. 58.

Gen. 4.

Gen. 18.

Iudei casti  
gati prop-  
ter peccata  
Machab. lib

1. cap. 1.

Machab. lib

2. cap. 7.

Ioseph pro-  
log. lib. de  
bello. Iud.

3 Reg. 2.

Hieron.

ep. 48.

Persequa-  
tio Ariana  
propter pec-  
cata.

Athanas.

ep. ad solit.

Greg. Naz.

orat. de

pace.

Gothica

persequa-

tio propter

peccata.

Hieron.

epit. Nepot

Ambros.

serm. 85.

Vandalica

perse-

quutio

propter

peccata.

Saluian. lib

de Iudic.

repleuit, amœna illa calorū spatia denudauit. Vnde D. Augustinus  
Omnis iniquitas parua magnaue sit, puniatur necesse est, aut ab ipso homine pœnitēte,  
aut à Deo vindicante. Hominum culpæ clementissimum Dei, vti parentis  
vultum, in Iudicis seueram, minacem, toruamque frontem demuta-  
runt. Ita innocentis Abelis effusus in terram sanguis, pœnas fratricidæ  
infligendas ingenti quodam clamore ab ipso Deo postulauit, & è cœlo  
tandem in impium deuocauit. Infamis illa Sodomorum turpitudine  
ad cœlos vsque quodammodo excreuit, ignesq; elicuit inde, in flagitio-  
forum capita deuoluendos. Quid obsecro Iudeorum genti exter-  
minium, nobilissimo templo excidium intulit, an non peccatum?  
Antiochus Hierosolum cepit, cladem tamen ipsorum flagitia ante-  
uerterant. De quibus dicitur: In diebus illis exierunt ex Israel filii iniqui, &  
suaferunt multis dicentes, eamus & disponamus testamentum cum gentibus, quæ cir-  
ca nos sunt. Veramque causam deualtationis Machabæus ille indicauit:  
Noli frustra errare, nos enim propter nosipsos hoc patimur, peccantes in Deum nos-  
trum, & digna admiratione facta sunt in nobis. Simile quid sub Tito ac Ves-  
pasiāno Imp. Iudeorum extirpationem ferme ac internecionem  
procurauit. Eorum etenim mores ita descripsit Iosephus: Ipsis autem  
indigenis ad quæstum quidem ac lites ora patent. Sacerdotes vero (vti in libris  
regum narratur) stupra exercebant in ipso templo. Propterea scele-  
rum laribulum, euersum fuit hostili manu, flammisq; deualtatum: vti  
etiam D. Hieron. adnotauit. Propter vitia sacerdotum, Dei sanctuarium desti-  
tutum est. Ariano gladio orthodoxa fides ferme concidit, atque orbe  
propemodum exulauit terrarum. Delicta tamem quorundam homi-  
num furores illos excitarunt, atque primum inuexerunt: vti testa-  
tum reliquerunt adsertionibus suis Athanas. & Greg. Naz. Gothica  
barbaries Romano infesta imperio, sceleribus euocata, congelatas fri-  
gore horridasque sedes deferuit natiuas, & in florentissima orbis arua  
atque emporia inuolauit armis: sanguine & tabo omnia fœdauit. Sed  
vt inquit D. Hieron. Nostri peccatis, barbari fortes sunt, vtiq; Romanus exers-  
ritus superatur. Cum etiam ciuitas Mediolanensis ad incurſionem hanc  
Geticam trepidaret, ciuesque de fuga capeſſenda deliberarent: istis  
D. Ambrosius eos commonefactos esse voluit: Ciuitati non nisi propter  
ciuium peccata inferitur excidium, desine ergo peccare, & ciuitas non peribit. Quid  
fugis patriam? si vis saluus esse, tunc potius peccata subterfuge. Si tu peccare desie-  
ris, victus est inimicus. Vitæ turpitudine, quæ Aphros dehonestarat, infinita  
illam turbam ac fœcem Vandalorum in ipsorum fines induxit:  
vt lugubri hystoria posteritati consignatū reliquit Saluianus. Sed neq;  
Calli, qui eorundē truculentia experti sunt, à scelere prorsus immunes  
exitere.



extitere. Ipsorum enim dynastę misera seruitute pauperes depressos ac male acceptos habuerunt. Hęc enim idem Saluianus testatur. *Quę enim sunt non modo vrbes, sed etiam municipia atque vici, vbi non quot curiales sunt, tot tyranni sunt?* Alaricus Gothorum imperator (vbi a Deo sciamus vitiorum causa malis flagellum inferri) Romam expugnatam proficiscitur. Cui obuius factus quidam monachus supplici prece barbari efferatum animum emollire accicurate orditur. Oratque vti a ceptis desistat consilijs: iniquam asserens rem esse & inhumanam, vrbs faciem sanguinis riuus ac cadauerum sanie inficere & polluere. Monacho respondit Alaricus: Neque volens hęc ipse aggredior, adstat mihi non longe a latere quidam, qui me vrget. Romę excidium præcipit. Simili modo sanctus Lupus episcopali habitu indutus furenti Attilę occurrit: quem quod ipse sciret diuinitus instigatū, ad vindictam peccatorum sumendam a nepharijs, istis compellauit. *Veni igitur Dei mei flagellum, illoque vtire, vt Deus concedit.* Tamberlanes Scythia aut eruentus crudusque grassator se orbis cladem nominauit, ab ipso Deo constitutam. Saraceni, nephandissima Turcarum progenies, Hispanias olim deuastarunt. Ceterum hispanorum scelera tantum malorum, suę ipsorum patrię conscuerunt, vix illam barbaricam efferarunt, ac ruinas omnes stragesque, quas illi immanes ediderunt, dum Dei iram concitarent, perfecerunt. Narrat quippe Lucas Tudensis, quomodo turpissimi regis VVitizę moribus inducti Hispani in flagitiosam vitam deflexerant. *Iste quidem probrosus & flagitiosus fuit, & multa nebanda & horribilia flagitia per Hispanias seminauit: & ad voluptates carnis, soluto impudicę freni, se fornicationibus malis dedit, & gentem Gothorum ad lasciuiam, luxuriam, & superbiam inclinauit.* Atque sic demum præeuntibus criminibus, turor ille Saracenicus Hispanorum gloriam propemodum extinxit. Nunc autem venio ad res patrias, atque ad domesticas accedam. Picci olim Britanniam nostram depopulati sunt, eamque funestarunt strage plusquam inhumana. Ruinę vero causam dedit vita sceleribus coinquinata, hęc sane piccorum enses distinxit, exacuit ad ictum, eorum animo: efferauit ad suppliciū. Ita enim a Oilda relatū accepimus: *Si quis eorum mitior, & veritati aliquatenus propior videretur: in hunc quasi Britannia subuersorem omnium odia telaque sine respectu contorques bantur. Et omnia quę displicuerint, deoque placuerint, aquali saltem lance pende bantur. Et mox: Et non solum seculares viri sed & ipse grex Domini, eiusque pastores, qui exemplo omni plebi esse debuerunt: ebrietate quamplurimi qua vino madidi torpebant, resoluti, & animositatis tumore, iurgiorum contentione, inuidie rapacibus vagantibus, indiscreto boni, malique iudicio capiebantur. Reflectentes cogitatio-*

G G g 2.

Saluian. l. 5. de Iudic. Ioseph lib. 9. cap. 6. Alaricus instigatus a namine, ad supplicium malis inferendum.

Pet. in catal. l. 1. c. 1. Attila flagellum Dei propter peccata.

Tamberlanes orbis cladis propter peccata.

Lucas Tud. apud Baron. tomo. 3.

pag. 641. Cosmog. Munster. lib. de Turcia.

P. Hi propter peccata britanorum a Deo excitati.

Gil. de exat. Britan.



nes nostras retro ad priora secula, fortassis veram quoque inueniemus causam perpeſſionis hodiernæ, qua acerbè admodum orthodoxi tractamur. Absque dubio flagellum peccata vltori tradidere: ne diuinam aliquis prouidentiam incuset, & non potius prauitatem nostram. Parce loquor, quod illis parcam, quorum salutem sanguine meo comparare non dubitarem. Demum vti à rebus publicis ad priuata negotia

2 Paralip.  
cap. 26.  
Iosue 1.

3. Reg. 1.

Num. 25.

Omnia mala propter  
tumultum, ex peccato bella, morbi, atque omnes quotquot nos premunt passiones. Quod cum bene firmiterq; eius animo documentum infixum esset: exilio aut quauis alia ærumna oppressus, semper hoc voce ac animo ingeminauit: Gloria Deo, omniū auctori. Quocirca posteaquā compertum habuerimus, scelerum causa nos aduersa sustinere, & iustā pro iniustis factis castigatōne commeritos: æquo sane animo omnia videbuntur toleranda. Itis enim nobis in mentem reuocat Deus obliuioni traditū officiū: ipsum peccatū, quod malū consciuit, aduersitas odibile ac portentosum constituit: spem ingerit animis, nos horrendos illos cruciatus euitaturos, modica hac pena expiatis. Fateri idcirco debemus cum D. Greg. Nazian.

Greg. Naz.  
orat. de  
plag. grand  
Psal. 29.  
Deut. 32.

Mierem. 5.

Exempla  
eorū, qui  
patientia  
claruerūt,  
afflictis ad  
ferunt sola  
men.  
Christi pa-  
tientia pres-

veniamus: quid infami illa nota lepræ impudicæ Oſiæ frontē config-  
nauit? peccatū. Quid Iosue, atq; suis septimū ab ingressu in Palestinā  
diem prope fatalem reddidit? peccatū. Quid progressum vitæ Ocho-  
siæ abscidit, & huic sententiæ subiecit: *De lectulo super quem ascendisti, non  
descendes, sed morte morieris?* Peccatū. Quid Iudaicas acies toties fugauit,  
deuicit? non hostilis manus, sed hostile peccatum: Deniq; omnia ma-  
la secum adfert peccatū. *Ex peccato* (inquit Chrysost.) *tristitia, ex peccato*  
*tumultus, ex peccato bella, morbi, atque omnes quotquot nos premunt passiones.* Quod  
cum bene firmiterq; eius animo documentum infixum esset: exilio aut  
quauis alia ærumna oppressus, semper hoc voce ac animo ingemina-  
uit: *Gloria Deo, omniū auctori.* Quocirca posteaquā compertum habuerimus,  
scelerum causa nos aduersa sustinere, & iustā pro iniustis factis castiga-  
tionē commeritos: æquo sane animo omnia videbuntur toleranda. Itis  
enim nobis in mentem reuocat Deus obliuioni traditū officiū: ipsum  
peccatū, quod malū consciuit, aduersitas odibile ac portentosum con-  
stituit: spem ingerit animis, nos horrendos illos cruciatus euitaturos,  
modica hac pena expiatis. Fateri idcirco debemus cum D. Greg. Na-  
zian. ac dicere: *Miserationes tuas Dñe, & clementiam tuam, & viscera misericor-  
diæ Dei, nostris vitijs, & conciliorū nostrorū nequitia, & peruersitate nobis præclusi-  
mus. Ira in indignatione eius, & vita in voluntate eius. Ego occidam, & ego viuere  
faciam.* Hinc etiam oriatur magna quædam animi confidentia in Deū,  
cuius Numini subnixus homo, erectus semper erit contra impetum  
doloris. Qui enim fragili arena despumantis oceani fluctus coercet,  
idem fragili carne, sua gratia corroborata, quamcunque repellat for-  
tunæ seuitiam. Ancora nostra infixā cælo, nauem tutabit à naufragio.

Recreandus præterea est animus languescens, viriditate ac flagran-  
tia illorum exemplorum, in quibus malorum tolerantiam pulcrius  
expressam licet inueniri. Sic enim incitabitur mens ad cursum quomo-  
docunque fuerit præpedita dolore. Methodum quoque traditam de-  
spiciet, sulcandi immanes hosce vortices iniquioris fortunæ. Quo in  
genere omnium excellentissime eluxit Christus Dominus ac saluator  
noster. Quem recenter natum infantulum præsepium hospitio exce-  
pit, & tate florentem dira crux extinxit, imperio orbis positum, sponte  
suscepta



suscepta paupertas ad tenuem fortunam redegit, nominis eius famam <sup>suras no-</sup>  
 blasphema ora denigrarunt, carnē flagella lacerarunt, clauis, spinis, lancea <sup>bras suas</sup>  
 vulnerarunt. Cum autem vnicornis iste pretiosum illud & saluberri- <sup>ues se. it.</sup>  
 mum cornu in aquas tribulationis iam immisserit: cur diutius onagri  
 aut bestie agri expectant in siti sua? quare easdē bibere extimescimus? <sup>Psal. 103</sup>  
 imo potius cur trepidamus, aut metu impedimur, quo minus nos in  
 illas penitus immergamus? Quis ita scelere vacuus, vt Christus? Nemo  
 tamen atrociora pertulit scelerum supplicia. Quis ita charitate ardens?  
 nullus tamen illo truculentius vinquam tractatus. Quis animæ corpo-  
 risq; teneritudine ac mollitie ita comparatus ad pœnam ac ille? ferrea  
 tamen aliorum latera, nihil vsque adeo duri senserunt. Quis simili iure  
 ac imperio amoliri potuerit à se illatas iniurias, & inuadentium im-  
 pietatem inflictiis pœnis frangere, repellere, ac vendicare? nihilosciscus  
 se abiecit ad omnem perpeſſionem: veluti si ad omnia imbecillis pla-  
 ne esset & eneruis. Quibus in vnum collatis, clare liquet, nullum vn-  
 quā in aliquo talem dolorem extriſſe, qualem in se Christus admisit.  
 Quo quidem dimissionis suę gradu Cedrus in Libano, ipsiſque ſtellis  
 in firmamento excellior, ad terram depreſſa, humiles inibi radices  
 egit, ac hyſſopus ſaxis agnata fieri voluit. Admirabilem tamen istius  
 herbulæ vim agnoscentes, qui fide colluſtrantur, sic vota ſoluunt.  
*Asperges me Domine hyſſopo, & mundabor, lauabis me, & super niuem dealabor.*  
 Neminem ingenuum duco, qui membrū cupiat eſſe delicatū, & Per- <sup>Psal. 50.</sup>  
 ſarum more molle ac tenerum sub capite ſpiñoſo. Horum aſpectus  
 mentem animabit armabitque ad fortia, ad acerba quęque tolleranda. <sup>Herod. l. 1.</sup>  
 Cauendum autem ne nobis conſiſgentibus, vlla noſtra hæc incuria è  
 memoria excidant. Si enĩ quod ſcribit Cornel. Tacitus mos inole- <sup>Cornel. Ta-</sup>  
 uit penes Romanos, certo quodam in loco vita defunctis imagines <sup>cit. lib. 3.</sup>  
 ponere, cum carminibus, quibus ipſorū virtutes deſcribebantur: iſtius <sup>Anal.</sup>  
 defuncti & pro nobis, nimirum Chriſti, viuam expreſſionem aliquam  
 nemo niſi ingratus & ſui immemor animo deponet. Delicias autem  
 aſpernabimur continenter, cogitantes de zrumnis, de ſpinis, ac iniquis  
 huius preſſuris, Maris iſtius excitati fluctus neminem terreat: Du- <sup>Matth. 8.</sup>  
 cem ſequimur, cui maria & venti obediunt. Modicę fidei Petrus quon-  
 dam calcans hoſce vortices, pauore concuſſus trepidauit & extrinuit,  
 atque quod habebat humani oſtendit: Chriſto autem manum ad ip-  
 ſum extendente, ſecuritas anxietati ſucceſſit & turbulentię. Cæſar  
 parua in ſcapha, ſe irato mari cōmittens, timidum nautam iſtis anima-  
 uit: *Cæſarem vobis, & fortunam eius, quid times?* Verum cum Chriſtus, <sup>Dis. lib. 40</sup>  
 tanquam extra ipſo mare aduerſitatū implicetur, tuto quemadmodum

G G 3

&amp; Iona



- Ion. 1.* & Ionas dicere possumus, *Proijcite me in mare*, Christus enim nos excipiens, ad littus portabit illesos. Hunc quidem omnes imitati sancti, in agonem & stadium ingressi; quorum habitum & formam ita describit Apostolus: *Alij vero ludibria & verbera experti, insuper & vincula & carceres. Lapidati sunt, secti sunt, tentati sunt, in occisione gladij mortui sunt. Circuierunt in melosis, in pellibus caprinis, egentes, angustii, afflicti, quibus dignus non erat mandus. In solitudinibus errantes, in montibus, & speluncis, in cavernis terræ.* Hos autem, in hac mole pressuræ, diuina manus sustentauit: aqua fluens ex petra, Petra autem erat Christus, eosdem perpeffionis amore inebriauit. Qua quidem aduersitate mali à bonis secernuntur: ipsi vero tanquam leues paleæ, non ferentes flatum ventilabri, dissipantur. Hi autem, tanquam optimum & expurgatum triticum, in area manent ac perseverant. *Non patitur Dominus,* (vt inquit Cyprianus) *populi sui protector & tutor, triticum de area sua diripi, sed solæ possunt paleæ de Ecclesia separari.* Et alibi: *Triticum non rapit ventus, nec arbores solida radice fundatas procella subuertit. Inanes paleæ tempestate iactantur. Inualidæ arbores turbinis incursione euertuntur.* Quid? volumusne vt triticum seruari in area Domini? quorsum tunc ventilationem refugimus. Seiungi oprabile nobis erit à perditis ac nefarijs, & Christo inharere? audiendus erit Augustinus: *Quamdiu oliua in arbore pendet, tamdiu simul est illud quod abiicitur, & illud quod seruatur: sed quando ventum est ad torcular, tunc fit separatio.*

Quod si velimus recto imperturbatoq; iudicio earum rerum momenta expendere, quarum iactura nos torquet & acerbe habet: non nihil suscepti doloris peribit: imo pudebit puerorum instar, amissis crepundijs, aërem hucusque nos clamoribus repleffe. Si diuitias infortunium abripuerit, cum illis intelligemus excidisse compedes, quibus animus constrictus duram seruierat seruitutem: & quod deinceps liber sit, ad cogitationem rerum cælestium, & expeditus plane ad honesta virtutum instituta.

*Homer. Iliad. 2.* *Nec Agamemnona regem dulcis habebat somnus,  
Multigenas versantem pectore curas.*

Dominatum fortassis aduersa fortuna deiecit. Quid tum? curas exemit, speciosum carcerem perfregit. Multi etiam prouidis consilijs ea ultro abdicarunt, quæ tu forte dimissa deploras. Memorabile illud iudicium Diocletiani, post imperium vitam priuatam degentis. Cum enim Maximianus & Galerius ipsum per literas sollicitarent ad resumendum imperium: illis rescripsit, quod si scirent ipsi herbarum ordines, quos sua manu seuerat, nequaquam de imperio iterum administrando verba facerent. Sabachus Ægyptiorum Rex, in Æthiopiam priuatus.



priuatus redijt lubentissime. Vtrū autē Themistocles duriter nimis  
 senserit de obeundo magistratu, aliarum sit iudicium. Hic (vt refert *Elian. lib. 9. l. 8.*)  
 functionem publicam oblatā respiciens, dixit: Si mihi duas  
 ostenderitis vias, quarum vna ad inferos, altera ad tribunal duceret:  
 multo lubentius ingrederer eam quæ recta ad inferos tenderet. Porro  
 quis nescius est, res humanas varijs casibus esse subiectas? tandemq;  
 aduenturum tempus, quo denudati, omnibusque expoliari, eijsendi  
 simus ad fumus? Si patria pulsi extorres per ignotas orbis oras vage-  
 mur, communem patronum habemus Deum: a quo (ni culpa nostra *August. l. 1. c. 14.*  
 intercedat) diuelli non possumus: alioquin (vt loquitur D. Augustinus)  
 miserrimum esset exilium, si eo duceremur, quo Deū non inue-  
 niremus. Male autem nonnullos habet, quod inuidientium opprobrijs  
 onerentur. Non ignoro quidem naturam hominis institutam esse ad  
 appetentiam famæ, nec eque aliquid auersari vti ignominie labem.  
 Verumtamen si ipsam solidam virtutem animis teneamus, parum erit  
 humanæ laudis vmbra carere, aut adscititijs coloribus assentationis  
 destitui. Vulgari ferme opinione innititur existimatio: quæ cum falsa  
 sepius, cum varia & inconstans perpetuo. Lingua maledica foras tan-  
 tummodo strepit, veltibus minatur, & fortunæ ornamentis: sanguini  
 aut vitæ haud infesta: quæ in virtute consistunt. *Arquo animo* (inquit  
 Seneca) *audienda sunt imperitorum conuitia, & ad honesta vadenti contemnuendus*  
*est ipse contemptus. Quid enim tibi cura est, si ab imperitis contemnaris: cum ab his*  
*laudari non est honor?* Atque ad expellendum hunc dolorem, huiusmodi  
 dilemma multum conferet. Illatam nobis calumniam culpa nostra  
 contraximus, vel aliorū moleuolentia. Si ex culpa prouenerit: tanquā  
 intentato in nos gladio, aut vibrata hasta, ita incussa opprobriæ nota  
 deterremur à vitio, quo nihil optabilius: Deo etiam quodammodo sa-  
 tisfacimus, lubentibus animis delicti pœnas soluentes: quo nihil vti-  
 lius. Sin vero externa malitia hanc labem nomini nostro intulerit:  
 fortis viri erit contumeliam tanquam plumam in nos congestam, vel  
 emissos atomos contemnere. Enimvero obscurata ad tempus veri  
 honestique facies, depulso errore sua luce non ita diu postea in  
 omnium oculis fulgebit. At grauiſſimum malum mors est, inquit,  
 humanorum casuum vltimum & asperrimum. Huius stimulos acu-  
 tissimos fateor: Nihilominus multa sunt quæ inde animo concep-  
 tum dolorem leuant extenuantque. Imprimis autem ea cogitatio  
 qua existimamus debitum esse quoddam naturæ, vt aliquando moria-  
 mur. Huic necessitati subiecti, in mundum intrauimus lachrymantes,  
 eundemque aliorum lachrymis deplorati relinquemus. E terra emer-  
 gimus

*Senec. ep. 76.*

*Mortis ma-  
lum tole-  
rabile.*



Senec. lib. de remed. fortitud. Seneca, *timere quod vitare non potes. Et alibi: Contemne mortem, & omnia quæ ad mortem ducunt, siue bella fuerunt, siue naufragia, siue grauiâ pondera. Nunquid amplius facere possunt, quam vt corpus ab anima resoluant? quod nulla diligentia, nulla potentia cuitari potest. Nam separatio corporis & animæ hominis vtramque partem suæ naturæ restituit, terræ debetur corpus, cum ex illa plasmatum fuerit, cælis autem immortalibus immortalis anima debetur. Atque alio in loco: Non est mors gloriosa, sed fortiter mori gloriosum. Quæ dementia est fugere, cum retroire non possis? Nam defluunt anni more fluentis aquæ.*

Quid. 3. lib. de art. Nec quæ præterit, iterum reuocabitur vnda.

Nec quæ præterit hora redire potest.

Quod si varias etiam ærumnas cogitemus, quibus hæc mortalis vita misere conflictatur, malorum omnium periodus & exitus mors tolerabilior multo apperebit. Corpus enim perpetuo animam vrget ad ea, à quibus proprio ingenio plurimum auertitur: vtpote ad voluptatum sordes, & erugines pecuniarum. Aestuat, & sordes atque artæ vincula recusat. Auellit etiam ipsam ab illis studijs, quæ circa virtutes & diuina occupantur: ad quæ tamen naturali quadam propensione inclinatur. Est itaque corpus hoc animæ carcer, seu potius (vt loquitur Plato, sepulchrum. Illius enim ratione animus varijs subiicitur conficiturque doloribus: morbis, infortunijs, inscitia, peccato opprimitur: quorum omnium vna curatio & leuamen mors est. Cum autem vnicuique mortalium, (inquit D. Augustinus) sub quotidianis vitæ huius casibus, innumerabiles mortes quodammodo connectentur: quamdiu incertum est, quanam harum ventura sit, quæro verum satius sit, vnâ perpeti moriendo, an omnes timere viuendo? Et post: Mala mors non est, quam bona vita præcessit, neque enim facilius malam mortem, nisi quod sequitur mortem. Vnde Thracibus (vt scribit Herodotus, funera festa sunt, natalitia vero funebria mæstaque. At inter reliqua, quæ nobis doloris omnem sensum ex morte adimunt, cælestis beatitudo, quæ morti succedit. Cuius opinionem si animis ex viuâ fide bene impressam haberemus: vnusquisque ad mortem tanquam epulas properaret. Hac etenim spe exciti quidam Indij, (vt narrat Paulus Venetus) illatis regis ipsorum ossibus in ignem, ipsi quoque se ac suos præcipitant in rogi: credentes alia in vita, amissa hæc expecturos. Cur autem mors non optatur: Quia fides deest (inquit Cyprianus) quia nemo credit vera esse, quæ promittit Deus. Exeuntes istinc necessitatis vinculo, non obsequio voluntatis, & volumus ab eo honorari, ad quem venimus inuiti. Quemadmodum autem granum, haud prius vernantem floridamque spicam attollit, quam in terra computruerit: ita immensa illa beatitudinis.

Paul. Venet. lib. 3. cap. 24.

Cyp. lib. de mortal.



dinis seges nobis non adueniet, nisi corpus in terra depositum corruptum fuerit, & in pulueres resolutum. Ad hoc premium respiciens D. Ambrosius, animo exitit confirmato & bene munito contra mortis impetum. Cum enim morbo defatigatus exhaustusque, etiamnum animam acturus: accurrunt amici, rogantque, uti à Deo longiorem adhuc vitam ardenti prece imploret. Quibus respondit: *Non ita inter vos vixi, ut pudeat me viuere, nec timeo mori, quia Dominum bonum habemus.*

Paalin. in  
vita Amb.

Atque (ut ait Cicero) turpis mors viro forti non potest accidere, neque immatura Consulari, nec misera sapienti. Cum Angli proceres Regis sui Henrici quinti diuturnum morbum grauius ferrent, & ob imminentem optimo principi mortem cum ploratione ac dolore se ipsos simul ac regem ipsum molestarentur: eos consolatus est Rex moribundus: affirmans letandum potius illis, & immortales Deo gratias agendas, quod memoria firma, in ipso virtutis cursu, cum nulla dedecoris labe anteactam vitam deturparat, ipsi esset morti cedendum. Cuius idcirco pectus diuino amore flagrat, optabit horam illam, in qua corpore exutus libet euolet ad Deum: eiusque fruatur visione. Cupiet cum Apostolo dissolui, & esse cum Christo. Tentationum incerto subduci desiderabit, ut in illius manu sit, de qua nullus poterit eum abripere. Vbi non est dolor, neque clamor, neque luctus, quo fortunæ tela aut Sarræ iacula non pertingunt. Nunquam est ille miser, cui facile est mori. Atque hæc rationum capita strictim recollecta, ad mitigandum animi dolorem disputata sufficiant.

Cicer. orat.

4. Catilan.

Grafton.

Henric. 3.

Philip. 1.

Matth. 26.

Matth. 6.

Sen. in Her.  
Oet.

*Tristitia, seu dolor, quem partem penitentiae constituunt orthodoxi, sicut & satisfactio, quæ laboriosis, sensibusque operibus admodum acerbis constat, peccato plurimum sunt infesta. Quæ autem de istis sentiunt seclarij, procliuia multum sunt ad libidinem omnemque vitæ turpitudinem.*

## CAPVT XVIII.



Vm nihil damnum aut nocumentum rebus afferat humanis, præterquam peccatum: tum optimo iure hoc solum, iustam causam secum adducit doloris & tristitiæ. Dolendum sane, terribilissimam illam commissi sceleris vim animæ corporisque fabricam deuastasse, illustrem vtriusque partis effigiem funerea labe corrupisse, denique inuasisse in ipsum Deum,

Peccatū vt  
summus  
malum,  
ita maxime  
me debile  
randum.

H H h.

Deum,



Cōcil. Trid.  
Sess 6 c. 6.  
& 7. Can. 3  
& cap. 14.  
Sess. 14. c. 4

2. Cor. 17.

Ad iustitiā  
requiritur  
motus ar-  
bitrij.  
Rom. 6.

D. Thom. 4  
cont. gent.  
cap. 72.

Deum, ingratitude beneficiorum eius memoriam oblitterasse, atque despectu quodam, ex perduellionis crimine, infesta arma supremo Numini intentasse. Quis idcirco professionis Christianæ tam ferrei peccatoris inuenietur, cuius animum pænitudo non emollit, dum serio perpendit culpæ grauioris noxam, ipsam hominis naturam ita peruertisse, eandem æterni supplicij reatu obstrinxisse: & quod luctuosius est, diuinis legibus summoque imperio restituisse? Merito idcirco orthodoxa doctrina (quam & definitio Tridentinæ Synodus stabiluit) dolorem seu tristitiam approbat, veluti quendam animæ recessum à morum turpitudine, quam delinquentes in seipsos admiserant, & aptam animæ præparationem ad excipiendam iustitiæ formam eidem diuinitus infundendā. *Ac propterea mouetur* (inquit Synodus Tridentina) *aduersus peccata, per odium aliquod & detestationem, hoc est per eam pænitentiam, quā ante baptismum agi oportet. Quæ quidem detestatio & fuga tristitiæ cōplectitur: atq; (vt inquit Apostolus) Secundum Deum est, & pænitentiam in salutem stabilem operatur.* Secundum Deum quidem, non enim temporariæ alicuius rei causa dolor istic suscipitur, qui inanis prorsus est, nihilque confert nisi ad pœnam. Sed inde oritur, quod bonum clementemque Deum offendisse cogitantes, eo nomine horremus ad memoriam sceleris: existimantes bonitati diuinæ eiusque charitati patratam culpam repugnasse. Neque enim tam languidi, relides, remissive esse debemus ad iustitiam recuperandam: vti nullo nostro motu, sed cœlesti solum influxu eam acquiri credamus. Torporem hunc somnolenti & desidiosi sectarij, non viuificante fide sua, sed emortua plane introduxerunt. Qua quidem humanæ virtutis neruos elidunt, socordiaque misere obruunt mortaliū animos. Quinimo qui aliquando exciti fuerimus voluptatis cupiditate, omniq; contentione vti, quam sensibus gratam faceremus: æquum est, vt iniquitatis arma in ipsam iniquitatem conuertamus, eodemque voluntatis nixu, quo ludicris istius mundi velificati fuerimus: iisdem tandem nuntium remittamus, & cum hostili odio bellum indicemus. Verum quidem est, ad repellendum hunc animi morbum peccato illatum, vires naturæ nostræ fractas admodum & debilitatas satis non esse: cœcurit enim intellectus ad veritatis aspectū, languet affectus ad virtutis operā: appetitus autē proclinis & rabidus ad voluptatis lenociniū. Nihilominus (vt inquit D. Thom.) *Neq; potest esse quod spiritualis curatio sit totaliter ab exteriori. Non enim restitueretur sanitas mentis, nisi ordinati motus voluntatis in homine causarentur: oportet igitur in pænitiæ sacramento, spirituales salutem & ab interiori & ab exteriori procedere.* Eandem quoque sententiam alibi persequitur.

Atque



Atque huc omnino spectant prophetarum voces, excitantes nos ad industriam, viresq; animi exerendas. *Conuertimini, sicut in profundum recessus.* *Conuertimini, & agite penitentiam. Conuertimini ad me in toto corde vestro.* Quod si nihil homines momenti conferant ad ipsorum iustitiam: imo si neq; libero inflexu voluntatis munus suum exequantur: inepto quodam sono atque inani strepitu clamores isti diuini in aëra effusi euauerunt. Neque verus erit Augustinus, dum ita loquitur: *Adiutor noster Deus dicitur, neque adiunari potest, nisi qui aliquid sponte conatur. Quia non sicut in lapidibus insensatis, aut sicut in ijs, in quorum natura voluntatem rationemque non condidit, salutem nostram Deus operatur in nobis.* Qui idcirco serio ac sedulo excitamur diuinitus ad penitentiam, fugam haud adornamus hieme aut sabbatho. Hæreticis autem hiemem facit charitatis defectus, ac amoris Dei: cuius virtute omnia florent atque pubescerent: sabbathum etiam libertas illa soluta adfert, quam ex sua fide constituunt. Vnde otio torpentes bonis actionibus prorsus absistunt.

Remedium autem istud penitentiale contra delictum in animam admissum, melius intelligitur, si duplicis rationis dolorem peccati causa susceptum, distinctius paulo explicauerimus, tractauerimusque: uti perspicuum euadat, de quonam doloris genere à nobis instituta sit commentatio. Consilium Tridentinum (quod & antiqui omnes Theologi obseruauerunt) quendam dolorem docuit esse imperfectum, attritionem autem vulgo appellant, quæ quidem criminis odium atque detestationem contineat, non tamen ex motiuo altissimo, omniumque supremo: sed sub ea ratione, qua vitium commissum sua natura ut turpe quid ac factum dignoscitur, atque ut delinquenti iuste æternos cruciatus consciscit. Quibus sane nominibus in cuiusvis sapientis odium flagitia incurrant. Ille quidem dolor, cum semper annexam sibi non habeat charitatem, tum vacat iustitia & peccatorum condonatione. Donum tamen quoddam est sancti spiritus (uti pronuntiatur à Tridentina Synodo) nobisque inditus ad exactiorem penitentiam præstandam. Si vero huic sacerdotalis absolutio accedat, interim nihil confessionis integritati detractum fuerit, satis faciet ad iustitiam, & culparum egestionem obtinendam energia sacramenti. Alius porro dolor est, multo hoc perfectior, atque ex obiecto excellentiori perfectus: qui nempe oritur ex intuitu culpæ admissæ, uti Dei offensæ, eiusque bonitati ac amicitia repugnantis: & auersio est voluntatis à prauitate hac elapsæ actionis, quatenus ea ipsi Deo displicet, ipsiusque legibus contrauenit. Quod quidem doloris genus à vera charitate atque iustitia nullo interstitio separari poterit. Nam ut inquit

H H h 2

scriptura.

D. Thom. 1.

2 q. 113.

art. 5.

Esa. 31.

Zach. 1.

Ios. 2.

August. 1. 2.

de peccat.

remiss. c. 5.

Matth. 24.

Duplex dōr

lor ob pec-

catum.

Cōcil. Trid.

Sess. 14. c. 4.

Contritio

&amp; attritio



- Ezech. 18.* Scriptura: *In quacunque hora ingemuerit peccator, iniquitatis eius non recordabor amplius.* Imo ita cum amore ipsius Dei, dolor, ille, quem contritionem dicimus, copulatur: ut à multis Theologis existimatum fuerit, vno eodemque actu utraque contineri: eo quod eandem sortiantur in obiecto rationem, ipsam nimirum Dei bonitatem: cuius causa cum ipse Deus ametur, tum peccata eidem aduersantia detestantur. Putarem tamen hæc, uti plures actus distingui: sunt enim prosequutio & fuga, quæ non minus in vnum actum coalescunt, quam affirmatio & negatio in mente, accessus & recessus in corpore. Differentias autem horum dolorum ita noster Mediauillanus similitudine illustravit: *Sicut in materialibus durum, quod non cedit tactui: & secundum philosophum frangi dicitur, quod diuiditur in partes magnas: & comminui vel conteri, quod redigitur in partes paruas: ita quadam proportionem in spiritualibus dicitur cor hominis durum, quam diu diuinæ inspirationi se tangenti non cedit, sed obuiat persistendo in affectu peccati. Frangi vero dicitur, quando à peccato recedere incipit, quamuis nondum plene ad Deum conuersum sit. Conteri vero, quando in eo totaliter destruitur affectus peccati: quod est plene resilire à peccato. Hic autem recessus quidam dolor est, non passio appetitus sensitiui, sed secundum quod dolor accipitur pro displicentia voluntatis. Constat quidem istæ tristitia animo concepta, ex interiori quodam sensu acrimoniæ, in ipsius cordis teneritudine, & celeri fuga ab iniquitate. Redundat etiam nonnunquam in appetitum, corporisque habitum: dum præstet, ut Niniuitarum instar, non solum rationalis pars, quæ principatum tenet, verum etiam huic subiecti sensus doloris cruciatus perferant; cinere artus conspergens, & sacco induens luctuoso. Ad quod nos hortatur propheta: *Projicite à vobis omnes iniquitates vestras, in quibus præuicati estis, et facite vobis cor nouum, & spiritum nouum.* Quemadmodum enim testacea vasa, si oculis figuli minus satisfaciunt, eius manu allisa ad terram, in minutissimas partes proteruntur: ita cor humanum labe delicti inquinatum, rectoque aspectui ingratum, doloris affectu conteri debet, lachrymisque macerari: ut ardore charitatis, veluti alicuius fornacis calore, meliorem denuo formam excipiat. Operam suam in huiusmodi instituto testatus est propheta David: *Laboravi in gemitu meo, lauabo per singulas noctes lectum meum. Recogitabo tibi omnes annos meos in amaritudine animæ meæ.* Atque iste dolor est, quo iustitia charitatis comparatur.*

*Quid heretici de contritione sentiunt.* Apagite. Impostura. Vociferantur sectarij. Modo operum stipendium, utpote eorum proventus, ab istis iustitia decernitur. Hunc penitentia exitum esse volunt Romani: quem gratis omnino delinquentibus impertiri, passim sacra docet pagina. Sed qui ita strepitum editis,



editis, nugarum buccinatores: existimat sine absque vestro prorsus con-  
 nixu motuque omni voluntatis, sanctitatis ornamentum vobis de-  
 super concedi? quorum tunc fides & voluntas credendi? quæ ad ius-  
 titiam exigere videmini? Fides, dicitis, donum Dei est, quæ diuina pro-  
 missa apprehenduntur: Romanorum vero contritio fidem non re-  
 quirat, neque gratiæ auxilium, sed diffidentiae quidam effectus, carni  
 brachij subsidium est, quod multum cruci Christi derogabit. Pudebit  
 vos tandem aliquando mendacij, credo, & confictæ calumniæ. Dolo-  
 rem qui odium peccati continet, utpote Dei offensæ, dispositionem  
 statuimus ad iustitiam recuperandam: sed hunc fidem præcedere do-  
 cemur: cuius indicatu voluntas excitatur, ut se contritione moueat  
 in peccatū. Cum enim fide constiterit patratum crimen, hominem  
 reum constituere æterni supplicij, Deo iniunctum reddere, acerbissimæ-  
 que eius vindictæ exponere: subinde paratus est animus (& merito  
 quidem) ad odium tam truculentæ noxæ. Statuit porro Concilium  
 Tridentinum, ad hanc contritionem nos diuina gratia prouocari, ipsa-  
 que fide adiuuari. Priusquam enim homo suo affectu dolori consen-  
 tiat, allicitur, & exstimulatur pia à Deo iniecta cogitatione: atque  
 gratiæ virtute corroborata voluntas, hunc tandem dolorem exprimit.  
 In duobus autem discrepamus ab hereticis. Illi vna fide iustitiam  
 comparari adstruunt: nos fidei contritionem addimus & charitatem:  
 istis posteriorem iustitiam affirmantes. Illi penitentiam omnem &  
 amorem Dei actus necessarios dicunt, nos vero liberos: ea tamen li-  
 bertate, qua donauit nos Christus. Sed de istis alias: iam orthodoxi  
 dogmatis puritatem cum gementibus columbis, & iuxta fluentia re-  
 sidentibus, contemplabimur. Nihil quidem peccato coinquinatius,  
 ita nihil discessu voluntatis ab eodem nitidius aut illustrius cogitari  
 poterit. Hac de causa Angeli, sinceri illi spiritus, Sodomitica hospitia  
 exhorruerunt: quod latibula essent scelerum, & turpitudinum cloa-  
 cæ. Imo ut notauit Philo Iudæus, in apertis potius campis voluit  
 Deus viuendi leges hominibus tradere, quam in confertis turbis ciui-  
 tatum: propterea quod illis temporibus innocentia agrestis esset, ini-  
 quitas vero, urbana. *Primum quidem quod ciuitates inquit quæ plures malis, de quibus  
 dicere reformidat oratio, impietate erga Deum, iniustitia erga se mutuo redunt  
 dabant.* Hominis idcirco est à delicto tanquam à serpente statim diffu-  
 gere. Quam quidem mentis auersionem, uti Deus hominibus notio-  
 rem faceret: quorundam animalium esum Iudæis interdixit: eorum  
 nimirum, quæ speciem aliquam exhibent feditatis, rapacitatis, aut se-  
 uitæ. Similiter ex præscripto legis, illis cadauera contingere nefas:

HH h 3

quo

Concil.  
 Trid. Sess. 6  
 cap. 6. &  
 Can. 3.

Gal. 4.

Cant. 1.

Peccati res  
 horrenda.  
 Gen. 19.  
 Phil. lib. de  
 10. præceptis.

Peccati cau-  
 salitatem 6.  
 cibi vetus.



Leuit. 11.

Leuit. 17.

Effectus  
contritionis

Gen. 22.

Psal. 90.

Peccati ma-  
lum deplo-  
randum.

Isa. 1.

Esa. 34.

Psal. 10.

Hierem. 1.

Quo intelligerent quanta cura deberent à vitijs resiliere, & ad virtutes expeditum receptum habere. Verum post admissum crimen, ab eodem summa vi & mentis concitatione, dolore contritionis discedimus. Quæ quidem acrimonia intus corrodens, ingestam ex voluptate delicti bilem vel purulentiam foras eijcit. Similiter flamma est, fæces stipulasque vitiorum absumens. Recolligenda itaque strues lignorum, conquisitis nimirum varijs exquisitisque rationibus doloris, & collo humili sui dimissione imponenda: vt cum Isaac ad sacrificium spiritus contriti accedamus. Cogitemus idcirco, quantam perniciem patratum crimen nobis intulerit: quomodo naturæ nostræ speciem & florem corruperit, intellectum ab intuitu rerum cælestium deprefferit, in errores compulerit, vim illam mirabilem voluntatis rebus fluxis sublimiorem deiecerit, perfrugerit, appetitum rabidum efferatumque extulerit: à vertice denique capitis vsque ad plantam pedis in nobis non reliquerit sanitatē. Anima sane peccatis infessa, latibulum scorpionum euadit: quæ Dei sedes ipsiusque spiritus sacrarium esse deberet, eremus est, onocratilis, onagris, struthionibus efferata: quæ aliquando Ierusalem, nunc Satanæ emporium: vbi nefarius ille facibus suis animum continuo vrget ad crimina, pessimarum rerum obiectu cogitationi illudit, prauis iniectis motibus appetitum irritat: & vbi aliquando suauissima fumigatio ex bono aliquo opere profecta in altum efflata erupit, ibi nidore pedoreque omnia referta. *Ignis, sulphur, spiritus procellarum pars calicis ipsorum.* Ieremias ad excidij conspectum templi, gentisque suæ, ita dolorem in intimos animi recessus & pectoris adita dimiserit: vti consolationem omnem foris in subsidium laborantis animi allatum respueret, diceretque: *Sinite me lugere, ne conamini me consolari.* Quanto acriori morfu illi mens affligenda, cui non templum, cum arca, aut aurea phiala deflagrauit, sed thronus ipsius Dei, eiusdemque viua expressaque imago concidit, defloruit, deperijt? Mox erigendus animus in Deum, & sicut solis radio obiecta cera liquata defluit: ita cor humanū in diuinā directū bonitatem mollescet, ex terreo carneū, ex indurato fluidū euadet. Quis enim indigne non feret, selementem adeo parentē cōmisso scelere offendisse, in iram eius grauē impigisse? Si namq; sanguine nobis coniunctos, societate vitæ deunctos, beneficiorum magnitudine obstrictos, piaculum sit aut verbo irritato, vel quopiam iniquo facto lacescere: quanto erit atrocius, Deum optimum & maximum, in quem parentis affectus, socij facilitas, amici benignitas conueniunt, prauis moribus, & suarum legum transcurso ad vindictā igne & flabris nostris concitare? Quid iniustius quam de-  
linquere:



linquere in tam bonum vitæ autorem, & eiusdem pijsimū tutorem? An non è sinu suo vnicū & vnice dilectū filium ad nos dimisit, cuius morte & cruore cum peccati redemptionem perfecit, tum eiusdem grauitatem detexit, quæ nisi eiusmodi sacrificio, in quo rerum omnium lumē cum summo dolore offerebatur, expiari non potuit? Delicta quidem nostra illum traxerunt ad terras, supplicio & interuicini addiderunt. Quanto iam atrocius veritate tanti mysterij agnita, remissione peccatorum eius sanguinis effusione peracta, tantam gratiam reditu ad volutabrum aspernari, conculcare? Si ingenitæ nobilitatis aliquid retineat anima, nondum extinctum aut oppressum à peccato, profecto cum hæc considerarit, dolebit, tristabitur, solueturq; vbertim in lachrymas. Neq; infimū aliquem gradum contritionis sibi constituet, sed ad supremum aspirabit. Mensuram etenim ferme omnem delictum excessit, quod iniuriam contra ipsum Deum completur: quid ergo cogitandum de termino doloris? Tamen enim vel minimus istius ordinis dolor, quod adiunctam habeat charitatem, rubentes peccatorum maculas, & flagitiorum coccinum exterminet, ipsamque animam niueo candore venustet: tamen verissimum illud erit cuiusdam ex nostris: *Si penitens ex vehementissimo Dei amore, tam intense doleret de peccato suo, quod ex hoc causaretur in appetitu sensitiuo tam vehemens dolor, ut corrumperet harmoniam corporis necessariam ad vitam: non esset excessus in genere moris, nec perfectioni penitentiae derogans, sed concordans. Nisi forte hominis voluntas directe & ex intentione ferretur ad procurandam talem passionem, ut ipse mareretur.* Et credibile est beatissimam Virginem Mariam, ex immensitate diuini amoris, qua tota flagrauit, ita ut corpus adiunctam ardori immutationem sustinere non potuerit; diem obijisse. Renatis quidem delinquentibus non ita culpa dimittitur, sicut in baptismo. Ecclesia enim tunc aqua externa, alterius culpa nobis illatum crimen eluit. At vero post baptismum (ut loquitur sanctus Barlaam apud Damascenum) *Per asperam penitentiam, & calentes lachrymas, & labores, ac sudores, prepter viscera misericordiae Dei nostri purgationem ac peccatorum remissionem consequimur.* De huiusmodi recessu voluntatis à peccato loquitur D. Augustinus, docens penitentiam ex odio peccati & Dei amore constare. *Nobis parcat Deus, si nobis ipsi non pepercerimus.* Dolor iste recessibus animæ inclusus, vim quoque suam effundit ad corpus, cuius conflictatione mouetur Deus ad misericordiam. Si enim externus cultus illi placuit, qui alienæ carnis immolatione perfectus fuerit; quomodo ipsi non aridebit nostræ carnis mactatio? Ceterum qui ardenti amore fertur in Deum, ipse eius iniuriam etiam in seipsum vindicabit.

Propterea

*Esa. 2.*

*Rich. in 4.*

*d. 17. q. 8.*

*art. 1.*

*Damasc.*

*hist. Barla.*

*August.*

*Serm. 7. de*

*temp.*

*Contritio  
efficitur ha-  
ber in cor-  
pore.*



Luc. vii.

Hieron ep.  
ad Eustoc.  
Psal. 90.  
3. Reg. 21.  
Rom. 6.  
Ambros. lib.  
ad virg.  
lap. cap. 8.

Tertul. lib.  
de pen.  
Hieron.  
ep. 20.

Eyp. lib.  
cōt. Nouat.  
Penitentiā  
negunt  
Nouatiani.  
Epiph.  
her. 59.  
Amb. lib. 1.  
de pen.  
Lutherus  
verā negat  
penitentiā  
Confess.  
Aug. art. 2.

Propterea corpus cuius membra iniquitati inseruierunt, & infesta signa superis intulerunt, castigabit, coërcabit, & peccati odio subiciet. Sic Magdalena passis crinibus, laximque per humeros defluentibus, turritam eorundem superbiam fregit, edomuit, penitentiae & Christi pedibus dimisit. Sanctissimus David se ieiunijs maceravit, terrae prono pectore inhaesit. Ahab regium fastum reprimens, humilitate Deum sibi propitium conciliauit. Ita arma iniquitatis euadunt arma iustitiae. Videte an molle aliquod sonet Ambrosianum consilium ad virginem lapsam, num puluinar cum fractis hereticis delinquentium brachijs supponit? sic illam hortatur: *Deinde lugubris tibi accipienda est vestis, & mens ac membra singula digna castigatione punienda. Amputentur crines, qui per vanam gloriam occasionem luxuriae praestiterunt. Defluant oculi lachrymis, qui masculum simpliciter non aspexerunt. Palleat facies, quae quondam viruit impudice: denique totum corpus incuria maceretur, cinere aspersum & opertum cilicio perhorrescat, quia male sibi de pulchritudine placuit. Cor vero sit liquefens sicut cera, ieiunijs inquietans seipsum, & cogitationibus ventilans, quare sit ab inimico subuersum: sensus etiam crucietur, quia in membra corporis cum haberet dominationem, male cessit imperio.* Huiusmodi alia plura ex Tertulliano & D. Hieronymo superius fuere enarrata. Haec puritas est nostri dogmatis, ita ab omni labe & sceleris contagione procul recedunt orthodoxa Romanorum instituta. Dicimus enim acri quodam doloris sensu & extremo odio remouendam esse voluntatem ab affectu admissi criminis: insuper corporis artus imperio rationis subdendos, iustoque supplicio castigandos: ut iustitiae gemma nobis celitus infundatur, atque in nobis conseruetur illesa. Despiciamus modo sectariorum commenta, videamusque quam pulchra sint, quam nitida, quam seiuncta ab omni turpitudinis nota, scelerumque colluie.

Portentosum heresiarchi Nouati errorem, pernegantis beneficium resipiscentiae delinquentibus post baptismum, hic non discutio: satis aperte ex sacris literis reuincitur, alijsque rationibus obruitur: quas diligentissime pertractant Epiphanius & Ambrosius. Goliath tamen non est pretereundus Lutherus, de penitentia absurda statuens, ut scripturis aduersantia, ita rationi morumque honestati contradicentia. Impurus iste eam solum renatis, si in culpam concesserint, penitentiam attribuit, quae terroribus quibusdam, à Deo menti incussis ad conspectum supremi tribunalis, contineatur. Quos quidem terrores & exanimationes affirmare renuit liberos arbitrij esse actus, sed impressiones solū definit esse diuinas, & horrendas quasdam animorum concitationes torsionesque. Itane, de eximia illa virtute resipiscentiae,



centiæ penitentiæque, scelerate & coinquinate, doces? Visne ea solum furiosos quosdam terrores significari, quales etiam in phreneticis, imo in damnatis reperiri possunt? Penitentiam hoc pacto suo loco in Ecclesia exturbasti, & amandasti ad inferos. Humanam quippe industriam, & connixum omnem ad vitæ correctionem, penitus sustulisti. Horrores enim illos, cum naturis suis nec tanti pretii existant, tum eosdem non hominis actus esse doces, sed expositis quibusdam terriculamentis forinsecus excussas & temerarias affectus agitationes. An non ipsi demones ad intuitum tartarei supplicij, huiusmodi horrore concutiuntur? An non damnatorum animæ penę obiectu eodem modo exulcerantur? tu tamen motum hunc, præcipuam partem adstruis penitentiæ, quam Christus vti tabulam contra naufragium, hominum saluti consulens, in orbem inuexit. Vehementer hoc odis, quod delinquens nimirum vilo suo actu recedat à peccatis: ideoque fateris terrores hosce non esse molitiones humanas, sed spicula potius diuina, malleos, & fulgetra: ac si de Iouis trifulco fulmine poetice delirares. Somnolente, impie, quo spectant istæ scripturæ sententiæ: *Conuertimini ad me, in toto corde vestro. Scindite corda vestra. Penitentiam agite. Si penitentiam non egeritis, omnes simul perilitis?* Quinimo Lutheri dogmate imbuti ita dicerent, ac Deo responderent: quid nos ad penitentiam hortaris, siquidem penitentia terrore quodam perficiatur, quem non alterius manus, sed tua solum operatur: si tu non percusseris, nihil à me fiet: si percusseris, à te omnia. Videte obsecro, quam absurdas Dei voces reddit Lutherana dementia. Horrorem quendam sceleratę conscientię admittit iste, arbitrio tamen subiectum negat. An non hoc curam omnem & sollicitudinem penitentiæ adimit? Dicas mihi Lutheræ, si quis penitentiæ studium hominibus exenteret, num is vitæ turpitudini suppetias esset laturus? Absque dubio huiusmodi impostorem scelerum patronum fatebere. At is ipse tu es. Si enim Deus sua sola actiua virtute in nobis penitentiam operetur, & veluti ex filicis appulsu chalybs scintillam exilire facit: quis animum intendet ad penitentiam? quis eius cura districtus tantæ virtuti incumbet? Præpostera illa opera, absurdus conatus ad illud procurandum, quod de integro effectiōne alterius, haud nostra existit: quod nobis tam dormientibus quam vigilantibus ex æquo accedit: quod denique nullo modo in nostra potestate collocatur. Nunc demum vides, credo, te assecras tuos ad sordes dedisse præcipites: cum ita penitentiæ nervos impuro dogmate succideris. Comparationem modo instituimus inter Germanicam illam terrificamque penitentiam, nostramque Roma-

*Penitentia non est terrore concutien-  
tiæ.*

*Penitentia est actus humane voluntatis  
Psal. 89.  
Ioel. 2.  
Lu. 13.*

*Stadia penitentiæ hominibus exussit Luther.*



nam : & aliorum iudicio de finiendum relinquam, quænam longius à turpitudine recedat. Orthodoxi sic peccatum execramur : ut existimemus deleri non posse hominum animis, nisi discessu quodam ab illo, & expedita voluntatis fuga. Nam sicut cupiditas prosecutione sua labem à rebus noxijs attraxit : ita affectus auulsione & odio ejicitur, exterminatur malum, & ad virtutem fit receptus. Hoc liquidum satis reddit Davidis in scriptura declarata penitentia, prophetarum etiam hortamenta idem comprobant. Constat idcirco penitentia, non ex sola cessatione à peccato, terrore aliquo, vel nouæ vitæ proposito : verum ex animi interno dolore, & veteris culpæ summo odio. Nam qui sanctorum clamores gemitibus plenos considerauerit, ut loquitur Concilium Tridentinū : *Facile intelliget eos ex vehementi quodam antea vitæ odio, & ingenti peccatorum detestatione mansisse.* Describit eapropter hanc in formam contritionem D. Augustinus : *Contritio est dolor voluntarius pro peccato, puniens in se, quod dolet commississe.* Nihil autem tale Lutheri commentum decreuit. Terrores enim illos suos à Deo incussos fides (ut ipse vult) statim subsequitur : qua peccatorum fiat condonatio : interim affectus nulla penitudine ductus, minime resiliat à peccato : qui idcirco magis fauent turpitudini, nos, qui ad iustitiam exigimus voluntatis discessum à culpis earumque detestationem : an Lutherus, qui sceleri semel affixum appetitum dolore aliquo aut proprio motu reuellendum pernegat : ita ut si complacentia persisterit prauus in sordium affectu, modo credat Christum orbem morte sua redemisse, satis bene comparatus erit ad sanctitatem?

*Concil. Trident. Sess. 14. cap. 4. August. de ver. & fal. pen. cap. 3.*

*Lutheri penitentia impura.*

*Contritione sectarij relegant ad legem vet. & inde impuri videntur.*

*Exod. 7.*

Istius vero notæ & infamiæ Lutheri discipulos iam pridem pudere cepit. Animaduenterunt enim scripturarum apertissimis testimonijs contritionem & dolorem de peccatis susceptum, ut Dei offensis, assertumque à Catholicis passim comprobari : illum itaque simulata fide suscipientes, eundem occultis tamen quibusdam rationibus extenuare, amoliri, nepharijs suis commentis, continenter ad scelera prospectantibus, aggressi sunt. Inter quos Kemnissius audax ille vir censorius, uti pium Deoque gratum hunc dolorem traduceret, Iudaicum dixit, non ad Euangelium pertinentem, sed ad legem relegandum. Cum autem hoc hominum auribus insonuerit, quis illorum, vitæ correctionem secum statuens, magnopere de contritione laborabit? Præterquam enim quod res in se dura & aspera sit hæc penitentia, & proinde tetra quadam specie reuerberet hominū sensus : porro indignitatem & dedecus præ se fert relicta Ecclesia, ad synagogam pro morbi remedio festinare, abstenta cruce Christi, rupem humorem exstillantem inquirere.

Visne



Vixne indoctissime, istiusmodi dolorem amandare ad legem? quæ *Contritio*  
 Theologia te aliquando ita instituit? quæ schola tam prauo & de- *euangelij*  
 menti errore mentem tuam fascinauit? Dedocebo te hæc. Ausculta. *Summa*  
 Vim argumenti perpende. Contritio decreta ab orthodoxis ad peccati *gratia*  
 expiationem requisita, tanquam preparatio animæ ad iustitiam, ex-  
 pressus & proprius est actus habitualis charitatis. Si idcirco charitas  
 eximius sit fructus professionis Christianæ, si legis finis & plenitudo, *Rom. 13.*  
 si Ecclesiæ culmen & ornamentum: quomodo contritio, quæ eiusdem  
 est operatio, non erit vere Euangelica, potius quam legalis? Enimvero  
 qui aliquem amore complectitur, is eodem plane habitu, quo illi bona  
 cupit ac precatur, eidem repugnantia & aduersa odit, reijcit, execra-  
 tur, ita ipsa philosophia præcipit, si tamen illam aliquadantenus atti-  
 gisti. Affectus idcirco charitatis, quo feruet humanum pectus in Deum,  
 cum ipsum præ omnibus diligit, tum inimicos eius atque hostes in-  
 fenissimum odio prosequitur. At quid obsecro atrocius depugnat cum  
 diuino honore, cum Numinis potestate, imo cum ipsius existentia,  
 quam peccatum, quo talis honor contemnitur, potestas abijcitur,  
 existentia (quod delinquens non esse Deum cupiat, qui ipsum pœna  
 multaret) quodammodo violatur? Detestatio idcirco peccati, quæ  
 contritio est, sicut charitatis molitio censetur, ita præcipua quadam ra-  
 tione Euangelica. Vterius procedo. Quem voluntatis motum post  
 admissum crimen præstantiorem assignare mihi poteris motu illo, &  
 recessu animi ex contritione? Nam sicut omnium pessimum est, vo-  
 luptati contra Dei legem inherere; ita nobilissimum erit, affectum  
 auellere à tali illecebra, eumque in Deum transferre. Quid odio Dei  
 tetrius? quid eiusdem opposito amore diuinius? Imo contritio com-  
 parata cum fide priores obtinebit, utpote iustitiæ vicinior & à labe  
 vitij remotior: cum qua ne per momentum quidem consistit; fides  
 autem etiam diuturniori tempore inanere poterit cum flagitio: ni-  
 dicamus quemlibet luxuriantem, prædæque agentem, in heresim prius  
 incidere & infidelitatem. Euangelicum profecto opus contritio.  
 Quid? an non vita ipsius Christi, tot ærumnis plena, illibatum eius  
 corpus cruci conclauium, sanguinum riuis roseidum, omnes illæ in-  
 iuriæ, quas peccati nostri causa mitissimus agnus pertulit, ad pœniten-  
 tiam ac dolorem, ad odium delicti nos excitant acerrime? quomodo  
 sine acri doloris sensu peccata nostra animis repetere possimus, quæ  
 filio Dei, tot vulnera inflixerunt, tantos cruciatus intulerunt, quæ *Gen. 22.*  
 ut feræ pessimæ deuorarent filium Dei, nisi ad aspectum Christi pro  
 nobis patientis oculos claudere velimus, incedentes per viam recu-  
 semus.



252 DE TRIPLICI HOMINIS OFFICIO,

Thren. i.  
Cant. 1.

semus gradum sistere, & attendere qualis fuerit dolor eius. Nobis autem orthodoxis fasciculus myrrhæ est crucifixus, & inter vbera nostra commorabitur. Iam vno verbulo inter nos fiet parallela. Contritionem & animi dolorem, quo relinquitur peccatum, sectarius Iudaicum facit, orthodoxus Christianum: quis nostrum se longius remouet à turpitudine vitiorum? Illo Magdalenam ad pedes Christi prostratam, lachrymis suis pedes eius rigantem, & capillis tergentem, Iudeam facit, nos eximie Christianam. Quis de penitentia & vitiorum odio sentit honorificentius?

Calvinus  
perherse  
docuit ac  
sentit de  
contritionis  
dolore.

Caluin. l. 3  
inst. cap. 3.  
sect. 3.  
Contritio  
prior iusti-  
tia.

Ezech. 18.

Luce 17.

Ambros.  
lib. 2. de  
pen. c. 6  
Cyp. lib. de  
Cen. Dom.  
Tertul. de  
pen. cap. 4.

Cap. 6.

Calvinus superest profligandus, qui (omissis verborum suorum præstigiis, quibus imperitorum oculos fascinavit, illorumque sensibus illustris) re ipsa omnem vim doloris & contritionis sustulit. Iste quidem duas penitentiae partes definiuit, seu potius sua vasfricie effinxit: quas mortificationem appellat & viuificationem. Perplexe sane nouellus iste loquutus est Theologus. Forte sibi à vellicatu timuit & sugillatione. Proinde varius & ambiguus esse voluit ad fallendum effugiendumque. Persequar tamen, & premam, quousque ipsi sententiam extorsero. Dolor iste contritionis (si quem demum admittat Calvinus) fidem subsequitur vel antecedit. Si subsequatur, non ergo necessarius ad iustitiam & peccatorum deletionem: hæc enim vna fide (vbi diuinat Calvinus) peraguntur. Repugnabit autem hoc ex diametro scripturis, patribus, concilijs, ipsique demum rationi, quibus conficitur, penitentiam præuiam quandam esse animæ dispositionem, ad sanctitatem conciliandam. *Impius cum egerit penitentiam, ab omnibus peccatis suis, vita viuet, & non morietur.* Quo in loco asseritur animæ vitam, quæ est iustitia, penitentiae esse effectum. *Si penitentiam non egeritis, omnes similiter peribitis.* Quæ causa ruinæ? defectus penitentiae: ergo absque penitentia, manet culpæ reatus, iustam causam damnationis continens. Male itaque dicit Calvinus, ex fide partâ iustitiam damnationis continens. Porro etiam patres passim docent, lachrymis & animi dolore remissionem culpæ comparari. *Gratia munus largientis est,* (inquit Ambrosius) *penitentia delinquentis remedium.* Et alibi: *Tanta enim est penitentiae medicina, ut mutare videatur Deus suam sententiam.* Et D. Cyprianus: *Quoties te in conspectu Domini video suspirantem, spiritum sanctum non dubito adspirantem. Cum intueor sientem, sentio ignoscentem.* De qua penitentia loquens Tertullianus inquit: *Hec te peccatorum fluctibusmersum proleuabit, & in portum diuinæ clementiae protelabit.* Et alibi: *Peccator ante veniam deslere se debet.* Denique in Mileuitano & Auroficano Concilio definitur absque penitentia peccatorum remissionem non fieri. Quod fidicat Calvinus, penitentiam hanc antecedere



antecedere fidem, ostendat tunc quomodo poterit Deo placere? Infirmus quoque est infidelium dolor, ad noxæ gravitatem exæquendam. Sciscitor vltcrius à Caluino, quid nomine mortificationis ipse significare velit? Putarunt aliqui, ipsum tali voce dolorem animi non expressisse, sed propositum tantum immutandi vitam. Sed tunc in eodē luto feditatis hærebit, in qua Lutherus: ad culpæ expiationem non requirens hunc ex dolore animi recessum à peccato: neque adduci possum vt credam, mortificationis verbo Caluinum indicasse corporeos cruciatus: vt pote ieiunia, humi cubationes, cilicia, abhorruit enim semper ab istis delicatus. Sed profecto tum internum animi dolorem, tum externam corporis vexationem pœnitentia exterminauit Caluinus. Priorē quidē, eo quod ipse asserat vna fide iustitiā acquiri, qua quilibet credit se iustum esse & prædestinatū. Quorsū obsecro dolor tunc susciperetur? non vt Deo satisfiat, hoc enim abunde præstitit Christi passio fide concepta: non vt iustitia acquiratur, eam enim adduxit fides: non vt eadem conseruetur, excidere namq; non potest: non vt meritum boni operis adueniat, sunt enim opera potius peccata. Non vt iudicio fidei bonum exemplum alijs præbeatur, quis enim latentem in animo alterius dolorem suis oculis despiciet? inutilis ergo dolor, pœnitentia vana. Hæc istorum irritamenta sunt ad flagitia, eorum sane fides flagitiosissima. Modo de satisfactione pauca.

*Inutilis  
dolor ob  
peccata ex  
sentent.  
Caluin.*

Vt autem sectarius tandē adsequatur orthodoxi dogmatis sententiam de satisfactione, prius paucis erit instituendus. Ferme enim semper aut labilis est ad errorem, aut tardus ad intelligentiam. Admonitum ipsum volo, hic sermonem non haberi de recompensatione pro ipso delicto, hæc enim perficitur, quantum ad formam, ipsa iustitia: non opere nostro, sed diuinitus infusa gratia. Cum enim Tridentinū concilium vim illorum actuum & seriem explicasset, quibus animus idoneus redditur ad capeſſendam iustitiam, de illa sic loquitur: *Demum* *unica formalis causa est iustitia Dei, non qua ipse iustus est, sed qua nos iustos facit.* Hæc etenim sicut amicitiam quandam inter Deum & hominem procurat, ita criminis labem, vnde dissidiū & affectuum contrarietas exoriebantur, penitus delet & expungit: tantumque Deo restituit bonitatis, quantum culpa inuexit malitiæ. Veruntamen quod finito restrictoque modo quodam, iustitiæ gradus, iuxta mensuram dispositionum, & diuini spiritus beneplacitum reparatis & restitutis ad innocentiam, conſeratur: idcirco perpetuo cursu istius renouationis interioris, non omnis prorsus temporalis pœnæ reatus aboletur: sed aliquid illius sc̃pius soluendum superest iustificationi. Quem orthodoxi dicimus

*Cōcil. Trid.  
sess. 2. c. 7.*

*Satisfactio  
est iustitia  
qua procul  
pæ macula  
satisfit  
Deo.*



Iustitia  
non semper  
delet crimē  
reatum  
pena.

D. Thom. 4  
cont. gent.  
cap. 72.

D. Thom.  
supra.

Aliqua cō-  
trictio om-  
nē reatum  
pena delet

2. Reg. 12.

Tertul. lib.  
de pen.  
Basil. lib.  
de pen.  
Ambros. lib.  
de pen.  
Chrysost.  
ep. ad lap.  
Dan. 4.

cimus pænali opere imperato à charitate, vel iniuncto à sacerdote plenissime expiari. Privilegium quidem est solius baptismi, simul cum ipsa criminis labe, debitum pænæ remittere, quod non semper competit iustitiæ, ex vi operis & actualis præparationis indeptæ. Cuius discrepantiæ rationem ita declarat D. Thomas : *Quia coniunctio nostri ad Christum in baptismo non est secundum operationem nostram, quasi ab interiori, quia nulla res seipsam generat, ut sit, sed à Christo, qui nos regenerat in spem viam, remissio peccatorum in baptismo fit, secundum potestatem ipsius Christi, nos sibi coniungentis perfecte & integre, ut non solum impuritas peccati, sed etiam solvatur pœnitentis omnis pœna reatus. In hac vero spirituali sanatione, Christo coniungimur secundum operationem nostram, diuina gratia informatam. Unde non semper totaliter nec omnes æqualiter remissionis effectum per hanc coniunctionem consequuntur.* Fieri tamen potest, uti excitetur in pœnitente tam insignis calidusque actus contritionis, aut etiam amoris erga Deum : uti cum ipsa culpa, omnis quoque pænæ reatus absorbeatur. Idque etiam à D. Thoma testatum habemus. *Potest enim esse conuersio mentis in Deum & in detestationem peccati tam vehemens : quod perfecte remissionem peccati homo consequatur, non solum quantum ad purgationem culpæ, sed etiam quantum ad remissionem totius pænæ.* Verum cum refter frequenter, & iustitiæ indeptæ superfit reatus aliquis pænæ temporaneæ : hunc dicimus certis operibus virtutum, ex diuina gratia natis & profectis, redimi posse. Quod enim iustitia omnem huiusmodi noxam pœnitentis non auferat, manifestum facit Davidis reconciliatio cum Deo. Etenim illi dimissa fuit culpa, flagello tamen Dei, in fauorem etiam adscitus, digne castigatur. Idem probat durissima illa pœnitentia, quâ sponte subierunt Sanctissimi viri expiatis criminibus, de qua re multa disputant Tertullianus, Basilus, Ambrosius, Chrysostomus. Verissimum enim est quod dicit Ambrosius, *Grande scelus grandem habet necessariam satisfactionem.* Et iuxta hanc sententiam, in scripturis peccata Eleemosynis alijsque bonis operibus redimi dicuntur. Reclamant autem Calvinistæ, & sacrilegium à nobis inferri dicunt Christi meritis, idque duplici ex causâ. Primo, quod debilem & quasi mancā hinc faciamus iustitiam Christi, definientes hanc non valere omnem pœnam & culpam exterminare. Deinde quod operibus nostris, Christi operibus detrahentes, vim satisfaciendi nostris additamentis indigeret. Præclari viri, multū quidem vos sollicitos video de merito Christi. Crederem tamen hanc curam somnum vobis non discutere, sed adferre potius. Quid enim nisi somnus est, Epicureo & Turca dignus, ex præfidentia in Christi meritum, à pia actione.



actione cessare, & animam scelerum fecibus obruendam committere?  
 Sed vt intelligatis, nos beneficijs Christi & iustitiæ iniuriam minime  
 irrogare, sed potius vos cruorem Christi repellere & conuitiari, per-  
 cipite mentem nostram. Meritum quidem Christi infinitum agnosci-  
 mus, operatur tamen in nobis iustitiam finitam. Nullus tamen huius  
 tam exilis aut exiguus est gradus, qui non omnem peccati labem pe-  
 nitus expungit ejicitque. Vos autem nihil tale Christi munificentiae  
 conceditis: quandoquidem dicatis, illum sparso suo sanguine, patrique  
 litato, vitiorum maculas non absterxisse, sed easdem semel Satanæ ta-  
 cibis intustas reliquisse, neque sordes hasce hominū animis abstulisse.  
 Quæ hæc Christi iustitia? si verum sit, quod asseritis. Quæ satisfactio  
 ubi superest culpa solutioni & noxa. Opreclarum vestrū zelum, in cau-  
 sa passionis Christi! Intonatis in nos plenis buccis, rabidisque animis,  
 quasi in Christū iniurios, quod eius iustitiæ, temporalis pænæ debi-  
 tum coniungi affirmemus. Vos autem ipsam fæditatem peccatorū, &  
 æterni cruciatus reatum, cum hac ipsa iustitia copulatis. Quod vero  
 spectat ad hunc reatum pænæ momentanæ, fatemur Christum  
 sua iustitia meritoque de integro eum interdum expellere: vt in ijs  
 contingit, qui eius gratia exciti, ad excellentem gradum charitatis vel  
 cōtritionis consurgunt. Cū vero non ita perfecta dispositio præcesserit,  
 cui apte respondeat amplissima illa iustitia infusa, tunc ex vi illarum  
 dispositionum aut iustitiæ, omnis talis reatus penitus non aufertur.  
 Nullus tamen orthodoxorum vnquam affirmavit, humana solum  
 opera, & non beneficio Christi, eundem aliquando expiari. Quinimo  
 profiteamur Christi meritis in nobis expelli imprimis maculam pec-  
 cati, & expungi simul reatum æternæ pænæ: temporalis quoque cru-  
 ciatus debitum, eisdem meritis solui & expiari definimus. Quod si  
 contritio & laboriosa molitio, iustitiam subsequuta, vi tantum huma-  
 na reatum hunc deleat ex nostra sententia, quærimonia vestra ratio  
 multo iustior videretur. Nos autem nihil tale opinamur. Dicimus  
 enim susceptam à nobis operam vigorem satisfaciendi mutuari ab in-  
 fusa diuinitus iustitia & charitate, quam in Christi passionem, vt in  
 causam & originem meritoriam & effectricem refundimus. De qua re  
 postea commodiori loco nobis erit disputandum. Neminem autem  
 modo puto equiorem ad veri censuram, aut idoneum ad intelligen-  
 tiam: qui clare non perspiciat puritatem honestatemque orthodoxi  
 dogmatis. Ex amore enim erga summum Deum punimus in nobis  
 ipsis delicta: rigore disciplinæ, quæ illius nomen & numen offende-  
 runt, membra corporea prolapsa in iniquitatem, inflictis pœnis coercemus

*Heretici  
Christi me-  
ritis de-  
trahunt.*



Prover. 8.

mus, & ad similia scelera inepta postea constituimus: non aures, sed integram carnis molem, quaque versum spinis sepientes. Humorem illum noxium, & ad libidines fluxum, victus duritiæ exhaurimus, floridum cutis colorem, Veneris vexillum, luteo squalore conficimus, exultantes artus graui tristisque incessu reprimimus, ieiunijs extenuamus, sacco conterimus. Quis feruor ita animum impulit ad penitentię acerbitem? quæ flamma corporis edes sic depascitur? quis iudex hanc exercet crudelitatem? amor & charitas in Deum. Hæc retorquens colla ad aspectum præteritorum criminum, sanguinem elicit in sacrificium. Ingenti enim odio dum transgressionem diuinæ legis prosequimur, nos ipsos rapimus ad vindictam, & ab inferiori nostri parte, quæ superioris imperium abnuit, penas reposcimus. Quorum nihil cum exequantur sectarij sua fide contenti, carnem libidini soluentes, satisfactionem respicientes: an non fœdi & lutulenti? Cum illa fide inflatę genæ, exstantes venæ, dementes sensus, nihil sancti, (vt auguror) nihil innocentis & puri præstabunt.

*De causis tentationum, earumque vi ac potestate.*

## CAPVT XIX.



Vanam ratione animi motus sint moderandi, & ad virtutis actionē referendi, superioribus luculenter copioseque satis pertractatum videtur. Reliquum est, vti agamus de causis eorundem, siue innatæ fuerint, & pectoribus nostris infixæ penitus, siue forinsecus ab externis rebus, quæ cum nobis necessitudinem habent, profectæ. Cuius rei exacta disquisitio, quantum habeat emolumentum ad officium humanum adamussim præstandum, nullus est qui ignorare poterit. Nam si ad hostiles exercitus transmissi clanculum speculatores oculis lustrandos, cum numerum militum, loci situm, manipulorum ordines ac discrimina recte suis retulerint atque descripserint: viam præclare eisdem muniant ad victoriam: pariter qui vim omnem suggestionis nephariæ discusserint, insidias ac dæmonum latebras, quas in nostram perniciem occuluerunt, plene apertę; detexerint: præcipua quadam ratione multorum salutem insigniter adiutum ibunt. Quod quidem munus Israëlitiæ visi sunt adumbrasse, qui regressi à Palestina, in quam missi erant exploratores, huiusmodi nuncium ex inibi spectatis retulerunt: *Veni- mus ad terram, ad quam misisti nos, quæ reuera fluit lacte & melle, vt ex his fructibus cognosce-*

*Prile scire  
tentationū  
causas.*

Num. 13.



cognosci potest: sed cultores fortissimos habet, & vrbes grandes atque munitas. Stirpem Enac vidimus ibi, Amalec habitat in meridie, Hethæus, & Iebusæus, & Amorrbæus in montanis. Chananæus vero moratur iuxta mare, & circa fluentia Iordanis. Quæ non inepte quidem ad moralem aliquam sententiam, in quam propendent, deduci possunt. Terra hæc, quam ditioni nostræ subijcere aggredimur, ipsa est hominis natura, à feris cultoribus possessa, nobisque erepta alienigenarum manu. Fluit quidem lacte & melle, quandoquidem admirabilis quidam nitor candorque in mentis intelligentia eluceant, & lacteum quid præ se ferunt. Ad amorem vero instituta voluntas, fauum mellis premens, honestis potita rebus, exstillat exprimitque iucunditatis succum. Verum ex insidijs in nos eruperunt infesti aduersarij, sensusque nostros, veluti sedes suas ac proprias, obtinuerunt. Ibi modo stirps Enac (vt ratio nominis significat) grauedine quadã & torpore præclara opprimit mentis consilia. Amalec ad percussione excitatus, arma mouet continuo. Hethæus languore confractus, animæ atque corporis contentione debilitat. Iebusæus conculcandas sordes cogitat voluptatum: & enutritus in Thren. 6. croceis, amplectitur stercora. Iste rerum affluentia & spectabili pompa, tanquã meridiano radio, acie intelligentiæ perturbat. Amorrhæus feruido quodã ingenio dissensionibus ac bellis animæ pacem & quietem interpellat ac rumpit. Chananæus iuxta mare amaritudinis & fluentia dolorum consedens, natus ad clades inferendas: dura semper meditatur ac dira. Atque isti montium incolæ inhumanis suis moribus & agresti vita nos efferant quodammodo, & multiplici pugna exagitant. Exponemus itaque, quam succincte possumus, singulas tentationum causas, vt nos melius subinde comparemus ad resiltendum.

Corporis quidem constitutio, quod & ratio suadet, ipsaque docet quotidiana experientia, magnam vim habet ad hominum mores recte vel peruerse componendos. Ideoque dæmon, cum arte sua aliquid noxi ad animam traducere molitur, corporum habitus ac temperiem diligentissime obseruat: vt illis inspectis aptius ad mortem incutiendam sua temperet venena. Prius enim (inquit Gregorius) *com-* *Tentatio-* *nis causa in* *corpore.* *Greg. in il-* *lud Iob.* *diuiditur* *æstat.* *plexione vniuscuiusq; antiquus aduersarius animaduertit, & tunc tentationis laqueos apponit.* Hippocrates (vti refertur) accedens ad Democritum curationis eius causa, ipsum inuenit exenterantem auiculas, & humorum vasa curiosius inquirentem: putauit enim huiusmodi anatomia rationem aliquam excogitari potuisse, qua semetipsum, ad risum nimis procliue, morum grauitate orisque constantia reformaret. Neque incongrue fortassis Metamorphoseus ex figura ac filo corporis, Socratem

K K k

vinolen-



Hip. lib. de  
Structura  
hominis  
Herod.  
lib. 3.

Demoni  
arridet cer  
ta temperies  
corporis.  
Euseb. 4.  
prepar.  
cap. 12.  
Galen lib.  
quod meret  
animum. &c.  
Vid. Method  
Bodini.  
Sanguinei  
mores.

Cholerici  
mores.

vinolentum ac mulierosum iudicauit. Hinc Latini elati, vani Ligures, leues Galli, iactabundi Hispani, fraudulentia Græcorū ac tēporaria ingenia, Pēni fēdifragi, Cretenses ventre pigri, Athenienses prudētiore, Thebani robusti, & ex Scythiis (vt narrat Herodotus) pręter vnum Anacharsim (quem etiam ipsi interfecerunt) nullus sapiens vnquam extitit. Sane corporum discrepantię, ingeniorum hanc differentiam effinxerunt. Verissime quidē Hippocrates: *Quo fit vt nonnulli hominū semper quasi rideant, quidam vero tristentur: huius rei ex elementis causam esse dicimus. Qui enim puri sanguinis non expertes sunt, hi vsquequaque ridet, & aspectu & corpore floridi, perspicui coloris existunt. Qui vero flauę bilis participes sunt, desides, pusillanimes, pauidi, imbecilles esse solent.* Certa etiam corporum temperies existit, quam dēmones sui impulsu magis cupere & appetere videntur, eaq; vberius delectari. Quo pacto (vt scribit Porphyrius) exundantibus corporum humoribus, ex nimia repletionē gaudent: sacrificiorum nidorem, loca fœda, crassiores vapores quęrunt: & erga hęc mire affici inueniuntur. Quamobrem (vt docet Galēnus) qui fame, siti, estu, vel labore corporum vrgentur, animos excitatos habent ad iram & impatientiam. Quod si quatuor illas celebriores & cardinales corporum temperaturas mente percurramus: facile erit coniectare, ad quid vnaqueque propendeat. Sanguinei ex calore & humore equa-liter intermixtis coaliti, in quibus aēr pręcipue dominatur, lętitia & animę quadam audacia ad agendum alacres, perpetuo exultant: Voluptatem propter organum corporis defæcatus, lubentius appetunt, vehementiusque percipiunt: ab aspectu infortunijs, in quod semel inciderunt, ilico animum remouent: propterea mœrore & tristitia vacant, spē erecti fortia arduaue semper moliuntur: offensę quibque in ipsum Deum facilem veniam sibi spondent: sicut alijs delinquentibus in ipsos, iniuriam haud ipsi grauate remittunt. Hi sane humanissimi & ciuiles. Colerici in quibus viget ignis, ob calorē cum siccitate coniunctum, extenuatis protensisque instar flammę corporibus, ira & perturbationibus animi vtpote leuiore facile abripiuntur. Nihil enim igne leuius, ita nec colerico mobilius. Propter subtiliores tamen spiritus, contemplationibus vacant acriter, sed momentaneis: studij enim impatientes, altiora & magis abstrusa non inuestigant: credunt tamen, propter ingenij primum impetum acrem admodum, se rem ipsam omnino penetrasse: ideoque in aliorum contemptum inclinantur: quod cęteris vtpote tardioribus se pręstare arbitrentur. Ex istis tamen nullus ferme solide doctus extitit. In consilijs pręcipientes, atque ad res agendas non tam prudentes & sagaces habentur. Phleg-

matici



matici constituti, ex humore nimio, & exiguo calore depressi, & in omnem partem fluentes aquam imitantur. Hi animis abiecti vitio aut virtuti non multum inuigilant. Melancolici frigore & siccitate concreti, terræ similiores, ab ingenio tristes, hominum catus auersantur: susceptas iniurias facile non deponunt: impressionem enim diu in illis siccitas tenet: sicut diuturna cogitatio eandem primo induxit: vnde etiam in propositis peruiaces, & contra aliorum consilia obstinati: meticulosi sunt, & suspicantur perpetuo ipsis aliquid mali intentari: voluptatis etiam veneræ appetentiores, non quidem ex calore in illis feruente, sed ad leniendum acrem illum morsum humorum, quo ipsi sua corpora perpetuo vexari sentiunt. Quibus familiares solent esse literæ. Non quod præ ceteris in illis perspicax intelligentia eluceat, sed quod ob frigus, quo opprimuntur, laboris sint patientiores: & ratione siccitatis, illata semel in animû fidelius seruent ac retineant. Istis autem si modicus calor contingat, quo spiritus euadant puriores, Musis gratissimi existunt. Duobus enim ferme literæ addiscuntur, acumine & patientia. Satanæ autem insidijs maxime patent, tum quod tristitia semper meditentur animis, tum quod semel iniectam cogitationem foueant pertinaciter augeantque, ipsoque nixu animi iugi & contento corporis temperiem deuastant, & tandem plerumque incidunt in phrenesin aut desipientiam.

Accidit quoque hominis appetitus sensitivus, qui incentiuus vitiorum occasionem subministrat vberissimam. *Vnusquisque tentatur* (inquit Apostolus) *à concupiscentia sua.* Seuiunt siquidem in nos istius partis affectiones, virtutis actionem difficilem reddunt, erroris autem & lapsus facilem atque expeditam. Deflexit non parum hæc facultas à sua primæua rectitudine. Et licet incitata perturbatio, quæ voluntatem deferat ad vnam partem, (vt obseruauit D. Thomas) diminuendo in actu gradum voluntarij, inde ipsam culpam extenuet: ad hanc tamen hominem constituit propensorem. Primo quidem ex eo, quod menti & intelligentiæ tenebras offundat: quibus impeditur animus à perspicacia veri: deinde ex vinculo naturæ, intra animæ facultates intercedente, hoc idem præstat. Comparatum enim est, vt voluntas ea acrius appetat, quæ appetitui magis placent & arrident. Ferrur voluntas vt nauis, vela expandit cupiditas, apprehensio delectabilis fortiter spirat, & passa impellit. Quod quidem genus incitationis aduersæ in nobis est perpetuum, & totam hanc nostram vitam, militiam reddit. Ducis Hieronis clypeo fertur aquilam insidisse, hastæ vero noctuam: quo significatum fuit, virum hunc diu noctuque in armis consistere debere, in

Flegmatici mores.

Melancholici mores.

Tentationis causa appetitus sensitivus Iacob. 1.

Quomodo appetitus inclinatur voluntati.

Iob 7.

Trog. lib. 23.

KK k 2-

consilijs.



consilijs cautum fore, in opere vero fortem. Ita nobis nullum tempus vigilantia & conflictus intermittendum, aut otio concedendum quicquā in vita. Noctua Palladis avis, sapientiam indicat omnino necessariam: nam sine cognitione veri, nihil præclari in actione efflorescit: aquila quoque adhibenda, in qua vis est spectabilis; forti enim animo conterendæ tum repellendæ tentationes.

*Causa tentationis  
celum.  
D. Thom.  
opus. de  
necessitate  
virtutis.*

Externa etiam sunt nonnulla, quæ potestatem aliquam in hominis animum obtinent: illamque in effingendis moribus mirifice exercent. Non quod actione vlla spiritualementem illam substantiam immediate afficiant: verum exinde solum, quod primo corpora transmutent, deinde facultatem imaginatricem excitent, atque sic tandem horum interiectu virtus, de foris adueniens, ad ipsam mentem peruadit. Inter quæ primum locum tenet celi influentia, & ambientis aëris certa temperies: ideoque eorum locorum incolæ, ubi sol magis exæstuat, acriora plerumque retinent ingenia, ex spiritibus subtilioribus caloris vi excitatis: sicut qui crasso & obnubilo fruuntur cælo, obstructos habent sensus, languidos, & multum impeditos. Ob firmam tamen quam hi corporis constitutionem habent, sola tolerantia sua sublimes illos Musarum montes felicissime interdum superant. Sunt etiam ita comparati aliqui ab ingenijs: ut placida tantum illa philosophia, & rerum iucunda ex similitudine adumbratione, quam poësis ferme præstat, delectentur: quibus cogitatis, in illis simulachris efformandis sese miros exhibent pictores, doctæque sapere & eleganter disseruisse videntur, cum rem aliquam suo typo, ad multa alludentes, & in aëre quasi nodos plectentes, accommodarint. Quo in genere Latinos excelluisse nouimus. Alij autem relictis istis vmbribus & fictitijs coloribus, cognoscendæ rei medullam & abstrusa principia suis intelligentijs acriter persequuntur, subtilissime distinguunt, oculatissime inquirunt: in quibus studijs nostrates inter alios claruisse, scholis obscurum non est: nisi quod obscure ipsi multa tractarint. At certe Græcorum eloquentiam, ne occidens sua laude careret, firma solidaque notitia exequarunt. Plurimum itaque refert, quo quisque cælo fruatur. Qua de causa Homerus dicere solitus est, talem animū homini aduentare, quale cælum, quo regitur, ipsi deorum pater Iupiter concedit.

*Lucr. l. 3.*

*Haud equidem credo, quia sit diuinius illis  
Ingenium, aut rerum fato prudentia maior.  
Verum ubi tempestas, & celi mobilis humor,  
Mutauere vias, & Iupiter humidus austris  
Densat ea, quæ rara modo, & quæ densa relaxat:*

*Vertuntur*



*Vertuntur species animorum, & pectora motus  
Nunc alios, alios demum, nubila ventus agebat,  
Concipiunt. Hinc ille aciem, contentus in agris,  
Hinc leti pecudes, & quantes gutture corui.*

Verum neque eadem serenitate mens & ratio semper collucet, aut eodem feruore seu promptitudine ad recta cōsilia voluntas expeditur: illa siquidem interdum cæcutit, hæc vero infirmatur & languet. Deus enim, cuius providentiæ modus abysso continetur, statutis temporibus retrahit splendoris sui radios, comprimit ardoris scintillas. Quod sæpius etiam negligentia nostra socordiaque efficitur. *Tentatio ex subraffio- me diuine gratiæ.* *Psal. 29.* *Aucti- tisti faciem tuam à me, & factus sum conturbatus.* Quid in causa est, cur cælum nonnunquam ita desæuiat in terram, obductum nubilo horrendum vultum exhibeat, præcipitatis imbribus, ruente grandine illam vehementius diuerberet, nubium fragore & volitantibus fulgeris vindictam minetur, nisi vapores & humores ipsi, quos terra in altum emittit? Ita tempestatibus imperiti, animorumque motibus vehementius concussi, existimare debemus ex nobis ipsis tetrum aliquod euolasse, unde mala coalita in nos incidunt. Atque diligentissime nefarius demon hunc animi statum obseruat, & suis insidijs aptum & opportunum facit: Quando enim videt dulcē auram cælestis Fauonij non ita blando spiritu efflari, aut sensibus nostris iucunditatem adferre: tunc de suis cogitat turbidinis, quibus nos abripiat ad deuia, ad syrtes & scopulos. Tunc machinationes suas intentat, imparatos nudosque nos putabit ad spicula sua, debilesque ad resistendum.

Vitæ etiam genus & institutum maximum in vnoquoque momento habet ad tentationem perferendam. Hoc autem duas in species commode posse diuidi censebitur. Vel enim negotijs ijs distinetur, quæ ad honores referuntur, utpote quod versatur in magistratu gerendo, in scientiis comparandis: aut illis implicatur occupationibus, quæ ad voluptatem, ad opes & diuitias destinantur. Primus parens in deliciarum loco degens, vitæ suæ conditione eximie cuiuslibet dignitatis capax videbatur, & propterea apte obiectu excellentiæ sollicitatus fuit ad delictum. *Causa tentationis genus vitæ.* *Gen. 2.* *Et eritis tanquam dii,* quod etiam acri sensu carnis fuerit & perfecto, instigauit ipsum Satanas ad delectationum illecebras: ori ipsius suauissimum pomum comedendum apponens. Duplici idcirco perpeffione Christus Dominus pro hac protoplastæ transgressione satisfecit: ignominiam nimirum sustinens & dolorem. Quod vero rerum exuberantia criminibus materiam porrigat, ea propter sapientis huiusmodi petitio exitit, *Mendicitatē & diuitias ne dederis mihi: tribue tantum* *Prouer. 30*

KKk 3

sum



tum victui meo necessaria, ne forte satiatuſ illiciar ad negandum, & dicam quis eſt Dominuſ? Penuria etiam quandoque lapſui occasionem præbet: propterea ſubiunxit Sapiens: *Aut egeſtate compulſuſ furer, & periurem noſ men Deimeſ.* Nam vt inquit D. Baſiliuſ: *Æque enim durum videtur in rerum difficultate minime deiici & infractum ſeruare animum: ac in felicitate non extolli ad irrogandam contumeliam,* Varias autem tentationum formas ita deſcribit Paulinuſ: *Excipit noſ manduſ iſte variſ voluptatibuſ, floreſ & fallentibuſ vene-* *natiſ illecebrſ.* Excipit noſ innumeris anguiſ inſidiſ, cui nomina mille, milli nocendâ artes. *Ac ſæpe aperto certamine violentuſ aggreſſitur, & candentibuſ petit teluſ, ſi la-* *tentibuſ non capit laqueiſ.* Sagittæ enim potentſ acutæ, cum carbonibuſ deſolatoriſ, quæ videlicet noxiſ cupiditatuſ ignibuſ animam noſtram peturant, & à ſpirituſ ſancti habitatione deſolent.

Conuiſtuſ  
cauſa ten-  
tationiſ.

Pſal. 18.

Auguſt. in:  
Pſal. 18.

Pſal. 35.

Auguſt. in:  
Pſal. 18.

Virtutiſ  
excellentiâ  
obuia ten-  
tationi.

Hieron.  
ep. 22.

Adac. 1.

Inter externas ſimiliter peccati occaſioneſ, ratio conuiſtuſ adnu-  
meratur. Si enim illiſ cum vitæ ſocietatem ineamuſ, qui moribuſ ſunt  
flagitioſiſ, facile eoruſ exempliſ inducemur in eiſmodi prauitateſ  
ac conſuetudineſ. Quocirca ſanctiſſimuſ Dauid cum oraſſet: *Ab occu-* *liſ meiſ munda me Domine.* ſubiunxit: *Et ab alieniſ parce ſeruo ſuo.* Vt autem  
hanc eiſ petitionem interpretatur D. Auguſtinuſ ita petijt: *A cupidi-* *tatibuſ in me latentibuſ munda me Domine: & ne ſeducar ab aliſ.* Atque hoc  
ipſum paulo diuerſiſ verbis idem Pſalmiſta alias eſſagitaui: *Non veniat* *mibi peſ ſuperbiæ, & manuſ peccatoruſ non moueat me.* Quem etiam locum ita  
elucidauit Auguſtin. *Non veniat inquit mibi peſ ſuperbiæ: hoc eſt ab occu-* *liſ meiſ munda me Domine.* Et manuſ peccatoruſ non moueant me: hoc eſt, ab alieniſ  
parce ſeruo tuo. Præclariffimarum actionum cumulata & effloreſcens  
ſeges grauioriſ quoque infeſtationiſ cauſa exiſtit: adeoque vt in op-  
timis inſtitutiſ nobiſ ſit præcipue cauendum, nedum in peruerſiſ &  
malis tantum. Aranea ſalubreſ illoſ ſuaueſque ſcoruſ ſuccoſ in vene-  
natoſ vertit humoreſ: ita nepharij dæmoneſ ex noſtriſ virtutibuſ occa-  
ſioneſ ſumunt nocendi nobiſ, & præclara noſtra in noſtriſ ruinam  
plerumque inſectunt. Optatuſ ſiquidem illiſ onerataſ pretioſiſ &  
exquiſitiſ mercibuſ nauem, in ipſiuſ portuſ complexu eiaculaſ glan-  
de ſupprimere, aut fluctibuſ haurire: triumphanteſ currû inter ipſiuſ  
populi clamoreſ, & applauſuſ canoroſ euertere: ſplendenteſ meridie  
ſolē atra nube obtegere: cælo infixû luciferû ad tartara deuoluere. Non  
querit (inquit D. Hieronymuſ) *Diaboluſ homineſ infideleſ, non eoſ, qui foriſ* *ſunt, & quoruſ carneſ Rex Aſyriuſ in olla ſuccendit.* De Eccleſia Chriſti rapere  
feſtinat, eſcæ eiſ ſecunduſ Abacuchi electæ ſunt. Diuſ Pauluſ ad culmen  
Apoſtoli euectuſ, appetituſ grauioreſ ſenſit cupiditateſ: & ex acri  
lucta, nimia defatigatio haſ ei voceſ elicit: *Infelix homo, quiſ me libera-* *bît de-*



*bi de corpore mortis huius? Quando enim in virtutibus maiores fiunt  
 progressus, tunc (vt inquit Chrysostomus) Diabolus seuerior efficitur, tunc  
 magis efferatur, cum viderit nos cum diligentia vitam nostram disponentes. Vbi* *Rom. 7.  
 Chrysost.*  
*effodit, repagula atque claustra perfringit latro, nisi vbi thesaurus oc-* *homil. 1. ad  
 pop.*  
*culitur? non vbi palea & lutum iacent sordentque. Quibus maris*  
*tractibus infesti piratæ, nisi illis, vbi onerariæ naues sæpius traiectum*  
*habent. Non enim è portu soluentes primo adoriuntur: sed regressu*  
*littora adeuntes. Quos autem sanctitate præstantes viros ad noxam*  
*trahere non potest dæmon, illos tamen infamix interdum nota & labe*  
*aspergit: vti oppressi pudore, à bonis actionibus desistant, animosque*  
*despondeant. Dimisit quidam Rex Hanon seruos David, quos cepe-* *2. Reg. 10.  
 Metus de-*  
*rat. Tulit tamen Hanon seruos David, rasitque dimidium barbæ eorum, & præscidit* *decoris op-*  
*vestes eorum medias, vsque ad nates, & dimisit. Ita quærit malignus ille spiri-* *timi ten-*  
*tus notam aliquam dedecoris adferre optimis hominibus: hac ratio-* *tantur.*  
*ne putans illos deiicere, & authoritatem opinione virtutis compara-*  
*tam penes alios imminuere. Qua de causa D. Athanasium, sicut & alios*  
*sanctissimos, adulterij, homicidij, nigromantiæ criminibus infamauit.* *Iob 41.*  
*Sub ipso erunt radij solis, & sternet sibi aurum, quasi lutum.*

Quibus omnibus, si humani generis vaferrimum hostem adiunga-  
 mus: nihil ex aduersis periculosius vita nostra, aut ex conflictu  
 turbulentius apparebit. Tria autem sunt, quæ subdolum & potentem  
 dæmonem in nostri armant interitum (quod adnotauit. D. Antoninus)  
 Malitia imprimis illa summa, qua mentem à Deo auersum habet vehe-  
 menter, ipsum in hominem commouet, quem nouit Deo adeo cha-  
 rum esse, & ab eodem, huic aspectabili orbi præfectum. Deinde inui-  
 dia ipsum exstimulat, dum egre fert, eam felicitatem nobis constitu-  
 tam, vnde ipse exciderit. Quamobrem ad impediendū & rumpendū  
 præclarū hunc in nobis progressum virtutis ad exitū adeo beatū, omne  
 studiū suum adhibet & connixum. Superbia denique eundem efferat  
 quodammodo: quippe dedignetur se à nobis carne fragili amictis  
 profligari: proinde hinc acrior & pertinacior euadit in impressione  
 sua. Illius autem naturam si quis animo secum expenderit, nihil dubi-  
 tabit, quin virtutis sit excellentis, summaque in res materia concre-  
 tas potestatem obtineat. Si enim ex sententia Aristotelis verū sit: cælos  
 ipsos intelligentias in orbem ciere, facile eisdem opus erit, humana  
 consilia euertere, corporibusq; quamcunque demum immutationis  
 causam & formam inferre. Neque dæmoni deesse poterit rerum sci-  
 entia: completitur enim ipse cogitatione sua mundi fines, arcanos  
 eius recessus, effusa spatia, denique numerum & rerum pondera. Atque  
 ex

*Tentat dæ-*  
*mon.*

*Anton. lib.*  
*de semp. 52*

*Arist. 1. de*  
*Cel.*



*Cyp. exhort  
ad Mart.  
cap. 1.*

*Apoc. 20.*

*Euseb. l. 10  
præpar. c. 6.*

*Quomodo  
demon  
tentat.*

*Mercur. in  
Pimand.  
Procul. in  
Alcib.  
Apul. in  
dæmon. So-  
crat.  
Plato, de  
Repub. &  
Phed.  
Auicenn.  
aphorif.*

*D. Thom. 3.  
Cont. gent.  
cap. 130.*

ex vario multiplicique euentu experientia collecta, de futuris sagacissime pronuntiabit. Vnde D. Cyprianus: *Aduersarius vetus est, hostis antiquus, cum quo prælium gerimus: sex millia annorum iam plene complentur, ex quo hominem Diabolus impugnat.* Et ad significandum immensum eius ardorem, quo plane flagrat ad nocendum homini, istis nominibus illum insigniuit D. Ioannes: *Et proiectus est draco ille, magnus, serpens antiquus, qui vocatur Diabolus & Satanas.* Istius autem nomenclaturæ summā quandā energiam demonstrat articulus in Græco adhibitus, *Τὸν δαίμονα, τὸν ὄφιν, τὸν ἀρχαῖον.* In dracone astus, in serpente venenum, in Diabolo calumnia, in satana supplantatio notantur. *Dæmones*, inquit Eusebius, *si nominis potestatem dicere licet, non quia dæmones sint: quod Latine scientes dicere possimus: sed quia δαίμων soleant: pulcherrime appellauit: id autem Latine te timere, te terrere significat.*

De methodo autem & via quibus vtuntur Dæmones ad flectendū in nobis appetitum tam superioris quam inferioris partis (quod substantiæ spirituales longe superiores sint nostris intelligentijs) non tam facile erit vnicuique quidpiam certi & explorati statuere. Aristoteles quidem (vt creditur) plures istius ordinis spiritus non admisit, quam sint orbes cælestes. Minime agnouit proinde illam ipsorum in nos, quam fatemur, potestatem. Eam tamen alij philosophi nobiscum agnouerunt. Vt Mercurius, Proculus, Apuleius, Plato, & eius scholæ sectatores. Itaque Auicenna istius quæsti hanc secum rationem inuit: *Res (inquit) corporeæ compositionis expertibus substantijs ita subiectæ sunt, vti in omnem partem pro libito loco moueri possint ab illis: quod experientia quoque manifestum reddere videtur. Siquidē in homine imaginatio corporeos spiritus & artus concitat, sanguinem pellit, emittit, retrahit, illamque interdum intemperiem efficit: vt inde febris aut mors oriantur. Quod si imaginatio mole carnis oppressa tantam vim habeat ad cienda corpora: profecto intelligentiæ, à tali concrezione terrestri secretæ, in eadem multo maiorem obtinebunt virtutem. Cum vero mores animi plerumque corporis temperaturam sequantur, (vt ostendit Galenus) etiam in istis efformandis plurimum valebit dæmonis opera: quando corpus exagitarit permutaritque. Verum quod ad corporis motum spectat, arbitratur D. Thomas localem hanc corporis concitationem non fieri immediate ab imaginatione: sed interueniente perturbatione aliqua appetitus, quam imaginatio boni malive euocauit. Quo pacto super trabem angustam in sublime inambulans facile decedit, inquit, non ex vi solius phantasie, sed quod ad timorem casus membra trepident, mox labantur: quocirca affectio*



affectio appetitus excitat hunc motum corporis. Satis ideoque non erit, quod dēmo imaginationi prestigijs suis illudat, vt corpus moueat. Quare D. Thomas, propius ad huius rei explicationem accedens, primum negat quādam posse fieri a dēmonē, ne illi nimium concedatur: mox alia eius virtuti adscribit. Putat itaque excedere potestatem dēmonis, actum aliquem intellectui aut imaginationi effectione sua intrare, qui versetur circa res turpes: quasi ipse solus illos eliciat. Cum enim sint animæ operationes vitales, exigunt aliquam eius facultatem, vt ipsorum principium. Sed neque dēmoni attribuit D. Thomas facultatem excudendi speciem aliquam intentionalem, ad cuius effectiōnem minime concurrat vis ipsius animæ aut aliquis eius connexus. Quod vero ad corpus attinet, quod proxime recipit eius impressionem: immediate quidē sua innata virtute illud loco mouere poterit dēmon, eius partes, atque sanguinem spiritusque huc atque illuc impellere. Si autem qualitatem aliquam inferat corporeis artibus, id non prestat, nisi interueniente actiōe aliquo naturali, quod ab ipso, corpori applicetur. Corpora autem dēmones ciere posse & mouere, manifestum reddit Angelus, qui Loth patriarcham incendijs eripuit, & Sodoma euertit: quocirca per corpus traiecit omne venenum suum dēmon ad animam. Atque tribus præcipue hac in re eius virtus contineri apparebit: primum est, quo potest ipse sensibus humanis obicere aliquid, aut reali constitutione tabrefactum, sicut quando hominum oculos in pulchra quædam dirigit, quæ existunt plane: vel omnino delusorium: utpote ex luminis varia reflectione, & nubium condensatione multiplici conflatum: vel etiam quando hominū aspectus taliter omnino inani ostento, quo modo serpentinam formam cum effluxisse in paradiso multi autumant. Ex his autem sensui propositis perceptisque excitatur imaginatio ad recentem aliquam speciem excudendam aut veteris vsum. Euocata autem imaginatione, erumpit motus aliquis in appetitu sensitivo, qui inclinet solliciterque voluntatem ad affectum alicuius noxi & illiciti. Deinde adhibere valebit dēmon corpori occultas rerum naturalium vires: utpote lapidum, gemmarum, herbarumque, quibus immutando corpus imaginationem exinde flectet ad illud, quod ipse statuit & decreuit. Denique ipsum corpus subintrant, vel illi contiguus, humores fluere & defluere, condensari aut rarefieri, seruere aut tepescere procurabit. Vt enim ait D. Antoninus: *Natura corporalis naturaliter spiritali obedit ad motum localem: unde & Diabolus omnia causare potest, quæ ex motu locali corporum inferiorum prouenire possunt, nisi ex virtute diuina reprimatur.* Verissimum quidem est,

*D. Thom.  
opus. de  
causa pec-  
cat. art. 4.  
3. cōt. gent.  
cap. 130.  
1. part. q.  
111. art. 2.  
Vltor re-  
lec. de ma-  
gis.*

*Gen. 40.*

*Anton. li.  
de tempo.  
cap. 13.*

LLI



dem est, ipsaque experientia compertum, summam esse proportionem & habitudinem inter corporum alterationes & phantasie motus. Ideoque à medicis, ex insomnijs vagæ soluteque imaginationis opera præstitis, diuinationes fiunt & coniecturæ de corporum qualitate. Quorum etiam affectiones vim quandam habent in phantasiam, utpote facultatem animæ, organo corporis vtentem. Vnde fames, corporea quædam intemperies, ex diminutione humidi propagata, imaginationem pellicit, non solum ad doloris notitiam, verum etiam ciborum apprehensionem. Corporis feruor ad iræ, calor humori admixtus ad libidinis, humor ad quietis, siccitas ad tristitiæ cogitationem phantasiam excitabit. In appetentia autem honoris ex superbia, obscurius erit in corpore causam aliquam inuestigare: eo quod hæc obiectum habeat (vt loquuntur) rationis bonum, non sensus. Nihil tamen impedit, quo minus in corporeis spiritibus agitatæ & extenuatæ originem similiter habeat. Sed de his hætenus satis multa.

Corpus,  
imagina-  
tio, appeti-  
tus, volū-  
tas, causam  
dāt peccato  
ex demoni-  
is artificio

Ioan. vult.

Cum vero constet, Dæmonis arte informari posse hominis imaginationem certa aliqua notione boni delectabilis aut nociui: perspicuum erit, ipsum magnam quoque vim habere ad mores animi effingendos. Non quod necessitate aliqua cogere possit voluntatem concedere in prauam aliquā appetentiam, sed quod ipsam valeat plurimū extimulare, sollicitare ad illicita. Nam imaginationis notitiam sequitur subitaneus aliquis appetitus motus, qui in idem prorsus obiectum, quod imaginatio ostenderit, vehementer inclinat voluntatem. Adea enim facilis ductilisque est voluntas, quæ appetitui & sensibus arrident. Quod si voluntas suggestioni satanicæ plenum consensum exhibuerit, criminis propagabitur integra consummataque veluti proli generatio. Dæmon quidem tentando semen iniicit, homo consentiendo partum edit. Atque de huiusmodi loquitur Christus: *Vos ex patre vestro Diabolo estis.* Cum etiam cuiuslibet ingenium ad vnguem teneat dæmon, (quantum coniectare illi licet ex corporis habitudine & actibus externis) accurate intelligit quænam eiusdem dispositio melius conferat ad certum aliquod genus delicti. Proinde dubitari non potest, quin ipse sit ad commouendos hominum animos potentissimus. In hac autem arte sua imitatur eos, qui munita loca obsidione cingunt: scientes namque ea aperta impressione recipi non posse: clam paciscuntur cum aliquibus qui intus sunt de prodicione: ita quod nihil in ipsam animam, utpote inexpugnabilem, directe moliri queat dæmon: corporeos sensus mercede voluptatis conducit, quorum opera infelix anima tandē in eius potestatem deueniat. Quocirca in puteum hunc



hunc limpidissimum viuentis & videntis cum Philistæis rudera conij- *Gen. 16.*  
ciunt demones: quibus labe & sordibus criminum coinquinetur. Pu-  
teus quidem viuentis animus est, quod Dei viuentis eiusque vitæ ex-  
pressa imago, videntis pariter: cuius in luce omnia cernuntur, & spe-  
ctabilia euadunt. Principio itaque vis satanica corpus ferit & sensum,  
vbi ad animam tandem peruadat. *Dan coluber in via, cerastes in semita, Gen. 49.*  
*inardens ungulas equi, vt cadat ascensor eius retro.* Et vt inquit Augustinus:  
*Malum boe serpit per omnes aditus sensuales, dat se figuris, accommodat coloribus, Aug. 83.*  
*adhaeret sonis, latet in ira, in fallacia sermonis, odoribus se subijcit, infundit saporibus,*  
*quæst. q. 39*  
*& quibusdam nebulis implet omnes meatus intelligentie.*

*Rationum momenta recensentur, quæ animæ contra tenta-  
tionum vim præsidio esse poterunt.*

## CAPVT XX.

**N**aturæ fractæ & debilitatæ admodum propensiones  
plurimum faciunt ad morum prauitates: præsertim si  
alastoris genij insidiæ multiplices illis acceperint. Nihi-  
losecius ad erigendos atque corroborandos animos in  
hac acri virtutis pugna, plurima se offerunt: quæ si *4. Reg. 6.*  
mente numerauerimus, nobis aderit Eliseus aliquis, qui dicat: *Nolite*  
*timere, plures enim nobiscum sunt, quam cum illis.* Et imprimis non leuis aut  
exigui momenti res æstimari debet, quod contentione quadam nobis  
præclaræ merces comparandæ proponantur. Siquidem luctæ condi-  
tio illustis cum sit, eius opinio facile cuiusvis pectus, in quo vel  
igniculi virtutum conduntur, inflammabit præmij cupiditate. Istæ  
concertatio illud Iob sterquilinum illustrauit, nobilioremque sedem  
corporis effecit, quam fuit illa pergula, in qua Cleopatæ manibus  
vinctus Antonius, & luxuria emollitus, inter flores iacuit euiratus: *Opinio con-  
certationis  
& glorie,  
animi mu-  
nit contra  
vim tenta-  
tionum.*  
haud errare videret, si paradiso casus, ac ruinæ nostræ conscia, ac eui-  
dem maximæ occasione anteponerem. Huiusmodi sane estimatione  
imbutus D. Chrysostomus, Apostoli Pauli carcerem, testem admirabi- *Chrysost.  
hemit. do  
vincul-  
Paul.*  
lis illius constantiæ, clariorem duxit cælo empyreo: in quo parumper  
deliciatus Lucifer, mox inde præcipitatus fuit in Tartara. Neq; si com-  
paratio institueretur inter animæ castimoniam, qua eluxit eximie Su-  
lanna imperita tentatione: atque hortum illum floribus depictum,  
arborumque & herbarum ordinibus destinctum: vbi ad lauandum  
corpus



Anima il-  
lustrior  
horto aut  
paradiso  
expugnata.

Iacob. 1.

August. lib.  
14. Litu.  
cap. 20.

Pugna no-  
stra illu-  
strior ex  
hostiū peri-  
tia & vi.

Ephes. 6.  
Apoc. 9.

corpus balneum petebat: vlla inueniretur ratio æqualitatis: sed in-  
finitis gradibus talis anima horto illo, imo paradiso, vel cælo antitta-  
ret. Illibati namque virtutum flores, candentia castitatis lilia, sanctam  
& innocentem illam feminam decorarunt: quæ nullus estus libidi-  
num infuscare potuerit, aut efficere uti marcescerent: verum illius loci  
flores, quos solis radius è terræ sinu euocarat, eosdem denuo arefecit  
& absumpsit calor. Susannæ animam fortem ac sinceram nihil coin-  
quinati consilij subintrare potuit: at horti illius densa arboreta im-  
puros senes contexuerunt ac munierunt, & serpentem tamen Dei  
sententia eiectionem iterum exceperunt. Habet itaque ipsa digladiatio  
& conflictus, quæ in retinendis virtutibus vitijque superandis ver-  
santur, multum quidem decoris ac gratiæ: & nobis omnino gloriæ  
cedit, quod non otiosis aut residuis iustitia accedat, sed vigilantibus  
potius accerrimeque confligentibus. Alterius fauor esset, bonos nos  
euadere sine labore, non industriæ nostræ decus & ornamentum.  
Splendor enim non in rebus fluidis, sed in solidis & concretis gem-  
mis elucet maxime. Ita indurandi assidua contentione sumus, ut vir-  
tute fulgeamus. Hinc Apostolus: *Omne gaudium existimate fratres cum  
in tentationes varias incideritis: scientes quod probatio fidei vestra patientiam ope-  
ratur.* Et ut ait D. Augustinus: *Dum huius vitæ infirmitatem gerimus, si ten-  
tationes & passionem omnino nullas habemus, non recte vivimus.* Iniquam idcirco  
conditionem nostri non queramus, nec egre feramus quod huiusmodi  
concertatione vita distineatur: quinimo gaudendum potius, nobis  
brauium cursu acquirendum exponi: quod sane viro forti animos ac-  
cendere deberet, si modo præclari alicuius facinoris desiderio tenea-  
tur, aut vera laude ducatur. Atque ad dignitatem illius contentionis  
plurimum faciunt aduersarij, cum quo confugimus, vis & astutia. Quo-  
niam non est nobis colluctatio aduersus carnem & sanguinem: sed aduersus princi-  
pes & potestates, aduersus mundi rectores tenebrarum harum, contra spiritualia  
nequitie in celestibus. Quorum etiam in nos hostiles animos ita describit  
Euangelista: *Et vidi equos in visione, & qui sedebant super eos habebant loricas  
ignis, & hyacinthinas, & sulphureas.* Quid equi quibus vehuntur? nisi vis,  
& impetus, velocitasque incursus. Quid lorice flammæ aliud innu-  
unt, quam demonum subtilem substantiam, qua in latentes hominum  
sensus facillime penetrant? Earum calor hyacinthinus nequitias sig-  
nificat, quas Apostolus supra dixit in celestibus: utpote animorum  
elationes, schismata, hereses, Apostasias, dissidia, partiumque studia.  
Sulphureæ, blasphemiam in ipsum Deum indicant, libidinumque  
factores: quibus omnibus veluti iaculis nos Dæmones adoriuntur.

Quam-



Quamobrem si immanis illa moles, qua giganteum Goliath corpus constabat, Davidi admodum iuveni, dimicationi insuero, eandem ad terram prostermenti, laudi & gloriæ fuerit: deprecandum quoque suspiciendumque in nobis animi robur efferetur: si modo fragili carne induci, exigui & depressi, spiritus illos potestate & substantiæ magnitudine ita insignes devincimus ac debellamus. Protoplasta naturæ dignitate & integritate absolutus, perfectissimæ quoque gratiæ subsidio adiutus, & corroboratus, loci etiam in quo morabatur specie recreatus & ad dimicandum inde animatus, ne inde eiectus exularet: nihilominus insidijs serpentinis impetitus succubuit, & è summo illo gradu decidit imperij. Sin vero nos, etiam vulnere graviter concussi, neque talibus instructi copijs, Satanam profligemus: in hac nostra imbecillitate & exilio quantum decoris & ornamenti apparebit? Nullus itaque a sepe deiectus, in qualem opinione sua, seu potius abiectione sui se Dæmoni faciat: vel causetur secum, illum substantiæ ratione segregatum a concrezione terrestris, & immortalitati donatum: hominem vero conflatum ex partibus inter se dissidentibus, istisque crassis & impuris, mortis legibus subiectis, & mille incommodis obnoxijis: illum eximia mente præditum omnia intueri enucleate & explore: hominis autem intelligentiam in erroribus versari plerumque & densa caligine. Verum quidem est magnam olim vim & quasi imperium in homines exercuisse Satanam: quando nimirum Græcismus & superstitiosus deorum cultus mortalium animos occupant. Ut enim scripsit Lactantius: *Adherent singulis hominibus, & omnes ostiatim domus occupant: ac sibi genitorum nomen adsumunt. Sic etiam Latino sermone demones interpretantur. Hos in suis penetralibus consecrant, his quotidie mirum profundunt, & scientes demones venerantur quasi terrestres Deos, & quasi depulsores malorum, quæ ipsi faciunt & irrogant. Qui quoniam sunt spiritus tennes, & incomprehensibiles, insinuant se in corporibus hominum, & occulte in visceribus experti, valetudinem viciant, morbos citant, somnijs animos terrent, mentes furoribus quætiunt: ut his malis cogant ad eorum auxilia decurrere.* Modo autem illo fortis in eius regnum inuasit, Christus nimirum Dominus: quem deiectum compede strinxit, & infernali antro inclusit captivum, neque valebit postea vim suam ita in humanum genus exercere. Ipsa quoque apparitura pares sumus, actione si velimus superiores. Cogitatione itaque tantæ dignitatis, ad sustinendas tentationum impressiones, animabitur pectus virile & excelsum. *Laudauerim (inquit D. Ambrosius) virtutem gubernatoris, qui nullas procellas senserit, & cursum nauis direxerit nulla tempestate iactatus: sed illum laudauerim, qui aduersus ventos renititur, insurgit aduersus*

Lactant.

lib. 2. c. 13.

Lactant.

lib. 2. c. 13.

Ambros. in  
psal. 118.



Herodot.  
lib. 5.

Tentatio  
commoda.

Matth. 6.

Greg. lib. 2  
3 Moral.  
cap. 127.

Augustin.  
psal. 30.

sus fluctus, non timet, vel cum eleuatur vndis nauigium, vel cum ad profundum ima de-  
ponitur: ita ille laudandus est gubernator sui, qui ea quæ aduersa sunt vincit patien-  
tia, virtute superat, secundis non extollitur, aduersis non frangitur. Et sane quod  
ingenti quodam odio armati in draconem hunc insiliamus, veluti in  
omnis nostri mali authorem. Darius cum audiisset Sardas ipsius socios  
mali habitos ab Atheniensibus, famulo suo, egre ferens illorum cala-  
mitatem, præcepit ut ei ter in cæna quotidie diceret: *Here memento  
Atheniensium*: ita iniuriam omnem animis sæpius repetere debemus, qua  
dæmones vitam hanc nostram ferme confecerunt: ut semper de vin-  
dicta cogitemus. Quod efficiemus nobiscum statuentes, eorum asper-  
nari ac reijcere illectamenta, quibus carni lenocinantur. Cum vero  
præcipuum & vnicum animæ ornamentum sit virtus, quod eius in  
nobis multiplicem actionem eliciat iniecta tentatio, & animis à de-  
mone intententata malitia, profecto eandem nobis vtilissimam repu-  
tare oportebit. Quando autem oramus: *Et ne nos inducas in tentationem*,  
prorsus carere non cupimus infestatione satanica: hoc enim rerum  
naturæ ordinique à Deo prefixo ac constituto aduersatur: iam enim  
stipendium gloriæ & pondus non nisi tentatis proponuntur. Sed ad  
contundendam Pelagianam superbiam, memores propriæ imbecilli-  
tatis veremur pugnam: & ideo subsidium diuinum imploramus, ne à  
tentatione vincamur. Cuius conflictationis emolumenta ita recen-  
suit D. Gregor. *Cum tentamur vicijs, pia dispensatione nobiscum agitur, ne his  
virtutibus, quibus proficimus, extollamur. Cum flagellis atterimur, admonemur ve  
mundo blandienti seducamur: vitia dum nos tentant, proficientes virtutes humilia-  
ant: flagella dum nos tentant, surgentes in corde huius mundi voluptates eradicant;  
per tentantia vitia discimus, quid de nobis sentiamus; per ferientia flagella cognosci-  
mus, quomodo de hoc mundo fugiamus; per ista comprimimur, ne quid extrinsecus appe-  
tamur, per illa restringimur, ne intrinsecus extollamur. Timore & voluptate (ut  
docet D. Augustin.) tentatio omnis definitur. Voluptas dimissos nos  
facit, & vilissimarum rerum appetitores; timor absterret nos à bonis  
consilijs, pericula alicuius damni sensibus nostris obijciens. Virtus au-  
tem tunc efflorescit, cum praua cupiditas abiecta fuerit, inanesque  
terrores excussi. Vasa pulsu probantur, an firma & integra. Contrita  
aromata odores spirant. Contusa metalla resplendent: ita ipso con-  
flictu & tentatione aduersaria virtutes excitantur in nobis, & decus  
suum ostendant. Procella nautam, lucta athletam, vis belli impera-  
torem, difficilia fortem, & tribulatio Christianum probat, proba-  
tumque illustrem exhibet & conspicuum.*

Præter hanc ipsam actionis honestatē & colorem: impellet multum  
ani-



animos, ac confirmabit ad pugnandū, vincentibus constitutū præmiū, ipsiusque Dei conspectus (in cuius præsentia nos eius milites præliamur) acres nos reddet & animatos. Quomodo enim existimare possumus illud gloriæ immensum pondus, quod intelligentiæ vim omnem & ambitū longissime excedit, sine sudore & sanguine parari? Olimpica laurea pulveres suos habuit, solis radio feruentes. Haustus è Musarum fontibus, difficili & per accliuia ascensu habetur. Post frequentes anhelitus & admirabiles animorum corporumque æstus & eluctationes imperij fines propagantur. Tamen si modo in istis spectatus finis, & instituti exitus mente solum, aliquando etiam errore, designatus, durissimos labores, suauēs, imo experibiles reddant: quid efficiet cælestis præmij cogitatio, dum parum ipsa contentione defatigati, sursum capita spiritum ducentes attollimus, oculisque vtrunque præmij illius magnitudinem merimur? *Sinit ergo nos* (inquit D. Ambrosius) *sæpe tentari Deus, valeus iusta præmia dare luctanti, itaque non dormienti: non decet redemitos fortibus corona, sed puluerulentos; nec molles deliciis, sed labore exercitatos armat victoria.* Cum idcirco acriori vrgemur tentatione, magnitudo præmij respicienda. Hęc enim non gratis omnino nobis nihil agentibus allabatur, sed solerter gnauiusque operi incumbentibus. Quod si regis alicuius vel imperatoris conspectus, vti fauor eius ac gratia concilientur, præstet vti arma tractantes maiori cum dexteritate animoque feruentiori inter pugnandum se gerant: multo magis hoc ipsum faciet in hac nostra dimicatione, si quod res est cogitemus, supremum nimirum Numen nostris adesse conatibus, illorū esse spectatorem ac iudicē. Quicquid mali facilius perferemus, hoc reputantes, quam vti fracti aut turpis speciem aliquā eius oculis limpidissimis obiectare velimus. Huiusmodi consilio inducti Darius & Alexander, summi belli imperatores, in editis ac conspicuis locis esse voluerunt: in quos pugnantes ipsorum milites intenderent. *Nam* (vt inquit Curtius) *ante oculum regis morte necumbere ducebat egregium.* Scio peruersos nouatores dogmate, atque ad lenocinium omnino composito, hac ex parte mi instituti neruos præscidisse, docentes nemini licitum esse exspectare cælestis præmij, quidpiam boni moliri. Ita satanæ more suo continuo partibus fauent. Tentationis namque vim & impetum cælorum adpectu ac coronæ expectatione facilius sustineri posse ac deuinci nemo est qui non sciat. Calcaria ac spiritus retributionis opinio adhibebit luctanti. Hoc autem fomentum animorum, ac refectionem in tam graui necessitate subtrahunt hominibus sectarij. Quid aliud faciunt, quam vt cæptis fracti desistant, ac fuga sese prælio subducant?

Satis

*Præmiū  
or Dei præ  
sentia ar-  
māi contra  
tentationē.*

*Ambros. in  
psal u8.*

*Curt. lib. 4*

*Heretici  
vim ad re-  
sistendum  
tentationi  
eneruant.*



Satis autem demirari nequeo hanc ipsorum proiec[t]am patentemque infaniam. Integrum omnibus erit corporibus curandis reficiendisque multa concedere, quæ lex non interdixit, mala denique omnia amoliri animæ aut carnis. An non pariter tunc nobis concessum, c[ele]stem illam beatitudinem vti nobis commodam expetere? Quod si verum admittatur: istius potiundæ causa media quoque posse adhiberi, & comprimis egregia virtutum opera vnusquisque videbit ac profitebitur. At temerarij absurdiq[ue] magistelli ferme semper in naturam ipsam errantes impingunt & offendunt.

*Cohibendi  
sensus, vt  
vincatur  
tentatio.*

Imitandum quoque à nobis videtur prudens illorum consilium, qui obsessi ab hoste, cum exiguis suis copijs porta non egrediuntur ad configendum contra numerosum exercitum: sed vallo m[an]ibusque inclusi, ipsius loci custodia ac munimentis se defendunt: ita cincti cum simus aduers[us] potestatis obsidione, sensus nostri foras excurrere non debent: hoc est, minime tutum erit periculis & occasionibus delinquendi sapius nos c[om]mittere: sed disciplina potius seueriori strictiorique coërcendi, & intra certum spatium occupationis continendi sumus. Potus veneno infectus, quem interficit? haurientem. Fluctus quos absorbent? natantes aut nauigantes. Belli clades quos inuoluit? temerario pugnantes. Edax flamma quid absorbit? apposita ligna: Pests quos corrumpit? nimium vicinos: ita neminē ferme tentatio deiicit, nisi illum, qui peccandi causas subductione sui haud effugerit.

*Basil. tract.  
21.*

Nam vt bene disserit D. Basilus: *Quamuis nautis gubernatori concessum non sit, tranquillitatem mari pro arbitrio & voluntate imponere: nobis tamen integrum est, vitam quietam omnemque vacantem perturbatione constituere: si nimirum inter nos tumultus, qui ab affectionibus externis proficisci solent, sedauerimus, & mentem eis, quæ extrinsecus accidunt, altiore constituerimus. Siquidē illi, qui nimis magnum studium & curam in res mundi istius conferunt, tanquam volucres carnosæ frustra habentes, vna cum esculentis suis deorsum trahuntur.* Cuius quidem con-

tatio in promptu. Motus enim appetitus sensitui, qui proximæ existunt vitiorum, non prius excitantur, quam sensibilibus quidam in oculos aut alium sensum incurrerit. Vnde venit quod ij aciores frequentioresq[ue] interioris hosce motus patiantur, qui sensibus habenas laxantes, incuria quadā illos dimittunt, sinuntq[ue] effuse vagari.

*Imaginatio  
in bonis  
occupanda.*

Quod vero primus assultus, quem in animam facit demonis tentatio, rei cuiuspiam sit in imaginatione expressa noticia: præsidium aliquod vti huic parti constituamus, necesse est: quo primæ hostiles imprelliones ilico repellantur. Hoc autem duplici ratione efficietur: primo si mentem optimis notionibus continuo præoccupatam habeamus ac munitam.



munitam. Sic enim locus suggestioni nephariæ non supererit: sed sicut muscæ ad tersum delatæ speculum extemplo decidunt: ita cogitationes turbidæ ad serenum animum appulsæ, luceque rationis splendidum, labuntur protinus, reciduntque incassum. Nam ad rei cuiuspiam perceptionem attentio quædam estimatiuæ facultatis requiritur, eiusdemque quidam connexus: impeditus autem & districtus animus melioribus notionibus, torinsecus allatis simulacris haud intendet: proinde quod incussum fuerit, nullam plane impressionem faciet. Alius vero modus repellendi tentationes tunc existit: quando subitaneum motum animaduertentes, nos recolligimus, & alio statim mentem transferimus. Serpentes, si vel paruis ictibus ipsorum capita concussa fuerint, statim trucidantur: reliquo autem corpore etiam protrito vulneribus tamē vita non cedit: ita primis cogitationū initijs extinctis, quod restat nullo ferme negotio debellatur: sin vero infixæ fuerit lenocinij apprehensio, quam mens semel concepit: inde necessario cupiditas & appetitus delectabilis incrementum capient. Vnde Psalmista: *Beatus, qui alludit paruulos suos ad petram.* Ille nimirum, qui tactam in se tu nephariæ cogitationis mentem, quam citissime collustrationis agilitate transfert ad Christum Dominum, firmissimam petram, ipsaque austeritate duram: cuius robore optima proposita fixa manent & stabilia: cuiusque firmitudine teneræ & emollitæ voluptatum blanditiæ tanquam maris spuma dissipantur.

*Psalm. 1. 6.*

Explorandæ demum unicuique (maxima qua fieri poterit sagacitate) inclinationes & naturæ pondera: sic enim sedulo studio reparantur incommoda natiuitate ipsa, lacte materno & domestica educatione contracta: meliusque prouidetur ijs malis, quæ aliqua ex parte nobis periculum maius adferunt. Quemadmodum qui ciuitates muniunt & defendunt, instructionem machinarum ibi parant firmiorem, ubi patentior hosti aditus offertur: vel ubi murus aut vallum non ita valida sunt ad ictus tormentorum: sic naturæ propensione eiusdemque imbecillitates perspectæ, efficiunt in nobis maiorem firmitatem, certioresque intelligentiam, quibus contra hostium impetus subsidium aliquod labenti animæ supponamus. Proinde huic inspectioni summa diligentia vigilantiaque incumbendum. Si enim de die & de nocte, nulloque remisso tempore, continuo insidiæ nobis struantur, non frequentes, sed perpetuæ sollicitudines animum urgere debent ad sui custodiam: ita ut præsidium nunquam interruptum, infestationem perpetuam exæquet. *Super custodiam meam* (inquit Propheta) *stabo, & figam gradum meum.* Dux quidam Romanus, militaris disciplinæ

*Defectus  
natura ab  
illo intel-  
ligendi, qui  
cupis tem-  
tationes  
superare.*

*Abac. 2.*

MM m

obser-



Cornel.  
Ta it. lib. 11  
Aual.

Pietas mu-  
nimentum  
contra ten-  
tationem.

Hermes  
apud Laft.  
lib. 2. c. 16.

Thucid.  
orat. Peric

Pfal. 17.  
Eph. 6.

obseruantiffimus (de quo fcribit Cornelius Tacitus) gregarium quen-  
dam militem cefpice egreffum, quafi indiligentem, proiectæque incur-  
riæ hominem occidit: & alium eadem pœna plecti voluit, quod pugio-  
ne tantum armatus terram defoderet. Enimvero fi comparatio fierit  
inter genus periculi, in quo ex neglectu tentationum delidiosi verfan-  
tur: atque illud, in quo fuerunt Romanij milites, rationes in promptu  
aderunt, ob quas maiorem illi curam in fui munimentum conferre de-  
berent, quam ifti. Hoc autem vel maxime perficitur exercitio virtu-  
tum, præfertim vero pietate & diuinorum cultu. Horrendus illi dæ-  
moni videtur, qui mentis agitatione, feu potius exceffu, ftudia fua om-  
nia & cogitationes tranftulit ad cœleftia. Hunc aggredi vix audit: videt  
etenim cœlefti rore extinctam libidinem, tranfmiffa luce ferenatum  
animum, diuino amore fubactam carnem, denique nulibi fibi ingref-  
fum patere. Quod & ipfis philofophis obfcure non fuit: illis etiam  
temporibus, quando dæmonis imperio omnes ferme fua capita dimit-  
tebant. Sic loquitur Hermes: *Vna custodia pietas. Pium enim hominem nec  
dæmon malus nec fatum tenet: nam Deus liberat pium ab omni malo. Quod enim  
vnum & folum in hominibus bonum eft, pietas. Quamobrem huic noftro in-  
ftituto convenientiffimū mihi videtur confilium illud Thucididis cui-  
dam militi traditum, ab ipfo informationem militarem exquirenti:  
tria hæc inquit tibi obferuanda: το ἐθέλειν, καὶ το ἀσχυθεῖναι, καὶ το τοῖς  
ἀρχοῖς πείθεσθαι. Velle, vereri, obedire. Primum indicat defixum ani-  
mi propositum præliandi, quo affici omnino is debet, qui huic negotio  
euincendi tentationis incumabit. Alterum fignificat, tutum non efle  
temerario fe pugnis committere. Et fimile quid Chriftianus miles ob-  
feruat, dum occafiones deuitat delinquendi, difciplina fe munit atque  
coërcet. Poftremum innuit in perplexis euentibus vtiliffimum fore,  
aliorum fententias requirere: quod & nofter athleta, quem inftituimus,  
exercebit: proprio ingenio nimium non fidens, fed peritorum iudi-  
cio multum concedens. Nam vt loquitur Pfalmifta: *Tenebrofa aqua in  
tribus aëris*. Siquidem poteftates iftæ, de quibus Apoftolus, tenebrofam  
in nos fæpius aquam dimittunt, vt obcecatos ex qua velint parte vul-  
neribus conficiunt. Atræ autem iftæ nebula aliorum confilij, veluti  
radio folis, fæpius fugantur. Nihil autem miri fi luxuriantes petulan-  
tesque frequentius dæmonum incurfu ad praua impellantur. Quem-  
admodum nec admirationem parit vllam, quod corui, & vultures  
turmatim conuolent ad cadauera. Carnis idcirco caftigatio adhi-  
benda, & efca quafi dæmoni hoc pacto fubtrahenda: neque in omnem  
partem laxanda cupiditas, fed intra certum fpacium coërceda, ea enim  
ipfe*



ipse vitur in nostram perniciem. Verum de istis superius satis multa diximus. Denique admirabilis illa virtus sacramentorum, qua per aureos canales, sacrosanctus Christi Domini cruor ad animas nostras deriuatur, efficax omnino est ad extinguendum ardorem libidinis, omnisque prauæ appetentiæ impetum propulsandum. Ea propter huiusmodi fontes sæpius adeundi perendique: de qua re impofterum copioſior à nobis diſputatio inſtituetur.

*Pelagiana ſuperbia, diuinæ gratiæ ſubſidium recuſans, vitijs locum parat: ex aduerſo autem orthodoxorum dogmata, de gratiæ iſtius neceſſitate ſuſcepta, virtuti & puritati morum conſentiunt. Quæ etiam ad expugnanda ſ. elera ſionnam ſtatuunt ex ratione opem: vtpote firmiſſimum animæ præſidium: quod cum Pelagianis Caluiniſtæ labe ſactarunt.*

## CAPVT XXI.

**Q**Vi graui accepto vulnere miles, diſſimulato malo, & dolore mente occultato vix ad mouenda brachia, aur pedibus conſiſtendum idoneus aciem repetit: imperatori inutilis, ſibi ipſi improuidus, & ad necem creatus iure cenſebitur: imprudens iſte, & ex animi elatione temerarius extitit Pelagius: etenim protoplaſtæ errore, lapſuque ingenti quadam vi concuſſus, inde etiam plurimum debilitatus, ac ferme fractus, veretur tamen quod res eſt agnoſcere, & ſuam voce prodere infelicitatem: ſed firmamentum gratiæ reiiciens, inermis & nudus impotentia quadam animæ concitatus, ad bellum rapitur, vitæque miſer diſcrimen ſubit. Non ignoro fortiſſimum Dauidem arma Saulis, quorum uſum non habebat, repudiaſſe, ſed quid? exarmatusne deſcendit ad certamen? lorica quidem capitis munimentum, horrenda aliqua efferati animalis forma effigiatum haud intueor: ſed neque thoracem pectoris vaſtitatem animumque ferreum oſtentantem video: abeſt etiam fulgens clypeus, in quo victoriarum inſculpta monumenta deſcribi ſolent. Corporis habitus paſtoralis plane & domeſticus, vel campeſtris, non Martius. At, en tibi aliam panopliam, non vulcan-

*Pelagius  
miles im-  
prudens.*

*1. Reg. 17.*

MM m 2

neam,



neam, sed diuinam, non incantationibus premunitam, sed virtuti celesti corroboratam. Ego autem venio ad te in nomine Domini exercituum, Dei agminum Israël, quibus exprobraſti hodie, & dabit te Dominus in manu mea, & percutiam te, & auferam caput tuum à te, & dabo cadauera caſtrorum Philistin hodie volatilibus cali, & beſtijs terræ: vt ſciat omnis terra, quia eſt Deus in Israël. Pari modo in conflictu, quo à nobis in vitia pugnatum eſt, non ſenſibus obiecta præſidia comparantur: ſic enim diuitiæ, populi fauor, generis dignitas multum conferrent opis ad victoriam: ſed alterius ordinis ſunt firmamenta noſtra, intelligentia ſolum diuinis que notionibus percepta. Quod cum euidentius conſtaret, tum ex ſcripturæ testimonijs, tum communi omnium populorum ſuffragio, male audire cepit Pelagius, & piorum animæ grauiter offenſæ eius dictis, ferre non potuerunt ſententiam adeo peruerſi dogmatis. Animis enim horrebant affirmare, quempiam hominum ſine diuinæ gratiæ adminiculo felicitatem poſſe adipiſci: propterea (vt adnotauit D. Hieronymus) ſola Pelagiana hæreſis, inter ceteras omnes, proprio notata nomine aut characterẽ, in publicum prodire auſa non fuit. Neque explicare & enucleare profiteri voluit, quod ſenſu inuoluebat: ſed varijs verborum inuolucris teſtus, honeſtaq; ſpecie excultus teterrimus error, graſſari cepit, citatoque curſu Chriſtiani orbis fines tantillo temporis eſt complexus: virus concepit, & aluit primum Britannia, mox Galli, Itali, Græci, Egyptij, Afri in intimos ſenſus effuſam veneni vim exceperunt. Hoc autẽ negotiũ tam dextere & accurata arte tractauit Pelagius: vt Dioſpoli in Paleſtina cũ orthodoxis patribus pronunciatum illud abiuraret, quo dicitur ad recte traducendã vitam diuinæ gratiæ opẽ non eſſe requiſitã: ſeq; affirmauit opinionem de gratiæ neceſſitate ſuſceptã non conuellere, ſed ſtatuerẽ potius, & corroborare. Quis non Catholicũ plane hereſiarchã hũc ex voce reputaret? Vnde alumnus eius & ſectator Celeftinus, Romæ diſputatione publica, præſidente Zozimo Romano pontifice, Pelagianũ dogma enarrans, ita verſipellẽ egit, ſic verborum præſtigijs ſenſibus in hanc hæreſin inquirentium illuſit: vt iudicio ipſius Zozimi abſolutus fuerit, & ſuſpicionẽ erroris, qua laborabat, leuatus ac liberatus: imo Pelagius ipſe, literis munitus Præſidi Hieroſolymitani antiſtitis, ſententia quoque ipſius Zozimi orthodoxus iudicatur. Cum vero acrius adhuc inſtarent Catholici, ſubdubitantes ne ſub virenti herba quid ſerpentis latitaret: peterentq; ab ipſo preſſius, vt explicaret quidnam gratiæ nomine, cuius fautorem ſe tantopere deprædicabat, ſignificare vellet: conſtringentes hominem, rupe-  
runt oua aſpidis, & egreſſus eſt regulus. Bimembrem namque iſte ſuæ gratiæ

Hieron. ep.  
ad Cteſiph.  
Pelagij hæ-  
reſis odioſa

Pelagij hæ-  
reſis frau-  
dulencia.

D. Hieron.  
ep. 19.  
Aug. lib. 2.  
retract.  
cap. 47.  
Epiſt. 20.  
Zim. apud  
Baron. tom.  
5. pag. 417

Eſa. 59.



gratiæ partitionem (orthodoxo etiam more vt videbatur) fecit. In- *Gratiæ quæ*  
 ternam vnam, alteram externam nominauit. Internam autem ad vir- *agnouit*  
 tutes tam morales quam theologicas exprimendas liberum posuit *Pelag.*  
 arbitrium, intellectus ingenita vi collustratum: quod, cum dono cre-  
 ationis gratis homini attributum fuerit, absq; operum merito, gratiam  
 merito nuncupandum pronunciauit. Quam quidem vocis gratiæ ma-  
 xime vniuersalem acceptionem, naturę quoque munera coercere affir-  
 mat D. Augustinus. Externam gratiam omni illo definiuit Pelagius, *August. ep.*  
 quod sensibus subiectum, homines in cogitationem deuenire facit, & *91. & in*  
 intelligentiam sui officij. Cuius generis reputauit miracula, concio- *psal. 144.*  
 nes, quibus fidei mysteria enunciantur, & credibilia redduntur: pro-  
 mulgationes quoque legum, Christi Domini voces & opera, Aposto-  
 lorum labores, quibus ostendebatur quid credendum, quid speran- *Pelagius*  
 dum, quid diligendum. Insouante itaque verbo extrinsecus, sine alio *vim crucis*  
 naturę inducto adiumento, ex istius sententia fidē homines adhibent *externa-*  
 Euangelij dictis, in spem etiam beatitudinis animos erigunt, tentatio- *uit.*  
 nes superant, legem adimplent, omnia denique obeunt recti honestiq;  
 munia, ad officium præstandum finemque adipiscendum requisita.  
 Quamobrē cum Pelagius nullos debilitatę naturę languores agnoue-  
 rit ex originaria culpa profectos, tenebras nullas menti offusas, imbe-  
 cillitatem nullam voluntate adiectam, appetitui denique nihil turbu-  
 lentię accessisse opinatus fuerit: legistatorem & doctorem tantum  
 Christum Dominum, non naturę lapsę reparatorem, non vulnerum  
 atque morborum curatorem admisit: cum summa crucis iniuria, ac  
 in Deum blasphemia. In hanc ipsam formam Pelagij mentem inter-  
 pretati sunt patres eius contemporanei, qui causam ipsius ad curiam  
 Pontificiam primo retulerunt: *Isti autem asserunt, sicut à fratribus, qui eorum*  
*libros legerunt, cognouimus: in eo Dei gratiam deputandam, quod talem hominis in-*  
*stituit creauitque naturam, quæ per propriam voluntatem legem Dei posset implere,* *Epist. In-*  
*sue naturaliter in corde conscriptam, siue in literis datam. Eandem quoque legem ad* *noc. ad Ep.*  
*gratiam pertinere, quod illam Deus in adiutorium hominibus dedit. Verum cum* *i. Tom.*  
*Concil.*  
 Pelagij sequaces premerentur multum scripturarum testimonijs, qui-  
 bus luculenter asseritur præter legis externam denunciationem, ipsas-  
 que arbitrij & intellectus vires, in subsidium naturę adhuc postulari  
 gratiam diuinitus inspiratam, vt vita Christiana bene instituatur, &  
 virtutum ornamentis insignita feliciter decurrat; eam tandem falsi  
 sunt. Sed ob quem finem? non vt omnino conducatur quasi necessaria  
 ad honestas diuinæque actiones: sed solum vt illius accessu molitio-  
 nes virtutum faciliores nobis essent & expeditiores. Quam quidem  
 hæresim



Hieron. ep.  
ad Ctesiph.

hæresim (vt narrat D. Hieronymus) hac consecutione intulerunt: Liberum homini inditum est arbitrium; non ergo indigebit ad officium præstandum alio interno gratiæ auxilio. Illationem legitimam admittunt Neoterici sectarij: proinde aliam plane oppositam ex opposito consequentis eliciunt: sic differentes: gratia prorsus est necessaria, excussum idcirco est homini liberum arbitrium.

Gratia non  
solum ad  
facilitatē  
recte vi-  
uendi, sed  
simpliciter  
est necessa-  
ria.

Vim & naturam Pelaginz hæreseos proprijs coloribus descripsi-  
mus: nunc nobis incumbit, vti orthodoxam veritatem paucis eluci-  
demus. Optarem equidem imperitos inductosque sectarios, ex pro-  
genie Lutheri atque Caluini propagatos, veri tandem intelligentijs  
suis de diuinæ gratiæ adminiculo sententiam nostram adsequerentur;  
quod hætenus sane minime præstiterunt; toties homini nostro, men-  
dacio vel calumniæ pelagianismum affingentes. Reuocandi ad orbi-  
lium, quos sic instituo. Recolenda istis imprimis est, & in memoriam  
redigenda sanctio Concilij Mileuitani, quæ istis exprimitur: *Quisquis*

Concil. Mi-  
leu. cap. 4.

*dixerit eandem gratiam Dei per Iesum Christum Dominum nostrum propter hoc  
tantum nos adiuuare ad non peccandum, quia per ipsum nobis reuelatur & aperitur  
intelligentia mandatorum, vt sciamus quid appetere, quid vitare debeamus: non au-  
tem per illam nobis præstari, vt quod faciendum cognouerimus, etiam facere diliga-  
mus, atque valeamus, anathema sit. Et ne quis asserat auxilium gratiæ, facili-  
tatis potius esse commodum, quam necessitatis præsidium, aliam idem  
Concilium definitionem subiunxit: Item placuit, vt quicumque dixerit ideo  
nobis gratiam iustificationis dari, vt quod facere per liberum arbitrium iubemur, fa-  
cilius possimus implere per gratiam, tanquam etiamsi gratia non daretur: non quidem  
facile, sed tamen possimus etiam sine illa implere diuina mandata, anathema sit.*

cap. 5.

Concil. Au-  
ros. cap. 5.

Simile quoque iudicium Celestini pontificis, Pelagianum errorem per-  
culit: *Diuini est muneris, cum & recte cogitamus, & pedes nostros à falsitate, vt in  
iustitia tenemus. Quoties enim bona agimus, Deus in nobis, atque nobiscum, vt opere-  
mur, operatur. Atque vt innotescat nunc demum sectarijs, quam peren-  
ni & interrupto cursu per omnes ætates feratur veritas orthodoxa: au-  
diant decretum Tridentinæ synodus: Si quis dixerit, sine præueniente spiri-  
tus sancti atque eius adiutorio hominem credere, sperare, diligere, aut penitere posse,  
sicut oportet, vt ei iustificationis gratia conferatur, anathema sit. Quam consen-  
tientes conspirantesque Ecclesiæ Romanæ voces? Non sic Babylonici  
hæretici harmoniam edunt. Nec miror: integrum namque & concin-  
num opus haud moliuntur; sed idolum potius illud apud prophe-  
tam confutatum ex varij generis rebus, minimeque coherentibus. Sen-  
tentia itaque Ecclesiastica hoc spectat: vt contra Pelagium gratiæ ne-  
cessitatem decernat, eiusque interioris: non quidē solius intellectus  
aut*

Concil. Trid.  
Sess. 6.  
can. 3.

Dan. 2.



aut liberi arbitrij, sed alterius doni, cuius collatione mens imprimis veritatis luce perfunditur. Neque tantum (vt voluit Pelagius) exigitur quævis agendorum cognitio, sed requiritur (vt definit Concilium Tridentium) Spiritus sancti illuminatio, cor hominis tangens, inspiratio ipsius arbitrium excitans vocansque: deinde vis arbitrij operatrice Dei gratia adiuta (vt definit idem Concilium) Deo excitanti assentitur, atque vocanti cooperatur: Liberrime ramen; nam vt ait Concilium: *Inspirationem illam recipiens, quippe qui illam & abijcere potest.* Atque de huiusmodi gratia interiori naturæ inducæ, intelliguntur loca scripturæ: *Habentes igitur donationes secundum gratiam, quæ data est nobis, differentes. Vnicuique autem nostrum data est gratia, secundum mensuram donationis Christi.* Vnde cum huiusmodi gratia beneficio nobis insito constet; procul dubio actum aliquem, habitum, aut qualitatem inuoluet: alterius siquidem rationis effectum cogitare non possumus benignitate Dei in animas nostras diuinitus transfusum. Hoc ipsum toties D. Augustinus contra Pelagianos probauit, multumque opere in eo posuit, vt ostenderet præter creationis donum, requiri aliud gratiæ, etiam interius collatum ad perfectionem Christianam. *Non ideo dicendum est, quod Deus adiuet nos ad operandam iustitiam, atque operetur in nobis velie, & operari pro bona voluntate: quia præceptis iustitiæ forinsecus insonat sensibus nostris; sed quia intrinsecus incrementum dat, diffundendo charitatem in cordibus nostris per spiritum Sanctum, qui datus est nobis; & alibi: attendamus gratiam Dei, non solum qua fecit nos, sed etiam qua refecit.* Progressus vero istius gratiæ, vt exordiamur à fide cū Cōcilio Tridentino, quæ radices continet & fundamenta Christianæ perfectionis, ita explicatur. Nemo fidelium, animo cōsentit in hanc credulitatē, nisi prius vocatione Dei præuētus fuerit & inspirationis gratia excitatus: vt hoc pacto volūtas prouocetur ad cōsensum. Mox hæc ipsa voluntas adiutrice gratia corroborata, suauis quodā flexu, eoque luberrimo, intellectu applicat ad assentiendum diuinitus reuelatis. Postea cum fides concepta peccati fēditatē aperuerit, diuinamque vindictam ob oculos delinquentium statuerit, existente quoque in animo vocatione sancta diuinitus immissa, voluntas eadem Dei gratia operatrice confirmata, ad cogitationem peccati trepidat, vitiaque horret, quæ tam atroces penas consciuerunt. Deinde radio quodam dilapso illustratur animus, & illuminatione quadam Spiritus sancti aciem suam intendit in diuinam bonitatem, vnde affectus mediante gratia efficaci inducitur ad sceleris detestationem, verumque cordis dolorem. Tandem serenata mente fons & abyssus omnis bonitatis Deus conspicitur, ex cuius aspectu, atque eius auxilio adiutrice, diuino

Rom. 12.

August. de  
spirit. &  
lib. 2. 4.August. in  
psal. 44.Gratia pro  
gressus in  
homine.



diuino quodam amore voluntas inardescit. Atque ex simili gratia propositum melioris vitæ eliciens, iustitiæ formam & characterem demum excipit: qua consequuta, ne torpor & desidia Dei dona in nobis obruerent, vocante Dei gratia præuenimur, inducimurque liberrime, vt à sanctitate in sanctitatem progredi velimus. Cum autem grauis aliqua tentatio nobis incubuerit, excitans, præueniensque Dei gratia euocat, & exacuit voluntatis vim ad odium criminis: ac eadem adiutrice gratia præmunita, periculum euitat, receptumque habet (dum gratiæ cooperatur) ad virtutem: & in securitate tandem constituta decantat: *Laqueus contritus est, & nos liberati sumus.* Atq; hæc ex diuina gratia vitæ Christianæ munimenta sunt & præsidia: de quibus plenius libro tertio.

*Psal. 123.*

*Gratiæ ne-  
cessitas  
vnde pro-  
betur.*

*D. Thom. 3.  
cont. gent.  
cap. 147.  
1. 2. q. 109  
art. 1.*

*Duo præci-  
pui effectus  
gratiæ.  
August. 1. 2  
de pe. c.  
mer. cap. 2.  
& 17.*

*Deut. 32.*

*Exod. 12.*

*Cant. 1.*

Cuius gratiæ necessitas, si discursum Theologicum spectemus, duplici argumento comprobatur: primo, ex eo quod finis noster, in quem destinamur, sit supernaturalis, altissimus, viribus naturæ impar: vtpote clara dilucidaque diuinæ substantiæ intelligentia. Proinde media ad hunc sublimen finem apta atque idonea esse debent: vtpote gratuita, vltronea Dei beneficia, & naturæ vires excedentia. Alteram rationem, à conditione nostri status desumptā, istis explicauit D. Thomas: *Homini sunt impedimenta plurima perueniendi ad finem. Impeditur enim debilitate rationis, quæ facile trahitur in errorem, per quem à recta via perueniendi in finem excluditur: impeditur etiam ex passionibus partis sensitivæ, & ex afflictionibus quibus ad sensibilia & inferiora trahitur; quibus quanto magis inhaeret, longius ab vltimo fine distat: hæc enim infra hominem sunt, finis autem superior coexistit. Impeditur etiam plerumque corporis infirmitate ab executione altum virtuosorum: quibus ad beatitudinem tenditur. Indiget ergo homo auxilio diuino, ne per huiusmodi impedimenta omnino ab vltimo fine deficiat.* Istius autem gratiæ effectus in nobis existentes, ad duo ferme reducuntur, quæ ita recenset D. Augustinus: *Vt autem innotescat quod lateat, & suauis fiat, quod non dulestat, gratiæ Dei est, quæ hominum adiuuat voluntates.* Dum itaque error aliquis aut ignorantia tenebræ dispelluntur, quæ aspectū veritatis morabantur, ac mens certo quodam notionis genere informatur, elucet in nostro intellectu (vt statuit Concilium Tridentinum) gratia excitans, præueniens, vocatio Dei, illuminatio spiritus Sancti. Quando vero opus aliquod virtutis, carnis ingenio permolestum, cum dulcedine quadam à nobis perficitur, gratiam Dei adesse profiteamur operatricem & efficacem; quæ ex fauo succum exprimit, oleumque fugit de petra. & mel de saxo durissimo; lactucas agrestes conuertens in dapes opiparas. *Meliora sunt vbera tua super vinum.* Multumque operæ & studij ponentes dicimus:



dicimus: *Non est labor neque dolor in Israël.* Modo quod ad humanum officium spectat, videbimus quidnā intersit discriminis inter Pelagij errorem & dogma orthodoxum; vtrum horum ad virtutem magis conferat, vtrinque rationes expendent trutinabimus: atque sic professionis Romanæ vera, genuina, & in omnibus sincera puritas apparebit. Nihil Deo charius, aut etiam homini vtilius (sicut antea sæpius inculcatum fuit) dimissione sui. Hoc etenim instituto pauperes & mendici, clamoribus doloris magnitudine expressis, vulnere, vlcerum, & morborum mala ostendentes, stipem & precarium victum conquirunt. Infortunia etiam alia passi, sicut rei familiaris conflagrationem vel naufragium, appensis ad collum tabellis, miseriam suam aliorum oculis ingerentes, ad condolentiam & largitionem quos obuios habent insecunt. Deo idcirco clementissimo parenti non solum ipsa peccata humili confessione exponenda, verum detectus, naturæ imbecillitates eidem libera voce aperiendæ. Quod quidem omnimodo præstant orthodoxi, fractas & debilitatas suas vires agnoscunt: quibus diffidunt plane, ideoque ad firmiora diuinæ gratiæ præsidia confugiunt, dicuntque cum Psalmista: *Nonne Deo subiecta erit anima mea, quoniam ab ipso salutare meum? Et sana animam meam, quia peccaui tibi.* Emortua illa aridaque ossa, quæ conspexit Ezechiel, non prius neruorum compage illigata cohercebant, sanguine rigabantur, cuteque induebantur, quam ingentis cuiuspiam venti spiraculum ad ea delatum fuerit: ita membra hæc nostri corporis, aut ipsius animæ facultates, grauiter conuulsæ, ardoribusque cupiditatis exultæ, vitam haud recipient, nisi diuinissimi Spiritus aura vehementior ad nos appulerit. In fornacis medio, quis immisso rote vim ardoris compressit, nisi cælitus ad tres pueros flammis inuolutos dilapsus angelus? In hoc libidinum incendio & appetitus feruore, solus Christus nos intuisens, sua gratia deuastatione corpora & animos liberauit. Cum fæda illuuiæ aquarum exundatione coalita hanc rerum faciem deturpasset: nil nisi e supernis spiratus ventus, ad natium decorem eam denuo reduxit: ita vitia quæ animam fœcibus obruunt non excutuntur, aut vberes iustitiæ fructus existunt, nisi benignitate diuina ex arcanis illis nubium flatus eruperit. *Opera vero iustitiæ (vt inquit D. Augustinus) non faciet, nisi quantum ex illo fonte atque ex illo lumine percipit, vbi nulla indigens vita est, & vbi non est commutatio, neque momenti adumbratio. Si enim Dominus, vt est apud Psalmistam, sua gratiæ benignitatem dederit, etiam & terra nostra dabit fructum suum.* E contrario autem præfractam quandam audaciam, & non ferendam superbiam spirat error Pelagianus. Quid enim aliud est su-

N N n

perbia,

*Esa. 52.  
Morum in-  
tegritas ex  
orthodoxa  
sententia,  
de gratia  
Dei.*

*Gratia Dei  
agnitio ad  
humilitatē  
conferit.  
Psal. 61.  
Psal. 40.  
Ezech. 20.*

*Dan. 3.*

*Gen. 8.*

*Augustini  
de Spiritu  
lit. cap. 7.  
Psal. 84.  
Hæresis  
Pelagij  
superba.*



perbia, quam excellentiæ non debite (vt loquuntur) expetitio? Superbit itaque, & istius piaculi summum gradum elatione sui attingit, qui se posse confidit ad felicitatis culmen ipsiusque Dei conspectum peruenire, insitis tantum sibi à natura viribus subnixum: qui difficultatem, & diuinorum mysteriorum obscuritatem, suæ perspicaciæ natiuæ subijcit: qui firmitatem fidei in tenui humanæ fragilitatis arena velut anchoram iactam habet: qui charitatis admirabilem vim, mundi illecebras superantem, mortisque aculeos retundentem, carni & sanguini attribuit. Quid aliud moliuntur animis, qui in hunc errorem concesserunt, quam quod aggressi sunt insani & dementes illi Babylonij, qui erecta turre nubibus dum minantur, ipsos cælos scandere prodigiose attentarunt? Infamem hanc superbiæ labem concilij Mileuitani patres, in Pelagianorum frontibus altius impressam, detexerunt & redarguerunt. *Iam enim damnabilibus disputationibus suis, vt non defendendo, sed potius in sacrilegam superbiam extollendo liberum arbitrium, nullum relinquunt locum gratiæ Dei.* In eandem etiam sententiam D. Hieronymus: *Respondemus manichæorū esse hominum damnare naturam, & liberum auferre arbitrium, & adiutorium Dei tollere: rursum apertissimæ insanie, hoc hominem dicere, quod Deus est.* D. etiam Bernardus de errore Pelagiano edisserens inquit: *Quid his in verbis intolerabilius iudicem, blasphemiam an arrogantiam?* Miram istis deprædicat Plinius Ægypti fertilitatem: *Ægyptus alendis augendis, que seminibus ita gloriata est, vt nihil imbribus cæloque deberet:* Sic Pelagiani propriæ ac natiuæ excellentiæ opinioni subnixi Nilum suum inferius cum Ægypto exaggerant, haud de cælo liquoris aliquid expectantes.

Nihil etiam (quantum ego coniectura adsequi valeo) ad omnem virtutis actionem hominum animos acrius exuscitat, quam summa illa charitas, qua Christum complectimur: illius enim amore accensi, difficilia quæque superamus aggressu, & durissima perferimus tolerantia. Ille autem erga Christum affectus orthodoxo dogmate vel maxime statuitur & corroboratur. Cum enim firmiter credimus illum, non solum ad nos concionatoris, præconis, vel nuntij officio defunctum, (quod voluit Pelagius) verum insuper vulnera nostra suis adhibitis fomentis & malagmatibus curasse, confecto ex proprio sanguine medicamento morbos expulisse, (vt notauit D. Augustinus) ex hac summa inter nos Christumque necessitudine, ex illa summa beneuolentia eius, qua in recessus animorum ita salubriter influit: eximius quidam ardens flagransque amor exoritur. Non enim amplius paradus in eius medio fluente fontis latice, quasi naturæ munere, irrigatur & floret: hunc enim fluxum protoplastæ error alio diuertit: idcirco in

Gen. 11,

Concil.  
Mileu.Hieron.  
Dialog.Bernard.  
Ep. 190.Plinius  
Panegir.Orthodoxa  
fides de  
gratia Dei  
promouet  
ad charita-  
tem.August. in  
psal. 58.



in Christum modo salutis autorem fontemque intendimus, cataractas eius aperiri desideramus, dicimusque: *Rorate cali desuper, & nubes pluant iustum.* Atque, *Pluviam voluntariam segregabis Deus hereditati tuæ.* Nam & corpora hæc nostra (ut observavit. D. Macharius) sua sponte ad alimentum & victum ipsorum omnia non effundunt aut suppeditant: sed externa ope multa consequuntur; quæ partim institutiones artium, partim naturæ contentior industria pariunt. Similiter neque animæ omnia subsidia salutis ipsi insita sunt, aut penitus agnata: sed alterius manus imploranda, & adiumentum forinsecus deuocandum. Istius autem amoris incentiuum frigore suo & boreali glacie restinxit Pelagius, vinculum hoc & beneficiorum communionem repulit ingratus, licet & exterminauit superbus.

Exitum etiam illud ex oratione præsidium, hæc eadem hæresis conuellit & labefactat: splendorum illos, quibus piorum mentes Deo admodum vicinæ redditæ collucent, dispellit & profligat. *Accedite ad eam, & illuminamini.* Fœdus ille Pelagij error, illam orationis Dominicæ petitionem otiosam fecit, in qua precamur: *Et ne nos inducas in tentationem.* Quam a fidelibus proferri voluit, non quod indigerent ipsi peculiari aliquo dono ad profligandas Satanæ insidias: sed quod solum humilitatis causa, illis vocibus naturæ beneficia Deo abscriberent. In eodem (ut videtur) retro vestigio hæsit Pelagius, in quo ab antiquis temporibus quidam dictus Prodicus, de quo hæc Clemens Alexandrinus: *Hic mihi venit in mentem quorundam, qui diuersa sentiunt, nempe Prodicti hæresis sectatorum dogmate; qui inducunt non esse orandam.* Quid peius excogitari potuerit, quid efficacius ad infringendum orationis studium inuehi in hominum animos, orationis dico, cuius nixu mens sursum elata, ad ipsum Deum ascendit, cum illo familiarem miscit sermonem, inde ornamenta & tutelam omnem ad se deducit: cuius virtute publicanus antidotum sibi parauit contra peccatum, dicens: *Deus propitius esto mihi peccatori:* cuius valori diuinæ clementiæ dona pollicentur: *Petite & accipietis, querite & inuenietis, pulsate & aperietur vobis.* *Orate ne intretis in tentationem!* Denique omnem ferme sanctimonix spem collocatam videmus in oratione. Deprecante Moyse Deum Allophili dispartam videmus in oratione. Deprecationes emittente, Dei gladii in internecionem Iudæorum districtus, theca sua quasi reconditur. *Et dixit uti disperderet eos, si non Moyses electus eius stetisset in confractione, in conspectu eius.* Vbi effusæ ad Deum preces, ibi scala Iacob, per quam ascendunt & descendunt angeli; ascendunt, vota nostra referentes Numini; descendunt, reportantes dona gratiæ. Ieremias in cano, Iob in

NN n z

stercore,

Esai. 1.  
Psalm. 67.  
Macharius  
homil. 1.

Hæresis  
Pelagij  
sista ora-  
tionem  
Psalm. 33  
D. August.  
Ep. 100.

Clem. Alex  
7. Strom.

Luca 8.

Luca 18.

Exod. 29.

Psalm. 105.

Gen. 28.



Dan. 6.

Psal. 118.

Ecclesi. 18.  
Ambros.  
serm. 46.  
de pæn.Sectarij  
moderni  
hostes ora-  
tionis,

stercore, Ionas in ventre ceti, Daniel in lacu leonis, Ezechias in lecto, Paulus in carcere huic scalæ assiderunt, orarunt, & ad voluntatem petita fluxerunt. Huius quidem instituti summa dignitas, cum maxima necessitate coniuncta, intolerabilem illam tyranni legem Danieli fecit, qua triginta dierum spatio omnis ad Deum oratio fuit interdicta. Dispendium pati noluit tantillo temporis propheta: sed interrito animo mortis metu aut cuiuslibet alterius immanitatis excusso, multoties Deum in die supplici voce animoque dimisso exoratum esse voluit. Iisdem quoque rationibus inductus sanctissimus David, septies in die religioso huic spiritus exercitio incubuit. Thus autem orationis istius ut sursum ascendat, tanquam suavis gratulque Deo odor, accendi prius debet ardore charitatis, & humilitate quadam mentis comminui, atque inferius dimitti. *Ante orationem* (inquit Sapiens) *præpara animam tuam, & noli esse quasi homo, qui tentat Deum.* Vnde D. Ambrosius: *Qui cito postulat veniam, plus offendit per impudentiam, quam impetrat. Solet enim citius mereri indulgentiam, qui verecundius deprecatur. In omni igitur culpa ante stent dum est, & sic precandum.* Pelagius itaque, qui necessitatem gratiæ interioris ad remissionem culpæ, ad vincendas incitationes in malum, ad opera præstanda insignis meriti haud agnouit, iustissimas causas orationis amputauit, quas orthodoxi constituentes, orationis necessitatem magis confirmant: puriores ergo existunt inde & sanctiores.

Cum multa sint, quæ orandi desiderio Catholicorum animos inflammant, & non intermisso ritu effundendi preces, ad soluendum hoc pietatis vectigal, alacres reddunt & indefessos: tū nihil magis, quā quod credamus orationū energia diuinam gratiam comparari, tentationes reiici, cogitationes sanctas deuocari, quib⁹ ad vberiores iustitiæ fructus promoueamur. Quas quidem occasiones, uti inanes & superstitione tantū constitutas, ex Melanthon, Caluino, atque Brentio propagati abdicarunt: proindeque orationem penitus eliminarunt. Utinam vel vnam bonam actionem nouella horum & phanatica fides in mortaliū cæcus inuexisset, aut inuectam non corrupisset. Sed pro pudor, integram vitæ probitatem eiecerunt, & ad philosophorum spatia de integro relegarunt. Ex horum placitis atque scitis aperte sequitur, neminem orare Deum, nisi infidum & infidelem, prodentem signa reprobationis suæ, ostendentemque ipsius parentes infideles & malos fuisse dum ipsum generarent: quod omnino faciet, si modo remissionem peccatorum, si incrementum iustitiæ, si in eadem, perseverantiam oratione implorauerit. Credit enim firma fide Caluini alumnus se modo iustum esse, equali iustitia qua Christus; nec posse infirmitate sua



sua vel demonis malitia ab accepta iustitia deficere. An non proinde aperte se reprobum declarat, fide destitutum, omnique sanctitate vacuum, si modo oret Deum, ut ipse velit, sibi misereri, vitiorum noxas remittere, iustitiamque stabilire? Credens quippe hæc iam esse peracta, quid orat? si oret, diffidit, nec credit perfecta: diffidens Deo scelestus omnis; idcirco qui orat, talis. Quam etiam fidem si non habeat, oratio eius erit peccatum mortale: nunquam itaque orandus Deus ante fidem, sed neque ea allequuta. Sin dicat humilitatis causa orandum, uti hoc pacto agnoscat Deus bonorum omnium author, in eandem nasam incidunt cum Pelagianis; qui affirmarunt non necessitatis ergo sed humilitatis orandum: quo nomine à concil. Auros. damnationis sententia percelluntur. Hæ gemmæ sunt agri illius, in quo deliciantur sectarij, & in quo suam gallus Esopicus vngue inuenit. Quid relinquunt isti orationi, cuius rei gratia flectenda genua ad Dominum nostrum Iesum Christum? ut diuitiæ afiluant, dicunt, ut voluptates habeantur, ut corpus sanum seruetur. Sanctissimi Theologi, putaram capita vestra ipsas nubes superasse, nunc genua dimittitis ad sordes, coruis quam aquilis similiores. Oratisne aliquando, vix credo: quod si oretis, in votis non sunt dona Dei supernaturalia, quæ oratione petantur: (de istis enim magnopere solliciti non estis) sed orant fortassis ministri, imo sæpiissime puto, ut fulminante vxore domum à conflagratione numen tueatur. Ipse noui quendam sæpius lachrymis suis vxoreas hæc irarum flammæ extinguentem: aut orat, ne miserum caput rei domesticæ curis defatigatum, fulmen aliquod eiectum è scabello aut fuste excipiat. Profecto iniquiores multo existunt hi in orationem, quam vnquam Pelagiani. Nam isti rei nephariæ obiectu prouocari posse mentem crediderunt ad peccatum, quo iustitiæ gratiæ pellatur: proinde orandum Deum definiunt, ut huiusmodi lenocinia & incitamenta externa ab illis pellere velit & amoliri. Calviniani vero de sua iustitia retinenda tam securi sunt, uti indubitanter credant, nullo rei delectabilis aduentu flecti posse ipsorum voluntates ad prauum consensum, vnde iustitia amittatur: vel orationis studio acceptam iustitiam excitari ad incrementum sanctitatis. Ut quid ergo illis orandum? quorsum aërem verberant suspirijs? Admitto, concedunt ipsi, nec vnquam orant aut gemunt. Orthodoxi vero quam assidui & frequētes in hoc pietatis genere? Nostræ sunt vigiliæ & supplicationes nocturnæ, quibus cherubini ipsos imitatur, nunquam à diuinis laudibus cessante: quando sectarij Bacchanalia celebrant, & sacra Elucinia. Cuius consuetudinis antiquissimus meminit Clemens Alex-

NN n 3

andrinus:




*Clem. Alex. 4. Strom.* andrinus : *Qua quidem ratione mihi videntur noctem vocasse ἐσπovνν : quoniam anima tunc cessans à sensibus , conuertitur ad seipsam , & est magis prudentie particeps . Propterea ergo sacra mysteria maxime noctu fiunt , significantia eam , quæ noctu fit animæ à corpore contractio .* Hunc orandi ritum naturæ admodum consentientem indicat Seneca, quippe ab ethnicis obseruatum : *Non est iniquum nobilissimas virgines ad sacra facienda noctibus excitari, altissimo somno inquinatas frui.* Nostræ quoq; sunt tacitæ mentis conceptiones, quibus lux diuina affulget, & dum secreto calore succensus affectus in meditatione exardescit. *Quando (vt inquit Chrysost.) licet genua non flectas , neque percutias pectus , nec in cælum manus extendas , si mentem tamen feruentem exhibeas , orationis perfectionem consummast.* Nostræ sunt ad altaria sedes corporis & sanguinis Christi ( vt loquitur Optatus ) & thecas sanctissimarum reliquiarum effusæ preces : sacrum quippe locum orationibus religiose deputamus. Sectariorum autem Geneuensium cantionū promiscuos & inconditos clamores, confragosa montium, siluarum densa excipiunt, imo stabulæ, horrea , & haræ porcorum. Atque istorum truculentiam , qua in adita nostra & pietatis asyla defeuierunt, istis depinxit Optatus Mileuitanus : *Cur vota & desideria hominum cum ipsis altaribus confregistis ? illic ad aures Dei ascendere populi solebant, cur consciuistis precibus viam , & ne ad Deum supplicatio de more solito ascensum haberet, impia manu quodammodo scalam subducere laborastis ?* Nostræ denique existunt, graui suauissimoque cantu modulatæ Psalmodiæ , septies in die laudem Deo dicentes, diu noctuque orationem protelantes. Et in hunc finem erecta monasteria, vt perpetuo orationis cultu, cessantibus alijs, Deo sacriati homines diuinum numen propitium redderent omnibus & munificum. Superiores sumus, puriores in hac re , nullus iudicium subterfugio.

*Appetitus sensitiui concitati motus absque arbitrij pleno ac libero consensu, nihil continent culpabilis turpitudinis: quin potius honestissimis virtutum actionibus inserviunt plurimum. Sectarij vero, qui illis crimen & culpam affingunt, humanam vitam flagitijs coinquinant, ipsis vitijs suppetias ferunt, Christianæ iustitiæ labem consciscunt, eiusque authori Christo insignē irrogant iniuriam.*

CAP V T



## CAPVT XXII.



In orthodoxæ veritatis dogmata sub vno quasi aspectu constituere velimus, exacteque disquirere quemnam exitum vniuersa spectarent: facile perspiceremus innocentiam omnia respicere, & vitiorum exterminationem. Fides etenim, quæ basis est Christianæ dignitatis, charitatem parit: hæc vero contagiosos & impuros affectus abdicat, animum autem adfert obsequendi Deo, & conficiendi singularum virtutum monita atque imperata. Infinitorum propemodum beneficiorum, quæ in homines diuinum Numen contulit, summam quandam subduxit Apostolus dicens: *Hæc est voluntas Dei, sanctificatio vestra.* Veluti si definiret, constitutam periodum, in quâ desinerent dona cælestia, nostram esse vitæ innocentiam, morum sinceritatem & candorem. Qua de causa ne quid imperfectionis in primæua rerum constitutione existens, naturæ esset dedecori: providentia diuina sicut rationis expertia ad eximium excellentiæ gradum affabre perduxit, ita comprimis ipsum hominem animo rectum condidit, corporeque erectum. In quod opus ipsius nulla labe, nulla coinquinatio sese insinuant. Hinc vero demonis inuidia & odium in hominem atrocissimum concitantur. Per moleste ferre cepit tartareus Spiritus, se ita vitiorum turpitudine infectum & denigratum, naturam vero hominis illibatam prorsus, nullam adhuc maculam contraxisse: quocirca ad tantam elegantiam traducendam, & defamandam, Simonianos, Cerdores, Marciones, Manichæos sibi stipendiarios adsciuit, quorum opera perfici voluit, uti crederent homines carnis molem à malo quodam principio descendisse, humanam substantiam terram esse & execrabilem; neque Christi merito fieri posse uti sordibus istis vacent redempti, deformitate hac careant, quantumlibet demum iustificatos se gloriantur. Absterfis autem hisce maculis orthodoxi dogmatis veritate, quas phanatici & mente delusi confinxerant: istorum consanguinei Lutherus & Caluinus eiusdemque viperæ genimina, non ausi naturam ipsam incusare, aut illi notam aliquam turpitudinis inurere, ne tamen omni prorsus macula carerent à Christo in sanctitatem adferti (ita sordibus instar Demonum delectantur) subitaneos motus sensitiuæ partis, quos omnes summa necessitate perpetiuntur, nondum accedente consensu arbitrij, aut mente plene circumspēctæque aduertente, grauissima dicunt esse delicta, æternoque digna supplicio. An non ferme naturam ipsam hoc pacto in culpam quoque traxerunt? Non enim mi-

*Innocentia  
in nobis  
precipue à  
Deo spectatur.*

*1. Thess. 4.*

*Innocentiā  
humanam  
deprauant  
hæretici.*



*Cōcil. Trid.  
Sess. 5.  
cap. 6.*

*Tertul. lib.  
2. contra  
Marcion.*

*August. lib.  
de Nupt. &  
concupis.  
Quando pec-  
catum ex  
concupis-  
centia.*

*Matth. 5.*

*Quodnam  
sit subiectū  
peccati in  
delectatio-  
ne morosa.*

nus naturalis est impetu naturæ decreta appetitio, quam eiusdem ex intimis principijs constitutio. Hanc autem orthodoxi, opinionis seu potius phrenesis detestantur cum insipientiam, tum non ferendam turpitudinem: atque duplici de causa deprecandam altruunt Dei bonitatem, quæ excellentiæ nostræ, & quasi coloris efflorescentis speciei eximie prospexit. Primo, ex eo, quod latice baptismi omnem originalis culpæ noxam penitus absterferit, nosq; immaculatos, nitidos, candidosque effecerit: deinde, ex eo vel maxime quod nostræ propriæ actioni venustatem, & admirabile virtutum decus proposuerit comparandum. Hinc existens in renatis feruor aliquis concupiscentiæ, tanquam aduersarius in aciem contra eos descendit, qui concussis armis, & minaci voce ad pugnam eosdem continuo prouocat & elicit: manet enim ad agonem, vt loquitur Consilium Tridentinum. Ex quo quidem conflictu arbitrij & concupiscentiæ, victoria cum incremento iustitiæ emanat. Non ergo obest nobis perturbatio, nisi affirmare velimus, concertationem militis gloriæ officere: nec deturpat animum temeraria appetitio, aut labem infert sceleris strenue renitentibus. Tota itaque ratio istius certaminis à voluntate dependet. Si victi consenserimus, flagitium fit: si constantes restiterimus, virtus efflorescit. Nam vt inquit Tertullianus: *Nec bonæ nec malæ merces pensantur ei, qui aut bonus aut malus necessitate fuisse inuentus, non voluntate.* Fomitent idcirco vitiorum appetitus perturbationes dicimus, easdem quoque præclarissimarum actionum segetes & occasiones nuncupamus. Delictum autem, pro cuius expiatione diuina indulgentia est imploranda, non in ipsa irritatione consistit, (vt passim docet D. Augustinus) sed solummodo in arbitrij libero inflexu & descensu. Culpa quidem est rabi- dum & effrenem motum, cum quis ad eum mente intenderit, ratio- nis imperio non coercere: ad hoc enim spectat effluuescentiam eius subigere, & intra certos terminos exorientem continere; alioquin periculum erit, ne sicut Æua seduxit Adamum, ita appetitus liberius dis- currens rationem pelliceat ad inhonesta consilia. Culpa similiter pro- pagatur, si consulto & cum libertate propositi delectationem hauria- mus ex illicita cupiditate: vel is delinquet etiam, qui animo suo de- stinat illud se velle exequi, quod perturbatio insana suggessit. Nam vt inquit Christus Dominus: *Qui videt mulierem ad concupiscendam eam, iam mechatus est illam in corde suo.* Ancipiti tamen, eaque subtili disputatione quæstio inter Scholasticos versatur, quodnam sit in homine noxæ & maculæ subiectum, dum quis sensualitatis motus ex incuria sedare non conatur, vel etiam ex illo- rum



rum obiectis volens prudensque morosam (vt appellant) voluptatem capit. Meo quidem iudicio, D. Thomas istius quesiti non ita apertam resolutamque sententiam protulit. Principio duplicem is rationem assignauit, ob quam culpa actum tantum voluntatis vt subiectum afficeret: perturbationem vero fortiretur pro obiecto solum & termino. Quarum anteriortuit ex eo petita, quod voluntas vnice sit initium actuum interiorum, sibi plenissime rationem libertatis vendicans: cuius imperio, reliquarum facultatum actus obsequuntur: proinde voluntas censetur inquit integrum subiectum peccati. Alteram ita explicauit: illa potentia in se admittit solum labem delicti, cuius proprium est conatus omnes humanos in suos debitos fines destinare: munus autem hoc voluntati tantummodo conuenit: hæc idcirco propria sedes erit & receptaculum cuiuscunque offensæ. Nihilominus alibi definire videtur, in qualibet animæ facultate reperiri posse peccatum, cuius actus libertatem a voluntate mutuatur: & proinde in ipso sensualitatis motu formaliter quoque inesse iudicauit. Quibus Cardinalis Caietanus in eam sententiam fuit inductus: vti exilluminat, semoto omni vsu rationis & voluntatis, appetitui sensitui quoddam (vt ipse loquitur) libertatis vestigium attributum esse, sufficientem habens in se causam culpæ venialis: lethale vero crimen voluntatis actui tantum cōcedit. Minus tamē probabiliter mihi visus est disputasse. Nam appetitus perturbatione sua antevertens vsum rationis, summa quadam cum necessitate excurrit, suumque appetit delectabile absque omni forma libertatis, quoad exercitium vel specificationem: quemadmodum contingere animaduertimus in appetitibus brutorum, ostentu pabuli vel prædæ euocatis: quocirca neque ad leuissimum peccatum constituendum, satis erit appetitus absque voluntatis consensu & deliberato rationis iudicio. Alij vero sectatores D. Thomæ in ea sunt sententia, vti credant in ipsa perturbatione, in quam consentit voluntas, formaliter & intrinsece (vti schola loquitur) reperiri ipsam maculam culpæ, neque omnem existere in sola actu, quem superior appetendi facultas, nimirum voluntas, elicit. Ita inter recentiores Medina & Valentia. Antiquiores autem scholastici, à quibus non putarem D. Thomam dissentire, oppositum plane statuunt, Ioannes Scotus, Gabriel Biel, Guilielmus Ochamus, affirmantes vnicum subiectum offensæ & culpæ actum esse voluntatis expressum vel interpretatiuum: siue exterius quid voluntas imperet efficiaci proposito, siue complacencia simplici interiorem solum cupiditatem & delectationem quærat. Concedunt quidem isti externa quoque

D. Thom. 1.  
2. q. 74.  
art. 1.

D. Thom. 1.  
2. q. 74.  
art. 3. & 4.

Caiet. art. 4.

In appetitu non est  
veniale  
crimen siue  
actus voluntatis.

Medina. 1. 2.  
q. 74. art. 3.  
Valent.  
Iunil. 1.  
Scotus in  
2. d. 42.  
Biel ibid.  
q. vni. d.  
O. ham in  
quodlibet.  
2. c. in 3.  
d. 9. q. 1. o.

OOO

que



que opera vitiorum, utpote furti & maledicentiæ, sicut & latentes appetitus cupiditates, propriam quandā habere turpitudinem, & certam in suo genere malitiam, obiectiuam tamen & radicalem: quatenus ratio recta diiudicat hæc, obiecta esse actuum repugnantium virtuti, habentiumque vim per modum obiecti transfundendi & specificandi labem peccati in libero actu voluntatis: ita ut solius voluntatis conatus in se tantummodo formaliter hanc noxæ labem excipiat, quæ homo redditur vituperabilis, vitiosus, exosus Deo, pœnaque dignus. Quæ sententia procul dubio verior est, & hac ratione demonstrari poterit. Ad voluntatem spectat excitatam appetitus cupiditatem reprimere: est enim voluntas pædagogus, appetitus puer? sicut ergo pædagogus crimen sibi consciscit, permittens pupillum lasciuire, alioquin ineptum ob ætatem ut ipse proprio actu peccet: ita voluntas officium suum deferens, neque frena iniiciens appetitui, delinquet, & maculam solummodo vitij contrahet. Illa quidem puerilis petulantia mala est, sed obiectiue & radicaliter: simili modo & non alio malæ sunt appetitus irritationes, & vituperabiles. Porro perspicuum est, voluntatem solum in se formaliter complecti libertatem, quæ à Theologis genus moris appellatur: genus autem auelli non potest à sua differentia; hæc autem est culpa & prauitas, bonitas vel malitia; ergo ubi libertas repetitur formaliter, ibi & noxa, siquæ detur. Quod si præter hanc aliam attribuunt sensus motui; duas in eodem peccato maculas constituent, vnam in appetitus affectione, alteram in voluntatis actu. Tantum itaque abest à vero, quod delirant sectarij, nimirum affirmantes absque voluntatis consensu perturbationes omnes appetitus esse culpabiles, uti neque verum sit huiusmodi consensu accedente, eas formaliter in ratione culpæ malas existere, cum obiecta solum sint peruersarum cupiditatum flagrantium in voluntate.

1 Cor. 11.

Tentatio  
causa pro-  
ueniens non  
ergo mala  
ex se.

Qui autem scripturarum authoritati iudicij summam attribuere solent, (sed voce quidem tenus, & ut pressi, acriusque persequuti ab orthodoxis, suos flexus habeant & diuerticula) velim nunc eisdem tantum attribuerent, quantum videri voluerunt hæcenus concessisse: non dubitarem tunc illos disputationis rete inuoluere, captosque argumenti pondere opprimere. Agnoscant itaque voces Apostoli: *Fidelis est Deus, qui non patietur vos tentari supra id, quod potestis, sed faciet ex tentatione prouentum.* Vim arbitrij magnitudo suggestionis non excedit: Dæmon idcirco nepharius in crimen neminem compellit, nisi ipse velit succumbere: quinimo non solum cassus & irritus nonnunquam euadit eius conatus: verum ex hac ipsa tentatione voluntas illecebræ repugnans



nans & renitens, virtutis & meriti prouentum consequitur. At quis obsecro prouentus est labe & sceleris turpitudine sordidari, crimen in se admittere? Requirō hac in re, si vnquam, intelligentiam vestram. Quod si huiusmodi prouentum decernatis ex infestatione satanica, gratias agite Diabolo, qui illum vobis effudit: & glorientur dēmones se hoc effecisse opere vestro, vti modo peccata prouentus loco ab hominibus habeantur. *Ex tentatione prouentus*, inquit Apostolus, *ex tentatione delictum, & horrendum continuus scelus, vos reclamatis.* Quæ sententia propius accedit ad verum, Apostolicane an Caluiuiana? Imo hoc ipsum quo quis repugnat iniectæ tentationi, omnis etiam voluntatis molitio blandimenta sensus reiiciens, vobis doctoribus, nihil boni continebit, sed peccatum erit potius: quomodo tunc prouentum constituunt tentationes? Ostendite emolumentum aliquod ex istis? fragrantem honestatis rosam cum orthodoxis inter aculeatas peruersæ cupiditatis spinas digito designate? Verum ex vestra sententia obruit hominem dæmon sceleribus, perpetua quadā instigatione ipsum incitans ad malum: accendensque indefinenter stipulam & escam libidinum, quotidie deuastat eius vim & vigorem. Vbi prouentus? Imo Dæmoni vltro sectarius concedit quod quatit, nimirum peccatum. Magno-pere itaque sollicitus amplius non erit dæmon consensum tentatione sua voluntatis elicere: iam enim potitur victoria. Nam si prouocandus consensus, eam sane ob causam, vti peccatum inde constaret, quo hominis natura pollueretur: hoc autem iam præstitit in ipsa prima irritatione appetitus sensitiui, cuius omnes temerariæ & concitatæ expeditiones vestris iudicijs scdā sunt peccata, quibus hominem etiam inuitum coinquinavit dæmon & cooperuit. Quid aliud vltius desideraret? Sed ex tentatione prouentus, affirmat Apostolus, falsi ergo vos, qui ex tentatione semper scelera & peccata descendere definitis. Porro Apostolus certam quandam rationem ostendit, qua ex concupiscentia peccatum solet erumpere (ne in vniuersum appetitionem omnem sensus culpæ ininulemus): *Concupiscentia autem cum conceperit, parit peccatum.* Vbi apertissima distinctione concupiscentia à concupiscentiæ conceptu discriminatur. Aliud est idcirco mentis euagatione abstrahi, & temerario delectabilis appetitu concitari: aliud vero excitatam concupiscentiam concipere: atque sic tandem parere peccatum: siquidem hoc illo posterius. Tentatio itaque, & animæ sollicitatio in appetitu naturis suis innocua sunt, & absque delicto. Cum autem voluntatis consensus ad perturbationem à dēmonē excitatam, aut occurſu rei minus honestæ euocatam appulerit: tunc demum concupiscentia



cupiscentia parit peccatum, & sponte animus crimen subit: alioquin immunis ab omni labe, castus & purus elucet. Quid aliud etiam voces & exhortationes scripturarum innuunt, quibus admonemur fugere & deuitare vitiorum colluiem? *Ecli. 12. Fili peccasti non adijcias iterum. Hæc scribo vobis, ut non peccetis.* Quorsum clamores isti hominum aures ferunt, si verum sit primos appetitus motus scelere esse coinquinatos? Enimuero istis carere non possumus; irruunt in nos non volentes: anteuertunt rationis usum. Similiter hoc pacto improuidas, inanes, imo friuolas, & ineptas sectariorum commenta diuinas admonitiones efficiunt: quod cum piaculum sit affirmare, sciant non nisi consensu voluntatis sensus appetitiones malas & vituperabiles euadere. Proinde ad huiusmodi studia, quibus instituitur voluntas ut se auertat à prauis iniectis cupiditatibus, legitime prouideque scripturarum præmonitione excitamur.

*Hereticorum opinio de concupiscentia fæda.*

Alio tamen spectare diligentius omnia excutientes animaduertemus hæreticorum dogma, quam quo prima fronte quispiam secum reputaret: feditatem etenim & Christiani officij corruptelas horum omnia spirant & intendunt. Quibus itaque vitia displicent, illi pari odio Satanam prosequuntur & Caluinum: ambo namque scelerum fautores; nisi quod Caluinus licet carne crassiori contextus satanam, tamen si natura spiritum, subtilitate & versutia superarit. Quis etenim satana dicente & illius iudicio flagitia consequeretur? Caluino autem concionante, propemodum infiniti quasi æstro perciti ad morum turpitudinem proplarunt. Depellam tamen vasti istius fucos, aperiam fraudes, & horrendam eius speciem nude proponam omnibus despicendam, *Reuelabitur ignominia tua, & videbitur opprobrium tuum.* Bello iam suscepto, qui aduersas copias fama immoderatus præter rei veritatē augent, apparatus hostilem magnifice deprædicant: denique superiori faciunt ea, quæ inimicorum sunt, vim omnem præliandi & veluti animæ neruos illi effringunt, cui hæc in ea depugnatura denunciât. Quo quidem Consilio Atheniensis ille miles paratus, Leonidi infesta arma mouenti occurrit: ipsique retulit, ita missilium copiam confertissimam suos, in Spartanos eiacularuros, uti eorum constipato interiectu solis ipsius splendor interciperetur, quo minus ad oculos ex aduerso configentium hostium pertingeret. Præclari illius ducis feroces spiritus amplificato terroris nuncio, iactabundus miles compescere voluit. Quidam etiam, ex Israelitis difficultatis obiectu, socios ingressu in palestimam prohibere attentarunt, dicentes: *Nequaquam ad hunc populum valemus ascendere, qui fortior nobis est.* Hoc ipsum sane hæretici (quantum

*Esaiæ 47.*

*6. Cicer. 3. erat.*

*Num. 13.*



(quantum in ipsorum viribus licet est) hoc e perficere moluntur. Bellum com nitendum negant contra libidines & peruersos appetitus motus: & qua de causa, obsecro, hoc nobis otium suadent? ideo videlicet, quod nullus hominum, excitata perturbatione aliqua, à se arcere possit peccatum: cui necessario quilibet eius vi semel impetitus subijcitur, eiusque incursione ratio & ipsa anima perpetuo superantur ac prosternuntur. Frustra proinde contentio suscipietur, inanis omnis voluntatis conatus existit: nisi ad impossibile aliquod præstandum monteque deiiciendos nostram adhibere velimus industriam. Priusquam nos ipsos recte & accommodate accingere possumus ad prælium, irruerunt in nos hostes, dormientes, & nihil minus cogitantes suis armis iam oppresserunt. Profecto imperator è graui somno excitus, si modo hostilia signa statim ac expergesfactus in stationem suam illata videret, discurrere cerneret ubique armatos aduersarios, omnia loca occupasse, suorumque stragem edidisse perspiceret: non nisi inconsulto ad arma capienda clamaret: potius illi cogitandum videretur de fuga, aut honesta sui deditioe. Ita si primi illi appetitus motus, & erumpentes concitatus affectionum impetus vitiosi sint & flagitia: nihil proderit perugli animo præsidia virtutis conquirere: superfluous labor occurrentibus peccatis opponere, demoni vel peccato resistere: iam enim profugati sumus; crimina & mores pessimi arcem animæ obtinuerunt. An non sine spe prouentuum in agricola languet colendi arandique studium? Vbi nulla adest victoriæ expectatio, ibi vel Martium peccatus friget. Sæctarij vero futuri questus omnem plane spem nephario dogmate præsciderunt, victoriæ expectationem abiecta sententia extinxerunt. Quæ enim spes, ubi clades adest? qualis expectatio, cum ruina oculis obuersatur? Hoc autem præstiterunt appetitus cupiditates, quæ animam sordidarunt, & coinquinarunt, quæ eam turpissimis sceleribus obruerunt & bona eius omnia funestarunt. Quid ergo hinc sequitur? illud ipsum quod in optatis tantopere habent sæctarij: nimirum vt omnem operam inanem existimaremus, quæ impenditur in profligandis vitijs: propterea magis consultum, si animis torpentes nos otio dedamus, luxui & libidini indulgeamus. Cum enim nobiscum constituerimus fore impossibile, existente suggestione satanica, aut titillante nos carnis humore, peccatum deuitare: ilico arbitrabimur non requiri industriam nostram ad irritos conatus: neque inutili labore voluptatis torrenti resistendum. Nihil ergo superest, quam vt arma abijcentes, ad extremam seruitutē & sceditatē quæ vicia adferunt sponte sellinemus: siquidē in sordes semel progressi,

O O o 3

eisque



eiſq; coinquinati, nihil pēſi ducūt vltērius proficiſci in lacuna aut palude. Quod ſi hoc non ſit vitę turpitudinē ſuadere, nihil vnquā tale conſtituetur. Cū enim homines criminis labē vehemēter excrentur: inde venit illos acres ſemper eſſe & pugnaces contra incitationē nephariā; ne huiuſmodi intentatus nāuus faciem & vultum animę corrumpere: neue pulcherrimum illum iuſtię colorem, cuius pretium extitit diuinus & innocuus Chriſti cruor, exterminaret. Hęc autem contentio (de ſectariorum mente) friuola plane eſt & inanis: in nos etenim vltro graſſata eſt turpiſſima macula, quam illiciti appetitus motus inuexerunt, quibuſque carere nullo modo poſſumus. Quę cura puritatis, niſi vana? quod ſtudio integritatis, niſi fruſtraneum?

*Opinio orthodoxa de  
motibus cō  
cupiſcentie  
pura.*

Longe autem ab hac ſectariorum colluie orthodoxi dogmatis ſplendor & eximia ſpecies recedunt. Hortamur noſtros ad conſtante pugnam contra vitia, ingruente quacunque demum incitatione ſatanica, efferueſcente aut feruente qualiſbet appetitus cupiditate: quandoquidē hiſ nihil obſtantibus, retinere adhuc in animis poſſimus illibatam virtutis pulchritudinem, iuſtię Chriſtianę optimum & præſtantiſſimum decus incorruptum ſeruare. Rugoſa cortex ſuſpicionem agricolę non adfert, quod carie arbores ſint conſectę: interius etenim & ſecretius abditum, quod ligna exedit: ita infeſtatio illa, quam forinſecus appetitus adducit turbulentia, vitium non elicit, in extimis verſature eiſ vis omnis. Si namque affectus minime explicet ſinum ſuum, neque libero conſenſu appulſam illecebram complectatur: nihil ſequetur inde detrimenti: interiora animę pura erunt, viuida, & floſcentia. Quocirca tantę perfectionis amore capti homines, eiſque retinendę deſiderio accenſi, in præſidio virtutis diligenter excubant, extemplo noxias cogitationes repellunt, turpitudinis odio voluntatem vrgent, contento ſtudio & quaſi ferocia quadam omnes animę facultates armant in peccatum. Et quemadmodum attrita aromata odores efflant: ex ictu chalybis ſcintilla elucet: ita ex conſtitatione hac virtus pulchrior flagrantiorque euadit. Nihil ergo integritati officiit perturbatio temeraria, quin potius ad illam mirifice confert, cum conſeruandā, tum etiam expoliendā, perficiendamq; . Et vt admonet Apoſtolus omne gaudiū exiſtimamus, cū in varias tentationes inciderimus: ſicut miles, qui animo eſt excelliori, eductis ſignis alacrior apparet, quod in conſpectu iam habeat certaminis gloriam.

*1. cor. 1.*

*Fedū quod  
dicunt ha-  
reſici, mo-*

Qui præterea rationes omnes extenuant, quę nobis vitiorum turpitudines deregerent, & iniquioriſ facti grauitatem eleuantes, lethalia crimina adſerunt naturis ſuis res non eſſe vſque adeo execrabiles aut deteltandas;



detestandas, vti hætenus ab hominibus creditum fuerit: an non singulari quodam modo sceleribus patrocinari videbuntur, occasionefque cæteris præbere impune & liberius delinquendi? Hoc ipsum penitus in hac controuersia sectariorum error molitur, in hunc scopum animi sententiam intendunt: idcirco sua fallitate non modo deformes existunt, & quouis carbone nigriores: quinimo scelerate horrendi, & flagitiosi apparent. Grauius quidpiam illorum sectæ homo haud existimabit esse, voluntate ex pleno iudicio mentis in crimen aliquod consentire, quam satanæ opera, aut qualitate corporis excitatam appetitus indecentem aliquam perturbationem admittere: nam utrobique æqua mensura (vt ipsi sentiunt) noxæ mortiferæ reperitur. Verum qui huiusmodi equalitatem secum constituerit, cum eius oculis voluptatis illecebra obuersatur, ita secum animo ratiocinabitur. Non video profecto, quoniam modo atrocitatem vllam crimen illud contrahat, quod temeraria solius appetitus motione exiliente committitur: hoc etenim me nolente, vel etiam somno oppresso solius demoniis opera excitatur. Vnde magnopere curandum non est, vt istis motibus pectus vacet: ebulliunt etenim ex feruore deprauatæ naturæ. Quibus insuper si consensum præbeam, simile prorsus flagitium existeret: neque peioris alicuius conditionis. Sicut ergo delictum atrox non est hanc affectionum turbulentiam pati, ita neque piaculum erit, aut ingens culpa libidini se deuouere, aut quodcunque aliud scelus apud se voluntatis decreto constituere: crimina enim hæc nullo gradus discrimine partiuntur, sed æqualia sunt. Commentitium proinde videtur, quod Romani hætenus disputarunt de peccatorum maculis, de culparum enormitate: leuia namque peccata esse inde probatur, quod nobis necessario obrepant, quod naturæ sint agnata: quare neque reatum continebunt vllum, qui acriores penas demereantur. Superfluous inde existit dolor, quo se affligunt penitentiam agentes, crudelitas plane est strictiori disciplina desuere in corpus, demencia omnino illucescente euangelio voluptatum lenocinia abdicare. Minutum & exiguum modo apparere cepit quodlibet flagitium. Concupiscentia peccatum est: admitto. Morte dignum: non renuo. Quid tum? nihil interim nocebit. Viua etenim illa fides, qua viget animus Calvinistæ, hanc labem conteget: quominus pateat aspectibus diuinis; efficietque ne mihi imputetur ad crimen. Sed quid? An non eadem credulitatis gratia fruar, cum voluntatis etiam delectu consultoque in omnes libidines & iniurias concesserim? Nam hoc non magis peccare erit ex rei natura, quam pruritus carnis perpeti,

*tus concu-  
piscencie  
non imputari prop-  
ter fidem.*

aut



aut temerario appetitus motu perturbari. Ex æquo itaque fide celata, Dei iudicium omnia fallent aut effugient. Docte admodum principia Calvinianæ turpitudinis pertractans, & ad legitimam consequutionem accommodatè sectarius differuit: sed impiissime, Turcice, tædissimeque. Hac namque mente imbutus voluptatibus non abstinebit, neque ipsum magnitudo sceleris à turpissimis arcebit cupiditatibus.


*Heretici  
Chr st: me-  
ritum ex-  
tenuant &  
vim Sata-  
næ ampli-  
ficant.* Isti autem qui ita sordes congerunt, & perfectionem Christianum ad fæces libidinum prostituto dogmate abiecerunt, quidni sub satanæ vexillis stipendia mereri censeantur? Satanam enim præcipua hæc cura tangit, ut eius opere animarum candor, decus, & pulchritudo vitiorum purulentia corrumpantur: in hoc omnes nervos intendit, & studia confert. Eadem prorsus cogitatio hereticorum sensibus altius insidet, idem moluntur & vrgent. Omnibus siquidem modis satanæ potestatem exaggerant, vim eius in homines amplificant, crucem autem Christi redemptionemque eius morte peractam extenuant: imo ad ipsas sordes & horrenda scelera detruserunt. Nihil fingo ad odium aut invidiam illis conflandam; solum ex illorum placitis deductas illationes necto, & torquem conficio, dignam sane demonis collo & illorum ingenijs. Satanæ virtutem in homines istis deprædicant. Parentes primos astutia & dolis pellexit satan ad divinæ legis transgressionem, fædo scelere ipsorum animas ex illis propagatorum polluit, iustitiæ præclaro thesauro spoliauit. Hos ut redimeret Dei filius, vitiorum mole depressos, humana carne spectabilis apparuit, crucem subiuit & mortem: fide miserorum mentes illustravit, & ad iustitiæ normam, à qua deflexerant, reduxit. Sed quid? An hinc satanica tyrannis excussa est hominum ceruicibus, extinctane eius vis & potestas? nihil quidem minus: nam non obstante quolibet dono Christi, homines adhuc pessundat satan scelerum cumulis: omnes siquidem motus appetitus, quos ne tantillum temporis prohibere aut excutere possunt à se etiam sanctissimi, peccata sunt mortalia. Horum infinitam congeriem auget diu & noctu satan, neque tot opera bona gratia Christi in illis efficit, cum omnia sint peccata; quot lethalia crimina malicia elicit satanica. Quis dinumerare poterit singulos insultus concitatae perturbationis, quorum author est satan, omnesque existunt peccata gravissima? At quis amplius feret Cerberum Calvinisticum satanani Christo præferentem? Quis voces huius patienti aure excipere poterit? cum dicat in ipsis iustis, in ipsis Dei filijs, in cohæredibus regni cælorum, in tabernaculis spiritus sancti, latius effusum esse satanæ imperium, quam Christi regnum: maiores turpitudines inue-  
here



here satanam in animam Deo vicinam, illique charissimam, quam  
 vt Christus possit ornamentis virtutum & honestatis illas exequare?  
 Abiecti ad libidines, latinarum incolæ, Satanæ mancipia, capitales  
 hostes Christi, ad Tartareas sedes, vnde emeristis, refugite. Non vo-  
 bis cum sentit Apostolus, sed plane succensuit, qui Christianam puri-  
 tatem multo aliter describit: *Hoc scientes, quia vetus homo noster crucifixus* Rom. 6.  
*est, vt destruat corpus peccati, vt vltra non seruiamus peccato.* Corpus peccati  
 destruxit Christus, hoc eius fuit beneficium, & opus diuinum prorsus  
 tanti artificis: Sectarij vero omnia replent peccatis, sola fide scelerum  
 tam immensam congeriem celantes. Quam in Christum eiusque gra-  
 tiam equi? Quo nunc loco habent redemptionis pondus? Plura qui-  
 dem adduci a me potuerunt, ad immanem & tetrum hunc errorem  
 reuincendum: neque satis, qui vlla rationis luce pollent, demirari va-  
 lent hac in re hæreticorum dementiam, asserentium temerarios appe-  
 titus motus absque arbitrij libero consensu peccata esse. Hinc autem  
 aperte constat, quod officium virtutis deprauato dogmate violantur.  
*Qua aspiciunt ruperunt, qui comederit de ovis eorum morietur.* Esaia 3.

*Orthodoxorum sententia de libero arbitrio suscepta, &  
 Ecclesiastico iudicio definita, multum confert ad virtutem,  
 & morum puritatem. Sectariorum vero absurda voces,  
 quibus præclarior hoc animæ munimentum homini cri-  
 piunt, proclues sunt ad libidinem, & in omni genere  
 vitæ turpitudinem.*

## CAPVT XXIII.

uperiori libro in vniuersum disputatum est de natura  
 liberi arbitrij: eo fine solum vt hominis dignitas con-  
 tra hæreticorum errorem, quo illam impetebant, statue-  
 retur: nunc de eodem differendum, vt inde quoque de-  
 ducatur ratio officij nostri, & mores ab illa impuritate  
 vendicentur, qua idem sectarij suis placitis eos inficere satagerunt.  
 Tanti quidem momenti res est libertas arbitrij, vt hac sublata nec  
 virtus, nec vitium incidere possint amplius in hominum concilia: hæc  
 etenim (vt liquido constat) omnem vitæ rationem continet. Quare

PP p

vt



*Quid volū-  
tarium seu  
spontaneū.*

*Voluntas  
cogi non  
potest ad  
actionem  
spontaneā.  
Arist.  
Ethic. cap. 1*

*Scotus in  
2. d. 2. q. 1.*

vt distinctius explicentur, quæ ad præsens institutum pertinent: præmonendum id dici voluntarie susceptum à voluntate, quod sponte fit, principiumque sortitur ipsam voluntatem vitaliter operantem. Sectarij (si Lutherum & pauculos alios eximamus suæ scholæ homines) operationibus, siue quas naturæ vires excudunt siue diuinę menti impressæ notationes ac gratia Dei efficax eliciunt: veluti quando vocanti Deo consentimus credere, sperare, amare, penicere sicut oportet: spontaneæ & voluntariæ molitionis rationem concedunt: alioquin ipse homo munera hæc præstare minime diceretur. Tanti vero imperij est voluntas in hac actione sua spontanea, vt nulla vi cogi possit aut violentia adigi ad aliquid expetendum. Violentum enim illud dicitur à Philosopho, quod externo impetu, nullam vim conferente passo, existit. Si ergo vitali efficientia ad omnes suos conatus voluntas semper concurrat; fieri nequit vti violentiam patiatur aut coactionem. Ita tamen rapi & destinari poterit ad conatum, vt libertate actus prorsus destituatur: cuius generis censetur amor Dei in beatis flagrans, qui ipsum clare aperteque intuentur: siue hoc proueniat ex natura talis visionis necessario voluntatem determinantis ad dilectionem (quod probabilius videtur) siue ex concursu Dei iam restricto ex eius beneplacito ad vnā partem: quod opinatus est Scotus. Similiter libertate priuatur voluntas in subitaneis suis motibus & impressionibus improvisis, quas sensibus obiecta inferunt: in quibus sponte operatur, tamen si necessario tum ex specie actus, tum ex specificatione eius: neque istis tamen vlla inest coactio aut violentia. Verum etiam est contra actum suum elicitem & naturæ inclinationem suscipere posse voluntatem forinsecus immissum habitum, quem nollet admittere. Actus etiā sensuum, qui subsunt imperio voluntatis, alio possunt dirigi, quam quo vellet voluntas: atque in istis proinde vis aliqua illi inferitur: quemadmodum quoque si iam propensa in aliquem actum, quem natura sua cuperet elicere, subtraheret Deus concursum suum generalem, sine quo fieri non possit, vt quidpiam operetur, violentiā exinde sentiret & sustineret. Ceterum in actibus illis, quos ipsa efficit elicitque, cogi omnino nequit. Quo pacto spontaneum & voluntarium secernimus in actu voluntatis à libero. Alius porro est peculiaris operationis voluntariæ modus & forma, quæ oritur ex mentis animaduertentia, vtramque contradictionis partem consulto iudicatoque; circumspiciente. Nihil autem in hac vmbra fidei carnisque fragilitate sub omni prorsus ratione boni mentibus nostris obijcitur. Nam aut malum in re proposita vel in exercitio actus circa illam semper despici-



despicimus : atque ita sicut boni aspectus nos prouocat ad cupiditatē eius : ita obiectus mali fugam in nobis valebit efficere, & præstare vti rem ipsam odio habeamus, vel vti in hoc rerum ordine actus, qui versaretur circa aliquid obiectum, nobis displiceat. Agentes idcirco cum hac potestate, & indifferentia voluntatis, libere agimus, bene aut male, cum laude vel dedecore. Quamobrem radix libertatis istius in intellectu defigitur : eius vero principium effectiuum voluntas est, & subiectum eiusdem, actus, vti bene Bartholomæus Medina disseruit.

*quid actus  
liber.*

*Medin. 1. 2  
q. 6. art. 2.*

Ex quibus nunc facile colligi poterit orthodoxorum sententia. Afferitur namque hominem liberum esse (modo adsit vsus & circumspicientia rationis) in operationibus suis moralibus & theologicis : ita vti illi integrum sit in hoc aggredi, vel opere desistere; expositum bonum voluntatis cupiditate requirere, aut illud spernere, reijcere, atque detestari. Vnde qui fidem mysterijs adhibet, grauiori exagitatus tentatione, is in crimen infidelitatis incurrere potest, fidē adhibere dictis valebit, cum Euangelium eius auribus insonuerit, aut eidem dissentire: quod affirmamus quoque verum de actionibus spei & charitatis. Qui crimine pariter lethali implicatur, diuina gratia præuētus adspirare poterit ad contritionem & amorem Dei, veramque iustitiam; vel in pessimo statu obstinate persistere. Quem demon insidijs suis adoritur, ipsum pelliciens in crimen, illi integrum suggestioni obniti, vel iudem consensum præbere. Cuius animum incitat diuina gratia ad perfectius vitæ genus ineundum, vel ad vberiores fructus iustitiæ faciendos, cooperari is queat Dei gratiæ, vel segniter se gerens, eidem non respondere. Equidem existimarem neminem ita in malo obfirmatum esse, quin urgente ipsum fatanica tentatione ad peccatum, vel illi incumbente præcepto legis obseruandæ; sufficiens habeat auxilium, vnde poterit officium suum explere. Ipse Pharaos, cuius cor induratum referunt scripturæ, populum Dei, quem captiuum habebat, dimittere potuit. Execrati Iudæi, quos prædixit Isaias propheta in viuum illum lapidem Christum Dominum incursum, sicut grauius offenderunt non credendo, ita & credere valuerunt : de qua re satis bene disputauit Molina. Videamus modo (si placet) huius orthodoxi dogmatis sinceritatem, & morum quam effundit sanctimoniam.

*Libertas  
voluntatis  
ex senten-  
tia ortho-  
doxorum.*

*Rom. 6.  
Esai. 6.  
Matth. 11.*

*Molin. 1.  
part. 4. c. 14.  
art. 13. d. 10.*

*Gen. 4.*

Terra, quæ diuinam in se maledictionem excepit, *Spinæ & tribulos germinabit tibi.* Diligenti solertique opera exculta vberimos fructus parit, vitæque nostræ saluberrimos. Voluntas eadem, quæ succrescentibus repentibusque per omnes tam animæ quam corporis partes perturbationum vepribus quodammodo efferatur, studio virtutum pacati-



tiori subacta & emollita, segetem profert honestissimarum actionum ad usum & ornamentum vitæ conducentissimam. In voluntate vero, cuius imperio subijciuntur appetitus affectiones, ea cura minime est necessaria, quæ agricolam tangit. Nisi enim stirpitus agricola silu-  
scentes frutices, utpote arbuta, spinas, & id generis noxia resciderit, campus ineptus erit optimis seminibus excipiendis. Opus autem non est, uti voluntas Stoica seueritate ita omnes appetitus affectiones penitus extirpet eiciatque: quod (ut alibi probatum est) virtuti inseruiant & adminiculentur; solum in hoc eius studium ponendum, ut rationi pareant, ac se ei dimittant. Quartum vis & energia nobis neque liberum arbitrium penitus excusserunt, (ut delirant sectarii) inclinatum quidem in malum reddunt, tamen liberum sinunt. Nollem autem eos suspicari nos ita liberum arbitrium constituere, uti olim Pelagius: qui cum interioris gratiæ subsidium utpote necessarium à Catholicis stabiliri animaduertisset, eos liberum arbitrium sustulisse proclamauit. At huiusmodi opprobrium à nomine nostro ita reiecit D. Hieron. *Blasphemias, & ignorantium auribus ingeris nos liberum arbitrium condemnare, dam-*  
*netur ille, qui damnat.* Pelagianum autem arbitrium, utpote superbum, ita repudiavit D. Augustinus: *Laboratum est pro libero arbitrio, sed vicit Dei*  
*gratia.* Contra Pelagium vim arbitrii extenuare videmur ad creden-  
dum, sperandum, amandum, & Dei legem obseruandam, diuinam opem  
requirantes: rursus contra neotericos hereticos differentes efferimus  
arbitrium, affirmantes in nostra positum esse facultate Dei gratiæ coo-  
perari, vel resistere, pie viuere vel flagitiose mores instituire. *Liberum*  
*ergo arbitrium* (inquit Augustinus) *euacuamus per gratiam & absit: sed magis*  
*liberum arbitrium statuimus.* Sicut enim lex per fidem, sic liberum arbitrium per  
gratiam non euacuatur, sed statuitur. Et alibi. Ciceronem grauer reprehendit, qui ut liberam in nobis faceret voluntatis potestatem, diuinam re-  
bus humanis prouidentiam exemit: *Sed religiosus animus* (inquit)  
*utrumque eligit, utrumque confitetur.* Et post: *Utumque fideliter & veraciter con-*  
*fitemur: illud ut bene credamus, hoc ut bene viuamus: quasi sine libero arbitrio*  
*honestæ vitæ nullus esset, futurus locus.*

*Notio vir-*  
*tutis con-*  
*stat ex libe-*  
*ra arbitrio.*

Virtutis amore penitus capti, ardua quæque superamus, sublimia transilimus, & nobis ipsis vim quandam inferimus, uti tantam pulchritudinem consequamur. Quid obsecro est, quod ita præcordia pulsat, quod ad honestissimas actiones nos rapit, toto corporis pondere aliorum pertrahente? quid immensos labores, innumeras difficultates melle condit & nectare; nisi virtutis species sensibus obiecta, quæ mirifice in oculis nostris splendet & effulget? Studia virtutum animo per-



perspecta, vim habent excitandi vel plumbea pectora, & frigore concreta crysalla eliquandi, atque ex ipsis aquis flammæ plane eliciendi. Hæc autem omnia incentiua ad præclara facinora pereunt funditus & intercidunt ablato semel libero hominis arbitrio. Nam ex eo pulcrum apparet secundum virtutem operari; quod apprehendimus huiusmodi institutum à nobis suscipi posse vel deponi: quocirca iudicamus rem esse longe excellentem, in hac tanta libertate, imo propensione magna in malum, nihilominus aliorum in bonum ferri, eiusque cupiditate duci. Ad hoc autem decus virtutis decernendum, concurrat libertas actionis: alioquin ipsis brutorum conatibus æque ac humanis illa species competeret: quandoquidem naturæ ipsorum conuenientia munera obeant similiter appetitionis motu. Discrimen ponet libertas tantum molitionis: instinctu siquidem naturæ illa feruntur ad optima: homo autem rationis iudicio liberoque consensu officium suum exequitur: proinde laudem meretur ipse solus & præconiū. Ex aduerso nihil hominis animum ita auertit à delictis, atque ipsorum terribilissimus ac deformis aspectus. Ad hoc autem dedecus constituendum, postulatur liber voluntatis inflexus in peccatum: quo absente, nihil flagitij aut dedecoris supererit intuendum. Nam qui turbidine deuoluitur in sordes, eisque vestes deturpat, is sibi, hoc est menti suæ, non adscribet maculam, sed vestibus tantum: quandoquidem necessitate ceciderit, non culpa & voluntate. Similiter si post crimen Adami adeo laxata & effrenis sit concupiscentia, vti homines præcipientes hæc ferat in vitiorum lacunas, ad morum turpitudines: eiusmodi coinquinatio nemini nisi Adamo vicio danda, non nisi in illo, supplicio aut vituperio digna. Auferunt idcirco ac prohibent sectari cum virtutis tum vitij formas, ne hominum oculis pateant: quarum intuitu peruersæ cupiditates abijcerentur, actiones vero præstantissimæ susciperentur. Orthodoxi vero florentissimas virtutum species suis coloribus illustrant, & nativam ipsorum elegantiam hominum oculis obiectant: vti sic earundem amore deliniri capiuntur. Vitiiorum quoque atrocitatem proponunt visendam, cuius aspectu deterreantur à prauis consilijs. Excutientes vero liberum arbitrium, virtutem rem mortuam quandam efficiunt, fatalem, & nullius præstantiæ. Vitiiorum pariter grauitatem extenuant, illis necessitatem quandam imponentes: proinde omnem eius deformitatem velo contegunt & dissimulant.

Constituamus iam hic aliquem Caluiniano dogmate imbutum, cuiusque animus illecebræ obiectu ad quidpiam nephandæ ac scelestæ libidinis prouocetur: & iudicio cuiusvis relinquam definire,

P P 3

vtrum



*Sectarij  
negates li-  
berū arbi-  
trijū homi-  
nes excu-  
sant à pec-  
catis.*

utrum consequutiones legitimas inferat nec ne; dum hoc pacto apud animum suum raciocinabitur. Quorsum peccati dulcedinem, utpote veneno illitam respuerem; in quam si animæ consensu & electione iuerim, quid mali tandem meo opere patratum erit? Nam mihi Deus aditum præcluserat ad fidem omnemque virtutem, propter Adami delictum, mihi perfregit penitus, & in me violauit liberum arbitrium; brachium eneruauit, quo blandientem noxam abigerem: adeo acris amor lenocinij mentem occupauit modo, uti non possim omnino incendium excitatum comprimere, aut aliorum voluntatem destinare, quam quo eam impulit cupiditas. Facessant concionatorum voces, sileant monita scripturarum, mihi aures occlusit Deus, hæc animo excipere nequeo; desinant hortamenta & consilia sapientum, ni surdo capere ipsi operæ precium habeant. Nihil ad me præclarissimorum virorum illustria exempla spectabunt; cum oculis priuer, quibus ea contemplerer. Neque in causa erit, ut timore diuini iudicij concussus, delinquere extimescam, aut facinus cum trepidatione aggrediar: timor etenim iste Iudaicus est, non Christianus; seruorum, non filiorum. Quorsum etiam illud timeam, ad quod fatum me vrget, ac cogit? Vix credere etiam possum tam horrenda Deum supplicia peccantibus decreuisse: ut scrupulose nimis aliqui, præsertim Romani, suspicantur. Nam cum apud me statuerim Deum summe esse clementem, adduci nequeo uti existimem ipsum adeo durum esse & crudelem, ut postquam necessitate me in flagitia compulerit, adhuc velit acerbissimis inferni cruciatibus fato concedentem excipere. Quod si quis dicat, fidem vnicum mihi fore subsidium, mittenda cetera: ipse mihi maximam libertatem faciet quiduis agendi, aut eadem dura necessitate rursus premet opprimetque. Credo me iustum esse, neq; Deum fornicationes, adulteria, & furta, quæ in animo designaui, imputaturum ad crimina, vel etiam, cum ea perfecero. Agedum secure ruam in scelera & confidenter. Nec me aliqua suspicio terret, quod hæc fides mea non sit vera & diuina: scio enim talem esse: vel si non sit, iterum necessitate vrgeor, eaque excusor. Fato inuoluor, effectu impossibile est ut credam sicut oportet: lumen suum mihi Deus denegauit, retraxit sol ille radios suos, ego in tenebras detrusus, interim infidelitatis malum sustineo prorsus necessario. Ex altera autem parte suaue, blandum est, emollitum, gratiosum, quod mihi suggerit concupiscentia: multa sunt, quæ me ad huius appetitum mouent, pelliciunt, trahunt: nihil autem animo succurrit, quod firma ratione voluptatem haud persequendam prober & doceat. Blanditias exquiram, asperas & salebrosas



salebrosas virtutum semitas auersabor. Ita ex Caluini dictis apposite omnino & consequenter disputauit impurus ille & impudicus.

Sane istorum hominum plusquam stupida est inscitia, quum peruerso dogmate naturæ iura ita peruertant, omniaque miscent ac perturbant. Quosdam humanæ voluntatis actus peccata esse fatetur Caluinus, tamen si necessitati subiectos: à quo cum causam sciscitor, respondet mihi molitiones necessarias ideo vitiosas esse, quod effectus sint corruptæ depravatæque naturæ. Quid an non prudens iste eadem ratione motus peccata esse fatebitur operationes omnes sensitiuæ & vegetatiuæ facultatis, cum senio præsertim debilitatæ vires corporis, minus perfectas actus expresserint: ex æquo enim operatio intellectus & sensus proficiuntur à corruptione naturæ ac conatus voluntatis; similem ideo peccati formam retinebunt? Quo pacto quartana febris, capitis vertigo, & morbus quiuus peccata erunt. Medici quoque non corporum, sed animarum reparatores habendi: vitiorum nempe curatores. Sed dicit Caluinus, actum solius voluntatis peccatum esse, quod hic tantummodo Dei legi & interminationi aduersetur. Quam subtilem se ostendit? Hinc enim sequitur, absente prohibitione diuina, æque peccatum esse fluxum pituitæ, & innoxij cruoris in homine effusionem. Demum hoc suo effugio stultas, insanas, ac rediculas orbi exhibuit Dei leges & præscriptiones officiorum. Quorsum enim Deus alicui prohiberet adulterium, si ipse hoc crimine propter peccatum originale abstinere non posset? fluxum pituitæ aut nasi curuitatem eadem prouidentia forma hominibus interdicare valuit, ac adulterium. Qui orthodoxæ fidei mente obstinata repugnat, is peccabit, & quare? quod Deus spontaneam hanc & affectatam infidelitatem vetuerit. Quorsum autem vetuit, aut huic vitio vertit Deus, quum sufficienti gratia destitutus credere non posset vera fide, eamque habet sibi impossibilem? Adempta itaque libertate, nullus voluntatis actus magis peccatum erit, quam corporis defectus aut alia quæuis sensus molitio. Atque hac via Caluinistæ insolenti quodam helleboro omnia plane peccata orbe eiecerunt, sanctos homines reddiderunt & immaculatos; quodcumque in posterum egerint purum erit ac nitidum, cum necessarium: nisi quod dictorum immemores, iustorum opera optimaque eorum instituta peccata esse definiant: quod à naturæ corruptione proficiantur. Adhuc ne natura corrupta? qualis tunc medicus Christus? si hæc corruptio in renatis sit peccatum, ubi Christus, qui abstulit peccata mundi? etiamnum enim redempti in sordibus suis volutant, nullibi sanitas aut integritas apparebunt; redemptio nulla.

*Sine arbitrij libertate actus sensuum peccata, a voluntatis.*



nulla? Et quemadmodum vitij naturam occultarunt sectarij liberum arbitrium negantes; ita eodem asserto virtutum amabiles species fugarunt, nullumque locum eis inter homines reliquerunt. Qui fide superbam mentis intelligentiam subegit, qui inter fluctus istius vitæ spei anchora animum firmavit, sprete cupiditate, Dei amore pectus suum inflammauit: is præclari nihil in sua actione expressit: necessitas enim vel fatum hæc arbitrio extorserunt. Viderint iam, quomodo exilientes igniculos virtutum, quos abstrusos in se habet anima, penitus extinxerunt. Fieri non potest, ut quis intueatur virtutis elegantiam, nisi eam cogitet liberæ actionis colorem esse. Si enim Adamus in accepta iusticia perstitisset, multaque ex obiecto & circumstantijs bona peregisset, necessitate tamen ductus, quis putaret eum ex virtute fuisse operatum. Absque libertate perinde est, siue somnians aliquid homo fecerit siue vigilans: tam bene simia ablatam pecuniam restituens iustitiam exercebit ac Calvinista. Quod decus elucebit in operibus fidei, spei, & charitatis, si molitiones animæ sint à necessitate, non libertate expressæ? Quum itaque in hominum mentibus opinionem virtutis Sectarij extenuarint: an non eosdem languidos plane reddunt, & semisomnes ad præstantissima instituta? Nam ut ait Euseb. *Quod si esset fatum, iaceret omnis philosophia, iaceret pietas, nulla esset laus virtutis, nullus fructus laborum, nec puniendi essent reprobi, nec admirandi studiosi; si non libera voluntate & nostra sponte susceptis laboribus, sed necessitate factorum hæc fierent. Ita vniuersam vitam hæc euerit opinio.* Quod & ante ipsius tempora pronunciauit Clem. Alex: *Sed nec laudes nec vituperationes, nec honores nec supplicia iusta, si anima non habeat liberam potestatem & appetendi & aggrediendi: sed sit vitium inuoluntarium.*

Euseb. 5.  
præpar. c. 5  
Nemes lib.  
de Fato.

Clem. Alex  
1. Strom.

Sectarij  
negantes  
liberū ar-  
bit. vanas  
faciunt hor-  
tationes  
ad penitenti-  
am.

Qui errore aliquo detinetur, aut crimine ex animæ suæ sententia, illum graui quodam obstringi scelere asserunt orthodoxi, si alijs meliora inculcantibus non consentiat, nec susceptam vitæ rationem mutare velit. Huiusmodi arietem admoemus delinquentium animis, vti consilia inueterata, quæ in malū delata, excutiamus illis. At Sectariorū delirium, momentum hoc ad resipiscentiam ac penitudinem amolitur prorsus. Cum enim rationes omnes ad penitentiam facientes insonuerint: causari poterit maleuolus, sibi liberam non esse potestatem credendi aut recte viuendi: propterea irrita esse studia & insana eorum, qui vociferantes è regione fato obnituntur. Cui si quis dicat, eum ita obfirmatum æternos cruciatus manere. Ridebit, ac dicet, quasi vero inclementem adeo habeamus Deum, qui de me impotente penitus, non languido, sed fracto & exciso, ut in melius mores mutare non



non possim, tam horrendum sumat supplicium? Hoc modo Calvinista secum diuinabit; & qui in sordibus est, adhuc sordescere non erubescet. Ex huius sententia nullum remedium contra vitium: non flectitur Deus, se ipsum autem homo flectere nequit: iniquam profecto isti reddunt Christi Domini contra incredulos Iudeos latam sententiam: *Vae tibi Corazain, vae tibi Bethsaida, quia si in Tyro & Sidone factae essent virtutes, quae factae sunt in vobis, olim in cilicio & cinere poenitentiam egissent: Veruntamen dico vobis, Tyro & Sidoni remissus erit in die iudicii, quam vobis.* Quorsum haec cominatio? quare intentatus luctus; nisi quod Christo tota die (vt inquit Isaias) manus suas expandenti ipsi non crediderint, sed potius contradixerint? Vera itaque fide & amore in illius complexu ruere valuerunt: alioquin quomodo vera erit eiusdem Christi sententia: *Si non venissem, & locutus non fuisset vobis, peccatum non haberent.* Adueniente Christo, illoque concionante, peccatum Iudei contraxerunt; quod absente & silente non in se admisissent. Quae ratio discriminis, nisi quod potuerint Christo fidem adhibere, & errores suos deferere? libera ergo voluntas. Pro nobis perspicue & dilucide sententia continet scriptura: stupidi sectarii hanc non videant, maleuoli si agnitam nobis non concedant: vtrumque vero ipsorum nominibus dignissimum.

Nemini quoque vitium deforme videbitur, aut magnopere fugiendum, cum semel constiterit Deum ita esse eius causam effectricem, sicut esse cernitur omnium eorum molitionum, quae fiunt a causis secundis. Verum sublato libero arbitrio, si aliquid vitij super sit, recurret illud in ipsum Deum, vt in fontem & principium: proinde non amplius foedum & coinquinarum apparebit, sed potius naturam limpidissimi illius fontis, e quo emanat, imitabitur: aliquid illius splendoris mutuabitur. Quam confectionem istis adstruit Eusebius Caesariensis: *Nam siue cum videat vniuersa, cunctisque adsit, peccare cogit homines: siue stellarum motui vim cogendi concessit ipse, certe aut per seipsam aut per orbis caliditatem, quasi per organum, nolentes homines ad vicia immitte. Quare non iure homo sed ipsius creator peccator erit.* Eodem modo Cirillus Hierosolimitanus sordes peccatorum in voluntatis libertatem reiecit: vt tantam illuuiem a diuina effectione remoueret: *Plantatio quidem bona, sed fructus ex voluntate malus: atque ideo plantator quidem in culpa non est: vinea autem conturetur: quoniam in bonum plantata est, & in malum fructificauit. Feceras enim hominem rectum, (vt inquit Ecclesiasticus) sed ipse quae sunt quaestiones multas.* Vnde colligit idem doctor, non naturae determinatione aut necessitatis ductu cecidisse demonem e felicissimo illo statu beatitudinis, sed

QQ

vicio

Matib. 11.

Isaia 65.

Ioan. 15.

Absque libero arbitrio peccata à Deo.

Euseb. lib. 5. prepar. cap. 5.

Ciril Hierosol. catech. 2.



D Thom 1  
par. 9. 70.

tren lib. 4.  
cap. 72.

vitio solum liberi arbitrij, ne atrocissimum scelus naturæ auctori præstantissimo adscriberetur. *Peccauit non quidem ex necessitate naturæ vitium suscipiens: quos sic peccati occasio rursus in opificem retorqueatur.* Cuius ratio in aprico est posita. Eorum enim omnium Deus causa & author censetur, quæ naturæ necessitate existunt. Cū enim ipse vim talem rebus indiderit, effecta ab illis dependent quoq; à Deo, à quo etiā (vt docet D. Thomas) in suas molitiones & fines destinantur: non tam proprio motu, quam impulsione diuina progredientia. *Illa vero quæ ratione carent, tendunt in finem propter naturalem inclinationem, quasi ab alio mota, non autem à seipsis, cum non cognoscant rationem finis: & ideo nihil in finem ordinare possunt, sed solum in finem ab alio ordinantur.* Ex quibus colligitur turpissimum hoc sectariorum dogma omnia virtutum præsidia deltruere & impugnare. Nam vt scribit D. Irenæus: *Si in nobis non esset facere hæc aut non facere, quam causam habebat Apostolus, & multo prius ipse Dominus, consilium dare quædam quidem facere, à quibusdam vero abstinere?* Similiter nihil deformis aut tetri vitijs concedunt, vti eorum aspectu minime absterreantur homines à cupiditate praua: quandoquidem affirmant peccata necessitate propagari, & ab ipso Deo effingi. Sane in hac tanta ipsorum inscitia, imo insigni blasphemia, nihil fusiori disputatione dignum inuenio: odio autem & flammis quamplurima.

*Concupiscentia, apprehensionesque mentis siue iudicium rationis optime coherent cum libertate arbitrij.*

### CAPVT XXIIII.

**C**um multa sint, quæ humani arbitrij libertatem explicatu difficiliorem reddunt: tum nihil magis meo iudicio, quam perturbati motus appetitus, præsertim vero mentis intelligentia, hac in re Theologis negotium facessunt. Multorum acumina plurimum laborarunt, vti hominis arbitrium consonum redderent æternis Dei decretis, quibus singulos quosque actus nostros certa quadam providentia futuros statuit. Desudarunt etiam vti ostenderent eandem libertatem conspirare cum actuali Dei concursu, cum virtute efficacis gratiæ: de quibus libro tertio pauca differemus. Nunc autem ostendemus arbitrij libertati haud aduersari concupiscentiam, vel mentis notiones, quas voluntas



luntas in expetitione sua sequitur. Atque de hoc posteriori pauci sunt quos vidi, qui enucleate hactenus pertractarunt.

Omnino exploratum est, appetitus sensitui motus, quos post peccatum originale experiuntur homines, liberum arbitrium multum infirmasse. Quod enim inter duo extrema perfectissimam rationem medij obtinet, illud vtrumque indifferentia quadam ex æquo respicere dicitur: quæ quidem indifferentia diminuetur, si accessus fiat ad aliquod eorum. Ita humana voluntas, cum perturbationum impetu plurimum inclinetur in irritamenta sensuum, propter hunc flexum in vnam partem minus, dum operatur, habet libertatis. Huiusmodi autem voluntatis propensio non provenit ex immutatione suæ naturæ intrinsecæ, ut morbo vires corporis absumuntur, vel ex aliqua prava qualitate ipsi impressa: sed inde solum, quod appetitus sensitivus, quodam iustitiæ originalis effectu destitutus, magis iam ferociat, sollicitet acrius, pelliciatque laxatus ad se voluntatis cupiditatem. Nam ad illam rem facilis est voluntatis ductus, cuius amore flagrat & feruet appetitus: ita enim partes naturæ inter se conspirant & consentiunt. Quod autem voluntas appetitus ratione in vnam partem, quam in alterâ magis inclinetur, ex duobus oriri poterit. Primo, exinde quod (ut ostendit D. Thomas) aliud iudicium perturbato sensu animus proferat, quam faceret sedato & cōpresso. Quod modo ira efferati vindictam estimant dulciorem & appetibiliorem. Cum itaque iudicium hoc accellerit, voluntas quasi quodam pondere eo vrgetur, quo iudicium prospexit. Deinde ut probabiliter satis multi arbitrantur, tamen si excitata perturbatio tale iudicium non exprimeret, neque intellectum immutaret, adhuc tamen propter nexû & sympathiam, quæ inter voluntatem & appetitum intercedunt, inclinatio evaderit voluntas in illud, in quod appetitus cupiditas magis propendet. Aptè idcirco concludit D. Thomas concupiscentiam hanc appetitus voluntatis actum magis voluntarium & spontaneum reddere; minus autem liberum. Prius ex eo descendit, quod concitatio & ardentior sit progressio voluntatis, quando in eandem metam cum illa procurrat appetitus. Posterior ex eo provenit, quod voluntas plurimum alliciat incitatione appetitus; & proinde magis determinetur in vnam partem. Summa autem indeterminatio voluntatis & libertas tunc existunt, quando voluntas inter bonum rationis & sensus, quasi in equilibrio, constituitur. Si hac aut illac momentum aliquod accedat, in actum, quem elicit voluntas, diminuetur aliquid de gradu libertatis: tamen si sufficiens reperiatur libertas ad virtutem aut peccatum. Ex quibus liquet, peccatum

Quomodo  
concupiscentia de-  
bilitavit  
lib. arb.

D. Thom. 1.  
2. q. 9.  
art. 2.

Medin. 1.  
2. q. 9.  
art. 2.



catum originale plurimum debilitasse libertatem arbitrij. Quod etiam præstare poterit gratia aliqua intensior efficaciorq; : vti videre licet in beatis : quibus visio beatifica abstulit penitus liberum arbitrium ad amandum Deum. Visum enim necessario amant & diligunt.

*Concupiscentia non abstulit lib. arb.*

*Gen. 6.*

*Rom. 6.*

*Augustin. lib. 4. cont. Iul. cap. vlt.*

*Be'larm. lib. de grat. prim. hom. cap. 4.*

Sequitur vt ostendamus concupiscentiã hanc efferuescentem non abstulisse penitus liberũ arbitriũ. Orthodoxorũ iudiciũ est, flagrante cupiditate, propendenteque voluntate in blandimentũ sensus, (modo adsit vsus rationis & circumspectientiã) posse hominem, Dei gratia corroboratum, suggestum à sensu odio habere, aut exercitium actus circa illud sistere & cohibere : vel denique posse mentis cogitationem alio transferre. Hoc enim probari omnino videtur ex illo Geneseos: *Subter te erit appetitus tuus, & tu dominaberis illius.* Dominium autem hoc rationis in appetitum inde constituitur, quod voluntas appetitui valeat consentire vel dissentire, motum eius sequi, vel eundem comprimere. Quocirca si consenserit appetitui nepharia suadenti, peccato se coinquinabit : quandoquidem potuerit eiusdem appetitus consilia reijcere. Nam ni hoc situm esset in hominis potestate, frustra admonuit Apostolus, cum dixerit : *Non regnet peccatum in vestro mortali corpore.* Vbi peccati nomine, motum concupiscentiã intellexit : quod nempe effectus sit primi illius peccati. Hortatur itaque, vt hoc non regnet in nobis : id est non secum rapiat ad noxam delicti voluntatis consensum. Nam voluntas iure quodã imperiali ceteris eminet naturæ potentijs, illisque præficitur. Cum idcirco perturbationes voluntatẽ sensui subiecerint : non voluntas aut ratio imperitant amplius, sed sensuũ libidines. Suadet autem Apostolus, vt regnum hoc rationi omnino seruemus. Quæ monitio inanis esset, si cupiditatis impetum ratio repellere non posset. Olim, natura adhuc integra existente in Adamo, adeo repressæ & dimissæ fuere concupiscentiæ vires : vt exiguam quandam aut ferme nullam virtutem in rationem habuerint : vt adnotauit D. Augustinus : *Gratia Dei magna ibi erat, vbi terrenum & animale corpus bestialem libidinem non habebat.* Quod si tunc rationis vsus anteuertentes modice irrupissent in Adamo, ipse in illa originaria iustitia constitutus, sine speciali Dei auxilio summa cum facilitate easdẽ sedare potuerit. Iam vero ab ipso lapsu eius, effrenes prorsus (deperdita gratia) sensuum cupiditates euaserunt : propterea ingens negotiũ & summã difficultatem nobis faciunt in honestis institutis : ita vt illis immoderatus flagrantibus sine speciali Dei auxilio resistere non possimus. Sicut autẽ serpens inferendo peccatũ hoc in animam protoplastæ, liberũ arbitriũ grauiter in nobis concussit, plurimumq; debilitauit illud traducendo



cendo ad malū : ita Christus Dñs iustitiā adferens, libero arbitrio admirabilem suæ gratiæ vim contulit, qua obniti valemus concupiscentiæ eiusque excitatori satanæ repugnare. Quamobrem sectarij, qui asserunt inuictam à dæmone concupiscentiam perfregisse & eneruasse liberum arbitrium, summam Christo reparatori iniuriam irrogant, eiusque effuso cruori. Maneat itaque integrum hominis liberum arbitrium, cum quouis concupiscentiæ feruore.

Modo inquirendum circa mentis notiones, quomodo cum libertate arbitrij conspirent. Et inprimis inuestigandum, quodnam iudicium intelligentiæ exigatur ad molitiones voluntatis : & an aliquod dæmum requiratur. In disceptationem non venit, sed pro explorato habetur, nihil voluntatem appetere, nisi quod noticiā aliqua illi mens ostenderit : vnde dici solet, voluntatem in specificatione sui actus dependere ab intellectu ; quod nempe intellectus illi obiectum adferat, vnde actus species primum exoritur. Duplex autem existit voluntatis motus in quidpiam appetibile. Primus, simplex complacentia nuncupatur, & est nuda quædam rei secundum se appetitio, abstracta ab eius consequendi studio. Quo genere cupiditatis ea interdum desiderantur, quæ aliæquin effectu impossibilia a nobis dignoscuntur : utpote imperia, cumuli diuitiarum, & similia iucunda, quæ secum animus nonnunquam effingit cogitatione sua. Alter vero efficax dici solet appetitio, atque propagatur non solum ex ea animi noticiā, qua res aliqua delectabilis aut commoda apprehenditur vel diiudicatur : sed ex eo assensu intelligentiæ, quo sententiam ferimus, certis quibusdam medijs experitum acquiri posse a nobis, & ad effectum perducī. Si itaque sermo sit de efficaci proposito, omnino definiendum, ad hoc satis non facere in mente apprehensionem iucundi aut utilis : sed postulari iudiciū de rei consequendæ possibilitate. Nemo enim aggredietur consilio suo aliquid opere præstare, nisi prius iudicauerit illud saltem medijs in vniuersum parabile effectuque possibile. Multorum autem est opinio, neque iudicium hoc, quod appellant speculatiuum, sufficere ad efficacem finis intentionem, siue mediorum electionem, sed insuper postulari iudicium aliud practicum, ( quod etiam verum opinantur in motu simplicis complacentiæ ) quo nimirum iudicetur hoc aut aliud, hic & nunc a nobis actione fore suscipiendum si bonum fuerit : sin malum alijciendum. Ego vero huiusmodi iudicium practicum tam in cōplacentia simplici, quam in efficaci proposito, superfluum omnino semper existimaui : & errorem quendam inuoluere sententiæ, quem nullus in se admittet ratione vsus. Nam ex parte intellectus

*Duplex  
motus vo-  
luntatis ex  
cupiditate.*

*Iudiciū pra-  
cticū rej-  
citur.*



*D. Thom. 1.  
2. q. 9.*

*Artū actus  
imperij sit  
necessarius*

*Caiet. 1. 2.  
q. 17.*

*Soto de iu-  
re & iust.  
cap. 1.*

*Medin. art.  
1. Valent q  
1. punct. 1.  
disp. 2.*

ad motū voluntatis quid aliud requiritur, quā propositio obiecti, vnde actus species oriatur? Hæc autem habetur absq; iudicio tali practico, vti cōstat. Quod si quis dicat iudiciū hoc debere accedere, vt sit maior ratio, ob quam voluntas se potius in hanc partem inflectat, quam in aliam, parum hinc efficietur. Nam reuocare videbitur is determinationem voluntatis in causam naturalem, atque sic liberum arbitrium tollere. Siquidem ante quemlibet actum voluntatis, quidpiam erit præcurrens in intellectu vel sensu, quod cum non dependeat à voluntate, naturale erit ac necessarium: atque sic tandem resolutio libertatis fiet in principium naturale. Quid san non D. Thomas docet cum alijs Theologis exercitium actus voluntarij pendere ab ipsius voluntatis libertate? Bono itaque & malo propositis, cum simili vtriusque iudicio possibilitatis, si queratur causa, ob quam voluntas se potius exerceat actu suo circa malum, quam bonum: non dicam eam esse iudicium practicum, quo iudicatum fuit malum persequendum; sed causam adstruam esse voluntatis libertatem, quæ vitio suo malum bono præferre voluit. Porro iudicium illud circa malum, tale est, quæle penitus aduersatur rationi, ac ipsi fidei: neutiquam idcirco postulatum ad voluntatis actum. Nam ratio fidesque vnicuique ostendunt, non solum indefinite nunquam malum aut vitiosum amore esse prosequendum: sed neque hic & nunc, in hoc aliove certo rerum ordine. Generalis enim notionis hæc existimatio est illatio & consequutio necessaria. Qui ergo ratione viget, cuiusque animus fide collustratur, is iudicare non valebit hic & nunc latrocinandum, occidendum: quandoquidem fides & ratio horum contradictoria aperte statuunt ac decernant. Quod si in hanc partem definite adsit iudicium, alterius partis nulla erit facultas: siquidem absque tali iudicio sit impossibilitas antecedens ad propositum aliquod voluntatis efficax: perit idcirco libertas, quæ potestatem dicit ad vtrumvis. Neque sane positum videtur in cuiusvis potestate de re omni, vti ipsi placuerit, iudicare. Repudiandum itaque huiusmodi iudicium practicum, vtpote minus necessarium ad voluntatis actum, aduersarium quoque eiusdem libertati: fidei pariter ac nativæ mentis intelligentiæ.

Sunt autem nonnulli doctores, etiam ex sententia D. Thomæ differentes, qui arbitrantur neq; iudiciū hoc practicum satisfacere ad excitandam voluntatē: sed vt aliquid definite appetat, in subsidiū venire debere aliam mentis notionē, quam imperium appellitant, hisce verbis explicatū. *Fac hoc.* Ita Cardinalis Caietanus, Dominicus Soto Medina, Valentia, & alij quamplurimi. Quod quidem animi imperium prorsus necessarium



necessarium dicunt, vt voluntas se in vnam aliquam partem suo actu inflectat. Quo quidem imperio semel expresso & constituto in mente, fatentur voluntatem de reliquo se in contrarium mouere non posse. Verum non omnes eundem istius actus imperiosi vsum decernunt. Aliqui volunt illum inferuire tantum executioni: vt pote potentia motuque semel præmissis à voluntate facti proposito efficaci electioneque. Valentia autem ad omnem plane actum voluntatis, etiam simplicis complacentia & desiderij, huiusmodi actum imperij postulari affirmat: & reuera omnium videtur eadem ratio. Sic ergo argumentantur. Apprehensio delectabilis non satis est ad mouendam voluntatem neque iudicium, quo statuitur delectabile posse comparari, idoneum erit ad eliciendū consensum voluntatis: sanctissimi enim viri, qui voluptates penitus aspernantur, eas apprehendunt naturis suis iucundas, iudicantque effectui possibiles, à quibus tamen nihil mouentur: vt ergo voluntas aliquid determinare appetat, præcurrere debet actus imperij, quo illud mandetur præscribeturque appetendum.

Veruntamen antiquiores Theologi, nobilissimi sane & classici hunc actum imperij ad motum voluntatis superfluum omnino arbitrantur: vt Scotus, Adrianus, Almainus, Marcilius: quibus sane ipse assentior; existimoque imperium illud intellectus cum minime requisitum, tum voluntatis libertati maxime aduersari. Nam statim atque intellectus voluntati obiectum suum ostenderit, effectusque possibile docuerit, quid eam remorabitur quominus honestum vel iucundum appetat? Si dicant deesse actum imperij, quo voluntas in hanc partem destinetur: exilem & minutam prorsus tandem facient libertatem. Nam constituto imperio, voluntas nihil libere cupit aut refugit (vt fatentur ipsi) sed necessario, & quodam naturæ ductu in obiectum suum prona defertur: ita vt aliunde actus voluntatis liber non sit, quam quod semel habuerit liberam sui causam, nimirum electionem imperij. Sed quid? recidit ne tandem omnis libertas voluntatis ad decretum imperij, quasi in nullo actu immediate amoris vel odij voluntas libera sit, præterquam in solo actu imperij decernendo? Passim enim vero scripturæ & patres asserunt voluntatem hominis liberam esse in ipsismet rerum appetitionibus, vt pote in prosecutione delectabilis vel honesti, nobis integrum esse adstruunt vti obtemperemus legi, vel illi repugnemus, vti cooperemur gratia Dei, vel resistamus: male ergo isti omnem voluntatis libertatem reuocarunt ad solam constitutionem cuiusdam imperij: quo semel decreto, de cætero nihil libertatis actibus insit voluntatis, hoc sane (quantum ego coniectari possum)

*Actus imperij repudiatur*  
*Scot. in 2. d. 6. q. 2.*  
*Adrianus quol. 4. art. 1.*  
*Almainus in moral. Mar. il. in 2. q. 16. art. 1.*



sum) humanorum consiliorum libertati plurimum repugnabit. Causa quoque leuissima est, ob quam istius imperij necessitatem decreuerunt. Si enim requiratur, uti ipsi asserunt, ad determinationem voluntatis: sciscitabor, utrum hoc imperium constitutum fuerit ab aliquo naturali in homine, quasi agente necessario, vel an à libertate voluntatis. Si prius definiatur, funditus peribit liberum arbitrium. Sic enim nulla supererit libertas, cum in decreto imperij, tum neque in actu voluntatis ex illo propagato. Sin posterius statuatur, ita arguam: voluntas sine praeuio actu imperij potuit ex sua innata libertate decernere hoc imperium, vel eius oppositum omnino; imo vel nullum proferre: nam si ad hoc quoque requiratur aliud imperium, progressio erit in infinitum: itaque tandem voluntatis aliquis actus anteuertet omne imperium. Quod liquido patet, si modo imperium sit effectus liberae electionis in voluntate. Infero idcirco: sicut voluntas sine praeuio actu imperij determinare se potuerit ad constitutionem huius imperij potius quam alterius: ita bono & malo obiectis, cum iudicauerit intellectus utrumque actione suscipi posse, absque actu imperij, ex sua insita libertate hoc aut aliud valebit expetere.

*Voluntas si  
determi-  
nare potest  
sine actu  
imperij.*

*quæ cog-  
nitio neces-  
saria ad mo-  
tum volun-  
tatis.*

Profligato itaque & abdicato huiusmodi actu imperij, utpote nihil conducente ad humana consilia: reliquum est ut ea designemus ex parte mentis & intelligentiæ, quæ requiruntur ad voluntatis motum. Dico itaque, simplici apprehensione propositis bono ac malo, liberrime posse voluntatem circa hoc aut aliud complacentiam exercere. Sin autem efficaci proposito ipsa velit aliquid expetere: opus est ut prius intellectus iudicet, tale quid eius viribus subiectum fore. Quoniam vero libertas duas partes respicit contradictorias, veluti honestum, & iucundum, faciendum & non faciendum: eapropter ad libertatem actus voluntarij exigitur utriusque partis contemplatio. Ideo namque in voluntate existunt motus quidam subitanei & necessarii: quod tunc mens honestum, iucundumque non intueatur circum specte, sed vnum horum tantum: proinde sicut alterius appetitio incogniti est impossibilis: ita huius necessaria, nec vlllo modo libera. Ad intelligentiam vero istius libertatis existimo maxime facere, si cogitemus in ipso momento intentionis, aut electionis libera, intellectum multiplicem actum efformare: ut simul bonum & malum intueatur, quod Scotus voluntati concedit. Nam si vnus tantum visus sit, non percipio quomodo in eodem instanti antecederet potens sit voluntas ad oppositum eius, quod facto suo molitur. Facillimum vero hoc fuerit definire, si modo tam boni quam mali despicientiam

*Scotus in 3  
d. 2 G. 9. 1.  
Parag. ad  
quartum  
concedo.*



tiam actualem intellectui pariter attribuamus. Sic enim dum hoc voluntas aggreditur, contrarium quoque prosequi poterit: quandoquidem eius tunc in mente quoque ostentum habeat.

Adhuc tamen questio alia magis salebrosa & obscurior suboritur.

Quomodo namque acriori conatu intellectus in aliquam partem prospectans, in alteram voluntati libertatem non eripiat? cum enim voluntas facultas sit cœca, & (ut docet D. Thomas) externum quoddam principium postulet, quo determinetur: in natura videtur omnino defixum, quod voluntas debeat eam partem necessario sequi, quam intellectus acrius intensiusque considerat. Duplex itaque questio hic instituitur. Prima, an sine præiua mentis mutatione possit voluntas animum, hæc aduertentem, alio transferre, & auertere à cogitatione suscepta: vel an exigatur ad imperium voluntatis, præcedens aliqua mutatio in intellectu. Altera huiusmodi existit: utrum voluntas, propositis omnibus, quibus nunc mouetur ad aliquid experendum, valeat huius oppositum concupiscere, vel desideratum abijcere absque mutatione aliqua in mentis consilio. Socrates (ut testatur Aristoteles) tantum veri perspicientiam attribueret voluit: uti virtutem omnem collocari existimavit in mentis intelligentia, vitium vero in errore, secum ratus neminem opinione virtutis ac decori collustratum posse ab officio boni viri deflectere. A quo si defecerit, ex errore omnino aut ignorantia lapsum propagandum adseruit. Verumtamen existere quamplurimos videmus, qui accurate virtutis naturam animis tenent, nihilosecius cupiditati illecti concedunt in vitia: imo probe intelligunt & explicate iudicant neque in hoc momento rerumque serie quidpiam suscipiendum, quod cum virtute depugnat: tamen affectu quodam eadem ita abiudicata prosequuntur. Cum itaque voluntati honestum atque iucundum obiecta fuerint, eaque mens & ratio circumspicte viderint, in duobus libertas cerni poterit. Primo in distractione quadam intelligentiæ: deinde quod ab ipsa iucundum appeti queat vel sperni. Ut in priori constituatur libertas, ad eam satis facere non videtur, quod bonum & malum rationis animaduertentia despiciantur in obiecto voluntatis, seu in exercitio actus: sed quod voluntas non feratur nisi in cognitum, tertia quedam noticia requiretur: illa inmirum qua constat malum esse, hunc actum intellectus circa rem talem protelare: vel bonum, intentum animum in hoc minus licitum distrahere, & alio transferre. Nam nisi hanc notionem constituerimus, voluntati erit impossibile plane animum à suscepta cogitatione auertere, & ad alia dirigere: quippe quod nulla huius causa aut motuum.

R R r

tuum.

*An mutatio in intellectu sit necessaria sit ad oppositos motus in voluntate.*  
D. Thom. 1. 2 q. 3.

*Aristot. 7. Lib. 10.*

*Sola cognitio satis non est ad virtutem.*

*Qua cognitio necessaria ad mentis distractionem.*



tium eluceat in mente. Hæc autem noticia unicuique satis obuia erit & facilis, eo ipso, quo morali diligentia quis utitur in expendendis eis, quæ eius animo occurrunt. Statim enim atque rationem mali in illecebra detexerit, videbit pariter bonum esse abijcere admissam cogitationem, & quasi filum interfcindere, quod excurrere cepit. Adhuc vero superest difficultas definire, vtrum quando mens intensiori conatuprehendens auersionem animæ non efficiendam: imo iudicans etiam protrahendam potius institutam apprehensionē: interim exilis aliqua, neque tam exacta noticia existat, qua in illa cogitatione ratio mali detegitur: an iam possit fieri auocatio animæ à voluntate; vel an ut alio transferri possit intelligentia, prærequiratur mutatio in mente, ex qua accuratius iam consideret & iudicet quis abducendam esse mentem, cum prius alterius partis maior intensiorque erat noticia. Affero itaque posse voluntatem, pro suo imperio, duplici aliqua cognitione boni & mali in actu intellectus existente, interim inæquales fuerint notiones illæ sine alia mutatione cogitationem susceptam protrahere, vel ad alia mentem destinare. Hoc quidem mihi adeo exploratum videtur, uti nisi hoc adferatur, intelligere non possim libertatem arbitrij circa actus intellectus. Et quod voluntas illam partem eligere possit, quæ debilius apprehendit, ex eo liquet, quod in illa quoque proponatur ipsi ratio obiecti: nihil ergo impediet voluntatem, quo minus circa illud operetur. Atque ita summo quodam conatu videns bonum esse persistere in cogitatione delectabili & vitiosa: si tamen quacunque demum noticia despexerit rationem mali in illa, eamque attente considerarit, sine alia mutatione intellectus, valebit cogitationi institutæ incumbere, vel eam abrumperet & abijcere. Quod si aliam mutationem exigamus, peribit liberum arbitrium, circa operationis mentis, ut dilucide probant argumenta Scoti, Richardi, & Bachonij. Nam mutatio hæc antevertens omnem actum voluntatis, prorsus est naturalis: quocirca qui illa privatur, necessario & naturaliter eadem destituitur: ideoque si ad possibilitatē antecedentem, uti diuertatur animus, prærequiratur eiusmodi mutatio in intellectu, illi, qui facto suo non distrahunt animum, carebunt aliquo prorsus necessario ad talem distractionem: proinde hæc illis antecedenter erit impossibilis. Quæ mutatio si veluti pondus iniectum accedat ad vnam partem, necessario secum feret in eandem electionem voluntatis: quandoquidem tale momentum alteri parti desit, antecedenter tamen requisitum ad electionem eius. Atque sic omnis tandem libertatis resolutio circa actus intellectus recidit in causam naturalem ac necessariam.

Scot in 2.  
d. 62. q. 4.  
& in Coll.  
11. Rich. d.  
38. art. 2.  
Bachon, in  
prohem. 1.  
lib. sent.



fariam: quod absque dubio repugnat omnino libertati arbitrij. Sufficit idcirco ad libertatem voluntatis circa operationes mentis illa noticia, quam diximus. Superest modo alterum inquirendum: vtrum nimirum, immutato intellectu, imo cum in vnam determinate partem iudicium collatum fuerit, voluntas aliquid ita libere expetat, vt oppositum possit concupiscere.

Multorum est sententia, vt oppositum eius eligatur, quod facto assumitur, præcurrere debere mutationem in intellectu, eamque iudicij: quod sic ostendunt. Voluntas ab intellectu suam habet determinationem: cum idcirco vnius partis acrior fuerit diligentiorque intelligentia, ea habebitur determinatio voluntatis ad eandem: ita vt alterius electio sine mutatione noua sit plane impossibilis. Contrarium autem verius opinantur Richardus de Mediauilla, Guilielmus Bachonius, & alij, qui, vt asseratur liberum arbitrium, omnino statuendam definiunt dispari cognitione existente vtriusque partis contradictionis, etiam in hanc partem prolato iudicio, posse adhuc voluntatem sine alia mutatione animi, hoc aut aliud pro libito decernere. Atque in horum opinionem omnino lubens concedo: idque necessariam prorsus duco ad statuendam libertatem arbitrij. Principio ostendam hoc omnino consonum esse doctrinæ D. Thomæ, qui passim affirmat ad libertatem arbitrij, satis esse cognitionem tantum vtriusque partis contradictionis. Sic loquitur: *In omnibus particularibus bonis possumus considerare rationem boni alicuius, & defectum alicuius boni, quod habet rationem mali: & secundum hoc potest vnumquodque huiusmodi bonorum apprehendere, vt eligibile vel vitabile.* Quibus aperte docet D. Thomas, duplicem illam noticiam boni & mali, tameti habitudine ad obiecta disparem & inaequalem, sufficientem esse causam expeditionis liberæ. Imo cum delectabile aliquod vehementissime acerrimeque animus inuatur, si tamen ratio omnino non superetur, sed vel tenui aliqua notione despexerit malum & vitiosum in illo, liberrime absque mutatione mentis poterit voluntas hoc aut aliud statuere. Quod etiam D. Thomas affirmavit: *Aliquando autem ratio non totaliter absorbetur à passione, sed remanet quantum ad aliquid iudicium rationis liberum, & secundum hoc, remanet aliquid de motu voluntatis.* Et alibi clarissime: *Si proponatur aliquod obiectum voluntati, quod sit vniuersaliter bonum, & secundum omnem considerationem: ex necessitate voluntas in illud tendit, si aliquid velit: non enim poterit velle oppositum. Si autem proponatur sibi aliquod obiectum, quod non secundum quamlibet considerationem sit bonum, non ex necessitate voluntas fertur in illud.* Quare vt voluntas possit vtramque partem contradictionis eligere, exigit solum D. Thomas

*Ad virtutem  
que potest  
voluntas,  
absque mu-  
tatione  
consilij.*

*D. Thom. 1. 2.  
q. 14 art. 6*

*D. Thom. 1.  
2. q. 10 art.  
2. & 3.*

R R r 2

noticiam



noticiam boni malique: idcirco mutatio alia aut aliud iudicium haud requirentur ad dispares oppositosve in voluntate conatus.

*Liberū ar-  
bitriū vix  
explicare  
possūt, qui  
mutationē  
mentis exi-  
gunt, ad  
positos mo-  
tus, in vo-  
luntate.*

Quod vero accommodate ad assertionem liberi arbitrii ita sit sentiendum, facile probatur. Mutatio namque intellectus & iudicii subiecta est libertati voluntatis, vel secus. Si illi subijciatur, tunc deueniendum erit tandem ad aliquid in intellectu, quod eius haud pareat imperio: nam ut voluntas mutet intellectum, ex parte ipsius intellectus, prequiritur maior ratio precurrentis omnem actum voluntatis, quare mutaret, quam non mutaret: ut fatentur aduersarij. Hæc autem maior ratio illi non adest, qui facto non mutat intellectum, ergo talis mutatio intellectus illi antecedenter erit impossibilis: atque sic neque supererit liberum arbitrium. Quod si hæc mutatio mentis non subijciatur voluntati, tunc sicut naturalis ratio erit status mentis, ita causa naturalis & necessaria determinationis in voluntate: unde nullibi libertas constabit. Porro qui iudicat modo obseruandum esse aliquod præceptum, vel exercendum actum virtutis, is liberum habet arbitrium, quo possit desistere ab officio, inde solum quod apprehendat rationem aliquam mali in exercitio talis virtutis: non requiretur ergo alia mutatio in mente. Nam fieri non potest, modo adsit usus rationis, ut quis deponat hoc iudicium; continet enim conclusionem euidenter deductam ex fide & præscripto naturalis intelligentiæ. Nihilominus iste liberum arbitrium habet instigatus à fatana aut concupiscentia sua ad agendum contra iudicium & officium virtutis à mente præscriptum. Quod si exigere velimus semper acriorem mentis attendentiam ad eam partem, quam facto suo eligit voluntas: ita ut ea permanente, oppositam consecrari nequeat: non video quomodo liberum arbitrium constituetur. Nam qui vehementissima cogitatione animo concipit illectamentum aliquod sensus, habet ex motione Dei vocationem sufficientem, cui satis commode valebit consentire, seque auertere à praua cupiditate. Hæc tamen vocatio ipsius Dei non semper exæquat gradum & vehementiam suggestionis nephariæ: liberum idcirco arbitrium in hoc ponetur, quod immutato animo pro libertate sua voluntas hoc aut aliud aggredi posset. Quamobrem antecedenter ex parte intellectus, ut voluntas dicatur posse vtrumque eligere, sufficiet noticia vtriusque partis, deprehensioque boni aut mali. Recte idcirco Richardus intellectum comparat famulo, obscura nocte præferenti facem, voluntatem autem Domino insequenti. Quemadmodum enim Dominus ex lumine despectis viarum differentiis, in hanc aut aliam poterit ingredi: ita cum ratio omnia considerarit, & calculos

*Rich sup.*



calculos suos in vnam partem contulerit : modo boni malique despicientia adsit, situm erit in voluntatis potestate agere, vel non agere, hoc expetere vel oppositum. Atque hæc ad adstruendum liberum arbitrium à me iudicantur necessaria. De qua re obscura & subtili satis multa sub hac breuitate disputaſſe videbimur.

*Sicut delicta & scelera graua nobis apparent, & odio digna, quod rationi ipsique naturæ hominis aduersentur: ita ex eo vel maxime atrocia vnusquisque iudicabit: quod Deo repugnēt, non illius sed nostra duntaxat effectione vitiosa existant. Hanc autem in peccato grauitatem mirifice cum blasphemia eleuant sectarij, asserentes omnis flagitij Deum authorem esse & propágatorem.*

## CAPVT XXV.

**Q**ui deformen vitij speciem animo complexus fuerit, cum nihil tetrius aut immanius eius menti obijci poterit: voluntatis, singulari quodam odio, tam ingens malū proſequetur. Nam si ipsis tenebris obscurius, si qualibet monſtri, sphyngis, harpyiæ, aut cacodemonis forma horribilius, si Theſſaliciis venenis truculentius delictum & crimen merito estimetur: nemo erit, qui non mille mortes oppetierit prius, quam vel vnum scelus in se velit admittere, adiecta culpa naturæ integritatem violare; faciem, in qua diuinitatis imago eximie relucet, deturpare, animæque vitam diuinitus afflatam extinguere. Truci aliquo spectro deterritus infans, strictiori amplexu immergit se in matris gremium: ita si vultum illum plane horrendum peccati videremus, si feriret sensus tam deforme spectaculum, nullus ferme esset, qui non summo amore ipsi Deo inhereret, nihilque ita timere & exhorresceret, ac incidere in facinus aliquod inhonestum actionemque turpem. Duo autem (ex sententia Theologorum) peccato insunt, quæ multum faciunt ad eius truculentiam: conuersio nimirum animæ ad vanum quid, & fluxum, quodque rationis sententia deforme & indecorum iudicatur: auersio itidem affectus ab ipso Deo, summo bono; in quem, vti in scopum ac metam, dirigi potius deberet. Vtrumque sane

*Forma peccati horribilis.*

*Conuersio  
& auersio  
in peccato.*

RR r 3

dammum,



damnum, vtrunque piaculum. Damnū quidem existit, cōmutatio spiritus & salutis vitalis, cum vilissima voluptatis illecebra: damnū, clementiam ac bonitatē Dei, veluti solis istius sospitales influxus deferere, repellere, & auertere se ab haustu supremę illius felicitatis. Damnū concedit sibi animam, rem tam insignē proijcere ad fæces libidinū. Piaculum, spretis diuinis legibus ipsi Deo, superis, inferisque hominibus, ac sibi ipsi demum repugnare. Hęc autem duo se inuicem necessario & colligate sequuntur: atq; ex eodem facto oriuntur coniunctim. Nam qui delinquit, is animæ suæ consilio, proposito, ac delectu quidpiam Deo præfert, & præstabilius ducit: ea propter eodem plane voluntatis motu, quo se ad illicitum quid convertit; se quoque auertit à lege Dei æterna, siue sanctione aliqua legali descripta, siue ipsius menti impressa. Vt enim recte differit Gabriel: *Lex vero æterna est ratio diuina, vel voluntas Dei ordinem naturalem conseruari iubens, perturbari vetans.*

*Gab. in 2.  
d. 35. quæst  
vnic.  
Scotus in  
2 d. 37.*

Transcursa idcirco ratione recta per improbitatem actionis, inde pariter diuina lex violatur. Animaduertit tamen Ioannes Scotus, subtilissimo suo ingenio, duplicem in delictis auersionem hominis à Deo reperiri. Primam, formalem appellat, vtpote quando actu aliquo positiuo alicui displicet, quod Deus sit omnium vltimus finis, vel suprema charitate diligendus: qui quidem actus, cum odium Dei contineat; maxima est & expressissima animæ à Deo auersio. Cuius rationem proximam defectus ille participabit, quo suo tempore omittitur impletio illius præcepti, vnde tenemur Deum supra omnia amare & diligere. Alteram, appellat virtuales omnibusque peccatis lethaliibus communem: de qua sic loquitur: *Hęc nihil aliud est, nisi inordinatio voluntatis circa aliquod ordinatum ad finem ex præcepto diuino, quod deberet ordinari.* Censebitur itaque ex peccato auersio animæ à Deo in hoc poni: quod reatus ipsius criminis patrati depugnet prius cum iustitia, quā à Deo habemus, eamque haud aliter expellat, quam frigus calorem, tenebræ lucem. Dissoluit itaque & infringit peccatum amicitiam animæ cum Deo, à qua ipsam auertit. Quod etiam expressit D. Thomas, probans peccata hominum, Deum offendere: *A quo (inquit) beatitudinis premium expectatur, secundum quod Deus humanorum actuum curam habet. Peccatum etiam contrarium est charitati diuinæ: & per peccatum amittitur fiducia accedendi ad Deum:* de qua re alibi vberius disputat idem D. Thomas.

*D. Thom.  
lib. 4. cont.  
gent. c. 5. 4.  
Thom. in 4.  
sen. d. 14. q.  
2. art. 1.*

*Iniustitia  
in peccato.*

Continet porro peccatum rationem quandā summæ iniustitiæ, qua illud alteri iniuriose subtrahitur, quod ipsi æquissimo iure debetur. Deo autem veluti parenti pijsimo, omniumque bonorum largitori munificentissimo, amor à nobis est rependendus, & eidem supremum quoque



quoque honorem impertiri naturæ lege obligamur. Quæ duo quolibet crimine grauiori iniquissime Deo auferuntur: honor quidem legis ipsius contemptu, amor vero peruersa cupiditate. At in peccato tria sunt, quæ D. Augustinus accurate pertractat, quæque eius naturam omnino patefaciunt. Primum istis verbis enarrat: *Itemque scio in quo sit mala voluntas; id in eo fieri, quod si nollet, non fieret, & ideo non necessarios, sed voluntarios defectus iusta pena consequitur.* Hæc aperte ostendunt, quænam exigantur ad peccatum ex parte principij: affirmatque ad illud requiri liberum arbitrium flexile & versatile in vtramque partem; sine quo vitium & defectus haud constarent. Mox subiungit ea, quæ rationem obiecti viciosi constituunt: *Neque enim auri vitium est auaritia, sed hominis peruersæ amantis aurum inultis derelicta; quæ incomparabiliter auro debuit antea poni. Neque luxuria est vitium pulcherrum suauumque corporum: sed animæ peruersæ amantis corporeas voluptates, neglecta temperantia, qua rebus spiritualiter pulcherrimis & incomparabiliter suauioribus coaptamur, &c.* Ac per hoc, qui peruersæ amat cuiuslibet naturæ bonum, etiam si adipiscatur, ipse sit in bono malus, & miser multum priuatus. Quibus significat Augustinus peccati obiectum non esse aliquid physice corruptum aut deprauatum: sed solum moraliter iniquum: quatenus nimirum dissentit à lege diuina mentisque præscripto. Vltimo denique propriam peccati formam istis ob oculos statuit: *Deficit enim non ad mala, sed male. Id est non ad mala naturas, sed ideo male, quia contra ordinem naturarum: ab eo, quod summe est, ad id quod minus est.* Constituitur itaque ratio peccati ex quadam contrarietate, quam implicat eius actus cum ordine rerum ab ipso Deo decreto delixoque: & sicut hæc animam destinat ad illecebram: ita eam à Deo retrahit auertitque. Quæ duo, in grauiori delicto, significari aliqui autumant illo Ieremix: *Duo mala fecit populus meus, me reliquerunt fontem aque viue, & foderunt sibi cisternas dissipatas, quæ non valent continere aquas.* Atque hæc quidem satis facere possunt ad odium vitij & peccati; cum nobis constiterit iniustitiâ hanc contractam, naturam ipsius hominis pollueri, & dare, rationem repellere, ordinem rerum inuerrere, & animum auertere à summo bono, grauesque Dei iras in nostra capita concitare. Quinimo si hæc macula adeo terra sit & deformis, ut nullius probi aut docti artificis manu effingi possit, sed propagetur tantum ex maleuolentia demonis, & defectu liberæ voluntatis, nemo est, qui illam non debeat animo vehementer auersari, cane & angue peius ac detestabilius secum ducere.

Inter omnia effecta quæ existunt, vnice peccatū id est, quod quodāmodo omnipotentiam Dei excedit. Non quod eius virtus vllis limitibus

Tria in peccato  
August. lib.  
12. Civ. c. 8.

Hieron. 2.  
Anton. lib.  
7. de peccat.  
cap. 1.

Peccatum  
ideo odio-  
sum, quod  
non à Deo.



bus coërceatur : sed quod iniquitas culpæ res sit adeo vilis & execranda ; vti in se respectu Dei nullam rationem includat obiecti possibilis : quemadmodum neque solis radius quantumuis resplendens tenebras effundere poterit. Quod quidē adeo patens & apertissimis scripturæ testimonijs explicatū est , vti nihil plane notius vel illustrius intelligentijs nostris obuerfetur. In hoc namque vniuerso aspectabili, in quo fusissime exquisitissimeque diuina virtus spariatur , omnia ita suis naturis & partibus integra, ordine situque decora, figura & specie apta & concinna videntur : vt quod tantum decuit artificem , nihil mancum aut mutilum , nihil sedum vel à recto distortum in illis reperiatur. Cum enim Deus mundi hanc fabricam visibili opificio expressisset, accurato quodam circumspēctoq; intuitu purissimam illam acerrimamque oculi aciem in opus direxit, & singulari suo iudicio, cui nihil falsi subesse poterit, approbavit : *Vidit Deus cuncta, quæ fecerat, & erant valde bona.* Postea limatius quid & exactius molitus, hominem corporeis membris coalitum affabre effinxit , ipsum rationis luce pulcherrime insigniuit, atque in eo, tanquam in exiguo orbe, vasti alterius species & ornamenta omnia collocavit. In quo effectiōnis suæ epologo, & quasi coronide, prorsus incredibile, eius opera maculas apparere , nequos fieri , inflectiones indecoras, coloresve ingratiſsimos : multo minus peccatum excitari : quo nihil deformius, tetrius, aut aspectu horribilius. Cuncta quæ fecerat Deus in maiori illo mundo tanquam bona eluxerunt : aliquidne mali idem opifex exhibebit in minori, in hominis inquam natura efformanda, in qua tantopere eius peritia enituit , eleborauit, atque ad summum præstandum intenta, in eadem specimen virtutis suæ præbuit excellentissimum ? Reijciamus has sordes longe à virtute Dei : manus etenim illius tornatiles, vt inquit scriptura : quod nil nisi decorum & arte exquisitè elaboratum efficiant. Ceterum ne homines suis deprauatis moribus excusationem aliquam obtenderent, aut liberi arbitrij vitio adſcitam culpam, sicut Adam in Æuam & Æua in serpentem, in Deum vti causam referrent : ipsemet sincerissimas suas manus palam facit, nobisque ostendit, & vocis suæ oraculo enunciauit, se nequaquam esse vitiorum effectorem. *Perditio tua ex te Israël , tantummodo in me auxilium tuum. Non Deus volens iniquitatē tu es,* inquit Psalmista. Et Sapiens : *Nemini mandauit impie agere.* Passim etiam testatur Deus se hominum peccata odio prosequi : *Odisti omnes qui fornicantur abs te. Odio est Deo impius, & impietas eius.* Quam quidem labem, cum in natura Angelica sibi admodum vicina reperisset, non perferens eius aspectum, æternis illis ignibus, sub caliginē.

Gen. 1.

Cantic. 5.

Osee. 13.

Psal. 5.

Sap. 14.

Psal. 12.

Sap. 14.



gine densa tenebrarum, illa inquam natura decora & delicias addixit. Si peccatum illi vehementer non displicuisset, gratis omnino absque satisfactione reatum eius humano generi indulgisset: vnigeniti autem morte, & cruore diuinæ hostiæ tanti piaculi gravitatem digne expiari voluit. Quod idcirco Deus odio habeat peccatum, euident inde est, illud ab ipso haud effici. Nam ut loquitur Sapiens: *Nihil odit eorum, quæ fecit.* Porro dum acerbissima Deus peccaturis interminetur, satis testatur ipse, se nihil opis conferre ad teterrimam peccati maculam. *Si autem dereliquerint filij eius legem meam, & in iudicijs meis non ambulauerint, &c. visitabo in virga iniquitates eorum, & in verberibus peccata eorum.* Denique nequaquam horrendos illos cruciatus peccantibus constituisset Deus, si illos ipse detruderet in flagitia, precipitesque cogeret ad turpia.

Sap. 11.

Psal. 70.

Matth. 25.

Verum si naturas rerum penitus contemplari velimus: hinc exitiam Dei virtutem, illinc foedam vitij luem & contagionem collocantes, luce clarius perspicemus, malum hoc culpæ potius e sentina quadam, aut terræ hiatus pestimo infecto spiritu pullulare: nedum ab illo fonte bonitatis, non in medio paradisi exuberanti, sed in quo paradisus, cælum, & terra includuntur, profluere. Si peccatum conditione sua quid esset subsistens aut concretum, sui causam aliquam in ipso Deo designaret: at defectus est, deprauatio consilij, actio dissentiens à ratione, ipsique Deo, sicut & humanæ naturæ aduersaria. Ad Deum idcirco nihil eius effectio spectabit. Quo quidem argumento vsus est Clemens Alexandrinus, ad reuincendos antiquos sectarios, vel potius atheos, huic luto erroris immersos. *Peccare certe inter actiones ponitur, non inter substantias: quamobrem nec Dei est opus.* Cuius argumenti vim enervare fortassis videbitur is, qui dixerit hinc etiam sequi, neque ipsas bonas actiones effectus esse Dei, quandoquidem in genere actionis sint, non substantiæ. Attamen integra adhuc & valida manebit Clementis argumentatio: maxime ex illorum sententia, qui peccati formam in priuatione constituunt; honesti vero instituti in positiuo & concreto: quasi ad huius efficientiam Dei influxus realis pertingat, ad alterius vero minime. Quomocunque autem in hac re definatur, aperta differentia horum eminet ac se ostentat. Quod enim boni virtuti inest, id omnino consonum diuinæ præstantiæ, eiusque ideis ac formis idealibus: proinde eius nixu ac molitione existit. Ceterum quod à vero rectoque alienum est prorsus & deflexum, cuiusmodi peccatum esse cernitur, nihil sibi in Deo simile poterit respicere: sed causam ex integro denotat in efficiendo deficientem & errantem: quale liberum arbitrium est hominis non Dei virtus & efficientia.

Peccatū nō  
potest fieri  
à Deo quod  
nihil sit.

Clem. Alex.  
5. Strom.

S S r

Imo



*D. Thom. 1. part. q. 14. art. 10.* Imo ita remouetur peccati macula ab effectione Dei, uti neque (quod passim docent Theologi) obiectum illa sit in sua specie propria ac natura diuinæ intelligentiæ: proinde in alio quodam eius opposito tantum dignoscitur ac videtur ab ipsa: atque inter cetera omnia, quorum ideas retinet mens diuina, peccatum solum propter atrocitatem ac turpitudinem ideam non habet, sed in tenebras reiectū notionem Dei effugit, nihilque habet commercij cum eius operibus. Proh enormem peccati feditatem, si terræ recessus omnes excuterentur, atque in illis latentia animalia, horrenda & turpissima aspectu, illinc euocarentur: venena scorpionum & serpentum, metallorum fæces, illuuiæ terræ ac maris: si modo in conspectum nostrum procederent, in illis ratio describeret opus Dei, ac eorum ideas in ipsius mente agnosceret, Peccatum vero serpente, angue, crocodilo, ipso dæmone deformius, quauis contagiosa materia impurius, dignum non est aut aptum, quod Dei effectione subsistat, vel radium eius intelligentiæ illi controuersum excipiat: eapropter rerum serie merito eximitur, & à rationibus diuinis penitus exulare videtur.

*Deus propter suam perfectionem, non potest esse causa peccati.*

*Basil. serm. de vitio & virtute.*

*August. lib. 2. de pecc. merit. cap. 18.*

Hoc autem nemini obscurum fuerit, qui peccati formam & nāuum summa cum Dei perfectione contenderit. Quis enim suspicabitur aureum solis globum tenebras posse transfundere, mellis fauum absynthij distillare liquorem, ignem, terræ centrū descensu perere? imitatur namque effectus suæ causæ virtutem, illamque exprimit ac prodit. At diuina agendi facultas magis distat à coinquinatione peccati, quam sol à tenebris, fauus ab absynthio, ignis à terra, vita à morte. A quo, tali interiectu discriminis, diuiditur, quali, quod omnia in se habet, ab eo seiungitur, quod nihil prorsus est, imo nec cogitari valebit ut aliquid. Et cum Deus in sua efficientia à recto aberrare non possit; quandoquidem ipse prima existat regula: iniquitas si modo eius opera existeret, profecto non iniquitas amplius diceretur, sed summa æquitas & iustitia: quandoquidem præstantissimæ regulæ respondens examullim, ita D. Basilus disseruit: *In mutationibus passionum, ex contrario in contrarium est mutatio: in generatione vero, non ex contrario, sed ex ἐμμορφέων simili vnumquodque generari incipit. Peccatum autem non est substantia viuens & animata, sed passio animæ contrario modo se habens ad virtutem. Deum autem est à virtutis tramite, omne quod à vitio elicitur: ideoque in Dei efficientiam non cadet. In eandem quoque sententiam D. Augustinus: Nemo ergo querat efficientem causam malæ voluntatis; non enim est efficiens, sed deficiens: quia nec illa effectio est, sed defectio. Deficere namque ab eo, quod summe est, ad id, quod minus est, hoc est incipere habere voluntatem*



tatem malam. Et alibi: Nullo sapiente auctore fit quis deterior. Nec enim fieri potest ut asserit Tertullianus; *Et sit incitator aut artifex ullius mali operis, qui nomen perfecti sibi vendicat & patris & iudicis.* Quare sicut hortus vitio glebæ noxias & inutiles herbas profert, non opera hortulani: & (ut inquit Trismegistus) æruginem non lima, sed metallum profert: ita defectus vituperabiles, qui nobis operantibus adueniunt & inhærent, causam non habent in Dei cura ac providentia, sed in prauitate tantummodo voluntatis nostræ.

Repugnat etiam ipsius Dei administrationi, qua omnia continentur, efficientia mali. Quomodo enim prudenter eius lege coercerentur peccata, grauissimaque eisdem supplicia decernuntur: si eiusdem molitione existant? hæc etenim pugnantia admodum inueniuntur, nec coherent. Quorsum etiam cautione insuper ac minis intentatis diuinitus prohiberentur homines a flagitijs, si Deus illos præcipientes suo opere ac influxu deuolueret in scelera ac culpas: sicut alia rationis expertia necessitate quadam destinat ad sua munera obeunda? Proinde æqua ratione cōminari potuit Deus ipsis cælis pœnam, nisi a perenni motu statim desistant, aut oceano ne reciproco fluctu diutius exæstuarer: ac hominibus inique agentibus; quandoquidem sit in ipsa natura defixa summa delinquendi necessitas. Et quod crimen grauius, inimicitiam quandam constituat cum Deo, animamque ab ipso auertat: nemo probabiliter secum coniectabit, Deum optimum & maximum actione sua peculiari homines sibi reddere adeo inuisos, a se ablegare, quos condidit instituitque ad se: in illicita eos impellere, ipsaq; turpissima labe vultum animæ, quem naturæ dotibus tam pulchre ipse exornauit, inficere ac corrumpere. Nihil minus. Voluntates prauæ in sordibus (ut Psaltes loquitur) non Deus illarum.

Quotquot ab orbe condito sapienter disseruerunt: omnes peccati causam retulerunt in vitium liberi arbitrij, quo homo aut Angelus cupiditatis flagrantia ductus a præfixa regula defecit ac aberrauit. Quæcirca (inquit Augustinus) quod à Deo nos auctimus, nostrum est, & hæc est voluntas mala: quod verò nos ad Deum conuertimus, nisi ipso excitante atque adiuuante non possumus, & hæc est voluntas bona. Et postea: Extolli quæpiam in superbiam, propriæ voluntatis est hominum, non operis Dei: neque enim eos ad hæc compellit aut adiuuat Deus. Differentiam quoque idem Augustinus statuit inter præscientiam Dei eiusque prædestinationem, ac dicit: Præscire autem potens est Deus ipse etiam ea, quæ non facit: sicut quæcumque peccata. Clemens Alexandrinus peccatum appellat defectionem voluntariam. D. Irenæ affirmat delinquentes in tenebris versari, quas ipsi eligunt.

S S C 2



*Iren. lib. 4. cont. heres. cap. 48. Cypri. lib. de unitat. Ecclesi. Ciril Hierosol. Ca- tech. 2. Psal. 9.*  
 gerunt. De heresibus & erroribus, Ecclesiastica veritati infestis no-  
 bisque infastis, hæc D. Cyprian: *Fieri vero hæc Dominus permittit & patitur,*  
*manente proprio libertatis arbitrio.* Cirillus Hierosol: peccatū asserit esse  
 voluntariū germen liberi arbitrij, & proinde haud incidere in Deum,  
 vti in causam: *In operibus manuum suarum comprehensus est peccator.* Ad hæc  
 autoritatum pondera, quid leuitas sectariana? Ad hos Ecclesiæ pro-  
 ceres, quid hominum quisquiliæ & fæces, Lutherus ac Calvinus? Ad  
 hos Christiani orbis splendores, quid angulare, desidiolum, ac obscurū  
 hæreticorum imperium? Conculco aduersarium, non mucrone peto  
 aut armis.

*Candor  
dogmatis  
orthodoxi  
ex institu-  
tione eius  
ad amorē  
Dei.*

*Hym Com-  
pletorij.*

*Esaiæ 49.*

Ceterum istis constituto dogmate orthodoxo, quis eius puritatem  
 & candorem, veluti collucens gemmas defecatissimo auro inferras,  
 non suspicit & admiratur? Quo imbuti honorifice imprimis de ipso  
 Deo sentimus, tantam Numinis perfectionem deprædicamus: intelli-  
 gentes ea, nil nisi splendidum summaque arte elaboratum atque ex-  
 cultum effici aut in lucem posse emergere. Probe perspicimus erro-  
 res nullos aut deflexus cadere posse in naturæ authorem ac propaga-  
 torem Deum. Munificentia sua nos ad sui studiū & amorem inducit,  
 neque malū infert aliquod, nisi culpa eius manibus quodammodo ful-  
 men extorserit, & inuitum ad pœnas sumendas de sceleratis compu-  
 lerit. Flagranti rosæ spinam, non primigenia rosæ natura, sed pecca-  
 tum suffixit: hoc sane Dei tela in nos exacuit, pharetram eius euacua-  
 uit, splendentem solem nube contexit, ratione subactam carnem  
 efferauit, humanam vitam infinitis propemodum ærumnis confecit,  
 ipsum Deum, ceteroquin clementissimum patrem, seuerissimum iudi-  
 cem exhibuit. Quod si nec pœnæ malum, nisi ex delicto nostro emana-  
 rit: sed Dei naturæ quasi aduersetur, (quis enim pupillæ suæ lēsonem  
 sponte infert, aut prolem suam recenter natam ad petram allidit?)  
 multo minus diuina effectione malum culpæ: hoc ingens dico & atro-  
 cissimum ac ferme vnicum malum, hæc inquam macula, quam nullus  
 liquor eluere vel lima abradere poterit, propagabitur. Hac fiducia  
 in Deum erecta Ecclesia Christi Catholica confidenti animo ita ip-  
 sum precatur: *Custodi me Domine, ut pupillam oculi tui.* Incredibile porro  
 huic suæ pupillæ velle Deum cecitatem peccati incutere. Atque Deum  
 plusquam materno affectu se in suos effundere pronuntiat Esaias  
 propheta: *Nunquid obliuisci potest mulier infantem suum, ut non misereatur filio  
 vteri sui? & si illa oblita fuerit, ego tamen non obliuiscar tui.* Cogitatu horrend-  
 um estimare Deum hanc prolem suam fatali quadam necessitate  
 ducere adigere in peccati barathrum ac voraginem. Ex quibus omnio  
 efficitur,



efficitur, orthodoxorum cum scientiam tum fidem, quibus intelligunt ipsum Deum non esse posse peccati authorem, multum inflammare illorum animos supremi Numinis castissimo amore: in peccata vero ac vitia non minus exasperare, & eorundem extremum odium in illis concitare.

Hinc siquidem flagitij atrocitas luculenter apparet, qua despecta, maiori quadam detestatione concilia auerrimus à tanta turpitudine. *Peccatum inde atrocius, quod non à Deo.* Leuaret quidem eius grauitatem ac magnitudinem opinio, si vel suspicaremur eiusdem effectricem causam Deum exiltere: reiicientes enim peccata in Deum, non arbitraremur vitium vsque adeo deforme esse malum; quandoquidem diuinis manibus effectum ac procreatum, tantoque artifice dignum opus. At cogitantes & nobiscum statuentes, ex solo vitio ac lapsu liberi arbitrij exoriri delictum, & propter extremam eius deformitatem non nisi vitiatam causam errantemque posse habere, nec accedere quoquo modo ad Dei molitionem, horremus ilico nigrati maculatique animi crimen: cuius origo non è supernis clementissimo Deo est deducta: sed potius teterrima quædam infernalis caueæ euaporatio facta existit, corrupta ac monstrosa demonis soboles & propagatio. *Vos ex patre vestro Diabolo estis, & desideria patris Ioan. 8. vestri vultis perficere.* Imaginem Dei in nobis fædat ac deturpat peccatum. Quis autem has fæces in animam inuexit? non qui ipsa est puritas & integritas Deus: sed satan, serpens paludosus, cæno delectatus, draco in locis humentibus manens euomuit hoc virus, & in animas delinquentium effudit. Et quemadmodum ab operibus Dei segregata est culpæ macula: ita illum, quem afficit, à Deo diuellit, & extorrem plane facit: furia hæc infernalis agit in exilium, qui offendit. *Quo ibo à spiritu tuo? Psal. 138.* non locorum intercapedinem inducit peccatum, qua iniquus Dei præsentiam defugiat: nam vt idem ait: *Si descendero in infernum, ades.* Quid? peccatum longius à Deo positum, quam infernus, vbi tandem hominem collocabit, quem tangit? Nullibi sane. Atque ideo secernit delinquentem à Deo, qui vbique est. Nec mirum, nihil est peccatum: & hominē quodammodo reducit ad nihil: & propterea nullibi ipsum esse facit. Quanta iam distantia separat animam peccatum à Deo? spatia omnia excedit hæc distractio. Quam si vastissimam mente cogitauerimus, terminis tamen quibusdam ac limitibus eam definimus: peccatum vero infinita quadam auulsione seiungitur à Deo, nec vllibi consistit, nisi in suo nullibi. Quo miserum peccatorem à Dei conspectu abripit ac defert.

Immane autem atque nephandum Sectariorum dogma, quod  
SS 13 passim



*Opinionem  
de perfecti  
one diuina  
extenuant  
sectarij, do-  
centes Deū  
esse pecca-  
torū causā.*

*Gen. 19.*

passim pro rostris decantant, proferre tremo horreoque plane enun-  
ciare. Utinam peccata nostra Diten non aperuissent, unde tanta blas-  
phemia in celum modo erupit: ut mihi neque occasio daretur de illa  
re cogitandi, quam heretici absque rubore aut pauore euulgant, asse-  
runt, ac profitentur. Si odia exercere & inimicitias vobis cordi sit: in  
nos obsecro defeuite, dentata aculeataque oratione nomina nostra  
lacerate, sicut corpora plusquam barbarica crudelitate decerpitis:  
solum parcite superis. *Nolite quaso fratres mei, nolite malum hoc facere.* Ipse  
Loth angelis contra incestuosos presidium tulit, ego aduersus secta-  
rios Deo. Infelicitas temporum meorumque necessitas ora mihi refe-  
rarunt, & cogor dicere, quod illi non verentur docere. Quid affirmant,  
quid definiunt? Ipsis quidem dignam sententiam & damnatis: in  
Deum autem optimum & maximum, blasphemam. Aperte loquun-  
tur ac pronunciant Deum omnium peccatorum causam esse, idque  
potiori ratione quam ipsi homines. Adamus olim in latebras se con-  
iecerat, hac tergiversatione existimans se coinquinatum crimine, diui-  
nos oculos posse diffugere. Eo prudentius fortassis sibi consuluit, quod  
lucem veritatis indicem deferens, ad tenebras, in quibus hominum  
facta celata delitescent, sese receperit. Secus autem factitant heretici,  
qui cum suam ipsorum vitam turpissimarum actionum illuue coope-  
ruerint: non tenebras & effugia, ut Adamus, querunt, in quibus excu-  
sationis aliquid, & inuolucris suis moribus obtendant, sed ad lucem  
potius aspirant, tantæ improbitatis causati originem esse ipsius Dei pro-  
uidā, quā rebus singulis curam exhibet. Preposterū sane istorū concilium,  
peruersum transuersumque iudicium. Qui male agit, odit lucem,  
& versute: qui male agunt, ingerunt se in lucem, sed ineptissime. Ni-  
hilosecius canosæ ac limosæ paludes in quamcunque demum aëris  
istius altitudinem crassiores suos vapores emisere & exhalarint,  
longe tamen coalitæ feces eorum sub ipso sole resident: ita Sectarij  
tamen conentur iustitiæ solem, ipsum Deum, suis eiectionibus sursum &  
eiaculatis cum blasphemia sordibus inficere & dedecorare: attamen  
splendores illos non contingunt; sed in nubes conglomeratæ, eius  
iræ aptæ existunt, *Qui pluit super peccatores ignes & laqueos.* Deo instigante,  
permouente, patrata si essent hominum scelera: quis hoc apud se defi-  
niens, innocuam vitam statuet transigendam? Amor siquidem Numi-  
nis, qui oriri solet maxime ex obtutu diuinæ perfectionis, extingue-  
retur; si modo eius opera cuncta, quæ peruersa sunt, dictu factuque  
turpia fierent. An non Sectarij hoc suo dogmate præclare comparati  
ad inflammanda hominum pectora Dei amore? Faciem tantæ pulcri-  
tudinis

*psal. 10.*



tudinis non occultant modo, sed fēdant, puriorique intellectui ingratam reddunt: nemo etenim originem causamque peccati odio non habet. Quamobrem sectarij ipsum empyreum cēlū officinam faciunt veneni, maleficij, blasphemix: in illis spatijs lernas & cloacas constituunt malorum, quibus impie & Deum pēficiunt. Imo volunt non tam hominem peccare, quam Deum. Quid enim homo miser mali committit, qui necessitate adigitur ad omnem conatum quem exprimit? quomodo labem digne ac cōmerito sibi absciscet, qua abstinere non potuit? Deus autem nulla ductus necessitate in hanc pessimam partem hominis voluntatem inflexit: & a recto distortit: proinde si noxa aliqua inde emanet, non tam homini, quam Deo ex sectariorum commentis ascribenda.

Viciorum etiam species, quam hominis animus conspectam horrere solet, comparato quodam fuco & lenocinio ex errore hereticorum non vsque adeo tetra aut deformis apparebit: si non potius venustate exulta. Gratias sectarijs agat dæmon, qui eius peccata ad decipiendos mortales decore quodam & externo colore honestarunt. Apud se optima quidem ratione fretus, qui hanc illorum opinionem ac sectam imbibere, hæc secum animo poterit meditari. Vana mihi videntur, quæ ad conflandum vitij odium, aui nostri decorundem turpitudine differentes, sæpius inculcāt. Quod etenim artificis diuini manu efformatum in lucem prodit, quomodo tam sēdum, tam maculosum, uti passim Romani Theologi contendunt, esse poterit? Nam peccatum ad exemplar ideale in mente illa cælesti elucens expressio quædam est accuratissima, & primæ perfectissimæque regulæ opus exacte consentiens. Neque erit quod mecum decernam, peccatum rem esse diuinæ voluntati aut legi multum repugnatem: annuente etenim voluntate eius, imo instigante, propagationem accepit. Verum neque mihi amplius culpæ, quodcunque commiserō, iure vertetur. Nam si non fatum per omnia volitans, vel genethliaca constellatio ad crimen me adegerint: tamen ipsemet Deus mihi liberum arbitrium exscindens, loris brachia pedesque constringens, detrusit in cænum: cui etiam ita os occlusit, ut ne verbum supplicis precationis, quod fidem referat, ad auxilium valeam emmittere. Quis ergo merito me criminatum ibit, quodcunque demum fecero? facti excusationem equissimam habeo in ipsa prouidentia Dei de fixam: de cætero nihil me tangunt aut angunt peccata. Ita nepharius pessimæ sectæ assecla de moribus suis flagitiosissime statuet. Vnde constat quam ductile & inclinatum sit heresis ingenium ad sceleratæ vitæ turpitudinem.

*Sectarij  
admodum  
turpitudi-  
nis peccato.*



nem. Alia quidem sunt, quæ ad vberiore[m] orthodoxi dogmatis tractationem elucidationemque referuntur, ea tamen disputandi commodiorem locum sequens liber exhibebit.

*Innocentia & à sceleris labe immunitas, quæ ex orthodoxorum sententia adfert Christianæ iustitiæ momentum, hominum animos exacuit ad virtutem. Sectariorum vero commentum de commixtione iustitiæ cum vitiorum coluie, prouidum est & præceptum ad morum labem ac vitæ fœditatam.*

## CAPVT XXVI.

Peccati  
mala.

Ioan. 8.  
Ephef. 5.  
Psal. 17.

Ezech. 36.

2. Pet. 2.

Psal. 37.

Rom. 8.

Iustitiæ  
bona.

2. Cor. 5.

1. Pet. 7.

**Q**Uæ in sacris scripturis passim de natura peccati differuntur, tetram eius formam ita representant & ostendunt: vt qui ad illam accuratius paulo mentem intelligentiamque intenderit, necesse est vt singulari quodam odio tam atrox malum is prosequatur. Seruitus est peccatum, quæ truculento satanæ imperio animum dimittit: *Qui facit peccatum, seruus est peccati.* Tenebras secum adducit peccatum. *Nolite communicare operibus infructuosis tenebrarum.* Somnus est peccatum & oppressio quædam sensuum: *Dormierunt somnum suum.* Immunditia quoque & fœditas est animam deturpans. *Iuxta immunditiam menstruata facta est via eorum.* Maculam adfert, quia probitatis decus corrumpitur. *Voluptatem existimantes Dei delicias, coinquinationis & maculæ.* Curuitas quædam est & deflexio affectus indecora. *Miser factus sum & curuatus.* Mors denique animæ & interitus crimen. *Peccatum cum consummatum fuerit, generat mortem.* Quæ omnia peccato in animam illata, cum inuisa admodum nobis sint, tum efficiunt, vt maiori cura & sollicitudine inuigilemus, ne in nos irrumpant scelera. Quod si admissa fuerint, momentè pariter vt reparationi pristinaeque integritatis restitutioni extemplo diligentius operam impendamus. Ad quod quidem iustitutum eo contentiori studio nos adornamus, quo iustitia, ad quam contendimus, omnia mala penitus aboleri & auferri certo certius existimamus. Iustitia itaque Christi, quam ipse nobis suo merito comparauit, libertatem habemus, quæ seruitutem peccati excutiat. *Vbi spiritus Domini, ibi libertas.* Dispellit iustitiæ lumen, quando Lucifer in pectoribus nostris oriri



oriri incipit, tenebras delicti: *Eratis aliquando tenebræ, nunc autem lux in* Ephes. 5.  
*Domino: Excitat nos iustitia ad industriam, & somnū, quo obruti tene-* Rom. 13.  
*bamur, fugat: Hora est iam nos à somno surgere. Vitiū omnes maculas*  
*eadē abluit & abstergit. Et hæc quidem fuistis, sed abluti estis, sed sanctificati.* Act. 15.  
*estis. Demum mortem, vitam adducens, iustitia pellit & abarctet: Ut* Rom. 5.  
*sicut regnavit peccatum in mortem: ita & gratia regnet per iustitiam in vitam æternam.*  
 Atque ne quis suspicaretur nihil aut parum contra sordes peccati  
 expiationem animæ in Christi cruore efficere; habemus Dauidem  
 prophetam, hæc differentem: *Lauabis me, & super niuem dealbabor.* Psal. 90.  
 candor in anima lota & lustrata effulget: nullibi obscuri aliquid in  
 ea conspicitur. Propter quam inductam puritatem affirmat Euange-  
 lista sanctos in Christi sanguine stolas suas dealbasse.

Ex quibus orthodoxi licet peccati gravitatem intellexerunt: ita  
 vim Christianæ iustitiæ celestisque beneficii recte collegerunt. Elapso  
 etenim actu delinquendi, minime existimandum erit euestigio crimen  
 neuauisse, aut nihil tetri post se reliquisse. Quousque enim in pecca-  
 tricem animā dimissa sanctimonia celitus illam non illustrarit, super-  
 est macula quædam altius illi insidens, ex præterita offensione exorta;  
 ipsamque digne reddit æternæ pænæ obnoxiam: non quidem reputa-  
 tione forinseca, sed quod prauus ille voluntatis conatus, penituntine  
 nondum reuocatus, labem imprefferit teterrimam. Verum quod huic  
 malo iustitia opponatur, tanquam lux tenebris, venustas indecoro, vita  
 morti: quamprimum illapsa fuerit, illico expellit omnem culpam,  
 animamque constituit innocuam, innocentem, puram, candidam, fra-  
 grantem, speciosam, auream, gemmeam, sanctamque: adeo (ut affirmet  
 Apostolus) nihil damnationis illis inesse, qui sunt in Christo Iesu. *Quæ* Rom. 8.  
*enim communitatio lucis cum tenebris, aut Christi ad Belial?* Idcirco non externa  
 voluntate Dei, minime imputante hominibus peccata, eorum noxæ  
 auferuntur aut remittuntur, sed renouatione interiori, quam in homi-  
 num animis digitus Dei sanctissimi que spiritus iussio operantur.  
 Solent quidem ciuiles magistratus liberalitate nonnunquā reis offen-  
 sam remittere & indulgere: sed quid? honestioresne aut meliores  
 illos inde faciunt? Minime quidem: Deus autem, cuius virtus per  
 omnia comeat, & ad secreta animarum pertingit, non præstigijs, quæ  
 oculis illudunt, non colore in cutem inducto, non existimatione po-  
 pulari aut nudo nomine suos iustos constituit, illisve culpas eximit,  
 sed interius in animam cæli rorem instillat, expurgantem nequos pec-  
 cati: igneam faculam immittit absumentem rubiginē prauī consilij:  
 atque diuinissimæ cuiusdam formæ influxu, hæreses exhibet regni  
 cælorum,

T T t



1. Pet. 3. cēlorū, cohēredes Christi, & diuinæ naturæ participes. Optime idcirco  
 D. Thomas, remissionē culpæ finē appellat & consummationē iusti-  
 tiæ. Liberū quidē hominis arbitriū, ex fide gratiæ suffultū, contri-  
 tione recedit à peccata: amore vero accedit ad Deū. Deinde illi Deus  
 infundit semen gloriæ, veramq; iustitiam, quæ ipsam animam rectam,  
 illibatam, sinceram, sibiq; reddit charissimam. Atque ut accessu lucis  
 & caloris tenebræ atq; frigus expulsa pereunt: ita iustitiæ istius appul-  
 su criminum sordes egeruntur, ut ne illarum aliquid mutationi super-  
 sit. Nam ut definit consilium Tridentinum: *Iustificatio translatio est ab  
 eo statu, in quo homo nascitur filius primi Adæ, in statum gratiæ, & adoptionis filio-  
 rum Dei, per secundum Adam Iesum Christum saluatorem nostrum.* Quod etiam  
 luculenter admodum sæpius sacræ scripturæ adstruunt: significantes  
 affluxu iustitiæ peccata deponi prorsus & exterminari: *Quæretur pec-  
 catum illius, & non inuenietur. Conuertimini, ut deleantur peccata vestra. Sanguis  
 Iesu Christi emundat nos ab omni peccato. Christus semel oblatus est, ad multorum  
 exhaurienda peccata. Ecce agnus Dei, qui tollit peccata mundi. Hæc quidem fuis-  
 stis, sed abluti estis, sed sanctificati estis, sed iustificati estis.* Quid clarius? peccata  
 in iustis haud inueniuntur, eliminantur penitus, quis suspicabitur ea  
 reperiri in fulgore & puritate iustitiæ? Nam ut inquit Clemens Ale-  
 xandrinus: *Peccatum cum sit corruptio, non potest habere societatem cum incorrup-  
 tione, quæ est iustitia.* Dicimus (ait D. Augustinus) dare Deum omnium indul-  
 gentiam peccatorum, & auferre crimina, non radere. Vnde geniali vnda affir-  
 mat D. Cyprianus peccatus expiatum esse, omnemque eius labem de-  
 terfam. Clarissime autem & elegantissime hoc ipsum tradidit D. Ba-  
 silius, iuxta & exemplis aptissimis illustrauit. Nam ut ipse disserit,  
 prius suauem liquorem vasi non infundimus tetro odore quondam  
 infecto, quam exinde graueolentia fuerit expulsa. Medicus non nisi  
 viciosis eiectis humoribus, salutaria præscribit: ita haud minus ros ille  
 melleus iustitiæ cum fetore peccati aut noxijs cupiditatibus consistit.  
 Quia in re (asserit D. Basilius) nos serpentis prudentiam emulari, qui  
 ὄφρῖμος καὶ συνέτης ἀποδυεται τὸν γῆρας. Sapienter prudenterque  
 pellem exuens, senectutem deponit. Exuentes etenim peccatum &  
 veterem hominem, nouumque induentes, quasi à morte resuscitati  
 denuo reuiuiscimus, & iuuentus nostra resumptis pennis tanquam  
 aquilæ renouatur. Quæ (inquit D. Hieronymus) communicatio luci & tene-  
 bris, Christo & Belial? quomodo dies & nox miscere non queant: sic nec iustitia  
 & iniquitas, peccatum & bona opera, Christus & Antichristus. Si suscipimus  
 Christum hospitio pectoris nostri, ilico fugamus Diabolum.  
 Hæc autem opinio seu fides extincti abolitique peccati iustitiæ  
 munere,



munere, quodammodo ex natura & communi penes omnes sensu profluxit. Sicut enim vniuersę nationes admissum scelus labem inferre crediderunt animis: ita expiationis & lustrationis ritu penitus eam deinceps expungi & elui firmissima illis sententia stetit definire. Hinc purificationes quasdam veteres suis corporibus adhibuerunt: vtpote in igne, aqua, & sulphure, quibus significarant fędas criminum impressiones acquisita sanctitate deleri, eximi, detergique.

*Ecquid seis quantum suscipiat secleris?*

*Suscipit o Gelli, quantum nec vltima Teihys,*

*Nec genitor Nympharum abluat Oceanus.*

Exustionem hanc maculę expressit angelus, qui ignito calculo prophętae labijs admoto, immunditiam omnem absumpsit ex vano sermone olim contractam. Eam pariter Numinis formam Daniel sibi obiectam cōspexit, quę huiusmodi immundicie ex peccato eiectione quam scitissime representauit: *Aspiciebam donec throni positi sunt, & anti-* Consensus est populo-  
rum, quo i  
crimina au  
ferantur,  
accessu tu-  
stia.  
Macrob l 3  
Satur cap 1  
Catul. e. 18.  
86  
*quas sedet dierum. Vestimentum eius candidum quasi nix, & capilli capitis eius quasi*  
*lava munda. Thronus eius flammę ignis, rota eius ignis accensus: fluitus igneus*  
*rapidusque egrediebatur a facie eius. Quid hac tanta vis ignis, qua se aspecta-*  
*bilem prębuit Deus, significauit, nisi quod ipse suę gratię beneficio,*  
*veluti quodam igne, stipulam ac fęces deualter vitiōrum in hominum*  
*animis, & ad purum excoquet scelere pollutos? Eandem ferme spe-*  
*ciem intuitus est propheta Ezechiel: Et vidi, & ecce & similitudo quasi as-* Esaie 6.  
Dan 7.  
Ezech. 8.  
Exod. 12.  
Cyril. Alex  
lib. 1. m  
Leuit.  
Psalm. 25.  
*pectus ignis & a lumbis eius & sursum quasi aspectus splendoris, ut visio electri.*  
I xpressissima diuinitus impertitę iustitię adumbratio illis videtur de-  
ducta, & quasi penicillo aptissime efformari. Iustitia namque, ad supe-  
riora comparata, aspectus est splendoris & visio electri: animę nimi-  
rum pulcritudo quędam & collustratio: illa Deo placemus, hac eius  
dicta percipimus. Relata vero ad inferiora, ignis est peccatorū maculas  
exurens, & lumborum noxium humorem exlucens & desiccans. Et  
quod Deo labe ac natiu delictorum, animę decorem corrumpentes,  
vehementer displiceant: satis luculenter ipsemet indicauit, cum non  
nisi masculos & immaculatos antiqua lege sacrificijs suis destinaret.  
Vt enim interpretatur Cyrillus, qui officio suo erga Deum recte fun-  
guntur, imprimis vacare debent muliebri fęditate, omni denique ma-  
cula ac labe carere iniquitatis: atque inter innocentes manus suas la-  
uare. Quod & multiplices ex vsu Iudęorum lotiones & aspergines  
denotarunt: futurum nimirum esse testatę, vti Christi cruore impres-  
sę hominum animis fęditates tandem penitus abluerentur. Commu-  
nis idcirco penes omnes gentes viguit sententia ac notio, quibus exi-



marunt iustitiæ illapsu rubiginem scelerum, & si quid turpis sit in anima detergi & expungi.

Quod si quis rationem hac in re vllam, aut humanas coniecturas, ex rerum convenientia desumptas, spectare velit: is nil dubitabit, sed fatebitur vltro criminum reatus, quantumuis in animæ recessus velut oleum in ossa penetrarint, iustitiæ ac sanctitatis dono expelli. Cum enim ex diametro sanctimonia dipugnet cum vitij labe: quandoquidem illa ex ipsis cælis deducta, sancti spiritus ore expirata: hæc vero eiecta ab ipsis inferis, Satanæ virus exitiale: illa Dei filios constituat, æterni honoris monumenta: hæc autem iræ filios, vasa in contumeliam creet: quis vel leuissime suspicabitur, adeo dispares ac contrarias formas idem subiectum & sociale contuberniū subire, in eadē anima vnitim consistere? Nemo sane, cui animi aliquid vel intelligentiæ obtigerit. Quæ duo ita ab inuicem dissita, si ad diuinā prouidentiam referamus, similiter videbimus plane esse impossibilia, nec in vnum compingi. Quæ enim alia causa subest, ob quam Deo impius odio sit & eius impietas, si non macula delicti fædissima quidem in se, ac proinde purissimis eius oculis ingrata? non enim natura ipsa illi erit inuisa, sed inducta labe, quam in animam crimen insinuauit ac instillauit. Quamdiu idcirco manebit illa fædiras, tamdiu iustissima causa supererit diuinæ execrationis. Imo quousque illa durauerit, erunt homines auersi à Deo, illi iniuriæ & réfractarij, odibiles detestandi. Quamobrem in gratiam adsciti, iustitiæ integritatem adepti, abolitam prorsus habent ipsis aliquando inustam hanc labem, eiectas sordes vltiorum: nisi illos reputemus nihilo sanctitate meliores factos, adhuc squalere ac confici coinquinatione scelerum, ipsi Deo inuisos esse & execrabiles. Vanissimum autem est quod obtendunt sectarij, affirmantes iustificationi superesse non criminum vestigia, aut cicatrices eorundem, verum ipsas maculas ac deformitates: sed credentibus in Christum tanquam vitiosas aut culpabiles non adscribi vel imponi: fieri etenim neutiquam poterit, vti Deo summe non displiceat maculosa conscientia, & scelerum illuue impurata. Si enim sacrificio olim animal macula infectum extiterit ineptum: empyreo cælo peccatorum spurcitie cooperti erunt ne idonei? minime gentium. Quamobrem si Deus quempiam iustum exhibeat, nequos omnes ac rubiginem malefactorum veluti lima crucis abradit, pretioso sui cruoris liquore eluit & abstergit, formosum illum ac pulcrum constituet, qualem Cantica describunt: *Pulchræ sunt genæ tuæ, sicut turturis, collum tuum sicut monilia. Mure-nulas aureas faciemus tibi vermiculatas argento.*

Hæc



Hæc quidem probata ab orthodoxis, spirant omnino sanctitatem: sensus hominum exacuunt mirifice ad iustitiam & animæ candorem. *Iustitia inde expetibilior, quod culpas auferat.* Graue siquidem peccati iugum agnoscetes, illiusq; turpissimam formam ob oculis statuentes, ad cogitationem sanctimonix ac renouationis, præ eius acri ac igneo desiderio, ingemiscimus: deploramus dânum ac miseriam, quæ uobis flagitia incusserunt, & in quibus contabescimus. Credentes vero tenebras hæc, in quibus oberramus, luce iustitiæ profligandas, dispellendas; squalorem hunc, in quo sordescimus, iustitiæ præstantia auferendum, cum ad illam animæ nixu appulerimus: tanti boni cupiditate inardescimus, atque ad illud consequendum velis remisque (vt aiunt) laboramus. Et quid miri? Quis sibi compedes excuri non vehementius discuperet? quis sordes ac faeces contagionesque à se pelli & submoueri haud expeteret? Hoc sane *Luc. 15.* prodigum illum pannis oblitum, & fame propemodum enectum extimulauit, vti patrem adiret, ac humili prece ad eius genua gratiam imprecaretur. Nam probe cogouit, se ad parentis mensam, laute instructam, admissum semel, porcorum silliquis amplius vitam misere non sustentaturum: ipsi stola induto, laceris vestibus corporis nuditatem non contegendam. Ita delictis obnoxij, eo acrius iustitiam persequuntur, quo apud animum suum statuunt, inde exuendam peccati deformitatem, deponendam Æthiopissæ pellem, quam primum illa donati fuerint.

Veritatis luci cum se infestam hæresis semper præbuerit: tum virtutis omnisq; honesti formæ inimicissimam. Quod enim hac re Sectarij definiunt, perinde est, ac si cælum cum inferno copularent, sanctimoniam cum spurcitie, splendorem cum tenebris, Christum cum Belial, vitam cum morte coniungerent. Ita eorum peruersi sensus omnia perpetuo miscent ac confundunt. Hi tamen sunt noui orbis lumina, quæ antiquæ faces fuere ad incendium. Doctores isti desuper illustrati, non à sole, sat scio, sed à luna potius, ideoque lunatici ac varij. *Sectarj deprauant Christi iustitiā, docentes ea non expelli crimina, sed tegi. Eccli. 27.* Nam stultus vt lunam mutatur, Et quemadmodum radij lunares ad putredinem ciendam plurimum conferunt: ita horum placita, vitæ ac morum purulentiam continuo referunt & efficiunt. Volunt quidem Christiana iustitia virus ac feces peccatorum animis non expelli: quin potius externo & adsciticio fidei suæ paludamento celari tantum, quominus diuinis oculis pateant aut hominibus, ab ipso Deo ad culpam imputentur. Denique artificio quodam veripelli Dei aspectus fallere moliuntur. Quantum istis sordes arrident, pro quibus ita ad flammam depugnant? Nolunt eas sanctorum animis penitus eijci, sed

T T t 3

lo cum



Tertul. lib.  
cons. Psich.

locum illis constituunt, neque in angulo aliquo aut abiecto deflexu, sed in ipsa sede & domicilio Christi, in membris ipsius vivis ac renovatis, in Spiritu sancti sacrarijs, in panoplia Dei. Quo pacto Deo, Spiritui sancto, ac Christo more suo viam sordibus parant. Quam honorifice hi sentiunt de vitiorum colluvie, quam modice & exiliter de Christi iustitia? cuius speciem ac formam de sententia ipsorum nemo suspiciet, vel magnopere adamabit. Olim de orthodoxis questi sunt Montanistæ, quos & ὀπίσθους, animales, vocitarunt: quod lapsis & re-lapsis criminum veniam & reditum in gratiam cum Deo concederent. Quapropter affirmarunt eos detrussisse Ecclesiam Christi ad lupanaria & impuros quosque hominum cetus. Iniusta tamen in illos querela exitit, in sectarios vero recentiores æquissima: qui iustitiam ipsam vitiorum turpitudini adiunxerunt. Paupertatis quidem tenuitatem divinæ benignitatis radius non abhorret, eius squalorem non fugit, vincula, carceres, ergastula, & limbos haud auersatur: peccatum tantum deuitat & execratur. Et sicut columbæ cum rapacibus coruis volatum promiscuum non instituunt: ita neque Spiritus sanctus cælestis columba ibi confedit, ubi vorax atroxque coruus satan cadaueribus suis insiderit. Toties offendisse Numen omnino non moratur iustitiæ affluxum; si animi contractas sordes pænitudinis lacrymæ abluerint. Verum si durus & obfirmatus animus labe suas ac maculas obstinatius retinuerit: si vitiorum ceno immersus, scditatē non derestet, nihil commercij habebit is cum iustitiæ integritate ac splendore. Porcis enim non proijciuntur margaritæ: ficus minime colliguntur ex spinis: nec suavis & pretiosus liquor graveolenti pixidi apte infunditur. Vnde eo acrius incitantur homines cupiditate iustitiæ; quo eius virtutis illam esse norunt, qua exterminare penitus valeat nequos scelerum, vigorem ac virorem animæ restituere. Hoc existimatione inducti qui à vitijs liberari volunt, non balnea adeunt, non aquas sulphureas quærunt, non multiplicant sibi herbam Borith, non excutiunt officinas medicorum, non ad Piscinam Probaticam accelerato cursu festinant, non septies cum Naaman Syro se lauant in Iordane, ad recuperandam virtutem ac decus: sed in mare rubrum cruoris Christi se immergunt, atque exiliunt inde statim sani, vegeti, tersi, nitidi, mundi, integri, illæsi. Lotionem curandæ lepræ causa ex præscripto Elisei suscepit Naaman, & ut inquit scriptura: *Restituta est caro eius, sicut caro pueri parvuli, & mundatus est.* Nulla tetri alicuius impressio aut labecula lotioni superfuit. Remanebit ne ergo fæda illa delicti & criminis nota ipsi animæ altius infixæ; postquam

Matth. 7.  
Lucæ 6.

Hieron. 46  
Ioan. 5.  
4. Reg. 5.



quam sanguineos illos imbres è corpore crucifixi fluentes in se vber-  
tim receperit, cum rore cæli madida & splendenti radio illustrata  
fuerit? Eant nunc sectarij, atque Iordanis aquas, Piscinam Proba-  
ticam, pretio redemptionis nostræ, fonti in medio paradisi collocato  
preferant & anteponant. Qui nunc, obsecro, melius sentiunt de be-  
neficio iustitiæ nobis à Christo collato: sectarij ne an orthodoxi?  
Illi imparem, languidam, & imbecillem suis sententijs decernunt ad  
auferenda peccata: nos vero eam vim cruci Christi ac eius iusti-  
tiæ adijcimus, qua iniquum omne, deprauatum, turpe, ac fœdum  
stirpitis hominum animis euellitur, ac deletur penitus. Imo qui illo-  
rum partes sequutus fuerit, hæc valebit apud se commentari. Quid  
refert me tandem à vitijs mutatione conciliorum refugam esse, aut  
animi mei studia ad virtutum cultum transferre? Nunquam valebo  
hos n.æuos & indecora, quæ interius in mente gero, excutere, dis-  
pungere, vel illatum mihi innocentiaæ damnum vlllo munere resar-  
cire. Quocunque perrexero, perpetuo mihi infixæ manebunt &  
inustæ profligatæ vitæ turpitudines. Spes integritatis ac puritatis  
præscissa. Sed nec video causam, ob quam ad Christi fidem adspira-  
rem ardenti voto: nam quid commodi hoc mihi demum adferet?  
nec probum faciet, neque scelere vacuum. Non probum: quando-  
quidem extra me posita Christi iustitia terræ ac cæli interiectu dilata,  
haud afficiet aut attinget animam peccatrice n: neque illius vnquam  
forma erit, sed solum eumentitæ eiusdem speciem forinseca estima-  
tione tandem obtinebo. Cooperiri possunt antea dæ vitæ peccata,  
nequaquam deleri huiusmodi imputatione. Denique beneficio istius  
fidei hoc tantum discriminis inter me ac Turcam intercedet:  
quod tamen æque ac ipse sim omnis generis scelere impuratus &  
coinquinatus, in rei veritate illo nihilo sanctior redditus: misero  
tamen illi ad pœnam facinora imputantur, mihi autem minime.  
Nihil pensi duco hanc exilem discrepantiam: lucrum huiusmodi  
fictitium non audius confector: haud minus peccator ero & labe  
infectus voluptati resistens, quam illi appetitum soluens laxans-  
que. Vel si vna fides sufficiat, impune latrocinia omnemque tur-  
pitudinem exercebo: inuolucrum habeo, Dei aspectum factis re-  
pellam: quis fœditatem meam despiciet postea aut inculcabit? Ex  
antecedentibus consequutiones optimæ ac legitimæ. Abite ca-  
nes, abite porci, quid facitis in hac rerum luce, ad lupanar, ad inter-  
num. Videant iam homines qualem & quam bellam decreuerunt  
sectarij iustitiam: imo quam mutilam & maculosam, denique nullam  
consi-

*Amorē  
curam in-  
stutia secta-  
rij repel-  
lunt.*



cōstituerunt. Si enim flagitijs & sceleribus immixta, quomodo non maculosa ac mutila? si tanquam idea Platonica à rebus indiuiduis seuulsa, quomodo non erit fictitia plane & vmbatilis? Delirium quapropter istud, quo arbitrantur sectarij Christianam iusticiam haud eijcere & exterminare vitiorum feditatem, proum est & explicatum ad morum omnem licentiosam promiscuamque obscenitatem.

*Gravitate  
peccati hæ-  
reici ele-  
uante.*

Orthodoxi figuram peccati eiusque pessimam condicionem considerantes, ex visa specie tam atrocis mali plurimum odio in illud commouentur. Hoc autem maxime tunc oritur, quando cogitant eam esse delicti gravitatem, vti omnem penitus iusticiam ac candorem eliminat, Deo animam ingratam reddat inuisamque: cui æterni quoque supplicij castigatio iuste debeat. Hoc vero noxæ pondus heretis eleuauit, pessimam eiusdem formam prodigioso dogmate honestauit: egre (vt videtur) tulit hætenus tam odiosum ac execrandum à Romanis crimen habitum fuisse. Vnde docent falsos extitisse eam enormitatem peccato adscribentes, quæ cum sanctimonia depugnet: nam vt ipsi loquuntur ac concrepant, optime inter se coherent peccatum & iusticia, eodem temporis puncto simul eandem animam pacifice imbuunt, eam pulchram iuxta & deformem, lucidam ac tenebrosam, candidam ac obscuram, bonam & malam, premio dignam & indignam, mortuam ac viuam pariter efficiunt. Quod monstrum humani iudicij? Facebant (inquiunt) iam mortales atrocius sentire de peccatis: nam iusticiæ aduersarium non est flagitium; conspirant inter se, nihil dissident. Si tenebræ oculis molestæ; ideo quod lucem eripiant nobis ac negent: verum peccatum iusticia nos non priuabit, nihil detrimenti incutiet; quorsum ergo immani eius specie exterriti illud ita nunc horremus? quodcunque egerimus iusti siue iniusti, peccatum erit: nihil iusticiæ familiarius quam peccatum. Enimvero grauitas culpæ & offensæ, cum ita extenuata ac diminuta fuerit, quis magno pere illam animo auersabitur, aut vitæ instituto refugiet? Qui ergo, amabo, grandius malum ex peccato faciunt, orthodoxi ne an sectarij? Illi propter horrendum eius characterem repellunt à vitæ sanctitudine & perfectione. Christiana: hi autem iusticiæ associant, æqualem imo præcipuam animæ partem in ipsis iustis illi attribuunt: afficiunt etenim intime animæ recessus vitiorum labes; (vt ipsi fatentur) iusticia vero, extra illam posita, in Christo tantum vel ipso Deo continetur. Atque ex hoc capite hereticorum dicta apparent fædissima: in quibus tamen postea impuriora detegemus.

Anardescunt amore orthodoxi erga Christum: quod ipsum credant medicum.



medicum esse, cuius opera morbi lethales ac grauissima animæ vulnera *seſtarij* percutiuntur. Neq; hoc fieri exillimant ſuaueolenti tantū balsamo ex- *amorē er-* *ga Chriſtū* *extinguit.* teriore curem obliniente, vel immiſſo in ſenſus torpore, quominus doloris viſ ab hominibus percipiatur: ſed interiori potius quadā reno- uatione ac medela, prauæ affectionis cauſas latentes reſecante, perfici omnino ſecū ſtatuūt. Qua de cauſa ingreſſus in orbē Chriſtus euelli- gio idola contriuit, oracula compreſſit, dæmonum lararia exturbauit, (vt paſſum retulerunt Athanaſ. Eusebius, ac alij) ne Satanæ artificio diu- *Athanaſ.* *orat cont.* *Idol.* *Euseb. l. 4.* *preparat.* *cap. 1.* tius in hominū animis peccata ac ſcelera vigerent. Deniq; in hoc col- limasse videtur vniuerſa Chriſti iconomia: vt iniquitas ac vitia orbe exularent, & funditus interciderent: vt quæ denigrata libidinum aſtu ac ſordibus conquinata extiterit, deinceps candida, abſq; ruga & ma- cula euaderet Eccleſia, ac ipſius ſponſa formoſiſſima. Quid enim prius homines peſſundedit, quid infinitis calamitatibus implicuit, quid funeſtauit tam animos quam corpora ipſorū, quid in eos diuina tela ex- acuit, ſi non peccatum? Vt ergo per Chriſtum Dominum redemptio plena & reſtitutio integra ad priſtinum decus conſtarent: eius bene- ficio peccatum imprimis eiſciendum, & ad tartara relegandum, vnde emerſerat: non ſolum cum ſuperſtes reſtet, adhuc minime delinquen- tibus imputandum; quod hæreticis ſufficit, ſed penitus eximendum & abolendum fuit. Videre hic licet prophanum, plane abiectum, & prorſus carnale ſeſtariorum ingenium, quo & latiſſime diſcriminan- tur ab orthodoxis. Libertatem illi Chriſtianam Saluatoris ſanguine comparatam non ponunt in expiatione peccati, cuius reatum ac ma- culas iniſcias eunt Chriſti cruore elui, ſed in licentia potius agendi quidois contra principum leges, in immunitate delinquendi: ſi modo vna fides firma perſiſterit. Quæ ſeruitus hoc munere durior? quid vilius expectari potuerit à liberatore? Capas, ollas, allia, & id genus contemptibilia cibaria quæſunt iſti, non terram fluentem lacte & mel- le, Babylonem, non ciuitatem pacis Hieruſalem. Orthodoxi vero cum intelligant nihil peccato tetrius homini poſſe aduenire; imo hoc ſolū animæ eſſe malum, reliqua mala non eſſe, niſi voluntatis vitio: à Chriſto Domino huius ſolutionem vinculi & iſtius labis elutionem præcipue expectarunt; ac confidenter credunt eius beneficio reiectas modo eſſe has peccatorum ſordes è mortalium animis, horum iugum humeris excuſſum; nihilque renatis ſuperelle priſtine ac vitioſæ ſerui- tutis. Ceterum ſeſtarij amorem hunc, ex huiusmodi eius gratia ac dono propagatum, peſſimo commento ac ſedo dogmate extinguere moliantur: aſſerunt etenim Chriſtum Dominum in nos non adeo *Carnales* *hæretici* *ſunt Indei*

VV v

benefi-



beneficium extitisse; quasi peccata nostra penitus expunxerit: inuolucro tantum suo (ut fabulantur) cruore intincto reuerberauit patris aspectum, quo minus ea amplius intueretur: velo obduxit ludicro, collato dono minime exegit aut à nobis depulit. Quid? ergone adhuc sumus in peccatis, adhuc leprosi, immundi, canes, venefici, nihil obstante scelerum expiatione, quam Christus in cruce peregit? Quid nobis attulit commodi tanta eius perpeffio? quorsum explicata brachia, apertum latus, effusus cruor, cum maculas peccatorum hæc omnia non absterferint, infixum nobis serpentis aculeum aut emissum virus eius haud expulerint? Potuit Christus deperditam nobis iustitiam innocentiam Adami lapsu, merito suo restituere ex integro, vel non potuit? Si potuerit, quare illud ipsum iustis præstitisse negandum? an non hoc mirifice confert cum ad utilitatem nostram, tum quoque ad honorem eius? ad bonum quidem nostrum: non enim diu tiarum copiam, non voluptatis affluentiam, non dignitatum culmina à Christo Domino desideramus: malum nostrum vnice peccatum est, huius querimus abiectiorem, ab hac colluie liberari efflagitamus. Onus est crimen, quod mentem deprimit ad infernum, deformitas est & coinquinatio negans ingressum in celum. Ad honorem vero ipsius hoc pene necessarium videbitur. Quæ namque redemptio, ubi causa superest seruitutis? aut quomodo secundus Adam prioris errorem beneficio aliter exequabit? Deperdidit iste illibatam animæ puritatem, & primum iustitiæ florem corrupit. Christus idcirco decus illud restituere debet, & ornamentum integritatis adque reparare. Quod si minus præstitit, secundi Adami obedientia, veteris nequitia multo inferior restabit. Hic peccati labem vere inuexit, quam ille non expulit aut exterminauit: neque tantum lucrum attulit, quantum alter detrimenti: imo quod horreo proferre, serpentis malitiam eius clementiam excessisse necessario fatendum. Serpens tetram peccati maculam intulit in hominum animas, hanc Christus non exemit, ipsam animam non attigit efficacia sui meriti: sed veluti iride fictitij coloris eam forinsecus circumdedit, atque ita simulate iustam fecit, boni expressi nihil vel concreti largimonia illi impertiuit. Quod si agnoscant ad hoc exequandū, infirmum fuisse Christum: impotentem habent ipsi reparatorē, nos omnipotentē retinebimus. Vbi satisfactio, ubi redemptio, ubi Christus, ubi Deus, ex sententia hereticorum? Quam iniqui in Christum, quam in homines truculenti? In Christum iniqui, cuius meritum cum Pelagio extenuarunt, exsciderunt: In homines truculenti, præclarum illud iustitiæ ornamentum eiusdem detrahentes: eiusque



eiusque loco vmbra[m] quandam reponentes. Romani Christum habent agnum Dei, auferentem peccata mundi: Sectarij circulatorem <sup>Idem</sup> quendam, fascino hominum oculis illudentem, consecretantur. Qui plus Christo deferunt? qui augustius de illo sentiunt ac loquuntur? Desinant modo verbosis & illusorijs amplificationibus Christi meritum exaggerare: illud reipsa non tantum diminuentes, verum etiam penitus reiicientes. Cœlestem Cupidinem, qui ex arcu crucis suę ignea iacula in hominum corda intorsit, isti diffugiont, causasque nostri in illum amoris auferunt ac tollunt. Negant ipsum, beneficium aliquod in nos refudisse: dicunt vim eius crucis, serpentis aculeum haud exæquasse: atque huc tendunt horum omnia: ad infidelitatem nimirum & vitæ turpitudinem. Quæ duo in oculis semper defixa habent, dogmata sua effingentes: & in quæ omnes ipsorum conatus, ad multorum interitum, infelicitate continuo diriguntur.

*Iustitiæ forma, quam decernunt sectarij, insignem continet imposturã, illamque triplici nota infamem: phanatismo nempe, elatione, & flagitiosissimæ sectæ Gnostacismo.*

## CAPVT XXVII.

**Q**VO vnusquisque præstantiorem suis studijs finem præstiterit, eo contentio eius alacrior cursusque actionum incitator euadunt. Hinc fragili ac graui corporis mole oppressus animus, dum cœlestem beatitudinem eiusque gradum cogitatione depingit, meretur, & ob oculos sibi statuit: faciliior ac leuior cuiuslibet duri acerbique tolerantia efficitur: virtutis quoque operatio magis prompta & expedita reperitur. Spes etenim optati euentus ac quæstus expectatio languentem erigunt, socordiamque excutunt. Eadem ratione, tametsi efferatus hominis appetitus a ratione voluntatem perpetuo in transuersum agere nitatur, suauemque efficiens cupiditatem, honesta instituta illi aduersa mille difficultatibus inuoluat: nihilofecius sanctitati animique innocentiz insignem quandam præstantiam inesse considerantes, fulgores illos irradiati desuper pectoris intuentes, abdicatis voluptatum calamistris ac lenocinijs, etiam nudi per aspera & vepreta lubentes hilaresque ad iustitiæ integritatem conuolamus. Cui quidem honestissimo

*Finis iustitiæ præclarus hominem excitat ad virtutem.*



stissimo desiderio orthodoxi, formam iustitiæ constituentes, singulares quosdam impetus ac impulsus adferunt, ac illud mirifice augent & accendunt magis. Docent namque hanc, diuinam quandam in anima esse impressam qualitatem, pulcherrimam notam stylo ipsius Dei effigiatam, perfectionem denique summam: non quæ eam irradiet tantum, quod & solis splendor efficit, in quodcunque demum coinquinatum delatus fuerit; verum etiam omni labe ac crimine animam perpurget, concretas sordes emaculet, integram, illibatam, purissimamque reddat, perenni præmio ac florenti corona æquissimo iure dignissimam. Atque ad hunc vitæ nostræ apicem rationes ac momenta humanorum consiliorum referuntur: in hunc, veluti clausulam, omnis nostra molitio ac contentio desinit, huiusque obiectu mirifice incitatur ad morum honestatem. Quid enim aliud in votis haberemus, quam ut laboribus defunctis viri boni, sancti, ac iusti tandem euadamus? uti absterfis peccatis, decus illud obtineamus, quod Dei amorem in nos conciliet, & virtute sua quasi pondus æternæ gloriæ contineat? Hoc culmen, hoc fastigium, in quod tendunt, cum naturæ tum gratiæ progressionibus: quo omnia uti ad auream metam destinantur. De quo vaticinavit olim Esaias propheta: cuiusque hoc generis Christi opera esset futurum, prædixit: *Ipse est enim quasi ignis constans, & quasi herba fullonum. Et sedebit constans & emundans argentum, & purgabit filios Levi, & colabie illos, quasi aurum & argentum.* Scorria & rubigo vitiatorum accessu iustitiæ abigenda. Argentariam officinam habemus, liquoris ac succi copiam, quam fullonis herba emittit, pariter retinemus. Exustio ac lotio nihil patientur sordidi aut maculati superstitis. At quid argentaria officina ad Christi Ecclesiam, quid herba fullonum ad limpidissimum Christi sanguinem? Hoc sane in honorem cedit reparatoris, quod veri iustissimi, non imputatione externa, quod iustissime digni præmio celesti, non fauore tantum illo donati, aut alterius munificentia inermes præmiati.

2. Cor. 4.

Esaiæ 40.

*Vanissima  
forma iusti-  
tiæ excogi-  
tata ab he-  
reticis.*

Quamobrem qui de hac vitæ nostræ præstantia secus quam oportet sentiunt ac definiunt: qui peruerso doginate eminentiam iustitiæ deprauant, tanti doni speciem insignem deformantes opinione sua, pessime sane mortalium de omnibus merentur: inimici Dei, Christi, & nostri generis reputandi. Hi autem sunt præsentiam temporum sectarij, qui nouam quandam ideam, characterem insolentem, priscis ignotum, iustitiæ excogitantes: tam vanum ac plane ludicrum exhibuerunt, ut quiduis aliud, quam iustitiæ excellens forma estimari poterit. Atque ut compendio exponam, quod ipsi fusissima garrulitate ampli-



amplificatunt: vno fidei actu apprehendi hi volunt iusticiam: non fide, cuius assensu & complexu mytheria scripturarum vocibus expressa, aut Ecclesie testimonijs consignata & enulgata, coërcentur: quam historicam appellant, sed alia multo angustiori, & ad Dei beneuolentiã particularem restricta, qua quotuique firmiter apud se statuit ac credit Christi iusticiam sibi a Deo patre imputari, remissasque esse scelerum noxas: non earum deletione, sed quod superstites ad pœnam ipsis diuinitus haud impurentur. Quam quidem persuasionem Concilium Tridentium grauissimo suo iudicio vanam esse definiuit, & fiduciam ab omni pietate remotam. Vanam dixit; quod nullo prorsus nitatur fundamento, quod sui iustas causas non habeat: denique quod fides non sit, sed phanaticum potius commentum. Est profecto, (quantum ego sentio) non ratione expugnanda Theologica hæc ipsorum estimatio, quam helleboro expurganda. Ab omni pietate remotam addidit Consilium, quod prona sit & præcepta ad quamuis vitæ turpitudinem. Quas duas notas heresi à Consilio inultas, vel in ea re-pertas, satis omnino facere ad eiusdem refutationem in sequentibus ostendetur.

*Concil. Trid.  
Sess. 6.*

Diuina fides, vti in obiectum aliquod deferatur, ex parte rei in assensum animi admittendæ, binæ condiciones exiguntur. Prima, vti quandam credibilitatem in se contineat, easque sibi adiunctas rationes habeat, ex quibus liquido constet, idoneam esse & aptam, vti ab illi credere debeat. Mouetur etenim homo agitatione diuina non quomodocunque, (vt docet D. Thom.) sed certa methodo ac via suæ ipsius naturæ oportune consentientibus: quod & in aliarum rerum moderatione clarissime elucet. Quocirca quod hominis animus ratione ac iudicio sit insignitus, præeunte veri percipientia, singula propolita expendente, examiante, subinde ad assensum fidei ex diuina collustratione progreditur: ita vt euidencia quædam credibilitatis ac probabilitatis rei (quemadmodum scola loquitur) fidei actum anteuertat: ne dicatur quod mens credendo inconsiderate leuiterque in aliquid impegit. Necessæ eapropter est, vt quis consulto ac iudicato dictis aliorum fidem habeat, motiua quædam & argumenta humana explicari ac percipi, quibus motus animo æstimet credibilia esse, quæ proponitur, omnino credenda iudicet, ac talia, qualia à prudenti viro & sagaci pro verissimis enunciatis ex fide habenda. Alterum est requiritum, nimirum vt scripturarum conceptis verbis, aut traditione Ecclesiastica, tanquam effatum Dei illud adstruatur, quod diuina fide est

*Fides hæ-  
reticorum  
phana-  
tica, cui iusticiã  
adscribant*

*D. Thom. 1.  
2. art.*

*Ad fidem  
necessaria  
rei credibi-  
litas.*

*Ad fidem ne-  
cessaria pro-  
positio per  
scripturas  
& Ecclesiã  
est*



est credendum. Hæc enim sunt oracula Spiritus sancti, à quibus in supernis consilium omnem à nobis capiendum: neque enthusiasmi tuto nostra fides committenda, absque speciali priuilegio. Horum autem nihil plane inesse apparet sectariorum persuasioni, qua credunt se iustos esse, ac ipsis Christi iustitiam imputari: non ergo fides est, sed illusio quædam phanatica, otiosæ mentis commentatio, vel impeditæ rationis insania. Prius non habere hanc ipsorum fidem, facillime ostendero. Qui grauioris alicuius delicti piaculo iustitiam excussit, vel illi obstaculum posuit, uti ad integritatem deperditam concionatoris voce reducatur: omnino (neque inficias ibunt sectarij) inducendus is est, uti credere se velit iustum esse, idque Christi iustitia: hæc etenim fiducia perfectionis summam contineri ipsi volunt. Modo ab illis quærerem, qui hoc prædicationis munus obeunt, quænam habeant motiua, quasque rationes, quibus sceleratus ille persuadeatur ab ipsis, uti credat se iustum esse iustitia Christi? Respicient etenim si quæ penes eos sint, imputatione iam factam, aut fidem ipsam, qua statuunt faciendam. Prius dici nequit, si enim iustificatio actum fidei prorsus anteuertet, quod absolum est & scripturis aduersarium: Nam ut inquit Apostolus: *Sine fide impossibile est placere Deo*. Verum neque posterius satis tutum erit aut probabile: nam motiua fidei supponunt reueritatem iam diuinitus exhibitam, non enim quod ita creditur, res sic se habet, aut credibilis est, sed vice versa quod res facta aliquo sit expressa, ideo subinde fide suscipitur. Quamobrem ut in eam aliquis inducatur sententiam, qua apud se statuat sibi iustitiam Christi imputari, prius credibiliter ostendi debet, quod ante hanc fidem talis imputatio iam præstita sit: proinde fides iustitiam non acquireret, sed partam præsupponet. Quod si quæretur circa genus horum motiuorum, quibus alicui talis imputatio probabilis reddatur, aut ab alio ipsi cum ratione suadeatur: nihil firmi aut solidi apparebit. Nam si ea motiua adducantur, quæ in vniuersum Christianam fidem uti credibilem adstruunt, utpote miracula, martyrum constantia, consentiens Ecclesiæ doctrina, Pastorum successio; quid hæc demum obsecro facient, ut hic in particulari credat sibi Christi iustitiam imputari? illa etenim uti vera admittet, qui tamen minime apud se statuet se iustum esse, sed potius impurum atque flagitiosum. Neque opis aliquid conferet, si scripturæ in medium adferantur: illis etenim fidem iniquus & scelere corruptus iam derogauit: etenim promissis Dei in scripturis explicatis eo non credit, quo neque credit se iustum esse: quibus si fidem adhiberet, concionatoris voce non indigeret. Si recurrat Ec-

clesiastes,

Heb 1.



Ex alrero autem capite, quod paulo ante constitueram, fiduciam hanc Calvinianam phanaticam esse euidenter satis constare poterit: maxime ex placitis ipsorum: ita pessime inter se coherent, quæ temere effutiunt. Nihil diuina fide credendum, quod non enunciant ac proponunt sacræ literæ. Hoc apud illos solemne est pronuntiatum: hic gradum figentes authoritari Ecclesiasticæ insultant, ac sua mirifice venditant. Atqui quod huic in particulari fictiam facta aut facienda imputatio iustitiæ Christi, ex testimonijs Scripturæ perspicuum non euadit; phanatrice idcirco fidem concipit, qui ita credit. At satis erit dicunt, cum referent scripturæ illi imputandam iustitiam Christi, qui diuinis promissis crediderit. Verum necubi scripturæ adstruunt quempiam iustorum (neque Abrahamum, cuius fidem ideam facere volunt sectarij suæ persuasionis) credidisse se iustum esse iustitia Christi: vel vnicuique certo statuendum se iustum esse iustitia formali ipsius Dei aut Christi. Proferant vnum locum, cum omnia excusserint si possint, qui hoc explicare & clare contestetur. Hactenus ne speciem aliquam aut umbræ eiusmodi adferri ex sacris literis in subsidiū labantis & desperatæ causæ ipsorū protulerunt. Quod si illis damus, credenti legitime eam fictitiam imputationem concedi, vt hæc tamen fides firma sit nec vacillet, non solum certo credere

Fides in-  
iustitias pe-  
nes hære-  
ticos caret  
proponente  
legitimo.



credere debent ipsis imputari Christi iustitiam, quinimo hanc fidem, quam iste in particulari concepit, diuinam esse non humanam, veracem non falsariam, omnino apud se oportebit statuere: alioqui in ambiguo & quasi in æstuoso salo turbata conscientia eius animus perpetuo versabitur. Ceterum ut quis ita de sua fide decernat confidenter; actu ipsius fidei id habetur, vel operatione alterius cognitionis. Dilemmate hoc constringam & disrumpā phanaticam ac ventosam sectariorum fidem. Si responderet eam certitudinem actu ipsius fidei obtineri, de obiecto eius sciscitabor: ac quæram num scripturis proponatur, vel enthusiasmo aliquo seiuncto ab illis percipiatur? Prius si obtendant, impingent in falsum patentissimum. Vbi obsecro dicunt scripturæ fidē Martini aut Ioannis esse diuinam, non humanā; calitus inspiratam, non leuissime susceptam? ne syllabam quidem continent ad hoc spectantem. Sin vero fateantur non proponi hoc credendum in scripturis, entusiasmos tunc decernunt phanaticæ, neque ad salutem scripturas sufficere pronunciabunt: quandoquidem alia reuelatio & ostensio requiratur ad firmitatem istius fidei, quæ necubi in scripturis reperiuntur. Vel si opinio propriæ fidei non sit actus eiusdē fidei, sed alia mentis notio & collustratio, corruet omnino illud, quod roties decantant, *Sola fides satis est ad iustitiam*. Insuper namque alia exigitur notitia, qua constet vniuscuiusque fidem esse diuinam & à Deo excitatam. Cuius certitudinem neque video quomodo ratione vlla stabilire poterunt. Nam incertam fore definiunt conditionem iustitiæ, si modo ab operibus dependeret: quocirca fluctuaret animus, ac sepius dubitaret an officio satisfecisset vel secus, inquit. Tamen improvidi homines & inconsiderati non animaduertunt adæque actū fidei esse opus atque charitatis: *Hoc est opus Dei, ut credatis in eum quem misit ille*. Idcirco si de charitatis opere certitudo illa summa haberi non poterit, neque de opere fidei eadem habebitur. Nulla itaque ratione istis constare poterit qualitas vel forma fidei, qua credunt se iustos esse: incerta idcirco, temeraria, ac phanatica.

Ioan. 6.

Ex sententia hereticorum nemo vere iustus.

Sin vero fieri omnino non possit, uti hoc pacto Christi iustitia alicui imputetur, aut ut inde quis iustus ac sanctus efficiatur; an non phanaticum erit, imo insanum quid, hanc sibi imputationem fide polliceri? Quomodo enim iustitia Christi à quopiam deprehendi poterit tanquam sua: ita ut illam iustus vere recteque sit ac nominetur? In quibus abscepro angulis magistrelli eam logicam didicerunt, qua dicitur externam aliquam formam, loco ac situ à subiecto distitam, posse illi effectum formalem ac denominationem veram & concretam impertire?



perire? Num Athenienses, qui impijs manibus Socratem trucidarunt, innocentia ac pietate in Deum pollere exinde potuerint: si modo sibi ipsis sub mortis articulum quam ille habuit vitæ integritatem impurassent? cedo mihi? quæ hæc iustitia auulsa ab anima, eius maculas non eluens, sed luteam ac cæno collicam permittens? Qualis hæc re-ctitudo, minime auferens incuruos prauarum actionum inflexus? Hoc pacto lasciuus, prodigus, avarus, etiam flagrante delicto, vel somno oppressi, & a ratione alienati, si Deus illis Christi iustitiâ velit imputare, tam sancti atque iusti euaderent, quam modo in virtutibus exercitati ac detriti, quam Apostoli, quam Deipara, imo quam Christus. Quis his character sanctimonie, quam tenuis vmbra e mentis iustitiæ? Vel si dæmonis superbiam innocentissimis hominibus imputaret Deus, ex horum sententiaque peccatores essent, & Dei odio digni, quam dæmon ipse, qui proprio actu in diuinum imperium elate inuolauit. At quod hoc peccatum, quæ coinquinatio animum non attingens? Hæc monstra sunt crassissima desipientiæ, qua Sectarij vsque ad nauseam nostram & æternam ipsorum infamiam prodigijs delirant. Quis duram prouinciam suscepisse nos affirmabit, dum illorum errores ipsamque ignorantiam profligamus? Adeo ad absurditatem sententiæ horum omnia ostentant, ut argumenta semper nobis in promptu sint, neque aliqua occurrunt, quæ non demonstratione conficiunt quod volumus: interim miseri illi & tenebriones, vespertilioes, ac noctuæ in hac tanta luce egrediuntur. Hocce Christus demum suo merito effecit, ut dormientes pariter ac vigilantes, credentes vel non credentes, voluntate ipsoque actu delixi in flagitium, atque virtuti sedulo insistentes, eadem forma & æquali pondere (modo hæc vna imputatio desit) iustitiam consequantur? Perinde erit tunc quodcumque homo peregerit. Honestus imputatione peccati ab alio commissi turpis erit & sceleratus: rursus pessimus & omni colium vitiorum sordidatus facta imputatione alienæ iustitiæ innocens denuo erit, ac verissimo nominabitur sanctus. Sit itaque aliquis scelere coopertus, accedat postea huiusmodi imputatio ex speciali fide, quam Sectarij comminiscuntur: quæ ab illis num talis, nulla prorsus in ipso mutatione effecta, iustus sit nec ne, idque solide & rei veritate? Si iustum pronuncient, asseram ipsum potius nequam esse & vitæ profligatæ: addam nihil in ipso reperiri, quod non Deo vehementer displiceat, dignumque esse potius eterno horrendoque inferni supplicio. Simul ne iustus & iniustus, bonus & malus, albus & ater, filius Dei & filius Satanæ? Vtcrius vrgebo ac petam, num potiori ratione sit iniustus & fædus,

X X x

quam



quam iustus & candidatus? Dubio procul potius dicendus iniustus ac sordidus, quam purus & sanctus. Nam maculæ vitiorum vere afficiunt ipsius animam, ut formæ subiectum: ibi defixæ penitus manent: ceterum iustitia abstracta est ab eadem, seiuncta, nec ad eam quicquam spectans, nisi estimatione quadam forinseca. Qualem tandem Christianam iustitiam hi exprefferunt, quo in loco nunc habent à Christo præstitam orbis redemptionem, quandoquidem adsciti in iustitiam re ipsa potius existunt adhuc peccatores, filij iræ, ac sordidati nequitia vitiorum, quam sancti, puri, & genuini filij Dei? Eodem plane modo, quo Sectarij hominē iustum decernunt, potuerit & dives Cræsus incidens in famelicum Codrum, pannosum totum & squalore obrutum, locupletem ilico constituere: si nempe magnifico & nouo quodam eleemosinæ genere, non indigentiam eius collato munere subleuando, sed suam opulentiam illi imputando, benevolentiam exerceret. Imo æque sapere mihi videtur Homerus, qui se tempore Troianæ obsidionis gallum esse meminit, atque Sectarij, se iustos esse credentes, idque iustitia Christi: eodem plane modo errantes à vero, quo populares illi, qui asinum videntes à liquido potitantem, in quo lunæ formam noctis tempore contemplantur, quod tunc occursans nubes radium lunarem interceptisset, existimarunt miserum asellum lunam epotasse: proinde ipsum dirissime exenterarunt, ut eius visceribus ereptam lunam suæ spheræ restituerent. Verosimilius mihi videtur asinum illum lunam imbibisse, quam Calvinistam sua phanatica fide Christi iustitiam animo hausisse: quæ si quis pariter exenteraret, in ipso nihil boni viri aut iusti vspiam inueniret: non plus in eo iustitiæ Christi despiceret, quam illi lunæ in ventre dissecti aselluli.

Rainol lib.  
1. de Idol.  
cap. 3. pag. 2.

Gal. 5.

Rainoldi  
iustitia ex-  
aminatur.

Ceterum Ioannes Rainoldus Calvinista incredibili quodam acumine duplicem vel excogitavit vel admittit iustitiam: vnā passiuam, actiuam alteram: illam appellat imputatam, hanc inhærentē, priorem dicit gratiam: *Qua in filios Dei adoptamur, abluimur Christi sanguine, remissionem peccatorum per fidem consequimur, hæredes celi constituimur*: Posteriorē eam nuncupat: *Qua renouati spiritu mentis nostræ, & nouum hominem induiti, fructus conuenientes respicientiæ ferimus*. Excusiam paucis istius Sectarij commentum. Quomodo, amabote, illa tua iustitia externa, ac imputatitia, iure appellari poterit passiuā? si gustasses vel parum prunis uti inquiunt labris Philosophiam, passiuam eam formam didicisses, quæ in subiectum aliquod vi actionis alicuius inducitur: nisi velis putare eum iam in se pati, & excipere inferni penas, aut demonum flagitia, cui hæc essent ab aliquo forinsecus imputata. Verum iustitia



iustitia hæc Calvinistica hominis animam minime attingit, in Christo etenim Domino tantum uti forma reperitur, qua igitur ratione tui respectu iustitia passiva? nisi somnians se esse Cræsum, te iudice passivæ esset dives & Cræsus. Dum hæc commentus, mentis deliquium crede mihi es passus, idque non imputative, sed reipsa ac verissime. Quum vero huic passivæ iustitiæ aliam adnectis activam, an non à schola, in qua eruditus, te refugam plane ostendis? Proh fidem tuam iustitia activa. Num frustranæ Lutheranorum & Calvinistarum voces, quibus hactenus insonuerunt: nempe inclamantes inherentem & activam iustitiam esse iustitiam legis, iustitiam carnis, iustitiam Pharisæicam, inimicam iustitiæ Christi ac fidei? an in auras extenuati eorum clamores, ac te sententiam ferenti hæc immania tonitrua abiere? excute intelligentiam tuam: caue sis, tu etenim nobiscum admittis iustitiam inherentem, idque iustitiam operum: vide ne iustitiam legis ac carnis. Si hanc iustitiam activam cuilibet hominum gratis adultæ opinare necessario requisitam ad salutem ac felicitatem, aperte quoque fateris Lutherum & Calvinum splendide mentitos, dictitantes unam fidem satis esse ad beatitudinem ac sanctimoniam: quippe tu insuper exigis aliam iustitiam operum, eamque inherentem. Etenim istius activæ iustitiæ munus ex Apostolo describis esse mentem renouare, hominem novum induere. Nam obsecro te, quis unquam adulatorum in regnum cælorum ingreditur, nisi mentem renouarit, novumque hominem induerit? non ergo iustitia fidei ac Christi nobis imputata sufficiens modo ad felicitatem, sed iustitiæ fidei ac Christi (quod tibi inconsiderate excidit) adiungenda iustitia nostra, iustitia inherens, iustitia operum. Animaduertere Rainolde, quale piaculum tibi met consciuit, qualemve iniuriam cruci Christi ac eius merito irrogasti. Non contentus Christi iustitia, tuam adhuc vis (quod redarguit Apostolus) constituere. Porro mihi videris plus nimio hanc tuam iustitiam activam amplificare: quippe asseris eiusmodi iustitia hominis mentem renouari, ac novam prorsus hominem indui. Modo re sepro includam, ni caueas, ad ludibrium. Præscise itaque expendo tecum effectum illius summæ ac primæ iustitiæ passivæ: & quæro abs te, num talis iustitia vi sua propria & formali constituat aliquem Dei filium, Christi sanguine ablutum & heredem regni cælorum, nec ne? Incunctanter definis ita esse, idque ex virtute eiusmodi iustitiæ, iam volo mi Rainolde uti nullo pacto memoriam deponas eorum quæ affirmasti de iustitia activa: etenim dixisti huius interuentu mentem hominis renouari, ac novum hominem indui. Idcirco ex tuis placitis

XXx:

hæc



hæc confecta sunt: principio hominem esse iustum ac Dei filium, imo Christi sanguine lotum, qui adhuc mentem non renouauit, sed sceleribus ex animi voto infixus squalet, qui nedum nouum hominẽ induit, sed anteaactæ vitæ pessimis consilijs adhuc Adamũ delinquentem in se exhibet. Deinde animas Christi sanguine ablui, nihil tamen succi in se recepisse. Demum hominem iustum esse, & Christum iuduisse, nondum tamen mutasse mentem, aut veterem hominem excussisse: simul album iuxta ac nigrum, bonum & malum, nouum & veterem, lotum ac sordidum, filium Dei ac satanæ. Quæ monstra sunt hæc iustitiæ Calvinisticæ? Denique satis mirari nequeo, quomodo passus es incidere in cogitationem tuam iustitiam actiuam: tibi stat sententia propalam cameleontem agere, & præceptores tuos calcibus impetere. Nosti tuos patriarchas homini exemisse liberum arbitrium: quod si vero consentiat, nullibi locorum constabit iustitia actiua: enimuero nihil spectabilis elucere potest in actione, ad quam quis necessitate adigitur: ideoque in somnis peractum haud suspicimus vti præclarum, quandoquidem liberum minime tunc temporis interueniat arbitrium. Qualis ergo illa actiua iustitia, quæ necessitate exprimitur? Insuper si obliuione nondum habes implicatam intelligentiam; Euangelistæ tui passim docent omnia hominum opera concupiscentiæ euaporato spiritu quasi infici, corrumpi, denigrari, peccata esse lethifera. En habes iustitiam tuam actiuam ex fordibus & eluuiæ exundantis Nili coalitam. Quomodo hæc coherent? Spartam humeris tuis impono: mihi edicto Ioannes: at nunquam dices.

*Opinio Sectariorum de iustitia spiritali superbia.*

Venio nunc ad insignem illum tumorem, quo inflati sectarij certo statuunt de sua ipsorum iustitia, de innocentia & sanctimoniam. Detestanda fuit Catharorum & Nouatianorum superbia, qua se sanctos impollutos ac propemodum diuinos venditabant: exultantes quippe illorum sensus nullus timor coercuit. Quorum vestigijs insistentes Sectarij recentiores, simili audacia, imo fidei certitudine pronunciant se iustos esse, & heredes celi iam constitutos. E quibus vnus Osiander eo temeritatis processit, vti Christi iustitia non contentus, altius cum Lucifero conscendens, se Deo æqualem fecit, ac dixit sibi Dei ipsius iustitiam eadem plane mensura imputari, qua in natio fonte affluit & redundat. Fastus non ferendus, elatio sane plusquam insana, sibi ac Deo æqualem iustitiæ sortem ac gradum decernere. Quomodo humanæ animæ angustia immensam illam & Dei essentialem iustitiam capere pòterint, & effusum illud mare exiguo sinu conchæ includere?



dere? Præcipitum hoc subueriti alij eiusdem farine homines, submi-  
serunt se parum; nec tamen superbiæ caliginiosos montes volatu pror-  
sus declinarunt: vnde Christi Domini iustitia se iustos esse proclama-  
runt, eademque stola vestiri seruum, qua Dominus induitur, firmiter  
definierunt. Adhuc quoque spirat intoleranda in istis insolentia. Nam  
Christi iustitia (vt schola iudicauit ac docuit) infinita est, si modo me-  
riti & iustitiæ eadem forma ponatur: atque ita ex sententia Sectario-  
rum nuda fide quilibet impurus, quando omni genere turpitudinis  
coopertus, non modo iustus erit, sed ad cumulū, ad immensum, ad infi-  
nitatem iustus, Christo equalis: atque vnius fidei actū hoc pacto tam  
excelsum gradum iustitiæ consequetur profligatæ vitæ mancipium,  
ac alij, qui Deo familiares effecti innocentiam diu seruarunt, omnique  
virtutis genere ab infanzia ad mortis articulum sedulo & operose in-  
buerunt. Verum tamē in altissimis sancti spiritus mysterijs, in eis, quæ  
eius arcano consilio in hominum cordibus fiunt, istorum pronun-  
ciandi libidinem ita comprimit Augustini sententia: *Nam quod iustitia  
Dei mei maneat: verum mea maneat, nescio. Terret enim me Apostolus dicens: qui  
putat se stare, videat ne cadat.* Vnde obsecro nouerunt illi, aut cuius relatu  
didicerunt, cum ipsis ita Deum egisse, vt filij sui iustitiam eisdem  
impertiuerit? aut qua autoritate muniti, ventosi homuli de tanto ac-  
cepto beneficio gloriantur? Quod credimus, inquit: inepte. Quo-  
tusquisque est hæreticorum, qui hisce diebus se eadem fide iustum esse  
non proclamauit? communis est hæc superbia scopulus, ad quem alij  
naufragium omnes fecerunt, & sua fide delusi, vanissima credulitate  
spem integram sustentarunt; nihil demum minus, quam veram ex-  
pressamque iustitiam adsequuti. Vbi iam timor & animi dimissio apud  
eos? exularunt. Vbi frequens ex pauore & suspitione exulceratæ ani-  
mæ effugium ad orationem & diuina præsidia? ablegatur; nemo enim  
pro eo orat, quod fide nouit futurū. Vbi acrimonia conscientia ex no-  
tione scelerum, qua admonitus illis multo sanctior Iob apud se dixit:  
*Si iustificare me volueris, meum condemnabis me?* Obliterata eiectione pe-  
runt. Vbi trepidatio animi ad intuitum iudiciorum Dei, quæ secretissi-  
ma sunt, penitissima & omnino arcana? excussa est: & in horum lo-  
cum successit & erupit falsa, insana, phantastica persuasio de impu-  
tata iustitia & peccatorum indulgentia. Constituunt se ante senten-  
tiam iudicis, & prius quam ad eius tribunal iustantur, hæredes regni  
celorum: iam militiam exercentes, de nulla re alia, quam de impe-  
rio loquuntur, de bonis illis, quasi iam obtentis, disserunt ac de-  
cernunt. Et qui? infidi, truculenti, ignari, impij, sordidi: quos  
sumus



limus ac faeces vitiorum exhauferunt. Quid carbonibus cum illis gemmis? quid putidis cadaueribus cum illis spatijs amantissimis ac rosetis? quid hostes Dei facerent cum ipsius amicis? quid sanguinis calore exusti cum illis, qui lauerunt stolas suas in sanguine agni? quid heretici cum sanctis?

*Apoc. 22.*

*Fides iusti-  
ficans quā  
statuunt  
Sectarij  
turpis.*

*Cicer. lib.  
4. off.*

*Merit. doc.  
lib 1.*

*Luc. 15.*

*Moderni  
heretici,  
negantes  
iustitiam  
inherentē  
Pelagianis  
sunt.*

Porro quod precipua quadam ratione, vti infamem obscenamque iustitiæ formam à sectarijs excogitatam traducit: vitæ est turpitudine, ad eam omnino consecraria; qua abutuntur ad cuncta neplanda dictu esse et uque. Latere discipiunt hi in præsidio vnus fidei: utpote qua tanquam Gygis annulo ad palmam inuerso non hominum tantum, sed ipsius Dei aspectum se posse diffugere inepte arbitrantur. Vir autem probus, ut scribit Cicero: *Hunc ipsum annulum si haberet, nihil plus sibi licere putaret peccare, quam si non haberet.* Sed quemadmodum Gyges admirabili annuli beneficio adiutus, Reginz stuprum intulit, eius maritum occidit, & in imperium inuasit: ita sectarij sua fide & persuasione freti de non imputanda illis culpa, concessam habent scelerum quamcumque atrocitatem: impune ad omnem libidinem explendam naturæ insanos ferocesque impetus effundunt. Quod quidem triplici præsertim ex capite efficiam luculentissimum. Principio, illa iustitia, quæ peccati coinquinationem non abstergit, neque hominem vere solideque iustum aut meliorem constituit: quam imbecillis, quam umbratilis, quam remota à candore animæ ac eiusdem puritate? Imputatio autem alienæ iustitiæ adserta à sectarijs (vbi penes illos in confesso est) vitiorum labes non eluit, hominem haud attingit, neque sanctum & bonum re ipsa, sed estimatione sola præstat: non est ergo sincera illa iustitia, color ille diuinus, stola candida, quæ in expiatis lustratisque elucere debet: sed potius scelerum commixtione & copula sordidissima illuies. Ita in Christi meritum prorsus iniurij fatentur prodigum filium à suo clementissimo parente non splendentem vestitum, sed pannum menstruaturn recepissee. Ipsum mundi reparatorem cum vocis reuerentia, tum sanguinis pretio adstruunt retru ali cuius accessu infectam iustitiam suis impressisse, ac diuinitus illis obtrinuisse: neque ad hæc quicquam erubescunt. Videri discipiunt Pelagio heresiarchæ vehementer aduersarij: simulato vero gressu tanquam boues Caci, eius partes sequuntur prorsus. Pernegant enim, quod & ille mordicus fecit, inherenter iustitiam animæ infusam, Christi meritum extenuantes. Aliud autem adijcientes, heresin eius superarunt: adeo ut ipsorum commentatio de imputata iustitia, veluti hypocentaûrus ex heresi & immani absurdo sit conflata. Consiliū

Mileui.



Mileuitanū istis contra Pelagij errorem internam ex Christi meritis *Concil. Mileu. Can. 3.* profectā iustitiā statuit ac definiuit: Placuit, ut quicumque dixerit gratiam Dei, in qua iustificamur per Iesum Christum Dominum nostrum, ad solam remissionem peccatorum valere, quæ iam commissæ sunt, non etiā ad adiutorium, ut non committantur, anathema. De sententia idcirco concilij posita est iustitia, haud in non imputatione peccati, sed in interiori adiutorio contra peccatum: nimirum virtute quadam ac firmitate animæ habituali. Nam idem Conciliū aperte docet, iustitiam hanc qua adiuuamur, illam esse, qua facienda diligimus, & operamur: & propterea coincidere cum charitate diffusa in cordibus nostris per Spiritum sanctum. Quam iustitiæ gratiam, dono collatam, non imputatione estimatam, necessariam pronunciat ad legis obseruantiam. Atque errorem Pelagij in eo præsertim positum fuisse, quod huiusmodi interius impertitam gratiam negauerit, testatur D. Augustinus: Ipsam quippe gratiam, qua iustificamur, id est qua charitas Dei diffunditur in cordibus nostris per Spiritum sanctum, qui datus est nobis, in Pelagij & Cælestini scriptis, quæcunque legere potui, nusquam eos inueni, quemadmodum confitenda est, eos confiteri. Et alibi: Si sentiat Pelagius, ipsam voluntatem & actionem diuinitus adiuuari, ut sine illo adiutorio nihil bene velimus & agamus, eamque esse gratiam Dei per Iesum Christum Dominum nostrum, in qua nos sua non nostra iustitia iustos facit, ut ea sit nostra iustitia, quæ nobis ab illo est: nihil de adiutorio Dei (quantum arbitror) controversiæ relinqueretur. Calviniana itaque iustitiæ imputatio Pelagianismum implicat. Hæresi autem eius absurdum adiunxit, quod sane Pelagius horreret, sicut & quilibet alius mente præditus verum aut probabile esse inficiabatur: nimirum cum dicatur iustitiam Christianam extra ipsos Christianos positam esse: hancque cum omni vitiorum colluie consistere, eaque sordidari. Talem habeant iustitiam ij, qui nihil puri cogitant vel actione perficiunt. Pelagius munditiā quandā & integritate natiuā ex virtutū exercitio inducere voluit: caste quidē & nitide sentiens de iustitia Christiana, parū tamē digne estimās Christi ipsius meritū. Calvinus utrimq; à vero aberrauit: iustitiā imprimis de cernēs maculosam ac scdā: deinde negans Christi meritū infuso aliquo dono hæc vitiorum labes hominum animis expulisse, vel illos re ipsa sanctos cōstituisse. In naturā proinde deliquit hæresiarcha & in gratiā.

Quid ni turpissimam dicerem imputatitiam hanc animi sanctimoniam, quæ tanta tamque eximia poterit esse in aliquo etiam flagrantē delicto, utpote blasphemiz, odij Dei ipsius, rapinæ, adulterij, quam quæ reperitur in quolibet ex illorum ordine sancto aut honesto viro? Nam si Deus blasphemanti vel adulteranti imputaret iustitiā Christi, quod

Rom.

August. lib. de grat. Christi. c. 36

Augustinus cap. 4.

Iustitia he- resiorum consistere potest cū se- leratis affi- bus.



quod facere potest, neque in illis reatum pœnæ agnosceret : hoc ipso iusti euaderent blasphemi, adulteri, essentque innocentes & impollutis, regnique cælorum heredes. Nam iustitia (si dictis ipsorum habenda fides) non posita est in mutatione animæ, vel interiori reparatione, sed in voluntate Dei solius, non imputante delinquentibus flagitia, & Christi iustitiam illis ad speciem quandam adijciente. Hac idcirco præstita imputatione, nihil supererit discriminis inter pium & blasphemum, adulterum & continentem : sed omnes æqualem iustitiæ dignitatem sortientur. An non hæc præclara iustitia, & merito præmianda ? Quod si quis illorum dicat, blasphemix noxam huic imputationi obstaculum ponere, ac eam impedire : causam ab illo requiram talis impedimenti. Eam adferet, quod blasphemia sit peccatum, depugnetque cum iustitia. Mendacem memorem esse oportere nunc video. An non falsus es iustitiam peccata non eiicere, sed cum illis in eadem anima contubernium subire ? peccatum itaque imputatiuæ iustitiæ non repugnabit. Proinde hæc cum actu blasphemix adque restabit, ac cum elapsis sceleribus. Quid ergo nunc mali blasphemio accessit ex hoc suo crimine ? nihil fecit iste iustitiæ aduersum : habere is poterit sibi Christi iustitiam imputatam parili mensura largitionis, ac si pietati incubuisset. Fortassis adhuc effugium aliud tentabunt ; sunt etenim mirifice circumspecti & subtiles : præsertim post secundas mensas. Dicent itaque, iustitiam imputatiuam non aduersari præteritis criminibus & eorum maculis ; eapropter valebit cum illis restare : pugnabit tamen cum flagrante delicto ; utpote actu blasphemix & adulterij : proinde blasphemus & adulter iustus esse nequeunt. Fugientes inciderunt in nassam, qua non exhibunt. Redigite ad memoriam sapientissimi Theologi, quod alias enuntiastis, videlicet optima iustorum opera naturis suis peccata esse mortalia, ipsis iustis tamen à Deo non imputari : haud ergo imputatiua vestra iustitia repugnabit flagranti delicto actualis noxæ ; eapropter blasphemus & adulter dum actum exercent flagitij, credere possunt se iustos esse & sanctos ; quid illos moratur amabo ? Hic heribunt credo in luto, & magnitudine absurdi oppressi, in sordibus conticescent : captique ab hostibus, & male habiti præ nimio pudore Davidis consilium sequentur : *præcepit ut manerent in Ierico, donec cresceret barba eorum, & tunc reuerterentur.* Quid ? an non ita facilem & expeditam methodum iustitiæ constituentes, sceleri patrocinari & libidini opem ferre videmini ? In vestra siquidem schola edoctus, cum ipsum Saran ad flagitiū aliquod sollicitauit, ita poterit secum ratiocinari. Quid me contingit à volu-

1, Paral. 9.



à voluptatis usu? Quid solum appetitum coërebit? In crimen hoc iucundum & naturæ meæ oportunitatem si concessero, quid detrimenti inde mihi emanabit? nihil sane: in ipsa namque appetentia ac seruiore delicti credam me iustum esse iustitia Christi, impune tunc scortari potero & græcari. Num inde ero infidelis? num scripturis diffidere incipiam? minime gentium. Credam itaque me iustum esse, atque sic fallam iudicia Dei, eiusque prohibitiones inanes reddam. Vna fides subsidium mihi, & in Acheronte scapha. Quod si quis multum contendat me non posse credere mihi imputatam iustitiam Christi, dum voluntatis actû adulteriû decernam. Quid tum postea? carebo ne expetita iucunditate? non sum ita stolidus & excors? Peraçto enim flagitio, ad recuperationem iustitiæ necessum non est vt ob crimen dolam vehementius, eiusque labem contritione animi detester, vel vt proponam nunquā in posterum Dei mandata me nolle infringere, aut eius monitis contraire: per hæc enim aspreta incedunt Romani, meis pedibus Euangelicis amēnora loca parantur: solum itaque opus erit vti excursu peccati actû, credam me iustum iustitia Christi, Deum mihi noxam non imputare. Hoc factû mihi erit facillimum: peccatum suauē, amuletum expeditum & in promptu. In hac itaque tanta impunitate non sum tam aridus, aut Stoicus, vt priuari velim voluptate. Digna Caluinista sententia. Mihi nunc dicite quæso, an ad insignem aliquem gradum Christianæ iustitiæ summam reduxistis nec ne? Vobis Apostolis, ferme dixeram Apostatis ac magistris, si rerum naturas expendere velimus, idque sanctus esse poterit, qui os detestabile blasphemix scelere polluit ac sēdauit: atque quilibet ex vestris innocentia vitæ purus, aut fiducia in Christum viuus, imo atque ipse Christus. An non ergo præclare sentitis de iustitia, de reparatoris munere? Sane vobis purior perfectiorque Turca, qui iustitia animi nequos abludens censuit: suosque alius iudicijs vestris Mahometes euexit, quam Christus fideles. Ille quippe eam iustitiam decreuit, quæ peccato repugnat penitus, neque eius consortium patitur: vos adeo imperfectam statuitis, quæ secum admittit quancunque demum vitiis contagionem, neq; vel latum vnguē recedat à Laide & Glicerio, à libidinosæ vitæ turpitudine.

At quid circa hæc minuta laboro ira pensiculate? Quid curiosus in hac Sectariorum iustitia atomos aut leuiore maculas disquiro? En aperiant ipsi sentinas ac cloacas sēdissimorum morum, in quibus iusticia donati deliciantur. Quodcunque enorme facinus perpetrarint, modo

Y Y y

*Hodierni  
heretici  
sunt inspu-  
ri Gnostici*



modo fidei clypeus aut velamen adsit imputatæ Christi iustitiæ, impune ferent: nec mali quidpiam illis inferet æstus vel phrenesis libidinis. A Christo diploma regium se accepisse gloriantur, quo ipsis plenissime licentia conceditur scortandi, prædandi, heluandi: nihil horum illis ad culpam imputabitur, cum facta exercuerint. Huiusmodi privilegio ornati, molles & præposteris amoris cupidi regnum Dei possidebunt. Atque ita se verissime Gnosticos, seu Catharos & Puritanos infanticidio, omnisque libidinis genere infames, quos antiquitas ut orbis sordes est exercata, his nostris temporibus Lutherus ac Calvinus eorum mores exprimentes, esse prodiderunt. Crediderunt illi firmo quodam assensu fidei se iustos esse ac sinceros: idem isti sibi quoque pollicentur. Verum illi ex ea suscepta fide hanc delinquendi licentiam sibi arripuerunt, quam ita describit D. Iren: *Quemadmodum aurum in cæno depositum non amittit deorem suam, sed suam naturam custodit, cum cænum nihil auro officere possit: sic & semetipsos dicunt, licet in quibuscunque materialibus operibus sint, nihil semetipsos noceri, neque amittere specialem substantiam. Quapropter & intemperate omnia quæ vetantur, hi qui sunt ipsorum perfecti, operantur.* Eodem plane modo sectariorum fideles, ex hac sua fide se aurum faciunt, & radios solis, in locis fædis, nihil inde coinquinamenti attrahentes. Licentiam indulgendi libidini, quidvis demum intemperantis concilij peragendi vendicant, atque ipsis Turcis, vel eorum porcis turpiores in hac immunitate delinquendi positam Evangelij libertatem profitentur. Quamobrem inepta prorsus existit comparatio, quam instituit Calvinus ex vna parte inter fidem suam ac charitatem: atque ex altera, inter Christum & Spiritum sanctum: quasi fides illa phanatica diuelli non possit à charitate, sicut neq; spiritus sanctus à Christo: proinde vniri semper fidem intulit vitæ integritati ac amoris Dei, quo præcepta observantur. Hoc enim vanissimum esse commentum ita ostendo. Quilibet Calvinisticæ sectæ, cum eius appetitui iucundum aliquod oportune fuerit obiectum, præsertim si veneres illi occurrant, (quarum amore mirifice delinitur, ut simia bellarijs, vel vrsus mellis fauo) laxare poterit habenas concupiscentiæ ad illud, quod cum æterna Dei lege dipugnat. Hoc credo mihi non negabitur; nam Calvinistas nouit orbis incredibiliter emissarios, protelarios, & salacissimos. Atque nimis multum sibi assument Calvinistæ, si modo dicant, ab orbe condito illorum neminem in hunc usque diem incidisse in crimen petulantia, fornicationis, adulterij, furij, & similium. Quare sumam hoc mihi pro certo, posse nempe Calvinistam ita incitatum obiectu cupediæ & lenocinij concedere in aliquam inhonestam cupiditatem.

Iren. lib. 1.  
cont. her.  
cap. 1.



piditatem. Vel dicam nuspian terrarum neque Geneva esse Caluinista. Quod si mihi concedatur, ipsum habeo impune peccantem, alieno thoro, vel alterius pudicitiae insidiantem, & vere Gnosticum aurium tenus in illuue cum sua iustitia. Salamandra in medios rogos intrepide insilit, quod nativum quoddam frigus habeat adeo concretum: ut ignis ardorem facile repellat vel extinguat. Tale sibi Caluinista ex sua fide adsumit, quo à criminis labe, etiam cum in voluptates animam iuxta & corpus immerferit, se tueatur. Quid ergo superest, quod illi peccati noxam exosam faciat? Non blandimentum iucundi, hoc enim potius allicit ad prauitatem. Non culpæ malum: ex fide namque haud imputabitur delinquenti. Non dæmon: ipse namque stimulis ad nequitiam instigat. Non Deus: quippe immunitatem quidvis agendi fide salua concegit. Gnostica itaque & Caluinista solo nomine ac sono dissentiunt, sententia autem conspirant. Vterque se purum & sanctum deprecatur, speciali fide munitum à reatu culpæ. Sed (ut inquit D. Epiphanius) *Omnis qui seipsum purum pronunciat, impurum seipsum perfecte condemnat.* Verum de hac fide fortassis aliquis illorum honorificentius indicans, dicet eam, quod necessario quodam effluxu ex se charitatem effundit, aduersari cuilibet diuinæ legis transgressioni, proinde non admittere secum ut contubernalem flagitiosum actum. Nihilofecius qui ita pro Caluiniana fide depugnat, nulla prorsus ratione duci videbitur. Fatetur namque Calvinus, quod paulo ante intolimus, quævis opera iustorum, etiam bona & pia, gravissima esse peccata, cum quibus tamen fides illa commoratur quiete ac placide. Quare non eque bene eadem manebit cum periurio, adulterio, & latrocinio? At nequit fidelis affirmabit, facto aliquo minus honesto Dei legem transcurrere aut temerare, nisi fidem prius excusserit. Quid argumento ad hoc reuincendum opus erit, ubi abunde facit experientia? Si Caluinistam stupris ac lustris operam dantem inuenero: dicam illum esse hereticum, aut infidelem, non credentem scripturis, in quibus referuntur Dei promissa de imputanda Christi iustitia. Imo statum ac definitum huius delinquentis parentes bonos nequaquam fuisse aut prædestinatos, præsertim non habuisse fidem quo tempore illum generabant: nam ex sententia Calviniana parentes iusti filios procreant iustos. Insuper docet, semel erit, deprehensum Caluinistam in flagitio nunquam fuisse fidelem aut iustum, neque parentes tales habuisse auos aut proavos. Quale privilegium, si Caluinista nunquam peccauit? si nunquam sub patibulo gulam fregit? Sanctissimi homines,

Epiph. lib.  
2. bar. 59.



purissimus grex. Lator equidem plurimum, iam enim comperi Angliam nostram, quam hactenus intellexi Calvinistis oppressam, nullū prorsus Calvinistam proferre: incolas tamen habet morum fēditate turpissimos, & passim ob enormia flagitia in crucem actos: quos haud Romanos esse plusquam pro explorato habeo. Palatijs sanctiora ergastula, ac limbi, vel recessus nemorum, illorum sunt domicilia. Sed neq; Calvinistæ sunt, nullus enim talis potest furari, adulterari, meretriciū exercere. Deus bone, quod aliud germen? quæ Satanæ propago? Sin vero experientiam amoveamus, quæ illustribus testimonijs Calvinistas prober vitæ esse profligatissimæ, eosque posse absque fidei dispendio suspendi, gravissimeque peccare: ratio id ipsum evidentissime demonstrabit. Qui fide speciali promissis Dei in scriptura adsertis credit & assentitur: cum ipsum nulla dubitationis causa urgeat, ob quam eiusdem promissis diffideret, is ita constans in fide, vehementi aliqua sollicitatione ad malum & nephariū quid factū extimulari valebit: quandoquidem in sensus eius inhonesti alicuius delectabilis species incurrat, pronusque sit corporis ratione in voluptatem. Hæc siquidem duo, eorumque causæ & occasiones sunt disunctissima: infidelitas nimirum & appetitio iucundi. Nihil itaque ipsum mouebit ad infidelitatem, aut ut scripturis fidem deneget: interim acriter incitetur obiectu delectabilis cupiditæ ad illicitam appetentiam. Nam duplici huic crimini duplex inseruit tentatio: neq; ita coniunguntur. Vna inducitur animus, ut incipiat iam diffidere Dei promissis, Christo & Euangelio nuncium remittere. Altera persuadetur suscipiendum esse actione adulterium vel latrocinium: quæ nullo modo implexa sunt inuicem, sed seorsim existunt. Suppono iam satanam, aut aliam occasionem posterioris solum generis incitamentum adferre, ac pellicere quempiam ad adulterium, neutiquam tunc cogitantem actu de scripturæ promissis aut sibi imputata iustitia: quod facillime imo ferme semper contingit. Is ita sollicitatus ad crimen impudicitæ, salua fide, cui nullum periculum imminet, quod nec eius villam eo temporis puncto notionem habeat, consentire poterit in adulterium, feruore concupiscentiæ exagitatus. Concludo itaque Calvinistæ, quemadmodum & Gnostæ, diuinitus impune concessum esse adulterium, aut quodlibet aliud factū turpe & enorme obeundum. Nam si hoc privilegio donatus non esset, ex flagitio detrimentum aliquod ipsi adveniret. Verum cedo mihi amabo, quod damnum, ubi viua & illæsa iustitia floret & viget? Nam haud obstante delicto, fiducia est animi, qua creditur iustitiam Christi ipsius esse, neque velle Deum ipsi quidpiam



piani ad peccatum imputare. Quod si conscientia enunciente male operari se sciat, tamen semel acceptam fidem, quæ iustitiam adfert, quamque aliquando se habuisse nihil dubitat, adhuc superstitem esse & integram, nec posse illi excidere, certo statuet. Siue ergo adulterium committamus, siue aliud facinus turpe perpetremus, obligamur ac tenemur credere nihil horum nobis ad peccatum imputari. Proinde parum habebimus flagicia, nec quicquam formidabimus scortari, veneficia exercere, Dei vel hominum leges transcurrere. Habeo itaque Calvinistam ac Gnostam eadem catena illaqueatos, ac eiusdem sordibus ex ingenio dogmatis pollutos. An non horum præclarum, diuinum, & lucidum Euangelium, in quo incitationes acerrimæ euulgantur ad peccata, in quo dicitur omnia scelera vna fide absorberi? in quo definitur perinde esse scortari ac continentem esse, recte viuere aut corrupte: in quo docetur contra expressam Scripturarum sententiam, auaros, luxuriosos, inobedientes, omni libidine & nequitia obscænos ingressuros in regnum cælorum? Si enim impura meretrix aspectu & alijs blandimentis illiceret iuuenē ad veneres, non est necesse ut iuuenis ante prauum consensum animo dicat, Christus non est mortuus pro me, vel non credo diuinis promissis. Sicut ergo abest infidelitas, ita adest fides & iustitia, atque exinde cum flagitio immunitas delinquendi. Est ne hoc Christianam perfectionem decernere, aut primitiue Ecclesiæ puritatem emulari? Potius vel Turcæ aut cani vomitum pronocabit hæc vestra fides sordidissima. Vos præcones, vos lumina, vos Angeli? at ubi? in prostibulo, in sterquilinio, in inferno. Quid? dicitis ne fidelem hominem impune posse adulterari, nihilque eorum, quæ ipse egerit, illi imputari? Sane ira me ita nunc exacuit, uti non aliter inillirem in Calvinistam, quam serpentē, aut Dæmonē. Quid ad hæc dicent? quod velum detectæ fæditati obtendent? Scio eos nihil iusti aut equi posse in sui excusationem proferre. O tempora, o mores! quando extrema ignorantia & immanis fæditas ita dominantur! At cū respexero ad Romanam Ecclesiam, Deus bone quis fulgor, quis candor & venustas meis oculis obuersantur? Hæc me admonet, nihil Deo vique adeo exosum ac peccatum, quo iustitia & cum Deo sua uis sanctæque amicitia expelluntur. Hac de causa prædicat, ad introducendam in hominum animas innocentiam, cælestem filium è sinu sui patris in vterum virginis purissimæ dilapsum, pretiosum eius cruorem effusum, deuicta morte, profligato satana patris dexteram reperijse, uti stolam immaculatæ iustitiæ inde nobis dimitteret. Apostolus etiam aperte enunciat, Sectariorum illam coinquinationem, & carnis

Y Y y 3

opera

*Puritas  
orthodoxæ  
dogmatis  
in doctrina  
iustifica-  
tionis.*




opera nunquam ad p̄m̄ium peruentura. Nolite errare, Deus non irides-  
tur. Quid existimatis vos inani fide posse Dei aspectum effugere &  
Galcap. 5. impune delinquere? Deus non irridetur, p̄stigiā vestrā eius oculos  
non perstringet. Quae enim seminauerit homo, haec & metet. Quoniam qui seminat  
in carne sua, de carne & metet corruptionem. Qui autem seminat in spiritu, de  
spiritu metet vitam aeternam. Quis Philosophorum iam audiens apud  
Christianos huiusmodi placita pro effatis haberi, nimirum quod ho-  
mini fideli omnia perēque sint licita, nihilque posse iustitiam fide se-  
mel acquisitam exterminare, eorum professionem non detestabitur,  
assertoresque nephandi dogmatis non conspueret? Misera videtur  
orthodoxorum condicio hac ex parte cultissimis suis ingēnijs, ac in-  
nocuā vitā angelis cum his bardis ac porcis configere. Pluribus su-  
persedeo, partim dolore oppressus, partim iusta indignationē cōmo-  
tus. Apostolicum hoc duntaxat proferam: Nolite errare, neque fornicarij,  
1. cor. 6. neque idolis seruientes, neque adulteri, neque molles, neque masculorum concubito-  
res, neque fures, neque auari, neque ebriosi, neque maledici, neque rapaces regnum Dei  
possidebunt. Sit itaq; Caluinistae Hieroglyficum Sphynx aut Harpia: ex  
fide quippe, veluti facie, mulier, reliquo corpore & actione brutum.

*Insignis illa vis meriti, quam orthodoxi bonis operibus ad-  
scribunt, mirifice hominis animum excitat ad virtu-  
tem: sicut ē contrario, Sectarij vim illam eximentes,  
affirmantesque optima quaeque vitæ instituta ac concilia,  
peccata esse mortalia: ad nepharias actiones non parum  
suos promouent sequaces.*

## CAPVT XXVIII.

*Duo in vir-  
tute, quae  
nos incitat  
ad bonum:  
honestas &  
meritum.*



Vm ex vitiosa humanæ naturæ in malum propensione,  
omnis eius constans actio, & ad regulam rationis expref-  
sa molitio, singularem quandam difficultatem adiun-  
ctam habeant, tum equissimum fuit illam formam ho-  
nesti ac pulcri in eadem elucere debere, ex cuius intuitu  
in homine flagraret desiderium traducendi vitam cum virtutis cultu,  
& iustitiæ integritate: ne absterritus animus eius visu, quasi nimis ardui  
negotij, p̄claris institutis penitus abstineret, imperiumque vitæ vo-  
luptatis.



luptatis tyrannidi lubens demandaret. Duo autem sunt, quæ in humanis conatibus egregiam quandam speciem spectandam exhibent, si modo virtuti consenserint: ex quorum aspectu inflammarî possimus recte operandi cupiditate. Prius, ipsa est honestas, virtutis color excellens, seu decus admirabile, de quibus superius disseruimus. Alterum, certus valor & pondus momenti, optimæ molitioni insidentia, quibus æterna felicitas æquitatis iure quasi emeritum stipendium, comparatur. Atque huius rei estimatione omnes ferme ad iusta & optima instituta prouocamur: tamen si insanæ cupiditates aliorum trahant, ac sollicitent affectum, cursusque impetum sistant. Neque hæc meriti ratio exquisitiore doctrinæ est inuentum, aut vatri alicuius ingenij excogitatum. Nam quot naturæ luce Numinis prouidentiam hominisque conditionem agnouerunt, ij omnes non confidentia sola, aut supina oscitantia freti, è cælis bona fatali aliquo vel fortuitu defluxu effundenda expectarunt: sed operis contentionem adhibentes, inde existimarunt meritum constare, lucrum ac quæstum cum gratiæ tum etiam gloriæ prouenire. E portu soluens naucleus, vti auspicato navigationem instituat, Numen inuocat; clauum tamen manu tenet operi intentus, vt scribit Plutarchus. Idem ex præcepto Hesiodi agricolæ præstiterunt: dum enim vota Cereri nuncuparent, stiuam manu complectuntur, quasi ad solertiam ac laborem animis parati. Ajax depugnaturus cum Hectore, sacrorum preces ad Deum efflagitauit: illis tamen supplicantibus se adornat ad certam. Recte enim Cato: *Non votis neque supplicationibus mulieribus auxilia deorum parantur, vigilando, agendo, bene consulendo, prospere omnia cadunt: vbi securitas et atque ignauia tradideris, ne quidquam deos impleres, irati, infestique sunt.* Quod si verum sit in ijs euentis, quæ homini hac in vita obtingunt, nimirum in prosperis ac felicibus, contento non nisi opere & frequenti studio acquisitis, multo magis credibile æterna illa felicitatis præmia neminem nisi laborantem viresque exerentem manere. *Homini (inquit Cicero) datur ascensus in cælum, propter mentem, pietatem, virtutem, fidem.* Hanc spem, virtutis actione optime excultam vitam adferre Seneca agnouit:

*Meriti  
ratio natu-  
ralls docet  
Plutarch.  
lib de ju-  
perstir.*

*Homer.  
Iliad. 2.  
Salust. de  
coniurat.*

*Cicer. Lel.*

*Senec. in  
Hercul.  
Furent.*

— — — *Quisquis est placide potens,  
Quemuisque vitæ seruat innocuat manus,  
Et eruentum mihi imperium regit,  
Animoque parcat, longa permensus diu  
Felicis aut spacia, vel cælum petit:  
Vel leta felix memoris Elisæ loca.*

Quia



Mag. Vic-  
tor lib. 1.  
part. 6, c. 1.

D. Thom. 1.  
2. q. 2. art.  
4.

Meritum  
adstruunt  
scripturae.  
Eccli. 16.

Heb. 13.

Matth. 5.

Matth. 20.

Matth. 25.

Matth. 16.

Apoc. vult.

Qua in re optima ratione nobis suam Deus providentiam spectabilem fecit? Sicut enim duo bonorum genera existunt, quæ homini adveniunt; vnum animæ, alterum corporis: ita corpori quod suum erat gratis omnino adiecit, quod autem animæ est bonum, tanquam præmium actioni proposuit: ut adnotatū vidi ab Hugone Victorino: *Quod visibile bonum erat gratis dedit, quod invisibile erat, merito quærendum proposuit.* D. Thomas non obscura ratione vim quandam meriti, quæ honestis inest actionū formis, ex naturæ ipsius principiis apposite sciteq; deducit. Nullus etenim existit probus conatus expressus ab homine, qui non conferat aliquid ad boni communis, ut ipse loquitur, incrementum. Nam si ulterius non progrediatur, sed illius tantum animæ definiatur, qui eum elicit; nihilominus quod quilibet pars sit communis, ex eius quoq; perfectione aliquid ipsa societas humana boni acquireret. Neque virtutis actio seiungi poterit ab honore Dei, quem ut veltigal illi pendit, aut velut splendorē dimittit ex se: sicut vitium pariter vniuersi bono repugnat, Deoque honorem detrahit; & ideo rationem subit demeriti. Vnde congrue concludit D. Thom. *Manifestum est, quod actus humani habent rationem meriti vel demeriti, per comparationem ad ipsum Deum: alioquin sequeretur, quod Deus non haberet curam de actibus humanis.*

Quod si scripturarum testimonia discutere velimus, nihil explicatius comperiemus in illis, quam quod bona fidelium atque iustorum opera beatitudinis celestis sint meritoria. *Omnis misericordia* (inquit Sapiens) *faciet locum unicuique secundum meritum operum suorum.* Et infinitis propemodum in locis expresse significatur relatio inter actiones iustorum atque beatitudinem, tanquam inter meritum & stipendium seu coronam. *Beneficentie & communionis nolite obliuisci, talibus enim hostijs promeretur Deus. Gaudete & exultate, quoniam merces vestra copiosa est in cælis. Voca operarios, & redde illis mercedem. Venite benedicti patris mei, possidete regnum paratum vobis, ante constitutionem mundi: esuriui enim, & dedistis mihi manducare. Et tunc reddet unicuique secundum opera sua. Ecce venio cito, & merces mea mecum, reddere unicuique secundum opera sua.* Quid luculentius in scripturis expressum, quam quod beatitudo stipendium sit bonorum operum? Earum autoritate muniti hæreticorum partibus insultamus plane, summa controuersæ scripturis ac iudiciū supremum committantur: nostra erit victoria, & in omnium oculis triumphus: Dei ipsius chirographum habemus; quis nobis literni amplius intentabit? Sectariorum vero tergiversationes, veluti anguillarum in cæno inflexiones ac spiræ ineptissime sordidissimeque. Quod si Patrum explanationes



cationes vel Conciliorum sententias hac in re exquirere vellemus: Romanorum omnia videbuntur. At refugiant illi hoc genus testimonij: vltro fatentur commune antiquitatis fuisse erratum, dum veteres omnes sanctissimique viri istorum bona opera meritoria esse docuerint. Huc itaq; recidit exagitata controuersia: num scripturarum expressis verbis, & vnanimi Patrum consensui fides sit adhibenda, vel potius pauculis quibusdam Sectarijs male inter se coherentibus, insecta obrutis, fallu turgidis, flagitijs coopertis. Nihil ergo attinet myriades Patrum congerere, eorum dicta huc coaceruare, quod & multi prestiterunt: nam hos omnes agnoscunt Sectarij in hac questione nimium Romanos, ac meritorum assertores. Eos tamen ignorasse dicunt crucis mysterium, & propterea falsa quædam de operum valore commentarijs suis inseruisse.

*Vid. præfat  
Canisij in  
Epist. D.  
Hieron.*

Veruntamen, vti clarius orthodoxi dogmatis vera sententia constet: meritorij operis causæ atque conditiones prius decernendæ videntur. Principio necessarium, vt qui æternam remunerationem condigno opere promereri dicatur, is iustus sit, & in numero filiorum Dei ipsius munere constitutus. Nam (vt asserit Concil. Trid.) præmium illud cæleste non nisi filijs Dei est promissum. Insuper requiritur vt actio, qua meretur quis, libera sit, vel quoad exercitium aut specificationem: ex obiecto quoque & circumstantijs bona honestaque existat, quæque dimanet ab influxu Christi in suos; qui vt inquit Concil. Trid, *Tanquam caput in membra, & tanquam vitis in palmites, in ipsos iustificati ingitit influit. Quæ virtus bona, eorum opera semper antecedit, & comitatur, & subsequitur, & sine qua nullo pacto Deo grata & meritoria esse possunt.* Simile exitit iudicium Concilij Autolici: Si quis per naturæ vigorem bonum aliquod, quod ad salutem pertinet vitæ æternæ, cogitare aut eligere absque illuminatione & inspiratione Spiritus sancti, qui dat omnibus suauitatem in consentiendo & credendo veritati, heretico fallitur Spiritu. At constitutionibus istis causa orthodoxorum omni Pelagianæ hereseos suspicione plenissime liberatur. Præterquam enim iudicio nostro, vt opus dicatur meritorium, hoc pacto requisitum sit vt fiat libere, vt versetur quoque circa obiectum bonum, atque supponat iusticiam ex dono Dei in illo, qui operatur; vltius requiritur vt fiat à gratia interiori, excitante & adiuuante; quam meritis Christi acceptam referimus, quamque iustorum bonis ac probis actionibus perenni quodam influxu adesse concilium Tridentinum definiuit. Incitari itaque debemus ad bene operandum pia aliqua iniecta cogitatione, quam appellat Tridentina Synodus vocationem Dei: eamque partitur Augustinus

*Quæ ad  
meritum re-  
quiruntur.*

*Concil. Trid.  
Sess. 6. c. 16*

*Concil. Au-  
ros. 2. c. 17.*

*Meritum  
effectus  
gratiæ di-  
uinitis.*

Z Z z

in con-



*August.  
tract. 16.  
Ioan. de  
bon. persequ.  
cap. 14. lib.  
1. ad Simp-  
plic. 42. de  
corrupt. &  
grat. cap. 7.  
de predest.  
sanctor. cap.  
3. & 19.*

*August. de  
spir. & lit.  
cap. 34. de  
bon. persequ.  
cap. 14.*

*Celestin.  
rom. 1.  
Concil.*

*Concil. Au-  
rosc. 1. c. 18*

*Merita no-  
stra Chri-  
sti gloria.*

in congruam, seu secundum propositum, & non congruam. Prouocamur etiam nonnunquam ac praeuenimur à Deo illato nobis bono motu voluntatis indeliberato ac subitaneo: cui sicut & vocationi liberrime consentire possumus: ita ut prima diuinæ gratiæ impressio in nobis sit suasio quædam, vocatio, & illuminatio à Deo: quæ operationes sunt mentis; quod mille in locis inculcat Augustinus. Atque hinc statuit Concilium Tridentinum nos liberrime Deo cooperari. Quando autem efficaciter id volumus consentientes, quod diuinitus suaderetur, reperitur tunc in nobis virtus gratiæ adiuuantis & cooperantis: eademque mentis collustratio seu vocatio Dei, voluntati cooperatur ad assensum eliciendum: uti expressissime decernit Concilium Tridentinum. Quando (ut inquit D. Augustinus.) Deus suasionibus suis facit ut velimus: & cum congrua mentibus audimus verba, vel signa conspiciamus. Quamobrem sicut ortus & principium operis meritorij desumuntur à gratia Dei excitante & adiuuante, ita eiusdem valor uti à quodam fonte deriuatur ab illa gratia habituali, quæ vera est coram Deo sanctitas animæ & iustitia: eatenus meritum existit, quatenus ex se bonum, ab homine iusto atque Dei amico profectum. Quod quidē aperte significauit Celestinus Papa: *Tanta enim erga homines est bonitas Dei, ut nostra velit esse merita, quæ sunt ipsius dona: & pro his quæ largitus est, æterna præmia sit donatus.* Atque ut definit Concil. Aurolic: *Debetur merces bonis operibus, si fiant: sed gratia, quæ non debetur, præcedit, ut fiant.* Ex quibus etiam liquet, quam crassa ignorantia cum singulari malevolentia sectariorum animos hactenus tenuerit; qui nobis orthodoxis exinde Pelagianismum affingere voluerunt, quod operum merita sententijs nostris stabiliuimus. Quid? an nō Celestinus Papa, Concilij Aurolicani Patres optime mentem Pelagij nouerunt, cuius errorem damnarunt ac eliminarunt? Hi tamen (ut iam vidimus) operum bonorum meritum agnouerunt ac deprædicarunt. Discant iam tandem (si velint) Pelagium reiectum ab Ecclesia, non quod meritum adstruxerit, sed quod illud sine gratiæ adiutorio constituerit. Nos autem ad minus triplicem gratiam operi meritorio requisitam decernimus: excitantē, cooperantē, & sanctificantē. Facestant quoque calumniari nobis, quasi meritis nostris Christi gloriæ ac dignitati quidpiam detrachere velimus: fatemur enim influxum eius gratiæ, radium illius solis, principium esse nostri meriti: eoque magis deprædicandam Christi virtutem dicimus, quo intelligimus non solum in ipso, veluti in fonte, veram iustitiam ac meritum extitisse: quinimo ipsius dono etiam in nobis iustitiā meritumque florere. Nisi vitio vertendum sit vitii,



viti, quod eius palmites succulenti sint, quod sobolescant, vnaſq; proferant: vel fonti, quod plenis gurgitibus & elicibus flumina inde deducta vberime decurrant. Excitant tandem Sectarij extremam hanc ignorationem.

Duo autem sunt, quæ in orthodoxorum scholis disputatione versari solent. Prius, num sola coniunctio ex parte subiecti operis boni, etiam facti ex gratia Dei preueniente & adiuvante, cum gratia sanctificante sufficiat ad virtutem & valorem operis meritorij: vel an ad meritum vitæ æternæ condignum requiratur imperium aliquod charitatis: ita vt opus illud bonum actu vel virtute, nempe ex vi prioris intentionis, referatur in Deum summe dilectum, eiusque amoris ergo ab homine exprimat. Communior receptiorq; penes recentiores Theologos ea existit sententia, qua dicitur ad huiusmodi meritum prorsus requiri imperium illud charitatis, ac relationem in Deum: neq; ad illud facere satis vnionē cum iustitia, tametsi aliunde moraliter sit bonū opus effectumq; à diuina gratia. Ita Barthol. Medina, Illustrissimus Card. Bellarminus, præceptor meus: cuius eximia doctrina, cum præstantissima illa animi submissione, non minus olim scholam illustravit, quam nunc eius purpura consistoriū: Greg. à Valent. & alij: antiquiores etiam sequuti, Scotum & Durandum. Quæquidē opinio duobus vel maxime innititur. Primum, quod Sacre literæ vim hanc meritoriam passim attribuant charitati, illique referant promissam æternam beatitudinem. Alterum ducitur ex ratione: inde nimirum quod nihil apud aliquem remuneratorem quicquid præmij vllus meretur, nisi eius intuitu opus fiat: eapropter necessariū videtur vt Dei amor illos imperet actus, qui meritorij censentur. Ceterum alij, grauissimi quoque Theologi, aliter sentiunt ac statuunt, relationem nempe hanc operum ex charitate in Deum non vsque adeo esse requisitam: quin absque ea existat meritum, modo adsint reliqua quæ supra recensuimus. Ita doctissimus Victoria, Dominic. à Soto. Card. Caietan. Capreol. & alij. Quorum sententiam si exacte ad doctrinam Concilij Tridentini expendere velimus, vero omnino consentire reperiemus. Cum enim illud Concilium influxum perennem Christi in iustos enarrasset, hæc subiunxit: *Nihil ipsis iustificationis amplius deesse credendum est, quo minus plene illis quidem operibus, quæ in Deo sunt facta, diuina legi pro huius vitæ statu satisfecisse, & vitam æternam suo etiam tempore si tamen in gratia discesserint, consequendam, vere promississe censeantur.* Sunt itaque ex mente concilij ea iustorum opera meritoria, quæ in Deo sunt facta. Hoc autem prouenire inde superius dixerat, quod Christus in eos

*Vtrum ad meritū requiratur imperium charitatis.*

*Medina 1. 2 q. 114. art. 4. Bellarm. lib. 5. de iustif. cap. 15. Valent. 1. 2. de effect. grat. q. 6. disp. 8. præf. 3. Scot. in 1. d. 4. 1 q. 10. Durand in 1. d. 4. q. 2.*

*Victoria relect. 7. Sot. lib. 3. de nat. & grat. cap. 4. Caiet. 1. 2. q. 21. art. 2. Capreol. in 2. disp. 40. Concil. Trid. sess. 6. c. 16.*

Z Z Z :

tanquam



tanquam vitis in palmites iugiter influat, efficiendo in illis gratiam, quæ eorum bona opera continuo antecedit, comitatur, & subsequitur. Quam quidem gratiam, ex tali iugi Christi influentia, omnia prorsus bona iustorum opera annexam habent. Quocirca hinc absque relatione ex charitate, quæ minime omnibus eorum bonis operibus adest, sufficiens causa meriti constituetur. Atque in operibus Christi Domini hoc clarissime elucet: in quibus inerat meriti valor infinitus, ratione solus vnionis hypostaticæ ex parte subiecti, absque relatione eorundem in Deum ex charitate. Quod itaque in Christo præstitit absque finitione gradus vnio personalis, hoc in operibus iustorum bonis efficiet restricte & moderate gratia iustitiæ & sanctitatis. Quando autem scripturæ vim merendi charitati adscribunt: docent tantum inter omnes aliarum virtutum actus, hunc charitatis in genere meritorio esse eminentissimum: atq; habitualement gratiam, quam habitualement appello (de more scholæ celebrioris) charitatem, principium esse merendi: vnde omnia iustorum opera suum valorem mutuuntur: interim relationem illam ex charitate omnino necessariam esse denegemus. Quod vero dicebatur intuitu remuneratoris merita existere: esto verum sit; hunc tamen intuitum de integro in relatione ex charitate non constituimus: sed in eo potius quod hominem Deus destinarit ad finem supernaturalem, ipsumque suæ gratiæ impulsu instigarit ad optimam virtutum instituta: quæ ipsius amoris ac honori ancillantur.

*Utrum opera  
propria ha-  
beant iusti-  
tiam.*

*Amor Dei  
& contritio  
ante gratiā  
infusam nō  
sunt iustitia.  
Cōcil. Trid.  
Sess. 6. c. 7.*

Alterum, quod in disceptationem venit est, ytrum opera meritoria, ex iustitia illa habituali profecta, in suo genere formam contineant iustitiæ, distinctam à gratia sanctificante: vel an omnis iustitia illa sola habituali gratia includatur. Quæstio in duplici specie actuum institui poterit. Primo, circa eos, qui disponunt ad hanc iustitiam, maxime qui censentur ultimæ dispositiones ad eandem: utpote actus contritionis & amoris erga Deum. Secundo, quæritur de operibus bonis, quæ supponunt hanc iustitiam infusam. Circa prius nonnulli autumant actum talem contritionis seu amoris formalem esse iustitiam ex se, dignamque satisfactionem pro peccato: tamen si secretus esset ac separatus à gratia habituali: eo quod huiusmodi actu recedat affectus à peccato, conuertatque se ad Deum. Existimo tamen nullum actum, seorsim sumptum à gratia habituali, formalem iustitiam implicare, sed meritoriam tantum de congruo, aut dispositiuam: quod & clarissime mihi definire videtur Concil. Trident; cum dicat actum amoris ac contritionis disponere ad iustitiam, ac implorare veniam peccatorum: non



non ergo sunt ipsa forma iustitiæ, expiatio plena delicti, aut deterfio illius maculæ: hæc enim primo conueniunt habituali iustitiæ, cui viam muniunt actus illi, vti dispositiones accommodæ. Si autem sermo sit de eis actibus bonis, qui supponunt iustitiam habitus & qualitatis, ac ab illa actu procedunt aut virtute: Illustrissimus Cardinalis Bellarminus existimat, nullum huiusmodi actum hominem formaliter iustum constituere, sed meritorie solum: quod sane haud improbabili coniectura elici videtur ex verbis Concilij Tridentini. Nam cum declarasset Concil. quinam virtutum actus necessariæ essent dispositiones ad iustitiæ gratiam: hanc ipsam, quam à quolibet actu distinguit, affirmat vnicam esse causam formalem iustificationis nostræ. Vnde istius quidem incrementum mereri poterunt bona opera, nunquam tamen iustitia erunt formalis. Vt in hac re quid sentiam dicam: iudico negari non posse, quin fatendum hæc bona opera iulorum in se formaliter habere valorem meriti, qui alia sit forma ab ipsa gratia habituali. Nam valor iste non existit, nisi homine studiose operante: & nunc maior est, nunc minor: idcirco aliud quid erit à gratia habituali, tamen ex ea dimanet. Quod si verum sit, mihi difficile tunc videtur valorem hunc supernaturalem, cui præmium cæleste respondit, secernere à iustitia formali. Nam sicut operationes virtutum moralium, vtpote iustitiæ, hominem constituunt bonum ac iustum, pluresque actus meliorem ac iustiores: tamen habitus omnino non darentur: ita operationes supernaturales, profectus ex iustitia, hominem reddent bonum ac iustum, & frequentius meliorem ac iustiores. Nam quo quis maius præmium apud Deum meretur, eo ipso formaliter (sicut habitus incrementum non capiat) dignior est ac dignior mercede, Deo charior ac charior, sanctior & sanctior. Iam mihi separari & discriminari non posse videntur à iustitia, dignitas ad præmium, sanctitas, honestas supernaturalis, aut illud, quod hominem Deo chariorem reddit. Habebunt itaque hæc merita in suo genere formalem iustitiam: nimirum actualem. Neque istis obstare existimo auctoritatem Concilij. Nam cum dicat habitualement gratiam vnicam esse nostram iustitiam formalem, intelligit eam primam, ad quam destinantur dispositiones actuales, atque ab hac manare in actus quoscunque actualem iustitiam: sicut ab eadem profuit valor meriti. Sane Philosophi in actu præcipuum hominis decus & ornamentum collocarunt, ad quem habitus referuntur. At in istis nihil tam spectandum, quam Concilij decretum. Proinde priorem sententiam non ausim repudiare: solum ostendere volui, quid mens mea in illa difficultatis conceperit.

*Bellar. lib.  
2. iustif.  
cap. 15.*

*Arist. 7.  
Eth. cap. 17.*

Z Z z 3

Quæ



Quenam  
cadunt sub  
merito.  
2. Tim. 4.  
1. Cor. 9.  
Math. 20.

Valent. 1.2  
q. de effect.  
grat. disp. 8  
punct. 4.

Cōcil. Trid.  
Sess. 6.  
can. 11.

Proverb. 4.  
August. n.  
Ep. 106.

Opinio or-  
thodoxorū  
de merito  
honestati  
fauet.

Quæ autem sub hoc meritum cadunt, duo præsertim sunt, retributio nimirum æterna, augmentum gratiæ & iustitiæ: cetera ut ad hæc spectantia. Felicitatem quidem sæpius scripturæ coronam, brauium, denarium diurnum vocitant: quibus nominibus indicatur actionibus iustis eam uti meritis respondere. Ad huius autem acquisitionem plane necessaria diuina promissio, nostris operibus felicitatis pondus uti præmium constituens. Stipendium enim ex iure æquitatis laboranti non debetur, nisi conuentione prius facta. Multum tamen displicet quod Gregor. à Valent. sentit: qui seclusa hac gratuita Dei pollicitatione, ita de operum valore pronunciat: *Longe superat illam præstantiam dignitas æterna vitæ.* Hinc namque sequitur, nullum hominis iusti opus in rei veritate valorem condignum habere præmio cælesti: sed omnem poni in acceptatione Dei ac fauore eius extrinseco. Quemadmodum illi sentiunt de iustitia infusa, qui dicunt sine noua imputatione meriti Christi & Dei benignitate superaddita, illam veram non esse hominis iustitiam, aut debitam plenamque peccati expiationem: quod omnino Concil. Trid. reiecit: sic enim homines re ipsa iusti non esset, sed fauore tantum extrinseco ita denominati. Eadem nota eorum sententia inurenda, qui operum valorem reuocant non ad influxum gratiæ & iustitiæ, sed ad promissionem Dei: sic enim summa & forma illius valoris ab extrinseco Dei fauore dependerent: quod sane Tridentinæ Synodo prorsus repugnat. Huic etiam valori non solum debetur gloriæ corona, cuius semen dicitur & arrha, sed & augmentum iustitiæ. Hoc luculentum faciunt ea scripturæ loca, quæ diuersitatem præmij cælestis indicant. Nam ut testatur Sapiens: *Iustorum semita quasi lux splendens procedit, & crescit usque ad perfectum diem.* Et D. Augustin: *Non gratiam Dei aliquid meriti præcedit, sed ipsa gratia meretur augeri, ut aucta mereatur & perfici.*

Hoc autem orthodoxorum dogma de operum valore susceptum, si vitæ innocentia morumque candor spectentur, ipso sole purius ac nitidius comparebit; vitam sane nostram auream gemmeamque reddit. Curam adfert & peruigilem animæ sollicitudinem, ne vasis fictilibus æternæ gloriæ pondus illatum excidat aliquando, nobisque pereat. Animos adducit rectissima istec opinio, ut ne cunctanter quidem aut languide difficilia, & quæ heroica sunt virtutum opera, aggrediamur: sed potius uti omni alacritate expediti, optima spe erecti, durissima quæque tentemus ac superemus: stellis plane animam carnemque insignit, Salomonis thronū exquisita opera exornat, in quo resideat imperetque cælestis ille Spiritus, ac diuinum Numen. Qua æstimatione imbuti homines, imitantur diligentiam ac mirabilem illam formicæ solertiam.



solertiam. Cogitantes etenim se breui ex hac vita ad aliam transi-  
 ros, nihil solliciti in hac mora concedentes, bonorum operum thesau-  
 ros premitunt, qui in ipsis celis recondantur. *Quo fur & latro non appro-* Luc. 12.  
*pian.* Causam ipsorum apud Deum emolumenta hæc virtutum agere  
 arbitrantur; illisque refugium preparare: vbi tanquam post diuturnio-  
 rem iactationem, ex hoc mortalis corporis æstuoso mare eieci, etiam Luc. 16.  
 cum fodere non valent, & mendicare erubescunt, suauissime excipi-  
 antur. Congestis itaque optimarum actionum diuitijs, quæ vna nobis-  
 cum ad supernos euolant, securi reddimur: quæcunque demum cala-  
 mitas, casus, vel mortis inopina acerbitas in nos inuasit. Pecuniæ  
 quidem contento studio corrasæ fisco addictæ pereunt, aut nobis pe-  
 nitent excidunt: & cum ad funus ventum fuerit, nudos nos relinquent  
 & imparatos. Hominem applausus tunc silebunt, fastigium honoris ad  
 pulueres dimissum lugubre aut nullum apparebit: pristinos excursæ  
 vitæ ac diurni solis splendores atra nox abscondet, tempusque edax  
 gestorum memoriam oblitterabit. At merita, si quæ expresserint mores  
 nostri, animam munient perpetuo, atque ad iudicis supremi perferen-  
 dam sententiam eam idoneam constituent, ac bene comparatam exhi-  
 bebunt. Premiorum spem illi ingerent, quæ vim fortunæ vt auferan-  
 tur, nostramque intelligentiam, vt percipiantur, longissime superant  
 & excedunt. Quid acrius hac opinione ad virtutis institutum? quid  
 fortius ad sustinendum mortis aut alterius infortunij malum? Cyprian.  
*tem* (inquit Cyprian.) *charissimi, operantium gloria? quam grandis & summa* Ep. 57.  
*letitia? cum populum suum Dominus ceperit recensere, & meritis atque nostris præ-* serm. de  
*miis promissa retribuere; pro terrenis celestia, pro temporalibus sempiterna, pro modicis* elemos.  
*magna præstare?* Et vt ex cupiditate auri auarus omnia oculis lustrat,  
 vnde lucri odor aliquis possit efflari, manu, quæ arripuerit, probat so-  
 lertiter, immensa terrarum spatia emetitur itinere: ita cuius animo in-  
 siderit altius ea fides, qua creditur optimis virtutū conatibus celestem  
 beatitatem, vt stipendium atque premium exponi acquirendum, nihil  
 boni intentatum relinquet sanctissime auarus, & auare sanctus: vnde  
 in momento actionum ad coronam spectante ditior eiusque copia  
 auctior euadat. Asperum est virtutis studium, spinis implexum: at me-  
 ritorium, quæstuosum; proinde gratissimū, suauissimum, & floribus re-  
 spersum. Hæc vna vis meriti mentis cogitatione concepta, homines Matth. 21.  
 aquilas facit agili penna ad superos conuolantes; ceruos efficit velo-  
 cissimos, cum vitiorum serpentes extinxerint, ad aquarum fontes  
 properantes, qui effluunt in Paradiso Dei: pugnaces & quasi feroces  
 leones constituit contra hostes quoslibet cum virtutis tum veritatis.

Hæc



Hæc gemma est, quam sapiens ille suis rebus insumptis provide est mercatus, præcium coronæ est, pro qua vel abiectissimus acriter decerraret; denique animi est munimentum aduersum mala omnia, atque ex ipsis malis optimus proventus.

Quocirca D. Cyprianus, cum præuidisset mente certissimis inspectis signis, atram quandam dirissimæ persecutionis nebulam Ecclesiasticæ pacis & amœnitatis solem, quo tunc pij fruebantur, illorum oculis erepturam breui, eos istis est adhortatus: *Diuinæ misericordiæ concilijs salubribus admonemur, appropinquare iam certaminis & agonis nostri diem: ieiunijs, vigilijs, orationibus insistere cum omni plebe non desinamus: incumbamus gemitibus assiduis & deprecationibus crebris: hæc sunt enim nobis arma celestia, quæ stare & perseuerare fortiter faciunt.* Indidem virginittis, cælibatus, & viduitatis cultus penes orthodoxos procedit: hinc fluunt alia opera aspera quidem & difficilia, utpote ieiunium, carnis maceratio, ipsius vitæ ac sanguinis liba, in quibus spes vna meriti & retributionis nutantem ceteroquin animum erigit & sustentat: creditur siquidem in vanum ac cassum non effundi tantam contentionem, neque inutiliter prorsus perpeffionem hanc fore susceptam. Nam ut inquit Tertull: *Non possunt separari in mercede, quæ sancta opera coniungit, nam & sacrificia Deo grata, consiliatationes dico animæ, ieiunia & seras & aridas escas, & appendices huius officij sordes. Virginitas quoque & viduitas & modestia, de bonis carnis Deo adoleatur: cuius mundicias amat, cuius castigationes probat, cuius passionis sibi adprecia.*

Merito statuitur ex præmij in æqualitate, & eo homines incitatur ad virtutem.

Iovin abud Hieron l. 2 cont. ipsum

2. Cor. 9.

1. Cor. 15.

Quod si quis animo sit excelliori, & diuinæ gratiæ subsidio cõnexus, ad eminentem felicitatis gradum adspirat: vnicum is medium habebit operis meritorij insignem præstantiam. Nemo autem est, qui diuinis Chirographis fidem adhibet, diffitebitur disparem esse sortem & conditionem beatorum. Ioviniana dementia aliter sensit, Lutherana vecordia contrarium statuit: sed quid hi, si conferantur cum luculentis Scripturæ testimonijs, cum Catholicæ Ecclesiæ proceribus? *Vnusquisque* (inquit Apostolus) *propriam mercedem accipiet secundum suum laborem.* En mercedem, en eiusdem inæqualitatem ex laboris discriminare. Quid cecutis, quid fugis, quid deliras Sectarie? *Sicut stella à stella differt in claritate, sic & resurrectio mortuorum.* Cælo infixæ sunt omnes stellæ, sed non eadem claritudine fulgent: ita beati felicitatis communem quandam rationem habent, illam nimirum quæ in Dei aspectu collocatur, vnus tamẽ inde alio beator. Longe etenim absurdũ esset, si nullum mercedis discrimen militem triarium aut ducem veteranum secerneret à nouitio, gregario, vel tyrone: si nihil maioris præmij cum restaret, qui sedulo ipsã vitã idq; ab infantia derriuit, & posuit in exercitio virtutum



tum, quam alium flagitiose gratem transigentem, & sub mortis articulum vno fidei actu Dei promissis credentem. Quis hæc audiens multum laborabit de innocentia, de bonorum operum studio? Sectarij minime quidem actioni intendunt, qui cum summa horrendaque blasphemia eandem iustitiæ & æqualem vim vetulæ aut cuius fidelium popularium decernunt, ac Christo Domino. Ceterum orthodoxi diuersos gradus constituentes cum in iustitiâ ac sanctitate, tum in præmij ipsius donatione, feruentes & exacuati plane euadunt ad virtutū cultum: intelligentes omnem illam discrepantiam ex actionum formis oriri & propagari. Proinde fortiter agendo ferendoque sibi statuunt vitæ rationem ineundam: hinc lucrum, hinc quæstum, hinc gloriam & coronam expectantes. Nam vt inquit D. Cyrillus: *Si parum laboraueris, parum accipies; si vero multum operaberis, multa te merces manet.* Quod quidē ita rationi est consentiens: vt in ipsa Dei prouidentia defixas sui habeat causas. Si enim ad Deum humanarum rerum cura spectet, ipseque (vt Apostolus definit) laborantium sit remunerator, euident omnino est pro qualitate operis & contentionis, præmium homini rependendū. Est iustus iudex, est cordiū inspector Deus, omnia trutinat, rectissimeque præmiat. An non impij Sectarij, qui vim meriti eximenes Dei prouidentiam penitus tollunt, aut præposteram reddunt? Si meritum non existat, vbi iustus iudex? vbi libra, vbi tribunal, vbi factorum inquisitio, vbi ventilabrum, vbi ignis, vbi horreum, vbi Deus? Alius sensus fuit Tertulliano, qui asserit: *Quomodo multe mansiones apud patrem, si non pro varietate meritorum; quomodo stella à stella differt à gloria, nisi pro diuersitate radiorum?* In eandem quoque sententiam Clem. Alexand: *Proportione habita sunt variae mansiones pro dignitate & meritis eorum, qui cre-* diderunt.

Cyrillus  
hieros.  
Catech. 13.

Rom. 1.

Tertul. in  
S.orp.

Clem. Alex  
6. Strom.

Lustremus modo oculis tenebricosa & Ægyptiaca Sectariorū castra: si tamen molestum non sit splendentes orthodoxorum castris, stellarum horum cælum aspectu deferere, & nescio quas paludes & lacus pessimorum hominum intueri. Hi quidem Gnosticos & Catharos agunt; nihil noui excogitare aut inuehere hætenus potuit ipsorum tarditas: vetera solum postliminio reuocauit & amplificauit. Nihil etenim meriti honestis actionibus attribuentes fædo & polluto dogmate Euangelium corruperunt, omni scelerum turpitudine terrarum orbem coinquinarunt, liberratem peccandi hominibus concedunt, affirmantes quaslibet pessimorum conatum fæces vna fide idque in momento absorberi: hos autem veris coloribus, eisdemq; antiquissi-

Hæretici  
impuri me-  
ritum ne-  
gantes.

Iren. lib. 1.

cap. 1.

A A a a

etiam



etiam usque in mentibus nostris & sermonibus peccare, arguunt quasi idiotas & nihil scientes. Semetipsos extollunt, perfectos vocantes & semina electionis. Quapropter nobis quidem, quos Psychicos, animales vocant, & de seculo esse dicunt, necessariam continentiam & bonam operationem, uti per eam veniamus in medietatis locum: sibi autē spiritualibus & perfectis vocatis nullo modo. Iam videbimus an Lutherus & Calvinus in eandem cum Gnosticis lacunam deuoluti sint, nec ne; aliosque eo precipitare sategerint. Notissimum est Sectarios de quodam suo spiritu gloriari: mirifice sane hunc spiritum venditant: in popinis & lustris, mustoque pleni spiritum eructant: iidem in rostris insulsi, & ad risum audientium differentes, vel rabide in orthodoxos debacchantes, spiritum suum immaniter effundunt: nihil demum moliantur sine spiritu vigiles aut dormientes. Quo spiritu frater etiam tutor audaciter pronunciat se in sui cerebri cancellis confessum habere concilij generalis, quo de omnibus in fide controuersis, aut in scriptura obscure dictis, tuto ac veraciter definire possit. Nos vero illorum fabulis, monstris, & enthusiasmis fidem non adhibentes, psychicos seu animales & rudes vocitant, homines in tenebris educatos & Cimerios. Quam belle apteque Gnostici illi: nos orthodoxi! An vero etiam in reliquis sympathiam habeant cum eisdem, ex Lutheri verbis id colligi valebit. *Erga Deum nullis operibus, sed nuda indigemus fide.* Confectarium est irrita facienda emissa vota, ableganda ieiunia ut insuauia, bonorum operum difficilem usum ad supersticiosos Romanos amandandū: ita Gnosticus Lutherus. Et ne existimaret quispiā in probis honestisque concilijs elegantem elucere aliquā formam, cuius aspectu animus ad recta officia incitaretur: vultum & faciem quasi præclaræ contentionis tanta dignitate nitentem fœdissima labe deformauit Lutherus: omnia bona opera, etiam peccata esse mortifera, Deo inuisa, hominisque naturæ contraria adstruens: *Constante dicimus (inquit) orando etiam peccare iustum, iuxta illud Psalmi, & oratio eius fiat in peccatum.* Et alibi: *Omnia opera bona, etiam optime facta, sunt peccata, & quidem mortalia secundum Dei iustitiam.* Demum hæc: *Quanto sceleratior es, tanto citius Deus gratiam infundit.* An non hac acutissima ardentiaque sunt calcaria ad honestatem? Quis Lutherana imbutus fide amplius curabit bene operari? nisi alicui curæ esse oporteat grauius peccare, & diuinam maiestatem offendere. Iniquitas est pariter (Caluino docente) orare Numen, eleemosynis indigentium in ediam subleuare: tutius idcirco, imo honestius ac melius omnino (ex horum sententia) ab istis actionibus, quæ dicuntur bonæ desistere, quam illas suscipere: in illo enim innocentia, in hoc culpa. Atque Calvinistico

more

Luther.  
serm. de  
pisc. Pet.

Serm de  
Ascension.  
Art. 32.  
Serm de  
pisc. Pet.



more homini iusto optabilissimum erit perpetuo dormire, lethargo  
 oprimi, aut à mente excidere: sic enim noxa vacaret: fides autem se-  
 mel acquisita floureret perpetuo, Christi que iustitiam eadem sibi arri-  
 peret: quo nihil diuinius aut perfectus: sin vero vigilet (quod raro  
 facit) & quidpiam actione molietur, id omne ilico peccatū est. An non  
 proinde tutius dormire, quam vigilare, furere, quam ratione duci, otio  
 torpere, quam operi insistere? Nam qui post infusam fidem totam  
 vitam stertit, equalem iustitiam habebit cum illo, qui vel Apostoli mu-  
 nere est defunctus, & pauciora peccata: quicquid enim iste gesserit,  
 peccatum est, Dei odium continens. Quam felix Calvinista, ipsius  
 etiā iudicio, si modo semel parata iustitia lethargicus continuo esset, aut  
 papauere potatus. Neque Christus augustius beneficium suis modo  
 iustis conferre poterit, quam somnum aut phrenesin. Votis potiuntur  
 suis: de iustitia quippe somniant perpetuo, & in nos indelineret fur-  
 rent. Bestias hasce & delirones quis ulterius disputatione insequere-  
 tur, cum dicant nihil homini iusto beatius accidere quam somnum  
 aut animi deliquium? Vel si id pernegent, ex ipsorum placitis aper-  
 rissime sequi comprobatur. Atque ut Gnostica turpitudinis fun-  
 dum attingisse videatur Lutherus, ne aliquis fidens Dei promissis pec-  
 candi malo absterretur, suam in omnibus libidinem non expleret, hæc  
 inculcit: *Vide quam diues sis homo Christianus, siue baptizatus, qui etiam volens* *Luther. in*  
*non potest perdere salutem suam quantiscunque peccatis, nisi nalis credere. Nulla enim* *captiuit.*  
*peccata illum damnare possunt, nisi sola incredulitas. Cetera omnia si credat, vel stet*  
*fides in promissionem diuinam baptizato factam, in momento absorbentur per eandem* *Iob. 40.*  
*fidem. Quam voracem fidem iste comminiscitur? Et habet fiduciam quod*  
*insuat Iordanis in os eius. Tandem indulgentias largitur Lutherus, ac fi-* *Indulgen-*  
*deli potestatem facit scortari, sanguini insidiari, datam fidem violare,* *tie Luth-*  
*patriam prodere: hæc enim vna fide absorbentur. Quales istæ forbi-* *ranica.*  
*tiuncula? Vti ebrietate Saxonica vinum, sic fide Lutherana pecca-*  
*tum absorbetur. At non Theologus argumento fretus in hunc canem*  
*insurgat amplius, sed potius ciuilis magistratus fustæ maltigiam abi-*  
*gat. Epicureus prorsus ac Gnosticus Lutherus. Et tamen quorundam*  
*iudicio homo diuinitus missus ad purgandam Ecclesiam. Purgauit ne?*  
*quibus deum pharmacis? ipsis peccandi libidinibus, & quadam fide*  
*voratrice scelerum, & ad instar aquæ fortis exedente rubignes crimi-*  
*num. Sed eat ad stigem medicus iste cum purgamentis suis, vnde*  
*emerfit. Neque Luthero Calvinus quicquam innocentior ac purior*  
*videtur, nisi forte Sodomiticæ flammæ ipsum decoxerint: qui actioni-*  
*bus virtutū nihil desert, sed potius criminis omnes insinulat. Cui si*  
*aliquis*



*Prudentius  
male ope-  
rari quam  
bene, ex  
sententia  
Calumi.*

*Ambros. lib  
10. ep.  
ep. 82.*

aliquis consentiat, is nihil pensi habebit bene operari: præterquam enim quod honesta institutio sensui sit insuavis & molesta, implicat quoque de mente ipsius maculam peccati: alia autem tetra facinora horum vnum tantum habent; appetitui namque arident, tamen si fæda sint & deformia: quod malum fides statim etiam aufert & absorbet, vel quodam inuolucro tegit. An non ad prudentiæ normam rectius erit idcirco voluptates conseruari, quam virtutes? Porro quis ad ea studia vitæ aspera se accinget & comparabit, quæ vanissima sunt, & in nihil tandem abitura? Huiusmodi ex mente Caluini censentur omnes plane virtutum molitiones. Etenim susceptæ iustitiæ augmentum non adferunt, neque præmium in cælis habent: intercidunt ergo tandem, & perinde erit ac si expressæ nunquam fuissent. Disuademus hominibus studium diuitiarum, cupidias, & alia sensuum blandimenta, utpote aucupia, venationes, & similia, eam adferentes rationem, quod vana sint, & breui interitura: neque aliquid illorum aduentante fato remansurum. Sectarij operis meritum dum inficias eunt, pariter fatentur bonas actiones res esse vanas, quandoquidem funeri & cineribus in nullo ipsorum effectu, veluti præmio supersint: extinguuntur itaque, cum halitu extremo; nihil post se relinquunt. Et quemadmodum corporis cultus, victus elegantia, ingruente morte velut umbræ fugiunt, nosque nudos deferunt: ita si veri sint Sectarij, omnes virtutum conatus in vita editi, cum mors sensus oppresserit, peribunt, ac in tenuem solum famam viuientium resoluentur. Si hoc non sit studiosæ vitæ nervos succidere, atque in hominis pectore exilientes flammæ virtutum plane expellere, nihil ad illud vel à Satana inuentum conducet: ut enim inquit D. Ambrosius: *Quæ virgo audiat nullum præmium esse integritatis, & non ingemiscat? (absit enim ut facile credat) certe ut non studia deponat, & intentionem suam deflectat? Quæ vidua cum conceperit nullum esse fructum viduitatis, malit seruare fidem coniugij, & in tristibus degere, quam lætioribus se credere? Quæ coniugij districta vinculo, si audiat quod nullus hos nos castitatis sit, non possit incuriosa tentari corporis aut mentis facilitate? Deplo-randa nostra tempora, quæ hæc hominum monstra Lutherum & Caluinum Gnosticos ediderunt. Infelicia & nulla illorum ingenia, qui post Augustinum, Ambrosium, Hieronymum, Gregorium, aliosque nitidissimos & purissimos Catholicæ Ecclesiæ proceres, omni barbarie inmanioribus & ipsa fæditate coinquinatioribus Sectarijs fidem adhibuerunt.*

*Bene-*



*Beneficio legis naturalis, diuinæ, ciuilib, & Ecclesiasticæ, interueniente sanctissimi spiritus gratia, puritatem animæ & vitæ innocentiam orthodoxi acceptam ferunt: Sectarij vero, qui vna fide se in libertatem assertos credunt, solutissimi sunt & liberrimi ad omnia flagitia, & (vt loquitur Scriptura) inde potentes ad iniquitatem.* *Esaie.*

## CAPVT XXIX.

**Q**uam diligentem accuratamque se ostentat diuina providentia in nostro bono procurando, vnde humanæ animæ integritas emineret, & ex morum ratione inita, sincera quædā vitæ honestas eliceretur: nemini obscurum erit, qui secum rerum momenta peniculatius expendit. Ingenita siquidem imprimis illa naturæ rationis lux nihil tam intuetur vel admiratur, quam virtutis exquisitam ac elegantem formam: hanc sua cogitatione depingit splendide, illiusque cupiditate affectum mirifice accendit. Vniuersi subinde partes aspectabiles despicit: mox in notionem Numinis ac tanti boni authoris deueniens, non libidini explendæ, sed diuino cultui rectisque actionibus perficiendis, hæc omnia ancillari clarissime testatur ac videt. Ne autem hanc lucem noxia aliqua caligo erroris infuscaret, eiusve aspectum falleret, statuit Deus vt inter ipsos homines, quorum coitione ciuiles societates constant, prudentiores quidam eueherentur ad apicem authoritatis, qui aliorum non ratione ita vigentium infirmitati aut tarditati, iusti imperij administratione consulerent, vitæ normam illis ex legis præscripto sanctiorem purioremque decernerent. Ex quo liquet tam diuinam quam humanam, tam ea quæ vnicuique sunt infixæ a natura, quam quæ forinsecus vltro ne munere allata, pro fine & scopo habere hominis perfectionem ex virtutis flagranti amore & vitiorum ingenti odio constituendam. Quod vero attinet ad naturæ legem, inuolabilem ac constantem regulam agendi: hæc nihil aliud est quam mentis præscriptio, qua nobis innotescunt naturæ indito impressoque assensu facienda fugiendaque: illa vtpote dignoscentes rationi consentientia, hæc vero vt ab eadem auersa & distracta. Neque solum in vniuersum hinc constat, bonum actione suscipiendum, malum euitandum: quinimo ex istis capitibus, & veluti principijs synderisi

*Omnia sunt  
illa ad  
hanc  
referuntur  
ad virtutem.*

*Beneficium  
legis natu-  
ralis.*



Rom 2.

notis, morales quamplurimæ consequutiones eodem naturæ lumine deductæ, apertissime percipiuntur: veluti quod supremum Numen sit præcipuo cultu venerandum & amandum: quod appetitus cupiditates ratione sint castigandæ ac refrenandæ: quod in conuictu, iustitiæ & æquitatis norma sit seruanda: quod pietas parentibus, fides amicis exhibenda: quod vagus concubitus sit illicitus, & id generis similia: tamen inter hæc alia alijs nobis & naturæ notiora sint faciliioraque, vt demonstratione probentur, atque ipsa conscientia inferantur. Quo munere gentes donatæ, cum mentes illorum nulla exterius tradita vel exarata lex informasset, aut ad virtutem instituisset, quamplurima ex eis actione præstiterunt, quæ postmodum (id postulante ingenti hominum cupiditate iuxta & inscitia) lege diuinitus lata, sancita, ac firmata fuere. *Gentes quæ legem non habent, naturaliter ea quæ legis sunt faciunt.* Quam quidem legem, idem Apostolus descriptam dicit in cordibus ipsorum, conscientia nempe testimonio inuectam & assertam. Cui, actione nepharia nullus demum repugnare poterit, nisi sentiat in se ex admisso scelere aculeum, animi recessus punctim exagitantem: iudicetque plane se tetrum quid perpetrasse, & à sua ipsius natura alienum. Atque hanc legem perpetuo naturæ infixâ nullus à se excutere poterit, nisi homo desierit esse, animique vim delinquendo brutescens penitus extinxerit. Eiusdem indicatu mens instituta & admonita, virtutis pulcritudinem suspicit & admiratur: atque ad eius amorem eo inclinatur, etiam cum nequiter mores composuerit, in transuersum cupiditatis adacta immanitate: vitij vero truculentam formam, etiam in vetitam illecebram concedens, auersatur plurimum, atque vti vitæ scopulos, vt arenas, vt Sirtes, vt vada, vt præcipitia fugiendam cognoscit. Proinde fieri nequit, vt pro peccato non habeatur id omne, quod à naturæ lege deflectit, quodque eiusdem integritatem temerat ac dissoluit. Atque exinde constat prauos hos animæ conatus eidem maculam inferre, ac summam deformitatem, qua Deo exosa sit, coinquinata & fæda existat, tartareo digna supplicio, indignaque vt illi impurata in Elisios cælestis paradisi campos pateat ingressus. Christiano itaque homini, in quo naturæ præceptio cælesti institutione non aufertur, sed perficitur & excitatur, non incumbit vnice cura credendi: verum etiam ad eius officium spectabit, mores exprimere ad normam & regulam naturalis legis: ne quis opinetur fidem naturæ excidiū intulisse, non ornamentum, vitamque hominis non excoluisse, sed corruptuisse, deprauasse. Violata etenim naturæ lege per actionem rationis iudicio repugnantem, rerum ordo perturbaretur, ciuilis societas non  
subsi-



subfisteret, sed laxatio esset studiorum ad omnia scelera, quæ naturæ intelligentiæ contraveniunt. Quo pacto gratia cum natura acerrime depugnaret, & Deus a seipso, utriusq; author & effector, dissentiret.

Verum quod naturalis hæc lex parum prauo quorundam ingenio obliterata & propemodum extincta fuerat, quædam Deus optimus & maximus, officij integritatem spectans, nobis in lege scripta posuit, *Beneficium legis scriptæ.* alioquin naturæ luce satis nota: utpote cum circa ipsius internum cultum, aliasque iustitiæ & continentię actiones, multa præcepit: uti hoc pacto firmius in memoriam agenda nobis refrigerentur. Porro quod noster finis, in quem ex Dei erga nos benivolentia destinati sumus, naturæ vires ac limites excedat: virtutum Theologicarum præcepta ut fidei, spei, charitatis, annexa sunt: atq; horum rationes cæleste illud S. Spiritus chirographon, sacræ nempe literæ plenissime complectuntur ac describunt. Hæc autem diuina lex duplex dicitur: vna, quæ testamento veteri comprehenditur: altera, quæ nouo & Evangelio enunciatur. In illo quidem antiquo dabantur leges ad mores spectantes, ad iuridicam controuersiarum ac litium definitionem, denique ad inuibrandam vario & multiplici typo futuram mundi per Christum redemptionem: atq; ita leges illæ triplici classe sunt dispartitæ, uti nuncupenter ex illis quædam Morales, quædam iudiciales, quædam vero Ceremoniales. Prioris ordinis sanctiones non abstulit gratia vel fides Evangelij, seu legis nouæ: quorsum enim auferet nobis subsidium illud magnum ad virtutes, vim naturæ & eiusdem ornamenta deleteret? quinimo illis perfectionē adiunxit, & quasi ætatem puerilem ad virilem constantiam acrobatur adduxit: athletas nos constituit Deus fortissimos & operarios solertissimos. Iudicialium vero rigorem & insignem seueritatem placidiori institutione Christum mitigasse, non improbabilius quidem colligunt ex eo facto eius, quo mulierem in adulterio deprehensam pene tali culpæ ex lege debita, suo iudicio ac mitissima sententia subtraxit. Nihilominus (ut multorum fert etiam opinio Theologorum) pro reipublicæ alicuius commodo, etiam apud nos vim legis ex illis iudicialibus aliqua obcinete poterunt. Typica vero & ceremonialis legis pars, veritatis ac substantiæ aduentu penitus fuit abrogata: neq; enim in hac vsura aperte effulset; lucis, vmbreis illis & enigmatibus indigemus. *Gratia & veritas per Iesum Christum facta sunt. Finis enim legis Christus.* Ceterum Evangelicam legem promulgauit ac edixit Messias aduentante præfixo à Deo patre rerum statu & plenitudine temporis. *De Sim exhibet lex, & verbum Domini de Hierusalem illoque sermone in monte habito ad hanc legem spectantia, magna ex parte declarauit.* Neque

Beneficium  
legis scrip-  
ta,

Triplex lex  
antiqua.

10. 2.

1001.1.

ROM. 6.

E/4.2.

Ms. B. 5

D. 17. 1.

2.91.471 d



Neque solum intulit legem Christus Moy saica altiore ac difficilior: verum insuper robur ac gratiam nobis impertiuir, præcipue charitatis ardorem, quibus donati, ea feliciter perfectiusque obseruemus ac præstemus, quæ in mandatis accepimus. Maxima autem cura legislatores nostrum habuit ea tradere monita, quæ ad internos animi mores recte componendos conducere: unde aduersarium se præbuit Phariseis pietatis ac ventosis hominibus, qui externam ceremoniam venditantes solum, nullam ferme de reliquo latentium in anima motuum rationem duxerunt. Singulariter vero & præ omnibus charitatem erga Deum & proximum nobis commendatam reliquit. Sacramentorum usum dillicte præcepit: mentionem quoque fecit nonnullorum operum, quæ appellantur concilia, & egregia etiam sunt adiumenta ad sanctitatem comparandam. Sed quod non omnia ipsemet, vel etiam eius Apostoli, quæ ad Christianum referuntur cultum, literis consignarunt: suæ Ecclesiæ sponsæ charissimæ, columnæ & firmamento veritatis auctoritatem dimandauit condendi leges ritusque sacros tradendi: unde Apostolus: *Obedite præpositis vestris, & subiaceat eis.* Cum etiam Christus parum se immiscuerit negotijs ciuilibus, neque vocis suæ oraculo quicquam ferme politici definierit: interea necessarium sit homines cum socijs & conciuibus suis in familiari vita iuste & amice coherere, ne incertis itineribus vagari, raptu & præda viuerent: in hoc societatis humanæ victu constituuntur iudices & magistratus etiam ab ipsis hominibus, quorum imperio reliqui parerent: existimantes à Deo Principes gladium accepisse, & iurisdictionem in rebus ciuilibus decernendis, statuendisque pro bono religionis atque reipublicæ: intelligentes pariter socialis mandati transcursum non solum penæ reatum acquiri, verum etiam maculam lethalis noxæ animæ inuri, iuxta momentum & pondus violatæ legis; ob quam etiam æterna damnatio delinquenti sit rependenda, nisi maturo pænitentia animi lapsum repararit: *Neque est potestas nisi à Deo, itaque qui potestati resistit, Dei ordinationi resistit*, ut ait Apostolus.

Rom. 13.

*Lex Euangelica maxime opere sua & affectu intent.*

Quæ omnia si rite, exacte, & cogitatæ rationis iudicio trutinauerimus: compertum ilico habebimus Euangelicam legem, cuius obseruatione perfectam animi corporisque libertatem adsequimur, solertem esse & operosissimam: tantum abest à vero, uti vnus fidei actu & (ut ipsi loquuntur) synecdoche coërceatur: aut ut aliorum mandatorum vim eneruet vel elidat socordia ac licentia otiandi. Quod profecto non Scripturis modo, sed & Philosophiæ mentisque humanæ conceptionibus admodum consentiens reperietur. Aristotelis



telis sententia, aliorumque omnium, qui doctrinæ opinione & fama vnquam increbuerunt aut clauerunt, definitur, perfectionem hominis in operatione eius ac contentione animæ esse positam, non in naturæ habilitate, vel habitu acquisito; quæ male se gerentibus vel dormientibus inesse possunt. Quamobrem perfectissima lex, qualem estimamus Euangelicam, instituere debet hominem ad nobilissimum operandi genus, multiplicique virtutis exercitio variegatum quasi distincteque insignitum: quod fidei competere soli nemo prudentum suspicabitur. Quis enim vnquam vel modice ad Christi familiam spectauit quouis tempore, cuius animus illius virtutis radio non fuerit illustratus? viderint idcirco Sectarij, qui Euangelio multum deferre cupiunt, num recte eius pensent dignitatem: imo intelligant se illi grauem iniuriam irrogare, eundem iustitiæ gradum actionisque præstantiam legi & Euangelio suis censuris concedentes. Ceterum orthodoxi honorificentius de Euangelio sentientes, iustitiæ terminos ex lege decretos longe illud transiisse, actionis cum numero tum dignitate atque contento & acri operandi studio iudicarunt rectissime. Cum enim copiosorem gratiam infuderit Euangelium, quam lex, ardentiorque charitatem pectoribus nostris ingesserit Christus, quam Moyses, consequens est vitæ Christianæ instituta perfectissima esse oportere, contentiones nostras acres esse, varias, spiritum ac vigorem spirantes & referentes, procul à carnis illecebris & contagiosa cupiditate semotas; proxime autem ad Deum, cum puritate consilij, tum vehementia affectus accedentes: nullam deniq; esse debere virtutem, in cuius exercitio detriti non sumus, & impigre versatissimi. Exinde voluntaria diuitiarum contemptio, cælibatus votum, sui abiectio & abnegatio ex obedientia, quæ diligentissime Romana Ecclesia semper coluit & obseruauit, promanarunt. Hinc exiliunt fidei cultores, ac discurrere gestiunt per extimos fines ac penitissimas oras terrarum: nihil aduersus barbariei, aut ferociæ, vel itineris molestias extimescentes: ut ipsorum opera infidelium mentes fidei luce imbuantur, in qua ipsum Deum morumque honestatem despiciant ac contemplantur. Hinc perpeffu aspera quæque sponte quæsitæ ab orthodoxis: corporis laniena & immanitas expetita voto ardente, uti vel innocti cruoris sui effusione Euangelica veritas consignata, Ethnicis admiranda ac credenda, fidelibus vero ac posteritati honoranda colendaque habeatur. In quibus institutis operisque solertia adeo illustris semper exitit Ecclesia: uti non solum Philosophorum Athanas gloria & splendore superarit; verum etiam Iudæorum Synagogas, & hæreticorum.

B B b

corum.



corum omnium cætus & latibula quam longissime exceſſerit. In his decus noſtrum illuxit, libertas eſt ſpatiata & amplificata: non operum compendio reſtricta, ſed operum impendio ac varietate diſtinctiſſima: non nobis nihil agentibus, ſed ſuccidanea induſtria pertinaciſſime laborantibus.

*Iconomia  
Chriſti de  
mini nos  
prouocat  
ad opera.*

*Ioan. 8.*

*Libertas  
per Chriſtū  
que.  
Pſal. 40.*

Et vti omnes partes Euangelicæ libertatis enucleate recenſeamus, quamque appoſite ſecernamus à ſomnolentia hēretica aut Epicuræa Sectariorum turpitudine: primo in loco recolendum mente, Chriſtum Dominum ſanguinis ſui pretio humani generis demeritum & originarium piaculum expiaſſe. Debeamus enim cuncti ſecundum iuſtiæ rigorem, propter errorem Protoplaſtæ, omni deſtitui diuinæ gratiæ ſubſidio, quo nobis illatum damnum propulſaretur. Deinde aliquibus in ipſum credentibus, atque amore veræ iuſtiæ ſuccenſis illam infudit ſanctitatem, qua peccati ſeruitus ac iugum illis excuterentur, non fictitia exiſtimatione aut arte deluſoria (vti cum ſumma Chriſti iniuria Sectarij cōminiscuntur) ſed interiori renouatione, regeneratione, ablutione, atque deperditæ formæ reſtitutione: nam vt ait Euangelista: *Si vos filius liberauit, vere liberi eſtis.* Poſtmodum ita iuſticia donatos, non exemit ab omni cura obſeruandi legem Naturalem, Diuinam, Eccleſiaſticam, aut Ciuilem, neque à votis ſponte emiſſis abſoluit: hoc etenim nequaquam in vitæ noſtræ dignitatem cederet, ſed potius in eius dedecus, detrimentum, ac vituperium: quod ita oſtendo. Maniſteſtum eſt hominis perfectionem collocatam eſſe in operatione virtutis: ſedenim præcepta ac leges plurimum conducunt ad exercitium virtutum; nobis namque mandant non niſi officia & imperata virtutum, quibus conſilia noſtra adſtringunt, & ad quosdam conatus nos deferunt honeſtos, quos alioquin niſi lex aut votum iuberet, haud ſuſciperemus, vel de illis animis cogitaremus. In hoc ergo elucet potius Chriſtiana præſtantia, quod præceptionibus virtutum, quod principum ſancitis, quod Eccleſiæ ſtatutis, quod votis noſtris, omni denique vinculorum genere, virtutibus, Deo, ac ſacris colligamur. Solutionem hēreticam deſteſtamur, quam nouimus, nihil habere commercij cum libertate. Noſtra libertas operoſa eſt, ſedulo virtuti incumbit, nobis vincula (vt Pſaltes cecinit) ceciderunt in præclaris. Quid dulcius, quid optabilius, quid liberius, quam ita ligari lege, & quaſi Dei brachijs ac complexu implicari? Quid autem preſtitit Chriſtus in hac legum obligatione, ac iure imperioſo? quomodo vinculis non diſruptis libertatem nobis donauit? dicam. Spiritum adoptionis nobis impertiuit, & legem quandam non in tabulis lapidum exarauit, ſed in cordibus



cordibus hominum igneo stilo feruentissimi spiritus impressit: legem nempe condidit amoris ac charitatis: vnde alacres & expediti summa cum facilitate non terrore concussi, sed dilectione honesti inducti, ea perficimus actione, quæ in lege præscribuntur. Foras intonabat lex antiqua, comminatione pænæ, & caliginosi fumantisque montis ostentu homines olim traduxit ad iustitiam: & propterea seruitute quadam eosdem depreßit: non vitio legis, sed eorum malevolentia, qui ægre & reluctante in ipsis Minerua ad benefaciendum incitabantur: filios Agar timoris vinculis constrictos ac propemodum consternatos habuit. At postquam Christi vox auribus nostris insonuerat suauiter, eiusque facies decora multum conspecta fuerat, non ad montem fumigantem trepide denuo accessimus, sed confidenter ad montem coagulatû festinauimus, legisq; iugum non nobis graue, sed leue esse cepit. Confortantur (vt prædixit propheta) *Manus dissoluta, & genua debilia roborantur.* Non nihil agendo, sed manibus pedibusque laborando nobis vera libertas ac gloria constant. *Quando salis sicut ceruus claudus, & aperta est lingua mutorum.* Oris operisque contentio ceruos nos facit & Euangelistas: id actione exprimentes, quod voce profiteamur. Minime quidem operis qualitate officium nostrum & actionis pensum facilius iam euasit, aut magis expeditum: quis enim hoc arbitrabitur conducere ad decus Euangelij aut emolumentum nostrum? nos athletæ, ardua molimur: Pegasi, excelsa petimus. In difficillimis negotijs ac vitæ aspretis virtus Evangelica elucet. Sed Christi aduentu ac beneficio nobis quædam animi promptitudo, alacritas, incitatioque adsunt, ex infusa in corda nostra charitate: vt medullitus amantes id quod obeundum est, exilimus ad opus, & ingenita quadam alacritate exciti nihil oneris sentimus: non quidem oneris diminutione, sed virtutum incremento. Idcirco lex penitus haud excidit aut defluxit, Christo aduentante, quasi absque culpæ reatu sperni posset à fidelibus aut dimitti: sed legi perfectio ac culmen quoddam accesserunt eminentium ac difficilium operum: vt pote dilectionis inimicorum mandatum, abnegationis sui, paupertatis, humilitatis, castitatis, obedientiæ Ecclesiasticæ præcepta. Atque ex parte illorum quibus incumbit observatio legis, Christi merito abundans ac feruentissima charitas conceditur: non quæ legem expugnaret naturæ, vel hominum legitime imperitantium: sed quæ eiusdem terrorem ac trucem quandam aspectum exterminaret, faciendorumque difficultatem animi virtute non nihil eleuaret. Vt enim optime adnotauit D. Iren: Christus altiora quædam ac sensui magis aduersaria nobis mandauit, quam suis olim

BBbb 2

Moyse:



*Iren. lib. 4. cap. 26.* Moyses: Et propter hoc Dominus pro eo quod est non machaberis, nec concupiscere precepit. Et pro eo quod est non occides, neque irasci quidem. Et pro eo quod est decima mare, omnia quæ sunt, pauperibus diuidere: & non tantum proximos, sed etiam inimicos diligere: & non tantum bonos datores & comunicatores esse, sed etiam aduersus eos, qui tollunt nostra, gratuitos donatores. Ex quibus appolite & ad dogma nostrum omnino accommodate infert sanctissimus iuxta & doctissimus pater: Hæc autem omnia (quemadmodum prædiximus) non dissoluentis erant legem, sed adimplentis, & extendentis, & dilatantis in nobis: tanquam si aliquis dicat, maiorem libertatis operationem, & pleniorē erga libertatem nostram infixam nobis subiectionem & affectionem. Libertas ergo nostra in sedula operum cura, in multiplici præceptorum vinculo efflorescit. Adhuc charitas, absit peccatum, quid plura ad Christianam libertatem requiramus? Ex qua sententia Apostolus Christū appellat finem legis: non finem ad legem operum excludendam: (ut imperite, abiecte, ac sordide delirant sectarij) nam si naturæ præceptiones hominem non tenerent, an non in belluæ naturam morum feditate ilico transiret? Sed ut eos docet Augustin: *Quia sine illo nemo perficit legem.* Vnde idem Theologus ac celeberrimus Ecclesiæ doctor istis discrepantiam tradit inter legem Moysis ac legem fidei: *Quod operum lex minando imperat, hoc fidei lex credendo impetrat.* Illa dicit non concupisces, ista dicit, cum scirem quia nemo potest esse continens, nisi Deus det, & hoc ipsum erat sapientiæ scire cuius esset hoc donum: adi Dominum, & deprecatus sum. Et post: *Ac per legem operum dicit Deus, fac quod iubeo: lege fidei dicitur Deo, da quod inbes.* Et alibi: *Multa multitudo dulcedinis eius, hoc est lex fidei, charitas eius conscripta in cordibus atque diffusa perficitur sperantibus in eum, ut anima sancta non timore pænæ, sed amore iustitiæ operetur bonum.* Atque ne nobis obijciant Sectarij illud Apostolicum: *Nunc sine lege iustitia:* Discant si velint ab eodem Augustino illius loci verum ac genuinum sensum: *Quomodo ergo, inquit, sine lege manifestata, si per legem testificata? Non ita sine lege manifestata, sed sine lege quia iustitia Dei est; id est nobis, quæ non ex lege, sed ex Deo: non quæ illo imperante cognoscendo timetur, sed illo donante, diligendo tenetur: ut qui gloriatur, in Domino gloriatur.* Libertas itaque Christiana, ex iudicio Augustini, posita est in legis obseruatione ex charitate infusa, & gratiæ munere. Vbi ergo didicerunt Sectarij, in qua schola, sub quo Epicuræ, aut quos porcos vel asinum sensus primum admisserunt: qua arbitrantur aduentu Christianæ fidei, nullam prorsus operum legem hominis conscientiam amplius attingere, sed vno excepto fidei præcepto, reliqua soluta esse & excusata? Quid? an non potius hæc nostra erit libertas, quam ita describit antiquis-



antiquissimus Clemens Alexandrinus: Nos quidem libertatem didicimus, *Clem. Alex. qua Dominus noster nos liberat, soluens nos à voluptatibus & à cupiditatibus, & alijs 3. Strom. vltis, animique perturbationibus?* Hæc quidem libertas. Ceterum Sectarij corporis probrosam licentiam & impunitatem quiduis agendi cōmīniscuntur. Bellaria vt simiæ volunt, & bella sterquilinia.

Non secus atque ex limpidissimo fonte scaturiunt & ebulliunt riuuli, ita ex hoc dogmate, quod Romani animis suspiciunt, præclarissima quæque incentiua virtutum multiplices occasiones honestissimæ vitæ promanant in vsus nostros. Quid obsecro innocentius, quam ex dictamine naturæ rationis, quod nunquam à decoro est auersum, actionibus singulis modum constituere? quid ad animæ iucunditatem optabilius, quam hæcæ mentis ac naturæ tabulas, in quibus pulcherrimarū rerum notiones ac viuendi leges graphice sunt inculptæ, illibatas & incorruptas seruare? nullis patrati criminis aculeis pungi, aut furiarum facibus inuri? Vt enim ait Quintilianus: *Nihil est tam occupatum, tam multiforme, tam varijs affectibus conscissum atque laceratum, sicut mala mens: nam & cum insillatur vt malum agat, labore constringitur, & cum scelestibus intendit, tunc sollicitudine penarumque expellatone torquetur.* Verum naturæ lex nisi eam ferinis moribus expugnauerimus, semper ac indefinenter animos nostros sollicitabit ad honesta consilia, & prauorum admonebit: à qua si mores minime deflexerint, neque voluptatibus aliquando locus dabitur, neque in alterum iniuriæ. Vnde quoque vim suam mutuantur in rebus sacris Deo consecrata vota: in quibus præstandis quanta insit dignitas nemo ignorabit, cum perpenderit ea veritari in rebus ad Dei cultum ac singularem eius amorem maxime facientibus. Relatu incredibile, quanta sit illa iucunditas, qua animam perfundunt rite ac religiose obseruata. Solum norunt illi, qui suauis huic iugo ceruices dimiserunt: qui hunc myrrhæ fasciculum in pectoribus suis collocarunt, qui vinculis dilectionis delectantur. Quid nitidius ex voto decreta castitate? quid paupertate sponte suscepta locupletius? quid obedientia superiori ordinis exhibita præstabilius? Quibus virtutum ornamentis ideo conspicui sunt Romani, quod leges admittant, seque illis subiiciant, quod naturæ sanctiones inuiolatas seruent & illæsas. Respicentes quoque socios, quibus cum in vita degimus ac negotia tractamus, solliciti sumus & expediti in illis imperatis exequendis, quæ vel iure gentium, vel ciuili institutione à legitimo magistratu definiuntur: non tam amore præmij inflammari, aut pænæ obiectu exterriti, quam iustitiæ appetitu inducti: ne quod Apostolus *Colos. 9.* dissuadet, serui hominum simus, aut ad oculum seruientes: sed veri-

B B b 3

ti ne



1. Pet. 2.

ri ne inobedientia iniquitatis labem nobis inferamus, vel non Dei aut virtutis ergo operemur. *Subditi sumus in omni tempore Dominis, non tantum bonis & modestis, sed etiam discolis.* Non enim ideo liberi, quod principum legibus haud teneamur, sed quod (vt ait D. Petrus). *Subiecti simus omni humane creature propter Deum.* Non inde liberi, quod rebellibus armis principum iussa temerare ac infringere pro libidine aggrediamur: sed vt idem docet Apostolus: *Hac est enim gratia, si propter Dei conscientiam sustinet quis tristitias patiens iniuste.* Libertas nostra in subiectione propter Deum, in tolerantia malorum, in studijs bonorum. Verum quod non solum rationi rectæ actione vitæ respondere debeamus: sed & ipsi Deo supremæ regulæ: propterea Theologicis quibusdam præceptis imbuti ac constricti, altissima munera obimus. Hinc ex sanctione Ecclesiastica Scripturarum constituta intelligentia, & canon decretus: fides orthodoxe exculsa, eiurata hæreses, Sacramentorum vsus purissimus & assiduus constituitur. Peccata, quæ animæ lethiferam labem inferunt, atque amicitiam cum Deo dissoluunt, euitantur. Hinc denique suavis illa animorum connexio ex melliflua charitate coalescit ac conseruatur. Quæ quidem cum cognitu pulchra, tum ipso effectu longe existunt præclara. Et quemadmodum iactatis portus & anchora securitatem præstant, & suppetias ferunt imminente naufragio: ita Catholica Ecclesia, cum turbo erroris malaciam maris immutarit, & omnia vndique æstu & horrore replevit, fidelibus spem vitæ & salutis adfert: est enim veritatis columna, non concutitur: est vitæ magistra, non decipitur: est cælestis Hierusalem, non perturbatur: est sponsa Christi, non corrumpitur, est mater nostra, à nobis nunquam auertitur. Quod cum Orthodoxi diligentissime semper obseruarint, hæresi aut scismate disseci in partes non vlllo tempore fuere: sed sectarijs defluentibus, ac in barathrum recidentibus, in eadem fide constantes & immoti persisterunt, & hodierna die in despectum hæreticorum post tot fragores & tonitrua persistunt ac florent: Virtus, Athenæ, arma, diuitiæ, fama, potentia, omnia nostra sunt. Penes nos solum quod Ecclesiæ imperium exequamur, viget sacratus cultus: habemus ex lege ac ritus perenni vsu decretas ceremonias, cum ipso aspectu illustres, tum intelligentia diuinas. Externi vero sectarij hac ex parte haud morigeri, nulla quidem cultus definita forma inter se conspirant, sed excisis religionis repagulis, abdicatis pietatis ritibus, reuocarunt omnia ad cantiunculas Geneuenses, & miseras illas, ludicras, ac plane scenicas conciunculas. Et pro cupiditate sua illorum vnusquisque Scripturas exponens, eam cultus speciem sibi præscribit, quæ



quæ suæ phantasiæ accommoda, alioquin insulsa & dementissima. Quid plura? Quod Ecclesiæ auctoritatem priuato animi sensu ac fastu defugerint; illorum omnia incerta, temporaria, Parlamentaria, promiscua, perturbata, ineptissima. Ceterum admiror hæreticorum stupiditatem saxeam, si modo non percipiant illam vitæ integritatem, qua orthodoxi florent, dum Ecclesiæ dictis sunt audientes. Ex huius siquidem præscripto diuinis mysterijs ac Sacris statutis diebus intersunt fideles ab alijs vitæ occupationibus feriati: eademque suscipiunt ac participant religiose. Præmissis ieiunijs sanctorum celebritates suscipiunt ac colunt. Quadragesimali abstinencia, ad Christi exemplum apte tunc vel maxime carnem atterunt ac libant Deo, quando Christi caro, cuius nos membra sumus, flagellis lacera ac cruci fuerit conclauiata: indigne ferentes nostram hanc carnem, quæ illis pennis causam dedit, tunc lasciuire, aut genio potius, quam ingenio indulgere. An non hæc omnia nitida & pura? an non corusca & fulgida? vbi macula vel ruga in hoc Christi corpore & Ecclesiæ cætu? Cum Apelle non verebor expressam hanc imaginem vel curiosissimis aliorum oculis obiectare: si inuideant, tabescant: si equis animis sint, mecum approbabunt. Hanc namque non cuiusuis pictoris penicillus delineauit, sed digitus Dei, spiritus sanctus affabre deduxit & effinxit: ita ut quacunque orthodoxum Sectarius inspexerit, illum sincerum, purum, candidum, iustumque inueniet.

Porro Sectarij, qui suam libertatem Euangelicam amplificant & venditant; qui nullis coerciti legibus, siue Ecclesiæ siue principū, effuse in omnem vitæ licentiam irruunt: sua hac libertate cum sēdi & turpes tum vitiōrum plane serui euadunt. Reuulsis iustitiæ valuis, excitati-  
*Heretici  
nim legum  
negantes  
sedissimi.*  
 que omnis generis libidinibus, pudorem solum retinent, non quem flagitijs obtendant, sed quo erubescunt se tales voce profiteri, quales reipsa sunt & noscuntur. Donec enim mihi faveantur aperte Lutherani & Calvinistæ, fide in Christum subnixos, impunes & absque detrimento animæ posse per omnia scelera volitare, alios in fraudem illicere, stupris & lustris operam nauare, cædibus fora coinquinare ac tribumalia, perduellionibus legitimorum principum sanguine insidiari. Gnosticum esse: nunquam explicare quod mente sentiunt, sermone proferunt: sed inuolucris ac fucis animi notionem ad conceptum complicabunt. Explicatam nobis postulantibus tandem quæsiō, sententiam referte, cur tergiverfamini? cur ad hunc saltum trepidatis? dicite cum Luthero hæc omnia & similia factu horrenda vno momento fide absorberi: hanc ad salutem esse necessariam, reliqua ἀσάφεια, vt  
 castum



*Iren. lib. 1.  
cap. 1.*

castum esse vel libidinosum, iustum, siue aliena rapientem, album aut nigrum, hominē vel Diabolum. Sin latentes hosce sensus prodere recusetis, ita illos vobis etiam inuitis disputatione excutiam, vt explicatis reuolutisque mentis sinibus ac spiris, intueantur omnes turpidinē, quam hactenus simulate celastis: intelligantque vos infames illos neuos ac feces Gnosticorum contraxisse. Neque aliunde telam aut rete quam ex vestris filis attexam. Professi sunt Gnostici (vt testatur D. Irenęus) se nullis operum legibus teneri, sed spiritu quodam credulitatis etiam turpissimis moribus imbutos saluari, & à crimine immunes esse. Hoc autem idem priuilegio fidei vos vendicatis, idque pluribus de causis quam vnquam Gnostici: in eodem idcirco luto & volutabro consocij estis porci. Solenne apud vos est & receptissimum dogma, quo mandata Dei etiam & naturę obseruatu impossibilia dicuntur: quod si verum sit illorum contemptio aut transcursus quomodo nocius aut culpabilis? quomodo culpa infectus? Peccabit ne aliquis, quod haud volet pennis, quod branchis non nater? Proinde nullum crimen erit flagrante libidine. voluptates expetere, ardente vindictę cupiditate ferrum distingere, & per alterius latera illud adigere: imo quod horreo dicere, neque culpa erit ipsum Deum odio habere, cum acerbi aliquid inciderit: istis siquidem incitamentis, cum quempiam vrgeri ceperint, (ex opinione sectariorum) nemo poterit reniti: eapropter pręcepta, quę huiusmodi facta vetant, surdo sunt cantiones, lusco notę, & colores, cum impossibilia decernant. Quare si Dedalo vitio verti non posset, quod spatia illa marina haud tranarit: quandoquidem nullius humanę artis institutis, aut potestatis imperio transitus ille contineatur: neque in culpam alicui cedet tetralicuius voluptuarij effectio: etiam in aduersum deuocante Dei lege, aut naturę pręscripto, cum istis nemo queat obtemperare, vel obiectam illecebram spernere. Salua idcirco fide vltronea delicta, quę naturę vel Deo repugnant, innocua erunt, & libertate Gnostica ab omni culpę reatu semota. Neque est quod prudens aut cordatus vir extimescat Dei iudicium subire, etiam cum eius omnia pręcepta omiserit vel temerarit: ludicra enim fuerunt, & in speciem data, non seria: neque ideo constituta à Deo, quasi eorundem obseruantiam à nobis districte ipse requirat: stultum enim videtur impossibilis alicuius officium à nobis expectare: sit itaque fides nobis curę, maneat hæc læta & iucunda, & de operibus, de mandatorum executione non est quod anxij simus aut trepide solliciti. Quod si timidus aliquis dicat: at peccatum est Dei legibus contrahere, delicijs inherere turpibus,



turpibus, capitis nostris imminet periculum damnationis eternæ, si modo à regulis honestæ vitæ deflexerimus: hunc ita inquirentem, & suspitione implexum, tanquam modicæ fidei homulum istis redarguent. De peccato quid animi pendes miser & pauide? cur eius incursum times? an non omnes conatus tui existunt peccata? iustitia hæc nostra, quæ ex fide consurgit, indiuiduus comes est & cõubernalis vitiorum atque scelerum. Ipsa quæ putantur bona opera, quæ etiam præscribit fides, vt Eleemosinæ largitio, amor Dei & proximi, fructus denique omnes spiritus, effecta sunt Satanæ & peccata mortalia. Superstitiosa cura puritatis, Romana est & scrupulosa. Quid extimescis? vna fide omnes quas congeres in animam sordes absorbentur. Ita Calvinognoſta differet ac concludet. Quod si à naturæ & Dei legibus ad ciuiles sanctiones descendamus: illis omnibus, ita secum differens, se fidei priuilegio eximet Sectarius. Humana mandata neminem morari debent aut sistere in appetitu alicuius delectationis: ita enim liberi & à lege soluti sumus, vt nequaquam ad conscientias nostras principum imperata peruadant. Statutam idcirco ab Ecclesia cultus formam nemo retineat, aut curet magnopere, si illum contradicendi libido incellerit: neque sollicitus sit exercere illos actus virtutum ex mandato Ecclesiæ. Si tibi magistratus displiceat, vel tuo ingenio oportunos non sit, fidei addas districtum terrum, & liber plane euades. Quid permittimus homines conscientijs nostris imperitare? credam Deo, reliqua faciam, aut omittam pro libidine. An non hæc confectaria sunt ad placita sectariorum, hæc inquam tam feda, tam prodigiose enormia? Quid enim aliud est quod ingeminant, nimirum principum leges nullius conscientiam reatu piaculi obstrictam habere, quam pronunciare absque peccato eorum leges omnes posse violari, & eis imperia eripi, atque alio deuolui? Gnosticis impiores ac solutiores Calvinistæ.

Quin etiam ex alio penes hos doctrinæ placito, laxata eorundem & effusa quidlibet agendi immunitas haud obscuris rationibus colligi poterit. Hoc etenim discriminis genere euangelium secerni voluit a lege, quod Euangelio diuulgatæ promissiones Dei diiunctæ sint ab operum exhibitione aut mandatorum obseruantia: quæque vna fide, veluti protensa manu apprehendantur: atque excurso exactoque vitæ illius curriculum sola fide interueniente acquiruntur. Enimvero promissiones (inquiunt) quas lex intulit, sedulo operandi studio & legis impletionem adiunctæ fuere: ceterum ab operum præceptis fides Euangelica nos liberavit, nulliusque alterius rei indigos reliquit. Discrimen hoc inter legem

C C c

&amp; Euan-

*Hæretici  
sordidi ex  
discrepan-  
tia inter  
legem &  
Euangelium,  
quæ consti-  
tuunt.*



& Euangelium, quod Sectarij comminiscuntur, præterquam quod Epicurismū ac Gnosticismū statuatur, re ipsa videtur omnino insulsum & ab omni probabilitatis specie distractum. Dicant mihi noui Theologi, quomodo promissiones legales, præceptorum opera exigebant, vti habentur aliquando, quæ promissiones Euangelicæ non requirant? Quæro num illorum veterū opera erant ideo necessaria illis ad salutem quod meritoria: an ideo solum, quod fuerint fidei quasi naturales effectus, & ab ea inseparabiles. Primum non permittent sat scio: meritum, nam (aiunt) Christi redemptionem infuscare, cuius tamen beneficio freti antiqui illi iustitiam sunt indepti. Et si in illis opera extiterint meritoria, quare adeq; non in nobis eadem fide cum illis collustratis, eademque iustitia donatis? Sin vero, quod ex vestris dogmatibus colligo, vigente lege operum necessitas fuerit requisita quasi conditio & appendix, vt illi tunc sub lege constituti iustitiam ac felicitatem consequerentur: omnino conueniens erit, neque opera bona aut legum obseruantiam in hac Euangelij libertate requiri vti conditiones vel appendices: ita vt fidelibus vna tantum fide illustratis, interim nihil boniegerint in vita, sed in omni genere turpitudinis se exercuerint, firma adsit spes iustitiam habendi & possidendi beatitudinem. Proferte iam tandem Sectarij, has duas consequutiones in tacito vestri animi consensu hactenus inuolutas, primam, fidei integrum erit omnem voluptatem expetere, per fas & nefas aliena rapere, hostilibus armis in quempiam inuadere. Alteram, pessimi quique & sordidi vitiorumq; ceno cooperti, libertatis Euangelicæ beneficio vsi regnum Dei obtinebunt. Quas cum admiseritis, an non Turcas & Gnosticos superastis vitæ licentia & impuritate? An non extremum dedecus nomini Christiano intulistis, cum ethnici audient in hac communi professione reperiri quosdam tam turpia & bruta sentientes ac docentes? An non orthodoxi iustissimas causas habent declamandi in vos, qui Euangelium Christi, ex cuius fide & cultu angelorum ferme innocentiam & candorem ex nostris quamplurimi ferme exequarunt, quorumque admirabiles vitæ splendores ipsi externi & infideles homines suspexerunt, ad sordes & fæces modo deuoluitis? Nostorum est illud elogium apud Tertullianum: *Nos quos sacrilegos existimatis, nec in furto vnquam deprehendistis, nedum in sacrilegio.* Cur idcirco scelerato & refractario dogmate voluistis communem hanc nomenclaturam infamare? in tanta inscitia & ignoratione veri de adepto lumine gloriari? in tam flagitiosa horrendaque vitæ ratione libertatem Euangelicam, imo Euangelij puritatem, ac si vos soli Christi essetis deliciae, & albi

3. r. 1. 1. 1.  
[cap.]



& albi filij tam prepostere ac insolenter vindicare? Vbi lumen? vbi vita? In rebus ad naturam spectantibus elucubrationes vestrae raræ sunt, tenues ac vanissimæ. In studijs Theologicis an non orbis estis mimi, & vbiq; explosi? commentaria vestra vbi hominum manibus teruntur, aut luce fruuntur: eorum numerum vel pondera cum nostris conferte, si audetis? Preposterius mystæ, in sacris poëtæ, & in poëticiis sacri: similes illi imperito, quid vt narrat D. Hieron; cū Latine disliceret, vilis est Græce sermocinari, cum Græce, Latine. Lumen itaq; vestrum dentissimis ipsi tenebris. De vita quid inquiram? quam & ipsa facta deturpant, & praua corrumpunt dogmata. Nihil sane vobis impono; vestra mea solum statuunt ac probant. Cum itaque tam luce intelligentiæ quam vitæ honestate destituamini, quare inique accipitis nos in omni scientiarum lumine versatissimos, præstantissimæque vitæ genere illustres & spectatissimos, ad vestra obscura & sordida castra, ad turmas lixarum & calorum non transfugere? Gaudeo equidem iam magna ex parte stilum nostrum turpitudines vestras esse præteruerit, in posterum melioribus & cultioribus argumentis addicendum. Nisi enim aliorum necessitates, quos amo medullitus, me vrgerent, post concertationes scholasticas, in quibus inuenturem insumpsi, dedignarer cum quopiam Lutherano aut Caluinista tam crasso obeso & sordido aduersario concertare. Illos tamen sanctissimi viri & Antistitis nostri verbis admonitos cupio: *Christianus vocatus es, parce huic nomini, ne propter te blasphemetur Dominus noster Iesus Christus, filius Dei: sed potius lucas coram hominibus opera tua bona.*

Hieron.  
cont. Ruffin.

Cyrl. Hies.  
resol. Ca-  
teb. 10.

*Ad compescendum mitigandumq; concupiscentiæ ardorem,  
in Ecclesia orthodoxorum reperiuntur septem Sacra-  
menta: fontes purissimi diuini liquoris, apti quidem ad  
hunc effectum, cum ex numero, tum efficacia eorundem.*

## CAPVT XXX.



Vm nobis proroplastæ lapsu viror ille ac vigor originalis iustitiæ exciderint: præterquam quod è summis illis bonis, quæ ferme tenebamus, graui ista cæcatura defecerimus, in super secula quædam deformata naturæ facies apparere cepit, dum languor ad bonum, incredibilis autem feruor ad malum, honestarum actionum cursum plu-

C C c c 2

rimum



*Luce 10.**Ioan. 5.**Ioan. 9.**Beneficia  
Christi no-  
bis data.**Leuit. 19.**Leuit. 17.**Isa. 1.**Vsus Sacra-  
mentorum.*

rimum in nobis. Tamen ne in hac misera deiectione perpetuo ho-  
mines contabescerent, contractiq; semineces iacerent, necessarius fuit  
aduentus pij illius Samaritani Christi Domini, hominis illius, quem  
infirmus quampluribus annis ad Piscinam Probaticam prestolabatur,  
& medici, qui luto ex salua confecto oculos ceci liniret, decus iuxta  
ac virtutem nobis adferret: vtrisque enim prius imbecilles ac squalidi  
carebamus. Quocirca in illa vulnera, quæ nobis latrones incusserant,  
oleum & vinum infudit Samaritanus noster: oleum quidem vnde  
nitor ac species in nobis efflorescerent, vinum vnde corroboratio exi-  
steret, quæ laxos ac languidos artus, tam animæ quam corporis, con-  
firmaret. Quibus apte respondere videntur sanguis & aqua, liquores  
illi pretiosi, qui ex latere Christi ad crucem affixi profluxere. Ex  
sanguine etenim oriuntur & exiliunt animosi vitæ spiritus, robur  
sensibus adherentes. Quamobrem nec incongrue dicit Scriptura, ani-  
mam in sanguine collocari: est enim sanguis quasi animæ vehiculum,  
& præcipuum eius in vitæ propagatione instrumentum: aqua vero, ad  
emaculandas abstergendasque res sordidatas idonea, candorem & pu-  
ritatem refert: ex quibus liquet Christi dona nobis collata duobus  
præsertim contineri (tamen illa sectarij ingrate ac scelerate extenuent)  
puritate nimirum, immunitate à labe grauioris delicti, ac fortitudine  
ad obseruanda mandata, muneribusque virtutum haud impigre præ-  
standis districta. Quemadmodum sponsa viro tradenda ad dignitatē  
suam nihil amplius desiderat, quam vt speciosa appareat, ac sit opulen-  
ta: ita Christus Ecclesiæ desponsandus eam aliquando Ethiopissam  
feruore libidinis exustā & denigratam, & meretricia arte cum Raab  
pauperem vitam misere sustentantem, pulcherrimam reddidit & diui-  
tijs affluentem. Quæ quidem duo mala, deformitas nempe & infirmi-  
tas, ab eadem causa descenderunt: sicut enim æstus febrilis caloris fla-  
grantiam deuastat, obscurum quid & infusum inducit; idem quo-  
que membra depascitur, nutrimentum humorem exhauriens, corpoream  
vim labefactat: ita ardor ille concupiscentiæ, quam satanæ accensa  
rēda pectoribus nostris ingessit, eminentem animæ speciem quasi fumo  
ac pice corrumpit primum, mox humorem succumque neruorum ab-  
sumpsit, languidos nos effecit & impotentes. Ad restinguendos au-  
tem hosce calores febriles, Septem ex Christi Domini institutione  
(tanquam Iacob altius terram propter magnitudinem mysterij defo-  
diente) limpidissimi fontes constituuntur: quorum assiduus haustus  
morbo nostro mederetur. Istorum quidem primæ scaturigines ab imo  
non emergunt, sed in ipsis cælis dum spiritus Domini fertur inibi super  
aquis



aquas ebulliunt, ex Christi nimirum latere affluentissime promanantes: mox deorsum feruntur, ac in septem influunt vasa Sacramentorum: denique originem referentes celestem, sursum denuo ascendunt, sanitatemque iustitiæ donantes, *Saluant in vitam eternam.* Et ut corpus tractabilibus utitur fomentiis ciborum ad sustentationem sui, habuissetque ne peccatum intercessisset ex esu arboris vitæ perennitatē: ita & anima visibilibus formis gaudet, quarum virtute vitam iustitiæ conseruet, noxium illum appetitus estum coërceat: uti eius cum decus tum robur consistant.

Cuius diuinę ordinationis, ita in rem nostram relatæ, varias rationes, easque congruentes admodum Sancti Patres assignant, & Theologi disputant Scholastici. Vnam deducunt aptissime ex natura hominis ipsius, quatenus ut quadam naturalis is ad Dei cultum destinatur. Sicut enim coitione substantiæ sensu imperceptibilis, animæ nempe, cum altera crassiori & aspectabili parte corporis, integer homo conflatur: ita duplici quadam actione benefactori Deo & auctori donorum gratias rependere debet & obsequium: quæ quidem inuicem exhibendi reuerentiam Numini, incernis animæ motibus, externoque corporis ritu ac ceremonia confluunt. Ad quod posterius genus pietatis accommodatissimus existit vsus Sacramentorum: atque in hanc sententiam ex nostris differunt Grego. Nicen. Basil. Damasc. Chryso. Hugo Victorin. & alij. Subnectunt huic & aliam convenientiam, quam sic pertractant: sicut in societate civili reipublicę partes distra-  
ctę non sunt ab inuicem, perturbatę vel confusę, sed apta quadam consensione inter se conspirant: ita virtus religionis, cuius officio communitas hominum politica præcipue seruatur, efficere debet, ut simili cultus forma absque ritus dissonantia, aut voluntaria vniuscuiusque ceremonia coniunctim homines conueniant, publicum ac solemnem Dei cultum eodem legis tenore exerceant & persoluant. Quod maxime fieri videmus constanti Sacramentorum ritu simili penes omnes ac diuinitus constituto. Quod etiam sicut ad Dei honorem procurandum, ita ad mutuo conciliandos hominum animos mirifice facit. Rationem hanc persequitur D. Augustinus, illamque diligentissime expendit. Tertia hæc poterit causa esse instituendi Sacramenta. Ex creatis à Deo quoddam eorum sua specie ornatum, nimirum potum illud aureum, cuius gustum primis nostris parentibus Deus interdixit, humano generi porrexit occasionem ruinę, atq; ad delictū ipsum sollicitauit & pellexit: ita ex eisdem creatis quædam seligenda videntur, quę operentur ad illius damni

C C c c 3

repara-

1041. 5.

Rationes  
influentes  
Sacramen-  
ta.Greg. Ni-  
cen. ex hanc.  
ad bapt.  
Basil. de S.  
Santo c. 1.  
D. Damasc.  
4. orib. p. 3.  
cap. 5.  
Chryso.bom. 4. m.  
4. cap. Mai.  
Hug. lib. 1.  
de ja. ram.  
par. 9. c. 3.August. lib.  
9. cont. Fa-  
st. 1. cap. 11.



reparationem, inflictum illud vulnus cataplasmate curent ac sanent: ne vniuersum hoc ad animæ potius interitum conditum cum Manicheis existimaret aliquis, neque aliquid esse, quod idoneum sit recteque comparatum ad nostri salutem. Comestione porro illius pomi summam quandam scientiam, imo cum ipso Deo equalitatem acquiri potuisse satan femina persuasit, eamque blandimento ita inflexit, ut crederet sic omnino euenturum: at sua opinione falsa comedit, misera inde euasit, & in multis inscia ac rudis. Deus autem ex opposito, commodum nostrum cogitans, nobis obiecit in paradiso Ecclesiæ sensibilia Sacramenta, aspectu quidem pulchra, intelligentia diuina, usu suauissima: quibus initiati squammas quæ oculos celabant, excutimus, & quodammodo ad Dei similitudinem eorundem virtute adspiramus. Quid enim aliud est Baptismus, quam mentis collustratio, Sacramentum fidei, in cuius luce ac veluti facie crystallina bonum pariter & malum contemplamur? Qui vero casto animæ sinu ac complexu Eucharistiæ diuinissimum symbolum tenent: quomodo non humanam condicionem egressi diuinam consequuntur? Inepre idcirco Masaliani heretici sacramentorum participes, & ab eis salutis & sanitatis beneficia requirentes, illos esse dixerunt, quos Apostolus misera seruitute depressos, & sub elementis mundi constitutos affirmauit. Hi etenim sunt Iudei, in quos perbelle illud Apostolicum quadrat ac consonat: qui abdicata fide in Christum, umbris ac figuris inhærent, egena nudaque elementa nihil sacri succi obtinenta ieiune cōsecrantur. Nam ut docet D. Augustinus: Sacramenta nostra elementaria typum non gerunt expectatæ redemptionis, sed iam præstitæ sunt monumenta: & ad insignem quandam virtutem euehuntur, qua gratiam continent, eamque fumentibus ut Dei instrumenta & à Christo instituta efficienter largiuntur. Vnde Iudaicis illis elementis ita præstant, ut virtute sint maiora, utilitate meliora, actu faciliora, numeroque pauciora. Quod si utilitatis propriæ rationem aliquam habendam velimus: ex triplici causa Sacramentorum ritum nobis commodum esse quarta ratio institutionis eorundem declarabit: quam post Dionysium optime pertractat Hugo Victorinus. Principio horum usu dimittit se animus, & ab omni fastu, quo altiora peteret, se abijcit: dum concreta & sacra hæc signa adit ac suscipit reuerenter opinione præstandæ ab illis gratiæ inductus: minime spernens illorum opem & auxilium, quæ alioquin nouerit sibi longe esse gradu inferiora: opposito plane modo integritatem suam custodiens ab illo, quem secum iniuit Lucifer, supra ordinem superba elatus penna, se immodice efferens & conditoris.

*Sacramenta  
dent, quæ  
primi pa-  
rentes am-  
bierunt.*

*Est verb.  
Saram.  
heres. 1.*

*Gal. 4.*

*August. lib.  
2. de doct.  
Chr. cap. 6.  
83. quest.  
99.*

*Hug. Viñ.  
supra.*



conditoris æqualitatem temerario ausu affectans. Deinde eruditio-  
nem quandam secum adferunt sacrorum initiationes. Sicut enim istius  
mundi partes, veluti optimi dispositi characteres, sententiam superni  
Numinis, eius utpote virtutis, bonitatis, atque sapientiæ notionem  
ingerunt intelligentijs nostris: ita effectus quidā diuini, quos in nobis  
operatur Deus, secreti ab aspectu sensuum, iplis Sacramentis ad viuum  
exprimuntur. Enimvero eluit Deus vitiorum maculas ex enormi vita  
contractis: hoc autem optimū declarat aquæ symbolum in baptismo.  
Vigorem ad pugnam inmittit nobis, pulcre hoc representat crismatis  
inunctio. Languētes vires refocilit: hinc rei designandę examullim in-  
seruit forma panis in Eucharistia: quod & D. Dionisius istis significauit:  
*Deum etiam diximusque vin illud quidem ut mentes, sicut eis fas est intelligunt: nos  
autem exemplis imaginibusque sensum mouentibus ad diuinas contemplationes, ut  
passiones transferimus.* Atque sicut morbo affectus, cuius aspectum me-  
dicamēti vis effugit, & vas solum, quo continetur, eius oculis occur-  
rit, plena tamen ipe sanitatis inde obtinendę exhibet potionē: ita cum  
admirabilis virtus Sacramentorū ipsos sumentes lateat, effigies tamen  
spectabilis, qua contegitur, notionem aliquam energiæ illis adferens,  
firmissima erigit eorum animos futurę salutis expectatione. Porro  
quod quarto in loco enarrandum: exercitationem quandam sacram  
adferunt Sacramentorum initiationes: quandoquidem eorum ritu co-  
latur Deus, & homines ab alijs popularis vitę negotijs auocati, fre-  
quenti celebritate religioni incumbunt. Quinta demum ac postrema  
congruitatis ratio illa est, quam tradit D. Thomas, quamque ipsē desu-  
mit a condicione Christi ac mundi redemptoris. Quemadmodū enim  
eterni Patris verbū humana carne velatū est, & ex vna parte cōstat vi-  
sibili, alta autem penitus inuisibili: ita idoneū fuit tales ab eodem ritus  
institui, quales cum sensu perceptibiles essent, tum etiam insensibile  
quid ac diuinum implicarent: quorum vtrumque videre est in nostris  
Sacramentorū mysterijs: externę etenim illorū formę in sensum inci-  
dunt, latens autē eorundē virtus sensus præceptionē omnino præterit  
ac latet. Quantum vero compendij opusque ex sacrorum vario &  
multiplici viū hominibus proueniat: neminem fugiat, qui secum con-  
siderarit quomodo secundum omnia vitę interstitia, status & occasio-  
nes (ne qua pars eius minus tuta vel delinquendi periculis obiecta  
subsidio suo diuinitus dato destitueretur) prouisum nobis sit de auxi-  
lio. Atque hinc Dei prouidentiam magis commendatā habemus; quod  
ita indigentij nostris ac imbecillitati suis diuitijs ac præsidijs consu-  
luerit. Ecclesię etiam Catholice puritatē ac candorem testatum omnes  
poterunt

*Dionis. de  
Ecclesiast.  
v. 1. cap. 1.*

*D. Thom. 4.  
lib. 1. cont.  
gent. c. 36.*

*Sacramēta,  
omnē partē  
nostrę vi-  
tę muniūt.*



D Thom 3.  
part. 9 63.  
art. 1. lib.  
4. Contra  
gent cap. 38

poterunt videre: dum perpendant animis contra infestā nobis concupiscentiam per totius vitæ decursum, nihil deesse ad muninē ac firmamentum. D. Thomas) ex duplici quadam hominis habitudine convenientissime septenarium numerum Sacramentorum collegit. Sicuti enim in ciuilibus ratio aliqua hominis constituitur tanquam priuatæ personæ, & alia eiusdem vt relati ad alios, quibuscum degit: ita describentes ordinem quendam in spiritali animæ vita, inuenimus functionem officij eius non propriam tantū suamq; vtilitatem spectare, verum & aliorum commodum intueri. Atque imprimis, quod in animatis cernitur vita est, generatione seminali existens: huic autem in mysticis respondet Baptismus animæ regeneratio, quo aboletur crimen originale, & amissus denuo vitalis spiritus redonatur. Mox sicut corpus infantile ad militaria negotia est ineptum quousque adoleuerit, firmumque robur ætatis progressu compararit: ita anima gratiæ vita donata ac vegetata, vñctionis ac militiæ Sacramento est confirmanda: vti timore represso aut rubore, intrepide fidem, quam suscepit, profiteatur. Deinde firmiter hoc pacto coalitum & concretum corpus, pastu indiget ad sui sustentationem: similiter animæ, ne eius virtus acquisita pereat aut languescat, diuinissimus ille Eucharistiæ cibus, non manibus angelorum, vt olim manna, sed effectiōe Spiritus sancti porrigitur, ac ipse in escam potumq; cessit. Corpus nihilofecius quantumuis sanum fuerit, ac munitum, immune prorsus à morbis non existit, sed in illos nonnunquam ac graues incurrit: eodem modo anima licet iusticiam adepta ac firmitudinem, incidit sepius in delicta & egritudines: quibus curandis propulsandisque Penitentia Sacramentum illi facit abunde. Et sicut corpori existunt necessaria antidota, pro ratione instituti, vt si ad loca aliqua minus sana alicui esset cōmigrandum, vel si non exquisita medicina, sed exercitio corporis aut ratione diætæ pristina valetudo sit recuperanda: ita haud dispari ratione ingruente morte, quod corporis dolores & affectiōes prauæ ipsi animæ sint nociuæ: quo etiam præsertim tempore satanas calcaneo & finiquasi vitæ insidiatur; adnuculo est Sacramentum Vñctionis extremæ: ne penitus succumbat tristitiæ homo magnitudini morbi oppressus, sed leuius se habeat, & ipsam superet egritudinē. Atque hæc mysteria sunt, quæ ad vnumquemque referuntur absque respectu ad alios, solum spectata ratione proprii emolumenti. Alia autem duo: Ordo nimirum & Matrimonium; quæ etiam in humanis suas habent similitudines extrinsecum quid respiciunt. Quemadmodum enim in ciuilibus habitudo vnus ad alium vel est in ratione propagandi

Iacob. 5.



pagandi sobolem, aut administrandi rempublicam: ita quoque in sacris, vt legitime suis muneribus initiari fungantur, Sacramentum Ordinis manibus Antistitum peragitur: cuius virtute aliorum Pastores ac Prælati creantur. Sacramentum quoq; Matrimonij instituitur ad minuendas illius fortis molestias, efficiendumq; , vt non ferina cupiditate à coniugibus actus socialis thori suscipiatur, sed animo solū propagandi prolem honesto ac moderato. Ex quibus liquet quomodo vndiquaq; in infantia, in pueritia, in adulta ætate, in quocunque vitæ statu, Ecclesiastico vel coniugali, in priuatis, vel publicis occupationibus ex Sacramentis nobis orthodoxis præsidia firmissima adsint integritatis. Quibus obsepti ac cincti, tuti sumus ab infestis Satanae molitionibus; neque locus patet ullus, per quem in animam (ni resisteret esse velimus) atrox peccatum irrumpat. Quam pura ac nitida Ecclesiæ dogmata? quam vitij opposita? quam plena salutis? Itaque circumspicis omnibus amplificatum à nobis apparebit redemptionis beneficium: quandoquidem non exequasse modo profiteamur naturæ corruptæ mala Christi malagmata; verum etiam superasse, ipsamque culpam alioquin exitialem, felicem quodammodo reddidisse. Vt enim adnotauit D. Antoninus: septem defectus propagati sunt in nostri generis posteritatem ex primo illo Adami lapsu ac errore: quorum tres culpam inuoluunt; quatuor reliqui penam. Culpa ex peccato originali, mortali, ac veniali nascitur: penæ loco existunt ignorantia, malitia, concupiscentia, & infirmitas. Ceterum originariam noxam delet Baptismus, lethalem ex actu, Pœnitentia, venialem Vnctio extrema. Ignorantiæ malum Ordo aufert, scientiam legis requirens. Eucharistia duritiem ac animi malitiam exterminat dulcedine sua. Concupiscentiam extenuat Matrimonium. Infirmitatem erigit Confirmatio. An non Ecclesia vinea est frugifera, vitibusque ordinate confita? An non torcular habet Christi Domini corpus, ex quo flores saluberrimi exundant gratiarum? An non sepe circumdata? cum omnem nostri vitæ partem Sacramenta muniant ac defendant? Nos orthodoxi illi sumus, de quibus hæc Christus prædixit: *Vineam suam locabit alijs agricolis, qui reddent ei fructum temporibus suis.* Quid homini modo deest ad salutem? Immo ad affluentiam quid ei non redundat, atque ad cumulum non amplissime exurgit? Quonam pacto homo iure conqueri poterit se maioribus incommodis expositū, quā vt illis pro virium ratione obsistat? Quinimo Ecclesiam, cuius hortulanus Christus est, alteram dicamus paradisum, vbi fons plenis gurgitibus ex se aquas continenter emittit, excitatque flores amenissimos fructusque

DDdd

virtutum:

Anton. 2.  
part. de Sa-  
cram. tit.  
14. cap. 11.  
Sacramēta  
oportuna,  
cōtra mala  
nobis inue-  
nta ex pec-  
cato origi-  
nali.

Matth. 21.



*Effectus  
Sacramen-  
torum,*

*D. Thom. 3.  
par. q. 63.*

*Gen. 24.*

*Virtus sa-  
cramentorū  
qualis.*

virtutum : vbi eminet speciosissima illa arbor scientiæ boni mali-  
que : nihil sane iam desideratur ad felicitatem. Vt autem proxime  
innotescat quam efficiendi virtute prædita sint Sacramenta, quid-  
que boni nobis concilient & impertiantur : statuendum eam gratiam  
effectiue omnia seu (vt loquitur schola) ex opere operato producere,  
quæ filios Dei constituit, iustos, ac cælestis regni hæredes : siue illa pri-  
ma sit renouatio animæ, delicti maculas eluens, nouamque creatu-  
ram exhibens, siue ad acceptam sanctitatem accessio quædā amplioris  
doni & iustitiæ. Quemadmodū enim fontis riuuli per canales ac gur-  
gites sparsim in prata influunt, succumq; vitæ illis largiuntur : ita iu-  
stitiæ munus, cuius pretium & virtutem Christi corpus retinet, Sacra-  
mentorum efficacia fidelium animis applicatur : & quasi aureæ fistulæ  
à latere Christi cui insiguntur deductæ, cruorem illum deferunt, quo  
rigant beantque hominum mentes. Vltra hoc donum præstantissimum  
iustitiæ Sacramentis omnibus commune, proprium vnumquodque  
gratiam habet, quam Sacramentalem vocitant : quæ (vt docet D.  
Thomas) auxilium est quoddam actuale diuinitus concessum, quo ad-  
iutus homo, finem Sacramenti, quod suscepit, adsequatur. Cuius ne-  
cessitas exinde statuitur, quod post Sacramenti vsum occasione istius  
mortalis vitæ graues nonnunquam insurgunt animorum sollicitatio-  
nes, quibus abducantur homines ab eo scopo, in quem illos participatio  
mysterij direxerat : proinde etiam ex valore ac institutione Sacra-  
menti ita tentatis adest Deus suo auxilio propitius, ne discrimine &  
periculo in quibus versantur à fine Sacramenti aliorum pertrahantur.  
Atque præter hos duos recensitos effectus ex Sacramentis, tria  
indelebili quadam nota seu caractere animas consignant notant-  
que, vti ad peculiaria quædam munera destinatas. Baptismus nimi-  
rum, Ordo, & Confirmatio. Postremo virtutes atque sancti Spiritus  
dona tribuunt, vel acceptorum incrementum refundunt. Hæ diuitiæ  
ac thesauri sunt Ecclesiæ Catholicæ, hæc eius ornamenta, hæc nostra  
præsidia : istis satanæ expugnat animus, acrem concupiscentia insul-  
tum propulsat : ad hos fontes vberimos serpens prudenter pellem  
exuit, Æthiops colorem mutat, aquila iuuenescit, leprosus seditatem  
abstergit, religio colitur, integritas seruatur, vigor acquiritur : deniq;  
iuxta hos fontes formosissima Rebecca inuenitur, Christi sponsa ac  
mater nostra, quæ est Ecclesiæ.

Quocirca præter illud externum symbolum, quod in Sacramentis  
sensus ferit : quædam virtus eisdem abstrusa delitescit, quæ effectrix  
sit causa adeo insignis qualitatibus, utpote iustitiæ : quam luculenter ad-  
modum



modum representauit & comprobauit descensus Spiritus sancti sub forma visibili, dum Christus à Ioanne Iordanis vnda baptizaretur: *Matth. 3.* quo significatum fuit aquas Baptismales illius diuinissimi Spiritus instrumenta esse ad repurgandas hominū animas, ac iustitię nitorem illis adferendum: quod reliquis Sacramentis existit commune. Columba *Gen. 7.* pariter, suffidente diluuiō, virentē oliuæ ramum ore retulit ad arcam Noë: sic gratiæ dona hominibus ex Dei misericordia attributa, Spiritui sancto, utpote amoris & fecunditatis columbæ, accepta feruntur. Sed quemadmodum characteris efformatio non à manu tantum artificis, sed etiam styli acumine perficitur: neque Spiritus sanctus denunciationis munere solus defunctus est tempore expectationis, sed & ora Prophetarum, quæ ipse referauit: ita cum eodem spiritu Ecclesiæ Sacramenta participata quadam virtute iustitiam efficiunt, illaque suscipientium hæc signa animas informant. Stylus manui, prophetæ spiritui sancto nihil dignitatis detrahunt: itaque neque Christo eius Sacramenta. Ceterum hoc nihil clarius in Scripturis expressum habemus. Hinc docet Apostolus nos per Baptismum mori cum Christo, & cum eodem sepeliri: quod nimirum genialis vnda excidium peccato inferat, animam vero denuo vita restauret. Quam generationem spiritualem Euangelista Baptismo quoque attribuit: *Nisi quis renatus fuerit ex aqua & Spiritu sancto, &c.* Simile quid de Sacramento Confirmationis pronuntiatur: *Tunc imponebant manus super illos, & accipiebant Spiritum sanctum.* De Penitentia hoc elogium profert Scriptura: *Quotum remisistis peccata, remittuntur eis.* Vnctionis vim istis declarauit *Matth. 10.* D. Iacobus: *Et si in peccatis fueris, remittentur.* Ordinis effectum testatur *Iacob. 5.* Apostolus Paulus: *Admoneo te ut resuscites gratiam, quæ est in te, per impositionem manuum mearum.* Matrimonium sacratum esse contractum, ac gratiæ donatricem, ostendit idem Apostolus: *Sacramentum hoc magnum est in Christo & Ecclesia.* At hæc Scripturæ testimonia alio trahunt *Tim. 1.* Sectarij, non ignoro: quid tum peto? Num illis potius credendum, quantum ad eorum intelligentiam, quam orthodoxis Patribus, Græcis & Latinis? quam Ecclesiæ consensui & vniuersali praxi, temporum præscriptionibus, sanctorum vocibus, & martyrum sanguini? Hæc nostra sunt, Sacramentorum hanc adstruunt virtutem, nemo dubitabit: nihili pendo erroneos illos in Deum blasphemos, in homines truculentos, numero paucos, scelere infinitos, scientia, nullos. In disceptationem autem venit apud Scholasticos, utrū Sacramenta actione aliqua reali ac physica gratiam hanc producant, an vero solū morali: quatenus operantur ex illo valore, quem illis Christus veluti suis sigillis imper-

D D d d 2

ciuit,



riuit in eorum institutione. Veteres Theologi moralem tantum efficientiam agnouerunt: porro recensiores pro virtute physica acriter depugnant. Meo quidē iudicio nullus hactenus vel probabilitate tenus ostendit, quomodo Sacramentorū elementa nulla in eis mutatione facta excitentur eo modo ad effectum illorū natiuas vires excedentē: aut qua ratione in illo momento, in quo esse desierunt, physicam energiam exerceant. Verum in istis scrupulosi non immoramur.

*Christi  
meritis ni-  
hil derogat  
vis Sacra-  
mentalis.*

*Ioan. 3.*

Vehementer tamen admiror Sectariorum vel nequitiam, vel singularem inscitiam: qui orthodoxorum dogma de Sacramentorum efficientia institutū, Christi meritis aduersari ac derogare passim clamant ac deprædicant. Quid (inquiunt) an non vnus Christus satis abunde facit ad salutem? quorsum gratiæ obtinendæ causâ Sacramenta mundi elementa adeunt Romani? Christo (vt videtur) diffidunt, proinde superstitiose rebus alijs & externis symbolis inherere, relicto fonte, nescio quos riuulos consecretantur. Falsi estis, & inanes verborum architecti. Iusta vestra existeret querela, si vim aliquam sanctificandi attribueremus Sacramentis, quæ effectus non esset meriti in Christo abundantis: vel quæ non impressa illis esset institutionis ritu. Sigilla sunt Sacramenta iustitiæ characterem animis hominum inferentia, sed in manu Christi. *Ipse est qui baptizat.* Ipse est qui illis vim omnem concedit, illisque propter Christi meritum Spiritus sanctus vtitur ad efficiendam iustitiæ gratiam. Quid penicillus pictoris arti detrahit? quid Christi caro Dei potentiæ derogat? Potuit quidem Deus sua sola potentia mundi noxam delere, vitiorum maculas abstergere, illatum à Satana damnum refarcire, nihilosecius nobis hac ex parte multum deferens honoris, naturam nostram sibi arctissime adiunxit, & ea veluti instrumento diuinæ ipsius personæ copulato orbis salutem est operatus. Hinc meritū, hinc satisfactio, hinc sacerdotium, hinc misteriorum institutio. Num aliquid diuinitati præripimus, dum humanitati atque creaturæ expiationem hanc acceptam referimus, dum redemptionis ac iustitiæ causam illam deprædicamus? relicto fonte an riuulos querimus? vti fabulam de nobis commentantur sectarij. Minime gentium. Quid ita? quod humanam in Christo naturam vim à diuinitate deriuatam habuisse adstruamus ad hæc præstanda: quod non innata sibi virtute, sed transfusa reparatione nostri generis absoluerit. Quocirca sicut nullam iniuriam Deo facit, quod Christi carni attribuimus, ita neque Christo detrimentum adfert, quod eius Sacramentis concedimus. Vtrobique principium & fons virtutis in ipsa diuina natura reperiuntur. Imo an non ex hinc potius singularem



gularem Christi Domini dignitatem ac potentiam statuunt orthodo-  
xi, efficientiam gratiæ ex opere operato Sacramentis ipsius adscriben-  
tes? Si enim in nulla alia re ita dicamus Deū vim suam effectu aliquo  
expressisse, atq; cum assumpta tibi fragili natura nostra, ea peccatum ac  
satanam expugnarit: *Dum omnipotens Dominus* (vt D. Leo Papa disserit)  
*cum sensissimis hoste, non in sua maiestate, sed in nostra concreditur humilitate:* &  
quasi cum Dauide inermi, sūda immanem Gygantem strauerit: simi-  
liter tunc vel maxime Christum Dominum nobis suam potentiam  
spectabilem effecisse dicimus: quando infirma ceteroquin mundi ele-  
menta, Sacramenta effecerit sua, eorumq; effectione hominum animas  
sanctificarit. Ipse quippe potens est mel elicere de petra, oleumque de  
saxo durissimo.

*Leo serm. 1  
de natul.*

*Psal. 49.*

Venio nunc ad Ecclesiæ admirabilem candorem atque venustatem,  
quam habet ex Sacramentis: quibus a Christo sponso dotata, quasi li-  
uore perpolita, fragrantique colore picturata, egregie in omnium ocu-  
lis nitet & collucet: dignaque existit, quæ casto connubio Christo Do-  
mino copuletur, in quo omnia purissima existunt & diuina. Atque vti  
à Baptismo exordiamur: continet hic ablutionem peccatorum, & la-  
uacrum in verbo vitæ, vt loquitur Apostolus, regenerationem præstat,  
& nouam creaturam. Prima illa nostra productio (vt animaduertit  
Greg. Nazian. feda & nocturna: hæc autem secunda reparatio niri dif-  
fusa, & in ipso splendore irradiantis fidei: quam ideo recte cum Apo-  
stolo, D. Dionysius *φωτισμὸν* illuminationem vocat. Sigillum est, vt no-  
tant Clemens Alexandrin. Gregor. Naz. Chrysostomus, quo Christia-  
nismi forma & character fidelium animis imprimitur. Cuius ritus fi-  
guram prælatam olim aspexerunt Iudei: atque primo in ipsa eluione.  
Sicut enim exundantes aquæ peccatores extinxerunt, & è terra sustu-  
lerunt: ita (quod testatur D. Petrus) ablutio Baptismalis scelera prius  
inoluta ac penitus animis infixæ, eluit & emundat. Deinde Baptismus  
in mare ac in nube virtutem nostri mysterij præsignauit haud obscure,  
vt obseruauit D. Damascen. Mare namque aquam vbique locorum  
ad hunc sacrum vsum redundantem: nubes Spiritum sanctum aquis  
præsentem representauit: ideoque Spiritus sancti familiare elemen-  
tum aquam appellat Tertullian. Sicut namque aqua calefacta propriæ  
naturæ fines quasi egressa, quæ ignis sunt, efficit: ita (vt disserunt Cyril-  
lus Alexand.) aqua Baptismalis seruore sancti Spiritus affecta, ardo-  
rem iustitiæ & habitualis charitatis producit: qui peculiare opus est  
eiusdē sacri Spiritus. Quamobrē historia rerū, quam in Genesi conte-  
xuit Scriptura, narrat omniū primū viuens ex ipsis aquis emeruisse in  
lucem:

*Puritas  
Ecclesiæ ex  
septē Sacra-  
mentis &  
primo ex  
Baptismo.*

*Greg. Naz.  
orat. in S.  
Lauac.  
Heb. 6.  
Dionysii lib.  
eccles. hie-  
rarch. cap. 1  
Clem. Alex.  
1 Strom.  
Greg. Naz.  
in Lauac.  
Chrys. ho-  
mil. ad il-  
lumin.  
Gen. 7.  
1. Pet. 1.  
1. Cor. 10.  
Damasc. 4.  
orth. fid. c. 8  
Terul. lib.  
de baptis.  
Cyril. Alex.  
in c. 3. 107.*

DD dd 3

lucem:



*Tertul. lib.  
de Baptis.  
Optat. l. 6.  
cont. parm.  
Iren. lib. 1.  
cap. 13.*

*Gen. 45.*

*Gen. 24.*

*Gen. 40.*

*Exod. 30.*

*Esaie 35.*

*Heb. 6.*

*Virtus cō-  
firmationis  
Sacramēti.*

*Tertul. lib.  
de carne  
Christi.*

lucem: quemadmodū modo Christiani vitalē aurā in ipsis aquis origi-  
nis initio hauriunt: atq; exinde veteri nomēclatura dicti piscis, vt nar-  
rant Tertullian. & Optat. Milev. Symbolū porro gerit ablutio hæc cō-  
paginis, qua inter se membra Christi in eius corpore mystico coherent.  
Nam vt medulla tritici cribro excussa & depurgata in panem non  
coalescit, (vti notat D. Iren.) nisi aquæ contemperata inde constipe-  
tur: ita non nisi aqua Baptismali interueniente fideles coalescunt,  
vnumque corpus constituunt partibus suis absolutum & decenter  
colligatum. Istius fontis indicatu, Ismaelis sui siticulosi ac moribundi  
infantuli, mater Agar vitam seruauit in deserto. Rebecca viro felici-  
ter desponsanda, sicut & Ecclesia Christo, iuxta puteum inuenitur.  
Iacob varijs in locis ac sedibus itineris sui fontes hosce fodicatione.  
altiori quæsiuit: quod & Christus absolutissime præstitit aquarum ve-  
nas aperiens ac referans, in omnibus mundi plagis fluentes ad rege-  
nerationem. Os quidem Baptismalis putei ingenti lapide ocluditur,  
quo mysterium abluionis denotatur. Et vt Iacob, cuius nomen prop-  
ter mentis ipsius intelligentiam, videns Deum interpretatur, lapidem  
hunc primo amouit, & interius fundū inspexit putei, atq; illius aquæ  
vsum propinauit armentis: ita Christus Dñs vim illam, qua prædita  
est genialis vnda, verbo condidit, ac verbo detexit suo, eiusdem virtu-  
tem nostris commodis destinauit. Hic infantes exarmati proprijs mu-  
nimentis, papiriceis fiscellis inclusi cum tenello Moyse, ad Pharaonis  
filiam, nimirum Christi tranant Ecclesiam. Iordanis ripis gloria Li-  
bani & Carmeli decor cesserunt. Libani cedris in immensū fastigiatis  
& porrectis in altum nihil ferme sublimius. Carmeli solitudine Ere-  
mitarum gressibus dimensa nihil sanctius vel innocentius. At in Bap-  
tismo nostro excitantur homines cedri Dei, vertice ac vitæ genere cēlos  
attingentes. Carmeli quoque solitudinem retinemus, vbi Satanæ  
istiusq; mundi spectaculis renunciatur, & cum Christo vita abscon-  
dita instituitur.

Verum quod præstantissima queque cum aduersis seueno conflictu  
eliciuntur: Christiana professio, cui vis barbarica & fraudulentia  
heretica perpetuo infesta fuere, in pugna perspicua ac illustris maxime  
apparet. Concertatione probatur, congressu meretur, & si quid in illa  
eximij sit, in lucta illud emicat & efflorescit. Quocirca Baptismo se-  
mel initiati, denuo sacro crismate vti palestræ inunguntur: atque ad  
prælium se inde parant. Caro (vt inquit Tertullianus) inungitur ac signa-  
tur. Atque in ipsa fronte, pudicitæ sede, parte corporis maxime aspe-  
ctabili, crucis vexillum explicatur: nihil cedendo vel crucis ignomi-  
niæ



nix aut oppugnatoris furori. Olim ex præscripto Dei, liquore oleagi- Exod. 30.  
 neo aspersa & delibuta fuit sacra templi supellex: nunc vero  
 viua quæ sunt Christi membra eius vnctionem excipiunt; quasi  
 diuino cultui consecrata, & ordinata ad certamen. Nec incon- Gen. 46.  
 sulto. Nam Christus, è quo nomen & professionis rationem accepi-  
 mus, vnctus interpretatur: ad quem indicandum, Iacob petram oleo  
 liniuit, & effusum fragrantissimum oleum in barbam Aaronis, ab eius Psalm. 132.  
 capite vsque ad oram vestimenti sui defluxit. *Impinguaſti* (inquit Pro- Psalm. 22.  
 pheta Dauid) *in oleo caput meum*. Cuius vnctionis effectum designans  
 subiunxit: *Et calix meus inebrians, quam præclarus est!* Sacro quippe cris-  
 mate delibutum, nulla intentata vis, ei vocem, qua Christum profitea-  
 tur, comprimet, aut aduersæ fortunæ calix terrebit: sed illi potius tru- Iud. 7.  
 culenta, grata erunt, & spineta in roseta transibunt. Huiusmodi oleo  
 charitatis perennis flamma nutritur, honestæque vitæ luce ita fota re-  
 splendet. Milites Gedeonis cum buccinis simul ac lampadibus inuicti  
 discurrent: oliua virens pacis ac victoriæ hieroglyphicū. Oleo autem 2. Cor. 2.  
 balsamum admiscetur, liquor odoratissimus. Non enim nobismetipsis  
 tantum integri ac perfecti esse debemus, verum etiam alijs grati &  
 proficui; & vbique bonus odor (vt loquitur Apostolus) in Christo. Eccli. 24.  
 Vnde propter hanc morum suaueolentiam Ecclesia mons est Libani.  
*Ibi Cyprus cum nardo, nardus & crocus, fistula & cinamomū, cum omnibus primis*  
*unguentis.* Et quemadmodum vehementius spirans ventus, illasque  
 arbores reuerberans, odores suauissimos diffare solet, & quam longis-  
 sime deferre: ita cum persequutio aliqua Christianis incubuerit, tunc  
 efflant ipsi sparguntque virtutum odores. Nec quidem veretur aut  
 metuit has procellas impulsusque ventorum Ecclesia, quinimo illos  
 potius in votis habet ac delicijs: *Surge* (inquit) *aquilo, & veni Auster, per-*  
*ſa hortum meum, & fluent aromata eius.* Quibus perlitrepentibus. *Sicut cina-*  
*momum & balsamū, aromatizans odorem* (inquit dedit) *quasi myrrha electa dedi*  
*suauitatem odoris, & quasi storax & Galbanus, & gutta, & quasi libanus non inci-*  
*sus vaporavi habitationem meam, & quasi balsamum non mistum odor meus.* Vul-
 tures fragrantiam hanc auersantur, ita odores nostros ac balsamum  
 demones & heretici. Verum sicut odores suaues illos iucunditate per-  
 fundunt, qui eosdem non vident: ita pura honestaque orthodoxy-  
 rum studia infidelium sensus demulserunt: interim nihil eorum cer- Psalm. 40.  
 nentes, quæ ab ipsis creduntur: myrrha enim, gutta, & casia à vestimen- Halenf. 4.  
 tis orthodoxi. Neque incongrua ratione inductis Halensis noster p. q. 26. m. 1  
 triplicem ab Ecclesia vsurpatam vnctionem, Dauidis vnctione pariter  
 triplici figuratam esse coniecit. Primo vnctus fuit Dauid in domo 2. Reg. 5.  
 paterna



2. Reg. 5. paterna, cui respondet apte nostra vnctio in Baptismate. Deinde vnctus in Hebron duobus tribubus p̄ficitur. Huic quadrat Confirmationis vnctio, quæ initia adfert imperij & autoritatis. Tertio denique vnctus fuit Dauid, & duodecim tribuum Rex constitutus: atque huius generis spirituales quandam accipiemus vnctionem in beatitudinis donatione: quando menti ac rationi ipsique Christo aduersa nostra omnia subijciuntur.

*Puritas  
Ecclesiæ ex  
Sacramēto  
p̄nitentiæ  
Leuit. 13.*

*Concil. La-  
teran.*

*Puritas  
Ecclesiæ ex  
Sacramēto  
eucharistiæ*

*Zach. 9.  
Deut. 32.  
Iona 2*

*Puritas  
Ecclesiæ ex*

Ea autem est humanę naturę fragilitas in malum, & tot illi obiectę sunt delinquendi occasiones: vti sæpius contingat hominem labi ac cadere, vitamque suam defletere à tenore iustitiæ. Quamobrem sicut Iudaica lepra iudicio ac censurę sacerdotali exponebatur: ita nunc Iudici Sacerdoti Christi vices in terra gerenti aperiendum crimen, ardore p̄nitentiæ decoquendum, ac humili confessione animo expellendum. Quæ Catholicę Ecclesiæ innocentia hinc elucet? quam pio & infanti dogmate perpetuo veritatem dicit? An non hoc maximum quandam peccati horrorem hominibus inculcit, quo intelligunt maturo concilio Sacerdoti voce cordis dolore moderata contractum scelus detegendum, illius iudicium subeundum, nec interius diutius retinendum malum? Imo Ecclesiastica sanctione cautum est, ne quis sub Excommunicationis p̄na ultra terminos vnius anni hasce vitiorum maculas apud se celet, aut silentio tegat: ita innocentia cura tangitur Ecclesia, adeo assidua est in expurgandis hominum animis.

Qui autem spirituales animæ vitam retinent, ac labe carent grauioris noxæ: ij ad Christi mensam, ad eius conuiuium ac delicias admittuntur, inuitantur, atque amoris lenocinio ferme compelluntur. Ibi panis corroborans ac vegetans mentem, ibi vinum inebrians spiritum, ac germinans virgines conuiuiis distribuuntur: medulla tritici saginantur, & vino potantur non diluto, sed meracissimo. Et quemadmodum corporeos artus cibus potusque firmant, eosque idoneos reddunt itineribus conficiendis, alijsque vitæ laboribus exantlandis: ita Eucharistiæ refectio constans ex pane plusquam angelico, & vino expresso ex ipso botro lateris Christi, robur adfert & firmamentum ad omnia honesta virtutum instituta, ad profligandos aduersos impetus: denique efficit, vti cum Propheta subcineritio pane refocillato, ad montem Dei agiles, vegeti, & alacres ambulemus: quo detractis inuolucris externarum formarum, in ipsum dilucide oculis intendemus, quem nunc in pectore coërcemus ac mystice reclusum gestamus.

Neque existimandum erit bonum omne, quod nobis Christi munere obtingit, priuatis actionibus terminari, atque nostrijs proprijs emolu-



emolumentis definiri: siquidem ad alios quoque nobis quomodolibet vicinos peruat. Idcirco in Ecclesia Myltarum peraguntur initiationes, quibus habito delectu præficiuntur aliqui alijs curandis, reficiendis, sanctificandis, ac reliquis sacris muneribus, ad aliorum commodum relatis, legitime defungendis. Quod vero istis ita ad prælaturam euectis graue onus incumbat, ipsisque angelorum humeris formidabile: dum mysterijs iniciantur, virtute Sacramenti Ordinis gratiam accipiunt, ac munimen: vnde adiuuentur & excitentur ad tam sublimia & ardua procuranda. Fastum proinde inprimis hi abijciunt, se alijs dimittunt, ad labores se accingunt, & ad malorum tolerantiam: in officijs suis assidui, infracti, imperterriti, atque in Ecclesiæ præsidio vigilantissime de die ac de nocte excubantes. Quorum pulcherrimus ordo Hierarchy cælestem refert, ac talem reddit Ecclesiam. Vnde Clemens Alexandrinus: *Nam hic quoque in Ecclesia progressionis Episcoporum, Presbyterorum, Diaconorum sunt: ut arbitretur initiationes gloriæ angelicæ, & illius inuentionis & dispensationis.* Qui quidem ordines proprios habent vti loco, ita & perfectione gradus: nam ut ait D. Ambrosius. *Aliud est quod ad Episcopum requiritur Deus, & aliud quod à Presbytero, & aliud quod à Diacono, & aliud de dignitate quod à Clerico, & aliud quod à laico, vel à singulis quibusque hominibus.*

*Sacramentis Ordinis.*

*Clem. Alex. Strom. 6.*

*Ambros. lib. de dignis. sacerdot.*

Quibus autem animus tam alta petendi non adest: ij honorabili coniugio se deuouent, liberis dant operam & policiam. Neque tamen gratiæ præsidio destituuntur in Sacramento Matrimonij, quod susceperunt, & merito: constituentur nempe in summa adiutorij necessitate. Non enim brutorum ritu illis libidini erit indulgendum, aut pro libito abinuicem vage discedendum: quapropter vti continentia coniugalis in illis quoque seruetur ac vigeat: & ut mutuus amor vitæ confortium sustentet ac deuincat, gratiam recipiunt Sacramenti effectione, ac Christi institutione.

*Puritas Ecclesiæ ex Sacramento Ordinis.*

Denique non illos deserit aut aspernatur Ecclesia, qui animam agentes morti incipiunt succumbere, qui soluta corporis compage animæ egressum habent in vicino, qui in lecto doloris morbi cruciatus ac timoris aculeos perferunt. A quibus cum vires defluerint, amici discesserint, ornamenta omnia fortunæ vel artis deciderint, præsto tunc adest pia mater Ecclesia, & Vnctionis Sacramento illis subsidium adfert, corporis leuamen & animæ solatium donat. Atque istis modis ad seruandam vitæ innocentiam, ad expurganda delicta, Sacra orthodoxorum faciunt mirifice: puritatem spirant, ac Christi erga nos amorem. Quæ omnia Sæctarij cum ad vnā phanaticam fidem reducunt, cum ipso satana conspirant, ad impediendam animarum salutem, ad

*Puritas Ecclesiæ ex Sacramento Vnctionis extreme.*

E. E. e.

perfrin-



402 DE TRIPLICI HOMINIS OFFICIO,

*Apo. 6.*

perfringenda Christianę vitę præsidia. Cōminatum tamen Satanę no-  
uimus, (sub cuius vexillis ipsi merentur stipendia) ne vino aut oleo in  
sua tyrannide exercenda noceret: hæc enim pius Samaritanus in illius  
miseri ac plagis confecti vulnera benefice quondam infudit, & nostra  
Sacramenta præsignarunt. Agat itaque satan quod poterit, sectarij  
omnes impetum in nos faciant: vino tamen & oleo non nocebunt,  
integra, valida, illæsa, imminuta, eadem semper permanebunt septem  
Ecclesię Catholicę Sacramenta.

*Religionis, charitatis, omnis plane virtutis, Eucharistia sa-  
cro sancta causas habet, illa ex fide, qua eam suscipiunt  
orthodoxi: sub externis symbolis panis ac vini, creden-  
tes vere ac realiter contineri sacrum Christi corpus,  
eiusque sanguinem: atque hæc Deo patri sacerdotis mini-  
sterio in altari mystice offerri.*

CAPVT XXXI.

*2. Reg. 7.*



*Summa  
religionis  
Christianę  
in cultu  
Euchari-  
stie.  
Scotus in  
4 d 8. q. 1.*

I populum Hebręum ea diuini cultus summa ac distri-  
cta cura sollicitos habuit, & præcipue Dauidem & Salo-  
monem principes: uti ad referuandam arcam, in qua  
legis tabulę, Moyfis virga, ac mannę vna includeban-  
tur: omnium quę in mundo erant splendidissimum  
templum extruere voluerint: quanto magis illustris apparatus cere-  
moniarum, pompa ædificij magnificentior à nobis vsurpari debent,  
vnde Eucharistiam, ipsum Christi Domini corpus ac sanguinem alie-  
nis speciebus velata, nobis in nutrimentum donata, in patrocinium, in  
Sacrificium concessa, digne ac decenter excipiamus? Certe tanti fecit  
semper Ecclesia hoc beneficium, uti præcipuo studio sese occupauerit  
in ritu ac cultu eiusdem; omnemque ferme religionis progressum eo  
destinavit. Hoc Ioannes Scotus istis animaduertit: *Omnis deuotio in  
Ecclesia est in ordine ad hoc Sacramentũ. Propter hoc enim Clericus maiori cum deuo-  
tione persoluit officium diuinum in ordine ad Missam. Propter hoc etiam populus deu-  
otius Missam audit, quam aliquid aliud officium Ecclesiasticum. Propter hoc singuli  
maiori cum diligentia consentunt secundum ordinationem Ecclesię. Sectarij itaque  
hoc maxime insigne donum Euangelicę gratiæ suis cętibus extur-  
bantes,*



bantes, pariter religionem omnem externam eliminarunt. Quid obsecro cultus reliquerunt superstitis? Conceptas formas diuinarum laudum vti hominum commenta & ineptias fastidiunt: priuatæ vero, *Religione caræ sectarum liturgica,* quas vnicuique suggerit spiritus, liturgicæ non sunt, id est haud solennes, aut Ecclesiastici alicuius magistratus functiones. De vna concione, eaque putida & insulsa, inflata admodum gloriatur & tument. Quam religionis compendium ac legis totius clausulam vocitant. Ceterum Eucharistiæ causa penes orthodoxos quam magnifica, quam splendida, quam diuina forma elucet religionis? Hoc autem distinctius per partes ostendero, si rationem Sacrificij in hoc mysterio prius ineeperim enarrare.

Naturæ hominis admodum consentaneus est ille ritus colendi Deū, *Cassian. coll. 2. c. 23 D. Thom. 2. 2. q. 85. art. 1. D. Amb. l. 1. de Cain & Abel.* qui sacrificij celebratione peragitur. Hunc tam Græci quam barbari perpetuo retinuerunt: nullaque inter homines extitit natio, quæ oblato sacrificio Numen non est venerata, commissa scelera non expiauit inde, cælestiaque dona conciliauit. Hominum quidem culpa ac vitio euenisse censuit Porphyrius, quod animalia, in quibus ipse Pythagoricus animas ratione præditas inesse existimauit, in Sacrificia mactarentur: veruntamen herbarum succis ac fumigatione ardentibus prunis excitata, vti perpetua & innocua cæremonia ab hominibus vel ab initio nostri generis litatum fuisse testatur apud Eusebiū. Quod sacrificij genus appellant *θύσιν* Græci: ex quo *θύσιν* sacrificium dici volunt. Atq; hoc ritu coluisse Deū Cain credibile est, qui obtulit de frugibus terræ, nullius animantis sanguinē effundens in suo sacrificio. Propter dignitatem tamen hostiæ, aliasque mysticas significationes, sacrificium Abel, in quo animalia immolabantur, prælatum fuit, & eius formæ oblatio deinceps à Iudeis obseruata: quod ita enarrat D. Ambrosius: *Considera quia non de insensibilibus, sed de animantibus obtulit: plus est enim animalis, quam terrenus: siquidem animalis proximus spirituali est; non enim prius quod spiritale est, sed quod animale, deinde quod spiritale. Quod animale spirat, habet vitalem spiritum, non quod de terrarum fructibus.* Absque dubio Cain & Abel ritum litandi ab ipsorum parente Adamo didicerunt: de quo nullam constat fuisse legem aut præceptionem præter naturæ rudimentum ac notionem. Quocirca, etiam si Adam in Dei mandatum non deliquisset, haud improbabilius coniectant Theologi fore in more ponendum apud homines vsum sacrificij, quo Deo latriæ cultum exhiberent. Tamen si enim (vti modo res decursum habuere) illa penes veteres cruenta hostiæ mactatio, Christi in cruce oblationem expressit & adumbravit: nihilosecius hac etiam ablata representatione, *Ambros. l. 1. de Cain & Abel cap. 10. 1. Cor. 15.*

E E c c 2

optime



optime potuit inferuire religioni sacrificandi ritus, ad agnoscendum Dei supremum imperium, illiusque auxilium deuocandum. Naturam namque causam inuenisse sacrificij, haud obscure indicat scriptura:

*Paralip. 29* *Tua sunt omnia, & de his quæ de manu tua accepimus, reddimus tibi.* Quare ne Christianum cultum non solum Iudaica, verum etiam Ethnica religione, inferiorem faciamus: huic quoque ritus sacrificandi concedendus. Parum refert quod dicant sectarij, internos nempe animæ motus sufficere, ac interius tantum sacrificium cordis exhibendum: nam hic cultus omnibus debet esse communis; vixit quippe semper in illis, qui quouis tempore Deum agnouerunt: quem externo tamen ritu sacrificij repræsentarunt. Minime autem credibile Euangelium religioni iacturam attulisse, sed accessum potius: non ergo requirit solum animæ deuotionem latentem interius, sed eiusdem effectum ac indicium illustre postulat, quo Christianum cultum definiamus omnibus aliorum ritibus antistare. Hoc autem exhibitum credunt orthodoxi mystice in altari, quando Christi immaculatū corpus, eiusque purissimus cruor Deo patri sacerdotis ministerio offeruntur: vbi de frugibus terræ, si ad species panis ac vini cogitationem referamus: de animalibus quoque præstantissimo sacrificatum fide interius penetrante intelligimus. *Panis iste* (inquit D. Cyprian) *substantialis, & calix benedictione solenni*

*Cyprian. de* *sacrat, ad totius hominis vitam salutemque proficit, simul medicamentum & holo-*  
*cæn. Domi.* *caustum ad sanandas infirmitates, & purgandas iniquitates existens.* Nihil attinet huc referre Patrum testimonia, historiarum monumenta, Conciliorum sanctiones, orbis consensum ad adstruendam fidem nostram de hoc mysterio, ac sacratissimo libamine: infinita sunt, perspicua, in propatulo, nobis ab aduersarijs vltro conceduntur quæ volumus in hoc genere omnia. Quid luculentius, quam quod istis disputat D. Iren?

*Iren. lib. 4.* *Eum qui ex creatura panis est, accepit, & gratias egit, dicens hoc est corpus meum,*  
*cap. 32.* *& calicem similiter, qui est ex ea creatura, quæ est secundum nos, suum sanguinem confessus est, & noui testamenti nouam docuit oblationem, quam Ecclesia ab Aposto-*  
*lis accepit, in vniuerso mundo offert Deo, ei qui alimenta præstat primitias suorum*  
*Malach. 1.* *munerum, in nouo Testamento, de quo in duodecim Prophetis Malachias sic præfig-*  
*navit: non est mihi voluntas in vobis, dicit Dominus omnipotens, & sacrificium*  
*non accipiam de manibus vestris, quoniam ab ortu solis vsque ad occasum nomen*  
*meum glorificatur inter gentes, & in omni loco incensum offertur nomini meo, & sa-*  
*crificium purum. Sacrosanctam hanc oblationem priuilegiū ac Eccle-*

*Origen. ho-* *sia esse dotem ostendit Origenes, propriamque eius notam, qua à*  
*mil. 1. in* *quolibet alio hominum cætu secernitur. Cum videris gentes intrare in fi-*  
*Joſue,* *dem Ecclesiæ, extrui altaria, non cruore pecorum respergi, sed pretioso sanguine*  
*Christi*



Christi comparari: cum videris sacerdotes & Levitas non sanguinem bircorum & taurorum, sed verbum Dei, id est Christum, & spiritus sancti gratiam ministrantes: tunc dicito quia Iesus post Moysen suscepit & obtinuit principatum: non ille Iesus filius Naue, sed Iesus filius Dei. Quid? an non isti Missæ sacrificium ex verbis ipsius scripturæ eliciunt, an non earundem sententiam optime adsequuti sunt? Cur dicunt Sectarij per deridiculum Missæ sacrificium inuentum esse Papisticum, cum Patres antiquissimi illud agnoverint ac celebrarint? Quæ autem enunciant, sat scio neutiquam quadrare poterint in aridam & tenuem ipsorum cœnulam. Illa etenim panis manducatio, quid simile habet cum sacrificio? nisi edentulum quoddam sacerdotium velint & holocaustum ex buxella in ore constitutuere. Est quippe nihil aliud (vt ipsi fatentur) Eucharistia Geneuensis, quam externum symbolum per modum obiecti mentem excitans ad fidem circa promissâ Dei: quod etiam Baptismo erit commune: nihilo proinde magis cœna illa sacrificium dici poterit, quam ablutio capitis vel pedis in Baptismo: vt liqueat illos nullo modo posse Patrum sententias eludere, vel ad rem ipsorum detorquere.

Admirandam autem cum animorû tum etiam corporû puritatem hæc suscepta ab orthodoxis mysteria requirunt. Si modo sensibus gratum, quid & iucundum opinione nostra hac in causa definiremus: aliquid fortassis subesset, vnde suspicarentur Sectarij nos errore duci, & carnis illectamenta sequi: at hac nostra fide nihil minus profiteamur, vel præ nobis specie tenus ostendimus. Nam rationis perspicientiam excelsionem. Puritas  
Ecclesie ex  
sacrificio  
Missæ, pri-  
mo ex mē-  
tis dimi-  
sione. dunt protinus, quæ de tantis mysterijs credimus. Humanæ argutia intemperantiam coercet, ipsamque vitæ rationem à nobis exigunt, quæ plane diuina sit, omnibusque insignita virtutibus. Procul ableganda suadent sensuum lenocinia, nihil denique præ se ferunt, quod vel intelligentiæ peruium facile sit, aut appetitui laxato iucundum: non ergo humani aliquid obscuram hanc fidem sustentat in nostris animis, sed cœlitus immissa persuasio: quæ cum insolentiam mentis reprimit, tum corporis effrenem motum regit ac moderatur. Quæ duo facile patebunt, si modo mysteriorum inuolutam veritatem, & eorundem augustam atque Sacram maiestatem ex sententia orthodoxorum expendere velimus. Quod autem ea, quæ in istis peraguntur, rationis nostræ inquisitionem & conspectum penitus fugiant, ideo sancti Patres altissimis a Deo effectis, vt pote creationi rerum, Christi Domini Incarnationi, mutationi aquæ in vinum, multiplicationi panum, æquipararunt. Cogitatu sane nostro ne dum perceptibile, quomodo natiuitas illæ dimensiones, quibus Christi corpus in cœlis expan-

E E c 3

ditur,



ditur, exiguis illis panis ac vini contineantur speciebus: ita ut sub vna-  
 quaque vel minima particula earum, integrum corpus quasi clausum  
 habeatur. Ad quod illustrandum, populare illud exemplum extime  
 spheræ, cuius deuexa superficies nullo externo ambiente finitur, haud  
 facit plene. Nam sphaera illa prædita est in suo situ ac positura, vera ac  
 reali extensione extrinseca, ita ut eius diuersæ partes diuersis parti-  
 bus accommodatè respondeant spatij vacui & imaginarij: ac eodem  
 modo se habet circuitus ille orbis, ac si pleno aliquo & concreto am-  
 biretur. Verum Christi corpus in Eucharistia extensione omni pror-  
 sus destituitur extrinseca: neque solum non coextenditur panis di-  
 mensionibus, sed nec alicuius spatij partibus ex cogitatione nostra  
 modo quantitatis congenio aptatur. Accedit vero huic difficultati  
 ineffabilis ille transitus, quo absq; motu locali Christus ad Patris dex-  
 teram confedens, reali sua præsentia adesse incipit speciebus panis ac  
 vini. Demum obscuritate implicatur, quod asserimus de horum mu-  
 tatione: quandoquidem ex vi cuiusdam diuinæ energiæ desinant esse,  
 corpore ac sanguine Christi aduentantibus: interim accidentia sub-  
 iecto proprio viduata supersint. Alia pleraque conspiciuntur, quorum  
 rationes in istis mysterijs examussum non tenemus. Sed quid? ideone-  
 à fide discedendum, quod mentis acies, contagione corporis prædita,  
 phantasmatum occursum obnubilata, nequeat mysteriorum exactam noti-  
 tiam inuestigatione sua consequi? Nihil minus: sic enim neq; Perfo-  
 rarum in diuinis Trinitati, vnitati substantiæ adiunctæ, Verbi æterni cum  
 carne humana in singulari Hypostasi coniunctioni à quopiam crede-  
 retur: quæ quidem si humanas argutias spectemus, exæquant vel  
 superant latenti veritate Eucharistiæ Sacramentum. Quin potius  
 orthodoxam fidem admittentes, duo exinde ad emolumentum no-  
 strum recipimus. Primum, opinio est quædam diuinæ virtutis, quam  
 admiramur, tantorum operum effectricem causam. Alterum, propriæ no-  
 stræ imbecillitatis existimatio recta ac vera: ex cuius agnitione dimit-  
 timus nos Deo, sensusque animorum eius subijcimus molitionibus.  
 Multum itaque Orthodoxa fides facit hac in re ad reprimendam  
 mentis nostræ insolentiam, atque ad veram humilitatem. Non autem  
 minus eadem conducit ad vitæ præstantem integritatem, prauosque  
 appetitus motus comprimendos: adeo ut in cogitatis factisque pariat  
 summam in nobis perfectionem.

*Puritas  
 vitæ ex  
 mysterio*

Si veteris obseruationis Sacra, quando legali ritu sacerdotes Deo  
 libantes nostra adumbrabant, tantam ab illis postularint innocentiam,  
 quantā quis crederet humanis viribus vix potuisse constare: profecto  
 hac



hęc nostra sacra illis longe diuiniora, tremenda inquam mysteria, quę *Eucbari-*  
 peragimus in hac Euangelij luce ac splendore, à nobis multo accura- *stia in ip-*  
 tiorem, animę pariter atque corporis curam, districtioremque vtrius- *que mysteriis.*  
 que nostri partis custodiã merito postulabunt. Compariturus etenim  
 coram rege aliquo insigni (modo quidpiam retineat intelligentiæ) ho-  
 nelle decenterque quantum commodè fieri poterit se ornabit: atque  
 diligenter cauebit, ne aulę fulgentia ac loci decora à sordido suo cul-  
 tu ignominiam aliquam mutantur. Magnum sane est, ac merito sus-  
 piciendum, quod quis oratione mentem ad Deum eleuat, & ad eum  
 quodammodo quam proxime accedit: ceterum qui nostrorũ sacrorũ  
 mysta existit, non quomodolibet se Numini præsentẽ sistit, verum ad-  
 missus (vt videtur) in adyta cęlorum, atque angelorum cuneis stipatus,  
 fulgore cęlesti amictus, plane diuina perficit misteria. Quid plura?  
 Christi immaculatum corpus manibus contrectat, ore pretiosum eius  
 sanguinem haurit, atque ipsi Deo eadem offert in populi ac sui ipsius  
 expiationem. Quis hæc audiens, sese nostris altaribus propinquum  
 facere non extimescet? ad horum cogitationem totis artibus haud  
 tremet? corpus dico illud sacerdotis mysterio immolari, quod roseo  
 perfusum sanguine, flammeum diuinę irę gladium restinxit, quod re-  
 stitutionis nostrę pretium plenissime soluit, ac effudit magnificen-  
 tissime. Corpus ad Patris dexteram confedens, in quod ipsi angeli  
 desiderant intendere, diuinitatis habitaculum, crysallum in quo Deus *Psal. 40.*  
 effulget, mundissimum Gedeonis vellus, quod benedictionis fecundo  
 rore Ecclesię aream madefecit, nostrorum sacerdotũ liba est, & myste- *Iud. 7.*  
 riorum summa. Si nemo (inquit D. Chrysost.) purpuram regalem manibus  
 accipere inquinatis audeat: quomodo Dominicum corpus lingua polluta suscipiemus? *Chrysost.*  
 Qua de causa, vti tantis mysterijs idonei existant sacerdotes nostri, *homil. 12.*  
 cęlibem agunt vitam, virginis filium virginitate colentes, a libidine *ad pop.*  
 carnis mentis consilia ac sensus suos districta cura auocant, & ange-  
 licum quid in moribus suis nitidissimis exprimunt. Vestalia solum  
 virgines Vestę tractant: rite idcirco virginei Iesu Sacra sacerdotes  
 virgines administrant ac procurant. Nam vt ait D. Hieron: Si laicis  
 imperatur, vt propter orationem abstineant se ab vxorum coitu: quid de Episcopo  
 sentiendum est, qui quotidie pro suis populique peccatis illibatas Deo oblaturus  
 est victimas? Clericalis vitę religiosa integritas, imo & externus *Hieron. in*  
 corporis habitus ab hostiæ huius dignitate descendunt. Qui enim *1. cap. ep. ad*  
 altaribus sacris emancipati, nihil commune in actione aut vulgare *Tit. ep. ad*  
 quid profitentur, sed abiectionem earum potius rerum atque con- *Eustoch.*  
 temptum, quibus populus solet inescari. Merito idcirco hanc conti- *1. Cor. 7.*  
 nentiam



nentiam ac animæ rigorem in vestibus ostendunt, in incessu, in omnibus denique, quæ sui speciem aliquam intuentium oculis iniiciunt. Porro dum sacerdotes tantis mysterijs obeundis destinatos plebs animaduertit: eosdem summa quadam veneratione prosequitur. Credunt siquidem laici illorum ministerio filium Dei ipsis fieri præsentem: vti loci vicinitate, ita magis proficuum ad audiendas ipsorum preces, bonitatis indulgentia. Scelera denique sua sacro nostri sacrificij libamine expiari omnino statuunt: proinde hosce mystas suos, vti Dei Angelos, & Iesu maximos amicos, & quasi familiares eius ac domesticos colunt vbique & excipiunt. Quod cum tanta appareat sacerdotij dignitas, penes nos non sunt temerariæ aut promiscuæ sacerdotum electiones: quinimo per quosdam gradus non solum approbatæ vitæ, sed & functionis sacræ, qui laudabiliter ascenderunt, ij apti demum iudicantur muneris & characteri sacerdotali. Nec concitata multitudinis calculis solum approbantur, (tamen si olim in hoc delectu etiam populi suffragia exquirebantur, ad prodendam eorum innocentiam, qui initiandi erant) sed Antistitis autoritate legitima decernuntur, vntione sacræ & mystica, seu Sacramentali ordinatione ad hæc tremenda munera deputantur.

Cyprian.  
c. 2. Donat.

Puritas  
populi ex  
sacrificio  
Missæ.

2. Reg. cap.  
3. & 9.

Chrysostr.  
homil. 5.  
in encan.

Videmus autem quod quemadmodum hæc nostra Sacra illos excitant ad vitæ singularem præstantiam, qui ex officio illis incumbunt, ita quoque populum vniuersum religione alijsque virtutibus plurimum addictum habent. Vnde frequentius loca mysterijs peragendis statuta adeunt laici: vbi ex dignitate sacrificij animis ipsorum concepta, cum summa sui dimissione supplici prece & ardenti charitate Numen inuocant ac colunt. Si enim olim ad templum Salomonis, in quo arca seruabatur, ac nebula Dei gloriam indicabat, vndique concursus fuerit institutus à populo, atque in eodem Deus nomen suum ac virtutem posuerit, dicens: *Et erunt oculi mei & cor meum ibi cum vobis diebus*: Quanto magis propitius Deus aderit Ecclesijs nostris, in quibus non arca auro fulgens aut tenuis nebula visuntur, sed Christus Iesus præsens est & immolatur? Proinde hic asyllum habet populus, hic refugium, hic accessum ad Numen fauorabilem, hic cælum. Quo etiam spectat tanti Sacrificij pompa, externus celebrandi ritus, ac tota series ceremoniarum. Augustum enim quid ac tremendum sui obiectu representant, vnde excitentur fideles cum diuinorum incussa notione, tum eorundem summo amore ac reuerentia. In quam sententiam hæc Chrysostr.: *Nonne reuereris, & erubescis, & illa ipsa hora mendax inueneris? Pape, mensa mysterijs instructa est, & agnus Dei pro te immolatur, sacerdos*



cerdos pro te angitur, ignis spiritualis ex sacra mensa refluit, Seraphin adstant sex  
 alii faciem regentia, omnes incorporeæ virtutes pro te cum sacerdote intercedunt, ignis  
 spiritualis è caelo descendit sanguis in cratere, in tuam purificationem ex immaculato  
 latere haustus est: & non erubescis, reuereris, & confunderis, neque Deum tibi propi-  
 tium facis? Videmus itaque apud nos synaxes frequentes, ac summa  
 animorum propensione celebrati: auct enim vnusquisque fidelium  
 sacrosanctum Dei agnum altaribus impositum adorare, eiusque im-  
 molationi interesse. Quid religiosius, quam quod olim in nostra An-  
 glia Archiepiscopi Metropolitanus Ioannis Pecham decreto, in hæc  
 verba sancitum fuerit? In eleuatione corporis Christi, ab vna parte ad minus  
 pulsantur campanæ, ut populares, qui celebrationi missarum non valent quotidie in-  
 teresse, vbiunque fuerint, siue in agris, siue in domibus flectant genua, indulgen-  
 tias concessas à pluribus Episcopis habituri. Heu patria mea dulcissima,  
 quis pietatis ardorem hunc his postremis temporibus in te restinxit?  
 Quis diuini cultus admirabilem fulgorem obscurauit? quis religio-  
 nem omnem exterminauit? quis tuas Ecclesias præstantissimis in orbe  
 terrarum pares, si non superiores in porcorum haras ac deserta de-  
 mutauit? quis sacrificij loco in tuis sacrarijs, panaceum ludibrium re-  
 posuit? quis sacrorum omnium honorem & estimationem, quis po-  
 puli, & ostentorum procuracionem tibi enpuit? tu sola vidua es,  
 prole & marito spoliata, religionis cares gloria ac delicijs: enutrita  
 in croceis, amplecteris stercora. Et cum alibi orthodoxi diuinissimis  
 abundant panibus, tu fame peris, inedia ac squalore conficeris. In  
 gratiam vero tanti sacrificij, omnis ferme externus cultus in Christi  
 Ecclesia suscipitur. Magnificentissimo sumptu extruuntur templa,  
 eriguntur altaria, omnia vndiquaque splendide ornata aspicientium  
 animos deferunt ad cælestium cogitationes, quorum existunt simu-  
 lachra. Ipsa ara (inquit Theodoretus) diuina regij stipetibus, donis aureis, ac  
 gemmatis ornata conspicitur. Similem splendorem Valentis Imperatoris  
 Arriani oculos perstrinxisse, in illa Ecclesia, cui antistes præerat D.  
 Basilus, narrat Greg. Naz. In die Luminarium omnis populus in Ecclesia con-  
 uenit: ingressus est ipse: vbi ordinem Psalmody, aras omni decore ac reuerentia  
 cultas, populum denique diuino cultui assistentem vidit. Admiratus est: omnes enim  
 ut angeli cum reuerentia ac honore circa Basilium astabant. Modo sanctissi-  
 morum nostrorum Pontificum edicta aliquot proferam, quibus cul-  
 tus Ecclesiastici fulgorem, idque mysterij ac sacrificij huius causa  
 decreuerunt. Vestimenta Ecclesiastica (inquit Stephanus Papa) quibus Do-  
 mino ministratur, cultusque diuinus omni cum bonorificentia & honestate à sacerdo-  
 tibus reliquisque ministris celebratur, & sacrata esse debent & honesta: quibus  
 alijs.

E F F F



alijs in vſibus, cum Deo eiusque ſeruitio conſecrata & dedicata ſint, nemo debet frui, quam Eccleſiaſticis, ac Deo dignis officijs: quæ nec ab alijs debent contingi, aut ferri niſi à ſacra- tis hominibus: ne vltio, quæ Balthaſarum percaſſit, ſuper hæc transgredi- entes, & talia præſumentes, veniat. Similem in formam Sixtus Papa præ- ſcripſit: In hac ſancta ſede Apoſtolica, à nobis & reliquis Epiſcopis, ceteriſque Do- mini ſacerdotibus ſtatutum eſt: vt ſacra vaſa non ab alijs, quam à ſacra- tis Domino- que dicatis contrectentur hominibus. Indignum enim valde eſt, vt ſacra Domini vaſa, quæcunque ſunt, humanis vſibus ſeruiant, aut ab alijs, quam à Deo familia- ribus, ei- que dicatis tractentur viris, ne pro talibus præſumptionibus iratus Dominus plagam imponat populo ſuo, & hi etiam, qui non peccauerunt, mala patiantur & per- eant: quia perit iuſtus ſæpiſſime pro impio. Quantum ſcelus ergo ſibi con- ſciuerunt, qui funeſta & exitiali clade ſupelleſtilem Eccleſiaſticam ſacrilege expilando deuasta- runt? ad præphanos vſus, imo ad theatra- ſpectacula tranſtulerunt? Pergam adhuc Anglicanæ Eccleſiæ, quæ nullæ in hoc pietatis genere ceſſit, conſtitutionem referre. Ex præ- ſcripto V Valteri Cantuarienſis hæc edicuntur: Linteamina, corporalia, palla, & alia indumenta altaris integra ſint & mundiſſima, & ſæpe abluantur per perſonas ad hoc in canone deputatas, ob reuerentiam & præſentiam Saluatoris noſtri & totius celeſtis curiæ, quam Sacramento altaris conſciendo & conſecto non eſt dubium inter- eſſe. Verum vt intelligant Sectarij, quorum veſtigia terant, ac duces ſequuntur, in ſacrum Dei cultum pluſquam barbarica impietate in- uolantes, ſciant ſe imprimis Iulianum Apoſtaram principem habere: nec quidem illis inuidemus. Hic, vt narrat hiſtoria Eccleſiaſtica, Sacrum altare impudenter minxit. Eiuſdem ſcleris mancipium, ſolo no- mine Felicem, obtinent vt coriphæum. Felix vaſorum ornamenta, quæ Con- ſtantine & Conſtantius frequenter obtulerant, videns: ecce inquit in quibus vaſis Maria filio miniſtratur. At quid? impune tulerunt ne tantam in ſacra atrocitatem? minime quidem: Pro his impietatibus, veſaniſque præſumptio- nibus, non poſt multum penas exacti ſunt: nam repente Iulianus ſeuo morbo correptus, viſceribus putrefactis interijt, & excrementa non per meatus egeſtionis emitte- bat, ſed ſceleſtum os, quod blaſphemis inficiauerat, organum eius excrementi eſt fa- ctum. Porro Felix & ipſe repente flagellum virtute diuina ſuſcipiens, ſanguine toto die ſimul & nocte ex ore effuſo, & venis corporis vndique vacuatis, omni- que virtute ſimul expenſa, & ipſe celeriter eſt extinctus, æternæque morti traditus. Donati- ſtas quoque retinent anteſignanos & vexillarios, de quibus hæc nar- rat Optatus: Quid enim eſt tam ſacrilegum, quam altaria Dei, in quibus & vos aliquando obtuliſtis, frangere, radere, remouere, in quibus vota populi & membra Chriſti portata ſunt? Eorundem quoque mores olim expreſſit ille wan- dalus, de quo Victor. Rapaci manu cuncta depopulabatur, atque de pallijs altaris, prob

Sims. ep. 1.

Linwood, de  
celeb. Miſſ.  
cap linte-  
mina.Hoſtes ſa-  
crorū qui.Hiſt. Trip.  
lib. 6, c. 23.

Ibidem.

Opt. lib. 6.  
cot. Parm.

Victor. l. 1.



probrum, et amissus sibi & femoralia faciebat, qui tamen Troculus huius rei ex eo de perse-  
cutor, frustatim sibi comedens linguam, in breui turpissima consumptus est morte. *Vandal.*  
Imitantur quoque truculentos illos grassatores, quorum manibus,  
vti nolter Beda memoriæ prodidit: *Passim sacerdotes inter altaria trucidati: Beda lib. 1.*  
*bantur, Presules cum populis sine ullo respectu honoris ferro pariter ac flammis ab:* *hist. cap. 13.*  
*sumebantur.* Atque reuera eiusdem farinae fuere, quorum opera ita  
recenset Hieron: *Capti Episcopi, interfecti Presbyteri & diuersorum officia Hieron ep.*  
*clauorum: subuersæ Ecclesiæ, ad altaria Christi stabulati sunt equi, martyrum ad Heliod:*  
*effusæ reliquie, ubique luctus, ubique gemitus.* Calvinismi Anglicani speciem  
prisca illa tempora quorundam pessimo ingenio efformarunt. Ceterum  
tore execrabiles hos altarium euersores, & omnium odio dignissimos  
iudicauit Chrysostomus: *Si quis hanc destrueret domum, & hoc sulfoderet als*  
*tare, nonne quilibet lapidibus eum obrueret, tanquam prophanum & impium?* *Chrysost.*  
*homil. 53.*  
*ad pop.*

Deus autem, quem tanti mysterij effectorem admiramur, nihil vt  
mihi visum est potuit in nos conferre, quo aptius aut magis nostros  
animos ac studia sibi conciliaret, aut præstantius largiri donum, quo  
amore erga ipsum nos ardentius inflammaret. Enimvero liquefiunt  
cæli, indeque dulcedo nectaris distillans influit in illud os, quod diui-  
nam hanc hostiam excipit. Terra suas omnes gemmas effundit, exor-  
nat ditatque illud pectus, quod Christi in terris est sacrarium. Angeli  
sua spargunt lumina, & faculas, ac veluti stellis depingunt pectus  
illud, in quo corpus hoc cæleste Saluatoris reconditur: assistunt, &  
ad intuitum sacerdotis, ipsi licet columnæ, potestates, ac virtutes Dei,  
contremiscunt. Quis mihi dabit vt digni aliquid proferam, in lau-  
dem tanti beneficii? Vtinam vel extremo vitæ halitu saltem vnus  
sententiole eloquentiam huic Sacramento idoneam possem compa-  
rare: sane impenderem lubens id quod sum, cum pro me ita Christus  
se impenderit in pretium, dederit in holocaustum, tradiderit in cibum.  
Hic iudicium Sectarij appello, ac quæro ab ipso, num plane regium  
esset donum nec ne, si modo vti nos credimus verum sit, fideles pastu  
ac potu Christi corpus & sanguinem sumere? Potuit ne amplius quid  
donari, vel nos ad amorem Dei aliud acrius prouocare? Si fatearis in  
hoc mysterio effulgere Dei summam potentiam, eius immensam be-  
nignitatem patescere, nos vicissim hinc ad puritatem animæ, Dei amo-  
rem excitari, cur nega potentiam? cur aufers beneficium? cur impe-  
dis integritatem? Singularem Dei munificentiam ac summum eius  
amorem nobis in hoc Eucharistiæ dono exhibitum, istis declarat Chry-  
sostom: *Nec enim satis fuit homo fieri, colaphis cædi, verum seipsum nobis com-*  
*miseret, non fide tantum, verum & ipsa re nos suum efficit corpus. Quis pastor,* *Chrysost.*  
*homil. 50.*  
*ad pop.*

E E f 2

(inquit)



(inquit) oves proprio pascit cruore? & quid dico pastor? matres multæ sunt, quæ post partus dolores filios tradunt nutricibus: hoc autem ipse non est passus, sed ipse nos proprio sanguine pascit, & per omnia nos sibi coagmentat. Cum enim amoris præcipuus effectus nexus sit & colligatio amantium, quæ arctior copula cogitari poterit illa, qua nos Christus sibi deuincit, dum carnem & sanguinem suum infert in corpora nostra, & in vnum quasi corpus cum ipso coalescimus? Armenia & Hiberniæ reges (vt scribit Tacitus) fædus ineuntes hunc ritum observant: Mos est quoties in societatem coeunt, implicare dexteræ, pollicesque inter se vnire, nodoque perstringere, mox vbi sanguis in artus extremos se effuderit, leui ictu cruorem eliciunt, atque inuicem lambunt: ita fædus arcanum habetur, quasi mutuo cruore sacratum. Admirabilis sane animorum inter fideles coniunctio oriri debet ex hausto Christi sanguine. Propterea (inquit Chrysostom.) semetipsum nobis immiscuit, & corpus suum in nos contemperauit: vt vnum quid efficiamur, tanquam corpus capiti copulatum: ardentem enim amantium hoc est. Quo amoris genere flagrasse seruos Iob in ipsum narrat Scriptura, qui dixerunt: Quis dabit ex carnibus eius impleri? Pergit Chrysostomus: Non tantum se præbens cupientibus videndum, sed & palpatum, & comedendum, & carni dentes infigere, & compliacari, & omne desiderium impleri. Vultu frater esse vester, carnem propter vos & sanguinem assumpsit, vicissim ipsam carnem & sanguinem, per quæ cognatus vester factus fuit, tradidit. Denique sicut homo seruos emens, aurum erogat, & rursum eos ornare volens id auro facit: sic & Christus nos sanguine redemit, & ornauit sanguine. Conditio terrarum orbe, plasmauit Deus hominem, qui quod vniuersi compendium esse deberet, in illo efformando diuina virtus plurimum laborasse ac contendisse secum visa est. Verum sicut homo vniuersi, sic eucharistia donorum summam continet. Atque in illa (ex sententia Psalmistæ) memoriam fecit Deus mirabilium suorum. Proinde in huius illustri dignitate maxime se conspicuum prodidit diuinus in nos amor, & munificentia eius præcipue eluxit. Ferunt Cleopatram vel vnica gemma in liquorem soluta, varij generis epulas ab Antonio in conuiuio exhibitas, cænæ magnificentia superasse: ita Deus postquam fusissimo sumptu diuersa munera in homines collocasset, hac vna Eucharistiæ gemma liberaliter impensa, priorem munificentiam ad summam quandam redegit, & eius valorem multum superauit. Augustæ imprimis Trinitatis mysterium nobis Eucharistia elucidat. Inde enim patrem habemus datorem, filium, qui datur, & sanctum Spiritum mysterij effectorem. Creationis symbolum exprimit Eucharistia: dum mirabili quadam Dei actione corpus ac sanguis Christi sub speciebus panis ac vini esse incipiunt. Paradisi forma collucet in

Cor. Tacit.  
l. 12. anal.

Chrysost.  
homil. 51.  
Iob 1.

Psal. 118.  
Eucharistia  
compendium  
donorum Dei.  
Dio. lib. 40  
Rom hist.



in Eucharistia: vbi fons aquæ, vbi scientiæ arbor, ac vitæ lignū, vbi fructus perennes conspiciuntur. Sacrificij antiquioris cultum, & innocentis Abelis interfectionem nobis in memoriam reuocat Eucharistia. Legem pariter dat Eucharistia, sed amoris. *Legis enim plenitudo dicitur* Ioan. 2. In hoc vitæ humanę deserto Eucharistia nos manna & purissima aqua ex rupe emanante reficit & sustentat. Hinc Prudentius:

Prudent in  
psich.

*Excidit ergo animis eremi sitis, excidit ille  
Fons patribus de rupe, quem mystica virga  
Elicuit, scisci salientem è vertice saxi?  
Angelicus ne cibus, prima in tentoria nostris  
Fluxit animis, quem nunc sexto utilior auro  
Vespertinus edit populus de corpore Christi?*

Quinimo hic Christus etiam nascitur infantulus. Nam (vt inquit Chrysostom.) si cum fide acceperimus, procul dubio videbimus eum in præsepī iacentem: siquidem hæc mensa vicem explet præsepī. Quotidiana refectio ex Eucharistia, Christi Domini conciones assiduas & frequentes peregrinationes adumbrat, quibus veluti pane mortaliū animos nutriebat, & ex quibus suū quoque panem constare affirmabat ac cibum. *Meus cibus est, vt faciam voluntatem Patris mei.* Christum in cruce immolatū nobis refert Eucharistia. Et in sacrario reclusa, speciem quandam ostendit Christi ascensione petentis cēlos: quo preces, animi vota ac suspiria in Ecclesia orantes dirigimus. Et iucundissimo visione donati externarum formarum, quodammodo aliquid delibamus illius visionis felecissimæ, quando eius gloriæ visu erimus beati. Memoriam itaque Deus fecit mirabilium suorum, escam dans timen-  
tibus eum.

1 Reg. 7.

Hæc porro mysteriorum fides singularem quandam parit in nobis animæ puritatem, ad excipiendam tantam hostiam in recessus peccatoris. Arca olim (vt narrat Scriptura) cum reponenda esset in certo loco, delectus factus fuit quarundam cedium, in quibus vir innocentissimus & religiosissimus habitabat. Atque vt scribit Titus Livius Romam deportaturi Ideam Deam, ab oraculo quodam se dixere admonitos, *Curarent vt eam, qui vir optimus Romæ esset, hospitio acciperet.* Multo autem districtior cura integritatis illi incumbit, qui Angelorum regem, mundiue reparatorem ad se diuertentem cupit suscipere: ipsisque thalamis quantumus regio cultu fulgentibus, sua anima virtutis splendore antistare oportebit. Saluberrimum idcirco est Apostoli consilium: *Probet seipsum homo, & de pane illo edat, & de calice bibat: qui enim manducat & bibit indigne, iudiciū* 1. Cor. 10.

Puritas  
delium ex  
Sacramēto  
Eucharist.

Lin lib. 29

F f f 3

fibi



Esaia 1.

*sibi manducat & bibit, non diiudicans corpus Domini. Caro illa virginea in escam porrigitur, melleum illud, ex floribus in paradiso vteri castissimæ Mariæ delibatum, ori apponitur: quis non reueretur? Ignitus ille calculus, quem de altari forcipe angelus tulit, labijs appropinquat: quis non timebit? Quid plura, Deus ipse in artus tuos se placide innuat, & pectori tuo illabitur: exhorresce plane ad cogitationem tremendi mysterij. Vt enim inquit Origen: Quando sanctum cibum, illudque incorruptum acceptis epulum, quando vitæ pane & poculo frueris, manducas & bibis corpus & sanguinem Dei: tunc Dominus sub tectum tuum ingreditur: & tu ergo humilians te ipsum imitare hunc Centurionem, & dicito, Domine non sum dignus ut intres sub tectum meum. Vbi enim ingreditur indigne, iudicium ingreditur accipienti. Mundandus idcirco animus ab omni sordium inquinamento: imo corpus ipsum castigandum, ne subiectum noxijs cupiditatibus menti imperet, præbeatque arma turpitudini. Formam quandam mysteriorum particeps in se debet suscipere ipsius Christi, quod nutritio (vt physici animaduertunt) ex similibus constet.*

Chrysost.  
homil. 50.  
ad pop.  
Ioan. vlt.

*Quo igitur (inquit D. Chrysost.) non oportet esse puriorem tali fruente sacrificio? quo solari radio non splendidiorum manum, carnem hanc diuidentem? os, quod sane igne spirituali repletur, lingua quæ tremendo nimis sanguine rubescit? Itaque ait Christus, Cum discipulis meis facio pascha, cum illis nimirum, qui iustitia imbuti, sordes eiecerunt vitiorum, qui pedes lauerunt, qui nuptiali veste charitatis induti mensæ ipsius assident. Ex fide itaque magnitudinis in hoc mysterio sacrosanctæ Eucharistiæ, optime instituuntur orthodoxi ad vitæ innocentiam, ad Dei amorem, eiusque potestatem agnoscendam. Quæ præcellerunt in antiquo testamento horum symbola, magnifica sane fuere ac splendida: fluxus aquæ ex petra, descensus manna, agnus paschalis: ceterum comparata cum nostris leuia videbuntur, vmbratica & tenui opera perfecta. Complectuntur in se nostra mysteria apicem & culmen plane Euangelij.*

*Sectarij, qui Sacramentorum numerum diminuunt, eorumque saluberrimam vim extinguunt, cum Christo Domino singularem irrogent iniuriam, tum etiam fidelium cætui, quantum ad vitæ integritatem ac candorem, non parum obsunt, aut modice infesti existunt.*

CAPVT



## CAPVT XXXII.



Rerantissima illa humanæ vitæ præsidia, quæ septem  
 Ecclesiæ Sacramenta à Christo Domino instituta esse *Sectarij*  
 credunt orthodoxi: quorum vi, per omnes status atq; *omnia au-*  
 ordines munimur à vitijs prauisque cupiditatibus, no- *ferunt Sa-*  
 bis Sectarij cum extremo dispendio, nepharia secta *cramenta.*  
 eripere studuerunt acerrime. Atque ex septem, duo  
 tantū definentibus, illorum velania ægre tulisse huc vsque visa est, tot  
 nobis ad animatum salutem diuinitus impertita subsidia adesse. Sed  
 neque hic substitit eorū furor, vel hac paucitate limitata est ipsorum  
 impietas: quinimo illa ipsa duo quæ approbant Sacramenta, egena  
 plane reddunt elementa, atque signa quædam frustra exterius pro-  
 posita, ac nullo plane necessario vel vtili interuentia vsui. Veteribus  
 Symbolis nostra sacra æquiparant, nihilo plus Euangelio quam legi,  
 Christo quam Moyse concedentes: & in ipso limine ita versantur  
 Iudaismi, Christianæ professionis teterrimi desertores. Insuper & Pe-  
 lagio fauent, quandoquidem diuinæ gratiæ plenitudini aduersentur.  
 Dum enim Ecclesiæ Sacramenta expugnant, an non quoque gratiam  
 Christi ad animas fidelium deductam negant? quemadmodum idem  
 est fluentes latices aquarum alio diuertere, ac tubos in quibus decur-  
 runt præscindere. Baptismum habent & Cenam: quæ si in vnum coi-  
 rent, tam longe abesset à vera vnius Sacramenti ratione, quam panis  
 & aqua à lauto conuiuio.

Videamus modo si placet quam magnifice sentiant de suis Sacra-  
 mentis; quibusnam verbis illorum vim illustrent? Adstruunt itaque  
 hæc quædam esse sigilla scripturis, veluti regio diplomati appensa, ad  
 confirmandam hominum fidem circa Dei promissa. Ceterum huius-  
 modi commento, aut sponte concedunt in duos errores olim proflig-  
 atos ab Ecclesia, vel improuide inconsultoque in eosdem impin-  
 gunt. At errores nequaquam isti timent: cum araneis aut illo Mithri-  
 date ipsis venenis vitam & doctrinam sustentant: atque ex erroribus  
 sunt de integro confuti. Imprimis Pelagio consentiunt. Si enim  
 (vri ipsi asserunt) Baptismus virtutem non habeat ex opere operato  
 conferendi gratiam, consecrarium est, maculam originalis delicti  
 Baptismi lauacro non abstergi, neque inde posse deleri, sed aliunde  
 remedium eius exquirendum, vel denique nullum tale esse crimen in  
 vnoquoque contractum, quod eluatur aqua Sacramentali. Hoc vero  
 opinatus est Pelagius: idem sentiunt Lutherus & Calvinus; Pelagianum  
 idcirco

*Heretici  
 incidunt in  
 duas here-  
 ses, olim  
 damnatas  
 ab Ecclesia  
 in re Sacra-  
 mentali.*



Ioan. 3.

August. l. 1.  
de peccat.  
mer. cap. 10.Hæretici  
Eucharistiā  
destruunt.  
Beza lib. de  
re. Sacram.Sacramēta  
hæreticorū  
nec quidē  
sigilla sunt

idcirco & pari nota hæretici. Orthodoxi vero semper ex Scripturis intellexerunt necessarium Baptismum ad expurgendam labem originalis piaculi. *Nisi quis renatus fuerit* (inquit Euangelista) *ex aqua & Spiritu sancto, non potest intrare in regnum celorum.* Quæ sententia adeo semper defixa fuit in cogitationibus Christianorum: uti ad Pelagij voces hanc vim Baptismo denegantes, plane exhorruerint. *Quis Christianorum* (inquit Augustinus) *ferat, cum dicitur ad æternam salutem posse quempiam peruenire, si non rinascatur in Christo: quod per baptismum fieri voluit, eo iam tempore, quo tale Sacramentum constituendum fuit regenerandis in spem salutis æternæ?* Alius error est Anabaptistarum: quo nempe constanter pernegant ex opinione Caluini suscepta de efficacia Sacramentorum, ante adultam ætatem quempiam Baptismo tingendum. Ita Petrus de Bruis Anabaptista. Nam (uti legitime ipse ratiocinatur) quis, cui aliquid mentis superest, regium diploma cæco legendum porrigeret? Inepte idcirco Baptismus datur infantibus, cuius intelligentiā nullā ipsi habent, neque ex illo signo roborantur in fide circa promissa. Imo sacrilege faciunt, qui regio diplomate ita abutuntur, infanti illud proponentes, qui inde nihil emolumenti habere potest. An non præclari Theologi ex schola Caluini, qui infantes nihilominus tingunt? an non suspiciendi? Reuera autem horum operam Satan adhibet uti infantilem ætatem Baptismi præsidio spoliaret. Nullam itaque habent rationem vsurpandi Baptismum: infantem quippe fides parentum beavit: quid aquæ ritus confert? an non potius vanus & superstitiosus? Modo quemnam cenæ apparatus faciunt despiciamus. Hanc quoque diuinorum sigillum appellitant ad fidei confirmationem committimus idoneum: non quod sigillum hoc quidpiam gratiæ aut corroborationis efficiat: fidei etenim incrementum spiritui sancto ex integro adscribendum ducunt: illud solum externo simbolo deferentes, quod per modum obiecti hominū sensus excitet ad cogitationem promissionū diuinarū, quas Sacre literæ diuinitus factas attestantur. Vnde fatentur ipsi Sacramenta differre nihil à quouis alterius generis externo signo homini in memoriam Dei beneficia reuocante: nisi quod annexam habent promissionem doni gratuiti: eius nimirū, quo fides circa acceptam iustitiam confirmatur. Veruntamen inepte admodum hanc suam Eucharistiam faciunt Scripturarum sigillum. Nam ab illis quæro, vndenam statuunt rationem sigilli suæ ipsorum cenæ quadrare? Si dicant se inductos autoritate Scripturarum ita sentire: potius ergo Scripturæ testimonium adferunt sigillo, quam hoc scripturis: quod absque dubio insulsum prorsus cuiuslibet apparebit. Si enim:



enim non nisi ex ipso diplomate & libello constet appensum à rege signum verum esse, & non adulterinum, nulla iusta de causa literis ipsis affigitur: quandoquidem ad fidem satis conducat earum forma & character. Imperator itaque Augustus, qui ut narrat Suetonius, in signandis diplomatibus sphinge usus est, & imagine Alexandri Magni, huiusmodi notas sibi proprias constituit (quod & omnes alij observant) ex quarum obiectu intelligerent inspectores, libellos ita consignatos ipsius esse, atque ex suo imperio datos. Aliunde idcirco quam ex ipso scripto constare debet sigilli veracitas, si modo illi quidpiam conferat authoritatis. Ex quibus luculentum euadit, dignitatem Eucharistiae Sectarios non solum diminuisse, verum etiam vim omnem atque rationem sacramenti ademiisse. Principio negant externis symbolis panis ac vini Christi corpus ac sanguinem contineri. Deinde sigilli cuiusdam excogitatam ab ipsis formam, quam eidem attribuire videri cupiunt, nec concedunt quidem. Quomodo obsecro cœna illa sigillum esse poterit scripturarum ad sustentandam hominum fidem: si modo Scripturis eius momentum omnino innitatur? Imo singularem iniuriam inuentione sigillorum ipsis Scripturis intulerunt. An non Scripturæ satis efficaces cum ad ingenerandam in animis hominum fidem, tum ad eandem nutriendam ac confirmandam? Quorsum ab externo simbolo panis subsidij aliquid vel opis expetunt? maxime cum ex Scripturis omnem panis energiam ac usum percipiant? inutilis itaque superflua & superstitiosa cœnæ manducatio. Mihi inseruiunt ipsorum placita ad conficiendam hanc panis ostentationem. Pronunciant ipsi in Scripturis explicari Dei promissiones, quibus dicitur illum iustum esse & prædestinatum, qui ita sua fide secum statuerit: cuius fidei organum vocitant Dei verbum: quamobrem verbo tantum inherendum. Quod si in quopiam fides nutare incipiat & vacillare, is assiduus esse debet in lectione verbi promissa referentis. Quæ si minime sufficiat ad fidei vigorem & vitam, nullus receptum habebit legitimum ad Eucharistiam: eo quod non nisi ex scripturis didicerint omnes illam sigilli rationem obtinere: proinde scripturis diffidens, vel illis omnino non satis confirmatus, frigide admodum & ieiune ad panis symbolum accedet: veluti si quis ad faciendam fidem rei alicui à notiori ad ignotius descenderet, is inepte prorsus disserere videretur. Habent itaque Sectarij Eucharistiam, quæ nec Sacramentum est nec sigillum.

Porro omnino volunt vnumquemque; firma fide credere debere se iustum esse, prædestinatum, nec posse quouis modo ab accepta iustitia deficere.

G G g

Inutilis  
Eucharis-  
tia hære-  
tica



deficere. Iam Eucharistiæ commoditatem ex hac ipsorum sententia exquiro? Non quidem requiretur ut homines credant promissis Dei, nam nisi prius crediderint, inutilis prorsus cœnæ manducatio: quæ ritus est fidelium, non infidelium. Quod si hæc fides in quopiam languescere inceperit, nisi firmiter secum statuatur se non posse fidem amittere unquam in vitæ decursu, iam in crimen infidelitatis impegit, ac se reprobum esse ostendit. Siue itaque credat ex diuina fide Dei promissis, siue de illis ambigat, otiosa & ludicra cœnæ euadet manducatio. Nam qui fide viget, is probe intelligit se nequaquam panis ac vini adminiculo indigere ad seruandam fidem: quam ex vi diuinæ prædestinationis firmatam credit. Sin vero ab hac persuasionem deciderit, quæ admodum plane inutile emortuum arboris truncum aquis irrigare, ita ridiculum infidelis istius animo, & veluti eius ori, qui animam exhalarit, panem ac vinum aut ceruissam apponere.

Rainol lib.  
de idol in  
Ep. ded.

Equidem miror quænam dentata rabies, quis immanis errandi libido Rainoldo Calvinistæ mentem excusserit: si tamen unquam adeo leui & superbo puritanulo mentem aliquam natura impresserit: cum videam ipsum, nobis obiecta D. Augustini auctoritate, inde velle Eucharistiæ dignitatem, rite ab orthodoxis estimatam, diminueret: quasi symbolice tantum nobis Christi corpus ac sanguinem exhiberet, non vere solideque. Pontificij vero (inquit) latræ cultum exhibent Sacramento Eucharistiæ: quod S. Augustinus appellat panem Domini, rectissimeque à pane Domino distinguit. O prodigium proiectissime impudentiæ! Augustinus ne Eucharistiam vocat panem Domini, eumque à pane Domino separatum, discriminatum? Audiamus quæso expressas conceptasque eius voces. Illi (nempe reliqui Apostoli) manducabant panem Dominum: ille (nimirum Iudas) panem Domini, contra Dominum. Apostoli illi undecim an non manducarunt Eucharistiam? inficias non ibis: eam vero dicit Augustinus fuisse panem Dominum: ergo non ille rectissime, sed tu mendacissime secernis Sacramentum Eucharistiæ à pane Domino. Vbi oculi istius bestiolarum ac talpæ? ubi trunci intelligentia, ubi fides sectarij? Rectissime ais Augustinum distinguere Eucharistiam, panem Domini, à pane Domino. Mentiris Ioannes, haud distinxit. Sane qui te à constuprato impostore distinxerit, si id mente præstiterit, vehementer errabit: si chalibe, non citius te, quam atomum exenterabit. Quinimo ut intelligas te tuo mendacio & impostura non à veritate solum orthodoxa aberrasse, verum insuper à placitis Calvinianis: scire debes ex horum sententia Iudam nequaquam sumpsisse Eucharistiam & panem Sacramentalem. Nullo siquidem modo



modo admittunt Eucharistiam confici vi verborum consecratoria: quod nos contendimus, sed fide ac manducatione suscipientium. Quippe asserunt symbolum vel sigillum esse diuinarum promissionum, annexam habens pollicitationem gratiæ, nempe fidei iustificantis. Vt ergo panis sit Sacramentum veraque Eucharistia, prius necessaria fides, qua quis credat se iustum esse Christi iustitia: alioquin qui fide & ioco buccellam suam comederet, is Sacramento frueretur, quod non admittent: talis enim manducatio adiunctam non habet promissionem gratiæ. Ceterum Judas hac fide iustificatoria mysteriorum particeps effectus omnino destituebatur: nam antequam e Christi manibus sumeret Eucharistiam, animo designarat sacrilegio suo Domini prodicionem tacere: neque eius comestio extitit a Christo instituta, quasi haberet promissionem gratiæ: idcirco nisi simul Rainolde constituere velis Iudam omnino iustum, iuxta ac horrendum peccatorem, eius panis nequaquam erat Eucharistia: proinde neque panis Domini eucharisticus rectissime ab Augustino distinctus a pane Domino, uti tu fabularis, & prodigioso iudicio tanti doctoris sententiam corrupisti. Quam vero fidem Augustinus de veritate Eucharistiæ conceperit, illis ipsemet prodit: *Mediatorē Dei & boni* August. tract. 59.  
*miramur, bonum Christum Iesum, carnem suam nobis manducandam, bibendum: in Ioan.*  
*que sanguinem dantem, fidei corde & ore suscipimus.* Ne phanatissimum tuum Calumniosum, quo inde Christus percipitur, Eucharistiæ dignitati obrendas, asserit Augustinus non solum fide, verum ore nos eius carnem & sanguinem suscipere. Porro quod nobis ritu Catholico Eucharistiam percolentibus, infandum idolatriæ crimen ascribis; an non insanis, & furore in nos debaccharis? Enimvero si nostri cultus ac latræ obiectum, tibi velis ut edisseram, Christum assero Deum ac hominem: hunc nos in mysticis adoramus, haud panem, aut vinum, vel eorum formas aspectabiles. An idolatria Christum ita venerari? quæ schola te sic instituit, quod scriptum talem suspicionem in animum tuum coniecit? Indubitate ignoras Rainolde, naturam ac definitionem Idolatriæ. Si daremus tibi Christum Eucharistiæ speciebus minime contineri; non tamen exinde cultus noster in idolomaniam incideret. Etenim venerabundi corde & animo erga Christum Dominum Dei filium excitamur afficimurque: neque tu iniuriam aliquam principi inferres, si modo opinione deceptus, eum in loco ubi non est adores, & tunc Ecclesiæ caput obseruanter agnosceres. Multo vero minus in crimen Idolatriæ impingimus, dum veraci fide Christum Dei filium, Eucharistiæ Sacrosanctæ speciebus præsentem estimantes,

G G g z

Deum



#### 419 DE TRIPLICI HOMINIS OFFICIO,

*Rainold. lib.  
Idol. l. c. 8.  
parag. 5.*

*1. Pet. 2.*

*Nulla dig-  
nitas canē  
apud here-  
ti. os.*

*Chrysost. 6  
lib. de sa-  
cerdotio.*

Deum ac nostri generis reparatorem inibi supremo cultus genere vene-  
ramur. Quid? an, Christus non in quē mysterijs operantes intendimus,  
excellētiā habet eamque supremā, imo ipsissimā, quā diuinita-  
tis? an non proinde summo iure eidem patriæ cultum impertimur? Et  
quemadmodum Christo Domino excellētiā supremā concedi-  
mus, ita in eius sanctis aliam quādam excellētiā attribuimus, ob  
quam eos dignos honore religioso iudicamus. De qua re edisserens  
iste Rainoldus, ne videretur cum Caluino omnem venerationem  
Sanctis detrahēre, eis concedendam arbitratur ciuilem. O caput ridi-  
culum, enimvero honor ciuilis partes ciuitatis aut humanæ societatis  
respicit iuxta aliam atque aliam excellētiā respectu habito ad bo-  
num ciuile. Ceterum quā obsecro nobis cum sanctis commercium  
ciuile? an non Raynoldus in Christum impius, iuxta & in Diuos in-  
iurius, quī nihil obstante Christi effuso cruore, & sanctorum studijs  
illis solum decernit excellētiā ciuilem? Intellige Ioannes, Diuorum  
in cēlo florentiū excellētiā est imprimis iustorū, deinde fruētium  
beatitudine ex aspectu Dei, demū collocatorum in statu felicitatis, ē  
quo excidere non possunt: quæ omnia constituunt excellētiā sacrā,  
excellētiā supernaturalem: quā quidem cum nobis ipsi sint supe-  
riores, augustiorē à nobis cultū requirunt quā ciuilem: nam ciuilis ho-  
nor non bonis tantū verū & discipulis debetur, quod docet Apostolus.

Iam si dignitatem mysterij explorare velimus, aperte videbimus  
nihil augusti aut Euangelio digni hereticorum sacra obtinere. Co-  
gitatione nostra repetentes typos illos & figuras, quæ Eucharistiā  
antiquitus adumbrarunt, colligemus exinde eam magnā esse Dei  
gratiā, & donum prorsus diuinum: eo quod expressa veritas vmbi-  
debeat antistare, & multis gradibus præcellere. Huiusmodi fuere ag-  
nus paschalis & manna: ex quorum præstantia ac ritu orthodoxi  
Patres optime intulere sacra nostra esse omnino magnifica, & supra  
humanā intelligentiā splendida: veluti D. Chrysostom. ita disse-  
rens: *Necesse est sacerdotem sic esse purum, ut si in ipsis celis collocatus inter cæ-  
lestes illas virtutes medius staret. Terribilia namque atque horribilia fuisse ferunt,  
quæ gratiæ tempus præcesserunt. Quod genus fuerunt tintinabula, mala punica,  
lapides pectoris sacerdotis, itemque alij humeris eiusdem superpositi intra sero-  
phum, vestis ad pedes vsque dimissa, lamina aurea sancta sanctorum, intus ingens  
quies atque silentium. At vero si quis ea quæ gratiæ tempus nobis aduexit exa-  
minet, terribilia atque horribilia quæ dixi iudicabit admodum esse leuia: ac quod  
de lege à Paulo dictum est, hic demum verum esse comperiet: quandoquidem ne  
glorificatum quidem fuit, quod glorificatum est in hac parte, propter eminentem glo-  
riam.*



riam. Nam dum conspicias Dominum immolatum, sacerdotem sacrificio incumbenssem, ac preces fundentem: tum vera turbam circumfusam pretioso sanguine intingi ac rubescere, etiam ne te inter mortales versari, atque in terra consistere censes: an non potius eius sigillo in celos transfereris, ac non carnis cogitationem omnem abiciens, nudo animo, mente pura circumspicias quæ in celo sunt? ô miraculum, ô Dei benignitatem! Qui cum patre sursum sedet, in illo temporis articulo omnium manibus pertrahatur, ac se ipse tradit volentibus ipsum excipere ac complecti. An non sacra nostra aureus iste Græcus antistes describit? Quid commune hæc habent cum cæna Caluinistica? quid tantus splendor religionis cum populari mensa, cum egenis elementis panis ac vini, cum ministri pileo, promissa barba & palliolo? Quid altari cum illa popina? quid Christi sacerdoti cum Satana mysta? quid Angelorum delictis cum pane fornacis? Angelorum chori (vti narrat Chrysostomus reuerenter assistunt mysterijs nostris. Per id tempus (inquit) & angeli sacerdoti assident, & celestium potestatum vniuersus ordo clamores excitat, & locus altari vicinus in illius honorem, qui immolatur, angelorum charis plenus est. Id quod credere abunde licet, vel ex tanto illo sacrificio, quod tunc peragitur. Ego vero & commemorantem olim quendam audiui, cum diceret senem quendam, virum admirabilem, ac cui reuelationum mysteria multa diuinitus fuissent detecta, sibi narrasse se tali olim visione dignum habitum à Deo esse, ac per illud quidem tempus repente angelorum multitudinem conspexisse: quatenus humanus aspectus ferre poterat, fulgentibus vestibus indutorum altare ipsum circumstantium: deique sic capite inclinatum, vt si quis milites presente rege stantes videret: id quod facile mihi persuadeo. Nihil horum quadrat in sigillaria hereticorum Sacramenta: sane nec cum veteribus sacris vilo modo conferenda. Infinitis certe gradibus nemo ambiget mannam, quæ typum Eucharistiæ prætulit, simbolis panis ac vini excellere. Hinc mysterij maiestate penitus destituti, religione prorsus carent omnes ac ritu diuini cultus. Non Ecclesiæ traditioni plus nimio videantur deferre: illis satis opportunus quicquid vulgaris locus agri aut ciuitatis. Nullam habent ceremoniam, qua mysteria sua excolant: neque vnquam in orbe terrarum adhuc visum fuit descriptum rituale, (nisi à paucis diebus) ex cuius lege fideles in aliqua orbis plaga sententia Caluini definitam Eucharistiam celebrarunt. An non ergo sectarij suis imposturis & excogitatis vim omnem ad virtutem ac vitæ castimoniam eneruarunt? An non Christi Sacramenta saluti nostræ pulchre ac plene inferuentia eiecerunt? An non religionem omnem penitus expugnarunt? Sane ex istorum placitis nihil egregij Christi Sacramentis



cramentis ac Euangelij mysterijs deferendum, quo à veteri lege ac eiusdem appendicibus, quantum ad dignitatis præstantiam, secernatur. Enimvero vetera illa symbola expressæ fuere imagines diuinarum promissionum, annexamque habuere diuinæ gratiæ pollicitationem: nihilo autem plus concedunt nostris Sacramentis: proinde excogitatis suis Synagogam Ecclesiæ, Iudeos Christianis, Duce Iosue intrantes Pælestinam, redimente Ietu postliminio regressos in Paradisum æquales ac similes exhibuere. Imo si ut dixi velimus contendere cælitus dilapsam manna, miraculosum aquæ ex petra effluxum, cum cænula Geneuenti, cum illa panis memoratoria buccella, infinitis gradibus videremus ea monumenta veteris instrumenti præstare & excellere. Quo iam abiectis fucis & extremæ hypocrisis adscititijs coloribus emissæ ipsorum sententiæ, quibus hæctenus inclarauerunt se Christo omnia deferre, se à partibus Euangelij stare, se redemptionis beneficium amplificare: nos vero orthodoxos Christi meritum extenuasse, splendores Euangelij obscurasse, reparationis donatum eleuasse, exscidisse. Sane hanc speciem honesti ac diuini inuentis ipsorum prætereundum deberent, sub cuius inuolucro latentius multorum saluti insidiarentur: Nullam quippe fidem eorum dicta conciliassent, nisi se egregios Christiani regni amplificatores nominassent, nisi de sanguine agni spissum crebrumque sermonem intulissent: re autem ipsa in hoc intendebant, uti omnem Euangelij gloriam obruerent, uti diuina munera, nobis effuso Christi cruore donata, repellerent, tandem omnem in Christum fiduciam, omnem in Deum amorem ac pietatem eliminarent. Quod cum in multis ostentarunt, tum vel maxime in dogmate de Sacrosanctæ Eucharistiæ veritate. Quid enim boni sperarent homines ex illa manducatione Calvinistica? si incrementum iustitiæ, haberet sui iustas causas: si fidei accessum ac maiorem firmitudinem, nec inutilis prorsus ceremonia. Verum si ad nihil horum, quod superius ostendi, quicquam opis conferat, an non inanis ritus, an non Euangelio inepta indignaque? Solemne apud eos effatum æqualem in omnibus ex imputatione forinseca reperiri iustitiam: nihil proinde ad huius augmentum compendij adducet. Quod vero ad fidem spectat circa diuinas promissiones, qui rite accedit ad Eucharistiam, ex ipsorum sententia tam certus esse debet de sua accepta iustitia, ac quod Deus ipse existat, adeo ut hoc iurato affirmare audeat: ac plane sciat se non posse à fide animo concepta vnquam excidere, quam intelligit dependere à prædestinatione Dei in firmitudine.




Æne sua ac perenni-constantia, non ab vlla virtute Eucharistiæ.  
 Quorsum igitur elementa adiret panis ac vini, sine cuius vsu stat  
 salus, manet fides, nec possunt aliquando intercidere? Nos vero in  
 hoc mysterio minime sequuti iudicia sensuum: etenim scimus ho-  
 rum enunciata ac notiones illius veritati ac abstrusæ magnitudinî  
 aduersari, in istis minime edocendi ab hereticis, commentaria quippe  
 nostrorû Scolasticorû satis indicant, quam exacte vel ad philosophiæ  
 normam huius tanti doni naturam expendimus. Volumus autem,  
 idque omnino facere nobis stat sententia, ratiunculas humanas fidei  
 dimittere, eius assertis coercere: nolumus cum Iudæis ac hereticis esse  
 in diuinis duræ ceruicis: cruce Christi omnem mentis superbiam expug-  
 nauimus: in Ecclesia paruuli esse cupimus, quorum est regnum  
 celorum. Hoc Christi in nos imperium, hoc nostrum in nobisipsis  
 firmamentum. Sectarij si velint, lubrice & ambigue fluctuent in eo  
 salo, in quo spiritus seu procella spirat peruicacis arrogantis: nos vero  
 diuino chirographo confisi animis, eius verbo subacti, è supernis  
 statum altissimi ac diuinissimi Spiritus expectamus, qui nos in cur-  
 su fidelis illius obedientiæ firmos inuehat in portum beatitudinis.  
 Effectu sane pulcrum nobis videtur, simul ac summam Christi &  
 Euangelij estimamus gratiam, re ipsa ac solide nobis in cibum po-  
 tumque donari Christi corpus ac sanguinem: quorum largitione præ-  
 dicamus diuinam clementiam in nos plane effusam affectu paterno  
 imo longe acriori teneriorque. Hanc Dei nostri bonitatem animis  
 demirati, in ipsum amore etiam inardescimus, præclare pensantes tan-  
 tam eius beneficentiam, auidissimeque appetentes tanti conuiuij  
 opiparam dulcedinem. Proinde nos cura vrget districtissima, ne  
 scelere corpus temeratum, ne animum crimine violatum, myste-  
 rijs adhibeamus, in quæ ingerantur: sed nos ita accurate serua-  
 mus, ac si iam essemus Deo excipiendo consecrata tabernacula,  
 ac ipsius Sacraia. Scioprofundam hanc Reparatoris nostri humi-  
 litatem, quam inferius defixit ac depressit eius immensa in nos  
 charitas, refractoriorû hereticorum scommatibus obiacere & blas-  
 phemijs. Scelerati, cum pro tanto accepto munere gratias quas  
 possent maximas deberent benefactori Christo rependere, eius  
 redundantem largitionem habent contemptui ac ludibrio.  
 Quid? an non simili ingenio olim Gentiles Christum iocis asperse-  
 runt, ac risu prosequuti, quod illum affirmauimus clauetro virginis  
 conceptum, enixum, demum morte obita nostra crimina expiasse?  
 Quem nunc appellitarunt per deridiculum Deum paruum, nunc im-  
 potentem,



potentem, nunc esurientem, nunc precario victum queritantem, nunc lachrymantem, nunc fabri filium. Diſteria hæreticorum in Deum euibrata nos nihil mouent, ſcimus quonam ſpiritu agitantur, quorumque veſtigijs recta inſiſtunt. Ceterum orthodoxorum dogmata ( vti clariffime oſtenſum eſt ) virtutis integritatem ac morum candorem in ſingulis adſtruunt, Dei potentiam deprædicant, eius in nos beneficia collata amplificant, religionem deniq; ſtabiliunt, ac erga Numen amorem in nobis mirifice accendunt. Hęc idcirco veracia ſunt & diuina. Commenta hæreticorum falſa, vana, & impura æſtimanda, ableganda, quod & plenius in ſequenti libro inſtitutiones noſtræ comprobabunt.

*Secundi Libri finis.*




2-3-121



2-3-121

421








2-3-121

427




2-8-121




















516 5795 00

12